



3 1761 04494 5954



Heilagra Manna
SOGUR

Handbook of the School

NEW YORK

THE NEW YORK PUBLIC LIBRARY

ASTOR LENOX TILDEN FOUNDATION

1897

U573h 508

Heilagra Manna SÖGUR

FORTÆLLINGER OG LEGENDER

OM

HELLIGE MÆND OG KVINDER.

EFTER GAMLE HAANDSRIFTER

UDGIVNE AF

Carl Rikard
C. R. UNGER.


I.

UNIVERSITETSPROGRAM FOR FØRSTE SEMESTER 1877.

CHRISTIANIA.

TRYKT HOS B. M. BENTZEN.

1877.



Rechtschaffen Sitten

VERLAG VON F. V. G. L. G.

HEILIGE MÄND OG KVINDE



C. R. UNDER

CHRISTIANIA

THYTT HUS E. R. JENSEN

HEILAGRA MANNA SÖGUR.

I.

THE NEW YORK PUBLIC LIBRARY
ASTOR LENOX TILDEN FOUNDATION
1902

Y

Indhold.

I.

Agathu Saga Meyjar I	1—6.
« « « II.	7—13.
« « « III. Fragment	13—14.
Agnesar Saga Meyjar	15—22.
Alexis Saga	23—27.
Ambrosius Saga Byskups	28—51.
« Appendix, Fragment	52—54.
Antonius Saga	55—121.
Augustinus Saga	122—149.
« Appendix, Fragment	149—152.
Barbare Saga	153—157.
Benedictus Saga	158—179.
« Appendix, Fragmenter af Gregors Dialoger	179—255.
Blasius Saga	256—269.
« Appendix, Fragment	269—271.
Brandanus Saga, Fragment	272—275.
Ceciliu Saga Meyjar	276—297.
Crucis Legendæ, Origo Crucis	298—301.
« « Inventio Crucis, Fragment	301—308.
« « Flagellatio Crucis	308—311.
Dionysius Saga	312—322.

Dorotheu Saga	322—328.
Duggals Leizla	329—362.
Erasmus Saga	363—368.
Fides Spes Caritas	369—376.
Gregorius Saga	377—396.
Hallvarðs Saga	396—399.
Katerine Saga	400—421.
Laurentius Saga	422—432.
Lucie Saga	433—436.
Malcus Saga	437—446.
« « Appendix, Viðræða Líkams ok Sálar	446—473.
Margrétar Saga	474—481.
Mariu Saga Egipzku I.	482—495.
« « « II.	495—509.
« « Appendix, Fragment	510—512.
Marthe Saga ok Marie Magdalene	513—553.
Martinus Saga Byskups I.	554—574.
« « « II.	575—607.
« « « III.	607—642.
Mauritius Saga	643—656.
« « Appendix, Fragment	656—658.
Maurus Saga	659—675.
Michaels Saga	676—713.
« « Appendix, Pave Marcellinus.	714—716.

HEILAGRA MANNA SÖGUR.

AGATHU SAGA MEYIAR.

I.

(*Codex Holm. 2 folio*).

Her byriar upp sögu heilagrar Agathe meyar er þoldi písl ok dauda fyrir guds sakir.

Qvincianus Sikileyar iarll heyrði godan ordrom um Agatham dyrliga mey, er gudi var helgut, en hann leitadi margra rada, at hann mætti fæa hennar ok hugdiz mundu tignaz af því, at hann teingdiz vit tigna menn, þar er hann var sialfr lagr at burdum.

5 En Agatha mæ(r) var gðfug at kyni. En er saurlifr iarll leit girndar-augum a þessa ena gðfgu mey, þa leysti hann tauma fegirni sinnar til aura hennar ok eggjadiz svo æa diðfla blot af illzku sinni, at hann mætti eigi Kristz nafn heyra. Slikum endimum eggjadiz iarll þa, er hann let guds mey taka ok selldi hana hus-

10 freyio þeiri, er Afrodisia het, en su atti .ix. dætr oradvandar, sem modir þeira var fyrir. En þær leitudu manud allan at telia henne hughvarf, ok hetu þær henne stundum audæfum, en stundum ægdu þær henne píslum ok ætludu, at þær mundu hug hennar snua mega fra heilagri fyrirætlan. En hun svaradi þeim sva: «Hugr minn er

15 fastr ok uppsmidadr af Kristi, en ord yður eru sem vindar, ok heit yður sem regn, en ognir yðrar sem rennandi ær. En þott þessir lutir allir beri grundvöll hus mins, þa mun þat eigi falla, þvíat þat er smidat yfir stein.» Þetta mællti heilog mæR med tærum,

en hon var svo fus at taka pislir fyrir guds nafni sem þystr madr at drecka i solar hita. En er Affrodisia sa hug hennar fastan i tru, þa for hun til fundar vit iarlinn ok mælti svo: «Audvellðra er at bleyta stein eda iarn en at snua hug meyiær þessarar fra kristinni tru, þvíat ek ok dætr minar gerdum ecki annat manad 5 allan, nætr ok daga, en at telia fyrir meyiú þessi, at hun sneri hug sinum til ens betra ræds; ek het henne gulli ok silfri ok gimsteinum ok gullofaum klæðum, husum ok bæium ok mane, löndum ok lausafe. En sia mær trad allt þetta undir fotum ser sem saur ok virði einskis.» 10

Um grimd iarllzins.

2. Ða reiddiz Quincianus ok let Agatham leida fyrir domstol sinn ok mælti vit hana: «Hverrar kindar er þu?» Heilog Agatha svaradi: «Tiginna manna em ek, sva sem allt frændlid mitt 15 vottar.» Quincianus mælti: «Ef þu ert göfug ok tigin, fyrir hvi synir þu þik sem ambatt.» Hun svaradi: «Af því syni ek mik sem ambatt, at ek em ambatt Kristz.» Quincianus mælti: «Tighin sagðiz þu adr, hversu segizt þu nu ambatt?» Heilög mær svaradi: «Su er hin hæsta tign at þiona gudi.» Jarlinn mælti: 20 «Erum vær eigi tignir, er neitum hans þionostu?» Agatha svaradi: «Tign yður er svo ofrials, at þer erut eigi at eins synda þrælar, helldr þionit þer stockum ok steinum.» «I pislum skal allt heimta af þer, kvad iarlinn, þat er þu lastar gud yor. En þott þu fyrr segir en þu ser pind, hvi þu hafnar blotum godanna.» 25 Heilog Agatha svaradi: «Kalla þu þat helldr diofla engud, þvíat dioflar eru þat, sem þier giörit likneski eptir or eiri ok gyllit andlit þeira.» Quincianus mælti: «Kios þu nu um tvo kosti, annathvort ath þu sert pind mörgum pislum svo sem heimsk, eda þu blota sem spök ok þu hefir ætt til ok göfga gud war almattigh, þau er sann- 30 reynd eru. at guddomi.» Heilog mær svaradi: «Ver þu sem gud þinn Odinn, en kona þin slik sem Freyia gydia þin.» Quincianus reiddizt ok let beria hnefum i andlit henni ok mælti: «Lat af þu at mæla illt vit mik.» Agatha svaradi: «Þu sagdir gud þin vera sannreynd ath guddomi, ver þu ok þa sem Odinn, en kona þin sem 35 Freyia, at þit megit verða höfd i tölu godanna.» «Nu er synt, kvad Quincianus, at þu villt helldr vera pind, er þu endrnyiar illyrði þin vit mik.» Hon svaradi: «Undrumzt ek þat, er spakr madr skal vera olltinn i sva mikla heimsku, er þu kallar þat gud þin, sem þu villt eigi lif þitt eda konu þinnar þeim lata likt vera. Ef 40

gud þín eru god, þá bad ek þér gods, at þitt líf væri þeira lífi líkt, en ef þú rækir samlag þeira, þá mælum vit eitt bædi. Seg þú af því satt, ok kalla þau eigi gud, helldr enar verstu vættir, svo at þú bidir þat eitt þeim líkt verða, sem þú villt at bólvad se.» Qvincianus
 5 svaradi: «Hvat þarf nú orða vit, blota þú godum vorum, eða elli-
 gar man ek lata glata þér fyrir pislir.» Heilog Agatha svaradi:
 «Ef þú sendir dyr at granda mier, þá munu þau þegar sefamt, er
 þau heyra nafn Kristz, en ef þú vill mik í elldi brenna, þá munu
 einglar veita mér þarfsamliga dögga af himni. Ef þú lætr mik
 10 beria eða særa, þá hefi ek innan briostz helgan anda, þann er mik
 efir at fyrirlita allar kvalir þínar.»

Fra Quinciano iarli ok Agathe.

3. Þá let Qvincianus setja hana í myrkvastofu ok mælti:
 «Hygg at þú, Agatha, at idraz orða þinna, attu megir fordaz hræð-
 15 iligar kvalir, þær sem þér erut ætladar». Guds mæð svaradi:
 «Þú þíonn andskota, idraz þú helldr villu þínnar, attu megir fordaz
 eilifar kvalir.» Þá var heilog Agatha leidd glöð til myrkvastof-
 unnar, ok fór hun svo fúss til písla sem solttinn maðr til krasa, ok
 fal drottin ~~æ~~ hendi með bænum allan vilja sinn. En annan dag
 20 let Qvincianus leida hana fyrir dómstól sinn ok mælti: «Agatha,
 leidd þú nokkurum athuga heilso þína.» Hun svaradi: «Kristr er
 heilsa mín.» Jarlinn mælti: «Hversu leingi ætlar þú at hallda
~~æ~~ heimsko þessi? neita þú Kristi ok göfga god vor, at eigi glatir
 þú æsko þínni fyrir bitran dauda». Hon svaradi: «Neita þú helldr
 25 godum þínum, er gior eru or tré eða steini, en þú göfga sannan
 gud skapara þinn; en ef þú fyrirlitr gud, þá muntu liggja undir
 eilífum kvölum ok bruna.» Þá reiddiz Qvincianus ok let festa
 ena sælu Agatham í stagl ok pína. En er hun var þar pínd, þá
 mælti iarlinn vit hana: «Fyrirlattu þrægirni hugar þíns, at þú
 30 megir finna heillt ~~raad~~ líf þínu.» En hun svaradi: «Svo em ek
 fegin píslum þessum, sem sa maðr er frettir god tíðendi eða finnr
 þann mann, sem hann hefir leingi fúss verit ath finna, eða sa maðr
 er finnr fé í iorðu, þvíat eigi er hveitíð borit í kornhlöðu, að
 þat er hreinsat ok barit af halme, svo ma ond mín eigi inn ganga
 35 í paradís með sigri, nema líkami verði fyrr mæddr í píslum.» Þá
 let Qvincianus skera af henne briostin. Þá mælti heilög Agatha:
 «Þú enn grimmazti guds ovinnr, hvi skammastz þú eigi at skera

briost af konu, þar sem þu hefir sialfr sogit briost modur þinnar? En ek hefi heillt briost innan i önd minni, ok fædi ek þadan öll vit likama mins, þau sem ek helgada gudi allt fra æsko minni.»

Fra pisl heilagrar Agathe meyar.

4. Þa let Quincianus setia hana enn i myrkvastofu ok 5
bannadi ollum læknum at koma til hennar ok svo at færa henne fæzlu ok dryck. En er hun var þar byrgd, þa kom nockur gamall madr a midri nott, ok for fyrir honum sveinn, sa er lios bar, ok hafdi hann i hondum oll lækningar kyn ok sagdiz lækniir vera ok mællti vit Agatham: «Þott iarll pindi þik miök likamligum 10
pislum, þa kvaldir þu hann meir i svorum þinum, ok þott hann leti briost af þer skera, þa vard honum þo verra i sinu briosti, ok mun aund hans vera i harmi at eilifo. En ek var hia staddr, þa er þu vart pind, ok sa ek, at græda mundi mega briost þin, ef lækna*r* kæmi til.» Hun svaradi: «Alldri hafda ek likamliga lækning æ 15
likama minum, ok er mer liott at glata þvi nu, er ek vardveitta allt hingat til.» Enn gamli madr svaradi: «Kristinn madr em ek, ok kann ek lækning, ok þarftu eigi at ottaz mik.» Heilög Agata svaradi: «Eigi ottumzt ek þik ne skömmumz, helldr æ ek þer vel at þacka, er þu letz þer soma at bera æhyggiu fyrir mer; en 20
þat skalltu vita, at alldri mun likamlig lækning koma a likama minn, su er manna höndum er giör.» Enn gamli madr mællti: «Fyrir hvi villtu eigi, at ek græda þik?» Hun svaradi: «Þvi at ek hefi grædara drottin minn Jesum Kristum, þann er ordi einu endr bætir alla hluti, hann ma mik heila giöra, þegar er hann vill.» 25
Þa brosti enn gamli madr ok mællti: «Hann sialfr sendi mik til þin, ok em ek postoli hans, ok þat skalltu vita, at þu munt grædd verda i hans nafni.» En er hann hafdi þetta mællt, þa hvarf hann or augliti hennar. En hun fell a kne til bænar ok mællti: «Þackir giöri ek þer, drottinn Jesus Kristus, þviat þu mintiz min 30
ok sendir til min postola þinn at græda s*aar* min.» Ok voru þa heil briost hennar. En svo mikit lios var i myrkvastofunni alla nottina, at vardhalldzmenn hrædduzt ok flydu fra opinni myrkvastofunni. Þa mællto þeir vit hana, er i myrkvastofunni voru, at hon mundi brött fara. Guds mær svaradi: «Eigi er þat mitt r*æd* at glata 35
dyrd minni en selia vardhalldzmenn til bana, helldr mun ek halldaz i iatningu drottins mins, þess er mik græddi ok huggade.»

Vittal Quinciani ok Agathe.

5. Eptir .iiii. daga let Quincianus leida Agatham or myrkva-
 stofunni fyrir domstol sinn ok mællti vit hana: «Hversu leingi
 ætlar þu at þræz i moti bodordum konunga? blota þu godum, ella
 5 þu munt enn meir pind vera.» Heilog mær svaradi: «Oll eru
 ord þin tom ok raung bodord þin, þviat þau saurga þik sialfan ok
 gera þik vitlausan; hverr mun sva ær, at a stock eda stein muni
 kalla til hialpar ser en eigi a sannan gud, þann er mik græddi af
 ollum særum ok endrbætti briost mitt?» «Hverr græddi þik?»
 10 kvad Quincianus. Agatha svaradi: «Kistr sonr guds.» Jarll
 mællti: «Þorir þu enn at nefna Krist.» Guds mær svaradi: «Ek
 iati Kristi ok ek læt alldregi af ath kalla æ hann af ollu hiarta.»
 Þa let Quincianus dreifa hvossu grioti a glædr ok vellta þar guds
 mey æ berri æ griotino. En er þat var gert, þa vard landskialpti
 15 mikill, ok fell hofsveggr æ tvo vini iarllzins, þa er mest eggjodu
 hann til blota ok glæpa, annarr het Siluinus en annarr Valkomus,
 ok lomduz þeir. Þa hræddizt allr borgarlydr, ok runnu til husa
 iarllzins með þys miklum ok avitodu, er hann let guds mey
 pina grimmum pislum. Þa ottadiz iarllinn bædi landskialptann ok
 20 þys alpydu ok flydi or borginni, en hann let Agatham setia i
 myrkvastofu.

Um andlat Agathe.

6. En er heilög Agatha geck inn i myrkvastofuna, þa hellt
 hun hondum til himens ok bad til guds æ þessa lund: «Þu drottinn,
 25 er mik skapadir ok vardveittir mik fra æsko allt hingat til, ok tokt
 af mer veralldar æst, ok vardveittir likama minn fra saurgan, ok
 letz mik stiga yfir kvalir, bædi elld ok iarn, baund ok bardaga, ok
 veittir mer þolinmædis-kraþt i ollum pininghum, þik bid ek nu, at
 þu takir önd mina, þviat nu er su tid komin, at þu latir mik
 30 skiliazt vit verolld þessa ok koma til þinnar miskunnar.» En er
 hun hafdi þetta mællt, þa let hun önd sina. Ok er kristnir menn
 frago andlat hennar, þa skundudu þeir þangat ok toku i brött
 likit ok lögdu i nyia steinþro ok smurdu dyriligum smyrslum. Þa
 kom nøckur ungr madr silkiklædum skryddr, ok fylgdi honum
 35 meir en .cc. fagrskryddra sveina. Þetta lid hafdi eingi sed adr ne
 sidan. Sia enn ungi madr kom til, þar sem likami heilagrar Agathe
 var grafinn, ok lagdi tabulo or marmarasteini hia höfut(!) henni i
 graufinni. En þessi ord voru þar ritod æ: Heilagt hugskot sialfvil-

ianda gaf veg gudi ok lausn fostriardar. En þat er svo at skilia: sia mæR hafdi heilagT hugskot sialfviliandi ok gaf veg gudi en audladiz lausn fostriardar. En er aptr var lokin grauf Agathe, þa for inn ungi madr i brótt med lidi sinu, ok var hann hvergi sidan senn ne spurt til hans i því heradi; af því ætlum vær, at eingill guds 5 hafi þar verit. En hverr sagde odrum, er sá rit þetta, ok feek þat mörgum mikillar ahyggiu, ok toku allir at göfga grof heilagrar mey(iar).

Um dauda Kvinciani Iarllz.

7. En er Quincianus frá andlat heilagrar Agathe, þa let hann 10 leita at audæfum hennar ok villdi klanda frændr hennar, en guds hefnd fyrirfor honum i æ þeiri er Semitheus heitir. En svo bar at því, at hann for æ skipi, en hestar tveir gerduzt odir, ok drap annar iarllinn, en annar beit hann ok kastadi honum utan bordz, ok fanz alldregi lik hans. Þa giordiz hræzla mikil yfir heidnum monnum 15 ok um gaufgan vit guds mey, sva at eingi þordi sidan at granda frændum hennar. En til þess at ritningh su fylltiz ok sannadizt, sem eingill guds hafdi sagt æ þeiri tabulo, er hann hafdi laght i grauf heilagrar Agathe, þa kom elldr upp i Sikileyiar fialli, því er Eth(n)eus heitir, ok rann elldrinn svo sem straung æ fra fiallino 20 ofan til borgarinnar Catanensium. Annan vetr enn næsta eptir, er hin helga Agatha hafdi pind verit, þa flydu heidnir menn fra fiallinu ok komo til leidis Agathe ok toku tialld þat, er breitt var yfir graufina, ok settu þat i mot elldinum; en hann nam þegar stad æ sömu stundu. Sia elldr hofzt i upphafi manadar Februarij, 25 en hann stodvadiz a .v.^{ta} degi þess manadar, en þat er pislardagr heilagrar Agathe, at lydrinn mætti þat skilia, at þeir væri leystir fra elldi af hennar bænum fyrir drottin vorn Jesum Kristum son guds, þann er m(ed fe)dr ok helgum anda lifir ok rikir gud almattigr um allar alldir allda. Amen.

30

i því Cd.

II.

(Codex 233 folio).

Her byriar upp soghu sellar Aughattu meyar.

Kvincianus Sikileyar iarl fretti goða siðu heilagrar Agathe meyar ok leitaði á marga vega við þat at na henni, þvíat hun
 5 var auðig ok ættstor, en hann var fegiarn ok veggiarn en litils kyns, ok þotti hann þo vera gófgum mönnum æðri af velldi því, er hann hafði ok honum var gefit allra helldz i gegn kristnum mönnum. Hann var blotmadr mikill ok villdi eigi heyra Kristz nafn; af því let hann taka Agatham ok selldi hana blotkonu þeiri er Afrodisia het. En
 10 hun atti dætr .ix. óráðvandar, sem hun var sialf. En þær leitudu við þat eitt manat allan at snua hug Agathe fra guðs fyrirætlan, ok hetu henni stundum auðæfum, en stundum ægdu þær henni pislum. En hun svaradi þeim sva: «Hugr minn er styrkr ok eflr af guði, orð yður þikkir mer sem vindr, ok heit yður sem regn,
 15 ok ognir ydrar sem el; ok ma hus mitt eigi falla fyrir þessum lutum, þvíat þat er timbrat yfir stein.» En heilug mæ (var) svo fus til pislar fyrir guðs nafn sem soltinn vargr til braða eða soltinn maðr til goðra krasa, eða þyrstr til drykkjar, sa er vinnr erfiði i solar hita. En er Afrodisia sa hug hennar stadfastan i
 20 tru, þa for hun til iarls ok mælti til hans: «Auðvellðra er at bleyta steina eða iarn, en at snua hug hennar fra Kristi, þvíat ek ok dætr minar gerðum þat eitt manat þenna at lokka hug hennar, at hun leti at nyttsamligu ráði voru; ver færðum henni gull ok gimsteina ok gullofvin klæði ok goðan husbuning, ok þar med het ek
 25 henni löndum ok lausum aurum ok manni med allzkonar auðæfum; en hun trað þat allt undir fótum ser ok allar kenningar vorar.»

2. Þa reiddiz Kvincianus iarl ok let leida sæla Agatham fyrir dómstol sinn ok spurði hana, hvers kyns hun væri. Hun svaradi: «Tiginna manna er ek, ok allir frændr minir.» Jarl
 30 mælti: «Fyrir hvi synir þu þik sva i siðum ok buningi, sem þu ser ambatt, ef þu ert frials ok tigin?» Heilug Agatha svaradi: «Ek er ambatt Kristz.» Jarl mælti: «Fyrir hvi segiz þu nu ambatt, en aðan sagdir þu, at þuu værir tigin ok frials?» Agatha svaradi: «Su er en hæsta tign at þiona Kristi.» Kvincianus mælti:
 35 «Erum ver eigi tignir, er neitum hans þionostu.» Sæl Agatha svaradi: «Tign yður er svo ofrials, at þer goriz þrælar stokka

ok steina ok þionar synda.« Kvincianus mælti: «Pislum skal hefna þer, er þu lastar goð vór; en þu seg, adr þu komir til pinsla, fyrir hveria skyllð þu hafnar at blota heilug goð vór?» Blezut Agatha svaraði: «Kalla þu eigi þat gud vera, helldr diofla likneski, er þer gerit or grioti eða malmi.» Kvincianus mælti: 5 «Vel þu um þann kost, er þer þikkir villdri, annat tveggia at vera pind morgum pinslum sva sem heimskir menn, ella ver þu vitr, sem þu att kyn til, ok blota goðum vorum almatkum, þeim er sannr guðómr synir þau guð vera.»¹ Heilug Agatha svaraði: «Undrumz ek þat, er þu skalt voltinn i svo mikla heimsku, at þer þikkir þat illyrði vid þik mælt eða konu þina, þott ykkir se vid þau iafnat gud þin, er þit dyrdkit. Ef goð þin ero goð, þa vænta ek þer goðs, at þitt lif væri þa sem þeira; en ef þu ræktir samlag þeira, þa mælum vid bæði eitt.» Þa mælti Kvincianus: «Eigi þarftu at tala fleira, blota þu goðum vorum, eða ella mun ek lata 15 bana þer.» Sæl Agatha svaraði: «Eighi ottumz ek pinslir þinar, þviat ef þu sendir olm dyr at mer, þa munu þau stoðvaz, þegar þau heyra Kristz nafn; en ef þu kastar mer i elld, þa senda englar mér dögge af himni; en ef þu ognar mer pislum eða bardogum, þa hefir ek innan briostz helgan anda, fyrir þann mun ek yfir 20 stiga allar kvalar þinar, ok sva þar med sialfan þik.»

3. Kvincianus mælti: «Hygg at þu þer, Agatha, ok iðraz orða þinna, at þu megir forþaz pislir ok fá miskunn af mer.» Heilug Agatha svaraði: «Iðraz þu helldr synda þinna, at þu megir forðaz eilifa kvol.» Þa let Kvincianus leiða hana til myrk- 25 vastofu. En hun for þangat fagnandi ok fal hag sinn gudi æ hendi med bænum sinum. Annan dag eptir let Kvincianus leiða sæla Agatham or myrkvastofunni ok mælti sva við hana: «Hvart hyggir þu enn eigi at heilsu þinni?» Heilug Agatha svaraði: «Heilsa min er Jesus Kristr sonr guds lifanda.» Kvincianus 30 mælti: «Neita þu Kristi ok lut goðum vórum almatkum, at eigi tynir þu lifi æsku þinnar.» Sæl Agatha svaraði: «Neita þu bolvudum tregöðum þinum ok göfga sannan guð, almatkan skapara allra luta, ella fyrirferz þu i elldi eilífs bruna.» Þa reiddiz iarlinn ok let festa hana i stagl ok beria lengi ok mælti sidan við hana: 35 «Fyrirlat þu villu þina ok þragirni hugar þins, at þu megir lif hafva.» Heilug Agatha svaraði: «Svo glediumz ek i þessum pislum, sem sa er fregnir goð tíðindi, eða sa er mikit fe finnr i iordu; ok sva sem korn er eigi borit fyrr i byggghlaudu, en þat er

¹ Her er noget udeladt, se ovenfor 2³¹ – 3².

aðr barit af halmi, sva ma ok eigi með sigri ond min inn ganga i paradisum, fyrr en likamr minn er þíaðr i pinslum.» Þá reiddiz Kvincianus iarl ok let slita briost af henni með iarnkrokum. En heilug Agatha mælti þá við Kvincianum iarl þessum orðum:
 5 «Heyr þú enn grimmi guðs ovin ok þræll syndanna, fyrir hvi skammaðiz þú eigi at sníða þat holld af konu, er mofir þín let þik suga i barnæsku? En ek hefir heilt briost i önd minni, ok fæði ek þadan oll likams vit min guði til handa.»

4. Þá let iarl setia hana enn i myrkvastofu, ok var engum
 10 lofat at koma til hennar at færa henni fædu ne drykk, ok engum lækni. Var hun þar læsthia þeim, er þar voru aðr fyrir til dauda ætladir. En á midri natt kom til hennar i myrkvastofuna elldiligr madr, ok bar sveinn einn lios fyrir honum, ok mælti til hennar: «Ek er lækni, ok var ek hia þer i gær, er iarl let pina
 15 þik at likam ok skera briost af þer; en þó kvaldir þú hann meirr i svörum þínum, ok sneriz briost hans i eilífan sárleik ok önd hans i elldligar kvalar ok endalaust frost, þar sem eitormar munu bita ok slita með helvitis hundum ok höfðingjum hann i sundr. En ek veit, at sár þín ma græða.» Agatha svaradi: «Alldri
 20 hafða ek iardliga lækning á likam mínum her til, ok því er mer ofallit at hafa heðan af.» Hinn gamli maðr mælti: «Kristinn em ek, ok kann ek vel alla lækning, ok þarftu eigi at hræpaz mik.» Sæl Agatha svaraði: «Þakka ek, drottinn fadir, at þú rektir guðligt bodorð ok syndir manndom ok milldiverk
 25 við mik, en vita skaltu þat, at alldri kemr su lækning á likam minn, er manna hondom er gior.» Hinn gamli madr mælti: «Fyrir hvi lætr þú mik eigi lækna þik?» Heilug Agatha svaradi: «Ek hefir græpara drottin minn Jesum Kristum, þann er alt græðir með einu orði, hann ma mik heila gora, þegar hann vill.» Þá
 30 brosti hinn gamli madr ok mælti til hennar: «Hann sialfr sendi mik til þín, þvíat ek em postoli hans, ok skaltu i hans nafni taka heilsu þína ok bot allra sára þinna.» En er hann hafði þetta mælt, þá leid hann til himins frá ögliti hennar. En heilog Agatha hóf sína bæn til gufs á þessa lund: «Þakkir gori ek þer, eilífr
 35 guð drottinn minn Jesus Kristr, er fyrir ounræðiliga milldi þinna miskunnsemda virðiz þú at senda til mín postola þinn at styrkia mik ok græða sár mín; þer se eilíft lof ok dýrð með feðr ok helgum anda, einn lífandi guf um allar alldir allda.» En er hun hafði bæn lokit, þá voru briost hennar groin ok oll sár hennar.
 40 En sva mikit lios var yfir henni um nöttina, at myrkvastofu-

verðirnir flyðo brott fra henni opinni. Þá mæltu þeir, er þar voru, at hun skyldi fara brott ok forða sér. En heilug Agatha svaradi þeim sva: «Eigi vil ek selia þa til dauda, er min skylldo geymt hafa, ok glata sva dyrð minni, helldr mun ek vera staðföst i þess tru ok krapti, er græddi oll sár mín med helgu orði sinu ok hugg- 5
adi mik i almætti guddoms sins, drottinn minn Jesus Kristr.»

5. En eptir fíora daga lidna þadan þa let Kvincianus iarl leida hana fyrir dómstol sinn ok mælti svo við hana: «Hygg at þu, Agatha, heilsu þinni ok blota goðum vórum almatkum, ok þraz eigi moti mer, at þar fyrir tapir þu heilsu þinni ok lifi ok þolir 10
hedan af meiri kvalar en fyr.» Heilog Agatha svaradi: «Aull ero bodord þin ok orð ónyt ok rangir domar þinir, þviat þeir saurga þik ok draga til helvitis, eða hvern mun svo ærr vera ok vitlauss, at hann heiti til hialpar sér æ stokka eða steina, eða hvern mun svo fiar- lægr allri skynsemi, sa er deili veit æ skapara sinum ok kennir satt lios, 15
at hann mun ganga myrkra götu sva afskapliga, at hann mun dyrðka greylig goð þin, er gior ero manna höndum eptir hinum verstum monnum, er verit hafa i heiminum, er æ allan hátt voro fullir af diðfulligum golldrum ok görningum ok þar med af allzkonar fullifnaði ok hordómum, morðum ok odaðaverkum, er auðfundin munu 20
verða i þeira lifssögum, meðan þau voro her i heimi i sinum baulvuðum likomum. En eptir þeira skemdarfult lif foru þau til helvitis ok brenna þar ok friosa med diðflinum ok hans árum, ok allir þeir er þau dyrðka, utan enda; en þau mega hvarki biarga sér ne öðrum, helldr voro þau eptir dauðann blotut ok mögnut af 25
vóndum mönnum ok diðfuls krapti til fyrirdæmingar eilifrar sialfum þeim ok öllum þeim, er þeim treysta. Eða hygg þu, hinn grimmi guðs ovin, at ek muna sakir reidi þinnar eða fyrir ognir pislá þinna eða fyrir nöckurskonar bliðmæli orða þinna gefa upp ast ok traust drottins mins Jesu Kristz, er bæði er guð ok madr, sa er 30
sér let sóma at græða mik af öllum sarum ok endrskapadi briost min fyrir dyrð heilags nafns sins, at oll veralldar bygðin viti efalaust engan annan vera sannan guð, allra luta skapara ok lausn- nara ok grædara, lifanda ok rikianda utan enda, amen.» En er heilög Agatha lauk sinni ræðu med sniöllum framburð ok svo 35
miklum guðs krapti, at allir undruduz er hia voro, þa bra Kvincianus sva við, at allan lit dro or andliti hans, ok megin likama hans minkadi sva, at varla gat hana setið upp, ok engu orði gat hann svarat, þa er heilug Agatha sannyrði goð hans, ok nær var alt skynsemdar vitit fra honum. En er hann retti við svo sem 40

af þungu omegni, þá rann svo reiðin um allan líkama hans, at varla þoldi hann kyrr, ok líkligt mundi þíckia, at blóðit mundi ut springa um heilt skinnit. Ok í fyrstu skalf hann sem af ofrkulda, er hann hóf ræðu sína æ þessa lund: «Heyr þú, hin aumazta
 5 kona, er með ógurligum orðum hefir felld æ þik allra goðanna reiði ok mína, ok þar fyrir skaltu þola allar þær þislar, er ver megum þér fá. Ok þó fáom ver eigi hefnat goðanna æ þér, þótt þú hefir hundrat líkama, ok hundrat sinnum væri hverr þeira hinum hörduztum þislum til dauða þindr. En þó seg þú
 10 að þú þolir dauða þislar, hvert goðanna þik hefir sva guddomliga læknað.» Sæl Agatha svaradi: «Kristr sonr guðs lífanda læknaði mik, en eigi góð þín onyt ok skemðarfull.» Kvincianus mælti: «Þórir þú enn at nefna Krist ok kalla hann guð?» Agatha svaraði: «Kristi iati ek með mínum munni ok af öllu hiarta mínu.»
 15 Þá tok Kvincianus at æðaz af reidi, ok lét fletta hana klæðum ok kasta henni æ hvast griot ok draga hana um brennandi ellda ok glæðr ok þrýsta heini þar æ ofan með iarnstöfum ok rífa sundr hölld hennar með iarnkrokum. En er hun var sva hormuliga þind, saung hun lof gudi. Þá kom landskialpti mikill, ok fell
 20 hófs vegg æ tvo höfðingia iarls, þá er grimmaztir voro ok mestir vinir hans ok ráðgjafar, het annarr þeira Silvinus, en annarr Fálkomus, ok lömduz allir ok dó illum dauða. Þá kom mikill ótti ok hræzla yfir allan borgarlyð við landskialptann, ok fóro með miklum þýs til iarls ok avitúðu hann um þat, er hann lét þína guðs
 25 ambatt.

Þá hræddiz iarlinn bæði landskialptann ok þýs lýðsins, ok flyði hann undan, en þó lét hann kasta Agatham í myrkvastofu. En er hun kom þar, hélt hun höndum upp til himins ok bað til guðs fyrir sér æ þessa lund: «Heyr þú, almáttigr guð allra luta
 30 skapari, fadir drottins Jesu Kristz, er með hans dauða dreyra leystir alt mannkyn af diöfuls valldi; heyr þú, drottinn minn Jesus Kristr lífandi guðs son, verandi með eilífum feðr sannr guð fyrir allar veralldir, sa hinn sami er virðiz at taka í enda veralldar æ þinn oskaddan guðdom dauðligan líkam ok þrælsligan manndóm af hinu
 35 hreinazta hölldi iungfru sancte Marie þinnar helguztu modur, ok letz frá henni beraz í þenna heim sannr guð ok sannr maðr; heyr þú heilagr andi, almáttigr guð af fedr ok syni framfarandi samiafn ok sameilifr í guddomi feðr ok syni, einn guð osundrskiptiligr í guddoms velldi, en sundrgreindr í þrímr personum,
 40 heyr þú, heilug þrenning (ok) sönn einingh, er mik skapadir af

dusti iarðar ok leiddir mik ut af kviði moður minnar lifgandi mik med ablēstri siaufalldra heilags anda gipta, þu er hreinsadir mik af synd hins fyrsta mannz ok lærdir mik lifs götu at ganga, ok hlifdir mer við ollum diöfuls vælum, ok styrktir mik i hverri freistni, ok letz mik yfirstiga elld ok iarn, bönd ok bardaga, þu 5 er fra mer skilðir heims elsku alla ok saurgan likams, ok veittir mer sanna ast ok þolinmædi i þislum, bið ek þik, drottinn minn, at þu miskunnir þeim ollum, er mitt traust sækia ser til bæna fultings, ok ver þeira minnigr i sinum naudsynium, er mik dyrdka i þinu nafni, hveria velgerna er þeir gora. Enn biðr ek þik, 10 guð minn, at þu takir nu anda minn or likam ok sendir helga engla þina moti salo minni, at þeir færi hana til þinnar miskunnar i hvíld heilagra. « En er heilog Agatha hafdi bæn lokit, þa leid hennar blezaða önd brott af hennar likama med sva mikilli dyrð ok ilm, at allir er hia voro þottuz i paradiso komnir. Þar 15 med fylgði sva mikit lios, at allir heidnir menn þorðo eigi móti at sea, en heyrdur þeir elskuligar raddir i loptit upp syngiandi lof guði, en eptir þriar stundir lidnar fra andláti hennar leið þat hit himneska lios upp i loptit. Ok er af leið mannligr otti, þa komu kristnir menn ok lögdu likam sællar Agathe i steinþro nýia ok 20 smurðu dyrdligum smyrslum. En er þeir stodu yfir liki hennar med harmi, þa kom þar einn ungr maðr dyrdligr at æliti i silki-klæðum gullskotnum, ok fylgðu honom meirr en hundrat sveina tiguliga bunir, kurteisir ok skryddir hvítum klæðum; þeim fylgdi dyrdligr ilmr. Sa hinn ungi maðr gekk högliga at fram ok lagði 25 i steinþrona hia liki sællar Agathe tabolu af marmarasteini gorva. En æ henni var sva ritat: heilagr hugr gaf sialfviliandi veg guði ok lausn fostriarþar. En er aptr var lokit steinþronni, for hinn ungi maðr brott med alla sina sveina, ok sæaz hann alldri i Sikiley hvarki adr ne sidan, ok hyggia menn, at englar guds hafi þetta 30 verit. En ritning sea fekk morgum manni mikillar æhyggiu, hvat þyða mundi, bæði kristnum ok heiðnum ok gyðingum, ok sneruz margir til rettrar tru, ok gerðiz bænastaðr mikill at leiði sællar Agathe.

6. En er Kvincianus iarl for at spyria at aurum ok eignum, 35 þeim er heilug Agatha hafdi átt, ok villde undir sik taka en pina frændr hennar, er kristnir voro, þa for hann einn dag æ skipi yfir æ þa er Simitheus het. Þa bituz hestar .ii., ok slo annarr Kvincianum iarl til bana, en annarr beit ok kastaði honum utan borðz æ diup árinna, ok sokk hann þar niðr ok fannz alldri síþan, ok 40

heyrðu menn i ána niðr diðfulliga blistran med ópi ok gny, þa er lik iarls sök niðr, ok tok vatnit at vella, sem i katli væri, um þriar stundir dags. Þa varð otti mikill ok hrædzla yfvir heiðnum mönnum, ok þordo engir nær at koma at gera mein eða grand
5 frændum blezadrar Agathe.

En til þess at ritning su fyllidiz, er engill guðs lagdi i gróf hia höfði sællar Agathe, þa kom upp elldr i fialli því, er Ethneus heitir, enn næsta vetr eptir pisl hennar litlu fyrir andlatzdag hennar, ok rann elldrinn til borgar Katanencium sva sem rennandi (á).
10 Þa flyðu heiðnir menn med ogurligri hræzlu fra fiallinu. Ok nokkurir af þeim foro til grafar sællar Agathe ok toko tialld af leiði hennar ok baru a mot elldinum, ok nam hann þegar staðar ok rann aptr i sinn stað ok gordi engum manni mein meira, en aðr var vorðit. En upp fra þeim degi þróadiz guðs kristni i Sikiley, en ótrua
15 heiðinna manna skammadiz, ok leysti drottinn lyd sinn af ofrgangi elldz ok allzkonar meinum ok sottom fyrir bænir ok verðleika sins ægiæta pinslarvottz sællar Agathe meyar, er fyrir hans nafni þoldi pinsl ok dauda þrim nottum eptir kyndilmessu at rikianda drotni vorum Jesu Kristo, er med feðr ok helgum anda lifir ok rikir
20 einn guð um allar alldir verallda. Amen.

III.

(Bladfragment i norske Rigsarkiv af en i første Halvdel af det 14de Aarhundrede i Norge skreven Membran.)

Forsiden.

25 storom ok vnytum orðom. Hon svaraðe: Han kvæðr guð sin vera þau sem enghi guðdomr fylghir. Vere hussprøya hans sua sem Frigg gyðia hans, sialfr se han sem Oðen guð hans. Kæisaren ræiddiz þa myok ok bauð mœyna hupp hengia ok hyða ok fastlegha pina. Meðan er þeir barðu hana ok bundu, þa mælte Quin-
30 cianus viðr hana: Latt laust villu ok þralyndi hughskoz þins, tapa eighi lifui þinu eða ælsku. Sancta Agatha suaraðe með þessom

orðom: Ego in hiis penis ita delector, sicut qui bonum nuncium audit, aud sicut qui videt que diu desiderat, aut qui invenit tessauros multos. Ek em þessom pinslum sua fæghin sem sa, er hœyrir goð tíðindi, eða hin er þet serr, er lenghi hæfir han langhat till, eða ællaghær sa er finnr faghrar fehyrslur. Sua em ek þeima likaml(egh)um 5 pinslum feghin, þui at mik hefir lenghi till þeira langhatt. Sua sem huæiti kom yör at beiria i lafuanom aðr en saðen skiliz fra þi, sua [hit sama] ma min sall æi fyr in gangha i paradisum drotens mins

Bagsiden.

munnt hiolp ok hæilsu þa er þu villt [at ek græða þik. Agatha] 10 saghðe: Medicinam carnalem corpori meo numquam exhibui, set abeo dominum Jesum Cristum qui solo sermone restauret vniuersa. Þet er sua at mælla a noreno tunnghu: likamlegha læknenngh væitta ek en aldri likame minum ok er liott mer at tapa þui nu er ek hæifi allan aldr giætt. Þa saghðe hinn gamble maðr: Cristianus ego sum 15 et medicinam noui, noli me vereri. Ek em ein kristin maðr ok kann ek vel lækessdomm, ræz mik æi. Sancta Agatha svaraðe: Þakker gere ek þer, goðe maðr, at þu vyrðiz at gera þik sorghmoðan firir minar sakar. En þet skalt þu vita, at likamlegh læknennng skall aldri nallgaz likamme minum. Þa mælte hinn goðe maðr till 20 hennar: Hui villt þu ei at ek lækne þik? Hon suaraðe: Þui at ek heifi drotenn min Jesum Crist, sa er mik ma lækna með sinu einu orðe, briost mitt ok spena hæilla gera. Sa hin gamble maðr mælte þa at henne [brosande: sialfr han] sendi mik hengat till þin, ok ek em hans

AGNESAR SAGA MEYIAR.

(*Cd. Holm. 2 folio, A; Cd. 429, 8vo, B; Cd. 235 folio, kun Begyndelsen; Fragm. 238 folio; Cd. 233 folio, kun Slutningen.*)

Her hefr upp sögu heilagrar Agnete meyar.

5 Ambrosius byskup þræll þræla guds sendir qvediu helgum meyum. Wær hölldum hatidardag ennar helguztu meyar [med salnum ok guds lofi. Gledez flokkar lyða ok fagni Kristz ólmósúr, fögnum vær allir med drotni, ok minnumzt, hversu þind var en helgazta Agnes; a enum þrettanda vetri alldrs sins glatadi
10 hun dauda ok fann lif, þviat hun elskadi skapara lifs; ung var hon at alldri en alroskin at síð, faugr at aliti, en fegri at síðum ok tru. Borgargreifa son hafði uppi ord sin ok bað hennar, ok het hann morgum fridendum bæði henne ok frændum hennar ok syndi henne dyrliga gripi. En in heilaga Agnes fyrirleit þat allt ok
15 trad undir fotum sem saur. Þá ætladi enn ungi maðr, at hun mundi betrigersimar vilja, ok hafði med sér gull ok gimsteina ok allzskyns fagrendi, ok het henne löndum ok lausum aurum, mane ok allzkyns heims audæfum, ef hun neitti eigi samföör vit hann. En hun svaradi honum æ þessa lund: «Far þu fra mer, dauda
20 matr ok synda föðr, þviat ek er elskut af öðrum unnanda, þeim er mer færði miklu betri audæfi ok vedmællti mik med fingrgulli tru sinnar, ok þer göfgari er at öllu kyni ok at allri tign; hann skryddi mik ousmæðiligo skrudi ok pryddi hals minn dyrligum menium; skryddi hann mik gullofnum mautili ok valdi mer ena biortuztu gimsteina;
25 sitt mark setti hann yfir andlit mitt, ath ek þyddumzt eingan annan unnanda nema hann; syndi hann mer ousmæðilig audæfi, þau er hann het at gefa mer, ef ek væra stadföst i ast vit hann. Af því ma ek eigi giöra i mot enum fyrra unnanda ok þeckiazt annan en fyrirrita þenna, er ek hefi nu ast vit lagt, at hans kyn er göfgara ok
30 mattr styrkari, asiona fegri ok ast unadsamligri ok [öll dyrd

1 [Agnesar, ok minnumzt hversu hon var þind 235.

kiaurligri. ¹ Minn likami er samteingdr hans likama, ok eigum vit bædi brudhvilu saman; hans meyar skemta mer dyrligum sǫngum, af hans munni tok ek ² hunang, ok hans blodi eru roðnar kinnr minar, ok ek em halldin af hans fadmlagi. Hans modir er mæ, ok hefir fadir hans eigi konu atta. Þeim em ek föstnud, ⁵ sem einglar þiona, hans fegrð undraz sol ok tungl, af hans ilm endrlifna daudir, ok af hans atöku styrkiaz siukir, hans audæfi spillaz alldreghi ne þverra; honum einum vardveiti ek tru mina, ok hǫnum felumzt ek æ hendi af ollu hiarta ok med ollum alhuga; þa em ek hrein, ef ek ann honum, ok þæ mæ, ef ek fylgi ¹⁰ honum.

Fra greifa syne.

2. En er enn ungi madr heyrdi þessi ord hennar, þa vard hann feinginn af blindri æst ok kvaldizt i sorgum hugar ok likama, þar til er hann lagdiz i reekiu af, ok sogdu læknar, at ofrast ¹⁵ kveldi hann. En er fadir hans fra þat, er læknar sǫgdu, þa bar hann upp en somu ord at bidia meyarinnar, sem sonr hans hafði mællt. En hin heilaga Agnes syniadizt ok kvadz ³ alldri vilia slita ast⁴ vit enn fyrra unnanda sinn. Þa tok Simphronius greifi ath spyria, hverr unnandi hennar væri, sa er hun hrosadi hans ²⁰ mætti. En þeir voru, er honom sogdu, at hun var kristin ok kalladi Krist unnanda sinn. En er greifinn vard þess viss, þa sendi hann þegar hirdmenn sina [med styrk miklum ⁵ eptir henne, ok var hun leidd fyrir domstol hans, ok kvaddi hann hana fyrst med blidum ordum en sidan ognarmalum. En Kristz mæ, tældizt ²⁵ eigi fyrir blidleik hans, ok eigi hræddizt hon ognir hans, hellðr var hun med enum sama hug ævallt ok enu sama aliti ok hlo at honum, hvort sem hann var reidr eda blidr i hugum. En er Simphronius greifi kastadi a glæ ollum ordum, þeim er hann mællti vit guds mey eda vit frændr hennar, þa let hann leida hana fyrir domstol ³⁰ sinn i annat sinn ok mællti [við hana⁶: «Eigi mattu hlyda rettu ræði ne nidr leggja pragirni briostz þins, nema þu skilir fyrr fra þer breytai kristinna manna, þeim ⁷ er þu hrosar ath þer hafi kent fiolkyngi; af því er þer naudsyn at gaufga Gefion gydiu vora, attu sert undir hennar trausti ok i hennar þionostu nott ok dagh, ef ³² þer likar at hallda meydumi [ok hreinlifi ⁶.

¹ [at öllu dyrligri 235. ² Her shutter 235. ³ kvødz A; segiz B. ⁴ astum B. ⁵ [miklum styr ok reidi B. ⁶ [tilf. B. ⁷ þeira B.

Fra Agnes ok Simphronio greifa.

3. Heilög Agnes svaradi: «Ef ek syniudumz syni þinum lifanda manni, þeim er skilia maa skynsemi, ok heyra maa, sia ok ganga, ok kenna sin, ok niota godra hluta þessa heims, ok eigi villða ek til hans lita fyrir astar sakir vit Krist, hvi mega ek þa göfga skurdgod andlaus ok vitlaus, ok gera þat i mot enum hæsta gudi ok luta stockum eda steinum.» «Heillt rað villdag kenna þer, sagði Simphronius, ok sit ek þer af því gudlaстан, at ek se allðr þinn minna en hyggendi¹.» Heilaga Agnes svaradi: 10 «Hird eigi þu at fyrirlita æsku mina, svo at þu hyggir mik rækia, hvort þu ert reidr eda blidr i hugum, þvíat gud virðir menn meir at hugskoti ok tru en at alldri. En ef þu varar mik vit reidi goda þinna, þa lattu þau sialf reidazt ok sialf sitt erendi reka, hefni þau sialf sin, ok bodi sialf, at þau se göfgut. En ek se, 15 attu leitar þess vit mik, er þu munt alldri faa, af því gerdu þat, er þer er i skapi.» Simphronius mælti: «Nu skallt þu kiosa um tvo kosti, annattveggia at blota Gefion gydiu vora med meyum odrum til [lofs astarmanna þinna², eda þu munt selld med portkonum til saurlifs ok til skemdar [kyns þins³, ok munu eigi kristnir 20 menn mega efla þik, þeir er þer kendo fiolkyngi, þa er þu treystiz, at þu megir fordazt þessa meingerd.» Agnes svaradi: «Ef þu vissir, hverr gud minn væri, þa mundir þu eigi þetta mæla; en þar sem ek veit krapd drottins mins Jesus Kristz, þa fyrirlit ek ðrugg ognir þinar, ok trui ek því, ath ek mun eigi blota skurdgod þin ok 25 saurgazt af annarra syndum, þvíat eingill guds er med mer ok vardveitir likama minn, ok sonr guds, sa er þu kant eigi, hann er mer borgarveggr oyfirstigligr ok vordr, sa er alldregi sefr, ok hlífiskiolldr, sa er alldregi þrotnar. En god þin, er af eiri eru giðr, þa væri þar nytri ker [or giðr⁴ til gagns monnum, eda ef 30 þau eru or steini, þa væri betra stræti þilit med þeim, at eigi vadi menn leir, þvíat guddomr er æ himnum en eigi i steinum, ok helldr i loptriki en i malme. En þu ok þer likir, ef þer latid eigi af blotum þeiras⁵, þa mun ein pisl yfir ydr luka, þvíat svo sem þau [eru blasin i elldi, at þau verði⁶ smidut, svo verða ok göfg- 35 anarmenn þeira saman brendir i eilifum elldi, eigi til þess at þeir verði smidadir, helldr til hins at þeir kveliz ok farizt æ ok æ.

1 alroskins mans B. 2 [hialpar ættmonnum þinum B. 3 [kynsmonnum þinum B. 4 [tilf. B. 5 ydrum B. 6 [blasaz saman i elldi, þa er þau eru B.

Fra Agnes ok eingli guds.

4. Þá reiddizt greifinn ok let guds mey færa or fötum ok leida nockta¹ til portkvenna huss. En þegar er hun var or fötum færd, þá leysti hun hær sitt; en gud veitti henne svo mikinn hærvoxt, at hun þotti betr klædd af hære sinu en klædum. En 5 er heilaga Agnes geck inn i husit, þá fann hun þar eingil guds, þann er hana skryddi sva miklu liosi, at eingin matti sia hana fyrir liosinu; husit skein allt innan svo sem sol, þá er hun skin sem biartaz, ok vard hverr því blindari, er þangat kom, sem hann var forvitnari. En er hun fell a kne til bænar fyrir drottne, þá 10 sa hun þar et biartazta klædi ok skrydde sik því ok mælti: «Þackir giðri ek þer, drottinn Jesus Kristr, því at þu gaft mer klædi þetta ok taldir mik med ambattum þinum.» En svo var klædit henne skapliga² mikit ok svo biart, at eingin efadi um þat, at einglar guds hefde gert, þeira, er sia mattu. Þá giðrdiz 15 horhus at bænarstad, þvíat hverr göfgadi gud, er þangat kom, ok for hreinne þadan en þangat.

Daudi greifa sonar.

5. En er þessir hlutir gerduzt, þá for þangat borgargreifa son, sa er valldit hafdi oskilum þessum öllum, ok fylgdu honum 20 iafnalldrar hans galausir, ok gengu inn i husit fyrir honum med hlatrí ok galeysi. En er þeir sæ liosit, undruduz þeir ok hurfu aptr ok veggsmödu lios guds. Greifa son avitadi þa ok kvad þa eeki þora, ok geck inn i husit sidan ok sæ liosit, ok göfgadi þeygi gud, helldr od hann fram i liosit med ohreino hugskoti. 25 En adr hann mætti hendi sinni taka til meyarinnar, þa vard hann kyrktr af diöfle ok do. En er hann dvaldizt i husinu, þa ætlodu forunautar hans, at hann mundi [at vilia sinum ok munudlifi dveliazt³, ok geck inn einn þeira i husit, sa er galausaztr var, svo sem [hann fagnadi munud hins⁴; en er hann sæ hann 30 daudan, þa kalladi hann ok mælti: «Biargit oss, Romaborgar menn, kona sia hefir drepit med mikilli folkynge son borgargreifa vors. [Þa var kvatt motz, ok dreif þangat mikill fioldi manna, ok varð þræta mikil um guds mey⁶: sumir toldu hana fiolkungha, en sumir saklausu. 35

¹ *saal. B.*; hana *A.* ² *tülf. B.* ³ [drygia munudlifi vit meyna *B.*

⁴ [med gapi ok gliediandiz af hans illgerdum *B.* ⁵ *Her beg. Fr. 238a* ⁶ [*tülf. B. Fr.*

Uppreistr greifa son af dauda.

6. En er greifinn fra dauda sonar sins, þa for hann til motz-
 ins med miklum hryggleik, ok er hann sæ hann daudan, þa kalladi
 hann med grimligri roddu æ guds mey ok mællti: «Þu en grimm-
 5 azta kona, fyrir hvi drapt þu son minn med eitri folkyngi
 þinnar?» Heilog Agnes svaradi: «Sa enn sami tok velldi i gegn
 honum, er hann villdi eptir lifa. Fyrir hvi ero her allir adrir
 heilir, þeir er hingat komu, nema því at allir lofudu gud, þann er
 eingil sinn sendi til min, ok skryddi mik klædi miskunnar sinnar
 10 ok vardveitti likam minn, þann er gudi er helgadr ok eignadr.
 Nu þeir allir, er liosit sa, göfgudu gud ok foru a brott omeiddir,
 en þessi 1 madr for gælaus ok odr ok lofadi eigi gud, þa er hann
 sæ liosit, en er hann villdi mik hondum gripa, þa let eingill guds
 hann deyia illum dauda, sem nu ser þu.» «Þa mun ek trua,
 15 kvad greifinn, at eigi valldi þessu folkyngi þin, ef þu bidr eingilinn
 ok getr² þat, at hann gialldi mer [son minn³.« Heilög Agnes
 svaradi: «Þott trua⁴ ydur se eigi verd ath geta þat af gudi, þa
 er þo nu⁵ su tið komin, er makliga ma vitraz kraptr drottins mins
 Jesu Kristz. Af því gangit þer allir ut, en ek mun biðia fyrir
 20 mer til guðs.» En er allir gengu ut, þa fell Agnes a kne til
 bænar⁶ ok bað til drottins, at hann reisti upp hinn unga mann. Þa
 syndiz henni engill guðs, ok styrkði hann hug hennar reisandi
 manninn af dauða. En sa er upp reis, gekk þegar ut, kallaði ok
 mællti: «Einn er guð a himne ok iorðo ok i sio, sa er guð
 25 kristinna manna, en oll skurðgoð eru onyt ok mego hvarki biarga
 ser ne oðrum.» Þa toku allir blotbyskupar at æðaz⁷ ok kolludo med
 einne roddu ok mælltu: «Taki þer hina folkunnigu konu ok
 forðetu⁸, er villir hugi manna ok snyr hiortum þeira.» En er
 greifinn sa svo miklar iartegnir gervar⁹, þa undradiz¹⁰ hann, en
 30 þordi þo eigi gera i mot blotmonnum eda mæla i mot sialfum ser
 ok hlifa meyiunni. Þa for hann a braut ogladr, er hann matti
 eigi hialpa guds mey eda leysa or ollum pislum þeira eptir upprisú
 sonar sins, ok let adra dæma um þetta mal.

7. En Aspasius domandi let kynda elld mikinn i augliti
 35 lydsins ok let kasta meyiunni i logann midian. En er þat var
 giort, þa skiptiz loginn i tvo stadi ok brendi lydinn a hvora-
 tveggja hond, en hana sakadi ekki hitinn þess at helldr. En

1 sia Fr. 2 þiggr Fr. 3 [aptr son minn lifanda B. 4 otrua B, Fr.

5 Her ender A. 6 saal. Fr.; bænar B: 7 Her ender Fr. 238a. 8

40 fordetu Cd. 9 gerdar Cd. 10 undratiz Cd.

blotmenn (sogdu) þetta (af) fíolkyngi hennar en eigi guds krapti. En domandinn kalladi a kvalarana ok bad, at þeir kvældi meyna. Þa hellt Agnes hondum til himins ok bad til guds a þessa lund: «Almattigr ok ogorlegr ok gofuglegr fader, drottinn minn¹, þik lofa ek ok dyrka ek, þviat fyrir son þinn fordumz ek ognir vondra manna, ok ste ek yfir velar diofuls ok geck osaugada² gautu. Nu hvelfiz yfir mik dogg af himne af helgum anda, svo at elldrinn sloknar hia mer, ok skauz³ loginn ok hvarf hitinn til þeira, er hann kyndu. Þik lofa ek, gaufugr fader, þu letr mik koma til þin ohrædda a medal ellda. Nu se ek þat, er (ek) truda; nu helld ek þvi, er ek venta; nu fagna ek þvi, er mik fysti til; þer iata ek med munne minum, ok til þin fysumz ek af ollu hiarta. Nu þegar kem ek til þin, lifandi gud, er med drottne vorum Jesu Kriste syne þinum lifer ok rikir nu ok um allar (allder) allda.» En er hon hafdi lokit þen sinni, þa sloknadi elldrinn allr, svo at eingi flær(!) var eptir. Þa matti Aspasius eigi standazt [op alphydu⁴, ok let spíoti leggja i briost meyarinnar, ok helgadi gud ser hana brudi ok pislarvott, ok for hon til almattigs guds med þessu liflati. En frendr hennar toku likam hennar med fagnaðis ok grofu i landeign sinni skamt fra Romaborg a gotu þeiri er Numentana heitir. En er kristinn lyðr kom opt þangat til bæna, þa somnuðu heiðnir menn liði ok borðo grioti at þeim ok rako þa a brot þaðan.

8. En Emerenciana het [fosystir Agnetis⁶, sia var heilog mæR ok þo primsignd at eins; hon stoð ohrædd ok flyði eigi, helldr avitaði hon heiðna menn ok mællti: «Per væslir⁷ ok grimmir hamnit⁸ þeim, er almatkan guð gofga, ok hoggvit saklausa menn, en truit sialfir a stock ok stein.» En er hon mællti þessor orð ok þessom lik, þa bqrðo þeir hana grioti, ek lét hon qnd sina, er hon var a bœnom hia leiði sellar Agnetis⁹. Þessi mæR skryddiz i bloði sino, þviat hon tok bana fyrir þat er hon iatti guði¹⁰. A þeirri somo stundo varð landskialpti mikill, flugo elldingar ok reiðarðrumor [i heidi¹¹, ok fell niðr mikill hlutr heiðins lyðs ok do. Þaðan fra þorði engi maðr at granda þeim monnum, er komu til leiðis heilagra manna at biðia fyrir ser. En frendr Agnetis⁹ komu of nott með kennimonnum ok toko likam Emerenciane meyar ok grofa skamt fra leiði Agnetis⁹. En er frendr Agnetis vokðo opt um nætr a bœnum at leiði hennar, þa sa þeir at miðri nott meya

¹ Jesu Cristi tilf. Cd. ² osaugata Cd. ³ skustz Cd. ⁴ [ok alphyda Cd. ⁵ Her beg. Fr. 238^b. ⁶ [fosysystir Agnesar B. ⁷ vesalir ok fallvalltir B. ⁸ banet B. ⁹ Agnesar B. ¹⁰ tru sina tilf. B. ¹¹ [tilf. B. 40

flock mikinn í lofti [með liosi¹. Þær voru allar skryddar gull-
ofnum cleðom. Í þeirra liði syndiz þeim heilog Agnes², ok stoð til
hægri handar henni lamb [sníofi hvítar³. En er frendr hennar
sa þessi tíðendi ok aðrir kristnir menn, þeir er þar voro, þa kom
5 hræzla mikil yfir [þa. Þa nam Agnes staðar með⁴ meyia lið sitt
ok mællti til frenda sinna: «Eigi skolu þer grata andlat mitt,
helldr⁵ fagne þer með mer ok glediz, þvíat með þessum meyium
ollum eignumz ek liosan stad, ok er ek nu á himnum í e(i)lifum
fagnadi með þeim, er ek elskadi á iordu af ollu hiarta.» En er
10 hon hafði þetta mællt, þa leid hon til himins.

9. En er madr sagde þesse tíðende hverr audrum, þa kom
sia saga til eyrna dottur Constantini konungs, en hon het Con-
stancia, en hon var hin vitrasta mæ. En hon var svo oll hriuf
ok sar, at eingi fleckr var heill á hennar horundi allt or
15 hvirfli ok ofan á tær; en henne var þat rad kennt til heilso,
at hon fære um nott til leidis Agnesar ok bæði fyrir ser til
guds, þvíat hon hafði tru í hug ser, þott hon vere heidin.
En er hon giordi, sem henne var kennt, þa sofnadi hon á
þen sinne, ok vitradiz henne heilog Agnes í draume ok (mællte)
20 vit hana: «Vertu styrk ok stadfost, Constancia, ok tru drottin
Jesum Crist vera guds son ok grædara þinn af himne, ok
mantu taka heilsu allra sara þinna.» Þa vaknadi Constancia, ok
var svo alheil, at einskis sars matti stadi sia á likam hennar.
En er hon kom heim til konungs hallar, þa gerdi hon mikinn
25 fa(gna)d fodur sinum ok bræðrum, ok urdu allir hirdmenn ok borg-
arlydr henne fegnir, en otrua heidinna manna hneyktis. En
Constancia bad fodur sinn ok bræðr, at þeir lofadi⁶ kirkio at gera
til dyrdar Agnesu, ok let hon ser í þeiri kirkio grauf gera. En
er þessi tíðendi frettuz, þa kvomo margir til leidis Agnesar ok
30 fengu þar heilso sina, hvat er þeim vard at meina adr, ok halldaz
þer iarteignir til þessa dags. En Constancia konungs dottir hellt
meydom sinn alla efi sina, ok lifdu margar eptir hennar dæmum
ok toku nunnovig(s)lor. Svo þroadis ok vox hreinlifs kraptr
af godum dæmum hinnar helguztu Agnesar, at margar meyiar í
35 Romaborg helldu hreinlifi sino allt til daudadags, þvíat þer nunnur
eignaz eilífan sigr ok sælu an enda, ef þer hallda hreinlifi an efa

1 [lida B. 2 með miklu liose tilf. B. 3 [sniahvitt B. 4 [menn alla.
En heilog Agnes stodvar B. 5 Her ender Fr. 238. 6 lofudu Cd.

fyrir drottin voru Jesum Cristum, þann er lifir ok ríkir meðr fedr ok helgum anda gud um allar alldir allda. Amen.

I 233 folio, hvor kun Slutningen af Sagaen findes, lyder denne saaledes: tak þu heilsu þína. Eptir þat leid hun fra henni at syn til himins. En er Konstancia vaknaði, var hun alheil, sva 5 at hvergi var sár ne hrufva æ hennar likama, ok for hun fagnandi heim, ok varð fadir ok bropir hennar heilsu fegnari, en fra megi segia, ok oll þeira hird, ok varð þa kristnum monnum i Roma-borg mikill fagnaðr, ok efdiz guds kristni, en otrua heiþinna manna skammadiz. En Konstancia let gora kirkiu til vegs ok dyrdar 10 gudi ok heilagri Agnete, ok fa þar siukir menn heilsu, hvat sem at meinum er; þeir sem þangat koma með rettri tru. En Konstancia helt meydómi um alldr sinn, ok giordo margar gófgar meyar at hennar dæmum; ok var þar klaustr gert hia kirkiu hennar, ok helldz su dyrd i Rómaborg i klaustri Agnesar alt til þessa dags 15 eptir hennar dæmum, at þær megi fyrir sitt hreinlifi ok hennar heilagleik audlaz eilifan sigr ok sælu með drotni vorum Jesu Kristo, þeim er lifir ok ríkir með fedr ok syni ok helgum anda einn guð um allar alldir veralda. Amen.

ALEXIS SAGA.

(Cd. 623 qv.)

Fabellu Alexie confessoris.

A dægum Arkadij oc Honorij keisara var einn gæfogr maþr
5 oc trúfastr i Romaborg, sa hét Euphimianus, einna mestr hófþingi
er kononga liddi. En hann at(ti) .iii.^{ar} þúsundir húscarlla, þeir
varo dyrligom elþom scryddir², en hann var sonla^{ss}³, þviat
kona hans var óbyria; en hon var vel trúð oc heilt bóþorþ guþs.
Eup(h)imianus fastaði hvern dag til nons. Þriu þorþ setti hann i
10 husi sinu oc laðaði þangat valaða menn oc siuka, [ut]lenda oc
frendla^{sa}. En kona hans hét Aglais, hon gerði h[vern] d[ag]
guþs verc með tru oc callaði a guð i þenom oc melti: «Minztu
[mi]n overþ(r)ar ambáttar þínar, drottinn, oc gef þu mer erfin[gi]
þjann er verði huggon andar minnar.» Guð heyrði þen hennar oc
15 veitti henni son at geta þann er i því var farsæla fæðr oc móðr.
Sveni var nafn gefit oc var callaðr Alexis. En er hann var á náfs(!)
alldri, þa var hann til leringar settr at nema speci oc mælsco oc
allann cristinn fróþleið, oc varð hann spakr sveinn i ællo^m hlutom.
En er hann var fulltípi, þa melti Euphimianus við kono sína: «Leitum
20 við qvanfangs syni ockrom, at hann se með ok^r avallt oc biargi
vesolom oc valaðom i olmoso geði.» Þat leizk þeim báðom gott
ráð, oc var honom síðan fæstnoð mér or eno gæfgasta kyni, oc var
síðann at sameundu fingit oc bóðit enom gófgostum monnom, oc
var þar gleði mikil oc fægnorþ þann dag allan. En at apni var
25 honom fylgt til recio. En er allir varo ut gi(n)gnir, þa setize
hann á hvilostocce oc dro fingrgull af fingri sér oc scar hlut af
belti sino oc knyti i duei oc selldi festarmeyio sinni oc melti:
«Tak þu þetta oc varðveit, en guð veri á meðal occar, sem honom
licar.» Marga apra hluti leynda melti hann við hana oc gek
30 bráð fra hvilonni oc gek i klefa sinn, er fe⁴ hans var i oc hafði
með sér hlut af ego sinni oc fór brótt or Romaborg. En er hann
com til sevar, þa ste hann a scip með carþmonnom þeim er foro

til Syrlanz. Borg heitir Edissa á Syrlandi i herapi því er Mesopotamia hetir. I þeiri borg hafði verit Abagarus konongr, sa er sendi rit drottni Jesu Cristo, oc tok rit i gegn af honom oc tru oc heilso. En (er) heilag[r A]lexis com til þessar borgar, þa selldi hann aþesi, þa er hann hafði m[æ]ð se[r], oc gaf æmom monnom, oc kleddi sic stafkalls buningi oc sat sva sem þurfamaþr i guþs moþr kirkioгарði oc tok c[or]pus domini i hvern drottinsdag. Lútr var hann oc litillatr at licams y[fir]lyti, en hiarta hans var hátt fyrir guði, oc gaf hann æmom monnom allt þat er honom var gefit. En er hans var sacnaþ i Romaborg, þa var hans leitat miok, oc fanze egi. Þa sendir faþir hans þ(r)iar þusundir manna at leita hans, oc fundu þeir hann egi, en er þeir komu i borg þa er Edissa heitir, þa fundu þeir hann oc kendo hann egi oc gafo honom olmoso gíof. En hann kendi þa oc dyrkaði guð oc melti: «Þakir geri ec þer, drottinn, er mic lezt þiggia gíof af þrelom faþr mins fyrir nafn þitt.» Þa como aptr þeir er sendir varo til borgarinnar oc sagðu drottni sinom, at þeir fundu hann egi. En fra þeim degi fór moþir hans at sittia ein i husi, oc sat hon á gólfi eda hvildi í hárkleði oc i molldo oc melti sva: «Egi mon ec up risa af þesso gólfi, aþr ec veit hvar enga sonor minn er.» Þa seiðu þa hion rekiu sina oc melto: «Við seolom nalgase til guþs i hreinlifi, at drottinn fagni ockr oc syni ockrom, þeim er guð gaf ockr.» [En] festarmær hins dyrl[iga] sveins stóþ fyrir sveru sinni oc melti: «Egi mon ec heþann ut ganga a dagom lífs mins, heldr mon ec gliçiasc foglom þeim er turt[ur]is heita, oc halda hreinlifi oc biða, unz ec veit hvat or buanda minom er orpit, eda hversu heilagliga hann helldr þat er við áttom mælt.» En heilagr svein Alexius pionaþi drottni .xiii. ár i guþs moþr kirkioгарði. En er .xiii. vætr voro liþnir, þa melti lienesçi guþs moþr á einom hatipaðegi við þann er kirkio varþveitti, en sa het Paramoniarus: «Leið þu inn guþs vin i kirkio, því at hann er verþr rikis himna. Þen hans ilmar sem reykersi oc hvilis yfir honom heilagr andi sem kononglig corona, oc sva seyn andlit hans i aþgliti engla, sem solar seyn lysir yfir iorþ.» Þa gekc út Paramoniarus oc leitaði guþs vinar oc fann égi. Síþan gece hann inn i Mariu kirkio oc bað guð syna ser sinn vin. Þa melti lieneskit enn: «Sa er guþs maþr er sitr uti fyrir kirkiodyrom.» Þa tóç Paramoniarus í haðd honom oc leiddi hann inn i musterið. Þa melti Alexius ein í hug sér: «Kuþr em ec ællom nu her.» Síþan

- for hann or borginni Edissa oc villdi fara til Sicileyiar oc þiona guði i mustari heilags Pæli, þvíat hann var þar okunnr allom. En scip þat, er hann var á, ginginn, reiddi vindr til Romaborgar. Þar gek hann up fra seipi til borgar oc lét sem hann væri útlendr, oc
- 5 metti fæþr sinom fyrstom manna, oc qvaddi hann oc melti: «Guþs þrell, gerðu miscon við mik, valaþr oc útlendr (em ec), oc tæ mik i hus þitt oc fæþ mic af mola þeim er fellr af borpi yþro; en guþ blezi þitt lif oc gefi þer ríki himna.» En er fæþir hans heyrði þetta, þa tæ hann við honom i hus sitt sva sem við utlendum,
- 10 oc mintisc hann enga sonar sins, sva sem hann var vanr ávallt, er hann tæ við utlendum eða gaf þurfamonnóm. Þa mælti hann við þrela sína: «Sa yðvar er þessom vinno[r] beina skal egnaze frelsi oc [hl]ut erfþar i husi míno, sa skal gera reekio hans oc vinna vel oc gesta egi hug hans.» En á þeim enom sama aptni
- 15 hlögo þrelar oc sveinar at þessom enom utlenda manni, er þeir hugðu at væri, oc freistöðu hans oc gerstu hug hans, oc sumir þögu disca oc helto því i höfod honom. En guþs vinr sá, at þetta var freistni við hann af áfond fianda, oc sat hann þolinmöðliga. Siættian vætr var hann i husi fæþr síns oc möðr, oc visso þær egi
- 20 hver[r] hann v[er]ar. En er sú tíð com, er drottinn villdi tæca and hans, þa mælti Alexis við þann er reistu vann honom: «Broþir, sagði hann, sel þu mér teki þær, at ec mega ríta.» En er honom var þat selt, þa reit hann allt lif sitt fra uphafi, þáþan fra er hann óx up i husi fæþr síns. En á enom drottinsdegi
- 25 eptir messo, þa er þafi var i kirkio oc hinir milldosto konongar Arcadius oc Honorius oc margr lyðr með þeim, þa var heyrð rædd af himni yfir alltera oc melti: «Comið er til mín allir, er starfið oc erfði hafit, oc mon ec fæða yðr.» Þa urðu allir hreddir oc fello til iarþar oc sungu kirieleison. Þa heyrðu þeir rædd i
- 30 annat sinn oc melti: «Leitið er guþs vinar, at hann þíði fyrir Romaborg.» Þa leitoðu allir guþs vinar oc báðu, at guþ s[yn]ði þeim hann. En en fimta dag viko at aptni þa var vitrað fyrir þeim, at guþs maðr mundi finnasc i husi Eufimiani. En þa mæltu þeir við Euphimianum: «Fyrir hvi syndir þu oss egi miscon þa
- 35 er þu hefir i husi þino?» En at andverðom fæstodegi tæ guþ and heilax Alexis fra likam hans. Þa buðu konongar at leita heilax pislarvaz guþs i húsum Eufimiani. Eufimianus bað þrelom sinom at bua hus innan vanliga, er kononga var þangat van, oc g[í]lgo menn á mot þeim með reykelis kerom oc allz
- 40 cyns dyrd. En þa er konongar komo i hus hans, þa var at reflat

i hliopi, hverr þar mundi vera guþs vinr. En moþir h]eilax
 Alexis oc festarkona hans sá þessi típendi a]ll þa[þan] er þer
 stoþo víþ glugg i h[usi] sino oc mellt þer meþ ser: «Hvi gegnir
 þyss sia manna? eþa hvat hafa þeir her at mæla?» En er þer
 áttu of þessa hluti at dæma, þa gek fram þionn sa er víþ enom 5
 útlenda hafði tekit, at þvi at þeir ætllöþo hann vera, oc melti:
 «Maþr sa er er selldoþ mér til varþveizlo, þar hefi ec seþ marga
 dyrliga hluti yfir honom; hann toe corpus domini hvern drottins-
 dag, en þa hafði hann litla fæzlo, er hann mataþisc, oc svaf h[ann
 liti]t eþa eeki of neþr; þrelar hlogo at honom, oc bar hann þat 10
 allt þolinmöþliga.» Þa rann Eufimianus þegar þan[gat] til han(s)
 oc villdi mæla víþ hann, en þa var hann andaþr. En Eufimianus
 toe due af andliti hans, oc syndize monnom andlit hans biart sem
 engils andlit, hann hafði rit i hendi oc let egi læst. Eufimianus
 melltí víþ cononga: «Nu hofom ver fundinn þann er ver leituf- 15
 om, oc hefir hann her verit .xvii. vetr, en nu er hann andaþr oc hefir
 rit i hendi oc vil egi selia oss.» Þa gingo conongar þangat oc
 þafinn oc Eup[h]imianus oc allir enir gæfgæstu menn oc stoþo fyrir
 liki guþs vinar oc melltu meþ tarom: «Þót ver sém syngir, þa
 erom ver þo konongar. Sel þu oss rit þetta, at ver vitim hver 20
 þu ert.» Þa let hann læst ritit, oc tóco þeir þat oc melto þeir
 at raþa scyllði ritit. En er ritit var raþit, þa fell Euphemianus
 til iarþar fyrir liki sonar sins oc melti meþ tarum: «Þu en kersti
 son, fyrir hvi hryggir þu hug minn oc lifþir sva meþiliga her meþ
 oss? ec veta at ec munda heyra mal þit oc vita, hverr þu verir; 25
 nu se ec enga son minn dæþan, oc nai ec egi at mæla víþ hann.»
 Þa reis up moþir hans meþ miklom harmi hugar oc melltí víþ
 lýþinn: «Gefþ er mér rúm, at ec of sia son mi[nn] þa[nn] er ec
 fedda a briosti mino [oc u]nna ec sem lifi mino.» Þa barði hon
 a briost ser oc melltí mikilli ræddo: «Komit er oc gratiþ meþ 30
 mer, þvi at son minn var meþ mer .xvii. vetr i husi minu, oc vissi
 engi hverr hann var; þrelar hans gorþo honom kinhesta oc spitto
 i andlit honom oc hlogo at honom oc gerþo hverseonar oscil.»
 Þessa hluti melltí hon, oc com sva opt til lies sonar sins sem
 dufa til hreþr sins oc [hell]t]i tárur yfir andlit honom oc melltí: 35
 «Hverso mattir þu, son, leynasc sva léngi i husi faþr þins? þu
 sátst oss hvern dag gráta [ept]ir þig oc leindisc þu þo fyrir oss.»
 Þa gek bruþr hans þangat [oc melltí] meþ miklom sarleik hiarta

sins: «I dag hefi ec tynt forysto minni, oc synume nu eekia oc emk nu orþinn huggonarla's allt til enda lifs mins.» Allr lypr undra(þ)iz þenna atburð, oc mátti engi vattni hallda. Þa mæltu konongar, at bera scyldi lic hans i mǫpía borg. En þa rann
 5 allr lypr á mot licino, er þeir frágo, at sa var fundinn er leitap var. Þa toko siukir heilso, en syn blindir, dumbir mal, en heyrn dæfir, oc flæþo dioflar fra opum. En er konongar sa iarteinir, þa baro þeir likbarar, oc pafin með þeim, at þeir helgapi sig af likino. En mǫpir hans oc bruþr fylgþo liki oc græto. En þa dreif
 10 þangat sva margr lypr, [at] þeir mattu egi comaze fyrir þrang, er lici fylgþo. Þa létu konongar sa gulli oc silfri a gartona, til þess at menn dvelpisc þar at oc gefi mannom rum. En þa gafo angir gam at gulli ne at silfri, helldr at fylgia liki, oc báro þeir ba[rar] með mikilli þrang allt til musteris Bonifacii með dyrþ oc lof-
 15 sǫngvi. Þa var gortt serin or gulli oc silfri. En þar veitase monnom iarteinir al[lt til] þessa dags, oc gerise dyrligur ilmr or serini hans sem af reykelsi, oc geta þeir þenir at guði, er þar biþia fyrir verpleic oc arnaparorþ sel(s) Alexis guþs vinar drottins vars Jesu Cristi, þeim se vegr oc velldi, lof oc riki in secula seculo-
 20 rum. Amen.

AMBROSIUS SAGA BYSKUPS.

(C*d. Holm. 2 folio.*)

Her hefr sögu ens heilaga Ambrosij byskups.

A dögum Juliani nidings var einn ríkr íarl í hans ríki. A einni nött dreyndi konu íallzsins, at hon drægi purpura pell or 5 kalfa honum; en þenna draum þyddi íall sva, at í hans kyni mundi keisarinn fædaz, þvíat purpurinn er þeira bunadr ok merkir þeira tign. Þat berr ok sva at, at dottur vard þeim audit, ok het su Justina. Nöckuru sidar fregn keisarinn þetta ok ihugar, lætr 10 taka íarl ok drepa; en Justina komz í nunnusetr. Langri stundu sidar þa er Justina er fullkomin at alldri, kemr til þessar borgar ok nunnusetrs Valentinianus, er þa var keisari ordinn, ok drottningin med honum kona hans, er Severa het. A einhverium degi var þeim laug buin, ok su kona til feingin drottningunni at þiona í lauginni, er þar var tignuz at kyni ok friduz at yfirliti, ok var 15 þar Justina. Eptir laugina legz drottningin upp hia keisaranum, ok vard þetta í ræðu hennar til konungs, at hon kynni honum tíðindi at segia. «Hver?» segir hann. «Konu hefir ek sena, segir hon, í laugu hia mer sva væna, at slíkan ennis vóxt edr andlíz, fingra fegrd edr fota edr yfirbragd allz líkama hefir ek alldregi fyrr 20 sed, fyrir utan har ok augu, þat var hvartveggia svart. Nu allz ockr verdr sva farra barna audit, enda syniz þer annarrar konu at fa, þa vil ek þer þessa leyfa.» Keisarinn beidiz at sia Justino, ok syniz honum konan (fogr). Nu stefnir hann þing fiólment, en æ þinginu talar hann þetta eyrindi ok segir sva: «Stormenni ok villdarlíð 25 vort, ihugít ord mín ok lítit a, hversu vera ma. Nu kemr ufrídr austan, sem verda kann, a Gríckia ríki, en annarr vestan a Romveria, hversu ma keisarinn þa deila ser í .ii. stadi at rísa í moti hvorumtveggium? Syniz mer því sem víðkvæmíligt væri, at keisari mætti meira rumelsi eiga a um kvonfang en adrír menn, þvíat hann 30 þyrfti fleira en einn erfingia eptir sík at eiga til ríkis vardveizlu. Nu

fyrir því at öckr Severo verdr eigi meir en eins sonar audit, er Gracianus heitir, ok höfum vid leingi saman verit, þa villdi ek þessa lagabreytni eda leyfis mer bidia, at ek fa annarrar konu. En at iatudu þessu af öllu stormenni, þa lætr konungr leida i somu
5 sæng ser Justinu, ok hon var ok fastæk i Arrius villu. Son gatu þau saman ok var sa kalladr Valentinianus enn yngri. Nu er her fra at hverfa en annars stadar fyst til at taka.

2. Jarl var einn edr greifi i Vallandi ok het Ambrosius. Honum vard sonar audit, ok gaf hann nafn sitt þeim
10 sveini. Þa er sia enn ungi Ambrosius var i vöggu einnhvern dag uti ok hann svaf opnum munni, þa kom at byflygi sva mart ok settiz i andlit honum, ok fylldi upp munninn ok for ut ok inn i munn hans. Fostra barnsins ugdi, at þat mundi svein-
inum granda ok villdi i brott reka; en hia var staddr fadir hans
15 ok bad hana vera lata ok bida, hver lok a þetta felli. En litlu sidar hofz byflygit i lopt upp ok sva langt, at syn fal. Jarlinn ihugadi ok sagdi sva: «Til mikils nöckurs skal sia fæddr, ef lifi helldr.» Nu syndi þetta hunangsflyge sidar setleik orða hans, þann er upp hof hugskot manna fra iardligum hlutum til himneskra.
20 Eptir andlat födur sins var hann uppfæddr i Romam med modur sinni ok systur. Nu ser hann optliga, at kystar ero hendr byskupa edr presta af lægrum monnum; nu ok i leik sinum rettir hann framm hond sina ok bidr systur sina kyssa ser a hond. Spadi þat því fyrir, er framm kom sidar i hans lifi. I skola nemr hann
25 heilug frædi ok boka iþrottir; eptir skolann for hann or Romaborg ok atti hlut i malaferlum manna ok saxsoknum, ok matz hann sva i þeiri syslu fyrir vizku sakir ok malsnilldar, at hann var kosinn ok valdr af greifanum Probo til raduneytis um öll vanda-
mal. Litlu sidar var honum iarldomr gefinn ok riki yfir herudum
30 i nandir Melansborg, þeim er heita Liguria ok Emilia.

3. I þann tima do villubyskup Auxoni i Melansborg; sa hafdi adr af stoli rekinn ok i utlegd færdan heilagan Dionisium byskup, dyrligan mann ok sanneristinn, ok settiz nidr i byskupstollinn. En eptir frafall þessa villubyskups horfiz til missættis ok styr-
35 ialldar i borginne medal cristinna manna ok villumanna, þvíat hvorir villdu af sinni halfu byskup kiosa. Þa kemr til iarl Ambrosius ok vill eigi bardaga ne agang borgarmanna, bodar þeim i kirkiu til sattarfundar, ok i midri ræðu þessa mals þa kallar barn

eitt «Ambrosium byskup.» En vid þetta kall stöðvaz hvorirtveggju, ok þeir er adr höfdu mest i moti gengit, sveigduz sva saman med undarligu samþycki, en hvorirtveggju keru Ambrosium til byskups. En er hann matti eigi ordi fyrir sik koma, þa skilr hann fundinn ok setz yfir domstol ok gefr monnum sakir ok synir 5 i domum sinum oiafnat ok grimd mikla. Eptir þat sagdiz hann vilia vera philosophus, þat er spekingr, sa er ecki vill eiga ok ongu styra ok allt fyrirlita i þessum heime nema spekt. Þvi næst let hann leida portkonur i reekiu hia ser berliga, ok gerdi þetta allt til þess, at hann þotti þa sidr til byskups fallinn en adr. En folkit 10 var þvi akafara ok sagdi sva: «A oss falli sia synd, en þu ver byskup vorr.» En þa ser hann, at ecki stodar slik undanleitan, þa leyniz hann a braut of¹ nott or borginne ok ætlar til Ticinu borgar. Ferr hann alla nottina ok kemr at morni aptr til sama borgarhlids, sem hann for fra um kveldit; þa var hann fundinn ok 15 handtekinn ok vardveittr. Sidan voru bref send um þetta mal keisaranum Valentiniano enum ellra, hann tekr þessu mali vel ok sendir bod sin ok bref i moti, at þetta skyldi frammgengt verda. En medan brefin foru a milli, þa vard Ambrosius laus ok villdi a brott fara, ok vard hann enn fundinn ok handtekinn ok vardveittr 20 leyniliga af höfpingia, þeim er Leonsius het. Nu qvomu bref keisarans med þeim atqvædum, at sa skyldi fyrirgert hafa fe sinu ok fiórfi, er² Ambrosio leynir ok vill hann eigi framm selia. Leonsius verdr nu fyrir at sia ok selr framm Ambrosium, ok er hann leiddr þegar [til] Melansborgar af kennifedrum. Nu 25 skilr [Am]brosius guds vilia i moti standa sinum vilia ok sier nu ecki vid mega gera ne mæla; þa beidiz hann skirn at taka, þviat hann er adr primsignadr at eins, af retteristnum byskupi, þviat honum var hugstæð villan Arrius manna. Sidan er hann skirdr ok eptir þat vigdr af retteristnum byskupi öllum vigslum, ok a 30 .viii. degi eptir skirnina var hann til byskups vigdr vid allra manna astud ok fagnad.

Nöckurum vetrum sidar ferr hann til odals sins ok heim i Romam, ok finnr hann þar systur sina ok fotsystur, en modir hans var öndut. Ok þa er þær kyssa hond hans eptir sidveniu manna, 35 þa brosir hann at oc mællti: «Nu kyssit id byskupshond þessa, sem ek sagda yekr fyrir löngu.» A þeiri stundu var honum heim bodit ut i Latran til pionustugerdar af einni konu, ok þa er hann var þar staddr, let ein kararkona bera sik a fund hans ok bad hann

signa sik, ok þa er hann signadi hana ok hon kysti klædi hans, tok hun gongu ok heilsu, ok fylldiz þa a honum gudligt fyrirheit, þat er hann het postolonum ok sinum monnum, at slíka hluti mundi þeir gera i iarteinum, sem hann hafdi gert, ok þadan af 5 meiri hluti. Nu þviat margir voru vid staddir, þa vard monnum datt um iarteinina.

Greifinn Probus, er fyrr var nefndr, er hann fra Ambrosium byskup vordinn, þa fagnar hann því miðg, er ord hans fyllduz a Ambrosio, þviat hann hafdi sva mællt einhveriu sinni at skilnadi 10 þeira, þa er Ambrosius skyldi fara med hans eyrindum ok bodum: «Far þu nu, sagdi hann, ok frem þetta eyrendi, sem þu ser byskup helldr en domandi.

Nu er þeir funduz keisarenn Valentinianus ok erkibyskup Ambrosius, þa spyrr Ambrosius keisarann, hvern hann villdi setia 15 yfir iarl-dom edr ríkit, þat er hann hafdi adr haft at styra. Kon- ungr sagdi: «Gud hefir þer i valld gefit andir manna, en ek gef likamina, ok sva sem þu hefir af gudi tekit valld at styra öndunum, sem byskup skal, sva skalltu hafa valld af mer at styra ríkinu ok líkómunum, sem domandi skal.» Nu finnz af því i 20 frasögninni, at Ambrosius hefir optliga setit yfir domstoli veralldlig mal at dæma, at hann vardveitti saman veralldliga tign ok iarl- domsins med gudligu velldi byskupsdomsins.

4. Eptir frafall Valentiniani ens ellra konungs, tekr ríkit sonr hans Gracianus med födurbroður sinum Valente, þeim er adr 25 styrdi ríkinu med broður sinum Valentiniano. En Justina drott- ning fædir upp son sinn Valentinianum enn yngra ok hefir fiöl- menni mikít um sik, ok var hon ok sonr hennar ok allr afi þeira fastekinn i Arrius villu ok i mikilli motstodu vid Ambrosium byskup ok postolega cristne. A einhverri stundu þa er Ambrosius byskup 30 kom til borgar, er Smygium heitir, ok þar skyldi hann vigia til byskups þann mann, er Annennimum het, þa var þar mikít fiölmenni saman dregit af radum Justinu ok til þess ætlat at handtaka Ambrosium ok færa hann i utlegd ok lata her sidan byskup vigia af sinni halfu ok setia þann villubyskup i stad Amb- 35 rosius til Melansborgar; en enn heilagi Ambrosius byskup ottadiz eeki afla þeira edr fiölmenne. Ok nu er hann sat a domstoli i yfirsyn þessa mala, þa gengr þar kvennafloekr mikill. Þat voru nunnur Arriomanna, ok ein af þeim fylldiz þeirar diorfungar, at hon red at honum byskupi ok þrífir i klædi hans ok villdi keyra 40 hann af stolinum ok draga hann i floek þeira qvennanna ok færa

hann sva sidan i utlegd; ok voru þetta allt rad Justinu. Byskup
tekr til ordz ok mællti til hennar a þessa lund, sem hann var
optliga vanr at mæla: «Nu þo at ek se osælligr i kennimannz
tign edr guds þionustu, þa somir þer þo eigi edr þinu fyrirheiti
hendr a mig at leggja edr annan kennimann. Nu hræztu guds 5
dom, at eigi beri bratt nockut þungliga at hendi.» Frammqvæmd
veitti fullting þessum ordum, þviat þegar var hon lostin bradasott,
sva at annan dag eptir var lik hennar til grafar borit, ok veitti
byskup henne fyrir illvilia ok meingerd bædi fylgd ok bænir. Sia
atburdr gerdi mikinn otta ok hræzlu öllum motstöðumonnum hans, 10
sva at mangi þordi þadan ifra at talma byskupsvigluna edr adra
þa hluti, er hann vildi fremia.

5. Byskup ferr heim til stols sins eptir þetta. En Justina
fyllizt þa kaps ok illzku i moti honum, ok bydr monnum til mot-
gangs vid hann sumum riki ok tign en sumum fiarhluti edr 15
önnur fridindi, ef nöckur mætti riki edr brogdum vid koma at
færa hann af stolinum i utlegd. Margir toku vid þessi flugu ok
mattu þo eingu a leid koma, þviat guds vili stod i moti. En var
einn audrum aumari, sa het Eutimius, sia fyllizt þeirar dirfdar,
at hann lætr hus gera nær kirkiu Ambrosij, ok i husinu lætr hann 20
bua einn reidsleda ok ætlar med brogduligu tilstilli at koma
byskupi i gilldro þessa ok hleypa yfir ofan sidan tilbunum stocki
ok aka hann sva ut or borginni til utlegdar. En sia snara fell
honum a hals sialfum, þviat vetri sidar, ok a þeim sama degi er
hann hugdiz veida mundu byskup, þa vard hann fyrir sannar 25
sakir a þessum sama reidskiota edr reidsleda brott rekinn ok til
utlegdar dæmdr ok dreginn: sa hann þetta ok iatadi rettan guds
dom a sik fallinn, at hann tæki slikan a sik, sem hann hafdi
odrum ætlat. Byskup veitti honum þa enn atvinnu fyrir umsatir
ok marga huggan fyrir margfölld svik. Þessi atburdr þverdi ecki 30
ædi edr akafa villumanna, þviat þa sendu þeir vopnad herlid til
kirkiu Ambrosij byskups at banna öllum cristnum monnum inngongu
kirkiunnar. En almattigr gud, sa er opt er vanr fagran sigr at
gefa sinni cristni a sinum motstöðumonnum, sneri hug ok hiarta
riddaranna, sva at þeir sneru vöpnum sinum at kirkiunne en gafu 35
öllum leyfi til inn at ganga en tregliga brott at fara. Þat fylgdi
ok til auka gudligs takns i þessu mali, at riddararnir taka tidir
at stydia med Ambrosio ok fögrum hlíodum at syngia, ok af þessu
gudligu tilstille tekr Ambrosius söng at fremia ok semia vid tidir
bædi antefnaur ok ymna, ok sidan af hans dæmum Gregorius pafi, 40

ok adrir dyrligir menn settu ok orktu dyrliga söngva til dyrdar guðligri þionustu, ok hefir sa sidr sidan þroaz ok er nu kominn um alla Romveria cristni.

5. A þessum stundum vitruduz þeir Gervasius ok Protasius pindir menn Ambrosio byskupi ok segia til graftar sins, þviat bæði voru öðrum monnum okunnig nöfn þeira ok leg. Byskup Ambrosius lætr nu upp taka helga doma þeira ok virðuliga um bua, ok fa þar margir siukir menn heilsu sina i upptoku þeira. Severus het blindr madr, sa feek syn sina, þegar er hann snart klædi þat er breitt var yfir helga domana; margir öðir menn voru þar fra diöflum leystir ok gengu heilir þadan. Af þessum iarteinum tekr postolig cristni at þroaz ok eflaz, en minkaz framgongur ok villa Arriusmanna. En Justina ok hird hennar höfdu slik stormerki i skaupi, ok segir Ambrosium monnum fe hafa til gefit at segiaz diofulodir edr siukir ok lata, sem þeir feingi heilsu af þessum pindum monnum edr af Ambrosio. En guð þoldi eigi skaup edr spott þeira leingi hefðalaust: einn af þeira lidi vard diöfulodr i því bili ok kallar, at allir skyldi sva qveliaz sem hann qveldiz, þeir er neita þessa vera piningarvotta edr eigi trua heilagri tru, þeiri er Ambrosius bodar. En vid þetta kall verðr sent hinum drep i vatn, ok skammaz þeir, ok þessu takni, er þeim var til leidrettu veitt, þa sneru þeir ser til afallzdoms, sva at þeir toku enn oda ok drecktu i tiörn, ok södludu sva glæp a uhapp, manndrapi æ ötru. I þann tima var madr i villumanna lidi orðslægr ok malsniallr, stíðr ok torvellðr til tru at vikia. Sia madr vard staddr i kirkiu vid tölu byskups, ok var honum syn veitt, su er hann sa guðs eingla standa hia honum ok mæla i eyru honum hvert ord, þat er hann taladi fyrir folkinu; en eptir þessa syn tekr hann þa tru ath stydia, er hann stod adr i moti. Þa er einn fiölkunnigr madr var pindr til sagna af sökum nöckurra illgerða, þa sagði hann ser a hendr annat en hann var frettr, qvez meiri qvaler tekit hafa a sik af giæzkueingli Ambrosius, þa er Justina hafði sendan hann a nattarþeli til husa byskups at blota þar yfir honum, til þess at folkit hygði þat hans rad vera ok ræki hann fyrir þat fra stoli sinum; hann qvez ok sent hafa diöfla til byskups at vinna honum grand ok bana, en diöflar qvomu aptr ok sogdu sik hvergi mega nær honum koma, þviat logi lek þar allt yfir, ok sva heitr, at þeir þottuz þegar brenna, er þeir qvomu nöckur i nand. Annarr madr var enn sendr af Justinu til hofuds Ambrosio, sa geck inn um nött at reckiu hans sofanda med

brugðnu sverdi, ok þá er hann reiddi sverdit til högs, þá stírnadi höndin ok matti eigi ofan vikiaz. Þá varð hann fundinn at þessu svikrædi, ok er hann iatadi sik sendan af Justinu ok svik ser a hendr, þá myktiz hond hans ok varð heil.

7. En þá er Justina sa sik sigrada i öllum hlutum af Ambrosio, 5 þá sneyr hon meðferð sinni ok bydr honum þá heim til veizlu, ok um qvældit var honum virðulig reckia buen i lokhvilu nöckurri. Ok er hann hafði til svefns lagiz, þá kemr Justina ok legz i reckiu undir fôt hía honum i nattserk einum ok hefir við hann blidlæti ok pyðleic, en hon sagði sva sidan ord hans: «lat mik sofa, en 10 þu varaz þat er liggr i milli oekar.» En hon hýggr at ok ser höggorm hröckvaz upp i milli þeira¹. Nu verdr hon rædd ok sprettr upp or reckiunni² sem skiotaz. En sia tiltekia hennar hefir meir til þess verit, at hon villdi gera hann saknæman ok [færa hann sva i utlegð³ helldr en fyrir girndar sakir til munudarlífs. A [annarri stundu bar sva at, at⁴ Justina ok hird hennar satu under bordum, en⁵ matr allr a bordunum varð at drekum ok hoggormum ok pöddum, en dryckr at blodi. Allir undruduz ok ottaz miög. Menn eru þá sendir til hallar byskups at fretta hann, [hvi þessi kyn sæti⁶. Byskup svaradi: «Segit er sva Arrius 20 monnum, at ollum þeim, er eigi hafa postoliga tru ok almenneliga, at þeim verdr öll fæzla ohrein, sva sem þeir eti orma, dreka edr pöddur, eptir því sem segir Paulus postoli: Allir hlutir eru hreinum hreinir, en sörgum⁷ ok tralausum er allt sörugt⁸. Nu er slikt ok synt i þessum undrum.» Margir sneruz til rettrar truar af 25 þessum atburð⁹. En af slikum hlutum, [sem nu ero sagðer¹⁰, hofz Ambrosius eigi upp til metnadar, helldr lægdi hann sik¹¹ meir fyrir gudi, sem hann var meir upphafinn fyrir monnum, ok þroadiz hann hvern dag bæði i ast ok tru fyrir gudi ok monnum.

8. Menn voru .ij. vinir [ok höfudverdir¹² Gracianus¹³ keisara 30 ok fast teknir i villunni. Einn dag er byskup taldi [fyrir folki¹⁴, fa þeir honum vanda spurning um burð Crisz ok holdgan, sva at hann þottiz eigi þegar i stad leysa mega; bydr hann þeim annan dag til kirkiu at¹⁵ heyra orlausn sina, ok þeir hetu at koma. Nu kemr dagr annarr, ok er nu byskup til kirkiu kominn ok mikit 35

1 Med dette Ord begynder Fragg. 238 folio. 2 hvilunni Fr. 3 [koma honum sva til utlægðar Fr. 4 [öðrum tima bar sva til, þá er Fr. 5 at Fr. 6 [hveriu þetta undr gegndi Fr. 7 saurgom Fr. 8 ohreint Fr. 9 atburðom Fr. 10 [tilf. Fr. 11 því tilf. Fr. 12 [mgl. Fr. 13 Graciani Fr. 14 [tilf. Fr. 15 coma oc tilf. Fr.

fiölmenni at heyra þeira vidrædu¹. En þessir aumu menn gefa
eigi gaum heitordi sinu edr gudi edr byskupi edr folkinu, er þeira
beid i kirkiunne, minnaz ok eigi orða² drottins sva mælenda:
Hverr sem styggir einn af [enum minnztum³ minum, þa byriar at
5 ausnuligr qvernsteinn bindiz vid hals honum ok dreckiz hann i
siofar diup. Þessir .ii. stiga upp i reidsleda einn ok aka a brott or
borginni eyrinda sinna at bidanda byskupi [oc folkino⁴ i kirkiunne.
[Þeira farar vard allt senn endir ok⁵ ogurligr atburdr. [Nu er minzt
er von, slöngir þeim badum⁶ or reidsledanum hörmuliga, ok koma
10 badir daudir a iörd. Byskup i öðrum stad vissi eigi, hvat um þa
var titt, ok er honum þotti eigi leingr bida mega, þa talar hann
fyrir monnum⁷ um þetta mal ok [losar fylliliga ok fagrliga þeira
mal⁸.

8. A þessum stundum ris upp höfþingi einn, er Maximus het,
15 hann var kominn fra Maximiano enum versta keisara⁹, hann var
fyrir herlidi miklu ok ferr af Roma til Bretlandz, ok lætr hann ser
þar gefa keisara nafn, ok ferr hann sidan ok leggr undir sik
Saxland. Þat fregnar¹⁰ Gracianus keisari ok sendir a mot honum
.ii. konunga med mikit fiölmenni, annan Gnavim¹¹ Huna konung,
20 en [annarr heitir Melga Picta konungr¹²; þeir koma til Kolne ok
setiaz um börgina. I því bili kemr þangat Ursula dottir Dionoti
konungs med .xi. þusundir meya, en fyrir því at þær villdu eigi
samþyckiaz vid þa hermennina til saurlifis, þa [letu þeir höggva
þær allar¹³, ok letu þær lif sitt fyrir guds nafni. Maximus for
25 annars stadar ok lagdi undir sik þiod þa, er Gothi eru kalladir,
ok kugadi hann þa til þess, at þeir skyldi risa i mot [ok drepa
Valens keisara fodur Graciani¹⁴. Þeir gerdu ok sva, draga lid at
keisaranum ok [gefa honum agirni sina at sök ok geta hann
sigrat¹⁵ ok handtekinn ok brenna hann qvikan¹⁶ i halmelldi; for
30 hann herfiliga af heime¹⁷, þvíat hann var vafdr i villu. En at
honum drepnum gera Gothi hver skripi¹⁸ bædi i brennum ok
ranum. Þessa tíþinda verdr varr Gracianus, velr hann nu höfþ-
ingia i stad Valens¹⁹ ok gefr þeim²⁰ keisara nafn, en sa het

1 vidrattu *Fr.* 2 *saal. Fr.*; ordada *Cd.* 3 [*saal. Fr.*; mintzta *Cd.*
35 4 [*tülf. Fr.* 5 [I þeira ferð varð *Fr.* 6 [þvi at þa sem minntz varð,
slöngvir þeim badom senn *Fr.* 7 folkino *Fr.* 8 [glosar fullega oc fagrliga
allt þeira vandmæli *Fr.* 9 konungi *Fr.* 10 spyr *Fr.* 11 Gnavm *Fr.*
12 [annan Melca Picta konung *Fr.* 13 [voro þær allar hagnar *Fr.*
14 [Valenti faðorbroðor Graciani oc drepa hann *Fr.* 15 [fa sigrat
hann *Fr.* 16 kvikvan *Fr.* 17 sem macliet var *tülf. Fr.* 18 endimi *Fr.*
45 19 Valentis *Fr.* 20 honom *Fr.*

Theodosius magnus, ok felr honum a hendi austrlond ðall til gæzlu. Theodosius hefnir sidan draps keisarans ok a marga bardaga við þessar þiðir Gothos, Hunos, Alanos¹, Sarmatas, ok sigrar þær allar. Hann lætr gera borg mikla [i nandir a þeiri² er Danubius heitir, su er mest a i þessum þriðungi heimsins, er Eyropa heitir; sextigir storæ falla i hana, en hon kemr i .vii. stöðum til siofar; 5 sia borg heitir af hans nafni Theodosia.

9. Þa er Gracianus keisari var staddr i Lugdunaborg a Vallandi, [þa hefir³ drottningin kona hans farit i adrar sveitir a kynnis⁴ leit at finna frændr sina, en þa er hennar var aptr⁵ von, þa gerdu 10 borgarmenn konunginn varan við, at drottningin var komin⁶ til borgarinnar með sinu foruneyti. Keisarin geck i mot drottningunni fiðmennr ok þo [betr viðbuenn þa kossum en vopnum⁷. Vögnum var þar ekit tiðldudum. Keisarenn hverfr at vagni þeim, er virðuligast var tialldadr, ok lypti tialldinu ok villdi hverfa⁸ 15 til drottningar, þa spretta menn or vagnum ok verpa af ser. [qvennfötum, en undir voru bryniur ok brugðin sverd⁹. Þar var Maximus kominn ok hans menn, ok bera þeir þegar iarn¹⁰ a Gracianum keisara ok drepa hann. Jarlinn Androgacius var i þessum vælum ok svikum með Maximo. En Maximus setr þa öndugi 20 [rikis sins¹¹ i Treveris borg. Nu geriz slikt þa um hann, sem segir i Marteins sögu byskups. Höfþingi ok umbodsmadr Graciani konungs het Macedonius. Einhveriu sinni þa er hann skyldi dæma sakir manna, en Ambrosius byskup ferr til þinghussins ok villdi teja¹² mali einshvers mannz, en hann verdr varr við Macedonius 25 ok vissi eyrindi hans, lætr byrgia þinghusit ok [villdi eingi tillög hans. Byskup¹³ kemr at hurdu ok komz eigi inn, [hann tekr¹⁴ sva til ordz: «Nöckuru sinni muntu til kirkiu koma sva, at upplokin hennar dyrr muntu eigi hitta.» Þat kom nu¹⁵ framm, er Gracianus var drepinn. Macedonius komz undan fyst ok villdi 30 a kirkiugrid, kirkian var opin, en hann fann eigi dyrnar; vard¹⁶ hann þar tekinn ok drepinn. Eptir drap Gracianus¹⁷ sendir Ambrosius tysvar bref Maximo til at na liki hans til graftar¹⁸; fund þeira bar saman byskups ok Maximus, ok bodar byskup honum til

1 tilf. Fr. 2 [við a þa Fr. 3 [hafði Fr. 4 mgl. Fr. 5 heim Fr. 35
6 tilf. Fr. 7 [vapnlauss Fr. 8 minnaz Fr. 9 [tioldom oc kvenna
bunengi, en voru undir i bryniom oc með brugðnom vapnom Fr. 10
vapn Fr. 11 [sitt Fr. 12 hlifa Fr. 13 [vill eigi tillargo hans. En er
byskup Fr. 14 [tekr hann Fr. 15 þa Fr. 16 var Fr. 17 Graciani
Fr. 18 graftar Fr.

kirkiu ok qvez þar hafa meira valld til allra stormæla en annars stadar. Maximus svarar: «Ecki fer ek þangat, mældu her slíkt er [þu villt¹. Ma ek ok her bannsetia² þik, ef þu vill eigi sætt gera ne skript taka» segir byskup. «Wil ek vist skript taka,» segir Maximus. Byskup segir: «Syndu í því fýst þa idron þína, at þu legg nidr keisara nafn ok ber eigi koronu, ok haf hertuga nafn sem fyrr edr iarl^s.» «Þetta ma ek eigi gera, qvad Maximus, í moti tign minni.» Byskup segir: «Ef þu matt þetta nu eigi gera lostegr, þa skalltu þat sama [skams bragdz³ gera
 10 naudigr, ok þat ríki et sama, er þu hefir með röngu tekit, skalltu þa með svivirþingu ok qvol lata. Nu ef þu vill sattr verða við gud, þa taktu idron ok gæck undir skriptina, edr ella bannfæri ek þik nu þegar, fyrir því at þu ert drottinsvíki ok hefir drepit þinn herra saklausan, þat er mest þyngir þitt mal.» Maximus villdi
 15 eigi ganga undir þessa skript fyrir metnadi sinum, en byskup gerir hann fraskila postoligri cristni ok öllu samneyti cristinna manna. En sva er sagt, at Maximus berr eigi þadan frá coronu ok tynir bæði [líkamligri heilsu ok andligri⁴, ok ferr þó síðan súðr um fíall ok á bardaga við Valentinianum enn yngra, er þa var keisari
 20 vordinn eptir Gracianum broður sinn, ok sigraz á honum, eptir því sem Martinus byskup hafði honum fyrir sagt. Síðan steyckr undan Valentinianus með modur sinni ok líði, en Maximus víkingr leggðr undir sik Romam ok allt Ítalíaland. En eigi öllum vètri síðar þa drogu þeir Theodosius ok Valentinianus mikit líð saman
 25 ok fóru at Maximo. En er Maximus sers ofríð at sér fara, þa ræðir hann sva við sína menn: »Þa veitir er⁵ mér rétta fylgd, ef er⁶ beriz sva fyrir mér sem fyrir hertuga helldr en keisara.» Nu fyllduz þar þa orð Ambrosius, at hann mundi naudigr ok svivírdlígá verða nidr at leggja keisara nafnit, er hann villdi eigi lostegr.
 30 10. Nu7 tekz bardagi með þeim við borg þa er Aquilegia heitir. Í þeim bardaga fellr Maximus ok Victor son hans fyrir Theodosio konungi⁸ ok mestr hluti líðs þeira. Á [nóckurri tíð⁹ lætr Probus agætr maðr fylgja sveini sinum, er Notarius het, díofulodum á fund Ambrosii. En er þeir voru komnir míðbreytis¹⁰,
 35 þa flýði ohreinn andi frá sveininum ok varð hann heill. Nu kemr hann¹¹ til byskups ok er með honum nóckura híð, ok er vel heill, en er hann ferr aþtr ok kemr í þann stad, sem hann hafði

1 [þer líkar Fr. 2 bannfæra Fr. 3 [bratt Fr. 4 [lícam s heilsu oc andar Fr. 5 frettir Fr. 6 þer Fr. 7 Eptir þetta Fr. 8 keisara Fr. 9 [þessum sama tíma Fr. 10 míðleibis Fr. 11 Notarius Fr.

heilsu tekit, þá varð hann diöfulodr sem fyrr; en þá var fiandinn særdr af særingarmonnum, hvi hann hefði frá honum¹ skiliz, er hann fór til Melansborgar edr meðan hann var þar, en hyrfi² aptr til hans, er hann fór á brott þaðan. Fiandinn qvez eigi þorat hafa at finna Ambrosium, en lez þar bedit hafa, unz hann færi 5 aptr, qvez þá taka ker sitt, þat er hann hafði tynt.

11. Eptir fall Maximus var Theodosius staddr i Melansborg, en Ambrosius byskup i austrlondum i Aqvilegia. Þá varð sa atburdr i kastala einum, at cristnir menn höfdu upp brent tida-gerdarhus Gyþinga ok lund einn Valentinianorum, er blotadr var. 10 Villumenn þessir, er Valentiniani eru kalladir, göfgudu .xxx. goda, en af þessu verki varð missætti þeira i milli. Jarl sa, er þar var yfir settr, sendir bref Theodosio konungi [um þetta mal³, [at hann sendi þau ord i moti ok þann dom⁴, at byskup skyllði upp lata gera husit⁵ Gyþinga, sa er þar var yfir, en iarlinn skyllði hefna 15 munkunum. En er Ambrosius frá⁶ dom keisarans, þá sendir hann honum bref ok bad hann aptr taka dom sinn, qvad hann rangliga dæmt hafa: «Nu ef þu vill eigi lydni veita [edr minum orðum hlyda⁷, þá mun ek min ord eigi til hialpar þer leggja við gud, þviat eigi vill gud minna bæn þiggja [fyrir þer⁸, ef þu vill þik eigi 20 mykia⁹ eptir mer [um þenna lvt³, ok þessu mali skal ek sva fast fylgia, at her skal ek lifit á leggja [helldr en gera þik upp ok sva mik i þögn minni¹⁰.» Nöckuru sidar finnaz þeir byskup ok konungr i Melansborg, ok einn hatidardag i kirkiu taladi byskup ok veik mali sinu til keisarans, ok let sem gud 25 sialfr¹¹ mælti til hans á þessa lund: «Ek hefir þik gervan af lagum enn hæsta keisara, hefir ek þer upp gefit herlid¹² ovinar þins ok allan viðbunad ok fiarhlut hans, hefir ek ok sialfan hann selldan á þitt valld ok undir þin vopn, hefir ek þer ok erfingia gefit at sitia yfir hasæti rikis þins. Sigr hefir ek þer ok gefinn torvelldalaust, 30 en þar á mot veitir þu uppgang ok traust ovinum minum.» En er byskup lauk tölunni ok geck ofan af tölustadinum¹³, þá hvarf¹⁴ konungr at honum ok mælti: «Miog [hefir þu¹⁵ talat i moti oss i dag, byskup.» Byskup sagði: «Eigi i moti þer helldr með þer.» «Ek ætla sva vera ok, sagði keisarinn, at ek hafi¹⁶ of hart dæmt. 35

1 sveininom Fr. 2 hvarf nu Fr. 3 [tilf. Fr. 4 [en hann sendir þann orskurð i moti Fr. 5 þinghusit Fr. 6 spýrr Fr. 7 [mer um þenna lvt, sagði hann Fr. 8 [i þina þyrft Fr. 9 vikia Fr. 10 [mgl. Fr. 11 tilf. Fr. 12 herbuðir Fr. 13 tölustallinom Fr. 14 veik Fr. 15 [hafit þer Fr. 16 hafa Fr.

[Þa lögðo til iarlai keisarans, en¹ byskup svaradi þeim: «Vid keis-
arann a ek þetta mal en eigi vid ydr, þviat annars hattar er mer
vid hann geranda en vid ydr.» Byskup qvez ok eigi fyrr messuna
syngia mundu en [þetta mal væri honum upp iatad², «ok legðu nu
5 a valld mitt,» sagði byskup til konungs. Hann svaradi þa: «Lat
vera nu sem þu vill.» Tysvar varð hann at iata hans³ umdæmi.
Sidan gengr byskup öruggur ok gladr til allteris ok syngir messu, ok
eru⁴ allir fegnir þeira sætt.

12. Litlu sidar [berst at sa lutr⁵, er mikillar rygðar fær
10 byskupi. Borg heitir Thessalonía, en lydr þessarrar borgar varð
fyrir sokum ok keisara reidi, en byskup bad þeim liknar, ok
keisarinn het þeim frídi. En stundu sidar geriz sva með⁶ fyrir-
tölum iarla hans at ovitanda byskupi, at hann⁷ sendir lid til
borgarinnar, ok koma þar a uvert um morguninn snemma ok rada
15 þegar a hendr borgarmönnum ok drepa þa allt framan⁸ til dagmala.
Mestr hluti borgarlids⁹ var nidr drepinn, en byskupi fær þetta
mikils, er hann fregn. Konungr var ok þa staddr i Melansborg.
Nu apnaz ok ringir til aptansöngs, þa geingr konungr til kirkiu
med fylgd sina ok foruneyti, en byskup stendr fyrir i kirkiudyrum
20 skryddr öllum skruda ok bagal i hendi, ok diakn¹⁰ var ok skryddr
til hægri handar honum, ok hafði i hendi krismaker ok kalek
toman. Sidan beidir byskup liods, ok optir þat tekr hann til mals:
«Þik qved ek at þessu, keisari, þu hefir rasat i mikinn glæp, þu
hefir framit manndrap ok morgu saklausu blodi ut hellt fyrir hendr
25 riddara þinna. Nu fyrir þessa sök fyrirbyð ek þer kirkiugongu,
ok med því byð ek þer skript at fasta .xl. natta ok daga vid
vatn ok braud, skalltu þessa stund hafa harklædi næst þer ok
hvila a þerri iörðu ok sitia a golfi. En ef þu vill þetta eigi, þa
mun ek nu þegar skilia þik fra cristnum domi ok allri þeiri lausn
30 ok miskunn, er geraz ma af hólldi ok blodi drottins vors Jesu
Cristz, þat er helgaz yfir þessum kalek, ok af smurning heilags
crisma, ok fra öllu því, er manni ma til hialpar verða ok eilifrar
selu.» Keisarinn sagði: «Framdi David konungr bædi manndrap
ok hordom, ok hefir honum þo lytt.» Byskup sagði: «Ef þu vill
35 fylgia honum David i afgerdinni, fylgdu ok honum i yfirbotinni.»

1 [saal. Fr.; sva tóku .ii. iarlarnir ordum i. Cd. 2 [honum væri
rettendi iatvð i þessu mali Fr. 3 byskups Fr. 4 urðo Fr. 5 [þerr at
þann lvt Fr. 6 saal. Fr.; at Cd. 7 keisarinn Fr. 8 fram Fr. 9
borgarlyðs Fr. 10 hans tilf. Fr., som ender med dette Ord.

En er konungr heyrdi þessi en sannligu svör, þá iatir hann sik undir skriptina.

13. Nu geingr konungr i kofa einn undir föstu ok skript. Nu dregr honum fastan bratt ok stridleikr skriptanna, mest fyrir því at hann var adr sællifi vanr, ok þikr eigi vist, hvort hann 5 fær annat skriptinni edr eigi. Byskup vitar hans, ok adrir göfgir menn, ok qvadu hann skripthardan vera ok med litilli stillingu ok eigi at sinu samþycki. Konungr sagdi: «Hans bod skal ek hallda þo, þvíat hann er öllum ydr merkiligri ok einn hardari ok helgari, ok þo at mer se þungbær, þá skal ek þo eigi því bregda, er 10 hann baud. Höfþingi ok gelldingr¹ j. keisarans ris upp ok mælir: «Ofsamadr mikill er byskup sia, er hann vill fyrir sia, hvat konungr ma bera; nu mun ek fara ok skelfa hann til, at hann aptri ummælum sinum, ok get ek, at eigi se mikit fyrir því.» «Fardu, sagdi konungr, ok get ek þer þo at öðru reynaz, en þu ætlar til.» Hann ferr til 15 kirkiu ok lætr byskup kalla utar or kor, ok ganga þeir a einmæli. Höfþinginn mælir a hendr honum um skriptabod vid konung, qvad hann rangliga dæmt hafa hans mal, «ok hefvir þu lagit a hann sva þungt, at hann ma eigi bera, ok hæfir þer annars hattar vid keisara at gera en vid einnhvern annan.» Nu leitar hann marga 20 vega² vid byskup, en þar stendr þo i sama stad. Þá tekr hann at reidaz höfþinginn ok heitaz vid byskup, at honum skyllði eigi lyda, nema hann vikiz eptir ok vægdi honum. Byskup svaradi þá: «Þu fær mer ecki meira gert en gelldingr einn, en ek skal þat standaz sem byskup.» Höfþingianum vard ecki a munni ok geck a brott 25 ok for a fund konungs ok sagdi honum, hversu farit hafði. Konungr svaradi: «Gat ek eigi allfiarri, at sia mundi þer betri ufarin. Nu mun ek fara sialfr a fund hans, ok get ek, at hann vikiz meir eptir bæn minni en heitan þinni.» Nu ferr konungr sialfr a fund byskups, ok er byskup sier konung at kirkiu ganga, ok þá er byskup 30 var ut genginn, þá fellr konungr þegar til fota honum ok sagdi sva: «Eigi er þat eyrindi mitt til kirkiunnar at ætla i kirkiuna, helldr at bidia þik vægdar ok liknar a skriptinni, þvíat ek uggr, at ek mega eigi bera svabuit.» «Ja, ia, sagdi byskup, ek skal likna þer ok leggja annat til med þer, ef þu matt eigi þetta bera; 35 þá er fyrir þik koma vandamal edr storlutir þeir fiarlægir or öðrum londum, þá hleyptu eigi skiotum domi æa, helldr skalltu lida lata þria tigi daga þadan fra, er þu spyrr, adr þu dæmir, þvíat þá

mattu glögligar vita et sanna af vitnisburd fleiri manna, ok vil
 ek, at þu gerir þetta mal lögtekit ok skrasett, sva at þetta halldi
 hverr konungr eptir annan; en ek mun skriptina af þer taka ena
 mestu. « Konungr qvaz þetta giarna vilia. Nu er þetta lögfest, at
 5 hann er frelstr. Nu er lidnir eru .xl. daga ok kemr ioladagr, þa
 leidir byskup konung i kirkiu; en eptir guzspiall gengr konungr i
 sönghus innar ok stendr þar, en byskup sier ok snyr at þangat ok
 tekr i ðxl honum ok segir sva: «Wvigdr madr ertu en eigi klerkr,
 því attu ok at standa i milli olædra manna.» «Til þess geck ek
 10 higat, sagdi konungr, at ek væri þa buenn ok nær stæddr, er
 þionustugiof ferr framm.» Byskup mællti: «Gæcktu til rums þins
 ok bid þar, ok mun þer gefaz þa rum innar at ganga, er þar
 kemr.» Sva gerir konungr enn, sem hann beidir. I þeiri messu
 er konungr hunsladr ok leyrstr fra allri secktinni sinna glæpa.
 15 Fra þessu upp tekr Ambrosius konung at virða ok vagsama i öllu
 umframm um adra menn; konungr legger ok alla stund a, er hann
 ma, at snua Valentiniano fra Arrius villu til retrrar truar, þeim
 er hann hafdi aptr i rikit.

14. A þeim dögum er Theodosius var stæddr i Miklagardi
 20 en Valentinianus i Vallandi, þa eru Valentiniano bref send af Roma
 undir nafni aulldunga (fra) Simaco greifa, ok sendi ord til sigrstallz
 nökurs ok þess heidins doms, er þar fylgdi, ok bedinn konungr
 leyfis at þeiri forneskiu, sem fyrrmeir hafdi verit i Roma. En
 er byskup vard varr þessar ordsendingar, þa bad hann konunginn
 25 til sin senda brefin, ok qvaz hann svara vilia brefunum af sinni
 halfu. I moti brefonum ritar hann bok vitrliga ok sendir til Romam
 ok med sva mikilli snilli, at enn mikli mælandi Simacus þordi
 eigi ordi i moti at mæla. Litlu sidar geraz þau tipindi, at i borg
 þeiri a Vallandi, er Nimuensis heitir, finnz Valentinianus konungr
 30 af sinum monnum lifatinn ok heingdr, en þessi svik voru eignut
 af sumum monnum iarli einum, er Arbogastes het, en konungr
 var eigi skirdr helldr primsignadr at eins undir rettri tru. Eptir
 lifat konungs, koma systr hans ryggvar af miklum harmi a fund
 Ambrosius ok segia honum tipindin, en hann huggar þær a marga
 35 vega i sinum ordum, ok er eitt at minnum haft af ordum hans,
 at hann sagdi sva: «Annathvort skulum vid badir edr hvorgi
 oekar himinriki hafa.» Ok ma af slikum ordum marka, hversu
 mikit traust hann þöttiz undir gudi eiga.

15. Rikit tekr eptir Valentinianum Eugenius. En bradliga
 40 eptir þetta þa beidiz enn ens sama, sem fyrr var af Valentiniano

konungi i ordsendigu Simacus, ok beida nu þess Flavianus greifi ok Arbogastes iarl Eugenium konung. En hann gefr nu upp ok sva gud ok tru sina. Þetta fregn Ambrosius ok verdr vid reidr, ok er hann fra, at konungr for til Melansborgar, þa ferr hann fyst til þeirar borgar, er Bononiensis heitir, þadan til Favencio borgar ok sva ut i Thusciam, ok fordadiz fund ok samneyti ens gudrækia Eugenij meir en meingerdir hans. Nu sendir byskup bref til hans, ok mun her fatt sagt af því mörgu, er i brefunum stod. Þetta var þar mællt: «Þo at keisaradomr se mikil tign, þa er þo gud meiri ok ædri; hann ser hiörtu allra manna, litr hann ok hugrenningar manna, ok alla hluti veit hann fyrr en verdi, ok sva hvat hverium gengr til hverskis. Er þolit eigi, at er sed bleektir, en er vilit þo bleekia gud. Nu ef þu ert rangs bedinn bædi vid gud ok menn, nu er mer eigi lofat annat ok eigi byriar mer annat en at rada mer sialfum heillt, ef ek ma eigi þer.» Nockveriu sidar ferr byskup aptr til Melansborgar, en þa er Eugenius brott farinn moti Theodosio til bardaga, en byskup bidr medan i Melansborg tilqvomu ens retteristna keisara Theodosij, ok var ohryggir i, at gud mundi eigi lata vonda menn ganga yfir sina menn. En adr Eugenius ok hans lid færi or borginni, þa höfdu þeir Arbogastes iarl ok Flavianus greifi heit (strengt) þess, ef þeir kæmi aptr med sigri, at þeir mundi gera stall i kirkiu Ambrosij ok hafa hana fyrir hrossahus en drepa klerka hans, en sia var sok til þessa, at þeir villdu eigi þiggia ofron konungs ok eigi tidir syngia, sva at hann væri vid.

16. Nu faraz þeir i moti konungarnir, ok hafdi Theodosius miklu minna lid, þvíat hans traust var eigi undir sverdi edr skilldi ne mannföldu helldr undir gudi ok helgum monnum. En þa er hann kom i nand fiollum þeim, er Alphe heita, þa verdr hann þar varr vid niosnir Eugenij, þvíat þeir leynduz þar i fyrirsatum. Nott ena næstu eptir vakir konungr Theodosius ok er a bænnum ok bidr gud ser sigs ok tenadar ok helga menn arnadarordz ok fulltings. Af bænenni sofnar hann ok i svefninum vitraz honom .ii. dyrligir menn ok segia honum sva: «Vid erum postolar drottins Johannes ok Philippus sendir til þin af gudi ok þat þer at segia, at Ambrosius byskup bidr fyrir þer bædi nætr ok daga til guds, at hann gefi þer sigr. Nu veitir gud þat hans bænnum, at vid komum til þin ok munum vid ganga i bardaga

med þer i gegn ovinum þinum, ok þottu siar ockr eigi i orrostunni, þa skalltu því ifanlaust trua, at vid skulum þar vera ok þer fullting veita.« Eptir þetta vaknar konungr ok þackar gudi huggan þessa ok vitron, er honum var veitt. Enn næsta dag eptir finnaz þeir

5 Theodosius ok Eugenius, ok tekz aköf orrosta med þeim þegar ok sva hörd hrid, at Grickir opodu a hæl. Nu sier Theodosius sina menn hlida, þa geingr hann fra ok a hamar einn ok fellr a kne til bænar ok segir sva: «Minnztu min, drottinn, syndugs mannz, ok se at ek beriumz fyrir retta sök.» Þetta ser ok heyrir iarl

10 hans einn, höfþingi hersihs ok enn mesti kappi, treystiz nu guds fulltingi ok bæn konungs, eggjar nu sidan a adra iarla ok hertuga til framgongu. Risa þa vid allir i annat sinn ok sva öruggir i hug, at annathvort skulu þa allir falla edr fa sigr ella. Þa tekz en hardazta orrosta i odru sinni þedi af höggum ok skotum,

15 ok þa lyster a oda vedri i moti þeim Eugenio, sva at þeir Arbogastes enn mesti kappi ok Flavianus ok annat lid þeira mattu eigi i gegn vega. Einn mikill höfþingi ok hetia i lidi Theodosij, er het Bavarius, ryfr fyst fylking þeira Eugenius med akafa vedrins; ok þo at þeir skyti i moti spiotum edr steinum, þa bar vedrit

20 þat allt apr a þa, ok gerdi þeim þat mikinn mannskada, en i odru lagi vopnagangr sinna ovina. Nu megu þeir eigi vid halldaz ok snua undan, þviat vedrit veitti öðrum agang ok bana en odrum framgang ok frama. Nu ser Eugenius sik sigradan ok snarar a fund Theodosio ok fellr til fota honum ok bidr ser liknar ok lifs;

25 en vinir Theodosij vissu hann vera liknsaman en trudu illa Eugenio, þa bidu þeir eigi svara konungs ok hiuggu hann þegar fyrir fotum honum. Nu slitr bardagann, ok sendir Theodosius konungr bref Ambrosio, segir honum tíþindin ok þackar gudi ok honum sigrinn. Byskup lætr ser eeki annat iafnskyllt en frida fyrir

30 þeim, er undan höfdu komiz or bardaganum, ok sendir diakn sinn med brefum med þessum eyrindum a fund konungs. Noekuru sidar ferr hann sialfr til Aqvilegia borgar, ok finnr hann þar konung, ok ens sama eyrindis enn fyrir monnum at frida, en þat geingr honum audvelliga vid konung. Konungr fellr þegar til fota honum,

35 er þeir funduz, ok qvad hans bænir ok verdleik ser sigr hafa veitt. Fam stundum sidar tekr konungr sott ok andaz, en byskup lifdi .iii. vetr sidan. Frafall hans harmar byskup miog; um hann gerir hann langan pistil edr sendibref. I þeim pislí grætr byskup miog ok lofar konung umframm um alla adra keisara, qvedr

40 eingan fædaz munu i verolldina þvilikan keisara sem hann var.

Her eru iarteinir ens helga Ambrossij byskups.

17. Enn varð sa atburðr í Florentisborg í husi gófugs mannz eins, at sonr hans het Pansopius ok var a unga alldri diöfulodr, en af optligri bæn byskups varð hann græddr ok heill. Stundu sidar tekr hann sott ok andaz, en modir sveinsins kann illa dauda hans, hon hittir prest einn byskups ok rædir við hann, hversu at hon skyllði með fara, qvez bidia mundu byskup, at hann gæfi lif syni hennar. Prestr leggð þat rad til, at hon skyllði leggja lík sveinsins í reckiu byskups, meðan hann væri geinginn til nattsöngs, ok víta hvat hann tæki þá til, er hann kæmi apr. Sva gerir hon, sem hann gaf rad til. Byskup kemr til reckiunnar ok ser lík sveinsins, bíðr hann bæn sinni blíðliga yfvir sveininum ok tekr a honum ok knyr hann sva sem til voknunar, ok segir þetta þrysvar: «Ris upp þu.» En við þetta akall hans sez sveinninn upp heill ok lífandi, sva sem hann vaknadi or svefni. Í þeirri borg enni sömu lætr byskup kirkíu gera yfir helga doma þeira Vitalis ok Agricole guds þiningarvotta; þeir hófdu iardadir verit í millum Gýþinga í Bononiensis borg, ok vissu öngir groft þeira, adr þeir vitrudu byskupi, hvar þeir lagu. Nu voru þeir þadan færdir ok undir allteri þessar kirkíu níðr lagdir með morgum iarteinum ok allra manna fagnadi.

18. Þat hafði enn verit, er iarlínn Arbogastes hafði bariz við sína þíod Frankismenn ok hafði marga drepit en suma a flotta rekit, þa var hann spurðr æ veizlu einni, hvort hann kynni nöckut Ambrosium byskup. En (hann) qvezt víst kunna hann ok vera vinn hans ok qvezt opt at hans borde verit hafa. «Eigi er þa undarligt,» segia þeir er spurdu, «þóttu sigríztb í ardogum, er þu ert í þess mannz vinattu, þar er solínni sagði sva: stattu ok stod hon þa.» En þetta er fyrir því sagt, at af þessu ma marka, hveðrar fræðdar hann var í önnur lond. Enn lætr Ambrosius upp taka or iordu helgan dom Nazarie martiris ok færa til postola kirkíu í Romam. Þa er sia enn helgi maðr var upp tekinn, þa var blóð hans í grofenni sem nýblætt væri, ok höfud hans, þat er guds ovinir hófdu af honum höggvit, var sva heillt með holldi ok hari ok skeggi fundit, sem þat væri nýþvegít edr nýlagit í molld, ok sannadiz þar ok syndiz drottinligt fyrirheit, at eigi eitt har mundi fyrirfarazt af höfði þeira. Wíð upptöku þessa þindz mannz varð dyrlígrí hilmr en: gros edr iurtir mætti slíkan gera. En er sia

heilagr domr var færdr til postola kirkiu þeirar, er fyrrmeir var yfir þeira helgum domum reist, ok þa er byskup taladi þar fyrir monnum, þa tekr ohreinn andi at kalla fyrir einn odan mann ok qvez sik qvaldan vera af Ambrosio. Byskup sneri til hans ok
 5 sagdi: «Þegi þu diófull, þviat eigi qvelr þik Ambrosius byskup helldr craptr þessa enna helgu manna ok ófund þin, þviat nu sier þu mennena þangat upp ganga, sem þu vart fra rekinn.» En ad sva mællto þagnar enn odi ok fellr nidr i omatt ok skildiz sva vid vanheilsu sina.

19. Eptir frafall Theodosij ens goda konungs taka rikit eptir hann Archadius ok Honorius synir hans. En er Honorius er staddr i Melansborg ok hann þingar þar vid folkit, ok hafdi hann haft dyr morg utan af londum til skemtanar monnum, þa var sendr riddara floekr af Stilico iarli ok af radum Eusebius greifa at taka
 15 mann nökurn, er Crisconius het. En hann komz a kirkiugrid, en þeir rada i kirkiuna eptir honum ok taka hann iafnt fra allterino or hondom byskupi ok klerkum hans, þviat þeir voru fair fyrir. Fara þeir i brott med gleymingi miklum, en byskup eptir med hörmungu legz nidr fyrir allteri til bænar. Riddararnir komu aptr
 20 til motstefnunnar ok hælduz miðg. En i því bili eru dyrin laus latin til leiks ok skemtanar monnum, þau er leopardi heita, þau eru lik oðrgum dyrum, en þegar er þau verda laus, þa gera þau för at þeim monnum, er kirkiuna höfdu hneista, ok drepa þa undir sik ok leku þungliga flesta, eðr meiddu, ok mundi af daudum
 25 ganga sumum, ef eigi nyti mannfolda vid. En er iarlenn Stiliko ser þetta, þa idraz hann bods sins ok vikz til satta vid byskup ok gefr aptr mannenn. En med því at sia madr var þungra hluta sekr, þa ferr hann or landi, þviat hann matti eigi annars kostar sitt mal bæta, ok kemr aptr sidan i sætt.

20. Þat var enn i þann tima, at einnhvern dag geingr byskup ok hans menn til hallar sinnar, en byskup skridnar ok fellr nalega. En Theodorus, er þa var ritgerdarmadr hans en sidan byskup Mutinensis cristni, hann brosir at falle byskups, en byskup litr vid honum ok segir sva: «Varaztu fyst, at eigi
 35 fallir þu.» En i því bili fellr hann, sva at honum vard meint vid; atti sa þa sitt fall at harma, er adr hafdi hlegit at annars falli.

A enni sonu stundu kemr bref med virduligum giðfum ok sendimonnum af drottningu einne, er Fritigil het, utan or londum
 40 til Ambrosium. Hon hafdi tru tekit af einum cristnum manni,

þeim er til hennar hafði komit af Italia ok sagt henne mart fra heilagleik ok agætum Ambrosius. I brefunum bad hon senda ser ritning nöckura edr ord, þau er henne kendi, hversu hon skyllði lifa. Hann gerir pistil i moti því sendibrefi med tilvison truarinnar, bidr hann hana þess, at hon sendi ord til vid bonda 5 sinn, at hann gangi undir Rumveria med sina sveit ok sitt riki. Hon drottningin ferr þegar til Melansborgar ok ætladi at finna Ambrosium, en hann var þa frammkominn, er hon kom, ok feck henne þat mikillar ahyggiu ok hrygdar.

21. A einum drottinsdegi bar sva at, þa er Ambrosius sông 10 messu, at eptir collecto um pistil sofnaðr byskup, en sa var þa vani, at diakn skyllði blezan taka af byskupi til lesningar; nu kemr at því, en byskup vaknar eigi. Nu verðr fall a tidunum. Keisarinn var vid staddr Archadius; ok frettir hveriu sæti fall tidanna, en honum var sagt, at byskup svaf. En öllum var sva 15 mikil ogn af byskupi, at eingi þordi at vekia hann; en keisarinn riss upp loks, þa er þôgn hafði verit nær halfa eykt, ok tekr hann æ honum ok knyr hann ok mælir: «Herra, framm lidr stundin, ok villdi diaknit blezan, ok er folkit þrotit at bidstundu langri.» Byskup vaknar ok mælti: «Latid ydr eigi at þikia, segir hann, 20 þvíat gud hefir mer mikit veitt i þessum svefni; nu kann ek ydr tipindi at segia, þvíat broder minn Martinus byskup er frammfarinn af verolldu þessi, ok var ek þar um rid ok veitta ek honum þionustu ok liksông; ok var nu ein bæn osôngin, er þer vöktud mik.» Sidan syngr byskup messu, ok at lokenni henne snyz hann utar 25 ok segir sva: «Keisari þessi, er mik vakti ok let mik eigi sofa þa stund, er mik beiddi naudsyn til, fari hann þenna dag i brott or Melansborg ok komi her allðri sidan; en ef hann gerir eigi sva, þa mun hann dauðr, adr iafnleingð komi annarra missera.» Keisari gerði sva, at hann ferr a braut þann dag ok kemr þar allðregi 30 sidan. En nu fretta menn lifatzstund Martinus, ok berr saman svefnstund Ambrosius ok likfylgiu Marteins byskups. Þat for ok med, at þeir Turonsborgar menn sa þar byskupligan mann koma ok tiguligan nær dagmalum dags, ok geck sa framm fyrir adra bæði um fyrirsông ok adra þionkan vid byskup ok hvarf a brott naliga 35 vid lokinn liksônginni.

22. Þat hafði enn verit, at Melansborgar menn höfðu ord ænd Romverium, at þeir skyllði senda þeim meistara til at kenna

rethorikam, þat er malsnilldar íþrott; en þeir fa til þeirar farar Augustinum, er þa var kænstr i þeiri íþrott; ok ferra modir hans med honum, er Monica het, hon var cristin. Augustinus var i villu Manichiorum, hann var kvennamadr mikill. Modir hans
 5 ferra opt a fund Ambrosius ok harmar son sinn ok bidr byskup arna honum leidrettu. A einum hatidardegi bidr Monika akafliga son sinn Augustinum fara med ser til kirkiu ok heyra tolu Ambrosius. Þat fær hon af (honum) loks, ok koma þau þar, en Ambrosius byskup talar ok greinir alþy(d)liga tru ok brytr fagrliga saman et
 10 forna lögmal ok et nyia. En vid tolu hans vitiað eraptr ok miskunn heilags anda hiarta Augustini, ok komz hann vid miog, ok skiptiz allt hugarfar hans. Ambrosius ser ok, at hans er vitiat af gudi, ok vard feginn ok lofar gud med þessum ordum Te deum laudamus, en Augustinus svarar Te eternum patrem. Sva
 15 mælaz þeir vid med versaskipti til loka. Eptir þat tekr Augustinus tru ok ferra sidan ut i Affricam ok vard enn æzti kennandi ok byskup.

23. Sia enn helgi byskup Ambrosius var meinlætamadr mikill, hann fastadi hvern dag nema drottinsdag edr þvottdag edr
 20 ena haleituztu messudaga; iduliga var hann a bænum bædi nætr ok daga; avallt er annarra naudsynia vard, a milli, þa ritadi hann ok dietadi helgar bækr. Ahyggia hans var mikil fyrir allri cristinni. I gudligri þionustu var hann sva kostgæfr ok framqvaemdarsamr, at hann skirdi ok cristnadi fleiri menn en .v. enir
 25 næstu byskupar sidan eptir hann; mikill umhyggiumadr var hann fataekum monnum ok utlendum monnum, gull ok silfr ok gersimar, þær er hann atti fyrir vixlu sina, gaf hann upp kirkiu edr fataekum monnum, ok sva þorp, þat er hann atti, gaf hann til kirkiu ok let þo systur sina taka skulld af til atvinnu ser. Hann var sva hug-
 30 godr madr, at hann var fagnandi med fagnendum en gratandi med gratendum; sva ok þa er menn geingu til skripta med hann, þa komz hann vid, unz hann kom hinum med ser til tara. Hann harmadi edr gret miog avallt, er hann fra andlat presta edr byskupa, ok er klerkar hans undruduz þat, þa sagdi hann sva, at
 35 hann qvaz eigi þat grata, er sa var framfarinn, er þa var andadr sagdr, helldr hitt at hann var honum fyrri framfarenn, ok sva þat at torvelldiga! finnz sa kennemadr, er gudi ma algerliga lika. Hann sagdi fyrir sinum monnum andlat sitt ok qvaz med þeim vera

mundu til páska. Oafatliga harmadi hann þat, er hann sa rot allz ens illa upp renna ok þroaz milli manna, þat er agirne, su er eigi sedz af gnott ne minkaz af voladi, ok qvad hann hana aumliga a milli allra, en þo miklu aumligzta medal lærðra manna. Þat var fam dögum fyrr en hann legdiz i reekiu, at hann dictadi skyring um Deus auribus nostris. Þa kom yfir hann logi med skialldar vexti ok leid sva inn i munn honum, sva sem þa er höfþinginn geingr inn i höll sina, en vid þetta vard andlit hans biart sem snior; stundu sidar tok hann yfirlit sin en sömu. Þann dag gerdi hann enda a dicti sinum ok riti, þviat sa salmr vard eigi fylldr edr luktr, er þa var upphafdr.

24. Þionustumadr iarlans Stílico hafdi gerr lygibref nöckur til talar vid þa menn, er kirkiu sottu edr tidir Ambrosius. En iarlenn villdi eigi hegna þat mal, er hann (vard) varr vid. En er þetta mal kom fyrir byskup, þa kallar hann þenna mann til sin ok berr a hendr honum þetta mal, ok er hann matti eigi undan komaz ok vard sannreyndr at, þa segir byskup sva: Þat byriar honum, at hann se andskota selldr i tion likamans, at eigi þori neinn slíka ubeft upp at taka sidan. Þegar a sömu stundu er byskup hafdi þetta talat, þa vard hinn diöfulodr. Sia atburdr feck öllum mikils otta ok hræzlu, þeim er vid voru staddir. Margir menn feingu heilsu diöfulodir a þeim dögum af hans bænum ok yfirsöngum.

25. Madr het Nicecius göfugr, hann var sva fothrumr, at hann matti eigi i fiölmenni vera; en a einum hatidardegi, þa er hann skyldi innar ganga þionustu at taka, þa vard honum bægt af fiölmenninu, sva at hann fell, ok vard hann undir fotum trodinn af byskupi sialfum, ok litr byskup til hans ok mælir: «Ris upp þu ok ver heill hedan fra.» Sva vard ok, sem hann mællti, ok kendi hann ser alldregi fotar meins sidan.

26. Fam dögum sidar, þa er (hann) hafdi vigdan byskup til Ticino borgar, þa tekr hann sott, ok er iallinn Stílico fregn vannatt hans, þa tekr hann sva til ordz: «Ef þenna tek(r) fra oss, þa ferr þar forysta ok upphalld allz Italialandz.» Jarlenn kallar til sin alla ena göfgöztu menn borgarinnar ok vini hans, hann bad þa til med blidmælum ok baud þeim med stridmælum, at þeir færi a fund erkibyskups ok bædi hann þess, at hann þægi af gudi leingra lif. En er þeir koma fyrir hann ok bidia þessa, þa svarar hann sva: «Sva at eins hefi ek med ydr verit, at mik tregar ecki leingr at lifa, ok eigi ottumz ek ok at deyia, þviat vær eigum milldan

drottin ok miskunnsaman.« Miðg a enni sömu stundu voru staddir i forhusinu fyrir framan, þar er hann hvíldi, diaknar hans .ii. ok rædduz við hliodliga, hverr byskup mundi verða eptir Ambrosium, en þeir höfdu mest i ætlun til þess Simplicianum. En þa er
 5 þeim var sem tíðaz um þetta at ræða, þa svaradi byskup mali þeira, sem hann væri við staddr ok heyrdi ord þeira, en þat matti þó eigi at líkindum vera, þvíat þeir hvísludu lagt, en hann var fjarri, ok andsvaradi hann sva, þa er þeir nefndu Simplicianum: «Gamall ok þó goðr.» Þrysvar mællti hann þetta. En þeir verða
 10 ihugafullir ok leggja i brott þegar diaknarnir. En þetta berr þó sva at, at sia var til byskups kosinn eptir hann, sem hann hafði merktan ok kalladan gamlan ok godan, þvíat Simplicianus var allðri orþinn.

27. Fám dogum adr hann andadiz ok a einni stundu, þa er
 15 hann badz fyrir, þa sa hann Crist sialfan koma til sín ok læia við ser. Aptan þann er hann andadiz, frá elliftu tíð ok til andlatz hans, þa lagði hann hendr sínar i cross ok badz fyrir; sa allir menn, at einart rædduz varrir hans til bænar, en óngir namu orða skil. Honoratus prestur hafði til svefnis lagiz i lopti einu þar hía,
 20 þa var a hann kallat þrim sinnum ok mællt sva: «Rís upp þú, skundadu, þvíat byskup er nú buinn til framfarar.» Íð þrídía sinn sprettr hann upp við kallit, þótt hann vissi eigi, hverr kalladi, fer hvatliga þangat til, er byskup hvílir, ok gefr (honom) þegar corpus domini. Her var dyrlígt ok fagrlígt samþycki, þvíat íafn-
 25 skíott sem hann tók corpus domini i sinn líkam, þa gaf hann þegar óndina i moti. Nú hafði ónd hans þetta farnest af verólldunni með ser til samneytis heilagra manna ok eingla, ok gladdiz hon nú i samlagi Helias, (þvíat hann) ottadiz all(d)ri rettinde at boda hófþingium eðr ríkismonnum, sva vægði sia ok neigði allðri af
 30 rettu helldr fyrir keisurum en aumingium. Þat var sialf paskanottin, er hann andadiz a. Ok var nú borit lík hans til kirkíu, fyrr en dagr kom. Margir ungir menn ok þa nyskírdir sögðu frændum sínum eðr fedrum, at þeir sæi hann ganga i kirkíunne i skruda sínum. Sumir sa stíórnu biarta yfir líki lans, en þeir
 35 einir sa, er nyskírdir voru. En er lýsa tók paskadag, þa var lík hans borit til hófudkirkíunnar, er nú er köllut Ambrosiana, ok fylgdi ótaligr lyðr bæði gófuþra ok fataþkra, karla ok qvenna, eigi at eins crístinna helldr ok gyþinga ok heíþingia, ok urpu menn dreglum eðr gyrdlum yfir líkit, þar sem borit var, til heilsobotar
 40 monnum. Díóflar kölludu fyrir munn óðra manna ok sögðu

qveliaz af navistum hans. A enum sama degi liflatz hans vitradiz hann ok syndiz austr i londum i claustru einu bræðrum, ok var a bæn med þeim ok gaf þeim blezan.

28. I Tucia i borg einni, er Florenciana heitir, var einn heilagr byskup, er Zenobius het, hann hafði bedit Ambrosium, ok hann het honum ok því, at hann mundi pangat koma optliga hans at vitia; þa efnir hann þat sva andadr, at i þeiri kirkiu, er hann hafði gera latit, er ok var Ambrosiana köllud, syndiz hann hia allteri optliga. I þeiri borg vard ok sa atburdr, at höfþingi einn edr vikingr, er Redigaisus het, hafði setz um borgina med herlidi sinu, ok borgarmenn þottuz uppgefnir, þa ber sva at a ena næstu nött i husum þeim i borginni, er Ambrosius hafði haft fyrr meirr, at hann vitraz þar i svefni einum manni ok heitr borgarmonnum fulltingi næsta dag eptir. Hann segir vitron þessa borgarmonnum ok styrkiaz borgarmenn i huga sinum. Eigi geingr i tauma fyrir-heit hans: um daginn eptir kemr iarlinn Stilico til borgarennar med miklu lidi ok vinnr sigr a vikingonum¹.

Macezel het einn höfþinge, hann var i herfor kominn moti þeim höfþingia, er Gildu het. Nu hafði Macezel lid minna, ok órvænti hann ser sigrs; hann var vinr Ambrosius, nu skorar hann a hann i sinum bænum til fulltings. Um nött eptir hefir hann vitron i svefni, hann þottiz sia Ambrosium med elldiligu æliti ok staf i hendi, ok þa er hann þottiz til fota honum (falla), þa laust hann nidr stafinum þrysvar, ok sem hann markadi stadinn æ vellinum, ok mælti sva: «Her her her.» Hann þottiz skilia i svefninum, at i þeim stad mundi hann sigraz a Gildu(n)e, sem byskup laust nidr stafinum. Sva vard ok a .iii. degi þadan, ok fellr Gildu i þeim sama stad, en Macezel feek fagran sigr.

Sa atburdr vard enn i Naunio heradi, at heidnir menn höfdu drepit .ii. guds vini Alexandrum ok Sisinnium, en helgir domar þeira voru færdir til Melansborgar. En i því bili var einn blindr madr i annarri sveit, honum var vitrad, at a einni² nött sa hann skip at landi fara, þar voru margir menn a, ok voru allir i hvitum elædum; hann þottiz fregna, hverir þar væri, en honum var svarat, at þar væri Ambrosius ok foruneyti hans. Hann bad, at hann blezadi honum ok gefi honum syn. Hann sagdi: «Fardu til Melansborgar ok renn i mot bræðrum minum, þeim er þa munu pangat koma - nefndi hann a dag um þat - ok muntu þa fa syn

¹ vikingionum *Cd.* ² einni *Cd.*

pína.« Enn blindi madr gerir sem honum var bodit, fer til Melansborgar ok kemr þar þann dag sama, er helgir domar þeira Alexandri ok Sisinnij voru til kirkiu bornir. En er hann snart kistu þa, er i voru helgir domarnir, þa tok hann syn sina ok sagdi allt, hversu farit hafði.

En þat er at segia, at gud fylldi þat er hann sagdi spamonnum sinum a þessa lund: *Sedentem adversum fratrem tuum et occulte detrahentem hunc persequerbar, þann mun ek hegna, qvad drottinn, er setz i moti brodur sinum en finnr at honum i liodi.* Enn mælti hann sva: *Noli detrahere diligere, ne eradiceris, elskadu eigi aleitni, at eigi gerir þu þic upp.* Nu ok sa hverr, er hann veit sik hluttakara vera þessa skauplastar, at hann se aleitinn edr atfundull, þa ihugi hann þat, er eptir ferr, ok lati ser annars viti at varnadi. Madr het Donatus, hann var æzskadr or Affrika ok var þa prestr i Melansborg, hann var staddr i samsæti konungsmanna einn dag, ok vard rætt um Ambrosium; en er allir lofudu hann, þa snyz hann vid prestr ok leitar a hans rad. Hann vard þegar lostinn bradasott, sva at hann vard til reckiu at bera, en litlu sidar or rekkiu til gravar. Annars stad(a)r vard ok vidlikr atburdr i borg þeiri, er Cartago heitir. Þar var virdulig vezla bædi at manna skipan ok vidbunadi at diacns eins gófugs, er Fortunatus het. At þeiri vezlu var Vincencius byskup ok Murannus byskup ok Paulinus fostri Ambrosius byskups, er sögu þessa hefir saman setta ok sidan var heilagr, ok margir adrir byskupar ok klercar. Verdr þar ok umræda til Ambrosius, Murannus byskup er i aleitni vid hann, en Paulinus segir, hversu presti for Donato. En þessa sögu med odrum reynir a ser Murannus byskup, þviat iafnskiott sem sagan er sögd, þa er hann sleginn oda meini, sva at þegar vard hann til hvilu bera, ok lukti sia dagr hans lifi, ok vard sia hans enn efsti. Ollum feck sia atburdr otta, þeim er vid voru staddir, ok sva þeim er frettu þat, at sia vard endir þeira manna, er Ambrosio hallmællto. Mun nu ok endir þessar frasögu med þeim formala, at sa, er ritadi ok sagdi, ok sva hverr, er lyddi, hafi arnan ens helga Ambrosius ser til syndalausnar ok eilifs farnadar, en af almatkum gudi hialp ok frid ok fagnad bædi nu ok leingdar, þeim er var ok er ok vera mun eilifr gud veitandi viliandi megandi alla hluti goda um allar alldir allda. Amen.

APPENDIX.

(Beklippet Pergamentblad 655 qv. xxviii A. Levning af en gammel Codex.
Jvf. ovenfor 34⁷—37²⁷.)

Forsiden.

kia bvin i lokhvido nokurri ok þa er hann hafði til svefnis lagiz, 5
 þa kemr Justi[na ok] legzt vndir fôt honum i nattserk einom ok
 hefir við hann þyðleti ok bliðo. En hon sag[ði sva] siðan qrð
 hans: «lat mik sofa, sagði hann, en þu varaz þat er liggr i mille
 okar.» [En hon] hyggr at ok ser, at þar hreykviz hæggormr i millom
 þeirra. Nu verðr hon h[reðd] ok sprettr ur rekionni sem skiotaz. 10
 En sia tiltekia hennar(!) at hon villdi gera hann sa[kne]man ok
 siðan sva færa til vtlegðarinar helldr en firir girnðar sakir til . . .
 A annari stundu ber sva til, þa er Justina ok hirð hennar sato
 undir drykiobor[ðom, at] matr allr a borðonom varð at drekom ok
 hoggormum ok poddum en drykrin at bl[oði. Allir] undruðoz ok 15
 ottuðuz. Menn eru sendir til hallar B. ok spyria, hvi þessi vndr
 ge[gndo]. Segit er sva Arrius mænnum, qveðr hann, ællom þeim,
 er eigi heifa(!) postoliga trv [ok almenn]iliga, verðr æll fæzla ohrein,
 sva sem þeir eti orma, eptir því sem segir P[avlus postoli]
 Allir hlvtir ero hreinom hreinir, en særgum ok trulæsom er allt 20
 særukt. [Nv er] slikt synt i þessom vndrom. Margir toko tru af
 þessom atburð. En af slikom [hlu]tom, sem nu ero sagðir, hofz sanctus
 Ambrosius eigi upp i metnaðr(!), helldr legði hann [sik] því meirr
 firir deo, sem hann var meir upp hafðr af mænnum; þroaðiz
 hann h[vern] dag i ast ok i tru firir deo et hominibus. Menn voru 25
 tver(!) vinir ok hæfvð ver[ðir] Gracianus ok fasteknir i villoni; ein
 dag er B. talaði, fa þeir honom vanda sp[urn]ing of hollgon Krist,
 sva at hann þottiz eigi i stað mega or leysa; byðr þeim [an]nan
 dag eftir til kirkiu at heyra orlæsn hans, ok þeir heto at koma.
 Nu kemr [dagr] annar, ok er nu B. i kirkiu komin ok fiol- 30
 menni at heyra þeirra viðspell. En þessir a[mu] menn gefa eigi
 garm at heitorði sinu, eigi guði, eigi B., eigi folkinu, er beið
 i kirkiu, ok m[in]naz eigi ok orða drotins sva melanda: hverr
 semt †¹ ein af enum minstvm minum [þa] byriar at æsnoligr
 steinn bindiz við hals honum ok drekiz hann i sēfar divp. 35
 Þeir st[iga] upp i reiðsleða ok aka a bræt or borgini eyrenda

¹ Det til dette Mærke hørende Marginaltillæg er bortklippet.

sina at biðanda B. ok folk[ino] i kirkionni. Þeirrar farar varð allr senn endir ok ogorligr atburðr. Nu er minz[t] varir sleyngrvir þeim or sleðanvm ok komo baðir daðir a iærð. B. i aðrum st[að]vi]ssi eigi hvat titt var, ok er honom þotti langt
 5 at biða, þa talar hann fyrir mannmvm [vm þetta] mal ok losar fvlliga ok fagrliga vm þetta vannmæli, er þeim v A þessvm stundom ris upp hafðingi sa er Maximus heitir, hann var ko[min] fra Maximiano enom versta keisera, hann var fyrir herliði miklo ok ferr [af Ro]ma til Bretlanz ok letr ser gefa keisera
 10 nafn, ok ferr hann síðan ok leggr [hann un]dir sik Saxland. Þat fregn keiseri Gracianus ok sendir a mot honom t[va] konunga] með mikit fiolmenni annan Gna[rvm] Hvna konung en eta konung. Þeir koma til Colni ok setiaz um borgina gat Vrsula dottir Divnvti konungs með .xi. þusundir
 15 þer villdo ei samþykiaz hermønnum þer hægva. Maximus for annarstaðar ok lagði v ok kugaði þa með sullt at risa i mot Valens ok gefa honom agirni sina at s ga af heimi

20 *Bagsiden.*

[ra n]afn en sa heitir Theodosius magnvs ok felr honum a hendi æstr la[nd] all til geizlo(!). Þeodosius hefnir síðan draps keiserans ok a marga bar[daga] við þiðir þessar Gothos Hvnos Alanos Sarmatas ok sigrar þer. [hann l]et gera borg mikla ok ageta i nand
 25 við a þa er Danubius heitir, su [er m]est a i heiminvm er Evropa heitir; sex tigur stor a falla i hana, en hon [kem]r i sia staðum til sefar. Sia borg heitir af hans nafni Theodosia. Þa [er] Gracianus keiseri var staddr i Lugðuna borg i Vallandi, þa hefir drotningin [farit] i aðrar sveitir a kynis leið(!) at finna frændr sina. En
 30 þa er hennar var [aptr] van, þa geyrðu borgarmenn keiseran varan við. Keiserin gek i moti drotning[ini] fiolmeðr, ok þo betr viðbuin þa kossum en vapnum. Vagnum var þar [ekit] tiollduðum. Keiserin hverfr at þeim vagninvm er virðuligastr var ok lypti tialld[inu] ok villdi hverfa til drotningiar(!). Þa skretta(!)
 35 þar menn vr vagninum ok verpa af [ser] kvenfatum, en undir voro brynior ok brugðin vapn. Þar var Maximus komin [ok menn] hans, bera þeir vapn a Gracianvm ok drepa hann. Jarlin Adrogatius var i þessum svi[kum ok velræ]ði með Maximo. En

Maximus setr andvegi ríkis sins í Treveris borg. Nu ger[iz] slíkt
 þar þa um hann sem segir í sögu Martini episcopi. Harðingi ok
 umboðsmadr Graci[anus he]t Macedonius. Einhverio síni þa er
 Macedonius skyldi dæma um sakar manna, en [Am]brosius ferr til
 þinghussins ok villdi tóa mali einshvers mans. En hann ver[ðr] 5
 var]r við Macedonius ok vissi eyrendi hans ok villdi byrgia þinghusit.
 B. kemr at [hu]rðu ok komz eigi inn, hann tekr sva til orðz: Nokverio
 sinno(!) muntu til kirkju koma ok [u]p lokin hennar dyrr muntu eigi
 finna. Þat kom nu fram, er Gracianus var drepin. [M]acedonius
 komz undan fyrst ok villdi a kirkju grið; kirkian var opin en hann 10
 fann eigi [dy]rrin, var hann þar drepin. Eftir drapit Gracianvs
 sendir Ambrosivs bref Maximo [tysvar] at na likunum til graptar.
 fund þeirra bar saman B. ok Max. ok boðar B. honom til [kirkju
 ok] qvez þar hafa meira valld til allra stormala. M. s. Eigi fer
 ek þangat, mældu her [slik]t er þu vill. Ma ek, segir B., banfæra 15
 þik her, ef þu vill eigi skript taka. M. [sva]rar: Vil ek taka
 skript. Syn þu í því iðran þina, segir B., attu legg niðr keisera
 [nafn] ok ber eigi corono ok haf hertoga nafn sem fyrr. Þetta
 ma ek eigi gera, segir M., í moti [tign] minni. B. s. ef þu matt
 þetta eigi gera lostigr, þa skaltu þat sama skamz bragz gera 20
 [naði]gr ok þat ríki er þu hefir at rangu tekít. (!) Nu ef þu vill
 sattir verða við guð, [þa ta]k þu iðran eða ella banfæri ek þik þegar,
 er þu hefir drepit þin herra. M. [villdi] eigi ganga undir skriptina
 firir metnaði sinum. En B. gerir hann fraskila postoligri [kristni
 ok allo sam]neyti kristinna manna. En sva er sagt, at þaðan í 25
 fra ber
 likamligri heilso ok anligri ok fer þo síðan suðr um fíall
 ok þa var keiseri orðin eptir Gracianum
 eptir því sem Martinus b. hafði honom
 ok liði, en M. vikingr leggr un eigi allom vetri 30
 síðar þa drogu þeir Theodo en M. ser ofrið
 fylgd ef er

ANTONIUS SAGA.

(Codex 234 folio. Sagaen, hvis Begyndelse mangler, tager fat midt i den latinske Originals 6te Capitel.

- 5 [Antonius var født i Overægypten af fornemme og fromme Forældre, havde af disse erholdt en religiøs Opdragelse. Efter disses Død delte han sin store Formue mellem de Fattige, anbragte derpaa sin Søster hos fromme Kvinder, men søgte selv Ensomhed, hvor han hengav sig til et strengt asketisk Liv under stadige Fristelser og mange Anfægtelser af Djævelen. Nætterne tilbragte han som oftest
- 10 under Bøn, spiste kun en Gang om Dagen efter Solens Nedgang; undertiden kunde han tilbringe to ja tre Dage uden at tage Næring til sig; denne bestod i Brød og Salt med en Slurk Vand til. Sin Søvn nød han paa flettet Siv iført en Haarskjorte, stundom tjente ogsaa den bare Jord ham til Leie.]
- 15 Sva tamði hann sitt eiginlíkt hollð með meinlætvm, at æ honvm fylltizt orð postolans, er hann segir sva: Þæ er ek verð sívkr, em ek sterkari. Þæ sagði hann hvgskoti(t) verða hofsamt ok avndina sterka, er maðr þravngvir með avllv líkamligvm teyg- ingvm ok beiðni. Þetta rað var ok harða heilsamlíkt. Starf
- 20 hreinlífis ok heilagrar bindendi villði hann eigi fyrí ætla með mæling akveðins tíma, helldr með ast ok orvggleik ætlaði hann þat til endalyektar at varðveita; eigi talði hann eða virði erfíði líðinnar tíðar, helldr var hann nv sterkari ok hræstari, sva sem þetta væri vpphaf hans þravtar, en bio sík meira ok avflgara til
- 25 varðveizlv okominnar stvndar, sva sem postolinn mælti: Líðnvm lvtvm gleymi ek, sagði hann, en styrkívmzt í mot oordinni freistni. Varðveitti hann ok með ser spamanzins orð sva segiandi: Gvð er lífvandi, í þess avgliti stoð ek í dag. Þessa geymði hann, þat vitandi, at spamaðrinn nefndi eigi í dag merkíandi líðna tíð, helldr
- 30 nv verandi stvnd. Skyndi hann nu sia(1)fván sík slíkan gvði at forna, sem rettlatvm manni byriar at vera í gvðs avgliti, þat er með reinv hiarta ok bvinn at þíona hínvm hæsta gvði ok engvm avðrvm, hvgsaði hann ok her með þann vera rettan mvnk, er lífði eptir dæmvn ok atferð hins mikla spamanz Helie.

7. Antonivs með þessvm hætti styrktr ok lærör for a brot af þeim stað, er hann hafði verit vm stvnd, i annat herað eigi miok fiarlægtt. Þar fann hann hauga nackvara forna harðla. I einn af þeim geck hann inn ok bio ser þar herbergi. Einnhverr maðr valðiz til ok vandizt at færa honvm bravð. Antonivs var einn 5 saman vm nætr i þessv herbergi ok byrgði vändliga dyrr. Hinn forni havggormr þolði þetta eigi at vera sva haðvliga fyrilitinn af einvm vngvm manni, ottaðiz hann nv, at þessi Antonivs mvndi bratt vilia fara i eyðimork til einsetv. Ok at saman kavllðvm sinvm illzkvpionvm¹ bravt hann vpp æ navekvarri not hvdsyrnar 10 ok hliop æ hinn helga Antonivm með sinvm fianzligvm grimleik, ok mæddi hann með morgvm kvavlym ok sarvm, sva at þria daga la hann eptir a golfvinv mallavss ok avrvita. En er sæ maðr kom eptir vanda, er honvm færði fæzlu, geck hann inn ok fann Antonivm grimliga særðan a iorðv liggianda. Sia maðr tok hann 15 vpp ok flvtti i brvtt til hinnar næstv borgar ok lagði hann niðr i miðri kirkiv þess staðar. Ok þegar er þessi tiðendi frettvzt i borginni, safnaðizt saman til kirkivnnar þeirar, er Antonivs læ, mikit fiolmenni bæði hans frændr ok annat folk af þeim stað. Giorðizt þæ af mavrgvm, sem vannt er, hormvngar atbvrðvm mikil 20 sorg ok akafligr grattr. Allr þessi lyðr, þviat þæ tok at kvellda, settizt þar vm nottina i kirkivnni. Enn með gvðligv fvltingi endrlifnaði hinn sæli Antonivs nær miðri nott. Ok nv er hann hof vpp havftv ok avgv, sæ hann mikit folk bæði karla ok kvenna ok alla fast sofvandi, ok þann einn mann sæ hann vakanda ok 25 engan annan, er hann hafði þangat flvtt, kallaði hann þenna þegar til sin ok bað hann flytia sik i þann stað ok herbergi, sem hann hafði aðr verit, sva at engi yrði varr við. Ok er sa maðr heyrði þetta, flvtti hann Antonivm þegar aþtr, þott hann vndraðizt orvggleik hans ok staðfesti harðla miok, ok lagði hann niðr i hit sama 30 herbergi, sem hann var fyrr; byrgði siðan dyrr eptir vanda, aðr hann færi i bravtt. Enn helgi Antonivs baz nv fyri staðfastliga liggiandi æ iorðvnni, þviat akaflig ohægendi af storvm sarvm talmvðv, at hann mætti standa vpp. Ok eptir lycktaða bæn kallaði hann með mikilli ravdd ok avitaði fiandann með þessvm orðvm: 35 «Eigi skelfva mik ognir þinar, eigi kvalar þinar eða sar ok eingi otti; nv em ek her kominn ok bvinn, nv skal ek hvergi flyia, þo at þv rifvir ok slitir likam minn; æingi sarleikr ok eingi meizll

¹ illzkv þioðvm *Cd.*

mega mik fra skilia ast drottins mins, ok þott þer bvit mer i moti, sem psalmaskalldit savng, mikinn fiolða herbvða, man eigi ottazt hiarta mitt.

8. Þa er hinn sæli Antonivs hafði þessa lvti sagt, varð
 5 fiandinn með samfelavgvinn sinnar illzkv miklvinn otta sleginn, er hann sá trv hans sterka ok oskadda; slæfvaðizt hann þo eigi enn sva sem sigraðr, helldr vakði hann vpp með sinni slægð annat nyfvndit pislarkyn ok hræzlv i gegnn þionostvmanni gvðs Antonio. Kallaði hann nv saman þræla sinnar ofdirfðar ok avitaði þa fyrst
 10 sva segiandi: «Hvar er nv aræði yðartt ok dirfð, eða hvar er kraptr yðarr, hver erv grimðarfvl verk yðr, hvar(t) siai þer eigi styrkleik eins þionostvmanz Kristz, eða vili þer gleyma, er otalligr fiolði værra sveitvnga er sva miok sigraðr? Með engvinn kvavlvinn ok engvinn sarleik eða meingiorðvinn megvinn ver hann vndir briotæ,
 15 helldr er hann mycklv sterkari en i fyrstv, ok hæðir at oss sva sem hegomligvinn ok herfviliggvinn. Nv þa bregðvinn æ oss likavinn ymisligra dyra eða kvikvenda, ok veitvinn honvinn atgavngv, at hann kenni i nockvrvinn lvt afll vart ok olmleik « Þa er fiandans ærir, þeir er ecki vetta er omattvligtt illtt at giora, vorv sva eggiaðir,
 20 flycðvzt þeir saman með mikilli sveit, ok at liðinni hinni fyrstv stvnd nætr veittv. þeir aras Antonio með sva mycklvinn gny ok hræðiliggvinn storm, at sva matti synazt, sem herbergit hans, fiollin ok sialf iorðin mvndi af akafliggvinn skialfta með avllv vinn snvazt. Gengv þegar at grimliga ok brvtv víða hvsveggina; tok þa miok
 25 at falla þetta hit litla herbergi ok vpp at lvkazt. Eptir þat gengv vbreinir andar i syn við hinn helga Antonivinn i likavvinn ymisligra skogdyra; sá hann þar bæði leones ok pardos, hin grimmvztv dyr er sva heita, bia(r)ndyr, navðrvr ok þa eitorma, er regvli kallaz, ok morg avnnvr skaðsavvinn ok eittrfvll kvikvendi af ymis-
 30 ligv kyni. Avll þessi skrimsl forv remiandi, hvertt eptir sinni nattvrv ok ravst ok með gapanda gin, sva sem þav þyrsti avll til bloðs þessa rettlata manz ok hann at svelgia. Enn þott osigraðr gvðs kappi Antonivs staddr i ognn nyligrar freistni væri miok mæddr af hinvv fyrrvinn kvolvinn, hafði hann efvalavsliga ser i
 35 briosti i þessi margfalldri ok haskavllri þravt [osigrat vigi², þat er nafnn Kristz, i gegn avllvinn diofvligvinn skeytvinn. Stoð hann nv snarpliga i gegnn þessvinn hinvv grimmazta diofvls her sva segiandi: «Ef nackvarr kraptr er með yðr, þa mvndi ecki

meirr en einn af yðarri sveit ganga mer i mót mik at hræða eða skelfva; enn fyrri því at eingi er sannleikr með yðr hvarki krapz ne likamligra mynda, er sialfr gvð giorir vanmegna ok aflavsa með himneskvm krapti, því kostgiæfit er mik at skelfva eigi með stríðleik eða afli helldr með syn ok otta margmyndaðra skrimsla; er þat ok hit sannazta mark yðars ostrykleiks, er þer ervð svmir i dyra liki ok æsionv¹. Nv ef nockvrr er sannleikrinn með yðr, ok ef þer hafvit valld æ mer með akafligvm gny ok remian, en raðit eigi a mik; enn þat velldr, at þer megvte eigi, því at þer ervt ostrykir ok afl(l)avsir. En sterk trv var til gvðs er hit orvggazta vigi¹⁰ vart, mark sigvrs ok hialpar várrar«. Ok er diofvlls ærir þottvz liottliga vera hæddir af honvm i þessvm orðvm, giorðvzt þeir æ því grimvari i sinni illzkv ok reiði.

9. En er hvorirtveggiv þreyttv með þessvm hætti, vitiaði drottinn þionostvmanz sins. Ok er Antonivs hof vpp avgvm(l), sæ hann eina¹⁵ stiornv skinaði með miskvnnsamligv liosi. Leið þetta ofvan i herbergit, sva at þat skein allt innan af þessi birti. Við þenna atbvrð flyðv brvtt skiottliga allir dioflar; hvsit var nv ok endr bætt ok alheilitt, enn mikill verkr likamligra sara miok i brvttv. Þæ er Antonivs skilði, at drottinn var honvm nalægr, fylltizt hann²⁰ vpp miklvm fagnaði, ok mælti til synar þeirar, er honvm birtizt: «Heyrðv, drottinn, heyrðv, hinn goði Jesv, hvi fyrleztv mik, hvi syndir þv þik eigi mer þegar i vpphafvi, at þv linaðir meinlætvminvm ok græddir sar mín?» Þæ heyrði hann ravdd ser svarandi með þessvm hætti: «Antoni, her var ek hia þer, ok beið ek, at²⁵ ek mætti sia þravt þina ok trv. En fyrri því at þv ert eigi sigraðr, man ek þer ævallt fvlting veita ok giøra þitt nafnn frægtt a avllv iarðriki.» Ok er Antonivs heyrði þessa lvti, reis hann vpp af iorðvnni lofvandi ok blezandi nafnn drottins ok styrkizt sva miok, at hann var nv myklv hravstari ok sterkari, en aðr³⁰ hann feingi þessa vitran. Þæ var hann halfertvgr at alldri.

10. Hinn helgi Antonivs, framarr treystandi en fyrr gvðs miskvnn, for eptir þriæ daga liðna til þess hins gamla ok hreinlifva mannz, er ver savgðvm fyrri² fra, ok bað, at þeir mvndv fara baðir samtt i eyðimork at byggia þar. Enn er Antonivs skilði,³⁵ at hann villdi eigi fyrri sakir mikils alldrs ok þess staðar, er hann hafði aðr leingi vanizt at vera, for hann einn samtt i eyðimorkina

¹ æsionvr *Cd.* ² *Lat. cap. 3:* Erat in agello vicino senex quidam, vitam solitariam a prima sectans ætate: hunc Antonius cum vidisset, æmulatus est ad bonum.

til fiallz nockvrs. En er vvinrinn sæ trv hans ok astvndan, ok at hann var æ leið kominn, villdi hann talma ferð hans ok goða fyrætlan, skipti hann nv asionv ok syndizt sva sem einn silfrdiskr, la hann a miðri gavgv, þar sem Antonivs skyldi fara til fiallzins.

5 Ok er hinn helgi Antonivs sæ diskinn liggjanda fyr ser, nam hann staðar ok litaðiz vm, hvgsaði hann, hverssv þat mætti vera, at nackvarr maðr hefði tynt eða niðr felltt þenna silfrdisk, með því at engi var bygd i þeim stað eða manna ferð. Skildi hann nv skiott, at hinn versti fiandi var svinn i þessa silfrs mynd at

10 dvelia ferð hans. Mælti hann nv sva sem við þenna disk: «Þetta er silfr þitt, fiandi, eigi mantv nv fæ talmat gavgv mina ok fyrætlan, enn þetta man vera til vitnis glatanar þinnar.» Þæ er Antonivs hafði þetta mæltt, hvarf diskinn i bravtt. Ok er hann hafði enn farið vm stvnd, var honvm eigi gior sionhverfving sem

15 fyrr, helldr fann hann a gavgvnni satt ok ofalsat gvll. En þat er eigi vitað, hvart fiandinn hafði þat þangat flvtt, eða drottinligr kraptr at reyna hinn helga Antonivm, til þess at diofinvm væri þat sannliga syntt, at gvðs þionostvmaðr Antonivs hafnaði eigi at eins hans falsi, helldr fyrleit hann ok sialftt gvllit. Vndraðizt

20 Antonivs fegrð ok mikileik þessa gvllz, at eigi at siðr flyði hann, sva sem þat væri elldr brennandi helldr en gvll. Flyði hann ok þenna stað, sva sem hann ottaðizt þar leingr at vera, ok for nv til fiallz þess, sem hann hafði aðr fyr ætlat.

11. Antonivs miok mædr af langri ferð kom þar, er hann

25 fann einn harla fornan kastala eyddan af allri manna bygd ok fvllan af havggormvm. Ok er hann hafði vandliga skyniat þenna stað, fal hann sik þar. Allir havggormarnir flyðv þegar skiott ok fyrletv staðinn, sva sem þeir væri af nockvrvm bravtt keyrðir. Eigi hafði hann meira bravð en sex manaða fæzlv, þæ er hann

30 byrgði sik i þessvm kastala. Margir aðrir siðlatir menn af Thebaida sottv þenna stað, dvavlölv svmir litla stvnd, en svmir satv alla .xii. manaði, ok forv siðan i brvtt. Var ok i þessvm stað, sem iafnan er vannt i eyðimork, litil vatædr eða vppspretta. I þessvm kastala byrgðr bygd i Antonivs einn saman, sva at eigi geck

35 hann vtt, ok eigi lavk hann upp fyr i þeim, er til hans sottv. Tysvar æ .xii. manvðvm var honvm bravð færtt af nockvrvm siðlatvm manni ok sentt til hans vm einn glvgg kastalans. At longvm tima liðnv tok martt folk ok frendr hans ok vinir at vitia hans optliga fyri astar sakir. En hann tok eigi við þeim,

40 ok eigi lavk hann vpp kastalann. En er þeir vorv vti hia.

herberginn, heyrðv þeir bæði v m nætr ok v m daga mikit hark ok hareysti, sva sem þar væri inni nikit fiolmenni, heyrðv þeir ok herfvioktt kall með þessv orðtaki: «Dragztv i brvtt af herbergi vorv, hvat er þer sameigit með oss? eigi skalltv þola mega vorar meingiorðir.» Þat hvðv þeir fyrst, er þeir heyrðv þessi orð, at 5 nockvriur menn við hann svndrþyckir væri hia honvm; þeir er eptir stigvm hefði vpp komiz a veggina ok sva inn i kastalann; ok er þeir ranzavkvðv vandligar, hveriv þetta gegnði, fengv þeir seð v m eina rifv a vegginnvm, at engir menn vorv hia hinvm helga Antonio. En fyri því at þeir skilðv nv, at dioflar hófðv giorrt þetta hæreysti ok 10 okyrleik, vrðv þeir akafliga hræddir, ok af miklvm otta kavllvðv þeir Antonivm til fvlltings. Ok er hann varð varr, at menn vorv vti hia herbergi hans, leði hann meirr eyrna til at heyra þeira kall ok orð en hia ser inni geyiandi diofvligar raddir. Geck hann nv til dyra ok hvgaði þaa, er komnir vorv, sva mælandi: 15 «Hirðit eigi, bræðr, at mæða yðr, helldr farið er brvtt með friði ecki vetta ottandi. I gegnn þeim erv dioflar diarfastir ok veita þeim mestar ok harðaztar arasir, er þeir sia hræddazta ok með mestri ostyrkð. En þer skolvtt hafva nafnn drottinnis i hiortvm yðrvm ok merkia yðr með marki hialpar varrar, þat er hinvm 20 helga krossi, ok farið sva vtan alla hræzlv til yðarra herbergia, en latið þessa, er yðr skelfva, hæða sialfva sik.» Með þessvm hvgganarorðvm styrkðir forv þæssir i brvtt, er sott lavðu fvnd Antonij, hliðir með marki hialpara vars Jesus Kristz. En hann var einn eptir i þeim sama stað ohrædr ok með avllv oskialfvandi, 25 því at hann hafði nv fvndit i margfalldri freistni ser veittri, at dioflar erv vandmegnir ok hegomligir.

12. Eigi mycklv siðarr forv margir hans kvnnir menn at forvitnaz ok skynia, hvartt eigi hefði með avllv dioflar drepit hann. En hinn helgi Antonivs lofvaði ok blezaði gvð ok sagði sva: «Ris 30 vpp þv drottinn, ok dreif ovinvm minvm! lattv flyia fyr mer alla þaa, er mik hotvðv; sva sem eyðizt akafligr reyckr af ellde framfarandi, eða vax af miklvm ellzloga, sva fyrfariz nafnn syndvgra i avgliti drottins.» Ok enn sagði hann sva: «Allar þioðir veittv mer vmsat, en ek sigraða þær i nafnni drottins mins.» Þetta 35 talaði hann i gegnn fianda freitni ok þeira vmsat. Þessa staðfesti hellt hann i þeim sama stað .xx. vetr, sva at af avngvm var hann senn langt eða víða farandi.

13. Siðan giorðizt þat, at margir hormvðv af hans einsetv ok fiarvist, er hann bio einn samtt i eyðimorkinni. Ok þeir, er 40

fystvz at gioraz eptirlikiarar hans hreinlifvis ok agiætra siða,
 somnvðvz saman með frændvm hans ok kvnnvm mavnnvm, forv
 nv i eyðimavrkina til kastala þess, er hinn helgi Antonivs sat,
 ok brvtv vpp hvrðina, stoðv siðan i dyrvm ok baðv, at hann skyldi
 5 nv ganga i syn við þæ. Ok er þeir sæ yfvirbragð asionv hans ok
 bvnað, fognvðv þeir, sem þeir sæi nockvt lios af himni til sin
 sentt. Vandliga hvgðv þeir at honvm avllvm megin æ hann
 litandi, vndrvðvzt þeir fegrð' hans ok vhrornaðan likam, ok þat er
 þeir sæ hann eptir sva morg meinlæti ok margfallda freistni eigi
 10 vandrækiligan eða með bleikv andliti, helldr savgðv þeir sinn i milli,
 at þeir fvndv hann nv sva sterkan ok staðfastligan ok með avllvm
 sama hætti obrvgðinn, sem þeir sæ hann fyrr, þæ er hann var vax-
 andi a vngvm alldri. Ecki let hann ser vm finnast þat folk, er astvnd-
 aði hann at sia, eigi tok hann við bræðrvm, frændvm eða kvnnvm
 15 monnvm, er farit havðv langan veg hann at finna ok hann kvavddv
 með nockvrri akefð staðlavsligrar bliðv eða lavngv viðrmæli, helldr
 talaði hann vtan allá mæði með mikilli staðfesti fvllr af somasemð
 ok rettlæti harðla fæ lvti af allra þeira navðsyn, er þar vorv
 komnir. Jesus Kristr let ser soma marga, þæ er sivkið vorv,
 20 ok marga, þæ er aðr vorv lama, at græða fyri hans bæn, ok þæ
 heila at giora, er aðr vorv af vhreinvm avndvm kvalðir. Sva
 mikil gvðs giptt ok miskvnn fylgði honvm, at með sinvm orðvm
 giorði hann þæ glaða, er aðr vorv hryggvir, en þæ samþycka, er
 aðr vorv svndrþyckir eða missattir. Ollvm kendi hann at virða
 25 gvð framarr en alla veralliga lvti, því at hann þyrmði eigi eingetn-
 vm syni sinvm, helldr sendi hann fyri varri hialp hann til pin-
 ingar. Ok er hann hafði þessa lvti sagtt, eggiaði hann marga at
 fyrflata alla veralliga lvti ok raðast til mvnkligs siðferðis; varð ok
 sva fyri hans kenning, at fiollin ok avll eyðimorkin giorðiz eptir
 30 skamma stvnd liðna naliga fvll af klavstrvm ok mvnkabygð.

14. Sva bar til eitt sinn, þæ er Antonivs skyldi af nockvrri
 navðzyn fara bræðra at vitia, at vegr hans var at fara yfvir eina
 keldv eða leirs fvllt stavðvatnn. Þetta var sva mikil torfæra,
 at þar þorðv engir menn at fara, því at i vatninv var mikill fioldi
 35 havggorma ok morg avnnvr skaðsavn ok mannskiæð kvikvendi.
 Ok er hann kom i þann stað, giorði hann bæn sina til gvðs. Geek
 hann siða(n) diarfliga fram i þenna haska; sva hit sama giorðv
 aðrir bræðr, þeir er i ferð vorv með honvm, ok með gvðs fvlltingi
 komvz þeir alheilir af þessi ofærv. Enn er Antonivs hafði vitiað

allra bræðra, fór hann aptr til mvnklifvis sins, an aflati varðveitandi hreinlifvi ok bindendi með fvllkominni staðfesti. Marga bræðr styrkti hann með sinv dæmi ok kenning. Marga af verolld leiddi hann til mikillar fysi ok astar mvnkligs siðar, sva at æ skamri stvnd vorv með hans raði reist vtallig mvnklifvi, yfvir 5 þeim avllvm var hann stiornarmaðr ok lærifaðir.

15. A nockvrvum degi sotti fvnd Antonij mikil(l) fiolði bræðra, ok beiddvz at heyra kenning hans ok af honvm at læraszt, hversv þeir skylldv gvði þiona. Hann talaði til þeira þessa lvti a egi(p)zka tvngv: «Helgar ritningar mætti oss þavrf vinna til læringar, en 10 þvi at þer baðvt at heyra af mer nockvra lvti lagvm ok litlvm, er viðrkvæmiliktt, at ver lærimzt vor i milli ok semim oss til hialpsamligs verks. Nv slikt sem yðarr vitrleikr hefvir bergt af himneskri kenning, veitit mer þat sem synir favðvr; en ek em sva sem meiri at alldri, hefi ek nockvt i minni halldit eða profvat 15 eiginligri ravn, vil ek þat giarna fornna yðarri broðurligri ast; þvi hæfvir i vpphafvi, at ver allir samt hefim vpp ok styrkim trv vora með staðfesti allra goðra lvtu. Heyrit nv þæ, elskanligir bræðr! Varizt þer at vanrækia sia(l)fva yðr, sva at þer giorizt ostyrkir i mannravnvm eða mæðizt i freistni; talið ok eigi þetta i 20 yðrvm hvg, lengi hofvm ver nv ok gvði þionat ok ervm fvllkomnir i bindendi ok hreinlifvi, helldr leitvm ver sva sem af nygiv vpphefviandi hversdagliga at avka starf ok iðnn goðra verka. Nv se þetta hit fyrsta boðorð avllvm sameiginliktt, at engi lati sik þrota i vpptekinni goðri fyrætlan, helldr lati hann iaflan vaxa 25 þat, er vel var vpphafvit, þvi at manzins lif¹ samiafnat eilifri dyrd er harðla skamt.» Ok er hann hafði þetta mæltt, þagði hann litla hrið² vegsamandi agiætan avrleik gvðligrar miskvunar.

16. Siðan hof hann sva sitt mal: «I þessv nvveranda lifvi erv iofnn kavp eða avextir skiptiligrá lvtu, þvi at sa er selr tekr 30 eigi meira en iaflvægi af þeim er kavpir; en hit eilifva lif fam ver keyptt með avðgiætligv andvirði, þvi at sva er ritat: dagar lifs yðars³ erv .lxx. vetra, en ef marz alldr er mikil, erv þat .lxxx. vetra, en allt, þat er vmfram geingr, er eigi annat en erviði, sorg ok sarleikr. Nv þæ er ver lifvm .lxxx. eða hvndrat vetra 35 eða sva morg ár, sem ver stavrfvm i gvðs þionostv, veitast oss storir lvtir, þvi at þar i moti tokvm ver i vara erfð eigi iorðina helldr himinriki, spilltan ok brvgðinn likam fyrlatvm ver, en mvnvm hann

1 er tilf. Cd. 2. hrið stvnd Cd. 3 ydards Cd.

taka annat sinn oðauðligan. Fyri því, synir minir, mæðizt eigi af
 nockvrvum lífs þessa leiðendvm, bleekiz ok eigi af metnaðargirnð
 hegomligrar dyrðar, því at meiri er dyrð sv, er birtaz mvn **a** oss,
 en hvn se samvirðandi stvndligvm piningvm eða freistni, er ver
 5 þolvum i þessi verolld. Ætli engi, at hann hafvi stóra lvti fyrlatið,
 þott hann hafvi heim þenna fyrletið¹, því at allt iarðriki er þravngt
 ok litit, ef þat er samiafnaat himinriki, er meira er, en þat hafvi
 nockvrt endimark. Nv ef ver megvum eigi makliet iafnvirði giallda
 i gegnn dyrðarfvllvm himneskvum herbergivm, þott ver afneitim
 10 avllvm heimi, hvgsi hverr sialfvan sik, ok man hann skiott skilia,
 þo at hann hafvi fyrlatið hervð, bæi, fagra vavllv eða nockvt gvll,
 at eigi skal hann þaðan af hælazt, sva sem hann hafvi mikla lvti
 vppgefvit, ok eigi bryggvazt, sem hann mvni sma lvti i moti
 taka; því at sva sem einnhverr maðr gefr vpp eina e(i)rs sylgiv,
 15 til þess at hann megiz hvndrat þeira er af gvlli erv giorvar,
 með sama hætti man sa, er fyr lætr drotnan allz heims, taka hvndrat
 atfallda agiætari avmbvn i himneskv sæti. Þat skolvum ver ok
 gloggliga skynia, at með lavgmali sialfs davðans verðvm ver navð-
 gir fra slitnir þeim avðræðvm, er nv holldvm ver of fast at varvm
 20 vilia, sva sem ritað er i þeiri bok, er Ecclesiastievs heitir. Nv
 þaa fyr hvi skolvum ver eigi giora krapt af navðsyn², fyr hvi skolvum
 ver eigi at sialfvilia fyrлата þaa lvti, er ver mvnvm tyna með
 endalyktt þessa lífs, ok afla sva hit himneska riki? Elski eigi
 mvnkar eða ahyggiv beri fyr þeim lvtvm, er þeir megv eigi með
 25 ser af heimi hafva, helldr skolvum ver fysazt þaa lvti at eignazt,
 er oss leiði til himins, þat er heilvg speki, hreinlifvi, rettlæti, krapta
 verk, skynsamlig skilning, astzamlig geymsla, fatakra gestrisni,
 sterk trva i gvðs þionostv, hvgr sigrandi skynlavsa reiði. Þaa
 er ver fylgivm þessvm lvtvm, mvnvm ver fyribva vara vist,
 30 sem gvðzspiallit vattar, **a** iorðv hins sanna friðar. Verðvm eigi
 afhvga, at ver ervm þionostvmenn gvðs, ok þeim skyllðir þionostv
 at veita, er oss hefvir skapat. Þvi at sva sem goðr þræll hafnar
 eigi eptir framða goða þionostv hlyðni at veita veranda eða yfir-
 komanda boði sins herra, ok eigi þorir þat at sanna, at fyrir sakir
 35 liðins erfviðis skyli hann frials vera siðan af avllv starfvi ok
 þionan, helldr fremr hann iafnann, sem gvzspiallit vattar, hina somv
 þionostv með miklvum alhvga, at hann megiz þeim lika, er hann

1 *Lat.*: Nemo, cum despexerit mundum, se arbitretur reliquisse ingentia. 2 *Lat.*: Cur ergo non facimus de necessitate virtutem?

þionar, en vactar bæði hræzlv ok bardaga ser at afla; sva hit sama hæfir oss at hlyða gvðligvm boðorðvm, þat vitandi, at sæ hinn rettlati domandi mvn hvernn dæma eptir þeim verkvm, sem hann finnr hann vinnanda i endalyktinni; þat sama sannar hann sinvm orðvm fyr Ezechielem spamann. En vesli 5 Jvdas var ræntr avllvm avexti ok starfvi liðins tima fyr þaa illzkv, er þann framði æ einni nott. Fyr þvi er avllvm þeim, er drottinn veitir fvlfting, halldandi með iafnaði vpptekin goð verk, at ritningin segir sialfvan gvð samvinnanda vera þeim avllvm, er gott ætlaz fyrir. Minnvmt æ boðorð postolans, at ver megvn 10 vndir fotvm troða iðnarleysit, þav er hann vattar sik hverssdagliga deyia fra heiminvn. Ef ver hvgsym ok með slikvm sama hætti, hversv skamæliktt er manzins lif, mvnvm ver eigi syndir fremia, þvi at þaa er ver efvmzt vpprisandi vm morgininn, hvartt ver mvnvm til kvellz lifva, ok treystvmz eigi, þaa er ver leggvmt til 15 svefnis, at ver mvnim til dags lifvi hallda, ervm ver ok alldrigi ominnigir, hverssv skamælikt ok efvanlikt er mannzins eðli ok lif, skilvm ok, at gvðs forsia styrir oss i avllvm stavðvm. Mvnvm ver með þessvm hætti eigi misgiora ok eigi vera halldnir i nockvrvm agiarnligvm fiarsamdrætti eða rangri reiði i gegnn nockvrvm, 20 ok eigi fysazt saman at safna iarðligar fehirlzlv, helldr af hverssdagligvm davðans otta ok biðstvnd skilnaðar likams ok andar mvnvm ver hafna avllvm falva(l)tligvm lvtvm. Sva mvn fyrlatin verða ast kvenna ok slockvaz brvni illrar lostasemi. Sva mvnvm ver vpp gefva syndir, hvern avðrvm var i millvm, hafvandi fyr 25 avgvn hverssdagliga hinn efzta dom ok avmbvn varra verka; þvi at mikill otti ok hræzla ogvrligra pininga leysir likaminn fra breyskligri beiðni ok styðr avndina, þaa er rasa vill i syndir sva sem nockvra hafva gnipv. Fyr þvi bið ek, at ver leiðim vpptekit starf með allri æstvndan til goðrar endalyektar. Liti engi aptr æ 30 bak i eptirliking eiginkonv Loth, þvi at drottinn segir engan þann makligan himinriki at fæ, er hann litr aptr a bak, siðan hann setti havndina sina yfvir arðrinn. Aptr at lita er eigi annan veg at skilia, en iðrazt þess goðs, er maðr hefir vpp hafit, ok binda sik annat sinn i veralldligvm girnðvm.

17. Bið ek, at þer ottiz eigi nafun krapzins, sva sem omattvligt se hann at fremia, latið yðr eigi synazt sva sem vtlentt eða 35 fiarlægtt þat starf, er fremiazt mæ með varv sialfræði. Sað ok efni þessa verks er með sialfvm manninvn eptir nattvrvligv eðli, ok er þess hattar hlvt, at hann fylliz at eius með varvm vilia. 40

Þeir er heiminn elska fylgi vtlendvm iðnvvm ok astvndan girzkra¹
 iðrotta ok leiti lærifeðra hegomaðvlla boka i annarri halfv heims,
 ef þeim likar, en oss navðgar engi navðzvn langt at fara eða yfvir
 haskafvllt haf at sigla, því at i avllym stavðvm æ iarðriki er skipat
 5 ok ma aflat verða himinriki. Þaðan af sagði drottinn sva mælandi:
 Riki guðs er yðar i milli, kraptr sa er með oss er leitar at eins
 mandomligrar hyggiv. Hverivm man efvanlikt vera, at nattvrv-
 likt hreinlifi andarinnar, ef hvn spillizt af engvm likamligvm savri
 eða veralligvm, er brvnnr ok vppras krapzins? Þvi at goðr skapari,
 10 sem navðzvn er at trva, skapaði hana goða. En ef ver dvelivm,
 sem vera kann, slikvm lvtvm at trva, heyrvm þæ Jesvm son
 Nave sva segianda sinv folki: Giorit rettlatt hiarta yðart fyri
 drotni gvði gyðinga lyðs. Johannes gaf ok eigi olikan orskvrð
 af kraptinvvm sva talandi: Giorit rettar gavgtr yðrar. Þat er þa
 15 er avndin er rettlát, en þæ er at savnnv sva, er hennar vpphaf-
 likt hreinlifvi spillizt af engv(m) flek lastanna; ef hvn skiptir
 nattvrvnni, þæ kallaz hvn ranglat, en ef hennar frelsi ok tignn varð-
 veitiz, þæ er þat kraptr. Gvð fal oss a hendi avndina vara, varðveitvm
 slikt veðit, sem ver tokvm. Engi ma við þat sakazt, at sa hans eiginligr
 20 lvtr, er fæðizt fyr innan sialfvan hann, se sva sem vtlendr. Sa
 man kenna skepnv sina, er giorði, lætvm hann finna sitt verk
 slikt, sem hann skapaði. Latvm oss þorf vinna þæ pryði ok þann
 bvnat, er sialfr gvð gaf oss nattvrvliga; því skalltu, maðr, varazt
 liott at giora þat, er gvðligr avrleikr veitti, því at sa savrgar
 25 skepnv gvðs, er breyta vill. Með avllvm athvga skolvvm ver
 gstvnda at sigra vikingligan olmleik reiðinnar¹, því at sva er ritat: —
 Reiði manz vinnr eigi retlæti gvðs. Ef oloftv girnð tekr voxtt
 með mannvvm, getr hvn af ser synd, en af syndinni gezt andar
 dævi. Þat boðorð er oss af gvði gefvit, at ver varðveitim hiarta
 30 vart ok hvgrenningar með sifellðri geymslv, því at ovinir varir
 erv alldregi obvnir oss svikræði ok vndirgroppt at veita, þat erv
 dioflar ok vhreinir andar. Postolinn vattar, at vtan allt sátmal
 eigvm ver þeim i gegn at beriazt, sva segiandi: Eigi at eins eigv
 ver deilv at hallda i gegnn holldi ok bloði, þat er mavnnvm eða
 35 breyskri hollzins beiðni, helldr i mot havfðingivm ok mattvm þessa²
 heims ok i gegn avndvm illzkvnnar, er i loptinv byggia, þat hvart-
 veggia erv dioflar. Eigi er langt ifra oss fiandans flockr, því at
 akafligr þeira fiolði ferr flivgandi vm loptið, þat er oss er nalægtt.

1 gozkra Cd. 2 Lat.: tyrannicam iræ insaniam. 3 þessvm Cd.

Þat er ok eigi minnar fæfræði at skyra þeira grein ok misiafnat, þvi spari ek þæ skynsemð þeim, er meiri erv. Með skommv mali man ek skyra þat, er nalægtt er ok eigi byriar, at ver siam vvitendr við at varazt, þat er fals ok prettir, er þeir semia ok efla i mot mannkyninv. Þvi skolv ær i fyrstv trva með staðfavstvm hvg, 5 at gvð skapaði ecki, þat er illtt er, ok eigi hofzt vpphaf diofla af hans skipan, þeira rangsnvning ok illzka giorðizt eigi af nattvrlygv eðli helldr vilianligvm lesti, þvi at þeir vorv sva sem goðir af gvði skapaðir, en af eiginligv hvgskozins sialfræði fellv þeir af himni til iardar; ok þeir velktir ok spilltir i avllvm illzkv savri skipavðv 10 her illa ok overðvga dyrkan skvrðgoða ok heiðingligrar villv. Nv kveliazt þeir i sinni avfvnd, er þeir avfvnda oss ok lata alldregi af alla illa lvti at hræra ok vpp at vekia oss i moti, at eigi skylim ver eignazt þeira hin fyrri sæti, þat er þann fagnat er þeir fellv fra. Ymislig ok sva sem svndrskipt er þeira illzka. Svmir af 15 þeim hafva ið mesta afl allt illt at giora, en aðrir af samiafnan þeira, er verri erv, synazt sva sem nockrvv omatkari; allir þeir eptir sinv illzkvmegnni erv skipaðir ok skiptir sva sem til einvigis at ganga i gegnn mannkyninv með svndrgreindri freistni ok ymisligvm savkvv vandra verka. Þvi er navðzvnlikt gvð at biðia, 20 at með hans gíof megim ver skynsamliga greina megnn vhrainna anda, ok þæ er ver skynvm ok siam fyrir flærðir þeira ok fals, reisvm ver vpp með hans travsti i gegnn þeira fylking i þessvm grimma bardaga eitt drottnligt mark ens helga kross. Þæ er hinn (helgi) Pall postoli hafði þessa gíof af gvði þegit, sagði hann 25 sva: Eigi ervm ver ovitandi, hvilikar erv fiandans slægðir. Eptir hans dæmi byriar, at hverr varr styrki annan með heilsamligri kenning, ok giorim kvnna var i milli þæ freistni, er ver hofvm þolat. A hverivm tima hata dioflar alla kristna menn með fianzligv hatri ok setia fyrri þæ otalligar snorvr sinnar slægðar. En þo 30 erv þeir mycklv grimmari i gegnn klavstramonnvvm, mvnkvm eða meyim Kristz, ok kostgíefva at rangsnva hiortv þeira ok hvgskot með hinvm savrgvztvm hvgrenningvm. En þessa eða aðra þeira aslattv skolv þer ecki ottaz, þvi at skiott falla þeir fyrri bæn ok favstv rettrvaðra manna, er þeir fornføra gvði. Eigi skolv þer ok 35 þegar yðarnn sigr hyggia vera fyllkominn, þott þeir lati af at freista yðar litla stvnd, þvi at þeir erv vanir grimmari vpp at risa annat sinn, þott þeir hafi sarir orðit fyrri trvskeytvvm goðra manna; ok þæ er þeir mega eigi giora grand i freistni illra hvgrenninga, skipta þeir vm iðrott sins bardaga, þæ leita þeir at skelfva með ymissvm 40

ognnvm, stvndvm bregða þeir æ sik kvenna mynd, dyra eða
 havggorma, stvndvm synazt þeir með sva storvm likomvm, at hofvt
 ber herbergivm hæra, ok otaligar asionvr taka þeir a sik, sva sem
 storar sveitir riddara hafva þeir enn synzt. Þvi skolv ver þo með
 5 sterkri trv treystazt, at allar þeira sionhverfvingar eyðazt þegar i
 fyrstv fyrri marki hinns helga kross ok i bravt hverfva. Þæ er þeir
 erv kendir ok sigraðir i sinvm þessvm svikvm, taka þeir fyrri at segia
 atbvrði oordinna lvtá; ok ef þeir erv hafnaðir, ok ef eigi (er) trvat
 slikvm hegoma, þæ kalla þeir ok vppvekia sialfvan havðingia
 10 illzkvnnar ok fylling allz hins illa, at hann efi þæ i þeira þravt.

18. Trvit ok, at ek hefvi fiandan iafnan seð með slikri savmv
 mynd, sem hinvm helga Job var hann fyrri drottinliga vitran syndr.
 Avgv hans syndvz sva sem fegrð Lvciferi, logandi lios forv fram
 af mvnni hans, har hans var sem dreifðr logi brennanda ellz, af
 15 navsvm hans for vtt hræðiligr reykr sva sem af ellzfvllvm ofnni,
 andi hans syndiz sem hela. Með þes hattar ognn ok yfvirbragði
 syndiz hann havðingi diofla, iafnan stora lvti fyrri heitandi, en
 stvndvm ognandi sinni illzkv sva sem með stormæltri tvngv. Spæ-
 maðrinn¹ segir ok synir i sinni bok þessi ofdirðarorð hins forna
 20 fianda, er hann æ alla verolldina sva segiandi: Með hernaði man
 ek fara ok vndir mik briota riki iarðarinnar, ok allan heim man
 ek hallda sva sem litit hreiðr mer i hendi ok bravt taka sva sem
 vanrækt ok fyrlatin egg. Með slikum hætti spyr hann davðligv
 ok illzkvfvllv sinv falsi ok veiðir optliga nockvra af þeim, er vel
 25 synaz lifva, i sinvm snorvm. En ver skolv eigi trva fyrriheitvm
 hans ok ecki hræðazt ognir hans, því at hann svikr ævallt ok
 bleckir, ok engi erv savnn hans hott eða fyrriheit. Eða hverssv
 mvndi hann sva stora eða otalliga lvti-ogna eða fyrri heita, ef eigi
 væri þat allt fals ok lygi? Þessi hinn grimmazti dreki er nv
 30 veiddr af drotni fyrri hinn helga kross sem fiskr æ avngli, ok
 tavmi bvndinn sem skynlavst kvikvendi, i fiotri halldinn sem flotta-
 giarnn þræll, ok því at hringr er i gegnvm keyrðr hans varrar, er²
 honvm með avllv engan rettrvaðra manna lofvat at svelgia. Nv
 er hann af Kristi veiddr, sva sem hinn herfviligzti titlingr i neti
 35 vafðr, ok af goðvm monnvm at haði hafðr. Nv harmar hann ok
 sytir samfelaga sinnar illzkv vndir fotvm troðna af kristnvm mavnnvm
 sem haldreka ok havggorma; sæ er því hælldizt, at hann mvndi
 þvrka avll havfvinn ok sagðizt hallda mvndv allan heiminn ser i

40 ¹ Span æðrinn Cd. ² en Cd.

hendi, seð nú þá, hann er af oss sigraðr, hann ma ok eigi banna, at ek tala honum i gegnum þessa lvti. Fyri því, synir minir, er með avllv fyrilitandi drambandi hræsni með hegomligvm orðvm; lios þat er fiandinn synir sik stvndvm skravkliga skinanda, hefir engan sannleik liossins með ser, helldr synir hann þá þann loga, 5 er hann man at eilifv brenna, því at fyri bæn goðra manna flyr hann með sinni falsligri birti skiotara, en skyra megí, brvtt berandi með ser likneski sinna pininga.

19. Stvndvm erv dioflar vanir, þá er þeir synazt eigi, með hliomandi savngravst ok með skammandi sinni ofdirf(ð) fram at 10 segia með ohreinvm mvnni heilog mal ritninganna. Optliga þá er ver lesvm, erv þeir vanir oss at svara við hin siðvztv orð sva sem fyri dvergmalá. Þeir vekia oss ok stvndvm sva sem til bænar af svefni, at þeir taki fra oss hvíld ok svefn allrar nætrinnar. Mavrgvm synazt þeir i bvnáði gavfvgra mvnka, ok veita þeim 15 atavlv ok vmbvavndv, en hræða þá við hinar fyrri syndir, er þeir vita sik framit hafva. En ver skolvvm með avllv hafna ok fyrilita avitan þeira ok æminningar ok alla flær(ð)samliga aeggian, hvart sem þeir biðia oss fasta eða vaka; því at til þess taka þeir æ sik asionvr þeira, er oss vorv kvnnir, at fyri yfirbragð krapanna 20 megí þeir avðvelliga(r) mein giora með eitri sinnar illzkv, ok fyri liking milldinnar nackvara særtt fá, þá er meinlavsir vorv. Þessv næst senda þeir þionostvmavnvm Kristz þá hvgrenning, at þeira iðn ok fyrætlan se havrð ok omattvlig, til þess at þá er þat synizt þvngt, er vel var vpphafvit, giorizt leiðendi af avrvilnan 25 goðrar framkvæmðar, en iðnarleysi af leti ok leiðendvm. Fyri því talaði spamaðrinn sendr af gvði með opinbervm orðvm sva segiandi: Vei verði þeim, er of drvckinn giorir navng sinn með stormsamligri rangsnvning, því at þess hattar ranglatlig aeggian visar oss eigi þann veg, er til himinrikis liggr. Þá er drottinn Jesus var 30 her a iardriki ok dioflar tavlavðv navðgir sanna lvti af honvm, því at þeir savgðv sat sva mælandi »þv ert son gvðs«, byrgði hann fyri því þeira kallanda mvnn, sæ hinn sami er til mals leysti tvngvr mallavsra manna, at eigi samblandaði¹ þeir sonnv lofvi eitri sinnar rangsnvningar, ok at ver eptir hans dæmi skolvvm i eingvm 35 lvtvm þeim samþyckia eða hlyða, iafnvel þott þeir eggi oss stvndvm þarfra lyta; því at með avllv eigi byriar eptir þat frelsi, er gvð hefir veit oss, ok lifgandi boðorð ritninganna at² þiggia rað at

fiandanvm, hversssv ver skolvu lifva, þeim er tyndi sinu sæti ok skipan ok heriaði síðan heilaktt ríki Kristz. Fyri því þavð drottinn honvm talanda af helgvu ritningvm at þegia, at gvð sagði sva hinvm syndvga: Fyri hvi boðar þv mit rettlæti ok talar lavgmal
 5 mitt fyri þinn mvnn? Alla lvti skravkva dioflar, sva sem i eptir-
 liking ymisligra lvtu, þa er talast við. Opt heyriz sem þeir tali
 við bræðr, optliga giora þeir nockvrnn okyrleik vppvekiandi hliom
 eða hareysti, eða sem havndvm saman liostandi, hvæsandi eða
 ferliga hlægiandi, at þeir megi þott fyri hina minztv synð at eins
 10 inn ganga i kristins manz briost. En þa er þeir erv af avllvm
 goðvm mavnnvm bravt keyrðir ok verða at flyia, vatta þeir vm
 síðir sitt vanmegnn sva sem með grati ok svt. Drottinn [þavð
 þeim sva sem sannr gvð ok samvitandi sins velldis at þegia¹; ver
 skolvu fylgia fotsporvm heilagra manna ok framganga þann sama
 15 veg sem þeir, er glavggliga sa fyrir slikar bleckingar. Einn af
 þeim sagði sva: Þagða ek ok giorðvmz litillatr, þa er hinn syndvgi
 stoð mer i gegnn; ek sva sem davfr heyrðaa ek eigi, ek var sem
 maðr eigi heyrandi ok sem hinn mallavsi eigi vpplvkandi sinn
 mvnn. Krístr þavð ovinvm at þegia sem sannr gvð, en ver skolvu
 20 fiandanvm i engv trva, ok mvnnvm ver hann sigra; hvart sem fiandr
 eggja oss at biðiazt fyrir eða fasta, skolv ver þat ecki giora eptir
 þeira aminning helldr at varri veniv. Hæðandi erv þeir en eigi
 ottandi, iafnvel þot sva syniz, at með sinu rasanda ahlavpi mvni
 þeir oss davða veita; ogra þeir ok heitast at giora alla lvti, en
 25 giora eigi, því at þeir erv vanmegnnir. Þott ek minnvmt mik
 sagtt hafva af þessvm ltvu með skavmmv mali, erv þeir enn
 framarr skyrandi, því at þessa lvtu endrminning veitir oss mikla
 varvð.

20. Þa er Jesvs Krístr kom til iarðarinnar, sigraði hann ok
 30 niðr bravt ovininn ok eyddi avllvm hans styrk ok afli. Fyri þessa
 savk minnizt sia hinn gamli hervikingr a sinn hinn fyrra kraptt;
 ok því at hann ser sik fallit hafva, geisar hann með sinni illzkv
 mankyuniv skaða at veita, en hann ma þo eigi rangsnva með illvm
 hvgrenningvm eða avðrvu flærðvm þat briost, er gvð styrkir ok
 35 hefir ser til bygðar valið. Með því ok at ohreinir andar, er oss
 erv avallt motstaðligir, hafva eigi mannligan likam, er þat avllvm
 avðseligra env biartasta liosi, at eigi mega þeir við þat sakaz,

¹ [saal. rettet; gvð þavð þeim sva sannr ok samvitandi sins velldis ok þegna Cd.; lat.: dominus quidem quasi deus et suae conscius majestatis

40 obmutescere his imperabat.

at fyr því sem ver af þeim eigi sigraðir, at þeir megi eigi inn-
gavngv na i mannlikt hvgskot sva sem at byrgðvm dyrvm. Ma
þetta ok svæ sannliga profva, at ef þeir væri byndnir i breyskligvm
ok mannligvm likam, mætti þeim neitvt ok bavnvt vera þessi inn-
ganga sva sem fyr læst hlið. En fyr því at þeir erv, sem ver 5
savgðvm, frialsir af þessi likamligri talman, sva at þeim er mattv-
likt byrgða ok læsta lvti i gegnvm at fara, ok þeir flivga leyfviliga
vm alltt loptit, er avðsætt, at fyr þeira vanmegnn er oskaddr likamr
heilagra manna. Er þat ok vist, at vandir fiandans þrælar með
dioflinvm sinvm havðingia, þeim er hialpari værr sannaði ok 10
sagði i gvðzspiallinv verit fra vpphafvi manndrapara ok favðvr
illzkvnnar, mvndv með engv moti oss vægia, er sterkliga berivmzt
þeim i gegn, ef mattv þeira ok afl væri eigi fra þeim tekit. Heyr nv
þæ, vondr andzskoti! ef ek lyg þessa lvti, fyr hveria savk þyrmir þv
oss, er hvervetna hl(e)ypr ok hlavptir (!), fyr hveria savk mattv eigi, 15
er i avngvm stað ert byrgðr eða halldinn, onyta orð eða atkvæði
þeira, er dispvta þer i gegnn ok þinni illzkv erv gagnstaðligir i
sinv lifvi? Enn vera kann, at þv elskir oss, þæ er þv kostgæfvir
hverssdagliga oss vmsat at veita ok vndir at briota. En i annan
stað er þat með engv moti trvanda, at þv ser lærifaðir goðgirndarinnar 20
eða stvndar meirr a goðvm lvtvm eða vel lifvandi mavnnvm stoð ok
styrk at veita helldr en skavm eða skaða. Eða hvat er þat, er
þer mæ iamkiært vera, sem þeim skaða at vinna, ok allra mest
þeim mein at giora, er karllmannligaz beriaz i mot þinvm glæpvm,
eptir því sem ritat er, at syndvgvm er milleikrinn rækiligr ok andztygr. 25
Hverr mvn eiga iafnn sergnogtt briost sem þv til allrar illzkv,
hverr mvn sva miok kosta sem þv at fylla fyrhvgsaðar fianzligar
vmsatir? Vitvm ver, hverr þv ertt, andzskoti, er sannliga matt
kallaðr vera hit savgazta hræ. Vitvm ver, at fyr því lifvm ver
kristnir menn, ok fyr því skolvm ver oravggir ganga til bardaga 30
eða einvigis þer i gegnn, at gvð varr giorði þik ostyrkan. Fyr
þvi ertv ok særðr ok með þinvm skeytvm i gegnvm skotinn, at
eigi fylliz með framkvæmð allar þinar ognir. En ef ver bleckivmz,
ok syniz oss eigi slikt sem er, fyr hveria savk veitir þv vmsátt
eða ahlap varri trv með skravksamligvm ognvm eða með mikilleik 35
likama ymisligra skrimsla? Nv ef megnn fylgir vilia, lát þer þæ
þavrf vinna at eins illt at vilia, því at þeira siðr, er mikills mattar
erv, er eigi at leita fiarlægs fvlltings eða bleckiligra bragða sigr
at vinna, helldr at fylla þat, er þeir fysazt með sinvm eiginligvm
krapti. En nv synir þv opinberliga þrotin þin avfl, er þv stvndar 40

- æ sva sem með ohreinvm ok bernnsligvm sið skroksamliga at
 svikia, haðvliga æ pik¹ bregðandi leikligv yfvirbragði eða mynd
 hræðiliga kykvenda. Hvat er oss trvanda? hvartt eigi var sannr
 sæ engill, er sendr var af gvði i gegnn Assirijs? Eigi þyrpti hann
 5 fyllgð eða favrvneyti at þiggia af nockvrv folki, eigi for hann
 leikandi, eigi giorði hann nockvrsskonar gny með ottanda okyrleik,
 helldr framði þegiandi sitt mattvlikt valld eptir drottinligv boðorði
 ok riki, þæ er felldi c. lxxx. v. þvsvndir gvðs ovina skiotara en
 orðvm megi skyra. En fyri þæ savk at þer ervt miok breyskir
 10 ok ostyrkir at avflvm, mvnv þer vera i eilifri glavtv. Þat kann
 vera, at i moti þessv efni taki nockvrr sva til orðz: Af hverri savk
 var þat, er fiandinn dirðiz vmsat ok freistni at veita envm sæla
 Job fyri hans mikla trv ok til fallz at knyia alltt hans hyski ok
 herbergi? eða fyri hvi drap hann i einvm stað avll bavrnn hans,
 15 herbergin a þav fellandi at eyddvm aðr hans avðræðvm? Fyri
 hveria savk þorði hann vmfram alla þessa lyti at liosta hinn helga
 Job grimligvm sarvm ok leiðiligri likþra? Sa er þessa spvrning
 setr fram, heyri her i mot þav svavr, at þetta matti fiandi
 vist eigi giora, nema gvð giæfvi honvm til þess leyfvi. En þat
 20 verðr fyri tvenna savk, er gvð gefr fiandanvm valld vár at freista,
 til hegningar, ef ver misgiorvm, enn til dyrðar, ef ver stavndvmz
 vel freistnina með gvðs travsti. Af því ma ok skyrtt mark taka,
 at fiandinn ma einskis manz freista, nema hann hafvi aðr til þess
 tekit valld af gvði, því at engi beiðiz þess af avðrvm at þiggia, er
 25 hann hefvir sialfr i sinv valldi. En hvat þarf ek til þessa efnis
 giora minning hinns sæla Job, þess er fiandinn bað freistni at
 veita, ok feck hann þo með engv moti sigrað? Með því at hann
 hefvir ecki valld i gegn kvikvendvm, ma hann ok eigi fremia sitt
 eiginlikt afl i gegnn savðvm eða svinvm nema með gvðligvm
 30 vilia ok vppgiof; sva sem sialftt gvðzspiallit vattar i þeim stað,
 er sva er ritað, (at) dioflar baðu drottin Jesvm sva segiandi: Ef
 þv rekr oss fra manninvm, send oss þæ i svina flokkinn. Hverssv
 mega þeir ok þæ skaða vinna eða grand giora manninvm gvðs
 likneskiv ok sva astzfolginni skepnv sinvm skapara með sinv
 35 illzkvfvllv valldi, er eigi þorðv ne mattv svinvm grand at giora
 ok þav at deyða vtan gvðliktt leyfvi. Þat skolv þer vita, hinir
 kiaervztv bræðr, at skirt ok² hreint lif með oskaddri trv til gvðs erv
 en bestv ok hin bitrvztv vapnn, þav er ver skolv beriaztt með i

geggn dioflvm. Trvít ok því, er sannliga er reynt, at andskotinn ottaz vokvr þeira manna, er rettliga lifva, ok sva ið sama bæna-
halld, favstvr, hogværi, vilianlíkt fatæki, hafnan hegomligrar
dyrðar, litilæti, miskvnn, rettliga drottнан eiginligrar reiði, ok
einkanligazt þat hiarta, er með hreinni ast elskar almattkan gvð. 5
Veit hinn svartazti havggormr, at eptir drottinligv boðorði skal
hann liggia vndir fotvm rettlatra manna, sem þav orð birta, er
varr hialpari sagði sva sinvm lærisveinvn: Se herna, ek gaf yðr
valld vndir fotvm at troða havggorma ok haldreka ok allan krapt
ovinar, ok mvn yðr ecki vetta granda. 10

21. Ef dioflar giora þat skravksamlikt yfvirbragð, at þeir
sanni sik vita oorðna lvti eða segi þeim fyrir, er þeir vilia falsa,
tilkvomv nockvrra manna, ok þótt þeir komi, sem ohreinir andar
boðoðv, þaa er vist eigi trvanda þeira frasavgnn, því at þeir erv
avallt lygnir. Fyri þaa eina savk slogvzt þeir fyrir a leið boðandi 15
þessa lvti ok tilkvomv þeira, er siðarr forv, at trvnaðr væri a festr
þeira savgn sva sem nockvrri forspa, ok eptir þat mætti þeir¹ avð-
velligar yfvir þeim valld hafva, er trvðv þeira falsi. Krist(n)ir
menn skolv ok miok varazt slikt at virða sva sem nockvrt taknn
eða stormerki, með því at ohreinir andar, hvervetna farandi með 20
letfæri sinnar nattvr, erv eigi at eins skiotari gangandi monnum,
helldr ok þeim, er a flvgskiotvm hestvm flytiazt, ok mega avðvelliga
af þeiri savk fyri boða þeira kvomv. Eigi mega þeir þaa lvti
segia, er þaa hafva enn eigi orðit, því at gvð einn veit oorðna
lvti, helldr mega þeir sér eigna viðrkenning eða sva sem nockvra 25
forspa, fyri þeim er eigi vita eða kvnna at skynia þeira vmsatir,
þeira lvti, er þeir sa með vpphafvi hefviazt i verki eða nockvr
tilfelli. Hverssv marga hyggi þer nv vera, er mattvligtt se með
letfærligvm fraleik þeim at birta, er fiarri erv staddir, þenna mikla
safnat eða þaa lvti, sem her erv talaðir, ef þeim væri nackvat mot- 30
staðlikt, fyri en sa nockvrr, er nv er naverandi, megi flytia eða
fra segia þat, er ek segi. Nv ma yðr verð(a) avðsætt ok opinbertt
af þessvm eptirfarandi dæmvn. Ef nockvrr maðr hefvir hafvit
sina ferð af Thebaida eða einhverivm stað annars heraðs, ok sia
diofla(r) þenna faranda sinn veg fyrætlaðan, þaa mega þeir boða 35
ok fyri segia með sinvm skiotleik [fyrir sogðvm² hans kvomv. Með
þessvm sama hætti maa ok verða af hinvm æsiligzta vexti þeinar
ár, er Nil heitir, þaa er þeir sia mikil regnn verða i Blalandi ok
þvi vita, at af þessi savk er ain vavn akafliga at þrvtna með

1 þat Cd. 2 [fyri sagðri Cd.

miklvm vexti ok víða or at ganga sinvm farveg, fara þeir fyrir
 rennandi eða flýgandi til Egiptalanz boðandi tilkvomu arinnar ok
 þenna mikla vatnavaxt. Þessa lvti mætti ok menn avðvelliga fyri
 segia, ef þeir hefði nattvrv sva mikinn fraleik. Varðhallzmaðr
 5 ens sæla Davíð vppstigandi i nockurnn enn hærsta stað sæ fyrri
 en þeir, er mycklv lægra stoðv, farandi menn, þæ er þangat sottv
 æ þeira fvnd, en eigi því helldr sagði með forspæ nockvra oordna
 lvti, helldr boðaði hann þæ visa lvti, er hann hafði seð með
 nockvrv vpphafvi. Dioflar erv ok sva hattaðir, at þeir skynia
 10 alla lvti með glavggri ok harðla vakrligri grein ok boða síðan sin
 i milli með skiotri ras. En ef þeir atbvrðir verða, at með gvðligri
 skipan ok fyrihyggiu koma vppteknir lytir eigi til þeirar endalyctar,
 sem líkligaz mætti þickia, þat er, ef sæ hverfr aptr a miðri gavtv,
 er sina ferð hafði vpp hafvit, eða vatnavavxtr dvelst, þa er regnvm
 15 lettir ok heiðskirr himinn birtizt at hreinsvþv skyfvllu lopti, þæ
 verðr opinber svikafvll lygi ohreinna anda ok villa þeira, er þeim
 trvðv. Þessir lytir vorv vpphafv heiðingligrar villv; slikar pretta-
 fvllar forsagnir af dioflvm framflvttar i hofvm eða blothavrgvm
 tavðv margir heiðingiar forðvm vera spadoma, allt þar til er fiandinn
 20 með sinvm erindrekvvm tyndi avlvv sinv herfangi i tilkvomv vars
 herra Jesvs Kristz, ok hann með sinvm blezaða mvnni ok fyri
 sina sendiboða bavð ohreinvm avndvm at þegia ok af lata slikv
 sinv falsi. Ek bið, at þer segit mer, hverr þat mvn ætla, at
 líkamligr læknir skyniandi mannligan sívkleik ok brvna hitnanda
 25 briostz af lettri atekning sinna fingra, er hann ranzakar æðar þess,
 er vanmegnit hefvir, at hann hafvi með ser gvðdomligan kraptt?
 Hverr mvn dirfvazt at veita skipstjornarmanninvm gvðliga virðing
 eða vegsemð, þeim er skipinv styrir ok leið segir eptir merking
 himintvngla ok þeira gavngv? Ef nockvrr talar eptir rettri ok
 30 nattvrvligri profvan af þvrkv eða svmarligvm hita, af miklv regni
 eða vetrligv frosti, nv ferr sva miok, sem hann sagði, mvn eigi
 akrkarallinn helldr þenna lofva, fyri þat er hann gat nær slikvm
 lvtvm, helldr en tig a hann gvðligv nafni? Nv ef þat mætti vera,
 at dioflar segði eða boðaði nockvrt sinn sanna lvti, svarið þer mer
 35 þæ ok segit: Hverr avavxtr er þat at vita fyrr oordna lvti, þæ
 er sinvm tíma mvnv fram koma? Var nackvart sinn miok lofvaðr
 slika lvti vitandi, eða ovitandi piniliga hegnör? Vel hverr maðr
 aflar eða fyri byr ser sialfvm annathvart kvalar, ef hann vanrækir
 boðorð heilagra ritninga, eða eilífva dyrd, ef hann giorir þav ok
 40 varðveitir eptir megni. Engi varr skal miok fysazt i þessv stvndliga

lifvi at hafva fyrirvitand oordinna hlyta, helldr at vera hlyðinn gvðs boðorðum ok gioraz sva kiærr vinr af þræli. Eigi er oss miok rækianda fyrri at vita, hvat æ okominn tíma kann at bera, helldr at fylla þæ lvti, er oss erv skylddvliga boðnir, ok biðia þess verkavps af gvði, at með hans fylltingi megin ver sigraz í þeiri orrostv, er ver berivmz fiandanum í gegnun. En ef nockvrr fysiz harðla miok, sem vera kann, at skynia ok fyrri at vita oordna lvti, þæ hæfvir, at hann hafvi reinntt hiarta. Þvi at ek trvi, at manzins avnd, þess er trvliga þionar gvði, ef hvn staðfestizt í því skirlifvi, sem henni er eiginlikt ok hvn var skopvt, at alla lvti megi hvn framarr fyrri vita ok skilia en ohreinir andar. Slik var avnd Helisæi spamanz, þess er birti ok syndi þæ kraptta, er avðrum vorv okvnnir.

22. Nv með þessum savgðum hlvtum mvin ek skyra fyr yðr aðrar bleckiligar dioflæ vmsatir. Þeir erv iafnan vanir vm nætr siðlatra manna at vitia, ok segiaz með falsligv yfvirbragði vera gvðs einglar, lofva þeir iðn þeira ok astvndan, vndraz mikla staðfesti, en heita þeim fyrri oordinni avmbvn ok verkavpi. En ef sva berr til, at þessir ganga í syn við yðr, þæ skolv þer vopnazt með heilagri trv þeim í gegnun ok veria yðr ok yðr herbergi með marki hins helga kross, ok mvin þeir skiott hverfva ok at engv verða, því at þeir hræðaz miok sigmark vars hialpara; fyrri þat sama sigraði hann ok rænti alla loptliga krapta, þat er ohreina anda, ok bavð, at þeir skolv af avllum vera fyrilitnir. Þeir erv ok vanir a sik at bregða eða sina limv ymisligv skravkligrv yfvirbragði, ok ganga sva í syn við oss, at hvgrinn varr ottiz en likamrinn hristiz af hræzlv. En sa er í þessi freistni hefvir travsta trv til almattigs gvðs, rekr þæ ok þeira styrk ok hæðilig brigzli skiotliga æ flotta.

23. Eigi er miok torvellikt skynsamliga grein at giora millum goðra anda ok illra, ok með gvðs fylltingi ma þat opinbert verða. Fagrlig æsiona heilagra eingla er elskanlig ok hogværlig, eigi synazt þeir þrætandi eða kallandi, ok eigi er optliga af nockvrum heyrð þeira ravst, helldr fara þeir hljóðliga ok linliga, ok þo skyndandi fagnat at veita gleði ok travst syndvgum mavinnum, þeim er misverka vilia iðraz, því at sialfr gvð er með þeim, sa enn sami er brvnnr miskvnnar ok vpprás allz rettlætis. Þæ er vart hvgskot birtiz liosi heilagra eingla, er þat eigi okyrt eða stormsamt, helldr lintt ok blitt; þæ hitnar avndin af mikilli fysi at eignazt himneska fagnaði ok skiotliga með þeim gvðs englum at fara til himinrikis dyrðar, er hvn ser þæ naverandi, at vppgefnv

herbergi mannlígs líkams, ef þat mætti þá vera, ok þvngri byrði
davðlígra líma¹. Sva er mikil þeíra goðgírnð, at ef nockurr ottaz
míok af ostyrk mannlígrar nattvr þeíra syn eða vitian, þá taka
þeír skíott í brvtt af manlígv híarta alla hræzlv. Með þessvm
5 hætti gíorði Gabriel gvðs eingill, þá er hann talaði við Zachariam
í-musterínv, sva ok þeír englar, er hingatbvrð vars híalpara boðvðv
fehírvðvm, ok enn þeír, er vítrvðvz hía drottínlígrí grof eptír hans
vpprísv. Allír þessír gíorðv styrk ok orvgg þeíra hvgskot, er þeír
bírtvz, ok baðv þá eígi hræðazt. Míkíl hræzla verðr eígi svá míok
10 af eínvm samt andlígvvm otta, sem hvn verðr stvndvm akaflíg af
syn ymíslígra lvtá, þeíra er líkamlígrí synazt með mísíofnv yfvír-
bragði. Enír verstv andar hafva grímílgar asíonvr, hræðílíkt hlíoð,
savrgar hvgrenningar, fara með lavsvngarfíllvm leík ok hræíngvym
sem vanstílltír vngír menn eða íllvírkíar. Af þeíra navíst verðr
15 avnd manzíns skíotlíga hræzlv fíll, vít ok skílníng slæfvazt ok
dofnar; gíoríz hatr míllí kristínna manna, sorg ok svndrþýekí míllí
mívnka, þvngí ok leíðendi af endrminníng eígnílgíra synda, hræzla
davðans, míkíl agírni avðæfa, mæði krapтана at fremía ok vel at
lífva með míklvm híartans slæleík. En ef fagnaðr ok ovmræðílíg
20 ast ofavísvt með orvggv travstí til gvðs kemr í stað þess otta, er
gíoríz af míkíllí hræzlv eða syn ovína, þá skolvvm ver víta, at
fílltíng vartt er kómít, því at orvggleíkr hvgar er híit skírazta mark
navístar gvðlígs velldí. Abraham havívtfadír sa með þessvm
hætti síalfvan gvð ok fagnaði harðla míok; með þessvm sama
25 hætti gladdíz ok hínn sælí Jóhannes baptístá þá enn eígi fædr
míklvm fagnaði, er hann skíldí sæla meý Maríam, er þá bar skapara
allra lvtá í hínv helgazta herbergí síns kvíðar, vera kómna at vítía
sínna modvr Elísabet. En ef yfvírkómín hræzla staðfestíz með
þeím, er vítíadr er, þá er víst, at fíandínn geck í syn víð hann,
30 því at hann kánn eckí þánn at styrkía eða gleðía, er hann vítíar,
sva sem Gabriel styrktí ottandi meý henni bíoðandi, at hvn skýlldí
eígi hræðaz, eða sva sem fehírdar vorv hvggadír af gvðs eínglí, helldr
tvefvalldar hann hræzlvna, þar tíl er sa hratar nær í avrvílnanar dívp,
er fýrí verðr; þetta gíorír hann tíl þess, at þeír veslír menn, með þessi
35 navðvng af honvm tíl þravngðír, veítí honvm overðvga vegsemð
hann fílltíngs bíðíandi, er of míok gleyma gvði ok hans boðorðvm.
Af slíkv tílfellí hvgvðv veslír heíðíngíar falslíga síalfa díoflána gvð
vera, ovítandi at sannr gvð varr bánnar slíka víllv. Sæ hínn sámí
vílldí eígi, at kristít fólík anetíaðíz slíkv díofvls svíkvvm, sva

sem gvðzspiallit vattar, at þæ er fiandinn dirfðiz opinberliga vars hialpara at freista ok ser at eigna hofðingskap ok valld allra lvtá, giorði gvð son hann forflotta sva til hans talandi: Far brvtt, andzskoti, því at sva er ritat, drottin gvð þinn mantv vegsama ok honvm einvm mvntv þiona. Oss er ok leyfvi af gvði gefvit i varvm navðzynivm þessi orð fram at flytia, því at fyri þæ savk talaði hann slíka lvti, at með þessvm hans orðvm brytiz niðr vár freistni, þæ er kemr slík at hendi, sem son gvðs þolði af andzskotanvm. Heyrið, kærir bræðr, ek vil yðr ok a minna, at þer æ hyggiz meirr vel at lifva en iartegnir at giora; variz ok við, at engi yðarr taknn eða iartegnir giorandi þrvtni þaðan af til metnaðar eða fyriliti aðra, þæ er slíka lvti er omattvlikt at giora. Ranzakit helldr lif ok atferð serhverra, því at yðr hæfvir þeim at líkiaz, er algiorvir erv, ok fylla þæ goða lvti, er a skortir aðr yðra atferð, því at taknn at giora er eigi vars litilleiks, helldr fremiaz þav af drottinligv valldi, þess er til sinna lærisveina talaði, sem gvðzspiallit vattar, þa er þeir dyrkvðvz af iartegna giorð, ok sagði sva: Eigi skolv þer af því fagna, at dioflar erv vndir lagðir yðart valld, helldr fyri þæ savk at nofn yðr erv i himinriki ritvð. Skrasetning nafna a lifs bok er vitni krapz ok verðleiks, en bravtrekxtr annskotans er gíof ok vezla hialparans við sina þionostvmenn. Heðan af svarar drottinn þeim, er eigi fagna af erfviði eða starfvi sins goðs lifs helldr af framning taknanna, sva segiondv: «rakvm ver eigi diofla i þinv nafni ok giorðvm marga krapta i þinv nafni?» Ok man hann sva segia: «Ek segi yðr vist, at ek kennvmzt eigi við yðr, hverfvit brvtt fra mer, verkmenn illzkv, því at drottinn veit eigi skyn a verkvm yondra manna.» Þess skolv ver með allri astvð biðia, at ver giorimzt verðir þæ gíof af gvði at þiggia at giora skynsamliga grein millvm goðra anda ok illra, því at eptir atkvæði ritninganna skolv ver eigi hverivm anda trva, er oss birtizt. Nv villða ek lvka minv mali ok þæ lvti hlíði hylia, er mer litlv ok lagvm [hafva til handa borit]. En til þess at þer ætlit mik eigi þarflavsliga þeira lvtá minnazt, er eigi mega verða, þo at ek tala slíkt, fyri því þo at ek mega þaðan af synazt sva sem ovitr, man ek segia þæ lvti af morgvm, því at drottinn, sá er glavggliga skyniar ok lítr leynda lvti minns hvgskoz, veitt, at þetta giori ek eigi af savk nockvrrar hræsni, helldr yðr til nytsemðar.

1 [udfyldt efter Gising; aabent Rum i Cd.; Lat.: silentio premere quæcunque meæ acciderant parvitati.

24. Þat var opt, þá er dioflar gengv i syn við mik, at þeir lofoðv mik miok, en ek bolvaða þeim i mot, ok bað ek þá þegia i nafni drottins. Jafnan savgðv þeir mer ok fyrir, æ hverivm tima en mikla Nil mvndi taka æsiligan vavxt, enn þeir heyrðv af mer i
5 mot slik svavr: «Hvat kemr til yðar at ahyggiazt slika lvti?» Sva sem vapnaðir riddarar ok mer með ofriði ognandi syndvzt þeir mer stvndvm ok slogv vm mik hring ok mitt herbergi ok fylldv hvs mitt með haldrekvm, hestvm ok havggormvm ok ymisligvm skrimslvm, ok ek savng i mot þessi freistni sva segiandi: «hij
10 in curribus etc. þessir miklazt af kerrvm ok hestvm, en ver mvnvm miklaz i nafni drottins gvðs vars;» ok skiozt með gvðs miskvnn slogvz þeir með avllvm skrimslvm a flotta. A nockvrvm tima vitivðv þeir mín með micklv liosi ok savgðv sva: «Heyrðv, Antoni, ver ervm komnir at syna þer ok veita vara elldliga birti.» Ok
15 ek með byrgðvm avgvv baðvmz fyrir til gvðs, því at ek villða eigi sva miok mik vanvirða at sia diofvls lios, ok skiotara en ek fæ sagtt, slavktizt falslikt lios vandra anda. Eptir fæ manaði liðna flycðvz þeir enn saman eitt sinn fyri mer ok tokv at syngia ok vm ritningar at tala sin i milli. En ek sva sem ðavfr afvirðvmzt
20 slikt at heyra. Skelfðv þeir ok stvndvm klavstr mitt með miklvvm okyrleik, en i gegn þeiri freistni bað ek til drottins með staðfavstvm ok ohræðvm hvg. Optliga giorðv þeir mer i heyrnn hark eða hegomliga hoppan, hvislan eða havggormligar hvæsingar. En er ek tok at biðiazt fyrir, sneriz þeira hliod i gratvliga ravst.
25 Trvit mer, synir minir, ok þeim ltvvm, er ek mvn nv segia. Ek sæ nockvrt sinn fiandann með harðla hafvm likam, hann giorðiz þá sva diarfr, at hann sagðizt vera gvðs kraptr ok forsia ok mællti sva til min: «Hvat villtv, Antoni, at þer veitizt af mer?» En ek spytta tysvar sinnvm, sem ek matta mest, i hans gapanda gin,
30 ok vopnaðr með Kristz nafni hl(i)op ek æ hann með avllv affi. En sæ hinn mikli likamr, er mer hafði synzt, fyrivarð allr ok hvarf skiotliga milli minna handa. Þá er ek var fastandi, syndizt hann mer nockvrt sinn sva sem einn mvnkr ok eggiaði mik at likna nackvat minvm likam ok snæða af því bravði, er hann fornaði
35 mer. Hann sagði sva: «Fyri því at þv ert maðr vndirliggiandi mannligvm breyskleik ok osty(r)kð, lat hvilaz litla stvnd pitt erfviði, at eigi fallir þv i likamligan sivkleik af miklv harðlifvi.» Af slikri hans vmleitan kenda ek skiozt svarta ok avfvndarfvilla hoggormsins asionv; ok þá er ek hlifða mer epter minvm vanda með

Kriz vernð ok vopnabvnaði, syndiz mer sem reykr færi vt vm glvgg mins herbergis, ok með þessv moti hvarf fiandinn.

25. Þat var enn þæ er ek var staddr i eyðimork, setti hann optligha fram gvll mer fyri avgv sva sem sina gilldrv. Þetta giorði hann fyri þæ savk, at ek skyllða i vefviazt hans sviksamligv neti, 5 ef ek villða þat agirnaz með einni saman syn; en ef ek villða þat nalgaz með atekning, hvgði hann mer með bardaga ahlavp at veita. Optliga þæ er ek var af dioflvm barðr, savng ek þessi orð: Nullus me separabit a caritate Cristi, eingi man mik mega fra skilia¹ Kristz ast. En er þeir heyrðv þessi orð, svndrþyektvz 10 þeir sin i milli, ok slæz hvern a annan með ærslavllri grimð, slogvz eptir þat a flotta, eigi fyri mina verðleika, helldr af sialfs gvðs boðorði ok valldi, þess er sva sagði: Vidi Satanan quasi fulgur cadentem de celo, ek sa andzskotann fallanda af himni sva sem ellding. Þessa lvti, synir minir, sagða ek yðr fra mer, minniligr 15 postvligs dæmis þess, er hinn helgi Pall sagði sinvm lærisveinvm fra þeim mannravnvm ok freistni, er hann þolði a sinvm dagvm, til þess at eigi nackvarr otti eða diofla freistni ok eigi nockvr mæði talni yðra goða fyrriætlan. En því at ek elskandi yðartt litillæti minntvmz margra hlvtu fra mer segiandi, sva at ek ma þaðan af 20 ovitr synaz, fysvmz ek enn yðr þat kynniktt at giora, er engi heyrandi manna skal efvaz, at satt er ok ofalsat.

26. Þat var enn eitt sinn, at fiandinn knvði dyrr klavstrs mins. Ok er ek geek vtt, sæ ek einn mann sva hræðiligan ok hafan, at mer syndizt hofvt hans taka allt til himins. En er ek 25 fretta hann eptir, hvern hann væri, sagði hann sva: «Ek em Sathanas.» Ek spvrða hann enn: «Hvers leitar þv her?» Hann svaraði þæ með þessvm hætti: «Fyri hveria savk hata mvnkar mik at þarflavsv eða kenna mer sin misfelli, eða fyri hveria savk bolvar mer allt kristinna manna folk?» Ek svaraða: «Þat 30 giora þeir allir rettliga, því at ver þolvvm optliga mikil ohægendi ok þyngsl af þinvvm vmsatvm.» Hann svaraði: «Ecki velld (ek) þesskonar aslattv, helldr hrellaz þeir sialfvir sin i milli, ok skelfvir hvern annan. Ek em nv orðinn vesæll ok herfviligr. Ek bið, at þv minniz, hvart þv hefvir eigi lesit þav spamanz orð, er sva 35 segia: Kristr eyddi avllvm vapnvm ovinar ok bravt niðr borgir hans. Nv hefvi ek engan stað i minv valldi, ok enga borg eignvmzt ek nv. Engi hefvi ek vopnin, avll erv þav brotin ok i

- brvttv, allar þiðir ok avll hervt hlioða nv ok dyrka með vegsemð Kristz nafn. Sialfar obygdðir ok eyðimerkr erv nv fvlar af otal-
 ligvm flockvm mvnka. Fyri því bið ek, græti þeir nv sialfvir sik,
 ok lati af mik at særa eða slita vtan alla savk með sinni aleitni.»
- 5 Þæ er ek miok vndrandi heyrða slíka lvti, lofvandi drottinliga
 miskvnn með fagnaði) briostzins, mællta ek sva til hans: «Þessi
 þin orð, er þv talaðir nv nyliga, eigna ek eigi þinvm sannleik,
 því at hann ma engi með þer finnaz. En þott þv ser efvalavsliga
 hofvt allz fals ok lygi, iataðir þv þessa lvti navðigr lygilavst, því
- 10 at sannliga bravt Jesvs Kristr með avllv niðr þin avfll, en þv
 afsviptr [engiligri fegrð ok vegsemð velltiz¹ i oþrotnanda savri.»
 Ok er ek hafða varla þessi orð mællt, hvarf sa enn hræðiligi, er
 við mik talaði, at heyrðv nafni vârs hialpara. Heyrit nv þæ,
 minir synir, hverss þickizt þer nv þvrfva framarr at fretta, hver
- 15 hræzla eða hver efvaðsemð ma nv talma yðarnn goðan sið, hver
 freistni man yðr nv mega fra slita gvðligri ast? Ef þer ahyggizt
 vm annarlikt lif, geymit at hvarv yðars eiginligs lifs, ok at he-
 gomlig hvgrenning angrizt eigi við þann hegomligan haska, er hvn
 staðf-stiz a stvndvm at þarflavsv; ottizt engi, sæ er gvði treystizt
- 20 sinna synda iðrandi, at fiandinn mvni þann til foraðs draga.
 Hrindit æ brott avllv angri, því at drottinn, sæ er felldi vara
 ovini, er með oss, sva sem hann hefir fyriheittit, oss hlifvandi ok
 varðveitandi af ymisligvm andzskotans arásvm. Hyggit nv at
 ok virðit: sialfr fiandinn, er marghattaðar slægðir hefvir frammi
- 25 með sinvm erendrekvm, iatar nv, at hann hefvir ecki afl i moti
 kristnvm monnvm. Þvi skolv kristnir menn ok mvnkar vm þat
 æhyggiaz, at eigi fyri þeira iðnarleysi eða ostyrka trv veitiz
 dioflvm avfll eða færi þeim at granda með sinvm svikvm, því at
 slíkir ok með þeiri mynd erv þeir vanir var at freista, sem þeir finna
- 30 eða skynia oss ok varar hvgrenningar. Ef þeir finna i varvm briostvm
 nockvrtt sað hræzlv eða illra hvgrenninga, sæta þeir þegar ok
 leita þar at setiazt sva sem illvirkiar i eydda staði, avka þeir þæ
 yfvirkominn otta ok ohreinar hvgrenningar með þessvm hætti
 grimliga kveliandi þæ vesla avnd, er þeim gaf færi sin at freista.
- 35 En ef ver giorvm² glaðliga gvðs þionostv ok fysvmzt með hita
 heilagrar astar til himinrikis fagnaða, sialfva oss ok alltt vart efni
 gvði æ hendi felandi æ hverri stvnd, mvn eingi fiandi oss mega

¹ [rettet; eiginligri fegrð ok vegsemð. vegsemð(!) Cd.; Lat.: honore nudatus angelico, volutaris in sordibus. ² glaðligvm ilf. Cd.

sígra eða þora nær at koma; því at þeir flyia með skávm æ brott fra því briosti ok hiarta, er þeir finna hliptt með heilagri trv ok með Kristz marki merkt. Sva flyði fiandinn hinn helga Job styrkðan með gvðligri trv, en enn veila Jvdam, er tyndi sinni trv, batt hann hertekinn sinvm fianzligvm bavndvm. Þessi erv 5 en orvggvztv¹ vapnn at sígra ovininn: andlig gleði ok íafnan at hvgsa almatkan gvð ok endrminnaz hans mikla ok ovmb-ræðiliga miskvnn, þa er a brvtt rekr alla diofla ok þeira aslattv sva avðvelliga sem nockvrnn reykr, hatar alla vara ovini en ottaz alldregi. Ætlit ok, at andzskotinn er eigi ovitandi, hvilíkr 10 elldr honvm er fyri hendi, ok hann veit skyn, at sialfr hann skal þola með sinvm erendrekvm gnogligan ok eilífvan brvna hitnanda helvitiss. En fyri því at ek man nv lvka minv mali, vil ek yör a þat minna við endalyktt, at ef yör birtiz nockvr vitran eða syn, frettið eptir diarfliga, hver (hvn er) eða hvaðan hvn kom; ok 15 ef þessi vitran hefvir verit af gvði eða hans helgvm mavnnvm, man vtan alla dvæl með engiligri hvggan snvaz hrygð i fagnat; en ef þessi syn var diofvls freistni, man hvn skiott brvtt hverfva fyri eptirfrett rettrvanda mannz, því at þat er hit mesta mark styrkðar ok orvgleiks at spyria þann, er i syn gengr, hverr hann er, 20 eða hvaðan hann kom. Sva kendi Jesvs son Nave eptir frettandi gvðs engil ser fvllting veitanda, ok með sama hætti matti ovinnr eigi leynaz fyri Daniele, eptir spyriandi hverr hann væri. «

27. Þa er hinn helgi Antonivs hafði sitt mal til lyckta fært, gloddvzt allir miok, þeir er heyrtt hafðv hans fagrliga ok helga 25 kenning, fyrilitandi allir samtt diofla vmsatir ok miok vndrandi þa dasamliga giptt ok giof, er hann hafði af gvði þegit grein at giora milli goðra anda ok illra. Margra briost ok hiarta hitnaði af heilagri fysi at lifa i gvðs þionostv; þeir er aðr vorv ostyrkir, giorðvzt staðfastir i heilagri trv; falslig ætlan flyði i brvtt af þeira 30 hvgskoti, er aðr vorv eigi a rettvvm vög trvarinnar; svmir frelsvðvz af ymisligri eða hegomligri hræzlv með gvðligvm styrk.

28. Avll þav klavstr ok mynklif, er vorv i eyðimorkinni i nand við hinn helga Antonivm, vorv fvll af gvðs þionostvmavnnvm, þeim er dag ok nott styndvðu eigi annat en syngia gvðs lof, lesa helgar bækkr 35 eða biðiazt fyrir. Af hans helgvm fortavlv ok mikilli fysi eilifrar dyrðar favstvðv þeir mikit ok vavkðv ok styndvðv an aflati helga ast at hallda sin i milli ok þeim, er þvrfvandi vorv, miskvnn at

veita. Þessi halfva eyðimerkrinnar var sva við sem mikit herat, enn mvnkar eða einsetvmenn, þeir er þar byggð, vorv með avllv fraskila þyss veralldarmanna ok allri hegomligri atferð, en syndvzt hverssdagliga fremia milldi verk ok rettlætis. Hverr mvndi
 5 sa vera at eins siaandi sva mikla mvnkasveit eða litandi þeira karllmannligan ok svæ samþyckan samnað, at engi villdi avðrvn mein giora, hallmæla eða einarðarlavsan vmlestr at veita, helldr elskandi helga bindendi villdi hverr avðrvn glaðliga þiona, at eigi mvndi hann skiotliga slikvm orðvm tala: Heyrðv Jacob,
 10 harðla goð erv þin herbergi; heyrdv Israel, harðla goðar erv þinar tialldbvðir, sva sem skyggiandi skogar, svæ sem paradisvs yfvir rennandi vavtnvm, sva sem tialldbvðir af drotni reistar ok festar, sva sem cedri þar en hæstv ok en fegrstv tre hia vavtnvm vaxandi.

29. En er þessi safnaðr eflðiz dag fra degi af astvndan goðs
 15 lifs i gvðs þionostv, endrminntiz heilagr faðir Antonivs af nyiv þeirar ovmbraðiligrar dyrðar, er gvðs vinvm er bvin i himinriki, fyrilitandi alla hegomliga lvti þessa stvndligs lifs ok sva virðandi með sialfvn ser, sem þat væri allt litils vertt, er hann hafði her til starfvat eða i freistni þoltt. Var þat nv ok iafnan, at hann
 20 satt einn samt. Ok þæ er svæ bar til, at hann varð sinvm eiginligvm likam at lina, fæzlv at neyta eða svefnns eða annarra þeira lvtu, er manz nattvra eða navðzvn beiðir, mæddiz hann af því miok með vndarligvm kinnroða, er sva mikit frelsi andarinnar skyldi vera þravngt ok halldit vndir endimarki litils ok davðligs
 25 holldz. Þat var ok optliga, þæ er hann var sitiandi með bræðrvn, at hann hellt sik fra þeiri likamligri fæzlv, er fyri honvm var, af minning andligrar fæzlv. Ok þott hann giorði þetta með vndarligvm hætti hvgsandi odavðleik andarinnar, sem fyrr var sagtt, ok sem hvn neyðizt af sambvð davðligs likams, neytti hann þo optliga
 30 nockvrrar fæzlv einn samt verandi, en stvndvm hia bræðrvn sitiandi, sva sem davðligr maðr. Hann eggiaði ok með opinberri kenning, at engi skyldi of miok þrongva eða meinlæta sinvm likam, helldr næra hann ok styrkia með hæfviligri geymslv, at eigi tyndiz hann eða fyriferiz gvðlikt verk, þat er likamrinn, i gegnn vilia sins
 35 skapara; bað ok ongan sva sælliga fæða holldit, at þat drambaði i gegnn avndinni, en sagði fyri því með avllvm alhvga ok iðnn avndina varðveitandi, at eigi bæri þæ ohammingio til handa, at hvn sigrvt af likamligvm lavstvm selldizt eptir þetta stvndliga lif til eilifra helvitis myrkra, helldr at hvn, ser eignandi valld ok stiornn

yfvir sinvm likam, skyldi honvm sva styra, meðan þav bygði samt, ser til nytsemðar ok avðrvm, at með gvðligvm styrk mætti hvn verðvg verða sitt herbergi vpp at hefia sem hinn helgi postoli Pall til ens þriðia himins. Sannaði hann ok varnn hialpara sva segia ok bioða: Verit eigi miok æhyggivfullir avnd yðarri, hvat þer 5 mrvnð snæða, eða likam, hverssv þer mrvnð klæðaz, leitið ok eigi með akefð, hvat þer skolvtt eta eða drecka, því at slika lvti afia heiðnar bioðir með micklvm kostnaði; yðarr himneskr faðir veit, at þer ervt allra þessa hlvtu þvrfvandi. Leitit ok þæ i fyrstv gvðligs rikis ok hans rettætis, ok mrvn þessir allir hlvtir yðr veitazt. 10

30. Þa er þessir hlvtir vorv liðnir, giorði Maximianvs hinn omilldi keisari mikinn ofrið kristni gvðs ok villdi henni eyða með grimðarfvllri akefð. Þæ vorv havndlaðir gvðs vinir, hvar sem þeir vorv fvndnir, ok leiddir i borgina Alexandriam. Sialfr hinn helgi Antonivs for þæ af klavstri sinv, ok villdi fylgia pislarvattvm gvðs, 15 sva segiandi: »Forvm at samteingiazt dyrðarfvllvm sigri bræðra varra, gavngvm fram karllmanliga sialfir, eða siam at minnzta kosti, er aðrir heyia gvðs orrostv.« Ok af ast pislarvættissins var hinn sæli Antonivs sannliga pislarvatr. En þót hann væri eigi havndvm tekinn eða samtalar gvðs iatorvm, þeim er til malmverks vorv 20 þrælkaðir eða i myrk(v)astofvm halldnir, þæ er hann geck at sinvm sialfvilia i hendr ofriðarmanninvm, lagði hann æ allan hvg opinberliga ok frialsliga þæ at eggia, er fyri domandann vorv leiddir, at eigi skyldi þeir gvði neita fyri ognir vandra manna. En þeim er til davðans vorv dæmðir, fyllgði hann fagnandi allt til þess 25 staðar, er þeir helltv vtt sinv bloði ok avðlvðvz farsælliga pislarvættis korony, sva sem sialfr hefði hann sigrazt. Ok af þessv tilfelli varð domandinn miok reiðr, þæ er hann sa staðfesti Antonij ok hans felaga, bavð hann nv sva, at allir mrvnkar skylldv bravt flyia or borginni, en ef þeir vorv þar staðnir, skyldi með avllv 30 engi þeira vera doms verðr, helldr bað hann, at þar skyldi hverr davða þola, sem hann væri fvndinn. Ok af þessv domandans atkvæði syndiz avllvm æ þeim sama degi at flyia ok sialfva sik at fela fyri ofriði gvðniðinga, nema einvm samt Antonio, hann gaf eigi gavm at boði þessa grimma domanda, flyði hann hvergi, enn 35 geck þar til, sem vatnn var, ok tók at þva yfvirklaði sitt. A næsta degi eptir stoð hinn helgi Antonivs með avllv ottalavss i einvm hafvm stað i borginni, ok þa klæddr með biortv klæði, at sva avðzeligá kominn eggiaði hann domandann ser æ hendr, ef hans gavngv bæri þar hia. Hitnaði hans hiarta af mikilli fysi til pislar- 40

vættiss fyrí gvðs nafni ok syndi oss, at kristins manz hvgr skal vera staðfastr ok alldregi vandbvinnt at þola pininn ok dauða, ef þavrf¹ krefr, sva miok, at hann varð hryggr, er honvnt veitiz eigi, eptir því sem hann villdi, pininn at þola fyrí nafnn drottins várs

5 Jesvs Kristz. En almattigr gvð fyrirbvaði sinni hiorð lærifóðvr ok gíæzlvmann varðveitti Antonivm fra hændvm ofriðarmanna, at settning mvnkligs siðar skyllði eigi at eins styrkiaz fyrí hans helga bæn helldr ok navistv. Alldregi varð hann fraskila Krizt iatorvm, meðan hann var innan borgar, því at hann samtei(n)gðiz

10 þeim fyrí samband heilagrar astar mikla æhyggiv fyrí þeim berandi. Virði hann ser ok þat meiri pininn, er hann var vti byrgðr fra þeim, er í myrkvastofvm vorv halldnir.

31. Þa er hinn mesti ofriðarstormr var afliðinn, ok hinn sæli byskvp Petr, koronaðr með dyrd pislarsigrs, var af þessv lifvi

15 liðinn til himinrikis fagnaða, for hinn sæli Antonivs aptr til klavstrs sins, þolandi hverssdagligt pislarvætti í sinni samvizkv fyrí ast ok vandlæti heilagrar trvar. Mæddi hann sik nv bæði með favstvm ok vokvm framarr en fyrri, harklæði hafði hann næst ser, en annat yfvirklaði fyrí alpyðv avgvn. Alldregi lavgaði hann sinn likam,

20 ok alldregi þo hann savr ser af fotvm, nema navðzvn skyllaði hann til yfir nockvt vatnn at fara. Engi maðr vm alldr sa likam Antonij nockðan fyrri en hann andaðizt.

32. Þat var a nockvrri tíð, þa er heilagr Antonivs villdi sik fra halda syn ok viðrmæli mannanna, ok hann hafði byrgtt

25 klavstr sitt, sva at með avllv lofvaði hann engvm manni inngavngv, þa flvtti a hans fvnd dottvr sina sarliga af diofli kvalða einn riddara havðingi, sva er Martinianvs het. Hann knvði dyrr biðandi, at enn helgi Antonivs gengi vtt at hialpa dottvr hans með sinvm bænvnt til gvðs, at hvn hreinsaðiz af diofli. Enn sæli Antonivs villdi

30 eigi dyrr vpp lva, helldr sa hann vtt vm einn glvgg ok sagði sva: »Heyr þv maðr, sagði hann, hvat biðr þv mik fvlltings, ek em dauðligr maðr seim þv ok samfelagi þinnar ostyrkðar. En ef þv trvir a Krist, þann er ek þiona, þa far þv a brvtt, ok bið gvð eptir þinni trv, ok man dottir þin heil verða.» Hofðinginn trvði

35 skiotliga orð ens helga Antonij, for hann a brvtt leið sina ok kallaði a nafnn Jesvs Kristz, flvtti hann dottvr sina alheila heim.

33. Margar aðrar iartegnin let gvð ser soma at vinna fyrí enn helga Antonivm. Ok var þat eptir verðleikvm, at sva neitaði

eigi sinn mát ok miskvnnsemð, þæ er sæ var fvndinn, er verðvgr var at þiggia, er fyri het i gvðzspiallinv sva mælandi: Biðit er ok mrvnt þer þiggia. Margir aðrir diofvloðir menn vorv flvttir fyri dyrr hans mrvklifvis, ok því at þeir naðv eigi inngavngv, sofvndv þeir ok vrðv þar heilir fyri hans helgar bænr með gvðs miskvnn. 5 Þessi mikill fioldi tilsækiandi manna hann firrandi einsetv þeiri, er hann fystiz miok at hallda, giorði honvm leiðendi. Ottaðizt hann nv miok, at gnoglig veizla margra iartegna mrvndi vpphefia hvg hans til nockvrs metnaðar eða aðra til skyllða¹ nockvrs framarr af honvm at vænta, en þeir mattv² með honvm sia. Hvgsaði hann 10 nv með ser heðan i brvtt at fara ok i ena efri Thebaidem, þar er engi matti hann kenna. Tok hann nv nockvt bravð af bræðrvn ser til farnezt, for siðan til einnar ár, sva sem vegr hans lá, ok settiz niðr a backann biðandi, ef skip kiæmi i moti honvm, sva at hann mætti yfvir ana flytiazt. Ok er hann sat þar hvgsandi 15 af sinni ferð, heyrð(i) hann ravdd af himni sva til sin talandi: »Antoni, hvertt fer þv, eða fyri hveria savk komtv hingat?« Hann svaraði með avllv ottalavss, sva sem nockvrr maðr honvm kvnnr talaði þessa lvti, ok sagði sva: »Fyri þæ savk kom ek hingat, at folkit lætr mik enga hvilld fa, ok fyri því synizt mer myelv betra 20 at flyia i ena efri Thebaidem, einna hellzt ok fyri þæ savk at ek em þeira lvta beðinn, er langt erv vmfram minn kraptt ok megnn.« Ravddin s(v)araði honvm þa enn: »Ef þv ferr i ena efri Thebaidem, sem þv hefir nv hvgsat, mantv þola meira starf ok erfviði ok þrifallt vm þat fram sem aðr, en ef þv fysizt sannliga hvilld at 25 hafva, far nv i ena iðre eyðimork.« Heilagr Antonivs svaraði: »Okvnnir erv mer þeir staðir, er ek skal til sækia, eða hverr man mer þangat veg visa.« Sæ er við hann talaði svaraði, nv skiott, sagði hann, Sarracenos þar mrvndv koma, þæ er vanir vorv at fara kavpferð til Egiptalanv, bað hann með þeim ferðazt. 30

34. Þa er þeir menn komv, er envm helga Antonio var til visat, bað hann, at þeir veitti honvm forvneyti i eyðimorkina, ok þott engi þeira væri honvm skvlldbvndinn eða kvnnr, tokv þeir hann giarnnsamliga i sitt favrvneyti ok elskvðv hann sva ok hans samfelag i ferðinni, sem þeim væri hann af gvði sendr. Ok er 35 þeir hofðv farið þria daga ok fiorar nætr, fvndv þeir eitt fiall harðla hátt. Vndir því fialli spratt vpp brvnnr, þaðan af rann sætt ok fagrt vatnn ofvan æ iofnv. Einn vavllr eigi mikill lá vmhverfvis fiallit,

1 skyllðan Cd.

2 mættv Cd.

æ þeim velli vorv harðla fa palmtre ofagvt ok vanrækt. Þenna
 stað tok hinn helgi Antonivs sva feginsamliga, sem hann væri
 honvm af sialfvm gvði fyrbivnn. Þessi var ok sa sami staðr, er
 honvm var til visat af þeim, sem við hann talaði, þæ er hann sat
 5 æ arbackanvm. Nockvt bravð tok hann i fyrstv af sinvm favrv-
 navtvm ser til navðzynia, ok setti nv einn samtt bygð sina i þessv
 fialli, sva at engi maðr var þar hia honvm. Heltt hann þenna
 stað sva sem sitt eiginliktt herbergi. Sarraceni siandi mikit ok
 dasamlikt hans travst, færðv þeir honvm fyrri goðfysi, þæ er þeir
 10 forv aptr, nockvt bravð til atvinnv. Nockvra hvggan hafði hann
 ok af þeim palmtriam, er þar vorv vaxin.

35. Þa er mynkar vissv, hvar hinn helgi Antonivs var kominn,
 barv þeir ahyggiv fyr honvm sva sem synir fyr favðvr, ok sendv
 honvm fæzlv til viðrlifvis. Þæ er Antonivs sæ, at þessi hans
 15 navðzyn var morgvm et þvngasta erfviði, villdi hann letta þessv
 starfvi mvnka, bað hann nv einn af þeim, er æ hans fvnd kom, færa
 ser hvast graftol ok nockvt hveitikornn. Ok er þetta hvartveggia
 var honvm fært, geck hann með fiallinv ok fann einn stað, þann
 er honvm þotti hæfviligr sæði niðr at færa, eigi mikinn. Þar matti
 20 vatnn (renna) yfvir, þat er vppspratt vndir fiallinv, þar kastaði hann
 korni niðr, ok þat sæði vanz honvm alltt ár til fæzlv. Fagnaði
 hann nv, er hann matti lifva i eyðimork af sinv starfvi ok eigin-
 ligvm handaverkvm vtan avll annarra vhægendi. Ok nv er hann
 sæ, at margir vavndvz at sækia hans fvnd enn i þenna stað,
 25 miskvnnaði hann þeira mæði; rotzetti hann þæ kalgarð i litilli
 torfsv i einvm stað vndir fiallinv, at eptir torsottan veg (væri)
 styrkðir tilsækiandi bræðr með þessi hvggan.¹

36. Þat giorðizt nv þessv næst, at dyr, þav er rvnnv af
 eyðimorkinni fyrri þorsta sakir vatz at leita, giorðv hinvm helga
 30 Antonio illbyli ok bitv vpp sæði hans. Eitt af þeim tok hann
 havndvm ok mæltti sva til allra: »Fyrri hveria savk giorðvt þer
 mer grand? ek hefvi yðr ecki mein giorðt. Farið nv i brvtt i
 nafni drottins ok komit her alldregi siðan.« Eingi mæ þat mistrva,
 at eptir þessi hans orð komv dyr þar eigi siðan hans sæði at spilla,
 35 sva sem þav ottaðiz hans atkvæði. Þæ er hinn helgi Antonivs
 var sva langt kominn brvt i fialliga eyðimork, sem nv var sagtt,
 at mikil torfæra var hans fvnd at sækia, ok skemti ser þar við
 bænir sinar, fengv bræðr varla af honvm með micklv bænarorði,

¹ Dette Cap. slutter med følgende ufuldendte Sætning: Til þessa starfs
 eggiaði hann, hvortil intet tilsvarende i Latinen.

at hann villdi næra sinn líkam ok letta líttáð gavmílm allðri, sva at hafva ser til fæzlú viðsmíor eða allðin, eða vírðazt við at taka, er þeir færðv honvm fyrí broðvrlígrí ast.

37. Míok er þat ottanda at heyra eða fra at segía, hverssv míkílar þravtír þessi gvðs kappi þóðí í eyðímorkínní; því at sannlíga 5 var sva, sem rítað er, at hann atti eígi at einns at beríaz í móð holðí ok bloði, þat er sínm líkam eða ravngvm gírñðvm, helldr ok í gegnn hóðíngívm ok matvm verallðar, þat er díofívm ok ohreínm avndvm, sem ver heyrðvm þá sannlíga segía, er æ hans fvnd hafðv sótt. Þeir savgvz heyrð hafva, þá er þeir vorv þar 10 staddir, míkínn storm ok gny¹ ok vopnabrák ok raddir marks folks; savnnvðv þeir sík ok seð hafa fíallít alltt fvlltt af fíolða díofíla²; sa þeir ok hínn helga Antonívm sterklíga í móð standandi sva sem í gegnn opínbervm ovínm, ok barðíz þó með lítíllatlígv knefallí, með favstv ok meínlátvm við sinn líkam, ok felldí allan fíandans 15 her með vapnm sínna bæna, en styrkði með karllmánnlígrí æeggían þá menn, er æ hans fvnd sóttv, ravsklíga í móð at standa með gvðs travstí allrí díofíls freístní. Harðla er þat ok vndrandá, er eínn maðr sítiandi í sva míkíllí eyðímork skýlðí eígi hræðazt hverssdaglíga díofíla vmsát ok atgavngv ok eígi vndan vægíandi 20 grímleík ínná olmmvztv dyra ok ymíslígra skríðkykvenda. Rettlíga savng Davíð af þessv efni: Qui confi(dunt) in domino, síevt mènes Syon non com(movebitur) in et(ernum) qui h(abitat) in H(íerusalem). Þat ma sva skíla: sa er treystíz gvði, man vera ohráerílígr fyrí sínm ovínm sem híð sterkazta fíall. Enn helgí 25 Antonívs helít með hogváerí ohráerðan sterkleík síns hvgar á flotta rekandi ohreína anda, en dyrín gíorðvzt honóm fríðsavm, sva sem rítað er. Eptír því sem spamaðrínn sagði, leítaði fíandínn með grímð ok gnístandi tavnmv nockvrnn fangstað æ honvm at fá, en þessi gvðs ríddarí var með fvlltíngí híalparans orvggr af avllvm 30 hans vmsatvm.

38. Þat var á nockvrrí nótt, þá er hínn helgí Antonívs vakði bíðíandi bæn sínní til gvðs, at með fíandans æggían ok aslattv flyektíz saman sva míkíll fíolði dyra at klavstír hans, at hann 35 sa vmhverfíss híá ser náliga avll dyr ok skrímsl eyðímérkrínnar. Ok er þav forv með gapanda gíní með míkíllí ogn, sem þav mívndí rífvá ok slíta allan hans líkam, skíldí hann, at þetta var fíandans slægð ok vmsátt, ok mælltí: «Ef yðr er nockvrtt leyfví af gvði

gefvit mer grand at giora, svelgit þat, er yör er veitt; en ef þer komvð hingat fyri illzkvfvlla diofla akefð, farið æ brvtt sem skiotazt, því at ek em þionostvmaðr Kristz.« Við þessi hans orð flyði æ brvt þessi hinn akafligi dyrafioldi sva sem tilskylldaðr
5 vndan at vægia himneskv valldi ok raðning.

39. Eigi liðv margir dagar, aðr avnnvr freistni kom yfvir hinn helga Antonivm af hinvm forna fianda. Hann var hvernn dag vannr nockvt nytzamlíkt at starfva, til þess at hann mætti með nockvrri gíof þeim avmbvna, er honvm færðv na(v)zvnliga hlvti.
10 Nv var hann starfvandi at vefva saman einn vandlavp; þæ hræðiz ein tavg, er þar var afavst; því næst skildi hann, at nockvrr villdi draga vandlavpinn or havndvm honvm. Við þessa hræring reis hann vpp ok sa eitt dyr, þat hafði mannz asionv ok mannligan¹ bvk allt ofvan til nafla, en þaðan af var þat sem asni.
15 Eptir þessa syn giorði hann sigrmark ens helga kross ser i enni, ok mælti þetta eitt: «Ek em Kristz þræll; ef þv ert til mín sendr, þæ fly ek hvergi.» Vtan alla dval flyði þetta et liota skrimsl, skiotara en segia megi, með miklv andzskota flokki, ok a miðri ras fell þat davtt niðr. Skiotr davði þessa ferlikis var
20 sameiginn glavtv dioflanna, þeira er allra bragði leitvðv at skelfva hinn helga Antonivm, at hann flyði af eyðimorkinni. Ok þat fengv þeir þo alldregi giortt.

40. Eptir þessa vndarlíga lvti komv þeir lvtir, er mycklv meirr erv vndrandi. Eigi leið langr timi, aðr sia maðr, er sva
25 margfalldan sigr vann, varð sigraðr af bænvum bræðra. Af mvnkvm nockvrvum var hann beðinn, at hann virðizt at vitia klavstr þeira. Með þessvm mvnkvm rezt hann til ferðar. A einvm vlfvallda¹ hófðv þeir vatnn ok bravð ser til navzy(n)ia, því at i þvrrvm sandi, þar sem vegrinn lá, mætti hvergi vatnn finna, þat er dreckanda
30 væri, vtan þæ staði er klavstr vorv eða mvnka bygð. Sva bar nv til, at vatnið þeira þravt a miðri gavtv. Akafligr hiti af erfviði ok opolandligr¹ brvni solarinnar ognnaði þeim avllvm skiotan davða. Forv þeir leitandi, ef nockvt vatnn af regnvum samansafnat mætti finnaz, ok fvndv með avllv eeki, þat er þeir mætti hialpaz við.
35 Vlfvalldann hitnanda af akafligvm þorsta ok þvrrv briosti letv þeir lavsan, ok þotti avrvænt af hans lifvi. Enn goði faðir Antonivs varð miok hryggr af sameiginligvm haska sinvm ok bræðranna ok komz nv við miok; flyði síðan þangat til travstz, er engvm rettrv-

¹ mandligan Cd. 2 rettet; lat. camelo, se nedenfor; asna her Cd.
hiti tilf. Cd.

vðvm manni mæ bregðazt, ok hann var vanaztr i avllvm navð-
 zynivm, þat er at biðia til gvðs með heilagri bæn. Sneri hann
 nv litað i brvtt fra fornavtvm sinvm ok fell litillatliga a kne,
 hellt hann havndvm til himins ok bað til gvðs með mivklatligri
 bæn. Eingi var dvavlin¹, við en fyrstv tár, er hann hellti vtt i 5
 bæninni, spratt brvnnr vpp i þeim sama stað, sem hann baðz fyrir.
 Slokðiz þar þorsti þeira, er þyrstir vorv, ok styrkðvz þornaðir limir;
 fylldv siðan berla sina, at þeir mætti vatna vlfvalldanvm. Sva
 hafði til boriz, at tavnir vlfvalldans hafði vafvizt vm einn stein;
 fvndv þeir hann þar halldinn. Forv siðan rettan veg ok komv 10
 vm siðir til mvnka þeira, er enn helga Antonivm havföv til sin
 kallat. Þeir rvnnv i mot honvm sva sem sinvm feðr fagnandi ok
 kvavddv hann vegsamliga (ok) minntvzt við hann. Enn helgi
 Antonivs fagnaði af staðfastligri trv þeira, fyrætlan ok favgrvm
 siðvm, er hann sæ með þeim. Allir glavddvzt af hans favðvrligri 15
 vitian ok tillkvomv. En hann miðlaði þeim andliga fæzl, þat er
 helga kenning, er hann flvtti með ser af fiallinv sva sem agiæta vingiof
 til þeirra. Lofvaði hann staðfesti þeira, er hann fann fornna i
 mvnkalavgvm, en eggiaði þæ, er nykomnir vorv, vel at halda helgan
 sið. Meyna systvr sina, þæ miok gamla at alldri, fann hann þar, var 20
 hvn þæ lærimoðir annarra meya, þeira er gvði pionvðv. Gladdizt
 hann af þessv ovmbæðiligvm fagnaði. Eptir þetta for hann
 skvndandi aptr til fiallz sinns, sva sem hann hefði lengi i brvt
 verit af eyðimorkinni.

41. Doott harðla mikil torfæra væri æ hans fvnd at sækia 25
 vm sva hræðiliga eyðimork, þæ ferðvðvzt margir til hans enn af
 nyiv, þeir er af dioflvm vorv kvalðir eða tilskyllaðir fyri ymisliga
 navðzvn. Hvsgaði hann þæ alla með sinvm fortavlvvm ok talaði
 sva sameiginliga til mvnka, þeim þessa lvti bioðandi: «Trvið æ
 Jesvm Krist ok varðveitið trvlga hvgskot yðart fra savrvgligvm 30
 hvgrenningvm; varðveitið ok likamann skiran fra allri vhreinsv, ok
 eptir því sem gvðs boðorð stendr til, latið yðr eigi verða sivka eða
 sigraða af saðning eða kvíðarins offylli; hata skolv þer hegoma dyrð;
 biðizt fyrir optliga; syngit lof gvði at kvellði ok morni ok miðivm
 degi; verðið alldregi afhvga boðorðvm heilagra ritninga; minniz a 35
 verk þav, er helgir menn giorðv i sinv lifvi, þeir sem vorv yðr
 fyrri, at minning þeira dyrðligra dæma veki avndina vpp til krapta
 ok goðra verka, en halldi hana fra lavstvm.» Heilagr Antonivs

sagði með mikilli aeggian halldandi orðr hins helga Pals postola með optligri hvgsan, þav er hann sagði sva: Latit eigi sol setiaz yfvir yðarri reiði. En hann þyddi sva þessi orð, at eigi at eins skolvm ver við varaz at hallda reiði við nockvrnn mann, þæ er
5 sol setz, helldr ok skolv vndir þetta atkvæði takazt allar misgiorðir mannanna, at eigi tvngll vm nott eða sol vm dag setizt, sva sem vattr varra synda. Hann minnti ok æ, at allir skylldv minnigir vera postoligs boðorðz, þess er hann mællti sva: Dæmit yðr sialfa ok reynið, at þer giorið skynsemð af degi ok nott. Fyri því bavð
10 hann sva, at ef nockvrir skilði sik syngazt hafva, skyllði af lata syndir at fremia; en ef engi syndsamlig villa hefði þæ blecktt, skylldv þeir helldr staðfestazt i goðvm vppteknvm hlvtvm, en þrvtna eigi af metnaðarfyllri hræsni, eða fyrлита aðra eða ser eigna eða sinvm verðleikvm sitt rettlæti, eptir ravksamligvm orðvm hinns sama
15 postola sva segianda: Varizt við at dæma fyrri en timinn kemr. Bað hann þæ helldr varðveita dominn gvði til handa, því at honvm einvm erv opinberir allir leyndir hlvtir. Eptir því sem ritat er, sagði hann margar gavtvr vera, þær er mavnnvnm synaz rettar, en þeira endalykt leiðir til helvitis divps þæ, er eigi varazt við.
20 Optliga sagði hann þat verða, at ver megvvm varla skilia syndir varar, optzinnis sagði hann, at ver mættim bleckiaz i skynsemð eða grein verkanna; en gvðs dom, er alla hlvti veit ok ser, sagði hann eigi dæma eptir likamligv yfirbragði helldr eptir leyndvm hlvtvm hvgskozins. Eptir þi sem rett er, bað hann oss sampinaz
25 var i milli ok hvernn varnn með avörvm letta eða bera annars byrði, dæma ok ælíta oss sialfa ok varar eiginligar samvizkv ok bvaz sva við domi várs hialpara. Með þessvm lvtvm sagði hann þæ vera orvgga gavtv kraptanna at avðlazt, at hverr sem einn helldi vandliga i minni allar sinar misgiorðir til yfirbota, ok segði
30 eigi at eins i synda iatning sinvm skriptaföðvr orð ok verk helldr allar syndzamligar hvgrenningar, ok kallaði manninn sva mest mega forðaz syndina, at hann væri skvllbvnnndinn kinnroða at þola fyri allar sinar syndir, ok sinvm eiginligvm mvnni at iata ok fram at bera, hverssv liotliga sem hann hefði syngazt. Bera kvat hann
35 sva til mega, at misgiorandi þerði eigi at syngazt at nockvrvm hiaveranda, sva ok at hann villdi forðaz nockvrnn vott yfvir at hafva sinni synd, þótt hann fengi henni framkomit, helldr æ þat at stvnda at neita þæ framðri synd ok vndan henni at fær az með

nockvrrí lygiligrí afsakan ok avka sva syndina at leggja nyian glæp a forna misgiorð. Bað hann her alla með hinni mestv astvndan við varaz þat rað til gefvandi, at þeir, er trvliga villdi sinar salvr lækna, skyldi slíka synda iatning giora, sem nv var sagt, eða rita saman með goðri grein eptir skipan allar misgiorðir 5 sinar [sinvm skriptafeðrvm¹, til þess at þæ er sialfvir þessir bokstafvir avitaði misgiorandann, skyldi hann líknssamliga skammaz ok iðraz sinna afbrigða.

42. Heilagr Antonivs bað þæ alla þessa gadv ganga, er kaptana villdi avðlaz, ok kendi at hepta líkamliga beiðni með 10 skynsemð hvgskozins ok sva niðr at briota skaðsamligar fiandans vmsatir. Með slíkvm æggianarorðvm eggiaði hann mvnka, er til hans komv, at hallda sinn sið, samharmandi þeim er iðrandi vorv. Marga af þeim, er sívkir komv a hans fvnd, græddi drottinn með sinni milldi fyrí hinn helga Antonívm. Alldregi hof hann þo vpp 15 til metnaðarsamligrar dyrdar af þeira alheilsv, er græddvzt, eða varð hryggr, sva at hann mavgglaði af þeira sívkleik, er eigi vrðv heilir, helldr var hann avallt með hinvm sama hvg ok aliti giorandi gvði þackir, þæ eggiaði, er eigi fengv líkamliga heilsv, at þeir skyldi þolinmoðliga bera gvðliga raðning, sagð(i) þesskonar lækning 20 ok heilsvgiafvar með avllv eigi vera Antonij eða nockvrs mannz, helldr eins samt almattigs gvðs, er vanr er þæ at græða, er hann vill, ok æ þeim tíma er hann vill. Sva með sinvm hvgganarorðvm lærði hann þæ sívka menn, er eigi græddvz af vanmegni, at bera þolinmoðliga freistni, en hina er leystvz, at þeir þackaði eigi 25 honvm helldr gvði sína mickla miskvnn.

43. Fronto het maðr nockvrr af Palestína, er af envm versta díofli kvalðiz, sva at hann hafði sinvm tavnvm tvngvna bitíð ok miok sva mist synarinnar. Hann for til fíallz Antonij æstandi, at 30 sæ hinn helgi faðir bæði fyrí honvm til gvðs. Heilagr Antonivs giorði sva. Ok at lyktaðri bæn mælti hann við Frontonem: »Far nv í brvtt, ok mvntv heill verða.« Þessi hinn sívki trvði eigi hans orðvm ok dvalðiz þar lengi í gegnn boðorði ok vilia heilags favðrv. Heilagr Antonivs sagði sva til hans annað sinni: »Her mvntv eigi heill verða, ok fyr því gack vtt ok heðan í brvtt, ok 35 er því kemr a Egiptaland, mvn skiotliga Kriz miskvnn þer fylgia.« Trvði hinn sívki vm siðir, for hann nv a brvtt, ok er hann sæ ok ste fotvm Egiptaland, varð hann heill af allri kvavl ovinar eptir

¹ [ok sinvm skripta foðrvm *Cd*.

fyrirheiti heilags föðvr, sva sem drotinn hafði honvm vitrað, þæ er hann bað heilsv envm diofvloða.

44. A þessvm tíma var ein mæz æzskvð af borg Tripolitane^r heraðs, sv er kvalðiz af sytiligri sótt ok fyrr oheyrðari ok þar með morgvm ohægendvm; því at horz fram flíotandi af navsvm, tár af avgvm, deynandi vágr af eyrvm, þetta allt æ iorð fallanda varð skiotliga at mavðkv. Þat avkaði hennar eymð ok vanmegnn, at hvn var aflavs i avllvm líkama ok limvm, því at hvn hafði þæ sótt, er paralisis heitir. Avgvn hennar vorv ok rangsnvin i gegnn
- 10 manz nattvr. Frændr hennar fystvzt at flytia hana a fynd hins helga Antonij, ok beiddv ser forvneytiss ok sívkri dottvr sinni mvnka, er þangat ferðvðvz, treystandi almatkv gvði, at sæ hinn sami með sinni milldi mvndi hana heila giora fyri þenna sinn astvin, er konvna græddi af bloðsott fyri atekning trafva sinna
- 15 klæða, sem gvðzspiallit váttar. Mvnkarnir villdv eigi taka þav i sitt favrvneyti, sagði þat eigi vera mega, at en sívka væri flvtt allt a fynd Antonij. Dvavldvz nv eptir faðir ok moðir með dottvr sinni sívkri vtan fiallz með hinvm sæla gvðs iatara ok mvnki Pafnvzeio, er harðla miok dyrkaðiz af því, er annat avga hans
- 20 hafði verit vtt stvngit fyri gvðs nafni, en þetta let giora honvm til skammar keisari Maximianvs ofríðarmaðr gvðs kristni. Mvnkarnir komv fram til fiallzins ok fyndv enn sæla Antonivm. Ok er þeir ætlvðv at segia honvm af sívkleika þessar meyar, varð hann skiotari af þessv efni at tala, sagði hann þeim alla savk
- 25 hennar vanmegns, ok at hvn (var) með hinvm helga Pafnvzeio, sva sem hann hefði naverandi verit avllvm þessvm lvtvm. Mvnkarnir baðv, at hann mvndi lofva föðvr ok moðvr meyna a hans fynd at færa. Ok villdi hann þat eigi veita þeim, helldr sagði hann sva: »Farið nv leið yðra ok mvnvt er finna meyna alheila,
- 30 ef hon er eigi davð; en ek segi yðr, at engi skal til min koma lágs ok avðgiætligs heilsv at biðia, því at veizla heilsvgiafvanna er eigi nockvrvm manni at kenna, helldr miskvnn Jesvs Kristz, þess er hvervetna er vanr fvlting at veita ok hialpa þeim, er æ hann trva. Ok fyr því er þessi mæz leyst ok frelsvt fyri sínar
- 35 bænar, er þer baðvt fyrir. En þæ er ek baðvmz fyrir til gvðs, veitti hann mer at vera samvitandi heilsv hennar.« Ok er hann hafði sva sagt, varð mærin eptir hans orðvm alheil, því at þæ er mvnkarnir komv a fynd eðs helga Pafnvzej, fyndv þeir hana sæt-

liga sofvandi en frændr hennar glaða af sva mikilli miskvnn veittri.

45. Eigi mavrgvm-davgvm siðarr giorðiz þat, þæ er tveir af bræðrvn forv æ fynd Antonij, at vatnn þravt a leiðinni, ok af micklvm hita ok erfviði do annarr af þorsta, en annarr lá æ iorðinni at kominn davða. Þenna tima sat Antonivs i fialli sinv, hann kallaði til sin tva mvnka, er þæ vorv þar staddir, ok bað þæ taka eina favtv vatz fvlla ok fara sem hvatazt æ þann veg, er vændir til Egiptalanz, »þvi at einn af þeim bræðrvn, er hingat ferðvðvz, leið nv af þessv lifvi til gvðs, en annarr mvn bratt deyia, ef þit komit eigi skiott honvm hialpp at veita; þetta var mer vitrað nv, þæ er ek var æ bæn minni.« Ok er hann hafði þetta sagtt, forv mvnkar skyndiliga eptir hans boðorði, ok fyndv enn andaða bröðvr; grofv þeir þegar likama hans i þeim sama stað. En annan sva nærðan sem þeir mattv við komaz, tok(v) þeir i sitt forvneyti. Var þæ leiðarinnar eptir sva sem ein dagferð. Vera kann, at nockvrr fretti eptir, fyri hveria savk Antonivs hafvi eigi fyri sagtt þessa lvti, aðr broðirinn var andaðr. En þeskonar eptirleitan er með avllv oviðrkvæmilig kristnm mavnnvm, þvi at þetta varð eptir gvðs domi en eigi Antonij; hann syndi sit domlikt atkvæði, sva sem honvm likaði, yfvir þeim, er hann kallaði af þessvm heimi, en let ser soma at vitra sinvm vin af þeim, er þyrstandi var ok hann villdi, at lifvinv helldi. En þæ var faheyrtt ok harðla dasamlikt, er enn helgi Antonivs sitiandi i þvi fialli, er sva fiarlækt var manna bygðvm, skyllði gloggliga vita alla lvti, þo at honvm væri fiarlægir. En þessa giptt avðlaðiz hann af einni samtt gvðs gíof ok vitran.

46. A avðrvn tima þæ er Antonivs sat i fiallinv, bar sva til, er hann hof avgv sin vpp i loptið, at hann sæ eina avnd fara til himins, ok helga eingla sæ hann glaða henni i mot komandi. Varð hann miok ottafvllr af nyivng þessarrar synar, ok sagði harðla sæla vera sveit heilagra manna. Hann bað nv, at gvð skyllði birta honvm framarr þetta stormerki. Ok skiotliga heyrði hann ravdd segiandi, at þessi avnd var þess mvnks, er Ammon het, ok verit hafði i þvi heraði, er Nitria kallaz. Þessi Ammon var gamall maðr ok hafði staðfastliga gvði pionat ok heilagliga lifvat fra barnnæskv ok til elli. Sæ staðr, er Antonivs sat, var .xiiij. dagleiðir fra Nitria. Ok er mvnkar, þeir er komnir vorv til hans, sæ hann

gláðan, ok þo sem hann vndraðiz nockvrnn lvt, baðv þeir hann segia ser, hver savk til væri hans gleði. Hann svaraði þeim ok sagði sva: «Nv avðlaðiz Ammon hvilld.» Þessi gvðs vin var envm helga Antonio ok kvnnr af optligri fret ok savgnn þeira, er **aa** hans 5 fvnd sottv. Sva vissv ok **aa** honvm skyn allir af þeim storvm taknvm, er honvm veittvz iafnan af gvði vtan alla dvavl. Eitt af þeim er her ritað. Sva bar til at sinni, at hann atti navðzyn at fara yfvir **aa** þaa, er Lievs heitir, er af skiotvm vatnavexti var mikil orðin. Þa bað hann Theodorvm, er með honvm var, at 10 hann hneigði sik littað fra hans asionv, til þess at hvargi mætti sia annars likama beran, meðan þeir færi yfvir vatnið. Theodorvs geck a bravt, sem hann bað, því at hann villdi ok eigi sik lata beran sia. Ammon var i þessv bili yfvir flvttr ána með gvðligvm krapti ok settr **aa** annan backa. Þessi enn goðfysi maðr Theodo- 15 rvs for ok yfvir ana ok vndraðiz miok, er Ammon hafði sva skiott farið yfir þetta mickla vatnn. Með því at hann **saa** fætr hans þvrra ok fann eeki mark **aa** hans klæðvm, at hann hefði **aa** vatni verið, bað hann, at Ammon mvndi segia honvm sva sem faðir syni þessa sina ferð, er langtt var vmfram mannliet skyn ok 20 ætlan. Ok er hann villdi eigi segia þenna atbvrð, fell Theodorvs til fota honvm ok svaraði, at hann mvndi eigi af lata at biðia, fyrr en hann segði honvm þat, er hann bað ok aðr var fyri honvm leynt. Ok er Ammon sa, at broðirinn villdi þessa með sva mikilli akefð biðia, skyllaði hann Theodorvm til at segia þetta avngvm 25 manni fyrri en Ammon væri andaðr. Ok er broðirinn iataði því, sagði þessi þinn helgi faðir sik sva skiott ok með mikilli letfæri flvttan a annan árbacka, at með avllv vrðv fætr hans eeki vatir, eptir dæmi sialfs drottins Jesus Kristz, er þvrrvm fotvm geck **aa** vatni; sagði þessa frvmtignn at eins þeira vera, er hann lætr ser soma með 30 sinni milldi einkannliga at veita, sva sem hann veitti hinvm helga Petro postola, at manuligr likamr megí sva lettliga yfvir vatnn flytiaz i gegnn nattvr. Theodorvs giorði sva, sem hann hafði heitið, ok sagði eigi fyrr þetta stormerki, en enn helgi Ammon var farinn til gvðs af þessv lifvi. Mvnkar þeir, er hinn helgi Antonivs sagði, 35 at Ammon var andaðr, merkðv nv daginn, ok er bræðr nockvrr komv af Nitria eptir .xxx. daga, frettv þeir eptir vandliga þessvm tiðendvm ok fvndv, at Ammon hafði andaz **aa** þeim sama degi ok þeiri savmv stvnd, sem heilagr faðir Antonivs **saa** avnd hans til himins flvta. Hvarirtveggiv vndrvðvz miok, er heilagr Antonivs

með sinn hreinazta hvígs koti matti gloggla vita þá lvti, er honum vorv sva fírlægir.

47. Arkelavs iarll for æ fnd heilags Antonij ok feek fndit hann i env ytra fialli ok sagði honum vanmatt meyar þeirar, er Polieratia het. Hvn var i Laodicia harðla dasamlig i sinn lifvi, goðfvs ok gvði helgvð. Jarllinn beiddi, at heilagr Antonivs bæði fyri henni, því at hvn hafði akafíkt mein bæði i kvíði ok mikinn verk i síðv; þenna sívkleika hafði hvn fengit af favstvm ok micklym vavkvm; var hvn ok mick nvmín avllv líkamligv afí. Heilagr Antonivs bað fyri henni. Archelavs merkði þann dag, ok for síðan aptr i Laodiciam, fann hann meyna alheila. Hann fretti eptir, nær hvn hefði heilsv tekít, ok fann, at sá tími hafði þeim degi, sem hann hafði merkðan. Allir vndrvðvz þenna atbvrð ok skíldv, at a þeiri samv stvnd var þessi mærl frelsvt af avllvm sínm meinvm, sem Antonivs hafði beðit fyri henni til gvðs. Antonivs sagði optlga kvomv þeíra manna, er æ hans fnd sottv, nockvrvm dagvm eða manvðvm fyrri en þeí kíæmi, sva ok af hverívm savkvm eða efni þeíra ferð var. Svmlr ferðvðvz, sottv æ hans fnd af einni samt fysi hann at síá, svmlr forv, þeí er kváldir vorv af díoflvm eða til skýlldaðir af nockvrvm avðrv vanmegni. En eingi vm allr a hans fnd komandi sakaðiz við sinn sívkleika, erfíði eða kostnat sinnar ferðar; allir fra hans fndi farandi vorv af honvm saddir andligrí fælv. Hann fyríavð avllvm, at nockvrr eígnaði honvm eða hans lofvi þav stormerki, er gíorðvz, en bað, at allir skýlldv þar fyri veíta verðvga vegsemð einvm ok savnmvm gvði, þeim er íafnan veítir sína mískvnn ok víðrkenning davðlígvm monnmvm, sva sem hann ser at hverívm hæfvir.

48. A nockvrvm tíma, þá er enn helgi Antonivs villdí vítia klavstra þeíra, er honvm vorv eígi allnalæg, baðv bræðr, at þeí mvndi æ skipi fara, sva sem þotti leíðinni hæfva; ste hann síða(n) æ skip með mvnkvm. Ok er hann var æ bæn sinni, er þeí vorv æ ferð komnir, kendi hann einn samtt opefvan mikit. Allir, þeí er hía vorv, savgðv, at þessi enn illi þeí mvndi vera af savlltvm fiskvm eða karícis, þeim gravsvm er sva heíta, er i skipínv vorv. En helgi Antonivs sagði, at þetta var annarskonar fyla. Ok er hann hafði þessi orð varla mællt, þá hl(i)op fiandinn i einn vngan mann. Sá let fallaz níðr míðskipa með micklv kalli, ok þo sem hann villdí felaz. En skíott varð hann alheill i nafni drottíns vars Jesús Krístz

fyrir hinn helga Antonívm. Allir skilðv nú, at fiandinn hafði þetta odavnan gíortt.

49. Annarr díoðvloðr maðr, ok þo gofvr milli sinna vna, var enn leiddr **æ** fynd enns helga Antonij sva miklv ærslvm sleginn, at hann átt fvla framfiotandi lvti af sinvm likam, ok hann vissi eigi sik vera hia envm helga Antonio. Af þessi savk var heilagr Antonivs beðinn af þeim, er enn vitlavsa hafðv þangat leiddan, at hann fyri sina bæn arnaði envm sivka miskvnnar af gvði. En hann samharmaði sva miok avmleik þessa hins vnga manz, at hann vakði alla nott með honvm biðianði gvðliga mildi, at hann græddiz af avllvm ærslvm ok vitleysi. Ok þæ er lysa¹ tok af degi, hliop hinn díoðvloði vpp með mikilli akefð, sva sem hann mvndi a raða hinn helga Antonívm. Þeir er hann hafðv þangat leiddan, vrðv miok ræddir, er hann dirfðizt at veita meingiorð helgvvm foðvr. Heilagr Antonivs mælti til þeira: «Eigi skolv þer þessvm envm avma vngvm manni eigna annarlígan glæp; þessi ærsl erv eigi ens vitlavsa, helldr þess er velldr hans vitleysi ok ærslvm. En fyri þæ savk dirfðiz fiandinn nú sva mikillar illzkv, at hann harmar, at drottinn bavð honvm brvtt at flyia til þvrs heraðs, þat er þangat, er hann giori engvm manni grand. En sv ærslavll akefð, er þessi giorði mer i gegnn, var skyrtt mark bravtt-regxstrar andzskotans.» Þegar eptir þessi orð vtan alla dvavl tok þessi hinn vngi maðr vitt sitt ok giorði gvði þackir. Kendi hann þæ staðinn, hvar hann var kominn, varð hann ok sva feginn sinni alheilsv, at hann kysti ok faðmaði hinn helga Antonívm með litillæti ok goðfysi. Otallig erv avnnvr þav taknn þessvm lik², er ver namvm ok heyrðvm optliga af samþyckri savgnn mvnka, er almattigr gvð giorði fyri sinn astvin Antonívm. En þessir lvtir erv eigi at eins, er sagðir vorv vm hrið, með miklv otta hvgsandi, því at þav stormerki, er fylgia, ganga miklv meirr yfir fram tegvnd vars breyskleigs.

50. Þat var **æ** einhverívm degi nær enni nívndv tíð, þæ er heilagr Antonivs var **æ** bæn sinni, aðr hann skyldi fæzlvg bergia, at hann skilði sik andliga vppnvminn ok af englvvm i loptið vppflvttan. Enir svavrtvztv díoðlar stoðv i mot ok tokv at banna þeim ferðina. Helgir einglar frettv eptir, af hverri savk díoðlar dirfðvz at heppta ferð fyri þeim, með því at þeir mattv enga lavstv finna með hinum helga Antonio. Þæ villdv díoðlar við leita með

illfösligri ástýndan vpp at rifva allar syndir Antonij allt frá þeirri stýnd, er hann var fæddr. Englar góðs báð þá eigi dirfvað sinn bálvaða munn vpp at loka sva mikit fals at segja, ságvöð, at þeir attv eigi at segja eða minnaz nockvrr hans syndir, þær er hann hafði gíortt alltt frá sínum fyrsta degi, því at þær voru nú allar fyrgefnnar ok leystar fyrri góðliga goðgirnð, ok ságvöð þeim lofvað vera þær hans syndir fram at bera, ef þeir vissi hann nockvrr gíortt hafva frá þeirri stýnd, er hann gíordiz munkr ok hafði sík góði helgat ok gefvið. Dioflar rægðv eigi at síðr enn helga Antonívm, marga lvti hvaðvisliga ok þríotliga honvm í gegnn livgandi. Ok þá er engi sannleíkr matti finnaz með þeira falsi, lykzt vpp fyrri envm helga Antonio greið ok fríals gata til himins at fara. Ok skíotliga hvarf hann aptr til síalfs síns ok stóð í þeim sama stað, sem aðr þessi syn birtízt honvm, sá hann ok fann síalfvan sík enn sama vera, sem hann var fyrri. Gleymði hann nú fæzlva at bergja, ok frá þeirri stýnd var hann alla nótt í svt ok grati, ok þóttiz skília af þessi vítran, at hann atti at beríazt í gegnn ovín allz mankyns ok hans otallígv her, ok hann sem aðr góðs ríddarar mýndi með starfvi ok erfvið góðs lífs ok margfalldrar freístní himínríkis fagnað eígnaz ok með kraptavopnum þann veg fyrri sér at ryðja, er þangat lígr. Þetta sannar enn Páll postolí í sínum orðvm, þeim sem hann talar sva: Eigi at eins eígv ver í moti at beríaz bréysklígrí beíðní várs líkama, helldr í gegnn hófðíngívm ok mattvm þessa nálagss loptz, þat er ovínvm(!) ok hans erendrekvm. Hann vissi postolínn, at fiandinn ok hans ærír, er flívgandi fara vm þetta skýfvlla lopt, stýndar þá fyrri margfallða freístní víð mankynít, at eigi megím ver fríalslíga yfvír líða hans snorvr ok vmsatír ok til himínríkis fara, ok fyr því let hann her fylgja mikil aeggíanarorð sva segíandi: Takít góðlígan vopnabvnat, at þer megít í moti standa ok hravstlíga beríaz í gegnn fiandanvm a degi eða stýnd freístnínnar, at ovín-rínn skammíz, þá er hann finnr enga líti með oss, þá er hann megi réttlíga segja eða moti flýtia varri salvhíalpp. Þat má avðvellíga vera, at nockvrv þíekí þat míok vndarlíktt, er heílagr Antonívs var vppvmmín í loptíð, þá er góð syndí honvm, hverssv með mikílli (vel) andzskotínn með sínum ærvm talmar himínríkíss gavtv fyrri avllvm góðvm mavnnvm, ok hvarf enn síðan aptr til íarðarínnar. En í mot þessi vndran eða vmleítan skolv

ver endrminnaz orða ens helga Pals postola, er hann sagði af sinni vppnvmning sva talandi: Gvð veit, en ek veit eigi, hvarrtt ek var vppnvminn með likam eða vtan minn likam.« En helgi Pall postoli var vppnvminn allt til ens þriðia himins, ok er hann
5 hafði þar heyrð ovmbæðilig orð, ste hann niðr til iarðarinnar; en heilagr Antonivs var vpphafviðr allt til ens skira himins loptz, ok eptir þæ þrævt, er hann þolði af ohreinvm avndvm ok honvm birtizt greiðfærr vegr ok frials til himins at fara, hvarf hann ok aptr til iarðarinnar.

10 51. Heilagr Antonivs hafði þesskonar gipt af gvði av(ð)last, at hann vissi iafnan þæ lvti, er fiarri honvm giorðvz, með þeim hætti, at þæ er hann villdi vita þæ lvti, er honvm vorv aðr okvnnir, bað hann til gvðs, ok var honvm þæ vitrað þat, er fyri honvm var aðr leynt. Ok því mæ þat með sannleik af honvm
15 tala, at hann var af sialfvm gvði lærðr, sem þeir lvtir birta, er her fara eptir.

52. Þa er bræðr tavlöv vm þav stormerki, er honvm vorv vitrvð ok nv var fra sagtt vm stvnd, frettv þeir hann eptir, hvað avnd manzinns mvndi at hafaz eða hvilikan stað hvn mvndi til
bygðar hafva ser af gvði veittan eptir vttferð af sinvm likam. A næstv nott eptir kom yfvir hann ravdd af himni ok kallaði hann með nafni sva segiandi: «Antoni, ris vpp þv, gack vtt ok skynia þat, er þv ser.» Hann geck vtt, því at hann vissi hverivm hann atti andsvavr at veita. Ok er hann hof vpp avgv til himins, sæ
25 hann sva sem likendi eins manz; sæ var harðla langr ok hræðiligr, hofvt hans syndiz honvm taka alltt til skyia; hann sa ok nockvra fiðrða ok vængiaða, þeir hofvz vpp ok fystvz til himins at flivga. Enn hræðiligi, er Antonivs sæ, retti fra ser hendr þeim i moti takandi ok bannaði þeim ferðina. Nockvra af þeim feck hann
30 havndvm tekit, vorv þeir af honvm kastaðir aptr æ iorðina; en svmir af þeim, er hann kostgiæfði at þarflavsv at hallda, flvgv fria(1)sliga til himins at honvm harmanda, er hann feck þeim þat eigi bannat. Þeir er sigrvðvz, ok hinir er sigraðir vorv, giorðv helgvm favðvr Antonio enn mesta fagnað ok þo semblandaðan sv
35 ok harmi. Skiotliga kom enn yfvir hann ravdd sva mælandi: «Antoni, hygg at vandliga þeim lvtvm, er þu ser.» Ok at birtv hans briosti af gvðligv liosi skildi hann, at þetta vorv salvr, er hann sæ i loptið vpp flivga. En sa, er þeim bannaði, var sialfr fiandinn þeim aptr halldandi ser til handa, er sik havfðv honvm
40 samtengt fyri sinar syndir, en hann kvalðiz af greiðfærri ferð

heilagra til himinrikis fagnaða, þeira er hann matti eigi fá svikit. Af dæmvm slikra syna ok fyribvrða eflðizt ok eggiaðiz heilagr Antonivs hversdagliga af goðv til ens agiætara lifs. Þæ hlvti, er honvm vorv vitraðir, sagði hann bræðrvm eigi af savk nockvrrar hræsni, helldr til lofs gvðligri milldi; skyllðaðiz hann þeim at birta þat, er þeir spvrvðv eptir, at þeir efvaðiz alldregi gvði at treystaz ok af honvm fvltings at biðia; hans et helgazta briost villdi ok einna sizt nockvt hlioði hylia fyri sinvm andligvm sonvm af þeim taknvm, er þeira savgnn ok viðerkenning mætti þæ styrkia til astar við helgan sið ok efla til goðrar fyrætlanar, en syna avarxtt ok eilifva avmbvn stvndligs starfs ok erfviðis.

53. Heilagr faðir Antonivs tyndi alldri sinni þolinmæði af skiottri eða braðri reiði, ok alldregi af sinv litillæti leitaði hann sialfr sinnar dyrðar, því at alla klerka, þo at með invm minnztvm vigslvm væri, setti hann vmfram sialfvan sik ok sagði þæ fyri ser eiga til bænar at ganga. Sva sem hinn litillatazti lærisveinn neigði hann sitt hofvt byskvpvm ok prestvm blezandar biðandi. Ef æ hans fvnd sottv fyri sakir sinna navzynia þeir, er diakns vigslv hafðv, þott hann fvltingði þeim með sinni heilsamligri kenning eptir þeira beizlv, setti hann þæ framarr sialfvm ser gvð at vegsama ok hann miskvnnar at biðia fyri allra sameiginni hialp, ok skammaðiz eigi sialfr af þeim at nema, ef þavrf beiddi. Optliga spvrdi hann þæ ymisligra lyta, er með honvm vorv, ok ef hann heyrði af þeim nockvt, þat er honvm þotti ser navðzvnlíkt, sagði hann ser vera þat mickla hialp ok fvlting. Mikil miskvnn birtiz opinberliga æ hans asionv, hafði (hann) ok sva dasamliga þesshattar gíof avðlazt af sialfvm gvði, at ef nockvrr æ hans fvnd komandi, sæ er hann fystiz at finna ok mætti eigi aðr kenna enn helga Antonivm at syn, geck sa þegar at avngvm tilvisanda þar til, sem heilagr Antonivs var, engvm avðrvm gavm gefvandi, þott hann væri staddr milli mikils fiolða mvnka, þeckandi andlíkt skirlifvi i hans asionv ok lítandi miskvnn heilags hvgskotz fyri likamliga skygsia. Heilagr faðir Antonivs var aavallt með glavðv andliti avðzæliga synandi, at hann hvgsaði iafnan af himneskvm lytvvm; segir ok sva ritningin, at asionan blomgaz af hiartans gleði, en h(r)yggez, ef hiartat sytir. Sva kendi Jacob mag sinn Laban sva segiandi til dættra hans, þæ er Laban bioz at veita honvm vmsatir: «Eigi syniz mer asiona favðvr yckars sem i gíær eða fyrri.» Með þessvm hætti kendi Samvel spamaðr Davið, at hann hafði gláðlíkt andlit ok avgv. Sva

et sama matti Antonivs kendr vera, því at hann hellt ævallt
 env sama yfvirbragði, hvarrr sem at hendi bar bliða lvti eða
 stríða; hof hann sik allðri til metnaðar af farsæligvm eða
 bliðvm lvtvm, enn neigðiz allðregi eða lægðizt fyri havrðvm eða
 5 motzstaðligvm tilfellym; var hann ok dyrligr bæði i asionv,
 heilagri trv ok mildi. Allðregi samblandaðiz hann samneyti
 þrævmanna fyrri, en hann feck þeim fra snvit sinv ranglæti ok
 þeir hetv at bæta sin afbrigði. Allðregi mællti hann vingiarnnliga
 við Manicheos eða aðra villvmenn, nema þav ein, er þar fyrir
 10 mætti þeir leiðrettaz ok fra snvaz sinni illzkvfvllri villv; sagði
 vinnattvr villvmanna ok allar þeira viðræðvr giora glavtvn salinni.
 Sva hataði hann ok fyrleit þa menn, er vafðir vorv i Arrivs
 villv, at hann bað alla við varaz nær þeim at koma. Sva hafði
 til borit at sinni, at nockvrir Arrianite sottv a hans fvnd, ok siðan
 15 er hann hafði þa profvat ok með þeim fvndit vesælliga villv,
 rak hann þa a brvt af fiallinv ok sagði þeira orð micklvr verri
 ok skaðsamligri en havggormlikt eitv.

54. Þessv næst savgðv Arrivs villvmenn með sinni falsligri
 lygi enn helga Antonivm sva trva, sem þeir savnnvðv með skravk-
 20 ligv yfvirbragði sik trva. Hann vndraðiz miok þeira ofdirf(ð) ok
 harmaði þetta sva sem með nockvrri hræring rettrar reiði þeim
 i gegnn. Siðan for hann i Alexandriam, sva sem hann var
 beðinn af byskvpvm ok avllvm bræðrvm, ok fyrðæmði þar Arria-
 nitas með sinvm opinbervm orðvm, sagði hann þessa þeira villv
 25 vera siðazta ok fyrirennara Antikristz boðandi hans tilkvomv.
 Hann predicaði ok opinberliga avllvm lyð, at son lifvanda gvðs
 er eigi skepna ok eigi getinn i guðdoms eðli eptir hætti davðligra
 manna, helldr sannaði hann hann vera eiginligrar ok einnar veranar
 með gvði feðr, at eigi skyllði synaz eða trvað vera af nockvrvm,
 30 at hann væri skepna eða kallaðr at eins son gvðs, helldr sannr
 son lifvanda gvðs. Hann sagði ok vera harðla omilldlikt ok
 gagnnstaðlikt avllvm rettendvm at hvgsa, mæla eða trva, at son
 gvðs var stvndvm, en naekvat sinn eigi, með því at son gvðs er
 orð gvðs ok at eilifv sannr gvð, samiafn ok sameilifv gvði feðr,
 35 því at hann er fæddr af gvði feðr, þeim er ævallt er. Heilagv
 Antonivs sagði ok sva avllv folki hiaveranda: «Variz við með
 avllv kostgiæfvi at samteingiaz þeim, er i Arrivs villv erv vafðir,
 því at lios hefvr ecki samfelag með myrkvm; megit er þa ok
 sannliga heita ok vera rettkristnir menn, ef þer trvit rettliga.

Arrianite segja orð gvðs – er son gvðs er at savnnv getinn af gvði feðr ovnræðiliga – ok trva skepnv vera, ok því erv þeir eigi með nockvrri grein fraskila helldr samteingðir villv heiðinna þjóða, þeira er þiona skynlavsri skepnv helldr en skapara sinvm, þeim er blezaðr er vm alldir. Ek bið yðr, er heyrit þessi min orð, truið 5 mer. Allar hofvtskepnvnrar ok allir skapaðir lvtir samharma eptir orðvm postolans ok fyllaz reiði i gegnn ærslafvllri villv Arrianorvm, er þeir dirfvaz þann enn sama ok enn sanna gvð at samiafna ok samtelia sinni skepnv, er fyri þann ok af þeim erv allir lvtir giorfvir ok skapaðir.« 10

Eigi ma þat orðvm skyra, hverssv framarliga þessi kenning af sva agiætvm manni framflvt styrkði folkit retta trv at hallda. Allr lyðr rettrvaðra manna gladdiz miok siandi fianzliga villv ok miok andzstyggia kristiligri trv ver(a) bannzetta af stopli kristinnar Antonio. Engi var sv tegvnd ok eingi vngvr maðr eða 15 gamall, er heima sæti i sinvm herbergivm, allir villdv sia ok heyra enn helga Antonivm. Hvat þarf ek at tala af kristnvm monnvum i þessv tilfelli, þeir vorv engir fraverandi; heiðnir menn ok sialfir hofprestar skvrðgoð blotandi flyctvz saman sva sem tilskyllðaðir af drottinligv valldi, ok savgðv sva: «Ver biðivm, 20 at þer latið oss sia gvðs mann.» Þetta var milli allra kristinna manna ok heiðinna et frægazta nafnn Antonij. Margir fystvz at taka æ trofvm klæðis hans eða við at snerta, ef þeir mætti eigi nær meirr komaz, ok trvðv þæ atekning ser mvndv mikit stoða til hialpar. Margir vrðv þeir þar heilir, er aðr vorv diofvloðir. 25 Þeir leystvz ok margir þar, er þangat flvttvz ymisligvm sottvm sivkir. Hverr man þat taltt fa, hversv mikit herfang skvrðgoðin ok þeira þionostvmenn letv lavst, eða hversv margir fra heimtvz heiðinligri villv ok samteingðvz safnaði ok hiorð kristinna manna. Efvalavsliga sva margir snervz fra blotvm ok þarfslavsligri þion- 30 ostv skvrðgoðanna æ fam dagvm, at sa flockr sigraði með sinni tavlv þæ, er retta trv tokv æ avllv ari þess i milli. Þæ er þetta et otalliga folk sotti avllvm megin at envm helga Antonio, villdv hans favrvnavtar hlifva honvm ok fra honvm neigia envm mesta manifolda, því at þeir ottvðvz, at þessi atzoknn eða þrongving 35 mvndi þessvm helga favðvr giora mikit leiðendi; mællti hann til þeira með envm hogværazta hv: «Er nackvat þessi safnaðr meiri enn flockar vhreinna anda, eða er vtalligri þessi mikill mannfioldi, er bvinn er goðfvsliga þionostv at veita, en sveitir er oss i moti beriaz heima i fialli varv?» 40

55. Eptir þessi tíðendi sneri heilagr Antonivs heim a leið af Alexandria. Ok er hann for vtt af hliði borgarinnar, kallaði eptir honvm ein kona ok sagði sva: «Heyrðv, gvðs maðr, nemðv stað! Dottir min er kvalið af hinvm grimmazta diofli. Nemðv stað, ek
 5 bið þik, nemðv stað, at eigi falla ek ok skiotliga ðavð niðr.» Ok er enn dyrðligi faðir heyrði hennar kall með akafligri bæn, nam hann stað littat, sva sem hann var þæ ok beðinn af sinvm favr-
 vnavtm. Konan kom nv ok fyri hann, sv er kallat hafði; mærin samankreptt læ ok fyri honvm a iorðinni. Heilagr Antonivs bað
 10 hliðliga Jesvm Krist miskvnnur fyri heilsv meyarinnar. Ok er hann ognaði ohreinvm anda, flyði fiandinn i brvtt. Mærin varð alheil. Allt folk sianda þessa iartegnn lofvaði gvð; moðirin fagnaði alheilsv dottvr sinnar; en sialfr Antonivs gladdiz af því, er hann hvarf aptr til eyðimerkrinnar, þeirar er hann elskaði harðla miok.

15 56. Heilagr Antonivs var spakr at viti, er þat ok harðla dasamlikt, er af honvm er sannliga sagtt, með því at hann var olærðr ok hafði engar bækvv lesit, at hann var enn hvassazti i avllv hvgviti ok enn vitrazti i avllvm lvtvm. Sva bar til eit sinn, at tveir spekingar af heiðnvm mavnnvm komv æ hans fvnd,
 20 hvgðvz þeir mvndv avðvelliga hann sigra eða yfvirstiga. Antonivs var þæ i env ytra fialli. Ok er hann sa spekingana, skildi hann af þeira yfvirbragði, at þeir vorv heiðnir menn, geck siðan til moz við þæ ok talaði til þeira fyri tvlk með þessvm hætti: «Fyri hveria savk villdv spekinga(r) giora ser sva mikla mæði at fara
 25 mik at finna heimskan mann sva langan veg?» Þeir svavrvðv skiotv ok savgðv hann eigi vera heimskan helldr harðla spakan. Heilagr Antonivs svaraði: «Ef þit forvð at finna heimskan mann, þæ er þarflavslit yekartt starf; en ef þit ætlit mik spakan vera, ok hyggit, at ek hafva nockvra speki með mer, þæ er þat gott,
 30 gioriz þæ eptirlikiarar þess er þit reynið, því at goðv hæfvir hverivm at likiazt. Ef ek hefða sott yekarnn fvnd, þæ mvnda ek giorazt yekarr eptirlikiar, en því at þit sottvð mik heim sva sem spakan mann, gioriz þæ kristnir menn, sva sem ek em.» Eptir þetta forv spekingar i brvtt hvartveggia miok vndrandi hvassleik vitz ok
 35 skilningar Antonij ok bravtrextr diofla fra oðvm mavnnvm, er þeir sa fyri hans verðleika veitazt.

57. Aðrir spekingar af verolld komv enn a fvnd ens hëlga Antonij með nockvrri haðvng, ætlvðv hann at sigra einna hellz fyri þæ savk, er hann var olærðr ok hafði engar bækr lesit. Ok
 40 er þeir leitvðv æ hann af þessv efnni með slægligri vmsat, talaði

hann sva til þeira: «Svarið mer fyrst ok segit: hvart er fyrri skilning eða bokstafvir? eða hvart hefvir vpphaf skilning af bokstavfvm, eða hafva bokstafvir vpprás af skilning?» Þeir svavrvðv ok letv þegar asannaz, at skilning væri fyrri, ok hvn sialf hefði bokstafvi fvdntit. Heilagr Antonivs svaraði: «Trvið ok þaa, at 5 sa hirðir ecki bokstafvi at nema, er hvassa skilning hefvir ok alheila.» Hverr mvndi sa af þeim, er hia vorv heyrandi þessa þrætv, er eigi mvndi ottazt eða mikils vm þickia vertt, hverssv þessir spekingar vorv með fam orðvm sigraðir; þeir ok sialfvir, er yfir vorv stignir, vndrvðvz miok, er finnaz matti sva mikil spekð 10 með einvm olærðvm manni, þeim er þeir hvgðv faavisan ok ofroðan vera. Ok þott hann hefði verit naliga allan alldr sinn i eyðimork eða fiollvm i einsetv fiarri alþýðv bygðvm, þaa var hann þo eigi ofþýðv eða stirðlyndr, helldr var hann glaðr ok bliðr i mali ok þeckr i allri viðræðv. Flvtti hann ok fram gvðliga kenning eptir boð- 15 orði ens helga Pals postola smvrða með salti heilagrar spekðar, sva at þar fyri forðaðiz hann alla avfvnd, en var elskaðr af avllvm goðvm mavnnvm.

58. A þessvm savmvm stvndvm komv et þriðia sinn a fvdn heilags Antonij nockvri heidnir spekingar, sva sem litils væri 20 vertt, er heidnglig spekð hafði aðr af honvm tysvar sigrvð verit. Þessir hafðv af avllvm iðrottvm mikit nvmit, ok sva sem blindaðir með skyi allrar veralldligar vizkv, er þeir syndvz harðla mikit af kvnna, hvgðvz þeir af sinni list þann avðvelliga sgra mvndv, er þeir vissv faafroðan at veralldligv nami. Þaa er þessir baðv 25 hann syna ser nockvra skynsemð af kristiligri trv ok kostgiæfv með spvrning slægligra spakmæla honvm haðvngar at leita af sialfvm gvðligvm krossi, pagði heilagr Antonivs litla stvnd; harmaði hann miok i fyrstv þeira herfviliga villv. Eptir þat talaði hann til þeira fyri tvlk, þann er vanr var gloggliga at skyra hans 30 orð með girzkv mali, ok sagði sva: »Hvartt er fegra, eða hvartt er sæmiligra, at dyrka drottinligan kross eða a at minnazt hordoma, frændadrap eða savrlifvi, er þeir hafva framið, er þer kallit gvð yðvr ok vegsamit? Þvi at með avðrv, þat er hinvm helga krossi, er hafnnanligr ok avðgiætligr davði, agiætligr ok dyrðarfvllr 35 kraptr, en með avðrvvm, þat er gvðvm yðrvvm, er eð liotazta siðlæti lærimoðir allra illra ok savrvgligra hlvtu. Eða hvart er betra ok fegra at segia þat, at son lifvanda gvðs verandi sannr gvð, sem

hann var ok er, tok mannligan likam fyri varri hialp, til þess at, þa er hann giorðiz samfelagi vars davðleiks, giorði hann oss lvtakendr himneskrar ok odavðligrar nattvrv ok flvti oss með sinni miskvnn til himinrikis fagnaða; eða, sem þer sannit sialfvir, at lægia afspring gvðligrar hyggiv til at dyrka eða virðing at veita iardligri skepnv ok vegsama sva sem byrgðan himneskan gvðdom i ymisligvm likneskivm kykvenda, bvs mala eða havggorma? Eða hverssv megi þer dirfvaz eða þora haðvng at veita rettri trv kristinna manna, þeira er segia, at Kristr sonr gvðs vtan alla sina þyrptt giorðiz þat, er hann hafði eigi aðr verit, en var sem hann var aðr, með því at þer sialfvir dragandi avnd af himneskvm lvtvm, segit hana vera grafna eða i molld hverfva með likavmvm sva manna sem havggorma eða annarra kykvenda? Kristilig trv vattar gvð sinn komið hafva af himni til iardarinnar fyri (hialp) ok heilsv allz heims, en þer boðit ok segit með yðrv falsi, at gvð er ecki nema andi at eins, flytið er ok færir ymsa vega yðra lygiliga trv ok sagnir, hvat gvð er. Kristilig trv, sv er at verðvgv vegsamar milldi almattigs gvðs, segir ok trvir viðrkvæmiliga, at allzvalldanda gvði var mattvlikt þat, er hann holldgaðizt ok giorðiz maðr avllvm mavnnvm til hialpar, sva at hans holldgan eyddi hvergi eða minnkaði gvðliga tignn; en þer hrosit liotliga ok segið avndina fallandi eða framfliotandi af nockvrvvm envm skirazta gvðligvm brvnni, þaa er hvn lifgar manninn, en dirfiz at sanna ok segia, at hvn skiptiz eða snviz i nockvrt annat efni, siðan er hvn skilz við sinn likam.

En þaa er þer segit slíkt fals, lastið er fyri þessi meinlæti omilldrar tvngv, er þer talið af avndinni, drotning mannligs eðlis, þat er sialfva nattvrvna. Þvi at sialf likneskia, sv er eptir yðarri savgnn ok trv helldr ok hefvir nattvrvliga liking sins skapara, eina ok ena savmv veran með þeim, er hvn hofz af, vændir ok snyr sinar eiginligar meingiorðir ok allt þat, er hvn er lægð eða minnkvð, til sinnar vpprasar. Fyri því hyggit at með rettri skyn, at avll yðr meinmæli, þav er þer talit af mannligvm avndvm, snvit er fyri yðra gvðlavstvn vpp æ þann enn sama, er þer kallit favðvr andanna. Yðr þickir atfyndilig vár trv, ok leiðit haðvng kross drottins várs Jesus Kristz. Hvilict spell eða hveria ohreinsv megi þer finna með krossins trv eða kristiligrv siðlæti? Hyggit at, hvartt eigi er micklvm betra at taka með þolinmæði krossins kvavl eða nockvt annat kyn davðans, þat er veitiz af vandvm mavnnvm, helldr en sva at eyða et fallvallta lif, at vera vaför i yðarri

vesæligri villv vtan¹ alla vmbot, ok þaðan af herfviliga at grata ok syta i eilifri ok endalavsri kvavl. Ek bið yðr: Skamiz en dyrkizt eigi af sviksamligvm vmsatvm Tiphonis; skammiz en hæliz eigi af haðvligvm flotta Satvrni ok þeiri enni omannligri grimð, er hann svalg ok fæt sonv sina; skammiz ok harðla miok en lofvið eigi frændadrap Jovis ok hans savrlifvi, kvenna nám eða ena liotvztv hordoma, er hann var sannr at, ok enn þat, ef yðr syniz, er hann át sonv sina. Eptir því sem yðr skalld segia, vælaði hann ok gret blavtliga kvalðr af oleyfðri ast, slikt til þess vinnandi, at hann mætti fram koma ok fylla ærslavlla lostasemi; hann let fallaz i faðm Dane, hann var bæði verð² ok vinnandi savrlifvissins i þeim stað, sem yðvr falslig trv vattar. Þessa lvti, er nv hefvi ek af talað, trvið er, þessa lvti dyrkit er ok vegsamíð, með þessvm lvtvm erv yðr hof skreytt ok skrifvt. Fyri (þvi) bið ek fyri yðra hialp ok heilsv, virðit vár orð yðr til nytzemðar, ok greinið alla þessa lvti með rettvdm domi; leitið eptir, ef þer fait nockvt fvndit i bokvm kristinna manna, þat er yðr þickir vera trvanda. Ef þer finnið þat ecki, þa megit er ok eigi við kannazt dyrðarfvllt nafn hins helga kross, þess er þer hæðit ok hallmælit. En ef þer finnit i kristnvm bokvm alla lvti trvandi, fyri hveria savk, [þa er þar samteingiaz dyrð krossins ok vpprisa ens krossfesta Kriz, veitið þer³ vmlestr gvðligri pining með haðvligvm ok heimskvfvllvm orðvm, en fyrgleymit verðvga vegsemð at veita varvm hialpara fyri þav stormerki, er hann framði? hann gaf syn blindvm, en heyrnn davfvm, havlltvm gavngv, en hreinsaði þa er likþrair vorv, þvrrvm fotvm geck hann yfvir sió, hreinsaði hann diofvloða, en lifgaði davða, ok eptir sinn likamligan davða leysti hann andir sinna vina fra helvitis kvavlvvm, navð ok pining. Þessa alla lvti syna ok sanna helgar ritningar, þær er þer fyrлитиð ok lastið, ok enar savmv bækr birta bæði lof gvðligrs velldiss ok stormerki, harðar piningar ok haðvligan davða, er son gvðs þolði fyri várri hialp. Nv þa ef þer vilit i brvtt kasta því skaðsamligv ok miklv hatri, er yðr byr innan briostz ok þer fylliz i gegnn gvði, mvnvð þer þegar finna ok skilia, at Jesvs Kristr er sannr gvð, ok hann hvlði sinn gvðdom með breyskri nattvrv vars manndoms til þess at miskvnna avllv mankyni. Enn nv ef yðr þickir þat

¹ vtana Cd. ² rettet: verðr Cd.; Lat: ipse amator et pretium.

³ [saaledes rettet; þar þa eigi samteingiaz dyrð krossins ok vpprisa ens krossfesta Kriz, þer veitið; lat.: Cur, cum in iisdem libris cruci resur-rectio copuletur, passionem divinam stolido laceratis eloquio?

- eigi mikil skavm, segit oss nockvt fra yörvm sið. En hvat mun en veslazta villa mega tala af þionostv eða dyrkan sva skaðsam-
 5 ligra eða grimra lvtá, þeíra er sva erv svndrþyeckir við helga trv, nema þat er ek heyri, at þer flytið með skravklígv frásavgvn af savrvglígv ok grímv lifi eða herfvilígv davða gvða yðarra, eða hitt er þer þyðit með skyranlígv hvlningvm¹ þeíra navfn: sem þáa er þer kallit [Libervm favðvr, en iorðina Simiclavdivm, elld Wlkanvm, loptið Jvnonem, sol Apollinem, tvngll Dianam, hafit Neptvnm, Jovem hofðingia allrar lostasemi segit er himinloptið
 10 sialft vera². En eigi því helldr eptir þessar dirðoarfvllar þyðingar vilið þer a sannan gvð trva, helldr hafnið þer skapara yörvm, en veitið þar i staðinn skepnvnni overðvga dyrkan ok þionostv. Nv ef sva bæri til, at sialfvar havfvtskepnvnrar með sinni agiætligri fegrð heimpti yðr til nockvra vegsemð ser at veita, þáa er þat
 15 leyfvilíkt at vndraz at eins ok lata ser mikit vm finnaz þeíra hátt ok skipan, er þeim hefir sett gvðlig fyrhyggia, en olofvat er þær at dyrka eða þeim þionostv at veita. Þvi at þáa er þer þionið skepnvnni með ravngvm ætrvnaði, giorið er sialfvn skaparanvm meingiorð. Er þessattar trv ok skynsemð, sem þer fylgit, miok
 20 bakborin ok motztæðlig avllv env retta, sem þáa at sv vegsemð veitiz herberginv, er hofvtsmiðnv hafvfr fyrir sinn hagleik, eða þat lof verði eignað læknvðvm lvtvm, er goðr lækner er verðr at hafva fyrir sina kiænskv. Nv ef velhverr hofvtsmiðr eignaz rettliga verðvkt lof fyrir sitt stvndliet starf nytzamlíkt, hyggit at þáa ok
 25 metið rettliga, hverssv skylldv er avll skepnan vegsamliga dyrd at veita allzvalldanda gvði, er sannliga kallaz enn hæsti hofvtsmiðr. Latið nv heyra, hver svavr þer setið fram þessvm lvtvm i gegnn, at ver megin skilia ok við kannazt yðra rækiliga iatning ok ætlan, þáa er þer hafvit af krossi Kristz, þeim er yðr þieckir miok hæðiligr. «
 30 Við þessa dispvtan ens helga Antonij snervz spekingarnir, ok leit hvárr til annars, miok vndrandi hans snílld, ok efvðvz, hver andzsvavr þeir skylldv veita hans mali. Heilagr Antonivs nackvat brosandí talaði enn til þeíra fyrir tvlkinn sva segiandi: «Hofvðskepnvnrar birta ok syna sina þionostv, sva sem ver megvn skynia
 35 af þeíra syn, sem ek sagða fyrri. Iðn fyrir því at þer ætlit þáa lvti at navðvzn dyrkandi vera, er þer ætlit gvð yðr, ok ervð bvnir

¹ *lat.*: allegoricis velaminibus. ² *lat.*: [Liberæ raptum, terram; semiclaudum Vulcanum debilem, ignem; Junonem, aerem; Apollinem, solem; Dianam, lunam; Neptunum, maria; et libidinum principem Jovem ætherem interpretantes. 3 ok *Cd.*

at sanna þat með geymslv þrætvligrar iðrottar, skyldið er oss til at syna ok sanna vártt siðlæti sva sem með þeiri samnv list. Svarið mer nv þæ ok segit, hvartt opinberligar ma reynd vera viðrkenning gvðs vars af sambvrð margra orða eða fyrri verk trvarinnar? Segit mer ok hvart fyrri er, verk trvarinnar eða 5 dispvtan fyrri þrætvliga profvan framfarandi?« Þeir sværvðv ok savgðv verk trvarinnar vera meira ok sterkara avllvm orðvm, savnnvðv ok þat vera opinbera viðrkenning sialfs gvðs. Heilagr Antonivs samþykti þessv ok sagði sialfr, at þeir hefði vel svarað, því at fyrri þat verk, er gioriz af heilagri trv, vex ok vpp rennr 10 astarþoecki i goðs manz hiarta til gvðs, en þrætvlig dispvtan hofz ok tok sit vpphaf af þeim, er þæ list fvndv ok samsettv. «Nv með því at þav verk, er fram flytiaz fyrri helga trv, styrkia ok stavðvgan giora hvernn, þann er trvna vill rettliga hallda, er miok þarflavslig þrætvlig samsetning yðarra orða, sv er þer ætlit at 15 eyða með vara skilning ok vpp slita þæ trv, er rotzetiz i varvm briostvm; því at optliga berr sva til, at þer megið þo eigi þæ lvti skynia, er ver megvvm bæði skyra ok skilia. Ok því er verk heilagrar trvar, þessa lvti vinnanda með oss, sterkara ok meirr stavðvct en flærðafvll endalyktt eða byrging yðarra spakmæla. Ver 20 kristnir menn hofvm eigi sett travst eða stormerki vars lifs i speki þessa heims, helldr i krapti heilagrar trvar, þeirar er oss er af gvði gefvin fyrri drottin várn Jesvm Krist. Sialf skipan þeira lvtæ, er hverssdagliga gioraz, synir sannleik þessarar minna orða. Þeim, er ofroðir erv ok ecki hafva lesið yðrar bækr eða iðrottir 25 nvmið, vinna þavrf gnogliga ein samtt orð almattigs gvðs til hans viðrkenningar. Hyggið at nv þæ, hverssv margir ver, er rett-kristnir menn ervm, heimtv(m)z hverssdagliga fra heiðingligri hiorð, þat er fra yðrvm safnaði ok trv, ok byggivm nv naliga vm allan heim, en eptir tilkvomv vars drottins Jesvs Kristz [eyðiz fyrri yðr 30 allar flokafvllar rangsnvningar yðarra spakligra orða². Hyggið at (ok) skynit. Ver kennvm einfallda trv Kristz, ok berivm ver sva niðr allan blotzskap ok skvrðgoða pionostv, hofvin yðr gvlli prydd fellv fyrri predican ens helga kross, þess er þer hæðit ok afvirðit. Ef þer megit, þrætið nv i mot, gangið nv fram, ef þer dirfvizt 35 nockvra þess at eggia með þrætvligvm sambvrð yðarra orða at setia hæðiliga (heiðni) vmfram kristinliga trv. Vm allt iarðriki er nv kvnnikt ok af avllvm rettkristnvvm mavnnvm trvað, at Jesvs

Kristr enn krossfesti son. lifvanda gvðs er sannr gvð. Eigi yðr falslig mal ok eigi dispytan veralldligrar speki. ma nockvt mein giora sva miklvn fiolða rettrvaðra manna. Ver nefnvm at eins enn krossfesta Krist, ok flyia þegar remiandi allir dioflar, þeir sem

5 þer dyrkit sva sem gvð, fra þeim likavmvm, er þeir hafva aðr i hlavpit, fyri fyrsta marki ens helga kross. Hvar erv nv þeir enir skravksfvlv yðrir spadomar, eða hvar erv galldrar egipzkra manna? Hvat giora yðr nv fiolkvnnig kvæði yðarra spekinga? Ek kann yðr segia: þessir allir lvtir vorv þæ með avllv eyddir,

10 er Jesvs Kristr var æ krossi pindr fyri hialpp ok heilsv allz heims. En eigi því siðr vanræki þer yðra hialp ok gefit eigi gavm gvðligvm iartegnm, þæ er þer siait otalliga flocka þeira, er sivkir vorv, eignaz sina alheilsv, ok þar með leggið er æ allan hvg haðvng at veita dyrðarfvlvm davða vars hialpara Jesvs Kristz.

15 Hyggit ok at, hvaðan af þat er: yðr heiðinglig trv var enn alldregi havtvð af konvngligv valldi eða riki, helldr var hvn harðla kiær naliga allri veralldar bygd ok stvdd með valldi margra vavlldvgra manna, en hvn hrapar nv avll ok er miok sva at falli komin. En ver pionostvmenn enns krossfesta Kristz risvm vpp því ravsk-

20 liger ok eflvmz því framarr ok blomgvmz margfalldandi, sem ver ervm meirr af verolldinni þravngðir ok hataðir. Yðvr skvrðgoð vorv forðvm inni lyktit i hofvm, þeim er harðla vandliga vorv með skrifvðvm ok skreyttvm veggivm smiðvt, enn nv er þat hvartveggia af fyrnskv niðr fallit. Her i gegnm mæ eigi gvðlig kenning, sv

25 er yðr synizt vera heimska eða sva sem leikr, verða inni byrgð eða lyktit i nockvrri halfv veralldarinnar, ok alldregi ma hvn verða talmvð eða bavnnvð af heiðingligvm herskap, þo at hvn se skelf með ymisligvm æarasvm ok þoli margfallda freistni vikingligs ofriðar grimra ok heiðinna hofðingia. Segit mer, hvar i verolldinni skein

30 eða lysti fyrri sva mikil birti gvðligrar trvar? Hve nær komv samtt fyrri sva margir kraptar sin i milli, sem nv megið er sia, at nockvrir hallda helga bindendi, svmir erv samteingðir i helgvm hivskap, margir þiona sva gvði, at þeir hallda sitt hreinlifvi alltt fra bernskv ok til endalyektar. Nv mæ ok sia, hverssv fagrliga

35 kristnin blomgaz af dyrðarfvltri staðfesti pislarvattanna, þeira er preyta sinni trv at hallda fyri gvðs ast allt til vthellingar sins bloðs, en vpphaf allra þessa dyrðligrar lvta er kross Kristz, er helgaðiz af gvðligri pining. En i milli sva otalligra krapta kristinna manna er eigi annat yðartt starf, enn fram at setia fyri þæ, er ovarir erv, yðartt hegomavllt málsnilldar net, til þess at

briota niðr með myrkrafvllri profvan yðarrar þrætv ið sanna lios ok alla goða lvti. Se herna, ver giorvm, sem várr lærifaðir sagði, flytvm fram vára helga kenning, eigi með heiðinligri æggian eða dispytan, helldr með opinberligri trv, þeiri er æðri er ok helgari allri savnnvn orðanna.« Með spekingvm þeim, er heilagr 5 Antonivs talaði þessa lvti til, vorv nockvrrir diofvloðir i ferð, ok er hann hafði þaa fram leidda þeira i millvm, mælti hann enn til spekinganna: «Takit nv yðr lækningar lyf, þav sem yðvr likar, ok bindið aa þessa, at þeir megi heilir verða; flytið nv fram yðr bolftv kvæði ok galldra fvll, þav sem þer vilit, ok rekit brvtt 10 gvð: yðr fra þessvm envm vitlavsa, þat er dioflana, er kvalið hafva þessa env æra menn, er þer hyggit gvð yðr vera. En ef yðr er þetta omattvlikt, gangið þaa til handa ok gefvizt vpp ok segit yðr sigraða vera; flyit siðan til travstz vndir sigrmarki Jesvs Kristz, ok ef þer trvið, mvnið er skiotliga sia mattvlikt valld ens kross- 15 festa Kristz.» Ok er hann hafði sva mæltt, giorði hann lifikt mark ens helga kross i tavlv heilagrar þrenningar þeim i enni, er vitlavsir vorv, ok við akall ens blezaða nafns várs hialpara Jesvs Kristz flyðv ohreinir andar fra þeim, er aðr vorv diofvloðir. Spekingarnir hiaverandi ok siaandi þessi stormerki skilðv hneyckða 20 vera ok yfvirstigna sina veralldliga speki, vndrvðvz þeir ok ottvðvz miok, er þeir fvndv sva mikit mannvit með þessvm gvðs manni Antonio, ok þar með gnogliga veizlv gvðliga takna, er þeir saa sinvm avgvm fyri hann fremiazt. En hann eptir sinvm vanda eignaði allzvalldanda gvði allar iarteinir ok heilsvgiafvar, ok sagði 25 sva: «Hirðit eeki þat at hvgsa eða ætla, at ek hafva þessvm heilsv gefvið, Kristr giorir slikar iarteinir fyri sina þæla. Trvið rett ok mvnvð er siaa, at goðfvs trva fyri gvði en eigi hegomligr metnaðr malsnilldar avðlaz slik takn. Flyið til lavgmals ens kross- festa Kristz, halldit hans lavg ok gioriz varir eptirlikiarar hans 30 þionostvmanna, latið yðr þavrf vinna skilning ok vizkv heilagrar trvar, en stvndit eigi afram at flytia honvm i mot heðan ifra nockvrrar prettafvllar profvanir veralldligrar vizkv.» Þaa er hinn helgi Antonivs lavk sinv mali, vorv spekingarnir lostnir vndarligvm otta af þeim dasamligvm lvtvm, er þeir saa ok heyrðv, 35 kvavddv þeir hann nv vegsamliga ok savgvðv ser mikit stoða til nytzemðar, er þeir havfvðv hans fvnd sottan, ferðvðvz siðan i brvt til sinna heimkynna.

59. Þat ma vera, at morgvǫm þicki miok vottanlikt, er fra þessvǫm manni er enn sagtt envm helga Antonio. Með því at hann fál sik i eyðimork ok einsetv vtar i heiminvm, en nockvr mannlíg bygd væri, þá er (hann) fystiz gvði at líka meirr en 5 mavnnvm ok villdi forðaz allt hegomlikt orðlof ok eptirmæli, var hann þo kvnnr morgvǫm verallígvǫm havðingívm ok af þeim lofvaðr fyrri sitt dyrðliet líf. Ok her með var hann miok agiætr i sialfs keisarans havll, því at Constantínvs keisari ok hans synir Constans ok Constantivs, heyrandi marga lvti af hans frægð, sendv til hans 10 sin bref, biðandi sva sem sinn foðvr, at hann sendi þeim sitt bref i moti þeim til eptrlætis. Heilagr Antonívs hellt sik ok sinn sið, sva sem aðr hann tok við þessvǫm brefvm; skipti hann ecki skapi við ritt eða kveðivsendingar höfðingianna, en þo litlv siðar kallað(i) hann saman mǫnka ok sagði sva: «Konvngar af verolld sendv til 15 vár bref, en hvat þvrfva kristnir menn slíkt at vndraz eða lata ser mikit vm finnaz? Þot ymislig eða svndrgreinð se mannlíg tignn i verolldinni, þá er ein ok en sama skipan avllvm sett at fæðaz ok deya. Þat lavgmal, er almattigr gvð gaf mavnnvm, ok þat er hann avðgaði ok tignaði sina kristni fyrri son sinn með sinvm 20 eiginlígvǫm orðvm ok setningvm, þessi(r) allir lvtir erv halldandi með avllvm hvgarins astarþocka. Fyrri hveria skynsemð skyllðaz mǫnkar at taka við konvnga brefvm, eða vm slíka lvti at ahyggíazt? Hvat skal ek taka við brefvm þessvǫm, með því at ek kann eigi eða veit vana kveðivsending eða þionostv þeim i moti at giallda?» Nv 25 var hann beðinn af avllvm bræðrvǫm at ríta nockvra lvti ok bliða sva kristna konvnga með sinvm brefvm, at eigi sneriz þeir til nockvrs stríðs eða reiði fyrri hans þavgnn. Rítaði hann siðan i mot keisarans brefvm ok sona hans slíka lvti, sem honvm þottv bezt hæfva. Lofvaði hann fyrst þat, er þeir vorv rettkristnir menn ok 30 dyrkvðv einn sannan gvð, þar næst gaf hann þeim heilsamlikt rað, eggjaði, at þeir ætlaði eigi miok mikils vertt stvndlikt konvngliet valld, ok þeir hæfviz eigi til ofmetnaðar af skamæligri stiorn veralldlígis ríkis, sem þeir vissi eigi sialfva sik vera davðlígá menn, ok gleymði þaðan af, at þeir attv þat fyrri hendi, sem allir aðrir, 35 at vera dæmðir eptir sinvm verðleikvm i endalykt af sialfvǫm gvði, er konvngv er konvnga. At lycktv bað hann, at þeir skyllði varðveita milldi ok rettlæti við vndirmenn sina, ok minnti þá á, at þeir bæri miskvnnssamlígá ahyggiv fyrri þeim, er avreiga vorv

ok fataekir. Bað hann þæ ok alldregi omninniga vera, at drottinn Jesvs Kristr at eilífv lifvandi ok rikiandi er einn gvð ok konvng allra verallda. Hofðingiarnir gloddvzt miok at viðteknvm ok yfvirlesnvm þessvm brefvm, hitnaði þeira briost af heilagri frægð ens sæla Antonij sva miok, at þeir fystvz at kallaz hans andligir synir. 5

60. Eptir þat er heiðingligir spekingar vorv af hinvm helga Antonio sigraðir, konvngarnir með hans fagrligri aminning styrkðir, ok bræðrnir með hans helgvm fortavlvvm hvग्gaðir, þeir er með honvm vorv eða hans fvnd hofðv sott, er hann tok iafnan með mestri bliðv ok fagnaði, en stvndaði þo æa, hverss þeira ena 10 fegvrstv siðv i sinvm verkvm at syna, þæ hvarf hann aprt til ens iðra fiallz. Tok hann þæ at hallda reglv sina ok þat harðlifvi, sem hann var vanr heima at hafva. Jafnan geck hann, eptir því er navðsvn beiddi, til tals við þæ, er hans fvnd sottv, eða sat hia þeim. En eptir því sem ritat er i bok Danielis spamanz, 15 syndiz þeim, er með honvm vorv, sem hann væri iafnan micklvm otta nockvra lvti hvgsandi, því at hann svaraði þeim lvtvm, er talaðir vorv, optliga eigi fyrr en eptir nockvrar stvndir liðnar, sva at þat mætti avðvelliga skilia, at þæ vorv honvm nockvrir leyndir lvtir vitraðir, sem birtiz, þæ er hann vissi verandi heima i fialli 20 sinv, hvilikir lvtir giorðvz fiarri honvm i Egiptalandi, sva sem hann sagði byskvpí þeim, er þæ var hia honvm staddr, er Serapion het. Sv syn er ok harðla miok sytandi ok gnogligvm tarvm gratandi, segir Athanasivs byskvp, er þessa savgv hefvir ritað, er envm helga Antonio var vitrvð ok nv skal næst fra 25 segia.

61. Þa er hann sat eitt sinn vinnandi með sinvm havndvm nockvra nytsamliga lvti, ok margir bræðr hia honvm, hof hann vpp avgvn ok horfði staðfastliga i himininn styniandi með mikilli andvarpan. Ok er hann hafði nockvra stvnd at hvgat þeiri vitran, 30 er honvm birtiz, tok hann at skialfva af akafligvm harmi; ok skiott setti hann niðr knein bæði, siðan fell hann allr til iarðar biðiandi til gvðs, at hann með sinni mildi minnkaði ok brvtt tæki þæ miklv vhaefv, er hann vissi fyri havndvm vera. Ok er hann tok mavrg tár at fella æa bæninni, ottvðvz þeir miok, er hia vorv, ok 35 baðv hann skyra fyri ser þæ ena haskafvllv syn, er honvm var vitrvð. Gratligr snavktr talmaði bæði ravst ok tvngv, ok þæ er hann leitaði við at mæla, feck hann varla fyri akafligri sv, er svndr sleit miðia ræðv, heilvm eða fvllvm orðvm talað. Sagði hann þo með sytavndvm orðvm sva til þeira: «Heyrið, minir synir, 40

betra væri skiott at deya en þá glæpi at sia, er yfvir gnæfva.«
 Ok er hann hafði sva mæltt, sigraðizt hann annat sinn af mikilli
 tarfelling. Þvi næst með micklv andvarpi mælti hann sva: «Harla
 mikil ohæfva ok fyrri oheyrð i verolldinni mvn yfvir koma. Almenn-
 5 ilig trv mvn með miklvm ofriðar stormi vera brotin ok niðr spillt,
 því at menn glikir skynlavsvm kykvendvm mvnv með ránfeingi
 taka helga lvti Kristz. Ek sa otalligan fiolða mvla flyckiaz avllvm
 megin at alltari drottins, þeir bavrðv með sinvm hofvm, eyddv ok
 niðr brvtv allt þat er fyri varð. Þessi er savk til, er þer siait
 10 mik syta ok grata.» Ok er hann hafði þeim þessa lvti sagtt, kom
 yfvir þaa ravdd drottins sva mælandi: «Alltari mitt mvnv vándir
 menn svivirða.» Þessi syn ok vitran fylltiz með framkvæmð,
 því at eptir tvaa vetr liðna giorðv Arriani hinn grimmazta ofrið
 gvðs kristni. Þaa vorv ræntar helgar kirkivr; þaa vorv tekin eða
 15 spilltt heilvg ker gvðligrar þionostv; allir helgir lvtir heilagra
 kirkna þeir er finnaz mattv, spilltv vandir menn með sinvm
 savrgvm havndvm; þaa gafv Arriani heiðnvm mavnnvm fé til
 ser fvlting at veita i mot kristnvm mavnnvm ok almenniligri trv.
 Vorv siðan allir rettkristnir menn navðgaðir með palmvm til
 20 kirkiv at ganga, at hverr, er þaa sæi, tryði þaa vera sialfva
 Arrianos. Var þetta ok eitt et frægazta blotzskapar mark þann
 tima i borginni Alexandria. Fyri sakir mikillar ohæfv er miok
 ottanda þaa hlvti at segia, er giorðvz: skirlifvi meya ok gavfvgra
 kvenna var skamsamliga spilltt; bloð savða Kristz, þat er gvðs
 25 þionostvmanna, var vt helltt i sialfv hans mvsteri, ok með því
 dreifð ok roðin virðvlig altari; staðr heilagrar skirnar eða sialf
 skirnin var hvartveggia spillt ok savrgat eptir vilia heiðinna
 manna. Framkvæmð sva hormvligra lvta syndi sannleik þeirar
 vitranar, er envm helga Antonio birtiz, því at skynlavs kykvendi
 30 helga lvti vndir fotvm troðandi, þat erv þeir mvlar er hann sa,
 merkia makliga illzkvfvllan hernat Arrianorvm a helga kristni.

En þessa akafliga hrygð hvग्gaði hann með farsaeligvm lvtvm
 þeirar eptirkomandi vitranar, er honvm veittiz enn af gvði, þaa
 er hann sagði sva sinvm bræðrvm: «Heyrið mik, synir minir!
 35 variz við at gefva yðr vpp með avllv i akafligri svt, því at sva sem
 drottinn synir stvndvm sina reiði, sva lætr hann ser soma at
 miskvna. Ok fyr því mvn hann nv skiott endrbæta fegrð sinnar
 kristni. Mvnevð þer ok sia þaa, er varðveittv trv Kriz i vandra manna
 ofriði, skina sva sem fyrri með biortv liosi heilagra krapta; siðlæti
 40 trvarinnar mvn vaxa stvnd fra stvnd, ok havggormar mvnv hrock-

vaz aptr i holvr sínar. Geymit vmfram alla lvti, at eigi fleekiz skirleikr trvar yðvarrar af savrvgrí villv Arrivs manna, því at þeira trv ok kenning hofv eigi eða fvndv i vpphafvi postolar gvðs, helldr ohreinir dioflar ok sialfrv fiandinn faðir þeira, er honvm treystaz, ok fyr því var makliga merkðr þeira illzkvfvllr hvgr fyr 5 heimskv ok skynlavs kykvendi, því at þeim glictvz þeir.«

Þessa hlvti, er nv vorv ritaðir, sagði heilagr faðir Antonivs. En oss hæfvir vist eigi at mistrva, segir hinn sæli Athanasivs byskvp, at sva mikil stormerki hafvi honvm af gvði synd verit, eða sva margar ok dyrðligar iartegnir hafvi matt fremiaz fyrri þenna hinn 10 helga mann, því at þetta eð sama hefvir várr hialpari fyrri heitið sinvm vinvm sva segiandi: »Ef þer hafvið sanna ok heita trv til gvðs, mvnvð þer segia til fiallz þessa: fær þik i brvtt, ok mvn þat brvtt flytiaz, ok mvn yðr ecki omattvlikt vera.« Ok enn sagði hann sva: »Ek segi yðr vist ok satt, allt þat er þer hafvit beðit 15 favðvr i minv nafni, mvn hann gefva yðr ok veita. Biðið þer ok mvnvð er þiggia.« Hann sialfr het ok sinvm lærisveinum sva sem allri hiorð rettrvaðra manna, at allir dioflar skyllðv leggiaz vndir þeira valld ok við þæ hræddir vera, ok sva het hann fyrir, at þeir skyllði græða allar söttir, sva mælandi: «Þat er þer þagvt 20 kavplavst, skolv þer kavplavst veita ok gefva.« Hverr mvn þat hyggia, at Antonivs græddi sivka menn með krapti sins boðorðz, eða hverr mvn hyggia, at þav takn fremðiz fyrri hans megnn, er hann giorði? Fyrri hans bænvu en eigi boðorði flyðv ok vndan letv dioflar ok allzkyns söttir, ok fvllgiorðvz avallt allir lvtir fyrri 25 akall heilags nafns drottins vars Jesvs Kristz. [Engi spakra manna eignu dasamliga: dyrð heilsvgiafvanna Antonio, helldr drottnei Jesv, þeim er iafnan veitir sinn vanan velgiorning allri skepnu sinni; sa enn sami let ser nv soma enn gnogligar at gefva sínar liknn-samligar gíafvar fyrri elskaðan sinn þionostvmann Antonivm. Heilagr 30 Antonivs bað til gvðs at eins, en fyrri verðleika hans heilags lífs veittvz honvm allir lvtir. Jafnan var hann leiddr af bræðrvu til ens yttra fiallz sva sem fyrri nockvrrar navðzyniar, þot þat væri stvndvm i gegnn hans vilia.

62. Þat giorðiz nv þessv næst, at domendr nockvrrir komv a 35 hans fvnd með micklv (liði) sinna þionostvmanna, en fyrri sakir otta eyðimerkrinnar ok mikils mannfiolða, er með þeim var, ok þar með þravngs ok harðz vegar mattv þeir eigi koma til ens iðra

1 [rettet; Eigi spakra manna dasamlig Cd.; lat.: nemo sapientium san-
tatum admirationem ascribat Antonio.

fiallzins, þar sem var hinn ætzi bænarstaðr ok heimili heilags favðvr Antonij. Beiddvz siðan fyri nockv(rn) sinn sendiboða, at hann skyllði virðaz við þaa til motz at koma. En þetta mattv þeir ecki fæa. En því at þeir vissv, at hann harmaði iafnan harðla miok þaa, er af domavndvnm vorv i fiotrvn halldnir, hvárt sem þat var af nockvrvm savkvnm eða einv samtt ofriki, sendv þeir sialfva bandingiana til hans ok vissv, at þeira bæn matti hann eigi fyrilita fyri sina miskvnnsemð. Af þeira grati varð sigraðr heilagr faðir Antonivs ok sva heimtr til ens ytra fiallz, þat hvgsandi, at hans
 10 erfviði mvndi vera nytzamlikt þeim, er veslir vorv ok hormvliga halldnir. Domendr, þaa er miok havðv fystz hann at finna, eggiaði hann at virða meira ok framarr at setia i sinvm domvm gvðliga hræzl v en mannlikt hatr eða vinattv, sagði, at þeir skylldv eigi vera ovitandi eða ominnigir þess, er ritað er, at slikan dom mvndv
 15 þeir sialfvir hliota at þola, sem þeir dæmðv aðra. Ok þo iafnfram þessi ræðv ininntiz heilagr Antonivs einsetv sinnar, er honvm var harðla kiær. Eptir þat er hann varð til skyllðaðr af bæn domandanna ór at ganga sinni einsetv þaa at finna, eða enn sannligar at segia, at sv ok gratr bandingianna þravngði hann til þess, eptir heilsamligar
 20 aminningar þeim veittar, ok þat er hann hafði þeim miskvnnar beðit, er sekir vorv, ok nockvra af þeim leyst eða með avllv frelsat, bað einn þeira havðvingianna, at hann skyllði nockvrv leingr veita þeim sina navist. Hann svaraði ok sagðiz eigi lengr þar mega dveliaz hæfligv dæmi, því at sva sem fiskr af vatni vppdreginn
 25 d(e)yr skiott, þegar hann kemr aa þvrra iorð, sva leysaz ok mvnkar skiott til veralldligra lvta ok hegomligrar samræðv ok deya fra sinvm sið, ef þeir dveliaz með veralldligvm mavnnvm; »fyri því sva sem þat hæfvir, at fiskr hverfvi aptr til vatz eða siafvar, sva byriar ok, at ver skvndim til fiallz vars, at eigi gleymiz várr siðr
 30 eða goð fyrætlan, ef ver dvelivm naekvat. Hofðinginn vndraði miok sva mikla hans speki, ok birti fyri sinvm mavnnvm með savnnv ok rettvn orskvrð, hverssv honvm virðiz hinn sæli Antonivs; sagði hann sannliga vera gvðs þionostvmann, ok at eigi mætti sva mikil spekð byggia eða finnaz með einvm alpyðligvm
 35 manni, nema fyri gvðliga gíof væri honvm þat veitt.

63. Balacivs het einn havðingi i Egiptalandi, hann hellt riki af Nestorio greifva, er þann tíma var i Alexandria. Þessi Balacivs var vafviðr i Arrivs villv ok stvddi með avllv megni alla illzkv ok ofrið Arrianorvm. Hann giorði sva mikinn ofrið
 40 kristni gvðs, at með skynlavsi reiði ok akefð let hann havndvm

taka mynka ok meyar gvði helgaðar ok fletta af allvm klæðvm, let síðan beria miskvnnarlavst fyr alpyðv avgvm. Þæ er heilagr faðir Antonivs fretti þessa vhæfv, sendi hann Balacio bref sitt, þat er þessi orð stoðv i: »Ek sæ reiði gvðs yfvir þik komandi, lat nv af at giora vfríð kristnvm mavnnvm ok þæ at hata, at eigi 5 ser þv lostinn þeiri reiði, er þer ognar nv nalægan ok yfvirgnæfanda davða«. Þessi enn vesli hervikingr las yfvir brefvit ok tok með haði ok hlatrí orð heilags foðvr, hrækði hann æ ok kastaði niðr a iorð; hondvm let hann þæ taka, er honvm flvttv þessa orð-sending, ok beria með morgvm avörvm meingiorðvm, er hann let 10 þæ mæta, bauð þeim síðan þessi sin orð at flytia Antonio, þæ er þeir fyndi hann: »Með því at þv berr sva mikla ahyggiv fyr munkvm, skal efvalavsliga til þin taka refsing mins rikis.« En sa er þessi ognarorð mælti, mætti sialfr skiotliga mikilli kvavl, því at eptir fim daga hepti ok aprbyrgði gvðlig hefnð hans giæzlvavsan mvnn. 15 Hann fór með Nestorio greifva Egiptalandz, er fyrri var nefndr, af borginni Alexandria, ok ætlvðv gisting at taka i þeim næsta stað, er kallaz Ceren.¹ Hestarnir, er þeir riðv, vorv þessir tveir hægztir ok kyrraztir af avllvm, þeim er Balacivs atti. Ok þæ er þeir riðv baðir samt, lekv hestarnir sin i milli, sem þeir vorv 20 vanir. En er minnzt varði, beit sa hestrinn, er Nestorivs reið ok enn var vanr hægri at vera, Balacivm með skiotvm atbvrð ok kastaði honvm niðr æ iorð; hliop hann ok at honvm þegar i annat sinn með gapanda mvnn, skeinði þæ ok lamði bæði hans lær, sva at hann var banvænn, ok varð þegar apr at flytia til borgarinnar, 25 en var davðr eptir hinn þriðia dag liðinn. Allir þottvz skilia, þæ er þessi enn grimmi ofriðarmaðr gvðs kristni var sva skiotliga davðr með makligri endalykt, at ognarorð heilags favðvr Antonij, þav er hann ritaði til þessa manz, fy(II)tvz þæ með skiotrí framkvæmð.

64. Marga þæ, er æ hans fynd sottv, minnti hann æ með 30 dasamligri hogværi at leggja niðr veralldliga tignn ok snva sik til farsæligra ok hreinna lifs eða einsetv. Ef nockvrir vorv þravngðir með ofríki eða veralldligr valldi, sva at þeim væri varnat rettendvm at næa, hliðði hann þeim ok fylgði þeira mali með sva micklv avrvGGLEIK, at sva matti synaz, sem hann virði ser þæ meingiorð 35 veitta, er þeim var gior. Mavrgvm vorv harðla nysamligar helgar fortavlv þessa enns agiæta manz, því at af hans æggian fyrletv margir mikil avðæfvi, svmer fyrletv riddarasyslv eða aðra veralldliga

¹ Beren *Cd.*; lat: Chæreum.

tígnn ok fýstvzt hans eptirlikíarar at gíoraz ok hans ríddarasýslv at samteíngíaz. En til þess at ek skýra otallíga lvtí með skavmmv malí, mæ sva maklíga tala af þessvm gvðs manni, at Krístr veittí hann ok gaf goðan lækni Egiptalandí. Hverr kom hryggv a fýnd

5 heilags favðvr Antoníj, sa er eígi skíptí skíott hrygd í fagnat? Hverr kom reíði fvll(r) æ hans fýnd, sa er eígi skíptí reíði í sannan fríð? Hverr kom til han(s eptir) favðvr davða eða frænda gratandi, sæ er eígi stilltí sinn harm víð hans navíst ok helga fortavlv? Hverr kom æ hans fýnd þravngðr af micklv fatæki, sa

10 er eígi fyrleít skíott avra gnott avðmanna síaaíndí helgan favðvr, en gladdíz síðan af sínv fatæki? Hverr af mvnkvm af meínlætzamlígv lífví mæddr var sæ, er eígi styrktíz heyrandi hans helga æeggían? Hverr kom til hans líkamlíga freístní þolandi af breýsklígv hita frvmvaxta alldr, sa er eígi hneígdí sík fra þvílíkv lvtvm fyrí

15 hans amínning ok til astar ens hreínazta lífs? Hverr kom til hans kvalðr af díoflí, sa er vtan heílsamlíga lækning hyrfví þaðan í brvt. Hverr kom a hans fýnd af síalfvm ovíní svíkínn ok blíndaðr með stormsamlígv hvýgrenningvm, sa er eígi for með hogværvvm hvý ok hreínvm þaðan í brvtt? Hann víssí af hverívm ohægendvm

20 vel hverr mæddíz, ok fyr því at af verðleíkvm síns heilags lífs kendlí hann ok greíndí með skýnsemð, af hverívm anda hverr var kvalðr, veittí hann þæ lækning hverívm andlígv sari, sem sottvnm hæfðí. Þaðan af gíordíz sva, at allar fíandans vmsatír bírtvz ok gíordvz avglíosar fyrí hans kenning. Margar meýíar, þær er monnvm

25 vorv fastnaðar, fra snvandi sínní brvðhvílv forv hans at vítia, síalfvar sík gefvandi í faðm heílagrar móðvr almennílígrar krístní æfvinlígha hreínlífví at hallda. Menn af avllvm þíoðvm ok nalíga af avllvm heímí sottv til hans, ok margír einna hellz af þeírí savk, at þeír fýstvz þann enn agíætazta bardagamann ok kappá at síæ,

30 er einn hefvrí með mestrí frægd ok sígrí baríz í gegun fíandanvm ok hans erendrekvm. Engí sakaðíz af því, at hann þættíz þangat at þarfíavsv sott hafva, því at allír þottvz afía físílíet ok skemtilíkt verkavp ser til handa af sínv erfvíðí helgan favðvr fínnandi, ok sva sem fyrí mikla mæðí langrar ferðar gýlldíz þeim aptr af þessi

35 savk allr sínn kostnaðr, sva sem síðan fýlltíz með framkvæmð. Því at hann framfarandi af þessv lífví gretv margír sva sem sínn eígnlígan favðvr, at frateknvm þeim sameígnvm ok envm sarlígzta harmí, er margír syta eptír sína nanvztv frændr.

65. Þessv næst syníz mer víðrkvæmílíkt, segír enn sælí

40 býskvp Athanasívs, at mínnað ok fra at segía, hvílík var endalýkt

lifs heilags favðvr Antonij, því at ek veit, at þer fysz þat at heyra; birtvz ok þaa margir þeir lvtir með honvm ok fyri hans orð, er avllvm erv eptir likiandi. Eptir sinvm vanda for hann heiman bræðra at vitia, þeira er vorv i env ytra fiallinv, ok þar verandi var honvm af gvðligri forsia ok fyrisavgnn vitrað af sinvm davða, nær hann mvndi af þessvm heimi kallaðr vera. Síðan talaði hann sva til þeira: «Heyrið, minir sætv synir, en efztv orð yðars favðvr, því at ek ætla, at ver mvnvm eigi heðan fra siaz i þessi verolld. Sialf setning ok nattvrvig navzyn skylldar til, at eptir hvndrat vetra ok fim vetr, er ek hefvi nv lifvat, leysiz avndin fra sinvm likam.» Ok er hann hafði sva mællt, vrðv þeir allir miok hryggvir, er hia vorv ok heyrðv, tokv at syta ok grata með harmandi orðvm. Allir fystvz hann at faðma, sva sem (hann) mvndi nv vera þegar fra þeim tekinn ok af heimi kallaðr. En hann var með sva mikilli gleði, sem hann skyldi fyrлата annarliga eignn ok fysz til sinnar eiginligrar fostriarðar; bavð hann þeim ok bað, at sinn helgan sið ok goða fyriaetlan skylldv þeir varðveita með avrvggleik, ok bað þaa við varaz skaðsamliga leti, þat hvgsandi hverssdagliga, at davðans er aa engri stvnd avrvænt, sem hann sagði þeim fyrri; minnti hann ok aa, at þeir varðveitti avndina fra savrvgligvm hvgrenningvm ok semði allt sitt lif eptir liking ok dæmvm heilagra feðra, ok varaðiz með avllv kostgiæfvi nær at koma þrætmavnvm, þvíat hann sagði þeim kvnna vera þeira forna ok rangsnvna illzkv. Hann bavð þeim ok, at þeir skyldi alldregi samteingiaz samneyti þeira, er i Arrianvs villv vorv halldnir, því at þeira omilleikr var þaa avllvm orðinn avðsær ok opinberr. Her með sagði hann ok, at eingi kristinna manna skyldi skelfvaz eða fra skiliaz sannleik kristinligrar trvar, þott hann sæi veralldliet valld hlifa eða með avllv beriaz fyri illzkvfvllri villv Arrianorvm, kallaði hann þaa sialfs davðans pionostvmenn, er vavrnn veitti þeiri villv, en kvez ætla (ok) vænta, at eigi mvndi lengi standa sv en sviksamliga sionhverfving. Ok af þessv sama efni sagði (hann) enn sva til bræðranna: «Heyrið enn, minir sætv synir, með gvðs ast er yðr geymandi ok varðveitandi eiginlig trva, sv er þer namvðr af siðlatligri setning heilagra feðra, af yfvirlesning kristinligrar boka ok optligri minni æminning lágs ok avðgiætligs.»

Þaa er heilagr Antonivs lytaði sitt mal, dvavlðv bræðvrnir lengi brvtt at fara til sinna herbergia, því at þeir fystvz miok at

pryðaz af hans endalykt ok hia at vera andlati sins dyrðligs favðvr.
 Hann bað þæ æ brvtt fara, en þetta sagði hann til þeirra af
 margfavlldv efni, því at hann syndi þeim i hlíði, ok þo einna
 hellz af savk dirðarfvllrar veniv þeirar, er þæ var i Egiptalandi.
 5 Þat var siðr egipzkra manna at sveipa dykvu likami þeira, er
 gavfgir menn havðv verit, en einkannliga veittv þeir helgvu
 pislavvattv þessa vmbvð; giorðv ok slíka líkfylgíu ok veittv
 yfvirsetv heima i herbergíu, sem vandi er til. En þesshattar
 likami villdv þeir eigi i iorð grafva, helldr varðveita heima at sin
 10 sva sem með reckiolígvu vmbvnaði. En þesskonar vegsemð,
 framliðnvu mavnnvu veitt, hafði hafvít i Egiptalandi i fyrstv af
 einvu samtt hegomlígvu vanda. Heilagr faðir Antonívs hafði
 optlaga at fvndit þessvu sið ok beðit byskvpa, at þeir skylldv
 hirta folkit með stríðmælvu heilagrar kirkíu frá þessvu vanda.
 15 Hann sialfr hafði optt talat miok stríðlaga til lýðmanna, karlla ok
 kvenna, af þessv efni, sagði eigi vera lavgsamlígan eða gvði líkaðan
 þenna davðra manna vmbvnat, því (at) hofvðfeðr ok spamenn gvðs
 vorv i iorð grafnir, sem profva matti af þeira gravfvu, er þann tíma
 mattv vítaðar vera ok fvndnar; bað hann þæ ok taka dæmi af
 20 sialfvu líkama várs hialpara, er i steinlíkt leíði var lagðr eptir
 píníngína ok þar byrgðr til ens þríðia dags, er hann reis af davða.
 Af þessvu ltvu sagði hann lastanda vera þenna sið egipzkra
 manna, er þeir havðv i vmbvnaði víð framfarna menn, íamvel þo at
 líkamirnir væri helgír, er þeir þottvz vírðíng veita. Ok enn af þessv
 25 efni talaði hann sva: «Hvat ma vera meira hattar, agíætara eða helg-
 ara drottínlígvu líkam, er eptir (sið) annarra þíoða var i iorð grafvinn.»
 Þessi ret profvan ok aeggían sleit vpp fastsetta villv af margra
 bríostvu, giorðv þeir gvði þackír fyrí goða ok nytíamlíga kenning,
 en grofv síðan davða menn i iorð eptir rettívu ok nattírvlígvu
 30 sið. En eigi at siðr ottaðíz heilagr faðir Antonívs þeira enn fyrra
 vanda, ok því at hann villdi eigi, at þeir skríðnaði aptr i ena
 savmv villv, ef þeir næði hans líkam með havndvu at hafva,
 kvaddi hann ok bað heila fara mvnka, þa er til hans havðv komít,
 sneri síðan skíott aptr til ens íðra fíallz vítiandi sínna elíkaðrar
 35 ok krapíamlígrar bygdar.

66. Eptir fa manaði líðna tok heilagr faðir Antonívs sott,
 ok þo eigi miok akafva i fyrstí. Ok er nockvrt ohægendi þessa
 sívkleíka skelfí hans ellímoða límv, kallaði hann til sín tva
 bræðr, þæ er til hans havðv komít fyrí .xv. vetívu, ok hann hafði
 40 skípað i einhverívu stað eigi langtt i brvtt; (v)orv þessír ok vanír

honvm at þiona, nv er (hann) tok at elldaz. Hann mællti sva til þeira: «Heyrið, minir kiærvztv synir! Eptir því sem ritningar vatta, at avllvm er fyri hendi, mvn ek nv fara almenniligan veg varra feðra fyri endalykt stvndligs lifs af þessi verolld. Nv laðar drottinn mik ok kallar til sin, nv fysvmz ek at sia himneska lvti. 5 Ok fyri því heyrit, minir astzamligir synir, ek vil ykr a minna! tynið¹ eigi skiotliga þeim avexti, er þit hafvit aflat fyri starf ok erfviði langrar tíðar, virðit helldr, sva sem þit hafvit i dag vpphafvit, yckra helga ok siðlætisfylla iðnn, til þess at efliz sterkleikr vppstekins goðs vilia. Eigi erv þit ok ovitandi, at margfallðar 10 erv diofla vmsatir, seeð hafvið ið grimliga ok stormsamliga þeira akefð, en vitið, at avfl þeira erv avvirðilig miok, blavt ok vanmegnn. Girniz drottin Jesvm með briozins andvarpan ok allri fysi, staðfestit² i yckrvm hvgskotvm trv hans ens helgazta nafns, því at fyri heilagri ok sannri trv flyia allir dioflar. Minniz ok 15 þess, er ek hefvi optliga tiað, hverssv fallvallt ok skamæliet er manzins lif i þessvm heimi; hvgsit þetta hverssdagliga, ok mvn yckr veitaz himnesk avmbva fyri gvðliga þionostv vtan alla dvavl i endalyet. Forðiz davðlikt eittr prætmanna, ok sva ið sama allra villvmanna, hatið þæ með slikv sama hatri, sem þer vissvð mik 20 við þæ giora, því at þeir erv ovinir gvðs. Þat vitið ið sialfvir, at ek talaða alldregi friðsamlikt orð til þeira nema til vmbotar fyri sakir þeira illz ok rangs vilia ok þess oskapligs ofriðar, er þeir hallda i gegnn kristinligri trv. Ek bið yckr ok, minir kiærvztv synir, verit vm þat mest æhyggivfyllir, at þit varðveitið gvðs boðorð, til þess at 25 eptir yekarnn davða leiði yckr ok laði helgir menn gvðs sva sem kvnna menn oc ena kiærvztv vini i eilifvar tialbvðir, þat er til himneskra fagnaða. Hvgsit þessa lvti ok skilit ok endrminniz optliga. Ef þit vilit³ ok nockvra ahyggiv fyri mer bera ok mins boðorðz geyma, ef þit vilit nockvra minning giora mer, yckrvm 30 andligvm feðr, eða astsamliga mer aptr giallda mina æhyggiv, er ek bar fyri yckr, latið engan mik flytia til Egiptalandz eptir minn davða, at eigi see minn likamr með hegomligri vegsemð varðveitr af egipzkrvm monnvrm; fyri þæ savk bið ek yckr þessa geyma, at eigi se mer⁴ davðvm likfylgia eða þionosta veitt eptir þeim sið, 35 er ek hefvi aðr lastað ok fyrboðit. Af þessv efni ok fyri þessa savk for ek nv allra mest aptr i þenna stað. Fyri því bið ek,

1 tynið Cd.

2 staðfestiz Cd.

3 vitið Cd.

4 með Cd.

at þit grafvit i iorð ok molldv hylit minn likam. Geymið þar með ok varðveitið þat mitt boðorð yekars foðvr, at enginn maðr vtan yekr tva viti stað minns graptar. Ek treystvmz með miskvnn gvðs, at eptir navzvn mvn þessi hinn sami likami [endr
 5 risa ospilltr¹ ok odavðligr a tið ennar efztv vpprisv. Með þessvm hætti skal skipta klæðvm minvm: kofll ok fornan mavttvl. þann er ek ligg æ ok Athanasivs byskvp færði mer nyian, sendið honvm þetta klæði hvartveggia; byskvp Serapion skal eignaz annan kofll²; en ið hafvit þat klæði, er af hári er giort, ok veitið vmbyð likam
 10 minvm; því at nv mvn Antonivs fara til gvðs af þessvm heimi ok eigi lengr með yðr vera i þessi stvndligri verollð.»

Þæ er hann hafði varla þessi orð mæltt, ok lærisveinar hans hafðv minnzt við hann, retti hann littat fætr sina; skilðv þeir, at þæ var miok komit at andlati hans. Hann giorðiz þæ sva
 15 glaðligr, at af bliðligv yfvirbragði hans æsionv mattv þeir visa víta vitian ok navist heilagra eingla, er komnir vorv i mot hans avnd hana at flytia til himinrikis fagnaða. Ok er (hann) sa engla sva sem sina astvini til sin komna, skilðiz hans en helga avnd við sinn likam, samteingðiz hann sva helgvvm feðrvm eptir
 20 skipan ok forsavgnn ritninganna. Lærisveinarner verðveittv boðorð heilags foðvr, sveipðvð likamann með nockvrvm klæði ok grofv siðan i iorð, sva sem hann hafði boðit, með sva mikilli varvð þetta vinnandi, at3 allt til þessa dags, segir enn sæli Athanasivs, veit engi maðr vtan þessa tva mvnka groptt heilags Antonij. En
 25 byskvp Athanasivs, er með hans boði avðlaðiz at eiginorði fornan mavttvl með koflli, faðmar með heilagri ok ofalsaðri ast helgan foðvr Antonivm i giofvm ens helga Antonij sva sem með mikilli erfð avðgaðr, ok endrminniz glaðliga fyrri þessi klæði mynd ok liking hans heilagleiks. Þessi var endalyktt lifs Antonij. ok þav vpphavð
 30 hans harðleika, sem fyrri vorv ritvð.

67. En þott ek hafva þessa lvti ritað ok tiað með skavmmv mali, sem ek sagða i fyrstv, segir enn sæli Athanasivs byskvp, megi þer af þessv efni at hyggia ok skynia, með hverivm hætti
 35 gvðs maðr Antonivs lifði gvði þionandi fra bernskv allt til elli, at hann hellt með iafnaði fyrriætlan ok setning sins heilags siðar, ok með sva mikilli staðfesti ok herzlv við sialfvan sik, at hann vægði eigi fyrri nockvrvm vanmegni, eigi fyrri sivkleika eða miklvm allðri, sinv reglvhalldi, eigi klæðvm skiptandi eða fætr þvaandi,

1 [rettet; endr spilltr Cd. 2 kofll Cd. 3 ok Cd.

eða nockvð sinn beiðandi, at honvm væri til handa bvin meirr
 vavndvt fæzla, þott hann væri i vanmegni, en eptir hverssdagligvm
 sið. Helld hann ok til endalycktar hvavs(svm) skygnleik avgna,
 ok sva avllvm tavnnvm at tavlvi, þott þær syndiz littað hrorn-
 aðar af elli, sva et sama fota afi ok gavngv; ok fyri hans mickla
 verðleika varðveitti gvðlig miskvnn hans avfl ohrornvð ok allan
 likam, sva at i gegnn nattvrvgv eðli syndiz hans holld fegra,
 glaðara ok hreinligra en þeira likamir, er fæðaz morgvm krasvm
 ok þvaz i baði eða lavgv. Hvggivm at ok, bræðr, hverssv mikils
 hattar þat er orðit, er frægð þessa ens helga manz hefvir flogið
 ok flvzt vm avll lavnd ok hervð, ok hann er af avllvm goðvm
 mavnnvm elskaðr, með því at hann varð eigi agiætr af mikilli
 snilld samsettra boka, eigi af dispytan veralldligrar speðar, eigi
 af tignn gofvgar ættar eða samdrætti otalligra avðæfva. Hvggivm
 at, hverivm þetta er eignanda! Þetta skolv ver allir eigna sialfvm
 gvði, þetta er hans giof við sinn astvin, þann er hann fann goð-
 fvsliga pionanda vndir sinv almattigv valldi. Hann let ser soma
 þenna enn helga mann Antonivm, er leyndiz i eyðimorkvm vtarliga
 i heiminvm, sva sem hann sialfr het i vpphafvi, honvm hvggan
 veitandi i sinni freistni, kvnnan at giora i Affrika, Hispania, Gallia,
 Italia, Illiriko, ok iaf(n)vel i sialfri Roma, er kallaz havfvð allra
 borga. Þessi er goðgirnð sialfs skapara vars, hann lætr ser soma
 at tigna sina pionastvmenn, þaa er forðaz vilia hegomafvllt manna
 lof i sinv lifvi, at af dæmvm heilagra manna, þaa er þav verða
 avllvm kvnnig, syniz kraptrinn mattvligr at fremia, ok eingi
 hyggi vmfram nattvrvligtt megnn mannzins vera vel at lifva,
 ok til þess at hverr sem einn þickiz skylldr eptir at likia lifvi
 gvðs astvina, þaa er hann leiðir ser fyri hvgskoz avgv farsæligan
 ok eilifvan avavxt þeira stvndligs erfviðis.

Lesit þessa bok optliga, ok geymit allra mest at lesa hana
 fyri bræðrvm, til þess at, þaa er þeir heyra ok við kannaz haleitlict
 lif rettkristinna manna ok mvnka, viti þeir efvanarlavst, at hialpari
 várr Jesvs Kristr veitir þeim dyrð, er hann dyrka, ok eigi at eins
 veitir þeim, er honvm þiona, himinrikis fagnað, helldr tignar hann
 þaa ok iamvel með mikilli frægð ok agiæti, er sialfvir fysazt
 honvm leyniliga at þiona i fiollvm byggiandi eða avðrvm leyndvm
 stavðvm. Til þess skal ok fyr bræðrvm lesa þessa bok, at þaa er
 þeir gioraz eptirlikiarar þeira stormerkia, er hon vattar, se þeir

ok lofs verðir af sinvm verðleikvm, en aðrir eggiz til goðs lífs af þeira dæmvm. En ef navzvn beiðir, lesit hana ok fyrri heiðnvm mavnvm, ok sva kanniz ok þeir við, at drottinn varr Jesvs Kristr son lífvanda gvðs er eigi at eins gvð, helldr gaf hann ok þeim
 5 þat valld, er **aa** hann trva rettliga ok hann dyrka af avllvm alhvga, at þeir brioti, felli ok vndir fotvm troði þ**aa** diofla, er sialfvir heiðingiar hyggia ok trva gvð sinn vera, en þeir erv sannliga svikarar mannanna ok hofvðsmiðir alls spellz, flærðar ok illzkv.

68. A dagvm Jvstiniani ens mickla keisara, þess er smiða
 10 let i Micklagarði þat mvsteri gvði til dyrðar aggian sophian¹, þat er sanctam sapienciam - ok eigi m**aa** annað þvilict finnaz i allri verolld - fannz fyrri gvðliga vitran likamr heilags favðvr Antonij; hann var flvtr i Alexandriam ok grafvinn i kirkiv ens sæla Jo- hannis baptiste. Biðivm nv af avllvm hvg þenna enn dyrðliga
 15 gvðs iatara Antonivm, at fyrri hans arnaðarorð verðim ver eigi sigraðir af fiandans freistni, meðan ver lífv i þessvm davðligvm likam, ok at fyrgefnvm syndvm skilivmz ver við þetta fallvallta líf, en at envm efzta domi laði oss ok leiði i eilifvan fagnað varr hialpari drottinn Jesvs Kristr, sa er með feðr ok helgvm anda
 20 anda lífv(i)r ok rikir einn gvð vm allar alldir. Amen.

¹ I *Texten* staar: atian cöpyan, herover er af en samtíðig Haand som *Rettelse* skrevet: i. (d. e. id est) aggian sophian.

AUGUSTINUS SAGA.

(Cd. 234 folio, A; Cd. Holm. 2 folio, B; Cd. 235 folio, C.)

Prologus. 1

Heilagr pavi Celestinus segir sælan Augustinum hafa verit agiætan ok mykinn kennifauður ok i aullum lutum lofsamligan², 5 talandi þessum orðum: Augustinum heilagrar minningar mann höfðum³ ver iafnnan i varre vinattu ok samneyti fyrir sitt heilagtt lif; hans agiæta meðferð matti eigi nokkut sinn spilla orðromr illrar aleitne; hann vissum ver hafa verit sva mykillar vitzku ok skilningar, at þeir, er [fyrir mer⁴ voru, helldu hann með hinum 10 bestum meistaurum. Ok með einu samþycki var hann sva vel virðr af allum, at hann var hvervetna bæði elskaðr ok vegsamaðr, sem verðugtt var. Meðr þessum hætti hefr sæ malit, er dictat hefir saugu heilags Augustini.

Her hefr upp sögu heilags Augustini byskups. 5

15

Sæll Augustinus var fæddr i þeim þriðungi heims, er Affrica heitir, ok i þeirri borg, er kaullut er Taga(s)tensis. Frændr hans voru harðla gaufgir ok framarligha virðer i hirðgarði. Patricius het faðir hans, en Monika móðir. Augustinus var vandliga upp- 20 fæddr ok fostraðr; þegar i bernsku⁶ var hann til bokar settr, ok er hann hafði alldr til þess, var hann i skola sendr ok þar fullkomliga lærðr. Þat giordiz æ einum degi, at hann varð miok innan siukr, ok er þetta mein þraungði hann akafliga, eggjaði⁷

1 Saal. C.; alle Overskrifter mangle i A. 2 saal. B; lofsamligum A, C. 3 saal. B, C; havfvm A. 4 [fyrri menn B. 5 Saal. 25 Overskr. i B; C har: Augustinus saga. 6 barnæsku B, C. 7 hann akafliga tilf. A; mgl. B, C.

móðir hans, at hann skyldi taka heilagha skirnn, því at hun var
 harðla vel kristin, en faðir hans afneitaði, því at hann var heiðinn,
 ok því dvalðiz skirnin. En guðleg miskunn græddi hann litlu
 siðar, ok varð hann alheill af þessum siukleik. Skirnin frestaðiz
 5 fyrir því um stund, at lifandi maðr fær varla¹ syndina forðaz, en
 allir vita, at meire sekð er at misgiora eptir skirnina. Girðzka
 tungu, er hann hafði numit, hataði hann, en elskaði latínu tungu. A
 þessum stundum hafði hann með hendi² ok yfirlas eina bok Ciceronis,
 þess spekinga er sva heitir³ ok sva snialla tungu hefir haftt, at
 10 nær undrazt hvers⁴ mannz briost, en su bok hefir i ser æggian
 þessa spekinga at elska sialfa philosophiam, er kennir .vii. haufut-
 iðrottir, en bokin heiter Hortensius. Þessi bok skipti hans æstundan
 ok alhuga, sva at hann sneri [bænir sínar ok fyrstir⁵ til sialfs
 drottins ok annars at girnazt en fyrr. Nu leiddizt honum skiotliga
 15 aull hegomlig von ok girnantizt nær með otruanligum hiartans hita
 odaðleik sannrar speki; tok nu andliga⁶ upp at risa, at hann
 skyldi snuaz til guðs.

Um villu ok vantru Augustini.⁷

2. Augustinus var þá .xix. veta, er þetta gerðiz, en faðir
 20 hans hafði andazt .ii.⁸ vetrum aðr. Af því einu gladdiz hann þó allra⁹
 mest i þeirar bokar æggian, er nefnd var, at eigi minnti hun
 hann æ at hallda annan sið helldr en annan, helldr at hann elskaði
 sanna speki ok eptir leitaði ok¹⁰ helldi¹¹ siðan fastliga. En af
 því einu kolnaði nockut sæ mykli hiartans hiti, er hann hafði
 25 fengit af lestri¹² bokarinnar Ciceronis, at Kristz nafnn var þar
 eigi, því at þetta nafnn hialparans hafðe hans ungtt hiarta milld-
 leggha druckit þegar með móður miolk ok siðan halldit, ok hvat
 sem hann las utan¹³ þetta nafnn, þó at þat syndizt slett¹⁴ eða satt,
 felldi hann eeki þar til allan sinn trunat. A þessum stundum varð
 30 hann leiddr æ þann hegoma, at hann skyldi trua fiktreit grata,
 þá er aavauxtr væri af því tekinn, ok at móðir þess sialftt vintreit
 mundi miolkleg tár fella.

1 eigi *B*, *C*. 2 höndum *B*, *C*. 3 het *B*, *C*. 4 vitrs tilf.
B, *C*. 5 [bænum sinum ok fystum *B* 6 vandliga *C*. 7 *Ovskr. af B*;
 her og senere. 8 tveim *B*. 9 hluta tilf. *C*. 10 tilf. *B*, *C*. 11 hellt *B*.
 12 blæstri *C*. 13 nemfma(!) *C*. 14 saal. *B*, *C*; sætt *A*; lat.
 quamvis expolitum et veridicum.

Draumr edr vitran modur [Augustini].

3. Móðir hans gret akaflígha villu hans, framarr en mæðr grata íafnann líkamlígan dauða sona sinna, ok bað fyrir honum til guðs. Sialfr guð heyrði hana¹ ok fyrirleitt eigi tar hennar. Síðan bar þat fyrir hana í draumi, at þau væri bæði samt ok son hennar, ok hann skyldi hafva borð með henni í hennar husi. En þetta þóttizt hun eigi vilia, því at hun rækti guðlastan hans villu. Þvi næst þóttizt hon standa í nockurri reglulígrí líníu², ok þá ~~saa~~ hun koma til sín einn ungan mann biartan, gláðlígan ok lægianda³ ser í mot, með því at hun var sytandi ok mædd af myklum trega. ¹⁰ Þessi spurði, hver sauk til væri, at⁴ hon var sva miok sytandi. Hun svaraði: »Ek græt glatan sonar mins Augustini.« Hann bað, at hun skyldi vera uhrygg⁶ í huginum ok hyggia at, hvar hun var sialf, sagði ok þar vera son hennar. Ok er hun hugði at, ~~saa~~ hon son sinn standa⁷ hia ser í þeiri saumu líníu, sem hon ¹⁵ stoð. Ok er hun sagði þenna draum syni sínum, villdi hann til þess þýða, at hun mundi síðarr þvílíkum síð fylgia, sem hann hafði þá. [Hon svaraði þessu utan alla dvaul⁸ ecki efandi ok sagði:⁹ Eigi var mer sagt, at þu mantt¹⁰ þar vera, sem son þinn er, helldr sva, at hann man þar vera, sem þu ertt ²⁰

Andzsvor eins byskups.

3. Níu¹¹ ár líðu sva síðan, at Augustinus var vaför í saumu villu, en móðir hans hreinlíf, milld ok grandvor eekia, af guði elskut sem þær, er sva eru hattaðar, var nu auruggare af von¹² hans leiðrettu, en let þó eigi af at biðia fyrir honum til guðs með ²⁵ sut ok grati ~~aa~~ hverre stund er hon matti. Guð heyrði bænir hennar, en þóldi þó, at hann væri í vaför saumu villuþoku. Hann huggaði hana eitthvertt sinn fyrir andzsvor eins mykils byskups, þá er hun bað, at hann mundi virðaz at tala við son hennar ok leysa villur hans. Byskup villdi þat eigi, sagði at son hennar ³⁰ mundi [enn ecki¹³ vilia hafa hans fortaulur eða kenning, meðan hann var sva fastlíga í villu¹⁴ halldinn, talaði sva til hennar: »Lat

1 bæn hennar C. 2 þionustu C; lat.: in quadam linea (v. l. regula) lignea. 3 hlæianda B, C. 4 er B, C. 5 honum sva tilf. B, C. 6 örugg B, C. 7 tilf. B, C. 8 alla dvaul rettet; allan dawl A. 35 9 [mgl. B, C. 10 munt B, C. 11 Saal. efter lat. Novem; i A. iv. da som sædvanlig den store Begyndelsesbogstav mangler; tíu B, þíu (!) C. 12 tilf. B, C. 13 [ecki enn B; eigi C. 14 villunni B, C.

hann enn fara sem hann vill, bið þó¹ iafnann fyrir honum til guðs, því at sialfr man hann finna, þæ er hann less bækrnar², hvilik hans villa er, eða hverssu mikit illt henne fylgir. Hon villdi eigi [samþykiazt hans þessum orðum³, heldr bað hun myklu framarr,
 5 at byskup skyldi se^a son hennar ok nockut við hann tala. Honum leiddizt, er hon bat⁵ sva miok hins sama ok svaraði nockut stygg-
 ligha: »Far brutt⁶ fra mer ok halltt goðum lifnaði þinum, eigi mæ þat verða, at son þinn fyrir uthelling þinna tara fyrirfariz.« Þessi orð hans tok hon sva, sem af himne hefði hun þau heyrtt.

20 **Um bokagerd Augustini byskups.**

4. A þessum tímum⁷ helltt Augustinus skola i Kartagine ok kendi rethorikam, þat er malsnilldar list. Hann villdi hafva ok valði ser goða lærisveina ok lærði þæ falslausliga. Þæ dictaði hann .iii.⁸ bæk^r de pulehro⁹ et apto ok sendi einum snillingi¹⁰
 15 i Romaborg, er Heritus er nefndr. Þenna mann hafði hann eigi sét, en elskaði hann af goðri frægð ok ægiætri kenning. Augustinus hafði þæ .vi. vetr ok .xx. eða .vii., er hann ritaði þessar bæk^r. Allar þær bæk^r, er i ser hafa .vii. haufutiðrottir ok¹¹ liberales ero kallaðar, hafði hann þæ lesit, ok skilði allar þær, sem hann las.
 20 Hvat¹² sem hann sæ eða las af list rettliga at tala eða skynsamliga at greina, af mæling iarðar eða annarra luta, af musica iðrott, af taulu list, skilði hann utan alla talman eða torvellði, sva at engi maðr kendi honum. Heyrðu, guð drottinn, segir sæ, er sauguna¹³ hefir dictat, þu veiztt, at skiot skilning ok hvass¹⁴ næmleikr¹⁵ er þin gíof.

25 **Augustinus sigradi Faustum villumann.**

5. Þa er Augustinus hafði .ix. vetr ok .xx., kom i borgina Kartaginem einn byskup Manicheorum, þeira villumanna er sva eru kallaðir, sæ er Faustus het at nafni, mykil diofuls snara, því at hann var hinn nafnfrægasti millum villumanna af mykilli kunnosto¹⁶
 30 ok fróðleik, ok¹⁷ hann hafði yfvirlesit allar hofutiðrotter. En því

1 saal. B, C; þv A. 2 saaledes B, C; bækvrrnar A. 3 [sam-
 þykia þessum orðum hans B. 4 sia B, C. 5 bað B, C.
 6 braut B, C. 7 tima B, C. 8 þriar B, C. 9 saal. B, C;
 sepulchro A. 10 spekingi B, C. 11 er C. 12 hvart C. 13 þessa
 sögu B. 14 hvers C. 15 saal. C; næmlæk^r A; næmleikr B.
 35 16 kunnattu B. 17 er B, C.

at Augustinus hafði lesit margar bækir spekinga ok helltt þaðan af i minni marga luti, þæ bar hann samt slikt, sem hann hafði lesit, við orð ok kenning þessa villumanz, er martt hafði saman ritat af ymisligum lutum, ok skilði, at haðulig var hans kenning ok villa ok utan alla skynsemð. Ok er þeir taka¹ tal sin i millum, 5 fann Augustinus þenna mann bliðan i mali ok með skemtiligu viðrtali, því at bækir þessa villumanna eru fullar af skrauksaugum, ok² þeir tala með falsi af himni ok stiornumorkum, af sol ok tungli. En er Augustinus bað hann [rannsaka ok gera sanna³ sina kenning, þorði villumaðrinn þat eigi at gera, ok skammaðiz nu eigi 10 þat at iata, at kenning hans var eigi saunn, ok sva sigraðr fór hann i brutt⁴.

Augustinus skildi við modur sína með væl.

6. Eptir þetta hugsaði Augustinus at fara hegats um hafit til Romaborgar, ok fystiz helldr þar skola at hallda slíkan, sem 15 hann hafði aðr halldit i Cartagine, einna mest fyrir því at hann hafði heyrtt, at ungir menn mætti þar hafa frialsligtt⁶ studium, því at i Cartagine var þæ nokkurr okyrleikr. En þessi hans hugsan var sannligha guðlig skipan. Ok er hann hof upp þessa ferð, fylgði honum móðir hans alltt til hafs miok biðiandi, at hann færi 20 eigi þessa ferð, eða leyfði, at hon færi með honum. Hann let eigi alhuga sinn uppi fyrir henni, ok sagðizt eigi mundu fyrr skilia við vini sína, en byrr kiæmi⁷. Móðir hans villdi með honum til herbergis fara um kvelldit, en hann eggiði hana, ok feck þo varla, at hon væri um nottina i þeim stað, er nalægstr var skipi þeira, 25 ok gior var minning hins heilaga Cipriani byskups, er pindr var við Cartaginem. En þegar þau voru skilit⁸, steig hann æ skip ok ferðaðizt brutt⁹ um nottina leyniliga. Móðir hans¹⁰ var æ bænum¹¹ þæ nott biðiandi guð, at talmaðiz brautferð sonar hennar. En guð gaf Augustino beinan ok bliðan byr, sva at skipit bar skíott fra 30 landi or augsyn, en varðveitti hann fra¹² aullum siovar¹³ haska. Móðir hans kom snemma til strandar um morguninn i þann stað, er þau haufou skilit¹⁴ um kvelldit, ok sæ nu, hvat giorst¹⁵ hafði; tok nu at grata með æsiligum harmi brautferð sonar síns, ok bað

1 toku B, C. 2 er B. 3 [kanna ok rannsaka C. 4 a braut B. 35
5 hingat norðr B, C. 6 frialsliga B, C. 7 gæfi C. 8 skilin
B, C. 9 a brott B. 10 tilf. B, C. 11 alla tilf. B, C. 12 af B.
13 siavar B. 14 skiliz B. 15 gerzt B, C.

guð heyra sik i sinne nauðsyn. En fyrir því gret hun ok sytti, at hon vissi eigi, hveria fagnaði guð mundi [gera i brautferð sonar hennar.¹ Ok eptir mikinn grat fór hun til þeira staða, sem² aðr hafði hon³ verit, tok þa af nyiu at biðia [til guðs⁴ fyrir syni sinum.

Augustinus kom i Rom.

7. En er Augustinus kom i Romam, fell hann litlu siðar i mikinn siukleik, ok ef guðs⁵ miskunn hefði eigi dvalit [hans likamligan⁶ dauða, hefði hann farit til helvitis berandi með ser syndir sinar. En þetta vissi móðir hans eigi, ok bað fyrir honum fraveranda⁷ ok fæddi hann nu með meiri mæði andligha en fyrre likamliga. Hon gerði hversdagliga olmusur fataekum maunnum, þeim litlatliga þionandi. Ongan dag gleymði hon fornir fyrir honum at færa, kveld ok morgin an aflate kom hon til kirkju, eigi til þess at heyra hegomligar saugur, helldr at heyra⁸ guð i sinum orðum, ok guð heyrði hana i sinum bænum fyrir hialpp sonar sins. Þa er Augustinus varð heill af þeiri mikilli⁹ sott, er hann hafði feingit, tok hann nu at kenna¹⁰ rethoricam, er ver kaullum malsnilldar list, því at hann hafði fyrir þat efni þangat sott, ok safnaðizt¹¹ hverssdagligha martt manna til hans herbergis.

Fra því er þeir funduz Augustinus ok Ambrosius byskup.

8. Síðan var sentt af Melans borg til Romaborgar greifva, at hann sendi þeim meistara þann, er þar mætti kenna rethoricam. En Simacus greifvi sendi Augustinum vel profaðan meistara æa þa list sem allar aðrar. Ok er hann kom i Melans borg, fann hann þar fyrir Ambrosium ægiætan byskup, er um allan heim var frægr af hinum bestum lutum. Ambrosius byskup tok við honum faðurligha ok elskaði hann byskuplega kominn i ukunniktt land. Augustinus tok hann ok miok at elska ok gefva gaum at orðum hans með athugha, ok gladdizt af sætleik hans malshattar¹². Eigi hirði hann sva miok at nema þa luti, er hann sagðe, helldr var honum þat fæheyrtt ok dasamligt, hverssu hann sagði. Þa

1 [henni gera i bruttferð sonar sins C. 2 er C. 3 hann C.

4 [vgl. B, C. 5 gudlig B, C. 6 [saal. B; hann likamligan C
hann likams A. 7 saal. B, C; fraverandi A. 8 heidra C.

9 enni miklu B. 10 i Roma tilf. B. 11 samnaðizt C. 12 saal.
B, C; malhattar A.

er þessir lutir gerðuzt, kom **æ** fund Augustini moðir hans milld ok mattug i goðum verkum, er honum fylgði¹ bæði **æ** sio ok landi treystandi guðs miskunn i velhverium haska. Þæ er hun for hingat um hafit, varð hon ok hennar skiparar staudd i miklum haska, en hon huggaði þæ alla þeim heitandi bæði hofnn ok heilsu, 5 þvi at guð hafði henni þat birtt ok með vitran fyrirheitð. En þegar Augustinus fann moður sina, sagði hann henni, at eigi var hann þæ Manicheus [þeirar villu maðr² ok eigi sannliga kristinn. Hon fagnaði þæ harðla miok, er hon heyrði hann með aullu fraskilðan³ villunne, þo at hann hefði sannleikinn eigi þæ enn full- 10 komligha auðlaz. Hon mælti þæ með miklu trausti: »Ek trui, at guð veiti mer, at ek sea⁴ þik son minn sannkristinn, aðr ek liða af þessu lífvi.« Nu af nyiu bað hun [af miklum alhuga guðs með taara uthellingu, at skiotliga veitti hann sitt fullting at lysa hiarta myrkr Augustini. Moðir hans elskaði hinn heilaga⁶ Ambrosium 15 sem eingil guðs, þvi at hun skildi, at fyrir hann hafði þat giorðz, at Augustinus mundi eigi aptr hverfva til hinnar fyrri efanar⁷ ok villu. Hon tok nu enn at minnast guðs heilagra manna, sem fyrr hafði hun gert ut i Affrica, ok villdi offra við þeira grauppt⁸ brauð ok vin ok⁹ fæzlur, þar til er henni var þat bannat af giæzlu- 20 maunnum. Tok hon þat¹⁰ þegar með þauckum, er hon vissi¹⁰, at byskup hafði þat¹¹ bannat; færði hon þæ fæzlu síðan fataekum maunnum; ok i mot iardligum avauxtum, er hon færði fyrri, nam hon nu at fôrna við grauppt heilagra pislarvatta helgar bænr af hreinu briosti. A hverium sunnudegi heyrði Augustinus 12Am- 25 brosium rettliga skyranda fyrir folkinu orð sannleiksins sialfs optlega sva segianda i sinne predican: Littera occidit, spiritus vivificat. Þat mæa sva vera sagtt: Ritningin drepr þess aund, er hana skilr ok varðveitir likamliga, en ef¹³ hon er andligha skilit¹⁴, lifgar hon þess aund, er hana varðveitir. Augustinus 30 hafði iafnan samtál af morgum vaundum spurningum við þæ [tva hina¹⁵ kærustu vini sina, er annarr het Alippius, en annarr Nebridius. Var Alippius af smærum ættum en Augustinus, ok hafði þo uppvaxit i sama stað sem hann af sæmiligum frændum, hann hafði¹⁶ verit i skola með Augustino, þæ er hann kendi heima at sin ok 35

1 villdi fylgia B, C.

2 [þeira villumanna B.

3 fraleiddan B.

4 sia B; sio C.

5 [iafnan til guðs B, C.

6 helga B, C.

7 æfinnar B.

8 grøf bæði C.

9 eða (ok C) adrar B, C.

10 tilf.

B, C.

11 mgl. B, C.

12 enn helga tilf. B, C.

13 er B, C.

14 skilin B, C.

15 [saal. B, C; hina hina A.

16 ok tilf. B, C.

40

sva i Cartagine, ok elskaði mikiliga Augustinum. Alippius hafði
 ok verit til Roms. Nebridius hafði ok fyrirlatið sina fostriorð ok
 hina beztu eignn, er hann atti hia Cartagine, ok sva sialfva Kar-
 taginem, ok for til Melansborgar at finna Augustinum. Ok er
 5 þeir funduzt, voru þessir .iii. samtt miok¹ efandi i raðagerðum,
 hverr hattr lifsins væri halldandi. En því at guð villdi² hneekia
 ostyrkri hiartans skilning Augustini, er hann hafði til truarinnar,
 let hann ser soma með sinu miskunnar liosi miok at birta hans
 briost. Tok hann nu at skelfazt bæði af ast ok ræzlu til guðs
 10 ok fann sik vera langt fra guði sem i fiarlægri halfu, sva sem
 hann heyrði sialfs hans raudð af himni talandi: »Ek em fæzla
 þeira, er myklir eru, leita at vaxa, ok mant þu bergia mer; eigi
 mant þu mer skipta i þig sem fæzlu likams þins, helldr mant þu
 skiptaz i mik.« Nu skilði Augustinus, at fyrir illzku sina hirti
 15 guð manninn ok let ond hans af tæmaz illum lutum, sem aranea
 þat kvikvendi af³ tæmiz sinum iðrum lutum. Hann skilði ok hafði
 reyntt, at þat er ecki undarligtt, at sarum munni er pina brauðsins
 berging, en heilum harðla sæt, ok siukum augum er liosit at hatri⁴,
 þat sem heilum augum er elskuligtt⁵. Tok hann⁶ ok þa at lita
 20 osyniligha luti guðs fyrir þa luti, er hann skilðe en matti eigi
 staðfesta i⁷ þeim sialldrit, því at ustykrleikr rak hann aþtr ok
 veik honum a fyrri veniu, sva at ecki flutti hann með ser nema
 elskanlegt minne girniligrar ilmkenningar, þeirar er hann matti
 eigi enn bergia.⁸ Leitaði hann því at finna styrktarveg, þann er
 25 hæfligr⁹ væri at niota sialfs guðs, ok fann eigi, þar til er hann
 faðmaði með andlegri skilning meðalgaungumann guðs ok manna
 Jesum Krist - er [bæði er guð ok¹⁰ maðr, sa er blezaðr umfram
 alla luti um alldir - a sik kallanda ok segianda: »Ek em gata,
 sannleikr ok lif.« Sa hinn sami blandaði við hold þa fæzlu, er
 30 Augustinus var enn vanmegnn at taka, því at orð guðs fauður¹¹
 'holldgaðizt, til þess at hans spekð væri leynd fyrir varri bernsligri
 skilning, fyrir þa saumu speki, þat er fyrir son sinn, skipaði¹² hann
 alla luti. Eigi hellt hann enn eða skilði drottin varnn Jesum
 Kristum sva sem lagr litilatan, ok eigi vissi hann enn, hvilika lute
 35 hans ostyrkrleikr lærði hann sialfan. Ok eigi matti hann ætlan a

1 iamsnemma tilf. C. 2 birta ok tilf. C. 3 tilf. B. 4 saal.
 B, C; hattri A. 5 elskanligt B, C. 6 tilf. B, C. 7 a B, C.
 8 saal. B, C; bera A. 9 ævinligr B, C. 10 [saal. B; guð A.
 11 mgl. C. 12 skipaði B, C.

koma, hverssu mykla helgan þat mundi hafa með ser, er guðs orð holldgaðiz.

Þessu næst tok Augustinus með hinum mesta athuga yfir at lesa helgar bækir fyrir guðs anda saman ritaðar, ok umfram aðrar orð¹ hins heilaga Pals postola, ok brutuz nu niðr þær greinir, er honum hafði² fyrr meirr virðzt, sem eigi kiæmi samttz hans orð ok vitni Moyses laga eða spamanna boka; honum birtizt ok þæ³ ein asiona hvarratveggju laga nuverandi ok hinna fyrri, ok tok at fagna með guðligri ræzlu.

Augustinus kom a fund Simpliciani.

9. Eptir þetta sendi guð honum i hiarta harðla gott rað, at hann færi æ fund guðs þionostumanz, þess er Simplicianus het, því at hann hafði heyrtt, at Simplicianus hafði guði þionat alltt fra bernsku, en tok nu at elldazt, syndizt honum sem var, at hann mundi vera vel reyndr af laungum alldri ok goðu lifvi ok sann-
profvaðr uruggliga⁴ at fylgia guðs vilia ok hans gautur at ganga ok auðrum þær at visa, en lærðr harðla vel. I fyrstu villdi Augustinus bera upp fyrir hann hiartnæman hita sins alhugha eptir
frettandi, hverr hættir lifsins honum væri hellz halldandi, því at hann hafði nu fullan vilia til með astuð at ganga guðs gautu. Hann sæ⁵ kristnina saman safnaz af miklu fiolmenni, ok geek vel hverr þann veg, [sem sialfum⁶ likaði. Mislikaði honum, hvat sem hann giorði i verolldunni, sem honum sneriz þat til þyngsla; eigi fyrir þæ³ sauk at hann hefði akaðliga fysi til veralldligrar vegsemðar
eða fiaraflanar, sem margr er vanr, því at þetta girntizt hann hvarki fyrir sakir sætleika guðs astar ok fegrðar hans hus, er hann elskaði harðla miok. For hann⁷ siðan. æ fund þessa fauður Simpliciani ok sagði honum fra margfalldri villu, er hann hafði verit i vafðr. Ok þær með minntizt hann æ honum segiandi, at
hann hafði lesit nockurar bækir Platonis spekinga, þær er Victorinus snillingr, er fyrr var i Roma, hafði snuit i latinu, ok Augustinus hafði heyrtt, at kristinn hefði andazt. Nu gladdiz hinn gamli Simplicianus af því, at Augustinus hafði eigi i vafviz oðrum
flærðarfullum sognum annarra meistara, þeira er villzt hafa i rongum ætrunaði við hofutskepnrur heims þessa. Eptir þat tok Simplicianus at biðia Augustinum snuaz til litilætis Jesus Kriz ok retrar truar,

1 ordsendingar B. 2 tilf. B, C. 3 a samt B, C. 4 öruggliga B, C. 5 safnada B, C. 6 [er honum C. 7 tilf. B, C.

ok minntiz a þenna sama Victorinum, sem ver gatum, er honum var harðla vel kunnr, þá er hann var i Roma, hverssu mikla virðing hann hafði fengit fyrir sinn ægiætan meistaradom, þá er hann var enn heiðinn, er likneskia var gior honum til tignar i

5 romversku torgi, þat er þeim, er verolldina elskuðu, syndiz harðla haleitt, eða hverssu hann hafði i fyrstu skammazt kristinn at geraz, eða með hverssu mikilli æstundan hann hafði ranzakat heilaga ritning ok allar kristnar bækr, ok hverssu hann sagði [um siðir² leyniliga Simpliciano, at nu væri hann kristinn. En Simplicianus

10 sagði til hans: »Eigi man ek því fyrr trua, en ek se þik i heilagri kirkiu.« Þá svaraði Victorinus hlæiandi: »Giora nockut veggir mennina kristna?« Victorinus sagði opttliga Simpliciano, at hann væri kristinn, en Simplicianus svaraði iafnan hinu sama. En reyndar bar þat eina þá við, at Victorinus væri skirðr, at hann

15 ottaðiz misþocka vina sinna, en síðan hann feek styrkleik ok staðfestu³ af lesning heilagra boka, þá sigraði Kristz ast⁴ með Victorino ast hans vina, ok skiotliga sagði hann sva Simpliciano: »Forum⁵ til kirkiu, vil ek verða kristinn ok taka heilaga skirn.« En Simplicianus varð fegnari, en fra megghi segia, ok fór með honum ok,

20 er at því kom, er Victorinus skyllði iata tru sina. Minnumz ek [þessa af því,⁶ segir sá er sauguna hefir samit a latinu, at sá var þá siðr i Roma, at þeir er til skirnar gengu, skylldu stiga upp a hafan stað ok iata tru sina fyrir folkinu, en prestar lofuðu Victorino at gera þat leyniligarr, því at hann var [þá enn⁷ hinn udiarfazti

25 en kunnr aullum. Hann villði þetta eigi, steig síðan upp i malstaðinn. Þetta undruðuz vantruir⁸ Romveriar, en rettkristnir menn toku með fagnaði. Allir þeir, er við voru ok hann var kunnr, leku ser at hans nafnni með skemtan, ok sva skiozt sem nefndr var hljóðliga af allra munni Victorinus, sva faugnuðu þeir opin-

30 berliga, er þeir sá hann i hafum stað, ok skiotliga gafu allir gott hljóð harðla fusir hann at heyra. Þvi næst boðaði hann ok iataði sanna tru með fullu trausti, sva at allir elskuðu hann með fagnaði af aullu hiarta. Ok er hinn gamli Simplicianus hafði slika luti sagtt Augustino af meistara Victorino, þá hitnaði hans hiarta miok

35 til eptir honum at likia. Sagði ok til þess Simplicianus þessa saugu. Augustinus tok þá sarliga at andvarpa.

1 a B, C.

2 [tilf. B, C.

3 stadfesti C.

4 tilf. B, C.

5 við tilf. B, C.

6 [mgl. C.

7 [mgl. B, C.

8 vantruadir B, C.

Um taar ok trega Augustini.

10. Ok er þeir voru baðir samtt i einu herbergi Augustinus ok Alippius, en Nebridius var brutt farinn, þaa kom til þeira nockurr samborgarmaðr þeim kunnr, saa er Pontianus het, ættaðr or Affrica, framarligha virðr af hofðingium ok beztum monnum. 5 En þat er eigi vitat, hvat hann villdi af þeim fretta, settuz siðan allir samtt ok tauluðuz við. Pontianus tok siðan upp bok, er laa yfvir einu leikborði, er stoð fyrir þeim, ok lauk upp, ok fann þat, sem¹ hann varði eigi, at þar voru Pals pislar, því at hann hugði, at þeir mundi² hafa þess hattar bækr, sem sið þeira heyrði til. 10 Pontianus tok þaa at hlægja⁴ ok leit við Augustino glaðliga, sva sem hann undraðis, er hann hafði þess hattar ritningar fyrir ser en eigi veralldligar eða heiðnar bækr⁶. Pontianus þessi var guðhræddr maðr ok sannkristinn. Augustinus sagði honum þaa, at hann lagði mestan hugþocka ok ræktt aa þess hattar ritningar. 15 Eptir þetta tok Pontianus at segja Augustino af hinum agiæta Antonio egipzkum munk, þess nafn er þaa birtiz með mikilli frægd við a um heiminn með guðs þionostumaunnum, en þeir Augustinus haufðu þar aðr eeki af heyrtt. En er Pontianus vissi þat, helltt hann fram saugunni ok gerði þeim i kunnleika agiæti ok heilagleik 20 Antonij⁷ furðandi þeira faafræði af þessum merkium⁸. Þeir undruðu ok miok þau⁹ dyrðarfull takn, er hann flutti fra Antonio sva faaheyrð fyrri. Augustinus tok nu, þaa er hann heyrði þvílet tal Pontiani, at syta sarligha ok skammaz með hræðiligum otta af þeiri villu, er hann hafði leingi blindat. Geck siðan Pontianus a 25 braut, er hann hafði lyctat sinum erendum ok tali. Augustinus með sorgmoðum hug ok yfirbragði kallaði Alippium: »Se hvat við þolum, hygg at því, er við heyrðum. Ofroðir menn risa nu upp ok taka hondum himin, en ver með froðleik vorum¹⁰ dreckiumz i helviti.« Ok þaa er hann hafði þetta mælt, hugði Alippius at 30 honum vandliga, því at hann hafði eigi sva fyrr talat. Ennit, augun, kinnr, litr ok mynd raddarennar syndu nu framarr hans hug en orðin, þau er hann bar fram. Grasgarðr nockurr var hia herberginu, því er þeir haufðu, ok því at herra hussins var annars staðar, haufðu þeir frialsliga garðinn með husunum. Augustinus 35 geck nu¹¹ i grasgarðinn, ok Alippius þegar eptir honum, satu

1 hvers B. 2 er C. 3 myndi C. 4 hlæia B, C. 5 undradizt B, C. 6 fyrir ser tilf. A; mgl. B, C. 7 ok tilf. A. 8 stor-merkium B, C. 9 saal. B, C; þann A. 10 vorn B, C. 11 ut tilf. B, inn C.

síðan sem þeir mattu first husunum. Augustinus komz nu við af
 aullu briosti¹, var hann miok sorgmoðr² ok æsakaði sialfan sik.
 En Alippius sat nær honum ok hugsaði þegiandi hann harmanda,
 þar til er milli asakanarorða feck Augustinus eigi halldit sik,
 5 spratt hann nu³ upp ok geck skiotliga brutt fra Alippio, því at
 honum þotti viðkvæmiligra at grata i þeim stað, er hann væri
 einn saman staddr. En Alippius var eptir i þeim stað, sem þeir
 haufðu aðr⁴ setið, með mikilli æhyggju. Augustinus kastaði ser
 niðr undir einu fiktref ok leysti nu tauma⁵ treganum; flutu þæ
 10 fram æsilig tár af augunum. Þessi hans iðran var harðla þægilig
 forn [fyrir guði⁶. Hann talaði þæ martt æ þenna hatt: «Heyrðu,
 drottinn, hverssu lengi skalltt þu dvelia mer at hialpa? ver þu
 mer eigi æfinliga reiðr, ver þu eigi minnigr hinna fyrri misgiorða⁸
 varra.» Slikum eyndarorðum kastaði hann fram ok gret með
 15 hinnu beiskuztu iðran sins hiarta.» Þæ heyrði hann skiotliga af
 nalægu husi eina raust til sin sva segiandi: »Tak þu, tak þu ok
 les,« ok þegar stoðvaðiz hans gratr, ok tok at hugsa vandliga, hvart
 skolasveinar væri vanir at syngia eða segia i leik sinum nockut þess
 hattar, ok hafði hann þat eigi heyrtt. Reis hann upp því næst ok þerði
 20 tár af augum ser ok þyddi eigi annan veg, en þetta væri honum boðit
 af sialfum guði at luka upp bokina ok lesa þann kapitula, sem
 hann fyndi fyrstan. Hvarf því aptr skiott i þann stað, er Alippius
 sat, því at hann hafði þar eptir latit Pals pisl⁹, aðr hann reis upp.
 Lykr nu upp bokina ok less þann kapitula, er honum bar fyrstan
 25 fyrir augu, en þann hefr sva: Non in commessacionibus etc. Þat
 mæ sva vera sagtt: Leiðit eigi fram lifyðartt við ofát ok ofdryeki,
 ureinsanir eða saurlifi, þrætur eða aufundsemi, helldr skryðit yðr
 drotni Jesu Kristo, ok gerit eigi geymslu hollzins i raungum girnð-
 um. Þæ villdi hann eigi lengra lesa, því at eigi þyrpti. Flyðu
 30 þæ þegar aull efanarmyrkr i brott af hans hiarta, en i staðinn kom
 urugðarlios postuligrar aminningar. Lauk hann síðan aptr bokina
 ok let i millum fingrinn eða eitthvat annat mark, sagði síðan
 Alippio atburðinn. En hann sagðe, hvat með honum hafði giorz,
 þat er Augustinus vissi eigi, beiddizt síðan at sia, hvat hann hafði
 35 lesit. En Augustinus syndi honum. Alippius hugði at ok las
 enn lengra, en Augustinus hafði lesit ok vissi eigi hvat fylgði.
 En þessi orð oru¹⁰ næst þeim, er Augustinus hafði lesit: Infirmum

1 hiarta C. 2 sorgmodigr B, C. 3 þa B, C. 4 tilf. B, C.

5 tilf. B, C. 6 [mgl. B, C. 7 þott eigi væri þessi somu ord tilf.

B, C. 8 misverka C. 9 pistla B; pistila C. 10 voru B, C.

in fide recipite; þau orð segja sva: Takit miskunnsamliga við þeim, er ostyrkr er i trunni. Nu tók Alippius sva upp fyrir Augustino, sem þetta væri til hans mæltt. Af þessi æminning var Alippius sva auruggr i goðri fyrirætlan ok þeckiligri ok hinu viðrkvæmiligzta sinu siðferði, at hann batz þæ einkanliga æ hendi Augustino 5 utan¹ dval ok umgroftt truarinnar. Síðan ganga þeir inn i herbergi, þar sem fyrir var móðir Augustini, ok saugðu henni allt af sinu efni, sem² vordit var. Hun gladdiz miok ok fagnaði ok gerði guði þackir, þeim er mattugr er framarr at veita, en ver kunnum biðia eða skilia; sneri nu guð harmi³ hennar i fagnat, 10 hvervetna⁴ framarr en hun vænti, at verða mætti. Augustino likaði nu helldr með hofsemi en skiotliga at taka sik fra því starfvi, er hann hafði þar⁵ fram haft i kenzlu ok læringu við þæ, er i hans skola haufðu verit; voru þæ ok fair dagar til þeirar stundar, er avextir takaz af vingaurðum⁶, villdi hann því þess 15 tima biða, at⁷ hann mætti opinberligha ok með fullri sæmð við skiliaz skolann. Þat rað kom ok nu samtt milli þeira, at guð einn en eigi nockurr maðr skyldi vita þeira fyrirætlan.

Um þat er Augustinus var kvalldr af tanna verk.

11. At liðnum .xx. daugum, er Augustino þottu margir ok 20 langir fyrir ast frelsis, er hann var fuss at fæa, varð hann lauss ok frials af því starfi, er hann hafði iattat skolann at hallda, er hann var laungu aðr i huginum fra raðinn. For hann nu síðan fagnandi i herat með allt sitt goðz ok las primsignaðr psalma David með Alippio, er þæ var ok primsignaðr. Móðir hans var iamnan með 25 honum i kvensligum bunaði, en með karllmanligri tru ok fullkomnum auruggleik, en móðurligri ast ok kristiligri milldi. Hann las þæ með mikilli ast ymisligar guðligar ritningar milskaðar með himneskum sætleik en af guðs liosi lystar. A þessum tima varð hann miok kvaldr af tanna verk, sva at um siðir matti hann eigi 30 mæla. Þæ kom honum i hug æa at minna alla þæ menn, er við voru, at biðia fyrir ser til guðs, ok ritaði þetta a vaxi til þeira. En iamskiott sem þeir fellu æa kne til bænar með honum með mikilli astuð, hvarf þegar af taunnum hans allr verkr ok sarleikr. Hann furðaði þæ miok bæði snarpleik meinsins ok sva dasamliga 35 ok skiota guðs miskunnsemð, því at hann hafði eigi æa sinum

² alla tilf. B, C. ³ hversu B, C. ⁴ saal. B, C; hiarta A. ⁵ hvarvitna B. ⁶ tilf. B, C. ⁷ vingiordum B; vintreiam(!) C. ⁸ er B, C.

alldri nockut fyrr þolat þess hattar mein iamnsartt, ok fagnandi
lofaði hann þæ með sannre tru nafnn drottins. Hann gerði þæ
ok opinbertt af sinni fyrirætlan ok bað Mediolans borgarmenn fæ
ser annan skolameistara, því at hann sagðiz hafa heitit guði at
5 þiona. Hann sendi þæ ok bref Ambrosio byskupi ok gerði honum
i kunnleika hinar fyrri villur sinar, ok hveriu hann hafði nyliga
heitit, ok bað hann syna ser ok æ minna, hvat hann villdi hellz,
at hann læsi heilagra ritninga, at hann yrði þaðan af bunari ok
hæfligri guðs miskunn at þiggia. En Ambrosius byskup bauð
10 honum at lesa bok Ysaie spamanz, því at honum þotti hann opin-
berligar en aðrir hafa fyrir sagtt af hingatburð vars herra Jesus
Kristz ok rettsnuning heiðinna þioða. Ok i fyrstu er hann tok
lesa Ysaïam, þæ skildi hann eigi ok hugði, at aull mundi bokin
slik vera, ok fyrir því dvalði hann at studia meirr i hinu sama en
15 giarnari at lesa sialfs drottins orð. En er sa timi kom, er Augus-
tinus skyllði skrá nafnn sitt til skirnar, sem þæ var siðr til, ok
skirn taka is akveðinni stund, for hann aptr til Melansborgar;
tok Alippius ok þat rað ok ætlaði skirnn at taka. Þeir hauðu i
i fylgd⁶ með ser likamligan sun Augustini, honum af guði gefinn,
20 þann er þæ var .xv. vetra, hann var þæ þegar fremre i skilning
en margir froðir fullkomnir meistarar, sva at faðir hans undraðizt
miok sva hvassa hans skilning. Er su boc höfð ok lesin, er hann
dictaði þann tima, rubrica fyrir þæ bok er de magistro. En er
þessi sveinn var .xvi.7 vetra, hafði hann tal ok disputan við [sialfan
25 feðr⁸ sinn Augustinum. En litlu siðarr tok guð hann skiott or
þessum heimi.

Dictadr Tedeum af Ambrosio ok Augustino ok um skirn Augustini.

12. Sva bar at æ einum hatidardegi, at Augustinus var vit staddr
predican hins heilaga Ambrosius byskups, sem moðir hans [beðit
30 hafði, þæ er byskup greindi um almenniliga tru ok braut saman
fagrigha hit forna ok hit nyia laugmal. En við hans predican
vitiar kraptr ok miskunn heilags anda hiarta Augustini. Ambro-
sius ser ok skilr, at hans var¹⁰ vitiat af guði, verðr hann miok
feginn ok lofar guð með þessum orðum: Te deum laudamus, te
35 dominum confitemur. Augustinus svaraði: Te eternum patrem

1 tilf. B, C. 2 spad C. 3 at tilf. B, C. 4 lata tilf. B, C.
5 æ C. 6 ferd B. 7 sextan B, C. 8 [fodur B, C. 9 [hafði
bedit B, C. 10 nu tilf. B.

omnis terra veneratur. Sva annstefnaz¹ þeir við með versaskipti allan þenna lofsaung til lycta, sem hann er síðan² sunginn i heilagri kristni. Síðan voru þeir baðir skirðir Augustinus ok Alippius af hinum heilaga Ambrosio, ok flyði þæ fra þeim oll æhyggia umliðins lifs af myklum alhuga til guðs ok heilagrar truar; saddizt 5 Augustinus eigi þenna tíma af dasamligum sætleik, er hann hugleiddi hæð ok miskunnsemð guðligrs raðs yfir hialpp ok heilsu mankynsins. Þat var ok harðla fagrligtt, hverssu sætliga hann grét með mikilli viðrkomning hiartans hrærðr af hliðum þeim, er sætliga [sunguz psalmar³ eða aðrir lofsaungvar i heilagri kirkiu. 10 Ok er þess hattar raustir liðuðu at hans eyrum, þæ samteingðiz sannleikrinn sva hans hiarta, at þaðan af hitnaði⁴ astuð sannrar goðfysi með honum, sva at hann elskaði sialf tarin, er af augunum flutu fram. Augustinus var þæ nockuru meirr en þritugr, er hann tok heilaga skirnn. Moðir hans Monika lifði þæ enn ok fylgði 15 honum iafnan. Þat var nær þessum stundum, er Justina drottning moðir Valentiniani keisara, er hinn yngri var kallaðr, striddi upp æ [hinn heilagas Ambrosium byskup fyrir sakir villu sinnar, er hun hafði vorðit svikin af Arrius villumaunnum. En i þenna tíma kristninnar ottaðiz folk ufrið villumanna, ok heimti sik undan at veria byskup sinn Ambrosium eða fyrir hans skyllð dauða þola. Nu sæ guðs ambatt Monika moðir Augustini borgina alla skelfða af miklum ukyrleik ok ufriði villumanna, hafði hun þa alla sina æstundan ok æhyggiu til þess at vera sem lengztum æ skynsamligri voku með heilugu⁶ bænahalldi guðs kristni til friðar. Þenna 25 tíma var þat skipat, sem enn hellzt ok eptir likiz nær um allan heiminn, at ymnar ok psalmar se sungnir við tón, sem aðr var vandi til i austrhalfu heimsins, at leikfolkit skyllði því minnr mæðaz eða leiðaz framflutning heilagrar tíðagiorðar. A þessum dogum kom til motz við Augustinum einn ungr maðr honum samlendr ok 30 gerðiz hans samfelagi, þessi het Evodius at nafne, hann hafði fyrr verit skirðr en Augustinus. Þeir voru síðan baðir samt halldandi sin æ milli heilaga ast, ferðuðuzt nu braðliga heim aptr ut i Affricam, iafnnan hugsandi ok eptirleitandi, hverr staðr þeim mætti nytsamligaztr vera guði at þiona. Ok er þeir lagu við Tifrar os 35 sva sem til byriar, tok moðir Augustini nockurnn siukleika, er nalgaðizt sæ dagr, er hun mundi liða af þessum heimi. Þæ bar sva til af guðs tilskipan, at þau stoðu bæði samtt ok son hennar

1 andæfazt B. 2 tilf. B, C. 3 [syngiaz salmar B. 4 hans tilf. A.
5 [mgl. B, C. 6 helgu B, C.

Augustinus ok studdu sig við einn glugg ok *sæ* ut i garðinn, er þar var fyrir herberginu, því er þau haufðu tekit ser til hvíllar eptir erfviði langs vegar, en skyldu nu buaz til siglingar, var þetta hus ok nockut i brutt fra alþýðu þys. Þæ tauluðuz þau við ein samt harðla sætliga gleymandi liðnum lutum, en herðu sik fram til hinna, er fyrir hondum voru, eptirleitandi sin i milli, hvertt eða hviliæt vera mundi ovorðit lif heilagra manna, þat sem eigi *sæ* auga ok eigi heyrði eyra ok eigi kom i nockurs manz hiarta, ok hugsa, hvilikir þeir lutir ero, er guð hefir fyrirbuit þeim, er hann elska. Ok er þau tauluðu slikt með ser, girntuz þau með allri hiartans fysi *æ* himneska fagnaði ok eilíft lif sva fram-arliga, at allr þessi heimr virðiz þeim auðgiætligir ok herfvilgir með sinni skemtan ok raungum girndum. Monika leit þæ við Augustino ok sagði sva: «Heyr nu, son minn! eingi hlutr er nu *sæ* i þessu lifi, er fyrir þann fysi mik lengr at lifa, ok eigi veit ek, til hvers ek em her nu eða hvat ek geri, því at ek hefi þat nu auðlaz, er ek girntumzt einna mest af guði at þiggja, þat at ek mætta þig sia kristinn með almenniligri tru, aðr ek færa af heim-inum. En nu hefir guð enn framarr veitt mer en ek [kynna biðia, at ek se þig hans þionostumann at haufnuðu iarðligu eptirlífi ok stundligri sælu.»

Ándlat Monice modur Augustini.

13. A niunda degi sins siukleika andaðizt hin goðfusa ok hin guðrædda Monika modir Augustini *æ* setta *æ*ri hins setta tigar alldrs sins, en Augustinus hafði þæ .iii. vetr ok þritugt². Hann fysti nu at grata i guðs augliti fyrir hennar sal ok af hennar dauða, ok gaf nu rum tarunum gnogliga fram at fliota. Síðan hof hann upp bæn sina til guðs ok sagði: «Heyr þu, drottinn minn, ek offra þer bænir fyrir þessi þinni þionostukonu; heyr þu guð mins hiarta, verandi mitt lof ok mitt lif! Þer geri ek þackir fagnandi fyrir oll þau goð verk, er hun framði i þessu lifvi. En nu bið ek fyrir synðum moður minnar, heyrðu mik fyrir lækning sara þinna³, þat er fyrir son þinn, er *æ* krossinum heck ok sitr nu þer til hægri handar ok biðr fyrir oss. Veit ek, at hun vann morg miskunnarverk, ok af aullu hiarta fyrirgaf hon þeim, er við hana haufðu misgert. Gef þu nu ok upp henni sinar syndir, þær er hun gerði *æ* sinum alldri, síðan hun var skirð. Fyrirgef

1 [kunna at biðia, er B, C. 2 þriatigi B, C. 3 vorra B, C.

þu henni, drottinn minn, ek bið þig, fyrirgef þu henni, lat þu hana eigi fara i fyrirdæming. Ok sannligha trui ek, at þu hefvir þat nu gert, sem ek bið þik, en vilianliga bæn munz mins bið þik at þu virðir. Heyrðu, drottinn, taki engi hana i braut af þínu skioli, komiz eigi milli yckar með afle eða umsat leon eða dreki 5 ok¹ se hun halldin af slægum rogbera, helldr se hun i friði með þeim manni, er hun giptiz aungum² aðr. Fyrir þeirra holld leiddir þu mik til þessa lifs, en ek veit eigi, til hverrar endalyctar þu hyggr mitt lif at leiða.«

Augustinus for heim ut i Affricam.

10

14. Eptir andlat moður sinnar for Augustinus ut um haf i Affricam ok heim til eigna sinna, þionaði³ guði i faustum ok heilugu⁴ bænahalldi ok goðum verkum hugsandi nott ok dag guðs laugmal. Hann tok þá ok at dicta bækr ok læra þá, er ofroðirs voru. Þenna tíma styrði guðs kristni Valerius byskup i þeiri 15 borg er Yppon heitir. En er menn vissu fyrirætlan Augustini ok ariæta kunnostu, sva kallaði ok at auðrum megin nauðsyn kristinnar, at sá prestir væri vigðr, er predicaði guðs orð fyrir borgarlyðnum, ok því toku þeir Augustinum uvaranda með valldi, því at hann sagði oss sialfr, segir sá er sauguna hefir dictat, at fyrir 20 þessi sauk forðaðizt hann aðr⁶ allra mest þær borgir til bygðar, er byskupslausar voru. Þeir helldu hann⁷ ok leiddu⁸ siðan til byskups, at hann væri vigðr til prez⁹; var þar til eitt allra samþycki ok ein fysi, at þetta gerðiz sem skiotazt. En Augustinus komz þá við af aullu hiarta, er þetta bar sva skiotliga til. Voru þeir ok, 25 er þyddu hans tár til metnaðar ok saugðu sva til hans sem með hugganarorðum, at prestzins vigslupallr var harðla sæmiligr, þo at hann væri enn meiri tignar verðr, saugðu ok, at sva mætti gerazt, at hann væri þá nalægri byskupligri tign. En hans hugsan var aull diupsettari ok með meiri skynsemð, því at hann sagði oss 30 sialfr, at hann sytti þat, hverssu mykinn¹⁰ saluhaska hann mundi hafva af ahyggiu stiornarinnar, ok þat¹¹ gret þessi guðs maðr, er þeira girnð gerðiz i þessu.

1 eigi tilf. C. 2 audrum tilf. B, C. 3 þionandi B, C. 4 helgu B, C. 5 fafrodir B, C. 6 mgt. B, C. 7 honum B, C. 8 35 hann tilf. B. 9 prestz B, C. 10 mikinn B, C. 11 því B, C.

Um þat er Augustinus setti klaustr.

15. En er Augustinus var prestur vorðinn, þá setti hann klaustr við sialfva kirkiuna ok tok at lifa þar með guðs pionostu-
 maunnum eptir hætti ok þeiri reglu¹, er af heilugum² guðs post-
 5 olum var i fyrstu sett ok skiput. Allra mest var þat boðit, at eingi hefði nockut eiginligtt i þeira safnaði, helldr væri þeim allir lutir sameignir, ok skiptizt hverium til handa, sem þaurf beiddi; hafði hann ok sva giortt fyrri sialfr, aðr hann færi heim ut um hafit. Heilagr Valerius vigslufaðir hans, með því at hann var bæði milldr, goðfuss ok guðrædr, fagnaði miok ok gerði guði þackir, er
 10 þær hans bænir voru heyrðar, er hann hafði optligha beðit, at guð giæfi þvilikan mann, er með guðs orði ok heilsamligri³ kenning mætti upptimbra ok endrbæta guðs kristni, sá hann ok, sem var, at Augustinus var því aullu nytsamligri þar til en⁴ aðrir þeir menn, er mikit haufðu numit af girðzkri tungu, sem hann kunni meira ok hafði lesit af latinu tungu, ok því gaf hann hinum heilagas Augustino
 15 til þess valld at predica guðs orð i heilagri kirkiu at ser hiaveranda ok þat sem optaz frammi at hafa i moti því, sem aðr var vandi kristninnar ut i Affrica. Ok því leitauðu nockurir byskupar æ þetta með nockuru hallmæli ok affocken. En sía hinn virðuligi byskup Valerius geymði eeki at þeira æleitni, helldr sá hann fyrir nytsemð
 20 kirkiunnar þat vitandi, at þetta gerðu margir um austrhalfru heimsins; sá hann ok þat, at Augustinus prestur fylldi⁶ þat nu fullkomliga, er hann vissi sig miok vanfæran til, þo at hann hefði meiri vigslu, ok því hirði hann eeki⁷ um þeira æleitni ok hallmæli. Nu er þetta hit biartazta lios var kveiktt ok uppsett yfir kertistikuna, þá tendraðizt þat sva biartliga, at [þat lysti þeim ollum⁸, er i
 25 guðs husi voru. Ok þegar er þessi frægð⁹ for ok fluttiz víða¹⁰, þá gafu hvervetna¹¹ byskupar valld prestum at predica guðs orð eptir þessa goða manz dæmi.

Um þat er Augustinus braut nidr skadsamliga villu.

16. A þessum stundum sveik marga menn i borginni Yppon
 30 skaðsamlig villa þeira manna, er Manichei eru kallaðir. Einn prestur

¹ reglu B, C. ² helgum B, C. ³ hialpsamligri B, C. ⁴ saal. B, C; er A. ⁵ helga B, C. ⁶ saal. B, C.; flutti A. ⁷ saal. B, C; eigi A. ⁸ [saal. B, C.; þeim lysti þat sva aullum biartliga A. ⁹ saal. B, C; fegrð A. ¹⁰ um allan heim B. ¹¹ i kristninni tilf. B, C.

peira, *sæ* er Fortunatus het, spillti mest folkinu fylgiandi þessi villu. En heilagr prestr Augustinus disputaði við hann ok sigraði² opinberliga, *sva* at allt folkit heyrði. En Fortunatus hneyktr ok makligha svivirðr flyði brutt af þeiri saumu borg ok var þar eigi síðan senn. Síðan flaut fagrliga frægð³ kenningar hins heilaga Augustini sem hinn sætazti guðs ilmr um aull herut Affrica ⁵ *sva* opinberliga, at þaðan af fagnaði aull kristni, því at *sva* sem allir limirnir harma ok hryggvaz⁴, ef einn sykiz, *sva* fagna ok allir hans heilsu. En þo fagnaði enn framarr Valerius byskup ok gerði guði þackir fyrir andligan velgiörning ser af honum⁵ veittan; tok nu, sem mannligr hugr er vanr, at ottazt, at Augustinus mundi verða tekinn fra honum ok kosinn til byskups nockurri annarri kirkiu, er höfðingialaus var. Ok *sva* hefði tekiz, nema hann hefði komit honum undan i nockurn leyniligan stað, *sva* at hann fanz eigi, þa er hans var leitat. Ottaðizt þessi enn virðulegi byskup þetta sama því meirr, er hann vissi sig bæði revrnadan⁶ fyrir alldrs sakir ok vanmegns⁷, ok því sendi hann leyniliga bref sitt til erkibyskups i Cartagine ok giorði [hvortveggia honum kunnigt⁸ alldr sinn mikinn ok likamliga vanheilsu, þess biðandi, at Augustinus væri vigðr til byskups i borginni Yppon til fulltings við sik ok kristninni til styrktar, en eigi þa þegar⁹ til valldzens viðtoku eða byskupsstolsins, ok þetta¹⁰ feck hann með innsigli erkibyskups. Eptir þetta bað Valerius byskup Melagium¹¹ erkibyskup Kalamensis borgar þess heraðs, er Numidia er kallat, at hann skyllði koma at vitia Ypponensis kristni. Ok er hann var ²⁵ þar kominn, birti Valerius byskup sinn vilia þeim byskupum, sem¹² þar voru við staddir, ok aullum klerkum i Yppon ok þar með aullu folki. Ok þo at [aullu folki¹³ kiæmi þetta *æ* uvartt, þeim¹⁴ er heyrðu, toku allir með fagnaði ok fysi ok baðu með myklu atkalli, at þetta skyllði skiott fullgiorazt, at Augustinus ³⁰ væri til byskups vigðr. En hann talðizt undan ok [kallaðizt eigi¹⁵ byskups vigslu vilia taka at sinum byskupi lifanda i mot sið ok vanda kirkiunnar. Ok þa er hann var þess eggjaðr af aullum, at hann skyllði vigslu taka, ok saunnuðu þat vera siðveniu bæði i Affrica ok víða annarstaðar i kristninni ok sogðu þar til morg ³⁵

¹ *saal. B.*; þessu *A. C.* ² hann *tílf. B. C.* ³ *saal. B. C.*; ok *tílf. A.* ⁴ hryggiazst *B. C.* ⁵ gudi *B.* ⁶ hrörnadan *B. C.* ⁷ vanmegnis *B.* ⁸ [honum kunnikt hvarttveggia *B. C.* ⁹ með ollu *tílf. B. C.* ¹⁰ sama *tílf. B. C.* ¹¹ Megalium *B. C.* ¹² er *B. C.* ¹³ [aullum *C.*; þeim *B.* ¹⁴ *mgl. B.* ¹⁵ [*saol. B.*; talðizt eigi *C.*; eigi eigi (!) *A.*

dæmi. Ok sva tilskylldaðr eða nær nauðgaðr, varð hann undir at ganga þenna vanda ok tok byskups vigslu. En þo sagði hann sva síðan, at eigi skyldi þetta giorðzt hafa, at hann væri vigðr, meðan hans byskup lifði, ok ritaði þat, sem hann nam, síðan hann var 5 vigðr, at þetta var i moti skipan almenniligs þings, því at eigi villdi hann, at þat væri auðrum giortt, er hann harmaði við sialfan sig gertt hafva verit. Heðan af lagði hann mikinn hug æ, at þat skyldi skipat vera æ byskupa þingum, at þeir, er vigslur gerði, [skyldi kunnar gera þeim, er vigiaz skylldu, eða þeim, er aðr 10 voru vigðir, laugligar setningar allra lærðra manna.

Um hversdagliga sidu Augustini byskups.

17. Þæ er heilagr Augustinus hafði tekit byskups vigslu², predicaði hann guðs orð enn berligar ok staðfastligar³ ok með meiri rauksemð en aðr, eigi at eins um eit herat, helldr ok hvervetna 15 þar sem hann var beðinn til at⁴ koma, bæði glaðliga ok sætligha buinn iafnan at giallda skynsamlig andsvaur þeim, er beiddu, af heilagri tru ok von þeiri, er til guðs er. Tok nu bratt miok at vaxa ok styrkiaz guðs kristni um alltt Affricam af hans pred- ican. Þvi [fylgði hann um⁵ vigslugerðir við presta ok klerka, sem 20 meiri [samþykkt er⁶ til kristinna manna eða síðligr vandi kristninnar. Igangsklæði hans ok skokklæði ok reckiuklæði voru með stillingu⁷ ok viðrkvæmiligum hætti, hvarki miok vaundut ok eigi miok afleitlig; því at honum syndiz, sem af þessu auðru hvaru villdu sumir synaz haleitligir en sumir auðgiætligir, sva leitandi sinna luta en 25 eigi þeira, er Jesus Kristz eru⁸. En hann helltt i þessu mitt hóf ok hneigði hvarki til hægri handar ne vinstri. Borð helltt hann hofsamliga ok athugasamliga sparligtt, let hann frammi vera kal ok graus ok stundum kiot fyrir sakir gesta ok þeira manna, er ustykrir⁹ voru. Hann drak iafnan vin¹⁰, því at hann vissi ok kendi sva 30 auðrum, at aull skepna guðs er goð ok ecki afvirdandi¹¹, þat er með þaukum er neytt við guð, því at þat helgaz alltt fyrir guðs orð ok helga bæn. Spanu at eins hafði hann af silfri, en aunnur ker eða borðbunaðr voru af tre eða marmara eða steypit af elltu leiri, sva sem grytnr eða pottar. Þetta var þo eptir hans vilia, 35 en eigi sakir aureigðar eða fataegðar(!)¹².

1 [saal. B, C; skylldu kunna A. 2 tign B, C. 3 saal. B, C;

staðfestaligar A. 4 tilf. B, C. 5 [saal. B; fylgðu honum A;

fyldi hann um C. 6 [saal. B, C; samþycr var A. 7 stilliligum

B. 8 saal. B, C; voru A. 9 ostrykari B, C. 10 mgl. B, C.

11 afvirdanda B. 12 fataekis B, C.

Fra Augustino.

18. Þessi heilagr Augustinus byskup geymði iafnan at taka bliðliga við gestum. Ok er hann sat yfir matborði, elskaði hann meirr lesning heilagra boka eða þess hattar tal en fæðzlu eða dryk; ok i mot skaðsamligri uveniu nockurra manna hafði hann sva 5 ritað æ sinu borði:

Quisquis amat dictis absentum¹ rodere vitam,
hanc mensam indignam noverit esse sibi.

Þessi vers megu sva vera skilin: Hverr sæ, er elskar at gnaga² meðr umlestri lifnat fraverandi manna, viti þetta borð ser umakligt. 10 Ok því minti hann æ alla þæ, er at matborði sitia, at hallda sik skyllduliga fra skaðsamligum ok þarflausum orðum. Ok nockura sambyskupa ser hina kiaruztu, þæ er gleymðu eða i mot mæltu þessi ritning, hirti hann nockut sinn sva stríðliga, at þeir skylldu³ skiott brott ganga⁴ fra bordinu, ella myndi hann um mitt matmæl 15 upp risa ok fara til sins herbergis. Ok þetta sama profodum vær æ sialfum oss, er þa satum yfir bordinu, segir sa er sōguna hefir dictad. Jafnan var hann minnigr fatækra manna, þeim miskun-samliga ōlmusu at veita af sliku sama efni, sem hann hellt sig ok alla, þa er med honum voru. En þa er kirkiufee tok miog at 20 þverra, gerdi hann i kunnleika kristnu folki, at eigi hafdi hann þa efni til fatækum monnum at veita. En þetta [hefda ek eigi⁶ sagt, nema mer syndiz þat vidrkvæmiligt vera i mot likamligri skilning nockurra manna, segir sa er soguna hefir ritad, ok þetta sama sagdi ok ritadi virðuligrar minningar Ambrosius byskup i slikum naudsynium efalausliga vera geranda. Hann minti ok a, er hann taladi i heilagri kirkiu, at betr væri geymt, ef vanrækt 25 er⁷ af rettruðndum monnum fehirdzla kirkiunnar edr skrudhus, þadan er naudsynligir lutir flytiaz til alltaris, sagdiz hann hafa heyrt helgan Ambrosium predica af því sama efni, svo at hann var hia.

Ysidorus byskup segir fra bokagerd Augustini.

19. Sæll Ysidorus byskup talar þessum lofsamligum ordum af 30 hinum helga Augustino byskupi. Allra þeira manna idnir, er

1 saal. B, C.; eabsentm A. 2 saal. B; ganga A, C. 3 skyllði B, C. 4 Her er i A uðrevet et Blad, hvis nederste Del er i Behold og findes i No. 627 quarto; den øverste Del er bortskaaren saaledes, at paa første og tredje Spalte ere af 44 Linier de sidste 18 tilbage, og paa 35 anden og fjerde Spalte de sidste 19. Vi benævne dette Bladfragment a. Hvor A og a mangler, lægges B til Grund. 5 undir C. 6 [saal. C; hefði ek B. 7 var C.

margar bækur hafa diktad, sigrar enn helgi Augustinus með sinu mannviti ok snilld, því at hann diktadi ok ritadi svo marga ok mikla hluti, at því sidr fær nokkurr maðr ritad hans bækur allar ær sinum alldri, at engi vinzt til þær allar at lesa. Augustinus þessi kallaz ok Aurelius ab aura, þat er af lofsamligu eptirmæli allz folks, fyrir þat er hann aukaði almenniligan rett i sinni bokagiorð. Nafnn Augustini þyðiz ok augmentatus², því at hann lagði marga hluti við til nytsemðar, þa er hann sneri girðzkum bokum i latinuliga snilld.

10 Fra riti heilags Jeronimi.

20. Sæll Jeronimus prestr tulkr heilagrar biblie³, þa er hann var miok vanmegnn af mycklum alldri, ritaði hann sva milli annarra hluta til Augustinum: «Ver⁴ haufum nu miok fylltt vora lifsdaga ok starfat slíkt, sem ver haufum matt kristninni til styrktar; en fyrir því at þu vartt lengi syslulauss af þessu erfviði, hæfir þer nu at starfa, en oss at hvilaz.» Merkit, hinir kærustu bræðr, at hinn sæli Jeronimus hit biartazta lios heimsins dæmði ongum [odrum vidrkvæmiligras æ hendi at fela vanda ok æhyggju at bera fyrir heilagri kristni almenniligri en þessum hinum sæla Augustino⁶.

Af einum meistara.

21. Prosper einn agætr meistari talar þessum ordum af Augustino i sinni bok: Heilagr Augustinus var hvass i hugviti, blidr i mali, froðr a þessa heims ritningar, starfsfullr i erfvidum fyrir kristninni, biatr i hversdagligri disputan, forsiall i allri sinni athöfn⁷, sannkristinn i skyringu truar varrar, glöggr i losan vandra⁸ spurninga, athugasamr i sigran villumanna, viss ok varr i þydingu laugsamligra ritninga.

Fra einum virduligum meistara.

30 22. Sva talar enn einn virduligr ok viss meistari: Heilagr Augustinus byskup, er kallazt rettliga skinanda lios spekinnar,

1 Med dette Ord begynder første Spalte i a. 2 saal. B, C; augmentatus a. 3 biflie B. 4 saal. B, C; var A. 5 [saal. B, C; þeira viðkvæmligha(!) a. 6 Her ender første Spalte i a. 7 atferd C. 8 saal. C; vandra B.

vinr¹ sannleiksins, vernd truarinnar, sigrar bædi at bokfræði ok briostviti alla kennifedr heilagrar kristni; blomgadiz hann fagrliga bædi af verkum kraptanna ok framflutning heilagra kenninga.

Fra einni godri konu.

23. Ein goð kona ok þurftug reyndi þat, hversu stadfasta 5 syn hiartans enn sæli Augustinus hafði til heilagrar þrenningar, þa er hann predicadi² fyrir folkinu af sialfri guds þrenning, er hun kom ok fell til fota honum ok bad hann hialpar fyrir sinni naudsyn. En hann miskunnadi henne eigi, því at hann sa hana eigi. Hvarf hon sidan með hrygd a braut. En a næstu nott, er 10 hun sofnadi, syndiz henne sem hun væri uppnumin til guðligs hæasetis, ok þar sa hun sælan Augustinum standa a kniam fyrir heilagri þrenningu, ok hellt upp hondum ok sa upp a þrenningina með hinni hvassuztu syn. Þa heyrði hun raudd af guðligu hæseti, þa er sva sagði: »Heyrðu kona! þessi Augustinus festi sva 15 giærdags a mer augu sins hiarta, þa er hann hafði likamlig augu byrgð til þin, er þu fellt [at fotum⁵ honum, því at hann matti eigi vikia synina⁶ fra mer ok til þin. En nu kom þu a myrgin⁷ snemma til hans, ok mantu þa reyna giæzku hans.« Sva gerði [hun, ok⁸ kom um morguninn a fund guðs þionostumanz Augustini, 20 en hann tok við henni með hinni mestu miskunnsemð, því at hann kendi þa ena saumu vera, sem⁹ hann hafði a himni set um nottina.

Fra þeim er soguna hefir dictad.

24. Eigi er þat vartt, segir sa er sauguna hefir dictat, at greina með skaummu mali, hvilikan ofrið ok umsatir þessi enn 25 virðuligi byskup Augustinus hefir poltt af villumaunnum Donatistis, Manicheis ok Arrianis. Þvi at einn dag, er hann for veg sinn at telia tru fyrir¹⁰ maunnum heilagri kristni til styrktar, þa haufðu þeir villumenn, er ek nefnnda fyrr, er¹¹ Donatiste eru kallaðir, settz¹² fyrir honum folmennir¹³ með alvæpni a þeim veg, er hann 30

1 vegr C. 2 guds ordum tilf. C. 3 Med dette Ord begynder anden Spalte i a. 4 i tilf. C. 5 [til fota C. 6 saal. a, B, C. 7 morgin B, C. 8 [konan, at hun B, C. 9 er B, C. 10 kristnum tilf. B. 11 ok B, C. 12 rettet; setter a; setid B, C. 13 folment B, C.

skyldi¹ fara, ok ætludu at hafa lif hans, ef þeir hefði hann fundit. En hann veik ~~æ~~ annan veg, en hann hafði adr ætlat, ok fordadiz sva lifshaska hlifdr med guds miskunn.

Fra enum helgum Augustino.

25 25. Heilagr byskup Augustinus let til sin bera, nockuru adr en hann tok hina efstu sott, bækr þær, er hann hafði dicta(t)², at hann mætti þær glogliga skynia ok ranzsaka ok retta, þar sem honum þotti þurfa, bædi þær er hann hafði i fyrstu dictad a tima sinnar rettsnuningar, þa er hann var ovigdr, ok svo ok þær, er hann dictadi, þa er hann var prestr edr byskup; ok hvat sem hann þekti sig annan veg dictad hafa eda ritad, en kristilig regla hefir ok helldr, þa er hann vissi minnr ok skildi almenniliga tru, færði hann þat i lag ok gerdi rett. Ok því ritadi hann tvær bækr, þær er þess hattar titull er fyrir de recensione librorum, 15 þat er sem boka rannsakan eda retting. Hann harmadi ok nockurar bækr fra ser teknar ok braut bornar af nockurum bræðrum, adr [en hann hefði þelat eda emendat³, þott⁴ hann hefði þær sidan rettar gervar. Þær voru ok nockurar hans bækr, er eigi voru algiörvar, adr hann andadiz. En þar sem hann villdi öllum stoda, 20 þeim er bækr mattu lesa, ok þeim er eigi mattu, þa diktadi hann eina bok af gudligu lögmali bædi af hinu nyia ok hinu forna, ok las þar saman bædi boðits ok bannat, at i þeiri bok kendi hverr sialfan sik, hvartt hann væri hlyðinn eða uhlyðinn guðs boðorðum, ok nefndi hann þetta sitt verk speculum, þat er [kallat skuggsio⁶.

25

Fra enum helga Augustino.

26. Heilagr Augustinus predicadi guðs erendi alltt fram til sialfrar banasottar sinnar an aflati glaðliga með styrku ok heilu hugskoti ok heilsamligu raði i heilagri kirkiu, alheill at aullum likam ok sva at syn ok heyrn. Þessi hinn heilagi byskup lifði 30 .lxx. ara ok .vi. ar, [en i klerkdomi ok byskupsdomi⁷ sinum nær .xl. ara⁸. En i banasott sinni bauð hann, at honum skyldi rita þaa faa psalma af Daviðs psalltara, sem einkanliga eru af sannri

1 Her ender anden Spalte i a. 2 tilf. C. 3 þelat eda emendat saal. rettet; þela æmenda C. 4 [tilf. C. 5 Med dette Ord begynder tredie Spalte i a. 6 [kollud skuggsea B; skughsio kaullud C. 7 klerkdomi ok byskupsdomi saal. B; klerkdæmi ok byskupsdæmi a. 8 [mgl. C.

35

synða iðran; setti hann þessi kvaterni við vegginn hia hvilunni, ok las þar af psalmana opttliga, meðan hann læ i þessi sott, ok felldi iafnan noglig¹ iðrunar tar. Nockurir diofuloðir menn voru leiddir til hans, er hann læ i sottinni, ok með heilagri bæn rak hann diofla fra þeim ok gerði þa alheila. Þa² kom til hans einn 5 siukr madr ok bad hann leggja hendr yfir hofud ser ok gefa ser heilsu. En byskup svaradi: »Ef ek mætta nockut, þa munda ek fyrri veita mer þat, er þu beidiz.« Þa sagdiz enn siuki madr heyrð hafa rodd af gudi sva til sin mælandi: »Far a fund Augustini byskups ok bid hann leggja hönd yfir þik, ok muntu 10 heill verða.« En er heilagr byskup hafði þetta heyrð, lagði hann med sinni blezan hönd yfir enn siuka ok let hann iafnskiott heilan heim fara. Ecki gerði hann testamentum, því at hann hafði sig fataðan gert fyrir Kristz ast ok hafði afð eingu ath giðra. Heilaga bok kirkiunnar bibliotecam ok adrar helgar bækr bad hann, at 15 iafnan væri vandliga geymdar eptir hans dag; hvat sem kirkian atti i skrudi eda fiarmunum feck hann i hendr trulyndum presti, þeim er geymt hafði kirkiunnar goz um hans daga. Eigi audgadi hann i sinu lifi edr vid daudann, svo sem margir giðra, sina nafrændr, hvort sem þeir voru klæddir eda eigi, helldr veitti hann 20 þeim sem odrum, meðan hann lifði, þat sem þurft beiddi, eigi at þeir audgadiz, helldr at þeir þyrfti þa eigi eda væri minnr þurfandi. Klerka ok klaustr karla ok kvenna, er hreinlifi helldu med sinum formonnum, gaf hann fullkomliga i kirkiunnar valld, svo ok þær bækr, er hann hafði dictat eda adrir helgir menn, 25 med sinum hirdzlum.

Andlat heilags Augustini.

27. En til þess at af engum manni mætti⁴ bæn hans talmazt þaðan af, bað hann nær .x. daugum, aðr ond hans skildiz við likamann, at engi maðr gengi inn til hans nema þær stundir at eins, 30 er lækna komu at sia sottarfar hans, eda fæzla var honum færð, ok sva var geymt ok giort. En hann let alldregi af heilagri bæn æ þeim aullum tima, ok milli bænarorða sofuaði hann með feðrum sinum i goðri elli til himinrikis af þessum heimi. Ok at oss hia-verandum ok siandum ok biðiandum⁶, segir sæ er sauguna hefir 35

¹ gnoglig B, C. ² Her ender tredie Spalte i a. ³ saal. C; at B.
⁴ Her begynder fjerde Spalte i a. ⁵ saal. B, C; skiliz A. ⁶ fyrir sal hans tilf. B, C.

dictat, var fyrir honum guði fornn færð i heilugum messusaung, ok
 síðan var eptir sið likamr i iorð grafvinn. Af þessum lutum, sem
 nu hafva ritaðir verit, **mæ** kunnicktt verða¹, hverssu mikill upp-
 halldzmaðr hinn sæli Augustinus hefir verit með guðs gíof heilagri
 5 ok almenniligrí kristni, ok er íafnna, sem hann siaiz² lifandi i
 sinum kenningum rettruaðum maunnum. Sva finzt ritat, at einn
 veralldar spekingr hafði boðit³ at hann skyldi vera grafvinn
 við almenniligan veg, síðan hann var dauðr, ok dictaði þessi
 tvau⁴ vers⁵:

10 Vivere post obitum vatem vis nosse, viator,

Quod legis ecce loquor, vox tua nempe mea est.

Þat **mæ** sva vera skilit: Ef þu, farandi maðr, villtt vita, at skalldit
 lifir eptir dauðann, hygg at, þat eru min orð, er þu less, ok því
 eru þin orð min. Þessi dæmisaga **mæ** vel heyra hinum heilaga
 15 Augustino i þann stað, er⁶ sialfr sannleikrinn giorir þat aullum
 augliost⁷, er yfir lesa þær ritningar, er þessi guðs astvinr hefir
 dictat af tru ok von ok heilagri ast kristninni til nytsemðar ok
 þeim til styrktar, er lesa, hverssu heilagliga ok rettliga hann lifði
 ok lifir enn eptir likamligan dauða. En ek hygg, segir **sæ** er
 20 sauguna hefir dictat **æ** latinu, at enn mætti meira lesa af honum
 ser til nytsemðar hverr, er hann sá ok heyrði predica⁸ i heilagri
 kirkiu, ok kunnig var hans meðferð⁹ milli manna, því at hann
 var eigi at eins frægr¹⁰ ritari i himnaríki, þat er i nuverandi
 kristni, **sæ** er fram bar af sinni fehirðzlu nyia luti ok forinna, þat
 25 eru visendi hvarstveggia laugmals, eða **sæ** kaupmaðr, er selldi alla
 hluti, **þæ** er hann atti, ok keypti einn agiætan gimstein, er hann
 hafði fundit, heldr var hann ok einn af þeim, er sva er af ritað:
 »Giorit sva sem þer talit,« ok einn¹¹ af þeim, er lausnarinn segir,
 at sa man mykill vera kallaðr i himinríki, er bæði gerir ok kennir.
 30 Nu bið ek mykiliga yðra astsemð, er þessa saugu lesit, segir **sæ**
 er dictaði, at þer giorit almattkum guði þackir með mer ok lofit
 drottin, er mer veitti skilning, at ek mætta ok villda þessa hluti
 i kunnleika giora hiaverandum ok fraverandum, þeim er nu eru
 ok vera munu, ok biðit með mer ok fyrir mer, at ek hafa her
 35 fyrir þessa¹² heilags manz hylli, er ek lifða með af guðs gíof nær

1 hvílikr eða tilf. B, C.

2 syniz B.

3 Her ender a, og nu be-

gynder atter A.

4 saal. B; tva A, tvo C.

5 ok bad rita yfir

leidinu tilf. B; ok skrifadi yfir leidinu C.

6 at B, C.

7 liost

B, C.

8 saal. B, C; predicat A.

9 her tilf. B, C.

10 frodr

B, C.

11 enn B, C.

12 saal. B, C; þess A.

.xl. ara sætliga ok frialsliga utan nockura mykla misþeckan, at ek mega guði lika bæði her ok i ukomnu lifvi.

Fra Augustino.

28. Heilagr Augustinus var æa daugum konunganna Archadij ok Honorij sona Theodosij keisara hins goða miok frægr i guðs kristni af kenningum sinum ok speki ok bokagiorð. Þessi heilagr byskup af guðs anda lærðr dictaði i heilagri kristne maunnonum til siðbotar bækr, skyringar ok pislá þusund ok .xxx., at frateknum þeim lutum¹ er eigi maa taulu æa koma. Virðuligr hans likami var i fyrstu fluttr or sinni² borg Yppon fyrir sakir ufridar i Sardinarey, er liggir fyrir Affrica, en siðan var hann fluttr af Leobrando Langbarða konungi i þaa borg, er Papia heitir, ok Ticinum kallaz oðru nafne, ok veggamliga varðveittr i Petrs kirkju með micklum fekostnaði, aðr konungrinn fengi helgan dominn.

Af Vilhelmo.

15

29. Broðir Gilhilmus lector af sið berfættra bræðra i Marsil sagði sik lesit hafa i sententijs af hiarta hins sæla Augustini, þat er varðveitt er i þeiri borg⁴, er Vercellis heitir, ok synizt i fyrstu visit, sem von er, en þaa er fyrir þessum helgum domi er lesit af þeiri bok, er hann sialfr hugsaði ok settis af hinni hæstu guðs þrenning i mot villumaunnum, þrutnar hiartat því meirr, sem leingr er lesit af þeiri saumu bok.

Lof heilags Augustini.

30. Heilagr Augustinus byskup er hinn styrkazti⁶ stolpi almenniligrar truar; hann kallaz ok himneskr luðr, herraliet lios, malsnilldar ker, fehirðzla vizkunnar, verndarmaðr kristninnar, uruggr⁷ bardagamaðr i mot villumaunnum, en sannr elskari heilagrar þrenningar. Nu biðium, kiæruztu bræðr, at oss veitizt fyrir þessa byskups bæn at batna af hans kenning ok hana⁸ at fulgiora, ok

¹ mgl. B, C. ² þeiri C. ³ Saal. C; fra brodur einum B. ⁴ Italie tilf. B. ⁵ samsetti B, C. ⁶ sterkasti B, C. ⁷ auruggr B, C. ⁸ saal. B, C; hafa A.

þangat at koma, er heilug þrenning ok almattr þeirar þrenningar rikir ok dyrkar i sífellu sína helga menn, þeire saumu þrenning se vegr ok lof ok dyrð um allar alldir. Amen.

APPENDIX.

5 (*Fragment af en ældre tospaltet Pergamentcodex, 221 folio. Nederst paa et Blad i denne Codex, hvilket indeholder Slutningen af Biskop Jons Saga, jvf. Bp. Sögur 1. 202, findes en Overskrift med røde Bogstaver til Augustinus Saga, hvorefter første Blad af selve Sagaen mangler, det andet derimod er tilbage. Overskriften og det tiloversblevne Blad meddeles her, jvf. ovenfor S. 125^{2a}—128^{2a}.)*

10 Her hefr saugu hins mykla Augustini sva sem herra Runolfr aboti Sigmund[arson] af Veri snaraði af latino. prolog[us].

engi maðr kennde honum. Heyr þv gvð drottinn segir sa er þessa sægv hefr dictat. þv veizt at skiot skilning oc hvass næmleikr er þin giof.

15 Af Færsto villvmanni.

Þa er Avg' hafði ix vetr oc xx. kom i borgina Kartaginem einn b'p Manic[he]orum þeirra villvmanna er sva ero kallaðir sa er F[au]stus hét at namne mykil diof[v]ls snara því at hann var hinn nafn frægasti millvm villvmanna af mykille kunnasto oc fröðleic
20 oc hann hafði yfir lesit allar hofuð iþrottir. En því at Avg' hafði lesit margar bōkr spekinga oc hellt þaðan af i minne marga lute þa bar hann samt slict sem hann hafði lesit við orð oc kenning þessa villvmannz er mart hafði saman ritat af ymislegum lutum oc skilði at haðuleg var hans kenning oc villa oc vtan alla skyn-
25 semd. Oc er þeir taka tal sin i millvm fann Avg' þenna mann bliðan i mali oc með skemtilegu viðrtali. þui at bōkr þessa villvmanna ero fullar af skræsaegum oc þeir tala með falsi af himne oc stiorrv mörkum. af sol oc tvngli. Enn er Avg' bað hann rannsaka oc gera sanna sína kenning þorði villvmaðrinn eigi þat

gera oc skammaðiz nv eigi þat at iata at kenning hans var eigi sænn oc sva sigraðr fór hann i brott.

Avg' skilði við moður sina.

Eptir þetta hugsaði Avg' at fara hegat norðr vm hafit til Roma borgar oc fystiz helldr þar skola at hallda slikan sem hann hafði aðr halldit i Cartagine. einna mest firi því at hann hafði heyrt at vngir menn mætti þar hafa frialslegra studium. Þvi at i Cartagine var þa nockorr vkyrrleikr, enn þessi hans hugsan var sannlega guðlig skipan. Oc er hann hóf vpp þessa ferð fylgði honum moðir hans allt til hafs mioc biðianndi at hann fœri eigi þessa ferð. eða leyfði at hon fœri með honum. hann let eigi alhuga sinn vppi firi henne oc sagðiz eigi mynndv fyrr skilia við vini sina enn byrr kiæmi. Moðir hans villdi með honum fara til herbergis vm kuelldit. enn hann eggjaði hana oc feck þo varla at hon væri vm nottina i þeim stað er nalægstr var skipi þeirra oc giðr var minning hins heilaga Cipriani b'ps er pinndr var við Kartaginem. Enn þegar þav voru skilit steig hann a skip oc ferðaðiz brott vm nottina leynilega. Moðir hans var a bönum þa nótt biðianndi guð at talmaðiz brautferð sunar hennar. Enn gvð gaf Avg° beinan oc bliðan byr sva at skipit bar skiótt fra landi ór augsyn enn varðveitti hann af allum sioar haska. Moðir hans kom snemma til strannðar vm morgoninn i þann stað er þau hafðv skilit vm quelledit oc sa nv huat gôrð hafði. toc nv at grata meðr ôsilegum harme brætferð sunar sins. oc bað guð heyra sic i sinne næðsyn. enn firi því gret hon oc sytti at hon vissi eigi hueria fagnaði guð munndi gera i brautferð sunar hennar. Oc eptir mykinn grat for hon til þeirra staða sem aðr hafði hon verit. toc þa af nyio at biðia til gvðs firi syne sinum.

Avg' kom

Enn er Avg' kom i Romam fell hann litlv siðarr i mykinn sivkleik oc ef guðs miskunn hefði eigi dualit hans lichamlegan dauða hefði hann farit til helvitis beranndi með ser synðir sinar. Enn þetta visse moðir hans eigi oc bað firi honum fraveranda oc fœddi hann nv meðr meire mœði anndlega en fyrre lichamlega. hon gerðe huers daglegar olmvsvr fatðokum monnvvm þeim litillatlega pionanndi. Engan dag gleymði hon firi honum fornir at fœra kuelld

oc morgin an aflate kom hon til kirkiv eigi til þess at heyra hegomlegar saugur helldr at heyra guð i sinvm orðum oc guð heyrði hana i sinum bönum firi hialp sunar sins. Þa er Avg' varð heill af þeirre mykille sott er hann hafðe fengit. toc hann
 5 nv at kenna rethoricam er vær kallum malsnilldar list. þui at hann hafði firir þat emni þangat sott oc samnaðiz huersdaglega m[art] manna til hans herbergis.

fra Avg' oc moður hans.

Síðan var sent af Meilans borg til Roma borgar greiva at
 10 hann senndi þeim meistara þann er þar mætti kenna rethoricam. Enn Simacus greifi senndi Augustinvm vel profaðan meistara a þa list sem allar aðrar. Oc er hann kom i Meilans borg fann hann þar firir Ambrosivm agætan b'p er vm allan heim var frægr af hinum bæztum lutum. Ambrosius b'p toc við honum faðurlega
 15 oc elskaði hann b'pliga kominn i okunnigt land. Avg' toc hann oc mioc at elska oc gefa gavm orðum hans með athuga oc gladdiz af sötleik hans malshattar. Eigi hirði hann sva mioc at nema þa lute er hann sagðe helldr var honum þat faheyrt oc dasamliet huersv hann sagði. þa er þessir lutir giorðuz kom a funnd Avgvstini
 20 moðir hans mild oc mattug i goðum verkum er honum fylgði bæði a sio oc a landi treystanndi gvðs miskunn i vel hveriom haska. þa er hon for hingat vm hafit varð hon oc hennar skiparar staudd i myklum haska enn hon huggaði þa alla þeim heitanndi bæði hofn oc heilsv. þui at guð hafði henni þat birt oc með
 25 vitran firi heitit. Enn þegar Avg' fann hann þa Manicheus þeirrar villv maðr oc eigi sannliga cristinn. hon fagnaði þa harðla mioc er hon heyrði hann með allv fra skilðan villunne þo at hann hefði sannleikinn eigi þa enn fullkomlega oðlaz. hon mælti þa með myklv træsti. Ek trve at
 30 guð veiti mer at ek sea þic svn minn sanner cristinn aðr ek liða af þessv lifi. Nu af nyio bað hon iamnan til gvðs með mykille tara ýthellingv at skiótlega veitti hann sitt fullting at lysa hiarta myrkr Avg'. Moðir hans elskaði hinn heilaga Ambrosium sem engil gvðs. þui at hon skilði at firi hann hafði þat gorz at Avg' mvndi
 35 eigi apr huerva til hinnar fyrre efanar oc villv. hon toc nv enn at minnaz gvðs heilagra manna sem fyrr hafði hon gert vt i

Affrica oc villde offra vit þeirra graupt bræð oc vin eða fózlar þar til er henni var þat bannat af gæzlumonnum. toc hon þat þegar með þæckum er hon vissi at b'p hafði þat bannat. Fórði hon þa fózlu síðan fatökum monnum. oc i mot iardlegum avoxtum er hon fórði fyrre nam hon nv at forna við graupt heilagra pislar- 5 vatta helgar bônir af reinv brioste. A huerium sunno degi heyrði Avg' Ambrosium retlega skyrannða fyrir folkino orð sannleiksins sealfs optlega sva segiannða i sinne predican Littera occidit spiritus uiuificat. þat ma sva vera sagt. Ritningin drepr þess onnd er hana skilr oc varðveitir lichamliga. enn ef hon er anndlega skilit 10 lifgar hon þess onnd er hana varðveitir. Avg' hafði iafnan samtal af morgum vönndum spurningum vit þa¹ hina kærustv vine sina er annarr het Alippius enn annarr

¹ Her er ladet aaben Plads for et Ord.

BARBARE SAGA.

(*Cd. Holm. 2 folio, A; 429 octavo, B*)

Her byriar upp sögu heilagrar Barbare meyar ok segir hversu hun
endi sitt lif med storum þrautum.

5 A dögum Maximiani keisara war nockurr höfðinghi, sa er
Dioskorus¹ het, audigr hardla ok heidinn ok trudi a skurdgod, en hann
atti dottur, þa er Barbara het. Fadir hennar giörði stöpul hafan
ok lukti² dottur sina i stauplinum, sva at [menn mattu eigi³ sia
hana ok vænleik hennar, þviat hann var vandlatr⁴. En er hon
10 var gíafwaxin, þa badu hennar gaufgir menn. Fadir hennar geck i
stöpulinn ok mællti vit hana: »Storgætingar⁶ bidia þin, dottir, en
þu seg sialf, hvern þu will kiosa⁷.« Heilaug Barbara svaradi med
reidi ok mællti: »Eigi þarftu þat at ætla, fadir, ath ek [leggja þocka
æ nöckurn⁸ þeira.« Þa geck fadir hennar brott or stöplinum ok
15 let fá at hallargerð ok safnadi mörgum smidum, at þetta verk
mætti sem skiotaz fram fara, ok syndi hann smidum, hverso hann
willdi gera lata haullina, ok gallt hann þeim i hönd allt verkkaup,
ok for sidan i fiarlægt herad ok var leingi heiman. En ambatt
guds Barbara kom at sia verk smida, ok sa hun tvo glugga nordan
20 æ höllinni gerva ok mællti wit smiduna: »Fyrir hvi gerdut þer
tvo at eins glugga?« Smidirnir svörudu: »Fadir þinn baud oss
sva.« Barbara mællti vit þa: »Giörit mer enn þridia glugg.«
Þeir svörudu: »Hræðumzt vær, drotning, ath fadir þinn reidiz oss,
ok megum vær eigi standaz reidi hans.« Guds ambatt mællti:
25 »Giörit þer sem ek byd, en ek mun stöðva reidi föður mins um
þenna hlut.« Þa gerdu smidirnir enn þridia glugg, sem hon hafde

1 *Saal. B; Dischorius A.* 2 *lauk B.* 3 *[eingi madr mætti B.*

4 *um hana tilf. B.* 5 *a B.* 6 *storgiæðingar B.* 7 *eiga B.*

8 *[felli hug minn til eins B.* 9 *at gera tilf. B.*

mællt. Þá geck en grandvar(a)zta mæR Barbara eptir¹ höllinni, en er hun kom i austratt, þá reist hon med fingri sinum krossmark **æ** steini, ok ma þat sia allt til þessa dags. Þá geck Barbara inn i afhus þat, er upp spratt hreint vatn, ok gerdi hun þar enn krossmark **æ** steini, ok taka truadir² menn sidan margfallda hialp ok 5 heilso i þeim stad. I þessum brunni tok Barbara skirn af nøckurum helgum manne, ok lifdi hun þar nockura tid vit skogar hunang ok likti fæzlu [sina ok lif³ eptir Johanni baptista. Sia brunnr, er Barbara var skird i, liktizt þeim brunni, er gudspiöll segia, ath sa þó andlit sitt i, er blindr var borinn, ok tok syn sina. Sia 10 brunnr liktizt því lifanda watni, er syndug kona bad Krist gefa ser at brunni. En er heilög Barbara kom aptr i stöpul sinn, þá leit hun þar skurdgod fodur sins or malmi giörr, ok tok traust af helgum anda ok mætt af guds krapti, ok spytti hun i andlit skurdgodunum ok mællti: »Verdi ydr likir þeir, er ydr gerdu, ok allir 15 þeir, er ydr treystaz.« En er hon hafdi þetta mællt, þá bad hun guds krapt fella skurdgodin, ok vard sem hon bad.

Fra Dioschoro.

2. En er Dioskorus kom heim aptr fadir hennar or enni löngu heimanför, þá leit hann **æ** höll sina algerfa ok **sæ** þria glugga ok 20 mællti vid smidina: »Fyrir hvi settut þer þria glugga?« En þeir svöruðu: »Dottir þin baud oss svo.« Þá kalladi hann þangat dottur sina ok mællti: »Baud þu, dottir, at gera þria glugga?« Hun svaradi: »Þat gerda ek, ok vel gerda ek þat⁴, þvíat þrir gluggar lysa hvern mann, er kemr i heim, en tveir gluggar mega 25 myrkvir vera.« Fadir hennar mællti: »Hversu mega þrir framar lysa en tveir?« Barbara svaradi: »Þrir merkia fódur ok son ok helgan anda einn sannan gud, þann er hverium manne byriar at göfga.« Þá reiddizt fadir hennar ok bra sverdi ok villdi þegar höggva dottur sina, en hun bad drottin ser hialpar, ok gafzt henne 30 rum ath fara [i gegnum steinvegginn⁵, ok var hun uti því næst **æ** fialli. En [i þeim stad voru hirdar⁶ tveir, þeir er hana sa flygia. Fadir hennar kom eptir henne ok villdi taka hana ok spurdi hirdana, ef þeir sæi hana. Annarr daldi ok kvedz eigi hana hafa sied, en annarr, sa er grimari var, retti fingr sinn ok 35

¹ endilangri tilf. B.

² rettruadir B.

³ [sinni ok lifi B.

⁴ tilf. B.

⁵ [ut um steinmurinn B.

⁶ [a því fialli voru fe-

hirdar B.

visadi til hennar. Sa tok þegar þat viti, at saudir hans allir urdu at kvikendum þeim, er locuste heita, ok er minning þessarrar iarteignar mörkud yfir leidi heilagrar Barbare¹. En fadir hennar fann hana ok bardi ok tok i hær henne ok dro hana til fiallz, ok læsti vandliga huss þat, er hann lauk hana inni, ok setti vardhalld fyrir husit, at eingi mætti hana þadan leysa². Sidan sendi hann ord iarlli, ath hann kæmi ok neyddi dottur hans til blota.

Fra iarlli ok Barbare meyi.

3. En er iarll kom, þa leiddi Dioschorus dottur sína ut or husinu fyrir domstol iarllz ok mælti sva fyrir, at iarll skyldi lata [bana henne³, ef hun villdi eigi blota. En er iarll sa fegrd hennar, þa mælti hann vit hana: «Hvort villtu vægia þer sialfri ok blota godum eda vera [selld til enna hórdoztu pisl⁴.» Kristz mæ⁵r Barbara svaradi: «Ek æ forn at færa drottni minum Jesu Kristo, þeim er gerdi himin ok iörd ok sæ ok allt þat er þeim fylgir. En spamadr hans mælti svo um skurdgod þau, sems manna höndum ero giörr or gulli eda silfri: munn hafa þau ok mæla eigi, augu hafa þau ok sia eigi, eyru hafa þau ok heyra eigi, nasir hafa þau ok [ilma eigi⁶, hendr hafa þau ok þreifa eigi, fætr hafa þau ok ganga eigi, ok eigi er raudd i hælsi⁷ þeim ne andi i munni þeim; verdi þeim likir þeir, er þau giöra, ok allir þeir, er treystaz þeim.» Þa fylltiz iarll mikillar reidi ok let guds mey færa or fötum ok beria hana med sinvöndum⁸ ok hrifa snörpum⁹ harklædum um hörund hennar. En er hun var leingi þiadr i þessi kvöl, þa rann blod um allan hennar likama. Sidan let hann setia hana i myrkvastofu ok hugsadi, med hverri pisl hann skyldi [luka yfir hana¹⁰.

Fra Barbare meyi.

4. Þa er heilog mæ³⁰r Barbara var i myrkvastöfu sett, skein yfir hana lios af himne æ sialfri nött midri, ok vitradizt henne sialfr græðarinn vor drottinn Jesus Kristr, ok mælti: «Vert þu

1 sva at sia ma allt til þessa dags tilf. B. 2 leida B. 3 [drepa hana B. 4 [pind hinum hordustum pislum B. 5 er B. 6 [kenna eigi ilm B. 7 barka B. 8 limvondum B. 9 hofl B. 10 [fa yfir hana lokit B.

styrk ok stadföst Barbara, þviat gnogr fagnadr verdr **æ** himni ok **æ** iördu yfir pisl þinni. Eigi skallt þu hrædazt iarll, þviat ek em með þer, ok man ek leysa þik or ollum pislum, þeim er þer eru gervar.« Þa blezadi drottinn hana ok ste til himins, ok voru þæ groin sar hennar oll. En Kristz mæf fagnadi af ollu hiarta 5 þeirre vitran, er gud hafði henne vitrad. En at morni let iallinn leida hana or myrkvastöfunne ok fyrir domstol sinn. En er hann sa hana grædda af ollum særum likama, þa undradiz hann ok mællti: «Hvi gegnir þat, Barbara, er gud vor elska þik ok mis- kunna þer, [sva at sar þin ero groin¹.« Heilog mæf svaradi ok 10 mællti vit iarlinn: «Þer lik eru gud þin, blind ok dauf ok vitlauss; hversu mattu þau græða sar min, eda hversu megu þau ödrum biarga, er þau mega [öngan dagnat veita² sialfum ser? En Kristr son guds lifanda græddi mik, sa er þu ert overdr at sia, þviat hiarta þitt er hart ordit af diöfli.« Þa reiddizt iarll 15 ok greniadi sem hit oarga dyr, ok let halda [brønnondum logum³ at sidum henne ok liosta hamri i höfut henne. En hon leit til himins ok mællti: «Þu veitz, Kristr, ath ek tek lystandi⁴ þessar pislir fyrir ast heilags nafns þins, af því fyrirlat þu mik eigi allt til enda, því at ek dvalda eigi ath bera hraustliga pislir fyrir þinni 20 ast.« Þæ reiddiz iarllinn ok let skera or henni briostin. En Kristz mæf leit þa enn til himens ok mællti: «Verp þu eigi mer fra augliti þinu, drottinn, ok tak eigi fra mer helgan anda þinn; gialtu mer helldr [gledi þrifsemi⁵ þinnar ok styrkium⁶ með hofdingligum anda.« En er hun hafði þetta mællt ok stodz 25 hressliga þessar pislir allar af styrk heilags anda, þa baud iarlinn þionum sinum, at þeir færði hana enn or fötum ok drægi nauktum [aull stræti ok port fyrir augliti allz lyds⁷. Þa hof heilog Barbara enn upp augu sin til himens ok kalladi til guds ok mællti: «Drottinn gud, er hylr himin með skyium, ver þu nu 30 hlifskiolldr minn ok hialpari a þessi stundu ok hyl nauktan likama minn⁸ með þaki miskunnar þinnar, at hann verði eigi senn⁹ af vondum monnum.« En er hun bad æ þessa lund, þa sendi drottinn eingil sinn, þann er hana huldi hvitu skrudi¹⁰. Þa urdu riddarar iarllzins blindir, svo at þeir mattu eigi guds mey sia fyrir 35 liosi því er henne fylgdi. Þa hræddiz¹¹ iarllinn ok let aprt leida Barbaram til handa födur hennar Dioscero.

1 [tilf. B. 2 [eigi biarga B. 3 [logandum bröndum B. 4 vil-
iandi B. 5 [þrifsemi gledi B. 6 styrk mig B. 7 [saal. B;
herat i alþydu manna A. 8 tilf. B. 9 litinn B. 10 klædi B. 40
11 saal. B; reiddiz A.

Um pining Barbare.

5. En fadir hennar [fylltiz mikilli¹ reidi ok leiddi hana enn til fiallz. En heilog Barbara skyndi fagnandi til algiorrar aumbunar sigrs sins, ok bad hun drottin, at hon tæki lok pislar
 5 sinnar i þessum stad, ok mælti: «Drottinn Jesus Kristr, er himna skopt ok iðrd [smidadir ok byrgdir undirdiup² ok settir endimörk siavar; þu er bydr skyium at rigna yfir goda ok illa, þu geekt yfir sia ok stodvadir þiotandi bylgiur hans; þu er rettir helgar hendr þinar a krossi ok gerdir margar adrar iarteinir,
 10 [heyrdi mik ambatt þina³, þviat allir hlutir hlyda þino bodi. Drottinn Jesus Kristr [hlifari minn i æsku minni, veittu⁴ mer þa bæn, at ek luka nu þegar þraut minni med godum lokum, ok gef þu ambatt þinni, drottinn, þa miskunn, at þu gerir milldi þina [vidr þa menn⁵, er af öllu hiarta gera mina minning i sinum
 15 naudsynium allra hellzt æa degi pislar minnar. Minztu eigi, drottinn, synda þeira a domsdegi, er truligha kalla a mik, ok veittu þeim likn⁶ i syndum, þviat þu veizt, at [vær erum ostyrkir likamir⁷. « En er hun lauk bæn sinni, þa kom rödd af himni ok mælti: «Kom þu, en fegrsta mær min, til ennar glöduztu hvilldar födur
 20 mins, er a hinnum er, en allt þat er þu batt man þer veitt vera. « En er guds mær heyrdi þetta af drottni med fagnadi, þa kom hun til stadar pislar sinnar ok lauk þar dyrligri þraut, svo sem hon hafdi bedit af gudi, þviat hun var i þeim stad höggvin af födur sinum, ok endi hon lif sitt i iatningu Kristz tveim nottum fyrir Niculas
 25 messu byskups. En er fadir hennar ste ofan af fialli med sinum mönnum, þæa kom elldr or lopti ok brendi hann, svo at [þatki var, at aska hans fyndiz⁸. En nockurr heilagr madr kom leyniliga ok tok a braut likam ennar helguztu meyar Barbare ok grof i þeim stad, er kalladr er solar stadr, ok let hann þar giora bænahus i
 30 minning hennar, ok verda þar margar iarteinir til lofs ok dyrdar drottni vörum Jesu Kristo, þeim er med fedr ok helgum anda lifir ok rikir gud um allar alldir allda. Amen.

1 [fylltiz mikillar *B.* 2 [ok byrgdir undirdiups *B.* 3 [hialptu mer ambatt þinni *B.* 4 [vertu hlifskioldr minn ok veit *B.* 5 [tilf. *B.*
 35 6 vorkynd *B.* 7 [ostyrkir eru likamir varir *B.* 8 [eingi aurnul sa, ok eigi auskuna hellr en annad *B.*

BENEDICTUS SAGA.

(*Cd. Holm. 2 folio.*)

Her byriar sögu ens helga Benedicti abota.

Sæ madr var, er gofugliga lifdi lif sitt, en hann het Benedictus, ok var hann svo sem hann het, en þat þyðiz blezadr at voru 5 mali. Hann hafði gamals manz hiarta þegar æ ungum alldri ok lifði allan alldr sinn i godum sidum ok skildi hug sinn fra ollu munodlifi; hann var þa her i heimi, er hann matti neyta þessa fagnada, en þo fyrirlet hann heiminn med allri fegrd sinni svo sem þornadan. Hann var ættadr or heradi því, er Nursia heitir, 10 ok selldr til læringar i Romaborg. En er (hann) sa, at margir foru oviliavegs, þeir sem at nami voru, þa ugdi hann ser, at veralldar speki mundi fyrirfara honum, ef hann bergdi nockut af vitro heimsins. Hann fyrirleit huss ok audæfi fodur sins ok for brott fra nami ok leitadi heilagrar atferdar ok villdi gudi einum 15 þiona. Hann for heiman ovis visliga ok ospakr spakliga. En er hann hafði þat fyrir ser radit at fara i eydimörk, fylgdi honum fostra hans, er honum unni mikit, ok er þau komu til stadar þess sem kalladr er Effide, þa dvolduz þau þar nockura dagha ok pionodu gudi at kirkiu Petrs postola. Þat var einn dagh, at fostra 20 hans bad konur lia ser trog, ok villdi hon sællda miöl, en hun setti þat yfir bord ok geek i brott, ok er hon kom aptr, þa var þat fallit ofan ok brotid i tvo hluti. Hon vard hrygg, er hon sa trog þat brotid, sem henne var led. En er Benedictus milldr ok sid-samr sa fostru sina (grata), þa hafði hann brött trogsbrotin med ser ok geek til bænar med tarum, en er hann reis upp af bæn, þa var trogit svo heillt, at eingan brest matti æ finna. Þa hugg- 25 adi hann fostru sina ok selldi henne þat trog heillt, sem brotid var. En er þessi tidendi spurduz, þa toku bæiarmenn trogit ok

festu upp til synis i kirkiudyrum, ok heck þar marga vetr sidan fyrir margra manna augum, ath þa mætti allir skilia, hversu dyrliga Benedictus hafði upp hafit atferd sína.

Fra Benedicto.

5 2. En er Benedictus villdi helldr hafa vil ok erfidi fyrir guds sakir en hefiaz upp i metnadi þessa heims, þa flydi hann fostru sína ok for i eydimork til þess stadar er Sublaeus heitir; hann er .xl. milna fra Romaborg, ok sprettr þar vatn upp hreint ok kallt. En er Benedictus for þangat, þa mætti honum munkr sa er Ro-
 10 manus het ok spurdi, hvert hann færi. En hann sagði ok bad hann leyna adra menn. Sa gerði svo ok feek honum einsetumanz buning ok þionadi honum i allar þurftir, sem hann matti. En Benedictus stadfesti sig i einum hellisskuta ok var þar þria vetr ollum monnum okunnigr nema Romano. En sia Romanus var i
 15 munklifi skamt i brott þadan. Hann for iafnan leyniliga ok færði Benedicto braud, þat sem hann dro af fæzlu sinni, en til hellisins matti eigi gagnleid fara fra munklifinu, því at hamarr geck fyrir hellinn þadan, en Romanus let siga ofan til hans braud i festi. I þessu reipi hafði hann bundit biollu litla, til þess at Benedictus
 20 vissi, þa er Romanus kæmi ath færa honum fæzlu. En hinn forni fiandi aufundadi velgerning þeira ok kastade steini a biolluna ok braut i sundr, en Romanus let eigi nidr falla þionustu sína ok miskunnarsyslu, er hann hafði upp tekit.

Capitulum.

25 3. En er gud almattigr villdi Romanum lata hvilaz af erfidi ok syna monnum lif heilags Benedicti, þa vitradiz drottinn presti nockurum i draume paskanott ena fyrstu ok mælti vit hann: «Pu lætr gera þer krasir, en þræll minn sveittr skamt fra þer.» Prestrinn reis upp þegar ok for paskhadaghinn sialfan ath leita
 30 þræls guds i hvern hellisskuta ok hitti hann um sidir. En er þeir funduz, þa kvodduz þeir blidliga ok lofudu gud ok ræddu leingi um himneskt lif. Sidan mælti prestrinn: «Mautumz vit nu, því at paskar ero i dag.» Benedictus svaradi: «Veit ek, at paskar ero, þvíat ek nada at finna þik.» En Benedictus var langt fra
 35 monnum kominn ok vissi eigi, ath þa var paskadaghr. Þa mælti prestrinn vit hann: «I dag er upprisutid drottins, ok samir þer

eigi at fasta, þvíat ek em til þín sendr af gudi, at vit takim badir saman gíafir guds.» En þeir lofudu badir gud ok mötöduz. Sidan for prestrinn heim. En fám dögum sidar fundu fehirdar Benedictum i hellisskuta einum, ok er þeir sa hann skryddan skinnklædum, þa hugdu þeir, at þeir mundi sia dyr. En er þeir urdu 5 visir, at guds þræll var þar i einseto, þa sneruz margir til miskunnar guds fra dyra lifi. Tok þa at kynnaz nafn hans um næstu stadi, ok komu margir menn til hans ok færdu honum likams fæzlu, en þeir toku andar fæzlu i mot af honum.

Um freistni flanda vit Benedictum.

10

4. Þat var einnhvern dagh, þa er Benedictus var einn saman, ath flandinn komr at freista hans, þvíat svort fluga flaug nær andliti hans, svo at hann matti taka hana med hendi ser, en hann gerdi krossmark yfir ser, ok flaug hun þegar æ braut. En þa kom til hans likams freistni, su er hann hafdi alldri slíka 15 reynt adr ne sidan. Kona var su ein, sem enn illgiarni andi leiddi fyrir hugskotz augu honum ok brendi svo hug hans med girndar elldi i alite konv þessarrar, at hann matti trautt standazt. En er hann hafdi miðg svo einradit brott at fara or einsetu ok finna konuna, þa leit guds miskunn til hans, ok hvarf hann aptr til síns sialfs, 20 ok sa hann hia ser klungr ok þyrni. Sidan for hann or fótum ok velltiz leingi berr i þyrninum, þar til er hann var allr sár ok blodögr, ok vo hann þa sigr a freistinni, er hann sneri henne i sarleik, ok gerdi hann þa andar sarit at likams sárum ok slokti svo synda loga, þann sem brunnit hafdi i hiarta honum; en fra þeiri stundu 25 þa hvarf svo öll likams freistni fra honum, ath hann kendi eigi sidan likams losta i likama sinum. Sidan toku margir menn at fyrirlata heim þenna ok geraz hans lærisveinar, þvíat þat var makligt, at hann yrði lærifadir krapta, þar sem hann vo sigr æ laustum.

30

Fra svikræði.

5. Ða geek saga fra iarteinum hans, ok vard hann frægr monnum af gæzku sinni. Munklifi var skamt þadan, en þar var aboti andadr; munkar komu at finna Benedictum ok badu, at hann skyldi vera forradandi þeira. En hann sagði svo, at eigi mundi 35 sidir þeira saman koma. En er þeir badu hann miok, þa veitti

hann þeim bæn þeira, ok er hann hellt vel stiorn i munklifinu ok lofadi eingum at ganga af rettri götu sidsemi til hægri handar ne vinstri, þa toku munkarnir at fysaz illz hugar ok sokudu sialfa sig, er þeir skyldu þess bedit hafa, at sa væri forradandi þeira, 5 er svo fiarri var skapi þeira ok sidum. En er þeir sæ, at hann lofadi þeim ecki þess at gera, sem motstadligt var munda lögum, þa kunnu þeir illa því ok villdu rada dauda hans, ok bundu þat ræd saman, at þeir blondudu eitri dryck hans. En er honum var ker þat fært, sem daudadryckr var i, þa gerdi hann at vanda 10 sinum krossmark a mot eitrinu ok blezadi, adr hann tæki vit kerino, en þa sprack i sundr kerit fyrir krossmarkino, svo sem hann lysti steini æ. Þa skildi guds madr, at daudadryckr var i kerinu ok matti eigi standaz lifs mark. Hann reis þegar upp ok heimti brædr til sin ok mællti vit þa blidliga: «Miskunni gud 15 almattigr ydr, brædr minir! hvi gerdut þer þetta vit mik? Sagda ek ydr fyrir, at eigi mundi sidir vorir saman koma, farit þer nu ok leitit ydr forradamanz þess, sem vit ydvert skap er, þvíat ek mun eigi leingr her vera med ydr.» Ok er hann hafdi þetta mællt, þa for hann aptr i einsetu sina ok vardveitti hug sinn i 20 guds augliti.

Fra Placido ok Mauro.

6. En er heilagr Benedictus skein svo mörgum iarteinum i einsetunni, þæ söfnoduz margir til guds þionostu i þeim stad ok gerduz lærisveinar hans. Hann let þar giora .xii. munklifi med 25 fulltingi drottins vors Jesus Kristz ok setti forradsmenn til allra ok .xii. munda i hvert munklifi. En hann hafdi med ser þa fæ menn, sem hann willdi læra til guds þionostu. Þa toku gaufgir menn or Romaborg at selia honum sonu sina til læringar. Evi- cius het Romaborgar madr, er honum selldi son sinn til fostrs, en 30 hann het Maurus; annarr madr het Tertullus, er honum selldi son sinn til læringar, sa het Placidus. Maurus tok þegar a unga alldri at skina i godum sidum ok likiaz lærifedr sinum; en Placidus var ungr sveinn ok þotti gott manzefni vera. En i einu munklifi af þeim .xii., er Benedictus hafdi gera latid, var munkr sæ einn, er 35 eigi matti vera æ bænum, ok gerdi nockura fanyta syslu. En forradandi þeira het Pompeianus, hann avitadi munkinn opt um ostadfesti sina, en er hann batnadi eigi vit þat, þa var hann leiddr fyrir Benedictum, hann avitadi munkinn ok um heimsku sina.

En er munkrinn kom heim, þá mundi hann eigi ord Benedicti leingr en tvo daga, en enn þridia dag þá var hann iafnt sem adr. Þá var enn sagt Benedicto. Hann svaradi: «Ek mun koma at bæta hann.» En þá er hann kom þangat ok tidum var lokit, en munkar stodu a bænum, þá sa Benedictus, at svartr sveinn tok i 5 klædi munksins, þess er eighi matti æ bænum vera, ok dro hann ut. Þá mællti Benedictus vit Pompeianum abota ok Maurum lærisvein sinn: «Siae þit, hverr munk þenna leidir fra bænum?» Þeir kvoduz eigi sia. Hann mællti: «Bidium vær nu, at þit megit ok sia, hverium munkrinn fylgir.» En er þeir voru æ 10 bænum tvo daga, þá sa Maurus þessa syn, en Pompeianus matti eigi sia. Ok er bæn þeira var lokit, þá geck Benedictus ut or kirkiu, ok sa hann munkinn standa uti systlulausan ok laust til hans med vendi, en fra þeim degi þorde eigi enn svarte sveinn, er fiandinn var, at teygia munkinn fra bænum, ok var hann avallt 15 sidan stadfastr æ bænum sem adrir munkar.

Fra vatnleyse.

7. Af þeim munklifum, sem Benedictus hafdi giðra latid, voru þriu, þau er stodu uppi i fiállzhlid, ok var torvellt at sækia vatn, af því er brattlendi var ok nær mannhaski. Þá komu munkar 20 or þessum munklifum¹ ok mællto vit Benedictum: «Vær eigum illt til vatz ok höfum hvern dag erfvidi, ok er oss naudsyn, at færd se munklifin.» En hann bad þá heim fara ok huggadi þá i ordum. En ena somu nott þá geck Benedictus upp i fiállit ok Placidus sveinn med honum, ok var leingi æ bæn æ hamri einum. 25 Sidan reisti hann upp steina þria, þar sem hann hafdi stadit, ok for heim eptir þat; en ongvir vissu, at hann hafdi farit. En er munkar komu enn ok baro upp vandrædi sin fyrir Benedictum, þá svaradi hann: «Farit þer nu ok grafit hamar þann, sem þer siait steina þria uppreista nyliga, en gud ma letta erfidi ydru ok gefa 30 ydr vatn or hamri.» Þeir foru ok fundu hamarinn votan, þann sem Benedictus hafdi þeim til visat; en er þeir holodu hamarinn, þá fell vatn ut or biarginu, sva at þadan gerdiz lækr af fra því or fiállinu til siovar allt til þessa dags.

miraculum.

8. Þat var enn *æ* annarri tíð, at einn maðr kom til munklifis Benedicti, ok var vit honum tekit, ok gerðiz hann þar munkr. En Benedictus seldi honum snidil i hönd ok bað hann höggva upp
5 þyrni i stað þeim, er hann villði lata giöra apallðrsgarð, en þat var a vatnþacka. En er hann hio upp þyrninn ovarliga, þa stöck snidillinn or skaptinu ok fell a vatnit, en þat var diup margra fadma, en verkmaðrinn varð oglarð ok sagði með hryggleik. En er Benedicto var saght, þa geck hann þangat ok tok snidilsskeptið
10 ok retti þat i tiörnina; en þegar renði iarnit neðan af grunni til skeptisins svo sem fiskr til auguls. Síðan seldi hann munkinum snidilinn ok mælti: «Vinn þu nu ok ver eigi oglarð.»

Fra Benedicto ok Mauro.

9. Þat var um dagh, er Benedictus var i husi sínu, en Placidus sveinn fór at taka vatn. En er hann sokti kerallðinu i vatnit, þa fell hann sialfr a vatnit, ok baro straumar hann þegar langt fra lande. En er Benedictus vissi þat, þa kalladi hann Maurum lærisvein sinn ok mælti: «Renn þu, Maure broðir, ok biarg sveininum, er fór at taka vatn, ok er hann nu fallinn *æ* vatnit.» Þa gerðiz þar undarlig
20 hlutr ok oheyrr, síðan er Petr postole fór af þessum heimi. Maurus tok blezan af Benedicto ok rann þegar til vatnins ok fór þar til, er hann kom at Placido, ok þottiz hann *æ* iorðu fara, er hann rann a vatninu, ok tok hann sveininn ok leiddi til landz. En er þeir komu *æ* land, þa leit Maurus aptr ok undradiz, er hann hafði þat
25 giort, sem hann mundi eigi þora, ef hann vissi, ok sagði Benedicto, hvat gerðz hafði. En Benedictus eignadi þat hlyðni hans en (eigi) sínum verðleik. En Maurus taldiz eingan hlut eiga i því takni, er hann gerði ovitandi. En Placidus skildi þessa þætu ok mælti: «Ek sa Benedictum koma til min ok leiddi hann mik til landz.»

30 Fra Florencio presti.

10. Prestr sa var er Florencius het, hann fretti til iarteina Benedicti ok varð lostinn illzku diöfuls ok tok at aufunda guds vin ok lasta atferð hans. En er hann sa, at hann matti því eeki a leið koma vit aðra menn at lasta Benedictum, helldr vox dag
35 fra degi dyrd hans ok vegr vit guð ok menn, ok sneruz margir til betra lífs eptir hans dæmum ok þionödu guði, þa tok prestrinn

at fyllaz illzku i mot honum, þviat hann villdi hafa manna lof ok vinna eeki til. Hann varð svo blindr af illzku sinni, at hann sendi Benedicto braudleif eitri blandinn, en Benedictus tok vit hleifnum þacksamliga, en þeygi leyndiz fyrir honum, hvert grand i leifnum var. Hrafn var vanr at koma or skogi i hvert matmal ok taka braud or hendi Benedicto, en er hrafninn kom ath venio, þa kastadi Benedictus hleifinum fyrir hrafninn, þeim er prestrinn sendi Benedicto, ok mælti: »I nafni drottins Jesus Kristz tak þu leif þenna ok ber hann þangat, er einginn finni.« Þa tok hrafninn at gapa munni ok rann umhverfis leifinn, breiddi vængi ok skrækti, svo sem hann syndi, ath hann villde hlydne halda vit Benedictum, en hann mætti eigi. Þa mælti Benedictus vit hann i annat sinn ok et þridia: »Tak þu hleifinn ohræddr ok kasta þar, sem alldri megi finnaz.« Þa tok hrafninn upp leifinn ok tok i hleifinn ok var horfinn þriar stundir, ok kom aptr sidan ok tok braud or hendi honum, sem hann var vanr. En er guds madr sa vaxa illzku prestzins i mot ser, þa harmadi hann syndir hans ok bad fyrir ovin sinum. En er Florencius matti eigi deyða likam Benedicti, þa villdi hann fyrirfara öndum lærisveina hans ok sendi .vii. goligar meyar at leika i apalldrsgardi fyrir augliti þeira, til þess at hugskot þeira mætti spillaz ok snuaz til losta-semi. En er Benedictus sa þat or husi sinu, þa þottiz hann vita, hvadan þetta rad var komit, ok fyrir hans sakir var giort, ok hugdi hann þat, at lærisveinar hans mundi eigi freistnina standaz. Hann gaf þa rum öfundinni, ok kom hann til allra munklifa ok kirkna, er hann hafdi gera latid, ok skipadi öllu, sem hann villde. En hann hafdi fa munka með ser ok for i brott ok flydi reidi Florencij fyrir litillætis sakar. En er Florencius stod i husi sinu ok spurdi brottför heilags Benedicti ok fagnadi því, þa fell nidr undir honum loptit, þat er hann stod æ, ok kom hann daudr a iörd. En Maurus lærisveinn Benedicti sagdi honum þat, en Benedictus var eigi leingra farinn en .x. milor. Þa mælti Maurus vit hann: »Hverf aptr þu, faðir, þviat sa er nu daudr, er þik hatadi.« Ok er Benedictus heyrdi þat, þa varð hann hryggur ok felldi tær ok gret dauda ovinar sins ok þat annat, er lærisveinn hans fagnadi dauda hins. Hann baud ok idran ok skript lærisvein(in)-um fyrir þat, er hann þordi at fagna dauda ovinar hans.

Fra ferd Benedicti.

11. En heilagr guds madr hellt fram för sinni, sem hann hafdi ætlat, en þeygi matti hann fordaz þat, er sialfr lærifadir illzku bardiz i mot honum ok freistadi hans a marga vega. Þorp þat
 5 var, sem kallat var Kassinum ok komit ofarlíga i fiallzhlid, en þann stad kalla Nordmenn Montakassinn. Þar stod hof fornt, ok var blotad mannúkan þat, er kallat var solar *æs*, en alla vega fra hofinu voru stadir þeir, sem eignadir voru dioflum. Þar hofdu
 10 ok trudu *æ* þessa villu. En er Benedictus kom þar, þa braut hann nidr skurdgodit ok stalla þess ok brendi tre ok skoga, er blotadir voru. En hann gerdi kirkiu enum helga Martino or hofinu, en þar sem stallrinn hafdi verit, þar gerdi hann bænahuss Johanne baptiste ok sneri til tru þeim, er i nand voru. En hinn
 15 forni fiandi matti þat eigi standaz, ok kom hann fyrir augsyn Benedicti svartr ok hrædiligr, ok brann elldr or augum hans ok munne, ok hugdiz mundu skelfa hann ok kalladi, svo at allir heyrdú ord hans, en Benedictus einn matti sia hann, ok nefndi hann *æ* nafn þrysvar. En er Benedictus svaradi honum eigi, þa
 20 sneri hann nafni hans ok mælti: »Bolvadr en eigi blezadr, hvat sækir þu ath mer.« En er fiandinn sa, at hann mundi eigi mega skelfa hann med ognum, þa leitadi hann annarra væla, ok hafdi enn sami verr. Þat var um dag, ath munkar skylldu giora huss, en steinn var sa, er þeir villdo hafa i vegginn, en er þeir mattu
 25 eigi hræra hann or stad, ok stod hann *æ* iordu, þa kom til fioldi manna ok matti ecki at gera. Þa skildu allir, at fiandinn þyngdi steininn, er fioldi manna mattu hann hvergi hræra. Sidan var sagt Benedicto, ok kom (hann) til ok blezadi steininn, ok var þeim þa ecki fyrir ath færa hann þangat, sem þeir villdu.

30 Fra sionhverfing fianda.

12. En Benedictus¹ mælti, at þeir skylldu grafa stad steinsins ok vita, hvat þar væri undir folgit. En er þeir grofu til, þa fundu þeir þar skurdgod giort or eiri, ok var því kastad i elldahuss um aptaninn. En um nottina syndiz ollum, sem elldr brynni af
 35 skurdgodinu, ok logadi husit allt af þeim elldi, ok er þeir baro vatn i elldinn, þa vaknadi Benedictus¹ oc sagdi, at sionhverfinga elldr væri giðrr fyrir þeim, en hann letz eigi² elld þar sia. Þa geck Benedictus til bænar ok kalladi munkana til sin, ok bad hann þa

signa sig. En er¹ þeir gerdu svo, þa hvarf allr elldr fiandans fra augliti þeira, en þeir sa, at husit stod heillt.

Fra slægd fianda ok lækning munks.

13. Þat var enn um dag, ath munkar hlodu vegg hafan, en Benedictus sat inni i husi sinu, þa syndiz fiandi honum² ok hlo ok 5 letz fara skylldu til brædra, þar sem þeir voru at verki sinu. Benedictus sendi þegar mann ath segia munkum þetta ok bad sva mæla: »Verit þer varir, brædr, því at illgiarn andi mun koma til ydvar i dag.« En er sendimadr hafdi varla lokit mali sinu, þa hristi fiandi i sundr vegginn, er þeir hlodu, ok lamdiz einn 10 audigs manz son undir. En brædr urdu hryggvir, eigi af falli veggjarins helldr af meidingu munksins, ok sogdu Benedicto, hvat ordit var. En hann bad bera til sin enn lamda, ok sva var giort. Hann var allr lamdr ok nær hvert bein brotid, en þo var hann iendr. Benedictus vafdi hann i mautli sinum ok lagdi hann nidr 15 i rum sitt ok sendi ut adra munku, sidan fell hann til iardar ok bad fyrir enum siuka. En ~~æ~~ somu stundu vard sa heill, ok sendi Benedictus hann til syslu sinnar. Þa for sa til verks sins, ok nædi fiandi eigi at fagna dauda hans. Benedictus hafdi spaleiks- anda ok vissi fyrir oordna hluti, ok sa hann þat, sem hann væri 20 hia sialfr, er hann var hvergi nær staddr.

Fra Benedicto ok brædrum.

14. Sa var sidr munku, er þeir voru sendir ~~æ~~ bæi eda til borga, at þeir skylldu hvergi mataz nema heima, ok hafdi vandi sia leingi halldiz. Þa voru munkar sendir um dag, ok höfdo þeir 25 dvalizt i husum einnar³ sidsamrar konu, en adr þeir foru þadan, þa motöduz þeir, ok er þeir komu heim, baduz þeir blezanar af Benedicto. En hann mællti vit þa: »Hvar môtuduz þer?« En þeir kvoduz hvergi mataz hafa. Hann mællti: »Hvi l(i)ugit þer? þa er þer komut til husa konunnar, þa atud þer ok druckut.« Hann 30 kvad a, hvat þeir höfdu at verdi ok svo hversu marga vindrycki þeir drucku. Ok er þeir ~~sæ~~, ath þeir mattu hann þess(u) eigi leyna, þa fellu þeir til fota honum ok badu ser liknar, en hann fyrirgaf þeim þessa afgerd ok ætladi svo, at þeir mundi sidr þora

¹ Bn (*d. e.* Benedictus) *tilf. Cd.*

² þeim *Cd.*

³ einnrar *Cd.*

at misgera i annat sinn, er þeir mattu sia, ath þeir mattu eigi leyna hann því, sem þeir giordu.

Fra munk einum.

15. Valentinianus het munkr einn, sa var lærisveinn heilags
 5 Benedicti, en hann atti brodur þann, er sidsamr var ok olærdr
 madr. Hann var vanr æ hverium misserum at koma til munklifis
 ok finna brodur sinn, ok þann dag fastadi hann iafnan. En er
 hann for um dag til munklifissins, þa kom annarr madr i för hans,
 ok hafdi sa fæzlu med ser, ok er þeir höfdu leingi geingit, þa
 10 mællti forunautr hans vit hann: »Mautumz vit nu, at eigi mædimzt
 vit æ gótunni.« Hann svaradi: »Eigi mun ek þat giora, brodir,
 þvíat ek em vanr at fasta, þa (er) ek fer at finna Benedictum.« Þa
 foru þeir enn, ok sidan bad sa, er fæzluna hafdi, ath þeir mundi
 matazt. En hinn gerdi eigi bragd æ fostu sina. Þa foru þeir
 15 badir, en hiti var mikill, ok mædduz þeir, ok þa fundu þeir¹ fyrir
 ser vóll fagran ok vatn hreint. Þa mællti sa enn, er fæzluna
 hafdi: »Her er vatn hreint ok vóllr fagr, ok er ockr vel fallit ath
 mataz her ok hvilaz nockut, at eigi þrioti ockr a leidiinni.« Munks
 brodir sa hvíldarstad fagran ok heyrdi fögur ord, ok settiz hann
 20 þa nidr, ok mótuduz þeir. At kvelldi kom hann til munklifissins
 ok geck fyrir Benedictum ok beiddi blezandar; en hann bar æ bryn
 honum þat, sem hann gerdi a gótunni, ok mællti: »Hvat er nu,
 brodir, enn illgiarni andi, sa er mællti vit þik fyrir munn forunautz
 þins, hann teygdi þik um sinn ok annat ok matti eigi tæla þik,
 25 en ed þridia sinn gat hann þik teygdan til þess sem hann villdi.«
 Þa kannadiz hinn vit ostyrkt hugar sins ok fell til fota Benedicto
 ok idradiz syndar sinnar.

Fra konungi ok Riggo.

16. Konungr þiodar þeirar, sem Gothi ero kalladir, het Totila,
 30 hann var grimmr madr ok forvitinn; hann fretti þat, at Benedictus
 hafdi spaleiksanda, ok villdi hann reyna þat ok sendi þau ord,
 at hann mundi koma til munklifis Benedicti, ok kvad a dagh um.
 Einn skutilsveinn hans het Riggo, konungrinn feck honum klædi
 sin ok skryddi hann konungs gerve ok sendi med honum þria

riddara, þa sem honum sialfum voru vanir at fylgia, ok sendi med honum alla þionostumenn, þa sem konungi skylldu þiona. En er Riggo kom til munklifis Benedicti skryddr purpura ok efldr allri konungs þionostu, þa sat Benedictus uti ok *saa æ* för þeira. En þegar er hann kom nær svo þangat, at þeir namuzt mal *æ* mille, þa 5 kalladi Benedictus *æ* hann ok mællti: »Legg nidr þu, sonr, buning þann, sem þu hefir, þviat eigi er þitt eigin.« En Riggo fell þegar til iardar ok idradiz, er hann hafdi gert hadung þessa guds þræli, ok allir gerdu þeir idran, er honum fylgdo þessa eyrindis. Sidan risu þeir upp ok foru aptr þegar ok sögdu konungi med 10 hræzlu, hve bratt þeir voru fundnir ath freistni sinni.

Fra konungi.

17. Eptir þat for konungr sialfr til munklifissins. En þa er hann sa Benedictum guds þræl sitianda, þordi hann eigi nær honum ath koma, ok fell hann til iardar. En guds madr mællti vit hann 15 tysvar eda þrysvar, at hann skyldi upp risa. En hann þordi eigi, adr Benedictus tok i hond honum ok reisti hann upp ok asakadi hann um grimmeik sinn ok sagdi honum i *faam* ordum, hvat verda mundi wm hagh hans, ok mællti hann: »Mart illt hefir þu giort ok giorir, stilltu þik nu um sidir at illzku þinni. Þu munt 20 koma til Romaborgar ok heria ut um haf, ok muntu .ix. vetr hafa velldi þar en deya *æ* enum .x.^{da}« Ok er konungr heyrdi þetta, þa ottadiz hann miok ok bad Benedictum bidia fyrir ser. Þa for hann i brott ok var alldregi sidan iafngrimmr sem adr. En þat sannadiz allt, sem Benedictus hafdi um hann spæd, hann kom til 25 Romaborgar ok for allt til Sikileyar ok do *æ* tiunda vetri þadan fræ.

Benedictus rak dioful fra odum klerk.

18. A þeiri tid var klerkr einn ordinn odr af diofli i borg þeiri, sem kollut er Aqvinensis, en Constancius byskup leiddi hann til margra helgra stada, at hann mætti þar heilsu fa. En 30 guds vottar villdu honum eigi af því heilsu gefa, at kraptr Benedicti skyldi ollum auglios verda. Þa var enn odi klerkr leiddr fyrir Benedictum; en hann bad fyrir honum til guds ok rak i brott enn forna fianda. En er hann var heill, þa mællti Bene-

dictus vit hann: »Far þu nu ok et eigi kiot sidan, ok tak eigi vigslur fleiri, en nu hefir þu; en æ þeim degi, sem þu dirfiz þess, þa muntu odr verda i annat sinn.« Klerkrinn for heim heill ok vardveitti nockura stund þat, er Benedictus baud honum. En þa
 5 er margir vetr voru lidnir, þa sa klerkrinn, at þeir hofdu fleiri vigslur en hann, sem yngri voru, en andadir voru enir ellre, ok gleymdi hann ordum Benedicti, þviat langt var þadan lidit, ok tok þa vigslur fleiri. En þegar vard hann gripinn af enum sama diondi ok var odr, medan hann lifdi sidan.

10 Fra Benedicto ok Theoprobis.

19. Theoprobis het einn gðfugr madr, er til tru hafdi horfit af kenningum Benedicti, ok var vinr hans mikill, þviat hann var radvandr madr. Hann hafdi komit til husa Benedictus um dag, ok sa hann guds vinhardla hryggvan; þat sa hann ok, at hann
 15 felldi tær, ok var hann þo eigi æ bænum. Þa spurdi Theoprobis, hver sok væri til hrygðar hans. En Benedictus svaradi: »Munklifi þetta mun allt eydaz, er ek hefi gera latit, ok sa audr allr, sem her er til lagðr, mun koma i hendr utlendum monnum at rettum guds domi, ok mætta ek trautt geta af gudi, at hann veitti mer
 20 andir bræðra.« Þessi ord Benedicti heyrði Theoprobis. En su spasaga kom fram miklu sidarr, þviat Langbarda herr kom um nott, þa er munkar voru i svefni, ok toku allt þat, er femætt var, en gud hlifði svo þælum sinum, at þeim sialfum var ecki mein gert, ok fylltiz þa fyrirheit, þat er gud het Benedicto, ath hann
 25 mundi vardveita andir bræðra, þo at hann selldi audæfi þeira heidnum monnum.

Fra sendimanne til Benedictum.

20. Madr var sendr um dag til munklifiss Benedicti ath færa honum tunnur tvær fullar vins. En sa, er sendr var, færði Bene-
 30 dicto adra tunnuna, en adra fal hann a gðu sinni. Benedictus vissi, hvat hann hafði giort ok tok vit tunnunni þacksamliga. En adr sendimadrinn færi a braut, þa mællti hann vit hann: »Hygg attu, sonr, ath eigi dreckir þu or tunnunni þeiri, sem þu falt æ gotunni, hellðr hallaðu, ok sia hvat i byr.« En sæ for i brótt ok
 35 villði reyna, hvat þat væri, sem honum var sagt, ok halladi tunn-

unni. En þar skreid or höggormr. Þá idradizt hann illzku sinnar, ok hræddiz hann þa grand hugar sins, er hann sa grand i vinino.

Fra Benedicto ok munk hans.

21. Bær var skamt fra munklifi Benedicti. I þeim stad var mikill fioldi þeira manna, sem tru höfdu tekit af ordum Benedicti. 5 Þar voru ok nunnur, ok sendi Benedictus opt munka þangat ath telia tru fyrir monnum. Hann sendi einn dag þangat munk ath vanda sinum, ok taldi sa tru fyrir monnum. En adr hann for heim, þa gafu nunnur honum duka, en hann stack i serk ser ok villdi ser nyta. Þar voru laug munka, at allir skylldu eiga saman 10 þat, er þangat var sent, þo at einum væri fyrst gefit. Ok er hann kom heim, þa asakadi Benedictus hann ok mælti: »Fyrir hvi geck ilzka i serk þer?« En sa duldiz vit ok let, ath hann vissi eigi, um hvat hann var avitadr. Benedictus mælti: »Wissir þu eigi, at ek var þar i hia, er nunnunnar gafu þer dukana ok þu 15 letz þa i serk þer?« En sa fell til fota Benedicto ok tok dukana or serk ser ok gerdi idran fyrir heimsku sina.

Fra kertisveini Benedicti.

22. Þa er Benedictus sat at bordi einnhvern aptan, ok skyllði hallda kerti fyrir honum eins ríks manz son, er hann matadizt; 20 en ofmetnadar andi kom i briost honum, ok hugsadi hann þetta: »Hvat manna er sia þess, at ek skal honum þiona ok hallda liosi fyrir honum?« Benedictus leit til hans ok mælti: »Hvat er nu, brodir? sign þu þik ok hiarta þitt.« Þa kalladi hann þangat munka ok mælti, ath kertit skyllði taka fra þeim er hellt, ok bad hann 25 sitia kyrran fra þeiri stundu. En þa var hann spurdr af bræðrum, hvat honum væri, en hann sagdi, hversu hann hafði drambat i hugskotinu i gegn guds þræli. Þa var þat ollum liost, at ecki matti leynaz fyrir Benedicto, þat sem hann villdi vita, er eigi mattu hugrenningar leynazt fyrir honum. 30

Fra Benedicto oo aaran(!).

23. Þat var enn æ einni tid, at oaran gerdi mikit, ok margir menn urdu matþrota. Þat oaran kom ok i munklifi Benedicti, ok var þar svo giorla matr þrotinn, at .v. braudleifar voru eptir

til nattverdar. En (er) Benedictus sa munku oglada, þa leitadi hann at hugga þa med blidum ordum ok mælti. »I dag er oss vant fæzlu, en a morgin munum vær gnott hafa.« Ok enn næsta dag eptir þa funduz .cc. mæla hveitis i seekum fyrir husdyrum hans.
 5 En þat vissi eingi sidan, hvadan su fæzla var komin. Ok er brædr sæ þetta, þa gerdu þeir gudi þackir ok efudu alldregi sidan um fyrirheit heilags Benedicti.

Fra Benedicto ok brædrum.

24. Minn gofugr madr var sa, er gera villdi lata munklifi i
 10 landi sinu, en hann bad enn helga Benedictum, at hann sendi þangat lærisveina sina, þa sem hefði forrad þess stadar. Benedictus sendi þangat brædr ok kvad a, hverr aboti skyldi vera eda hverr prior, ok mælti, adr þeir færi: »Fari þer nu, en ek mun koma at nefndum deghi ok syna ydr, hvar kirkiu skal giora, ok sva hversu
 15 þer skulut hvert huss setia at þeim stad.« Þeir toku blezan af Benedicto ok foru sidan, ok biugguz vit þangatkomu hans at ollu eptir megni, sem makligt var. En æ þeirri nott, sem næst var fyrir þann dag, er Benedictus het at koma, þa syndiz hann i draume tveimr munkum, þeim sem hann hafði til forrads ætlada
 20 at munklifinu, ok sagði þeim glögliga ok sýndi, hvar þeir skyldu hvert huss lata gera. En er þeir voknodu, þa sagði hvor brodirinn odrum, hvat dreymt hafði, ok trudu eeki æ drauminn, helldr væntu þeir, at Benedictus mundi koma um daginn eptir. En er hann kom eigi, þa foru þeir til fundar vit hann ogladir ok mæltto: »Vær
 25 bidum þin, fadir, ok væntum, at þu mundir koma ok syna oss, hversu vær skylldim gera þann stad, sem þu hetz, ok komtu eigi.« Hann svaradi: »Fyrir hvi mælit þit þetta, þviat ek kom, sem ek het yckr.« En þeir mæltto: »Hvenar komtu?« Hann svaradi: »Fyrir hvi munit þit eigi, þar sem þit sögdut badir, ath ek kom
 30 til yckar, ok synda ek yckr alla husaskipan; farit þit nu ok giorit svo, sem þa var yckr sagt.« En þeir foru heim ok undruduz þenna atburd ok gerdu, sem þeim var kent i drauminum, alla husaskipan.

Fra nunnum tveimr.

25. Nunnur tvær voru skamt fra munklifi Benedicti, en þessar konur voru ættgaufgar at þessa heims virding. Einn sid-

samr madr færði þeim líkams fæzlu. En iardlích tígñ gíorir opt
ogofugleik andar, ok mega þeir menn sídr lægia sig fyrir gudi,
sem at nockuru hafa odrum monnum ædri verit. Þat varð ok
þessum konum, þvíat þær stilltu eigi vel tungu sína ok voru
avítsamar vit þann mann, sem þeim þionadi með gæzku, ok gerdu 5
hann opt reidan. En er svo hafði leingi verit, þa fór sa madr ok
sagði Benedicto, hversu óhægar konur þær voru vit hann. Ok er
Benedictus heyrði þetta, þa fór hann ok hitti þær ok mælti svo:
»Stillit þit betr tungu yekra, ella mun ek setia yckr i bann.«
Þessi bannsetningu ægði hann þeim, en gerði eige. Þær blotnodu 10
ecki vit ord hans. Þær lifðu skamma stund sídan ok voru grafnar
i kirkiu. En er messur voru sungnar i þeirri kirkiu, þa syndizt
sva konu þeirri, sem þær hafði fæddar ok þar fornadi gudi, ath þær
risu upp or grofum sínum ok gengo or kirkiu ávallt ath upphafi
messu. En er hon sa þat opt, þa kom henne i hug, hvat Bene- 15
dictus hafði mællt vit þær, er hann het þeim bannsetningu, ef
þær stillti eigi betr tungu sína. Þa var madr sendr til guds vinar,
ok var honum þetta sagt með ahyggiu. En hann gerði oflatu ok
mælti: »Fari þer nu ok færit oflatu þessa gudi fyrir óndum þeira,
ok munu þær eigi sídan vera i banni.« Þa var su oflata gudi 20
færd fyrir þeim, ok voru þær eigi senar sídan ganga¹ or grofum
sínum, þott messur væri sungnar, þvíat Benedictus hafði sættar
þær vit gud.

miraculum.

26. Munkr einn var sa ungr ath alldri, sem of mikit unni 25
fóður sínum ok modur, ok fór sva um dag til þeirra, ath hann
hafði eigi tekit blezan af Benedicto ne leyfi til at fara. Ok enn
sama dagh, sem hann kom til þeirra, þa varð hann braddaur.
En er hann var grafinn, þa var líki hans kastat or grofinni annan
dagh. Þa rann fadur hans ok modir til fundar vit Benedictum ok 30
fellu til fota honum ok badu með tarum, ath hann veitti þeim
miskunn. En hann sendi hlut af holldi drottins ok mælti:
»Farit þer nu ok leggit þetta corpus domini yfir briost svein-
inum ok grafit hann.« En er þat var giort, þa tok vit líkama
hans iord.

Enn frá öðrum munk.

27. Sá var annarr munkr, er hugr hans var ostadfastr ok undi hann eigi i munklifi Benedicti, en guds madr talde opt fyrir honum med blidum ordum, at hann skyldi þar una, en munkrinn
 5 let eigi at ordum hans ok bad hann leyfis til brautfarar. En guds þræli vard hermt vit ounatsemd hans ok mællti, ath hann skyldi brott fara, ef hann villdi. En þegar sem hann geek or klaustra-
 gardzhlidi, þa sa hann dreka standa fyrir ser med gapanda munni ok let, sem gleypa hann mundi. Þa tok munkrinn ath hrædazt
 10 ok banda hondum, svo sem hann verdiz nockuru, ok kalladi hatt ok mællti: »Rennit hingat þer, þvíat dreki sia vill svelgia mik.« En brædr foru til ok mattu eigi drekann sia, en þeir leiddu heim munkinn skialfanda. Þa het hann því, at hann mundi alldregi sidan fysaz brott or munklife, ok þat efndi hann.

15

miraculum.

28. Ðat var enn wñ dagh, at leiddr var fyrir Benedictum sweinn sa, er hina verstu likþra hafdi, svo at hær fell af höfði honum, ok allt höronð hans var fullt vogs ok hriuft. En fadir hans leiddi hann fyrir enn sæla Benedictum, ok gaf hann honum
 20 þegar heilsu i nafne Jesus Cristz.

Fra manne einum.

29. Sæ madr kom til mals vit Benedictum, er giallda atti .xii. skillinga, ok hafdi eigi til. Hann sagdi Benedicto til vand-
 rædis sins, at hann matti eigi giallda þat, sem hinn heimti at
 25 honum. En Benedictus hafdi þa eigi silfr til at gefa honum, en kvaddi þo hinn blidliga ok mællti: »Kom þu hingat æ tveggia natta fresti, þvíat nú er ecki til i dagh ath gefa.« En a þeim dögum .ii. var Benedictus æ bænum þrasamliga. Hinn kom enn þridia daghinn, ok þa funduz þrettan skillingar silfrs æ auk þeiri,
 30 sem full var hveitis. Benedictus bad selia silfrit enum volada manne ok mællti, at hann skyldi giallda .xii. skillinga ok hafa sialfr enn þrettanda til þurftar sinnar.

miraculum.

30. Sá madr var enn einn, sem ovinn hans villdi fyrirkoma
 35 ok blandadi eitri dryk hans. En sa dryckr matti eigi fyrirfara

honum, en þó gerðiz honum sott af því, ok varð margr litr æ likama hans. Þessi madr var leiddr fyrir Benedictum, en þegar er hann tok hendi æ honum, þá varð hann heill, svo sem alldregi hefði hann siukr verit.

Um oaran.

5

31. A þeirri tíð sem oaran gerði í heraði því, er Kampania heitir, þá hafði Benedictus gefit aukum monnum alla fæzlu, þá sem í munklifinu var, nema vitsmiðr litit í einu keru. Þá kom subdiakn, sa er Agapitus het, ok bað gefa sér vitsmiðr, en guds madr Benedictus, er allt villði gefa fyrir guds sakir, til þess ath hann mætti eignast æ hinne allt með gude, þá mælti hann, at gefa skyldi þat et litla vitsmiðr, sem eptir var. En sa sem eptir var sendr villði eigi framm selia. Benedictus spurði litlu sidar, ef hann gerði, sem mælt var. En hann kvedz eigi giort hafa, ok sagði, at ecki væri eptir, ef hann gæfi þetta. Þá varð Benedictus reidr ok mælti wít annan mann, ath hann skyldi kasta ut glerkerinu í glugg, þvíat hann villði eigi þat nyta lata, sem með singirni ok ohlydni var varðveitt. En undir gluginum var borit saman griot mart, ok er kerinu var utkastad, þá kom þat æ steina, ok brotnaði eigi ok eigi slagnadiz niðr vitsmiðrit. Þá mælti Benedictus, at kerit skyldi taka ok gefa þurfamonnum þat, sem í var. Síðan heimti hann munka til sín ok avitadi enn ohlydna mann um ötru sína ok singirni. Ok er því var lokit, þá geck Benedictus til bænar með bræðrum.

miraculum.

25

32. En í þeim stad, sem þeir voru a bænum, stóð ketill tomr ok breitt klæði yfir, ok er þeir höfðu leingi stadið, þá tok ath lyptaz klæðið, þat sem yfir ketilinn var breitt. En er þat var af tekit, þá var ketillinn fullr vitsmiðs, svo at þá rann alla vega yfir. Ok er Benedictus sá þat, þá let hann falla bæn sína, ok þá let af at ganga yfir ketilinn. Þá tok enn ohlydni madr ath skammast ötru sinnar, er hann sa, ath Benedictus sannadi með iarteinum þat, sem hann kendi með ordum, ok var eingi sá síðan, er efadi um fyrirheit hans, þvíat hann hafði æ einu augabragði ketil fullan vitsmiðs golldit þeim í stad glerkers, þess er miðg sva var tomt.

35

Fra Benedicto ok odum manni.

33. Dat var enn um dag, at Benedictus fór til kirkiu til bænar, ok þá kom enn forni fiandi æ mot honum í asionu illz læknis ok hafði horn í hendi. Benedictus spurði, hvert hann færi. Fiandinn
 5 svaradi: «Ek fer til brædra at gefa þeim dryck.» Benedictus fór til bænar. En hinn illgiarni ande slo æði æ munk þann, er taka skyldi vatn, ok velltiz hann æ iördu ok mællti orar. Ok er Benedictus geck fra bæn sinni ok sa enn oda munk, þá laust hann a kinn honum ok rak svo fiandann fra honum, at hann
 10 þordi eigi sidan til hans at koma.

Fra rikismanni einum.

34. Rikismadr var sa, er Zalla het, grimmr madr ok vafdr i villu þeiri, sem Arrius hafði bодit. Hann var svo illr vit kristna menn, at kennimenn eda munkar nadu trautt med fiörvi ath fara,
 15 þeir sem honum mættu. Þat var um dagh, at hann neyddi þorpkarll nockurn med kvolum til, at hann selldi honum fe sitt allt. En þorpkarlinum vard þat a munne, at hann kvedz allt fe sitt sellt hafa enum helga Benedicto. En sia enn grimme madr Zalla let þa af at kvelia hann, helldr batt hann hendr hans æ bak apr
 20 ok rak hann fyrir ser, til þess at hann syndi honum, hverr sia Benedictus væri, er vit fenu hafði tekit at hans sögn. Þorpkillinn fór fyrir, en Zalla reid eptir, þar til er þeir komu til munklifissins. Þa sat Benedictus uti fyrir husdyrum sinum ok sa a bok. Þa mællti þorpkillinn vit Zallam: «Her er sa Benedictus, er ek gat
 25 fyrir þer.» Þa leit Zella reiduliga til Benedictum ok ætladi, at hann mundi skelfa hann i ognum sinum sem adra menn, ok mællti med akalli vit hann: «Ris upp þu skiott ok giallt mer aura manz þessa, er þu hefir vit tekit.» Þa heyrði Benedictus kallit ok leit til hans fra bokinni, er hann hellt æ. «Tak þu feit, kvad Zalla,
 30 ok sel oss.» Benedictus svaradi öngu ok sa, hvar þorpkillinn stod bundinn. En vit þat losnudu öll bond af honum, ok er hann stod laus, þa hræddiz enn grimme Zalla vit takn þetta ok fell til fota Benedicto ok bad ser liknar. En guds madr leit eigi til hans, helldr kalladi hann brædr, at þeir leiddi hann til blezanar.
 35 En er þat var giort, þa asakadi Benedictus hann miok um grimleik sinn ok bad, at hann batnadi. En Zalla fór a braut ok gerdi eeki mein þorpkarlli, ok var eigi iafngrimmr sidan.

Fra einum þorpkarle.

35. Annar þorpkarll kom um dag með lík sonar síns til munklifs Benedicti ok spurdi, hvar hann væri. En Benedictus var á akri með bræðrum. Ok er þorpkallinn vissi þat, þá kastadi hann líki sonar síns fyrir kirkiudyr. En hann rann á mót Bene- 5 dicto, er hann gekk af akri með bræðrum. En þorpkallinn kalladi þegar á Benedictum, er hann sa hann: «Gjalltu mér son minn! Gjalltu mér son minn!» Benedictus svaradi: «Weiztu, ath eigi tok ek son þinn frá þer.» Þorpkarllinn mælti: «Dauðr er hann, en þú komst ok reis hann af dauða.» Benedictus varð hryggr ok mælti: «Farit 10 brott þer, farit brott þer, þvíat þetta er vort verk eigi, heldr postola guds almattigs; til hvers bindit þer oss byrðar, þær sem vær megum eigi bera.» En kall var þrær á bæn sinni ok sör þess vit gud, at hann mundi eigi brott fara, fyrr en Benedictus gæfi líf syni hans. Benedictus spurdi, hvar líkit var. Hann sagði ok kvad 15 vera fyrir kirkiudyrum. En er guds þræll kom þangat, þá féll hann á kne hia líkinu til bænar ok hélt höndum til himins ok mælti: «Drottinn! líttu eigi syndir minar, heldr trú þessa manns, er lífs biðr syni sínum, ok gjalltu líkama hans önd, þá sem þú tokt á braut.» En er hann lauk bæn sinni, þá hrærdiz líkit ok 20 hóf sveinninn upp augu sín. Benedictus tok í hönd honum ok selldi hann lífanda ok heilan fedr sínum.

Fra syskinum Benedicti.

36. Benedictus atti systur, ok var hun nunna ok þionadi gudi, en hun het Scolastica. Hun var von ath koma á hverjum 25 misserum til broður síns, en þau funduzt á bæ þeim, sem skamt var frá munklifi Benedicti, þvíat þar skyldi eingin kona koma. En er þau funduz um dagh, þá ræddu þau um himneskar dyrdir þann dag til nætr, ok mótuduz bæði saman. Þá mælti Skolastica: «Ek bið þik, brodir, at þú farir eigi á brótt í nött, ok ræðum 30 við enn um dyrd guds.» Hann svaradi: «Mér er eigi lofat at vera annars stadar en heima.» Þá var svo vedri farit, at heid var um allan himin. Ok er Skolastica heyrdi svör hans, þá laut hun á bordini í gaupnir sér ok bað til guds, ok er hun hóf upp höfði sínu, þá var regn svo mikit ok elldingar ok reidarþrumur, 35 at Benedictus matte eigi út ganga né förunautar hans. En heilug mæri hafði svo bedit af ollum hug, at taralækirnir féllu af bordinu, ok kom þat allt senn á iord ok regn or lopti. En er Benedictus

sa, at hann matti eigi **æ** brott fara fyrir vedrs sakir, þa mællti hann vit systur sina: «Miskunne gud þer, systir, hvi gegnir þat sem þu gerdir?» Hon svaradi: «Ek bad þik, ok villdir þu eigi hlyda mer, bad ek gud, ok hlyddi hann mer. Far þu heim nu, ef þu villt, ok gack ut.» En engum manne þotte fært, ok var Benedictus þar naudigr, sem hann villdi eigi verit hafa. En þau vöktu þa nött alla ok ræddu um himneska hluti.

Fra helgum Benedicto.

37. Annan dag eptir for hvort þeira til heimilis sins, ok er
 10 .ii. dagar voru þadan lidnir, þa sat Benedictus i husi sinu ok leit upp til himins, ok þa sa hann önd systur sinnar fara til himins i dufu liki. Hann fagnadi dyrd hennar ok gerdi þackir gudi ok sagdi munkum andlat hennar ok sendi munka eptir likinu, ok var hon lagin i grof þa, sem Benedictus hafdi ser gera latit, ok var þat
 15 makligt, at þau færi i eina grof, er bædi höfdu eina ast til guds.

Fra Servando diakna.

38. Diakn ok aboti munklifis þess, er Liberius hafdi gera latit, var vanr at koma **æ** hverium misserum til munklifis Bene-
 20 dicti, en hann het Servandus. Ok er hann var kominn til fundar vit Benedictum, ræddu þeir dag þann allan um fagnat himinrikis, þann sem þeir löngudu badir miok til. Ok er svefntid kom, var Benedictus ofarla i stöpli nockurum, en Servandus var nedarr, ok matti ganga milli þeira. En undir nidri var hus þat, sem
 25 hvíldu i lærisveinar þeira, ok voru sofnadir, en Benedictus vakti ok stod **æ** bæn wit glugg. Þa leit hann ut ok sa lioss svo mikit koma af himni, at öll foruzt myrkr nætrinnar, ok vard svo liost sem um midian dagh. En med liosinu sa Benedictus allan heiminn senn svo sem undir einum solargeisla, þat sa hann ok med, at einglar
 30 guds baro aund Germani byskups i elldligri asionu til himins. Þa kalladi Benedictus **æ** Servandum tysvar eda þrysvar. En Servandus stod upp þegar, er hann heyrdi, ok leit ut ok sa liosit, ok þotti mikils um vert takn þetta. Þa sagdi Benedictus honum alla syn, þa sem fylgt hafdi liosinu. Sidan sendi Benedictus mann
 35 ena sömu nött til borgar þeirar, er Kampania heitir, ok bad hann spyria at Germano byskupi, ok er sendimadr kom þangat, þa var

byskup andadr, ok hafði æ þeiri stundu andaz, sem Benedictus sá ond hans fara til himins.

Andlat Benedicti.

39. En a þeim vetri adr Benedictus andadiz, þa sagði hann fyrir nockurum lærisveinum sinum andlatzdag sinn. Hann baud 5 þat ok þeim, at þeir segdi eigi odrum, en þeir bæði þess alla munka, at þeir leiddi athuga, ef nockur takn birtiz i andlati hans. Sex dogum fyrir andlat sitt let hann luka upp gróf sinni. Þa tok hann ridosott mikla, ok vox sottin miok, ok enn setta dag let hann lærisveina sina bera sig til kirkiu ok tok corpus domini 10 ok let munka ganga undir hendr ser, ok stod hann sva ok hellt höndum til himens, ok andadiz, þa er hann var a bæn. En æ þeim degi vitradiz enn undarlig syn tveimr munkum, odrum þeim er var heima i husi sinu, en odrum þeim er var fjarre þangat. Þeir sá badir götu fagra skinandi mikilli dyrd ok liose; hun læ 15 i austr fra husi Benedicti til himins; æ þeirri gotu stod madr biatr i dyrlighum buningi ok spurdi, hvern götu þessa ætti, en munkarnir letuz eigi vita. Þa mælti hann vit þa: «Þessa götu stigr Benedictus guds vinr til himens.» En af vitran þesse vissu þeir andlat Benedicti iafnvist, er fjarri voru, sem þeir, er þar 20 voru hia. Hann var grafinn i kirkiu Johannes baptiste, þeiri sem hann hafði gera latid or heidnu hofi, ok synir hann þar margar iarteiner ok svo i helli þeim, er Sublacus heitir, er hann bygdi fyrst i einsetu.

Miraculum.

25

40. Kona nockur var vitlaus, reikadi nætr ok daga um fioll ok heidar, skoga ok völlu, ok hafði hun þat eitt hvilldar, er mædi eda svefn neyddi hana til. Hun kom a nockurum degi til hellis Benedicti ok hvildiz þar fyrir þreytleika sakir ok sofnadi þar, en hun vaknadi heilvita, ok var svo heil alla æfi sina sidan, 30 sem hun hefði alldregi verit vitlaus. Vær skulum bidia Benedictum guds vin, at hann arne oss miskunnar, er svo hefir i sinu lifi greida götu geingit ok gefit dæmi öllum sinum sporgöngummonnum, at hann mun marga eptir ser leida til himinrikis, ok arnat fae þess vit gud, ath af hans bænum batnim vær ok bætt 35 fain til fullz vor vond verk, ok vær lifim til batnadar, þat sem

eptir er lífdaga vorra, ok ath þeim lídnum mætim vær fyrir þeim fagnadi, sem vinnz um allar aldir. Amen.

APPENDIX.

*Da Sagaen om Benedictus af Nursia opaa indeholdes i anden Bog af Pave
5 Gregors Dialoger, meddeles paa dette Sted, hvad der er oss levnet af disse.*

(Cd. 677 quarto, A; Cd. 239 folio, B; Fragm. i Norske Rigsarkiv, C)

Incipit primus liber dialogorum quem fecit beatus Gregorius papa.

A nockurum degi þa er Gregorius var hryggr af optligum
10 fiðlskyldum þessa heims, þa for hann at sitia einn saman i nock-
urum leyndum stad ok hafði i hug ser öll vandredi, þau er at
hendi honum baruz af heimi þessum. Enn er hann hafði þar
lengi setit ogladr af miklum harmi, þa kom þangat enn vitrasti
diakn hans ok fostri Petrus. Enn er hann sa Gregorium meðazt
15 af harmi, þa melli hann: «Hefir nockut þat nytt at hendi þer
borit, er ek se þik ogladara enn vant er?» Gregorius svaradi:
«Harmr sa, er ek þoli hvern dag, er mer forn fyrir vanda enn
nyr fyrir auka: þviat vesall hugr minn serdr af mörgum fiðlskyld-
um minniz a þat, hvilikr hann var fyrr i munklifi, þa er hann
20 var upphafidr yfir alla hluti, þa er her i heimi velltað, ok girntiz
engiss nema himneska hluti eina, ok hann elskadi daðann sialfan
sua sem inngöngu lífs ok ömbun erfidis sins. Enn nu þolir
hann hvern dag fiðlskyldi veralldligr hluta af hirdis ahyggju
ok saurgaz af dusti iardligrar syslu eptir fagra asionu hvilldar
25 sinnar. Ok þa er hugr dreifir sik til inna ytri hluta, þeira er
hann vill vorkynna, þa kemr hann² minni aptr til inna idri
hluta, þott hann girniz þangat. Virði ek, hvat ek hefi tekit eða
hveriu ok hefi tynt. Enn þa er ek lít, hveriu ek tynda, þa verdr
mer þung byrdr, su er ek ber. Nu reida mik storar bylgiur mikils
30 siofar ok margar hridir a hugar skipi. Enn (er) ek minnumz ens
fyrra lífs, þa er sem ek lita aptr til strandar þeirrar, er ek fyrirlet.
Ok þa er mik reida miklar barur, þa ma ek traust höfn sia, þa

¹ *Begyndelsen mangler i A, der først tager fat i første Bogs Cap. 10; indtil da lægges B til Grund.* ² *rettet; hans B; minor redit lat.*

er ek hvarf fra; þviat su er nattura hugar, at hann [tynir fyrst þvi godu er hann helldr, ok minniz¹ þess, at hann hefir þvi tynt; ok er hann hverfr þadan langt a brott, þa gleymir hann þvi godu, er (hann) tyndi, ok tekr eigi at muna þat, er hann elskadi fyrr, medan hann hellt þvi. Þviat þa er ver siglum langt i haf, þa megum ver eigi sea hvilldarhöfn, þa er ver fyrirletum. Þat geriz enn til auka harms mins, er mer kemr i hug lif þeira nockurra, er af ollum hug fyrirlitu heim þenna. Ok þa er ek lit hęd þeira, þa skil ek, hve lagt ek ligg. En þeir likudu margir sva skapara sinum vel i leyndu lifi, at almattigr gud villdi eigi þrongva þa i fiölskyllidum þessa heims. Enn þa ma ek þat betr skyra, er ek sagda, ef ek greini þa at nafni, þa er ek vil fra segia.»

Petrus. Eigi ero mer ęrid kunnir þeir menn, er her skina i kraptalifi þvi, er þu megir af þeira samvirþingu hitna til guds ástar. Eigi efa ek marga goda vera a þvi landi, enn eigi ętla ek þa iarteinir gera, eða ella er þvi sva leynt, at ver vitum eigi iarteinir þeirra.

Gregorius. Þott ek segia þa hluti eina, er ek nam af enum skynsómuztum mōnnum eða ek matta sia eða heyra, þa ętla ek fyrr munu dag þenna þriota enn dēmisōgur.

Petrus. Þat villda ek, at þu segdir mer nockut fra þeim, þviat iōfn kenning geriz af skyringu ok af minningu krapta. I skyringu ritninganna kennum ver, hversu finna skal ok hallda krōptum, en i minningu iarteina vitum ver, hversu lukaz fundnir kraptar ok halldnir; ok ero þeir sumir, er betr styrkiaz til ástar guds af dēmum enn af kenningum. Opt geriz tvifōlld hialp i hugskoti heyrandar af dēmum heilagra fedra, þviat hugr kyndiz til ástar ovordins lifs af samvirþingu þeira, ok lęgiz hann, þa er hann heyrir sagt fra ōðrum ser betrum, ef hann þottiz adr nockurr fyrir ser vera.

Gregorius. Þa eina hluti mun ek segia, er ek heyrdar af skynsōmum mōnnum, eptir þeim dēmum sem Marcus ok Lucas ritudu gudspiōll, meir af heyrn enn at syn.

1. ²Bęr mikill er i heradi þvi er Samnia heitir. A þeim bę bio madr, sa er son atti, þann er Honoratus het. Enn sa sneriz þęgar a unga alldri til himneskrar ástar ok męddi likam sinn i fōstum. Enn er hann skein af godri atferd ok sa miok

¹ [rettet; fysti gott ok minnaz B; ita sunt casus mentis, ut prius quidem perdat bonum, quod tenet, si tamen se perdidisse meminerit. lat.

² af Honorato. *Overskrift.*

- vid onytum hlutum ok meðdi hold sitt i meinletum, þa gerðu
 frændr hans mannbod a nockurum degi, ok var kiöt buit til bordz.
 Enn er honum var eigi hugr a því at eta kiot, þa hlogu frendr
 hans at honum: «Ettu þessa fædzlu, sôgdu þeir, þviat ver megum
 5 eigi fa þer her fisk a fialli.» Þviat sa þer var sva upplegr, at
 þar hafði alldri fiskr sên verit. Enn er Honoratus var hlegin i
 slikum malum, þa for þrell til brunnz at taka vatn. Enn er
 (hann) sökti fôtunni i brunninn, þa var þar i fiskr, ok matti sa
 fiskr þörf vinna Honorato þann dag til fæzlu. Þa undruduz allir,
 10 ok letu frendr hans af at hlegia at honum, ok lofudu tru hans,
 þa er þeir hlogu adr at. Enn er Honoratus vóx i kröptum, þa
 setti hann munklifi i stad þeim er Fundis heitir, ok var hann
 aboti yfir .cc. munka, ok gaf mörgum god demi i sínu lifi. A
 nockurum degi lostnadi steinn mikill ur fialli upp fra munklifinu,
 enn er steinn hliop ofan, þa horfir hann a klaustrid ok egdi bana
 15 öllum bræðrum. Enn er heilagr Honoratus sa þat, þa kalladi
 hann a nafn Kristz ok gerdi krossmark i mot steininum. Enn
 steinnin nam þar stadar i midri fiallzhlid, þar er engum manni var
 von, at hann mætti festaz. Enn sa steinn stendr þar sidan fastr
 i þeim stad, ok þickir sem hann muni þa ok þa ofan falla.
- 20 Petrus. Hvers lërisveinn var sia enn göfgi madr, er sva margra
 lerifadir vard sidan, þa er hann red fyrir .cc. munka?
- Gregorius. Engis mannz lërisveinn hefir hann verit, enn eigi ero
 gïafir heilags anda undir manna lögum. Þat er vandi retrrar
 atferdar, at engi dirfi sik at vera lerifadir, nema hann hafi fyrr
 25 verit lërisveinn, ne bida hlydni undirmönnum sinum, nema hann
 nemi fyrr at veita hlydni ifirmönnum. Enn þo ero nockurir
 þeir, er lëraz af helgum anda, ok hafa þeir radning ens idra
 lërifödur, þviat þeir hafa eigi ena ytri lering af mönnum. Enn
 ostyrkum mönnum er eigi fallit at hafa ser at demum frelsi lifi
 30 þeira, at eigi verdi þeir lërifedr villu, þa er þeir fyrirlita at vera
 lërisveinar manna, ok treystaz, at þeir se lërdir af helgum anda
 slikt sem hinir. En hugr, sa er fylliz af helgum anda, hefir mark
 a ser, þat er kraptr ok litilleti. En er þat kemr saman hvarf-
 veggia i einu hugskoti, þa berr þat vitni navistu heilags anda.
- 35 Sva sem Johannes baptista var eigi af mönnum lërd, sva sem
 Kristr sialfr lërdi adra likamligri navistu ok var eigi likamligr
 lërisveinn, sva var ok Moises i eydimörk lërd af engli guds ok
 nam þar bodord, er eigi kendi madr honum. Enn þessir hlutir,

er ver segium, ero ostyrkum mönnum göfgandi enn eigi eptir-
likiandi.

Petrus. Hugnar mér þat er þu segir, enn þat villða ek vita,
hvert sia enn helgi Honoratus let eptir sik nockurn lærisvein sér
likan.

2. Gregorius. *Libertinus het enn göfgazti madr, sa er
fæddr var ok lærdr i munklifi Honoratus, ok var sidan forradsmadr
munklifissins. Fra honum ero mér margar iarteinir sagðar, þott
ek muna fær segia. Sia madr Libertinus atti för skyllda fyrir
naudsynium munklifissins i Samnia herað. Enn er hann reid 21
leidar sinnar, þa kom a mot honum hertugi þiðdar þeirar, er Gothi
ero kalladir, ok toku lidsmenn iarlsins hest undan Libertino. En
hann bar þolinmodliga ok selldi þeim svipu, er hann keyrði með
hestin, enn sidan gekk hann til þenar. Enn lidsmenn iarlsins foru
leidar sinnar skyndiliga, unz þeir komu til ár þeirar, er Wlturnus 15
heitir, þa namu hestar þeira stadar ok gengu eigi á ána helldr
enn á hit mesta forað. Enn er þeir keyrðu hestana með svipum
edr sporum, þa mattu hestarnir meðaz enn eigi or stad ræraz.
Enn er þeir meðduz, er hestana keyrðu, þa gat einn þeira, at
þeir mundu þess at giallda, er þeir gerðu guds þræli oskil um 20
götu. Þa hurfu þeir aptr ok fundu Libertinum a þenum, ok
mæltu við hann: «Ris upp þu ok tak hest þinn!» Enn hann
svaradi: «Farit er i fridi, eigi þarf ek nu hestin.» Þa stigu þeir
af hestum ok hófu Libertinum sialfr a hestin, þann er þeir höfðu
af honum tekit, ok foru þa leidar sinnar. Þa foru hestar þeira 25
sva skyndiliga yfir ána, þa er þeir mattu eigi adr yfir fara, sem eigi
veri vatn i anni, ok nutu þa allir sinna hesta, er þeir letu guds
þræl hafa sinn hest.

A þeiri tíð kom höfþingi, sa er Bucellinus het, með Fracka
her miklum i Campania herað. Enn (er) hann frá þat, at óðefi 30
voru mikil i munklifi Libertini, þa gengu Frackar inn i kirkiu,
þar er Libertinus var a þenum, ok leitudu hans ok kölludu akaf-
liga. Þa varð undarligur hlutr, er þeir leitudu hans, þeir gengu a
hann ok drapu fotum ok mattu eigi finna hann ne sia hann. En
er þeir urðu sva tældir af blindi sinni, þa foru þeir a brott frá 35
munklifinu ok höfðu óngan eyri þaðan.

A annarri tíð fór Libertinus til borgar þeirar, er Ravenna
heitir, enn hann hafði sendan aboti, sa er næstr var Honorato

5 lērifóður hans. Enn fyrir elsku lērifedr sins var Libertinus vanr
 at hafa með sér skoleist hans, hvargi sem hann fór. Enn er
 hann fór leidar sinnar, þá mētti hann konu nockurri, er fór með lík
 sonar sins nyandads. Enn er hon leit guds þrēl, þá tok hon í
 10 tauma hesti hans ok mēlti: «Eigi muntu hēdan fara, nema þú
 reisir upp son minn.» Enn hann óadiz akafa bēnar hennar, þviat
 hann var eigi vanr at gera slíkar iarteinir, ok villdi fordaz konuna
 ok matti eigi. Þá tok at beriaz í briosti hans litillēti ok mis-
 kunsemi, hrezla ok harmr: hrēddiz hann at freista oreyndrar iar-
 15 teinar, ok harmadi hann þó með sonlaussi konu. Enn til guds
 dyrdar ste milldi yfir kraptaudikt briost, þviat eigi vēr krap-
 taudikt, ef eigi stigi milldi yfir þat. Þá ste Libertinus af hesti ok
 fēll a kne ok hellt hōndum til himins, ok tok skoleist lērifóður
 sins ur serk sér ok lagdi a briost enum dauda. Sidan hvarf aptr
 20 ónd sveinsins til líkams, ok tok Libertinus í hōnd honum ok
 selldi hann lífanda modur sinni, enn hann fór leidar sinnar.

Petrus. Hvat ētlum ver, hýart þessa iartein gēti af gudi verd-
 leíkr Honorati edr bēn Libertini?

Gregorius. Slíka iartein matti syna kraptr hvarstveggia þeira
 25 ok trúa konunnar; ok ētla ek, at af (þvi) mētti Libertinus þetta
 geta, at hann treysti meirr lērifedr sinum enn sér sialfum, þviat
 hann ētladi sík geta þat, er hann bad, af þess verdleikum, er hann
 lagdi skoleist yfir lík ens andada. Sva gerdi Heliseus forðum, er
 hann kom til Jordanar, at hann laust mōtli lērifóður sins a vatnit
 30 (ok mēlti): «Hvar ertu nú gud Helie?» Þá gerdiz þegar gata
 ífir ana. Í þessum hlut megum ver virda, hversu mikít litillētis
 kraptr vinnr, at þá matti Heliseus vinna kraptr lērifóður sins, er
 hann mintiz nafns hans.

Petrus. Er nockut enn at segia fra þessum manni, þat er oss
 35 megi stoda til kenninga?

Gregorius. Er til at segia, ef nockurr villdi eptir líkia, þviat
 ek ētla ēdri vera þolinmēdi enn iartein. Aboti sa var bradlyndr,
 er nēst var eptir Honoratum. Enn hann var reidr um dag Liber-
 tino, sva at hann matti varlla stílla sík. Enn er hann fann eigi
 40 vōnd at líosta hann, greip hann upp fotskemmil ok laust í andlit
 honum, sva at allt andlit hans blánadi ok þrutnadi. Þá fór Liber-
 tinus þegiandi til reckiu sinnar. Enn naudsynia fōr nockura vard
 annan dag at fara fra munklífinu. Enn er ottutidum var lokit,
 þá geck Libertinus til reckiu abota ok qvaddi litíllatliga blezunar.
 45 Aboti vissi, at Libertinus var óllum kunnr at gēzku, ok ētladi

hann, at hann mundi vilja brott fara or munklifinu fyrir oskil, þau er honum voru gior, ok melli við hann: «Hvert villtu fara?» Enn hann svaradi: «Skyld er för at fara naudsyn munklifissins, fadir, ok ma ek eigi þa för fordaz, þvíat ek het i ger at fara þangat i dag.» Þa komz aboti við af enu(m) inztum rotum hiartans, er hann sa hardleik hiarta sins, enn hogveri Libertini, ok reis upp þegar ur reckiu sinni ok fell til fota Libertini ok taldiz sekr vera ok misgert hafa, er hann gerdi slíka meingerd guds þreli. Enn Libertinus fell til fota abota, ok qvad helldr þetta ordit af sinni synd enn af grimleik hans. Þa sneriz aboti til hogveris, ok var þolinmæði lerisveins lerimodir leriföðurs. Enn er Libertinus kom þangat, er hann atti för or munklifinu, þa spurdu kunningiar hans ok vinir, hvi andlit hans vere sva blatt ok þrutit. Enn hann svaradi: «Fyrir syndir minar laust ek i ger aptan andliti minu a fotskemmil.» Sva hirti heilagr madr i briosti ser þæði sannsögli ok göfgun leriföður, at hann leyndi synd hans ok gerdi eigi sialfr synd i lygi. Sia madr, er ver segium nu fra iarteinum, atti marga lerisveina, þa er iarteinir gerdu, enn ek mun þo fra fám segia, þvíat ek skyndi til annars. Einn hlut mun ek þann segia, er mer þickir eigi fallit at þegia yfir.

3. I því sama munklifi var munkr, sa er gofugt lif hafdi, enn sa vardveitti kálgard. Enn þiofr var vanr at koma iduliga i gardin ok stela. Enn er gardvörðr fann, at stolit var or gardinum, enn sumt var spillt ok trodit, þat er eigi var a brott tekit, þa geck hann um gardin utan ok innan, ok fann um sidir stettir þer, er þiofrin hafdi gervar. Enn er hann kom i gardin, þa fann hann þar höggorm ok melli við hann: «Fylgdu mer.» Enn er hann kom þangat, er þiofrin hafdi stettirnar gert i gardinum, þa melli hann við orminn: «I nafni Jesus Kristz byd ek þer, at þu verir þiofrinum götu þessa.» Þa lagdiz ormrin i hring hia stettunum, enn munkr fór heim til hussins. Enn þiofr kom til gardz eptir vana sinum, þa er allir munkar svofu um middegi. Enn er hann villdi stiga inn um gardin, þa sa hann, at höggormr la a götunni, ok vard hann hræddr ok fell af gardinum ut. Enn fotr hans vard fastr, þvíat gardstaurr krækti i sko honum, ok heck hann þar, unnz munkr kom til gardzsins. Enn er hann kom i gardin, þa melli hann við ormin: «Gudi þauck, gerdir þu sem ek baud, far brott nu!» Þa fór hann brott þegar. Enn er munkr kom at, þar er þiofr heck, þa melli hann við hann: «Hvat er nu, brodir? Gud selldi þik mer nu. Fyrir hvi þörrir þu sva opt at stela fra

bræðrum?« Þá leysti hann fot þíofsins ok let hann s(t)íga níðr hogliga ok bað hann fylgia sér. Þá leiddi hann hann heim til garðzhlíðs ok gaf honum alldín, þat er hann villdi stela, ok melliði við hann: «Fær þú nú ok stel eigi síðan, enn ef þér verðr þórf, 5 þá kom þú til mín, ok mun ek gefa þér við goðan hug þat, er þú villdir stela með syndum.» Þá fór þíofr a brott ok var alldri fundinn at stulld síðan.

4. Equicius het einn enn helgasti maðr í Valeria heraði, hann var agetr at heilagleik sínum ok iarteinum, ok red hann 10 fyrir mörgum munklifum í því heraði. En er hann var a ungum alldri, þá hafði hann freistni mikla a líkam sínum til munudliffs. Enn hann sotti til þena skíols ok bað af öllum hug guð fulltings a freistunar tíð. Þá syndiz honum engill guðs í draumi a nöckurri nött ok braut or líkam hans alla lostasemi, sva at hann 15 kenndi alldri síðan freistni a líkam sínum. Enn er hann hafði þenna krapt fengit af guði, þá tok hann íáfnat at hafa forrad a nunnum sem a murkum. Enn hann talði þat þó fyrir lærisveinum sínum, at þeir treystiz eigi sér eptir hans dæmum, at eigi felli þeir í synd, ef þeir treystiz þeirri gíðf guðs, er þeir höfðu eigi.

20 A þeirri tíð, er fíðkunnigir menn voru teknir í Romaborg, þá fíyði einn þeira, sa er kunnigastur var, ok het sa Basilius, ok kom í munks buningi til byskups þess, er Castorius het í Valeria heraði, ok bað hann byskup, at hann kvæmi honum til munkliffs Equicij, at hann mætti leiddrettaz. Þá kom byskup til munkliffs 25 ok hafði Basilium með sér ok bað guðs þræl Equicium, at hann tæki við honum. Equicius leit við honum ok melliði: «Sia er þú félr mér a hendi, hann syniz mér helldr díðfull enn munkr² eigi þegar a. Þá bað Equicius Julianum dveliaz með sér nöckura daga ok dum [Muntu 30 vita þ]a, í hvilíku vardhalldi [guðs þeir eru, er] sialfr sík fyrirlita, [ok hver]n veg þeir hafa [með öðrum mönnum, er] eigi skammaz at verða fyrirlitnir af mönnum. Enn þar í gegn liggia þeir lagt í guðs ögliti, er dramba í [ögliti sínu] ok naunga sinna. Sva sem drottinn melliði við nöckura: «Er drambit fyrir mönnum, enn 35 guð veit hiortu yðr, þvíat þat er rékt fyrir guði, er hátt er mönnum.»

Petrus. Dat undrumz ek í þessu mali, er gofugr byskup skyldi trúa lognu fra helgum manni.

Gregorius. Hvort undraz þu, Petrus, þat, þott ver verdim teldir af lygi iardligir menn, þar er David, sa er spaleiksanda hafdi opt, ok trudi hann ordum sveins þess, er ló at honum, ok let drepa saklausan son Jonathe. Hvat er undarlikt, þott lygimenn teli oss, er eigi erum spamenn, þviat hugr byskupa er opt i mikilli ahyggiu, ok verdr þa minni athugi einshvers hlutar, er hann dreifiz til margs, ok ma hann þvi auðvelligar teldr verda i einum hlut, sem hann annaz um fleira.

Enn er heilagr Equicius for af heimi, þa var lik hans grafit i Laurencius kirkiu. Enn þorpkarll nockurr setti byrdu hveitis fulla um dag a leidi hans ok hugdi eigi at, hversu heilagr sa var, er þar var grafin. Þa kom hvirvilvindr ur lopti ok hof upp byrduna ok kastadi langt a brott fra leidi Eqvicij. Enn sa vindr hrærdi ecki annat, ok mattu þa allir skilia, hversu mikill dyrdar(madr) fyrir gudi er þar var grafin. Enn þa er Langbardar heriudu i Valeria herad, þa flydu munkar til Laurencius kirkiu ok til leidis Eqvicij. En Langbardar þustu inn eptir þeim i kirkiuna ok toku at draga þa ut ok villdu bana þeim edr pina þa. Þa kalladi einn þeira oc mælti: »Likar þer þat, heilagr fadir Eqvicius, at ver sém sva dregnir, ok hlifir þu oss ecki?« En er sa hafdi þetta mælt, þa greip ohrein andi alla þa hermenn, er i kirkiunni voru, ok fellu þar til iardar ok voru qvalldir, allt til þess er hinir hetu, er uti voru, at þeir mundu alldri sidan heria i sva helgan stad. Ok hlifdi Eqvicius sva lerisveinum sinum, at hann veitti morgum odrum hialp i þvi.

5. I borg þeiri, er Anchonitana heitir, var kirkia heilags guds piningarvotz Stephani. Þa kirkiu vardveitti heilagr madr, sa er Constancius het. En sa var vida agætr af heilagleik sinum, þviat hann fyrirlet alla iardliga hluti, enn hann hafdi allt kostgefi til himneskrar dyrdar. Enn er hann hafdi eigi um dag vidsmior at lysa i kirkiunni, þa let hann fylla öll liosker kirkiunnar af vatni ok setti kveik i midiu, sem hann var vanr. Enn er hann bar elld til ok tendradi, þa brann sva vatnit i lysikerum, sem þar veri vidsmiör i.

Petrus. Undarligan hlut heyri ek nu, enn vita vil ek, hvert litilleti sia madr hafdi innan rífa, er slikan krapt matti syna.

Gregorius. Maklikt er at vita litilleti þeira manna, er iarteinir syna, þviat iarteinir, þer er mönnum ero syndar, meða hugin

med mikilli freistni. Enn ef þu heyrir einn hlut, þann er sia madr gerdi, þa muntu vita bratt, hvert litilleti hann hafdi. Þa er saga geck fra heilagleik hans, þa sottu margir fund hans, ok for þorp-kall nockurr um dag langan veg at sia hann. Enn þa bar sva
 5 til, at Constancius stod a knacki ok gerdi at liosi. Enn hann var manna minztr at vexti ok liotr at aliti. Þorpkarlin spurdi, hvar Constancius veri, ok var honum sagt. Enn er hann sa mann liotan ok lagan, þa trudi hann eigi, þviat heimskr hugr demir verdleik eptir likams aliti. Þa gerdiz þreta nockur i hug þorpkallzins a milli
 10 þess er hann sa ok heyrði sagt, þviat hann hugdi eigi sva lagan mega vera þann, er (hann) heyrði sva háfan taldan i iarteinum. Enn er margir sôgdu honum, at þat var hann Constancius, þa hlo þorpkarlin at honum oc melli: «Ek truda þenna mann mikinn vera, enn hann er afstyrmi.» Enn er Constancius heyrði þat, þa
 15 varð hann gladr, ok geck þegar fra liosinu ok hvarf þegar til þorpkarlzins ok qvaddi hann sva blidliga ok feginsamliga, sem þa er hinir kerstu vinir finnaz: «Þu einn er sa, er rettum ôgum litr a mik.» I þessum hlut er merkianda, hvert litilleti Constancius hafdi, er hann qvaddi sva hyrliga þann, er hlo at honum.
 20 Þviat af meinmelum verdr hverr reyndr, hvilikr hann leyndiz adr at sin sialfs; þviat fagna litillatir, er þeir ero fyrirlitnir, sem dramblatir fagna, þa er þeir eru dyrkadir, ok fagna þeir af því, þa er þeir ero litils virdir af ôðrum, at þeim pickia þa adrir þann dom sanna, er þeir demdu adr sialfir um sik.

25 6. I enni sômu borg Anchonitana var byskup heilagr, sa er Marcellus het, en fotaverkr bannadi honum göngu, ok baru sveinar hans hann a handknökum þangat, er hann atti naudsyn at fara. Enn a nökurum degi kom elldr i borgina, ok toku mörg hus at loga, sva at til þess þotti horfa, at borgin mundi ôll brenna,
 30 þviat menn mattu eigi slöckva elldin. Enn er elldrin sotti sva miok borgina, þa bad byskup bera sik i mot elldinum, ok melli vid þa, er hann baru: «Setit er mik i mot elldinum.» Enn er þeir gerdu sva, at þeir settu hann i mot elldinum, þa er login var akafastr, þa tok elldrin at snuaz apr ok syndi þat, at hann
 35 matti eigi granda helgum byskupi. Enn er login stöðvadiz af þessu endimarki, þa sloeknadi elldrin ok þordi ecki hus at brenna sidan.

7. Munklifi stendr i fialli því er Soractis heitir. I því munklifi var guds þrell, sa er het Nunnosus. Enn hann hafdi þat veldi
 40 i fra Nunnuso guds manni *Oversk.*

ok forrad munklifissins, er næst var abotanum. Aboti var hardlyndr, enn hann bar þolinmodliga riklyndi hans ok stillti opt reidi hans med hogveri sinni ok litilleti. Enn munklifit var sett i fiallzhlid, sva at engi var slettr sta(dr), sa er munkar mætti setia kálgard. En hialli litill sa var i hlidinni, ok skutti þar yfir biarg mikit. Enn sa stadr syndiz Nunnoso hellz fallit til kálgardzins, ef eigi meinadi biargit, en honum syndiz steinn sa sva mikill, at eigi mundi hundrat yxna draga. Enn er hann sa eigi lidsmegin til at hræra steinin, þa leitadi hann af gudi fulltings ok hvarf til þenar um nott. Enn at morni þa var inn mikli steinn langt a brott hrædr ur þeim stad, ok gafz þa munkum erit rum at setia kalgardin.

A annarri tid, þa er heilagr Nunnosus fegdi glerker, þau er kirkiulios brunnu i, þa fell eitt ur höndum honum ok brottnadi i smatt. Enn hann hræddiz reidi abota, ok samnadi hann saman brotunum ok lagdi nidr fyrir alltari ok hvarf til þenar. Enn er hann reis upp af þeninni, þa var glerkerit alheillt, sva at eigi var brestr a því. Þat var enn, at vidsmior þraut i munklifinu, þvíat vidsmiorstre gafu eigi avöxt a sinni tid. Þa syndiz abota þat radlikt, at munkarnir færi vida at samna vidsmiorstream ok vinna med mönnum, at þeir mætti noekut vidsmior bera til munklifissins af verkkaupi sinu. Enn guds madr Nunnosus latti þess, þvíat hann ugdi þat, at brædr mundi fa andar skada, þa er þeir leitadi vidsmiors avaxtar ok færi brott or munklifinu. Þa bad hans brædr færa þat litla vidsmior, er þeir gatu af þeim inum fám vidsmiorstriam, er munklifinu voru. Enn er honum var þat fært i enu minzsta ker, þa setti hann fyrir alltari, ok hvarf til þenar, þa er adrir gengu fra. Sidan heimti hann þangat munka ok bad hella i öll vidsmiorsker af þessu vidsmiori. Enn er þat var gert, þa lauk hann

1 Her begynder første Fragn. C, et Blad delt efter Midten, saa at kun Halvdelen af hver Linie er tilbage; desuden er de nederste Linier aldeles bortskaarne. Det meddeles her: i pta i marga stabi. En annan dag, er vpp var lokit keronvm, þa vorv avll fyll af vidsmiorfi. Fra Anastasio ig avðæfi fyrir gvðs sakir, ok setti munklifi i þeim stað er marga vetr. En þar var hamarr einn skamt fra munklifino s, þa var heyrð ravdd til hamarsins vm nott, sv er kallaði þa vorv kallaþir .vii. brædr adrir ok nefndir á nafn siparr inn .viii. Allir mnkar heyrðo þessa rodd, ok vissv En eptir fa daga andaþiz Anastasivs fyrst. En sipan

aptr öllum kerum. Enn annan dag þá voru öll vidsmiorsker full, þau er inn fyrri dag voru öll tóm.

8. Anastasius het madr, sa er verit hafdi i Romaborg ok vardveitti mikla aura. Enn hann fystiz at lika gudi einum ok
 5 fyrirlet heims auðefi ok setti munklifi i stad þeim, er Suppentona heitir, ok lifdi þar marga vetr ok hafdi þar forrad yfir munklifinu. Enn er almattigr gud villdi launa göfugt erfidi Anastasio, þa kom rödd um nött a hafu biargi, því er nær var munklifinu, ok kalladi röddin ok mælti: «Kom þu Anastasi!» Enn er hann var kalladr,
 10 þa voru ok kalladir sið adrir brædr. Þa þagnadi röddin litla þa stund, ok nefndi enn litlu sidar enn .viii. munk. En er allir munkar heyrdu röddina, þa var iflaust öllum, at andlat hans nalgadz ok þeira, er kalladir voru. Enn er fair dagar lidu þadan, þa andadz Anastasius fyrstr, enn þar eptir adrir .vii. hverr ad öðrum, at
 15 þeir skipun sem röddin kalladi þa af hamrinum. Enn sa brodir, er röddin þagnadi nockura stund, adr nefndr vëri, hann lifdi nockura daga sidan, er adrir voru andadir, ok merkti su dvöl raddarinnar þa stund, er hann lifdi lengr en adrir, þeir er kalladir voru. Enn er Anastasius andadz, þa var sa einn brodir, er eigi villdi lifa
 20 eptir hann, ok fell til fota honum öndudum ok mælti: «Fyrir þann sialfan særi ek þik, er þu sottir nu heim, at þu latir mik eigi .vii. daga lifa i þessum heimi eptir þik.» Enn sa var andadr, adr .vii. dagar voru lidnir, ok hafdi hann eigi kalladr verit med audrum, þeim er önduduz, at þat mætti skyrar, at þen ein saman
 25 Anastasii audladiz andlat hans.

Petrus. Ef sa brodir var eigi kalladr med öðrum, ok for hann þo ur heimi af þenum heilags mannz, þa syniz mer sva, sem

þo raddir af hamrinum. En sa broðir er roddin þag z
 30 nöckvrum dogum siðarr en adrir, at þat mætti skyrar
 munksins. En fylgþi annat þat er vndarligra var. Broðir
 35 nastasium. En er Anastasius var andaþr, þa fell sa broðir
 nk er þv sækir heim, at ek lifa eigi .vii. daga i heimi
 ok var hann þeygi kallaðr um nöttina með öðrum, at þeir mætti . .
 ta dæða þessa munks. Petrus ait
 40 af heimi af heilags mannz bænum, hvat megi þa annat um
 af gvði fyrirætlar. Gregorius dixit tla-
 þir. En þeir hlvtir er helgir menn geta i bænum, ero sva fyrir ætla
 ætlan himinrikis er sva sett af almatkvum gvði, at valþir
 menn num, er gvð ætlaði at gefa þeim fyrir allðr.
 45 Petrus ait ætlan gvðs ma fyllaz með bænum.
 Gregorius dixit mun skiott sanna. Drottinn

guds dyrlingar megi stundum þat geta af þenum at gudi, er eigi er fyrirætlat.

Gregorius. Eigi megu þeir þat geta, er eigi er fyrirætlat, enn þat er helgir menn geta með þenum, þa er sva fyrirætlat, at með þenum skal getaz; þviat himinrikis vist sealf er sva sett af gudi ok fyrirætlud guds vinum, at þeir megu eigi eignaz nema með erfidi ok þenum.

Petrus. Sannadu þat framar, hversu þenir megu stydia fyrirætlan guds.

Gregorius. Audvellt er þat mal at sanna. Gud mælti sva 10
vid Abraham forðum: «Fra Ysæc mun þrifaz allt kyn þitt, en ek læt þik verða fôður margra þiôða, ok mun ek kyn þitt gera margt sva sem stiornur himins edr siofar sand.» I þessum ordum er þat synt, at gud hafði fyrirætlat at fiôlmenna kyn Abrahe fra Isæc, ok segir þo sva heilôg ritning, at Isæc bað fyrir konu 15
sinni, er obyria var, ok heyrdi gud þen hans. Ef attar exsling Abrahams var fyrirætlud edr heitin Isæc, fyrir hvi tok hann þa konu, þa er obyria var? Enn af þvi er vist, at fyrirætlan guds fylliz með þenum, er sa gat þat af þenum, at hann etti son, er þat var fyrirætlat af gudi, at kyn hans skyldi fiolment verða. 20

9. Lifgôfugr madr var i borg þeiri, er Serentis heitir, en sa het Bonifacius, ok var hann sva sem hann het, en þat þyðiz velgerandi. Enn hann sannadi nafn sitt a ungum alldri ok gerdi snemma iarteinir, þa er hann var heima með modur sinni; hvert sinn er hann geck ut or husi sinu, þa kom hann kyrtillaus 25
edr skyrtulaus heim, þviat hann gaf klæði sin fatlausum mônnum, er a gôtu hans urdu. Enn modir hans avitadi hann opt um þat ok qvad honum ofallit at gefa veslum mônnum klæði sin. Þat var um dag einn, at Bonifacius hafði gefit aumum

mælti við Abraham: Ek setta þik xla kyn þitt sva 30
sem stiornr himins eða siofar sand. Enn mælti hann
er vist at almatigr gvð hafði fyrir ætlat at ætla kyn Abra
að drottin fyrir konv sinni, þvi at hon var obyria, ok heyrði drottinn . .
. þi kyns Abrahe var fyrir ætlaþr af gvði fyrir Ysaak,
fyrir hvi ætlan fylliz með bænum, þar er sa gat með 35
bænum at hann hann skyldi ætla kyn Abrahe.
Petrus ait skynsemi lavk þat vpp fyrir mer
er aþr var leynt. Gregorius dixit de Boni.
. . . sannadi hann nafn sitt, en þat þyðiz goðvirk. hann var
byskvp i borg teinvu eigi at eins þa er hann 40
var i byskvpdomi sinum heldr ok þegar á með modr

manni allt hveiti, þat er modir hans hafði samnat til atvinnu ser þau misseri. Enn er hon kom til kornhlöðu, þa varð hon akafliga hrygg við skada sinn. Enn Bonifacius kom til ok leitadi við at hugga hana modur sina i blidum ordum. Enn er hon villdi eigi huggaz, þa mælti hann, at hon færi a brott ur hlöðunni. Enn er hon for a brott, þa hvarf hann til þenar, enn sidan geck hann ut ok leiddi hana þangat. Enn þa var kornhladan full hveitis, sva at hon hafði alldri fyrr verit iafnfull. Enn er modir hans sa þessa iartein, þa fysti hon iafnan sidan at gefa fleira enn færa. Enn hon var því vön at fæða hæn i husi sinu, enn refr kom stundum or skogi ok tok a brott hæninn. A nockurum degi var Bonifacius hia staddr, þa er refr kom ok tok hænuna eina. Þa for Bonifacius til kirkiu ok fell a kne til þenar ok mælti: «Likar þer þat, drottinn, at refr taki hæn modur minnar, enn ek mega eigi niota?» Þa reis hann upp ok geck ut or kirkiu. Enn refrin kom þegar aptr ok let lausa hænuna, ok fell þegar daudr nidr. Petrus. Ðat er undarlikt, er drottinn heyrir þen vina sinna i sva smam hlutum.

Gregorius pavi. Þat geriz af mikilli forsia guðs, at ver vœntim ens meira, þa er ver getum it minna. Heilagr sveinn ok einfalldr var heyrdr i litlum hlut, at hann nœmi i smam hlutum, hversu hann skyldi treystaz gudi til ens meira. Enn er heilagr

sinni. Jafnan er hann geck vt or hvi sinv, þa kom hann sk
 þegar hann sa klæðlavsan mann, þa gaf hann þeim þegar favt sin reiga manni rett at gefa favt sin valoðvm. Enn helgi Boni allt hveiti þat er moþir hans hafði safnat til allrar vetræz En er hann geck vt litlo siparr at lokinni bæn sinni þa En kornhlapan var sva fvll af hveitino, at hon hafði aptr tein. þa fysti hon iafnan at gefa fleira en færa. þa hans var von at fæða hæn i veggia skoti. En refr kom stv sveinn stoð i skotino, kom refr or skogi ok greip i brott h þer drottinn, at refr gripi i brott fostro moðr minnar e kirkivnni fra bæn, þa kom refr aptr ok let lausa hæn Ðat syniz mer vndarligt er gvþ heyrir bæn vina sinna i Af mikilli forsia gvðs milldi geriz þat, er ver getvm it m vænta ins meira. Heilagr ok einfalldr sveinn skyldi treystaz at biðia mikilla hlvtu af gvði avðigr ok var þar ecki til atvinno nema vingarþr einn dag, at fa ein tre vorv omeidd eptir. En er Bonifacivs iafnan var hann vanr, því helldr sem honvm þrængði meirr vingarþinn

Bonifacius var til byskups tekin i Serentis borg, þa fyllði hann byskups tign i godum tidum. Enn sa byskupsstoll var þa faskrud- igr, ok var þar ecki annat til atvinnu enn vingardr einn. Enn a nöckurum degi hafði hrid mikil spillt vingardinum, sva at fa vintre voru eptir, þau er avöxt meðti gera. Enn er Bonifacius byskup 5 kom i vingardin, þa gerði hann þackir gudi, sem hann var vanr i naudsynium. Enn er su tid nalgadiz, er þau enu fa vintre, er eptir voru, meðti avöxt gera, þa baud hann Constancio presti frenda sinum at bua til ok bika innan allar vintunnor, þer er til hófdu verit, sem vant var, þa er godr avöxtr hafði verit. Enn 10 prestrin undradiz, er byskup baud at bua til margar vintunnur, ok þordi hann eigi at spyria, hvi þat gegnadi, ok gerði sem byskup baud. Sidan geck byskup i vingardin ok samnadi vinber(i)um ok bar til vinþrongvar, ok bad hann alla menn utganga þadan. Enn hann var einn eptir ok sveinn ungr hia honum, ok bad hann 15 sveinin troda vinþrongina. Enn er þadan kom litit vin, sem von var, þa hellti guds þrell því i allar tunnur, þer er til voru, ok kom þa litit a einnar hlut, er litlu var skipt i marga stadi. Enn sidan let hann kalla þangat volada menn. Þa tok vin at vaxa i vinþronginni, unz fyllt voru öll ker, þau er voladir menn baru þangat. 20 Sidan sendi hann sveinin i brott ok lauk aptr vandliga vinklif-anum ok geck þegar til kirkiu. Enn a inum þridia degi heimti hann þangat Constancium prest ok lauk upp vinclifanum, ok voru þa allar tunnur fullar vins, sva at þa mundi yfir ganga of allar, ef eigi kemi byskup til. Þa baud hann prestinum varnat á at 25 segia iartein þessa, þviat hann ugdi þat, ef kraptr hans yrði mörgum kunnr, at manna lof mundi minka verdleik hans fyrir

sem hann væri ospilltr, ok a einvm degi bavð hann einvm
. tvnnr ok avll vinker, sva sem fyrr hafpi vant verit. En prestr
. vintvnnr þar er eigi var vins til van. En eigi 30
treystiz hann at s bio til allar tvnnr. Þa geck
Bonifacius i vingarpinn ok saf vinþrongar, ok bað
alla vtganga or hvsino nema svein einn l vinþron-
gina. En þar kom litið vin af fám vinberivm sem va
hellti or því eno litla kerí nockvro vini i avll ker ok tvnnr þær . . . 35
. helldr en eigi i allar tvnnr af þesso ino litla vini. Þa
mælti kalla valaða menn. Þa tok at vaxa vin i
þronginni. þar til er f vorv borin. En er hann haf-
ði hvggat alla valapa, þa er þangat komv lavk aptr
hvsino i las ok for sípan til kirkio. En inn þridia dag 40
þa vpp vinklefanvm, ok vorv þa allar tvnnr vins fvllar

guði, ok likti hann eptir drottni vorum sialfum, er oss gaf litilleðis dēmi, þa er hann bannadi lerisveinum sinum at segia syn, þa er þeir sa, þar til er sonr manz risi af dauda.

Petrus. Hvi gegnir þat, er sagt er fra lausnara vorum, þa er hann gaf syn blindum mōnnum .ii. ok bad þa engum manni segia, enn þeir foru ok sōgdu hverium, er þeir fundu. Hvat mundi guds sonr þess vilia, er hann mētti eigi fylla sva, at iartein su mētti eigi felaz, er hann villdi at leynd veri?

Gregorius. Lausnari vorr veitti oss dēmi i öllum verkum, þeim er hann gerdi i mannligum likam, at ver gangim honum i spor i öllu því, er ver megum, a gōtu þessa lifs. Drottinn bad leyna iartein sinni, ok vard eigi leynt, til þess at valdir menn hans nēmi þat af hans dēmum at vilia leynaz (i) godum hlutum, þeim er þeir gera, enn þo verda þeir fundnir naudgir, at öðrum megi stoda god verk þeira. Enn eeki villdi drottinn þess verda lata, er eigi mētti hann verda lata, helldr syndi hann dēmi, hvat lidir hans skulu vilia, edr hvat þeim mun verda oviliðndum.

Enn ero nockurir hlutir eptir at segia fra Bonifacio byskupi. Hatid var su heilags manz, þess er Proculus het. Enn audgir madr, sa er Fortunatus¹ het, baud heim med ser Bonifacio byskupi a þeim degi. Enn guds madr veitti þat, er Fortunatus baud med ast, ok for heim med honum, þa er lokit var tidum. Enn þa er bord var fram komit, ok adr byskup hafði mat signdan, þa kom leikari nockurr fyrir dyrum ok bles i trumbu, sem margir leikarar ero vanir at fa ser fēzlu af idrottum sinum². Enn er byskup heyrdi trumbulodit, þa reiddiz hann ok mēllti: «Daudr er vesalingr sia! Ek kom til bordz ok lauk ek eigi upp munni minum til lofs guds, enn sia kom ok bles i trumbu sina. Farit er ek gefit fēzlu vesalingi fyrir ast guds. Enn þat skulu þer vita, at hann er daudr.» Enn er leikarin hafði þadan fēzlu þegit, þa þa vinit ganga yfir allar tvnir, ef byskvp kemi siþarr. Þa þessa iartein meþan hann lifði, því at hann vgði at manna lof mendi m ofraz fyrir monnum. Þat gerði hann eptir dæmum ins sanna lærifeðr fvm ok bannadi lærisveinum sinum at segia þat er þeir höfðv seð Þess gefr nv færi at spyria, hverio þat gegnir er sagt er i gvð bavð at þeir seggi manni. En þeir forv vm land allt ok sog sameillfr feðr ok helgvm anda hafa þat i vilia sinum, er hann matti eigi er hann villdi at þagat væri yfir ok engvm fra sagt. Gregorius Varr drottinn ok lausnari gaf oss dæmi i öllum hlutum þeim er hann

1 Fortunus B. 2 tinum B.

villdi hann ut ganga, enn steinn fell i höfud honum af vegg, ok fell hann nidr ok lamdiz ok var daudr annars dags, sem guds madr sagdi. [I þessum hlut er virdanda, hversu mikil heidsøi er v(e)itandi helgum monnum¹, þviat þeir ero musteri guds². Ok þa er heilagr madr er til reidi eggidr, þa reidiz sa er byggvir i musterinu. Af þvi er mest uggandi reidi rettlatra manna, at þat er vist, at sa er nalegr hiortum þeira, er matt hefir til at hefna þeira.

A nöckurum degi var byskup gengin i calgard sinn, ok höfdu þa fuglar margir ok meinkviqvendi komit i gardin ok spillt öllu þvi, er i gardinum var. Þa melli Bonifacius vid meinkviqvendin: «Ek seri ydr i nafni drottins vars Jesus Kristz, at þer farit a brott ok spillit eigi fæzlu þæla guds.» En er hann hafdi þetta melli, þa foru a brott or gardinum öll kviqvendi þessi ok komu allðri þar sidan.

3A annarri tid hafdi Constancius prestr frendi Bonifacii byskups selldan hest sinn vid .xii. gullpenningum, ok lagdi hann i ork sina ok for sidan til syslu sinnar. Enn er hann var a brott farin, þa komu voladir menn til byskups ok badu hann gefa ser nöckura huggan volads sins. Enn er guds madr hafdi ecki þar med höndum, þat er hann metti gefa, enn hann villdi eigi lata ina voludu menn med tomar hendr brott fara, þa kom honum i hug, at Constancius prestr hafdi selldan hest sinn litlu adr ok lagt verd hans i örk sina. Þa geck byskup til erkrinnar ok braut upp lásin ok tok þadan .xii. gullpeninga ok skipti med þurfamönn- um, sem hann villdi. Enn er Constancius kom ok sa lás brotinn fra örk sinni ok brott tekna gullpeningana, vard hann reidr akaf- liga ok melli: «Þott allir se her, þa er mer eigi vort.» Þa heimti byskup hann til mals vid sik ok leitadi vid at stodva reidi hans med blidum ordum, enn hann svaradi med reidi ok þætu: «Eigi er mer her vort, qvad hann, gialltu mer penninga mina.» Þa geck byskup til kirkiu heilagrar Marie ok hellt höndum til himins ok bad, at gud gefi honum þat, er hann metti stodva reidi prestz. Þa leit hann i kapu sina fyrir, er upp hafdi borit milli handa honum, þa er hann hellt höndum til himins, ok sa þar liggia .xii. gullpenninga sva biarta, sem nytেকnir veri ur afli. Þa geck byskup ut or kirkiu ok kastadi penningum i kne Constancio presti ok melli: «Þar er(u) nu penningar þinir, þeir

1 manni B. 2 [Qua in re, Petre, pensandum est, quantus sit viris sanctis timor exhibendus; templa enim dei sunt lat. 3 Af Constancio

er þu leitadir, enn þat scalltu vita, at þu munt eigi her byskup eptir mik fyrir fegirni þína.« Af þessu atqvæði byskups lysti yfir þvi, at prestr ætladi at kaupa byskups vellði með gullpenningum, enn ord byskups fyllduz i þvi, at Constancius vard eigi byskup.

5 A annarri tíð komu gestir .ii. til byskups, þeir er fara letuz vilia til borgar þeirar, er Ravenna heitir. Enn Bonifacius gaf þeim vin i bolla, þat er þeim mætti þörf vinna at dagbolla. Enn þat vin vann þeim at nogu, þar til er þeir komu i Ravennam, ok dvölduz þeir þar nockura daga ok drucku hvern dag af þessu vini, er Bonifacius hafði þeim gefit, ok vann þeim þörf vinit allt til
10 þess, er þeir komu aptr til byskups, sva sem gerdiz vinit i bollanum.

10. Enn var annarr heilagr byskup, sa er Fortunatus het, i borg þeiri er Tudercina heitir, enn sa (hafði) mikinn kragt guds miskunnar til þess, at hann rak ohreinan anda fra odum mönnum
15 ok ste yfir með þena krapti margfallda freistni diofla. Noekur göfug kona var i Tuscía heradi, enn sonr hennar qvangadiz. Enn er fair dagar lídu þadan, þa var þeim snor ok sveru bodit til hatidardags, þess er vigía skyllði kirkiu Sebastiani. Enn a þeiri nött, er enn næsta dag skyllði kirkiu vigía, þa urdu en ungu hía yfir-
20 stigin af líkams munud, ok gadu eigi hatidarinnar. Enn er at morni kom, þa velkti enn unga kona fyrir ser, hvart hon skyllði fara til kirkiuvigslunnar, líkams munud latti hana, enn hon skammadiz fyrir mönnum at fara eigi, enn þo skammadiz hon meirr manna óglit enn guds dom; þa fór hon með sveru sinni. Enn er
25 heilagr domr Sebastiani var borin inn i kirkiu, þa vard enn unga kona od af diofli fyrir öllum lyd. Enn er kirkiuprestr sa hana meðða af diofli, þa tok hann þegar duk af alltari ok kastadi yfir hana. Þa greip ohrein andi prestin, þviat hann treysti ser framar, enn hann hafði verdleik, ok reyndi hann i meini sinu, hvat hann
30 matti. Enn þeir er hía stodu baru konuna heim til hus sins. Enn er hon hafði langt mein af ohreinum anda, þa toku frændr hennar þat rad upp, er óþarfaz var ondu hennar, ok selldu hana fiólkunnigum mönnum til lækningar. Enn þeir kóstudu henni ut a á ok leitudu víð lengi með gölldrúm sinum, at sa fiandi flyði,
35 er hana qvaldi. Enn þat gerdiz at guds domi, at þa er einn fiandi var fra henni rekin með fiólkyngi, þa komu margir i stadin, ok var hon miklu erri enn adr, ok tok hon lata íafmörgum röðdum, sem hon var qvöld af dióflum. Í þa toku frændr konunnar at idraz otru sinnar ok leiddu hana fyrir Fortunatum byskup; enn hann
40 styrkti sik marga daga ok nêtr i þenum ok fóstum, þviat hann sa

marga diofla i einum likam standa i gegn ser. Enn hann gerdi hana sva alheila af þenum sinum, sem alldri hefði ohreinn andi haft velldi yfir henni.

A annarri tíð hafði guds þrell Fortunatus rekit illgiarnan anda frá manni. Enn sa andi bra a sik utlendz manz asionu ok 5 for um aptan dags um strēti borgarinnar ok mēlti: «Sia þer nu, hvat byskup gerdi, hann rak utlendan mann af gistingu, enn nu leitar ek hvíldar, ok vill engi við mer taka i borginni.» Enn bondi einn, sa er sat við elld i husi sinu, ok konu hans ok sonr ungr, sa er heyrði ord ins utlenda, er hann hugdi at veri, ok þat 01 hversu byskup hafði gert, þa ladadi hann þann ok bad sitia við elld hia ser. Enn er þeir reðduz við, þa greip illgiarn andi son bondans ok varp honum i elldin, ok do þar, ok varþ bondi viss, hvern hann ladadi edr hvern byskup rak a brott.

Petrus. Hvi gegnir þat, at fiandin matti þar grand gera a 15 gistingu, er madr ladadi hann af því, at hann hugdi hann utlendan mann vera?

Gregorius. Margir hlutir synaz þeir godir, at eigi ero godir, þvíat eigi ero af godum hug gervir; þvíat eigi ero god verk, þo at god syniz, ef eigi ero af godum hug giorr. Enn ek etla þenna mann 20 af því mein fengit (hafa) af gest sinum, at hann þecktiz meirr atólur, þer er hin taldi a hendr byskupi, enn miskunnar verk, þvíat viti, þat er hann feck, syndi, at eigi var syndlaus vídtakan gestzins, þvíat þeir ero sumir, er til þess gera god verk, at þeir syniz þa betri en þeir adrir, er eigi gera slik verk. Af því etla ek þenna mann, 25 er fianda tok a gisting, fyrir þa hrēsni við honum tekit hafa, at hann syndiz framar gera enn byskup, þa er (hann) ladadi þann, er Fortunatus rak. A annarri tíð var nockurr blindr madr leiddr fyrir Fortunatum byskup, ok bad hann ser hialpar af guds þreli ok gat þat er hann bad, þvíat guds madr gerdi krossmark yfir 30 ógum hans, ok tok hann syn sina.

Hestr riddara eins erðiz, sva at traust matti ahendr verda, ok beit hann menn, ef a götu hans urdu. Þa gerdu menn til líðssamnad, ok varð hestrin tekinn ok leiddr til byskups. Enn hann gerdi krossmark yfir höfði hestzins, ok stöðvadiz þegar oll eði hans, ok 35 varð hann síðan hegri, enn adr hann hafði err orðit. Enn er riddarin sa hest sinn med sva stóru takni snuin frá eði, þa villði hann gefa byskupi hestin. Enn er byskup villði eigi þiggia hestin,

þa bad riddarin, at hann fyrirliti eigi gíof hans. Enn byskup fyrirleit eigi þen riddarans ok tok eigi gíof fyrir iartein, þviat hann gaf riddaranum fullvirdi fyrir hestin ok tok sidan vid hestinum, ok þreytti hann ast til þess, er honum var bodit at gefa.

- 5 A nockurum degi komu hermenn, þeir er Gothi heita, til Tudercina borgar, enn þeir attu leid til Ravennam. Enn þeir toku sveina .ii. ur þę þeim er Fortunatus atti. Enn er honum var þat sagt, þa sendi hann mann eptir lidshöfþingium ok lezt eiga skyllt mal vid þa. Enn er þeir qvomu, þa qvaddi hann þa
- 10 fyrst blidum ordum ok villdi sva stöðva grimleik þeira, enn sidan melli hann vid þa: «Hvert verd vilit er, at ek gefa ydr fyrir sveina þessa, er þer tokut?» Enn lidshofþingi svaradi: »Giora munum ver, hvat er þu bydr annat, enn sveina þessa munum ver eigi selia.« «Hryggvir þu mik nu, sonr, qvad byskup, er þu hlydir eigi födur þinum;
- 15 hird eigi at hryggva mik, þviat þer gegnir þat eigi.» En höfþingin hellt hardleik hiarta sins ok syniadi byskupi þess, er hann bad, ok for a brott. Enn er þeir funduz annan dag, þa hafdi byskup upp it sama mal at fala sveinana. En er hinn villdi þa eigi selia, þa vard byskup hryggr ok melli: «Veit ek, at þer gegnir eigi þat,
- 20 er þu hryggvir mik.» Enn höfþingin gaf eigi gaum at ordum byskups ok setti sveinana a hross ok let fara fyrir ser i midiu lidi, en hann ste ok a hest sinn sialfr ok reid eptir. Enn er hann kom fyrir Petrus kirkiu postola, þa drap hestr hans fęti, ok fell hann af baki, ok brotnadi þiolegggr hans. Þa baru forunautar hans
- 25 hann til hus, þar er hann hafdi gisting, ok let hann þegar senda eptir sveinum, ok bad hann þau ord bera byskupi, at hann sendi nockurn diakn sin. En er diaknin kom, þa let hann þangat leida sveinana ok melli; «Fardu ok seg drottni minum Fortunato byskupi, at hann taki vid sveinum þessum, er hann faladi, ok
- 30 bidi fyrir mer, þviat hann bölvadi mer.» Þa leiddi diaknin aptr sveinana til byskups. Enn Fortunatus sendi vatn vigt ok melli vid diaknin: «Fardu ok kasta vatni þessu yfir enn siuka!» Diaknin for ok gerdi, sem byskup baud. Undarligr hlutr gerdiz þegar; er þetta vatn kom yfir enn siuka, þa festiz þegar þiolegggr hans, er
- 35 adr var brotin i þria luti, ok reis hann heill upp ok ste a hest sin ok for leidar sinnar, sem honum hefði ecki at meini vordit.

Marcellus het einn godr madr, sa er hus atti i Tudercina, ok voru systr hans tver med honum. Enn hann tok sott ok andadiz þvatdagin nęsta paskum at aptni. Enn lik hans var eigi

grafit a þeim degi, þviat langt skyldi færa. En¹ er helgi hotípar-
ennar dvalþi lengi groft ens andaða, þa runno systir hans gratande
til byscops oc melto: «Vitom uit, at þu hevir postola velde,
grøper liopro, lyser² blinda. Com þu oc reis up broðor occarn af
daða.» En er Fortunatus fra³ andlat hans, þa felldi han tór oc 5
svaraþi þeim svstrom: «Farit a brát it oc meliþ eigi⁴ þetta, engi
maþr ma góra i gegn boþorþi gvþs, er alra lifi reþr.» En er þer
foro a brávt, þa var byscop eptir hrvggr af andlati Marcellus. En
i dagstings⁵ of morgoninn þa for hann til hus ens andaða manz⁶,
oc diaenar hans .ii. meþ honom, oc stoþ hann lengi a bøn yvir 10
licino. En er hann hafþi bón locit, þa settise hann hia likino
oc nefndi en andaða [a nafn⁷ oc melti lagt: «Marcelle frater!«
En en andaþi hof up ægo sin þegar, sem hann vere or svefni vacþr
oc leit til byscops oc melti: «Hvat gærþir þv, hvat gærþir þu?»
Byscop svaraþi: Hvat þotti þer sem ek gærþa?» «Tveir menn, 15
qvad hann, qvomo i gær oc leido and mina fra licam i goþan staþ.
En i dag vas .i. sennr, sa es melte viþ hina .ii.: Leiþiþ [it apr
hann⁸, þvi at Fortunatus episcopus es comenn i hus hans.» En eptir
þessi orþ þa reis Marcellus heill up oc lifþi lengi siþan. En þat
es vist, at hann mónde eigi týna goþom staþ, þeim es hann hafþi 20
tecit, þvi at íflást es, at hann matti af bónom byscops betra lif
hafa eptir andlat en fvrir, þott hann lifþi vel apr. En ver þurfom
eigi mart at segia fra lifi Fortunatus byscops, þar er ver siðom allt
til þessa dags margar iarteinir verþa at leiþi hans; þar fa sivkir
menn helso, oc fleia dioflar fra oþom, oc geta þeir bænir, es meþ 25
rette tru biþia.

11. Martirius het .i. gvþs þrell i Valeria heraði, en sa þionaði
trulega gvþi, oc boro iarteinir vitni heilagleic hans. A necqveriom
dege, þa er muncar hofþo gorvan bylming⁹, oc com þeim eigi i hug
at gæra crossmare¹⁰ a bravþhleifin[om], sem vanþi vas til, þa 30
sagþo þeir Martirio, at hlefren vas eigi merþr, oc [var borin apr¹¹
i eimyrrio, þa gærþi gvþs þrell meþ fingri sinom crossmare yvir
gloþonom. Þa toc bravþit at spraca sem steinn micill i eldenom.
En es hleifrinn var bacapr oc or elde tecenn, þa vas crossmare
fundit a hleifinom, þat es meþ tru vas gort heldr en meþ hende. 35

1 *Med dette Ord begynder A, som nu lægges til Grund.* 2 ok lysir B.
3 fretti B. 4 *n(d.e.non) A; og saaledes oftere for eigi.* 5 dagan B. 6 *Y A.*
7 *[saal. B; M. A; per nomen vocavit lat.* 8 *[Leiðit hann apr B.*
9 *bylming B; panem subcinericium lat.* 10 + marc A. 11 *[rettet;*
var homo (eller borno) . . þr A; rakadr B.

12. Dalr heitir Intertrina¹, i þeim dal steindr(!) gvþs moþor kirkia. En þeire kirkio þionaðe heilagr prestr, sa es Severus het. Honom sende orþ .i. buande, þa es sa la á náström², at hann scylde coma oc veita honom scriptir oc bönir, at hann levstise fra synþ-
 5 om, apr hann andaþisc. En es sendemenn buandans qvomo, þa atti Severus prestr scylda svsló i vingarþi, oc melti við þa sendemenn-
 ena, at þeir færi fvrir, en hann leze coma mónico litlo siþarr. Oc er litit vas eptir vanunnit i vingarþinom, þo læc hann svsló sinni,
 apr hann færi til ens sivca. En es hann vas a leiþ comenn, þa
 10 qvomo þeir a mot honom, es fvrir voro sendir, oc melto: «Fvr hvi dvalþir þu faþir? Eigi þarptu lengr at mæpa þic a farveg þessom, andaþr er hann nu.» Severus varþ þa acafliga hrvgr, es hann heyrþi þetta, oc virde hann sic verþa secian af andlati hans, oc fór klæcqvande, unz hann com til hus ens andaþa, oc fel
 15 allr til iarþar fvrir rekio hans oc kallaþi a gvþ meþ torom. En es hann greit(!) acafliga oc hof eigi hofþ af iorþo oc talþi sic sekian fvr gvþi af dæþa hins, þa toc en andaþi and sina oc lifnaþe. En es þeir só þat, es hia stóþo, þa toco þeir at undrasc oc feldo tær fvr fagnaþi, oc spurþo hvar hann hefþi verit, eþa hverso hann
 20 hvrþi aptr. En hann svaraði: «Svartir menn oc hreþilegir leido mic, en eldr brann or munn i þeim oc næsom. En es þeir lédo mic of mvrqvastaði, þa com a mot oss ungr maþr, fagr at aliti, oc melti við þa es mic leido:» Leiþit [aptr er hann³, því at Severus grætr. En es Severus hevrþi þetta, þa reis hann vp af iorþo oc
 25 veitti buandanom scriptir oc bönir. En es enndr lifnaþr var en sivci, oc hafþi gorva iþron .vii. daga fvr synþer sinar, þa andaþisc hann a enom atta degi oc vas þa fus at devia. Petrus dixit: Lengi hafa leynd verit fvrir mer mikil ageti, þa es nu heyrþa ec. En hvi gegnir þat, er nu synasc eigi slikir
 30 menn?
- Gregorius respondit. Enn etla ec [slica marga vera⁴ i þessom heimi, þott þeir gæri eigi sliqar iarteinir, því at sænn virþing lifs dómisc at siþom en eigi at iarteinom, því at margir góra þeir eigi iarteinir, es slikir ero sem hinir, es iarteinir gæra.
- 35 Petrus dixit. Hverso mattv þat sanna, at þeir se slikir, es eigi gæra iarteinir, sem hinir es gera?
- Gregorius. Veiztv at Pæll postole es kallaþr iamningi oc broþir Petrs postola i sinni svsló.

1 Interencina B. 2 nástram B. 3 [er hann aptr B. 4 [marga vera slika B.

Petrus. Vist es þat, at hann var allom framarr at erfípi, þott hann telpi sic sialfr minztan postola.

(Gregorius.) Þat mondv muna sagt fra Petro postola, at hann gek þurrom fotvm of se, en Pa'll gek .iii.¹ af bro(t)no scipi. A enne somo scepno gek Petr þurrom fotom, es Pa'll matti eigi comase 5 meþ heilo scipi. En þat es vist, at eigi es verpleier þeira misiamn a himni, þott craptar þeira veri misiamnir i iartein.

Petrus. Hugnar mer alluel þat es þu segir, því at nu veit ee vist, at meira es virpanda² heilagleier lifs heldr an(!) iarteinir. En fvr því at iarteinir bera vitni goþs lifs, þa biþ ee þic, at þu segir 10 en fléri goþ dómi heilagra, þa es fôþa megi hungrande and mina.

Gregorius. Segia etla ee þer nacqvaf fra iarteinom heilags Benedictus, en nu ma eigi vinna dagr til þess. En þa megom ver þetta fulligarr af hende leysa, ef ver gerom annat uphaf at þesso male.

15

Incipit liber secvndus 3.

Benedictus var gofogr i lifi sino, oc vas atferþ hans eptir nafni hans, en þat þvpise blezapr. Hann hafpi þegar gamals manz atferþ i æsco sinne oc lifpi eki eptir licams munob, heldr fvrleit hann heim þennasva sem þornapan, þott hann mette niota fegrþar hans her a iorþo. 20 En hann var ętsapr at flesto kvni or herapi því, es Nursia heitir, en seldr i Rumaborg til leringar. En es hann sa marga villasc af veralligre speki, þa hvarf hann af þeire goto veradligs⁴ nams⁵, es hann hafpi up tekit, oc vildi hann eki bergia af vitro þessa heims, at eigi fvrforisc hann i veradligom⁶ ahvggiom. Þa fvrlet⁷ 25 hann boenam ok for bræt fra husi farþor sins, því at hann vildi gvpi enom⁷ þiona i heilagri atferþ⁸. En hann for oviss visliga oc olerþr spacliga.

1. En es hann hafpi rapit at ganga i einseto, þa fvlgi honom fostra hans, es honom unni mikit. En es þa qvomo 30 til staþar þess, es Effide heitir, þa ætto þa þar dvol necqveria daga. En fostra hans hafpi beþit conor at lia ser trogs⁹ at selda miol; oc setti hon þat yvir borþ ovarla, en þat fell [af borþino¹⁰ ok brotnapi i .ii. hluti. En fostra hans varþ hrvg, er hon sa trog

1 þrisvar (!) B. 2 saal. ogsaa B. 3 Upphaf sögu Benedicti abota B. 35

4 veralldligs B. 5 saal. B; nafns A. 6 verallldligum B. 7 einum lika ok B. 8 atfeþr(!) A; atferd B. 9 trog B. 10 [ofan B.

þat brotiþ, es conor hofþo let henne. En es Benedictus en mildi sveinn sa fostro sina grata, þa bar hann a bræt meþ ser trogsbrotin oc felde tór a bæn. En es hann reis up af bæn, þa vas trogit sva heilt, at engi brestr var a því. Þa huggapi hann fostro
 5 sina oc selde henne heilt trog, þat es hann toc brotiþ. Sia iartein varþ¹ bóiarmonnom sva tiþ, at þeir festo up til svnis i kircio-
 durom þat it sama trog, at allir metti sia, hverso dvrlega Benedic-
 tus hof up atferþ sina, oc hek trog þat marga vetr siþan yvir kirciodurom. En Benedictus vildi heldr móþa sic fvr gvþi i erfþi²
 10 en hefiase up i manna lofi; þa floþi³ hann fra fostro sinni levniliga til þess stapar es Sublacus heitir. Sa stapr es .xl. milna fra Ruma-
 borg, oc spretr þar up kalt vatn oc fellr þapan lær or þeim brunni. En es gvþs maþr⁴ com þangat, þa fann hann a goto munc þann es Romanus het, oc spurði sa, hvert hann færi. En es Benedictus
 15 sagði honom, hvat hann vilde, þa fec Romanus honom munks byning oc þionapi honom sem hann matti. En gvþs þrell bvrði sic þar i litlom helli oc var þar .iii. vetr, sva at engi maþr vissi til hans nema Romanus .i. En Romanus vas scant þapan i munklifi, oc for hann a bravt þapan, sva at abote hans vissi eigi⁵, oc fórþi
 20 Benedicto bravþ, þat er hann dro af sinni fæzlo. En Romanus matti eigi fara gangstig fra munklifino, því at hamarr gegg(!)⁶ a milli til hellis Benedictus, en hann let siga ofan til hans bravþ i langom streng. I þeim streng hafði hann festa biollo, til þess at Benedictus vissi, a hverre stundo honom veri fótsla fórþ. En en
 25 forni fiandi ofundapi æst annars, en fetslo annars, oc kastapi steini i biollona of dag oc bravt i sundr. En Romanus let eigi afþ at þiona Benedicto a þa lund sem hann cunni.

En es gvþ almatigr vildi Romanvm lata hvilase af erfþi, en svna monnom lif Benedictus til dæmis⁸, at allir þeir, er i gvþs
 30 huse ero, sei lios gæzco hans, þa svndisc drottinn presti necqveriom a paschadeginom fvrsta oc melti við hann: «Þu letr góra þer crasir, en þrel minn hungrar scant fra þer.» Þa reis prestrinn up þegar⁹ oc for meþ fetslo þeire, es hann hafði ser buna, oc leitapi gvþs þrels of fialdala¹⁰ oc of dælar oc fann hann of siþir i hellinom.
 35 En þeir qvodose oc lofoþo gvþ. Þa melte prestrinn, es comenn var: «Ris up þu, frater¹¹, oc tocom vit til fózlo, því at nu ero pascar.» Benedictus svarapi: «Pascar ero mer nu, er ec naþa at sia þic.»

1 öllum tilf. B. 2 ok meinum heims þessa tilf. B. 3 flydi B.

4 Y A. 5 n A. 6 hár geck B. 7 því heldr tilf. B. 8

dæma B. 9 enn sama paskadag tilf. B. 10 fialldali B. 11 broder B.

Benedictus vissi eigi, at þa var pascatíþ, því at hann vas fiarri
 aþrom monnom. Qvaþ hann prestrinn: «Vist er nu pascatíþ oc
 uprisodagr drotins, oc gegnir þer eigi at fasta, því at ec em til þess
 hingat¹ sendr, at vit tacim bapir saman gíafar gvþs.» En er þeir
 voro mettir, þa for prestr aþtr heim til kircio sinnar. Sípan fundo
 smalamenn² Benedictum fvr durom hellissins. En es þeir só hann
 scinncleþom servdan, þa hugþo þeir fvrst at dvr veri, en er þeir
 cendo gvþs þrel, þa snórose þeir margir til miscunnar fra dvra lifi.
 Þa toc nafn hans at evnnase i enom nestom stopom, oc qvomo
 margir at færa honom licams fæzlo, en þeir toco andar fæzlo af
 honom i gegn.

2. A necqveriom degi þa es Benedictus vas .i. saman, þa
 com frestni at honom, því at nacqvarr svartr fogl litill flo sva
 ngr andliti hans, at hann matti aþvelliga taca hende, ef hann
 vilde. En hann górfi cross³ mare a mot oc flópi foglinn. Þa
 varþ gvþs maþr fvr sva micilli licams frestni, at hann hafði aldregi
 slica revnda, fvr því at ilgiarn andi leidi fvrir hugsko(t)s aþgo
 honom necqveria cono, þa es hann hafði fvr sena. En sva micill
 girndar eldr brann i briosti hans i aliti cono þeirar, at hann hafði
 mioc sva einraþit at hverfa eptir munof sinni oc ganga a bravt
 or evþimorc. Þa let⁴ gvþs mildi til hans, oc hvarf hann⁵ aþtr til
 sins sialfs, oc sa hann hia ser clungr oc þvrni, oc for hann þegar
 or cleþom sinom oc veltise lengi berr i þyrninom. Þa grodi hann
 sór andar sinnar, því at hann snóri þeim i licamligan sarleic, oc
 slóeþi hann girndar brunann, þa es hann svídi utan af þornonom⁶.
 En fra þeiri tíþ hvarf sva gorsamliga fra honom licams freistni,
 at hann cende aldregi sípan slierar freistni. Sípan toco margir at
 fvrlata heim þenna oc gerasc lerisveinar hans, því at þa górpisc
 hann macligr at vera lerifaþir crapta, es hann hafði aþr stigit yvir
 losto, sva sem Moyses baþ, at eigi sevlde ére⁷ diacnar þiona⁸ en
 halfþritægir i musteri gvþs, en þeir sevlde⁹ varþveita heilog ker, es
 fimtógir veri.

Petrus. Lyser nacqvatt fvr aþgom mer of scilning þessa hlutar,
 en þo biþ ec, at þu sevrir þetta framarr.

Gregorius. Þat es svnt, at a æsco aldre es heitost aþl licams
 frestni, en hon colnar fra enom fimtogonda vetri. En heilog ker
 ero hugscot truaþra manna. En meþan gvþs vinir ero i freistni,
 þa es þeim naþsvn at móþa sic i erfípi oc þiona litillatliga.

¹ tilf. B. ² fehirðar B. ³ † A. ⁴ leit B. ⁵ tilf. B.

⁶ þyrnunum B. ⁷ yngri B. ⁸ tilf. B. ⁹ skylldu B.

En þa es licams hiti hverfr fra þeim, þa verða þeir varðveitlso-
menn⁽¹⁾ heilagra kera, þat ero lerifeðr anda.

Petrus. Fyr því at mer scilse nu þat, er þu segir, þa vil ec, at
þu haldir fram sogonni, sva sem þu hofst up at segia.

3. Gregorius. Þa er gvþs maðr vas hreinsaðr af freistni, sva
sem goð iorð af þornom, þa gaf hann margan crapta avox, oc varð
nafn hans agætt of alla ena nēsto stapi. Muncli² vas scamt þapan a
bravt, oc vas þar aboti andaðr. Þa qvomo allir munkar ór því
munclifi oc boþ³ mioc Benedictvm, at hann scvldo vera aboti þeira.

10 En hann dvalði lengi at veita þat, er þeir bæþ³, ok sagði hann,
at eigi mōnde saman coma sifir hans oc þeira. En þo vetti hann
þeim of sifir þat es þeir bæþ³. En er hann helt scvnsamliga
atferð i því munklifi oc lofaði engom at hneigiase af gvþs goto til
høgre handar ne vinstre, þa toco munkar at reipase oc socoþo fvirst

15 sic, es þeir bæþ³ þann vera [stiornara sinn⁴, er sva fiarlēgr var
sifom þeira. En es þeir so ser bannaða vera alla ranga hluti, oc
voro ofvsir at fvrlata vanða sinn, þa reþo þeir fíorroþom umb
hann oc blendos drvc hans eitri. En es honom vas sia dāþadrvc
forðr i glercere, þa górfi hann þegar cross⁶ marc a mot, aþr honom

20 veri glerkerit selt, sem hann var opt vanr. En þa sprac i sundr
glerkerit, sva sem hann lvti steini a þat. Þa scilði gvþs maðr, at
þat ker hafði dāþadrvc, er eigi matti standase lífs marc. Þa reis
hann þegar up oc callaði til sin alla broðr oc melti við þa blif-
liga: «Gvð almattigr miscunni yðr, broðr! fyr hvi gorðoð er sva

25 við mic? Eða sagða ec yðr eigi fvrr, at sifir minir oc yð(r)ir
mōnde⁷ eigi saman coma? Farit er nu oc leitit yðr abota eptir
sifom yðrom, því at er monoð eigi mic lengr hafa.» Þa for
hann aþr til einseto sinnar oc bygði með ser einn i agliti gvþs.
Petrus: Eigi ma ec scilia, hverso hann matti byggva með ser

30 einn⁸.

Gregorius. Ef sanctus⁹ maðr vilde lengr vera þar við vandreði
þeira, es sva oglikir voro honom¹⁰, at þeir vildo raða bana hans,
þa mētti verða at því, at hann tvndi kvrleic¹¹ hugar sins oc hnegði
hugscots ogo sin fra goðligri¹² uplitningo oc¹³ fvrlēti sialfan sic,
35 oc hvgði¹⁴ miðr at sino lífi, ef hann beri ahvggio hvern dag fyr

1 vardveizlumenn B. 2 munkliði B. 3 badu B. 4 [stiornar-
mann B. 5 blöndudu B. 6 . . . A. 7 munda B. 8 tilf. B.
9 heilagur B. 10 i sidum tilf. B. 11 hyrleik B. 12 guðligri B.
13 ok mētti verða at því at hann tilf. B. 14 hygdi B.

þeira vandreðom, því at hvert sinn er hugr varr recar¹ langt fra þurpt varri, þa erom ver oc eigi sialfir með oss, því at ver litom eigi sialfa oss, en hvvggiom² at aþrom; eða segiom ver þann verit hafa með ser siolfom, er for langt fra feþr³ sinom oc logapi⁴ aßlom aßrom sinom, siþan pionapi hann enom borgarmanni oc getti svina hans, ocs hungrapi hann. Þa mintise hann á, hvi⁶ hann hafði tvnt, oc es sva [ritiþ of⁷ hann, at hann hvarff aþtr til [sins sialfs⁸ oc melti: «Margir legomenn⁹ hafa gnogt¹⁰ i husi foþor mins, en ec sveltt her.» En ef hann var aþr með ser, hvaþan hvarf hann þa [aþtr til sin¹¹? En sia sanctus Benedictus bygði með ser, því at hann varþ-
veitti sic avalt¹² i ægliti scapara sins [oc rende aldregi hugscots aßgom fra ser til onvtra hluta¹³.

Petrus. Hvat es þat, es sagt es fra Petro postola, þa es engill gvþs lédi¹⁴ hann or mvrqvastofu, þa hvarf hann aþtr til sin sialfs oc melti: «Nu veit ec vist, at drotinn sende engil sinn oc levsti
mic or hondom Herodis oc or aßlo clande gvþinga.»

Gregorius. Tveim hottom verþom ver leidir fra oss siolfom, annattveggia at ver follom undir oss fvr reicon hugrenningar, eða ver hefiomse yvir oss fyr miseun uplitningar. Sa maþr es svina getti oc svalt, hann fell undir ser siolfom i reicon hugar oc
ohrenso¹⁵; en sia es engill gvþs levsti, hann var leidr fra ser siolfom oc hafþr up yvir sic. En hvartveggi hvarf aþtr til sin, þa er annarr vitkapise af villu, en annarr hvarf aþtr fra uplitningar heþ til þeiarar seilningar, er hann hafði sameiginliga með aþrom mannom. En gofogr Benedictus bygði með ser i því, es hann
varþveitti avallt hug sinn, en hann var opt uphafþr yvir sialfan sic fvr æst uplitningar.

Petrus. Hugnar mer þat er þu segir, en þat vil ec vita, ef Benedicto veri lofat at fvrmeta þa bróþr, er hann toc of sinn at varþveita.

Gregorius. Þat etla ec vel fallit vera at sitia ollom monnom meingorþir, þar er necqverir ero goþir með þeim, þeir es hialpise. En þar er tomt erfiþi fvr illom¹⁶, er engi verþr avoxtr af goðom. En fvr hveriom goðom metti gvþs maþr þar erfiþi drvgia, er allir vildo rapa bana hans. Þat górise oft i hug heilagra manna, þa er

1 reikar B. 2 meirr tilf. B. 3 saal. B.; feþrom A. 4 glytradi þar B. 5 þa tilf. B. 6 hveriu B. 7 [ritad um B. 8 [sin B. 9 leigumenn B. 10 braud tilf. B. 11 [saal. B.; apt til sinn B. 12 iafnan B. 13 [mgl. B. 14 léiddi B. 15 ohreinsu B. 16 ollum B.

þeir sia erfiði sit avaxtalaust, at þeir fari i annan stað til nyttsam-
 ligra¹ erfiðis, sva sem Pa'll postoli górfi, sa er fus var at andasc²
 oc lifa með Cristi oc taca pislir fvr gvþs namni oc fvsti apra til
 þolinmöfi. Þa er hann varþ fvr ofriði i Damasco³, þa let hann
 5 sic niþr siga i vandlaþi fvr borgarvegg, oc flóþi eigi af því, at
 hann hreddese banann, heldr af því at hann sa i þeim stað erfiði
 sitt micit en avoxt litinn, oc hirti hann sic til avaxtsamligra er-
 fiðis. Gvþs riþari⁴ vildi eigi hondlaþr verþa i borginni, held(r)
 gek hann ut a voll til orrosto. Sva gorfþi oc sia⁵ helgi Benedic-
 10 tus, þa er hann fvrlet þessa munka, es hann mati eigi lera til
 lifs, þa reisti hann marga apra up af⁶ andar dafþa i aþrom staþom,
 sem sevrasc mon i því, er enn ferr eptir.

Þa er gvþs maþr scein iarteinom i einseto sinni, þa qvomo
 margir til hans oc górfosc lerisveinar hans, oc setti hann .xii.
 15 munklif i nond ser, þar er .xii. munkar voro i hverio, en forraþs-
 maþr enn .xiii. En hann hafþi fa munka með ser, þa er honom
 þotto maclieftir sinnar kenningar. Þa toco Rumaborgar menn at
 selia honom sono sina til leringar at þiona gvþi; Eqvitiu gafogr
 maþr selde honom son sinn⁷ Marum, en Tertullus Placidum.
 20 Marus scein brat i goþom siþom oc glicþi eptir lerifosor sinom,
 en Placidus var ungr sveinn oc þotti gott manzefni vera.

4. I eno munclifi, því es Benedictus hafþi sett, uas einn
 munkr, sa es eigi matti standa a bōnom, oc recaþi hann svslō-
 lāss, þa es aprir munkar boþo fvr ser. En es aboti hans matti
 25 [eigi honom⁸ snua aleipis, þa var hann leidr fvr Benedictum, oc
 avitaþi hann muncinn of heimscō sina. En es munkr com heim,
 þa varþveiti hann eigi lengr en .ii. daga orþ Benedictus, en a enom
 þriþia degi hvarf hann aþtr til vanþa sins. En es þat var sagt
 Benedicto, þa melti hann sva: «Ec mon coma oc bóta hann.» En
 30 gvþs maþr com til þess munklifs, oc⁹ muncar stoþo a bēnom eptir
 tiþir, þa sa hann, at svartr sveinn toc [i cleþi¹⁰ munksins, þess er
 eigi matti standa a bōnom, oc leidi hann ut. Þa melti Benedictus
 viþ Pompeianum abota oc viþ Marum lerisvein sinn: «[Sep it¹¹
 eigi, hverr þenna munc leipir ut?» En es þeir letose eigi sia,
 35 þa melti hann: «Biþiom ver gvð¹², at it megit sia, hveriom muncr

1 nyttsamligs B. 2 deya B. 3 Damasco B. 4 rettet; þiþari A;
 riddari B. 5 en tilf. B. 6 tilf. B. 7 til leringar tilf. B.
 8 [honum eigi B. 9 en er B. 10 [til B. 11 [Sia þer B.
 12 nu ok þa B.

sia fvlgr.« En es þeir boþo þess, þa sa Mærus aboti, en Pompeianus aboti matti eigi sia. Þa gee Benedictus ut eptir muncin-
nom oc sa hann standa uti oc læst til hans vende. En fra þeim
degi com en svarti sveinn eigi at frésta munesins, oc vas hann
avalt síþan staþfastr a bénom sem aþrir muncar, oc þorþi en forni
fiande eigi at [frösfa(!) i hugrenningom² hans síþan, es hann var
bravt recinn með bardaga ór því linessci.

5. Af þeim munclifom es Benedictus let setia voro .iii. munclif
ovarla i fialli, oc otto munkar beþi langt oc bratgengt til vats, sva
at ner var manhasci³ at fara. Þa qvomo bróþr or þeim .iii. 10
munklifom oc melto við Benedictum: »Torveliga⁴ leip [eigum vers
til vats, oc es þer fyrir því næþsvn at færa bygb ora.« Gvþs maþr
huggaði þa oc baþ þa heim fara. En hann for nott ena somo
eptir oc Placidus ungr sveinn með honom til fialsins, oc stop hann
lengi a bøn a gnipo nacqvarri, oc setti hann up þar drangsteina 15
.iii. til mares, oc for hann heim, sva at engi vissi, at hann heþfi
farit. En er munkar qvomo annan dag oc boro up vandreþi sin,
þa melti Benedictus við þa: »Farit er til gnipo þeirar, er drang-
steinar .iii. ero upsettir, oc holit innan biargit; en gvþ almattigr
ma letta erfíþi yþro oc gefa yþr vatn i fialli.« Þeir foro til 20
biargsens, oc var þat⁶ þegar alvatt allt. En es þeir holopo biargit
innan, þa fvlði grofina þegar vats⁷, oc fell þáþan lóer a iofno niþr,
oc heltse þat [allt til þessa dags⁸.

69. A annarri tíþ com litillatr maþr nacqvarr til gvþs þrels,
oc toc Benedictus við honom. En hann selde sníþil i hond honom 25
of dag oc sende hann at hoggva up þorna¹⁰ or staþ þeim, er hann
vilde setia lata calgarþ. En þar var hia diup¹¹ tiorn, oc var þetta a
bakanom tiarnarennar. En es hann¹² hreinsaði staþinn oc hio up
þornana¹³, þa fell sníþillinn or hepti oc hræt a tiornina, þar er hon
var divpost. Veremaþrinn varþ hrvggrr oc sagði Mæro, at hann 30
haþfi glatat sníþlinom. En es Mærus sagði Benedicto, þa gek
Benedictus til tiarnarennar oc toc sníþilsheptit ór hende ver-
mannenom oc retti þat i tiornena. Þa rende iarnit neþan sem
fiscer at ongli, oc varþ þegar [fast i hefti¹⁴, oc selde hann sníþilinn
veremanninom oc melti: »Vinn þu nu oc ves eigi oðlaþr.« 35

1 tilf. B. 2 [freista B. 3 eptir tilf. B. 4 saal. oprindelig i A;
a er senere udraderet, saa at der nu staar Torvelig; Toruelliga B.
5 [tilf. B. 6 þar B. 7 mgl. B. 8 [sidan B. 9 af því er iarn
flaut i vatni fyrir Bend. Oversk. B. 10 þyrna B. 11 saal. B;
dvp A. 12 hinn B. 13 þyrnana B. 14 [heptifast B.

7. Þa es Benedictus sat i husi sino¹, þa for Placidus sveinn til tiarnar at taca vatn. En er hann sæpi ovarliga keraldi i vatnit, þa fell hann eptir ut a tiornena, oc drogo stræmar hann oc vindar ut fra lande mioc sva ordrag allt. Benedictus vissi [þat es² orþit var oc melti við Mærum: «Rendo seyndeliga, frater, því at sveinn es [vant(!) for³ taca fell a tiornena, oc bar stravmr hann langt fra lande. Mærus to[c blezon]⁴ af Benedicto oc for at boþorþi hans, oc hugþise hann a iorþo fara, þa es hann gek a vatn[i, oc dro] hann sveininn til lannds. En es hann ste a land af vatnino, þa lets hann aptr oc sa, a[t hann hafði a vatni gengit, oc undrapise, er þat hafði hlvt þar, er hann mænde eigi trevsta[sc, ef] hann vissi, oc sagði þat Benedicto, es hann com heim. Benedictus eignaði þat hlyðni hans en eigi v[erþleic] sinom. En Mærus qvad þetta orþit vera af boþorþi eino saman Benedictus oc blezon oc [qvapsc] engi⁶ hlut eiga i þeim crapti, es hann gærpi ovitandi. En sveinnenn scilði þessa litell[etis] þreto með þeim oc melti: «Þa es ec vas af vatni dreginn, þa sa ec clepi abota mins c[oma] vfir hofor mer, oc dro hann mic utan af vatne.»

8. Þa er margir hurfo til gvþs eptir dæmom Benedictus oc fvrleto veradlict⁷ lif, þa var[þ prestr] nacqvarr lostinn af diofols ilseo, en sa het Florentius, oc toc hann at ofunda oc a at leita á atferð Benedictus, sva sem vandra manna [vanði] es at ofunda apra fvr þa goða hluti, er þeir vilja eigi sialvir hafa. En er hann sa, at hann matti eke at vinna at þverra ageti crapta hans i gagnstoþo sinni, þa evndisc hann af ofundar elde oc versnaði, þa er hann sevlde batna, því at hann vilde hafa lof manna, en hann fvrleit⁸ lofsamligt lif. Þa fyldeð prestrinn þeirar illzco, at hann sende gvþs⁹ manni eitrblandenn hleif¹⁰. Benedictus toc við hleifinom oc vissi, hvat grand i var i bræþino. En hramn var vanr at coma or scogi [hvert] matmal at taca fetslo or hende Benedictus. En er hramninn com at vanða sinom, þa ca[sta]ði Benedictus fvrir hann þeim hleifi, es Florentius hafði sent honom, oc melti við hramninn: «I nafni drott[ens] tac þu hleif þenna oc casta þu honom þar niðr, er aldregi finnisc.» Hramninn gapði mu[nni] oc flócti¹¹ umhverfis hleifinn oc scræti, sva sem hann svnde þat, at

1 um dag tilf. B. 2 [hvæt B. 3 [vatnit for at B. 4 Hvat her og senere er sat mellem [] er bortskaaret i A, og udfyldt efter B. 5 leit B. 6 engan B. 7 veralldlikt B. 8 fyrirlet B. 9 Her beg. andet Fragn. C, et Blad delt efter Længden, saa at kun Halvdelen er tilbage. 10 braudleif B 11 flóecti B.

hann vilde hlýða því, es honom vas boðit, en þorpi eigi. Þa melti
 gvþs maþr við hann: «Hef up þu hleifinn evruggr¹ oc ber hann
 þar², es hann megí eigi finnasc. Þa toc hrafinn up hleifinn of
 síþir oc flo a bravt meþ. En hann com³ eptir .iii. stundir⁴ oc
 toc fetslo or hende Benedictus, sem hann var vanr. En es gvþs
 maþr sa áfund vaxa í gegn ser, þa harmapi hann hug cennimannz-
 ins. En es Florentius matti eigi devþa licam lerisþor, þa leitapi
 hann at glata ondom lerisveina hans oc sende .vii. mǽiar⁵, at þer
 leci í ágliti þeira oc letapi at tela hugscot þeira í leic sinom. En
 es Benedictus sa þat oc vissi, at fvr hans sacar vas gort, þa vgþi
 hann fréstni lerisveinom sinom, oc gaf hann rvm⁶ reipi, oc com
 hann at vitia allra munclifa þeira es hann hafpi sett, oc seipapi
 hann því es hann vilde í munklifonom oc fórpi bvgþ sina oc
 [flóþi hatr Florentius⁷. En es prestrinn fra bravtfor Benedictus
 oc fagnapi, þa er hann stop í lopsti⁸ necqverio, þa fell ofan loptit
 allt, oc lampisc [ovinnr Benedictus⁹ oc dó. En Mǽrus muner fra
 þat oc sagþi Benedicto, þa es hann var of x. milor á leiþ comenn:
 «Hverf aptr, fapir, qvad Mǽrus, daþr er prestrinn, sa er þic
 hataþi.» Þa varþ Benedictus hrvgr oc gret daþa ovinar sins oc
 þat annat, er lerisveinn hans sagþi honom þetta meþ fagnapi, oc
 baþ honom script fvrir þat, es hann fagnapi daþa ovinar sins.
 Petrus. Micils er vert of þessa¹⁰ hluti, er hier(!) ero sagþir, því
 at hann glicþise Moysi í því, er hann gat vatn or steini, en Eliseo
 í því, er iarn rende til eptis¹¹, en Petro postola í vats yvirgongo,
 en Elia í hlvpni hrafns, en David í því, es hann gret daþa ovinar
 sins, oc virþise mer, sem hann veri fullr af anda allra þessa manna.
 Gregorius. Benedictus hafpi eins anda, þess er miscunnar fvlir
 hiorto allra sin(n)a vina, sem Johannes sagþe: Satt lios var¹² þat,
 er lvsir hvern mann, er cǽmr í heim þenna, [oc tocom ver] allir
 miscunn af hans fvlíngo. Helgir menn mego hafa crapt af gvþi en
 selia [eigi opr]om, en Cristr gefr sinom monnom crapt oc iarteinir,
 sa er dramlatom monnom svnde daþa sinn [en l]itillatom dvrþ
 oc fognoþ upriso sinnar.

[Þa e]s heilagr maþr sérþi bvgþ sina, þa matti hann¹² eigi of
 fleia fianda gagnstoþo, því at en forni andscoti gee síþan [mei]rr
 [í berhogg¹³ við hann en apr. Þorp heitir Cassinom, þat er stendr

¹ örugg B.² þangat B.³ aptr tilf. B.⁴ dags tilf. B.⁵ meýiar B.⁶ ro C.⁷ [flyði hatr Florencij B.⁸ lopti B.⁹ [hann B.¹⁰ slika B.¹¹ heptis B.¹² tilf. B.¹³ [a berugg

B; í berhavgg C.

i fialli þar¹ er [Norþ]menn calla Montacassin, en þar² es .iii. milna for af iomno til þorpsins, [en þ]ar stoþ fornt³ hof, þat er blotinn var diofoll sa es callaþr vas solar áss, oc voro [þa]r umhverfis þeir stapir, es allt þangat til hofþo heiþnir menn blotit. En er
 5 Benedictus com þangat, þa brat hann scurþgopit oc brende blotviþo umhverfis oc górfi or hofino kircio oc helgaþi Martino⁴. En þar er scurþgopit hafpi stapit, þar let hann gora [Jons] altare, oc snóri hann til tru retrar i kenningo sinni allom lyp et nēsta, oc hurfo margir [til m]unca atterþar oc górfosc lerisveinar hans. En en
 10 forni fiande [ofundi þat oc gegg⁵ opt i berhogg⁶ viþ hann oc leit- aþi viþ at seelfa hann i hrepiligom sionhverfingom oc ogorligom rodóm. En gvþs maþr hafpi þvi dvrligra sigr, sem fiandinn gærþi honom fleri þravtir.

9. Þa es munkar smiþuþo hus of dag, þa vas steinn sa einn,
 15 es þeir motto eigi up of⁷ hefia, þa gengo fleri til, es eigi motto .ii. eþa .iii. of hróra steinninn. En es þeir motto eki at vinna at heldr, þa scilþo [þeir a]t ohreinn ande hofgaþi steinninn, oc bæþo þa Benedictum coma til oc reca niþing a bravt meþ [bø]nom, at þeir metti up hefia steinninn. Þa for Benedictus til oc blezaþi
 20 steinninn, oc varþ steinninn⁸ þegar lettr.

10. Þa melti gvþs maþr, at þar⁹ sevlde grafa iorþ undir stein- inom. En es munkar grofo, þa fundo þeir þar scurþgoþ or eiri gort oc kostoþo¹⁰ þvi i elldhus of aptaninn. En þa nott svndese munkom eldr brenna af scurþgopino¹¹, oc þotti þeim ollom sem
 25 eldhusit logaþi allt. En es þeir boro til vatn at slócqva eldinn, þa vacnaþi Benedictus [viþ glæm¹² þeira¹³ oc com til oc sagþi þeim, at sionhverfingar eldr vere [i a]gom þeira, þvi at hann sa eigi eldinn.¹³ Þa gek hann til bēnar oc þaþ munca gēra crossmare fvr a]gom ser. En es þeir górfō sva, þa só þeir [eigi eldinn oc sa¹³
 30 eldhusit heilt, oc fundo þa at sionhverfing hafpi tēlda þa.

11. Þa es muncar gærþo husvegg of dag, þa sat Benedictus i husi sino. En inn forni fiande com at honom oc hló oc letse fara til brøþra. Gvþs maþr sende mann¹⁴ þegar til munca oc melti:
 «Vesit er varir, fratres, illgiarn ande mon coma til ypvar.» Þa
 35 es sa hafpi þetta melt, er sendr var, þa felde ohreinn ande vegginn,

1 þvi B; þvi er Soractis heitir C. 2 þangat B. 3 saal. B; fort A. 4 saal. B, C; Martirio A. 5 [ofundadi þat ok geck B, C. 6 berugg B. 7 mgl. B. 8 hann B. 9 saal. B. C.; þer A. 10 saal. B; kosto A. 11 saal. B, C; scurþpino A. 12 glamm C. 13 [mgl. B. 14 saal. B; Ψ A.

oc varþ þar undir sveinn nacqvarr oc lambisc. Muncar urðu hrvggvir víþ scaþa sveinsins oc sogþo þat er orþit var. Þa let Benedictus bera en lamba svein i hus sit, oc vas hann borinn i .iiii. seatom, því at beþi var costat¹ hold hans¹ oc bein. Gvþs maþr lagþi sveinenn i mottol sinn oc sende bravt alla munca oc læc aptr husino oc baþ lengi fvrir enom lamba. Þa stvrcþise sveinnenn oc varþ hell þegar, oc sende gvþs þrell hann til veres sins, oc naþi² fiande eigi at fagna bana hans, sem hann hugþi.

12. En Benedictus toc at hafa spalécs anda oc segia fvrir oorþna hluti oc vita þat, er fiarri honom górcþise i levndom hlutom. 10

3Þat vas vanþi, þott muncar vere nacqvar sendir, at þeir sevlðo eigi annarstaþar matase en heima. En nacqvarir broþr voro sendir of dag or munclifino, oc varþ þeim dvalsamt, oc como þeir i hus nacqvarrar trufastrar cono oc motoþose þar. En es þeir qvomo heim siþ of aptaninn⁴ oc beido Benedictum blezonar, sem 15 vanþi vas til, þa spurþi hann þa þegar, hvar þeir hefþi mataze. En es þeir letose hvergi hafa matase, þa mælti hann: «Fvr hvi livgit er? [Eigi qvomoþ ers i hus cononnar oc otoþ þar oc drukoþ? En er hann qvad a gistingina⁶ oc sva hvat þeir hofþo at verþi, þa fello [þeir til fota Benedicto oc boþo]⁷ ser licnar fvr afgerþ sina 20 oc qvoþose misgort hafa. [En hann veitti þeim þat es þeir boþo], oc sa at þeir mondo odiarfigar misgera i annat sinn, [es þeir motto⁸ nu eigi levnase.]

139. Lerisveinn Benedictus, sa es Valentinianus hét, atti br[óþor olerþan mann] oc trufastan, þann es a hveriom misserom 25 vas vanr at coma [til munklifis Benedictus oc fastapi] hann þann dag. En es hann for þangat of dag, þa slose bravtingi [nacqvarr i for meþ honom], sa es leiþar nest hafþi. En es þeir hofþo neqveria stund [faret, þa mælti bravtinginn], at þeir monde hvilase 10 oc matase. En hann svaraði: «Eigi mon ek þat [gora, því at ee 30 em vanr at] fasta, þa es ee fer til Benedictum.» Þa hetti hinn fvrst¹¹ því mali. [En þo minti hann a, es] seamt [vas a miþli 12

1 lamit B. 2 atti B. 3 iarteign Benedicti abota Oversk. B.

4 qvellidit B, C. 5 [Komud þer eigi B. 6 saal. B, C; gistina A. 7 Her er en Remse bortrevet af Bladet i A, hvorved de sidste Ord 35

i hver Linie paa Forsiden og de første Ord paa Bagsiden mangle, det manglende er suppleret efter B, saa langt denne gaar, og sat mellem [].

8 [ef þeir mætti C. 9 Af Valentiniano lerisveini Benedicti Oversk. B.

10 hvila sik C. 11 at sinni tilf. B. 12 [leid fra, at þeir mundu mataz B, C.

oc let frater¹ munksins eigi at² því. En es þeir hofþo [lengi farit baþir saman] oc leiþ a dag, þa varþ a goto þeira vollr fagr oc brupr [hreinn, oc melti brautinginn], at þeir mónði hvilasc³, oc qvad þar vel fallit at dveliasc, es [sva vas fagr staþr. En es]
 5 orþ bliþ voro fvr evrom en staþr fagr fvr agom, þa let hann [at því es hinn melti oc] mataþisc. En hann com at aptni til munklifs oc qvadi Benedictum ble[zonar. En gvþs maþr] bar þegar a brvnn⁴ honom þat es hann hafþi gort of gotona oc [melti við hann; »Hvat es nu], frater? Illgiarn ande tevgþis þic fvr munn bravtingians
 10 of sinn, [oc matti eigi tela þic]; tevgþi hann þic i annat sinn, oc vann þic eigi teldan; tevgþi hann þic [i þriþia sinn oc teldi] þic.« Þa scampisc⁶ hinn ostvrþar sinnar oc fell til fota Benedicto oc saca[þi sic því meirr⁷ svndar] sinnar, sem hann vissi, at Benedictus sa þat es hann þafþi gort, [þott hann veri fia[rri]⁸.

14. Konongr þioþar þeirar, es Gopi⁹ ero callaþir, het Totila, en [hann spurþi at Benedictus] hafþi spalex anda oc truþi því eigi¹⁰, oc vildi þo revna oc baþ [þar orþ bera, at] hann mende coma til munklifisens. En es hann var a lēþ comenn, þa nam [hann staþar. Þionn hans] .i. het Riggo vén at aliti, þann [servde
 20 hann¹¹ scrupþi sino oc sende til [munklifs Benedictus, oc let hann] fvlgia honom þa þegna oc þiona, er kononge voro vanir at fvlgia, oc g[vþs maþr metti þat hv]ggia, at þar veri konongrinn sialfr. En es Riggo vas servdr konongs scrupþi [oc com til munklifs] meþ því lipi es honom fvlgþi, þa sat Benedictus uti oc callaþi a hann,
 25 þe[gar es call matti a miþli] nema: »Legg niþr þu, sonr, þat er þu ber, era¹² þat þitt eigin.« Þa hre[disc Riggo oc fell allr til] iarþar, oc allir þeir es honom fvlgþo, oc iþroþosc þess es þeir hofþo h[legit at gvþs þreli] oc boþo ser licnar. En es þeir riso up af iorþo¹³, þa þorþo þeir eigi ne[r]r coma þessom gvþs¹⁴ manni oc
 30 sogþo kononge sinom, hverso brat þeir voro fundnir.

15. En es Totila konongr com [til munklifs þar er] Benedictus sat, þa þorþi hann eigi nerr at ganga oc fell til iarþar. Benedictus [melti til hans tvs]var eþa .iii., at hann sevldi up risa af iorþo, en hann þorþi eigi. Þa g[ec Benedictus i mot]

35 1 brodir B. C. 2 tilf. B. 3 ok mataz tilf. B. C. 4 bryn B.
 5 teldi B. 6 skammadiz B. 7 Her ender C. 8 [mgl. B.
 9 Gothi B. 10 er honum var sagt tilf. B. 11 [mann skryddi konungr B. 12 eigi er B. 13 Her ender B. 14 Hvad herefter
 staar mellem [] er suppleret efter Gising.

honom oc toc i hond honom oc reisti hann up oc avitaði hann of grimleic hans [oc sagði honom] þa hluti er eptir gengo. »Mart illt hevir þu gort, qvað Benedictus, latt tu a[ff illzco þinni] sípan. Coma monðu til Rumaborgar oc allt ut of se, vera .ix. vetr konongr e[n devia a enom .x.] Conongi vas ogn at orþom hans, 5 oc for hann a bravt oc vas ogrimare sípan en apr. En [þeir hlutir] allir gingo eptir, es Benedictus sagði honom, at hann com til Rumaborgar oc for til Sicileviar [oc do a] enom .x. vetri.

16. Bvscop neqverr com til mals við Benedictum oc ræð[i við hann] um þat er Totila konongr heriapi til Rumaborgar. »Þat 10 hvgg ec, qvad episcopvs, at konongr sia món[i evða] Rumaborg, sva at aldregi möni byggvase.« Benedictus svarapi: »Eigi mon Rvmaborg evðase [af þjóðom heldr af eldingom oc] landsciolptom.« Þa spasogo siom ver nu fram comna, því at nu [ero brotnir borgarveggir oc mar]gar kircior falnar af landsciolptom i Rumaborg, 15 oc þverr[a herbergin oc hrærnar b]orgin a[ll oc fvrnise oc er at falli comin.

17. [Klercr nacqvarr varð diofolóþr i bor]g þeiri es Aqvinnensis heitir. En Consta(n)cus byscop let fóra hann [til margra heilagra stapa], at hann metti heilso fa. En gvþs vattar vildo 20 honom eigi heilso [gefa, at ollom metti ægliost verða], hve mikill craptr Benedictus var. Þa vas en óþi leidr fvr Benedictum, [en hann rac a bravt] ilgiarnan anda, es hann bað fvr honom. En es klercrinn var heill, [þa mælti Benedictus við] hann: »Far þu nu heim oc iet(!) eigi kiot sípan oc tac aldregi vigslor [fleiri en nu 25 hefir þu, en] a þeim degi es þu dirfir þic at taca vigslor meiri en nu [hefir þu, þa monðu] seldr verða enom sama diofli.« Olercr for heim oc hellt nec[qveria stund þat er bopit hafði] Benedictus, því at hann hredise nyliþna pisl. En es margir vetr liðu [þápan, þa ondopose þeir er ellri] voro, en enir óre toco meiri vigslor. 30 Þa glevmþi klercrinn orþom [Benedictus, því at þa foro honom at] fvrnase, er langt vas fra liþit, oc toc vigslor. En hann varð [þegar diofolóþr], oc helt því meþan hann lifði sípan.

Petrus. [Avgliost es at] Benedictus vissi levnda hluti gvþs, es hann of leit, at klercrinn vas af því diofolóþr, at hann sevldi eigi 35 vigslor taca.

Gregorivs. [Hvi sevldi sa] eigi vita levnda hluti gvþs, [es helt bop]rþ hans, því at sva es ritit, at .i. ande es gvþs oc þess er honom þionar vel.

Petrus. [Ef .i. er ande gvþs] oc þess er honom þionar vel, fvr 40

hvi [segir Poll postole, at] hverr megí vita røþ eþa vilia drottins?
En þat svñise mer eigi samberi[liet, at sa viti eigi] gvþs røþ, es
einn anda hevir meþ gvþi.

Gregoriús. [Helgir menn es þio]na gvþi, vito þeir røþ hans,
5 sva sem Poll melti: Sva sem engi vet hug manz ne[ma manz
ande, er] i siolfom er, sva vet oc engi þa hluti es gvþs ero, nema
gvþs ande. [Oc enn segir hann: Ver hofom eigi þes]sa heims
anda, heldr þann anda es af gvþi er. Enn melti hann sva i ofrom
[staþ: Mart þat] vittrapi gvþ oss fvr anda sinn, er æga manz sa
10 eigi, ne evra hevrþi [ne hiarta kend]i, þat es gvþ het astvinom sinom.
[Petrús. Ef postolanom voro þessir hl]utir vitrapir es gvþs
ero, fvr hvi melti hann þetta: Hverso oumrøþiligir ero domar
gvþs, [oc sva vegar hans]. En þvi i gegn melti David spamapr:
I vorrom minom boþaþa ec alla doma [munnz þins. En meþ þvi at
15 av]þvelda er at vita en fra segia, fvr hvi talþi Poll oumrøþiliga
[doma gvþs, en David] letse eigi at eins doma hans nema heldr oc
kunna frá at segia.

[Gregoriús. Allir þeir menn es] þiona gvþi, þa ero þeir
meþ gvþi i tru sinni oc elsko, en þeir ero [eigi meþ honom es eigi
20 þiona gv]þi, af þvi er þeir þvngiase af daplígo holde. Levnda
doma gvþs of vito [allir þeir es] ero samtengþir gvþi, en þeir vito
eigi i þvi es þeir ero fiarlegir gvþi, oc callase [af þvi dom]ar
gvþs oumrøþiligir, at eigi verþa algorliga scilþir. En af þvi letse
David þa [doma boþa, at] þeir es meþ hreinom hug þiona gvþi,
25 mego beþi vita oc segia þat es þeir [mono vita] af helgom ritning-
om eþa gvþs vitron. Þa doma vito þeir eigi er gvþ þegir yfir,
[þvi at þat ein]a vito þeir es hann segir. Af þvi melti David
sva: Ec boþaþa alla doma munz þins, sem [opinberliga] melti
hann: Þa doma þina matta ec vita oc boþa, es þu sagþir, drottinn,
30 en þeir ero [levnd]ir fvr orom hvgeots ægom er þu melir eigi.
Sva samtengis spamanzens atqveþi [oc postol]ans, at oumrøþiligir
ero domar gvþs, oc mego þo menn of vita oc segia þa doma es
[fram] ero forþir af hans munni sialfs oc sagþir.

18. Peoprobús het maþr sa er tru hafþi tekit af kenningo
35 Benedictus, hann sa þat, at gvþs þrell var oðlaþari en vanþi vere,
þa es hann vas eigi a þenom, oc felde hann tór af hrvg[leic]
einom saman. Þa spurþi Peoprobús, hvat ogleþi hans mereþi.
Gvþs maþr svaraði: »Allt m[unklif] þetta mon evþase at gvþs
domi.« Þessi orþ hevrþi Theoprobús oc sagþi frá. En ver vitom
40 nu, hverso Langbarþar evdo munklifit, þa es þeir como þar of nott

at sofondom broðrom, oc toco bravt þáþan allt þat (es) femet vas, en þeir gerþo ongom munki geig, því at þat fvdise es drotinn het þreli¹ sinom Benedicto, at hann mondi varþveita andir, þott hann seldi eigo þeira til æþnar.

19. Enn vas sendr sveinn necqverr of dag með vintunnor 5
.ii. til munklif[sins], en sa fal áþra tunnona of goto, en áþra fórþi hann til staþar. En gvþs [maþr vissi], hvat hinn hafþi gort, oc toc víþ því feginsamliga, es honom vas fórt, en melti [víþ] sveinenn, áþr hann for a bravt: «Se víþ þu at drecca or tunnonni er þu falt, [halla] þu henni varliga oc hygg at, hvat i se.» Sveininn 10
vilde reyna þat es gvþs [maþr] sagþi, þa es hann for áþtr, oc hallapi tunnonni, en þa screiþ þar or hoggormr. [Þa] íþrapiþe sveininn ilseo þeirar, er hann górfi, er hann fann grand i vinino.

20. Beór fiolmeþr vas scamt fra munklifi Benedictus, oc voro þar nunnor oc mart manna þeira e[s] tru h[offo tecit] af kenningom 15
Benedictus, oc sende hann oft þangat munka sina at kenna þeim tru. En es munkr necqverr vas sendr of dag, þa boþo nunnor hann taca víþ ducom þeim es þer sendo til munklifs Benedictus, en hann toc vit duconom oc fal i sere ser. En es hann com heim, þa toc Benedictus þegar at avita hann oc melti: »Fvr hvi 20
com ilzea i sere þer?« Þa fell munkrinn til fota Benedicto oc íþrapiþe ilzco sinnar oc toc ducana ór sere ser.

21. A necqveriom apni sat Benedictus of borþi, oc helt munkr liosi fvr honom, en sa vas ri[cs] manz sonr, oc toc sa at dramba i hug ser: »Hvat manna er sia, hugþise hann, þess es ee seal 25
honom þiona oc halda liosi fvr honom?« Gvþs maþr leit til hans oc melti: »Hvi gegnir þat er þu melir? Sign² þu þic, frater.« Þa heimti hann þangat munkinn oc let taca kertíþ or hende honom oc baþ hann fara at sitia. En es munkar spurþo hvát honom veri of hendr, þa sagþi hann sialfr, hverso hugr hans hafþi drambat i 30
gegn gvþs manni. oc hvat hann hafþi melt i hugrenningo sinni. Þa þotti ællom svnt, at ecci matti of levnasc fvr Benedicto, es hann vissi hugrenningar manna.

22. A naeqvarri tíþ górfi óaran micit, oc toc þat víþa, oc varþ þa vant fotslo i munklifi Benedictus, svat eigi var meirr en 35
v. bravpleifar ællom muncom til fotslo .i. hve(r)n aptan. En es Benedictus sa broþr hrvgva fvr fótsslólévsi, þa huggaþi hann þa oc melti: »I dag es yþr fotslo vant, en a morgon monþ er gnot hafa.« En er annarr dagr com, þa fundose .cc. mela miols fvr

¹ prelom Cd.

² sing Cd.

durom hus Benedictus, oc vissi engi, hverir þat hofþo þangat borit. Bróþr þokoþo þat gvþi, es þeir só þetta oc noþo þa at hafa þat es þeir vildo.

Petrus. Hvart scolom ver trua, at gvþs þrell hefpi avalt spaleics
5 anda, eþa varþ þess a mipli stundom?

Gregorius. Spaleics ande fyllir eigi avalt hyg spamanna, því at sva es ritit of helgan anda, at hann blæss þar es hann vill oc þa es hann vill. Sva sem górpisc, þa es Eliseus spamaðr sa cono necqveria oglapa oc vissi eigi of hveria soc hon vas ogloþ, oc
10 melti hann sva: Ond hennar es i hrvgleic, oc levnde drottinn mic oc sagþi mer eigi, hvat henni vas.« Pat górise af micilli gvþs forsio, es hann gefr stundom spaleics anda, en stundom teer a bravt, at hugr spamanna hefise til dvrþar oc haldesc þo i litilleti, [til þess at þeir viti, hvilieir þeir ero af gvþi, þa es þeir taca
15 helgan anda, oc þeir scili, [hvili]eir þeir ero af siolfom ser, þa er þeir missa spalécs anda.

23. A annarri tíþ baþ necqverr siþsamr maþr Benedictum senda ser lerisveina sina, því at hann vilde gora lata munklif hia borg þeiri es Terracinensis heitir. En Benedictus sende munca,
20 sem hinn baþ, oc sagþi, hverr aboti scvldé vera eþa hverr prior, oc het þeim at coma at nemndom degi oc svna þeim, hve þeir scvldo setia munklifit, eþa hvar hvertki hus scvldo setia. [A] þeiri not, er næst vas fvrir þann dag es Benedictus hafpi heitit at coma, þa [svndisc] hann i dravmi þeim muncom, es hann hafpi
25 annan set abota en annan prior, oc svnde þeim, hverso þeir scvldo hvertki hus setia i munklifino. Hvarr þeira sagþi oprom sinn dram, [oc log]þo eigi trunof a þat es fvrir þa bar, oc vetto at Benedictus mænde coma, sem hann het. [En er] hann com eigi at nemndom degi, þa urþo þeir oglapir oc foro aptr til munklifs
30 Benedictus [oc me]lto við hann: »Biþom ver þin, pater, oc vettom at þu møndir coma, sem þu hezt, oc svna oss, [hvers]o ver scvldom setia munklif vart, oc comtu eigi.« En gvþs maþr svaraði: »Fvr hvi melit er [sv]a. fratres? Com ec, sem ec het, oc svndomc i dram, oc sagþa ec, hverso er scvldit hvat[ki] góra. Farit er nu
35 oc setit munclifit, sem ec svnda yþr.« Þa hurfo þeir aptr oc undroþose oc seto munklifit eptir því sem Benedictus hafpi þeim svnt. Petrus. Vita vilda ec, hverso þat metti verþa, at hann færi langan veg oc segþi i dravmi þat es þeir só oc kenndesc við siþan hvarirtveggio.

Gregorivs. Hvat ifar þu of þenna hlut, Petre? Þat er svnt, at gogfara er øpli andar en licams. En sva es sagt af Abbacue veri up numinn með fotslo af gvþinga lande oc setr niþr a Sere- lande, oc forþi hann fótslona Danieli oc vas heima nest a gvþinga lande. En ef spamapr matti a eno argabragþi licamliga fara með 5 licams fótsto, þa es eigi undarlict, þott Benedictus metti fara and- liga oc svna andlict lif andligom broþrom i dravme.

Petrus. Melsca þin toc ifa af hiarta mino.

24. Gregorivs. Hversdaglict mal hans misti eigi mikillar sevnsemi, því at hugr hans vas hafþr til crapta hepar, oc motto 10 af því orþ hans verþa eigi tóm. Ef hann melti ognarmol of necqvern hlut, þa varþ sva micill motr at mali hans, sem þat veri doms atqvæþi fullt, oc varþ þegar framgengt¹.

Tver nunnor voro scamt fra munclifi Benedictus gogfar at kvni. En morgom verþr evns tign at ogofugléc hugar, því at þeir 15 fvrlita niþr sic sialfa i þessom heime, es i necqveriom hlut hafa meira metnir verit en aprir. Þessar nunnor varþveito eigi vel tvngo sina oc voro avitsamar við þann mann, er þeim förþi licams fótsto, oc gorþo hann opt reiþan. En hann for of siþir oc sagþi til Benedicto, hve nunnornar gersto hug hans opt. Þa er Bene- 20 dictus hevrþi þetta, þa sende hann mann með þeim orþom, at þer scvldo hirta tungo sina, eþa ella mónde hann þer i hann setia. En þat let hann eigi fram fara, þott hann ógþi því. En þer hirta sic eigi oc lifþo fá daga siþan, oc voro þer i kircio grafnar. En es messor voro sungnar, þa svndesc fostro þeira sem þer risi up or 25 grofom sinom oc gengi út or kircionni at hverri messo. En es þat svndisc opt, þa com henne i hug, hvat Benedictus hafþi melt, þa es þer lifþo, es hann ógþi þeim banni, ef þer bótisc eigi. En es Benedicto vas þetta sagt með hrvglec²

32. Hertogin callaþi acafliga a Benedictum oc hvgþ- 30 ise scelfa mondo hann i ognarmolom einom saman oc melti: »Ris up þu oc sel mer ara þorpcals þessa, es þu toct við.« En es Benedictus hevrþi þessi orþ, þa let hann fra bocinni oc sa i gegn hertoganom. En es hann leit þorpcallinn bundinn, þa losnoþo sva sciort bond af honóm, at engi maþr matti sva sciort levsa. En es 35 hinn stop lafs, es lengi hafþi bundinn verit, þa hredisc Zalla hertogi við sva micinn crapt oc legþi grimleic sinn oc fell til fota Benedicto oc baþ ser licnar. Gvþs maþr reis eigi up fra boc, en hann talþi fvr hertoganom, at hann stilti sic fra grimleic. Zalla

¹ framgengt Cd. ² Her mangler et Blad i Codex.

hertogi for a brátt oc þorpi eigi at clanda þorpcallinn, síðan es hann sa hann sva sciott levstan or bondom fvr gvþs crapti. Sciotleier iarteinar sialfr berr vitni, at Benedictus gorpi þetta af velde eino saman, es hann stopvafi sitiande grimleic hertogans oc levsti bond af þorpcalli i tilliti sino. En ferr eptir ænnor iartein, su es hann gat at gvþi af crapti heilagra bóna.

33. Þorpcall necqverr com of dag með lic sonar sins til muncelífs Benedictus oc spurði, hvar hann veri. En honom var sagt, at hann vas á acre með broðrom. Þá let þorpcallinn licit eptir fvr kirciodurom oc for seyndeliga at finna Benedictum. En þá for gvþs maðr heim af acre með broðrom. En es þorpcallinn sa hann, þá callaði hann þegar oc melti: »Gialtu mer son minn, gialtu mer son minn!« Þá nam gvþs maðr stöðvar oc melti: »Eigi toec ec son þinn fra þer.« Qvad þorpcallinn: »Dæðr es hann, far þu oc reis hann up.« Þá varð gvþs maðr hrvggr, es hann hevrði þetta oc svaraði: »Farir þrátt ér, broðr, oc bindit oss eigi þer bvrðar, es ver megom eigi valda. Eigi es þetta vart verc heldr postola gvþs.« En þorpcallinn vas þrahaldr a bæn sinni oc sór þess, at hann mende eigi brátt fara, aðr Benedictus resti up son hans. Þá spurði Benedictus, hvar licit veri. En þorpcallinn sagði, at þat var fvr kirciodurom. En es gvþs maðr com þangat með muncom, þá fell hann a cne oc helt hondom til himna oc melti: »Drottinn, littu eigi svnðir minar, heldr tru þessa manns, es lífs biðr sóni sinom, oc send and þá aðr i licam, es þu toet a brátt.« En es hann hafði þessi orð mælt, þá scaf lic sveinsens, es aðr com andinn til licams. Benedictus toec i hond honom oc selde hann lífanda oc heilan i hond fofor sinom i agliti allra þeira es hia voro.

Petrus. Segðu mer þat, hvart helgir menn mego geta at gvþi allt þat es þeir vilja.

34. Gregorius. Hverr se garfari i heimi en Páll postole, oc bað hann .iiii. þess es hann matti eigi geta. Af því es oc sevlit at segja nacqvát þat fra Benedicto, es annan veg varð en hann vilde vera lata.

35. Svstir heilags Benedictus het Scolastica, es gvþi hafði þionat alla efi sina, en hon vas von at koma of sinn a hveriom .ii. miss-
orom at finna broðor sinn, oc com hann til fundar við hana a bæ þeim es nestr var muncelífo. En es þar fundose of dag a þeim bó es þar otto vanða til at finnase, þá dvolpose þar þann dag
40 allan i gvþs lofi oc helgom molom oc toco fetslo beði saman við

ræcr. En es þa soto of borði eptir nottorþ oc rædo enn of himnesca hlvti, þa melti Scolastica víp broþor sinn: »Bíð ec þic, fapir, at þu farir eigi fra mer i nott, oc ræpom vit naeqvat of himnesca fagnapi alt til morgins.« Benedictus svarapi: «Hvi gegnir þat, svstir, es þu melir nu? Eigi ma ec annarstaþar vera 5 en heima i nott.» En þa vas heip oc sa hvergi scvseafu a himne. En es heilog nunna hevrþi þessi orþ broþor sins, þa læt hon fram i gopnir ser a borði oc baþ gvþ meþ torom. En es hon hof up hofup sit af borði, þa fvlgbu eldingar oc dunþu reiparprimor oc gorþi regn sva micit, at mannigi vas or husi ut gengt. En heilog 10 mer hafþi ut helt miclo regni tara sinna a borði, oc gat hon þvi sva sciort regn af himne, oc alt vas a eino agabragþi, at hon hof hoforþ af borði oc regn dunþi ofan af himne. En es gvþs maþr sat veþrfastr, oc muncar þeir es honom fvlgbu, þa melti hann víp svstor sina: »Fvrgefi gvþ þer þat es þu gorþir, svstir. Af hvi 15 gorþir þu þetta?« Scolastica svarapi: »Baþ ec þic, oc vildir þu eigi veita mer, baþ ec drotin minn, oc veitti hann mer. Far þu heim nu til munklifis þins fra mer, ef þu matt.« En hann matti eigi or husi ganga oc var naþigr i þeim staþ es hann vilde eigi. En þa vocþu nott þa alla i gegnom oc ródo of dvrþir andligs lifs. 20 I þessom atburþ es svnt, at Benedictus vilde þat es hann matti eigi, þvi at þat vas iflæst, at hann mænde vilia, at þat heipvipri heldisc, sem þa vas es hann com. En hann fann gvþs crapt af qvenmans hiarta i gegn sinom vilia, oc vas þat eigi undarlict, þott a þeiri tíþ metti cona meira i gvþs crapti, þvi at hon hafþi fvr 25 astar sacar langa leip farit at finna hann. Johannes segir sva, at gvþ es ost, oc es af þvi ret, at gvþ veitti þeim iartein heldr, es meira unni.

35. En Scolastica for annan dag heim til hus sins, en Benedictus for heim meþ broþrom til munklifis. En es .iii. dagar liþo 30 þapan, þa sat Benedictus i husi sino oc hof up ægo sin til himins oc sa and svstor sinnar fara fra licam i dufu lici til himins. En hann varþ feginn dvrþ hennar oc gorþi gvþi þaccir oc sagþi broþrom andlat hennar, oc sende þa þegar eptir lici hennar oc baþ þa færa til munklifis sins oc leggja i steinþro, þa es hann hafþi ser 35 gora latip; oc varþ sva at eigi scilþi groftr licami þeira, sva sem .i. vas astarhugr þeira beggia.

36. Servandus het diacn oc abote þess munklifis, es Liberius ricismaþr let gora i Campania herapi. Hann vas vanr at coma til munklifis Benedictus, oc rædo þeir of sætléc himnesca fagnapa oc 40

bergþo þeim opt i hugscoti, þott þeir meti eigi ná i licam. En es at svemfmali com, þa vas Benedictus i stopli necqveriom ovarla, en Servandus diaen neþarr i enom sama stopli, oc matti þar ganga a mipli. En fvrir þeim stopli vas hus micit, oc hvildo þar leri-
 5 sveinar beggia þeira. En es Benedictus vacpi oc vas a þenom, þa es aprir svofo, oc stop víþ glugg, þa sa hann lios micit coma af himni, sva at þat rac a bravt oll mvrer netrennar. En fvlgi undarligr hlutr liosino, þvi at hann sa allan heim fvr ægom ser sva sem undir einom geisla. En es Benedictus sa stafastliga a
 10 lios þetta, þa sa hann ond Germanus episcopus borna til himins af englom i eldligo aliti. Þa vildi hann hafa með ser annan vott sva dvrligrar svnar, oc callapi hann a Servandom diaen hóri rodo oc nefnde hann a nafn .ii. eþa .iii. Servandus vacnaþi víþ call hans oc reis up þegar, oc sa necqvern hlut af liosino, oc þotti
 15 honom micils vert um þat. Þa sagði Benedictus honom, hvat hann hafði set, oc sende mann þegar ena somo nott til Cópoborgar at spvria, hvat of Germanom bvscep veri. En episcopus vas andaþr, es sendemaþr com þangat, oc gat hann þat spurt, at hann hafði a þeiri stundo andatse, sem Benedictus sa ond hans fara til
 20 himins af iorþo.

Petrus. Eigi of seil ec, þvi at eigi finnase dómi til, hverso .i. maþr matti of sia allan heim, eþa alr heimr veri leidr fvr ægo honom sva sem undir einom solar geisla.

Gregorius. Vittu vist þat, Petr, at hverivm þvekir litils scepnan verþ, es can scaparann, oc þott hann se litinn hlut af liosi
 25 scaparans, þa seilr hann, hverso litil scepnan es oll fvrir ser, þvi at hugr hefse up í svn goþligs lioss oc verþr heiri en sia heimr, oc ser hann þa i gvþs liosi, hverso litils þat es vert, es honom þotti micit, meðan hann vas eigi uphafþr. Sva sem manni svnise
 30 her mart litit a ho fialli, þat es honom svnise micit i divpom dal. En sia maþr es sa engla gvþs fara til himins með ond heilags manz, þa matti hann þat eigi sia nema hann sei i gvþs liosi. En hvat es þat undarlict, þott hann sei allan heim, es hann sa þat es meira vas. En þat es sagt es, at alr heimr
 35 necqvert sinn attu vitir hver hann es. En es konongr sat of borþi of dag, þa com Pálinus at vanþa sinom oc fərþi gott aldin drotni sinom. En es konongr sa Pálinom, þa bra hann lit oc scalf oc heinti þangat mag sinn oc sagði honom levndan hlut, þann es hann hafði þagat vvir þangat til: »Satt es þat, es þer er

1 Her mangler 1 Blad, hvorved Slutningen af anden og Begyndelsen af tredje Bog er tabt.

sagt fra manni þessom. Nu i nott drevmþi mic, at ec se ogorliga domendr sitia a domstolom, oc vas sia maþr i þeiri sveit, en a þeira dome vas svipa tecin or hende mer. En þu spvr, hverr hann se, þvi at ec hvgg hann eigi otiginn mann vera. « Þa heimti magr konongs Pálinum til mals víþ sic, oc spurði hvat manna hann veri. En gvþs maþr svaraði oc qvase vera þrell hans, sa es hann toc fvr ekio soninn. Þa spurði hann, hvat manna hann hefði verit a sino lande. En es hann vas þess opt spurðr oc beþinn at segia, þa sagði hann of síþir, at hann hefði býscep verit. En es drotin hans hevrði þetta, þa oapisc hann oc melti víþ Pálinom: »Bíþ þu mic þess hlutar sem þu vill, oc mon ec veita þer, at þu farir með veg aptr til lands þins.« Pálinus svaraði: »Ein es sa hlutr es ec vilda þiggia, attu levsir or ánaþ alla þa menn, er or minni borg voro hingat herleidir.« Þa vas þegar samnat þeim ollom saman, oc stigo þeir a scíp með Pálino, oc vas scíp þeira hlapit corni, oc foro allfegnir með býscepi. En konongr dó fæm nottom síþarr, sva sem býscep hafði fvrir sagt. En sva gorpisc, þa es Pálinus selde sic .i. i þreldom, at hann levsti marga or ánaþ með ser, oc glicði hann i þvi eptir drotni orom, es þrels licam toc a sic, til þess at hann levsti oss or svnþa ánaþ. Enn es sagt fra andlati Pálinus, at þa es hann hafði banasott tecna oc vas at bana cominn, þa scalf clifi allr, es hann hvilde í, en landscialpti sa toc eigi víþara. En ogn varð ollom micil at iartein þessi, þeim es hia voro, en þa scilþisc qnd Pálinus víþ licam oc for með gvði til dvrþar.

2. Þa es heilagr Johannes pavi atti for til konongs þess es Justinus het, þa atti hann náþsvn a fornóm vegi at leiga ser hest. En es þat hevrði .i. gofogr maþr, þa leði hann honom hests þess es hann atti hogseztan, oc melti hann sva fvrir, at pavi scvlde senda heim hestinn, þegar es annar fengise macligr, þvi at cona hans vas von at ríða þessom hesti. Pavinn toc víþ hestinom oc hafði, unz annarr varð til fenginn, oc sende þa heim þenna. En þa es cona buandans scvlde ríða, þa gorpisc þess eigi costr, þvi at hestrinn toc at frýsa oc blasa oc asa oc scalf allr, sva sem hann svnde þat i ohégindom sinom, at hann vilde eigi cono lata ríða ser, eptir þat es heilagr pavi hafði rípt honom. En buande cunni þat ret vírða, oc sende hann þegar Johanni pava hestinn oc bað mioc, at hann scvlde þiggia þann hest, es hann hafði helgat i sinni reið. En es sogð fra Johanne pava su onnor iartein, at hann gaf blindom manni svn, þa es hann vas i Miclagarði, i ægliti allz lvsps.

3. A nacqvarri tíð atti Agapitus pavi for til ens sama konongs Justinus. En es hann vas a Grielande, þa vas honom fórþr siver maþr, sa es omali vas oc matti eigi af iorþo up risa. En es frendr hans stopo¹ yvir honom oc greto, þa spurði Agapitus, ef þeir trvði at en sívci mætte heill verþa. En es þeir letosc hafa trevze heilso hans undir gvði oc i velde Petrs postola, þa hof pavi up messo oc forði fram hugaþsamlega bón i gvþs ægliti. Síþan gek hann fra altare oc toc i hond enom sívea oc hof hann up af iorþo, oc reis hann þegar up a fetr sina i ægliti alle(!) lyps.

10 En es hann gaf honom corpus domini, þa toc hann mal sitt, en allir undroþosc þeir es hia voro oc feldo tór fvr fagnapi.

4. Of þess ens sama konongs daga Justinus atti Dacius Meilansborgar byscoþ naþswnia for til Miclagarþs. En es hann com til borgar þeírar es Corinthis heitir, þa leitapi hann ser til þess hus gistingar, es sva micit veri, at líþ hans metti hafa rum inni. Þa sa hann hus micit eit saman standa, þat es honom þotti hofiliet at vexti, oc baþ hann lagsmenn sina bua þat hus innan til innivistar. En borgarmenn sogþo, at þat matti eigi vera, því at diofoll hevir lengi bygt i því husi, oc er þat af því tomt. En

20 gvþs maþr Dacius svarapi: «Allra heldst scolom ver þa i því husi inni vera, ef diofoll hevir þat aþr bannat monnom.» Þa let hann bua innan husit oc gek orvggr at moti freistni fianda. En a miþri nott, es gvþs maþr hvildi, þa toc fiandinn at lata hvers dvr's lotom, stundom greniapi hann sem et oarga dvr, stundom hvesti hann

25 sem hoggormr, stundom beliapi hann sem næt, stundom gneggiapi hann sem hross, stundom iarmaþi hann sem geit eþa hrein sem svin. Þa vacnapi Dacius við sva margra dvra røð, oc reis up oc herstise a fiandann með reiði oc melti: »Ertu sa es mæltir i drambi þino, at þu mondir setia stol þinn i norþri oc vera glier

30 gvði; en nu hevir þu þat sem þu ert verþr, es þu glicise geitom oc svinom.» Þa scamþise illgiarn ande brigzla sinna, oc þorði aldregi síþan at svna sionhverfingar sínar i því husi. Oc gorpise truapra manna bygð síþan i husino, því at otrur ande flóði þegar, es einn sanlega trur gvþs vinr gisti i husino.

5. Sabinus het byscoþ borgar þeírar es Canusia es colloþ, en hann vas maþr gamall oc sionlæss of síþir. En hann haþði spalex anda. En er Totila fra þat konongr Gothorum, þa truði hann því eigi, en þo vilde hann þat revna. Sva bar at of dag, es konongr com þangat, at byscoþ baþ honom til borþs með ser at dagurði,

oc sat konongr a hægri hond byscopi. En es þion byscops fœrþi honom vins drvk, þa toc konongr drvkiarkerit or hennde þioninom þegiande oc selde sia(1)fr drveiarckerit byscopi oc vilde revna, hvart hann vissi af spalex anda, hvern honom selde drvcinn. Þa toc Sabinus byscop vit drveiarckerino oc melti: »Lifi su hond.« 5
 Conongr varþ glaþr við þetta orþ, því at hann þottise fundit hafa spaleic með gvþs þreli, þann [es hann] vilde reyna. Lif Sabinus var langt oc morgom nyttsamliet. En .i. diacn hans, sa es byscop hugþise verþa mondo eptir hans dag, fvldeþe þeiarar ilseco, at hann blett eitri drvc hans, oc cevfti at sveini enom, at sa forþi drvcinn 10
 byscopi of aptan at notorþi. Byscop melti þegar við sveininn: »Dreþu sialfr þat er þu fórþir mer at dreka.« Þa fann sveinninn at byscop vissi ilseco hans, oc vildi heldr dreca etr oc devia en taca viti þat es hann vas verþr fvr glœp sinn. En es hann hof at munni ser drveiarckerit, þa melti byscop við hann: «Drec eigi 15
 þu, sel þu mér, ec mon dreca. En þu seg sva þeim es þer selde, at ec mon dreca eittr, en sa mon aldregi byscop verþa.» Þa gorþi Sabinus crossmare yvir drvcinon oc drac óruggr. En diacninn fell niþr dæþr a þeire enne somo stundo, sem hann hefþi drveit eitrit, því at eittr ilseco hans vá hann i ægliti gvþs, þott eigi vetti 20
 licamliet eittr honom dæþa.

6. A þeiri tíþ er Totila konongr Gothorum com til borgar þeiar es Narnus heitir, þa gec a mot honom Cassius episcopus borgar þeiar. En hann var ræpleitr maþr. En er konongr sa hann, þa etlæþi hann, at hann veri af því ræpleitr, at hann hefþi 25
 i miopdrvcio verit, oc fvrleit hann þegar atferþ hans. En gvþ vilde svna brat, hvilier sa maþr var es konongr fvrleit. Þa greip illgiarn ande .i. scialdsvein hans konongsins oc qvalþi grimligri sotti i ægliti alþvpo. En þa es inn oþi vas leidr fvr byscop i ægliti konongs oc lipsmanna hans, þa gorþi byscop crossmare yvir 30
 honom oc rac bravt fra honom ohreinan anda, sva at hann com aldregi siþan [til hans]. Þa varþ sva at konongr toc at gofga gvþs þrel af iartein, þann es hann hafþi æþr l[itils] virdan af yvir-liti, oc lægþi dramlatr konongr-grimleic sinn fvr þeim manni, es hann sa at sva [stvrœþi] gvþs crap[tr]. 35

7. Enn es ver teliom stvrera manna vere, þa minnome ver a þat, hverso gvþs miscunn gorþi við Andreas byscop borgar þeiar es Fundana heitir. En sia saga ma þat [kenna] þeim es hevra, at þeir varise við samvisto qvenna, es ser vilia til hreinlifis ha[lda].

at] eigi verði þeir því áþvellingar teldir af vavefligri freistni, sem þeim verður nálegra þat es þ[eir vil]nasc. En sia Andreas hafði gofoct lif oc crapta fullt oc helt sic vel til hreinli[fis]. Hann let vera nunno neqver(i)a i husi sino, oc gorði henne eigi brat visa fra

5 samvisto sinni, því [at] hann trevstisc vel sino hrenlifi oc hennar. Þá fann slógr fiande stað freistonar i hiarta byscops, oc hrosaði hann aliti cononnar fvr hvgscoets ægom hans, unz hugr hans teldese af asiono hennar. Gvþingr neqver atti for of dag til Rvmaborgar or heraði því es Campania heitir. En es hann atti scamt til

10 Fundana borgár, þá apnæðisc fvrir honom, áþr hann metti til gistingar comasc, oc gek hann inn i blothus es varð a goto hans. En hann hredisc, es hann sa at blothus vas, oc gorði crossmare vvir ser, þott hann trvði eigi a crossinn, oc mattia sofna fvr hretslo. En a miðri nott þá sa hann micit lið ohrenna anda

15 þvsia inn i husit, oc þotti honom sem .i. veri hofþingi þeira oc þionaði áþrir þeim. En sa spurði þá, hvat hvergi þeira hefði unnit til ilseo. En es hverr sagði, sem spurður vas, hverso þeir foro at frésta manna, þá reis up .i. (i) miþio liði þeira oc sagði, hverso hann hafði teldan hug Andreas byscops i aliti nunno þeirar

20 es þa(r i) husom hans vas. Þá varð ilgíarn ande glaðr víð þat, sa es hofþingi þeira var, oc þottisc því meira avoxt hafa, sem hann matti f[leiom] of spilla. En sa fiandi, es þetta sagði, qvasc því frammar hafa dregit hug byscops til svnþar, at en næsta aptan hafði hann clappat nunnonni af bliþleti. Þá eggjaði en forni fiande

25 ohrenan anda at gora til lox þat es hann hafði uptecit, at hann neði þeim mun meira sigri an(!) áþrir, sem hann metti betra manni fvr fara. Gvþingr vacði oc sa þessa hluti alla oc hevrði oc var hredr. Þá melti en mottkasti fiande þeira liðs, at farit monde at vita, hverr sa maðr veri, es þorði of nott at vera i husi

30 þeira. En es ohrenir andar foro oc so hann crossmarci signdan, þá undroposc þeir þat oc veinopo oc melto: »Cer es þar tomt oc læst.« En es floer ilgíarnra anda hvarf a bravt or husino, þá reis gvþingrinn up þegar oc for sevnðeliga til fundar víð Andreas byscop oc heimti hann a mal oc spurði, hveria frestni hann hefði.

35 En byscop vilde eigi segia honom. Þá bar gvþingrinn a brvnn honom, at hann legði rangan astarhug á nunnona. En es byscop dulði þess, þá melti gvþingrinn: »Fvr hvi dvlr þu þess, oc vas þu i gíer aptan til þess eggjaðr, at þu clappaðir henne.« Þá kendisc byscop víð sitt vere, oc gek i gegn litillatliga því es hann dulði

fvr. En gvpíngir sagði honum, hvat hann hafði set eða hevrt a diofla motino. Oc es episcopus hevrði þat, þa fell hann a cne til bóna oc let þegar fara brátt nunnona or husi sino. Síðan let hann briota (h)ófit oc gora þar kircio Andreas postola i staðnom, oc hvarf af hende honum licams fréstni su es hann hafði. En hann talði trú fvr gvpínginom, oc (toe) hann seirn oc var vel cristinn alla efi. Oc gorpisc sva, at gvpíngir náði sialfr at hialpasc, þa es hann leitaði at hialpa oprom, oc ledi gvp fvr því annan til goðs lifs, er hann var(þ)veiti annan i goðo lifi.

Petrus. Sia hlutr er nu hevrða ec, veitir mer þeði hretslo oc von. 10
 Gregorius. Sva byriar oss at viso, at ver sem avalt hredir af ostvrep varri, en trevstímse gvps miscunn. Nu hevrðom ver gvps vin scelfþan en eigi teldan, til þess at oss ost[vrc]om monnom gorisc hretsla af því es hann vas scelfþr, en travst af því es hann matti standasc fréstni. 15

8. [By]scop het Constancius i borg þeiri es Aquina es collop. Hann vas cuþr at því víða, at hann hafði spalex anda. En þa es hann toc bana, þa urðu borgarmenn oglapir oc stóðu yvir honum gratande oc melto: »Hvern scolom ver ha[fa] eptir þinn dag?« Constancius svaraði þegar af spalex anda oc melti: »Eptir 20 (mic) monop er [ha]fa hrossasvein, en þvatera eptir hrossasvein. Þa hafði er þat er monop.« En [er] Constancius hafði þessa spasogo sagða, þa andaðisc hann. En síðan vas til byscops [tec]inn Andreas diacn hans, en hann hafði hrossa get necqveria stund efi sinnar. En síðan hafði byscops velde Jovinus necqverr, sa hafði þvattere 25 verit i borg þeiri. En a hans dogom evdisc borgarlýðrinn sva mioc af sottom oc af hefínna manna her, at eptir hans dag vas engi sa es byscop of veri, oc eigi lýr sa es biscop(!) of hefði. Oc fvldeisc sva oc sanna(bisc) atqvæði gvps þrels, es hann sagði, at sa lýr monde eigi hirði hafa eptir andlat tveggia biscopa(!) 30 þeira es honum voro næster.

9. Frigidianus het biscop(!) i Luco, en sa vas craptamaþr micill, oc bera menn víða lof hans oc iarteinir. Q su er til borgar þeirar fellr, vas opt von at ganga or farveg sinom oc spilti okrom manna oc engiom. En er þat vas opt, þa somnoðu borgarmenn lípi til oc hofðu micit erfíði fvrir at veita onne allri or enom forna farveg, oc motto þeir eigi lveþir a vinna. Þa let gvps maþr Frigidianus gora ser hrifo oc gek til arenar oc var þar lengi a bón. Síðan melti hann víð ona, at hon sevlði fvlgia

honom, en hann fór og dro hrifona. En oen fírlét þegar en forna farveg sín og brátt sér annan farveg, þar er Frigidianus dro hrifona fírlir, og hvarf hon aldregi síðan aftur í enn forna farveg ne spilti oðrum manna.

5 10. Í borg þeirri es Placencia heitir var .i. craptarþigr byscoþ, sa het Sabinus. En diacn (hans) sagði honum of dag, at so su es Padus¹ heitir gek or farveg sinom og spilti oðrum. Byscoþ sagði: »Fær þu til arennar og mæl þetta: Byscoþ býr þer, at þu stillir þic og hverfir aftur í farveg þinn.« Diacnin gerði eigi fara og hlo
10 at mali byscoþs. Þá heimti byscoþ þangat ritera og lét rita þessi orð: Sabinus byscoþ býr þer so í nafni Jesu Cristz, at þu gangir eigi frammar or farveg þínum ne spillir engiom eða oðrum manna. En es þat rit var ritið, þá mælti hann við þann er hét: »Fær þu og casta því a ðna.« En es þat var at gort, þá hvarf oen aftur
15 þegar í farveg sinn og gek aldregi síðan til meins í þann stað. Í þessom (hlut) hnefise mioc ohlþni manna, þar es oðvnsamlig scepna hlýde boðorði heilagra manna í gviðs crapti.

11. Cernobius het episcopus borgar þeirrar es Populonia² hetir. En sa gaf morg vitni heilaglecs. En hann tók vit ríðorum
20 neqveriom of dag og vetti þeim beina. En þeir hófðu floit undan hernapi Gothorum, og hlífu hann gestom sinom við bana, og com þeim a brátt or clande vicinga. En es þat var sagt cononge þeirra Totila³

15.
25 af þeirri mæli es ver tocom fírlst næþgir up af varcunn. En es ver mælom fírlst tom orð en síðan þar es verri ero, þá verþr því seinna bæn or hévri, sem muþr varr særgase meirr í heimscomlom, sem ritið es: Sa es eigi vill hevra gviðs log, þess bæn verþr oþeg. Þat es eigi undarliet, þott gvið hevri trávt bænir orar,
30 þar es ver hlyðom trávt eða eigi boðorðom hans. Sva esa þat undarliet, þott gvið hevri sciott bæn Florencius, þar es hann var sciotr at hlýða boðorðom drottins sins. En Euticius, sa es a gviðs goto var foronatr Florencius, varþ ageþr at iarteinom eptir andlat sitt. En þott mart se sagt fra honum, þá svnise mer þat agezt,
35 es gvið leþr gerase allt hingat til fírl elþi hans. Avallt es hiti brendi iorð og regns þurpti, þá somnoþose saman borgarmenn og boro kvrtil hans of acra, og heldo up kvrtlinom þá es þeir stopo a bæn, og com þegar gnogt regn, sem þurpti. Í því es svnt, hvilican

1 Pardus Cd.

2 ppl'ina Cd.

3 Her mangler 2 Blade.

crapt oc verpleic ond hans hevir fvr gvpi, es clepi hans matti taca af monnom reipi gvps.

161. Einsetomaþr necqverr var i fialli þvi er Narsicus heitir, en sa het Martinus. Hann var marga vetr bvrgr i þrongom helli oc lifði heilact lif. Þat gorpise fvrst til iarteina of hann, þa es hann com til þessa hellis, at vatn drap þegar or steini i hellinom, þat es honom vann þorf at gnogo, oc varþ vatn þat hvarci minna ne meira en hann þurfti. En enn forni fiande ofundafi staþfesti hans oc leitafi vif meþ sløgri iþrott at reca hann a bravt or hellinom. Hoggormr com til hellisens oc baþ ognir Martino, þa es hann var a bónom, oc lagðise i hring of hann oc fylgði honom, hvertki sem hann for. En Martinus hredise eigi orminn oc retti hond sina epa fot at munni hans oc mælti vif hann: »Ef þu matt hoggva, þa moncaþ ec banna.« Þat vas .iii. vetr i samt es ormrinn vas i hellinom. En es Martinus matti eigi hreþase þessa frestni, þa stevppise ormrinn ofan of dag fvrir fiallshliþna, oc brann eldr af honom, en af þeim elde brunno all hris þar es fvrir urþo. I þessom hlut vilde gvþ svna, hverso ramr sa fiande var, es Martinus hafði yvir stigit. Sipa es Martinus com til einseto, þa barse hann þat fvrir at sia aldregi conor, eigi af þvi at hann fvrliti conor, heldr af þvi at hann ugði freistni. En þat fra cona necqver oc gek diarfløga til hellisins, þar es Martinus vas inni. En es hann sa, at cono clepi como fvr dvrr hellisins, þa snerese hann fra dvrom oc fell a cnebeþ til bómar, oc hof eigi hofop af iorþo aþr conan hvarf fra hellinom. En es hon gek ofan or fiashliþ, þa varþ hon brapðar samdøgrs, oc svnde þat henne, at gvpi mislicafi þat er hon freistafi þrels hans. Hellir Martinus es i brættu fialli sva ofarla, at stor tre, þar er a iomno niþri vaxa, þvkia eigi meiri ofan til svnar en smó hris. En i einom staþ vas til gengt, oc es þar þrangt einstigi. En es margir trúfastir menn sotto fund hans, þa gek sveinn necqverr ovarliga oc fell or einstigino oc hravt allt ofan a iofno. Færonatar hans urþo hrvggvir oc foro at leita lics hans, oc etloþo at hann mónde bana hafa oc vera allr lamíðr. En es hans vas létaþ, þa vas hann fundinn a iofno niþri heill oc lifandi. En þat þotti allom einset, at bón Marteins barg honom. Steinn micill var i fiallino vp fra helli Martinus, sa es til þess þotti horfa at falla mónde a hus hans, es hann losnaði. Þa com .i. gofogr maþr þangat meþ lipi miclo oc baþ Martino at levsu ofan steininn oc baþ, at hann færi a bravt

or hellinom, meðan steininom veri ofan vellt. Gvps maþr garþi eigi a bravt fara, þó at þeir scvldu ofan velta steininom, ef þeir mætti. En es lífs fíolþi sa allr leitaði at hróra steinninn eða hefja, sva at Marteine yrþi eigi mein at, þa slap steinninn or hondom

5 þeim, es minzt of varþi, oc hliop yvir hellinn, svat hvarfiarri com niðr. En þat vas allom afsvnt, at engla fulting hóf steinninn með þeim, es eki varþ mein at. Þa es Martinus bygði fyrst i þessom helli, þa batt hann iarnfesti of fot ser oc festi annan enda a hellinom, til þess at hann gengi eigi vípara en festrin toc. En

10 es Benedictus aboti frá þat, þa sende hann lerisvein sinn oc bað sva mela víp Martinum: »Ef þv ert gvps þrell, þa halde þer Cri(s)tz festr en eigi iarnfestr.« Þa levsti Martinus þegar festi af ser, en hann gek þó aldregi vípara an aþr. En síþan es hann læc sic i hellinom, þa toc hann at hafa lerisveina. En þeir otto

15 bygð scamt frá helli hans oc toco ser vatn or brunni þeim er langt var i iorþ niðr. En festr su slitnaði oft, es vatnkeraldet var vit fest. Þa toco þeir festi, þa es Martinus levsti af fœti ser, oc ioco því strenginn, oc slitnaði aldregi síþan festrin, því at hon var þa all sva seig sem iarn, es hon var æcin með þeiri iarnfesti,

20 er gvps þrell hafði a ser hafða.

17. Muner neeqverr lifgofogr oc sípsamr hafði einseto i fíalli því er Argentarius heitir, oc fvlði hann munes nafn i gobom síþom. En hann vas því vanr a hveriom missorum at coma til Petrs kircio oc gista svbdiaen þann es atti hus scamt frá kircionni,

25 en sa het Qvadragesimus. En es munerinn com þangat of dag at vanþa sinom, þa andapise naeqvarr valaþr buande i næstom husom. Þa apnapise oc matti eigi grafa hann a þeim degi. En cona hans sat hia oc gret alla nott i gegnom oc matti eigi sofa. En þat matti hevra til hus subdiaensins, því at þili eitt vas a miþli. Oc

30 es conan matti eigi huggasc, þa melti heilagr muner víp subdiaeninn: »Harmar qvð min með cono þessi, risom up víp oc forom til bænar.« Þa foro þeir baþir til kircio oc voro lengi a bæn. Oc es þeir luco bæn, þa samnaði gvps þrell dusti, es lagzt hafði a altare, oc for til husa cononnar oc fell a cnebeþ hia licino oc vas

35 lengi a bæn. Síþan réis hann up af bônenni oc toc mottol af hófpi enom andapa, es breidr vas vvir andlit honom. En es konan sa þat, þa undrapise hon oc vissi eigi, hvat hann vilde at göra. Síþan gnere¹ hann of andlit honom moldardustino² því er hann hafði tekit af altere. Þa toc en dæþi ond oc hóf up ægo sin oc

settisc up, oc þotti sem hann vere vacþr or svemni. En es conan sa þat, þa felde hon tor fvr fagnapi, oc var þa hórastare an apr. En gvþs maþr stoþvapi horevsti hennar oc melti: »Þegi þu, þegi þu. Ef neqverr spvrr, hvi þetta setti, þa segit er at drottinn Jesus Cristr gerþi sit vere.« En es hann hafþi þat melt, þa for hann þegar bravt af gistingo oc com aldregi síþan, því at hann vilde flóa veg þessa heims; oc let þa aldregi sia sic síþan i þesso lifi, es hann só of sinn sva miela iartein góra.

Petrus. Hvatei er aprir mela, þa¹ svnisc mer sa iarteina craptr mestr at gefa dāþom manni lif.

Gregorius. Ef ver hvggjom at osvneligom hlutom, þa er vist meiri iartein at leipretta svnþgan mann i cenningom oc bōna fultingi en at reisa up dāþan licam², því at licamr scal devia i annat sinn en ond lifa ei oc ei. Tvenn dēmi mon ec svna, þa es vitni bera, hvarr meiri craptr es at reisa [ond af dāþa eþa³ licam³. Drottinn reisti up Lazarum af licams dāþa einom, því at hann vas goþr maþr, en hann reisti Solum up af andar dāþa. Eftir licams upriso Lazarus es eki getit iarteina hans, en eftir andar upriso Solum es sva mart sagt oc svnt i croftom hans oc kenningom, at halftki ma óstvrkþ or bera, því at hann snere⁴ i kenningom sinom grimmom hugscotom til milde oc vas fuss at devia fvr gvþs nafni oc heilso bropra oc vas prvdr postola tign oc allre bocspeci oc upnuminn til ens þripia himins i svet engla gvþs, oc þo vas hann litillatr oc vareunnigr iarþligom⁵ monnom i kenningom sinom, oc sevrþi hverso hvergi sevlde lifa i licamligri svslō. Þar es svnt, hverso sa lifþi es up reis af andar dāþa. Minna es at reisa mann up af licams dāþa, nema þat fylgi at sa en sami risi up af⁶ andar dāþa oc leiprettisc fra svnþom fvr licams upriso.

18. Maþr neqverr vas i Campania herapi, es Benedictus het, ungr at aldri en gamall at síþom, oc helt sic stereliga i heilagri atferþ. Penna mann fundo grimmir Gopi .i. saman i husi sitia, hermenn Totila konongs, oc logþo eld i hus hans oc vildo brenna hann inni. En eldr gerþi eigi festasc i husino, en iorþin bran umhverfis. Hermenn reidoþe þess at meirr oc drogo Benedictum ut or husino oc kostoþo honom i ofn brennanda, es þeir sō cvndan til bravþbaestr̃s oc bvrþþo aftr ofninn. En es þangat

¹ Her beg. Membranblad 655qv XV.

af sinum dauda eða líkamann Mmbl.

Mmbl.; iarþligom Cd. 6 tilf. Mmbl.

² mann Mmbl.

⁴ síðan tilf. Mmbl.

³ [ondina

⁵ saal.

vas comit annan dag, þa vas Benedictus heill i ofninom oc brunnin cleþi hans oll.

Petrus. Fornar iarteinir hevri ec nu, sva sem sagt es forþom fra .iii. sveinom, es i ofn voro settir oc brunno eigi.

5 Gregorius. At þvi vas su iartein annan veg, at hendr þeira voro bundnar oc fætr, oc castat þeim sva i ofninn, en annan dag gengo þeir læsir i ofninom, oc voro cleþi þeira obrunnin. Þar hafði logi crapt sinn til huggonar þeim, en hann matti eigi hafa til meins, þar es hann brende bænd af þeim en eigi cleþi þeira.

10 19. Þesse enni forno iartein varþ glier hlutr oc þo af gangstaplegri¹ sceþno, es af vatne gorpisc. A þeiri tiþ es Tifr gek or farveg² sinom i Rumaborg oc varþ nēr iafnhó borgarveggjom oc spilti morgom ocrom i herapi, þa gek up o sv es Athesis³ heitir, es felr hia borg þeiri es Veronensis es colloþ. En es qen com at
15 kircio Zenonis byscoþs, oc voro dvrr opin, þa óx qen, unz⁴ hon varþ iafnhó enom hestom gluggom. Vatnit stoþ fvr durom oc bvrþi kirciona, svat menn mōtto eigi at comasc, es inni voro. En es þa menn þvrsti, es i kircionni voro, þa gingo þeir til dura, oc matti þat vatn up aśa sem annat oc drecca, en þevgi matti
20 þat i kirciona [falla sem⁵ vatn. Vatnit stoþ fvr kirciodurom oc svnde verpleic Zenonis, oc var sem vatn til þess sem⁶ hafa þurpti, en þat matti eigi granda staþnom sem vatn.

Petrus. Undarligar⁷ ero iarteinir heilagra manna, þer er þu segir mer. En þat vilda ec vita, hvart slikir iarteina menn urðu fvr
25 øngri freistni fiandans, eþa bætnoþo þeir víþ freistnina?

Gregorius. Engi hevir sigr qn erfipi, en þat es sigr at stiga yvir velar diofols. Ilgiarn ande sitr avallt⁸ umb hugrenningar orar oc orþ oc vere, at hann⁹ megi naqvæt þess finna es hann of røgi oss víþ gvþ.

30 20. Gofogr prestr het Stephanus, sa vas i Valeria herapi. En es hann com heim af fornóm vegi of dag oc callapi a þrel sinn herstiliga oc melti: »Com þu, diofull, oc levs seva af mer!« Þegar es hann hafði þat melt, þa losnoþo scopvengir sva sciott, at þat var aþsett, at sa var til comin es nefndr var. En es prestr
35 fann þat, þa oapisc hann oc baþ niþing bræt fara: »Víp þion minn melta¹⁰ ec en eigi víþ þic.« Þa for diofull a bræt, en scopvengir voro halflevstir. Þa(r) ma of mercia, hverso nálegiar fianda

¹ gagnstaðligri *Mmbl.* ² veg *Mmbl.* ³ Athenis *Cd.* ⁴ til þess er *Mmbl.* ⁵ fljóta sem annat *Mmbl.* ⁶ er *Mmbl.* ⁷ rettet; Undarligir(!) *Mmbl.*; Andligar *A.* ⁸ iafnan *Mmbl.* ⁹ Hier ender *Mmbl.*
40 ¹⁰ meltei *Cd.*

velar ero hugscotom orum, er hann vas sva nēr heilagra manna hugscotom.

Petrus. Erfþliet es at sia avallt víþ velom ovinarins oc sem i orrosto se avallt.

Gregorius. Eigi es erfitt, ef ver eignom gvþi varþhald vart en 5 eigi oss siolfom, oc verom þo sem ver megom costgefstir at varþveita oss. En ef inn forni fiande verþr fra hugscoti reeinn, þa gerisc þat oft af gvþs miseun, at fiandinn hrepisc crapt retlatra manna.

21. Dottir neeqvers ries manz vas i borg þeiri es Spolitana 10 heitir, en hon elscapi himneset lif. Fapir hennar stoþ i gegn fvsi hennar, en hon virde gvþ meira en fopor sinn oc toe nunno vigslo. Þa rédisc fapir hennar oc renti hana ollo fe oc arfvon þeiri er hon atti. En margar gofgar meviar lifþo at hennar dæmom oc helgoþo gvþi mevdom sinn. Aboti sa es Eleutherius 15 het com of dag til hennar at kenna henne orþ gvþs. En þorpeall neeqverr vas þar cominn oc stoþ fvrir þeim, en sa varþ gripinn af ohrenom anda oc orþise oc fell niþr oc toe at gnista tonnom oc épa. Heilog nunna reis up oc leit til ens oþa oc melti víþ fiandann: »Far brættu vesall! far bravttu vesall!« Þa svarapi fiandiinn 20 fvr munn ens oþa: «Hvern seal ec gripa, ef ec flé heþan.» Nunnan svarapi: »Far bravt tu fra manni þessom oc tac gris þann es her er i velli scamt fra oss.« Þa fløþi en ohreini ande fra manni-nom oc grep gris oc devdi oc setti brat siþan.

Petrus. Vita vilda ec, hvart henne vas lofat at gefa grisinn 25 fiandanom?

Gregorius. Vere drotins vars marca toft fvr orom verecom. Þa es hann rac marga diofla fra einom opom manni, þa melto þeir víþ hann: »Ef þu recr oss heþan a bravt, þa sentu oss i svina floe.« En hann vetti þeim þat, at þeir hliopo i svinin oc sæþu 30 þeim i sevar divp. I þessom hlut sevrise þat, at ilgiarn ande ma eki i gegn monnom on levfi gvþs, þar er hann matti eigi svinin gripa nema honom veri lofat. Af því er oc naþsvn at þiona þeim er allo stvrir, at ver verþim stvreri en fiandr órir, þa er ver þionom scapara orom i litilleti. En hvat es undarliet, þott helgir 35 menn lifande góri iarteinir, þar er morg toen verþa at licomom þeira ondopom.

22. Prestr neeqverr heilagr vas i Valeria herapi, sa es rócinn vas at tipagórþ sinni oc goþom vercom oc lifþi heilagt lif. En es hann andapise, þa vas hann grafinn fvr kirciodurom. En saþa 40

qviar voro nēr kircionni, oc la gata til qvianna nēr leiþi preste-
ins. En er kennimenn veitto tíþir i kircion(n)i eina hveria not,
þa com þiofr til qvianna oc toe þapan a bravt hrut. En eř hann
com til leiþis prestzins, þa matti hann hvarngi fot fvr annan hēfia.
5 Þa lagði hann ofan hrutinn af oxlom ser oc vilde lāsan lata, oc
matti eigi. Hann stoþ þar bundinn við stulþ sinn, því at andaþr
kennimaþr hellt lifanda þiofi oc batt hendr hans oc fótr. En er
tíþom var locit of morgininn, þa gengo kennimenn ut or kircionni
oc sō þar standa ocunnan mann oc halda á hruti, oc vas þeim ifi
10 a, hvart sa monde vilia gefa þangat hrutinn eþa a bravt taca. En
es þiofrinn sagði til glópsins oc meins, þa undroþosc allir crapt
heilags manz, er hann hafði þiofinn bundit við stulþ sinn. Þa
boþo þeir fvrir honom oc motto travtt þat geta, at sa fóri bravt
meþ tver hendr tomar, es stela vilde fra þeim, oc setti þiofr þegar
15 a bravt, er hann varþ lāss, oc com eigi þar síþan.

23. Fiall er scamt fra borg þeiri er Prenestina heitir, en i
þvi fialli er munclic Petrs postola. I því munklifi fōdi aboti munc
oc leidi hann til algorra síþa oc let vigia hann síþan til preste.
En es hann var vígþr, þa var fvr honom vitrat, at hann monde
20 eigi lengi lifa, oc baþ hann abota levfis, at hann leti gēra ser grof.
Abote svaraþi: »Far þu oc bu til grof þina, sem þu vill, en ec
mon fvr andasc en þu.« Prestrinn bio til grof sina, en aboti toe
sott fām nottom síþarr oc melti við prestinn, þa es hann la a
nástróm: «Leg þu mic i grof þina.» Prestrinn svaraþi: »Ueistu
25 at ec mon andasc a scommo bragði, oc mon ocr eigi vinna rúm
boþom i grofinni.« Qvad aboti: »Sagða ec þer aþr, rum mon ocr
boþom i grofinni.« Þa andaþise aboti oc var lagþr i þa grof es
prestrinn hafði ser buna. En þa toe prestrinn sott oc andaþise.
Þa boro muncar lic hans til grafar þeirar, es hann hafði ser buna,
30 oc lucu hana up, oc só allir þeir er hia voro, at eigi var rum at
leggia hann þar niþr, því at lic abota fvlde alla grofna. Þa callaþi
i. af broþrom oc melti: »Hvar er nu þat er þu sagþir, faþir, at
ver monde boþom vinna rum i grofinni?« Þa só allir, at lic abot-
ans snórise i a hliþ, es aþr la a hrvgg, oc gaf rum at leggja niþr
35 lic prestzins, oc fvlde hann þat andaþr, es hann het lifande, at
þeim monde boþom vera rum i grofinni.

24. I þessi borg Prenestina varþveitti sa maþr kircio Petrs
postola es Theodorus het. En es hann hafði snimma up risit a
necqverri nott oc gorði at liosi, þa svndesc honom Petr postole i
40 hvito clepi oc melti við hann: »Fvr hvi reistu sva snimma up?«

En eptir þessi orð hvarf postolinn fra ægliti hans. En Theodorus varð sva hredr víð svn þessa, at allt megin toe fra honom, oc matti hann eigi or hvilo risa marga daga síðan. Postolinn svnde navisto sina þíonom sinom¹.

37. 5
 diacninn. En Langbarðar beido Sanctolum at morne, at hann selde fram diacninn. En hann sagði at diacninn veri a bravt. Langbarðar melto víð hann: »Eigi viliom ver qvelia þic, því at menn segia þic goðan mann vera. Nú kiostu þer daðdaga þann er þu vill.« Gvþs þrell svarði: »I gvþs velde em ec; banit² er mer þannig sem er vilíð oc gvþ lofar yðr.« En þeim þotti ollom þat rað at hoggva hofuð af honom oc qvelia hann eigi meirr. En es þat spurðisc, at ageðr maðr vas til hoggs leidr, þa drífo til allir Langbarðar, þeir er í nond voro, at sia bana hans, oc slogo hring umb hann oc voro glapir. Þa var til valðr en sterxti maðr at 15 hoggva hann, sa er ollom þotti einsvnt, at þegar mónde hoggva hofuð af honom i eino hoggvi. En es gvþs maðr stoð a mipli vapnaðra ovina, þa toe hann til sinna vapna oc bað ser levdís til bænar neqveria stund. En es honom var þat veitt, þa fell hann a cnebeð oc bað fvrir ser lengi. Þa sparn vigmaðrinn fæti til 20 [hans] oc bað hann up risa oc lia hals. Þa reis gvþs þrell up oc stoð á cniom oc rétti halsinn. En es hann sa sverpi brugðit, þa melti hann þat eitt orða, svat menn hevrðu: »Heilagr Johannes, tac þu víð sverþino.« En inn sterxti vigmaðr reidi sverpit at honom, sem hann var ramr til, en hann matti eigi fram of hoggva, 25 því at hond hans stir(ð)naði. Þa toe allr Langbarða lvr at hreðasc, er hia stoð, unþrosc allir gvþs crapt, því at þa lvsti yvir, hverso heilagr Sanctolus var, er hann batt hendr ovinar sins i lofti. Þa boðu þeir hann up risa oc gróða hond vigmannzins. En sanctus Sanctolus svarði: »Eigi mon ec biðia fvr honom, nema 30 hann sverí þess, at hann vegi aldregi cristinn mann með þeiri hende.« En vigmaðrinn es hond sina hof i gegn gvði, sor þess at hann monde aldregi cristinn mann vega. Þa melti gvþs þrell víð hann: »Hef ofan þu hond þína!« En hann gærði sva. Þa bað hann hann fela sverpit i slíðrom, oc gærði hann sva. En er allir 35 só þenna crapt, þa vildo þeir færa Sanctolo nart oc sárði, es þeir toco at hernapi. En hann vilde eigi slica giof þiggia, oc beidi þa heldr, at þeir fórði gvði goðan vilia, oc melti sva: »Ef er vilíð mer noeqvát veita, þa latíð er lausa alla þa menn, es ér hafíð herfingna,

¹ Her mangler sandsynligvis 3 Blade. ² bannit Cd.

at er hafð necqvern verþleic til þess at ec mega þípa fvr yþr.« Þa voro læsir latnir með honom margir herleidir menn, oc levsti hann marga fra dæða, þa es hann selde sic til dæða einn fvr einom.

- 5 Petrús. Agetligr hlutr es sia oc mér avallt iafnnyr er ec heyri. Gregoríus. Eeki þarptu at undrasc Sanctolum i þessom hlut, heldr virðu, ef þu mátt, hvilier ande sa se, es þenna mann varþveitti litillatan oc hof hann up i crapta heð, svat hann hredisc eigi at devia fvr nóngi, oc fvrleit her sitt lif, þa es hann com oþrom
- 10 fra dæða. Sva micil vas óst i briosti hans, at hann hredisc eigi at devia til eins mannz heilso. Þat vitom ver, at sia prestr Sanctolus var litt lærþr oc vissi eigi laga boþorþ, en hann fvlde þo oc svnde all log i elseo gvþs oc nóngs, þvi at óst es fvlling laga. Oc ma verþa at þvi, at hann vissi eigi þat boþorþ es gvþs
- 15 postole baþ oc melti: Sva scolom ver lata ond ora fvr broþrom, sem gvþ let ond sina fvr oss. Oc fvlde þo Sanctolus þat boþorþ i vercom, es honom vas eigi i kunlec. Jofnom saman ver nu oc þa ovisse vitro varri oc spaeri ovitro hans. Ver róþom of crapta oc erom tomir, oc drogom ilm af gózco aldini oc etom þevgi þat
- 20 aldin, en Sanctolus cunni bergia crapta avexti, þott hann cynni eigi draga ilm af þeim.

Petrús. Hvi gegnir þat er goþir menn lifa stundgi i þessom heime, oc finnase travtt þeir es monnom megi duga i kenningom eða i goþom dæmom?

- 25 Gregoríus. Illzei þeira es eptir lifa es eigi verþ at niota lengi goþra manna, oc teer gvþ brat sina menn ór heimenom, at eigi se þeir ena verri hluti, þa es nolgasc með heims enda, sva sem spamaprinn melti: Retlatir oc miscunsamir devia, þvi at engi vill þat at huga leiða. Þvi heldr sem heims ende nolgasc,
- 30 þvi meiri næþsvn es at lifandi steinar samnisc til smíþis himnesc-rar Jerusalem. En eigi mono sva allir goþir a bravt tacasc or heiminom, at engi se eptir, þvi at aldregi móndo svnþgir menn snuase til iþronar, ef eigi tevgþi [þa goþra manna dæmi].

38. Redemptus het episcopus Ferentine borgar, hann sagði mer
- 35 vitron þa es fvr honom var vitroþ, at heims ende nolgasc. Þa es hann for of byscops svsko sina, þa com hann til kirceo Zotícus, en at apni let hann góra rekio sina (hia leipi) ens helga mannz. En a miþri nott, þa es byscop vas sofnapr sva læst, at hann þottise hvartee vaca ne sofa, þa svndesc honom standa hia ser sanctus
- 40 Zotícus oc melti við hann: »Vakir þu Redemptus?« Hann svarapi

oc letck vaca. Gvþs vottr melti: »Cominn es alle endir, cominn es alle endir.« Þa hvarf gvþs vottr or aḡliti hans, en byscop reis up oc for til bónar. En þess var scamt a mipli at sén voro oḡorlig undr i lofti, sva sem eldlig spiot oc arvar flvgi or norþri. Sipaḡ herioþo Langbarþar oc evdo margar borgir oc herop, brendo 5 kireior oc munclifi oc ḡerþo micit mannsPELL. Nu liggia morg laḡnd i aḡþu, oc bólase dvr i þeim stopom es micil byḡþ manna hevir verit. Eigi vitom ver, hvat titt es i aḡprom oḡtom heimsins, en meḡ oss svnr heimrinn enda sinn heldr en hann segi. Þvi naḡpsvnligra er oss at leita eilifra hluta, sem ver siom sevdeligar 10 um lipa stundliga hluti. Fvrlitande veri oss heimr sia, þott hann veri bliḡr oc tevgþi oss meḡ eptirlifi; en nu es hann þrongvir oss i meinom oc i sottom oc i bardogom oc fvllir oss harma, hvat se þa, nema hann banni oss sialfr at elsa sic? Mart veri enn til at segia fra vercom heilagra manna þat es ec mon yvir þegia, þvi 15 at ec sevdnde til annars.

Petrus¹. Marga veit ec þa i heilagre cristni, es ifa of andar lif eptir licams daḡpa, af þvi biḡ ec þic, at þu segir mer neeqver dæmi þa es sanna meḡi andar lif oc svna morgom sevnsemi, at² ond fvrferse eigi meḡ licam. 20

Gregorius. Erfiplict es þeim es i morgom folscvldom es bundinn, en þar es ec ma aḡprom of duga, þa mon ec meira virþa nytsemi [nonga minna en eptirlifi viḡ mic³, oc svna þat sem ec ma i þessi enne fiorþo boe, hverso ond livir eptir licams daḡpa.

Explicit liber tercius et incipit liber quartus.4

25

1. Sipaḡ es enn fvirsti maḡr⁵ faḡir maneḡns vas brvt recinn or paradisar fagnapi i þessa heims utlegþ, þa matti hann eigi sia himneses oḡals fagnapi, þa es hann haḡpi fvr litip. Maḡr⁶ naḡi i paradiso at hevra orþ gvþs oc sia helga engla. En sipaḡ es hann com hingat, þa hvarf hann fra liosi þvi es hann var aḡr⁷ fvldr. 30 En ver erom comnr fra honom oc alnir i mvrerom þessar utlegþar oc hofom hevrt, at himna dvrþ er, oc helgir englar gvþs oc heilagra⁸ manna andir i sveit meḡ þeim. En licamligir menn ifa of þa hluti es þeir meḡo eigi [sia oḡom⁹. En inn fvirsti¹⁰ faḡir

1 Her indfalder et Bladfragm. i norske Rigsarkiv med Overskrift 33
Dialogus. Petrus melti. 2 allir meḡi þat vita, at tilf. Fr. 3 [navnga
en villia minn Fr. 4 Gregorius papa Oversk. Fr. 5 mgl. Fr. 6 Adamar
Fr. 7 þess tilf. Fr. 8 retlatra Fr. 9 [avgom of sia Fr. 10 Her
ender Fragm.

varr matti eigi of þat ifa, því at hann munþi þat es hann hafpi
 sét oc hevrt. En aprir mego eigi a þa dvrþ minnasc, es eigi
 revndo. Sva sem olett cona se sett i mvrqvastofu oc ale þar
 son, o segi honom þa hluti, er hon sa, apr hon com þar, oc
 5 nefndi fvrir honom sol oc tungl oc stiornor; en sa es i mvrqva-
 stofu es fódur vét ecki nema mvrer ein, en þott hann hevri lios
 nefnt, þa dvlse hann víþ, því at hann ma eigi sia. Sva verþr oc
 þeim monnom er alasc i blinde þessa heims: þa es þeir hevra sagt
 fra osvniligom hlutom, þa dvlisc þeir víþ, því at þeir mego svni-
 10 liga hluti at eins revna. Af því com scapare svneligra hluta oc
 osvneligra til læsnar manevns oc sende helgan anda i hiorto ór, at
 ver trvþim þeim hlutom, ef ver megom eigi revna, því at engi
 ifar of lif osvniligra hluta, es inn helga anda hevir. Þn sa es
 eigi er fastr i þessi tru, þa scal hann trua sevnсамra manna orþom,
 15 þeira es fvr helgan anda hafa ravn osvniligra hluta, því at sveinn-
 inn es heimscr, ef hann etlar moþor sina livga til lioss, þott
 hann hafi mvrer ein revnd.

Petrus. Sa es ifar of (o)svniliga hluti, mioc sva es hann heiþinn
 oc otrúr. En sa er otrur, er gruna vill of þat e[r hann] ifar en
 20 [eigi trua].

2. Gregorius. Diarfliga segi ec þat, at heiþnir menn ero
 eigi trulæsir. Ef þu spvrr heiþinn mann, hverr se faþir hans eþa
 moþir, þa mon hann þegar nefna þar beþi. En ef þu spvrr hann,
 hve ngr hann veri getinn eþa alinn, þa mon hann þat eigi latasc
 25 vita, oc truir hann því, es hann hevir sogo at eins til, hvers sonr
 hann se. H[afa] otruir menn tru oc þevgi til gvþs, því at þeir
 vere eigi otruir, ef þeir trvþi gupi. En af því es rett at saca þa
 [of] otru sina, es þeir trua því of licam sinn es þeir sia eigi.

3. En berlig sevnsemi es til þess at svna meþ [tru], at ond
 30 lifir eptir licams dæþa. Prenna lifs anda scapaþi gvþ: .i. þann es
 eigi er holde hulþr, þat ero englar; en annan þann es holde es
 hulþr oc devr meþ holde, þat ero oseevnсамlig evc[qvendi]; en þann
 en .iii. es holde es hulþr oc eigi devr meþ holde, þat ero menn.
 Sva sem maþr er legre en eng[lar] oc ópri en evcqvende, sva hevir
 35 hann oc hlut af enni ópri seepno oc enne oópri; oðæpleic andar
 hevir [hann] sem englar en dæpleic holde sem evcqvende, unc
 upriso dvrþ evþir dæpleic holdzins, oc ferr allt sam[an] til gvþs
 ond oc licami, því at hvartvegia þionaði her gvþi. Sva fvrferse oc
 eigi vandra manna licamir i [dæþa], því at þeir ero ón enda
 40 i eilifom dæþa at ond oc licam, er misgórþo beþi i ond oc licam.

Petrus. Vel lica mer allir hlutir, es þu segir. En ef sva micil grein er a mipli manna oc cvqvenda, sem þu segir, hvi gegpir þat es Salomon melir: Gvp revnde sono manna oc svnde þa glica vera dvrom, því at .i. er dæpi manna oc smala oc iafnt óple hvarstvegia. Sva devr maþr sem smali, oc hevir hann eki framarr en 5 cvqvendi. Allir hlutir liggia undir onvtiom, oc ferr allt til eins staþar; allt þat es or iorþo es scapat seal i iorþ fara.

4. Gregorivs. Sia boc Salomons, es þessi orþ ero ór tecin, er colloþ Ecclesiastés, en þat þvpisc pingheviande. En pingheviande staþvar þretor alþvpo oc leipir til einnar sevnsemi morg 10 atqveþi þretanda lvps. En sia boc er af því colloþ pingheviande, at i henne ero morg atqveþi þa er osevnsum alþvpa metti hvggia eþa um þreta, oc er þar mart melt eptir alþvpo ahvga oc eptir svndrleitri seilningo margra manna. En aþr pingheviande stopvar allar þretor oc leipir alla til eins atqveþis, þa es hann melir sva 15 i enda bocarinnar: Hevrom ver allir saman enda þessa mals: Hrezþu gvp oc halt boþorþ hans; þat es melt vþ alla menn. Ef Salomon hefpi eigi margra seilning sundrleita lvsta i boc þessi oc margra orþom melt, þa mónde hann (eigi) biþia alla saman at hevra enda mals meþ ser. En er hann melir sva at niþrlagi: 20 »hevrom ver allir saman enda mals,» þa es hann þess votr es hann hafpi eigi aþr ein(n) melt, því at þat es sumt i þessi boc, es melt es sva sem af osevnsumligri spurningo, en sumt svarar af sevnsemi; sumt es melt eptir heims munopom, en sumt stopvar hug fra munopom fvr sevnsemi. Þvi at þar er sva melt: Þat svnisc mer 25 gott, at maþr éti oc dreci oc nioti fagnaþar af erfipi sino. En sva er melt siþarr i enni somo boc: Betra es at fara til hrvGGLEICS hus en til fagnaþar. Her svnir þat, at hann melir et fvrri mal af osevra manna aliti, en et eþtra af sevnsemi. Þvi at hann svnir þegar, hver nvtsemi er at fara til þess hus es dæpr maþr er grat- 30 inn, »þvi at þar svnisc endir allra hluta, oc hvgr lifande maþr þa at, hvilier hann seal verþa.« Enn es þar sva ritip: »Gleþsc þu, ungr maþr, i ósco þinni,« oc let hann þat eptir fara: »Onvt es ósca oc munop.« Þa es hann fvsti þess fvrr, es hann talþi onvtt siþarr, þa sevrþi hann því, at hann melti annat af licam- 35 ligom hug en annat af andligri² sevnsemi. Sva sem hann talþi fvrr gott vera at eta oc dreca oc lifa at munopom, en siþan lastaþi hann þat fvr retta sevnsemi, sva fórþi hann oc fram af ostvrera

1 1 Gleþsc staar et Punkt over c. maaske som Tegn, at denne Bogstav skal gaa ud. 2 licamligri Cd.

manna aliti þat atqveþi, es hann melti sva: »Einn er dæþi oc iafnt øpli manna oc smala, sva devr maþr sem smali oc hevir eki framarr en cvqvende.« En þar let hann eptir fara scvnсамliet atqveþi, »hvat hevir spacr maþr framarr en heimsc[r, n]ema þat
 5 at hann ferr þangat es lif es.« Þar er hann melti þat fvrr, at maþr hefþi eki framarr en cv[qve]nde, en nu spvrr hann þess, hvat spacr maþr hæfi framarr an cvqvende oc framarr en heimscr maþr, þvi þa at [hann] ferr þangat es lif es. I þvi atqveþi svnde hann, at eigi es her lif manna, er hann qvad þat annars staþar [ver]a.
 10 Þat hevir maþr framarr en smali, at smali livir eigi eptir dæþa, en maþr teer þa at lifa, [er] hann lver svniliet lif meþ licams dæþa. Eunn melti Salomon siþarr i enne somo [bo]c: Vinn þu gott meþan þu matt, þvi at eigi es vere ne scvnsemi ne speci i helviti, [þa]ngat es þu hrapar. Hverso ma einn dæþi eþa iafnt ópli vera
 15 manna oc smala, þar es [s]mali livir eigi eptir dæþa, en andir vandra manna ero leidar til helvitis oc devia þer eigi [þ]ar eptir licams dæþann. En i sva sundrleito atqveþi scvrþi enn sanni þingheviande, at hann melti annat af licamligri freistni en annat af andligri scvnsemi.

20 Petrvs. Þess vil ec þic nu biþia, at þu lovir mer at spvria necqverra hluta af ostvrera manna hende, at þat gefi ostvræiom scvnsemi, es ec tec þeira spurningar.

Gregoriys. Fvr hvi móna ec þat eigi lofa, at þu varevnnir ostvræiom monnom, þar es Poll melti sva: Allt varevnda ec ollom,
 25 at ec meþa ollom of hialpa. Nu ef þu górir þat af astar varcunn, þa mon þu framarla i þvi gofgasc, es þu glicisc enom ózta kennanda.

5. Petrvs. Þar var ec stadr, es maþr andaþisc, sa er litlo apr hæfþi melti viþ mic. Ec sa hann andasc, en ec matta eigi sia, hvart ondin for fra licamnom eþa eigi, oc þvki mer torvelliet
 30 at trua þvi, at þat móni vera oc lifa, es engi ma sia.

Gregoriys. Hvat undrasc þu þat, Petr, þott þu ser eigi ondina, es hon scilse viþ licaminn, þar er þu ser hana eigi, meþan hon er i licamanom? Eþa etlar þu mic af þvi andlarsan vera, at þu ser eigi ond mina nu, es þu melir viþ mic? Osvniliet es ópli andar,
 35 oc scilse hon osvniliga viþ licaminn, sva sem hon es osvniliga i licamanom.

6. Petrvs. Sciliasc ma mer lif andarinnar af licams hróringom, þvi at eigi metti licamr hrórase, nema ond vere meþ honom; en ec ma af ængom hlutom eþa vercom of scilia lif andar eptir
 40 licams dæþa, þvi at þat ma ec eigi sia.

Gregorivs. Sva sem að andar lifgar oc hrórir licam, sva fyllir að gvþs alla hluti, oc gefr sumom at lifa, en sumom at vera oc lifa eigi. Ef þu ifar eigi gvþ vera osvniligan allz scapanda oc stvrandu oc fyllanda, sva scaldu oc eigi ifa hann hafa þionosto osvniligra hluta, því at þat somir, at osvniligir hlutir þioni osvniligom gvþi, en þat ero englar oc andir heilagra. Sva sem þu seilr lif andar af licams hróringo, sva scaldu seilia af gvþs mætti lif ardar þeirar, es víþ licam es seilþ, því at hon ma osvniliga lifa, þar es hon seal osvniligom gvþi þiona.

Petrvs. Rett es þat allt sagt, en hugr ma eigi trua því es licams æga ma eigi sia.

Gregorivs. Poll postole melti sva: »Þat es trua at vetta þess es eigi ma sia,« því at eigi ma þat trua callase, þott maþr trui því es hann ser. En ef þu hvgr at, þa mattu óngva hluti of sia af osvniligo óþli; alla licamliga hluti ma licams ogom sia, en eki ma licams agom¹ sia, nema osvnilig ond efi þa² til svnar. Þa er osvnilig ond hverfr fra licamnom, þa ero opin ogo eptir i licamnom oc sia eki. Ef þa sia aþr maþr veri andaþr, hvi sia þa eki, þegar er andin er a brato? Setiom ver fr hugscots ægo oss at gera hus oc reisa up sulor oc bera til griot oc víþ; hverr víþr þat vere, hvart heldr svniligr licamr, es byrþar berr, eþa osvnilig and, es licam lifgar? Ef en osvniliga ond es fra licam tecin, þa ma licamr sic hvergi hróra, es aþr svndese hann hróra storar byrþar. Af þessom hlut ma marca, at eki ma seipase ne gort verþa her i svniligom heime nema fr osy(ni)liga scepno, því at sva sem gvþ lifgar oc fyllir oc hrórir osvniliga hluti, sva lifgar hann oc hrórir licamlega hluti fr osvniliga scepno.

Petrvs. Meþ þessi malsonnon verþ ec sevlðr at virþa mioc sva enseis svniliga hluti, þar es ec ifa aþr of osvniliga³. En sva sem ec seil lif andar i licam af licams hróringo, sva vilda ec seilia lif hennar eptir licam af neqveriom sannonar dómom.

Gregorivs. Eigi mendo postolar oc piningarvattar Criste frlita þenna heim oc selia licam sinn til bana, ef þeir vissi eigi vist lif andarennar. Þu seilr lif andarinnar af licams hróringo, en þessir es licami sina seldo til bana oc truþo andar lifi eptir lic[ams] lif, þeir seina nu i enom hestom iarteinom. Siveir menn coma til dæþra licama þeira oc verþa heilir, oc flóia [dio]flar tra oþom, dæþir menn ero þangat bornir oc lifna. Virþu þa⁴, hverso andir þeira lifa þar, er alzev[ns] iarteinir verþa at dæþom licomom

¹ oga[m] Cd.² þat Cd.³ osiniliga Cd.⁴ g (d. e. igitur) Cd.

þeira. Ef þu seilr lif andar i licam af licams hróringo, fvr hvi seilr þu eigi lif hennar eptir licams dafna af þeim iarteinom, es af beinom heilagra manna gerasa?

Petrus. Engi hlutr stendr nu a mot þessi sonnon, þvi at ver verþom sevlðir at trua af osvniligom hlutom þvi es ver siom eigi i þessom heimi.

7. Gregorius. Fvr scommo apr gatzu, at þu mattir eigi sia ondina, er hon seilpise víþ licaminn. En þeir hafa margir verit, es sva hreinsöþo hugscots ago sin i tru oc i bónom, at þeir næþo at sia andir, þa es þer seilþose víþ licami. Af þvi es mer næþsvn at sevara þat, hverso andir hafa senar verit, eþa hvat þer hafa sét eþa sagt i bræt(for) sinni, at dómi megi stvrcia recanda hug, es eigi ma orþa sevnsemi ein saman. Þess gat ee fvrr í boc þessi, at sanctus Benedictus sa of mípia nott allan heim. I þeiri svn sa hann engla gvþs bera ond Germanus byscops til himins.

8. Bróþr .ii. gogfir voro, annarr þeira het Speciosus, en annarr Gregorius; þeir góþose lerisveinar Benedictus, oc let hann þa vera i munclifi þvi es scamt es fra borg þeiri es Terracinensis heitir. Þeir hofþo aþgir verit, en hofþo aþl aþose sin geit amom monnom til hialpar ondom sinom, oc þionoþo i munclifi. En þa es Speciosus vas sendr of dag fvr næþsvniom munclifis til borgar þeirar es Capua heitir, þa sat Gregorius of borþi meþ bróþrom, oc sa hann þa and bróþor sins sciliase víþ licaminn oc sagði þat bróþrom, oc for þegar til borgarinnar, oc vas þa bróþir hans grafinn, es hann com, en a þeiri stundo andaþr, sem hann hafði set and hans sciliase víþ licam.

9. Necqverir menn foro a scipi or Sicilevio oc til Rumborgar. En es þeir voro i mípia hafi, þa só þeir and necqvers goþs mannz, þess er var i Samnia herafi, fara til himins. En es þeir stigo a land, þa spurþo þeir a þeim degi gvþs þrel andatse hafa, sem þeir só and hans til himens fara.

10. Einn heilagr aboti het Seps, þa atti munclif i Nursia herafi, honom hlifði gvþ víþ eilifom bardaga, en hann svnde honom hér beþi miscunn oc rapning; .xl. vetra vas hann sionlass, sva at hann matti eki sia. En engi ma standase rapning gvþs, nema miscunn hans fylgi, oc veiti hann þolinmóþi i m-inom, þvi at fvr utan þolinmóþi gerise su rapning at svnpa aca, es til svnpa bota sevlde sett vera. En gvþ ser ostvrep ora oc varþveitir oss a mípia bardaga oc reþr oss til batnaþar sem sonom. Sva góþi hann oc víþ þenna mann in gamla, at (hann) let hann aldregi

tvna eilofu liose, þott hann hefði mist licamligs lios. Varþveitsla heilags anda huggaði hiarta hans, þot bardagar móði licam hans. En es hann hafði .xl. vetra sionlærs verit, þa gaf goð(!) honum svn oc vitraði fvrir honum andlat hans oc minti hann, at hann svnde muncom sinom andar lios i kenningom, þa es hann hafði 5 tecit licams lios. En aboti hlyde boþorði drottins oc for of oll muncilf, þar es i hans syslo voro, oc cende monnom i orþom þa siþo es hann helt sialfr meþ vercom. En hann com aprt a enom fimtogonda degi til muncilfs oc callaði til sin bróðr oc toc corpus domini oc hof up salmasong meþ þeim. En es þeim vas tþpast at 10 svngva salma, þa andaðise hann. En allir so, þeir er hia voro, dufo fara ut or munni hans oc fl(i)vgu or husino i gegnom glugg til himins. En and hans vas af því svnd i dufo lici, at gvp vilde þat svna, hversó meinlæss sia maþr var.

11. Prestr necqver vas i Nursia heraði, sa es meþ micilli 15 gvþs elseco varþveitti lvp sinn. En siþan es hann hafði preste vigslo tecit, þa vas hann sva varr vþ samvisto cono þeirar, es hann hafði atta, sem þar veri fiande, en þo elscaði hann hana sem svstor, oc let aldregi i nond ser coma. Þvi at helgir menn veria sva, at þeir qvipia ser opt lofaþa hluti, at þeir verði langt 20 seilþir fra olofþom. Af því let prestrinn conona aldregi [ser] þiona, at hann tóci eigi freistni af henne. En a inom fertogonda vetre þaþan fra, es hann [v]as til preste vigþr, þa toc hann sott micla. En es cona hans sa hann at bana cominn, oc náslitr vas a honom, þa gec hon at honom oc lagði evra sit vþ andlit honom 25 oc hlóraði, hvart lifs ande veri i nosom hans. En hann kende þess, þott hann metti litþ, oc leitaði vþ at mela, oc stvrepise hann sva at hann melti: »Far a bravt þu cona, livir elldz gneisti, tac bravt þu sóþena¹.« En es hon for a bravt, þa toc at vaxa megin hans, oc melte hann meþ micilli gleði: »Comit heilir, drot- 30 nar minir, comit heilir, drotnar minir, at vitia þrels years.« En es hann melti opt et sama, þa spurþo þeir er hia stopo, vþ hveria hann melti. En hann svaraði þeim: »Seþ eigi er postola gvþs Petar oc Pól, es her ero nu comnir.« Þa snórise hann til þeira oc melti: »Nu mon ec coma, nu mon ec coma.« En hann andað- 35 ise þegar, es hann hafði þat melt, oc fvlgði postolom þeim, es honom vitroþose. Þat berr opt at hende retlotom, at helgir menn vitrase þeim i andlati, at þeir hrepise þa siþr banann, heldr hvggise þeir af heilagra samlagi.

¹ Lat.: Recede a me, mulier, adhuc igniculus vivit, paleam tolle.

12¹. Probus het byscop borgar þeirar es Reatina heitir. En

þa es nolgafisc endemare lifs hans, þa toc hann þunga sott. En
 fafir hans Maximus sende víða menn eptir lænom oc hugði, at
 þeir monde hann heilan góra. En es lænar qvomo til hans, þa

5 visso þeir þegar oc sogþo, at hann mónde eigi lengi lifa. En es
 at nottorþarmali com, þa melti Probus byscop víð fofor sinn oc
 víð þa es comnir voro, at þeir mónde fara inn i scala oc matasc
 oc hvilasc eptir erfði. Allir hurfo þeir i scala inn, nema sveinn
 .i. vngr vas með byscopi. En es hann stop fvr rekió byscops, þa
 10 sa hann inn ganga til hans menn liosa oc scrvda hvitom elþom,
 oc varþ hann hredr oc callapi oc spurpi, hverir þar veri. En es
 byscop hevrði call svein(s)ins, þa lét hann til oc sa þa, es inn
 gengo, oc kende oc huggapi sveininn oc melti: »Hreze eigi þu
 þat, Juuenalis oc Eleutherius gvþs vattar qvomo til min. En
 15 sveinninn matti eigi standasc svn þessa oc rann til scala oc sagði
 þeim es inni voro, hverir comit hofþo til byscops. En þeir runno
 scvndeliga oc fundo byscop andapan; því at þeir hofþo ond hans
 með ser, es sveinninn matti eigi standasc at sia.

13. Galla het rics mannz dottir i Rvmaborg, hon var ung

20 manni gefin, en sa lifði .i. vetr sípan. En (þott) ena ungo ekio
 metti beði ósca oc aþófi fvsa til manneignar i annat sinn, þa
 þvdise hon heldr himnesca sameundo, þa es með hrvgleic hefse
 oc cœmr of síþir til eilífs fagnaþar, en licamliga munof, þa es
 hefse með gleði en endisc með grati. En þat sogþo henne lænar,
 25 at hon mónde seeggiap verþa, nema hon veri manni gefin i annat²
 sinn, oc var þat sem þeir sogþo. En heilog cona scampise eigi enna
 ytri lýta andlits sins, því at hon helgapi himnescom brufguma
 ena íþri fegrþ hiarta sins. Þegar er buande hennar var andapr,
 þa castapi hon veraldar bvningi oc toc nunno vigslo oc þionafi
 30 gvði marga vetr i kircioscoti Petrs postola i nunnosetire með
 hreino hiarta oc staffesti bóna, oc var mild víð þurfamenn. En
 es gvð vilde henne gialda eilífa dvrt fvr erfði sitt, þa toc hon
 briosts sull. En hon var von at brenna liosi of neþr fvr hvilo
 sinni, því at hon elscapi et sanna lios³

35 184. oc mela guðlastan oc do þegar i þeiri synð. Gvð
 syndi fyrir hveria sekð svein var slicrar gagnfarar verðr, þa er
 hann melti gvðlastan, aðr hann dœi, til þess at pater hans kendi

1 fra Probus *Oversk.* 2 annan *Cd.* 3 *Her mangler 2 Blade i A.*

4 *Her meddeles et Bladfragment i norske Rigsarkiv, der indeholder
 Brudstykker af Capp. 18, 19, 20, 21.*

sekð sina, er hann vrækði ond sonar sins oc hafði fæddan hann til pinsla, þa er hann villdi eigi qviðia honom ilzeo.

19. Stephanus het einn gvðs maðr, sa er onga atti avra oc villdi onga eiga oc elscaði hann meirr valað sitt en avðefi, oc hafði hann þolinmæði við allar meingorðer oc flyði hann þys alþyðo, 5 at hann metti iafnan a þonom vera. Eina man ek segia iartegn hans, at þaðan megi margar of merkia. A næcorom degi hafði Stephanus upp scorinn akr sin þan ein, er hann atti til allra missara atvinno ser oc lërisveinom sinom, oc hafði hann borit byndin til bugghloðo 10 sva at enge matti upp standa, þa er anlat hans var. Þeir er engla sa, oc sva þeir er eigi sa, vrðo aller einni ogn seelfðer oc undroþo, hversu mikill craptr com i mot ondo Stephani, þviat engi matti up standa, þa er andlat hans var.

20. Þat verðr oc stvndom, at eigi verþr syndr verþleikr 15 andar i andlate, en eptir dæðann vitraz þat scyrra; svasem¹ gvðs vattar toko grimmar pinsler af heiðnom monnom, en siþan [urðo] hvern dag margar iartegner at dæðom beinom þeirra.

21. Gregorivs. Valentinus het aboti er réþ fyr munclife i heraðe Valeria. En es Langbarþar herioþo i mvnclif hans, þa 20 gripu þeir munca tua oc festo upp i eitt tre baþa oc enn sama dag. En at aptne þa toco ander þeira at syngva salma þar oc lof guþs, svát þeir heyrþo songenn, er banat hoþþo þeim, oc vndroþosc þeir oc hræddosc þenna song. Oc þeir er herleiddir voro . .

26. 25 þa² es manndaþr miçill for of morg heroþ, þa toe sia maþr sott. En es hann vas at bana cominn, þa com Felix byscop til hans oc talþi fvrir honom, at hann sevldi eigi dæþa hrepase, oc het honom enn lengra lifi oc travsti gvþs miscunnar. En hann svarapi: »Fvld es nu tiþ min, þvi at ungr maþr vitraþise mer oc svndi rit oc 30 baþ mic lesa. Þar sa ec mitt³ nafn fvrst, en siþan allra þeira es þu scirþir, byscop, a enom næstom poscom, oc voro allra nofn gollstofom ritin; en ec veit þat vist, at ver allir monom sciott viþ þetta lif sciliasc.« En Mellitus andapise in sama dag, oc es fair dagar liþo þapan, þa voro andapir allir þeir es á þeim pæscom 35 voro scirþir. En af þvi sa gvþs þrell nofn þeira gollstofom ritin, at þa seolo aldregi scafasc af lifs boc a himni. Sva sem þessom monnom motto vitraþir verþa oorþnir hlutir, sva mego oc stundom

¹ siæut Cd.

² Her begynder atter A.

³ minn Cd.

andir, apr þer scilise víþ licami, sia himnese tœn enn heldr vacande en i dræmom.

1 I husom ricismannz þess es Valerianus hét, vas smalasveinn naeqvarr einfaldr oc litillatr. En es mandapr com i hus Valeria-
 5 nus, þa toc sveinninn sott. En es hann þotti mioc sva at bana cominn, þa hvarf hann apr til lifs oc heimti þangat Valerianom harra(!) sinn oc melti víþ hann: »A himni vas ec nu, oc veit ec, hverir her mono andase, oc monnat þu i því floþi verþa. En þat
 es at iarteinom at ec vas a himni, at ec nam þar at mæla á allar
 10 tungor. Þu vissir, at ec cunna eigi girzco mæla. Mæl þu nu víþ mic girzet mál, oc revn at ec kann allar tungor mæla.« Þa melti Valerianus víþ hann a girzco, en hann svarapi a þa tungo, sva sem hann hefpi þar alinn verit. Einn þionn Valerianus vas ętscaþr af Norþrlondom oc mælti þvþesco, sa vas leidr til ens sivca, oc
 15 melti hann víþ hann a sina tungo. En enn sivci svarapi a þa tungo, sem hann hefpi meþ þeiri þioþo fodr verit. Þa undroþose allir þeir es hevrþo oc truþo, at hann evnni á allar tungor mæla, þa er þeir revndo, at hann melti a þer .ii., es hann cunni eigi apr. En andlat hans dvalpise tva daga. En á enom .iii. degi þa
 20 órpise hann oc bét meþ tonnom arma sina oc andapise síþan. En es hann vas andapr, þa andapise hverr at oprom þeira, es hann hafpi sagt at andase mōnde, oc óngvir aprir i því husi, en hann hafpi a qveþit at andase mōnde.

Petrus. Ogorliet mal es þat, er hann varþ síþan fvr sva nēcilli
 25 pisl, þar er hann napi fvr sva dvrligri gíof.

Gregorius. Hverr megi vita levnda doma gvpþs? Hrepase scolom ver ogn þeira, en grafa eigi um þat, es ver megom eigi scilia.

27. Þeophanius het .i. ricismaþr i borg þeiri es Centucelen-
 sis hetir. Sa var gestrisinn oc olmosgiarn oc costgeþr til gopra
 30 verca, oc bar hann ahvggio fvr morgom veradligom hlutom. En at því sem ęfiloc hans urþo, þa starfapi hann meirr af næþsvn(i)om i iarþligri svslu en af fvst sinni. En es nólgapise andlat hans, þa górpí hriþ miela. Kona hans varþ hrvgg víþ þat oc vandredise umb þat, hverso lic hans sevlđi til grafar fóra, es eigi matti or
 35 husi ut comase fvr hriþ. En Þeophanius melti: »Grat eigi þu, cona, því at þegar mon hef vera es oc em andapr.« Oc es hann hafpi þat melt, þa andapise hann oc górpí þegar héþ. Þar foro aprar iarteinir eptir; því at hendr hans hóþo hr(i)vfvar verit oc fetr, oc vall hvartveggia vagi. En es lici hans var þvegít, þa

voro hendr hans sva heilar oc fótr, sem aldregi hefpi hrvfi á verit. Síþan var hann lagþr i steinþro. En es þáþan líþo .iiii. dagar, þa górpisc sa atburþr, at up var locit grof hans oc lagþi sva dvrligan ilm or steinþroni, sem þar veri dvrlig smvrsl en eigi fuit hold.

Petrvs. Gnogliga tel ec nu svarat vera spurningo minni, en þat es eptir, es mer þvkir þarf enn at spvria: ef heilagra manna andir ero þegar a himni, es þer sciliase víþ licami, (eþa) hvart illra manna andir se þegar i helviti, þvi at sumir etla at eigi se svþpogra manna andir i qvolom fvrir domsdag.

28. Gregorivs. Ef þu trupir heilagra manna andir a himni vesa, sem helgar rit(n)ingar segia, þa bvriar at þu truir vandra manna andir i helviti vera; þvi at sva sem retlatir fagna af ómbon retletis i dvrþ, sva es oc naþsvn at trua þvi, at ranglatir brenni i eilifom eldi þegar eptir andlat sitt.

Petrvs. Hverso ma þvi of trua, at licamligr eldr megi halda á olicamligom hlut?

29. Gregorivs. Ef haldase ma olicamligr andi i lifanda licam mannz, fvr hvi megi þa eigi eptir andlat licamligr eldr of halda olicamligom anda?

Petrvs. Af þvi heldze olicamligr andi i lifanda licam, at hann lifgar licaminn.

Gregorivs. Ef olicamligr andi ma haldase i holdi þvi es hann lifgar, fvr þvi megi hann eigi haldase þar es hann devþisc i qvolom? En sva segiom ver anda haldase eþa devþase i eldi, at hann livir þar oc kennir sin, oc er þat qvol hans oc bruni, es hann ser sic qveliasc oc brenna. Sva brennir licamligr hlutr olicamligan anda, at af svniligom eldi górise osvniligr sarléer, sa es qvelr olicamligan hug. En þo bera gvþspialle orþ þat vitni, at andir qvelisc beþi svniliga oc osvniliga i helviti, sem sagt es fra opgom manni, es grauinn var i helviti, en hann vattapi þat, at hann vas bundinn i eldi, þa es hann melti víþ Abraham: »Sentu Lazarom, at hann drevpi a tungo mer vats dropa af enom minsta fingri sinom, þvi at ec qveliomc i þessom loga.« Hverr mœni spæra manna mistrua þat, at eldr megi halda a óndom svþpogra¹, þar es drottinn sialfr sagþi svþþgan mann vera fvrðemþan til elds. Petrvs. Sevnsamlig sonnon eggjar hug minn til tru, en harpleier hiartans ma eigi of scilia, hverso licamligr hlutr ma halda eþa qvelia olicamligan.

¹ svþþpogra *Cd.*

Gregoriús. Hvart etlar þu ohreina anda, þa es af himni fello, vera licamliga eða olicamliga?

Petrús. Hverr mæni heilviti maðr etla engla vera licamlega?

Gregoriús. Hvart etlar þu helvitis eld vera licamligan eða eigi?

5 Petrús. Eigi ifa ee þann eld licamligan vera, es víst es at licama brennir.

Gregoriús. Drottinn melir sva víþ rekninga a domsdegi: »Fariþ ér i eilífan eld, þann es díofli es buinn oc englom hans.« Ef díofoll oc englar hans olicamlígir qvelíase i licamlígom eldi, hvat
10 es þa undarlict, þott andir kenni licamlígra qvala aþr þer taci lícami?

Petrús. Avþsé es sia sevnsemi, oc ma hugr eigi lengr ifa ne grafa um þetta mal.

30. Gregoriús. Síþan er þu trúþir saþre sevnsemi, þa
15 verþr mer næþsyn at sanna þetta með necqveríom dómom. A dog-
om Þíoprecs konongs for ríkismaðr necqverr til Sicílevíar or
Rumaborg a scípi. En es hann for aþr, þa lendi hann víþ ev
þa es Líparís heítir; en þar var muncr necqverr heilagr i einseto.
En es aþrír scípverar bötto scípsreiða, þa gek stvrimaðr til fundar
20 víþ muncinn, at hann feli sic undir bænir hans, oc foro necqverir
menn með honom. En es gvþs maðr sa þat, þa melte hann víþ
þa: »Vítuþ ér at Þíoprecr konongr er andaþr?« Þér svoroþo:
»Ver scílpome víþ hann heilan oc hófom eigi spurt andlat hans
síþan.« »Víst er hann dæþr, qvad gvþs þrell, því at i gér at
25 noni dags toko þeir Jóhannes pave oc Símacus hófing[i] oc fórho
hann or fotom oc bundo hendr hans oc fótr oc costoþo honom
níþr i Sicílevío, þar er eldr cæmr up or fíalli.« En es þeir hevrþo
þetta, þa meroþo þer þann dag oc foro aþr til Rumaborgar, oc
urþo þa uísir, at konongr hafði a þeim degi oc á þeiri stundo
30 andaste(!), sem gvþs þreli vas svndr dæpi hans oc qvol. En af því
vas sva vítrat, at Jóhannes páfi oc Símacus castaþi honom i eld,
at hann hafði þa baða ranglíga dómþa i þvísa lífi oc latíþ pína
þa fvr gvþs nafni.

31. Separatus het .i. aþigr maðr oc gofogr at veraldar metn-
35 aþi. En es hann toc banasott, þa la hann lengi stírþr oc ómale,
sva at hann þotti míoc sva andaþr vera. En hív hans stoþo yvir
honom oc margir aþrír oc greto. Þa stvrepíse hann oc toc mal
sitt, oc undroþose þeir er aþr greto, en hann melte: »Sendíþ ér
mann til Laurenntíus kircío, oc vítiþ hvat gort se ór Tiburtío
40 prestí, oc segit mer sevnðelíga.« En sa Tiburtíus vas míoc þróng(þ)r

i licamligom girnþom¹. En es sendimaþr vas farinn, þa toe Separatus at segia, hvat fvrir hann hafði borit: »Bál sa ee micit, qvad hann, oc vas tecinn Tiburtius prestr oc lagþr a balit oc lostiþ eldi i sípan. En(n) sa ee annat bál miclo meira, oc toe logi þess allt til himins.« En es Separatus sagði þetta, þa andapise hann þegar. 5 En hinn maþr, es sendr var, hitti andapan Tiburtium prest. En þar es Separatus vas leidr til pislarstaða oc sa beði sina pisl oc annars oc hvarf aptr sípan oc sagði fra oc dó þegar, þa er svnt, at hann sa þessa hluti eigi ser til nvtia heldr oss, es enn er lofat at lifa oc hirtasc fra svnbom. Separatus sa bal hlapit, eigi af því 10 at tré brvnni í helviti til eldsqeco, heldr af því at þat matti heldzt lifondom monnom sciliasc, ef eptir þeim dæmom veri sagt fra annars heims pislom, sem her mego licamligan eld éxla.

32. Ogorligr hlutr górpise i Valeria herapi. Necqverr gofogr maþr veitti goþsfiar me(v)io necqverri þvatdag fvrir pasca, en hann 15 for heim of aptaninn til hus sins oc bað, at merin sevldi honom fylgia heim. En es hann varþ of drukinn af vini, þa misþvrmþi hann mevionni a þeiri nott. En at morni þa for hann fvrst til lægar, sva sem hann metti i lægarvatnino svnbina þva af ser. Sípan gek hann til kircio oc toe at scammasc oc hrepasc: ef hann 20 gengi eigi i kircio a slicri hótiþ, þa scammapisc hann menn; en ef hann gengi inn, þa hredisc hann dóm gvþs. En þo virði hann meira menn en gvþ, oc gek inn i kircio oc vas þo hredr um sic, oc var hveria stund von fra anlarri, at hann móndi seldr verþa ohreinom anda oc qvalþr i ægliti allz lvþs. En es honom varþ 25 eki berlega at meini of messo, þa gek hann ut glaþr or kircionni. En annan dag gek hann órvggr inn i kircio oc sva .vi. daga ena næsto, oc vas sva glaþr oc órvggr, sem gvþ hefði eigi sét svnb hans eða þegar fvrgefit honom ella. En en .vii. dag þa varþ hann braþdaþr. En er hann var grafinn, þa svndisc ollom lengi 30 sípan eldr brenna or leiði hans, oc siatnapi sva leipit, sem allr licamr hans hefði brunnit af þeim eldi. Þapan af ma mercia, hveriar pislir ond hans hafði i levndom stad, er logi brendi licam hans fvr manna ægliti.

Petrus. Vita vilda ee þat nu, hvart gopir kenna goða, eða illir 35 illa i quolom.

33. Gregorius. Þetta atqveði lysisc af drottins vars orþom, þa es hann sagði i gvþspialli, at aþigr maþr necqverr var purpura servdr oc hvern dag crosom fodr. En ualaþr maþr het Lazarus,

es la siver oc sárr fvr durom hañs oc vilde fópase af mola þeim er
fell af borði ens aþga mannz, en engi gaf honom þat. En es þeir
ondopose báfir, þa vas Lazarus borinn i faþm Abrahams, en en
aþgi vas grafinn i helviti. Oc hof hann up aþgo sin oc sa of
5 lanct Abraham oc Lazarom, oc callapi hann oc melti: »Fáfir
Abraham, miscunna þu mer, oc send Lazarom, at hann drevpi af
enom minesta(!) fingri sinom vats dropa a tungo mina.« Abraham
svaraþi: »Minestu(!) sonr, at þu toet goþa hluti i lifi þino, en
Lazarus illa.« En er enn aþgi órvilnabise sinnar heilso, þa min-
10 tise hann nonga sinna: »Biþ ee þic þa, fáfir, qvad hann, at þu
sendir Lazarom til bróþra minna .v., at hann vari þa víþ þenna
píslarstaþ.« Af þessom dómom er svnt, at goþir kenna goþa, eþa
illir illa. Ef goþir kendi eigi goþa, þa mónde eigi Abraham segia
fra líþno erfíþi Lazari, at hann hefþi teit illa hluti i lifi sino; en
15 ef illir kende eigi illa, þa mónði eigi enn aþgi minnase bróþra
sinna i qvolom. Ef hann minntise þeira es eigi voro þar, hverso
mónde hann eigi kenna þa er þar voro? I þessom orþom er þat
svnt, at goþir menn kenna illa, oc illir goþa. Abraham kende
inn aþga mann, þa es hann melti víþ hann: »Minestu sonr, at
20 þu toet goþa hluti i lifi þino.« En aþgi maþr kende Abraham oc
Lazarum, þa er hann nefnde hvarntveggia a nafn oc melti: »Abra-
ham fáfir, miscunna þu mer oc send Lazarum.« I þessi kvnningo
verþr hvorom tveggjom óxling sinnar ombonar, þa er goþir fagna
þess at meirr, es þeir sia vini sina gleþiase i dvrþ meþ ser, en
25 illom er þat æci sinnar qvalar, es þeir qveliase meþ þeim er þeir
elscoþo her i heimi licamligrí ost, en oróco gvþ. Þvi er oc
framarr sact fra helgom monnom, at þeir kenna iamnt þa, es þeir
hafa aldregi sena, sem hina, er þeir hafa sét her i heimi. Þvi at
þa es þeir sia ena fvrri feþr i dvrþ, þa verþa þeim þar þeir eigi
30 ocunnir, þvi at þeim voro her kunn avallt vere þeira.

34. Þvi at neeqverr sípsamr maþr oc trufastr i Rumaborg sa
á andlatstíþ sinni coma til sin spamenn gvþs Jonam oc Ezechie-
lem oc Danielelem, oc callapi þa drotna sina. En es hann sagþi þa
comna vera oc la't þeim, þa scilþisc and hans víþ licam. Af
35 þessom hlut ma marca, hverso micill cunnléer er a miþli manna
i eilifri dvrþ, es sia maþr i dæ(þ)ligom licam matti cenna spamenn
gvþs, þa es hann hafþi aldregi sena. Þat górise oc óft, aþr andir
scilisc víþ licami, at þer kenna þa menn helzt, er iafnan verþléc
hafa þeim annattveggia i dvrþ eþa i qvol.

35. Johannes het bróðir Eleutherius, þess es fra vas sagt i enni fvrri boc, en hann vissi oc sagði andlat sitt .xiiii. dogom fvr en yrþe. En þrimr dogom apr hann andaþise þa toc hann ríposott. En á andlatsdegi sinom toc Johannes corpus domini oc heimti þangat munca oc bað þa syngva salma fvrir ond sinni, oc 5 hof sialfr antemno þessa Aperite mihi portas. En hon þvpise sva: Lucíþ up er mer hliþ retletis, oc mon ec in ganga oc iata drotni, þvi at retlatir ganga inn i hliþ drottins. En es bróþr sungo salma, þa kallapi Johannes oc melti: »Com þu, biorn.« En þegar es hann hafði þat melt, þa andaþise hann. Brøprom þotti 10 evnlect þat, er hann hafði melt, oc visso eigi hvi gegndi. En eptir andlat hans vas ogleði micil i munc lifino. En inn fiorþa dag eptir þa otto muncar for til annars munc lifs langt þapan. En es þeir qvomo þangat, þa voro þar oc allir muncar oglapir. Þa spurðo þeir es comnir voro, hvat hinom veri at ogleði. En þeir 15 svorðo: »Auþn stapar vars gratom ver, þvi at sa bróðir andaþise fvrir .iiii. nottom, es baztr var i voro munc lifi.« Þa spurðo þeir, er comnir voro, hvat sa heti. En þat var sagt, at hann het Biorn. En es þer spurðo, a hverri tíð hann andaþise, þa revndo þeir þat, at hann hafði á þeiri stundo andatse sem Johannes callapi 20 hann. I þessom atburð sevrise þat, at verþleier þeira vas iafn beggia, oc otto bapir til einnar vistar at fara, es bapir onðopose a einni stundo.

Eekia ein het Galla, en hon atti son þann er Eumorphius het; en þapan scamt a brat atti sa maþr hus, es Stephanus het. 25 En es Eumorphius hafði tekit banasott, þa callapi hann svein sinn til sin oc melti: »Far þu oc seg Stephano, at hann comi hingat, þvi at scip es buit, oc scolom vit fara til Sicileviar.« En sveinninn hugði, at hann melti orar oc vildi eigi hlýða orðom hans. Þa melti Evmorphius enn við sveininn: »Far þu oc seg 30 honom þat es ec melta, þvi at eigi ero þetta orar.« En es sveinninn for oc vas mipleipis cominn, þa mætti hann manni, oc spurði sa hann, hvert hann fóri. En hann qvase sendr vera eptir Stephano. En hinn svarapi oc qvaze cominn þapan oc sagði Stephanum andaþan. Sveinninn hvarf aftr, oc var Eumorphius andaþr, 35 es hann com heim. En at for svein(s)ins matti mercia, at þeir onðopose bapir a einni stundo, es hann fra andlat Stephanus a miþri goto.

Petrus. Hvi gegnir þat, er fegom manni svndise scip, eða af hvi sagði hann sic fara móndo til Sicileviar?

Gregoriús. Ond þarf eigi fararseiota, en þat var eigi undarliet, þott farscostr svndisc honom, þa es hann var i licam, sem licamr matti sia. En þat var ogorliet, es hann letse til Sicileviar fara sevldo, því at þar ero aþseri pislarstaþir en hvar annars staþar, 5 þar cæ(m)r eldr up or fialli i morgom stoþom, oc segia þeir sva, es þar ero i nond, at því fléri pislarstaþir opnase, sem meirr nolgase heims endir, oc ma þápan af scilia, at þeir fléri samnase þangat til pisma, sem þar opnase vípara pislarstaþir. En gvp svnr til þess her i heimi pislarstaþi, at otruir menn hreþise þer 10 qvalar es þeir mego of sia, ef þeir trua eigi aþr ne hreþase helvitis qvalar. En þat sanna gvpþsial orþ, þott eigi gefi onnor dómi til, at iafnir menn i verci sino scolo iafnar vistir hafa, hvart sem þeir ero goþir eþa illir. Ef eigi veri misiafnar vistir goþra manna i eilifri dvrþ, þa móndi eigi drottinn sva mela: Margar ero vistir i 15 husi fopor mins. Margar vistir ero i eino husi fopor, því at gvpþs vinir taca sundrleita ombon at verþleic sinom oc vercom i eilifri dvrþ oc seþo. Sva ródi oc drottinn of illa menn: Ec mon mela víþ cornsevrþarmenn, at þeir samni illom grosom oc bindi saman i bundin oc casti i eld. Cornsevrþarmenn ero englar, þeir binda 20 ill gros i bundin, þa es þeir samtengia glica glicom i qvolom, at dramlatir brenni meþ dramblotom, en sárlivir meþ sárlifom, fegiarnir meþ fegiorom, slægir meþ slégiom, oc otruir meþ otruum. Petrús. Gnog sevnsemi com a mot spurningo minni; en hvi gegnir þat, er necqveriar andir verþa sva sem mistecnar fra licam- 25 om, oc cunno þer þat segia, es þer coma aptr, at annars ond vas boþit fra at leiþa licam.

36. Gregoriús. Ef rétt er virt, Petr, þa es þat kenning en eigi misfangi. Gvpþs miscunn es þat, es necqveriar andir na aptr at hverfa til licams, at þer se helvitis pislir oc hreþise sena 30 qvol, ef þer truþo eigi aþr því es þer hørþo.

²Petrús het einsetomuncr necqverr etscaþr or Hiberia herapi. En aþr hann gengi i einseto, þa toc hann sott oc þotti andaþr vera necqveria stund. En ond hans com aptr til licams oc qvatse set hafa helvitis pislir oc necqveria þessa heims metnaþ- 35 armenn i eldi. En es hann vas sialfr leidr at eldinom, þa uitraþisc lioss engill, oc let eigi hrinda honom i logann oc melti víþ hann: «Hverf aptr þu nu oc hvgg at vanliga, hverso þu scalt sípan lifa.» Þa toc Petrús at lifna, oc ornoþo líþir hans, es hann vas allr caldr orþinn, oc sagði hann þa hluti, es of ond hans

40 1 hvarst *Cd.* 2 fra Petro *Oversk.*

gerðose, oc vas sva micill meinletamaþr síþan i vocom oc i fostom, at atferþ hans vattaþi þat, at hann hafði sét pislarstaþi oc orþit hredr, því at almattigr gvp veitti honom þat i dæþanom, at hann sevlði eigi devia slicom dæþa síþan.

En þeira manna hiorto ero horþ, er eigi batna víþ þat, þott þeim se svndar annars heims pislir. Þvi at gotogr maþr naeqvarr het Stephanus, en hann toc sott, þa es hann var i Miclagarþi oc andapise, en lic hans var eigi grafit a þeim degi, því at kisto sevlde at honom gera. Ond hans var leid til pislarstaþa, oc sa hann þer ognir, er hann hafði fvrr eigi truat. En es hann var leidr fvrr domanda, þa melti dómandi: »Eigi baþ ee þenna hing-at leipa, heldr Stephanum iarnsmiþ, es þessom es nalegr at bygþ.« Þa vas sia Stephanus aptr leidr; en Stephanus iarnsmiþr do a þeiri stundo, oc vattaþi andlat smiþ(s)ins þat, at hinom voro sannir hlutir svndir. En sia Stephanus andapise i þeiri sott oc mandæþ, er acafigast evdi Rumaborg, þa er noqvorum svndose ærvar fl(i)vga or lofti a menn. Þa vas oc ond riðara necqvers leid fra licama sinom, oc voro honom svndir annars heims hlutir, oc com aptr síþan til licams. En hann sagði sva, at hann sa ó micla, þa es brú vas yvir, oc ór þeiri ó up lagði þoco svarta oc illan dæn. En oprom megin arennar voro fagrir staþir oc vellir blomgaþir ollom enom fegrstom grosom, oc vas þar ilmr dvrligr oc fiólþi liosa manna. Þa sa hann bói fagra oc hallir lioss fullar, oc sa þar smiþat .i. hus or golli, oc vissi eigi, hvær þat hus atti. Enn sa hann nocqvor hus sva nær ónni, at yvir lagði stundom ena svorto þoco oc dæn inn illa es fylgþi. En a brunni gerþise su mannræn, at vandir menn fello i óena, es yvir vildo ganga, en þeir es svnpalæsir voro, runno yfir bruna æruggir til ens fagra staþar. Þar sa hann enn hofþingia, er Petrús het, bundinn iarni i myrecom staþ, oc spurði hann, hvi hann hefði sva micla qvol. Honom vas sact, at Petrús veri því i pisl þeiri, at honom gek heldr grimlecr en retleti til þess es¹

37.

hallda sik fra likams munuð, þa kemr eigi davn sá ne þoka yfir hys þeira, því at likams mænvð davggvir hvgskotz avgon, ok ser hvgrinn því ogiorr himneska hlvti, sem hann vnir meirr við it iarðliga. Petrús. Hveriar sannanir finnr þv a því, at likams synðir se i fnyk pindar?

¹ Her ender A.² Her beg. tredie Fragm. C.

Gregorius dixit. Sva er sagt i vppreistar savgo¹, at borg sv fyrirforst, er Sodoma het, ok drottinn let rigna yfir þa elldi ok brennosteini, at bæði kvelði þa elldr ok illr davn. Allir forvz þeir i elldi ok fnyk, því at þeir brvnnu aðr i olofoðo lifi ok girnd-
 5 vm dæþligs hollz.

38. Þat verþr enn stvndvm, at andir sia, þa er þær ero i likam, nockvt af andligvm ognvm, ok er stvndvm þeim gagn at því, er sia, en stvndvm hinvm, er fra heyra sagt.

²Theodorvs het nockvrr otamr sveinn, sa er fylgði bræðr sinvm
 10 til mvnklifiss at navðsynvm en eigi at vilia. Þvi at honvm var allt leitt at heyra, þat er honvm var it betra kent, hlo hann at avllo athæfi mvnka ok sor þess, at hann mvndi eigi þeira sið faga. Avllvm mvnkvm var hann leiðr, þo sato þeir honvm vel oskil sin sakir broðvr hans. En er manndavþr mikill for vm Romaborg, þa
 15 tok Theodorvs sott harða ok var hættr, sva [at] andi var i briosti honvm at eins, en likami hans var kolnaþr svmr. Þa komv mvnkar til ok baðo fyrir honvm því kostgefligarr, sem þeir visso andlat hans meirr nalgaz. Þa leitadi Theodorvs við at stavðva bænir þeira ok mællti: »Farit brott ér, farit brott ér. I dreka
 20 mvnni em ek, ok ma hann eigi svelgia mik fyrir bænvm yðrvm. Havftv mitt hefir hann i mvnni ser, gefi þer honvm rvm, at hann geri þat skiott, er ætlat er, ok kveli mik eigi þanneg lengr.« Þa mællto mvnkar: »Hverio gegnir þat er þv mælir? Sign þv þik, broþir!« Hann mællti: »Signa vil ek mik, ok ma ek eigi, því at
 25 ormrinn þrongvir mer.« Þa fello allir mvnkar til bænar ok baðo fyrir honvm með tarvm. Þa tok inn sivki at styrkiaz oc mællti: »Gvþi þacka ek, því at nv let drekinn mik lavsan af bænvm yðrvm; biði þer fyrir mer, því at ek em bvinn at snvaz til mvnka atferþar ok fyrirlita veralldar lif.« Þa sneriz hann af avllo hiarta
 30 til gvðs ok lifði við mikit vanheilindi þa stvnd, er hann var sipan i þessvm heimi, ok andaþiz sva, at ver hyggivm hann leystan fra invm forna dreka, þeim er hann varaþiz við i leiðrettingo sinni.

³Criserivs het einn avþigr maðr ok synþvgr, fvllr metnaþar ok fegirni, ok lifði at likams mvnvþvm. En er gvþ villdi gera
 35 enda a hans fegirni ok illzko, þa tok Criserivs sott, ok er hann var at bana kominn, þa sa hann standa fyrir ser svarta anda, þa er draga villdo avnd hans til kvala. Þa tok hann at skialfa ok blikna ok sveitaz ok kallapi son sinn, er Maximvs het: »Renn þu, Maxime, oc biarg mer i trv þinni, því at ecki gerþa ek þer til

10 ¹ libro Geneseos *lat.* ² fra Theodoro *Oversk.* ³ fra Criserio *Oversk.*

meins.« Sveinninn¹

sa er bindr fætr mina, hafvft mitt hefir hann i mvnni ser.
þegar hann hafði þetta mællt, ok var af því vist, at hann sa
avörvm til viðvavronar en eigi ser til nytsempar þann fianda, er 5
hann matti eigi forðaz.

Petrus ait. Vita villða ek þat, hvart því ma rettliga trva, at
hreinsonar elldr se eptir andlat.

39. Gregorivs dixit. Drottinn sialfr segir i gvðspialli:
»Gangi þer, meðan þer hafð lios, at eigi gripi yðr myrkr.« Enn 10
mællti hann fyrir spamanninn: »A tækiligri tíð heyrða ek þik, ok a
heilsodegi barg ek þer.« Þat skyrði ok Pall postoli: »Nv er tíð
tækilig, quaf hann, ok nv ero heilsodagar.« Sva mællti Salomon:
»Vinn þv gott, meðan þv mátt, því at eigi stoðar verk ne speki
ne skynsemi i helviti, þangat er þv skvndar.« Davið mælir sva: 15
»I verolld er miskvnn hans.« Af slikvm dæmvm er vist, at hverr
kemr slikr til doms, sem hann ferr heþan. En þo ma því trva,
at hreinsonar elldr se friðon fyrir nockvrrar inar smæri synþir, því
at drottinn mælir sva: »Sa er mælir gvðlastan i gegn helgvvm
anda, þeim fyrirgefzt þat hvarki þessa heims ne annars.« I þesso 20
atkvæði synir hann þat, at nockvrrar synþir fyrirgefaz i þessom
heimi ok nockvrrar annars heims. En því ma trva vm inar minni
synþir, at þær þyngia miok avndinni eptir andlat, ef þær ero afr
obættar, sva sem ero tom orð, ostilltr hlatr, ok margir hlvtir aðrir,
þeir er til hvers dags synða koma. Þa er Pall postoli sagði Crist 25
vera grvndvavll, ok let þat fylgia: at hverr sem smípar yfir þenna
grvndvavll, sagði hann, gvll ok silfr ok dyrliga steina, tre eða
lyng eða gras, þa mvn hann reyna allra verk; sa hefir skaða, er
verk hans brennr, en hann mvn sialfr hialpaz fyrir elldinn. Þessi
orð er rett at skilia vm meinlætis elldinn, þann er i þvisa livi er, 30
en ef nockvrr maðr vill þetta þyða til hreinsonar ellz, þa hyggi
hann at því, er Pall postoli sagði eigi þann mega hreinsaz fyrir
elld, er smípar yfir þenna grvndvavll iarn eða eir eða bly, þat ero
hafvðsynþir, helldr þann er smípar tre eða lyng, þat ero smæri,
synþir, þær er elldr ma brenna; en þat ma vita, at engi ma 35
leysaz annars heims fra hvers dags synðvm i hreinsonar elldi, nema
hann nioti at því goðra verka, þeira er hann gerði her i heimi.

40. ²Paschasivs het diakn i Romaborg, pryddr lærdom ok
goðvm síþvm, ok var milldr við þvrfamenn. Þa er menn atto vm

¹ Her ere flere Linier bortskaarne.

² fra pisl Paschasij diakns Oversk. 40

- þat at dæma, hvarn til pafa skyldi taka Simakvm eða Lavrenci-
eivm, þa valpi Paschasivs helldr Lavrenciwm, ok varþ hann einn
a sino mali, ok helld hann sino mali allt til dædðadags, ok virpi
hann þann meira en hinn, er alþýða tok til pafa at byskvpa raði.
5 Hann andaðiz a dogvm þessa Simachus pafa, ok tok þa oðr maðr
heilso, er kom við klæði þat er breitt var yfir bararnar, þa er lik
Paschasivs var til gravar bvit. Þa er Germanvs byskvp af Kapo-
borg varþ fyrir vanheilso, þa reðo lækna honvm at fara til lavgar,
þar er heit votn sprvttv vpp or iorðv. En er byskvp kom til
10 lavgar, þa sa hann Paschasiwm standa i heito vatni, ok hræddiz
hann ok spvrdi, hvi sva goðr maðr væri i pislarstað. Diakninn
svaraði: »Fyrir enga aðra savk en þa, er ek fylltingða Lavrencio,
en ek var i gegn Simacho; en þv bið gvð fyrir mer, ok mattv
þat vita, at bæn þin mvn heyrð, ef þv finnr mik eigi her, er þv
15 kemr hingat.« Þa var Germanvs byskvp a bænvwm þrasamliga.
Hann kom fam dogvm siparr til lavgarinnar ok fann eigi Pascha-
sivm, ok matti hann af því hreinsaz af synð eptir andlat, at hann
misgerði ovitandi. En því ma trva, at hann navt at því olmvso-
geþis sins, er hann fann þa synðalavsn, er hann matti eeki vinna.
20 Petrvs ait. Hvi gegnir þat, er nv vm stvndir vitraz sva margir
hlvtir vm andir manna, þeir er leyndoz hingat til?
41. Gregoriws dixit. Sva sem sia verolld nalgaz heims-
slitvm, sva lykz vpp avnnr verolld með berligvm taknvwm. En
fyrir því at her i heimi ma engi annars hygrenning sia, en annars
25 heims ma hverr annars hvg sia, þa kalla ek þessa verolld nott,
en aðra verolld dag. Sva sem nv blenz saman lios ok myrkr
fyrir solar vppras, þa er nott endiz en dagr kemr, þar til er oll
nætrmyrkr stigaz yfir af dagsliosi, sva blenz ok endir heims þessa
við vpphaf oorbinnar veralldar, ok geriz² nockvrt skrim af liosi
30 andligra hlvtar, sva at ver litim marga þa hlvti, er annars heims
ero, [en ver kennvm þa eigi algiorliga, því at ver siam sva sem i
myrkrvm skrimi hvgar fyrir solar vppras³.
Petrvs ait. Hvgnar mer þat, er þv segir; en vndrvnz ek, er
sagt er fra þessom Paschasio, er hann var leiddr til pislar eptir
35 andlat, en oðr maðr feck heilso, er hann kom við klæði þat er
breitt var yfir lik hans.

1 pina *Cd.*; ut tunc potuisset promereri veniam, cum iam nihil posset
operari *lat.* 2 gerþiz *Cd.* 3 [sed necdum perfecte cognoscimus,
quia quasi in quodam mentis crepusculo hæc velut ante solem vide-
mus *lat.*

Gregoriús dicit. Af þessom hlvt ma marka, hversó marg-
favllð gvðs forsia er, þar sem sia maðr Paschasivs tok nockvra
stvnd giolld þess, er hann misgerþi, en þó syndiz fyrir manna
avgvm vm líkam hans lavn þess, er hann gerþi vel; ok þar hefði
gott vitni olmosogepis hans, er hann sa vel gera, en hann væri 5
sialfr eigi hefndarlavss fyrir þa synd, er hann iðraðiz af því eigi,
at hann hvðði eigi synd vera.

Petrus ait. Af þessi skynsemi verþ ek skyllðr at hræðaz eigi
at eins þær minar synþir, er ek skil, nema ok hinar, er ek ma
eigi skilia; en þess vil ek nv spyria, hvart ver skolom því trva, 10
at helviti se her i heimi eða vndir iorþvnni?

42. Gregoriús dicit. Eigi vil ek þat vist segia, því at
svmir menn ætla helviti vera i nockvrum leyndvm stað i iorðo,
en svmir vndir iorðv. En i því er salmaskalldit segir, at þv
leystir ond mina fra ino neðra helviti, þa syniz mer sva, sem it 15
efra helviti se a iorðo, en it neðra vndir iorðv. En þat sannar
Johannes i sino atqvæþi, þa er hann sa himneska bok aptr lokna
ok mællti: Engi var fvndinn makligr a himni ne á iorðo ne vndir
iorðo at lvka vpp bokinni. Sia bok merkir takn heilagra ritninga,
þar er engi matti vpp lvka a himni, þat ero englar, en a iorðo menn 20
lifandi.

44.
mæla at drottinn ægði til þess eilifri kvól syndogvm monnvm, at
hann hræddi þa við syndir.

Gregoriús dicit. Ef logit væri þat, at hann ægði ranglatvm, 25
þa væri þat ok eigi satt, er hann het rettlatvm. En hverr er sva
heimskr, at þat mælir, at hann ægi því, er hann efnir eigi? Þa er
sem ver segim hann lyginn vera, þar er ver vilivm hann sanna
miskvnnnsaman.

Petrus. Vita vil ek, hversó þat er rett at hefna an enda þeirar 30
synþar, er með enda er ger.

Gregoriús dicit. Þess væri rett spvrt, ef gloggðæmr domari
virði verk manna en eigi hiorto. Af því misgiorðo illir, sva at
eptir varþ, at þeir lifðu eigi avallt. Villdo þeir æ lifa, at þeir mætti
æ misgera, ok syna þeir þat i því, at þeir lata alldri af syndvm, 35
meþan þeir lifa. En þat er mikit rettlæti domandans, at þeir se
alldri pislalavsir, er alldri villdo vera syndalavsir.

Petrus ait. Ef engi rettlatr vnir við grimleik, ok berr til þess
rettlæti við misgioranda þræl, at hann batni ok hverfi fra illzko,

til hvers skolo þa illir brenna ávallt i helvitis elldi, ef þeir koma eigi til batnaþar?

Gregoriús dixit. Almattigr gvð vnir eigi við qvol illra, því at hann er miskvnnasamr, ok eigi stoðvar hann hefnd við þa, því at
 5 hann er rettlatr. Illir pinaz fyrir synþir sínar i qvolvm ok brenna, til þess at allir siai rettlatir bæði fagnaði, þa er þeir tokv með gvði, ok pislir vandra, þær er þeir forðvpvz, til þess at þeir þacki gvði því framarr þa miskvnn, er hann gaf þeim at stiga yfir þa hlvti, er þeir sia vanda menn iafnan pinda fyrir.

10 Petrús dixit. Fyrir hvi biðia eigi helgir menn þa fyrir ovinvm sinvm, þeim er þeir sia brenna, þa er drottinn varr mællti sva: biði þer fyrir ovinvm yörvm?

Gregoriús dixit. Biðia þeir fyrir ovinvm sinvm a þeiri tíð, at þeir megi sva hiortvm þeira til sannrar iðronar ok leiðretting-
 15 ar. Eða hvers se annars biðianda fyrir ovinvm, nema þess er Pall postoli sagði, at gvð gefi þeim iðron ok skilning ins sanna, at þeir vitkizt ok leysizt or snorvm diofvlisins, er þeir vorv aðr i netiáþir. En hvat megi þa biðia fyrir þeim, er þeir mego eigi snvaz til rettlætis verka fra illzko? Sv savk er þa til at biðia
 20 eigi fyrir þeim monnvm, er i eilifvm elldi ero, sem nv er til þess at biðia eigi fyrir diofvm, þeim er i eilifri kvol ero. Hver savk er nv til þess, at helgir menn biðia eigi fyrir heiðnvm monnvm ondoðvm, nema sv at þeir vilia eigi spilla verpleik bænar sinnar i því at biðia fyrir þeim, er þeir vita, at gvð hefir fyrirdæmða.
 25 Ef livandi menn rettlatir várkynna nv eigi vandvm monnvm ok fyrirdæmþo(m) vesolð sina, hvat se þa vndarligt, þot þeir varkynni þeim þa eigi kvol sina, er þeir sialfir ero ódavðligir ok samtengþir rettlæti gvðs, því at þeir ero sva nalægir gvði, at þa fysisir alldri at svndrþyckia rettlæti hans.

30 Petrús. Eigi ma ek svara i gegn saðri skynsemi, en þo vil ek nv spyria, hvi ond er davðlig kolloð, ef hon skal brenna eilifvm davða.

45. Gregoriús dixit. Sva sem tvennt er lif, sva er ok tvennr davði. Annat er þat lif er ver lifvm sælliga með gvði davðlig ok odavðlig, því

BLASIUS SAGA.

(Cd. 623 quarto, A; Cd. Holm. 2 folio, B.)

Passio Blasij episcopi. 1

Licinius het konongr i austriki, sa var magr Constantinus ens mikla oc atti systor hans. Licinius lagði undir sic víða astrarhalfo oc scatgilldi af ríki keisarans, en síðann drógo þeir líp saman oc hápo orrosto mikla, oc com Licinius a flotta fyrir Constantino, oc let keisari hafa hann sliet ríki, sem Licin(i)us hafði fyrir and- 5 verpo. Þá castaði hann tru sinni oc gorði ofríð mikinn cristnom monnom. Licinius let pina marga cristna menn a sinom dagom i sino ríki einkom hellzt riddara oc kennimenn oc alla síðan, þa er a Crist trúpo, er hann matti handla, eða a þann veg er hann matti crist- 10 nom monnom mestan ofríð of gora a alla vega². En i borg þeiri, er Sebastia heitir, voro margir cristnir menn, [oc gingo þeir margir³ undir píslir fyrir gyps nafni þeði karlar oc conor oc hellto ut bloði sino fyrir guðs ast. I því floði urðu .xl.4 riddara, oc voro allir senn pindir i einom flokki. En allra þeira, [er i þan tíð 15 voro pindir þar⁵, þa var æztr oc helgastr Blasius byscop. Hann¹⁵ var læcnir, apr hann vóri til byscops tekinn, en almattigr guð, sa er físcimenn valði forþom ser⁶ til postola ok lekni ser⁶ til guðspíallamanz, hann let ser soma at leíða þenna mann fra licams lekningo oc til andar heilso, því at allir, þeir er i Sebastiaborg varo,

1 Dette er Överskriften i A; Her hefr upp sögu ens helga Blasij byskups 20
B. 2 Begyndelsen af Sagaen hertil lyder i B saaledes: A dögum
Licinij konungs, er vellði hafði i austrvegi, gerdiz kristnum monnum
ofridr, því at Licinius let pina marga kristna menn i sinu ríki, allra
helledz(!) ok kennimenn. 3 [þeir sem gengu B. 4 fjortugir B.
5 [sem þar voru fundnir eda pindir i þann tíma B. 6 mgl. B. 25

bæpi lerþir menn oc olerþir, elscöþo heilagleik hans oc sipsemi oc toko hann til byscops yfir ser. En er hann hafði vigsló tekit, þa sindi¹ hann þat bæpi i kenningom sinom oc i iarteinom, at hann var makligr þeirar syslo, þviat hann var litillatr ok þolinmöþr, milldr oc miskonnþamr, [heill at² hug oc hreinn at likam, saklaß i verkom oc sipþamr i ællo, bliþr i mali oc sannsavgull oc höfsamr i ællom sipom. Sva var hann at sannno guþs gæfgari; sem sagt er, at Jóþ var forþom maþr einfalldr oc retlatr oc hrædisc guþ oc rézc fra illo á alla vega. En er ofriþr gorpisc cristnom mon(n)om, þa [flæþi heilagr Blasius eptirsoen³ óvina sinna oc glicþi eptir drottni varom, oc var i einseto i fialli þvi er Argius heitir. Þar vitiapí hans guþlig huggon, þott hann veri fyrirlátinni⁴ af monnom, þviat drottinn syndisc honom opt, oc gorpisc honom þat til huggonar, er opt er veitt einsetomonnom, at dyr como til hellis hans oc þionöþo honom sem drottni, oc ef nokqverio þeira varþ nockut⁵ at meini, þa baþo þar meþ bendingo, þeiri er þar matto⁶, at hann gæfi þeim heilso oc greddi þar sva sem goþr leknir, oc [gingö egi þaþan, fyr⁷ en hann blezaþi þeim.

28. En a þeim dagom var iarll, sa er Agricolaus het, hann var grimmr víþ cristna menn oc oþęęr a alla vega. En a þeim degi er hann var vanr at veita mala riddarom sinom, þa let hann samna dyrom morgom ser til aęętis a leikvæll mikinn. En er⁵ veipimenn, þeir er sia sysla var bopin, [gorþo sva sem mælt var víþ þa oc⁹ foro umverbis¹⁰ fiallit at leita dyranna, þa matto þeir ekei dyr finna, apr þeir como of sipir til þess innis¹¹, er heilagr Blasius var í oc þionapí guþi hvernn dag i þenom oc æþrom goþom hlutom. En er þeir sa þar standa sva mikinn fiolda dyra fyrir hellisdyrom oc hrædduze egi tilqvamo þeirra, þa [mællto þeir meþ ser¹²: »Hveriu mon þetta gegna, vera [mono fadæmi fyrir, þetta a¹³ nockora sæc, er sva mikill dyra fiolþi er i einn staþ kominn oc hreþasc oss eigi.« En er þeir gingo nęęr oc hugþo at vanligarr, þa sa þeir mann [á þenom, oc kenndo þeir þar Blasium oc treystosc¹⁴ egi at qveþia hann oc hurfo apr sem scyndiligast meþ hręęzlo oc olokinni syslo sinni oc sæęþo iarlli, hvat þeir hæfþo sét.

35 1 syndi *B.* 2 [heilagr i *B.* 3 [for Blasius undan ofsokn *B.*
4 fyrirlitinn *B.* 5 tilf. *B.* 6 gera tilf. *B.* 7 [eigi gengu þau
þadan adr *B.* 8 Fra iarli einum *Oversk. B.* 9 [mgl. *B.* 10 um-
hverfis *B.* 11 hellis *B.* 12 [undruduz þeir ok mællto með ser ok
hrædduz *B.* 13 [mun þetta fyrir *B.* 14 [i hellinum ok kendu
þar Blasium byskup; var haun a bænum, ok treystuz þeir *B.*

Þa reddisc¹ iarll mioc oc sendi [menn marga² með þeim veiþi-
monnom³ at leita cristinna manna umbhverfis fiallit, at þeir veri
handlaþir⁴ oc bundnir [oc leiddir til borgarinnar með Blasio,
hvern þeira er þeir mætti of finna⁵. Riddarar [foro oc gærþo,
sem iarll bær þeim at þeir scylldo gæra⁶, oc foro umbhverfis fiallit ⁵
oc como at locom, þar er Blasius var a þenom i helli sinom, oc
qvoddo þeir hann oc mæltu: »Gake ut þu, Blasius, iarll callar þic.«
Blasius svaraði óhræddr oc melte: »Ef iarll vil hafa fund minn,
þa færom við⁷ scyndiliga i nafni drottins. Nu minnisc drottinn
mín, nu er tækilig tíð, su er mer byriar at leysa(s)c o(r) bondom ¹⁰
licams oc fara til Cristz. Nu i nott vitraþisc mer drottinn minn eno
þripia sinni, þa er ec vare a þenom. Væl gærof er comnir, synir,
oc hafit mer feginsago at segia; færom oc þa allscyndiliga, oc se
drottinn sialfr Jesus Cristr með oss, sa er girnisc fornar licams
mins.« En er hann hafði þetta mælt, þa for hann með þeim oc ¹⁵
[dvalþisc ecki⁸ oc hafði allt træst undir gupi.

39. En er fæv [hans spurþisc at þenom⁹, þa drifo menn
flockom a mot honom oc leiddo barnn sin til blezonar hans.
Siukir menn lagoon of oll stræti á gæto hans oc baþo ser heilso. En
hann misconnaþi serhveriom oc blezaþi þeim¹¹ oc græddi sívca ²⁰
menn. En er heifnir menn sa slikar iarteinir, þa snerosc margir
til tru rettrar fyr kenningar hans, þviat hann dagþi egi at eins
mænnom, er i sottom vøro staddir, [helldr barg hann oc¹² dyrom
oc smala oc leysti fra scaþom. Þat [tveggia hvært sanna þer tver
iarteinir er eptir fara ágetar, er hann gærþi¹³. Cona su var i ²⁵
næcqværom staþ, er son átti ungan at alldri. En sveininom stop
fiscbein i halsi¹⁴, þa er hann scylldi matasc, oc matto egi lecnar¹⁵
þaþann coma, sva at sveini veri háscalavst. En er hann var at
bana cominn, þa rann moþir hans¹⁶ ahyggiofull hingat oc þingat¹⁷,
oc qvalþisc [hon me(o)k¹⁸ af sott sveinsins oc vissi egi, hvat hon ³⁰
scylldi til taka. En er hon¹⁹ fra, at Blasius for þar í nánd, þa
tok hon¹⁹ son sinn i faþm sér oc rann til fundar byscops scyndiliga
með fullri tru oc castaði sveini fyrir fetr honom, oc fell sialf til

1 reiddizt B. 2 [marga aðra B. 3 mgl. B. 4 teknir B. 5 [mgl.
B. 6 [gerdu sem iarlinn baud B. 7 vær B. 8 [dvaldi ecki ³⁵
fyrir þeim B. 9 Fra sveini ungum, er heilso þa fyrir arnadarord
ens helga Blasij *Oversk. B.* 10 [þeira spurdiz i bæium B. 11 börn-
um B. 12 [nema ok iafnvel barg hann B. 13 [hvartveggia
synir(!) tvær iarteinir, þær sem hann gerdi aa þessi götu B. 14 kverk-
um B. 15 því tilf. B. 16 tilf. B. 17 þangat B. 18 [mgl. B. ⁴⁰
19 saal. B; h' A.

iarþar oc mellti með tárom: »Misconna þu mer, heilagr guþs maþr, misconna þu, þrell Jesu Cristz, einga syni minom, er at bana er cominn: þviat mer fellr egi firr en honom allt, þat er honom verþr til meins, en [harmar mer sva miok¹, at víþ því er buit, at ec
 5 mona sonlæs verþa.» En er hon sagði, hvat honom var orþit til meins, þa misconnapi heilagr Blasius bæþi moþr sveins oc honom siolfom, oc gærþi crossmark yfir qverkom hans oc hof up ægu sin til himins oc baþ a þessa lund: «Drottinn Jesus Cristr, sa er ec trui á af ællo hiarta, oc ec iati með munni, oc ek emk fyrir þino
 10 nafni leiddr til bana, þu guþ allra græþari, er gærir vilia allra þeira, er þic hræþase, oc heyrir þu þenir þeira oc greþir þa, heyr þu mer syngom oc overþom², er biþr misconnar cono þessi oc heilso syni hennar! heyr þu mer, oc leys með almattigri hendi þinni oc outhræþiligom crapti þinom bein þat, er fast er í hálsi
 15 honom! gærþu sva, drottinn, at æþrom stopi heilsa hans, því at þu ert einn guþ æþigr oc milldr [viþ alla þa, er³ a þit nafn kalla með rettu hugscoti, oc gefr ællom gnótt. Af því biþ ec þic, at⁴ þu latir halldasc crafst⁵ þessar iarteinar of ocomnar⁶ alldir til dyrþar nafns þins oc til heilso heyranda⁷; biþ ec þic, drottinn, ef
 20 næqveriom manni verþr sliet at meini eþa smala, ef sva er, at næqvarr callar á þitt nafn með tru i minningo mins nafns, [dvelþu egi misconn⁸, helldr seynd þu til at biarga⁹ honom.» En er hann hafði þen lokit, þa selldi hann sveininn moþr sinni heilann. En [iarteinir hans urþo agetar¹⁰, oc for sagan fyrir i [hvert þorp¹¹,
 25 æþr hann kemi¹² sialfr.

4¹³. Gomul eekia nekor valoð¹⁴ var [i þorpi einu¹⁵, su er gris¹⁶ einn atti til atvinno ser, en vargr einn kom or skogi oc [tok grisinn¹⁷ oc hliop æþr i skog með feng sinn. En er konan sa, at oll fæzla hennar forsk i þessum skaða, þa bað hon Blasium
 30 fulltings a mot skaða sinum. En hann miskunnaði kono, sem hann var vanr ællom at biarga i næþsyniom¹⁸, oc melti við hana: «Egi scalltu grata, kerlling¹⁹, æþr mon vargrinn bera gris²⁰ þinn.» En er hann hafði þetta mælt, þa fylldisc þegar mal hans, þvit²¹

1 [nu er hann minn svo mikill B. 2 þræli þinum tilf. B. 3 [til allra þeira, .er B. 4 saal. B; a A. 5 kraptr B. 6 saal. B; ocomnar B. 7 heyröndum B. 8 [drag þu eigi undan miskunn þina B. 9 hialpa B. 10 [iartein þessi vard agæt B. 11 [hvern bæ B. 12 Med Ordet kemi indtræder en anden Haand i A, der dog atter ophører med Ordet kono Linie 30 nedenfor. 13 Fra eekiu einni Overskr. B. 14 fætek B. 15 [æ bæ einum B. 16 göllt B. 17 [greip gaulttinn B. 18 sinum tilf. B. 19 kona B. 20 gaultt B. 21 þviat B.

vargr com aptr rennandi ena sámo [nótt oc ena sámo¹ gæto, sem hann hafði i bræt farit, oc castapi niþr grisinom² heilom fyrir fætr henni³, oc rann hann þegar aptr til seogar⁴.

55. [Sipann var Blasius leiddr i borgina Sebastiam, er øzt er i Cappadocia herapi. En er Agricola's sa þat, at Blasius var leiddr fyrir hann, þa qvaddi hann hann fyrst með blipom orþom, oc mælti iarllinn sva: «Heill kominn Blasius, oc fagna með oss, ver vinr goða várra!» Blasius svarapi: «Vel fagnar þu, en bezti iarll; en þann fagnof mon þer veita almattigr guð, ef þu neitir gobom þeim, er þu hefir hingat til⁶ garfgat, þviat licnesci, þa¹⁰ er gor ero or⁷ gulli eða silfri, ero egi guð, helldr ero þat diofla fylgsni⁸, oc sva sem ér blasit þa saman i elldi, at er megip þa of smiða, sva mono oc þeir, er garfga þa, brenna með þeim i eilifom elldi. [Af því ma ec egi vera vinr þeira, at egi færoms ec i eilifom loga með þeim⁹.» Þa reiddisc iarllinn oc lét beria svigom¹⁰ Blasiom. En er hann vas leingi barþr, oc bra hann egi lit ne mali, þa snerisc hann til iarlls oc mælti: «Undrume ec þat, iarll, er þu etlar, at þu munir mik scilia mega fra tru oc ást drottins mins Jesu Cristz með þessom bardogom. En þotti þu megir syqva¹¹ andir ostyrkra manna oc spenia hugi þeira fra¹⁰ sinni fyrirætlan af teygingom þinom, þa [mon þu egi mik of þetta tæla sva at helldr¹², þviat ec veit víst, at egi ma¹³ qvalar ne darpi scilia mic fra ast guðs, því at ec hefi græpara oc styrkianda¹⁴ drottin minn Jesum Cristum son guðs lifanda.» En þeir¹⁵ meddosc meok, er borþo Blasiom. En guðs vatr [bra ser engi veg²⁵ víþ¹⁶, er hann var pindr. En er iarll sa þat, at guðs vattr styrcþisc at eins víþ bardaga þenna, þa let hann setia byscop i myrqvastofu.

617. En er þat spurpi en [fatekia kona, su er grisinu atti, at Blasius var i mirkvastofu, þa let hon drepa grisin oc sæþ harfup

1 [mgl. B. 2 gelltinum B. 3 kerlingu B. 4 leid sina tilf. B. 30

5 Fra Blasio byskupi Overskr. B. 6 [Eptir þetta var enn sæli Blasius byskup leiddr fyrir iarll i Sebastia höfnutborg herads þess, er Kapadocia heitir. En er hann var leiddr fyrir iarllinn, þa kvaddi iarll hann fyrst með blidum ordum ok mælti svo: «Fagnadu Blasi. vinr goda vorra!» Hann svaradi: «Fagna þu, enn bezti iarll; en þann fagnat 35 mun þer veita almattigr gud, ef þu segir diofla vera god þau sem þu hefir leingi B. 7 tilf. B. 8 likneski B. 9 [mgl. B.

10 stöngum B. 11 svikia B. 12 [mattu eigi mik tæla B. 13 munu B. 14 styrkiara B. 15 kvæliarar B. 16 [mæddiz eigi B 17 Fra enni voludu konu Overskr. B.

oc fætr, oc bar þat i keralld með goðom græsom¹ oc fór síðann til mirkvastofu oc hafði lios með sér oc ferði byscopi fæzlo². En hann fagnaði vilja hennar goðom, er hon³ gorði fyr guðs sakir, er hon com til fundar við hann, oc bergði hann af [allom grosom þeim er hon ferði⁴, oc sagði heilagur Blasius henni orðna hluti oc bað hana gora sína minning, oc melti: «Vita scalt þu þat, eckia, at nu nalgase tíð su, er and mín mon sciliase við lícam minn oc fara til guðs ei lifanda með halldinni tru oc loeno erfiði. En þu scalt lios lata brenna i mína minning, þa er þu fregn⁵ anlat mitt, oc script með þurfamaðnnom því, er þu mátt mipla af fæzlo þinni. En guð minn, sa er sér telur gefit þat allt, er valoðum er veitt, sa enn sami er veitti Helia spamanni, at valaðri eckio métti þarf vinna leingi at ærno⁶ litíð mið i sciolo oc litíð viðsmior i bolla, hann mon þer alldregi láta vant verða þess, er þu þarft at hafa i þessu lífi, en [i æðro lífi⁷ mon hann gefa þer gnott allra hluta góðra, oc mon hann veita góða hluti bæði [i þessu lífi oc æðro⁸ hveriom þeira, er slice hluti gorir i mína minning eptir þínom deðmom.» Þa fór eckian heim⁹ til hus síns oc dyrcaði guð i ollom iarteinom hans oc misconnesemi.

7¹⁰. En iarll let þa leiða Blasium ór [mirkvastofu oc til fundar¹¹ við síð i annat sinn oc mælti við [byscop, er hann com til fundar hans¹²: «Nu kio þu of tva costí, annattveggia at þu blota goðom orom oc ver vinr varr, eða ella mon ec lata gera illar helfarar¹³ þínar eptir margar qvalar.» Blasius svaraði: «Sagða ec þer fyrr, iarll, at egi ero goð¹⁴ mannlikon þar, er er gæfðið, helldr ero þat stockar oc stéinar, gull oc silfr, oc handaverð manna, þvíat egi [megu goð¹⁵ vera þat, er menn gera með handom sér, þvíat þar hafa ænga scepno scapat, egi himin ne iorð ne se. Af því muno þar all fyrfarase oc allir þeir, [er þeim treistase¹⁶; en ec gæfða þar egi, oc hreðome egi qvalar þínar, þvíat fyrir þer veit¹⁷ ec mic muno æðplase eilíft líf.» Þa [pottise iarll síð hann staðfastan¹⁸

1 [volada kona, su er gölltinn atti, þann er Blasius hafði tekit frá vargnum, at hann var i myrkvastofu settr, þa let hun drepa gölltinn ok steikti höfud hans ok fætr ok bar þat i keralldi með godum krasum B.
 2 þessa fæzlu B. 3 saal. B; hann A. 4 [öllu því er hun hafði fært honum B. 5 frettir B. 6 gnoðu B. 7 [annars heims B.
 8 [þessa heims ok annars B. 9 fagnandi tilf. B. 10 Vitræða iarls ok Blasij byskups Overskr. B. 11 [myrkvastofunni til mals B.
 12 [hann B. 13 herfarir B. 14 gud B. 15 [mega gud B.
 16 [sem nockut traust hafa aa þeim B. 17 trui B. 18 [sa iarllinn hug hans fastan B.

i guþs ást, oc lét þa taca hann oc festa up i tre næckart, oc lét slita holdd hans með [ullkambom, til þess unz hvergi var heillt holdd á licam hans¹. En þa rann blöf of allt harond hans akafliga, oc undropose [akafliga qveliararnir² sialfir, er at varo at pina hann, staffesti hans sva micla sem var³, oc felldo þeir tár. En guþs vattr var glaþr avallt, sva sem hann kendi [egi sarleics ne pislá⁴. Þa snerisc hann en til iarllsins oc melti: «Nu er þat orpit, er ec hefði lengi fus til verit, at licami minn hefisc up af iorþo, sva sem hugrinn er uphafiftr. Nu ero þar samlynd and oc likami, holddit letr nu at andonni, en [andin be(i)þir egi framar en⁵ holddit. Nu þegar em ec á leiþ cominn til himins, oc fyrlit ec alla iardliga hluti oc yþr sialva oc pislir yþrar. En af því hreþome ec egi pislir, at sa er mic styrkir er drottinn minn Jesus Cristr. Af því litasc mer egi þungar þessar pislir[, er siniligar ro⁶, at þer ero stundligar en egi eilifar; einscis virþi ec yþra hluti alla goþa oc illa hia eilifom hlutom beþi goþom oc illom, en ec biþ outhreþiligra aumbona a himni oc þeira goþra hluta, er aþa ma nu egi sia, ne eyra heyra, ne hiarta manz [higgia, þat⁷ er guþ het ástmannom sinom.» En er iarll sa hann styrkiase at eins i tru Jesus Cristz oc vaxa staffesti hans i þessom pislom, þa let hann taka byscop ofan or treno oc setia enn i myrqvastofu i annat sinn.

88. En er hann for til myrqvastofu glaþr oc sæng lof guþi, þa fylgþo honom konor .vii., þer er snuise hæfþo til tru af kenn-ingom oc iarteinom hans. Þer hreddose egi ognir iarlls ne pislir, oc þerþo þer blöf oc sveita af Blasio með dukom sinom oc ruþo sic i blopi hans oc baþo þess guþ, at þer yrþi [hlutacandi sigr⁹ hans. En er þeir sa þat, er Blasium leiddo til myrqvastofu, þa toko þeir [i hendr conom oc leiddo fyrir iarl oc sægþo sva honom, at «konor þessar, qvaþo þeir¹⁰, fylgþo Blasio til myrqvastofu, oc þerþu þer blöf af honom, en ver spurþom [at, á hvat¹¹ þer tryþi, en þer letuse cristnar vera. En nu handloþom¹² ver þer oc fersþom þer, at þu dæmþir¹³ þer at lagom.» En er iarll sa þer, þa spurþi hann, ef þer veri cristnar. En þer qvaþo þat satt vera. «Hirþiþ egi er, qvaþ iarll, at glata lívi yþro oc aþefom fyrir locleyso¹⁴

1 [iarnkrokum B. 2 rettet; qvaliarnir A. 3 [kveliarar stadfesti hans B. 4 [eingan sarleik pislanna B. 5 [hun beidir eigi framar B. 6 [syniligar B. 7 [hyggia, þa dyrd B. 8 Fra .vii. konum Oversk. B. 9 [hluttakendr sigrs B. 10 [konurnar ok færdu iarlinum ok sogðu svo: Þessar konur B. 11 [aa hvern B. 12 tokum B. 13 dæmir B. 14 loklausu B.

slika, oc líft helldr eptir mer, oc blotiþ goðom þeim, er frendr
yþrir gafga.« Þer svaröþo: »Ef þu vil, iarll, at ver hverfim fra
Cristi oc blotim goðom þínom, þa monom ver fara fyrst til [vaz
oc¹ þva oss sem vanligast²; en þu latt færa oss þangat goð þa,
5 er þu vil, at ver blotim, at ver sem þa hreinar oc nyþvegnar,
[aþr ver blotim³.« Þa varþ iarll feginn oc etlaþi þat, at þer
mondo blota, sem þer sagþo, oc lét færa þeim þangat morg scurb-
goð, oc sendi hann riddara sina með þeim at varþveita þér oc
vita, hvat þer efndi i því, er þer hafþo heitip. En [síþann voro
10 menn sendir þangat með scurbgoðinn til vatzens, sem þer⁴ qvaþo
a. En þer hofþo með ser sekca oc leto i griot leiniliga oc þa
goðin síþann, oc leto siga i vatniþ niþr, er atdiupt var. En er
hann fra þetta bragþ⁵, þa reiddisc hann þeþi conom oc riddarum
oc mælti við þa: »Til enskis hafi þer farit, at því sem nu er orþit,
15 [oc er illt yþr at senda oc at trua. Hvi⁶ varþ yþr þat fyrir at
lata þer sökva⁷ goðom varom a diup oc banna þeim egi þat at
gæra slícan glép?« Ridderar svaröþo: »Þat tældi⁸ oss, er ver
bannöþom þeim egi [þessa síflseco⁹, sem þic tældi, er þu lezt
þeim færa goðin. Þat etloþom ver, at þer [mundo blota sem þer heto¹⁰,
20 oc vissom ver egi vanir slíkra vëla [oc endima, sem þer gærþo
nu¹¹.« Konornar svaröþo: »Cristr var gorir egi vël, oc egi verþr
hann vëltr, sem [ritit er, sa er á hann truir af ællom hug, því¹²
at hann gærþi egi synþ, oc fanze egi vël i munni hans. En þeir
er hann gafga gera alldregi velar, þott þeir verþi stundom vëltir.
25 Nu af því scalltu þat vita, at ver mæltom [helldr hapung við þic
en¹³ vël, þvíat ver etloþom þic egi sva heimscan, at þu mettir
þvi trua, at ver mundim hverfa fra Cristi en blota [seurgöþom
þínom illom oc vándom¹⁴. En ef er þickisc tældir vera, þa eignaðu
þat folseco¹⁵ yþvarri en egi vël várri; helldr vëlr hverr yþvarr¹⁶
30 annann oc sva goð yþr, oc verþit¹⁷ opt veltir af aþrom. Ef goð
yþr metti egi vëlt verþa, þa mundo¹⁸ þa fyrr við varaze, en þeim
verri castað á forað; en ef þa velti egi aðra, þa mondo þa egi

1 [tiarnar at B. 2 vandligaz B. 3 [er vær blotum þar hia tiorn-
inni B. 4 rettet; þeir A. 5 [er þær toku vit godunum, þa
35 baru þær þau i seeka ok griot með þeim ok köstudu aa tiornina, þar
sem diup var undir. En er iarlinn spurdi þetta B. 6 [eda hvi B.
7 kasta B. 8 tældi B. 9 [at sökva godonum B. 10 [mælti
alogat ok mundi blota B. 11 [mgl. B. 12 [ritad er um hann B.
13 [hadung vit þik en eigi B. 14 [skurdgod B. 15 heimsku
40 B. 16 um tilf. B. 17 þer tilf. B. 18 mundi B.

teygja menn til þess at blota stöcc eða stein eða malm oc gofga þat sem goð.¹

9¹. Þa fylldisc iarll mikillar re(i)ði oc let omn² mikinn kynda i ægryn þeim, oc syndi þeim iarnkamba, þa er til þess voro gervir³ at slita hold [heilagra manna⁴ ; oc enn let hann 5 þangat bera gloandi eirkyrtla, þeim scylldi steypa yfir þer. Síðann let hann þenia linstreng⁵ a [mipil hela tveggja, er i iorþ stopo⁶, oc mælti við þer: »I qvolom mon ec heimta at⁷ yðr þat er ec⁸ maa eigi i ordum. En ef þer vilit sanna rettinde truar ydvarrar, þa gangit þer yfir streingh þenna ok hneigiz til hvorigrar handar 10 ut af; en ef þer vilit þat eigi eda megit eigi, þa mun ek lata pina yðr þessum pislum ollum, sem nu megit þer sia.« En ein þeirra atti sonu tvo, ok hafði hun þa með sér i allri þraut. Hun geck fram diarfliga ok skar i sundr streinginn ok kastadi sidan i elldinn ok mælti: »Svo mun gud taka ok or þessum heimi i brott 15 ok kasta i eilifan elld ollum þeim, er neita Kristi ok göfga skurdgod.« Þa skildu sveinarnir, at fyrir þessa sök mundi modir þeira pind vera, ok mæltu þeir badir svo sem einum munni: »Fyrirlattu ockr eigi, heilög modir, her eptir a iördu, helldr leid þu ockr með þer til himinrikis, ok svo sem þu fæddir (ockr) iardligri fæzlu, þa 20 er vit vorum litlir, svo fylltu ockr nu himneskri fæzlu, þeiri sem þu huggadir ockr, þa er vit gretum.« Þa matti iarllinn eigi styra sér fyrir reidi ok let festa þær i tre upp ok slita hold þeira iarnkrokum. Þa gerdiz fæheydr hlutr i pisl þeira, þviat öllum syndiz miolk renna or særum þeira helldr en blod, ok urdu likamir 25 hvitir sem sniar. Eingill guds kom af himni ok græddi sær þeira ok mælti: »Vel hofut þer upp faur ydra, leiddit þer hana til godra lykta, þviat svo sem verkmadr tekr verkkaup af bonda, ef hann ferr eigi aa brott fra oloknu verki, svo munu þer ok taka eilifa dyrd af Kristi fyrir pislir, ef þer erut stadfastar i hans 30 iatninghu; þviat sa mun hialpaz, er stadfastr er allt til enda.« Þa hræddiz iarllinn undr þessi ok let konurnar taka ofan or stagli, en þeygi let hann af grimmleik sinum, þviat hann let þegar kasta þeim i brennanda ofn. En er þeim var þangat kastad, þa sakadi þær ecki elldrinn, ok brunnu eigi klædi þeira, en er þær gengu i 35 ofninum ok sungu lof gudi; þa sloknadi elldrinn allr. En þær gengu or ofninum brendu gulli fegri ok silfri biartari, ok undruduz

1 Um pislir iarllz *Oversk. B.* 2 ofn *B.* 3 hafdir *B.* 4 [af kristnum monnum *B.* 5 rettet; linusterng(') *A.*; haustreing *B.* 6 [milli tveggja sulna *B.* 7 af *B.* 8 Her er et Blad udskaaet i *A.* 40

allir þeir, er þær sa, en iarlld daldi i yfirliti því, sem hann bar i hugskoti, ok mællti: »Þessa folkyngi kendi ydr Krístr ydvarr, en nu leggit þer þegar nidr breytni þessa ok gofgit god vor, at eigi lata ek höfud af ydr höggva.« En þær svöruðu: »Eigi kendi
 5 Krístr oss folkyngi ne þrælar hans, helldr giorir almattigr gud þat er hann vill fyrir vini sína; en þu lat framm koma sem fyrst i verkum þat, er þu ægir i ordum, ok leys þu anda erfvidis vors, þvíat oss eru dvalir þínar leidar, ok synaz oss oll frest þín löng, þvíat vær erum kalladar til himenrikis ok ladadar til eilifrar dyrdar.
 10 10¹. Þá skammadizt Agrícolas iarlld, er hann matti eigi yfir þær stiga, ok baud, at höfud skyllði höggva af þeim. En þær þöckudu gudi, er þær heyrdi þessi ord, ok mællto: »Dyrd se þer, Krístr, er oss kalladir til þínar miskunnar ok letz oss taka þísl fyrir þínu nafne. Nu erum vær gladar, er vær förum at taka
 15 bana fyrir þínu nafni, at vær megim koma til þín, er sadt líf er.« En er þær voru gladar at taka bana, þá toku sveinar, þeir sem fyrr var getid, áth kalla a modur sína ok mællto svo: »Nu er fyrirbuin dyrd ydr, af því fyrirlætr þu okkr, heilog modir, eða hverium selr þu okkr til vardveizlu? fel þu okkr æ hendi Blasio byskupi
 20 guds kappi, at vit megim koma með fedr til himenrikis, ef okkr er eigi lofat at fylgia modurinni.« Þá foru þeir með modur sinni til þess stadar, er þær skyllði höggva, ok badu konurnar ser leyfis til bænna, adr þær væri hognar. En er þær gatu þat, þá fellu þær a kne ok helldo höndum til himens ok badu til guds æ þessa
 25 lund: »Drottinn, er oss leiddi(r) frá myrkrum ok frá modurkvidi i líos þessa heims, ok leiddir oss til kynningar astar þínar frá villu fyrir þræl þinn Blasium byskup, þik lofum vær ok þik dyrkum vær, þvíat þu lætr þer soma at telia oss i sveit þísla(votta) þína ok² calla oss á þessi stundo til dyrþar þínar. Hverr er
 30 slyer³ sem var guð, hverr er⁴ þer glíkr i meyti ok i styrch ok i heilagleik; þu ert ogorligr ok lofligr, gerandi undarlíga hluti. Nu er tíð, drottinn, su er þu dyrkar oss ambattir þínar, at ver komim til þín, þess er ver trum á af állo hiarta ok íatom með munni, ok fysomse af állom hug til þín, drottinn, af kynningo nafns þíns;
 35 látt þu þer soma at þiggja forn [líkams vars⁵ ok samteingia oss þínom⁶ þíslarvattum á himni. Tac þu [heilagr andi⁷, andir orar, þer er ver felom þar á hendi fyrir verþleik ok þenir heilags Bla-

1 Bæn kvenna *Oversk. B.* 2 Med dette Ord begynder atter *A.* 3 slíkr *B.* 4 saal *B;* se *A.* 5 [líkama vorra *B.* 6 saal. *B;* sinom *A.*
 40 7 [mgl. *B.*

síus þrels¹ þins, þess er fyrstr leiddi oss til kynningar² oc til astar nafns þins. Lat þu sveina þessa hafa huggon með Blasio oc koma með honom til þinnar misconnar, drottinn guð varr, er með feðr oc helgom anda lifir oc rikir of allar alldir allda.» En er³ sveinar kvaðo amen, þa varo þér hægnað oc foro til guðs, fyrir þess nafni er þér heltu út bloði sino⁴.

115. Síðan var Blasius leiddr ór myrkvastofu fyrir dómstól Agricolaus⁶, oc mælti iarll víð hann: «Af því dvalða ec dafna þinn, Blasius, allt hingat til, at þu mettir [higgia at heilso⁷ þinni a þessi stundo. Gæck þu nu oc blota goðom varom of síðir; en ef þu gerir egi sva, þa mon ec egi lengi þér þat sitia.» Heilagr guðs vatn svarði: «Undrome ec blindi þina, iarll, er þu matt egi satt of sia oc þat er allom er afþætt, þvíat þu mundir egi calla guð stocka oc steina, ef þu mættir et sanna sia. Eða hverr er sva err⁸, at egi viti, at handaverk manna [eru þat, en⁹ egi¹⁵ guð. En ef þu veizt egi, at þa¹⁰ ero egi guð, þa casta þu þeim i elld, oc mon þu þa reyna, at ec segi satt, at¹⁰ malmr rennr saman oc steinar springa¹¹, en tre loga. En ec veit, at þu etlar mer pislir fyrir þat, er ec segi þér satt. En [hverigar pislir er¹² þu gerir mer, þá hræðome ec [eckí þess¹³, þvíat guð er með mer¹⁴ oc²⁰ eflir mik. Velldi hefir þu yfir licam minom en egi yfir ondinni. Sva mælti drottinn¹⁵ sialfr: Hræðize egi er þa, er licam vega, þvíat þeir mego egi andinni glata, hræðize er helldr þann, er velldi hefir at glata bæði and oc licam i [eðlifan elld¹⁶. En guð sa, er ec þiona, [sa en sami¹⁷ hefir velldi a himni, hann ma mic²⁵ leysa, ef hann vill, fra licamligom pislom.» Iarll mælti: «Hverso ma Cristr þinn leysa þic, ef ec lét þér sokva i [diupt vatn¹⁸?» Heilagr Blasius svarði: «Þu en heimscasti maðr¹⁹ gæfgar [tóm scurgoð²⁰, oc heitr þu á þa¹⁰ i næðsyniom þinom, oc vettir²¹ þu þa(þ)an fulltings, en ec dyrca²² sannan guð, oc scal ec alldregi³⁰ tortryggva matt hans ne ærvilnasc²³ hialpar af honom. En þot goð þin sycki niðr [i vatn²⁴ oc metti egi up komaze, þa mun þo Cristr minn syna crafst(!)²⁵ sinn á vatni, þvíat craftr hans er [opt

1 þerls A. 2 kenningar B. 3 tilf. B. 4 fyrir tru tilf. B.
 5 Bæn heilags Blasij byskups Overskr. B. 6 iarllzins B. 7 [hyggia 35
 at þörf B. 8 ær B. 9 [er B. 10 er B. 11 spraka B.
 12 [hveriar pislir sem B. 13 [eigi B. 14 tilf. B. 15 saal.
 B; David A. 16 [eðlifum elldi B. 17 [mgl. B. 18 [diup B.
 19 Y A. 20 [hegomlig skurdgod B. 21 vænter B. 22 göfga B.
 23 aurvænta B. 24 [a vatni B. 23 maatt B. 40

syndr í¹ vatnom; þott [vatnn þvai egi syndir af oss² fyrir helgan anda, þa ero margar oc miklar aþrar iarteinir, þer er gorzk hafa á vatnom. Þa er drottinn var þessa heims i licam, þa gek hann þurrom fotom of sia sem á landi, oc barþ hann Petro postola
 5 sinom at coma til sin oc ganga á sío. En þat ma hann veita mer enom minzta þreli sinom, sem³ hann veitti enom øzta postola sinom.» En er hann hafði þetta mælt, þa [for hann til vatz með iarlli oc otalligom lýþ⁴; þa gærði hann cross⁵ mærc fyrir ser a vatnino, oc varþ sva vatniþ undir fotom⁶ sem [harþr vaþllr, oc
 10 gek hann, unz (hann) kom a mitt vatnit⁷, þa settise hann þar oc callaði á iarll oc á allan lýþ oc mælti: «Ef næckor dáp er i goþom yþrom, eða ef yþr er næckort træst at þeim, þa gangiþ ér a vatniþ eptir mer i nafni þeira, at er megit sina⁸ crapt þeira.» Af þessom orþom vinar guþs toko .lxxx^{ta}. manna at blóta goþom
 15 oc gingo diarfliga a¹⁰ vatnit oc sucku þegar niþr sem bly. En engill guþs com af himni með liosi miklo yfir vatnit. Allr lýþr [matti sia liosit, er hia stop¹¹, en engi matti engilinn sia fyrir liosino. Engill mælti við Blasium: «Gæc þu af vatni oc seynd til dyrþar þe(i)rar, er þer er etloþ af guði.» Þa reis Blasius up
 20 oc gecc enn á vatni¹² sem a þurro landi. En er hann com til lanz, þa undraþise allr lýþr lios þat, er [verit hafði¹³ yfir honom. En þott iarll sei slikar iarteinir, þa [villdi hann þegi¹⁴ snuaz til tru ne til misconnar [guþs, oc mælti sva við guþs vat Blasium¹⁵: «Se ec nu, at þu hefir rapit at hallda [þragirni þinni¹⁶ oc gæfga
 25 egi goþ ór, af því scallt þu þat vita, at ec hefi rapit at láta þic egi undan ganga¹⁷ með fiorvi.» Þa læc iarll domsorði á oc mælti: «Blasium dæmi ec til hægs, þann er mik fyrirleit oc hafnaði boþorði kononga oc [directi .lxxx^{ta}. riddara¹⁸ í vatni oc lastaði goþ var oc sveik .ii. sveina i fioleingi¹⁹ sinni, [þa dæmi ec oc²⁰ með honom.» Cristz vatrþ packaði guði, er hann heyrði þetta, oc fór með sveinom til þess staþar, er [þa scylldi hæggyva²¹.

1 [avallt syndr a B. 2 [ek geta eigi þess, er þau þvo syndir af monnum B. 3 er B. 4 [rann hann til diuprar tiarnar með iarlinum ok með otal lyds B 5 + A. 6 honum tilf. B. 7 [þurt land, ok
 35 rann hann þar til er hann kom a midia tiornina B. 8 þa syna svo B. 9 dioflum B. 10 yfir B. 11 [sa er hia stod, matti sia liosit B. 12 vatninu B; i A er først skrevet landi, men vatni er skrevet over. 13 [vitradiz B. 14 [matti hann eigi B. 15 [vit guds vott ok mælti svo vit hann B. 16 [þrae þino B. 17 komaz B. 18 [banadi .lxxx. manna B. 19 fioþkyngi B 20 [ok þaa dæmi ek til hægs B.
 40 21 [honum var bani ætlaðr B.

12¹. [En er byscoþ com þangat², þa fell hann á kne oc hellt
 handom til himna oc baþ til guþs á þessa lund: «Drottinn guþ
 minn, er mic kallapir fra skurdgoþa villo oc til rettrar tru, þu
 satt lios, er lisir³ hvern mann, er i þenna heim kemr, oc þu
 lystir myrkr otrú minnar, þu guþ⁴, er sitr yfir allom englafylciom
 oc gefr regn á iorþ oc synir regnboga þinn i seyiom til sattarmares
 við oss, þu [er stet yfir ovin⁵ allz mannkyns, þa er þu vart cross-
 festur fyrir oss, [ver ner mer þreli yþrom⁶, oc heyr þen mina, þa
 er ec biþ þic efsta, aþr ec sia hægðvinn fyrir þino nafni. Verstu(!)⁷
 ner allom oc fyll rettar benir þeira, er næcquia⁸ goþa hluti gera
 i mina minning til dyrrar nafns þins. Ef næcqvriom stendr bein
 i halsi, eþa hefir hann nocqvert mein i qverkom oc callar⁹ á þic
 til hialpar með tru oc með minu arnaþarorþi, þa lattu þer soma
 at biarga honom oc leysa hann fra háscá til vitnis þes crafstz
 þins, er fyrrmeirr gerþir þu fyrir mik¹¹ þrel þinn. Ef næckr verþr
 sottom siukr eða i nock(u)riom hasca staddr oc minnize nafns mins
 oc heitr a þic til hialpar sér með mino arnaþarorþi, þa greþ þu
 hann af sott þeiri eþa meinom, oc leys¹² ór háscá, oc ver ner
 næþsyniom þeira, er truliga heita á þic fyrir mitt¹³ nafn.» En
 er guþs vattr hafþi þen¹⁴ locit, þa com yfir hann sey liost, oc
 meþti rædd ór seyino: «Ec em guþ sa er þic dyrkaþac¹⁵, cappi
 minn, oc mon ec en dyrcá þic; ec mun alla hluti þa fylla, er þu
 batt, sva sem trúa þeira aþlaz¹⁶ til nytsemi; ec mun leisa¹⁷ ór
 sottom oc ór háscá oc or allom næþom¹⁸ þa, er með þino arnaþar-
 orþi biþia mic licnar¹⁹, ef þeim gegnir at leisasc²⁰ i þessom heimi,
 eða ec mun²¹ aþga þa i [eilifo [lif]i²² annars heims; ec mon bleza
 enni valoþo eckio oc allom þeim, er þina minning gera, oc fylla
 þa i þessom heimi goþra hluta, en aþga þa [goþo verkaþi i aþro
 lifi²³.» En er [sey hvarf til himins²⁴, þa var Blasius hægðvinn
 utan borgar, oc tveir sveinar með honom. En vitr kona oc
 trufast, su er Eliséa hét, gróf licami þeira i þeim staþ, er þeir
 varo hæggnir, oc verþa þar²⁵ margar iarteinir allt til þessa dags i

1 Bæn Blasij byskups ok liflat hans *Overskr. B.* 2 [Þa er hinn helgi
 B. byskup kom i þann stad, sem hann skyldi hægva B. 3 lysir B.
 4 krapta *tílf. B.* 5 [steigtr yfir diofuiinn fianda B. 6 [vertþu
 nu nær mer þreli þinum B. 7 ver þu B. 8 nockura B. 9 kalli
 hann B. 10 kraptz B. 11 *tílf. B.* 12 hvern *tílf. B.* 13 *saal. B.*
 þitt A. 14 sinni *tílf. B.* 15 dyrkadi B. 16 er til þeim B.
 17 leysa B. 18 naudsynium alla B. 19 lausnar B. 20 leysa B.
 21 *tílf. B.* 22 [eilifum fagnadi B. 23 [eilifu verkkaupi annars
 heims B. 24 [id liosa sky hvarf til himens med roddinni B. 25 *tílf. B.*

5

15

25

30

35.

40

dyrþ oc i minning guþs piningarvatz¹. En guþs vattr Blasius byseop var hægvinns enn [.iii^a. dag Februari² manapar, enn sa er [enn nésti eptir kindilmesso, er hann fór af iorþo³ til himins, fra monnom til engla, fra heimi þessom guði til handa, pindr
 5 mærgom pislom, i myrqvastofu settr, stængom barþr oc [staglfestr, ullcæmbum slitinn oc á vatn farþr, en at nestlocom⁴ sverþi hæggvinn. En er (en) valaþa eckia fra andlát⁵ hans, su er comit hæppi til hans i myrqvastofu⁶, þa lét hon lios brenna i minning hans, sem hann hæppi bopit, oc miþlaþi víp æma menn allt þat, er hon mátti
 10 af sinni fæzlo. En margir aþrir fréndr hennar⁷ gerþo at⁸ hennar demom oc veitto margar gíafar⁹ æmom monnom i nafni oc minning heilags Blasius byseops. En su minning hellze allt til þessa dags, þviat á hverri artíþ hans pislar veniase menn at gera þa minning hans i olmosogærþ¹⁰ oc i liosbruna til lofs oc dyrþar [drottins
 15 vars Jesu Cristz, þess er með feþr oc helgom anda lifir oc rikir of¹¹ allar alldir allda. Amen.

APPENDIX.

(Pergamentblad 655 qv. IX B. Fragment af en Codex, som det synes, skreven i Norge i det 12te Aarhundrede. Jvf. ovenfor S. 267^a—268^{aa}).

20 Ða gec siallfr drotten ifuir sio bærfætr sva sem a lande. þa es han vas licamr Oc bauð han Petro postola sinum at ganga á sio till sín. En þat er hann væitti postola sinum. Ðat ma hann væita mer hinum ó minsta þræle sinum. En þa er hann þetta mælte. þa for hann till Tiarnarennar með jarle. Oc með ótallægum lyð
 25 oc fiolda liðrs. En han oc hafðe cros marc gort fyrir ser a vatneno. Ða gec han a tiornnena ut sva sem a þyrri jarðu eða a lande. En þa es han com ut a tiornnena miðia þa sættise han niðr. Oc callaðe þaðan á jarlen oc a allan lyð oc mælte sua. Ef noccor það er i

1 þræls B. 2 [þridia dag Februarij B. 3 [næstr eptir kyndilmessu, ok for B. 4 [i stagll festr, iarnkrokum hrifinn ok a vatn fluttr, ok at lyktum B. 5 saal. B; andláta A. 6 myrqvastofunni B. 7 ok vinir tilf. B. 8 eptir B. 9 salugiafir B. 10 ok vittoku æumra manna tilf. B. 11 [drotni vorum Jesu Kristi, þeim er með feðr ok helgum anda lifir ok rikir einn gud i þrenningu um B.

guðum yðrum Eða yðr sialfum er noccor straust(!) á þeim. Ða
 gangeð ér á vatnet ut æftir mer í namfne þeirra. At er megeð
 oss sva syna craft þeirra. Ða toco atta tigur manna at blota diof-
 um. Oc gengo diarflega ut á vatnet. oc succu þegar aller sem bly.
 En engell guð(!) com af himni oc skæin lios mikit ifuir guð(!) vin 5
 oc pislar vatt. Aller matto lioset sia. En þeir sáo æigi egellen(!) guðz
 fyrir lyoseno. En ængell mælte viðrr Blasium. Gage þu af vatne.
 Oc skynd till dyrðar þeirrar es þer er buin af guði. Ða ræis Blas-
 ius up oc gee en a vatne sem a lande Oc undraðesc allr lyðr
 lios þat er vittraðesc yfuir honom. Oc biartlæice anlits hans. En 10
 þo at iarll sæe slicar jartæinar(!) þa mate han æigi skilia ne scap-
 asc(!) till truar oc æigi vildi han hæfta grimlæic sin. Ðvi at han
 callaðe a Blasium oc mælte sva. Nu se ec Blasí. At tu hæuir
 æin raðet at halda á þragirni þinni. oc gofga æigi guð vór. Af því
 scaltu vita at ecc hæui ennu raðet at fresta æigi længr bana þinum. 15
 Ða mælte han við riðara sina þa sva. Blasium þan es mee fyrir
 læit. Oc mælte i gægn boðorðom kononga orra. Oc ræpte guð vor
 oc sæete atta tigung manna niðr at diup. hann dæme ec till hógz.
 Oc tva svæina með honom. Ða er han svæic i fiolkyni sinni. En
 er guðz vatr hæyrði þat. Ða gerðe han þacker guði allmatchom. 20
 Oc for skyndilega með riðarom till fyrir ætlaðar(!) pinslar. En þa es
 han þangat com. Ða bað han þa geua ser frest till boenar. Oc siðan
 fell han acne. oc helt hondom sinum til himins up. Oc bað till
 guðz a þessa lund. Drottenn guð min es mee kallar till gofganar
 þinnar tru fra villu securða(!). Ðu cristr hit sanna lios þat er lysir 25
 hver(n) man commanda i hæim þenna. Oc þu lystir myrer Ovittru
 minnar. Ðu guð crafta er sitr yuir cherubín oc seraphinn. Oc lycr
 up raufuar himins. Oc gefr regn a jorð. Oc synir regn boga þinn
 i seyium till sattar marx a meðal sin(!) oc manna. þu es stet ifuir
 diofull oc fianda allz mankyns. Ða es þu heet á crose fyr oss. Oc 30
 fældirr hin fornna hóg órm slagbrand hæl vitis. Ves tu nu ner
 þræle þinum. Oc hæyr boen þa es ec bið þec æfstu i hæimi aðr
 ec sia hoggvín fyrir þínu namfne. Ves tu ne(r) allum. Oc fyll
 rettar fystr(!) allra þeirra es neccorn goð gærning gera. Till dyrðar
 namfs þins i mina minning þræls þins. Ef noccorom stendr bæin i 35
 halse eða hæuir han noccor ó høgende i qvæccum oc biðr han
 þins fultings með minu arnaðar orðe. Ða biargðu honom. Oc læys
 han fra haska till sannanar þins crafts es þu gerðer forðom fyr
 þræl þin. En ef noccorr minnisc minn i hasca eða i neccquærri sot.

Oc callar a þic till fultings með minu arnaðar orðe. Ða grœðu han af sot. oc læys han or hasca. Oc lat þer soma at vesa ner i allum sinum nauðsinium þeim es trulega calla a þic. fyr mina minning. En þa es guðz vatr hafðe þen locet. Ða com sky liost ifuir han.

5 Oc ród með skyi mælandæ sua. Ec em guð. Ec man fylla alla luti þa es tu bat Æftir tru oc æftir nytsæmi þurfuanda. Ðær er i sóttom ero. eða i hasca. eða i mæinum biðia mec hialpar i þinni minningu. Ða man ec læysa or mæinum i þessom hæimi ef þeim gægnir hioþp. eða læysasc. Eða ec man geua þeim annars

10 hæims lif ælift. Sva man ec auc bletsa þa cono veslo es tu batst fyrir. Oc allum þeim es þina minning gera. Oc man ec fylla þa goðra luta her i hæimi Oc goða þa æliuo lifui være caupi annars hæims. En æftir þessor orð þa hvarf hitt liosa sky i braut með rod. En guðz vatr vas siðan hoggvin með tvæim

15 svæinum fyr utan borg væggi Sebastie. En licame þeirra grof cona su es Elisia het. Vitr oce vell truað. Oc grof hon þa i þeim hinum sama stað es þær hognir varo. I þeim stað værða alskyns jartæinir

BRANDANUS SAGA.

Fragment.

(Et tospaltet Pergamentblad i norske Rigsarkiv; midt paa Bladet er gjort et Indsnit fra begge Sider, hvorved 6 Linier er bortkomne, dog saaledes at nogle Bogstaver ere tilbage af hver Linie paa et Par Spalter; ligeledes er øverste Linie paa Bagsidens anden Spalte bortskaaren. Det saaledes manglende, som man har søgt at udfylde efter den latinske Original, er trykt med mindre Skrift.)

[Abbed Brandanus ruster sig med 14 Munke til at forlade Irland for at opsoge de Helliges forjættede Land (Terra repromissionis Sanctorum). Da han er færdig til at gaa ombord, kommer 3 andre Munke til, der bønfulde om at maatte følge med. Brandanus tager dem med, skjønt han spaar ilde om to af dem. Underveis kommer han til en Ø, hvor han med sit Følge stiger i Land; her kommer dem i Møde en Hund, som fører dem til en prægtig Hal, hvor der er Overflod paa Levnetsmidler og alle Bekvemmeligheder, og hvor Væggene ere behængte med Kar af forskjellig Slags Metal og med sølvbeslagne Bidsler og Horn. Efter at de have forfrisket sig med Mad og Drikke, lægge de sig til at sove. En af de senere tilkomne Munke har efter Djævelens Indskydelse, trods foregaaende indtrængende Formaninger af Brandanus, stjælet et Sølvbidsel, som han har gjemt i sin Barm. Da nu Munkene ere faldne i Søvn, ser Brandanus en Djævel i Skikkelse af en Negerdreng (infans æthiops) holde Bidselet i sin Haand og lege dermed foran Munken].

munkenum því líkast sem fyrir börnum. En þá stop Brændanus(!) vpp oc var a böenum sinum allt til dags. Enn vinn morgunenn eptir gengu þeir oc görðu þionostu sína oc dualþoz þar .iii. daga, enn hvern dag var þeim borþ buet sem hinn fyrsta dag. Enn þann dag er þeir foru i brott, þá varaði enn hælgi B. bróðr sína við, at þeir skyldu ekki taka þess i brott, er þar var. Þá svoroðu þeir aller senn: »Faðir, qvaðu þeir, vili eigi guð þat, at ver spillem for varri.« Þá mælti B. við þá: »Her er nú bróðir varr, sa er ek hefi yðr sagt ífrá, hann hefir bæisl eitt i serki sér geort

af silfri.« Enn sa enn væsli munkr dualði ekci oc fell þegar til fota Brandanus oc mælti: »Faðir qvað (hann), ek syngopvmz, firirgef mer oc bið firir salu minni, at eigi firirfarez hon.« Enn þegar fellu allir senn til iarðar biðandi til guðs firir salu munksins. Enn er þeir bræðr risu upp af iorðu oc Brandanus reisti upp þann enn væsla munk, þa spratt blamaðr litill or serki munkenum oc þaut sem vargr oc mælti við B.: »Þu guðs maðr, hui rækr þu mik brott heðan ór minu herby(r)gi, þui er ek hefi buet i .vii. vetr?« Hinn hælgi B. svaraði: »Ek byð þer, fiande, i guðs nafni, at þu gœr engum manne mæin ne skaða ne villu til domadags.«

10 Þa¹ mælte B. við munkenn: »Tak nu, qvað hann, corpus domini, þui at nu skalltu lata lif þitt, oc her skal grafa þik. Enn broðer þinn annarr, sa er fylgþi þer hegat, hann skal fara i héalviti.« Enn síþan tok hann bæði sk(r)ipt oc husl með mikille iðran synda sinna, oc andaðiz þegar. Enn at augsiandum þeim ollum þa komu ænglar gufs i moti sal hans oc hófðu hana með ser. Enn B. oc hans menn foru til skips sins. Enn er þeir komu a skip, þa kom þar maðr einn vngr, oc hafði laup fullan bræðs oc konnu fulla vaz, oc mælti við þa: »Taker fórn þessa af þræli yðrum; þer hafer langt at fara, aðr enn þer hittet þat er þer vilir; eigi skal yðr skorta vatn ne brauþ [heðan i fra² til pasca.« Enn þeir toku þat brauþ oc vatn oc foru síðan i haf oc ato eigi optarr enn annan-huern dag; enn þeir foru hingat oc þingat oc vissu eigi, huert þeir skylldu. Þa var þat þui næst vm dag einn, at þeir sa ey eina skamt ifra ser, enn þa kom þeim byrr, oc siglðu þeir til þeirar æyiar. Þa³ bauð hinn hælgi B. þeim at ganga vpp a land af skipi. Enn er allir aðrir varo a land gengnir, þa gekk Brandanus sialfr af skipinu. Enn er þeir foru vm eya sem þeim likaði, þa sa þeir renna morg votn or ymsum uppsprettum með allzkonar fiskum. Enn hælgi 25 B. mælti við bræðr sina: »Gœrum her þionostu vara oc færur guði fleklausa forn, þvrat i dag er dyri dagr 3. Enn þeir varo þar til paska aptans. Þeir sa þar sauði marga oc sniohuita oc stora sem ygxu. Þa mælti hann við bræðr sina: »Takit einn savð.« Enn þeir gœrþu sva. Enn þegar er þeir hófðu bundit hann, þa fylgþi hann þeim sem 35 rakei. Þeir toku oc lamb eitt, oc er þeir hæfðu sua gœrt, þa kom þar maðr einn oc færþi þeim laup fullan hvætibrauðs oc marga

1 For det store Þ er ladet aabent Rum; det samme er ogsaa Tilfældet med Begyndelsesbogstaverne i de følgende Capitler. 2 [saal.rettet: ab isto die usque in pascha lat.; meðan þer Fragn. 3 quia hodie est cena domini lat.

aðra luti, er þeir þurftu, oc fell til fota B. oc mælti: »Huaðan kom [mer þat faðir], at ek skyllða fœpa B. með minu ærfiðe?« Enn B. tok i hond honum oc mælti: »Sonr! guþ hefir ættlaðan oss þenna stað, at ver skolum hallda vpprisu dag«.¹ Þa svaraði sa maðr: »Brandane faðir, qvað hann, her skolu þer vera til pascha, enn pascadag skolu þer messu oc óttvsong hafa i æy þæiri, er þu matt nu siá heðan. »Þa tok sa maðr oc bió þeim alla pascavist oc færði þeim til skips, enn síðan mælti hann við hinn hælga B.: »Skip yðart ma eigi bera mæira at sinni, enn er .viii. dagar eru gengnir, þa skal ek senda yðr ærenn mat til huitasvnnodags. 10

Þa svaraði hinn hælgi B.: »Huat mattu vita² til þess, huar ver erum þa?« Þa svaraði sa hinn hælgi maðr: »I nott oc i morgen til miðs dags þa skolu þer uera i ey þæiri, er nu farit þer til, enn síðan skolu þer fara til annarar æyiar skamt frá þæiri i vestriþ, en su er kallat paradisi(!) fugla³, oc skolu þer þar vera, til þess er niu netr eru fra huitsunnodegi.« Enn B. spurði, hui sauðir þeir enir myklo oc fæito gengo þar. Hann svaraði: »Þessa sauði mólkar engi maðr, oc eigi harðnar vætr eða veðr at þeim, enn þeir ganga i hogum netr oc daga, oc eru þui mæiri en aðrer sauðir.« Þeir fylgiaz til skips ok biðiaz sælir fara. Enn þeir B. taka til ara oc roa, unz þeir komu i nand æy nokcurri. Enn þar stoþ skipit grunn, oc matti engi roðr or stað fœra. Enn hælgi B. bauð monnum at ganga af skipinu i sioinn oc draga með strengium til landz. Su ey var skeriutt oc ekei gras i oc litill skogr, oc engi var sandr i þæiri æy. Þeir voru þar þa nott oc sungu ottosong oc baðu fagrlega böenum sinum. B. vissi, huar þeir voru komnir, en þeir vissu ekei til. Enn vm morguninn eptir þa bauð hann huerium þæira munka sinna, er prestar voru, at syngia messu, oc sialfr hann. Þa er þeir hofðu messu sungit, þa toku þeir mat sinn oc letu i katla oc festu vpp oc gærðu vndir ælld. Enn er vella tok, þa ræðiz æyen vndir þeim, þui likast sem bara, oc þeir vrðu sua ræddir, at þeir runno til skips, sem þeir fara mattu⁴ oc baðu hinn hælga föður Brandanum ser fullting væita. Enn hann græip i hond þeim oc kipti i skip til sín. Enn katlar þæira oc matr vrðu epter þeim i æ(y)inni. Enn æy su for brott i haf vt. Enn er æy su var komen .ii. vikur fra þeim, þa sa þeir enn elldinn brænna. Þa mælti hinn hælgi B. 35

¹ Her begynder Bagsiden; paa Forsiden i Bladets nederste Kant staar med Sagaskriverens Haand: Brandanus aboti [. . . .] ² vita skrevet to Gange. ³ paradysus avium lat. ⁴ matta Fragma. 40

við þá: »Kynliet þykeir yðr, hui æý þessi ferr sua?» Þá suoroðu þeir honum: »Oss þykkir einka kynlekt, oc rædder eru ver um for æyiar þessar.« Þá suaraði B.: »Boern min, verit eigi rædder, guþ syndi mer i nótt, huat þat iartegnir; þat er eigi ey, er ver
 5 bioggum i, þat er fiskr, sa er mestr er i hæiminum, oc ferr at leita at sporði sinum oc villdi koma ollu saman sporði oc hofði, oc má eigi, sua er hann mykill, enn hann heitir a bok Jaskonius.

Nu reru þeir til æyiar þeirar, er hinn goðe maðr visaði þeim til, sa er þeim feke matenn. Enn er þeir komu til æyiarinnar, reru
 10 þeir vmhuerfis til þess at leita ser hafnar, oc hittu þeir aros nokkurn oc lendu þar skipi sinu. Enn hinn hælgi B. bauð þeim at ganga af skipinu oc draga skipit, sem þeir mattu, i moti strauminum. Enn þeir gærðu sua, unz þeir komu til kelldu arinnar. Þá mælti B.: »Ef ver hefðim engi kost nema þessa kelldu, þa mundi æren at fœða oss.« Oc var træ eitt hia
 15 kelldunni einkar hat, oc mykit lauf á. Þat træ var skipat með fuglum sniohuitum ollum, sua at huerr kuistr var hulðr. Þá þotte þeim einka kynlekt, hui þat mundi gegna. Þá fell hann a knebþ oc bað drotten varnn gratande, at hann skyllði honum þær iartegnir syna. Þá er hann hafði lokit böen sinni, þa flaug einn fugl or
 20 þui træ oc til B. oc blœkti vengium sinum oc fagnaði honum sua. Enn sa fugl settiz a stafnenn hia B. oc mælti Brandanus við fuglenn: »Ef þu ert gvðs ærendreki, þa seg þu mer, huat fuglum þer eruþ?» Þá suaraði fuglenn: »Ver fellum ofan, quað hann, ór himnum

CECILIU SAGA MEYIAR.

(*Cd. Holm. 2 folio, A; 235 folio, B; 429 octavo, C.*)

Her hefr upp sögu heilagrar Cecilie meyar 1.

Cecilia en göfgazta mæð hirti gudspiallz bodord i briosti ser ok let alldregi æ millum verða gudligra ritninga ok heilagra bæna 5 nætr ok daga; harklæði hafði hun næst ser fata, en þar um utan gullbuin klæði fyrir manna augum. Ungum manni var hun faustnud, þeim er Valerianus het, ok var² kvedit æ brudlaups stefnu, en svo mikit var ríki frænda hennar vit hana ok festarmanz, ath hun treystiz eigi berliga³ ath syna æst hiarta sins⁴, [þa er 10 hun unni Kriste⁵. Ferdægrur ok sexdægrur fastadi hun ok fal gudi æ hendi [þat er hun ugði, at skirlifi⁶ hennar myndi saurgaz⁷; hun kalladi æ helga eingla i bænum sinum ok bad postola með tarum ok het æ alla helga menn guds, ath þeir dygði henni i sinum bænum ok gerði þægiligen gudi meydom hennar. 15

Um brudlaup.

2. En er [at brudlaups stefnu⁸ kom ok fengit war at fiolmenne⁹ miklu, þa var gleði mikil af alþyðu. En hin helga Cecilia söng lof einum gudi i hiarta sinu ok mællti: «Verði osaugat hiarta mitt ok likami, at eigi skómmumz ek.» En er þau voru leidd 20 i eina sæng, þa mællti Cecilia æ þessa lund: «Þu enn ynniligsti¹⁰ dreingr! hlutr er sa einn er ek vil segia þer, ef þu heitr ath

1 Saga Cecilíu meyar *Oversk. B.* 2 æ tilf. *B.* 3 þerum ordum *C.* 4 saal. *C.*; sinu *A.*; s. *B.* 5 [saal. *A. B.*; þviat hun villði Kriste einum unna *C.* 6 saal. *B.*; skirlifa *A.* 7 [hug sinn (ok) hiarta, 25 þviat hon meiddi likam sinn i morgum meinletum, en *C.* 8 [brudlaups stefna *B.* 9 mannþode *C.* 10 innelegazti *C.*

leyna, medan ek vil at þu leynir.» Walerianus sor, at hann mundi leyna ok lata fyrir önga naudsyn upp koma. En heilaga Cecilia mælti: «Eingill guds er unnandi minn, sa er med miklu vandlæti geymir likama minn, ok ef hann finnr, at þu tekr ¹ æ mer med
5 ohreinni ast, þa man hann þegar reidaz þer, ok mant þu tyna fegrð æsku þinnar; en ef hann finnr, at þu elskar mik hreinni
æst ok vardveitir meydom minn ospiltan, þa man hann elska þik sem mik ok syna þer miskunn sina.» Valerianus svaradi:
«Ef þu vill ath ek trua mælum þinum, þa syn þu mer unnanda
10 þinn, ok mun ek giora sem þu beidir², ef ek reyni ath þat er guds eingill; en ef þu elskar annan mann, þa man ek³ glata bædi þer ok honum.» En heilog Cecilia svaradi: «Ef þu villt hlyða
ræði mino ok hreinsazt i eilifum skirnarbrunni ok trua æ einn
gud lifanda æ hinnum, þa matt⁴ þu sia eingilinn.» Walerianus
15 spurdi, hverr hann mætti sva hreinsa, at hann mætti sia eingil guds. Cecilia svaradi: «Er einn gamall madr, er svo kann hreinsa, at menn megi sia eingla.» Valerianus spurdi, [hverr sa væri enn⁵ gamli madr. En heilaga Cecilia svaradi ok bad hann fara þriar milor fra Romaborg æ gotu þa er Appia heitir, «ok
20 mantu þar finna, sagdi hun, volada menn, þa er ek hefi fædda, ok vita munu deili æ þessum manni; þeim skalltu bera kvediu mina ok segia, at Cecilia hafi⁶ sendan þik, ok⁷ þeir syni þer Urbanum byskup, ok þu eigir erende vit hann. En er þu finnr hann, þa seg þu honum oll vidmæli ockur, ok er hann hefir skirdan⁸ þik,
25 þa man hann skryða þik hvitum klædum nyium, ok er þu kemr med þeim buningi i þenna klefa, þa muntu⁹ sia helgan eingil unnanda minn, ok man hann veita þer allt þat er þu bidr hann.»

Fra Valeriano.

3. Eptir þetta for Walerianus ok hitti þau merki öll, er
30 honum var til visat, ok fann Urbanum byskup, þann er þa hafdi tysvar pindr verit fyrir Kristz¹⁰ iatningu ok var i fylsnum¹¹. En er Valerianus sagdi honum öll ord Cecilie, þa fell heilagr Urbanus æ kne ok hellt höndum til himna ok mælti med tarum æ þessa lund: »Drottinn Jesu Kriste! tak þu avöxt hreinlifs ræds þess

35 ¹ saal. B, C; elskir A. ² saal. B, C; giorir A. ³ lata tilf. B.
⁴ munt C. ⁵ [hvar er sa hinn C. ⁶ hefir B. ⁷ at tilf. C.
⁸ hreinadan C. ⁹ mattu B. ¹⁰ nafni ok tilf. B. ¹¹ saal. B, C; fylknum A.

er þu særir¹ i briost Cecilie. Drottinn Jesu Kriste, godr hirdir! Cecilia ambatt þin þionar þer sem spakr saudr, þviat hun sendi til þin brudguma sinn hægan sem lamb, þann² er hun tok olman sem hit oarga dyr, þviat hann myndi³ eigi hingat koma, nema hann tryði æ þik. Luk upp þu, drottinn, dyrr hiarta hans fyrir mælum þinum, at hann kenni þik vera skapara sinn ok neiti dióffi ok ollu glysi hans ok skurdgodum hans.« En er Urbanus hafði þetta mællt, þa vitradiz þeim gamall madr ath aliti skryddr [godum klædum ok sniohvítum⁴ ok hafði bok i hendi ritada⁵ gullstöfum. Valerianus ottadizt⁶, er hann sæ þenna mann, ok fell til iardar nær i owit. En hinn gamli madr hof hann af iördu ok mællti vit hann: »Les þu þessa bok, ok trui at þu megir hreinsaz, sva at þu megir sia eingil guds, þann er Cecilia mæi het þer.« Þa tok Valerianus ritit at lesa, en þessi ord voru a ritinu: Einn er gud, ein er trua, ein er skirn, einn er fadir allra, sa er ollum efri⁷ er ok öllum ædri um alldir allda. En er Valerianus hafði þetta lesit⁷, þa spurdi enn gamli madr: »Tuir þu at svo er, eda efar þu enn.« Walerianus svaradi: »Hvat megi⁸ sannara vera undir himne.« Ok er hann hafði þetta mællt, þa hvarf hinn gamli madr fra augliti þeira. En Urbanus skirdi Valerianum ok kendi⁹ honum alla setning rettrar⁹ truar ok sendi hann sidan til handa Cecilie.

Um vitran eingils guds.

4. Ok er Walerianus kom heim skryddr hvítum klædum, þa fann hann Ceciliam festarkonu sina i klefanum æ bænum ok eingil guds standa hia henni med elldligu andliti fidrdan skinondum vængium, ok hafði hann i hendi tvær koronur [enar dyrligstu¹⁰, adra selldi hann Cecilie, en adra Waleriano, ok mællti: »Þessar koronur skulut þit vardveita med osaugudu hiarta ok hreinum likama, þviat ek færda yckr þær or paradiso guds; alldregi mun blomi þeira þverra¹¹, ok sva ilmr þeira, ok mega þeir einir þær¹² sia, er slikt hreinlifi lata ser lika, sem þit [hafit yckr¹² latid lika. En þar sem þu, Valerianus, letz at rædi hreinlifiss, þa sendi mik

¹ Lat.: Domine Jesu Criste, seminator casti consilii, suscipe seminum fructus, quos in Cecilia seminasti. ² saal. B, C; þa A. ³ munde C.

⁴ [snehvítum klædum B. ⁵ ritna B. ⁶ oadistz C. ⁷ saal. C; mællt A, B. ⁸ ma C. ⁹ heilagrar B. ¹⁰ [skinandi or gulli ok or hinum fegrstum grosum C. ¹¹ þrotna B. ¹² [latit yckr lika ok hafit B.

Jesus Kristr sonr guds lifanda til þín, ath þú segir, hvers þú vill
 bedit hafa.« Walerianus laut einglinum ok svaradi: »[Engum
 manne hefi ek iafnmikit unnat sem brodur minum¹, ok verdr
 mer illa i hendi, ef ek læt hann eptir i glautun, ef ek mæ hann
 5 þadan leida med mer. Nu er su bæn min, svo² ath mer er mest
 hugat³, ath gud læte ser soma ath leysa Tiburecium brodur minn
 fra villu, svo sem hann leysti mik, [ok geri okr bada algerva i
 ast sins nafns⁴. Eingillinn leit wit honum blidlega⁵ ok mællti:
 »Allz þú badt þess, sem⁶ gud er fusari ath veita en þú at
 10 þiggia⁷, þæ man hann svo leidretta brodur þinn fyrir þik, sem
 hann leidretti þik fyrir ambatt sina Ceciliam, ok munu þit badir
 koma til guds med pislarsigri.« En er eingillinn hafdi þetta
 mællt, þa hvarf hann til himna⁸ fra augliti þeira.

15

Fra Tiburcio.

5. En er þau ræddu um [iarteign⁹ guds ok helgar ritningar¹⁰,
 þa kom Tiburecius fyrstr manna allra þangat [til þeira um morgun-
 inn¹¹ eptir ok nam stadar fyrir hvilunni ok mællti: »[Hvi gegnir
 20 þat, er ek kenni her svo godan ilm, ath trautt mætti sva¹² verda,
 þott ek hefda i hendi aull þau graus er bezt ilma, ok þat er satt,
 at ek þickiumzt einskis annars þefa, medan ek kenni ilm þenna¹³.«
 Valerianus svaradi: »Himneskan ilm kennir þú, þviat ek bad
 fyrir þer; en ef þú [vill trua sonnu, þa mattu¹⁴ na at sea fegrd
 25 þa, er þessi¹⁵ ilmr fylgir, þviat vid hofum biartar koronur, þer er
 augu þín [mega enn eigi¹⁶ sea.« »[Er þer svefns, brodir, kvad
 Tiburecius, eda hveriu gegnir þat, er þú mælr¹⁷?« Valerianus
 svaradi: »Svefns¹⁸ var oss hingat til, en nu hofum vær vaknat ok
 vitum it sanna, at god, þau er vær gofgodum hingat til, reynazt
 30 dioflar¹⁹.« Tiburecius spurdi, [hvat hann vissi til, at sva væri²⁰.

35

40

1 [Ekke er þat, er mer se virkara i þessu life en broder minn C.
 2 su B. 3 hugat um B; huggan at C. 4 [saal. C; ok gerfan i
 ast sinni B; mgl. A. 5 tilf. B. 6 er C. 7 bidia C. 8 himins B.
 9 iarteinir heilagra manna B. 10 [himneska hlute allt til morgins C.
 11 [til clefans C. 12 Her mgl. 2 Blade i A; her lægges B til Grund,
 saa langt den naar. 13 [Þat undrumz ek a þesse tid, hvanan ek
 kenne sva setan ilm ok dyrlegan, sem ek mætta eigi slikan kenna,
 þott ek hefda med hondum oll hinu beztu gros C. 14 [truir rett,
 þa muntu C. 15 sia C. 16 [eru eigi verd at C. 17 [Tiburecius
 mællti: «Er þetta draumr er þú mælr, Valeriane, eda er þat satt C.
 18 draums C. 19 diofla velar C. 20 [hvanan veiztu þat C.

»Eingill guds sagdi mer, kvad Valerianus, ok sa ek hann, ok þu matt sea hann, ef þu hreinsazt af aullum sauri skurgoda.« Tibureius mællti: »[Hvat þarf at dvelia hreinsanina, ef þat ma¹ verda, at ek sei eingil guds?« Valerianus svaradi: »[Ecki þarf at dvelia, en þvi skalltu heita² at neita aullum skurgodum, en trua³ a⁵ einn sannan gud.« Tibureius mællti: »Eigi skil ek, med⁴ hverium a^{huga} þu mælr þetta.« Þa tok hin helga Cecilia til mals: »Undrumzt ek þat, at þu skilr eigi, at þau likneski, er gerr eru or grioti eda malme [eda tre⁵, mega eigi gud vera, þar sem fuglar drita a⁶ þau, ok [þeistar⁶ hreidr(az) i hofdi þeim, ok vefa kaung-¹⁰ urvofur vefi sina a⁷ þeim, en vandir menn gera þau, þviat þeir eru sendir til allz malmverks ok griotverks, sem fyrirdæmdir eru fyrir glæpi sina. Hversu mega þau likneski þa gud vera eda vera truat a⁸, er upphaf hafa af vændismonnum⁷. Miok er þat a⁹ einn hatt daudr madr ok likneski, þviat daudr madr hefir alla likams¹⁵ lidu, en hann hefir eigi vit ne aund. Sva synaz aull likneskin hafa alla limu, en þau eru vitlaus ok at vettugi nyt, þeim mun verre en [draugar, at madr sa augum, medan hann lifdi, ok heyrdi eyrum, mællti munni ok þefadi med nausum, gek a¹⁰ fotum, þreif- adi haundum⁸; en þessi likneski eru a¹¹vallt daud ok hofuz af²⁰ daudum, hafa alldregi lifat ok munu alldregi lifa.« Þa svaradi Tibureius: »[Likari er sa dyrum en maunnum⁹, er þessu truir eigi.« Cecilia mællti enn vid hann: »[Þat iati ek i dag, at þu ser minn skylldingi, þviat svo sem gud samteingdi mer brodur þinn i tru, sva gerir hann þik i hafnan skurgoda mer samteingdan i²⁵ ast Kristz¹⁰. En ef (þu) ert buenn at trua, þa fardu med brodur þinum, at þu takir hreinsan, sva at þu megir sea eingil guds ok finna lausn allra synda þinna.« Þa mællti Tibureius vid brodur sinn: »Seg þu mer, brodir, til hvers mannz muntu mik leida.« Valerianus svaradi: »Ek man þik leida til fundar vid þann³⁰ gaufgan mann, er Urbanus heitir, hann [hefir eingils alit¹¹, ok allt mal hans er fullt sannrar speki.« Tibureius mællti: »Segir

1 [Hvessu ma hreinsan C. 2 [heittu þvi C. 3 saal. C; þu truir B. 4 af C. 5 [tilf. C. 6 rettet; þeistar B. 7 [mys bua i holi þeira, ok hafa þeir menn smidat þau, er fyrir glæpi sina voru³⁵ drepnir, eda hversu ma gud kallaz þat likneski, er osidamenn giordu C. 8 [daudir menn, at dauds mannz likame sa ok heyrdi ok geck ok mællti vid menn, medan hann lifdi C. 9 [Kvikendi er sa hellr en madr C. 10 [i dag iate ek þig vera minn kunningia, þviat ast guds giordi, at þu hafnadir skurdgoda villu C. 11 [er einglum⁴⁰ likr at alite C.

þu fra þeim Urbano, er kristnir menn kalla þafa sinn? Spurt hefi ek, at hann hefir dēmdr verit til dauda, ok er hann nu i fylsnum, ok mun vera kvíkr i elldi brendr, ef hann verdr fundinn, ok uggi ek, at vid munim verda [ok pindir sem hann, ef vid
5 verðum fundnir med honum¹, ok munum vid finna dauda æ iordu, þa er vid leitum guddoms þess er leynist æ himnum.

Capitulum.

5. Heilög Cecilia mællti þa: «Ef þetta lif eitt væri ok eigi annat betra, þa mættim ver rettliga hræðaz at tyna þessu; en nu
10 er annat lif, þat er miklu er betra, þat er alldri endízt². [Af því hræðumzt ver eigi at tyna þessu lifi, at ver komumzt eigi til hins, nema ver tynim þessu³ adr⁴.» Tiburcius mællti: «Nu kant þu at segia þat, er ek hefi alldri heyrð fyrr; er þat satt, at annat lif er en þetta?» Cecilia svaradi: «Þetta lif [her i heimi
15 er helldr daudi en lif; þrutnar þat af metnadi ok þverr af vansa, þornar af hita, en þrottnar af sottum; feita þat fæzlur, en faustur megra; þat lemia sorgir, en leikar beita þat, æhyggiur þraungva því, aurugleíkr deigir þat, auðr eflir þat, aureígd lægir þat, eska yppir því, en elli b(e)ygir þat, synder sera þat, sottir briota þat.
20 En eptir þessa hluti alla kemr rasandi daudi ok tekr þat brutt med aullum líkams faugnudum, sva at þat synízt traút eða eigi verit, þa er umlídit er; þvíat þat allt er eínskis vert, er skamma stund er, en þat lif, er kemr eptir þetta lif, getr eilífa fagnadi godum maunnum en eilífar kvalar illum maunnum⁵.» Tiburcius
25 mællti: «Hverr kom þadan, at yðr mætti þetta segia, [sva at ver⁶ megim því trúa?» En helga Cecilia svaradi med mikilli stadfesti: «Skapare himins ok iardar, siofar ok [manna, fugla ok dyra ok skríðkyckvenda⁷, hann gat son af ser, fyrr en hann gerði þessa hluti alla, ok færði fram af sinum krapti helgan anda, [at fyrir

1 [badir med honum hrendir, ef vit verðum þar fundnir C.

2 eydist C. 3 rettel; hinu B. 4 [mgl. C. 5 [er brigt, er her

er; sott mædir þat, hiti þerrir þat, fæzlur feita þat, fostur megra þat, gleði teitir þat, gratr hryggvir þat, auðæfi efla þat, en e(y)md mar þat, æska reitir þat, elle beygir þat; en eptir þessa hlute alla vegr

35 daudi þat, ok eydaz þa allir líkams fagnadir, ok synaz þa sem aungvir hafa verit, þegar er þeir eru lídnir. En þat lif (er) eptir þetta kemr, er gefit ranglatum med eilífum píslum en rettlatum med eilífum fagnade C. 6 [saal. C; eða mer B. 7 [allra þeira hluta, er þar

eru i mille C.

son skapadi hann alla hluti, en hann lifgadi alla hluti fyrir helgan anda, þviat alla hluti, þa er gervir voru ok gervir eru, skapadi sonr eingetinn af fedr ok lifgadi fyrir helgan anda, sa er fram ferr af fedr ok synir.¹ Tiburecius mælti: «Einn sagdir þu gud vera gaufganda ~~aa~~ himne, hversu segir þu nu þria?» En helga Cecilia svaradi: »Einn er gud [i guddómi sinum, en ver skiptum personum² sva i þrenningu, sem ver segium þrideilda speki i einum manni, þat er mannvit, minni ok skilning; þviat af mannviti finnum ver þat, er [ver hofum eigi numit³, en i minni holldum ver þvi, sem oss er kent, en i skilningu greinum⁴ ver, hvat ver ¹⁰ ~~siam~~ ok heyrum, ok eignast þo ein speki þria hluti þessa. En ef iardligr madr eignast þessa þria hluti i einni speki, hvi man eigi gud eignast þrenningar velldi i einum guddómi?» Tiburecius mælti ok fell til iardar: »Eigi etla ek mannliga tungu mega mela slika speki ok skynsemi, helldr hygg ek, at eingill guds mæli fyrir ¹⁵ munn þinn.»

Þa snerizt Tiburecius til brodur sins ok mælti vid hann: «[Gnogluga er mer sagt fra einum gudi i þrenningu, en nu er eptir vansvarat þat er ek spurda⁵.» Cecilia svaradi: «Ræd þu vid mik um þessa hluti, þviat ung er trua brodur þins at svara ²⁰ þer, en [þu matt mik i eyngri spurningu vanbuna finna vid svörum⁶, þviat guds speki lærði mik fra unga alldri.» Tiburecius mælti: «Þess spurda ek, hverr hingat [kemi ok⁷ syndi oss annat lif, þat er þer segit vera eptir þetta?» En helga Cecilia svarar: «Fadir sendi⁸ son sinn til iardar fra meyiú borinn, en hann stóð ~~aa~~ miklu ²⁵ fialli ok helgu ok kallade mikilli roddu ok mælti sva: Komit þer til min, allir lydir. Þa runnu til hans⁹ kallar ok konur, bæði ungir menn ok gamlir, [frialsir ok anaudgir¹⁰. Þa mælti hann vid þa alla saman: Gerid þer idran [fyrir syndir ydrar¹¹, þviat nu nalgast ríki hinna, þat er brutt tekr ríki manna¹². En gud vill gefa ³⁰ ríki sitt rettruunndum monnum; i þvi ríki verðr hverr þvi hærri, sem hann er helgari, en syndugir kveliaz þa i eilífum loga, en rettlatir taka fegrd eilífrar dyrdar ok fagnad þann er alldri [verðr endir¹³. Se, hirdit eigi, synir manna, at leita fallvalltra audæfa þessa heims,

¹ [þann (er) allt gott veitir ok lifgar C. ² [velldi sino, en hann ³⁵ greinum ver C. ³ [oss er eigi kentt C. ⁴ vitum C. ⁵ [Skilia ma ek nu um þrenningar tru, en þess vil ek spyria, sem adr var upp hafit C. ⁶ [ek em vit augri spurningo obuen C. ⁷ [kom, sa er C. ⁸ einka tilf. C. ⁹ allar þiadir tilf. C. ¹⁰ [mgl. C. ⁴⁰
¹¹ [synda C. ¹² iardar C. ¹³ [eydzist C.

[at þer megit hallda eilifum fagnadi, þeim¹ er kemr eptir þetta lif, þviat her lifir madr skamma stund, en þar eilífiga. En er otruir lydir heyrdu þessi ord², þa mælltu þeir allir sem einni roddu: Hverr var þar, sa er hingat kemi at syna þat satt, er þu segir?

5 Þa mællti sonr guds vid þa: [Ef þer truid eigi ordum minum, truid þer þa verkunum. Ok til þess at eigi metti efi vera i hiðrtum manna, þa reisti hann .iii^{ia}. dauda menn til lifs, sva sem gudspiollin segia, ok þann einn sem fíora daga hafði i grauf³ legit; þurru fótum gekk hann um sio, ok stodvadi vinda ok hridir⁴; syn gaf hann

10 blindum, en haulltum gaungu, dumbum mal, en daufum heyrn, hreinsadi likpra, en græddi siuka, ok rak diofla fra odum maunnum. Þa aufundudu [illir⁵ menn þess, er margir menn fylgdu honum ok breiddu klædi sin fyrir fetr honum ok kaulludu: Lofadr se sa er kemr i nafne drottins. Þa reidduzt honum Gydingar⁶ ok

15 selldu hann Pilato ialli ok sôgdu hann fiolkungan vera, ok settu rad, til þess at hann væri krossfestr. En er hann sa þat stôða til heilsu [aullum heimi⁷, let hann sig haundla ok binda ok beria ok krossfesta, þviat hann vissi, at i pisl sinni mundi hann stiga yfir diofulinn. En þvi var hann haundladr syndalauss, at allt

20 mannkyn leystizt, þat er adr var bundit synda baundum. Blezadr tok hann bolvan vora æ sik, at hann leysti oss fra bolvan; hleginn var hann, at hann leysti oss fra diofla .hlatri; [þorngerð var dregin æ hofut honum, at vær fordadimzt bolvan þorna ok pîsla, þa er enn fysti madr tok fyrir synd sina; beiska fedu tok hann, at

25 hann bætti þat, er hinn fysti madr misgerði i setri berging; ur fautum var hann færðr, at hann hyldi með miskunnar skrudu odaudligu skemdir fedra varra, þær sem ordnar voru af æggian fianda⁸; æ tre var hann festr, at hann bætti æ pislartre þat, er misgert var æ girndartre; [daudann let hann koma til sin, at hann stigi yfir

1 [helðr halldi þer eilifum fagnadi þess lifs C. 2 or munne guds sonar tilf. C. 3 [Fare þer ok færi mer dauda menn, ok muno þeir risa upp ok sanna þa hluti, er ek segi ydr. Þa færðu þeir honum lik daudra manna, en hann reisti þa upp sidan sofendr(!), ok baro þeir vitni ordum hans, ok reisti hann upp af dauda þa, er þria daga eða fíora hofðu i molldu C. 4 ok sêvar barur tilf. C. 5 rettet; allir B. 6 [illgiarnir menn þat, er allr lydr þionadi honum, ok þeir baru klæði undir fetr honum, þa er hann for til Iorsala. Þa fyllduz yfirgydingar aufundar i gegn honum C. 7 [allri þiôd C. 8 [þorn-giord tok hann a hofud ser, at hann tæke hofudsbana af oss, þann er synda þornar giordu oss; or klêdum var hann færðr, at hann skrydde oss hvitum skrudu C.

hann ok eyddi aullu velldi hans vid vini sina, því er gerzt hafði fyrir orminn¹. En er allar skepnur sa skapara sinn æ krossi pindan, þa skalf iordin, en steinar sprungu, dagrinn flydi, ok sol sortnadi, ok gerdi myrkt i heiminum aullum, tungl fal geisla sinn undir blodligu skyi, ok hurfu skinandi stíornur; iordin beliadi² ok kastadi upp ur graufum likaumum heilagra manna, þeira er vitroduzt ok baru vitni um niðrstigning græðarans til helvitis, er (hann) braut diófuls velldi, ok ste hann deyandi yfer daudann. Af því gaungum ver fegin undir pisler ok bardaga fyrir³ Kristz nafni, at ver vitum eptir þetta it fallvallta lif annat lif ædra, þat er gud syndi postolum sinum, þa er hann var upprisinn af dauda ok ste til himins at þeim æsiðndum. [Um þetta mætti eigi efa hugr manna, þott þrir spakir vottar sannadi þat, en allra hellzt er nu aftekinn allr efi, er hann vitradiz eigi at eins .xii. postolum, nema enn helldr syndizt hann meirr en .c. bredra senn i einum stad⁴. En þeir er sendir voru um heiminn innan at boda þessa hluti, sonnudu mal sin med maurgum iarteinum, þvíat þeir græddu allt i nafni Kristz allzkyns siuka menn ok raku diöfla fra odum maunnum ok gafu lif daudum. [Nu lattu þer eingis annars þickia vid þurfa, en fyrirlata þetta lif af ollu hiarta ok leita annars lifs betra, þvíat sa er truir æ son guds ok þionar bodordum hans, hann verdr eigi halldinn i dauda, helldr leida hann helger einglar i paradisum, þegar er hann andazt. En æhyggia þessa heims bindr ovara hugi manna i morgum fiolskylldum, ok hryggir þa stundum af skaudum, en stundum gleðr þa af fevexti, ok bera þeir fyrir þessu einu lifi æhyggiu ok hyggia eeki at oordnu lifi, þar til er þeir skiliazt vid likame sekir ok sva snaudir, at þeir hafa eeki med ser nema syndir einar⁵. Þetta skyrda ek i skaummu mali fyrir þer, en þu leita [hvers þer þickir frammar þurfa⁶.

Capitulum.

7. Ða fell Tibureius til iardar ok mællti med tarum: »Ef ek hefi æhyggiu fyrir þessu lifi um allr sidan, þa em ek eigi verdr at [audlazt (eilift) lif⁸; hafi heimskir menn fevoxt fallvallt-

¹ [dauda tok hann a sig, at hann gefe oss lif, en hann ste yfir daudann ok hinn forna hoggorm, er dauda velde hof C. ² opnadiz C. ³ saal. C; undir B. ⁴ [Þessu mætti trua, þo at þrir saunnudu, en allra siz ma nu mist(ru)a, er hann let ser soma at synaz eigi at eins postolum sinum, helldr meirr en .cccc. manna saman eptir upprisu sina C. ⁵ [mgl. C. ⁶ [þess er þer þickir vanspurt vera C. ⁷ ber C. ⁸ [finna skin eilifrar sælu C.

rar tidar, en ek [skal (eigi) til einkis lifa hedan af, þott ek hafa til eingis lifat allt hingat til, þviat mer þickir nu hver dvaull ill¹.« Þa snerizt Tiburcius til brodur sins ok mællti: »Miskunna þu mer, brodir, ok dvel eigi [ok leid² mik til fundar vid guds mann, at hann hreinsi mik ok geri mik hluttakanda eilifs lifs.« Þa leiddi Valerianus brodur sinn til fundar vid Urbanum pafa ok sagdi honum alla hluti, þa er gerzt hofðu i þeira ræðum. Urbanus þakkadi þat gudi ok tok feginn vid Tiburcio, ok skirdi hann ok let vera med ser, þar til er hann var ur hvitavøðum færðr, ok
10 kendi honum [kenningar algervar ena næstu viku ok helgadi hann algervan Kristz riddara³. En hann fek sva mikla miskunn af gudi sidan, at hann sa opt eingla guds ok fek margar bænir af drottne. En langt er at tina⁴ iarteinir þeira, af því munum ver skynda mali til pislarsigrs þeira.

15

Capitulum.

8. Almachius Romaborgar greifi let drepa marga guds vini ok let [eigi grafa lik⁵ þeira. En Tiburcius ok Valerianus temdus til þess nætr ok daga at veita dyrligan graupt pislarvottum Kristz, en þeir gafu fe sin þurfamonnum. Þa laustudu illir menn goda,
20 sem iafnan verðr, ok var sagt Almachio, hvat þeir gerdu brednir, eða hversu vegliga þeir grofu þa menn, er hann let bana. Sidan voru þeir teknir ok færðir greifanum, ok mællti hann vid þa: »Hvi gerizt þit otignir ok ęttlerar i nybreytni yckarri, þar sem þit erut tignir at burdum ok gaufgir at kyni? Nu er mer sagt,
25 at þid berit [fe yckart æ herfiliga stafkalla⁶ ok grafit med mikilli vegsemd þa menn, er drepnir eru fyrir glæpi sina. En því mætti þat liklegt þickia, at þeir veri frændr yckrir, er þit gaufgit sva miok.« Tiburcius mællti: »Veri sva vel, at þeir leti ser soma at hafa oss at þrælum, er þu ætlar vera frendr okkra, þviat þeir
30 hofnudu því, er synizt ok er eigi, en þeir fundu þat, er eigi synizt vera ok er.« Almachius mællti: »Hvat er þat, er synizt vera ok er eigi?« Tiburcius svarar: »Allir þessa heims hlutir, er andir manna leida til eilifra kvala fyrir [skamrrar stundar⁷ gleði.«

35

1 [hefe til einskis nyts lifat hingat til, þa skal ek eigi leingr til einskis nytz lifa hedan ifra C. 2 [at leida C. 3 [algiorva atferð i allri guds cristni C. 4 telia C. 5 [onyllða likame C. 6 [aura yckra a fateka menn C. 7 [saal. rettet efter lat.: brevis temporis lætitiam; skamm eða skada ok B; stundlega C.

Greifinn mælti: »Hvat er þat, er eigi synizt vera ok er?« Tiburcius mælti: »Oordit lif ok [piningar þær er illir menn eru kvaldir, ok vitum ver at saunnu, at þat mun fram koma, þott ver megin þat eigi likamligum augum sea¹.« Almachius mælti: [»Hygg ek, at þu segir þetta af þínu hugviti.« Tiburcius svarar: »Eigi mæli ek þat af minu hugviti, helldr af því er byggir i briosti mer.« Almachius spurdi: ² »Veiztu, hvat þu mælist?« »Veit ek, sagdi Tiburcius, at sva man vera, sem ek sagda.« Almachius mælti: »Fyrir hvi ma ek eigi skilia, med hverium æhuga þu mælist þetta?« Tiburcius svarar: »Þvi at kykvenligr³ madr skilr¹⁰ eigi þa hluti er guds eru, en [andligr madr dæmir alla hluti ok dæmizt af aungum sialfr⁴.« Þa brosti greifinn ok let braut leida Tiburcium en þangat Valerianum, ok mælti þa vid hann:

Capitulum.

9. »[Mattu nokkut þess mæla er afstada se, hofutærr þickir mer¹⁵ vera brodir þinn⁵.« Valerianus mælti: »Heyrn þin villizt, þviat hon ma eigi heyra mal vart.« Almachius mælti: »Ecke mannkyn er iafnært sem þit i heiminum, er leitit þess med aullu kostgæfi, er gagnstadligast er life ok heilso, ok fyrirlatid nytsamliga hluti, ok flyit gledi alla, ok rekit allt þat er unadligt⁶ er i heiminum.«²⁰ Valerianus svaradi: »Ek sa um vor⁷ [galaus menn leika æa velle um dag, en skamt fra þeim sa ek akrkarlla vinna erfidliga æa iordu, suma hauggva þorna upp, ok hreinsudu iordina, en sumir fagudu vingarda ok settu nidr alldintre. Þa toku leikmenn at hlæia at verkmonnum ok mælltu sva: Leggit nidr, væsalir, þetta erfidi onytt²⁵ ok leikit helldr med oss, ok farid med oss til dryckiu, ok medit (ydr) eigi æa erfidi sva, ærir menn! En er þeir hofdu þetta (mællt), þa skelldu (þeir) saman hondum ok hlogu at verkmonnum. Sumar kom eptir vor þat sem hvert annat, ok toku akrar manna at friovazt, ok baru alldintre godan⁸ ævoxt æa ser, ok skina allir til³⁰ þessa (dags) vellir, þeir er verkmennt fagudu, med faugrum bloma ok godum ilm. Þa faugnudu þeir, sem ærir voru taldir, en hinir

¹ [eilifar pislir ranglatra; en þeir eru vesalir, er dyliaz vid þat, er þeir sia eigi likams augum C. ² [mgl. C. ³ oskynsamr C.

⁴ [oevanlegr madr dæmir rett um allt C. ⁵ [Svára þu mer³⁵ hyggilegar en brodir þinn, þviat hann er hofudodr ordinn C. ⁶ blidlegt C. ⁷ saal. C; dag B. ⁸ [ofdrykiomenn hlegia ok glediaz, en þar stodu akrkallar hia ok skaro upp þorna ok hreinsudu akrland, en sumir settu nidr alldintre ok giordu apalldrsgard eda vingard.

þottuzt¹ heimskir vera, er sott ok hungur eyddi þeim, ok toku þeir þá at grata ok idraz inndelis sins, ok mæltu þeir med ser: »(Ver toldum at) þessum monnum helgum, at ver rægdum ok fyrirdæmdum ervidi þeira ok lif þeira ok toldum þá heimska vera ok valada, en þeir voru spakir, en ver vorum heimskir ok erir, er ver unnum eigi sialfir ok veittum eigi fullting vinnendum, hellðr hlogum ver at þeim er unno, ok ætludum² þá era vera, er nu siam ver skina i fegrd.« Almachius mælti: »Vitrlega er þat mælt, en ekki kemr þat til þess er ek spurdi.« Valerianus svaradi: »Þu taldir a ok, at vit veitum aura okkra voludum monnum ok tokum vid utlendum monnum ok biorgum fodurlausum bornum ok veitum gofuglegum guds vinum groft; þu telr oss era vera, er ver gleymum eigi eda hlægium med galausum monnum, ok synomz eigi prudbunir fyrir augum alpydu. En su tid mun koma, er ver munom taka laun ervidis vors, ok munom ver þá fagna, en þeir muno grata, er nu dramba i fagnadi sinum. Nu er su tid at dreifa ok at sa akrenn, ok skolu þeir fognod upp skera, er her kasta nidr fogn(o)di.« Greifenn mælti: »Segir þu þat, at ver ok konungar mune hafa eilifan grat, en þer muned hafa eilifan fognod?« Valerianus svaradi: »Hvad ero þer eda konungar ydrir nema himandi manneskiur i heime þessum um stund, ok monu deyia af stundo ok skolu giallda þá skynseme gudi fyrir verk yður ok vellði þat er hann gaf ydr.« Almachius mælti: »Eigi þarf fleiri um þetta at hafa, bloti þid godum vorum ok farit omeiddir i braut sidan.« Valerianus svarar: »Hvern dag ferum vit forn almatkum gudi, en eigi fleirum.« Almachius mælti: »Hverr er einn gud sa er þid þionet?« Valerianus svaradi: »Eingi er annarr gud nema sa einn.« Almachius mælti: »Segi þid nafn þess ens eina guds, er þid gofgit.« Valerianus svaradi: »Nafn guds montu eigi finna, þott þu megir fluga.« Almachius mælti: »Er eigi Odénn gud?³« Valerianus svaradi: »Hordomsmadr var hann ok manndrapsmadr ok odadamadr, at því er skalld yður segia. En ek undrumz þat, af hvi þu kallar hann gud, þvíat eingi ma gud kallaz, nema sa er

ok unno þeir ervidlega. Þá toku leikmennernir at hlægja at þeim ok mæltu vid þá: Leggit nidr, veselir, þetta hit onyta verk ok ervidi, en etit ok drekit med oss, ok mædit ydr eigi i svo miklu ervidi. Þá epto þeir at verkmönnum ok kvodu þá era vera ok skelldu lofum saman. Sumar kom eptir þann vetr, ok rann up akr a velle verkmanna med ollum fogrum bloma ok dýrlegom grosum, ok baro alldentre þeira allzkyns C. 1 Her ender B. 2 æltudum C. 3 Lat.: Jovis ergo nomen non est deus.

syndalaus er ok allra dada er fullr.« Almachius mælti: »Segi þú þat, at þú bróðr kunnit sannan gud, en allr heimr villiz?« Valerianus svarar: »Otallegi lydr hefir við cristne tekit, en þér erud helldr fair, er til einskis erud maklegir nema til þess at kasta ydr í elldd.« Þá reiddiz Almachius ok lét beria hann stongum. 5 En Valerianus mælti með fagnadi: »Sjá dagr er mér hverri hatid gladari, þessar stunddar æska ek mér ævallt.« Kvalamenn baurdu hann ok mæltu: »Hird eigi þú at lasta góð vor ok gydiar.« En Valerianus kalladi á lyðinn ok mælti: »Hyggist þér að, Romaborgar menn, að eigi styggve ydr sjá þess min ne teygir ydr frá 10 sannleik, helldr standi þér upp hraustlega ok fyrirlið góð þau er Almachius gofgar, þvíat í eilífri kvól munu þeir vera, þeir er þau gofga.« Þá mælti radgíafi greifans, en sá hét Tarquinus: »Skynd þú þess þeirra, þvíat ger er sókin, en ef þú dvelr dag frá degi, þá munu þeir veita alla áura sína, ok muntu ekka þat finna.« 15

Capitulum.

9. Þá mælti greifinn, at þá báða bróðr skyldi leida til Odens hofs ok neyða þá til blota, en hoggva báða, ef þeir villde eigi blota. En sá hét Maximus, er þá leiddi til blotahofsens. En hann mælti við þá með tarum: »Hverr kom sva grim(ri) eðri at 20 ykr, at þú villdud glata fegrd (ok) esku ykkar, ok langt sva til dauda sem solltinn maðr til krása?« Tiburcius svaradi: »Alldri munom ver fýsaz at tyna þessu lífi, nema ver vissum fyrir, at annað líf er eilíft eptir.« Maximus mælti: »Hvert ma annað líf vera en þetta?« Tiburcius svaradi: »Sva sem líkamr skryðiz 25 klæðum, sva skryðiz onnd líkam, ok ferra onnd or líkam, sem maðr ferra or klæðum, ok ferra þá líkamr í molld, sá er or molldu var skapadr, ok bíðr þáðan oordinnar upprisú, en ond er leidd til paradísar selu, ef hun er heilog, ok bíðr þáðan tíðar upprisú sinnar.« Maximus mælti: »Fýsaz munda ek at hafna þessum 30 heime, ef ek metti víst víta annað líf, þat er þú segist vera.« Valerianus svaradi: »Ef þér er þess eins vant at algiorre trú, at þú villt reyna, hvort víti segium satt eða eigi, þá mun drottinn luka up augo þín á þeirri tíð, er við bróðr leggium níðr líkame okkra íardlega fyrir guds nafne, ok muntu þá reyna dyrd hins 35 oordna lífs, ef þú heitr því, at þú muntt af ollum hug idraz villu þinnar.« »Synit þú mér þat er þú hetud, qvæð Maximus, en ek verð þá elldingu lostinn, ef ek iata eigi þeim gudi einum, er

annat líf gerir eptir þetta líf.« Þá mæltu báðir bræðr: »Efa þu þat af þíslarmonnum í dag, at þeir dæle þísl öðkra, ok leidd okkr til þús þíns, ok síem vit þar varðveittir í nott; en vit munum þangat koma þeim manne, er þig mun hreinsa af synda saure a þesse
 5 nott, ok muntu þegar sía þat, er vit hetum þer.« En er Maximus leiddi þa til þús síns, þa tok hann trú af kenningum þeira ok hía hans oll, ok þíggudz til þísla allir þeir, er þeim fylgdu til hófsens. Þa kom heilog Cecilia til þeira um nottina með kenne-
 10 monnum, ok voru allir skírdir, þeir (er) trú toku. En er morgenn kom, þa mælti Cecilia við þa: »Heilagir Krístz¹ ríddarar, verþit² af yðr myrkra verkum ok skryðiz líosi, gott hafit þit þreytt ok lokit vel erfíði ok varðveitta trú; farit nú til dyrdarlífs, þess er rettlatr domandi gefr yckr ok ollum þeim, er elska hans tilkvomu með godum vílía.«

15 Um þíníng bræðra.

10. [Bær sa var fíorar mílor fra Romaborg, er þíodgata læ fyrrí framan dyr hía hóf Þors, ok var hverr þínðr, er eígi víllði blota Þor³. En er helgír bræðr komu þangat ok víllðu eígi blota skurðgodínu, þa voru þeir þar⁴ sverði slegnir, ok skílduz vít líkam-
 20 lígt líf, ok toku þeir víts eílífa dyrd. Þá leit Maximus til hímens ok mælti þetta: »Ek sa eíngla guds skínandi sem sol a þeírí stundu, sem þeir voru hógnir bræðrnir, ok sa ek andír þeira í líkíng býartra meýía, þa er þær skílduz vít líkami, en eínglarnír toku þær í fadm sér ok flugu til hímens með þær.« En er
 25 Maximus sagði þetta með tárú, þa toku margír trú af orðum hans ok hurfu fra blotum skurðgoda. En er Almachíus fann þat, at Maximus var krístinn orðinn ok hía hans oll, þa lét hann taka hann ok bería bývondum⁶ til bana, ok fór hann til þess lífs, er hann trúði ok elskaðí. En Cecilia [grof líkam hans hía þeim
 30 Tiburcío ok Valeríano, ok er þeim öllum saman míníng halðín um vorít .xi. nottum fyrrí gagndagenn eína⁷.

1 Med dette Ord begynder atter A. 2 kastit C. 3 [Stadr var kalladr Pagus, sa var fíorar mílur fra Romaborg, þar la þíodgata í gegnum Odens hóf, en menn voru fengnir til at þína hvern þann, er þar gekk ínn, sva (at) eígi blotaðí skurðgodum eða ofraði þeim nock-
 35 uro C. 4 þegar teknír ok grímlega þínðír ok síðan með tilf C. 5 mgl. C. 6 býsvípum C. 7 [tok líkam hans ok lagði hann í nygía ste(n)þró hía þeim bræðrum C.

Fra Cecilie.

11. Sidan fretti Almachius at aurum þeira brædra, ok let hann taka Ceciliam, er líkliguz þotti vera at vita aura þeira; en hun hafði allt gefit [fataekium monnum¹, þat er þeir höfdu eptir att. Þa var hun leidd til blotz, at hun brendi reykelsti fyrir skurd- 5 godum. Þa mælti hon wit þa, er hana leiddu til blotzins: »[Hlydi þer mer, borgarmenn!² Þer eru þionar domanda ydvars, ok synizt ydr, sem þer munit eigi verða hluttakandi illzku hans, þott þer giörít þat, sem hann bydr ydr. [Ek em alfus at taka pislir fyrir nafni Kristz, en ek harma ydr, er þer gait 10 eigi ydar ok gerit þat, er omilldr domandi bydr ydr at gera².» Þa toku riddarar ok þionar greifans at harma³, at svo fögr mæri ok gaufug villdi deyja, ok badu þeir hana, at hun tyndi eigi svo mikilli fegrd i dauda sinum. Heilög Cecilia svaradi: »Þetta er bot fegrdarinnar (helldr) en tion, svo sem at taka gull 15 vit eiri eða dyrligan gimstein vit grioti, eða [selia herfiligan kofa ok taka wit höll mikla prydda gulli ok gimsteinum,⁴ eða selia þann grip, er bratt skal faraz, ok taka þann fyrir, er alldri skal fyrnast ok eigi spillaz ne fyrirfarast. En ef nöckurr [væri sa kaupstadr, er menn mætti taka gull iafnmikit vit eiri, hvat mundit 20 þier þa nema renna fegnir til þess stadar⁵ ok kalla með ydr frændr ydra ok mæga ok vini ok alla astmenn ydra; en ef nöckurr villdi ydr aptr kalla með tærum ok teldi ydr oradlikt ath selia allt eir ydvert, hvat mundut þier nema hlæia at þeim sva sem ath ærum monnum eðr vitlausum, en þer mundit sialfir skunda ok 25 fagna því, at þer mættit taka [iafnmikit gull vit eiri ok missa einskis penings i tölu eða vog⁶; en gud gefr eigi iafnmikit⁷ sem hann tekr, helldr gefr hann hundratfallt vit einföldu ok veitir umfram lif eilíft. Truit þer, ath svo er sem ek segi ydr.« En þeir svorudu allir svo sem einni röddu ok mællto: »Truum ver 30 Krist son guds vera, þann er ser waldi slíka ambatt [sem þu ert⁸.« Þa mælti en helga Cecilia wit þa: »Farit þer nu ok segit [greifanum, at ek man vikia eptir⁹ ydr, ath eigi hrapi hann pisl minni, ok þa man ek fylgia hingat kennimanni þeim, er ydr mun

1 [þurfamonnum C. 2 [tilf. C. 3 at klaukva, ok kunno því 35 illa C. 4 [mikla holl gulli skrydda við litlum kofa ok ovirdulegum C. 5 [bydr ydr i dag iammarga gullpenninga, sem hann (r.þer) selldud eirpenninga, hvað mundu þer nema renna gladir til þess torgs C. 6 [ianhofugt gull við grioti eða eire C. 7 ianhofukt C. 8 [tilf. C. 9 [hinum vesala greifa, at ek hafi latit at C. 40

alla giora hluttekendr¹ ens eilifa lífs.« En sva var gert, sem hun mælti. Þá kom Urbanus pafe ok skirdi i husi Cecilie meir en .xl.² manna. En sa er þeira var æztr het Gordianus, hann lagdi sina eigu æ huss Cecilie, til þess at Urbanus pafe [mætti þar wera, ok kristnir menn sækti þangat leyniliga tídir hans ok kenningar. En þott þar væri leyniliga guds þionosta framin, þa sömnoduzt þar hvern drottinsdagh nockurir gudi til handa fra diöfuls velldi.³

Fra Cecilie ok greifa.

12. Eptir þat let Almachius leida Ceciliam fyrir domstol sinn ok mælti vit hana: »[Hverrar kindar⁴ ertu?« Cecilia svaradi: »Ek em [göfugra manna ok tiginna⁵ ath kyni.« Almachius mælti: »At tru þinni spurda ek helldr en ath kyni.« Cecilia svaradi: »Heimsliga hefzt spurning þin, er [þu ætladir i einu ordi mega lyktazt þat, er tvenn svör liggia til.⁶« Greifinn mælti: »Hvadan kom þer [svo mikil dirfd til ath svara mer svo, tignum manni⁷?« Cecilia svaradi: »Af godu [viti ok ologinni⁸ tru.« Almachius mælti: »Weiztu eigi, hvert welldi ek hefi?« Cecilia svaradi: »Þu veizt eigi sialfr, hvert velldi þu hefir; en ek munda segia þer, ef þu spyrdir mik eptir velldi þínu.« Almachius mælti: »Seg þu, ef þu þickizt vita.« Heilög Cecilia svaradi: »Allt welldi manna er sem [vin(d)bolldr se blasinn, er svo syniz sem fullr se ok þrutinn⁹, en hann visnar allr, þott einni nælo se stungit æ honum.« Almachius mælti: »Af oskilum hoft þu mæl þitt, ok helldr þu enn þeim.« Cecilia svaradi: »Þat er oskila mal, ef madr lygr; því finnst þu sonnur æ því, ef ek hefi lög, ella hirtu sialfan þik, ef þu mælir lygi.« Greifinn mælti: »Veiztu eigi, ath konungar vorir budu at pina þæ menn, er eigi neita sik kristna vera, en lata hina undan ganga, er því neita?« Heilög Cecilia svaradi: »Konungar ydrir villazt sialfir sem þer, ok lög, [þau sem þu kallar konunga ydra sett hafa, syna, ath þer erut grimmir, en vær saklaus; þvíat ef nafn þetta væri eigi gott, þa myndim vær

1 saal. A og C. 2 fioratugu C. 3 [skyldi þar mega leynaz ok adrir cristnir menn med honum. En at hverium drottinsdegi sömnuduz þangat leynelega nockurir, þeir er toku tru ok hurfu fra heidni C. 4 [hyers.kyns C. 5 [gaufug ok tigin C. 6 [tvenn svor liggia til einnar spurningar C. 7 [sia dirfd at svara sva kynduglega C. 8 [hugskoti ok sannri C. 9 [belgr blasenn, sa (er) þegar slaknar ok vesnar C.

þrautarlaust neita þvi, en þer mundit ok eigi neyda oss til með pislum¹ at iata.« Almachius mælti: »[Lög þessi settu þeir fyrir milldi sinnar sakir, at þer mættid vel lifa.« Cecilia svaradi: «Ecki er sidr milldlikt ok gagnstadligt enu retta², en læta þa undan ganga omeidda, er þer reynit ath sönnu, at sekir se, en oss, er þer vitit at saklaus erum³, gefit þer nafn eitt ath sauk, ok þat nafn, er vær vitum vist ath heilagt er, ok mæ þat með eingum kosti verda, ath vær neitim þvi, þviat betra er at deyia sælliga en at lifa vesælliga. [Vær segium satt, en þer beidit oss liuga, þvi kvelium vær ydr meir i reide, en þer oss i pislum⁴.« Almachius mælti: »Kios þu nu [um tvo kosti, annattveggia at þu seg, at þu ert eigi kristin, ok skalt þu þa undan ganga, eda þu mant elligar (eigi) fordazt pislir⁵.« Þa brosti en sæla Cecilia ok mælti: »[Se þar domanda berliga hneyktan fyrir ranglæti sitt; hann beidir, ath ek neita sakleysino, en ægir pislum, ef ek neita eigi. Ef þu vill mik fyrirdæma, hvi beidir þu þa, at ek neita sakleysinu? En ef þu vill mik lata undan ganga, þa matt þu reyna hit sanna⁶.« Greifinn mælti: »Nær eru þeir nu, er þik rægia ok segia, at þu ert kristin. [En ef þu neitar þvi, þa skolu rogsmenn þinir giallda lygi sinnar, en ef þu villt eigi neita, þa skaltu giallda heimsku þinnar⁷.« Cecilia svaradi: «Róg þeira er mer þekt, ok pisl su er þu ægir mier, hun er mer sigr. En þu [þarft eigi at ætla mik heimska, helldr ertu sialfr heimskr, er þu ætlar⁸, at ek muna neita Kristi.« Almachius mælti: »Veiztu eigi, vesöl, þat, at mer er gefit valld af konunginum at lifga ok at deyda, ok mælir þu þvi af svo miklo drambi.« Cecilia svaradi: «[Annat er dramb en annat er stadfesti.⁷ Ek mæli af stadfesti vit þik, en eigi af drambi, þviat [ek ræki⁹ ofmetnad ok dramb; en ef þu [skammadiz eigi at heyra hit sanna, þa man ek þat syna, at þu hefir

¹ [þeira syna ydr grimma en oss saklausa, þviat ver mundum neita þessu nafne, ef þat veri illt, en þer munduð neyda oss C. ² rettet; ena rettu A. ³ [Af milldi sinne settu þeir þessi log, sva at þeir gefi hegryði lifi ydr. Cecilia svaradi: Ekke er iafngrint ne iam-

gagnstadlegt rettleiti sem laug ydr, er þer latit alsakada menn undan ganga, en þer fait oss sakir, er þer vitit saklausa vera C. ⁴ [mgl. C. ⁵ [annattveggia, at þu neita þik cristna vera ok fordazt sva pislir, ellegar mun ek lata þina þik morgum pislum til bana C. ⁶ [Villtr er domande sia, er þess beidir, at ek liuga ok neita ek menn saklausa vera. Ef þu villt fyrirdæma, hvi beidir þu at ek liuga, en ef þu villt undan leysa, fyrir hvi villtu þa eigi spyria hins sanna C. ⁷ [tilf. C. ⁸ [matt eigi saka mik um heimsku helldr sialfan þik, er þu hyggir C. ⁹ [ver orþkium miok C.

berliga logit, svo at alþyða mæ þat reyna ¹. Greifinn [mælti:
 »Hvat hefi ek ² logit?« Heilög Cecilia svaradi: »Þú sagdir
 konunga þína hafa gefit þer velldi at lifga ok at deyða, þar sem þu
 hefir til þess eins velldi tekit, at þu megir deyða, þvíat þu matt
 5 taka lif fra lifendum en gefa eigi lif daudum. Seg þu ok þa, at
 konungar þínir letu þik verða dauda þion, en þu lygr, ef þu segir
 þik nockut framarr hafa tekit valld af þeim.« Almachius mælti:
 »Legg nidr þu þegar dirfd þína ok blota gudum vorum.« Cecilia
 svaradi: »Hvar mistir þu augna þinna, er þu segir þat gud vera,
 10 er ek ok allir [heileygir menn ³ mega sia, ath steinn er ok bly
 eða eir.« Almachius mælti: »[Standaz matta ek þat, þott þu
 hneyktir mik i ordum, en þat ma ek eigi standaz, er þu fælir
 gudin⁴.« Cecilia svaradi: »Sidan er þu laukt munn upp, þa
 [mælir þu ecki, nema annathvart fylgir heimska eða lygi, en nu
 15 synir þu þik blindan likams augunum sialfum⁵, þar er þu kallar
 þat gud þin vera, er vær siðam oll, at stockr ok steinn er. [Nu
 man ek kenna þer ræð, ef þu will, freista ok þreifa wm, ok vit,
 ef þu megir kenna handanna, þo at þu hafir mist synarinnar⁶;
 þvíat usæmiligt er, ath allr lydr hlæi at þer, þvíat hverr maðr veit,
 20 at gud er æ himnum, en þessi [mannlikan væri nytri, at brend
 wæri til líms, er nu eru þau at eingu nyt ok mega hvorki biarga
 ser ne ðdrum⁷.

Pinsler Cecilie.

13. Þa reiddizt Almachius ok let [heim leida Ceciliam til
 25 husa sinna ok let þar giora⁸ elld mikinn. En er hun var byrgd
 i svo miklum hita, þa stod hun dag þann allan ok nottina osaukut
 svo sem i kaulldum stad, ok eigi sveittizt hun. En er Almachius
 fra þat, þa sendi hann mann til at höggva hana þar þegar inni i
 hitanum. En sa hio til hennar þrysvar ok matti eigi hoggva

30 ¹ [hræðiz eigi at heyra satt, þa lattu af at linga ok hlyða sonnu C.
² [saal. C; svaradi, hvat hann hefði A. ³ [rettet; heileigir menn
 A; þeir er heil angó hafa C. ⁴ [Bera matta ek þolinmodlega
 mina meingjorð, en þat mun ek þer eigi sittia, at þu hallmælir godum
 vorum C. ⁵ [mæltir þu þat eitt, er heimslegt var ok onytt, en nu
 35 synir þu þig blindan at likams augum sem at hugskoti C. ⁶ [þreifa
 þu hondum um, er þu matt eigi sia C. ⁷ [likneski væri maklegri
 til þess, at stræti veri þiliud með þeim, er nu standa hier onyt ok
 mega hvorki biarga ser ne oðrum, þo þeim se i elld kastad C.
⁸ [kasta Cecilio i brennanda bal oc let kynda C.

höfuf af henne; en þat voru lög þeira at höggva eigi optar enn sama mann. En hin sæla Cecilia [lifdi þria daga i sárum ok let eigi af at styrkia meylar þær, er hon hafdi fæddar, ok skipti hun med þeim allri eigu sinni ok fal þær æ hendi Urbano pafa, ok mælti hun vit hann: »Til þess bad ek þriggia daga frest af drotni minum, at ek fæla þer a hendi þessar meylar, ok leta ek hus mitt til guds þionustu.« En er hin helga Cecilia andadiz, þa grof Urbanus pafe likam hennar hia lagsmonnum sinum helgum byskupum, þar sem grafnir voru margir þislarvottar guds ok iatarar, en hann let kirkiu gera or husi hennar, ok verda þar margar iarteinir i minning heilagrar Cecilie veittar af drottni vorum Jesu Kristo, þeim er (med) fedr ok helgum anda lifir ok rikir einn gud i þrenningu um allar alldir allda¹. Amen.

Um iarteignagerd Cecilie.²

14. Þorgils het madr, hann tok fotarmeinn mikitt, ok laust verk i knelidinn, ok brendi læknir med iarni undir kneskelina innan fotar, ok fell or vogr mikill. Þa var hafdr i kerri, ok giördizt æ hol mikitt, ok laust i akafigum verk, ok bles allan fotinn; þa er hann stod æ hinn heila fot, toku tær en(s) sára fotar

1 [hafdi margar heilaglegar kenningar fyrir meylum sinum, medan hon lifdi, ok bad þædi ser ok oðrum eilifrar myskunnar af allzvalldanda gudi, ok bad þær stodugar (vera) i tru sinne ok minntiz vid þær allar. En sidan andadizt hon af sárum þeim, er hon var hoggvin, ok toku einglar sal hennar ok fluttu til himna i eilifa dyrd. En sidan kom Urbanus pafi med kennemonnum sinum ok toku likama hennar ok smurdu med dyrum smyrslum ok grofu med mikilli dyrd, þar sem grafnir voro þislarvottar guds ok byskupar. En hann giordi kirkio or huse hennar gudi til lofs ok dyrdar ok sancte Cecilio, ok verda þar margar guds iarteignir i minning sancte Cecilio allt til þessa dags, ok hverr sem a hennar nafn kalladi ser til myskunnar ok hialpar, i hverium naudum sem hann var staddr, iamvel þo at siukir menn eda sarir eda hvad sem at meine var; sva ok ef menn kolludu a nafn sancte Cecilio ser til hialpar eda fenadi sinum eda gripum, ef siukt vard eda lama, dautt eda meitt, þa veitti allzvalldandi gud fyrir arnadarord sancte Cecilio iamskiott hialp ok myskunn þeim ollum ok reisti upp af dauda þædi menn ok fenad, sem vida er getit i iarteignum sancte Cecilio þædi i oðrum londum ok hier, þo þær se eigi hier sk(r)ifadar. Nu beidum ver þess allzvalldanda gud ok sancte Cecilio, at þau sendi heilags anda nad i vor hiortu þædi heyrendum ok lesendum, svo at ver hofnum ollum illum hlutum en vegsömum gud at eilifu C. 2 Capp. 14 og 15 findes kun i A.

- iafsnitt aukla. Honum var fylgt til Husafellz til Þorarins ok Brandz, þviat hann var frændi þeira. Hann kom þar faam nottum fyrir Cecilio messo. Gudrun Ospaksdottir modir Brandz hafði mikla virðing æ Ceciliu ok let heilagt dagh hennar ok fastadi fyrir. Þa var eigi lögheilagr dagrinn. Þar skyldi syngia messu um daginn, þviat þar var þa eigi heimilisprestr. Þorgils beiddiz at fasta um daginn fyrir ok svo nottina. En menn lauttu, ath hann fastadi siukr madr. Þorarinna mællti, at hann skyldi fasta, ef hann villdi, ok kvad þat eeki mundu standa fyrir heilso hans.
- 10 Hann for i hvilu um kveildit, ok sofnudu menn, ok stundu fyrir dag voknodu menn wit þat, er Þorgils kalladi hátt ok mællti: «Gud hialpi oss ollum, ek em heill ordinn.» En fyrir voveifigan atburd ugdu menn, at wifirring mundi at honum komin. En Þorarinna mællti, at lios skyldi gera ok vita, hvat um leid. Ok
- 15 er lios kom, sat Þorgils upp i reckiunni, ok lægu rettir fætr hans bædir ok voru þa iafnlangir. Þa for Brandr Þorarins(son) til at sia, ok fleiri menn, ok spurdi, ef hann vissi nøkut til, hveriu um sætti. En hann sagði, at honum þotti .ii. illiligr menn koma at ser, tok annarr i hær honum, en annarr um fotinn sara, ok kiptu
- 20 honum or reckiunni, ok var honum miok illt vit. Þeir drogu hann ut, ok var myrkt uti, baro þeir hann stundum, en drogu stundum, ok foru illa vit hann. En hann bad þa eigi kvelia sig sva miok. Þeir kvoduz honum þangat skylldu koma, sem miklu væri verra, ok saugdu hann sinn mann vera. Þa þottizt hann
- 25 heita a gud almatkan til miskunnar ok æ helga menn til arnadarordz, ok þotti honum eigi skipaz vit. Sidan tok annarr þeira i briost honum ok sleit or honum hiartad, ok vard honum svo illt vit, sem þa mundi, ef þat væri at honum giðrt, ok þa aurvænti hann ser fulltings. Þvi næst brá yfir hann liosi miklu, ok syndizt
- 30 honum kona ung ok frid, ok hafði dregil um höfud, ok fell fagrt hær æ herdar henni. Hun tok um handlegg honum, þa stueku fiandr æ brótt, en hun tok hiarta hans or hendi annars þeira ok lagði aptr i briost honum, ok fylgdi honum sidan til reckiu sinnar ok mællti vit hann: «Illa vartu staddr, Þorgils, sagði hun, þer er
- 35 þetta draumr, en þo er sva sem þu vakir; þu ert ordinn fyrir reidi guds af galeysi þinu, þvi vartu selldr diðflum, at þer var synt, hvers þu vart verdr. En af þvi sleit annarr þeira hiarta or þer, at þa tok hann vit fra þer, ok mundir þu vakna or svefni þessum eigi þer til nytia helldr til hadungar, ok mundir þu vitlaus
- 40 vera, medan þu lifdir. En ek sa aumr æ þer, af þvi ath þu

fastadir fyrir dagh minn ok hetz a mik til fulltings. Nu man ek rada þer ræð nockur: þu skallt fasta .vi.dægru fyrir Andres messu þria vetr med siaunda mann, ok skalltu bidia, at menn veiti þer föstuna til guds þacka, ok segia hvi þat sætir; þu skallt lata gera kerti at messudeghi minum, þat er taki um fot þer, ok 5 skalltu bidia þer ok vax til; þu skallt ok gæ þin betr hedan af en her til; skalltu godr vera handa þinna, ef siukir menn þurfa eda særir, af því at þer mun þess audit verða, at betr man batna vit þat, er þu tekr æ, en fyrr hefir verit». Sidan tok hun um fot honum fyrir ofan kne ok strauk wm kneit, hun þreifadi i dilann 10 ok sleit þar or nockut ok kastadi i brótt, strauk fotinn allt ofan til aukla ok hnykti fætinum, ok þa vaknadi hann. Sidan litu menn æ fotinn, ok var af fotbandit ok laa þar i ruminu, en dilinn var fullr ok nyrent yfir skinnit, en kerinn fannzt eigi, ok var leitad. Þorgils geok ut til messu um daginn med heila bada fætr. 15 Hann lifdi þria vetr þadan ok gerdiz athugamadr ok andadiz hinn næsta dag fyrir Andres messu.

larteign gerr Hallbirne.

15. Hallbiörn het madr, er bio i Hvítarsíðu i Hvammi, hann dreymdi um vetrinn eptir allra heilagra messu, at hann væri 20 i lambahusi síno, en laumbin þustu at honum, ok vard hann undir fotum þeim; þau gengu bæði æ höfud honum, ok allan hann tradu þau undir fotum, ok vard hann hræddr miok ok þotti ser vit bana hætt, ok het hann i hug ser at fasta fyrir Cecilio messo. En hann var því eeki vanr adr. Sidan vaknadi hann or svefni 25 þessum ok efndi þat, er hann þottiz heitid hafa. En fimtunottina fyrsta i íolafostu vaknadi hann or svefni vit þat, at odaverkr var kominn i höfud honum, en hann var sva daufr ordinn, at hann matti eigi heyra, þott æpt væri at honum. Þessum vanmætti hellt halfan manud. En fimtunott i ymbrodaugum dreymdi hann, 30 at kona kom at honum ung ok fríd, hun hafdi dregil um höfud, ok fell hær fagrt aptr æ herdar henne. Hon mælti: »Þú punkt mattu, Hallbiörn, ok ma vera, at sia vanmattr þinn halldizt þria vetr; en ek man kenna þer ræð: far þu upp til Husafellz ok lat Brand Þorarinsson gera at þer, en ek man beina at med 35 honum, þvíat ek a þar heima.« Þa vaknadi Hallbiörn ok sagdi drauminn, «ok trúi ek því, sagdi hann, at ek man þar heilso fa, sem mér er til visat.» Þa villdi hann þegar fara, en menn lauttu

hann þess ok ætludu, ath vera mundo höfutorar þat er hann mælti. En bædi höfutverkir hans ok ðeyfi þa hellduzt. Siönda dag iola foru þau Hallbiörn ok Vilborg upp i æs til Hrafnas brodur hennar, ok voru þar um nöttina. Hrafn latti, at þau færi leingra. En er Hallbiörn fann, at dvaldizt faurin, þa mælti hann: »Fara man ek, þott ek fara einn.« Ok geck ut. Hon geck þa ut eptir honum, ok foru þau um daginn upp til Husafellz, ok er þau komu þar, þa sagdi Hallbiörn atburd meinsemdar sinnar. Þau voru þar um nöttina, ok bad Vilbörg Brand gera at meini Hallbiarnar, sagdi, at honum voro ord til send. En hann kvedz eigi kunna, en þo let hann baka höfud hans, ok tok fiadrstaf ok setti i eyra honum ok ætladi at heimta or blod. En hann matti þat eigi nyta fyrir þeim sarleik, er i var hlustinni, ok var þa lokit atgerd Brandz. Þar dvolduz þau hinn niunda dagh iola. En um kvelldit er menn satu undir bordum, þa bad Vilborg, at Brandr mundi nockuro heita fyrir honum. Hann lagdi þat til, at þau hion fastadi .vi.dægru fyrir Cecilio messo, medan þau lifdi, ok leti heilagt um daginn, ok hiu þeira öll, medan þau væri i bui; en þa var eigi messudagr hennar i lög leiddr; þau skyldu gera kerti þat, er tæki um höfud honum, ok senda til Husafellz hvern vetr at hatid hennar. Sidan foru þeir i reckiur, ok litlu fyrir dag gengu þau or rumi Hallbiörn ok Wilborg, ok spurdi madr, hversu hann mætti, en hon sagdi saman matt hans. Ok er þau komu i reckiu, sofnadi hann fast. En Brandr reis upp at hringia til tida, ok er klockan kvad vit, þa vaknadi Hallbiörn ok for þegar i klædi sin ok geck ut til kirkiu. Þa geck kona nöckur inn i skalann ok vakti Sigvat prest ok sagdi, at Hallbiörn var heill ordinn. Sidan for hann til kirkiu, ok fagnar Hallbiörn honum vel. Prestr spurdi, hvort hann heyrdi iafnt badum eyrum, en hann letz sva heyra, sem hann hefði alldri daufr verit; segir sidan, ath þa er hann kom i hviluna, sa hann lios mikit um skalann allan; þa kom kona upp i reckiugolfit ung ok frid ok fögr, ok hafði dregil um höfud, ok hær fell aptr a herdar henne; hun mælti vit hann: »Þess skalltu at niota, er þu hetzt æ mik ok fastadir fyrir dag minn.« Þa lagdi hun hendr sinar yfir höfud honum ok eyro, en hann vaknadi alheill. Sidan for hann heim enn tiunda dagh iola ok þackadi gudi heilsu sina ok hinni helgu mey Cecilie. per omnia secula seculorum. amen.

CRUCIS LEGENDÆ.

I.

ORIGO CRUCIS.

(Cd. 544 *qv.*, *Hauksbók*).

Huadan kominn er + drottins.

Sva er sagt síðan Adam hafði syndina gerua i paradiso ok hann var þaðan brott rekinn i einum skinnstakki firir syndina, þa bað hann guð miskunnar firir ser ok sinu afkvæmi; var honum þa heitið af guði, at við enda heimsins skyldi guð gefa honum miskunnar oleum, er allt hans kyn skyldi græða. Var Adam síðan 10 ok hans kona Eva sett niðr i dal þeim, er Ebron heitir ok hann var skapaðr i a Iorsalalandi, ok þoldu þau þar mikit erfiði ok iðruðuz iafnan gloeps sins. Þau bygðu þar ok attu mart barna, ok var síðazti sun þeirra Seth, er guð gaf þeim i stað Abels, er Kain hafði drepð. Adam hafði lifat .ix. c. vetra ok .ii. vetr ok .xxx. 15 i dalnum Ebron, ok einnhvern dag studdi hann sik með oxi sinni ok tok at ryggiaz ok hugleiða mart, þvíat hann sa mikinn vandskap upp renna i heiminum af sinu afkvæmi, ok leiddiz honum þa lengr at lifa. Hann kallaði þa til sin Seth sun sinn ok mælti til hans: «Sun minn, ek vil senda þik til paradisum til Cherubin 20 engils, er geymir listresins með loganda sverði.» Seth svarði: «Ek vil giarna fara, hvert er þu byðr mer, ok visa mer vegenn ok seg mer, hvat ek skal englinum segia, þeim er þu sendir mik til.» Adam sagði: «Seg englinum, at mer leiðizt at lifa, ok bið hann af minni halfu kunnigt gera þer ok mer um þat miskunnar 25 oleum, er guð het mer, þa er hann rak mik or paradiso.» Þa er Seth var til þessar ferðar buinn, sagði Adam, at hann skyldi ganga i austr, ok «mantu hitta einn dal firir þer, ok man þar upp

hefiar vegr grœnn, ok at þu kennir þann veg giorr, þa mantu
 hitta fotspor min ok moður þinnar svarðlaus ok svart, þau er við
 gengum, þa er við vorum rekin ór paradiso ok hingat i þenna
 sorgardal. Enn sva voru storar syndir okrar, at alldri síðan vox
 5 þar grœnt gras, er við gengum, þa er við vorum or paradiso rekin,
 þar til er við komum hingat.» For þa Seth til paradisum eptir
 tilvisan foður sins, ok er hann kom i vegen, þa undraði hann
 liosit ok skinit, er i paradiso var, ok fell til iarðar af ræzlu ok
 hugði, at þat væri elldz lios, er faðir hans hafði varað hann við, at
 10 hann skyldi signa sik marki því er Bethel heitir firir liosinu, ok
 komzt Seth sva með heilu fram til paradisum. Þa er engillinn
 sa Seth, þa spurði hann, hvi hann var þar kominn. Hann svaraði:
 «Faðir minn Adam moðr af elli, er nu leiðiz at lifa, sendi mik hingat
 ok biðr, at þu virðiz at tia honum með mér sannindi af því misk-
 15 unnar oleo, er guð het honum.» Engillinn svaraði: «Gakk til paradis
 dura ok rett inn hofuðit eitt ok geym at vandliga, hverir lutir
 þer synaz i paradiso.» Ok hann gerði sva. Ok er hann hafði inn rett
 hofuðit um dyrnar, þa sa hann sva mikla fegrð, at engis mannz
 tunga matti or leysa, i ymsum kynum avaxtar ok blomstrs, fugla-
 20 song ok utoluligum ilmum ok sætum þef. I miðri paradiso sa hann
 hina skieruztu kelldu, or þeirri kelldu runnu .iiii. ar, or sva heita
 Phison Geon Tigris ok Euphrates. Enn þessar .iiii. ar fylla vatni
 heim allan. Enn ifir kelldunni sa hann apalldr einn standa með
 morgum greinum ok þo barklausan. Hann undraði miok, hvi þar
 25 var barklaust, ok er hann minntiz a fotspor foður sins, er hann
 hafði i veginum sét svart ok graslaus firir synda hans sakir, með
 sama hætti þottiz hann vita, at þetta tre var svart sakir synda
 foður hans ok moður. Síðan veik hann aptr til engilsins ok sagði
 honum allt, þat er hann hafði sét. Enn engillinn bauð honum at
 30 ganga aptr annan tima, ok er hann kom aptr, þa sa hann orm
 einn, er skreið umhverfis apalldrinn þann nokta. Ok er hann hafði
 þetta undraz, þa veik hann enn aptr til engilsins. Þa bauð eng-
 illinn honum þriðia tima aptr at vikia ok geyma giorr at, hvat
 honum syndiz. Enn þa er hann kom aptr, þa sa hann fyrr
 35 nefndan apalldr uppvaxinn til himna, ok efst uppi i kollinum
 apalldrins sa hann barn eitt gratanda ok sveipt i klæðum. Ok er
 hann undraði þetta, ok hann leit niðr firir sik, þa sa hann roetr
 apalldrins smiuga i gegnum iorðina allt niðr til helvitis, ok þar
 kendi hann salu Abels broður sins. Ok er hann hafði þessa luti
 40 sena, þa vikr hann aptr til engilsins ok segir honum allt, þat er

hann hafði sét. Þá mælti engillinn: «Sveinbarn þat er þu sátt er guðs sun, hann man af skrapa syndir föður þins ok móður, þegar fullnaðr tímans er kominn; hann er þat miskunnar oleum, er þeim var heitið, hann er rett oleum ok mildleikr sannrar elsku.» Þá er Seth villdi brott ganga, ok hann þóttiz val syst hafa sitt erendi, þa fekk engillinn honum .iii. korn or epli því, er faðir hans hafði etið, ok sagði honum: «Innan þeirra þriggia daga, er þu kemr heim, man faðir þinn andazt, skaltu þa þessur korn leggja undir tungurætr honum dauðum. Enn þau munu vaxa i .vii. apalldra stora. Man einn verða cedrus, annarr cipressus, þriði pinus. I cedro undirstondum ver föður, i cipresso sun, i pino andann helga. I cedro undirstondum ver föður, þvíat hann er vanr at vaxa öllum apolldrum hæra. Cipressus, er öllum apolld(r)um þefkar betr, ter oss sætleik sunarins. Enn pinus, er marga kiarna berr, ter oss margfalldar gíafir anda hins helga.» For þa Set heim ok kom heill til föður sins ok móður. Þá er Seth hafði upp tint fyrir föður sinum allt þat, er hann hafði sét ok heyrt af englinum, þa gladdiz faðir hans ok ló viðr. Enn a öllum lifdogum Adáms, fra því er hann var or paradiso rekinn, sa engi maðr hann lægia fyrr enn þa. Ok er hann var sannfroðr orðinn af miskunnar oleo, þa kallaði hann til guðs ok mælti: «Herra minn, lif mitt er nu nóg langt, tak þu nu brott sál mina». Ok innan þeirra þriggia daga er Seth kom aptr or paradiso, þa andaðiz Adam, eptir því sem engillinn hafði fyrir sagt. Seth sun hans iarðaði hann i dalnum Ebron ok lagði undir tungurætr honum þau .iii. korn, er engillinn hafði fengit honum, af hverium er upp runnu .iii. teinungar or munni Adams, ok stóðu með grœnu aldini bæði vetr ok sumar. Enn sva segiz, at þa er guð bauð Moisi at fara til Egipta landz at frelsa þaðan folk sitt, at hann tok af þessum viði þa .ii. vöndu, er hann fekk Moysi, ok þeir bræðr Moyses ok Aron gerðu allar iartegnir með i eyðimorkinni a Israels folki, ok uxu þau .ii. tre ekki síðan. Enn þa er Salomon konungr let gera templum domini, þat let hann höggva þat sama tre er eptir stóð, er or munni Adams var vaxit, ok ætlaði til bita nokkurs i musterit. Enn þat varð annat hvart of skamt eða of langt, hvar sem þat var til ætlat, ok því var þat lagt niðr hia mustarinu. Litlu síðar kom til Salomons konungs drotning su er Sibilla het, enn sumir kalla Saba, hon var or því landi er Ethiopia heitir, hon hefir verit allra heiðinna kvenna vitruzt i verolldinni, hon fór at reyna vitrleik Salomons ok bar upp fyrir hann gatur. Hann reð allar gátur hennar ok öll

hennar vandmæli. Hon sagði honum ok allt þat er hon vissi, utan einn lut leyndi hon hann, meðan hon var þar, enn síðan ritaði hon eptir til hans, at a þvi tre, er við mustarit liggr ok til bitans var ætlat, man sa maðr verða hengdr a, er allir Gyðingar munu af hans dauða hefndir taka ok at niðrfalli verða, ok allt þeira ríki. Síðan lét Salomon taka þetta tre ok sokkva með blyi i eitt stórt fén, þat er hann ætlaði, at alldri skyldi upp koma síðan. Enn þat birtiz i pislartið vars drottins Jesu Kristi, ok kom upp, ok þvi toku Gyðingar þat ok gerðu þar af krossinn ok pindu þar a allzvalldanda guð. Enn eigi morgum vetrum eptir pisl drottins ok upprisú, þa vann Titus Iorsalaborg, sun Vespasiani keisara, ok selldi alla Gyðinga, þa er eigi voru drepnir, i þrældom ok anauð, .xxx. firir einn penning, ok urðu síðan sundrskila ok fóru um allan heim ok fengu hvarki valld ne ríki síðan, ok sannaðiz sua spasaga drottningar¹.

II.

INVENTIO CRUCIS.

(238 folio, A; 233 folio, B).

De invencione sancte Crucis. 2

[A ofanverðom daugom Diocletiani 3 giorðiz sva mikill ofriðr cristnum monnum, at engi hefir slíkr orðit um allan heim hvarki aðr ne síðan. Ríki hans hafði aðr staðet með⁴ bloma, þangat til er hann toe at grímmaz⁵ cristnum monnum. Enn þaðan fra glapn-

¹ *Nederst paa Bladet i Hauksbok stnar med en anden Haand ikke ulig den i Lovcodex No. 60 qv. Følgende:* Þessir eru .xii. heims osomar þeir er tæla allt veralldar líf þa er þeir verða framdir ok draga þa til heluitiss er þeim fylgia sva at eingi rettlétis vorn hlífir þeim. Spakr maðr aan goðum verkum. Gamall maðr gaalauss, ungr maðr uhlyðinn, auðigr maðr aan olmosu, kona vraadvond, Drottinn daaðlauss, kristinn maðr þretinn, valaðr maðr dramblatr, konungr illgiarn, byskup urekinn, þioð kenningarlaus, lyðr lagalaus. ² *Overskriften i B. lyder:* Her hefr upp ok seghir fra þvi, hverss(u) fanzst kross drottins vars Jesu Cristz ok fra þeim ufrídi er Romveriar giordu kristnu folki um alla verolld. ³ [I þann tíma er lídit var fra hígatburd Cristz .cc. vetra var Dioclecius keisari yfir heimi. A ofanverðum dögum hans ríkis B. ⁴ miklum tilf. B. ⁵ gremiaz B.

aði¹ þat allt. Þa hurfo undan honum margar þiðir, þær er langa æfi höfðo þionat Romveriom. Af því giorðiz víða ofriðr mikill, oc matti Diocletianus þa með engo moti einn styra því veldi, sem² undir honum var³. Tok hann þann mann til samveldis oc i keisaradom með ser, er het Maximianus hereulus⁴. Þeir voro síðan baðir enir grimmozsto við cristna menn. Enn sva sem þeir græmdoz cristnum monnum, sva vox ohlyðni manna við þa. Þeir gafo veldi oc konungdom þeim monnum, er annarr het Galerius en annarr Constantius. Galerius atti dottur Diocletiani, er Valeria het, Constantius atti stuipdottur Maximiani, er Theodora⁵ het, oc atti hann með henne .vi. sono. Eptir Diocletianum toc Maximus son hans keisaradom, en eptir Maximianum Maxentius son hans. Þeir voro baðir [blotmenn miklir ok⁶ illir⁶ við cristna menn. Maximus⁷ lifði scamma stund oc varð sottdauðr. England hafði lengi legit undir Romveria, oc var þar þa mart cristinna⁸ manna. A dögum Diocletiani hurfo þeir⁸ undan hlyðni við Romveria, enda eyddiz þar þa cristni aull. Þa sendo [þeir þangat⁹ Constantium með liði myelo at heimta England undir Rómveria. Enn er hann com þangat, þa var þar fyrir höfðingi sa er het Kohel¹⁰, hann sættiz við Constantium með því, at hann skyllði¹⁰ vera konungr yfir England¹¹, meðan hann lifði, oc giallda skatt Romveriom. Litlo eptir fest sattmal andaðiz Kohel, oc eignaðiz Constantius þa allt England. Kohel atti dottor¹², þa er het Helena, hon var allra kvenna vænst oc bezst at ser um flesta luti, hana tok Constantius frillotaki oc gat við henni son, þann er Constan-¹² tinus het. [Hann var¹³ callaðr konungr yfir Englande eptir fauðor sinn; honum til handa flyði fiolði Romveria, af því at þeir þöldo eigi illzsko þa oc grimleic, er Maxentius hafði frammi við alþýðo alla. Litlo síðarr for Constantinus með her mikinn¹⁴ til Romaborgar oc barðiz við Maxentium. Maxentius fell, enn Constantinus¹⁴ varð einn keisari oc hafði þat veldi .xxx. vetra; hann bauð ofrið cristnum monnum ondverða daga rikis sins. Þa laust guð hann licðrá illre oc leiðiligre. Þvi næst com Silvester pavi a fund hans oc skirði hann oc giorði hann heilan af licðra, oc þaðan fra efldi Constantinus cristne um allan heim oc let gera kirkior margar i¹⁵ Romaborg oc víða annars staðar.

1 minkadiz *B.* 2 er *B.* 3 sva at hlit væri at tilf. *B.* 4 ok H. var kalladr öðru nafni *B.* 5 [tilf. *B.* 6 vidreignar tilf. *B.* 7 Maxencius *B.* 8 Englar *B.* 9 [Romveriar *B.* 10 Koel her og senere *B.* 11 Eng-landi *B.* 12 eina barna tilf. *B.* 13 [Constancius andadiz aa Englandi⁴⁰ i Jorvik. Enn þa var Constantinus son hans *B.* 14 miklum *B.*

Fra vikingom. 1

2. A því are er liðit var fra burð Cristz .cc. vetra² oc .xxx. oc þrir vetr, þat var a .vi^a. are rikis Constantini, þa com fioldi vikinga liðs [ad Danubium þeirar ár³, oc voro bunir at ganga a
5 Romveria riki. En er Constantinus spurði þat, þa for hann i moti⁴ með her sinn. En er hann sa, hverso mikit lið vikingar höfðu, þa ægði honum at beriaz við þa. Oc a einni nott syndiz honum maðr biatr yfirliz oc mælti við hann: «Constantine, hirð ægi þu at ottaz, littu upp i himenenn.» Oc se, þa leit hann upp
10 til himens oc sa crossmarc Cristz⁵ a himne sva biart sem elldr væri; þar sa hann oc rituð⁶ þessi orð yfir: [I þesso marki mantu sigr vega⁷. Þa let Constantinus gera crossmarc⁸ af gulli i liking þess cross, er hann sa a himne, oc þann⁹ hafði hann fyrir merki oc let bera fyrir liði sino a mot vikingom. Þa varð orrosta mikil,
15 oc logðu vikingar a flótta um [strandir arennar¹⁰, oc fell af þeim mikill fioldi liðs. Enn keisari vá agætan sigr i crapti ens helga cross.

Elena for til Iorsala. 11

3. Þa er Constantinus keisari var orðinn algiorliga cristinn, ok hann matti skilia af guðsspiollom, hvar drottinn var crossfestr,
20 sendi hann Elenam¹² moðor sina út um haf til Iorsala¹³ borgar at leita [at crossi, þeim er drottinn var pindr á, oc ætlaði hann i þeim stað kirkio upp at reisa, sem¹⁴ crossinn fyndiz. Helena drotning hafði með ser gipt heilags anda oc lagði allan hug til astar oc elseu við almatkan guð. Hon [hafði oc girnd mycla til þess¹⁵ at finna
25 enn helga cross, sva sem sonr hennar hafði henne boðit¹⁶. Hon com ofarliga þess manaðar er Aprilis heitir i Iorsalaborg með myclo fõroneyti oc bað safna at ser myclom fiolda Gyðinga, þeira sem a Iorsalalandi voro. Enn i þann tíma [var Iorsalalorg mioc eydd at bygð oc monnom¹⁷. Þa somnoðoz saman þriár þusundir
30 Gyðinga a fund⁸ drotningar. Hon mælti við þa: «Þat hefi ec lesit af bokom spamanna, at hinir fyrri æ'tmenn¹⁹ yðrir voru astvinir

1 Fra því er Elena for til Jorsala *B.* 2 tiræd *tílf. B.* 3 [til Dunar *B.* 4 þeim *tílf. B.* 5 standa *tílf. B.* 6 ritin *B.* 7 [veg þu með þessu sigr *B.* 8 kross *B.* 9 kross *tílf. B.* 10 [Dunar strandir *B.*
35 11 *B* har ikke her nyt *Capitel.* 12 Helenu *B.* 13 *saal. B;* Roma *A.* 14 [eftir, ef *B.* 15 [lagði mikla stund aa *B.* 16 en hann fannz með þersum atburð, sem her segir *tílf. B.* 17 [lá Ierusalem i audn, sva at þar bygði ecki mannfolk *B.* 18 Helene *tílf. B.* 19 fedr *B.*

guðs. Enn þer hafit alla speð latið at baki yðr, oc þann sem yðr vildi firra¹ bôlván þeire sem, yðr var bôlvat², oc syndi yðr margar iartegnir [af guði³, at þeim hæddut þer oc þann pindoð þer sarliga til bana. Nu hafit þer [lios fyrir myrkr oc satt fyrir lygi⁴, oc er kominn yfir yðr bôlván, su sem rituð⁵ er i lögom yðrum. Nu er rað, at þer ætlit svör fyrir yðr um þat [sem ek mun yðr⁶ fretta. « Þá toko Gyðingar at bera saman rað sín oc leita at þeim monnom, [sem froðir⁷ voro oc laug kunno vel⁸, oc völdo þusund þeira manna, sem margvisaztir voro, oc leiddo þa fyrir Elenam. Hon mælti við þa: «Þer skolot leitaz fyrir vandliga, at þer svarit⁹ með sannendum því mali, sem ec vil at¹⁰ grafa. Ek veit, hversó helgar ritningar hafa fyrir sagt Crist drottin koma myndo i þenna heim, eða hversó¹¹ feðr yðrir dulðoz við hann, þa er hann com. Enn yðr man nu eigi hæfa at dylia ens sanna fyrir mer, sva sem ec man eptir leita. Fæð mer nu [þa menn, er bazt¹⁵ kunna¹² skilia ritningar oc vel megi svara ôllo því mali, sem ek man¹³ upp bera.» Síðan seldi hon¹⁴ þusund Gyðinga riddorom sinom til varðveizlu. Þá kaunnoðo Gyðingar enn af nyio lið sitt oc völdo [fim hundroð þeira manna¹⁵, er visazstir voro, foro þeir a fund drotningar. Þá [spurði hon, hverir þessir væri¹⁶. Þeir 20 svoroðo: «Þessir menn kunna vel laug». Hon mælti: «[Þær eroð af kyni Israel¹⁷, at því sem bækr segia, ok hafit [blindleic hiarta¹⁸ af feðrum yðrum; þer dyliz við son guðs, þann er spamenn ok laug¹⁹ bera vitne. Gyðingar mællto: «Segðu oss, drotning, af²⁰ hvi þu mælir sliet við oss, eða hvar [skal þat til²¹ koma?» Hon mælti: 25 «Farit brautt þer oc velit enn meirr [menn til²² at svara mer.

Fra Gydingom. 23

4. Enn er Gyðingar²⁴ voro a braut farnir, þa ræddo þeir með ser, hvar til koma mundi [erfiði þat sem drotningin leggr a hendr þeim²⁵. Þá svaraði einn þeirra, er Judas het, ok mælti: «Ec 30

1 *saal. B; fyrri A.* 2 *af gudi tilf. B.* 3 *[mgl. B.* 4 *[myrkr fyrir lios ok lygi fyrir satt B.* 5 *skipað B.* 6 *[mal er ek vil yðr eptir B.* 7 *[er froðaztir B.* 8 *bezt B.* 9 *tilf. B.* 10 *eptir B.* 11 *hve B.* 12 *[þann mann er bezt kann B.* 13 *vil B.* 14 *Helena þessa B.* 15 *[af ser .cccc. manna þeira B.* 16 *[mælti hon til þeira: Hverir 35 ero þessir B.* 17 *[þer erot kynsmenn iraels B.* 18 *[blindleiks hiortu B.* 19 *guds tilf. B.* 20 *mgl. B.* 21 *[til þetta skal B.* 22 *[lið ydvert B.* 23 *Ikke nyt Capitel i B.* 24 *þeir B.* 25 *[þat er hon lagdi aa þa sva mikít erfiði B.*

þickiomz vita, at hon man¹ leita at tre því, er frændr varir pindo
 Crist á. Enn mer syniz þat rað, at ver latim hana þess alldregi visa
 verða, fyrir því at ef tré þat kemr upp, þa mano eyðaz laug var
 aull, oc monom ver sealfir vera virðingarlausir. Ek kann at
 5 segia yðr, hvat [faðir föðor mins mællti við hann a deygjanda degi²:
 Se þu sonr, kvað hann, ef leitað verðr að crossi Cristz, at þu lat
 hann eigi finnaz, nema þu ser pindr til. Fyrir því at ef³ hann
 verðr upptekinn, þa man fyrirfaraz riki vart allt ebrescra manna,
 oc man hefiaz riki [þeira þjóða, sem gófga enn crossfesta⁴, oc
 10 man þat riki alldregi þriota, þvíat hinn crossfesti [er Cristr⁵ sonr
 guðs lifanda. Ek mællta við föðor minn: Ef frændr varir visso,
 at hann var Cristr, fyrir hvi logðo þeir hendr a hann? Faðir
 minn svaraði: True þu því, sonr, at mikill crapr⁶ fylgir nafni
 hans. Ek hefi avallt⁷ i móti mællt þeim monnom, er lasta enn
 15 crossfesta. En af því at hann avitaði höfðingia Gyðinga⁸, dæmðu
 þeir hann oc crossfesto oc hugðoz þann drepa mundo sem odaðligr
 er. Síðan lagðo þeir hann i leiði, enn hann reis upp af dauða a
 þriðia degi epter pisl sina oc syndiz opt lærisveinom sinom.
 [Þaðan af⁹ truði Stephanus frændi varr a hann, oc kendi kenn-
 20 ingar i nafni hans. Fyrir þat leto Gyðingar Stephanum beria
 grioti¹⁰. En þa er hann var at kominn bana, bað hann guð þeim
 miskunnar oc mællti: Drottinn, lattu eigi þeim þetta at synd
 verða, þvíat þeir vita eigi hvat þeir giora. Enn man ek segia
 þer, sonr, mikil merki¹¹ Kristz. Saulus het gyðingr, hann var
 25 husasmiðr oc ovinr mikill Cristz nafne, hann var einn¹² akafazstr
 at banorði Stephani, en síðan sneri Cristr honom til sin af
 miskunnsemi sinni oc giorði hann ser at postola. Af sliko hefi ek
 oc frændr minir truat, at hann er¹³ sonr guðs. Nu se við, son
 minn, kvað hann, at [gremiaz honom¹⁴ eða þeim monnom, sem a
 30 hann trua, oc mantu þa vel þrifaz. Þessom orðom mællti Simon
 faðir minn við mic i banasott¹⁵ sinni. Nu megít þer [ætla, hver
 svör¹⁶ þér vilit hafa fyrir yðr, ef Elena drotning spyrr at cross-

1 vilia tilf. B. 2 [afi minn mælti við fedr minn aa deyianda degi,
 þat hit sama mælti minn faðir við mik, adr hann andadiz B. 3 þa
 35 er B. 4 [þeirar þjóðar, er gofgar hinn heilaga kross ok þann er
 krossfestr var B. 5 [Cristr er B. 6 ok mattr tilf. B. 7 iafnan B.
 8 ok yfirgyðinga B. 9 [Síðan B. 10 til bana tilf. B. 11 stor-
 merki B. 12 einna B. 13 se B. 14 [þu gremiz honum eigi
 B. 15 helsott B. 16 [veita her um svör þau sem B.

inom. Gyðingar svoroðo: «[Slie orð¹ heyrðom ver alldregi fyrr, enn þat viliom ver þer raða, ef [þu ert at crossinóm spurðr², at þu latir æigi vist³ verða, hvar hann er folginn.

Fra vidrtali þeira Elenu ok Gyðinga. 4

5. Þa er Gyðingar ræddo þetta með ser, þa komo riddarar⁵ 5
oc mællto: «Komit a fund drotningar, þviat nu vill hon við yð
tala.» En er þeir como til mals við hana, spurði hon þa eptir
crossi Cristz. Enn þeir villdo henne ecki satt til segia. Þa mællte
hon, at þeim skyldi öllom kasta i elld brennanda. En þeir urðo
hræddir⁶ oc sælldo fram Judam oc mællto: «Þessi er spamannz 10
son oc kann vel lög, hann man kunna, drotning, at segia þer alla
luti, þa er þu spyrst hann eptir.» Síðan let hon þa i brott fara, en
Judas var epter halldinn. Þa mællti Elena við hann: «Þu mátt
velia þér hvárt er þu vill lif eða dauða.» Judas svaraði: «Hverr
man i eyðimøre eta griot, ef brauð er hia.» Helena mællti: «Ef þu 15
vill lifa, þa segðu mer, hvar cross Cristz er 7.» Hann svaraði: «At
þvi sem bækr segia, þa ero nu liðin meirr en .cc. vetra fra piningo
Cristz, ok er eigi vænt, at ver ungir menn megim vita, hvar cross
Cristz er.» Helena mællti: «Fyrir myclo lengra var orrosta i
Troia⁸, oc vita þo margir menn þau tiðendi, sem þar voro, oc vitoð 20
ero leiði [margra agætismanna þeira sem þar fello 9.» Judas svaraði:
«Af því er þat vitat, drotning, at þat er allt a bocóm skrifat¹⁰, en
þetta er ecki a bokóm varóm.» Hon mællti: «Hefi ek þer bækr
er þat segia, hvar Kristr var crossfestr, oc eigi beiði ek þic annars,
en þu visa¹¹ mer glægt til þess staðar, er Locus Calvarie heitir, oc 25
man ee þar leitaz um, sva sem [verða ma¹².» Judas mællti: «Fornt
heiti er þat, oc veit ek eigi nu þann mann, [er vita muni¹³, hvar
sa staðr er.» Þa reiddiz Elena oc mællti: «Þat veit ee fyrir enn
crossfesta¹⁴, at þic man ek lata svelta [i hel¹⁵, nema þu svarir
mer meiróm skilóm.» Síðan let hon setia hann i grôf diupa oc 30
þurra, oc var hann þar matlauss .vii. daga. Eptir þat callaði Judas
[oc mællti¹⁶: «Lati mic a brot or grôfinni, en ek man segia, hvar
cross Cristz er folginn.»

1 [Slikt B. 2 [nu er at krossinum spurt B. 3 uppvist B.

4 Saal. Overskr. i B; sees ikke i A. 5 drottningar tilf. B. 6 gagn- 35
hræddir B. 7 folginn tilf. B. 8 Troio B. 9 [þeira manna,
er þar fellu miklir agætismenn B. 10 ritad B. 11 visir B. 12 [mer
likar B. 13 [at þat muni vita B. 14 Crist tilf. B. 15 [til
bana B. 16 [or grôfinni B.

Fra enom helga +. 1

6. Enn er hann var latinn upp or grofinni, þa for hann i þann stað sem crossinn var² oc mælltiz þar fyrir [a ebresca tungo³: «Þu guð er giorðir himin oc iorð oc allan heim lykr i [hnefa, þu sitr⁴ yfir Cherubin oc Seraphin oc stiorðar öllum engla fylkiom. Þu ert allra luta drottinn, oc þin skepna erom ver. Þu hratt villtom englom i helvitis diup með höfðingia sinom, oc muno þeir þar kveliaz at eilifo um allar alldir at boðorði þino. Nu drottinn, ef þinn vili er, at hefiz [riki sonar Marie, oc er hann⁵ af þer sendr, fyrir því at lieliet er, at hann giorði eigislic takn, oc æigi [myndi hann risa upp af dauða⁶, nema hann [se þinn eingetinn⁷ son, syn þu oss nu þina dyrð. Oc sva sem þu guð heyrðær bæn Moysi vinar þins oc vitraðir fyrir honom bein Joséph fauðor várs, sva giorðu fyrir oss þær iarteinir, at riuki upp or iorðo sva sem ilmr 15 dyrligra smyrsla i þeim stað, sem cross Cristz liggr, oc skal ec þa trua því, at Cristr enn crossfesti er konungr Israel oc hefir eilíft velldi um allar alldir⁸.» En er Judas lauc bæn sinni, þa skalf⁹ iorð, oc kom reykr upp or iorðo með ilm dyrligom. Þa undraðiz Judas oc hellt hondom til himens oc mællti: «Atsaunno 20 ertu Cristr hialpare heimsins, oc þacka ec þer, drottinn, er þu lætr¹⁰ mic nalgaz miskunn þina, sva omaeligr¹¹ sem ek em; bið ek þic, drottinn, [mun þu eigi¹² synðir minar, oc tak mic i sveit með Stephano frænda minom.» Síðan toc Judas at gyrða sic, oc [þvi næst grof hann iorð af öllu afli, oc er hann hafði grafit¹³ um tio 25 faðma, þa fann hann þréa crossa folgna i iorðo. Hann tok þa upp, oc [voro bornir¹⁴ at Eleno. Hon spurði, hverr Cristz cross væri, oc mællti: «Þat vitóm ver, at .ii. muno vera crossar illvirkia þeira tveggia, sem pindir voro með drotne.»¹⁵ Þa voro lagðir allir crossarnir, [oc biðu menn¹⁶ iartegna af guði. At none dags var borið 30 lic a borum nær því sem crossarnir lago; þa varð Judas feginn

1 Ikke nyt Capitel i B. 2 folginn tilf. B. 3 [vid gud einn saman aa ebreska tungu, sem hann mællti þessum ordum B. 4 [hnefa þer, ef þu vill, þu ert B. 5 [sonr þinn almattigr gud B. 6 [mætti hann af dauda risit hafa B. 7 [veri þinn enga B. 8 Her nyt Capitel i B med Overskr.: Her seghir fra því at Judas kendi kross drottins. 9 pipradi B. 10 létz B. 11 uverdr B. 12 [fyrirgef þu mer B. 13 [at grafa niðr iordina B. 14 [bar B. 15 Judas kvedz eigi vita, hverr sa kross var, sem Cristr var pindr aa tilf. B. 16 [i midri borginni; þar stodu menn yfir uppi ok biðu B.

oc mællti við Elenam: »Nu mantu vis verða, drotning, hvert er hit helgazta tréið.« Þá lagði hann tva crossa a likit, oc reis eigi upp enn dauðe. Enn þá er hann lagði enn þriðia crossinn á, oc var sa cross drottins, þá lifnaði¹ enn dauði oc reis upp. [Þá toko allir at dyrka² gud, þeir sem hia voro. Enn [diofull aufundaði³ þat oc toc at calla i lofti³: »Hverr er sea, er nu dregr andir minna manna [fra mer oc⁴ or hondom mér! Þu Jesus en naddverski heimtir alla til þin! Nu hefir þu cross þinn latið upp taka til óþyrfta⁵ mer⁶, oc þu Judas gengr nu i moti mer; þat var fyrr er Judas veitti mer lið at því, sem (ek) vilda fram koma, enn nu¹⁰ kemr Judas annarr mer at myclo oliði. Raðs man ek mer leita, ek skal kveykva upp konung þann enn(!) enskis virði enn crossfesta, oc fremi vilia minn. Sa man kvelia þic, Judas, þar til er⁷

III.

FLAGELLATIO CRUCIS.

(*Cd. Holm. 2 folio, A; 235 folio, B.*

15

Flagellacio crucis in Biritho.⁸

Svo segia helgar bækr, ath ut æa Syrlandi vit borgir þær tvær nafnkunnar, er önnur heitir Tyrus, en önnur Sydon, er borg su sem heitir i⁹ Biritho. Þadan var i fyrndinni skattr golldinn til höfuborgar þeirar, er Antiochia heitir. I Biritho bygdi fioldi²⁰ Gydinga, ok þar attu þeir mikit þinghuss. Einn kristinn madr keypti þar¹⁰ hus at einum gydingi ok bio þar um stundar sakir. Hann let giöra¹¹ likneski drottins æa krossi ok setti þat yfir reckiu sina. Þessum manne ox¹² fe at guds vilia, svo at hann keypti ser meiri huss ok selldi þa þessi gydingi einhverium. En er hann²⁵ færði þadan æa braut föng sin, þa vard sva af guds fyrirhyggju,

1 kviknadi B. 2 [ok lofadu allir B. 3 [aufundsiukr diofull um alla goda luti, þoldi illa ok tok at kalla i lopti med þesum ordum B.
4 [mgl. B. 5 óþyrftar B. 6 Her ender B. 7 Her ender A.
8 Saal. Overskr. i B; Eventus hverr er vard æa Syrlandi de sancta cruce. capitulum A. 9 mgl. B. 10 tilf. B. 11 gera B. 12 andr ok tilf. B.

30

ath hann gadi eigi likneskisens, er¹ stod yfir hvílu hans, ok varð þat þar eptir. Gydingrinn bio leingi í húsí þesso, svo at hann sa eigi likneskit, fyrir því ath þar bar skugga **æ**, sem þat stod. Þat var einn dagh ath hann baud til sín gydinge öðrum, ok atu þeir
 5 ok drucku baddir saman. En er gestrinn litadizt um, þa **sæ** hann likneskit ok mællti vit husbonda: »Hví hefir þú likneski þetta í húsí þíno, þar sem þú ert gydingr?» Ok hann let þessi ordaslattu fylgia marga gudlastan, því meir sem hann horfdi leingr **æ** likneskit. En sa er honum hafði heim bodit sannade með særum, ath
 10 hann hefði eigi þat vitat þar til, ath þat likneski var þar í því húsí. Gestrinn reis þa upp með mikilli reidi ok fór til fundar vit höfðingia Gydinga ok sagði þeim, hvat hann hafði sed. Þeir mælltu: »Mattu þetta oss syna?» Hann svaradi: »Ek ber þetta framm í húsí hans.« Þann dag hófduz þeir eeki at, fyrir því at þa
 15 var frammordit.

Um iarteinagerd vors herra.

2. Ath morne söfnuduzt saman allir höfðingar Gydinga oc foro með sveit mikla sinna lögunauta í huss þat, sem likneski Kristz stod, af tilvisan þessa manz, er þeim hafði fra sagt. Fundu
 20 þeir likneskit ok ædduz **æ** hendr þeim manne, er þat hafði í húsí sínu, ok giordu hann rekning or sinni sveit. Sidan toku þeir ofan krossinn með likneskinu or stad sínum ok mællto: »Svo sem vær vitum, ath fedr vorir gerdu vit Krist, svo skulum vær giðra vit likneski þetta.« Sidan toku þeir at hrækia **æ** likneskit ok liosta
 25 þat, ok þar með mællto þeir: »Allt þat er giört var til hædungar vit Krist, þa giðrum vær vit likneski hans.« Þa toku þeir at hlæia ath likneskino ok at finna [at likneskinu ok finna² sakir ok mæla hverskyns hædung sialfum gudi, er þeim matti í hug koma, ok enn mællto þeir: »Negldu frændr vorir hendr Kristz ok fætr,
 30 ok gall ok olyfian gafu þeir honum at drecka, gerum ok slikt vit likneski hans.« Þa er þeir höfdu þesso slegit í munn likneskino, mællto þeir: »Lustu þeir höfut Kristz, gerum ok svo.« Ok er þeir höfdu slikt allt giört³, þa mællto þeir: »Svo sem þeir lögdu spíoti **æ** sídu Kristz, leggium vær ok spíoti **æ** likneskinu.« En
 35 er þat var gert, þa rann or sídu likneskinu blóð ok vatn, svo sem fyrr hafði runnit or sídu drottins, þa er hann var spíoti lagdr **æ** krossinum helga.

1 *saal. B*; ok *A*.

2 [*tilf. B*.

3 gert *B*.

Af blodi ok vatne likneskis.

3. Dyrd se þer, drottinn Jesus Krístr sonr guds lífanda, þú steight¹ af himni til hialpar vorrar ok vart her í heimi fyrir vorar sakir, ok þú odaudligr villdir deyja oss til frelsis. Hverr kunni virda eða hverr megi [makligum ordum² lofa mildi miskunnar 5 þinnar, svo opt sem þú lætr villta ok overða til þín snuazt ok niota þinnar gæsko³ endrnyiadrar í slikum taknum, sem nú var frá sagt. Ok síðan er öldungar Gydinga sá blóð ok vatn renna or síðu líkneskinu í móttöllu edli, þá mællto þeir: »Med því ath um allan heim er mart sagt frá taknum ok iarteinum, þeim er Jesus 10 enn nadverski gerði á siukum monnum ok vanheilum, tókum nú blóð þetta ok latum renna í ker, saufnum síðan siukum monnum, þeim sem vær höfum til, ok reynum, hverr kraptr því fylgir.« Síðan letu þeir blóð þetta ok vatn í eitt ker ok mællto þá þar⁴ yfir mörgum gudlastanar ordum um sialfan Jesum Kríst, ok höfðu 15 ker þetta með sér þangat, sem lá mikill fioldi siukra manna saman safnadr. Fyrst ríðu þeir þessu á krypling, þann er kreptr var frá barnæsku, ok varð sá þegar heill af slikri atferð; fengu margir blindir menn syn, en diöfulodir vitkoduzt ok fengu heilso sína. Þessi tíðendi fóru bratt um alla borgina, svo at þangat sottu allir 20 siukir menn, þeir er komast mattu sialfir, ok þeir voru margir fluttir, er eigi mattu ganga, en allir urðu heilir, þeir sem þessum heilivog var á ridit.

Fra Gydingum er tru toku.

4. En er fioldi Gydinga sa þessi takn, þá bra þeim miok vit, 25 ok svo giordizt, at allir höfðingiar þeira, sem vit voru staddir þessi takn, sneroz til retrrar truar, ok konur þeira ok börn, ok allt fólk þeira tok at lofa gud með hárrí röðdu ok svo mælltum ordum: »Dyrd se þer, drottinn Jesus Krístur! þik krossfestu frændr vorir ovitendr, ok vær höfum krossfest þik í líkneski þínu helgu; dyrd 30 se þer, Krístr sonr guds lífanda, þú er með taknum mættar þíns birtir blindleik hiarta⁵ vorra ok heimtíri oss til þinnar miskunnar. Nú vilium vær trúa á þik, ok vertu oss líksamr ok þigg idran vora, ath eigi svelgi oss helvíti, sem vær höfum oss adr til ræðit í mikilleik glæpa varra. Þú hefir mörg takn synt fedrum vorum 35 ok mikil gæði þeim veitt í maörgu lagi. Wæg þú syndum wörum,

¹ stett B. ² [makliga B. ³ Først skrevet æsko i A med senere tilføiet g over Linien; gæzku B. ⁴ enn B. ⁵ saal. A og B.

drottinn, nu, ok lækna allar andir worar.« En ath græddum
aullum siukum monnum, þeim sem til komu, þa foru haufdingiar
Gydinga ok aull sveit þeira med þeim til byskups þess, er yfir
kristnum monnum war i borginni, ok kollodu allir einni rauddu
5 ok mælltu: »Einn er gud fadir, einn er Jesus Kristr son guds,
sæ er fedr worir krossfestu, einn er gud heilagr andi.« Þeir
iatudu fyrir byskupi [syndir sinar¹ ok syndu honum likneski þat,
sem iarteignir haufdu at gerdz² ok saugdu honum allan atburd,
svo sem giördz² hafdi. Þa baud byskup allre alpydu [ath fasta.³
10 En sidan skirdi hann alla Gydinga, þa sem i borg þeire woru.
Hann vigdi þinghus þeira til kirkiu i nafne Jesus Kristz, ok
mörg önnur hus þeira helgadi hann postolum guds ok pislarvottum.
Tidendi þessi aull saman foru wida, ok var ollum kristnum monn-
um mikill fagnadr at, þeim sem heyrdur, fyrir því at af þessum
15 taknum höfdu margir bot feingit likamligra meina, en þo myklo
fleiri hialp anda sinna. Sidan budu forstiorar kirkiunnar ok krist-
ninnar bædi i Roma ok Antiochia, at sa daghr, er þessi takn
gerduz æ, skyllði hatidliga halldinn vera af kristno folki i minning
heilags kross; en sa dagr er tveim nottum fyrir Marteins messu.
20 Gud fadir, er ser let soma mannkynit ath leysa fra eilifum dauda
fyrir dyrligan dreyra eingetins sonar sins, hann veitti oss þa likn,
at þeir sem koma til þess at dyrka ok tigna enn helga kross, verði
leystir af böndum synda sinna fyrir þann enn son hans
drottin varn, er med haunum lifir ok rikir i einingu heilags anda
25 gud wim allar allder allda. Amen.⁴

1 [tilf. B. 2 gerzt B. 3 [faustu B. 4 per omnia secula
seculorum amen tilf. A.

DIONYNIUS SAGA.

(*Cd. Holm. 2 folio, A; 235 folio, B.*)

Her byriar upp sögu Dionisij byskups.

Paulus¹ postoli sa er af himni var kalladr til postola lags, þa er hann for um allt Grickia² velldi ath boda tru Kristz, þa kom hann til borgar þeirar er Athenis heitir. I þeire borg var spekingr, sa er Dionisius het, ok red hann fyrir hofs blotum. En er Paulus kom um³ dagh til hofsins, þa fann⁴ hann þar mörg skurdgod ok⁵ einn stalla, þann er eignadr var okunnum gudi. Þa spurdi Paulus Dionisium speking, hverr sa væri enn okunni gud. Dionisius svaradi: »Enn er sæ oss eigi syndr med godum, helldr sparizt hann til ovordinnar tidar.« Paulus mælti: »Þann gud boda ek ydr, er þer kallit okunnan, en hann er sannr gud ok sannr madr, þviat hann let berazt fra⁶ meyiú ok var pindr fyrir heilsu manna ok deyðdr⁷ ok reis upp af dauda ok ste upp til himna, ok sitr til hægri handar gudi fedr, ok mun hann koma i enda heims at dæma um alla hluti, þa er gioraz i heimi. En er postolinn hafdi þetta mællt, þa sannadi hann iarteinum kenning¹⁵ sina ok gafsyn þeim manne, er blindr var borinn. Þa tok Dionisius tru ok let skirazt ok giordiz lærisveinn Pals postola ok fylgdi honum þria vetr, hvert⁸ sem hann for. En sidan var hann vigdr til byskups af Paali postola i Athenisborg, ok gerdiz enn mesti kennandi ok snere til tru ollum borgar lyd ok miklum hluta²⁰ herads bygdar.

2. En er nockurir vetr lidu þadan, þa spurdi Dionisius, ath þeir Petr ok Pall voru hafdir⁹ i böndum i Romaborg. Þa gerdi

1 Pall B. 2 Griklandz B. 3 einn B. 4 sa B. 5 fann tilf. B.

6 Mariu tilf. B. 7 daudr grafinn B. 8 hvar B. 9 halldnir B. 25

hann þangat för sina, þvíat hann var fwrss ath deyia med postol-
um. En guds postolar voru fyrr farnir [af heime til guds¹, en
hann kæmi til Romaborgar. En er hann kom fyrir pafann, þa
tok hann² feginsamliga vit honum, ok var hann i Romaborg
5 nockura stund. En er almattigr gud villdi lysa med sinni miskunn
otru myrkr vestrmanna, þa mælti Clemens a þessa lund vit
Dionisium: »Ser þu, Dionisius brodir, at mikill er kornskurdr en
fæir verkmenn i3 guds akri; en allz þu ert [vel lærdr⁴, þa far þu
i nafni drottins ok rek eyrendi guds um allt Frakland; svo sem
10 drottinn Jesus Kristr gaf Petri lærifedr minum velldi at binda ok
at leysa, svo set ek þer velldi at leyfi postolans, at þu færir fram
gudspialligar kenningar um allt Frakland, ath fyrir þina kenning
megi hvervitna kynnaz nafn Kristz, en þu megir heyra vit þik
mællt þat, er sagt er i gudspiallinu: heill þu, godr þræll ok trur!
15 því at þu vart trur i5 fæam hlutum, mun ek þik setia yfir marga
hluti; gæck inn þu i fagnad drottins þins.« En er hann hafdi
þetta mællt, þa sendi hann Dionisium norðr um fiall, ok enn med
honum göfga votta kristinnar truar Saturninum, Marcellum,
Lucianum, Faustinianum⁶, Victoricum ok enn adra, þa er eigi eru
20 nefndir, ath vottum væri bundin öll kenning þeira. En er þeir
komu til borgar þeirar, er Arelatensis heitir, þa sendi Dionisius
Marcellum til Spanialandz ath efla þar kristinn dom, þvíat Philip-
pus byskup Spanialandz⁷ hafdi andaz litlu adr; en hann sendi
Saturninum til herads þess, er Aquitania heitir[, er vær köllum
25 Aquitanialand⁸, Lucianum vigdi hann til prestz ok sendi hann til
borgar þeirar, er Beluacensis heitir, en Faustinianum ok Victori-
kum sendi hann til herads þess, er Tervacensis⁹ heitir, ath þeir
bodadi tru heidnum mönnum. En sialfr Dionisius med Rustico
presti ok Eleutherio diakni for til hofudborgar þeirar, er Parisius
30 heitir, ok færði þar fram helgar kenningar, þær er hann hafdi
numit af Pæli postola¹⁰, ok sotti hann þangat med hita sadrar¹¹
truar, er hann vissi mesta villu fyrir¹² heidinna manna, þvíat hann
hræddiz eigi ognir ne pisler heidenna manna. [Aminning lidenna
meistara¹³ styrkti hann til ovordinna pislá, þvíat hann vissi sik
35 hafa mundu eilíft líf fyrir¹⁴ stundligan dauða, ok var hann fuss
at verða pislárvottr Kristz. En þó var borg sia¹⁵ Parisius agæt

1 [til handa gudi *B.* 2 Clemens pafi *B.* 3 aa *B.* 4 [*saal. B.*;
vestverskr *A.* 5 *tílf. B.* 6 Fustianum *B.* 7 Hyspanie *B.* 8 [*mgf. B.*
9 Tarnesensis *B.* 10 i Athenisborg *tílf. B.* 11 sanrar *B.* 12 vera
40 *tílf. B.* 13 [Minningh lidinna meinkæta *B.* 14 eptir *B.* 15 þessi *B.*

af fiolda göfugra manna, audig ath aurum ok at öllum kaupskap, þeim er vida var þangat færdr, [gnög at ökrum ok god¹ at vngordum ok at alldinskogum. Þar var ok margr veidiskapr til fridenda, dyr ok alldin, en fiskar i æ þeiri, er fellr hia borginne. Þenna stad valdi ser heilagr Dionisius til kenninga, ok hafði hann 5 þvi meiri² kostgæfi til at leidretta andir manna, sem törvellðra var at snua þeim fra heims elsku, þviat þvi traudari er hverr at fyrirlita heiminn, sem [fleira hefir³ af fridendum hans.

3. En er margr lydr hafði tru tekit af kenningum Dionisius⁴, þa mællti hann vidr einn göfgan mann, þann er Lisbius 10 het, þann er fystr hafde göfugra manna skirn tekit i borginni: »Allz⁵ nu tekr fioldi manna tru⁶, ok safnazt hvern dag marger til skirnar, þa litzt mer vel fallit at kaupa akr at þer ok lata gera þar kirkiu, at þangat safnizt allir til kenningar ok skirnar, þeir er tru vilia taka.« Lisbius svaradi: »Kauplaust mun ek þer 15 veita akr þann, er þu falar.« Dionisius mællti: »Eigi skal sia kaupskapr æ þa lund fara, þviat drottenn Jesus Kristr, er berazt let fra meyi til heilsu manna, þa var hann i leigdu husi borenn, en eigi æ eigenligum bæ frænda sinna, af þvi syniz mer eigi rett at gera a okeyptri⁷ iördi hus, þat⁸ er endrgetaz [inni astvinir⁹ 20 guds; af þvi er skynsamligt, at þu takir verd fyrir þenna stad, at sa let sik vid verdi selia, er alla leysti fra eilifum dauda fyrir skirn ok tru, en þu gef aumum¹⁰ verdit, ef þu vill þat Kristi færa.« En er þeir rædduzt þetta vid, þa keypti Dionisius akrinn, ok var þar þvi næst [kirkia ger¹¹ ok kennimanna til feingit, 25 þeira er adr voru at godum sidum kendir¹². En Dionisius kendi tru Kristz hvern dag heidnum mönnum ok sneri þeim fra blotum til truar, ok spandi hann gudi til handa þa, er diöfull hafði villta fra skapara sinum, ok gerdi hann þa himinrikis verda¹³, er hann spandi fra þessa heims elsku¹⁴. En sva mikinn krapt 30 vann drottenn fyrir þræl sinn Dionisium, at hann sneri hiortum otruada manna eigi midr af iarteinum en af kenningum. En er blotmenn leitudu margra væla i gegn honum ok drogu saman lid mikit ok biugguz til orrostu i gegn Dionisio ok lidi hans, þa skein sva mikit lios himneskrar miskunnar yfir honum, at þegar er enir 35

¹ [gnegd at aukrum ok gædd B. ² meira B. ³ [hann hefir fleira B. ⁴ hans hins heilaga Dionisij B. ⁵ þar sem B. ⁶ i borginni tru drottins mins Jesus Kristz B. ⁷ saal. B; keypti A. ⁸ þar B. ⁹ [mune oskmægir B. ¹⁰ mönnum tilf. B. ¹¹ [saal. B; kk' bær A. ¹² reyndir B. ¹³ menn B. ¹⁴ villu B.

grimmo hermenn sa hann, þa var annattveggia ath þeir lögdu nidr grimmeik sinn ok vopn ok fellu til fota honum, eda ella urdu þeir hræddir ok flydu fra augliti hans, ef þeir villdu eigi til truar snuaz. Þat gerdiz med undarligum hætti, at vopnadr lydr matti eigi rönd reisa vit vopnlausum manne, helldr brutu þeir sialfir skurdgod sin, þeir er smida letu, ok fognodu nidrfalli godanna, þa er þeir risu upp¹ til andar heilsu. Diofull harmadi yfirstig-
 5 ning² med sinni sveit, en kristni guds fagnadi sigri sinum. En er hinn forni fiandi sa eydaz sina sveit en [aukaz guds lyd³, þa leitadi hann rada⁴ þeira, er hann matti, ok eggjadi hann sina
 10 menn at gera þæ ofrid þeiri sveit⁵, er þa var nöckut efd af Dionisio byskupi.

4. Blotmenn kunno⁶ illa, er þeir sæ brotin skurdgodin, en þeir mattu ecki velldi hafa i gegn fiolda kristinna manna þeira, er æ einn gud trudu; ok er þeir mattu eigi fram koma þeiri illzku,
 15 er þeir fystuz at giöra til öpurftar kristnum monnum, þa foru þeir til fundar vit Domicianum konung⁷, er næstr var eptir Neronem, hann gerdi ofrid Kristz iatörum, ok sögdu þeir konungi⁸, ath fiolkunnigr madr, er Dionisius het, eyddi allri göfgan godanna. En er enn grim masti konungr⁹ heyrdi þetta, þa fylldiz hann upp svo mikillar reidi, at hann let þegar taka hvern kristinn mann, er hann matti finna, ok neyda¹⁰ til blota eda selia til pisla. Þa var
 20 sendr norðr til Fraklandz greifi, sa er het Fescenninus Sisinnius, med [mikilli reidi ok¹¹ miklu lidi, at hann leti taka Dionisium enn gamla kennimann, er agætr var vordinn af iarteinum ok kenn- ingum, ok neyda til blota eptir bodordum konungs, eda leti pina hann ath lögum þeira, ef hann villdi eigi blota. En þau voru
 25 lög þeira, at þann mann skyllde vondum beria edr höfud af höggva, ef¹² gerdi i gegn Romaborgar lögum. En er greifinn¹³ for norðr med lidi sinu at leita Dionisius¹⁴, þa vard honum bratt heyrinnkunnikt¹⁵ nafn hans ok iarteinir. Þeir skundudu þess at meir ferd sinni, unz þeir komu tll Parisius borgar, þar er þeir fundu Dionisium
 30 teliandi¹⁶ tru fyrir otalligum lyd ok med honum Rusticum prest ok Eleutherium diakn; þviat þessir helgir menn villdu alldri skiliaz vit Dionisium, þeir fylgdu honum i ast guds ok skilduz eigi vit [hann æ¹⁷ pislartid. En er sogd var tilkvoma greifans med

1 sioltir tilf. B. 2 sik yfirstiginn B. 3 [fiölgadizt Kristz lydr B. 4 væla B. 5 kristni B. 6 þvi tilf. B. 7 keisara B. 8 honum B. 9 Domitianus tilf. B. 10 saal. B; nefndi A. 11 [mgl. B. 12 er berligha B. 13 Fescenninus Sisinnius greifi B. 14 Dionisij B. 15 kunniet gert B. 16 saal. A og B. 17 [saal. B; hans A.

Romaborgar lidi ok nyium bodordum konungs, þa runnu a mot honum heradsmenn ok höfðingiar borga ok baru upp tidendi þau, at menn voru sendir til hofuds Dionisij¹ byskups.

5. En er drottinn Jesus Kristr villdi þa sinn pislarvott kalla fra þessa heims meinum til eilifrar dyrdar fyrir uthelling blods, þa þusti at honum fiöldi heidinna manna, ok var hann gripinn af þeim ok bundinn ok hleginn ok [hrækt i andlit², ok med honum Rusticus prestur ok Eleutherius diakn, ok voru þeir leiddir fyrir greifann. Sisinnius greifi mælti: »Ertu enn forni karl, sa er Dionisius heitir, er kalladr ert öðru nafni Makarius, er³ menn 10 segia, at þu briotir bodord ens göfgazta keisara ok eydir blotum allra goda?« Dionisius svaradi: »Gamall em ek at likams alldri, en [ævallt ungr ok alroskinn⁴ i tru ok æst drottens mins Jesu Kristz, ok safna ek fyrir kenningar þionustu nyium sonum til handa gudi, [er endrgetazt let⁵ fyrir skirnar vatn ok helgan anda, 15 ok helld ek med hreinu hiarta bodordum ens æzta⁶ konungs.« Greifinn mælti: »Segdu mer, hvern gud þu göfgar.« Þa svorudu þeir allir [.iii. fostbrædr⁷ Dionisius Rusticus ok Eleutherius, sva sem einn madr mælti, þviat þeir voru af einum anda allir lærdir: »I því er synt, at vær erum sannliga kristnir, at vær truum af 20 öllu hiarta ok iatum med munni ok göfgum⁸ i verki födur ok son ok anda helgan, einn gud i algjörri þrenningu, einn i guddoms velldi, drottin vorn Jesum Krist, sannan gud af fedr getinn fyrir tidir ok sannan mann æa tid borinn fyrir heilsu vora⁹ fra meyi, þann er pindr var deyðr¹⁰ ok grafinn ok reis upp af gróf ok ste 25 til himna, ok sitr til hægri handar gudi fedr æa himnum ok rædr öllu velldi himnesku ok iardligu, hann mun koma at dæma um lifendr¹¹ ok dauda fyrir ogn elldz.« Greifinn mælti: »Ecki þarft þu, enn forni karl, at segia mer fra þessum hlutum, ærid¹² margt heyrði¹³ ek sagt i Romaborg fra þessi villu þinni ok fiölkyngi; 30 segdu mer, ef þer vilit lyda bodordum konungs vors ok blota godum odaudligum; en ef þer gerit þat eigi, þa mun ek eigi [deila vid ydr ord hellðr¹⁴ bardaga.« En er þeir rædduz þetta vid, þa kom til ein göfug husfreyia, su er Larcia het, med frændliði sinu, hon kvaddi greifann ok sagdi Lisbium bonda sinn svikinn vera af 35

1 *saal. B*; Dionisio *A*. 2 [i andlit hræcktr *B*. 3 en *B*. 4 [*saal. B*; um allt allroskinn *A*. 5 [þeim er endrgetazt *B*. 6 oyfirstigligsta *B*. 7 [senn *B*. 8 *saal. B*; göfgan *A*. 9 várre *B*. 10 ok daudr *B*. 11 kvika *B*. 12 yfrit *B*. 13 heyrda *B*. 14 [dvelia ydr pislir ok *B*.

fiolkyngi Makarij Dionisij ok hafnat hafa lögum konunga. Þa var Lisbius tekenn ok leiddr fyrir Sisinnium, ok iatti hann sik kristinn vera, ok var hann þegar höggvinn, ok fór hann til guds.

6¹. En enn styrkzti² guds kappi Dionisius var færdr or
5 fötum ok bardr svipum af .ix. ridderum, sva at [sumir gengu til
en sumir³ fra, en þeir Rusticus prestr ok Eleuterius diakn voru
latnir standa i hia ok sia pisl hans, at þeir [hræddiz ok hyrfi⁴
til blota. En er Dionisius var leingi bardr, þa styrkti hann i
kenningum sinum samriddara sina, at þeir hræddiz eigi pisler,
10 helldr eggjadi [hann þa til⁵ at standaz slikar þrautir fyrir tru
Kristz, ok lofadi hann dyrd Kristz⁶ ok mælti: «Lof drottens
mæler munnr⁷ minn, ok lofi hverr madr nafn hans, þess er mik
giördi verdan at bera píslar⁸mark Kristz æ likam minum, en þat
er dyrd ydr, enir kærstu brædr; af því [se þer⁹, at þer mædizt
15 eigi i [pisl minni⁹, helldr styrkiz hiarta ydvar¹⁰t i ast drottins
Jesus Kristz.» Þa voru þeir gripnir Rusticus prestr ok Eleuterius
diakn ok bardir, en sidan allir saman settir i myrkvastofu. En
annan dag eptir voru þeir festir i stagl ok kvaldir; en þeir gerdu
þackir gudi. Þa var heilagr Dionisius lagdr æ¹⁰ iarnreekiu berr¹¹
20 ok kyndr elldr undir; en hann söng lof gudi ok mælti: «Elldligt
er mæl þitt, drottinn, en þræll þinn elskar þat. En þu, drottinn
Jesus Kristr, er mælttir fyrir spamann¹², þa er þu ferr yfir¹³
elld, ok mun logi eigi granda þer, sva sem þu gaft mer krapt ath
stiga yfir haskasamligan elld i likams girndum, svo lattu mik nu
25 yfirstiga þenna hita til dyrdar nafns þins.» En er elldr matti eigi
granda önd Dionisius, þa let greifinn beita hann grimmum dyrum.
En er Dionisius sa en grimmu dyr fara ath ser, þa giordi hann
krossmark¹⁴ æ mot þeim ok leit til himins ok mælti: «Þu gud,
er ævallt ert enn same, ver þu nær mer ok syn [mer þann¹⁵ enn
30 sama mætt, sem þu syndir þræli þinum Daniele.» En er dyrin
komu at honum, þa fellu þau til fota honum. Þa let greifinn kynda
ofn gloanda¹⁶ ok kastadi þangat Dionisio; en hann gerdi krossmark
fyrir ser ok mælti: «Gef þu mer, drottinn Jesus Kristr, at ek
ganga omeiddr ut or þessum bruna, er likneski er eilifrar kvalar,
35 ok slokk þu med döggu¹⁷ heilags anda þenna elld, svo sem þu

1 Um pining Dionisij Overkr. A. 2 sterki B. 3 [ymisir gengu til ok B. 4 [saal. B; hrædduz ok hyrfdi A. 5 [þeir sik B. 6 guds B. 7 mudr B. 8 [siaid vid B. 9 [pislinni B. 10 i B. 11 ok naucktr tilf. B. 12 munn spamanzints B. 13 manligan if. B. 14 fyrir ser tilf. B. 15 [saal. B; merktan A. 16 loganda B. 17 daugg B.

sloktir¹ i uthellingu blods þins loga þann, er monnum vard i inn-gongu paradisar.» En þeir Rusticus prestur ok Eleutherius diakn stodu² hia bundnir ok voru bunir at taka slíkar píslir. En eldr sloknadi vit bænr Dionisij, ok geck sa enn dyrlígi byskup ur ofne loganda gulle biartare. Þa var hann enn festr a tre ok leingi³ kvaldr, ok do hann þo eigi, at³ helldr iatti hann avallt drottne Jesu Kristo.

7. [Eptir þat voru þeir allir⁴ þrír settir i myrkvastofu med miklum fiolda kristinna manna; þviat margir truadir⁵ menn villdu fylgia Dionisio ok þustu⁶ inn i myrkvastofuna. Þa veitti hann⁷ 10 nytsamlígar ok naudsynlígar kenningar þeim, er þangat komo, ok sǫng þar messu; sidan vigdi hann hold ok blod drottins vars Jesu Kristz til lausnar⁸ lídi sinu. En a þeiri stundu er hann sialfr ok allr lydr, sa er inni var, skyllði taka corpus domini, þa skein svo mikít líos af himni i myrkvastofuna, at eingi hafði slíkt líos fyrr¹⁵ sed. I því líosi vitradiz drottinn Jesus Kristur med fiolda eingla, svo at margir sæ, ok tok hann et helgada braud ok selldi Dionisio ok mællti: «Tak þu, vinr minn, þetta takn, er skíott mun fylla þína dyrd med fedr minum, þviat verkkaup þitt er mikít fyrir mer, ok heilsa i ríki mínu ollum þeim, er þer hlyda; vinn⁹ þu²⁰ nu hraustlíga, ok mun vera minning þín ævallt i dyrd, þviat gætzka su ok elska, er þu hefir, mun arnat geta¹⁰ hialpar þeim, er þu bídr fyrir.

8¹¹. Vit þessa ena gǫfgu iartein var stódd Larcia, su er nefnd var fyrr adan¹²; þótt hun [væri heidin, þa var hun þo²⁵ forviten¹³ at sia iartein heilágra. Sidan voru guds vinir leiddir or myrkvastofunne fyrir domstol Sisinnij greifa, ok mællti hann víð þa: «Ef þer vilit vítkazt nǫckut um síder ok [hafa líft, þa blotid þer godum ok líft¹⁴, en ef er vilit [eigi lífa¹⁵, þa lítit þer hræ þeíra, er nu líggia umyldir ok af ydarri fiólkyngi gerduzt dauda³⁰ verdir, ok skulud er hafva slíkan dauda, ef þer vilit eigi vítkazt¹⁶.» En er guds¹⁷ vottar Dionisius, Rusticus ok Eleutherius helldu stadfastrí íatningu tru sinnar ok kíðru at fylla píslarvætti guds, þa voru þeir leiddir or¹⁸ auglíti greifans ok synd þeim hræ píslar-

1 hita tilf. A. 2 saal. B; voru A. 3 mgl. B. 4 [saal. B; Þa voru þeir A. 5 rettruadir B. 6 gengu B. 7 heilagr Dionisius byskup B. 8 styrktar B. 9 saal. B; giordz A. 10 fa B. 11 lífa(t) Dionisij byskups Overskr. A. 12 mgl. B. 13 [hefði ath eins forvitni B. 14 [saal. B; blotit godum vorum ok lífa A. 15 [helldr deya B. 16 blota B. 17 Kristz B. 18 fra B.

votta guds til ognar; en þeir lofudu leyndan dom guds, þess er lægir fyrir litillæti¹ her [i heimi þa, er² hann vill miskunnsamliga dyrka med ser [æ himni³. Morgum pislum voru þeir⁴ pindir en i eingri yfirstignir; þeir runnu fyrir kveliurum⁵ sinum til pislar, at eigi yrði þeir seinir til dyrdar; þeir eggiudu kveliarana sialfr æ hendir ser, at vaxa mætti dyrd þeira, sva sem pislir oxu.

9. En er þeir voru leiddir til högs eptir margar pislir ok bardaga, þa hellt heilagr Dionisius höndum til himins ok mællti: «Þu gud minn, er [mik skapadir ok leiddir mik til lifs fyrir þina miskunn, ok⁶ kendir mer þina⁷ speki, ok falt eigi fyrir mer leynda hluti rads þins, helldr huggadir þu mik ævallt i miskunn þinni ok vart med mer i öllum þrautum, þackir geri ek þer i öllum hlutum, drottinn minn, þeim er þu syndir mer ok gerdir vid mik, allra hellzt i því er þu vitiadir min sialfr ok huggadir elli mina til þin leingi fusa, þvíat þu visser, at ek var langa tid fuss at sia þik; en nu taktu mik, drottinn, fyrir pislarsigr medr bræðrum minum þælum þinum; en ek fel æ hendi þer þina menn, þa er þu leystir med þinu blodi ok leidrettir fyrir mina kenning; heyrdur þa alla, sem þu hezt sialfr, er æ þitt nafn kalla fyrir tru ok vora minning, þvíat þitt riki er med fedr ok helgum anda fyrir⁸ allar alldir.» En er allir truadir⁹ ok nöckverir af heidnum mönnum svorudu ok sögdu amen, þa fellu guds vottar a kne ok rettu hals sinn, ok voru allir senn bolöxum högner, sem greifinn hafði bodit, ok gulldu þeir likami sina iördu en andir himne, þvíat þeir helldu stadfastri tru, sva at enn þottu [bladrandi tungur Kristi iata¹⁰, þa er hofud voru¹¹ höggvin af bolinum. Eingi þeira var öðrum skiotari eda¹² seinni, aller [voru þeir senn högner¹³, ok foru aller senn .iii. til guds, þvíat þeir iattu aller þrenningu guds medr iafnri ast. En sva mikill fioldi kristenna manna var þann dag drepinn, at þat þotti fyllazt i Parisius borg, er David spadi um Iorsala borg ok mællti: «Köstudu þeir hræum þæla þinna, drottinn, umhverfis Hierusalem, ok var eingi til ath grafva.» En ath öllum mætti vitrazt dyrd ens helgazta kennimananz Dionisius¹⁴ byskups, þa kom lios mikit af himne ok hræzla yfir alla, þa er hia stodu. Þa reis upp [heilagr Dionisius¹⁵ ok tok höfud sitt i

¹ sik tilf. A. ² [sinn i þessum heimi, þann sem B. ³ [tilf. B.

⁴ guds vinir tilf. B. ⁵ kvalurum B. ⁶ [tilf. B. ⁷ saal. B; mina A. ⁸ um B. ⁹ rettruadir B. ¹⁰ [bladra tungurnar iatandi Cristí B.

¹¹ tilf. B. ¹² ne B. ¹³ [do þeir senn B. ¹⁴ Dionisij B. ¹⁵ [bolr Dionisij byskups B.

hendr ser, ok geck hann .ii. milor fra stad þeim, er hann var hoggvinnu. Lios þat er vitradizst fylgdi honum ok mikill fioldi eingla, þeira er sungu lof gudi ok mællto: «Dyrd se þer, drottinn.» Hilmr¹ dyrligr fylgdi söng þessum, er heydr var [lida til himna². Enn helgi Dionisius byskup var þar grafenn, sem hann nam stadar, 5 ok hviler hann þar nu. En er otalligr lydr sa ok heyrdi þessi tidendi, þa toku margir tru retta af lidi greifans ok margir af borgarmonnum; en þeir urdu allir ræddir ok flydu til husa sinna, er eigi trudu. En er Larcia en heidna huspreyia sa þessa iartein, þa geck hun a mot kveliorunum ok sagdi sik kristna vera. Þa 10 vard hun tekin af heidnum monnum ok höggvin, en hun hellt iatningu Kristz ok skirdizt i blodi sinu. En Visbius³ sonr hennar, er hun atti vid bonda sinum Lisbio, hann var enn þa riddere Domicianus konungs i Romaborg, ok var hann ridderi sidan annarra tveggia keisara. En er hann kom til Parisius borgar, þa 15 tok hann tru ok skirn af byskupi þeim er Masus⁴ het, en hann var enn þridi byskup fra Dionisio byskupi, ok fyrirlet hann þessa heims hluti ok samteingdizt [Kriz iaterum⁵.

10. En þeir er banad⁶ höfdu Kristz [ridderum ugdu, at cristnir menn mundi⁷ grafa likami þeira Rusticus ok Eleutherius, 20 er högnir voru med Dionisio, ok bundu rad saman at taka likami þeira a brott ok sökva⁸ i diupan hyl. En almattigr gud, sa er fyrir veit alla hluti, adr verdi⁹, ok skiptir eigi sinu radi, því er hann hefir fyrir ætlat, hann eyddi med spakligu radi gæzku sinnar slægdarbrögdum illgiarnra manna, þvíat göfug hus- 25 preyia het Katula¹⁰, su er heidin var enn þa helldr af naudsynium en at¹¹ vilia, þvíat hun syndi þat i radi sinu ok i tiltekium, at hun villdi til Kristz snuazt fyrir dæmi heilagra guds votta. Sia kona baud heim medr ser þeim, er glata villdu likömum heilagra, ok gerdi beint vid þa, en hun baud huskörum sinum a laun, þeim 30 er henne voru truaster, at taka æ braut likami heilagra Rusticus ok Eleutherius ok fela. En þeir lyddu vilia drottins ok bodordi hennar ok frömdu þenna enn lofiga stuld, er eingum manni giördi skada en öllum truöndum mikenn avauxt. Þeir falu likami þeira i ardrforum¹², ok letu sem þeir skyldi akr eria, ok hugdu þeir 35

1 ilmr B. 2 [saal. B; ok þar stadar aa velli A. 3 saal. B;
Juspiul A. 4 Maximus B. 5 [guds iattaurum B. 6 saal. B;
iatad A. 7 [vinum, hugdu at kristnir menn mundu B. 8 þeim
tilf B. 9 verda B. 10 Satula B. 11 af B. 12 iardar-
forum B.

þat, er þa sa, at þeir starfadi at verki¹. En þeir merktu vandliga stadenn, at kristnum mönnum mætti skyrt vera, hvar leita skyldi likama þeira. En er sa akr var saenn sidan, þa gaf hann hundrat-falldan ævðxt. Þat giordizt kononni at fevexti en mörgum at
 5 andar heilsu. En er Katula² sa þverra ufrid i gegn kristnum monnum, þa syndi hun³ stad þann, er hon hafdi fela latid likami þeira Rusticus ok Eleutherius. Sidan voru bein þeira upptekin af kristnum monnum ok færd þangat, er grafenn var Dionisius byskup, æ þeim sama degi, sem þeir letu önd sina ok toku sigr-
 10 laun af gudi æ himnum, ok er þar nu sidan giör göfgan⁴ þeira af öllum kristnum lyd allt til þersa dags. En af þeira verdleikum ok bænum tok⁵ en göfgazta huspreyia tru ok skirn, ok gaf hun alla eigu sina drottni Jesu Kristo ok helgum monnum hans ok þionadi pislarvottum guds i heilagri atferd, medan hun lifdi sidan.
 15 11. En er fiöldi kristinna manna ox ok fridr gerdizt, þa var uppreist kirkia göfug i dyrd heilagra guds votta Dionisius Rusticus Eleutherius, ok verda þar margar iarteinir til dyrdar þeira⁶, at eingi madr ma [telia ne hugum af segia⁷: blindir menn taka þar syn, en daufr feingu⁸ heyrn, en halltir göngu, ok flyia diöflar
 20 fra odum monnum, ok fa siukir heilsu, þeir er af [öllum hug⁹ kalla a guds pislarvotta i naudsyniar sinar, [hvatki er¹⁰ þeim er at meini. En þeir voru pindir skamt fra Parisius borg a fialli þvi, er kallad var fordum [Odins fiall¹¹, þviat likneski Odins¹² var þar mest göfgat, en nu er [þar kallat heilagra fiall¹³, sidan
 25 er guds vottar voru þar pindir. En Dionisius var pindr .x.¹⁴ nottum eptir Michaels messu æ enu [fiorda aari ens siönda¹⁵ tigar fra pisl drottins vors en æ enu [sextanda aari rikis Domiciani konungs¹⁶, en þa var Dionisius byskup nirædr¹⁷ at alldri. En sva sem [Nero konungr¹⁸ tok brada hefnd eptir pisl postola¹⁹,
 30 sva tok ok Domicianus bratt bana eptir lifat Dionisij; þa var hann skiott ræntri lifi sinu ok riki, sem hann var verdr. En [nu þa bidium²⁰ Kristz votta, at þeir [Dionisius Rusticus ok Eleutherius²¹

1 akrverki B. 2 Jatula B. 3 kennimonnum tilf. B. 4 virding B.

5 Catula tilf. B. 6 þeim B. 7 [tolu aa koma B. 8 mgl. B.

35 9 [aullu hiarta B. 10 [hvat sem B. 11 [mons Merkuri B.

12 hans B. 13 [þat kallat mons martirum B. 14 .ix. B.

15 [þridia aari ens .lxx. B. 16 [setta ens tiunda tigar fra burd

hans ok aa enu fimtanda aari rikis Domitiani keisara B. 17 nær

sexnredr(!) B. 18 [Hierodes B. 19 guds Petri ok Pauli tilf. B.

40 20 [vær skulum bidia B. 21 [mgl. B.

se arnendr vorir vid drotten varn Jesum Crist, þann er med fedr ok helgum anda lifir ok rikir [nu ok æ um óðaudligar alldir allda¹. Amen.

DOROTHEU SAGA.

(Cd. 429 octavo).

5

Þetta er Dorateu saga meyar.

I þann tíma sem heidner menn höfdu valld yfir Romaborg ok ollu romversku ríke, ok þann sem þa var keisare yfer þeim let þína ok drepa alla cristna menn, þa sem a gud trúðu ok hans nafn lofudo ok eigi villdu blota skurdgodum, var i fyr nefndri 10 Romaborg einn goðr maðr, sa er Dorathus er nefndr, hans kona het Theodora. Þau voru þæði vel cristin ok þionudo drottnei vorum med miklum kíerleika; rík voru þau at auðefum, þæði at borgum ok steinhusum, vingordum, gulli ok silfri ok gimsteinum, sva at (þau) vissu eigi aura sinna tal. En sva sem þau voru 15 vafin i þessum ofridar storme, þa foru þau i brutt or þeim herudum ok yfirgafu allt, þat er þau attu, fyrir guds skyllð. Tver ðetr attu þau, het aunnur Krist(i)na en aunnur Kalextina, þau höfdu þer med ser. Sidan gengu þau i þat herað er Kapadocia heitir, i þann stad (er) Cesaria heitir, ok fengu ser þar herbergi, sem þau 20 etludo² sig hellz med nadum vera mega.

2. En þegar þat frettu blotmenn þess sama stadar, þa foru þeir til husa þeira, sem Dorathus hafði ser herbergi tekið, ok var hann þa eigi heima, en ðetr hans badar. Toku þeir ok hetu þeim auðefum, ef þer villdu blota ok færa fornir godunum, en at audrum 25 kosti sogduz þeir mundo þína þer morgum þislum, ok gatu þeir sva snuit þeim til blota ok heidins atrunadar³, því að þer voru hræddar fyrir þislum þeim, er lagðar voru a aðra cristna menn.

3. En litlum tíma her eptir attu þau enn dottur sín a millum, þa sem gud gaf þeim til hugganar ok morgum odrum, sva 30 at hon snori morgum heidnum monnum þæði konum ok kollum

¹ [gud um allar alldir veralda B. ² etludo Cd. ³ atrunadar Cd.

til rettrar truar fra skurgoda villu. Hon var skird af einum byskupi i hans herber(g)i ok þat nafn gefit, at hon skylldi heita Dorathea; var henne af því þat nafn gefit, at fadir hennar ok modir villdu, at þat væri dregit af beggia þeira nofnum, ok hafdir
 5 hinir fystir stafir or hvorstveggia¹ þeira nafne. Þegar a ungum² alldri var hon full af helgum anda ok þionadi gudi almatkum ok hans modur iumfru saneta Mariu umfram alla hluti. Hon var svo fogr ok frid skopud af gudi, at aungann fann hennar lika hvarki mey ne konu i því landi, ok þo at vidar væri leitad.

10 4. Nu sva sem manzens ovinr diofullinn sialfur, sem iafnan er vanr um at sitia at svikia þann, er gud elskar, ok hann ser godvilia þessarar meyar til sins skapara ok trulega þionustu ok stoduga honum veitandi, því fre(i)star hann þess grefa, er yfir þau hierud var settr, hann het Fabricius. Fiandinn bruggar diofuligt
 15 eittr med honum ok kveikti lostasemisgirnd til þessarar meyar, ok let hann senda eptir henne. En þegar sem hon kemr fyrir hann, talar hann blidlega til hennar, at hon skoli fylgia hans vilia ok bydr³ henne borgir ok kastala, gull ok gimsteina, ok at hann vill fa hennar ser til eiginkonu, ef hon vill hans radum fram
 20 fara. Heilog Dorathea svarar sva mali grefans: »Herra, sagdi hon, yd(r)ar borgir ok kastala, gull ok gimsteina skoli þer bida þeim, er þat vilia hafa, ok þeiri, sem ydr fru vill vera, en eeki mer, því at ek a mer annan bidil, þann er ek ann af aullu hiarta.« Grefenn spurdi, hvar sa bidill væri, er hon elskadi sva miog. Hon
 25 svarar: »Sa bidill er Jesus Cristr son iu(m)fru Mario, ok hans auðefa vil ek niota, en ek fyrirliit oll iardnesk auðefe ok alla villu ok otru svivirdlegra goda ydara.«

5. En þa er Fabricius heyrdi, at hon villdi ecce hlyda fortaulum hans, ok at hon var cristin ok stodug i guds þionustu, því
 30 vard hann akaflega reidr ok sagdi sva: »Medan þu villt ecke gera minn vilia ok trua⁴ a god vor almattig, þa skalltu þola sva ferliga pino ok naud, at alldri fyrre þiner frændr þolldu slika pinu.« Ok i þessum grimleika let hann taka meyna, svo at hon kom aungo ordi fyrir sig, ok let sioda hana i einum katli⁵ storum fullu(m)
 35 af oleum. En hon bad (gud) ser myskunnar af ollu hiarta. Heyrdi hann ok hennar þen ok sa hennar pino ok omak, er hon þolldi fyrir hans nafne, ok hialpade henne svo, ad þa er kvalar(ar)nir letu af at sioda hana, þa ste hon ut af katlenum sva kat ok glod, sem hon hefði setit i kalldri daugg, ok sva (var) hennar likamr,

40 1 horusteggia *Cd.* 2 aungum *Cd.* 3 bidr *Cd.* 4 tura *Cd.* 5 kaltli *Cd.*

sem hon hefði verit strokenn með hit bezta balsamum. Þar var mart heidit folk víð ok sa a þessa iarteign ok snoriz til rettra(r) truar fra skurgoda villu fyrir fortolur heilagra(r) Doratheo meygjar, ok lofudu gud i himiriki, sem verdugt var.

6. En sem Fabricius sa þessa iarteign, þa sagði hann, at þetta veri vordet af golldrum ok fiolkyngi hennar, ok let taka meyna ok kasta i myrkvastofu, ok let hana þa liggia .vii. daga, ok at hon hafði hvarki at eta ne drekka, ok einginn skyldi til hennar koma at veita henne nockura hialp. Ok er þessi vika var lidin, þa let hann taka hana or myrkvastofunni ok leida fyrir sik. Hann spurði hana: »Hverso hefir þu nu hugsat þitt mal, e(t)lar þu nu at bidia til goda vorra liknar ok luta þeim, er þer mega allt gott giora?« Hon svarar: »Til almattigs guds vil ek bidia myskunar, þan er mer veitir gott ok ollum þeim, er hans leita, en eigi dioflar þeir, er þer truit a.«

7. Þa let Fabricius tak(a) eina stora sulu eda trestolpa ok grafa nidr i iord ok let þar up a setia eitt stort skurgod, því at hann villdi, at hon felle a hne fyrir því ok gau(f)ga(di) þat. Heilog Doratea fell þa oll til iardar ok lagði badar henndr sínar i kross ok bad til guds með þessum ordum: »Styrktu mik, drottinn minn allzvalldandi, sva at ec þola vel allar þer pinur, sem þeir vilia a mik leggja fyrir þitt nafn, ok þeir spari mik ecki, því at þu veizt, at ek truir a þik, minn signadi skapari Jesus Cristr, ok sent mer þina hialp, svo at ek gaufga eigi skurdgod þeira blind ok dauf.«

8. En er Fabricius heyrdi, hversu (hon) badz fyrir, þa var lokit at bua um stopulen, er skurdgodet stod a, ok e(t)lad at leida hana þangat til at gaufga ok luta godenu. A þeiri somu stundu komu guds einglar af himne eptir bode guds ok hans vilia ok brutu stopulinn ok godit, svo ad eingenn sa þar sva mik(it) af, ad ein flis eda spann vere eptir. Upp i loptit heyrdu menn, ad dioflarnir greniudu ok sogdu sva: »Heilog Doratheo, þu hefir oss alla hrakt ok yfirunnet ok eytt ollum vorum vilia, sva ad ver komum aungu fram fyrir þinum þenum.«

9. A þeiri stundu snoruz til rett(r)ar truar otal heidinna manna ok lofudu gud fyrir þessa iarteign, sem verdugt var, ok þolldu gladlega allar þer pinur ok kvalir, sem greifenn villdi a þa legia fyrir guds nafn; let hann suma pina en (suma) drepa, en heilaga mey Doratheam let hann taka ok beria með svipum vëgdar-

laust, sva at blóð fell¹ um allan hennar líkama, ok með iarn-
kómbum lét hann slíta hólð af beinum hennar; eptir þetta allt
saman lét hann taka stórt blýs lóganði ok brenna af henne bríosten.
En þá er þeir hófðu lókit at þína hana þessum píslum, sem nú
5 hefir verit frá sagt með stuttum orðum ok skíotu máli, þá var
hon þó enn ei alþingis dauð; lét þá greifenn kasta henne í myrk-
vastöfu. En um nóttina hafði hon þar skamma stund verit, að
enn guð sialfr með sinne myskunn græði aull hennar sár, sem hon
hafði fengit á sinum líkama, sva sem hon hefði alldrí sár fengit
10 eða annan krankleika.

10. Um morgunenn snemma var hon leidd fyrir greifann, ok
sem hann sa hana, að hon var heilbrigð orðenn allra sinna sara,
þá undradiz hann miög ok talade sva til hennar: »Þú hin fagra
mey ok hin innelega, fylg minum ráðum ok vília, ef þú ert klók,
15 því at þú hefir noga þínu þólad; skal ek gera þig ríka með mér,
ef þú villt elska guð vor.« En heilog mér svarar: »Drottinn
minn vil ek elska ok hans signuðu móður, en ek neita díoðlum
yðrum ok allri skurðgöðu villu, þeirri sem þér heidnir menn truit
a.« Þá lét greifenn taka hana í samri stund ok færa þangad, sem
20 hann fann systr hennar, þér sem fyrr segir frá, at snunar voru frá
rettri trú ok til skurðgöðu villu, ok etladi² þér sva geta talat
fyrir henne, að hon blotadi með þeim, ok greifenn hét þeim mikl-
um auðefum til, ef þér geti snúit henne frá rettri trú með nokkuru
ráði. En þegar í samri stund er hon sa systr sínar, þá taldi hon
25 fyrir þeim rétta trú, ok sva kom, at þér lóguð allt á hennar valld;
snóri hon þeim frá allri villu ok vantru, sva at þér neitudo díoðlum
en íatöðu guði sinum skapara.

11. En þegar Fabricius varð þessa varr, þá erðiz hann af
mikilli grímd ok reidi ok bað taka systr hennar báðar ok binda
30 saman at bókunum ok kasta í elld brennanda, ok geck ei fyr ifra,
en þeira líkamir voru allir brunnir upp at kolum. Síðan lét hann
kalla helga Dorateam fyrir sig ok taladi til hennar mikilli reidi:
»Þú hin illa ok hin hei(m)ska mér, hversu leingi villtu halldaz í
þínu harðlyndi ok illzku í móti guðum vorum, ok gíor anaðhvortt,
35 ef þú villt lífa, að ofra³ guðum vorum, ok brenn reykelsi fyrir
þeim, ellegar ðemi ek þik til daða ok til harðare⁴ písla, en þú
hefir aðr haft.« Heilog Doratheia svarar þá með stöðugu hiarta:
»Ek fyrirsmar þig ok þín guð dumb ok daufr ok alla þína sémð
ok hegöma, en ek vil þóla fyrir minn signaða skapara Jesum

Crist allar þær pinur, sem þu villt a mig leggja, því at i hans gardi ma ek lesa lystug epli ok margar rosir a þessum tima, ok med honum vil ek glediaz efenlega ok hans helgum monnum a hinnum.»

12. En þegar Fabricius heyrdi, at hann gat eigi snuit henne til blota, þa brann hans lif allt af grimd ok reidi, ok let kvalara sla hana med morgum hoggum storum, þede hennar signada anlit ok likama, þar til er (þeir) voru svo modir, at þeir þoldi eigi leingr fyrir meði. Ok svo hófdu þeir slegit hennar anlit ok likama, at eingenn kendi hana fyrir sarum ok blodras. Sidan let hann taka hana ok geyma um nottina, en um morgenenn let hann leida hana fyrir sig ok dæma til dauda. Sidan (let) hann leida hana til þess stadar, sem hana skyllði hoggva, ok er hon var leidd fyrir stadenn, þa var konungsens skrifari gengenn up i konungsins pallaz i hino hestu turna borgarinnar, ok sa, at heilog mér Doratea var leid fyrir stadenn. Þa kalladi hann a hana svo sem med nockuro spotti eda dramskap ok bad, at hon skyllði senda ser af þeim eplum ok iurtum ok rosum, sem hon sagði at yxi i gardi unnanda sins. En hon lofadi honum því ok sagðiz þat skylldu gera. Ok þa er hon kom i þann stad, er hana skyllði hoggva, þa bad hon sier orlofs, svo at hon mætti bidia fyrir sier til guds, ok þat var henne veitt; þa fell hon a sin hne ok bad til guds med þessum ordum:

13. «Hinn signadi skapari drottinn Jesu Cristi, styrktu alla cristna menn, hvern i sinne stet, ok serliga þa, sem kalla a mitt nafn fyrir þig ok minnar pinu minniz med godum ordum eda verkum, hvort sem þat eru kallar eda konur. Gef þeim vilia til at beta þat, sem þeir eda þær hafa þær i moti giort, svo at eptir lift mege þeir audlaz inngongu himirikis med þær ok þinum völdum monnom a domsdegi, ok serlega geym þu alla mina þionuztumenn fra ollum vondum verkum ok vilia. Drottinn minn, enn meira vil ek bidia þig, a hvern sem nockvat fals verdr logit, ok a mitt nafn kallar, frels þu hann þa þar af. En(n) bidr ek þig, almattigr gud minn skapare, at þu gefir ollum cristnum monnum retta idran ok aflat sinna synda a seinazta tima sins lifs; ok ef nockur kona kvelz i barnburd ok kallar hon a mitt nafn, a hverri stundu sem þat er, þa frels þu hana, drottinn minn, af sinum krankleika.»

14. Þegar hon hafði talat þessi ord, þa var heyrd rodd af hinnum svo mælandi: «Kom hin innelegazta ok hin kjerazta brudr,

allt þat er þu hefir bedit mig, þat skal ek giarna veita þer, ok ertu vel vird af mer fyrir þa miklu pinu, er þu þoldir fyrir mig.» Ok sem allir hófdu heyrt þessa gudlegu rodd, ok heilog mer Dorathea reis upp af þen sinne, þa sa hon standa nær sier eina
 5 litla fagra mey, ok allr lydr sa, sem vid var hana; hon var berfætt sinum fottum, en yfir sier hafdi hon eitt purpuraklædi, sva at eingenn þóttiz hafa sied annat þvilíkt fyr; hafdi hon i sinum hondum eina litla korf med þrimr eplum¹ ok morgum rosum, ok baud heilagri Dorateu² þessa korf. Hon svaradi henne svo: «Ber
 10 hana, min kiera systir, i borgina til konungsins skrifara Teopholo, því at ek lofadi honum því i giar, þa er ek var leidd fyrir stadenn.» Þegar hon hafdi þetta mællt, þa hvarf meyen i burt, svo at enginn visse, hvad af henne vard. En heilog Dorathea var þa hoggvin i samri stund ok for med þessum pislarsigri til
 15 almattigs guds i eilifa himeríkis fagnadi, sem nu hafi þer heyrt fra sagt.

15. Nu er at segia fra konungsins skrifara Theopholo, sem fyrr var getit, at hann var genginn upp i konungsins turna, ok svo sem hann hafdi setit þar eina litla stund, kom þar inn eitt
 20 fagurt meybarn ganganda ok hafdi i sinum hondum eina litla kór. Hann þóttiz ei hafa sed annad þvilíkt fyr. Theopholus bad hana sitia, ner sier³, en hun svaradi honum gladlega med fogrum ordum ok sagdi svo: «Tak hier vid þeim eplum ok rosum, sem ek hefi i minne hendi, er Dorathea systir min hefir ydr
 25 senntt, eptir því sem hon sagdiz hafa lofat ydr.» Ok þegar hon hafdi þetta talat, þa hvarf hon fra hans augliti, svo at hann vissi eigi, hvad af henni vard.

16. En sva sem Theophelus sa þessa miklu iarteign, þa kalladi hann hæri roddu ok sagdi sva: «Einn er gud allzvalldandi,
 30 sa er Dorathea truir a ok bodar, en vor gud er ekki utan diofuls spott ok hans daraskapr. En hon hefir þat af sinum gudi, at i þann tima sem vetrinn er kall(d)aztur ok oll iordin frosen ok eingi vidr hefir lauf noekurt eda grodr, þa gefr hann henni nygiar rosir ok epli, sva (at) hon ma þat gefa hverium sem hon vill, ok
 35 upp a þenna gud vil ek trua, því at ek sier, at hann hefir valld yfir alla adra guda.» Ok a hinne somu stundd for hann þangat, er hann fann cristna menn, ok let skira sig i nafni Jesus Cristz ok bad gefa sier guds likama til hialpar ok tr(a)ustz i moti fiandans velum ok prettum, ok predickadi sidan guds erendi ok reta tru

1 eplum Cd.

2 Doratea Cd.

3 seir Cd.

fyrir ollum þeim, sem villdu hlyda, ok snori otalegum lyd til guds ok fra skurgoda villu ok raungum atrunadi.

17. Þegar Fabricius spurdi, at Theopholus hafdi tekit reta tru ok at hann snøre svo morgum lyd til guds fra skurgoda villu, þa let hann taka hann ok pina morgum pislum senn, svo sem 5 hann hafdi adr giort vid heilaga mey Doratheam, ok at siduztu let hann hauggva hann i sundr i sma stycki ok kasta ut fyrir fugla ok villidyr. En einglar guds toku sal hans ok fluttu til himirikis dyrdar, svo sem allra annara guds pislarvotta, i ousmædilega dyrd med gudi allzvalldanda i þat rike, sem efenlega stenndr med 10 gledi ok fagnadi ok alldri verdr endir a. Heilog mer Doratheam var halshoggvin hinn setta dag manadar þess er heitir fabruarius(!); þa var lidit fra hingatburd vors herra Jesus Cristi þriu hundrud atta tigr ok siau ar, ok er hennar messudagr .iiii. nottum eptir kertamessu halldinn i minning hennar pislar ok anlatz. Nu 15 heidrum ok dyrkum hino heilgustu mey sancta Doratheam, ok beidum þess, at hon arni oss vid allzvalldanda gud eilifrar hialpar ok myskunnar bæði þessa heims ok annars at eilifu utan enda. Amen.

DUGGALS LEIZLA.

(Cd. 681^a qv., A; 624 qv., B; 681^c qv., C; 681^b qv., D).

Ef þu villt madr holpinn vera, [þa sa þvi frēi nidr, sem ¹ þu villt upp skera; allt þat er þu matt gott gera ok þu veizt þer
5 bera, ver þu skiotr þat² at vinna, þa mantu goda ombun finna. Þetta lif er litid ok skamt ok gengr monnum [miog misiafnt³; einir lifa rettvísliga, adrir illa ok syndugliga; en þu ifaz alldri um þat, tru þu þvi, er gud segir; goda ombun eigu godir. En þeir sem af illsku eru alldregi modir, fa heitt ok myrkr⁴ ok hord hybyli,
10 þau er til [þionar þeira illvili⁵. Þar verdr hverr slíkr at vera, sem hann vill her til gera; allar syndir eigu refsingar sinna verka ok hardar piningar. Alldri væri þislr ne⁶ helviti, ef eigi væri synda viti. Sa er ann syndum [fær bardaga⁷, en þeir allir, er ser vel haga, þiggja af gudi rikuliga himneska dyrd uendiliga. Þat [synir
15 oss þessi bok. Hakon konungr or latinu tok⁸ ok let noræna til [umbotar monnum ok hugganar⁹, at þeir fagni, er gott gera, en hinir hræðiz¹⁰, er misgera; her megu hvorir¹¹ heyra sinn dom, ef þeir fa skilning ok gott tom at vera skilvísliga þat skiliandi, er þessi bok er framteliandi¹². Gud gefi konunginum fyrir sitt
20 starf eilifa dyrd ok himneskan arf, eptir þenna heim gott langlifi, tign heilagra i eilifu¹³ lifi. Amen¹⁴.

1. Þessi bok synir, hversu einn hirdmadr var snarlíga tekinn¹⁵ or líkam sinum at sia annars heims lif til umbotar þeim, er i

1 [*saal.* C; sa þu nidr, ef A. 2 gott er *tílf.* A. 3 [*saal.* C; vant A. 4 myrkt C. 5. [*saal.* C; þiona þeira illvilía A.
25 6 *saal.* C; i A. 7 [sinum hann vill faa hardar þislr C. 8 [sama synir Hakon konungr i bok sinne, er ur latinu snere C. 9 [*saal.* C; skemtánar ok umbota hinn annar A. 10 ok ottizt *tílf.* C. 11 *saal.* C; badir A. 12 framberandi C. 13 himnesku C. 14 *Indledningén*
30 *mgl.* B. 15 leiddr C.

[þessa heims lifi lifa¹; ok gerdiz þetta a Irlandi. En Irland er eyland ok [liggr i vestrætt², ok horfir [annarr endir³ eyiarinnar i sudr, en annarr i nordr⁴. Ok [hefir þessi ey⁵ morg stoduvoth ok margar ar godar ok gnohar med allzkonar vatnfiskum, ok er [miok skogvaxin ok (hin) nægsta med hveiti ok allzkonar frioi⁶, hin rikazta med allzkonar dyraveidi, hin bezta at siofiska fongum, [aud at vingordum en rik at vinum⁷; sva⁸ hrein ok heilog fyrir ollum eitrykvendum, ornum, yrmlum⁹, pauddum, froskum; sva kryptug, at vidr sa er vex i eyiunni, hudir ok horn, er verda a bufe, ok molld, su er tekin er af iordu¹⁰, sigraz a ollum eitrum; ok þat er morgum kunnigt, at opt er sannliga reynt. Þessi ey helgaz af allzskonar skipan heilagra manna, munklifum ok nunnusetrum. Þessi ey er herklædd med allzkonar dyrligum vapnum (ok) ogurlig ovinum. I sudrætt liggr England miog nalægt; i austrætt bua Skotar [ok Bretar, er sumir kalla Valesa¹¹; en i nordrætt liggr Katanes ok Orkneyiar. Odrum megin gagnvart þessarri ey liggr Spanland¹². Þessi (ey) hefir fiorar hofutborgir ok þriatigi, ok i ollum byskupsstolar, en i tveimr erkibyskupsstoll; [i hofudborg þeiri, er Tikona¹³, heitir, þar er erkibyskupsstoll, sudr i eyiunni er hofutborg annars erkibyskupsstols¹⁴, er heitir Kaselensis¹⁵.

2. I [borg Kase(l)ensis¹⁶ var fæddr madr, sa er Duggall¹⁷ het, [hans grimleikr var helldr mikill; guds miskunn ok milleikr gerdiz ok gaf efni til þessarrar bokar¹⁸. Þessi madr var ungr at alldri, dyrligr at ætt, fridr at¹⁹ andliti, blidr i rædu²⁰; en at sonnu, þat sem varla er harmlaust at segia, þa trudi þessi Duggall sva miog æ fegrd likams sins ok styrk ættar sinnar, at hann vanrækti alla lifsgæzlu²¹ sina, ok hirti allz eeki um hialp salu

1 [þessu lifi eru B. 2 [er i ætt vestr, ok utsudrs at sigla af Noregi (Norvegi C) ur Biorgvin B, C. 3 [einn gaf B, C. 4 en leingd landsins er austr ok vestr tilf. B, C. 5 [a Irlandi eru B, C. 6 [skogi vaxit miog ok hit nægsta (venazsta C) med hveiti ok aullum (odrum C) kornfriofofum B, C. 7 [saaledes rettet: vinearum expers sed vini dives lat.; audig at vingordum, rik at vinum A; audigt at manngædum B; audigt at vingiordum C. 8 iord sva B. 9 mgl. B, C; serpentium, ranarum, bufonum lat. 10 ok sandr tilf. B, C. 11 [er sumir kalla Valeis, en Bretland liggr nockru vestar ok þo aafast Einglandi B, C. 12 Nordr undan Irlandi liggr Island, ok er þriggia daga haf i milli tilf. B, C. 13 Ardinacha (Ardmacha) lat. 14 [annarr i hofudborg þeiri B, C. 15 saal. C; Kasolensis B; Kaseensis A; Caselensis lat. 16 [þessari borg B, C. 17 Duggaall 40 B. 18 [er sagan er af dietud B. 19 i B, C. 20 mali B, C. 21 lifsgiezkun C.

sinnar. Ok sva sem hann taldi oss sialfr sidan opt med idran ok tarum, þa var honum angr at hverium, er hann minnti nokkut æ gott at gera. Hann hafnadi iafnan kirkiu, mislikadi honum at sia fataka menn guds, ok alldri villdi hann þeim hialpa ne huggan 5 gera¹. Allar landskylldir sinar ok adra fjarhluti hafdi hann gior-samliga til hegomligrar dyrdar ok veralligs skrautz. En þa er su stund var komin, er gudi likadi at onyta hans vangæzlu² ok fyrir-koma hans hormuligum hegoma, þa kalladi gud hann til sin, eptir þeim hætti sem vili hans var til. Þat vottudu margir [dyrlegir borg- 10 armenn or þeiri borg, er Duggall var³, ok nær honum voru staddir, er hann la þria dag ok þriar nætr liflauss. En æ þeiri stundu birti gud honum allt þat, er lif hans misgerdi þessa heims, ok því næst endrlifnadi hann, syndi ok sagdi, hvat hann hafdi þolat; hann var pindr morgum piningum ok otruligum þessu lifi. 15 En skipan þeira pisla ok nofn, sem hann sialfr nefndi fyrir oss, birti ek ydr at auka ok styrkia guds vilia ok ydarn; fannzt oss ok likadi at rita þetta þeim til æminningar⁴ ok umbotar, er þetta lesa eda heyra.

Þessi Duggall atti marga vini ok felaga, en einn þeira af 20 lani því, er hann hafdi led honum, atti honum at giallda .iii. hesta. En er stefnudagr skulldarinnar var lidinn, þa for hann til vinar sins ok heimti skulldina. Fagnadi vinr hans honum vel ok veitti honum med godum fagnadi [þria daga⁵. Þvi næst sem skulldarnautr hans svarar med hogværðum ordum, at hann hefði 25 eigi fong sva skiott þa skulld at greida, þa reiddiz Duggall akafliga ok biozt heim at fara. En skulldarnautr⁶ hans villdi hugga reidi hans ok bad hann mataz med ser, fyrr en hann færi i burt. Nu sem hann þa bod felaga sins, ok hann hafdi nidr setz ok lagit ðgsi sina hia ser ok tok at matazt med husbonda, ok sva sem hann 30 retti hond sina fra ser, þa fekk hann eigi beygt hana til munnz. En hann iafnskiott [ogurlega æpandi mællti til husfreyio⁷ felaga sins: »Giæt, kvad hann, oxar minnar, þviat ek er nu i annlati.« En þegar er um leid, fell likamr hans til iardar nidr, sem alldri hefði ond i verit. Þvi næst fellu oll sonn daudamork æ hann: 35 har hans folnadi⁸, enni roknadi⁹, augu hans um sneruzt, en

1 veita B. 2 vangeymslu B, C. 3 [menn Kolosensis (Kasolensis C), B, C. 4 Her ender C. 5 [.iii. nætr B. 6 skulldunautr B. 7 [saol. B; mællti til husbonda A; terribiliter clamare cepit suamque securim uxori sui socii commendavit lat. 8 saal, rettet; fell en A; fell i B; crines candent lat. 9 mgl. B.

nasraufar hans byrgduzt, varrar bliknudu, haka ofan seig, ok allir likams lidir¹ hans kolnudu. Þa hliopu pionostumenn ok toku burt matinn; hans menn ok sva husbondans gretu, ok logdu nidr lik hans ok letu hringia fyrir sal hans. Þar komu kennimenn ok allr borgarlydr harmandi sva skiotan dauda duganda mannz; ok þarf þat eigi⁵ lengra at gera, en fra midium degi midvikudags til þess hins sama tima laugardags þa la hann daudr, sva at ecki lifs mark fannzt med honum nema þat, at þeir, sem gersamligazt hondludu likam hans, fundu, at nockurr ylfr var i hinu vinstra herdarbladi hans. En fyrir því villdu þeir eigi grafa likam hans, at þeir kendu hann¹⁰ varman i þeiri halfu. Ok því næst sem mikill fioldi lærðra manna ok olærðra var samankominn at iarda lik hans, þa fek hann ond sina ok andvarpadi langa stund med þungmegnum anda. Allir hinir hygnuzstu menn, er þetta sa, undrudu ok mælltu: »[For eigi þessi aund sva fra honum², at hon viti eigi aptr likams i þessu¹⁵ lifi³. En med því at hann leit med þraungmegnu aliti til þeira, er næstir honum stodu, spurdu þeir hann, ef hann villdi hafa pionostu, ok bendi hann þeim⁴, at hann villdi⁵. En sidan er hann hafdi bergt⁶, þa lofadi hann gud med⁷ þokkum ok mællti: »Drottinn, meiri er miskunn þin en illzska eda ranglæti mitt, þo²⁰ at of mikit se. Miklar ok undarligar pislir syndir þu mer, margar ok illar, en miskunn þin lifgadi mik ok leiddi mik odru sinni þadan i þetta lif.« En sva sem hann hafdi þetta mællt, þa skipti hann fe sinu aullu ok gaf helgum⁸ kirkium ok fataekum monnum. Sidan let hann merkia sik med marki hins helga kross ok het gudi²⁵ med stadfostu hiarta, at hann skyllði allt hit dagliga lif sitt fyrirlata ok bæta. Þvi næst [sagði hann⁹ oss allt, þat er hann hafdi set ok þolat, med þessum hætti.

2. Sem önd min skildizt vid likam minn, kvad hann, ok vissi at sonnu, at hann var daudr, þa vissi hon ok syndir sinar³⁰ ok tok at hrædaz miog, ok vissi eigi, hvat hun skyllði at hafazt. Hon villdi aptr snuazt i likam, ok matti eigi inn komazt. Þa villdi hun burt fara ok hræddizt hvetvetna, sem hon fordadizt, [i því er hon vissi eigi, hvat hon skyllði,¹⁰ af því at hon vissi sik synduga. Þa treystizt hon guds miskunn ok tok at grata, æpa³⁵ ok skialfa, veina ok kveina, ok því næst sa hon þar koma mikinn

1 ok limir *tílf.* B. 2 *saal.* B; monnum A. 3 [Nonne hic est spiritus vadens et rediens? *lat.* 4 til *tílf.* B. 5 *giarna tílf.* B.

6 pionostu *tekit.* B. 7 *maurgum ok miklum tílf.* B. 8 *halft.* B.

9 [*birti* hann ok *taldi* fyrir B. 10 [*mgl.* B.

folda ohreinna anda, sva at eigi at eins var husit ok golfit allt
 fullt, er la likit, helldr hvert stræti ok hverr annarr stadr, er
 tomr var, ok flyktuz þeir umhverfis þa enu veslu sal at hryggia
 hana ok angra, ok mælltu þeir sin a milli: »Syngium ver, kvadu
 5 þeir, þessi veslu salu verdugan saung daudans, þviat hon er dottir
 daudans ok [matr ok fæda oslockviligs elldz¹, hon var iafnan
 myrkrum unnandi ok lios hatandi.« En þvi næst sneruz þeir allir
 at henni ok gnistu tönnum a hana ok slitu andlit hennar med
 klom sinum i reidi sinni ok illgirnd ok ædi, ok mælltu: »Se her,
 10 vesol sala, herra þina ok folk þat, er þu hefir kosit þer, med
 þessum skalltu brenna i eilifum elldi. helvitis; þu vart rogs leid-
 togi ok sundrþykkis elskari, hvar er nu metnadr þinn, skart ok
 dramb ok hegomlig gleði? hvar er nu hlutr þinn ok spottsamligt
 gaman? hvar er nu afl þitt ok styrkleikr, er þu angradir margan med
 15 ok svivirdir? hvar er nu augnabending þin ok ogiptusamligr hattr,
 er þu hafdir vid þinn brodur? hvar er nu fotastangan² þin eda
 likams reiting³? hvar er nu su en illa hugsan hiarta þins?« Med
 þessum ordum ok morgum odrum heitudur þeir vid salina, hræddu
 hana ok hrygdu, sva at hon kveinadi ok æpti ok vænti ser einskis
 20 af þeim nema dauda ok pisma, sva sem þeir heituduzt vid hana, at
 eigi mundu þeir dvelia⁴.

3. En vorr drottinn milldr ok miskunnsamr, er eigi vill
 dauda syndugs mannz⁵ ok mattugr er at likna ok hialpa [vand-
 rædum ens dauda⁶, allzvalldandi [milldr ok miskunnsamr drottinn
 25 med heilagri hialp sinni⁷ skipadi eptir sinum villia ok minkadi
 þessa vesolld; þviat þa sendi hann engil sinn i moti þessarri salu.
 Ok er hon leit hann [langt um⁸ komanda biartan sem dagsbrun, þa
 hafdi hon ohverfanliga ok stadfasta syn a hann, væntandi ser
 hialpræda af honum. En sva sem engillinn nalgadizt hana, þa
 30 heilsadi hann henni med eiginnafni⁹: »Heill þu, Duggall, sagdi
 hann, hvat hefztu nu at?« En [hann hormuligr¹⁰ siðandi þa hina
 fridu skepnu guds ollum sonum manna fegri ok æskiligr¹¹, en
 heyrdi sialfan sik nefndan eiginnafni¹² med hræzlu ok nykomnum
 fagnadi, þa svarar hann¹³ englinum med þessum ordum: »Vei er

35 1 [*saal. B*; modir *A*; *cibus ignis inextinguibilis lat.* 2 fotastadan
B. 3 hræring *B.* 4 sina illgiarna þionostu *tilf. B.* 5 helldr
 at hann lifi ok leidrettiz *tilf. B.* 6 [ok lækna saar hins synduga
B. 7 [mætr ok aagætr, blidr ok blezadr drottinn Jesus Kristur med
 hagligu hialpræði sinnu *B.* 8 [*saal. B*; þar *A.* 9 eiginligu nafni
 40 *B.* 10 [*saal. B*; hon hormuligr *A.* 11 elskuligr *B.* 12 eignar-
 nafni *B.* 13 *saal. B*; hon *A.*

mer, herra fadir, sagdi hann, helvitis pislir ok sorgir hverfa um mik, ok gilldra daudans hefir fyrir tekit alla vegu mina.« Þá svarar engillinn: »Nu kallar þu mik herra ok fodur, ok virðir þu mik alldri fyrr sva mikilligs¹ nafns.« En þá svarar salin: »Herra, kvad hon, hvort sa ek þik nockut sinni, eda hvenær heyrda ek þina sætu rodd fyrr en nu?« Engillinn svarar ok mællti til hennar: »Ek fylgda þer iafnan, sidan er þu vart fæddr, ok hvervetna þar sem þu fort, ok villdir þu alldri minum radum fylgia.« Ok því næst retti hann hond sina at einum þeira dioflanna, er bolvadi henni optaz ok heitadiz vid hana mest: »Se, kvad hann, þenna felaga þinn ok radgiafa! hans ordum fylgdir þu, en minum radum ok vilia hafnadir þu at ollu. Nu med því at gud lætr miskunn sina yfir ganga dom sinn, þa skalltu niota miskunnar. Ver nu glod ok fegin, því at far pislir skalltu þola nu af sva morgum, sem þu værir verdug, ef eigi hylpi þer miskunn lausnara mannkyns. Fylg mer nu, kvad hann, ok mun þat allt skilvisliga, er ek man syna þer, þvíat þu skallt aptr fara i likam þinn.« Þá hræddizt salin akafliga ok gek til engilsins fra likamanum, er hon stod [fyrr æ². Ok þa er dioflarnir heyrdur rodd³ engilsins, ok þeir fundu, at þeir mundu eigi mega fremia þat, er þeir heitudur vid salina, þa [skelktu⁴ þeir gabbandi i lopt upp ok mælltu med ylandi roddu⁵: »Se, kvadu þeir, hversu grimmr ok ranglatr gud er, hann drepr þa, sem hann vill, ok lifgar þa, sem honum synizt; eigi gerir hann, sem hann het, at hann skyldi dæma hvern eptir sinum verdleikum, hverr frelsar fyrirdæmdar salur ok fyrirferr saklausum.« En sva sem þeir hofdu þetta mællt, þa red hverr þeira æ annan, ok borduz lengi ok særduzt storum sarum; ok þeir hryggir ok hræddir ok miog reidir hurfu burt ok blesu fulum anda fra ser med sva illum dauni, at eingi daudligr madr matti þola. Sidan gek engillinn drottins vars fyrir salinni ok mællti til hennar: »Fylg mer,« kvad hann. En hon svaradi: »Vei mer, herra, sagdi hon, ef þu gengr fyrir mer, þa taka anskotar minir mik fra þer ok munu kasta mer i eilifan elld.« »Nei, kvad hann, hræz eigi, miklu er meiri ockarr floekr en þeira; en med því at gud er med ockr, þa þurfum vit aungan at hrædaz i mcti ockr. A vinstri hond þer skulu falla þushundrad, en a hægri hond þer .x. þusundir þinna ovina, ok skal eingi nalgaz þik, ok at sonnu skalltu þat sia med augum þinum ok a lita ombun syndugra. En

¹ virduligs *B.* ² [hia fyrr *B.* ³ rædu *B.* ⁴ skegldu *B.*

⁵ [posuerunt in celum os suum (*v. l.* blasphemaverunt) dicentes *lat.* ⁴⁰

þu skaltt þola litlar, sem ek sagda þer fyrr, af morgum þeim pislum, er þu ert verdug.» Ok sem hann hafði þetta mællt, þa gengu þau fram leid sina.

4. En sva sem þau höfdu lengi gengit ok höfdu ecki lios, nema þat er stod af englinum, ok um sidir komu þau i dal einn mikinn ok miog ogurligan, myrkan ok allan hultan daudans blindleik. Sa dalr var miog diupr ok fullr gloandi gloda, ok var lok a honum sex alna þykt, ok stod meiri bruni af því en af ollum glodum, þeim er voru i dalnum. Ok af þeim dal gek sva full
10 daunn med allzkonar bitrleik ok sva med siukum þungleik, at hann gek yfir allar þær pislir ok vandrædilig volk, er su sala hafði fyrr þolat. Þvi næst sigu ofan a lokit mikill vesalla salna fioldi, ok brunnu þar æ med hardri ok langri pisl, til þess er þær voru kolum likari; ok sidan voru þær kreistar i gegnum iarnlokitt
15 sem rennanda vax i gegnum klædi, ok [endrskopuduz sva¹ odru sinni til pisl ok glodunum til bruna. Sem salin sa þetta, hræddiz hon miog akafiga ok mællti til engilsins: «Vei mer, herra, sagdi hon, ek bid ydr, ef vili ydarr er til, at þer segit mer, hvat þessar aumu salur misgerdu i sinu lifi, er þær eru verdugar sva hardra
20 ok heitra pisl.» Þa svarar engillinn: «Þessir voru, kvad hann, manndrapamenn fedra ok meðra, barna ok brædra. Þessi er en fyrsta pisl, kvad hann, allra er slikt hafa gert, ok eptir þessa pining eru þeir leiddir til þeira pisl, er meiri eru, er þu skaltt sia.» En þa mælir salin: «Skal ek þola þessa pisl?» Engillinn svarar:
25 «Longu þionadir þu til þessa pisl, en eigi skaltu at sinni þola þær, fyrir því, þott þu ser eigi fodurbani ne brædra, barna ok mædra, þo [er þu² manndrapsmadr, ok skal þat nu eigi at sinni hefnaz æ þer; en er þu kemr aptr i likam þinn, þa varaz þu, at þu þionir eigi til slikra meina ok meiri pisl.» Ok því næst
30 mællti hann: «Gongum framar, mikit er eptir af leid ockarri.»

5. Sidan gengu þau leid sina til eins undarlíga mikils fiallz audnar ok ognar; fiall þetta gaf þraungvan veg ollum umforundum. En þeim megin fiallzins, sem vegrinn var, þa vall upp hinn fulazsti daunn ok brennusteins logi myrkr sem kolreykr; en odrum megin
35 i mot var isfrosinn snær ok hinir hvossuzstu vindar med hinum meinsomuzstum høgum. Þetta fiall var buit hvarumtveggja megin med salna fiolda, fullt af leidiligum dioflum, er yfir voru þeim pislum, sva at eingi var vegr oruggr yfir at fara. En allir dioflar, er voru i þeim pislum, höfdu þrikvislada liostra ok skutu i gegnum

þær salur, er þar villdu um fara, ok drogu þær til sín i þislr. Sem hinar aumu salir höfdu lengi kvalz i brennusteins bruna ok voru sem tíðazt skotnar i gegnum með líostrunum, ok því næst kastadar i isinn níðr ok i iokulinn ok því næst undir haglvindana¹, þá var þeim hrundit i brennusteinslogann apr. Sem salin hafði set [þessar þislr², þá hræddiz hon akafliga með skíalfta miklum ok sagði til engilsins, er gek fyrir henni: «Herra, kvad hon, ek se berliga, at þessar þislr eru mér bunar, þvíat ek komumz aungan veg yfir, hversu skal ek þetta þola?» Engillinn svarar: «Hírd eigi at hræðazt, kvad hann, fylg mér eða gak fyrir.» Því næst gek engillinn fram, ok fylgdi hon honum sem fyrr.

6. Sem salin hafði gengit sem næst englinum fyrir hræzlu sakir, komu þau i dal diupan ok fullan myrkra ok sarleika ok illra dauna. Þessi dalr var sva diupr, at aungum kosti gat set grunninn³. Sa dalr var skipadr af salum, þar matti heyra mikinn ok hvellan þyt af straumi brennusteins, er rann or fiállinu, þar með kveinan mikils mannfílda, er þar pínduz. En sva bitr reykr ok full daunn stóð upp or dalnum, at fyllði allt loptíð, ok þat var meira ollum píslum þeim, er salin hafði fyrr sed. En bórd lá millum fiállanna yfir dalinn sva langt, at hvarr endir lá [i sínu fiállinu⁴, sem bru væri, ok var þat þushundrat fotskrefa⁵ langt en fetz⁶ breitt. Um þá bru komuz aungir menn nema guds kosningar. Þar sa salin marga falla af þeiri bru ok aungan yfir komaz nema prest einn. En sa prestur var pílagrímr ok bar palma a bakinu ser ok var klæddr sláningi, ok gek hann fyrstr fyrir ollum óhræðdr. En er salin sa, at langr var vegrinn, þraungr ok míor, ok undir honum ogurligr ok eilífr daudi, þá mællti hon til engilsins: «Vei er mér aumri, kvad hun, hværr skal frelsa mik af þessum veg daudans?» Engillinn leit til hennar með blíðu annlíti ok svarar: «Hræz eigi þú, kvad hann, fríals skalltu vera af þessi písl, en þessu næst mantu þola adra.» Ok gek hann þá fyrir ok leiddi hana yfir bruna ómeidda. Sem þau voru komin yfir bruna, mællti salin þá til engilsins sva oruggliga, sem hon væri komin or ollum bruna ok vandræðum: «Ek bíð þik, herra, kvad hon, ef þér líkar, at þú segir mér, hværra salna eru þessar þislr.» Engillinn svarar: «Þessi enn ogurlígi stadr er píslarstadr metnadamanna, en fiállit

¹ haglpíníngina *B.* ² [þesse undr *B.* ³ grunnit *B.* ⁴ [yfir um þvert fiállit *B.* ⁵ *saal. B.*; fotspora *A.* ⁶ *saal. B.*; fertugs *A.*; mille passus in longitudine, in latitudine vero unius pedis mensuram habebat *lat.*

med brennusteins bruna er pisl svikalla manna, er um þat sitia odrum monnum mein at gera. Gongum nu fram til annarra pislalíkra þessum.

7. Sem þau gengu, þa komu þau á langan ok hardan veg.
- 5 En er þau hófu gengit um stund miog erfidliga um þann myrkva veg, þa sa þau eigi fiarri ser eitt kvikendi med otruligum mikilleik ok obæriligri ogn. Þetta kvikendi af mikilleik sinum syndiz salinni vera meira en hin hæsta hæd eda mesta fiáll, er hon hafdi fyrr sed. Augu þess kvikendis voru því líkagt sem [gloandi glædr¹, en
- 10 mudrinn sva mikill, at, eptir því sem salinni syndizt, þa matti þat auðvelliga svelgia um sinn .ix. þushundrad herklæddra manna. En i munnum stödu .ii. iotnar, ok hófði níðr hófudít æ odrum ok stod æ tonnum hins nedra gomsins, en i moti því þa hófði hófut annars upp undir tenn hins efra gomsins, en íliar hans stödu
- 15 æ enum nedrum tonnum. Ok med þessum hætti voru þeir sem sparar eda stolpar i munnum ok gerdu þriu gardzhlid æ munnum. [En oslokkviligr² logi stod or munnum um þessi þriu gardzhlid, ok var morgum syndugum salum hrundit i logann. Þar stod or med loganum obæriligr daunn or munnum.³ Sva
- 20 matti ok heyra or munnum kveinan ok ylan þess hins mikla fiolda, er pindiz i kvidinum nted hordum⁴ ok grimligum pislum; ok var þat eigi kynligt, þvíat þar voru morg þushundrut manna, bæði karla ok kvenna, bord ok brotin med allzkonar pislum, volkum ok vesoldum. En uti fyrir munnum var mikill díofla fioldi
- 25 bolvadr, er hrundu syndugum salum naugum inn i munnum. En þó adr þeir hryndi þeim inn i hann, þa bordu þeir þær ok særðu morgum sarum ok miklum barningum. Sem salin hafði þetta lengi set, þa fyrirvard hon oll⁴ naliga af mikilli hræzlu ok mælti til engilsins med gratandi rodd: «Herra minn, kvad hon, því at
- 30 þu veizt, hvat her er titt, hvi villtu sva nærri ganga?» Engillinn svarar ok mælti: «Þessi er vegr ockarr, ok megu vit eigi framkomaz, nema vit nalgimzt þessa pisl; eingi ma komaz um þessa pisl nema helgir menn guds.» Þetta kvikendi heitir Acheron⁵ ok svelgir alla sinka menn⁶. Um þetta kvikendi mælið heilug ritning, at þat skal
- 35 eigi undra, þott þat svelgi allan strauminn, ok enn segir til þess, at Iordan renni i munnum honum. Strauminn kallar heilug ritning heidnar þíodir, er i þetta kvikendi koma, en Iordan eru kristnir

1 [logandi glóðir B.

2 rettet; oþeckiligr A; inextinguibilis lat.

3 [mgl. B. 4 sik B.

5 saal. lat.; attergus A; athergon B.

6 omnes avaros lat.

menn, því at þar hófst skirn, ok hyggst þetta kvikendi kvelia þa ok svelgia. En þessir sparar, er standa i munnum, [ok horfir¹ hvarr i moti odrum, voru iotnar, ok um þeira daga funduzt aungir rettari² i sidum sinum, en þeir voru, ok hefir þu opt heyrð getit þeira, [þvi at annarr het Fargus, en annarr Konall³. Þa mælti 5 salin: «Heyr mik, herra, sagdi hon, þat þiki mer kynligt, med þvi at þu kallar þa verit hafa rettvisa i sidum sinum, hvi gud villdi gera þa verduga þessa pislá.» Þa mælti engillinn: «Allar þessar pislir, er nu hefir þu sed, eru litlar hia þeim, er þu skallt sia, adr en þu ferr aptr i likam þinn.» Ok er hann hafdi þetta 10 sagt, þa gek hann fyrir salinni at pislinni ok stod fyrir munni þess ogurliga dyrs. En salin, þo at eigi villdi, fylgdi honum. Sem þau stodu þar bæði saman fyrir munnum dyrsins, þa hvarf engillinn fra henni. En hun var ein saman þa ok stod þar eptir dopr. En diofarnir sem þeir sa, at hon var ein saman ok fyrir- 15 latin, þa særdu þeir hana ok bordu ok drogu hana i kvid dyrsins. En hvilikar eda hversu miklar pislir hon þoldi þar, þo at hon sialf hafi þagat⁴, þa mun hverr hygginn madr finna sidan [at yfirsyn ok atferd hennar⁵. En med því at ver vilium segia med skamri ræðu, þa megu ver eigi allt þat telia, er ver heyrdum um 20 þetta. En at ver fyrirlatum eigi efni ræðunnar, þa telium ver fatt af morgu til umbotar aheyrundum. Þar þoldi su en auma sal hunda bit ok varga slit, barningar ok biarnar bit ok leona, orma hogg ok eitr, ok marga annarra grimliga ok ogurliga dyra. En aungar mannligar tungur kunnu nefna grimleik ok ædi, illgirnd 25 ok ofund diofla ok þeira hogg, ellz bruna, frost iokla, sionleysi augna, skialpta tanna ok margskonar naud ok gnott allzkonar eymdar ok vesaldar. Sem hon hafdi þar þessar ok þessum likar pislir lengi aumliga þolat, þa æpti hon pislir sinar ok sleit ok reif andlit sitt af mikilli sorg ok angri, ok vænti ser aungrar hialpar. 30 Ok er hon hræddiz at pinaz þar eilífiga fyrir sakir verdleika sinna, þa vissi hon eigi, med hverium hætti hon kendi sök or komna dyrinu. Þvi næst sem hon hafdi lengi legit i oviti ok meginleysi, þa lauk hon upp augu sin ok sa engilinn, er leiddi hana, miog nær ser, ok þo at hon hefði miog verit pind, þa huggadiz hon, 35 er hon sa hann, ok mælti: «Þu einka von min ok huggan, su

1 [aufgir B. 2 iafntryggvir B; tam fideles lat. 3 [vocantur enim Fergusius et Conallus lat. 4 rettet; sagt A; þagat farit B; taceret lat. 5 [rettet; yfirsynandi kvalar hennar A; at yfirsyn hyggiunnar B; in colore vultus et conversione morum lat.

er gud gaf mer overdugri, þu ert líos augna minna, hvi villdir þu fyrirhlata mik vesla í sva mikilli písl ok vesolld? Hvat skal ek veslug gefa gudi fyrir allt þat, er hann gaf mer, þott hann hefði alldri mer fyrr gott gert annat en þetta, er hann sendi þik mer
5 til hialpar. En hversu ma ek honum þetta þacka?» Þa svarar engillinn: «Sva sem þu sagdir í fyrstunni, at meiri er guds miskunn en illzka þin; at sonnu ombunar gud hverium eptir sinum verðleikum, en þo dæmir hann hvern eptir idran þeiri, er hann hefir í líflati sinu. Ok fyrir því, sem ek sagða þer fyrir,
10 hæfir þer at varaz, þa er þu [kemr í þitt valld¹, at þu þionir eigi optar til slíks.» Ok því næst mællti engillinn: «Forum fram til þeira písla, er fyrir ockr eru enn.»

8. En salin reistiz upp sem siuk ok þungmegin ok kostadi at festa fotspor sin ok matti ongum kosti fotum koma undir sik,
15 því at hon hafði verit miog adr pind. En þa hondladi engillinn hana ok huggadi, ok gek fyrir henni skyndiliga ok eggjadi hana at skunda af veg þeim, er hann hafði sagt henni. Nu sem þau hófdu lengi gengit, þa sa þau stoduvatn með sva hvossum vindi ok odum stormi, at bylgjur gengu sva hatt, at eigi matti sia himenenn
20 fyrir. En í þessu vatni var undarlíga mikill fioldi dyra ogurlígra, er goptu ok [rautudu ok kostudu eptir mætti at svelgia syndugar salur². En um breidd vassins var bru miog long, ok var löfa breid, en lengd bruarinnar var half röst³; ok var þessi bru bæði lengri ok miori en hin, er ver gatum fyrr. Nu var sia en miofa
25 bru, er yfir la vatnit, oll sett stalgoddum sva hvossum, at engi fotr mannz matti yfir komaz. En oll þau hin ogurlígu dyr, er þar voru í vatninu, þa somnuduz alla vega at brunni at taka þar mat sinn, allar þær salur, er eigi mattu um komaz bruna. En þau dyr voru sva mikil sem hinir hæstu turnar, ok flaug sva
30 mikill logi or munni þeim, at vatnit allt var sem vellanda af þeim elldi. A þessi bru sa þau eina sal, miog gratandi ok æpandi syndir sínar, ok hafði mikla byrði æ baki af síodum⁴ hveitikorns, ok var rekin naudig at ganga yfir bruna. Nu þoat iliar hennar væri í gegnum særðar af stalgoddunum, ok þo at æði verkr væri í
35 sarunum, þa villdi hon helldr a löda brunni en falla í vatnit vellanda ok í munn dyranna. Sva sem salin sa þessa odæmiliga

¹ [fueris tuæ potestatis lat. ² [beliudu ok rautndu til einskis annars matar en svelgia syndugra manna salir B. ³ duo milliaria lat. ⁴ saal. B; sadum A; magno pondere manipulorum frumenti onusta lat.

pisl, þa mællti hon til engilsins: »Heyr mik, herra, kvad hon,
 vita villda ek, ef ydr syniz, hvi þessi sal er naudig rekin yfir
 bruna med sva mikla byrði, ok hverra salna þessi pisl er einkan-
 liga.« Engillinn svarar: »Þessarrar pislar ertu verdug ok allir
 þinir makar, er þiofar eru, hvart sem þeir stela meira eda minna. 5
 En þo þola eigi allir iafnt þessa pisl, þeir er meira stela eda
 minna, nema þat se kirkiustuldr.« Þa mællti salin: »Hvat kallar
 þu kirkiustuld?« Engillinn mællti: »Þa er þadan er stolit þat, er
 vigt er til guds þionostu, bækr eda messufot ok kalekar eda annat
 þesskonar, eda þo at oheilagt se, ef or kirkiu er stolit. En þeir 10
 misgera mest i stuldi, er undir hreinlifra manna bunadi stela,
 nema þeir bæti vel, þa eru þeir syndgazstir.« Ok því næst mællti
 hann til hennar: »Skundum nu fram, því at vid skulum yfir bruna.«
 Þa mællti salin: »Þu matt yfir komazt med gudligu valldi, en
 eigi vænti ek, at þu megir mik leida med þer.« »Eigi skal ek, 15
 kvad engillinn, fylgia þer, nema þu skallt ein saman fara, ok eigi
 tomum hondum, því at þu skallt leida med þer otaminn uxa, ok
 gefa hann mer, er þu villdir eigi selia frænda þinum, ok bid min
 odrum megin vazins vid bruarenda.« Þa gret salin með æpanda
 grati ok mællti vid engilinn: »Vei mer, kvad hon, hvi skapadi 20
 gud mer at þola slikt, eda hversu ma ek vesol leida naut eptir
 mer, þar sem ek man alldri komazt or þessi pisl, nema miskunn
 guds dugi mer?« Þa mællti engillinn: »Mun þu, kvad hann, þa
 ertu vart i lifi þínu, þa staltu ku guðfodur þins.« »Herra, kvad
 hon, gallt ek eigi aptr þetta naut, er þu rædir um, þeim er atti?« 25
 »Aptr galltu, kvad engillinn, en þo eigi fyrr, en þu mattir eigi
 leyna; ok fyrir því skalltu eigi þola alla pislina, at minni synd er
 at vilia illt, en at fullgera þat, en þo er hvortveggia illt fyrir
 gudi.« Sem hann hafði þetta mællt, þa leit hann at salinni ok
 syndi henni kuna: »Her er nu kyrin, kvad hann, er þu skallt 30
 leida med þer yfir bruna.« Þvi næst sem salin sa, at hon matti
 eigi undan komaz þessi pisl, er hon vissi sik verduga, þa gret hon
 synd sina, ok hellt hon æ kunni, ok bardi hon hana ollu afi at
 koma henni æ bruna ut. En þa voru dyrin undir brunni beliandi ok
 rautandi ok bidu sva matar sins, er þau sa æ brunni. Ok sva 35
 sem salin gek a bruna, þa villdi eigi kyrin fylgia henni; en þa er
 salin stod, þa fell kyrin, en er kyrin stod, þa fell salin; ok med
 þeim hætti gengu þau allt til þess, er þau komu æ midia bruna.
 En er þau komu þar, þa [sa salin koma aptr i moti ser þann, er

hveitiludr¹ bar, ok mættuz þær þa æpandi ok gratandi. Su sala, er hveitit bar, bad hana, er kuna leiddi, at hon skyldi eigi talma veginn fyrir henni; en hin i moti bad morgum bænum hina vægia ser, ok sagdi sik hafa sott leidina med miklu volki ok hordum pinum. En at sonnu
 5 matti hvargi þa aptr snuazt, ok eigi þordu þær aa bak ser at lita, ok fyrir því stod hvar i mot annarri veinandi ok kveinandi, ok var oll bruin blodug af blodi ilia þeira. Sem þær hofdu þar miog lengi stadi ok gratid syndir sinar, þa vissu þær eigi, hverium hætti hvar þeira var um komin adra. Þvi næst sa su sal, er kuna
 10 leiddi, miog nærri ser engil, er hana hafdi fyrirlatit, ok mællti (hann) til hennar med blidum ordum: »Vel komin! kvad hann, lat nu ku þina lausa, nu hefir þu golldit honum skulld sina.« Ok nu sem salin syndi honum fætr sina ok kvad sik eigi lengr ganga mega, þa svarar engillinn henni: »Mun þu nu, at skiotir voru
 15 fætr þinir til manndrapa, ok fyrir því var þat makligt, at pining ok vesollð var aa veg þinum ok lengi mundi verit hafa, ef eigi hylpi þer guds miskunn.« Ok því næst hondladi hann fætr hennar ok græddi, ok gek fyrir henni. En er salin spurdi: »Hvert gongu vit nu?« Þa svaradi engillinn: »Her fyrir ockr bidr ockar einn
 20 liotr ok leidiligr pislapionn, er heitir Pristinus², ok megum vit aungum kosti um komaz hans herbergi. En þo at hans herbergi se iafnan fullt gesta, þa fysisir hann eigi at sidr at þiona nyium gestum med starfi sinna pislá.

9. Nu sem þau gengu um myrkva stadi ok hardan veg, þa
 25 syndiz þeim hus opit ok sva mikit sem it hæsta fiall at mikilleik, en þat var kringlott sem ofn, er menn baka braud i. En sva mikill logi stod or husinu, at hann var alla vega halfa röst fra husinu, ok sveid allar salur, er fyrir urdu. En salin, er fyrir hafdi ordit ok þolat fyrr þesskonar pislir, þordi aungum kosti nær at ganga,
 30 ok fyrir því mællti hon til engilsins: «Hvat skal ek vesol nu gera, kvad hon, her er inngangr eilífs dauda, hverr skal mik hedan frelsa?» Þa svarar engillinn: «Fria! skaltu vera fyrir þessum ytra loga, en at visu skaltu fara i husit, þar sem loginn kemr or. [Ok er þau nalguduzt husit, þa sa þau marga pislapiona med boloxum ok
 35 breidoxum ok margskonar homrum ok þexlum ok sverdum³ ok allzkonar tolum⁴, med nofrum ok þvðrum ok sogum, sigdum, liam ok grefum⁵, med tveggiudum handsoxum ok iarnrekum ok kes-

¹ [kom su salin aa moti þeim, er hveitisiodana *B*; viderunt illum sibi obvium, qui manipulos portabat *lat.* ² *saal. B*; Fustinus *A*; Phristinus *lat.*

³ ok saxknifum *tílf. B.* ⁴ talgutolum ok hoggvopnum *B.* ⁵ grefium *B.*

ium¹ ok margfollðum goddum ok geirum ok allzkonar tolagerdum, er þeir hófðu þar buin, at fla ok at skera, hoggva ok hamla, rista ok rifa, myrda ok meida. beria ok briota, bora ok ellta². Þetta var var fyrir dyrum i midium loganum, er þeir pindu syndugar salur, er þær voru i millum þeira, ok pinduzt þær þar med allzkonar hattum, sem nu var sagt, otaligum pislum³. Sem salin sa þessar pislir, þa virduz henni þessar meiri ollum pislum, er hon hafði fyrr set, ok mælti þa til engilsins: «Herra, kvad hon, frels mik af þessum pislum, ok iata ek mer þeim, er okomnar eru.» Þa mælti engillinn: «Þessi pisl er vist meiri ollum pislum, er þu hefir fyrr set, en þó skaltu nu sia eina pisl, er yfir er ollum þeim, er þu megir augum sia eda hug leida. Gak inn, kvad hann, i þessa pisl! her eru bithundar, er bida þin.» En salin, hrædd ok skialfandi ok naliga af harmi fyrirverdandi, bad med allzkonar bænum, at hon skyldi frialsazt af þessarri pisl, ok gat eigi þegit. Þvi næst sem dioflar sa, at hon var þeim iatud, þa slogu þeir hring um hana ok brigs-ludu henni synda brigsli ok illyrdu hana med ferligum ordum ok slitu hana alla i sundr med slikum tolum, sem fyrr gatum ver, ok því næst særdu hana ok sundrslitna kostudu henni i midian elldinn. En fra þeim at segia, er voru i husinu, þar var⁴ hrygg-leikr, harmr ok op ok harmþrungin ædi, ok kveinan ok tannaskialfti; utan it hardazsta frost⁵, en innan enn akafazsti bruni, ofyllilig agirnd ok fysi matar ok drykks, er alldregi matti fyllaz; ædi ok ofóli i þeim stodem likams þeira, sem skop⁶ þeira hófðu verit, sva at sialf skopin voru fuin ok ok sundr slitin, ok ullu þau oll modkum, bæði kalla ok kvenna, ok eigi at eins veralldar manna, helldr ok margra þeira, er menn hugdu her vera hreinlifa, ok gengu i skop þeira enu grimmuzstu dyr ok slitu þau sva med hordum piningum, at eingi off mattu þola. Þar var hverskonar tegund karla ok kvenna, ok voru i hverskonar bunadi, er menn bera þessa heims æ sinum likam, valkut, pind ok bord ok brotin med herfiligum sarum ok svivirdligum. Sem salin var lengi pind i þessum margfollðum ok odrum otruligum pinum, þa fann hon sialfa sik synduga ok

1 stalgoddum, stilum *tilf. B.* 2 kliufa *B.* 3 [Et cum propius accederent, viderunt carnifices cum securibus et cultris et sarmentis et bisacutis, cum dolabris et terebris et faleibus et forcipibus acutissimis, cum wangiis et fossoriis et cum ceteris intrumentis, quibus animas excoriare vel decollare vel findere vel truncare poterant *lat.* 4 Her *begynder D.* 5 lentus ignis extrinsecus *lat.* 6 glepir *D.*

verduga slikra pislá ok vesállda. Því næst sem miskunn guds villdi, þá vissi hon eigi, með hverium hætti eða hverri skipan hon kendi sik or komna þessum pislum, ok sat hon þá í myrkri ok líkneskiu dauðans. En er hon hafði þar nokkura hrid setit, þá leit hon
5 þat líos lífsins, er hana hafði leitt; ok hon full angrs ok hrygg-leíks mællti: «Hví, herra, kvad hon, þóðla ek vesold slíka ok sva miklar píslir? Hvat er þat, er hygnir menn sogðu oss, at heimrinn er fullr af guds miskunn, hverr er nú mikilleíkr guds miskunnar?» Engillinn svarar: «Dottir, kvad hann, marga hafa
10 þessi ord blekt, þá er eigi hafa fengit rétta skilning þessarra orða, fyrir því, kvad hann, þó at guð se at sonnu miskunnsamr, þá er hann þó eigi at síðr réttrís. Réttrísi guds gerir við hvern, eptir því sem hann er verdugr, en miskunn hans fyrirgefr syndir ok verdugar píslir. En þú þólr nú þessar píslir af verdugum tilverkum
15 þínum, en þú þakka gudi, þá er þú finnr, at miskunn hans fyrirgefr þér píslir misverka þínna. En ef guð fyrirgæfi allt, til hvers skyldi mædrinn vera þá réttríss, eða hví skyldi mædrinn íðraz ok íata syndir sínar, ef eigi hræðízt hann guð. Því skipaði guð, sagði hann, alla hluti vel, at hann stíllir réttrísi með miskunn,
20 ok miskunn með réttrísi, at hvargi se an annarrí. Ok þó at hann þýrmi syndugum monnum miskunnsamlíga, þá þóla þeir þó píslir til hreínsonar misverka sínna. Sva ok ef guð tekr fra réttrísum monnum, meðan þeir lífa í líkam sínum, heílsu eða aðra huggan, ok berr þá sakir sínna misverka, þá gefr hann þeim miskunn-samlíga eílífa fagnaði englanna, er þeir fara or líkam sínum. En
25 þeim mun er guds miskunn meír en réttrísi hans, at ecki vetta er þat gott gert, er eigi verðí at fullu ombunat, en morg íllvirkí fyrirgefr guð, þau er réttrísi hans ætti hefnd aa. Því at eíngi [er í lífi þessa heíms¹ syndalauss, ok eígi barn, þat er borít er
30 ok eína nott lífr aa íorðu, en guds miskunn fyrirgefr morgum sva gersamlíga, at eígi sía þeir myrkr dauðans².» En þá huggaðízt salín af orðum engílsins ok mællti til hans: «Herra, sagði hon, með því at þér getít réttrísvra manna, er sva³ eru sælír, at eígi koma í gærðzhlíð dauðans, hví eru þeir leíðír til helvítis.» Engill-
35 ínn svarar: «Ef þér þíkír þat kynlígt, sagði hann, hví réttrísír menn, er eígi koma í píslír, eru leíðír at sía þær, þá er þat fyrir því, at þeir unní þeim mun meíra gudi, sem þeir sía gíorr, or hverium píslum hann frélísaði þá. Sva ok, sagði hann, salur

¹ [ibui heimsins er *D.*

² ut non tangat eos umbra mortis *lat.*

³ *Her mgl. 1 Blad i B.*

syndugra manna, þær er at verdleikum eru dæmdar til eilífra kvala, þá eru þær leiddar fyrst at síá dyrd heilagra manna, fyrir því at þær síá þá enu ríku ombun rettvisra manna, er þær hófnudu; en því næst er þær koma í píslir, þá er þeim su aminning. synd dyrdanna, er þeir hófnudu, ok er þeim þat auki sinna písla 5 ok vandræða ok vesældi. Því at eingi písl er íafnmikil sem at vera skíldr frá syn guds ok heilagra engla. En prestr sa, er þu sætt sva oruggliga ganga yfir bruna, var leiddr at síá píslir, at af syn píslanna skyldi hann því elskulígar lofa ok dyrka, vírða ok tigna almattigan gud, sem gud hafði hann meir frá píslum tekit 10 ok tigulígar dyrkat. Sem gud hafði reynt hann tryggan ok hyggin í hlydni bóðorða sinna, því gaf gud honum koronu eilífs fagnadar, er hann hefir heitit at gefa ollum sér unnandum.« Því næst mællti engillinn: »Med því, kváð hann, at vít hófum enn eigi seet allar píslir, þá dugir þér, at vít skyndim at síá þær.« 15 Þá mællti salin: »Ef vít skulum síðan koma til dyrdanna ok hvíllða, þá skyntu¹ fyrir mér til píslanna.«

10. Sem engillinn gek fyrir salinni, þá sa þau dyr eitt olíkt odrum dyrum ok ogurlígra ollum þeim, er þau hófðu seet adr. Þat hafði tvo fætr ok tvo vængi med longum halsi, þat hafði íarnnef 20 ok íarnklær ok bles or munni sínum æsilígum loga, ok sat æ einu stoduvatni, er allt var ífrosit, ok svalg allar salur, er þat matti na. En er þær komu í kvið dyrinu med píslum, skaut dyrit frá sér þeim í vatn frosit, ok endrnyíuduzt þær svo í odru sinni til písla. En allar salur, er í komu vatnit, svo karla sem kvenna, 25 þá þrutnudu, sem med getnadi væri, ok bíðu med miklum ymisligum píslum, til þess er þeim hæfir at bera. En í innyflum þeira ok getnadarlimum voru [yrmlur ok poddur², ok bitu ollum píníngum sarara, ok sva lífðu þær veslar í því enu saurga vatni frosnar í ísí vazins. Síðan sem tími kom burðar þeira, þá pínduz þær 30 med svo akofum verk, at æði ok op þeira, kveinan ok grát matti heyra um allt helvíti, ok fæddu þeir orma af sér, svo karlmenn sem konur, ok eigi at eins í þeim stóðum líkamsins, sem natturlígr getnadr fæðiz, helldr um alla líkams líðu, leggi ok fætr, um bak ok hendr³, sva at eingi var sa stadr líkamsins, at eigi út 35 sprungu þau eítrlígr kvíkendi. En oll þau dyr, er þar fædduzt, hófðu loganda íarnhofut ok³ hit hvassazsta stalnef, ok slítu þar med þá hina somu líkami, er fæddi þau. En halar þessarra dyra

¹ skunda þu D.² [yrmlur D.³ Her ender D^a.⁴ Her beg.

atter B.

voru prikvisladir allir með ormshofdum, ok beygduzt allir sem
 aunglar at slita þær salur, er [þau fæddu¹. En sem dyrin gatu
 eigi dregit hala sina or likomum salnanna, þa hiuggu þeir ok slitu
 vendiliga likamina með krokottum nefum sinum; ok með þessum
 5 hætti, ædi ok opi þess mikla fiolda, ok ogurligr gnyr isanna ok
 kveinan salnanna, [ok belian dyranna² er þar fædduz, fyllði allt
 loptit upp til himna af aumligum latum svo hörmuliga, at þo at
 sialfir dioflarnir stæði þar hia, þa mætti þeir hrædaz ok vorkynna
 þeim hinum veslum salum, er þar pinduz; þviat þau dyr hófdu æ
 10 ollum limum sinum allzkonar hófut ok atu allt holldit af limum
 sinum til sina ok beina. Tungur þeira voru tvikvisladar sem
 orms, þess er aspis heitir, ok onyttu þær [hvatvetna ok oll innyfli
 likama sinna³. En skop karla ok kvenna voru i orma likneskium
 ok smugu allan kvidinn innan, atu ok slitu ok drogu innyfli or
 15 likamum salnanna. Þa mællti salin: »Ek bið þik, herra, at þu
 segir mer, hvat illt þessar salur gerdu i lífi sínu, er slíka písl
 þola. Ek hygg, at þessi písl se olik ollum þeim, er ek hefi fyrr
 seed.« Engillinn svarar: »Ek sagða þer fyrr, at þeir er koma i
 helgazsta skipan, ef þeir villaz ok misgera, sva at þeir bæta eigi,
 20 þa eru þeir dæmdir til hardazstra písla, sva sem þar i moti, ef
 þeir gæta sín við syndum, hliota þeir hina hæstu dyrd. Nu er
 þessi písl munka ok allzkonar hreinlífismanna, sva karla sem
 kvenna, þeira sem eigi bæta þat, er þau misgerdu i heitum sinum
 við guð, ok sva annarra lærðra manna, er vigdir eru til guðs
 25 þionostu, er vigslur sínar svivirdu með leikmanna harskurdi ok
 klædabunadi ok margskonar odrum ohattum ok illum verkum, er
 liuga tru sina ok heit sín at gudi, ok fyrir því eru her allir limir
 likama þeira pindir ok sundrslitnir með allzkonar píslum, at þeir
 hófnudu at gæta sín frá bonnudum ok ferligum verkum. Þeir
 30 baru eitri i tungum sinum, því at þeir gættu eigi illra orða sinna,
 en nu brenna þeir i tungum sinum með hordum bruna. En skopin,
 er þeir villdu eigi hepta frá ferligu saurlífi, eru nu ormar ok pina
 þat, er þau misgerdu. Nu þo at þessi písl se einkanaliga þeira, er
 hreinlífir eru kalladir ok eru þo eigi, þa er þessi písl eigi síðr
 35 allra þeira, er með ohreinligum ok omundangligum hætti saurlífis
 spilla sér; ok fyrir því mattu aungum kosti undan komazt þessum
 pinum, at meðan þu vart i líkam, þa skammadizt þu eigi at saurgaz
 með ovidkvæmiligum hætti, ok sva opt syniliga, at þu villdir

¹ [*saal. B.* : fæddi þa *A.* ² [*efter lat.* : mugitus bestiarum exe-
 untium; *mgl. A, B.* ³ [ok rifu oll innifli saalnanna *B.*

optar en þu mattir.« Ok er hann hafdi þetta mællt, komu dioflar med miklum gny ok kostudu salunni at dyrinu. En er dyrit hafdi svelgt hana, þa pindiz hon i kvidi dyrsins ok því enu mikla vatni, eptir því sem fyrr var sagt. En er at því kom, at hon skylldi fæda ormana, þa kom engill guds med blidu andliti ok huggadi hana med godum ok sæmiligum fagnadi ok blidum ordum ok mællti til hennar: »Kom hingat, kvad hann, hin kærasta min, eigi skalltu þola lengr þetta.« Ok tok hann hana hondum sinum ok græddi hana ok eggiadi hana at fylgia ser skiott um þat, er eptir var leidarinnar. Ok foru þau þa langa leid, ok vissi salin eigi, hvert þau gengu, þvíat ecki var liosit, nema þat er af englinum lysti. 5 10

11. Nu gengu þau um ogurliga stadi ok miklu hardari gotu, en fyrr hofdu þau farit, ok var þessi vegr sva mior ok þrongr, at varla matti fætr a festa, ok sva hallr, at iafnan var buit vid falli. [En því meir er þau nidr gengu, því minnr hugdi salin ser til lifs vanar¹. Þvi næst mællti hon til engilsins: »Segit mer, herra, kvad hon, med því at vit hofum seet sva margar illar pislir, at eigi mega hardari vera, ok aungum megu slikar i hug koma, hvert leidir ockr nu þessi enn hardi vegr, er sva hefir ockr nidr dregit?« Þa svarar engillinn: »Þessi vegr liggr til eilífs dauda.« En þa mællti salin: »Med því, kvad hon, at þessi vegr er inn þraungvazti ok hinn hardazti um at fara, ok eingi madr er þessum veg nema vit tvau, hvat er nu þat, kvad hon, er gudspíallit mæli: rumr er sa vegr, er til dauda liggr, þvíat margir ganga um hann?« »Eigi mæli, kvad engillinn, gudspíallamadrinn um þenna veginn, helldr um synda veg ok saurlífs veg verallígs lífs, því at hann leidir alla þa, er hingat koma.« Sem þau hofdu lengi gengit ok miog mod, þa komu þau i dal einn, ok sa þar marga smidiubelgi ok budir, ok heyrdi þar op ok grat. Þa mællti salin: »Heyrir þu, herra minn, þat, er ek heyri?« Engillinn svarar: »Heyri ek, sagdi hann, ok veit ek, hvat þessi písl heitir; þessi píslapíonn heitir Vulcanus, kvad engillinn, ok fyrirkemr hann morgum med velum sinum ok svikum, ok allir, er eptir lata eggian hans, eru her pindir.« »Skal ek, kvad salin, nockut þola þessa písl?« »Skalltu at visu, kvad engillinn.« Hann gek þa fyrir, en hon fylgdi honum. Sem þau nalguduz píslina, þa hliopu dioflar-

¹ [rettet; En því nær er þau nidr gengu hugdi salin ser til lífs varnar A; mgl. B; et quanto plus descendebat, tanto minus anima reductum ad vitam sperabat lat.

nir i mot þeim ok mælltu eigi við engilinn, nema toku salna, er fylgdi honum, með gloandi taungum ok kostudu henni i ofninn ok blesu at alla vega elldinum, sva sem menn gera við iarn ok stal, allt til þess at sa inn mikli fíoldi salna, er þar brann, var nálíga
5 at aungu ordinn. Sem þær voru sva brendar, at eeki syndiz eptir vera af þeim, nema sem vatn væri, þa skutu díoflarnir þríkvísludum slam¹ i gegnum þær ok logdu þær a stedia ok bordu þær með miklum iarnhnydíum, sleggíum ok homrum, allt til þess er þeir hófdu saman barit i boll einn .xx. eda .xxx. salna eda .e., ok þat
10 er hardara var, at þær mattu eigi deya at helldr, en þær vílldu þat gíarna ok mattu aungum kosti. Þa mælltu díoflarnir: »Er nu eigi ærit at gert?« Þa svara sumir: »Kastit híngat, ver munum sia, ef ærit .er.« Ok kostudu þeir þa til þeira. En þeir hendu þær íafnskiott með gloandi tongum, sva at þær komu hvergi nídr
15 a millum. En sva sem hínr hófdu fyrr gíort, sva gerdu þessir þa, kostudu hvarir til annarra, ok voru þær aumu salir hvevetna píndar, sva at hud ok hóld ok sínar ok bein urdu folski af bruna ellzsins. Sem salin var pínd i þessum píslum, þa kom huggari hennar ok tok hana or mídium loganum ok græddi hana, sem
20 hann var vanr, ok mællti: »Hversu mattu? Eigi voru þer sva kíerar, sem þer þotti, líkams sæmdir, at þu attir at þola sva margar ok miklar píslir fyrir sakir þeira?« En salin matti aungu svara, þvíat hon var sva míog pínut, ok hafdi hon eeki afl at mæla eptir sva langa eynd ok mikla. Því næst sem engillinn
25 sá, at hon var míog farin af vesolld píslanna, þa mællti hann til hennar með blídum ordum: »Huggaztu nu, qvad hann, þvíat nu víll drottinn leida þík til helvítis ok apr þadan. Nu tak styrk þínn ok ver oflug! Þó at þu hafir margar píslir þolat, þa eru þær myklu fleiri ok meiri, er þu skallt fríals fyrir vera, ef þat er víli
30 lausnara vørs; þvíat hann víll eigi dauda syndugra manna, helldr at þeir lífi ok bæti líf sítt. Allir þeir, er þu hefir enn seet, bída doms guds; en þessir er i nedrum píslum eru, ero dæmdir, ok ertu eigi enn kominn til ens nedra helvítis.« Sídan tok hann i hönd henni ok huggaði hana eptir sídveniu sinni ok bað henni
35 at fara með sér, þat er eptir var leídarinnar.

12. Sem þau gengu saman ok rædduzt víð, þa kom i móti þeim, ok þó at ovorum, hræzla mikil ok kulldi ok ogurlígr daunn ok óbærilígr, sva at alldrí hófdu þau fyrr slíkan kent, með sva miklu myrkri, at þat var yfir allar píslir þær, sem þau hófdu fyrr

set. Ok fell þa hræzla ok angroleikr hverskonar æ salina, sva at henni þotti, sem allr grundvollr heimsins skylfi, ok af þeiri hræzlu mællti hon þa til engilsins: «Herra, kvad hon, hvat velldr þvi, at ek ma eigi æ fætr standa, sva em ek hrædd ok pipr¹, at varla hefi ek ond² at at mæla. Sem hon³ stod ok beid andsvara 5 engilsins, þviat hon matti ecki mæla fyrir ofmikilli hræzlu, þa hvarf engillinn or augsyn hennar, sva at hon matti hvergi sia hann. Þvi næst sem hon fann sik ollum syndgum aumari, ok frateknum sinum huggara ok liosi hvat matti henni annat i hug koma, en (at) fra henni væri tekin oll von guds miskunnar; þviat 10 i syn heilags anda mællti Salamon, at hvarki vizska ne vinatta er i helviti, þangat er salin skundadi, fyrir þvi kunni hon þa ecki rad.

13. Sem hon hafdi um stund ein saman verit i þeim haskum, þa heyrdi hon op ok kveinan undarliga mikils fiolda, ok svo 15 undarliga ok ogurliga, at eingi tunga kann þat at segia. Þa leit hon um sik ok villdi sia, hvadan þessi ogn kom at henni. Þa sa hon i grof eina ferstrenda, sem gia ok mikill pyttr (væri), ok stod or stolpi dynianda reyks ok loga sva har, sem hinn efri endir tæki til himins. Sa logi var fullr syndugra salna, er upp flugu 20 med loganum, ok er reykrinn vard at aungu, þa fellu salirnar nidr i grunn pyzsins ok ofn ellzins. Sem salin hafdi seet þessa ogurligu syn, þa villdi hon firraz ok matti fætr aungan veg hræra. Sem hon opt vid leitadi ok komz hvergi, þa æddiz hon af angri ok sleit kinnr sinar med noglum fingra sinna ok æpti: «Vei mer, 25 kvad hon, hvi dey ek eigi, hvi villdi ek eigi trua helgum ritningum, hver ærsla sveik mik?» Sem dioflar heyrðu leti hennar, þeir er upp flugu sem folski or loganum, þa hurfu þeir iafnskiott umhverfis hana med slikum vopnum, sem þeir baru til salna pisl, ok nistu tonnum, ok brunnu allir sem elldr i klungrum, ok æptu 30 allir einni rauddu: «Vesol sal, verdug vesælla pininga, hvadan kom þu hingat? Þu veizt aungar pislir ok aungar hefir þu enn reynt, nu it fyrsta skalltu sia verdulega pisl verkum þinum; or þeim skalltu alldri komazt, þar skalltu æ ok æ vera ok lifa ok þar æ brenna kvik utan enda; aunga huggan ok ecki lios skalltu 35 þar finna, aunga hialp ok aunga miskunn þarftu þar at vænta. Þu skallt nu ganga i gardzhlid daudans ok vera hrundit i et nedra helviti. Sa er hingat sendi þik, sa enn sami bleckti þik, frelsi hana þik nu, ef hann ma or vorum hondum, alldri skalltu hann

1 hrygg B. 2 maatt B. 3 Her indfalder en Lacune i B.

sidan sia. Hrygg(z) vesol, syrg ok grat, æp ok kveina, yl ok harma, nu skalltu grata med gratendum ok brenna med brennendum, Eingi er sa, er her vill nefna þik ne frelsa þik or ovina valldi.» Ok mælltu þa dioflarnir sin æ millum: «Hvi dvelium ver, tokum
 5 ok synum henni grimleik þann at gefa hana Lucifero hofutdiofli at svelgia.» Þvi næst hristu þeir vopn sin at henni ok hetu henni eilifum dauda. Þessir dioflar voru allir svartir sem kol, augu þeira sem elldibrandar, tenn þeira sniohvitar, halar þeira sem orma þeira, sem skorpiones heita. Þessir ormar hafa ogurligt
 10 eitr ok hoggá med holum, en adrir ormar med tungum; þeir hafa sem gamsklær hinar hvossuþtu stalklær æ hondum ok fotum, sem hrokva sik at, at þeir skyldi þegar taka hana, ok hon gratandi, sungu þeir henni sorgarsaung eilífs dauda. Þa kom engillinn ok rak i burt alla dioflana ok huggadi salina med fagnadarordum eptir
 15 sidveniu ok mællti: »Glez ok fagna, dottir, þvíat þu skallt nu þiggia fagnat ok miskunn, en eigi dæmizt¹ þer nu þessar pislir, en sia skalltu en eigi þola fleiri.

14. «Nu, kvad hann, skal ek syna þer enn versta anskota mannkyns.» Ok gek þa engillinn fyrir henni, ok er þau komu
 20 at helvitis gardzhlidum, þa mællti hann: «Kom, qvad hann, ok see ok vit at sonnu, at þeir er auga hafa megu her eeki sia, en þo skalltu sia þa, er her eru, en eigi megu þeir sia þik.» Sem salin nalgadiz, [sa hon diup helvitis². En hvilikar eda hversu miklar ok hardar pislir hon saa þar, þo at .c. tungna væri þar i hveriu
 25 hofdi, þa mundi eigi geta upp talt. Fatt³ er þat, sem hann sagdi oss, ok hormuligt er at heyra, ok þo nyttsamligt ok en meiri varud at firrazt i sinu lifi. Hon sa, hvar var sialfr ovinrinn ok hofdingi myrkra ok hofutovin allz mannkyns, er meiri er ollum kvikendum ok dyrum⁴, þeim sem fyrr hafdi hon seed. Sva kvad salin likama
 30 hans mikinn, at af ollu því er hann⁵ hafdi seed, qvad hann eeki kunna vid at iafna, ok eigi vilium ver annat mæla, en ver heyrdum af honum; en slíka sogu vottum ver, sem ver heyrdum. Þat it bolvada kvikendi var svart sem hrafn, eptir manz skepnu likams fra fotum til hofuds, nema þat umfram at þat hafdi margar hendr,
 35 eigi færi en þusund handa, ok hver hond .c. læfda⁶ laung ok .x. læfda digr, ok klær fingranna lengri spiotskoptum, ok voru klær

1 dæizt *Cd.* 2 [*saal. rettet*; i diup at sia helviti *A*; *appropinquans autem anima vidit profundum inferni lat.* 3 *rettet*; þa *A*; *Pauca quæ ipse nobis retulit lat.* 4 *Her beg. atter B med et Blad, der er overskaaret, saa at kun omtrent en Trediedel af hver Linie er tilbage.*
 5 salin *B.* 6 centum cubitos *lat.*

fingra or iarni. Nef hafði hann mikit ok digrt ok langt, ok hala
 hvassan ok langan ok settan umhverfis enum hvossustum goddum.
 Þetta et ogurliga dyr la æ grufu æ iarngrilli¹ undirliggiandi
 glodum, ok bles þar at med belgium mikill diofla fioldi, sva at
 eigi mundi því trua, at heimrinn² hafði sva margar andir getit fra
 upphafi. En þessi ovin allz mannkyns var bundinn i ollum limum
 ok i ollum lidum hans likama med iarnrekendum morgum ok
 digrum. En sva sem hann veltiz a glodunum, þa angradizt hann
 med akafri reidi, ok snerizt hann af annarri sidu a adra, ok i því
 slo hann hondum sinum a þann inn mikla salna fiolda ok kreisti
 þær, sva sem hungradr ok þystr akrkarl kreistir vinberia log i
 munni ser, sva at eingi var su sala af þeim hinum mikla fiolda,
 sva at eigi sleit hann hofudit af eda adra limi. Þvi næst skaut
 hann ondinni fra ser ok bles umhverfis sik [ok dreifdi ollum
 salum³ i allar halfur helvitis, ok iafnskiott pyttrinn, sa er ek
 sagda i fra, skaut upp af ser daun ok loga. Ok sem þessi hinn
 grimmi vargr dro at ser ondina, þa safnadi hann salunum, er hann
 hafði sundr dreift, ok svelgdi þær allar med reyk ok brennusteinum;
 ok [sumar sva sem þær villdu komaz or hondum⁴ honum, þa laust
 hann þær med nefi eda hala sinum. Ok med þessum hætti þetta
 it auma undr var bart adra beriandi ok pint adra pinandi. Sem
 salin sa þetta, þa mællti hon til engilsins: »Ek bid þik, herra,
 attu segir mer, hvat heitir þetta it mikla undr ok hit bolvada?»
 »Þetta heitir, segir engillinn, Lucifer, ok hann var upphafdr ok
 bio i paradisar yndi. Nu ef hann væri laus, þa mundi hann angra
 ok fyrirfara allan heiminn ok himininn ok allt helviti. En
 þessi inn mikli fioldi, er her er med honum, eru sumir englar
 myrkra, er menn kalla diofla ok þegna fiandans; þat er ok
 afspringr Adams, er eigi er verdr miskunnar, þvíat þeir væntu
 ser aungrar hialpar af gudi, ok eigi trudu þeir æ hann, ok fyrir því
 þola þeir her eilifar pislir, at þeir hofnudu at þiona eilifum drottne
 allrar dyrdar med ordum ok verkum. Þessir eru ok þeir, sagdi hann,
 er dæmdir eru ok bida margra annarra⁵, er heita gudi med ordum
 en hallda eigi med verkum. Slikar skulu þeir þola, er neita gudi

¹ super cratem ferream suppositis ardentibus prunis *lat.* ² *rettet*; ³⁵
 hann *A*; mundus *lat.* ³ [*tilf. efter Latinen*: spargit omnes animas
 in diversas Gehenne partes. ⁴ [*saal. rettet*; su fello þær i munn *A*;
 az wr hondum *B*; sed et quicunque manus eius fugiunt *lat.*
⁵ *saal. efter lat.*: multos adhuc alios expectant; pislir ok ecki minne
tilf. A, B.

at fullu, eda gera verk þeira, er honum nita, sem hordomsmenn, manndrapsmenn, þiofar eda mordingiar, metnadarmenn ok þeir, er eigi syna gudi litilæti i idran ok umbot synda sinna. Þat skulu þeir þola fyrst, er þu satt adan, ok sidan leidaz hingat til þessarra
5 pisl; or þessi komaz aungir, er um sinn leidaz i þessa pisl. Her koma illir hofdingiar heimsins, er illa neyta sins valldz, [er þeim var af gudi gefit lyd sinum til traustz ok h]alldz¹, ok eigi verdr þeim at gagne eda hialp um þat valld, er þeir eru til skipadir, því at þeir trua eigi a gud, er allra vallda er gíafari. Fyrr því mælr
10 heilug ritning: Mattugir menn þola margar pislir.» Þa mælti salin: «Þer segit, kvad hon, at gud gefr oll volld, hvi lætr gud þa pinazt fyrir sakir valldanna?» «Valld þat, sagdi engillinn, er gud gefr, er at sonnu gott, en þat er illt at nyta þat illa.» «Hvi gefr gud þa eigi, sagdi salin, íafnan godum at eins valld at bæta ok vid at
15 sia ok hialpa, sem hæfir, þeim er þeir eigu fyrir at sia?» «Stundum, sagdi engillinn, tekz valld fra godum monnum fyrir synda sakir lyds þess, er illa þionar undir þeira valldi, þvíat illir menn eru eigi verdir godra hofdingia; sva ok stundum takaz hofdingiar godir af valldi sinu, at þeir se i minni ahyggiu ok því meir rækiandi²
20 forsia salna sinna.» «Ek villða vita, kvad salin, hvi hofutíandi heitir hofdingi myrkra, með því at hann bergr aungum ok eigi getr sik frelsat sialfan?» «Þessi, kvad engillinn, er kalladr hofdingi eigi af valldi helldr af meinsemdum ok hordum hlutum, er hann gerir i myrkrum þessum, fyrir því, þo at þu sæir margar
25 pislir, adr en þu her komt, þa er sem aungar se hia þessum odæmiligum pislum.» «Sva er at sonnu, qvad salin, þvíat meir angrar mik at sia þenna pytt ok kenna þenna enn illa daun en allar pislir helvitis, er ek fyrr þolda. Nu bid ek, herra, kvad hon, tak mik hedan i burt sem fyrst, ok lat mik eigi her lengr vera ok pinazt,
30 því at ek se³ her marga mina frændr ok adra mina kunningia, er ek gerða mer giarna at vinum i veralldarlifi, en her lati gud mik alldri hafa þeira felagskap. En þo veit ek at sonnu, ef eigi hylpi mer guds miskunn, þa væri minn verdleikr⁴ at þola slikar pislir sem þeir.» Þa mælti engillinn: «Kom hingat nu, en sæla
35 sal, ok huggaz i hvíld þinni, þvíat drottinn gerdi þer mikit gott; alldri skalltu optar slikt þola, sem nu hefir þu seed, nema þu þionir

¹ Det her mellem [] indsatte er tilføiet efter Gising, da B først bliver fuldstændig med . . . alldz, og A springer over fra er þeim var — þat valld. ² stundandi B. ³ Her beg. Db. ⁴ nogr til tilf. D.

til slíks. Her til hefir þu seed myrkrastadi ovina guds, en nu framleidis skalltu sia dyrdir vina guds.

15. Sidan sneriz salin til engilsins ok fylgdi honum. Sem þau hófdu lengi gengit, þa hvarf daunn ok myrkr ok birtiz liosit, ok at hræzlunni tapadri kom i stadinn huggan ok hughreysti¹, 5 ok sem salunni hvarf hryggleikr, þa fyllðiz hon fagnadar, sva at hon undradi [sik sva skiott umsnuna² ok mællti: »Herra minn, kvad hon, med hverium hætti er ek svo skiott umsnui³? skommu var ek sionlaus, en nu se ek; ek var hrygg, en nu em ek glod; um allan veg ockarn kenda ek fulan daun, en nu er ecki þess- 10 konar; þa var ek hrædd ok huglaus, en nu em ek fegin ok orugg.« Þa mællti engillinn: »Blezut sertu, undra þu eigi þetta! þessi er snuning hægri handar guds; nu förum vit heim um annan veg i konungsriki ockart, ok þu þacka gudi miskunn sina ok fylg mer.« Þvi næst sem þau gengu, þa sa þau hafan vegg; ok fyrir innan 15 vegginn, þeim megin sem þau gengu, var mikill fioldi karla ok kvenna undir vosi⁴ ok vindi, ok voru oll hrygg ok hungrut ok þyrst; hófdu þau lios, ok aungan illan daun⁵ kendu þau. Þa spurdi salin: »Hverir eru þessir, er slíka hvild hafa?« »Þessir eru, kvad engillinn, medalmenn, eigi [godir ok eigi illir⁶, ok giættu 20 sin þo somasamliga, en aunga miskunn gerdu þeir fatækum af fe sinu, ok fyrir því skulu þeir nockura stund þola vind ok hregg ok hafa sidan hvild goda.

16. Eptir þat gengu þau um stund ok komu at gardzhlidi, er þegar laukzt upp fyrir þeim. Ok er þau voru innkominn, þa 25 sa þau enn fegrsta voll allan fullan blomandi grasa med godum ilm, ok þar var miog inniligt, ok var þar otaligr salna fioldi ok med miklum fagnadi. Ok var þar eingi nott, þar skein sol iafnan, ok þar var brunnr lifanda vaz. En salin eptir sva langt angr ok pislir, er hon hafdi þolat, vard fegin af sva inniligum stad ok mællti 30 þessi ord med miklum godvilja: »Blezat se nafn drottins⁷ nu ok eilífiga, er mik frelsti or gardzhlidum eilífs dauda, ok [(fyrir) mikileik miskunna þinna leiddir mik til heilagra þinna⁸. Nu sannreyni ek ord heilagra ritninga, at eigi megi daudlig eyru heyra ok eigi daudligr hugr hyggia, ok eigi daudlig augu um sia 35 dyrd þa, sem gud hefir heitit sik elskundum.« Ok því næst mællti salin: »Herra minn, kvad hon, hverra salna er þessi hvild, ok

¹ saal. B; hugstyrki A, D.

² [þetta umskipti et skiota B.

³ umskipt B. ⁴ vatni B, D.

⁵ þef B.

⁶ [of illir D.

⁷ Her

indfalder en Lacune i B. ⁸ [syndi mer mikileik myskunsemda sinna D. 40

hvat heitir þessi brunnr?« Engillinn svarar: Her hvilazt, sagdi hann, þeir, er eigi voru at ollu godir, ok eru þo teknir or helvitis pislum ok eigi enn verdir at koma i samlag heilagra manna guds. En þessi brunnr heitir lifandi, sa er dreckr af þessu vatni skal æ
5 ok æ lifa ok alldri þyrsta.

17. Þadan gengu þau fram um stund, ok salin sa fyrir ser tva konunga, annan Chonchober¹ en annan Donatum². En er salin sa þa, undradizt hon ok mællti: »Hvat er þat, herra minn, er nu se ek, sagdi hon, þessir tveir hofdingiar voru grimmir i lif
10 sinu ok miklir ovinir sin i millum; hverr godleikr kom þeim hingat, eda hversu voru þeir giorvir vinir?« Engillinn svarar: »Þeir idruduzt ovinattu sinnar fyrir andlat sitt, fyrir því var þeim eigi til pisa visat. Chonchober³ konungr la lengi siukr ok het gudi, at hann skyldi gerazt munkr, ef hann lifdi; en Donatus⁴
15 var hertekinn ok lengi hafdr i hoptum ovina sinna, ok gaf hann þa allt, þat er hann atti, fataekum monnum, ok fyrir því lifir rettvísi hans eilífíga. Ok skalltu allt þetta telia fyrir lifandi monnum sidan.«

18. Sem þau hofdu gengit um stund, þa sa þau haull eina
20 dyrliga buna, ok voru veggirnir allir smidadir ok bunir gulli ok silfri ok settir med dyrligum gimsteinum, en eigi voru gluggar ne dyr æ, ok þo komuz allir inn, er villdu. Hus þetta var mikit, ok margir stolpar helldu því uppi, ok allt var gulli ok gimsteinum sett utan ok innan. Sem salin gladdiz af syn þessarrar smidar,
25 þa leit hon um sik ok sa eitt sæti af gulli ok gimsteinum gert ok klætt dyrligum pillum ok allzkonar agiætum bunadi, ok þar sa hon Kormak⁵ konung sitia i því sæti klæddan svo agiætliga, at eingi iardneskr konungr matti svo klædaz. Sem hon stod litla stund ok undradi þetta, þa komu margir menn inn i þat hus ok
30 færdu konunginum fornir eda gíafir med miklum fagnadi, ok þeir stodu fyrir sinum herra, þvíat hann var þeira herra, medan hann lifdi. Þa komu ok margir prestar ok diaknar hatidliga skryddir med messuklædum ok hofdu med ser allzkonar dyrligan husbunad, er til heyrdi konungligu skrudi, med gullkerum ok silfrkerum,
35 med filsbeinum, budkum ok bordum, ok allzkonar fogrum ok sæmiligum bunadi sva undarligum, at þo at eigi væri meiri dyrd i ríki guds, þa syndizt þo ærinn. Ok því næst syndizt

1 *saal. lat.*; Kabanum A; Konkabruin D. 2 *saal. lat.*; Danakum A, Donakum D. 3 Kabarum A; Konabium D. 4 Danakum A; Donacus D. 5 *saal. D.*; koronadan A; Chomarchum *lat.*

salinni, sem þeir allir, er stodu fyrir honum, felli æ kne ok mæltu: »Sæll ertu, ok gott se þer! nu skalltu niota starfs handa þinna,« sogdu þeir. Þá mælti salin: »Kynligt þikki mer, herra minn, kvad hon, hvadan þessum konungi koma sva margir þionustu-menn, en eingi af þessum ollum þionadi honum, medan hann 5 lifdi.« »Eigi voru þessir or¹ hird hans, kvad engillinn, medan hann lifdi.« »Heyrir þu eigi, kvad salin, hversu þeir mæla við hann: Sæll ertu ok gott skal þer vera! nu skalltu niota verka þinna.« »Þessir voru, sagdi engillinn, fatækir menn guds ok utlenzskir, er konungrinn gaf olmusur sínar ok þurftargiafir², 10 medan hann var i daudligu lifi, ok fyrir því gefa nu hendr þeira honum eilifa dyrd ok ombun.« »Ek villdi vita, kvad salin, ef þessi madr hefði nockurar pislir þolat, sidan hann fór or likam sinum.« »At visu, segir engillinn, ok enn þolir hann hvern dag ok því meir,« mælti hann. »Bidum nu, segir engillinn, litla þá 15 stund, ok skalltu sia pisl hans.« En er þau stodu ok bidu, þá fólñadi allt husit, ok hrygduzt allir menninir, er i voru husinu, ok þá stod konungrinn upp ok geck ut. Sem salin fylgdi honum, þá sa hon, at allr sa fioldi, er i var hollinni, retti hendr til himins ok (mælti) bidiandi gud med helgum vilia: »Drottinn almattigr 20 gud, svo sem þu ert liknsamr, miskunna þu þioni þinum.« Sem salin sa til konungsins, þá sat hann i elldi allt til nafla, ok allr harklæddr upp ifra naflanum. Þá mælti salan(!) til engilsins: »Hversu lengi skal þessi sal þola þessa pisl?« »Hvern dag, sagdi engillinn, þolir³ hon þessa pining þriar stundir, en eina stund ok 25 .xx. hefir hon hvild.« »Fyrir hvat, kvad salin, þolir hon þesskonar pislir?« »Þvi þinir hon i elldi, sagdi engillinn, allt til naflans, at hon giætti eigi truliga hiuskapar sins, en upp fra naflanum, sagdi hann, þinir hann i harklædum, því at hann let drepa iarl [i bæ heilags Patricii³ i trygdum, ok gerdiz i því eidrofi 30 við gud ok nidingr; en allar adrar syndir hans eru fyrirgefnar nema þessar tvær. Skundum nu, sagdi hann, at sia dyrd heilagra.

19. En er þau hófdu þadan gengit, þá sa þau hafan vegg med undarligum biartleik. En þessi vegg var allr af hinu skirazta silfri, ok syndizt salinni ecki hlid a vera, ok vissi hon eigi, med 35 hverium hætti guddomligt valld leiddi hana þar inn. Ok leit hon þar flokk heilagra manna fagnandi ok gudi syngiandi: «Dyrd se þer, allzvalldandi fadir, dyrd se þer, allzvalldandi sonr, dyrd se

1 i D.

2 Her ender D^b.

3 Her begynder atter B

4 [iuxta

sanctum Patricium lat.; i bæ heilags Prerisker B; mgl. A.

þer, allzvalldandi heilagr andi.» En þessir allir kallar ok konur voru klæddir hvítum klæðum ok dyrligum, þat var allt hit frid-azta folk an allra lyta, iafnan gladir ok katir ok syngiandi gudi lofsaung heilagrar þrenningar. En sva var hvítleikr klæða þeira
5 sem nyfallinn snior, þa er sol skin æ. En raddir þeira voru með ymisum hattum þiotandi, gengu svo sem inir fegrstu strengleikar. Var þar biartleikr, yndi, fagnadr eilifr, samþykkt ok astsemd ollum iafnmikil, hinn sætazti ilmr ok inn tilfysiligsti þess ins dyrligsta stadar, sva at yfirsteig hundradfalliga alla iardneska sætleika.
10 Nott var þar eingi ok hryggleikr, allir voru þar i fagnadi ok i fullgiorri astsemd. Þa mælti salin: «Ek bið þik, herra minn, verum her i þessarri hvíld, her líkar mér vel.» «Vel se þer! sagði engillinn, þó at þessar hvíldir syniz þer miklar, miklu eru meiri ombunir heilagra manna.» «Hverra salna er þessi fagnadr? sagði
15 salin.» «Kvongadra manna, sagði engillinn, er rettliga lifðu með eiginkonum sínum ok giættu heilax hiuskapar an fleck, ok vel upp helldu ok fram fluttu hyski sitt, ok huggudu fataka menn með fe sinu, ok styrktu helgar kirkjur ok kennimenn með rettum tiundar-gerdum ok odrum sæmiligum hlutum ok virduligum. Til slíkra skal
20 enn rettvísi domandi sva mæla a domsdegi: Komit hingat, blezadir synir fodur mins, takit þat ríki, er ydr var buit af upphafi heims! Þer gafut mér hungrudum mat ok þyrstum drykk, ok klæddu þer nocktan, gestr var ek ¹, ok olut þer mik, siukr var ek ok i myrkva-stofu, ok komu þer til mín. Þessir bida ennar sælu vonar ok til-
25 kvomu dyrdar hins hæsta drottins ok hafa fagnat þessarrar hvíldar. Því at mikil er ombun heilax hiuskapar, sa er giætir hans logliga i líkam sínum, skal eignaz eilífan fagnat.» Ok[því næst sagði hann: «Berr oss ² enn at fara upp herra at sia þat, er þar er.» »En með því (sagði salin) at þu hefir mér allt vel giort, þa villða ek
30 her vera i þessarri hvíld; eigi villða ek hédan fara, herra, ef þinn væri víli til, her er mér it kíærazta at bua, eigi beidumzt ek ne fysumzt villdara.» «Þó at þu hafir eigi til þíonat, sagði engillinn, þa skalltu sia meiri fagnadi en þessir eru.» Því næst gengu þau, ok þótti þeim eeki starf gongunnar, en hvarvetna gengu salirnar i
35 mot þeim ok lutu þeim með blidum andlitum ok miklum fagnadi, ok heilsudu salinni með eiginnafni ok lofudu gud, er hana frelsti, ok mæltu: «Lof see þer, drottinn eilífrar dyrdar konungr, er eigi vill dauda syndugs mannz, helldr at hann lifi ok bætiz, þu er fyrir

¹ ok hystod mik *tilf. B.* ² [*saal. rettet*: adjunxit: Oportet nos *lat.*; sagði salin: fýsir mik *A, B.*

mikilleik miskunnsemda þinna virdizt at taka þessa sal or helvitis pislum ok gefa hana i felagskap heilagra manna þinna.»

20. Sem þau hófdu um gengit marga heilaga menn, þa syndizt þeim annarr veggr, svo nockuru har sem inn fyrri, allr brendu gulli¹ smidadr med svo tilfysiligum almætti, at þat var meiri dyrd at sia þat en allt annat, er þeim hafdi fyrr birz. Þvi næst sem þau inn komu um þenna vegg med sama hætti ok inn fyrra, þa sa þau morg sæti af gulli gior ok gimsteinum, ok med himneskum hagleik buin ok med allzkonar gimsteinum, ok prydd med inum fegrstum pellum, ok satu i þeim stolum virduligir herrar, karlmenn ok kvennmenn, allir klæddir inum dyrstum pellum med allzkonar litum ok bunadi, ok hvitum yfirhofnum, svo at eingi daudlig tunga kann fra at segia, eda hyggia, hugsa eda auga sia, hversu andlit þeira allra, er þar voru, gloudu² med svo miklum biartleik, sem sol hefir, þa er hon [kemz i hæstu gongu sina³ æa midium degi; harit⁴ a [hofdi þeim glitadi sem brent⁴ gull, ok allir voru koronadir gulligum koronum bunum med hinum dyruzstum gimsteinum. Ok fyrir þeim stodu gullstolar, ok þar æa bækr, allar ritnar gullstofum, ok sungu þessir helgir menn gudi alleluia med nyium saung ok sætri roddu, sva at ef madr hefdi heyrt um sinn, þa gleymdi hann ollum hryggleik. Þar nam salin stadar, sem hon sa helga menn ok þau hin fogru sæti. Þa mællti engillinn til hennar: «Þessir helgir menn gafu likami sina undir hardan dauda fyrir rettrar truar sakir ok astsemdar guds, ok þogu likami sina i blodi hins helga lambs. Þessir eru þeir, er giættu sin fyrir allzkonar saurlifi, en þo helldu þeir logligan hiuskap um stund, en þat er eptir var lifdaga þeira, giættu þau hreinlifs ok guds þionostugerdar, svo ok þeir er drepnir voru fyrir guds sakir, ok þeir er krossfestu likami sina med margskonar meinlætum lifandi rettvísliga, ok fyrir þat, sagdi hann, odluduzt þeir allir eilifar koronur. Þessir dyrligir menn eru vinir guds [ok uppgerdarmenn heilagrar kirkius.

21. Sidan er salin hafdi seed umhverfis sik, þa sa hon morg landtiolld af purpura, pellum ok hvitu silki, vid gull ofin ok silfr ok med allzkonar himneskum hagleik. I þessum budum gengu þiotandi med margskonar hlíodum allzkonar strengleikar, hörpur, gígjur, sín- fonia, organa, sallterium, pipur med hinum sætuztum hlíodum. Ok sem salin hafdi heyrt þetta⁶, þa mællti hon: «Herra minn, kvad hon,

¹ *saal lat.*: auro purissimo; brendu silfri ok gulli A. ² *skinu B.*

³ [*skin biartazt i hæstum skyium B.* ⁴ [*hofdum þeira glouadi vid sem B.* ⁵ [*i himinriki B.* ⁶ *þessa saungva B.*

hverra salna eru þessi in dyrligu landtiöld?« Þessi hvíld, segir engillinn, er munka ok allra hreinlífismanna, karla ok kvenna, er vel helldu heit sin við guð ok yfirboda sína í heilagrar kirkiu hlydni ok gíæzlu skipana sinna, ok þionudu guði godfusliga ok gláðliga, 5 ok helldr kioru at bera hlyðnina en boda, helldr ok undirmenn vera en yfirbodar, en hófnudu sínum vília, en gerðu guðs vília, ok sannliga megu þeir mæla til guðs: Ver fórum í gegnum elld ok vatn ok freisting heimsins, ok fyrir því, drottinn, leiddir þú oss í hvíld. Slikir hafa hug sinn ok ahyggju á himneskum hlutum, meðan þeir 10 eru í daudligum líkam, ok hallda tungum sínum eigi at eins frá orðum með helgum þögnum, helldr ok frá öllum meinsemdar hlutum, svo at þeir megu at sonnu segja: Ver þögðum ok hlyddum þér, drottinn, af heyrn þodorda þinna. Slikir eigu, sagði engillinn, þessi hasæti ok landtiöld, ok í þeim syngja þeir eilíflig lof guði 15 lausnara mannkyns, er gíafari er allra goðra hluta.« Þá mællti salin: »Herra minn, qvæð hon, ef þér lofit mér, þá vil ek ganga nær þeim ok síá þá, er her eru í landtiöldum.« »Vel líkar mér, sagði engillinn, at þú síair þá ok heyrir, en eigi skaltu inn ganga til þeira. Þessir eru íafnan í yfirsýn heilagrar þrenningar fodur 20 ok sonar ok heilax anda, en sá er inn gengr um sinn til þeira, hann gleymir at fullu öllum vandræðum líðnum ok vesöldum ok skílt alldri optar við samsæti heilagra manna, nema hann hafi gíætt meýdoms síns, þá tekz hann upp í samneyti heilagra engla.« Ok þá gengu þau nær ok sá inn í landtiöldunum hvartveggja 25 kallmenn ok konur, hreinlífismenn ok hreinlífiskonur í engla líkneskium, en raddir þeira voru engla roddum líkari en manna; ok þær salur, er þau sá fyrr með miklum biartleik, þá var þetta ít mikla líos ok sætleíkr ok ymr¹ yfir alla þá dyrd, er fyrr hófðu þau seet. Allir strengleíkar gengu án manna starfi, sva at eingi 30 tok höndum á, en þó voru raddir sálnanna [yfir sætleik allra strengleíka², ok var salunum eeki starf at róddunum, svo at eigi hrærdiz mudr þeira með hlíodi raddanna, nema allt gek eptir þeira vília. En landtiöldin yfir hófðum þeira skínu með miklum biartleik, ok hengu ör þekiunni rekendr gervar ör hínu skirazta gulli, 35 ok hinn hagligazti silfrþattr í millum, ok hengu þar við bordker, gígur ok horpur ok allzkonar strengleíkatol [með lílím ofnum³ af gulli ok gullígum kumpasum⁴. Í millum þessa rekenda flaug mikill fiöldi heilagra engla, allir með gullvængium, ok umhverfis

¹ hliomr B. ² [fyrir öllum strenghlíodum B. ³ [með bindlaugum B. ⁴ [lílía et spherulæ pendebant aureæ lat.

landtiolldin með [hogværu flogi¹, ok sungu þeir enn sætazta saung
ollum æheyruðum.

22. Þá er salin hafði fengit fagnat þessarra syna ok villði
þar nema stadar, þá mællti engillinn til hennar: »Se upp i
himinenn yfir þik ok yfir hofut þer.« Ok hann upplítandi sa hann 5
vid vaxinn með grænum berki ok i allar halfur fra ser ok með
laufum allzkonar ok fegrstum blomum, ok voru allir kvistirnir
fullir ok lodnir af hinu bezta alldini. A þessum kvistum sat
mikill fíoldi fugla með allzkonar lit, en undir kvistunum ok um-
hverfis vidinn at endilongum þá var lilium ok rosum ok blomum 10
allzkonar ilmandi grasa vaxinn. En undir vidi þessum²

APPENDIX.

(Første Cap. samt Slutningscapillerne af den latinske Original meddeles her
efter: »Visio Tnugdali edidit Oscar Schade, Halis Saxonum 1869«).

Visio cuiusdam militis Hybernienſis ad ædificacionem conſcripta.

15

De ſitu Hybernix primo.

Hybernia igitur insula est in ultimo occidentali oceano posita, ab austro
in boream porrecta, stagnis et fluminibus præcipita, nemoribus insita, frugibus
fertilissima, lacte et melle omnibusque piscacionis et venacionis generibus
opulenta, vinearum experts sed vini dives, serpentium ranarum bufonum et 20
omnium animalium venena ferencium ita inscia ut eius lignum aut corrigia
aut cornu aut pulvis omnia vincere noscantur venena; religiosi viris et fe-
minis satis præclara, armis autem crudelis et inclita; cominus ad meridiem
habens Angliam, ad ortum vero Scotos et Brittones, quos quidam Galenses
vocant, ad boream autem Cattos et Orcados, ex adverso vero ad austrum 25
Hispanos. Hæc ergo insula civitates habet præcipuas .xxxiiii., quarum præ-
sules duobus subsunt metropolitanis: Ardinacha namque septentrionalium
Hybernienſium est metropolis, australium autem præcellentissima est Caselen-
sis, de qua ortus est quidam vir nomine Tnugdalus nobilis, cuius crudelitas
vel potius in eo quod egit deo pietas nostro huic opusculo materiam dedit. 30
Erat namque vir præfatus ætate iuvenis, genere nobilis, vultu hylaris, aspectu
decorus, curialiter nutritus, veste compositus, mente magnanimus, militari arte
non mediocriter instructus, habilis affabilis atque iocundus, verum (quod ego
non sine dolore possum dicere) quanto confidebat in corporis forma et fortitu-
dine, tanto minus curabat de animæ suæ æterna salute. Nam (ut ipse modo 35

¹ [hogværum ok tomligum fl B, som ender her. ² Her ender A.

sæpius cum lœcimis solet confiteri) gravabat eum, si quis ei de salute animæ aliquid licet breviter vellet dicere. Ecclesiam dei neglexerat; pauperes autem Christi etiam videre nolebat, scurris munus et ioculatoribus pro vana gloria distribuerat quitquit habebat. Sed cum tot malis divinæ misericordiæ finem

5 dare placuit, eum quando voluit provocavit. Nam ut plurimi Corcagensis civitatis testantur incolæ, qui ei tunc aderant, per trium dierum et noctium spacium iacuit mortuus: per quod spacium amare didicit quitquit antea suaviter deliquit, nam vita eius præsens testatur quæcunque paciebatur. Passus est enim plurima incredibilia et intollerabilia tormentorum genera, quorum

10 ordinem sive nomina, sicut ab ipsius qui viderat et patiebatur ore didicimus, nos ad augmentacionem vestræ devocionis vobis scribere non gravabit. Hic igitur cum multos haberet amicos sodales, inter eos unum habuerat, qui ei commutacionis debito trium equorum debitor erat. Hic cum statutum præstolaretur terminum, suum transacto tempore convenit amicum. Qui cum bene

15 receptus perendinaret tribus noctibus, cœpit tractare de creditis rebus. Cui cum ille responderet, se ad manum non habere quæ pecierat, multum iratus iter repetere disposuerat quo venerat. Debitor vero mitigare cupiens amicum suum, rogabat eum, quatenus secum prius quam recederet dignaretur cibum sumere. Cuius cum præcibus negare nequiret, resedit et securi deposita,

20 quam manu tenuerat, cibos cum socio sumere cœpit. Sed prevenit divina pietas hunc appetitum, nescio namque cita qua occasione percussus manum quam extenderat replicare non poterat ad os suum. Tunc terribiliter clamare cœpit suamque securim, quam antea deposuerat, uxori sui socii commendavit »custodi (inquiens) meam securim! nam ego morior.« Et tunc verbotenus

25 corpus exanime continuo corruit, ac si nullatenus spiritus antea ibi fuisset. Assunt signa mortis: crines cadent, frons obduratur, errant oculi, nasus acuitur, pallescunt labia, mentum cadit et universa corporis membra rigescunt. Currit familia, tollitur cibus, clamant armigeri, plorat hospes, corpus extenditur, pulsantur signa, accurrit clerus, miratur populus, et tota civitas cita

30 boni militis morte turbatur. Quid moramur? ab hora quasi decima in quarta feria usque ad ipsam eandem horam in sabbato mortuus iacebat, nullo in eo remanente vitæ signo, excepto quod calor modicus in sinistro pectore ab hijs qui diligenter corpus palpare studuerant senciebatur. Ea propter ipsum corpus subterrare noluerant, eo quod calorem in ipsa eius partiuncula senciebant.

35 Post hæc autem præsentē clero et populo, qui ad sepeliendum illum convenierant, resumpsit spiritum et debili flatu quasi per unius horæ spacium respirare cœpit. Mirantur cuncti etiam sapientes dicentes »nonne hic est spiritus vadens et rediens?« Tunc ille debili intuitu circumspiciens interrogantibus se, si vellet communicare, innuit afferri corpus domini; et cum illud sumeret

40 et vinum biberet, cœpit cum graciæ actione laudare dominum dicens »O deus, maior est misericordia tua quam iniquitas mea, licet sit magna nimis. Quantas ostendisti mihi tribul[ationes] mul[tas] et ma[las] et conuer[sus] vi[vificasti] me et de ab[yssis] ter[ræ] iterum red[uxisti] m[e].« Et cum hæc dixisset, omnia sub testamento quæ habuit dispersit et dedit pauperibus, ipse

45 vero de signo salutiferæ crucis signari præcepit et pristinam vitam in antea se relicturum omnimodis vovit. Cuncta autem quæ viderat aut passus fuerat nobis postmodo dicens narravit.

De defensoribus et structoribus ecclesiarum et gloria eorum.

22. Cum enim anima hijs delectata visionibus vellet ibidem stare, dixit ei angelus «Respice!» Et respiciens vidit unam arborem maximam et latissimam frondibus et floribus viridissimam omniumque frugum generibus fertilissimam. In cuius frondibus aves multæ diversorum colorum et diversarum 5 vocum cantantes et organizantes morabantur, sub cuius etiam ramis lilia et rosæ multæ nimis et cunctarum herbarum specierum odoriferarum genera oriebantur. Erant autem sub eadem arbore multi viri et feminae i cellulis aureis et eburneis, et ipsi sine cessacione laudabant et benedicebant deum omnipotentem pro universis beneficijs ac donis, et habebat unusquisque illorum 10 auream coronam in capite suo mirabiliter ornatam, et sceptrum aureum in manu sua quisque tenebat, et erant vestiti talibus vestimentis qualibus antea monachi fuerant induti. Anima autem conversa ad angelum ait «Quæ est ista arbor? et illæ quæ sub ea sunt animæ quid boni agebant, dum erant in corpore?» Et angelus ait «Hæc arbor typus est sanctæ ecclesiæ, et isti qui sub ea sunt 15 viri et feminae constructores et defensores erant sanctarum ecclesiarum, et pro beneficijs, quæ sanctis ecclesijs largiebantur, ipsarum fraternitatem consecuti sunt, et per illorum commonicionem relinquentes sæcularem habitum continebant a carnalibus desiderijs quæ militant adversus animam, sobrie et iuste et pie vixerunt in hoc sæculo expectantes beatam spem, quæ, ut vides, eos non 20 confundit.» Et addidit «Proficiscamur!»

De gloria virginum et .ix. ordinibus angelorum.

23. Cumque profecti fuissent, viderunt murum pulchritudine altitudine et splendore ceteris dissimilem. Erat namque ex omnium lapidum preciosorum bene constructus varijs coloribus metallis interpositis, ita ut habere videretur 25 aurum pro cemento. Lapidēs autem eius erant christallus crisolitus berillus iaspis iacinctus smaragdus saphirus onichinus topazius sardius crisoprassus ametistus tartacus atque granatus. Hijs et hijs similibus murus splendens lapidibus multum in sui amorem videncium mentes provocabat. Ascendentes ergo murum viderunt procul dubio quod oculus non vidit nec au[r]is a[ud]ivit 30 nec in cor hominis as[cendit], quæ p[ræ]paravit deus dil[igentibus] se. Viderunt namque ibidem .ix. ordines bonorum spirituum, videlicet angelos archangelos virtutes principatus potestates dominaciones thronos cherubin et seraphyn. Audierunt autem inenarrabilia verba, quæ nec potest homo nec licet homini loqui. Tunc dixit angelus ad animam «Audi, filia, et vi[de] et incli[na] 35 au[rem] t[uam] et obl[iviscere] populum t[uum] et domum p[atris] t[ui] et concu[piscet] rex s[peciē]m t[uam]. Quid dicam? Cunctis patet, quanta amœnitas, quanta iocunditas, quanta dignitas et qualis sublimitas sit interesse choris sanctorum angelorum patriarcharum prophetarum, cernere laudabilem numerum martyrum, videre candidatum exercitum virginum, audire novum 40 canticum gloriosum, aspicere apostolorum chorum, confessorum mereri consortium et, quod præcellit omne gaudium, eum, qui panis est angelorum et vita omnium, sentire clementem et pium. Ab illo ergo loco, in quo tunc stabant, non solum omnem quam ante viderant gloriam, verum et prædictarum supplicia penarum videbant, et (quod magis miramur) terrarum orbem quasi sub uno 45 solis radio videre valebant. Non enim quitquam creaturæ poterit visum

obtundere, cui semel concessum est omnium creatorem videre. Et miro modo cum starent in eodem loco, in quo prius steterant, non se vertentes in aliam partem, cunctos tamen ex eodem loco et ante et retro positos videbant. Non solum autem visus sed et sciencia dabatur ei insolita, ita ut non sibi opus
5 esset interrogare amplius aliqua, sed omnia sciebat apte et integre quaecumque volebat.

De sancto Rydano confessore.

24. Cum autem ita esset, affuit ei sanctus Rydanus confessor, cum magna læticia salutans eam et amplectens intimæ caritatis visceribus ait
10 «Dominus custodiat introitum t[uum] et ex[itu]m t[uum] ex hoc nunc et u[sque] in s[æ]culum!» Ego sum (ait) Rydanus patronus tuus, cui iure debitor es sepulturæ.» Et cum dixisset, stetit nil amplius dicens.

De sancto Patricio et .liiii. noſis episcopis.

25. Illa vero respiciens vidit sanctum Patricium Hybernensium apostolum
15 cum magna turba episcoporum, inter quos .liiii. sibi notos vidit episcopos, videlicet Cœlestinum Archinachanum archiepiscopum et Malachiam, qui predicto viro successit in archiepiscopatu, qui Romam tempore Innocencij papæ veniens ab ipso legatus et archiepiscopus constitutus est, qui omnia quaecumque haberē poterat cœnobijs et pauperibus dividebat. Hic constructor erat .liiii. con-
20 gregacionum monachorum canonicorum sanctimonialium, quibus omnia necessaria providebat et nil omnino sibi retinebat. Ibi etiam vidit Christianum Lugdunensem episcopum, ipsius prædicti Malachiæ fratrem uterinum, miræ continenciæ virum et voluntariæ paupertatis amatorem, et Neemiam Duanensis civitatis antistitem, virum simplicem atque modestum, sapiencia quoque et
25 castitate præ ceteris fulgentem. Hos .liiii. cognovit episcopos. Erat quoque iuxta illos unum sedile mirabiliter ornatum, in quo nemo sedebat. Dixit anima «Cuius est istud sedile et quare sic vacat?» Respondit ei Malachias «Ista sella est cuiusdam de fratribus nostris, qui non migravit a corpore; sed dum migravit, in tali sede sedebit.» Sed cum in hijs omnibus anima valde
30 esset delectata, affuit angelus domini, qui eam antecedeat et blande alloquens illam dicebat.

De reditu animæ ad corpus.

26. «Vidisti (inquit) hæc omnia?» Et respondens anima dixit «Vidi, domine. Obsecro, sine me hic esse!» Et angelus «Debes (inquit) ad corpus
35 tuum redire et omnia quæ vidisti ad utilitatem proximorum memoriter retinere.» Verum cum anima audisset quod ad corpus eam redire oporteret, cum magna tristitia et fletu respondens ait «Domine, quid tanti mali egi umquam, ut ad corpus meum relicta tanta gloria redire debeam?» «Istam (ait angelus) non merentur intrare nisi virgines, qui corpora sua a tactu carnalis concupiscenciæ
40 custodiunt et aduri magis pro tanta ac tali gloria quam coinquinari turpis concupiscenciæ volutabris malunt. Tu vero noluisti scripturarum verbis credere, et ideo non poteris hic manere. Revertere ergo ad corpus tuum, unde exieras, et tute abstinere ab hijs quæ ante faciebas! Consilium nostrum

simul et auxilium tibi non deerit, sed præsencialiter atque fideliter tibi manebit. Hoc cum dixisset angelus, conversa est anima, et cum se movere conaretur, sensit se cito mole corporis esse gravatam. Nullum enim intervallum nec temporis unum sensit interesse momentum, sed in uno atque eodem temporis puncto in cælis loquebatur ad angelum et in terris se sensit induere corpus suum. Tunc debilis aperuit corporales oculos et suspirans nichilque dicens respexit circumstantes clericos. Sumens igitur corpus domini cum gracularum actione, omnia quæ habuit pauperibus dispersit et signum sanctæ crucis suis vestimentis quibus vestiebatur superponi iussit. Cuncta vero quæ viderat nobis postmodum recitavit et bonam vitam nos ducere monuit, verbumque dei, quod ante nesciverat, cum magna devocione et humilitate ac sciencia prædicabat. Sed nos, quia vitam eius imitari non possumus, hoc saltem ad utilitatem legencium scribere studuimus; unde nos vestram, o preclara G, humillima et devotissima prece precamur clemenciam, ut nostri licet indigni memoriam in vestris habeatis oracionibus, quatenus illi placeamus, qui actor horum est, quæ ante diximus, Iesu Christo domino nostro, cui est honor et gloria in sæcula sæculorum. Amen. *Explicit.*

ERASMUS SAGA.

(*To noget beklippede Pergamentblade 655V qv.*)

[Den hellige Erasmus flygter paa Grund af Keiser Diocletians Kristenforfølgelser fra Antiochia til Ørkenen, hvor Dyrene knæle for ham, og
5 Ravnene bringe ham Føde].

. dvr oc fog oc vermþo hann, en hann blezapi þeim; oc hramnar færþo honom foztlo, [er hann] bauþ þeim, oc flvgo alldregi fvrr fra honom, enn hann bletzapi þeim. Enn þa er sio vetr hafpi hann þar veret, þa bauþ gvþ
10 honom aptr at hverfa til stols sins. Enn allir lvþir fognþo hans quomo oc færþo marga diofoloþa menn til hans, enn hann gorþi alla huela(l) i gvþs nafne oc snori morgom lvþ gvþi til hannda fra heipni, oc foro sogor agetligar fra iarteinom hans oc kenningom.

Enn þa er Dioclecianus spvrþi til dvrþarverka ens sela
15 Herasmus, þa bæþ hann at taca hann oc leþa hann til sinn. Oc er hann com til domistols convngsens, þa mellti Dioclecianus: »Hvert er nafn þit eþa kvn þit eþa sipleti?« Enn sell Herasmus svarapi: »Ec heite Herasmus at nafne, enn kvniapr or Anþecio, ec em bepi siþlatr oc bvscep.« Enn sia enn dvrliigi Herasmus var
20 englonom glier at yfirliti, staþfastr i hvg oc enn meste melscomaþr oc sva prydr goþligri styrk(þ), at hann ottapisc hvarki pislir ne motmeli gofogra manna. Nv þa er convng sa fegrþ yfirlitz Herasmus oc mikinn tignarþocka a yfirbragþi hans, þa mellte hann sva: »Þat hæfir, at þv snvir hvguiti þinv oc atterþ til spekebragþa.
25 Nu sva sem þu hæfir outrliga alt hingat til forner forþar eptir vanþa cristenna manna oc uegsamat Jesum dauþan mann, sva sealtv nu uitrliga heþan fra [forn færa] almatkom goþom orom eptir vanþa gaufogra manna, oc s[ca]ldv oplase ora vinatto oc gneog[iasc] aþhæfom oc metorþom.« Þa svarapi sell Herasmus:

»Ef þu hevir konvngur uitr vereþ [h]ingat til, þa at
 auca oc dyrca scapara scepnonnar, enn eigi [sc]eþnona sialfa
 or tiltekia, er ver dyrcom almatkan gvp, þa [m]atv
 hvarki meþ meþ [meingorþom] mic kalla fra dyrecon
 drotins mins almat[tigs] Cristz.« Þa uarþ mellte
 sva: »Fyr því at beþi hafnar þu orom bo[þo]rþom oc dyrecon
 goþanna, [scaltv þat] uita, at eigi scolo ver vegia þer, helldr sco[lo]
 ver mykia þic i menlet[e oc beria] meþ blysvipom,« sagði keisa-
 rinn, því at kesarinn at hann uill eigi goþin gæfga. En
 þa leit sell Herasmus til himins, er þeir borþo hann oc mellte sva 10
 við gvp: »To þv mer, drottinn minn Jesus Cristr oc misevna
 þion þinom, oc lat mik allar qua[la]r uel mega standasc, því at
 ond min fvsisc til þin oc fagnar af misevnn þinne.« Enn þa er
 hann hafði bon sinne loket, þa bað Dioclecianus hann til sin at
 leipa oc mellti sva: «Et mesta [m]vndo ver ha yfir 15
 þinna oc allt yfir þat er a þer er, ef þu heffer [eig]i sva
 ourþiliga svarat minom orþom vingiarnligom. Nv bvþ ec þer a
 nyia leic goll [oc] gimstena oc h[ogendi], ef þu uill gofgon ueta
 goþom orom.« Þa svaraði sell Herasmus: »[Þess]er hluter aller
 er þu bvþr mer, ero herfilgir oc blecia andir manna oc drekia 20
 ondom þeira [i e]jilifan dauða, enn ec em scrvdr herscrvði drottins
 mins Jesv Cristz, oc mon ec fvr því vfir [st]liga seliga allar ognir
 þinar oc sköti diofoligrar uelar.« Þa bauþ konvngrenn at liosta
 [vondom] gvþs [pislar vott]. Oc þa er þeir bvsto hann sem þeir
 mattv mest hæg(gva), þa só hvergi a li[ca]m hans, oc [hvergi 25
 blicnaði ne] roþnaði hold hans. En þa er gvþ svndi slice dvrv
 [ui]nar sins, þa toco at calla allir lypir oc mellto: »[Sann]liga er
 mikill gvþ cristinna manna, [sa] er slice crapta g[efr].
 Dioclecianus oc sagði: »Hvi séþ er ei[gi], eþa hvi sciliþ er
 eigi, at [Herasmus] hefir meþ ser mikinn matt fiolevngi, era sliet 30
 [u]ndarlict nni fiolkvngi, helldr
 gvþligr kraptr er trv gvþs
 alm[attigs er] let ser soma at berasc hingat [i h]eim til hialpar ollom
 [monnom] fra Marie meio(!), oc mon koma i ennda
 heims [at] doma of lifendr oc of dauða, oc mon hann gæpi veta 35
 goþom monnom oc giallda il[la] hlvt ranglatom.« Þa uarþ akafliga
 reiþr kesarenn oc bað at slita hold hans [me]þ iarnkrocom oc sa
 brennosteini i sorinn loganda oc hella yfir hann allan biki.

 liga almatkan gvp. Þa uarþ hrygr Dioclecianus konvngur oc mellti 40

..... lyð: «Reiðase monu oss goð or almattig, ef eigi er seiott devþr (!) oc drepinn sia gallDRAMaþr, er þar goðplastar.» Þa bauð Dioleecianus at binnda hendr oc fotr a enom sæla Herasmo oc kasta honom i mvrquastouo, þar er engi maþr comi til hans.

Þa toc en selste Herasmus at biðiasc fyrir, es hann var byrgþr i mvrkuastouo oc mellte sva: «Hevrþu drottinn Jesus Cristr, konvngv uerallda, upros liosens! þu settir himin oc iorþ af almette specþar þinnar; þu skilþir lios fra myrkrom oc lvsir allan heim af liose miscunnar þinnar; nu bið ec þic, at þu lvsir mvrer ór af scini birti þinnar, at eigi dyrkisc ouinir orir, helldr se allir, hve þv helpr þinom þionostomonnom.» Enn uiþ akall en(s) selsta Herasmus tok at seina lios himneserar dvrþar of alla mvrquastouona solo biartara oc fylgþi ilmr dvrliqr hvnangi sotari. Enn þeir menn er vorþ helldo a mvrquastouonne toko at undrasc oc urþo hirsu uiþ þ[es]se stormerki. Þa kallapi drottinn a uin sinn: «Ris up þu, sagþi hann, trur þion, þui at hevrþ er bon þin.» Þa fello bond af hondom hans oc fiotrar af fotom. Oc þa er en helgaste Hera[smus] seilþi astriki drottins viþ sic, þa toc hann at lova gvp af ollom hvg oc mellte meþ mikl[om] fagnapi: «Loua ec þic, almattigr drottinn minn, i almette þrenningar þinnar, þui at þic [lo]ua mikilfengliga himnar oc himnescir craptar, iorþ oc sior oc all scepna dyrk[ar] sinn scapara, oc þvi let ec eigi af (at) dyrka þic, drottinn minn, at þu ert dyrliqr, sotr oc m[is]evnnsamr of allar ueralldir verallda.» Þa com engell drottins til hans oc mellti sva: «Ris up oc fylg mer!» Engillinn fylgþi honom a braut af Asialandi oc allt til borgar þeirar, er Lverina heitir, su stendr a Italia i Roma riki. Enn annan dag boð Dioleecianus at leiða Herasmom or mvrquastouonne oc ueta honom lifat. Enn þa er senndimenn kesarans como til mvrquastouonnar, þa uar allr umbuningr dvranna sva sem þeir hofþo um bviþ, enn þa uar sell Herasmus a [brau]to. Þa runno þeir at segia Dioleeciano, enn hann uarþ hrvgr uiþ þat, er hann matti eigi quelia Herasmom.

Þa toc enn selste Herasmus at gora margar iarteinir i Lucrina borg: hann grod[di] siuka menn meþ eino orþi, gaf hann svn blinndom monnom, rac hann diofla fra ofom, enn reste d[au]þa menn til lifs. Anastasius er nef(n)dr gofogr maþr i Lverina borg, sonr hans andapisc of[c] var fort lie hans til gravar. Enn helagr Herasmus gek a mot þeim, er meþ likit foro, [oc] spurþe, hvart þeir veri cristnair eþa heiþnir. Anastasius svarapi: «Eigi ueit ec, hver trva er crist[inna] manna.» Sell Herasmus sagþi: «Ef þu

uill trva a Jesum Crist son gvps, þa mon risa til lifs sonr þinn.»
 «Egi(!) at eins mon ek trva, sagði Anastasius, ef lifnar sonr minn,
 helldr oc allir vinir mi[nir].» Þa bauþ enn selste Herasmus at
 legia niþr lic ens dauða, oc fell a kne oc retti h[en]dr til himins
 oc mellti: «Hevrþv, drottinn Jesus Cristr, bæn mina, þvi at þu
 comt i þenna heim a[t] hialpa svngom monnom oc leystir allt
 mankyn fra mette ouinar; þu reistir til lifs [La]zarum, þann er
 flora daga hafði licami i lepi legit; reistv up nu, drottinn, þenna
 dauða mann, at allir viti, at engi er annarr gvp a himni oc a
 iorþo.» Enn eptir bæn þe[ssa] reis up enn dæði oc lifði oc mellte:
 «Eingi er gvp nema gvp cristinna manna, þann bopa[r] enn selste
 Herasmus.» Þa toco trv allir lvpir, þeir er sa iartein þessa oc oro
 skirþir a[f] enom] selsta Herasmo kallar oc konor, meirr enn flogor
 hvndroþ manna. Oc fagnaði enn [dyr]ligi Herasmus misevnn drottins
 oc trv þeira manna oc mellte sua: «Þackir gori ec þer, drottinn
 Jesus Cristr, [þess] at þu kallar þessa menn til þinnar misevnnar.
 Nu bið ec, at þu uarþueitir þessa [til] enda, er þv hevir seirn
 uetta.» Þa mellte Herasmus við allan lvp: «Hevrið, sönir oc dótr,
 [hyg]gið at boþorþom drottins vars Jesus Cristz, at er megid
 comasc til eilífs fagnaðar, þes er [drottinn] hevir fvrir buit sinom
 æstmonnom.» Hvern dag snori hann en selste Herasmus margom
 monnom fra heiðne oc let sevrþgoð niþr briota enn kireior up reisa.

Probus er nefndr domandi, sa er fvr var [settr] Lucrina
 borg af Maximiano kesara. Nv þa er hann sa megnasc cristinn
 dom i borg þeira, þa senndi hann rit Maximiano oc sagði fra til-
 tekiom ens helga Herasmus. En er Maximianus hevrði sogo
 þessa, þa senndi hann rit Probo domann[d]a, at hann færði skiot
 Herasnum til fundar við konunginn. Þa uar tekinn enn dyrligi
 bvscep oc leidr [fyr] dæmistol konungsens. «Ertu sva þrar maðr,
 sagði konungrenn, at tv uill alla hlute at moti gora logom [orom]!»
 Enn sell Herasmus svarði engo, helldr bað hann drottin ser
 dvgnaðar. «Fyr hvi uilldo, enn uitla[si sa]gði konungrenn, eigi
 svara mali mino?» Enn selste Herasmus svarði: «Eigi fvrleit
 ec mal þin, oc eigi ottome ek at svara þer, helldr bað ek drottinn
 minn at hann gefe mer mætt at stiga yfir [mo]tmeli oc meingorþir
 ouina minna!» Hverr er sa drottinn þinn, er þv þickisc allt
 traust unndir ei[ga]?» Hann sialfr, sagði enn helgi Herasmus,
 gorði himin oc iorþ oc alla scepno, oc sa enn sami Jesus Cristr
 gor[ði]sc maðr oss til hialpar, crosfestr oc dæðr, oc reis up a
 þriðja degi; oc eigi at eins mon hann vei[ta] þer metorþ oc auð-

heve, helldr bepi oc himnescan fagnop.» Þa mellte reiþr Maximianus: «[V]era scal annat tvegja, at ver monem lvta crosfestom oc darþom manni, eþa er scolop ella almattig goþin garfga. Nu ef þu uill, vesall maþr, sagði kesarenn, verþa samtengþr varre uinatto, þa mondv verþa dvrkvna (!) goþonom veita.» Þa svaraði dvrliogr bvscep oc pislarvætr drottins af mikilli staþfeste oc mellte: «Ef goþin ero sua mattog, sem þer þvekir, þa forom við oc dvrkom þar, ef þess er uert.»

Þa uarþ glaþr Maximianus oc for með fagnaði oc með miklo folmenne til hofs þess, es Þorr uar blotaðr, i borg þeire er Firmi-
 10 tana heitir. Þar var licnesce Þors gort itarlíga oc tolf alna hótt. I þeire borg voro honom hallnir .c. helgra daga; þar oro margir íþrottamenn oc margir songmenn. Enn þa er sell Herasmus com fvr þetta licneski, þa toc hann at retta henndr sínar til himins oc mellti: «Hevriþv almattigr drottinn, scapari himins oc iarpar! biþ
 15 ec, at þu minntir líknesci þetta af tilquamo þinnar styrkþar; brióttv niþr blot þetta, drottinn minn, es lífir oc rikir með gvþi feþr of allar alldir.» Enn við bæn gvþs vinar fell licneski Þors oc hvarf allt; enn þar var eftir dreki ogorliogr oc serþi marga heiþna menn. Þa tok ner allr lviþr at kalla eins mans mvnni:
 20 «Mikill er gvþ cristinna manna, sa er slican matt gefr þion sinom.» Þa oapise mioc Maximianus oc for með mikilli scemþ til hallar sinnar. Enn heilagr bvscep mellti við allan lviþ: «Nv megoþ er sia mott drottins mins Jesus Cristz, nv megoþ er sia oc gosco Þors, er er haueþ þionað. Litíþ er nv, hve mikill æuirsmaþr (!)
 25 Þorr es. Hevriþ er nu þa, sevnir minir, mina aminning, oc snuiþse oc goríþ íþron, oc latiþ skirase i nafni foþor oc sonar oc heilags anda.» Þa truþi mestr hlvti borgar lviþs oc uar sciirt otal manna af enom helgasta byscepi, oc foro allir með fagnaði til sinna husa. Þa uarþ reiþr enn uersti keisare, er han spurði þesse tipinndi, oc
 30 sendi marga riþara sína vapnaða at vega alla þa er þeir metti finna cristna menn. Þa oro hægnir cristnir menn margir, oc do dyrlíga fyr nafne Jesus Cristz, oc kolloþo allir aþr hognir vere: «Hevriþo, enn helge faþer Herasme! biþ þu fvr oss til drottins Jesus Cristz, þvi at fyr hans oþt rettu uer glaþir halsa ora unndir
 35 uapn ouina uarra?» «Veríþ er stvrkir, svnir, sagði enn dvrliogi bvscep, þvi at sciort scolop er þa fagnaði eignase, es eigi scal enndi a verþa.» Enn þa er hognir voro gvþs pislaruattar, þa uar senn mikill folþi engla i lofsteni (!) þar vfir, oc forþv þer (!) andir þessa enna selo manna með allri dvrþ til eilífra fagnaða. Þa fagnaði enn dvrliogi
 40 bvscep miscvnn drottins oc dvrþ vna sinna.

Þá barð Maximianus at taka enn sêla Herasmom oc fora hann i eirkvrtíl gloanda» Þat hefir, sagði inn omíldi keisari, at harðr licami mvqvise af svaraði sell Herasmus: «Hvart býr þv keisari at ek scv
 ek sagði konungrenn, at þu gafgir 5

 stir þria sveina i Babilon, at allir uiti, at tu ert almattigr dro[ttinn u]arr Jesus Cristr.» Þá uarp hann af ser gloanda kvrtle, enn hvergi sa bruna a haurundi hans. Þá toco allir at kalla hatt oc mellto: «Sannliga er mikill gvp cristinna manna.» Keisarenn 10
 callaði oc mellti a mot: «Þetta er eigi gopligr mōtr, hellðr [diofo-] ligr kraptr.» Oc þegar barð hann at uella i katli bik oc uipsmior, oc þar i setia selan Herasmum, «[oc] scal blevta steinharta hans,» sagði Maximianus. Þá toc at retta henndr sinar til himins enn se[le] byscop, er hann uar i uello þesse, oc barð drottin ser 15
 miscunnar. Enn sua scyldi vin sinom brupr mi[ll]dinnar, at hverge kenndi hann hita af vello þesse oc gek hell oc obrunninn or katlinom. Þá tok [tru] fiolpi heiðinna manna oc hafnaði blotom. Þá baup ceisarenn at byrgia enn dvrliga byscop i [mvr]quastouo oc binnda a hals honom mikinn þvnga iarns. Enn a miðre nott skein lios 20
 mik[it] i myrqvastouona, oc com engill drottins oc mellte, at sell Herasmus scvldi nv risa oc honom a br[aut] fylgia. Þá foro þeir i Campaniam herað til borgar þeirar, er Formiana heitir. Þar uar enn h[el]gi Herasmus sið daga oc kenndi ollom borgar lvp trv retta. Þá callaði drottinn af himni a enn helga vin sinn: 25
 «Heill oc sell, goðr þrell, hell oc sell, trvr vinr! com þu oc hvilse i himneseri dvrð, sv var þer fvrir bven fra uphaue heims.» Enn þa er enn selste maðr hevrði þesse orð drottens, þa let hann til himins. Þá sa hann himnesca dvrð oc sveitir heilagra manna skina i allre dvrð eilífs fagnaðar oc hevrði sêla flocka heilagra 30
 engla sotliga songva. Þá tok af ollom hvg enn helgi Herasmus at gora þackir gvði drotne oc mellte sva: «Dvrcanndi dvrea ec þic, goðari heimsens! þui at þu letr þer soma at laða mic sva miscunnsamliga til eilífrar selo; þu toþir mer, drottinn minn, oc hvgaþir mik. Dvrð se þer, Cristr drottinn, of allar alldir.» Þá hof með 35
 himnescom krapti enn dvrligsti drottinn ænd uinar sins, oc for enn selste byscop Herasmusagetligr pislaruotr af heime þessom sex notom fvrir Columba messo. Nu gleðse sia enn dyrligi með helgom monnom a himneseri dvrð, þar er rikir varr drottinn Jesus Cristr með feðr oc helgom annda of allar alldir veralda. 40

FIDES SPES CARITAS.

(Holm. 2, A; 233 folio, B; 235 folio, C; 429 octavo, D).

Prologus in tres virgines Fides, Spes, Caritas. 1

Þæ er um allan heim hafdi [heilugh kenning gudligrs sads runnit
5 med vaxandi milldi kraptaverkanna² fra blotum skurðgoða til
guðs kenningar ok heilagrar skirnar, [sua at allir þangat flyendr
yrði heilir³, þa matti þat eigi standaz⁴ ovinr allz mannkyns hinn
forni fiandi, spillari sannz froðleiks, at sea svo marga fagra bloma
[mannkostanna skina med ævegsti truarinnar i hiðrtum manna,
10 en sik ræntan sinum monnum. Kvaldiz hann þa akafliga af
ogurligri ofund ok illgirnd ok eggiaði einn sinn vin til grimdar ok
agangs við guðs menn⁵ at briota niðr alt kristiligt siðlæti; en sa
het Adrianus ok var þa keisari yfvr ollu Rómaborgar ríki.

1. En æ þeiri tíð kom kona su til Rómaborgar, tigin at
15 kyni en myklu tignari at goðum siðum, er Sophia⁶ het, ok þriar
dætr hennar Fides, Spes ok Caritas. Hun gat snuit með fōgrum
dæmum sins siðlætis mōrgum gōfgum konum⁷ til truar. Ok fyrir
þat kom einn greifi til Romaborgar, sa er Antiochus het, til fundar
við Adrianum ok mælti sva: »Kona ein er komin i borg vara, ok
20 þriar dætr hennar, ok skilr fra oss konur vorar, ok kennir monn-
um at trua æ einn guð, þann er Jesus heitir, ok segir [med þeiri
tru alla skulu fyrirlata⁹ feðr ok mæðr, vini ok frændr, ok konur

1 Saal. Overskr. i C; mgl. B, D; Begyndelsen af Sagaen mgl. i A; her
lægges B til Grund. 2 [runnit saad gudligrar kenningar, ok margir
25 menn höfdu brutt snuizt C; heilog kenning ok sad guds orda runnit
ok vaxandi milldi kraptaverkanna hafdi dregit D. 3 [mgl. C.
4 ne þola tilf. C, D. 5 [skina ok margfallda aavöxtu i hiortum
manna af heilagri tru ok sik sviptan sino ranfeingi. Ok þvi kveykti
hann upp hiarta sins vinar til grimdar við kristna menn, ok eptir þat
30 for hann C. 6 Sapientia C. 7 saal. C, D; monnum B. 8 [saal.
C, D; lata skulu faraz hans B.

ok [allar girndir¹ þessa heims ok oll audæfvi; ok fyrir [hennar kenning ganga fra oss konur varar ok gora skilit við oss bændr sina². Þá reiddiz keisarin ok bauð þær allar mæðgur inn at leiða i sina holl. En þó at þessar meylar væri harðla ungar at alldri, þá voru þær af giðf gudligrar milldi lystar af helgum anda³ ok lærþar af spámanna orðum ok [postoligri predikan⁴ ok dyrðligar i al'ri sinni atferð. En aðr þær gengi inn i hollina, þá gerðu þær i enni ser ok fyrir briosti [hins heilaga⁵ kross mark. En er Adrianus sa þær, þá óaðiz⁶ hann sva fegrð þeira, ok bra honum sva við, at hann mátti ekki mæla. En er hann tok mal sitt, þá¹⁰ spurdi hann, hvaðan þær væri ok hverrar tignar, ok sagði þær miklu sundrþykki komit hafa i borgina. Heilog Sophia svaraði: »Hit æðzsta nafn ok hit vegsamligzta æ ek, allz ek er⁶ kristin, en Sophia heiti ek hinu oæðra nafni, sva sem frændr minir gafu mer; göfug er⁶ ek at kyni ok ættud æ⁷ Langbarða landi, þar alin¹⁵ ok uppfædd, en hingat kom ek til þess at færa dætr minar i forn Kristi.« Adrianus mælti: »Þer hafit hrellðan allan borgarlyð ok konur fra bondum sinum skildar ok [sono fra feðrum, en hafit illyrðt Oðin en lastat Þor ok Balldr, en skammtat Frigg ok Freyiu ok Gefion i ordum, ok lastat oll goð vór, ok segit þau onyt, ok²⁰ eyðit allri vegsemð þeira⁸, ok sier ek giðrla, at þer munit vera þrár æ tru yðra, ok nenni ek ekki at standa i orðapófvi við konur, en [varla munum ver enn skilia⁹.«

2. Þá let hann setia þær fíorar mæðgur i myrkvastofu hia husum Palladius¹⁰ öldungs. En meþan þær voru þar, eggiaði²⁵ Sophia þær æ stadfasta tru ok ast við guð ok at standaz vel pislir fyrir guðs nafni ok mælti svo: »Heyrit þer, dætr minar, lærdar i guðligum ritningum, varðveitið þer nu tru þa æ þessi kvalatið, er þer namut fyrr. Sa mun vinna allar þrautir ok yfir lata yðr stiga allar kvalar, er þer [elskudut fra barnæsku, ok sönn vón ok hialp³⁰ er allra kristinna manna, ok hann mun med yðr vera einn almattigr guð Jesus Krístr¹¹. Engan fagnat megit þer moður yðvarri

1 [allt eptirlífi C; allar krasir ok allan losta D. 2 [því svívrða konur vorar oss nu ok ganga eptir hennar fortolum (ganga henni i spor D) 35 ok vilia eigi koma til rekna med oss ne til borz eða dryckiar ok vilia eigi sia oss (um saurgan gard tilf. D) C, D. 3 [guðligum bokum C, D. 4 [mgl. C, D 5 ottadiz C. 6 em C. 7 af C. 8 [ok eyðit veg goda vorra med níðran, þeir sem skopudu himininn C. 9 [þó erum ver eigi skilin at sva bunn C. 10 Palladrij 40 C; Palladij D. 11 [logdut við ast ok yndi ok van fra barnæsku D.

meira gora þessa heims en þann, at þer standiz virðuliga þislr ok alla freistni diöfla ok vælar manna.« Meyiarnar svörudu sva: »Ver þu örugg, modir ok drotning vör, ok send oss framm fyrir þik at domstoli þessa iarðligs höfðingia, ok munt þu þa fagna, er þu
 5 sier þrek varn ok hreysti i [þurft vorri¹. Grædari varr Jesus Kristr mun oss styrkia ok gefa oss orðagnótt, þolinmøði ok styrk at svara þessum keisara ok sigra hann; lifandi guð skal af himnum sia mega með oss sanna ast ok staðfesti truarinnar, þviat með hans hreinu orði erum vér, en sæla modir, fyrir þik lærðar ok
 10 bunar allar þislr at þola fyrir hans nafni.« Moþir þeira mælti: »Gorit sem þer mælit nu, at ek mega koma eptir ydr i guðs trausti at enda yðvarrar þislar.« En er þær höfðu .iii. daga i myrkvastofu verit ok þriar nætr, bauð keisarinn þer at leiða fyrir domstol sinn inn i höll sina, ok mælti sva til þeira meyianna:
 15 »Miskunnit þer æsku yðvarri ok fegrð, sva ung börn at alldri, ok elli moþur yðvarrar, ok blotit haleit ok itarlig goð vör synilig, ok dyrðit drotna vara Þor ok Oðin, skal ek þa velia yðr hin beztu sæti i minni hirð² ok gipta yðr hinum tignuztum höfðingium i minu riki, sem þer eigut burði til ok ætt. En ef þer hafnit þessu
 20 ollu, þa sver ek þess vid gud min heilog, at hvarki skal ek vægia³ æsku yðvarri ne elli, eigi tign yðvarri ne vænleik, helldr skal ek yðr með ymissum þislum til heliar færa ok saxa hræ yður ok kasta þeim fyrir dyr ok hunda ok hræfugla⁴ himins.« Þa svorudu þær allar sem einum munni mælti þær: »Heyr þu, keisari, þat
 25 man þer [þikkia kynligt ok brosligt, at oss þikkir ekki undir⁵, hvart þu heitr oss goðu eða illu, vid hvorki munum ver skipaz ne skialfva. Ver eigum oss fœður, þann er oss leidir til eilifrar dyrdar, þess ognir ok reiði uggum ver, þvi at þa erum ver kvaldar ok pindar, ef ver fyrirlatum hann en fylgium⁶ þinum fagrgala [ok
 30 veiltræðum(!)⁷. Spari þu ekki af at lata⁸ frammi vid oss nu allar þislr, þær er þu mátt til fa at sigra vara tru, ok munt þu varr við verða, at mikill er kraptr, sa er guð gefr sinum monnum i þislum.« Þa varð keisarinn fullr af æði ok reiði, ok mælti vid moþur þeira: »Seg þu nafn⁹ meyianna ok alldr þeira.« Heilog
 35 Sophia svaradi: »Hin ellzta þeira heitir Fides .xii. vetra gömul, en önnur Spes .x. vetra, en hin þriðia Karitas .ix. vetra.

3. Þa kallaði keisarinn Fidem til sin ok mælti: »Fær fornir

1 [vorri iatningu ok þraut C. 2 sva sem dætr minar sialfs úlf. C.

3 hlifa C. 4 hrafna D. 5 [undarligt þikkia, at oss þikir aungu varda

C. 6 iatum C, D. 7 [mgl. C, D. 8 hafa C. 9 nofn C, D.

hinna helguztu Gefion, ok lit, hversu fôgr hun er, eða hversu virðu-
 ligt sæti hun æ ok dyrdligt, þar er sem drotning vor byggvir. « Fides
 svaradi sva: »Ek hefir alldri slíka folsku heyrða eða slíka blindi
 [siena sem þu segir¹, at ek skula fyrirlata almatkan guð minn,
 þann sem alla luti skapadi or engu, en göfga stokka ok steina 5
 prydda ok [gerva manna hondum².« En er keisarinn heyrði þetta,
 þa let hann flæ hana af klæðum ok beria hana nær allan dag
 með vöndum. En er hon hafði barin verit tolf sinnum af [toLF
 hundradshofðingium³ ser hverium þeira .xii. sinnum⁴, þa sa engi
 merki sarleiks æ likam hennar. Eptir þat liet hann slita af henni 10
 bæði briostin með iarnkrokum⁴. En allir, þeir er hia voru ok sa
 þessar pislir ok grimð, gretu sarliga ok mæltu með harmi: »[Hvat
 gerðu þessar meyar þess endima, at þer skyldu verdar vera at hafa
 slíka pinsl⁵; hardla illr er dómr þinn, konungr, ok raung eru þessi
 boðorð þin.« En or sárum⁶ hennar rann miolk en eigi blod. Þa 15
 mælti heilog Fides: »Hvilíkar litaz⁷ þer, konungr, ognir þinar
 þessar, þviat .xii. hundradshofðingar baurdu mik, ok urdu þeir
 allir modir, en mik sakadi eeki. Þa leztu⁸ briost af mer slita,
 ok kom miolk ur sárum minum en eigi blod. En þu hugsadir
 heimsliga, at þu mundir mik mega skíla fra gudi minum i pislum 20
 þessum, en þat fær þu alldregi gert.« Þa let keisarinn setia hana
 æ brandreid, ok var gorr⁹ undir elldr mikill, en su reckia var
 henne sva heg, sem hun væri æ skipi i¹⁰ logni¹¹. Hun bad til
 guds ok mælti: »Heyrdu, drottinn minn, littu yfir ambatt þina,
 at ek mega i mot standa þessum vikingi ok leysa i sundr allan 25
 stundlighan krapt hans.« En þriær stundir dags var hun æ [glo-
 anda iarni¹², ok hafði hvergi elldr runnit a hana. Sidan let hann
 setia hana i [ker mikit¹³ ok hella yfir hana wellanda biki¹⁴. En
 er bikit tok akafliga at vella i kerino, þa leit heilög mær til
 himens ok mælti: »Grædari allra hluta, æ þik kalla ek i þessum 30
 elldligum pislum. Drottinn minn Jesus Krístr, gættu min.« Sidan
 kastadi hun ser nidr aptir i hituna, ok var henne þar svo hægt,

1 [vitat sem þu hefir, er þu bydr C. 2 [smidada af manna íþrottum

C. 3 [ser hverium hundrads sinnum hofðingium C; ser hverium

hundradshofðingium .xii. D. 4 iarntaungum D. 5 [Hvat illt 35

gerdu meyar þessar (at mikil endemi veri gior vit meyar þessar D),

er þær skulu undir slíkri anaud ok kvalum liggia C, D. 6 Her

ender B; nu lægges C til Grund. 7 synaz D. 8 saal. D; lestu C.

9 kyndr D. 10 Her beg. A, som herefter lægges til Grund. 11 blidu

vedri, þvi er eeki vere vindr ne stormr D. 12 [loganda(!) brandreid 40

ok iarne D. 13 [no mikinn D. 14 Her ender D.

sem hon lægi i godri laug. En er keisarinn *sæ* hana osakada eptir
slikar pislir, þa vard hann fullr af reidi, er hann matti eigi neyða
hana til blota. Ok eptir þat baud keisarinn, at meyna skyldi
sverdi höggva. En er en sæla mæ'r heyrði þetta, fagnadi hon miok
5 ok gerdi gudi þackir ok kalladi *æ* modur sina, er þar stod hia
henne, ok bad, ath hun skyldi bidia fyrir henne, at hon mætti
sina framför med sigri ok iatningu lykta. Sidan kalladi hun *æ*
systir sinar ok bad þær vel standaz pislir eptir þeim dæmum, sem
hun hafdi adr fyrir giört: »ok megit þit nu sia, hversu ek hefir
10 yfirstigit pislir¹ ok konung sialfan, þviat hann kvelst nu, er hann
matti mik i öngum lut kuga.« Sidan retti hun höfut sitt ok hæls
undir sverdzeggiar ok hafdi adr kysta modur sina, ok bad þær
allar heilar vera. Eptir þat hio skialldzveinn keisara höfut af
henne. En aund hennar baru einglar guds til himna, ok færði
15 hon svo Kristi sigr sins pislarvættiss.

4. ²Eptir þat heimti keisarinn til mæls vit sig Spem systur
hennar ok mællti vit hana blidliga: »Heyrdu dottir, ok hlyd mer
sem fōdur þinum, ok blota Gefion drotningh vora til lifs þer ok
heilso, at þu megir fordazt³ pislir.« Heilog mæ'r svaradi: »Vita
20 skalltu þat, konungr, at eeki skulu stoda ord þin hegomlig. Systir
min lærði mik med dæmi godrar atferdar ok æminning, at ek
skyllða slikan farveg fara sem hon milldrar iatningar til drottins
mins i pislarmarki systur minnar ok henne lik vera. Gior þu
þat sem þu vill vit mik, ok mantu þa vita, at ek em systir
25 hennar.« En er konungr *sæ*, ath hann matti eeki med blidum
ordum teygia hana til blota, þa let hann færa hana or klædum ok
beria med sinvōndum⁴. En þa er .x. c. höfdingiar höfdu barit
hana sitt sinn hvær, þa villdi hun mæla vit modur sina, ok matti
fyrir því eigi, ath hun stod yfir andadri dottur sinni ok badz fyrir
30 ok mællti sva: »Drottinn, gef þu þessi enni ungu ambatt þinne
þrek, at hun megi standaz pislir i oskaddri iatninghu þinni, svo
sem enne fyrri dottur minni.« En þa er modirin bad fyrir dottur
sinne, þa kalladi en unga⁵ mæ'r ok mællti svo: Heyrdu, drottinn
gud minn, gef þu mer sigr ok þrott.« Sidan snerizt hon til
35 keisarans [ok mællti:⁶ »Heyrdu, nidingr ok ovinr milldinnar, fæ
þu [til, ef enn er noekut eptir kvalanna⁷, ok mant þu at sannre
raun um koma, ath guds kraptr er med mer.« Þæ vard keisarinn

1 *saal. C.* pislir *A.* 2 Fra keisara ok Spem *Overskr. A.* 3 hardar
tilf. *C.* 4 limvōndum *C.* 5 yngri *C.* 6 [*tilf. C.* 7 [enn
til, ef eptir er nokut kvala kyn *C.*

reidr miog ok baud, at henne skyldi kasta lifandi i gloanda¹ ofn; ok er henne war i ofninn kastad, þa sloknadi allr elldrinn, en hun tok at syngia lof gudi. En er Adrianus heyrði ord hennar syngiandi ok bidiandi ser gud miskunnar, þa baud hann at leida hana i brott þadan ok kvelia hana ~~æ~~ annan vegh. En er hon⁵ var kvalin², þa varp enum sætazta ilm af særum hennar, ok mællti hun hlæiandi: »Heyrdu, vikingr, eigi kenni ek pisle þinna, þviat drottinn minn fulltingir mer ok skyilir.« Þa tok keisari ath ædaz af ordum hennar ok let setia hana i eirnauckva³ ok hella yfir hana biki vellanda. Ok er þeir villdu steypa höfði hennar¹⁰ nidr i velluna, þæ sprack i sundr þetta pislarfæri, en hitan ok vellan hliop æ þæ, er hana kvöldu, ok brunnu þeir, en hon var heil. Keisarinn myktiz ecki vit slíkar iarteinir ok baud, at meyna skyldi höggva. Vit þetta atkvæði keisarans vard mærin glòd ok kysti modur sina ok mællti: »Fridr se þer, modir.« Svo et sama¹⁵ kvaddi hon systur sina ok mintiz til hennar, ok bad hana at dæmi systra sinna oskialfandi ganga undir pislir ok minnaz æ þat, at eingi missir traustz ok hugganar af gudi, sa er allt þolir fyrir hans sakir. Sidan hof hon hendr sinar til himens ok rendi augum til guds ok mællti: »Drottinn, tak þu nu önd mina, þviat ek treyst-²⁰ umz i þer ok vænti i þer.« Sidan var hun höggvin ok for sva til guds. Þa kalladi modir hennar ok mællti: »Se her nu, drottinn minn, dætr minar tvær, hefi ek þer⁴ signdar; bid ek, at sva fari en þridia, attu samteingir þer hana.« Sidan sa hun Caritatem dottur sina albuna til pisle ok mællti med fagnadi: Giorzt⁵ þu, dottir²⁵ min, karllmannlig, þott þu sert⁶ ung mæ, vertu eigi þvi afhuga, at gud fyrirlætr öngvan, þann er haunum treystizt.

5. 7 Sidan let keisarinn meyna leida til sin ok villdi svikia hana med fagrmælum, en heilaug mæi svo sem algjör ok saunn ast svaradi: «Ert þu svo vitstolinn, ath þu veizt eigi nu ætt mina,³⁰ eda mant þu eigi systr minar, eda ætlar þu mik i annarri tru eda i annarri læringu verit hafa en þær, svo at ek skula svo herfilig vera ordin ok ætlara⁸ ok olik systurum minum, þar sem ek em þeim samborin i allar kynkvíslir, ok eigi mun ek ein vor⁹ systra lata kugazt fyrir hundi þinum.» En er Adrianus keisari heyrde³⁵ ord meyiariennar, þa tok hann at ædaz af logha reidinnar ok baud, ath meyna skyldi festa i stagl, ok ætladi ymsum braugdum at

1 brennanda C. 2 kvalit C. 3 eiroxa C. 4 saal. C; þær A.
5 saal. C; Girtz A. 6 ser C. 7 Fra Karitate virgine Oversk. A.
8 saal. C; ætlara A. 9 varra C.

beita hana i pislum, af því ath hun var þeira yngst. En þá er hann ser litit stoda sin braugd eda vælar, þá let hann hana naukta med hæri upp festa i staglinum. En i þessi kvöl hóf hun upp augu sin til himens ok mællti svo: »Fulltingdu mer, drottinn minn
 5 Jesus Krístr!« Þá sneriz hun til keisarans ok mællti: »Ecki mattu, vesall, tomt er allt þat sem þú dæmir. Ek kenni einskis æ mer, þess er þú þickiz mik pina.« Þá mællti konungr med ogurligri rödd vit meyna: »Blota þú Gefon drottning vora, þottu vilir eigi önnur gud, ok man ek þá þó allt fyrirgefa þer.« Hon
 10 svaradi: »Fyrir hvi gremstu svo miök æsku minni eda önd? Giör þú þat sem þú vill, ecki færdu þetta af mier.« Ok eptir þessi svor hennar, þá baud hann þionostumönnum sinum at kynda ofn gloanda ok kasta þar i meynni. Þeir voru þess traudir, þvíat þeir sa guds krap mikinn med henne. Þá geck hun sialf inn i ofninn gloanda
 15 ok signdi sik med guds pislarmarki, ok er hun hafdi i logann gengit, þá springr i sundr allr ofninn ok hlaupa¹ sior gloandi or ofninum² ok yfir [mikinn flok³ manna, ok brendi þá alla til bana voveifiga. En heilög mær geck i elldinum osaukut syngiandi ok lofandi gud. Þá vard keisarinn okveda vit ok skammadizt miög ok sendi menn
 20 til ath leida meyna or elldinum. En er þeir gengu ath⁴ ofninum, þá sa þeir þria menn ganga med meyiunni i loganum solu biartare ath yfirliti. Þeir urdu svo hræddir vid þessa syn, at þeir fellu þegar nidr til iardar ok vissu ecki til manna. En er þeir vitkoduz ok stodu upp, þá badu þeir líana litillatliga, at hun
 25 skyldi ganga ut til þeira. Hun gerdi svo, ok komo⁵ þau öll saman aptr til konungs. En þegar er hann sa meyna, þá mællti hann skiott, at hana skyldi höggva. Ok er heilög mær heyrdi þetta, þá kalladi hun æ modur sina ok mællti: »Minztu min, modir.« En hon svaradi: »Bid þú fyrir mer, dottir, med systrum
 30 þinum, ath Krístr bodi mer til ydvar ath koma med fagnadi.« En eptir þessa vitrædu þeira var mærin skiott höggvin. En heilög Sophia lagdi i vagn líkami þeira dætra sinna ok reid æ dyrligum smyrslum ok ók sidan .xviii. mílor fra borginni i brött, ok grof þær þar ok bio um virðuliga, ok hvarf sidan til borgarinnar ok
 35 gerdi gudi þackir fyrir pislarsigr dætra sinna.

6. 6 Litlu sidar vitíar heilög Sophia þangat, sem helgar meyar voru grafnar, ok margar konur med henne, ok höfdu mikil smyrsl med ser ok reykelisi, ok dyrkudu þar gud ok þessar enu

¹ saal. C; hleypr A.

² loganum C.

³ [mikit folk C.

40 ⁴ elldinum ok tíf. C.

⁵ kvamu C.

⁶ andlat Sophie Overskr. A.

helgu meyar. En adr þessi kvennafloekr for æ braut, sem þangat
höfdu sott, þa fell en helga Sophia yfir helga domana ok mællti
med tærum: »Komit þer nu eptir mer, dætr minar!« Þa syndiz
ollum, sem hon sofnadi hogliga, ok var þat andlat hennar sottarlaust
ok i fridi. Sidan grofu þær hana þar hia dætrum sinum lofandi 5
ok dyrkandi gud af þesso agæta mannvali. En eptir þetta vard
Adrianus keisare lostinn sva illre sott, at hann vard fyrst blindr,
en sidan vall hann maudkum, ok blodspya mikil gaus or honum
med holldfua; ok sidan slo æ hann opi ok ædi, ok sprack hann i
sundr i midiu, ok draufnudu i sundr allir lidir hans ok likami, svo 10
at trautt helldo saman, er grafa skylldi. En messudagr þessa
þriggia meya er kal. Augusti gudi almatkum til lofs ok dyrdar,
þeim er lifir ok rikir um allar alldir allda. Amen.

GREGORIUS SAGA.

(*Cd. Holm. 2 folio*),

Her hefr upp sögu ens helga Gregorij pava.

Gregorius atti allt kyn i Romaborg, ok het Gordianus fadir
5 hans, hann var enn göfgazti madr, en Silvia het modir hans.
Frændr Gregorij voru göfgir at virdingu, en þo voru þeir enn
göfgari fyrir gudi af godlifi sinu ok sidsemi ok trufesti. Felix
pafe hardla dyrligr madr, sa er giora let kirkiu guds pislarvottum
Kosme ok Damiani i Romaborg, hann var af Gregorij, en
10 Tharsilla heilug mæ'r ok meynunna, su en sama er Krist sialfan
sa koma til sin, adr hun andadiz, var fódursystir hans. Þat er
at getnadi giört um hana Tharsillam, sem nu var int, at hun
heyrdi himneska rödd vid andlat sitt, ok þat med at hun sa sialfan
drottin vorn Jesum Krist koma eptir ser; önnur fódursystir hans er
15 nefnd Gordiana, en en þridia het Emiliana. Þær voru badar
helgar meyar Tharsilla ok Emiliana, at því er Gregorius sialfr
berr vitni um nu sidan i bok sinni einni.

En þat er at segia fra þeim systrum med þæm ordum, at þær
þionudu allar gudi i lifi. En þa er því hafdi leingi fram farit, þa
20 er sagt, at Gordiana² systir þeira mæddiz miög i sinni tru, ok
vard eigi betr en svæ um hennar ræd, at hun gleymdi til miög
guds bodordum, ok gat fiandinn sva lockad hennar hug, ath hun
lagdi meira hug æ þersa heims gaman helldr en æ sina þurft.
Tharsilla hellt vel sinni veniu i astud vid almattkan gud. Þat
25 var opt er hun harmadi ok ræddi um fyrir Emiliane systur sinne,
hvern skada þær höfdu bedit um þat, er Gordiana systir þeira
giördiz ohlydin gudi ok þeira fyrirtölum. Tharsilla styrkti sva
tru Emiliane systur sinnar ok bad, at hun skyllði leida sinn hag

1 æ fe *Cd.* 2 Cordiana *Cd.*

ok sitt rad miklum athugha; hon mælti við hana þessum orðum
 opt sinnum: »Ek se Gordianam systur oekra, kvad hun, eigi af
 vorri hælfvu vera.« Eitthvert sinn þa er Emiliana heyrði þersi
 ord, þa sneriz hun til bænar við systur sína Gordianam, ok sva
 et sama Tharsilla; stundum badu þær hana, sem þær kunnu, til
 samþykkis við sik, en stundum ávritudu þær Gordianam. En
 ávallt síðan er mille varð hirtingarorda þeira, þa sneriz Gordiana
 þegar til leikmeyia sinna ok til þessa heims skemtunar. En er
 þersu for framm miðg leinge af hennar hendi, þa varð systur
 hennar at miklum harmi hennar orækt, er þær mattu eigi aleidis
 snua hennar atferdi, sem þær villdu. Fra því er sagt, at æ ein-
 hverri nött giordiz þat til tíðinda, þar er Tharsilla svaf, at þa
 vitradiz henni Felix þafi ok þackadi henni sitt godlífi, bæði þat
 er hun hafði framit við Gordianam systur sína¹ i sinni æminn-
 ingu ok sva önnur miskunnarverk mörg, þau er hon hafði giört
 fyrir guds sakir. Hann sagði henne sva þafinn, at hun mundi
 skamma stund uverit hafva i þessum heime, enda lofv(ad)i þat lítt
 við, at þegar er hun vaknadi or þeim draumi, þa kendi hun ser
 sottar. En er sottin ok ath henne fast, þa let hun giöra eptir
 frændum sínum ok vinum, sva sem þa var venia Romveria til, þa
 er nalgadiz göfgra manna andlat, ok let hun alla alpydu manna,
 þa er þar var komin, gudi lof syngia ok hans helgum mönnum.
 Þar var þa komin modir Gregorij Silvia ok margir adrir göfger
 menn at þiona Tharsille. En er þeim var minz von², þa tok hun
 at kalla hatt Tharsilla ok mælti: »Hverfi þer nu æ braut fra
 mer, sagði hun, þvíat Jesus kom nu ath vitia³ min.« En er
 Tharsilla hafði þetta mælt, þa andadizt hun. En er þessi tíðindi
 voru, þa varð þar sva mikill hilmr, at eingi þottiz slíkan kent
 hafva þeira, er þar voru við staddir. En er hun var öndud, þa
 var buit um lík hennar vel ok vegliga, sem verdugt var, ok eptir
 slíkum hætti, sem síðr Romveria var til at bua um gróft göfgra
 manna. Þat er ok við getit, at litlu eptir andlat Tharsille æ
 einhverri mikilli hatid, at þa vitradiz Tharsilla Emiliane systur
 sinne i draumi, ok for hun með fagrlígu ladordi i mot henni af
 guds halfu ok mælti sva við hana: »Kom þu, systir Emiliana,
 sagði hun, ok giör helga samkundu með mer.« Emiliana svaradi
 henni æhyggjusamliga: »Ef ek kem ein⁴, sagde hun, hvat verdr
 þa um Gordianam systur vora?« Þa svaradi Tharsilla með hrygg-
 um hug ok mælti: »Kom þu, sva sem ek mæli, kvad hun,

¹ sinni Cd.² voner Cd.³ vilia Cd.⁴ eigi Cd.

Gordiana systir oekur er ætlut i sveit með leikmeyjum, ok mun hun her taka laun sins erfdis i þessum heimi.« En er þær höfdu þetta við ræzt, þá vaknadi Emilia(na) ok tok sott ok lifdi litla stund sidan ok fór til himna með veg ok dyrd, sem henni var heitid fyrir sitt godlifi. En bratt eptir andlat þeira systranna, þá tok Gordiana systir þeira ser bonda ok giördi þá mart þat i gegn skapara sinum, er þá treystiz hun varla, meðan þær lifdu allar systir. Nu vard þat sva um þenna hag, sem sagt er, at þær hofu upp með einni astud sina æfi við almattkan gud, en þó endu þær sina atferd með mikilli misleiti. En þessir hlutir, er nu eru sagdir með skömmu mæle, megu afla mer mikillar astudar við gud af dæmum ok af lifi Tharsille ok Emiliane, ef madr færer ser i nyt, en i öðru lagi ma ok sia mikillar æhyggiu ok varudar lif Gordiane systur þeirra.

2. En þat er at segia frá Gordiano födur Gregorius, er getit var i öndverdu þessu mali, at hann var spekingr enn mesti at öllu mannviti, hann var ríkr ok göfugmenne mikit ok audigr at fíarhlutum, hann var ættstor ok stíornarmadr mikill, sídlatr ok sídvandr i alla stadi. Hann var kvongadr hardla vel, en sva sem frá honum er sagth, þá var þat þó mál manna, at i eingan stad þætti Silvia kona hans, er ádan var nefnd, minni skörungr at sinu hofi helldr en hann þótti. En er sonr þeira ox upp Gregorius, sa er nefndr var i upphafi þessa mals, þá giördiz hann sva hlydinn fedr sinum ok modur, at hann villdi eingan hlut i moti þeim gera. Ok þegar æ unga alldri var hann settr til nams af födur ok af modur. Hann bra þá þegar mikit af veniu annars ungmennis, ok var hann at ser framar gíorr en adrir ungir menn, þeir er þá væri i Romaborg i þann tíma. En sva sem Gregorius var ættstor ok kyngöfugr, þá giördiz hann þó enn mesti ættarbætir i alla stadi, ok þá kynslod pryddi Gregorius godum sídum ok dyrligri atferd sinni. Þat þíkir verit hafa með miklum taknum, er Gregorius hlaut þat nafn, sem hann hafdi. Gregorius þyðiz vakr til vors mæls at færa, enda var hann ok sannlíga vakr at sia vandlíga bædi um sína þurft ok sva annarra; þá var hann vakr af síalfum ser, er hann fyllði þat i godum verkum, er hann nam edr kende, en þá vackti hann öðrum til þurftar, er hann kende i ordum god verk, þau er hann giordi. Hann vard sva bokfrodr ok sva algíörr at ser um allar lærdomslistir þegar æ unga alldri ok at öllu mannviti, at i þann tíð, er i Romaborg var mestr lærdomr, geck

honum einge hærri i öllu boknami. Hann hafðiz þegar miðg i æsku sinni a mali við alldrada menn ok kostgefdi ath muna þat allt eptir, er þeir kendu honum til mannviz. Hann safnadi þa frodleik miklum i sinu brioste, þeim er hann bar sidan upp fyrir alpydu æ þeiri tid, sem hæfði, ok sva kvedr at i heilagri bok, at þa er Gregorius kom æ gatnamot lærdomsins, at þa fyrir-
 let hann vinstri götu lærdomsins, þat er verallldlig speke ok þessa
 heims virding. Hann lagdi þegar æ unga alldri allan hug til guds
 þionustu ok at audlæzt himneskan fagnad ok sanna vitro, ok villdi
 hann at nafni einu þiona þessa heims virding. En þa er hann
 dvaldi miog leingi at skiliæzt berindis með þessa heims lif, þott
 þar væri hugr hans allr, er gud var, þa toku sva at hladazt æ
 hendr honum þessa heims abyrgiur, at hann þottizt einkis annars
 fyrir gæ.

En þa er (at) andlati födur hans bar erfd undir hann, ok hann
 atti sialfr forrad fiar sins, þa let hann bratt þat bert verda fyrir
 monnum, hvilikr hann hafði leingi verit i gud(s) augliti. Þa hugði
 hann at því bædi nött ok dag, hversu hann skyllði astsamligaz
 gudi þiona með sinum audæfum, ok gaf hann þa fe þat allt til
 guds þacka, er hann atti, ok fylgði sva i eptirlikingu fataekis
 Kristi fataekum ordnum fyrir vorar sakir. Þa reisti hann upp sex
 munklif i Sikileyiu ok lagði þar til slika aura, sem þeir munkar
 þurftu, er þar voru, en et siaunda munklifi let hann setia hia
 kirkiu þeira Pals ok Jons þiningarvotta guds i Romaborg til
 dyrdar Andree postola, þat er hann var sialfr munkr i leingi sidan
 með mörgum bræðrum öðrum, ok lifði hann þar sidsamliga ok
 dyrliga. Til þeira munklifa allra lagði Gregorius sva iardir ok
 audæfi, at vel matte þörf vinna til allra atvinnu, er þar skylldu
 gudi þiona. Sidan gaf hann þat fe allt, er eptir var, þurfamönnum,
 ok þat er af geck þeira naudzsynium, ok fyrirleit hann allt þessa
 heims skraut ok sneri þeiri tign allri, er hann hafði i verölddu,
 til þess at eignæzt hæsta dyrd i himnum; ok sa er litlu adr geck
 um borgina skryddr gudvefium ok gimsteinum, sa þionadi af
 skömmu bragði öreigi stafkörlum.

Þa giördizt hann munkr, ok var hann sva algjör bratt i þeiri
 atferð, at honum matti vel iafna við þa menn, er leingi höfðu
 reyndir verit at allri gæzsku. Hann var kostgæfr til i sifellu at
 lesa helgar bækr; hann hafði sva mikit meinlæti i föstum ok
 vökum ok i bænahaldi, at þar kom um sidir, at hann matti trautt

of standa einn saman af því ok af kvidvælindi, því er hann hafdi. Sva er sagt, at kvidvælindit ok þesskonar meinsemi, sem þar fylger, sotti hann miog sva, at stundum var hann at bana kominn, nema hann matadizt opt æ hverium degi. Fra því er sagt, at þat var einu sinni, þa er kvidvælendi sotti hann i mesta lagi, at hann matti einga stund æn vera berging matar. Þa var komit at paskum, þvattdag fyrir paska, þa er hvert barn fastadi, en hann matti sialfr eigi fasta, þa fell honum þat nærr en sotten, er hann skyldi eigi fasta mega. Þa heimti hann til sin hardla helgan mann þann, er Eleutherius het ok þa var munkr i munklifi hans, ok sa enn sami reisti mann af dauda. Hann beiddi þa Gregorius þess, at þeir skyldi badir saman bidia þess gud med tarum, at honum gæfizt megn til föstu þann dag. En er þeir höfdu skamma stund þess bedit, þa tok Gregorius at hafa sva mikit briostmegn, at hann þottizt eigi þurfa at bergia mat a þann dag, ok sva vard brad bot æ meinsemi hans, at hann undradizt sialfr i hug ser, hvi hann tok sva bratt sva mikit megin, sem þa þottizt hann hafa af iafnlitlum mætti, sem hann hafdi adr haft. En er ath kvellði kom, þa var hann sva hress madr, at hann matti vel hallda föstu sinni til morgins, ef hann villði. En þott Gregorius kendi ser hvern dag vanheilsu, þa afladi hann þo eigi sva hvilldar likama sinum, at eigi giörði hann ævallt annat tveggia, at hann badzt fyrir, edr las helgar bækr edr skrifade, edr orkti nyiar bækr, ok mæddi hann sva likam sinn ævallt i hversdaghligu erfvidi, at su var eingi stund, er eigi væri hann i nöckverri guds þionustu.

3. I þann tid hafdi Gregorius ertr ok alldin miög til fæzlu ser, sva sem Silvia modir hans sendi til handa honum. Hann hafdzit þa at riti löngum hia hlidi því, er kent er Pali postola. Þar kom eingill guds um dag ath honum med yfirlitum þeim, sem madr væri voladr kominn af skipsbroti, ok bad hann gefa ser nackvad. Þa let Gregorius gefa honum sex penninga ok hugd(i) honum miskunn, af því at honum fell nær fataeki hans, ok bad hann i brott fara sidan. En litilli stundu sidar æ sama dege kom sa auminge aptr ok taldizt litid þegid hafva en mikit latid ok bad enn forkunnliga gíafar. Þa voru enn gefnir honum sex penninghar, ok for hann þa gladr a brott. Enn kom hann ed þridia sinni ok bad allra forkunnligast gíafvar. Gregorius bad enn taka sex penninga ok gefa enum volada. Þa vard Gregorius þess viss af fehirdi² þeira munka, ath eingi penningr war til, sa er hann

matti gefva enum volada. Þá þóttizt hann eigi vita, hvat hann skyldi til taka, honum fell nær, ef hann skyldi einga miskunn mega weita enum volada manni. En þá spurdi hann fehirðinn, ef hann hefði ker nöckvert edr klædi, þat er til gíafar væri fallit, eda annarsskonar grip nöckurn þann, er enum fataka manni mætti at halldi koma. Þá var honum sagt, ath ecke var til wtan silfvrðiskr einn, sa er Silvia modir hans var won at færa honum æ allden. Þá ward hann allgleymr wid ok mælti: »Færdu mer hann skiott, brodir, at eigi fari sia wesalingr huggunarlauss æ brott.« Sidan gaf Gregorius gladdiga diskinn þeim manni, er hann hugdi fatakan wera, ok hvarf sa a braut; ok war þat fyrir höndum, at hann munde veita Gregorio helldr en þiggia þadan ifra. Fra því upp vard Gregorius kunnr at taknum ok ath iarteinum, ath eighi þotte hann einn saman styra munklifve sinu, helldr þotti berligha Andreas postoli sia um med honum. Einnhvern dag sende Gregorius munka .ii. ath kaupa þat, er hafa þurfti i munklifinw, annan ellra en annan yngra. En er þeir foru, þa stal sa er ellri var af fe því, er þeir foru meðr, sva ath enn yngri vissi eighi. En er þeir kvomu heim ok villdu ganga i kirkiu, þa vard sa þeira diöfulodr, er stolit hafdi, ok fell hann til iardar. Honum bættizt bratt, ok war hann spurdr at bodordi abota, ef hann hefði misfarit meðr fe því, er honum var i hönd sellt. Hann syniadi, en þa æddizt hann. Hann var .viii. sinnum spurdr, ok syniadi hann ævallt; en þegar er hann syniade, þa vard hann odr. Þa kom Gregorius ok spurde, hve morgum penningum hann hefði stolit. Þa fell hann til fota Gregorio ok geck i gegn því, er hann hafði giört. Sidan tok hann skript, enda matti þa eigi diöfull æda hann þadan ifra.

4. ²A hatidardegi Andreas postola þa er brædr hvilldu um middegi, þa setti at einum þeira skialfta med hareysti miklu, sva at synt matti pickia, at þat nöckud bar fyrir hann, er hann atti eigi stad vid. En er brædr fundu, at honum var ollum brugdit, þa toku þeir hann at bodordi Gregorij³ ok logdu nidr fyrir allteri Andree postola ok badu honum miskunnar. Hann witkadizt bratt ok sagdi sidan, at honum hafði synzt alldradr madr, sa er visadi at honum hundi svörtum ok mælti vid hann: »Hvi villdir þu flyia or munklifi þessu.« Þvi næst komu framm munkar ok badu honum liknar enn alldrada mann. Þa visadi hann hundinum a brott, enda vitkadizt þa munkrinn skiott. Hann sagdi þa, at hann

1 villdi Cd.

2 Fra bræðrum Overskr. Cd.

3 Gregorio Cd

hefði þat fyrir borizt, at hann mundi hlaupaz ~~æ~~ braut ur munklifinu, ef hann hefði þat matt. Enn var sa annarr munkr, er hlaupaz villde ~~æ~~ braut ur munklifinu, ok villdi þa ganga i kirkiu, er hann hafði þat radit i hug ser; þa [eirdi diöfull honum¹, er
 5 hann villdi eigi i kirkiu ganga, en þegar er hann villdi i kirkiuna ganga, þa vard hann odr. En er sva hafði mörgum sinnum (farit), þa kom Gregorius til. Þa sagði hann honum, hvat hann hefði fyrir borizt, ok þadan af batnadi honum, sva at hann vard alheill af bænum Gregorij ok annarra brædra. Enn voru .ii. brædr, þeir
 10 er hliopuzt or munklifvi ok foru leid þa, er Appia heitir, en at þeir mætti eigi fundnir verda, þa viku þeir af gotunni ok leynduzt i iardhusi nockuru. Þeira var saknat at kveldi i munklifinu, þa sendi Gregorius brædr at leita þeira. Þeir ridu ut borgarhlid þat, er Metrosun heitir, ok leitudu þeir vida ok fundu þa eigi; þeir
 15 ridu þa aptr til borgar götu þa, er Flaminea heitir. En er þeir kvomu nærri því, er þeir voru folgner, þa namu hestarnir stad undir þeim, sva at þeir giördo hvergi at ganga; þa lituduzt þeir um vandliga ok ~~sæ~~ leyni þat, er þeir leynduz i; þeir stigu af hestum sinum ok leitudu þeira, unzt² þeir funduzt. Sidan voru
 20 þeir hafdir i munklifvi, en af atburd þeim, er ordinn var, ok af fyrirtolum Gregorij, þa hurfu þeir af því, at þeir villdu eigi sidan flyia or munklifinu.

5. 3 Justus het munkr ok læknir, sa er opt var vanr at giöra at meinsemi Gregorij, hann tok banasott. En brodir hans
 25 sat yfvir honum, sa er Copiosus het. En er at honum tok at lida, þa sagði hann brödr sinum til, at hann hafði gullpenninga .iii. i vitum sinum. En hann sagði brædrum til. Þeir leitudu sidan ok fundu gullpenninga i lækningartolum hans. Þa giördu þeir Gregorius varan vid, en honum þotti mikit at, fyrir því at honum
 30 þotti læknirinn allz hugar godr, en þat var miog giört i moti reglu þeiri, er Gregorius hafði sett, at eingi munkr skyllði einn ser fe eiga. Hann hugdi at, hversu þess mætti haga, er mest hirting mætti at sliku verda, enda væri þo lækninum minzt mein at. Hann heimti til sin profast munklifisins, þann er Preciosus
 35 het, ok mællti vid hann: »Se þu nu, at eingi brædra komi til mals vid hann ne veiti honum huggan einga. En þa er at honum lidr ok hann vill, at brædr komi til hans, þa skal Copiosus brodir hans segia honum, at eingi brædra vill sia hann, ok allir rækia

1 [*rettet*; ærði diöfull hann *Cd.* 2 at *tilf.* *Cd.* 3 Fra einum munk *Overskr. Cd.*

hann fyrir gullpenninga þria, þa er hann hefir haft **aa** laun. Sidan vil ek, kvad Gregorius, at hann andizt i hrygggleik ok i idrun þess, er hann hefir misgiört, til þess at þa megi önd hans hialpazt. En þa er hann andazt, þa skal hann eigi grafa med bræðrum, helldr skal kasta liki i saur nöckurn, ok þar med gullpenningum hans. Sidan skal hylia hann i iördu.« Þat for allt sva framm, sem Gregorius baud, ok andadizt sa munkr med miklum harmi. Vid þenna atburd urdu munkar sva klöckvir, at hverr bar framm allt, þat er hann hafdi i vitum sinum, þott einkis væri vert at fiarmagni.

En er þrir tigr daga voru lidnir fra andlati munksins, þa mælti Gregorius hardla vid Preciosum prest: »Leingi hefir Justus brodir vor verit illa halldinn, sagdi hann. Nu verðum mer at leita honum nöckurrar miskunnar. Fardu nu ok se um, at .xxx. daga se sungin messa fyrir sæl hans hvern dag fra öðrum.« Hann giörði sva profastrinn, sem honum var bodit. En er Gregorius atti mart at annazt, ok hafdi hann eigi at dagatale um þat, þa vitradizt Justus munkr um nott i svefne Copioso brodur sinum. En Copiosus spurde hann ok mælti: »Hvat er hags þins, brodir?« Justus svaradi: »Hingat til hefi ek illa verid halldenn, en nu hefir ek gott, fyrir því at i dag tok ek holld ok blod drottins mins.« Þa vitron sagdi Copiosus bræðrum. En er þeir hugdu at giörsla, þa taldizt sva til, at þa var iafnt .xxx. mesna sungnir fyrir sal hans, er hann taldiz miskunn hafva feingit.¹

6. A einum hverium degi bar sva at, at Gregorius geck **aa** torg i Romaborg, þa er þar var mart falt latid; hann sa þar sveina nöckura hardla hvita **aa** hars lit ok væna at aliti ok dreingiliga i vexti, ok voru sveinarnir latnir falir. Gregorius spurdi, af hveriu landi þeir voru kyniadir. Honum var sagt, at þeir væri af Einglandi æzskadir, ok slikir væri flestir menn at aliti **aa** því landi sem sveinar þessir. Þa spurdi hann, hvort folk væri heidit edr kristid; ok var honum sagt, at þat folk var heidit. Þa komzt Gregorius vid af öllu hiarta ok felldi thær ok mælti: »Þat er harmr mikill, kvad hann, at höfðingi myrkra skal hafa valld yfvir sva biortum monnum, ok skuli þeir menn eigi niota megha guds miskunnar, er sva gozligir eru.« Ok enn spurdi hann, hversu þiod su heti. Honum var sagt, at þeir hetu Angli. Þa mælti Gregorius: »Vel vel heita þeir angli, þvíat þeir hafa eingiliga asionu, ok hæfir at þeir hverfi i sveit med einglum **aa** himnum

- ok giörizt þeir¹ samvistumenn almattkum gudi, ok mun gud lata sina miskunn skina yfir hugskoti þeira, er einglar heita ok hafa eingla fegrd.« Enn spurdi Gregorius, hversu herads menn þeir hetu; ok var sagt, at þeir kalladizt Deiri. Gregorius mælti:
- 5 »Makliga heita þeir Deiri, heimtir undan reidi ok kallader til miskunnar Kriz.« Ok enn spurdi Gregorius: »Hversu heitir konungr þeira?« Svarad war ok sagt, at hann hete Aelli. Þa brosti Gregorius ok varð feginn ok mælti: »Makliga heitir konungr sa Alle, nær sem heiti Alleluia, ok ed hæsta lof guds alleluia (mun)
- 10 sidar sungid verda gude til lofs i þeim herudum.« Sidan for Gregorius til fundar vid Benedictum pafa ok bad, at hann skyldi senda nockurn kennimann til Einglandz ok kristna þat ok boda þar² guds nafn, ok lezt hann buenn sialfr til þeirar syslu, ef pafinn lofadi, ath hann færi. Þess varnadi Benedictus pafve fyst, en þo
- 15 lofadi hann Gregorio litlu sidar at fara, er Gregorius bad akafligar, ok bad pafvinn fyrir Gregorio, at gud sialfr skyldi greida hans ferd. Þa biozt Gregorius skyndiliga ok leyniliga til fararennar ok for med blezan pafa, þa er hann war buenn. En er Romveriar urdu visir, at Gregorius var æ brautu farenn, þa söfnuduz þeir
- 20 saman æ götu fyrir Benedictum pafa ok foru flokkum æ mot honum, þa er hann for til Petrs kirkiu, ok kölludu a hendr honum odliga ok mællto: »Ho ho pafve, sögdu þeir, hvad hefir þu gert? Reidan hefir þu giort enn helga Petr, eydda hefir þu Romaborg, i því er þu hefir Gregorium æ brautu sendan.« Þa oadizt pafvinn
- 25 atkall alpydu ok sendi menn skyndiliga eptir Gregorio ok mælti mikit um, at hann skyldi aptr hverfa sem skiotazt. En fyrr en sendimenn pafva kæmi eptir Gregorio, þa hafdi hann farit þriar dagleidir, ok var þa æ aefanga um middagsskeid. Þa var Gregorius horfvinn nöckut sinn fra förunautum sinum ok sat einn saman
- 30 ok³ sa æ bok, þa flo fugl sa æ bokina, er locustus heitir, ok nam ser þar stad. En er Gregorius sa þat, þa mælltizt hann vid einn saman ok hugdi at nafne kvikendis þess: »Sia fugl stöðvar ferd vora, þvíat locusta þydzit, sem mællt se: nem þu stadar.« Þa kalladi Gregorius at förunautum sinum ok mælti: »Standit upp
- 35 þer skiott, ok buumzt æ brautu hedan, en þeygi munum ver na at fara leingra.« I því bili kvomu sendimenn pafva ok höfdu miog mædda hesta³ sina. Þeir syndu Gregorio rit pafva, er þeir höfdu med at fara. En er Gregorius hafdi þat yfir lesit, þa hvarf hann aptr til Romaborgar, sva sem pafvinn baud. Enda dvaldizt

þat allt sidan, at Eingland yrði kristnad, þar til sem Gregorius varð pafvi, þá endadi hann þessa sína ena dyrliga fyrirætlun ok sendi lærisvein þann, er Augustinus heitir, til Einglandz, ok kom hann þá kristni æ landit, sva sem sidan hefvir halldizt.

7¹. I þann tíð sa Benedictus pafve, at Gregorius þróaðizt 5
miðg at heilagleik ok at öllum mannkostum, ok varð honum þat i kunnleika, hversu Gregorius skein i forkunnligum iarteinum. Þá heimti pafvinn Gregorium ut af munklifinu ok vigði hann ok valdi enn siaunda erkidiakn til fulltings með ser. I þeiri syslu þionadi Gregorius litillatligha, ok var hann hlyðinn yfirboda sínum, 10
ok hann var sva dyrligr maðr, at hann þótti helldr hafa eingla líf en manna. Ok litlu síðar eptir andlat Benedicti pafva, þá sendi Pelagius pafvi Gregorium til Miklagardz ath fylla syslu heilagrar kristni við Tiberium keisara. Þá fylgdu margir bræðr Gregorio or munklifinu, þeir er studdu hann i bænahaldi ok i vidrmæli 15
trúfastligu i öllum vandyrdum, þeim er honum baruz at hendi i höll keisara. I þann tíð bað Leandir byskup gðufgr af Spania-landi, sa er þá var ok staddr i Miklagardi af naudsyniasyslu, at Gregorius skyldi skyra bok Jobs ens gamla, er hardla torskilit þikir vera. Síðan giörði Gregorius bok þá, er menn kalla Moralia 20
Job, ok skyrði i halfum fiörða tigi boka öll takn, þau er hann þóttizt finna, at folgen væri i bok Jobs. En þá er Gregorius var i Miklagardi, þá geck villa sú hatt þar, er Eutychius² patriarcha var upphafsmaðr ath. Hann sagði sva, at menn skyldi eigi sanna líkami hafa æ domsdeghi, helldr þá, er sva væri andligir, at eigi 25
mundi mega þreifa um helldr en um lopt eðr vind. Þeiri villu stóð Gregorius i mote ok sannadi með vitnum heilagra ritninga, at hverr maðr skal sannan líkama hafa æ domsdegi, þann sem hann hefir haft i þessum heimi, ok sva braut hann villu þá niðr, at eingi maðr hefir þess kyns villu upptekit síðan, ok þar veitti 30
Tiberius keisari honum mikit samsinni i því máli. Þat var fám dögum síðar, at Eutychius² patriarcha læ i sott ok var hættr, þá tók hann hendi sinni hud annarrar handar ok hellt æ ok mællti: »Þvi iate ek, at með þessu hólldi skal ek upp risa.« Eptir þá iatning sannrar trúar andaðizt hann bratt. En rit þau 35
er Pelagius pafvi sende Gregorio, þá er hann var i Miklagardi, bera vitni um þat, af hve miklum skörungsskap Gregorius rak eyrindi þat, er honum var bóðit við keisarann, ok hve vel hann kom at halldi Romverium um marga hluti i för þeiri.

1 Fra Benedicto pava *Overskr. Cd.*2 Kutices *Cd.*3 Eucius *Cd.* 40

81. Nöckverri stundu sidar (er) Gregorius kom aptr i Romaborg, þa tok æ su er Tiberis heitir vöxt sva mikinn, at hun flæddi ok braut nidr morg hus ok spillti öckrum manna um alla Romaborg, ok hun giordi borgarmonnum margfallðan skada. Þa flaut fíoldi
5 höggorma eptir ænni ofan, þa er skolat hafði ur urdum her ok hvar, ok þar var dreki einn sva mikill, sem ass digr væri; þat fylgdi allt ærvextinum i sio. En er ormarnar kvomu i sioenn, þa do þeir allir þar. Sidan giörði æ hafvidri, ok rak þa alla æ land. En er þeir funudu, þa giörði þar af odaunan mikit. Þa
10 kom sott mikil i Romaborg, ok feingu menn bradan dauda, þeir er forvindis urdu. Sva er sagt, at nöckurum monnum syndizt sva, sem örvar flygi æ menn or lopti. En er þessi tidinde urdu, þa red þafvi sa fyrir Romaborg, er Pelagius het. En er sia sott kom sva akóf æ hendr mönnum, þa andadizt Pelagius þafvi fystr
15 allra manna i sott þeiri. En eptir andlat hans þa geck sottin sva hart æ hendr mönnum, at mörg hus i borginni urdu aleydd. En fyrir því at kristnen matti eigi vera leingi an stiornarmanninn, þa þotti öllum einsætt at velia Gregorium til þafva i Romaborg, ok urdu æ þat sattir bæði lærdir menn ok olærdir. Þa kaus öll
20 alþyda Gregorium til þafva. Hann mællti vidr því allmiogh ok kalladizt at eingu vel til fallinn, ok fyrir því mælltizt hann sva undan þessu, at hann ræddizt at taka i annat sinn verallðar virðing, þa er hann hafði fyrr latid, ok taldizt hann alskostar overdr at taka slik metord. En er hann var akafliga sottr at því mali,
25 þa þottiz Gregorius eigi mega mæla i moti alþydu manna domi, ok kom þa sva því mali um sidir, at hann lagdi leyfi sitt til þess, sem keisari villdi at væri. Mauricius var þa keisari yfir heiminum 2 ok var hann mikill vinr Gregorij. Þa sendi hann rit Mauricio keisara leyniliga af þeim kunnleikum, er hann hafði halldit syni
30 hans undir skirn ok veitt honum gudzsifjar, ok bad þess akafliga, at hann skyllði eigi samþyckiazt vidr Romveria um þat, at Gregorius væri til þafva tekenn. Þa let Germanus borgargreife verda tekinn sendimann Gregorij ok breytti ritum þeim öllum, er Gregorius hafði giörr. Sidan sendi hann þat rit keisara, at Gregorius
35 var valdr til þafva af öllum Romverium, ef honum likadi at sva væri. En er keisari hafði radit rit þetta, þa þackadi hann þat gudi ok vard því feghinn, er vinr hans slikr, sem Gregorius var, skyllði koma til slikra metorda. Keisarinn let giöra rit ok baud

1 Fra Gregorio þafva *Overskr. Cd.* 2 h'm d. e. hontum *Cd.*

rikiliga, at Gregorius skyldi þafvi vera. Medan orða keisara var at bedit, þa var sott sem akofuz i Romaborg.

9. Þa tok Gregorius erkidiakn at telia fyrir alþydu, ok hof hann a þersa lund mál sitt: »Þat hæfir oss, enir kærstu brædr, um bardaga guds, þa er vær skulum oazt okomna, ok vær skiptumz vid, þa er þeir koma at hendi, ok hrædumzt þa, ok latum vær sva radning hans snua oss aleidis til guds, at bardagi, sa er vær þolum, myki hardleik hiartans til iþranar ok leidrettingar. Nu verdr her óll alþyða fyrir mikilli guds reidi, ok er eingen sa, er eigi muni þess sarliga kennazt. Sott su er ferr er sva brad, at hverr er tekr deyr, fyrr en hann kenni ser sottar, ok er sem eingum gefi tom til idronar edr skriptargangs, fyrr en hann andazt. Hyggid er at, hvilikr sa mun koma fyrir glogdæman domara, er eigi naer her at grata þat, er hann (hefir misgiort), ok giðra idran sina. I husum þeim, er sott su kemr inn, er eigi sem stundar audn verdi æ um mennina, þa er fyrir bua, fyrir því at þat er margstadar, at allir deyia. Fedrner grafa sonuna nidr, ok deyia erfingiar enna ellri manna fyrr en þeir sialfver. Snuizt nu hverr sem einn vor til iþranar, medan hann er heill ok tom er at; leidum vær þat fram fyrir hugskotz augu vor, er vær hofum misgiört, ok idrumzt þess med grati, er wær drygdum medr munudlife ok hlatri. Komum fyrir andlit drottens i iatningu, ok sva sem spamadr minner ydr æ, hefum upp hiörtu med hondum til guds, er vær eflum kostgæfvi verka vorra med bænum vorum. En sa gefr styrkleik mikinn hiörtum vorum, er i ordum spamanz sins eins sialfr drottenn kallar ok mæli sva: Eigi vil ek dauda syndugs manz, helldr vil ek, at hann lifi ok leidrettizt. Aurvilnizt ok eingi madr fyrir saker illzku sinnar akafligar. Ein sexdægro fasta eyddi gömlum glæpum Ninive bua, ok illvirki krossfestr odladizt af einu iatningarordi lif eilift, þa er hann rettizt æ enu efzta dægri lifs sins. Snuum vær æleidis hug vorum ok hiörtum ok atferd, ok treystumzt þa, at vær munum þiggia þat, sem vær beidum. Werum vær þrabænir vid gud, til þess at hann leysi oss fra ogurligum dauda ok haska. Þrabæni su, er mönnum verdr opt leid, likar vel domara vorum, þvíat gud er milldr ok sams will þraliga vera bedinn af oss, ok vill hann veita oss miskunn ok eigi sva miog reidazt oss, sem vær giðrum til. Af því mæli David salmari guds rodðu: Kalladu æ mik æ degi hrellingar þinnar, ok mun ek hialpa þer, en þu munt gôfga mik. Sa berr

ser vitni sialfr, at hann er giarn at miskunna, er æ minner, ath hann skuli bedinn vera. Fyrir því ok, enir kærstu brædr, göngum æ morgin æ medal kirkna fastandi berfættir, ok syngium siaufallt letania af öllum hugh ok medr tarum, til þers at domari vor nemi af oss alla reidi sina, þa er hann ser, at vær giölddum oss sialfver glæpi vora ok idrumzt synda vorra.« En er allr mannföldi kom i nefndum degi til bæna, eptir því sem Gregorius diakn baud, þa hofu kennimenn upp fyst göngu sina med letanie fra kirkiu Johannis baptista eptir tilskipun Gregorij. En þar næst hofu munkar upp göngu sina fra kirkiu þeira Jons ok Pals pislarvotta guds. En olærdir menn gengu fra kirkiu Marcelli pape martiris, en nunnur ok meyar gengu fra kirkiu Cosme ok Damiane; sidan manna konur fra kirkiu Stephanus diakns, en þar næst eekiur fra Vitalis kirkiu, en sidarst gengu voladir menn ok börn fra Ceciliu kirkiu. Sidan gengu allir med þersi tilskipun ok atferle aptr til Mariu kirkiu, ok badu allir med litillatum hiortum ok sannri sidsemi almatkan gud, at hann nemi af þeim sina reidi ok þersa illingarsott. Af þersi æminning ok tilskipun Gregorius i Romaborg hófz halld gagndags ens eina, ok er nu halldinn ævallt sidan sa dagr um alla kristnina i þa minning, er sva var sottin akðf, at i göngu þeiri, er alþyda geek med krossum ok lydrinn var æ bænnum, þa fellu .lxxx. manna daudir nidr. En þeygi let hann af at telia fyrir þeim ok at eggia bænahalldz ok godlifs, til þers unzt af guds miskunn ok arnan Gregorij hvarf sott su af öll.

10.² I þann tid er þessir atburder urdu, er nu var fra sagt um hrid, þa kvomu aptr sendimenn Gregorij, þeir er med brefum foru æ fund keisarans, ok konungs bref kvomu þau i moti, at hann villdi ser eeki lata annat lika, en Gregorius væri vigdr til pafa. Þa ætladizt Gregorius þat fyrir ser at hlaupazt i brott or Romaborg, eptir þat er hann var til pafa kosinn, fyrir því at hann var þa ordinn viss þers, at keisarin hafdi eigi þau ord send um vixlu hans, sem hann villdi, ok villdi konungr helldr vikia³ eptir alþydu þocka um þetta mal en eptir vilia Gregorij, ok ætladi þetta bædi ser ok ödrum til mikillar farsælu, er Gregorius var til þessa velldis kosinn. En er menn urdu varer vidr, at Gregorius villdi þetta fordazt, er fyrir var ætlat, þa var halldinn vödr yfir borgarhlidum öllum, at Gregorius skyldi eigi mega fordazt þat, er hann var til validr. Þat er sagt, at Gregorius leitadi ser fylsknes⁴ ok falz sidan i nöckurum leyniligum stad, þvíat hann matti eigi

40 1 reida Cd. 2 Fra Gregorio pava Cd. 3 mykia Cd. 4 fylsknsnes Cd.

komazt brott or borginni. Menn leitudu hans vida, ok fundu hann eigi. En um sidir þa feek Gregorius þat af kaupmonnum nœkurum, at hann var borinn i hudfati æ brott or borginni, ok leyndizt hann i fylsknum .iii. daga. Sidan toku menn þat rad, er vænst var til, ok hetu æ almattigan gud ser til fulltings um þetta mal 5 ok leitudu Gregorius naliga .iii. daga i samt, unzt af bænum ok af fœstum borgarmanna fektz þat takn, at mikinn hlut nætr skein geisli biartr ofan af himni æ iord nidr þar iafnt, sem Gregorius leyndizt. Þa sa ok einsetumadr noekur, sa er var utan borgar, eingla guds fara upp ok nidr i þeim geisla, þar sem Gregorius war 10 undir nidre. Sa tok til þeira dæma, er enn helgi Jacob sa stiga standa til himins upp ok kvad þar vera hus guds, at undir liose þvi mundi vera folginn stiornari huss guds, edr sialft hus guds er sidan. Þegar þa vard einvalamadr drottins fundinn ok tekinn ok naliga dreginn helldr en leiddr til Petrs kirkiu. Eigi var þat 15 giørt sakir hadungar vid Gregorium, helldr fyrir þvi at borgar-lydnum var sva titt til, at þat færi fram, er ætlat var, at Gregorius være vigdr til pafva. En sidan var hann vigdr til byskups ok til pafva yfir Romaborg, ok er þat audvitad, at Gregorius stod þvi eigi meir i moti þessi tign, at hann sa, at þetta var einkanliga 20 guds vile. Gregorius giördizt sva milldr ok miskunnsamr i pafvadomi sinum, at hann hugdi hverium manni hialp, sem þurfti at honum at piggia.

II. I pafvadomi sinum giördi Gregorius margar bækr helgar. Cura pastoralis heitir bok, er hann giördi um þat, hve mikil 25 vandrædi fylgdu byskupsdomi. Gregorius giördi homiliobækr .ii. ok eru i þeim skyrdar .xl. gudzspialla. Enn giördi hann þa bok er Dialogus heitir; i þeiri bok er sagt fra lifi ok fra iarteinum margra heilagra manna af Italialandi; þa bok giördi Gregorius at bæn Petrs diakns sins. Gregorius skyrdi ok upphaf ok nidrlag 30 bocar Ezechielis spamanz, ok eru þat omiliur .ii. ok .xx., er þar eru um giorvar. A þat ofan giördi hann mörg rit önnur, er hann sendi vida um heiminn til stiornar heilagri kristni. I þvi hafdi hann ok mikla ahyggju at skipa vardhalld i Romaborg, fyrir þvi at þa var sva mikill ofridr af Langbordum i þann tid, at ævallt 35 þotti hernadar von, ef eigi væri vordr halldinn. Gregorius var ok sva litt heill, medan hann var pafvi, at rida geck alldri af höndum honum, ok þo var hann hardla hrumr æ fotum optliga. En hvergi sem hann var mæddr af vanheilsu edr af ahyggju, þa var þo su

stund eingi, at eigi hefdiz hann þat nöckud at, er til nytsemi kom. Gregorius var ok sva miskunsamr, at naliga veitti hann hverium hialp er þurfti. Hann var sem fadir væri öllum fatækum mönnum, eigi at eins þeim er innan borgar woru, helldr ok mörgum þeim
 5 er langt voru i braut. Þat var til merkia um þat, at hann veitti þeim mikinn stoda munkum, þeim er fatækir voru æ utlondum i fialli því, er Synai heitir, þat var ok vida, er hann lagdi fe til þerss at leysa herfeingna menn or ænaud ok or myrkvastofum.

12. 1 Gregorius hafdi skamma stund verit þafve, þa er hann
 10 sendi menn til at kristna Eingland, Augustinum, Mellicum ok Johannem ok marga adra guds vini med þeim. En þeir færdu þa syslu fram med sva miklum guds krapti, at þat landzfolk snerizt allt til tru, ok eigi midr af iarteinum þeim, er þeir giordu, helldr en af kenningum þeim, er þeir kendu. Þadan af er þat, er
 15 Gregorius er kalladr Eingla postoli, at þat var berliga af hans tilsyslu, er kristni magnadizt æ Einglandi. Gregorius baud þat skyldiliga, at i munklifi því hveriu, er hann reisti upp, skyldi eingi munkr hafa fe neitt i eigu sinni.

I munklifi Gregorij var munkr ok prestr at vixlu, sa er atti
 20 ser brodur i verallldligu verki. Þat var optliga at broder munksins for at finna hann fyrir sakir þeira frændsemi, ok eintu hveriu sinni er þeir brædr funduzt, þa mællti munkrinn vid brodur sinn: »Höcul hefver ek eingan, segir hann, nu giördu af ast vid mik ok kaup til handa mer.« Hann svarar: »Taktu vit þimr penningum
 25 ok kaup þat sem þu villt.« Þa tok munkrinn widr penningunum ok hafdi i ritum sinum. Þat sa munkr annarr ok sagde abota þeim til, er yfir munklifinu var, en hann sagdi Gregorio þafva. Þa skildi Gregorius þann munk fra samneyti brædra, fyrir þat er hann hafdi brugdit af munka regulo, en sa munkr andadiz fram
 30 dögum sidar, sva at Gregorius vissi eigi. Þa sagdi aboti andlat hans Gregorio, en þa þotti honum mikit at, er hann hafdi eigi tekit munkinn af banni, adr hann andadizt. Þa ritadi Gregorius nöckur ord æ bladi ok selldi diakni sinum ok bad hann fara at lesa ord þessi yfir leidi ens andada. En þau ord voru æ bladinu,
 35 er sva sögdu, at Gregorius tok enn andada or banni. Þa for diakn ok giördi þat, er honum var bodit. Nott þa ena næstu eptir sa aboti brodur enn andada ok mællti vidr hann ok spurdi: »Ertu broder daudr?« Hann svaradi: »Wist em ek andadr.« Þa mællti aboti ok spurdi: »Hvar hefir þu verit her til?« Hann svaradi:

»I vardhalldi var ek, fadir, allt her til, en i giær vard ek frials.« Þadan af vard ollum kunnigt, at ~~æ~~ þeiri stundu var ðnd hans numin or ~~æ~~naud, er diaknenn hafði lesit bref Gregorij yfver leidi hans.

Þa veniu hafði Gregorius i pafvadomi sinum, at hann let 5 boda .xii. fataekum monnum til bordz med ser umfram um þat, er hann fæddi marga fataekia annars stadar. Þat var einnhvern dagh þa er Gregorius villdi af litillæti þiona ok hella vatni æ hendr utlendum manni¹ pilagrimi einum, at² því er hann hugdi at væri; en þa er hann hafði snuizt fra honum at taka vatnit ok 10 hann leit til hans, þa var hann horfinn allr, er Gregorius villdi þiona. Þa undradizt Gregorius miðg, hvi sva hafði farid. Þæ vitradizt drottinn honum ena næstu nott eptir ok mællti vid hann: »A ðdrum dögum toktu vid mer i lidum minum, en i gær toktu vid mer sialfum i minu edli.« 15

A annarri tid baud Gregorius syslumanni sinum at lada .xii. utlenda pilagrima til bordz med ser. Sa giörði, sem honum var bodit. En er Gregorius kom til, taldi hann .xiii. menn, þa er til bordz voru settir. Hann spurdi syslumann sinn ok diakn þann, er þa hafði inn leidda, hve hann hefði .xiii. mōnnum þangat bodit, 20 þar sem hann hafði .xii. til nefnda. Sa taldi vandliga ok fann eige meir en .xii. ok mællti sidan ðruggr: »Trudu, göfugr fadir, þviat ek segir þer satt, eigi eru fleiri en .xii. mennerner, sem þu mælltir.« Diakninn taldi þa opt ok fann eigi enn þrettanda, þann er Gregorius sa. En er þeir höfdu opt talit, ok taldizt þeim 25 alldregi æ einn veg, þa fann Gregorius ok skildi, at hann sa þann mann, er syslumadrinn matti eigi sia. Sa madr er næst honum sat, syndizt³ honum stundum ungligr en stundum hær fyrir elli. En þa er lokit var matmali því, þa foru .xii. menn æ braut, en enn þrettanda mann dvaldi hann eptir, þann er Gregorius einn 30 matti sia, ok leiddi hann i kamra sinn, þann sem hann var opt vanr at sitia, ok særdi hann akafiga, at hann skyllði satt segia til sin ok til nafns sins. Sa svaradi ok mællti: »Af hvi spyrr þu at nafni minu, þat er undarligt hardla; minztu æ hitt, at ek em skipsbrotzmadr, sa er kom til þin, at (þvi) er þer syndizt, þa er 35 þu satz at riti i munklifvi þinu. Mer gaftu .xii. penninga ok silfrdisk, þann er sæl Silvia modir þin hafði þer sendan med alldini. Þat skalltu vist vita, at æ þeim degi, er þu gaft mer giafir af glöðu hiarta, red gud þik til þerss, at þu skylldir vera höfðingi

¹ mm (*d. e.* monnum) *Cd.* ² af *Cd.* ³ Greg. *tülf.* *Cd.*

heilagrar kristne ok sitia i stoli Petrs postola ok vera hans spor-
göngumadr, fyrir því at þu lifder eptir hans dæmum, ok hans
eptirlíkingarmadr giordizt þu i örleik þinum. Hann midladi þat
hverium, er hafa þurfti, ok skipti hann öllum aurum sinum meðr
5 þurfamonnum.« Þa mælti Gregorius ok spurdi: »Hvadan af
veiztu þat, at gud setti mik til höfðingia yfir kristni sinni?«
Hann svaradi: »Þvi at ek em eingill guds, ok var ek þa sendr
til þers ath reyna þik ok styrkia rad þitt.« Þa oadizt Gregorius,
þvi at hann hafdi eigi berliga eingil guds fyrr senan. Þa mælti
10 eingillinn við Gregorium: »Eigi skaltu oazt, sagdi hann, nu hefir
drottinn sialfr sendan mik til þin, til þess at ek skyldi vera
vordr þinn, medan þw ert i þessu lifi, ok með minni ærnan skaltu
þiggja þat allt af gudi, er þu villt þiggja.« Þa fell Gregorius æ
iord nidr ok mælti: »Ef fyrir litla giöf mina selldi gud mik til
15 höfðingia kristni sinni ok veitti mer sva mikit, at hann sendi mer
eingil sinn til vardhallz við migh, þa ma ek eigi ætla, hve mikil
laun hann mun mer ætla, ok hversu marga goda hluti hann mun
veita mer, ef ek fylgi nu bodordum hans af ollu afli, ok em ek
nu þeim mun örware, sem ek hefir fleira i með höndum, ok veiti
20 ek mart af mörgum hlutum.« Þadan af var Gregorius ölmusu-
giarnari, sem hann var öruggari vordinn um þat, hver laun hann
munde fyrir taka.

I þann tid hafdi einn fataëkr madr fundizt i Romaborg, sa er
af matleysi hafdi dait; en því kunni Gregorius sva illa, at hann
25 söng leingi eigi messur epter, ok nær virði hann sva, sem hann
hefði þeim banat, er af fataëki hafdi i hans syslu fared.

13². Kirkia su er villumenn höfdu haft i Romaborg vard
byrgd, til þess unzt Gregorius var pafvi, þa var hun ok lokin
upp, ok voru þar bornir inn helgir domar Sebastiani ok Agathe,
30 ok sidan var hun vigd, sva sem þar til heyrdi, ok þa kom Gre-
gorius þangat með mikinn mannfiolda ok söng þar messu. En at
messu þeiri kendu menn þess, þeir er þröngt stodu fyrir utan
sönghus, at gölltr nockurr boradizt i milli þeira, til þers unzt sva
þotti, sem hann færi ut or kirkiu. Þess kendu margir menn, en
35 eingi matti svin þat sia, en öllum þotte kynlikt. Þat let gud til
þess verda, at öllum skyldi synt þikia, at fyrir Gregorio ok fyrir
helgum domum flydi þadan ohreinn ibue, sa er þar hafdi ædr
mikit velldi haft. Eptir messu for Gregorius æ braut þadan, ok
öll alþyda með honum. Nætr þær .ii. enar næstu eptir vard þar

40 1 fleirum Cd. 2 Fra kirkiu villumanna ok Gregorio pava Overskr. Cd.

i kirkiu þeiri okyrreikr mikill, ok var enn meira um ena sidari nottina, en þadan fra vard þar eeki til bysna, helldr urdu þar mörg takn af gudi; bædi var þar kendr godr hilmr ok lios kveiktuzt þar sialft, sva ath þat war eeki af manna völdum.

14¹. Huspreyia einhver göfug i Romaborg var því vón at 5
lata baka sem vandligast oflætr, ok færði hun þær til kirkiu ok allteris hvern drottinsdag, þangat sem Gregorius veitti tidir ok sialfr þafvinn sōng messu. Einnhvern dag þa er hun geek til at 10
taka þionustu, ok Gregorius villdi gefa henni corpus domini, ok hann mælti sva: »Holld ok blod drottins vors Jesus Kristz stodi þer til fyrirgefningar allra synda ok til lifs eilífs«, þa hlo hun. En 15
er Gregorius sa þat, þa gaf hann henne eigi corpus domini, helldr lagdi hann þann hlut ser einn nidr æ allteri ok band diakni at vardveita, unzt alþyda hefði tekit hunsl. Eptir þat er tidum var lokit, spurdi Gregorius husfru ok mælti: »Seg mer, hvi vartu sva 25
diōrf, edr hvad kom þer i hugh, er þu hlott, þa er þu skylldir taka corpus domini?« Hun svaradi: »Ek kenda hlut af oflatu þeiri, er ek hafði bakad siōlf ok giōrt med minni hendi, en er ek heyrdi þik þad kalla corpus domini, þa hlo ek.« Þa taldi Gre- 20
gorius um þat mal fyrir alþydu ok eggjadi, at allir skyllði bidia þers gud med honum, ok til trubotar mörgum mōnnum syndi hann likamliga, hvat þat var raunar, er husfruen trudi eigi vera holld ok 25
blod drottens. Þa reis Gregorius upp af bæn ok lydrinn med honum, ok alþyda þreyngdizt at allterinu at sia himneskt takn. Þa er hann letti af corporale af þeim hlut, sem hann hafði lagt æ 30
allteri, ok hann hafði ætlat at gefa husfreyiu, þa fanzt þar hlutr af minzta fingri manz blodugr, ok syndizt þa sva alþydu. Þa mælti Gregorius vid husfreyiu: »Trudu nu fra þvísu því, er drottinn sagði, at braud þat sem ek gef er sannlig(a) holld mitt, ok dryckr sa er fylgir er blod. En skapari vor, er veit ostyrkleik 35
vorn, snyr braudi ok vini vatni blōndnu i holld sitt ok i blod af helgan anda sins, sva at þat helldr þo asionu sinni, ok giōrir hann þat af þeim enum sama mætti, sem hann skapadi allt or einugi fyrir öndverdu, ok hann samdi ser likama af holldi heilagrar Mariu i krapti heilaghs anda.« Sidan beiddi Gregorius þers, ath lydrinn 40
skyllði bidia med honum, at su en sama þionusta tæki enn sina æsionu, sva at þa mætti hun vera gefin husfreyiu, sem adr var ætlat. Enda vard þat ok sva, at þa snerizt sa fingrar hlutr i brauds æsionu, sva at allir sæ þat, þeir er wid woru staddir, ok

styrktuðt allir i tru sinni af sva itarlighum iarteinum. Þa idradizt husfreyia miog otru sinnar i guds augliti ok allrar alþydu, en Gregorius huggadi hana med mǫrgum fagrligum ordum ok bad, at hun skyldi wera gætin um sitt rad þadan i fra. En sidan eptir
 5 þat tok husfreyia corpus domini, ok ward henni mikil trubot at persum iarteighnum sva sem morgum óðrum.

15¹. Fra því er enn sagt, þa er kristnin hafdi magnazt miog æ Einglandi, at einnhverr kynstor madr ok rikr komzt i vinfeingi wid Gregorium. Sa sendi menn sina til Gregorium þafva
 10 med gíafir miklar ok giorsemar ok beiddi þess at moti, at Gregorius skyldi senda honum helga doma postola edr pindra manna guds. Gregorius weitte þeim monnum yfirlæti gott, ok er hann war wiss, hveria helga doma þeir willdu þiggia, þa hafdi hann þa med ser i þa stadi, er þeim mǫnnum woru helgadir, er þeir willdu
 15 af helgum domum þiggia. Gregorius sǫng messur at þeim allterum, en sidan skar hann af linskaute sma af lindukum þeim edr corporalum, er hann hafdi messur yfir sungit, ok let þar fylgia nǫfn þeira heilagra manna, er þeir stadir woru helgadir².

(Membranbladsfragment i norske Rigsarkiv).

20 Licame hans var fyrst gravenn i vtscote af Petrs kirkiv, þar sem helger pavar hvila: Leo, Simplicius, Gelasius oc Simaeus. En fimtogom vetra síþarr let Gregorius en fiórðe pave með því nafne bua um helgan dom Gregorius i Petrs kirkio under alltera þeim
 3 er nv er Gregorius helge a, oc er þar hvalf ifer.

25 A því are er en helge Gregorius andaðez, gorðe varan mikit, sva at menn ondþvǫz af matleyse við a heim. En þott halleri syndi ollvm heimi, hve mikils hæfðingia var þa við mist i Roma, þa raknaðv þvegi(!) avondarmenn Gregorius við at helldr, þeir tálldv hann hava verit felogsmann mikin oc hava mioc eytt aðreþ-
 30 vm þeim, er lago til sto(l)s Petrs postvla. Oc er þeir mattv hanvm eigi gremiaz livanda, þa egivðvsc þeir a ðat at brenna bekr þer er hann hafði gorvar. Oc ða er þeir hæfðv brendar svmar oc villdv en brenna fleiri, þa toc Petrs(!) diacn at standa a mot þeim, hann taldi þeim þat mǫvðv ekki stoða til þess at eyða ageti Gre-
 35 gorius, þott þeir brendi bekr hans, því at þo erv margar aðrar

1 Fra einum kynstorum manni *Overskr. Cd.* 2 *Her ender Sagaen i Cd. Holm.* 3 þeim (*d. e.* því *rettet til þeim, eller omvendt*) *Cd.*

epter, þer er epter erv ritnar oc erv víða of heim bornar; hann taldi þat [hafuðlaust at] brenna bekr þviliks lerifaðvr þer er hann hafði sialfr seð enn

HALLVARÐS SAGA.

(*Begyndelsen, 238^o folio; Slutningen, 235 folio; alt det øvrige af Sagaen er gaaet tabt.*) 5

Madr er nefndr Vebiorn, hann bio i Hlidum æ Vestfold i Vik austr æ bæ þeim, er heitir Husabær. Hann atti konu þa er Þorny het. Segia sumir menn hana verit hafa dottur, enn sumir dotturdottur Gudbrandz kulu hersis æ Upplondum. Hann var 10 fadir Astu modur ens helga Olafs konungs ok Haralldz konungs Sigurdarsonar. Þau Vebiorn attu tvo sono, het annar Hallvardr, enn annar Ormr. Vebiorn var vinsæll madr ok audigr. Annar madr bio þadan skamt i brot er Kolbiorn het, þar heitir æ Velli sem hann bio 15

var nockurum trúföstum monnum i Hlidum, er hird var h[el]la hans ok þær vidiar or víði snunar, er honum hafði [sø]kt verit med; ok er þat sögn sumra manna, at þær blom[gud]uz margan tima sidan. Enn stundu sidar var en helgi H. færdr i Oslo, ok 20 þa enn med heilu liki, ok hvilir sidan þar i hofutkirkiu þess kaupstadar, ok vegsamadr sidan af öllu folki, sem verdugt er. Veitaz þar ok sva víða annarstadar fyrir (hans) verdleika ok arn-ardarord margfalldligir velgærningar þeim monnum, er þess bidia med rettri tru af drottai vorum Jesu Kristo, þeim er med fedr ok 25 helgum anda lifir ok rikir einn gud i þrenningu um allar alldir verallda. Amen.

II.

(Den latinske Legende om Sanct Hallvard, saaledes som den meddeles i Acta Sanctorum, Mai Tom. III, S. 401, efter et Haandskrift i Utrecht; Jfr. Munchs Norske Folks Historie III, S. 197 f.).

5 Sanctus Halwardus ex nobilibus ortus natalibus claruit, cuius pater Vebron(!) mater vero Thorni dicebatur. Cuius videlicet Thorni mater, ut fertur, filia fuit Gutbrandi comitis, qui etiam Gutbrandus genuit Ascham(!) Sancti Olavi matrem. Puer autem Halwardus crevit in domo paterna cunctis prædilectus. Erat autem
 10 primo religioni deditus christianæ, obediens parentibus, erga propinquos benevolus, corpore castus, honestate præpollens, iustitiæ cultor. Cumque Sanctus Halwardus in adolescentiam devenisset, cœpit in re familiari procuranda patris adiutor existere. Fertur etiam, quod apud cunctos habetur, quod a primævo duo pondera
 15 fecerat sibi, quo, ne aliquando fraudem faceret, sibi minus, fratri autem maius pensaret.

Cumque mercandi gratia Gotlandiam veniret, et sua ibidem negotia exercere cœpisset, venit quidam terræ illius indigena vir prædives, Botwidus nomine. Hic cum viros ignotos vidisset, ad
 20 eos accedens, qui essent et unde, requisivit. Cui illi cuncta per ordinem indicabant. Hic vero, cum Sanctum Halwardum conspexisset, ait: Quis est adolescens iste? At illi nomen et genus indicabant. Quod cum vir prædictus audisset, ait: Video vultum tuum singularem, et præ cunctis hic stantibus honorabilem. Certe
 25 scio, quod magni prodigii lucet in te futurum aliquid, unde te cum tuis contribulibus ad refectionem invito. Quod Sanctus Halwardus gratanter acceptavit. Ille vero suscipiens, omni humanitate exhibita, convivium præparavit, et cuncta, quæ in venalibus habebat, comparavit, et multo plura redonavit; et tempore navigandi ad-
 30 veniente, omnia necessaria ei tribuit, et in pace abire permisit. Sicque sanctus salvis omnibus cum sociis est reversus ad patriam.

Post modicum vero temporis, verno instante tempore, egressus Sanctus Halwardus de domo patris, ut pro suis negotiis agendis partes vicinas visitaret, venit ad stagnum Dram nomine, per quod
 35 iturus erat, extrahensque modicam lintrem de alga, ascendit eam. Et subito venit mulier prægnans, tremens ac palpitans, rogitans, ut eam secum ferret. Et interrogata, quæ esset, et quo vellet, indicato nomine, se transituram per mare velle, affirmavit: et ideo cum videret hominem eo itinere properantem, ne tardior periret,

ideo celeriter accurrisset. Jussaque mulier sedit in puppi. Ille vero iter arripuit navigando. Et subito vidit ad littus, quo mulier venerat, tres viros velociter accurrentes, qui statim aliam cymbam accipientes, post eos velocius navigant. Tunc Sanctus Halwardus ait: Agnoscis hos? Ait illa: Agnosco. Et ille: Ut video, te requirunt; dic mihi, quid feceris? Respondit illa: Verum est, quod me persequuntur, sed quod mihi imputant, non feci; imponunt enim super me causam furti. At ille: Potes te ex hoc purgare ferro ardente? At illa: Possum et parata sum, si mihi parcere velint.

Viri autem illi, ipsos velociter insequentes, dixerunt: Cur tu, Halwarde, talis adolescens, tam generosis editus parentibus, tam malam feminam tuendam suscepisti? Redde eam, ut moriatur, quoniam digna. Quibus Halwardus dixit: Quid enim mali fecit? Qui dixerunt: Furata est res fratris nostri, infringens domum eius. Quibus ille ait: Et quomodo domum infregit? Dicunt ei: Extraxit ansulam de poste, quæ tenebat seram. Et ille: Hoc opus non est mulieris, sed fortissimi viri. An aliquis invenitur, qui eam viderat hoc fecisse, vel in eius domo sublata invenistis? Sin autem incertum est, cur morietur? Nonne magis iustum, si potest, purget se a crimine? Sin autem, quod legibus iustum est, de ea fiat, aut redemptionem pro ea dabo, tantum ut imprægnantem et infantem in utero habentem ne occidatis. Oportet igitur vos sedari, nec temere quid agere. Tunc illi econtra hoc furentes vociferabant. Unus autem quisquam eorum arcum eripiens tetendit. Et sagitta fortiter emissa pectori martyris infigitur. Quo perempto etiam mulierem occidunt, et in littore sepelierunt. Ipsi vero saxum ad collum eius ligaverunt, et in mare demerserunt: sed per divinam gratiam et merita martyris, corpus eius longe post cum saxo super mare natans repertum est.

III.

LECTIONES DE S. HALVARDO.

(Ex Breviario Nidrosiensi).

1. Sanctus Halwardus ex nobilioribus ortus natalibus, cuius pater Vebiorn, mater vero Thorni dicebatur. Mater vero Thorni fuit filia Gudbrandi comitis, qui Gudbrandus genuit etiam Ostam

sancti Olaui matrem. Erat corpore castus, honestate prepollens, iusticie cultor. Factus adolescens, cepit in re familiari procuranda patris adiutor existere. Duo pondera sibi fecerat, ne fraudem faceret, sibi minus, fratri vero maius pensabat.

5 2. Instante verno tempore partes vicinas visitauit, venit ad stagnum Dram nomine, per quod iturus erat, extraxit modicam lintrem de alga et ascendit eam. Et subito aduenit mulier pregnans, rogabat, vt eam secum ferret. Jussa sedit in puppi, et sic iter arripuit. Et subito vidit tres viros itinere, quo mulier venerat,
10 ad littus accurrentes. Qui statim aliam cimbam arripietes, post eos velocius nauigabant.

3. Tunc sanctus Haluardus mulieri ait: Agnoscis hos? Ait: Agnosco. Ut video, te querunt, quid fecisti? Ait: Imponunt super me causam furti. Potes te purgare? Ait: Possum, si michi
15 parcere velint. Uenientes viri predicti dixerunt: Cur tu, Haluarde, talis adolescens, tam malam mulierem tuendam suscepisti, que digna est morte. Sanctus pro ea multis modis respondit. Inter alia dixit: Redemptionem pro ea dabo, tantum impregnantem et infantem in vtero habentem ne occidatis. Illi vero contra eum
20 furentes, vnus eorum arcum arripiens tetendit, et sagitta fortiter emissa pectori martyris infigitur. Etiam mulierem occiderunt, et in littore sepelierunt. Ad collum sancti saxum ligauerunt, et in profundum submerserunt, sed per diuinam gratiam et merita martyris corpus eius longe post cum saxo super mare natans reper-
25 tum est.

KATERINE SAGA.

(*Cd. 233 folio, A; Cd. Holm. 2 folio, B; Cd. 429 octavo, C.*)

Her hefr upp sögu heilagrar Katerine meyar 1.

1. A dögum Maxencij keisara sonar Maximiani keisara, er ríki
hafði halldit með Diocleciano² keisara, var giörr mikill ofridr kristnum 5
monnum, ok var allr heimr í þann tíma nalíga fullr af ymisligum
skurdgoda villum. Vissu fair einir drottin guð vera skapara himins
ok iardar, ok fyrir því þionudu margir skepnunni með miklum
alhuga ok kollodu þat guð, er sialfr hófðu þeir sinum hondum
smídat. Sia Maxencius, er ek nefnda, villdi auka þionosto ok 10
dyrkan við guðin, eptir 3 því sem gert hófðu fyrir honum Dioclecianus
ok Maximianus faðir hans, ok fyrir því sendi hann bréf um allt
sitt ríki sva mælandi: Maxencius konungr, með miskunn ok fyrir-
hyggiu heilagra guða skipadr yfir allt Romaborgar⁴ ríki, sendir
kvediu öllum hertugum ok iðrlum, baronum ok domondum ok öllum 15
þeim, er styrkia Romaborgar ríki. Þær ahyggiur, er vær berum
fyrir tign ok frelsi heilags velldis nætr ok um daga, hafa þat ráð
stadfest í voru briosti, er vær vilium eigi upp kveda nema
naverande ydvarri speki, ok fyrir því minnum vær æ ok til eggium
ena göfguztu menn ok ena vitroztu, at þa er bréf vor koma til 20
ydvar, stundit þer þa hvatliga æ vorn fund ath sækia ok [latit
aungar viðbarur koma⁵ í moti þessu voru bði. Síðan gerdiz hardla
fiolmennr hófðingia fundr í hófútborg þeirri a Egiptalandi, er
Alexandria het, ok a þeim fundi taladi Maxencius konungr ok
tiadi sínar radagerdir [aulldunga sveit þeirri⁶, er hann hafði saman 25
kallat, ok mællti svo: »Fyrir krapt ok verdleik allra guða⁷ þeira

1 *Ved Sagaens Begyndelse, der mangler i A, lægges B til Grund.* 2 *saal. C;*
Domiciano B 3 *saal. C; af B.* 4 *Romveria C.* 5 [*saal. C;*
setit ongur berior B. 6 [*aullum þeim sveitum C.* 7 *goda vorra C.*

er vær þionum, [ok hallda¹ farsæld ok sigri ok dyrd Romaborgar ríkis, er eingi su þíod í ollum heimi, er hafni at luta woru vellði, nema full metnadar² kristinna manna sveit í sinni ovitzku ok atrunade, su er vær höfum enn eigi matt eyda með ollu, þvíat hun
 5 dreifiz³ her ok hvar um heim ok leitar ser fylsna, at hon megi fordaz vorar hendr. Ok fyrir því bódum vær ok giðrum þat laugtekit, at almennilig veggjsemd ok einkannlig dyrd se veitt enum helguztum gudum, er mætti sinum ok millði styrkia⁴ vort ríki, at þau gæti vor at eilífu, en syni oss kristna menn, at vær
 10 megin nídra þeíra drambi ok hegna rækiliga⁵ villu þeíra, ok sialf gudin glati þeim, er vær megin eigi æ hitta. Þessi lög, er vær höfum sett, byriar oss sialfum fyrst at fylla. Vær skulum forna gudunum slíkt, er vær megin af voru valldi, en þer ut ifra [fornit, hverr sem ma⁶ giarna eptir sinum föngum.« Annan dag eptir
 15 var feingit at bloti miklu; bæði voru naut ok saudir, fuglar ok önnur margskonar kykvendi sæfd fyrir gudunum. Borgin aull þaut af allzskonar söngferum, er þeir lofudu fiandr með⁷, þa er þeir hugduz gera dyrd guda sinna.

2. A þeiri tíð er slík tíðendi giorduz í borginni Alexandria,
 20 var þar stóðð ein mæ, su het Katerina dottir Kosti konungs; hun hafði þa mist fodur sinn⁸, ok var hun eptir hans frafall með frændum sinum í þeiri höll, er hann hafði att. Þessi mæ svo sem hun var ættgöfug, svo var hun ok ágæt at speki sinni, numit hafði hun allar þær íþrottir a⁹ bokum, er liberalis¹⁰ heita. Hun
 25 kunni margar tungur at skília¹¹ ok spakliga allar spurningar at leysa, þær er fyrir hana voro bornar. Ok þa er þessi mæ sa svo mikinn muga¹² saman kominn ok slíkan tilbuning¹³ blotanna ok heyrði saungva ok simphon ok margan annan strengleik, er fram var fluttr goðunum til dyrdar¹⁴, en kristna menn sa hun standa
 30 milli heiðingja gratandi ok eigi þorandi Kristi at iáta fyrir otta sakir ok hræðzlu, þa komz hun víð miok; en hun tok þo at hafa karlmannligan hug í kvenlígu¹⁵ bríosti, ok kalladi síþan með ser þionostusveina sína nokkura ok gekk þa til hofs þess, er konungrinn¹⁶ sialfr var inni ok blotmanna sveit með honum, sva sem rum hafði
 35 í hófinu, ok færðu þar fram blotin. Heilug Katerina var svo fögr

1 [*saal. C;* helldr *B.* 2 *saal. C;* metnadr *B.* 3 *saal. C;* er *B.*

4 stydia *C.* 5 ríkulega *C.* 6 [forne einn sem einn *C.* 7 sína *C.*

8 síns *C.* 9 af *C.* 10 *Her beg. A, som nu lægges til Grund.*

11 mæla *B, C.* 12 mug *B;* mannug *C.* 13 tilbunat *B.* 14 tignar *B.*

15 kvenslígu *B.* 16 keisarinn *B.*

at æliti, at allir undruduz hennar fegrð, er hana sa. Ok er hun gekk at hofinu, þa mælti hun til þeira, er konungi þionudu: »Þvi er¹ ek her komin til hofs þessa, at ek vil tala við sialfan konung þat, er mali vardar ok til nytsemdar ma verða.« Þeir sögðu þegar konungi ord meyarinnar, en hann gaf henni leyfvi til inngöngu⁵ ok at tala² slikt, sem³ hun villdi. Hin sæla Katerina flutti fyrst fyrir konungi sitt erendi með spakligum gátum ok vitrligum malsendum tiltekinna dæma⁴, ok mælti myrkt en með mikilli snilld; um siðir sneri hun sinni ræðu til þeira ordtaka, er alþýða mátti vel skilia, ok sagði sva: »Her til hefvir⁵ ek, konungr, flutt erendi¹⁰ mitt [einkannliga fyrir þer⁶ sva sem fyrir hinum spakazta manni ok þeim, er sitr i hæstu sæti veralldligrar tignar; vil ek [mæla liost⁷ hedan af, at allir megi skilia, þeir er hia ero staddir, min orð. Fyrir hveria sök [samnit þer⁸ saman, konungr, sva miklum mannfiöldu at stunda til ovitzku⁹ eda starfa i skurðgoða villu?¹⁵ [Undriz þer¹⁰ miok, sagdi hun, hof þetta gort af manna hondum. Mikit finnz þer um hagleik þann, er þar er æ, ok um dyrðligan buning, er pryðir hofit. Nu svó fagrt sem þat er alt saman at sea, þat verðr allt, er skamt liðr hedan, at dusti [ok molldo¹¹. Undraz þu helldr himin ok iorð ok sióinn ok aðra þa luti, er i²⁰ þeim ero; hyggit¹² at solinni ok tunglinu ok stiorunum ok at þionostu þeira, hversu þau renna fra upphafi heims ok alt til enda veralldar; þau renna dag ok nott til vestrs [ok gefa alldri hvilld¹³ ok hverfa aptr til austrsins, alldri [þrytr þau ne mæðir¹⁴. Ok þa er þer hugleidit þetta, spyrit eptir ok nemit, hverr þessa²⁵ luti alla hefir smiðat¹⁵. Ok þa er þer skilit með sialfs hans fultingi, hverr hann er, ok þer megit engan finna honum iafnan, þa dyrkit hann ok eggit þess alla yðra undirmenn þeim at luta ok þiona, er valld hefir at skiota i helvitis loga öndum ok likömum sinna ovina; hann er drottinn drotna ok höfdingi allra höfdingia, hann³⁰ sá allan heiminn tapaðan af tál [ðiöfuligrar vælar ok fiandligrar¹⁶ fortolu, ok fyrir því sendi hann son sinn drottin varn Jesum Krist, er getinn er af helgum anda, fæddr af¹⁷ Mariu meyiú ok tok manndóm æ sinn guðdóm ok leysti heiminn fyrir kross¹⁸ pinsl ok fyrir uthelling sins hins [heilaga blöðs ok hans¹⁹ dyra dreyra, en leiddi³⁵

1 em B, C. 2 mæla B. 3 er B. 4 doma B. 5 hefi B, C.
 6 [tilf. B, C. 7 [mgl. B. 8 [samnadir þu B, C. 9 saal. B, C;
 veitzlu A. 10 [Undraz þu B, C. 11 [einu B, C. 12 [hygg
 þu B, C; Tiltalen til Kongen er i disse ogsaa senere i Enkeltal.
 13 [mgl. B, C. 14 [þreytaz þau ne mædaz B, C. 15 smidada B. 40
 16 [fiandans ok B, C. 17 fra B. 18 krossins B, C. 19 [mgl. B, C.

til himinrikis alla æ sik truandi ok ser truliga þíonandi. Nu ef þu [truir æ¹ hann rettliga, ok [vilit þer² hann dyrka, þa mun hann hreinsa syndir yðrar allar ok leiða yðr síþan til eilífra fagnaða. « Keisaranum bra sva við, er hann heyrði orð heilagrar meyar, at i fyrstu³ mátti hann engu svara. En er hann retti við sva sem af nækkuru ómegni eða oviti, þa mælti hann syo: »Þu kona, lat oss [i nadum færa fornir⁴ godunum, en síþan munu ver andsvara serhverium lutum, þeim er þu ræddir. « Ok þa bauð hann nokk-urum sinum monnum at leiða hana til hallar sinnar. En sialfr⁵ hann undraði miok hennar speki ok malsnilld, en einna mest hennar fegrð ok kurteisi, því at hun var hardla frið, sem fyrr var sagt.

3. Síðan er lokit var blotinu, for keisarinn⁵ heim til hallar sinnar ok let þegar leiða fyrir sik Katerinam ok mælti svo til hennar: »Heyrðum ver snilld þína [ok undrudum vær speki þína⁶ ok orða framburð þinn; en fyrir sakir þess starfs er ver fluttum fram við goðin i þeira þionostu, [þa vard oss eigi tóm til at svara þer⁷; en nu vil ek víta, hver þu ert eða hvert þitt heiti er, ok hver ætt þin er. « Heilug Katerina svaradi: »Svo er ritat, at hvarki skuli maðr⁸ lofa sik ne lasta, þvíat þat gera heimskir menn, þeir er ser leita hegómligrar dyrðar. En því at ek em eigi svo litillar ættar, at min tign megí audveldliga leynaz, þa segir ek til frænda minna, eigi fyrir sakir hræsni eða metnadar, helldr sem elskandi sannleik ok satt litillæti. Ek em Katerina dottir Kosti⁹ konungs. Ek var upp fædd i holl⁹ fœðr⁹ mins, til bækr¹⁰ var ek sett, ok nam ek yfrit mikit af bokligum listum¹¹ ok veralldligri speki. Ok þa er ek sa, at þat var allt engu¹² nytt ok ekki meganda til himinrikis fagnaða ok [til enskis hafanda¹³ nema til glatsamligrar gleði þessa lífs, þa fyrirleit ek þat alt, ok flýða ek¹⁴ til drottins mins Jesus Kristz, er sva mælti við spamann sinn: glata mun ek speki spekinga, ok lasta mun ek skilning skiliandi manna. Ok i gudspialli segir hann sva: sa er fyrirlætr fœður sinn ok móður, bræðr ok systr fyrir minar sakir, hann mun hundratfalt upp¹⁴ taka ok eignaz eilíft líf. Ver kristnir menn¹⁵ höfum þetta fyrirheit, ok hirda þat guds þrælur með ser dyrliga.

1 [hugleidir B. 2 [vilir þu B, C. 3 fýstunni B. 4 [luka

fornir at færa B, C. 5 konungr B; hann C. 6 [tilf. B, C.

7 [mattum vær eigi hugleida vandliga alla hluti, þa er þu sagdir B, C.

8 sialfr tilf. B, C. 9 fœður B, C. 10 bokar B. 11 íþrottum B.

12 Her mangle nogle Blade i C. 13 [eigi komanda B. 14 fyrir B.

En ver hirðum ekki um bækr eða kenningar þeira meistaranna Platonis Virgilij [eða Homeri¹, Sibille spakonu eða annarra spekinga, [þeira er til onytz villdo hafa sina speki ok vitro,¹ ok enn siðr um illzkufulla fiolkyngi þeira Mambres ok Jambress². Þvi minni ek yðr æ þat, herra keisari, at þer tynit eigi eilifum fagnadi fyrir 5 veralldligri³ dyrð. Keisarinn svaraði þa: »Jata verð ek, hversu mer virdiz þat, er til þin tekr. Malsendar þinir virðaz mer eigi framfluttir með mannligrí roddu, helldr þickir mer hinu likara, sem godin sialf tali fyrir munn þer, ok af því er virdanda ok vegsamanda þat er þu mælir.« Heilug mæz svarar: »Undrumz¹⁰ ek þat, at þer, hinn vitrazti keisari, talit sva, eða munit þer eigi þat, er ek sagða aðan, at þann skulum ver tigna ok dyrðka, er gerdi himin ok iorð ok alla luti aðra; en goðin megu hvarki gora ser gagn ne oðrúm. Af því skylldut þer eigi segia svo min orð framflutt, sem godin mæli fyrir mik, helldr svo sem med lifanda¹⁵ guds fultingi.« »Ef svo er, sagði keisarinn, sem þu sannar, þa hefir allhegomligt verit her til vort starf, er dyrdkat höfum almattig goð. Hvat nu þa? Villiz allr heimr, en þu ein segir satt? Med vitnum tveggia eða þriggia ma saga hver sannazt. En hversu ma þat sannligt þikkia, at þu ein segir satt, en oll veralldar bygðin²⁰ liugi? Nu þo at þu værir guds engill eða nokkurr annarr himneskr kraptr ok segdir þu slikt, er svo er olikligt, þa skyllði því þo engin trua, en nu miklu siðr, þvíat þu ert kvenmaðr blautrar natturu ok breyskrar. Ok med því at þat ma at engum kosti vera, at þu ein segir [satt eða⁴ sannara en allir aðrir i heiminum, þa skal²⁵ ek alldri trua þer ok engir þeir, er til mins rikis þiona.« En sæla Katerina svarar: »Ef þer erut höfud lyðsins ok keisari, þat valld hafandi⁵, er eigi ma sigrat verða, þa lat eigi rangsnuna reiði ok rangsyna sigra þik ok speki þina, lat öndina meira styra en likamann, þvíat spekingrinn sagdi: »Konungr ert þu, ef hugvitit³⁰ styrir þer, en þræll, ef likamiinn styrir þer eða ræðr.« Keisarinn svarar: »Svo syniz mer, sem þu ætlir at vega ordsigr⁶ æ oss með dæmum [spekinga eða⁷ með nøkkurri slægd kristinna manna eða gerningum þeira ok fiolkyngi. En með því at ver erum eigi blindadir af heimskuboku ok siám ver slægd þina, þa höfum ver³⁵ þær snörur fyrir þik at setia, er þik munu sigra; munt þu þa sea⁸, at oss styrir hugvit sem vitrum konungi, en eigi likamr. Ok ef oss skortir ordslægd spekinga, er eigi höfum þess konar

¹ [mgl. B. ² Jamnes B. ³ veralldliga B. ⁴ [mgl. B. ⁵ saal. Fragma. 667⁴ qv.; hafanda A, B. ⁶ sigr B. ⁷ [en reyndar B. ⁸ skilia B. ⁴⁰

[iðnir fyrir oss lagit¹, þa ero þo með oss þeir spekingar, er þik munu sigra ok þer i þögn koma með sannleik ok sinni list ok orðsnilld, þa er þeir skyra almátt goða vorra.«

4. Þa let keisarinn kalla spekinga sina ok alla hina vitruztu
 5 menn ok baud þeim at disputa vid heilaga Katerinam um truna ok um almátt goða þeira, ok at sigra hana med orðsnilld ok sannleik boka sinna. En þeir voro fimm tigur spekinga, er valdir voro til at reyna íþrottir sinar við hana. Ok þa er guðs mær var miok hugsiuk², hversu hun skyllði skipa sinum malsendum
 10 i moti þessum spekingum, þa vitradiz henni engill guds ok mælti vid hana: «Hirð eigi þu at óttaz, Kristz ambatt, eda vera ihugafull, ok lat ekki þrætu þessarra spekinga skelfva þik, því at Kristr er sðnn speki, sa er iafnan hefir verit ok æ mun vera, ok skipar øllum lutum sætliga, hann er osigranligr, ok hann sialfr mun þik
 15 sigra lata alla þa, því at þu ert trulynd hans ambátt. Ok þar med mun hann leida þa fyrir þina kenning ok verðleika til sannleiks götu ok himinrikis dyrdar.» Af þessi [vitran engilsins³ styrktiz miok hin sæla mær Katerina ok beid óttalaus spekinga, buin at andsvara þeim með staðfesti ok með skynsemi þeira spurningum orlausnir at gefva. Tok hun fyrst at disputa vid meistara þeira; ok med guds miskunn fekk hun hann sigrat ok yfvirstigit hit vitrligzta i ollum [þrautum ok íþrottum, þeim er þau skyllðu þreyta, sva at allir undruðuz vitro hennar ok malsnilld ok sannleiks framburd ordanna, hversu hun leiddi fram noglig vitni bædi
 25 hins forna lögmales ok hins nyia med hverium sinum malsenda af syndum dæmum ok spasogum heilagra feðra ok spamanna⁴. Ok sipan er hann var fyrirlagidr ok yfvirkomin, þa þorði engin annarra til at hætta vid hana at [þreyta noekurar íþrottir⁵.

5. Keisarinn eggiadi þa fast, at þeir [skylldo nu⁶ neyta
 30 sinnar speki ok vitro ok sigra hana [med sinni orðsnilld ok neyða hana med diupsettum spurningum ok sva sigraða i þögn koma⁷. En spekingarnir svorodo sva: »Heyrit, herra keisari! hversu megum ver þreyta við hana, ef meistari varr ok sva, er ollum oss er froðari, var af henni yfvirstiginn? hvað munu ver þa, er miklu
 35 kunnum minna, [treysta oss⁸ vid hana? því at ekki ero orð hennar ok vitra sem annarra manna, [helldr sem goðanna sialfra se.

1 [iðn fyrir oss lagða B. 2 ihugafull B. 3 [eingiligri aminningu B. 4 [íþrottum þeim, er þau höfðu fyrir sik lagit B. 5 [þræta B. 6 [skyllði B. 7 [ok hneykia med sinni snilld B.
 40 8 [treystaz at þræta B.

Manvit meylar þessar er langt umfram ætlan eða vit spekinga, því at goðdomar ok godligir kraptar styðia hana ok tala fyrir munn hennar¹.« Keisarinn þóttiz nu liotliga skemdr, er spekingar hans þorðu eigi at þreyta við eina unga mey. Vard hann nu sva reiðr, at hann bauð, at þa skyldi alla² i elldi brenna. Ok þa er þeir voro leiddir til balsins, kalladi einn þeira ok mælti: »Aumir ero ver, er þorðum at [þreyta við helga mey iþrottir ok þræta i moti henni med svikum ok prettum ok slægðum, ok liuga med skurðgoda falsi i gegn sönnum gudi³. Hvat skulum ver nu þa gera, utan fara ok lægia oss fyrir henni. Ek trui sannliga, at miskunn guds¹⁰ er með henni, ok með hennar raði munum ver forðaz mega helvitis kvalar⁴.« Síðan fóru þeir skiotliga æ fund sællar Katherine ok fellu til fóta henni ok mæltu sva: »Misgert höfum ver, illzku ok ranglæti höfum ver framit i gegn gudi, ok fyrir því let gud oss verða fyrir reiði keisara þessa, er fyrir þat byðr, at oss skuli alla¹⁵ i elldi brenna utan sanna sauk, at ver mattum eigi mæla moti þinum hinum helguztum orðum. Nu veit þu oss hugganarrað, at ver siem med þinu fultingi frelstir or snörum diðfulligra væla, ok megin ver komaz æ hialpar götu fyrir þina verdleika ok kenning.« Heilug Katerina svarar lofandi gud ok vard hardla²⁰ fegin þeira ræðu⁵ ok mælti: »Þakkir gorir ek þer, drottinn minn Jesus Kristr, því at þu letz þer soma þat at fylla, er engill þinn af þer sendr vitraði mer ambatt þinni, at spekingar þessir leystir or fianda snörum skyldi fara⁶ fyrir min orð til þinnar dyrdar.« Eptir þessi ord sneriz hun til spekinganna ok mælti til þeira: ²⁵ »Ottiz eigi [stundligan dauða⁷, fagnit helldr, því at i dag munit þer æðlaz himinriki, þvíat fyrir vidræðu vara vitraðiz mer guds engill ok mælti: Eighi skaltu hræðaz⁸ spekinga þessa, því at [Kristr er sonn speki, ok hann⁹ mun þik lata sigra þa ok síðan leida til himneskrar¹⁰ dyrdar fyrir þina kenning. Af [þvi skulut³⁰ þer ekki efaz i¹¹, at ek segir satt, falssamlig kenning er fiarri minum raðum¹². En til þess eina eggja ek yðr, at þer [giorit hverr sem einn iatning sina, ok¹³ truit af ollu hiarta æ fœður ok son ok helgan anda; truit ok sialfan drottin varn Jesum

1 [manvit meylar þessar er sem nockurs af gudunum sialfum B. 35

2 kvika tilf. B. 3 [ganga til þrætu við heilaga mey med prettum ok slægðum B. 4 loga B. 5 orðum B. 6 mega koma B.

7 [mgl. B. 8 þrætu tilf. B. 9 [spekin sialf, su er Kristr er B.

10 sinnar B. 11 [þessi vitran skulu þer eigi efaz at trua því B.

12 ræðum B. 13 [mgl. B.

Kristum komit hafva af himni ok getinn hafva verit af helgum anda i kviði Marie meyar fæddan af hennar likam¹, pindan oss til hialpar, hafva upp risit af dauda æ þriðia deghi ok hreinsat hafa syndir heimsins fyrir sitt hit dyrdligha blod. Ef þer hafvit þessu truat, þa munut þer eigi at eins sælir vera, helldr munu allar ydrar syndir fyrirgefna² vera, ok [þer laðaðir³ til eilifra fagnaða. Ok er hun lauk sinni ræðu, kómu⁴ þeir vid miok ok svörudu: «Allir truum ver, hin helgazta guds ambatt, upp fra þessi tíð engan annan gud vera nema fœpur ok son ok helgan anda; blezat se nafn drottins, er ser skapadi⁵ slíka ambatt, en bœlvuf se skurðgoð oll handaverk manna ok œll líkneski þeira, ok allir þeir er þeim treysta⁶. En er þeir hófðu þetta mælt, þa gerðu þeir krossmark fyrir ser staðfastir i heilagri tru. Eptir þat var þeim skotit æ balit, þat sem keisarinn hafði gera latit. Letu þeir þar lif sitt fyrir guds nafni ok foru med þessum píslarsigri til eilifra fagnaða hinn þrettanda dag Novembris manadar⁷. Kristnir menn leitudu síðan at beinum⁸ þeira, at þeir mætti þeim veita, sem verðugt [væri, verðugan⁹ groft, ok fundu líkami þeira oskadda, sva at eigi var helldr brunnit hárit af þeim en annat. Mikill fiolði [heiðingia, er vid vóro staddir¹⁰ þessa iartegn, trudu þegar æ drottin Jesum Kristum, ok toku síðan upp líkami þeira [ok iorðuðu síðan i virðuligum stað lofandi ok dyrdkandi sannan gud af öllu hiarta¹¹.

6. Eptir [þessa atburði, er nu var fra sagt¹², let keisarinn leiða fyrir sik hina helgustu mey Katerinam, þóttiz hann nu fundit hafva diupsett ræð þat, er [hann hugdi at hun mundi skiott vilia vikiaz at hans raði¹³. Hann talar svo til hennar: »[Heyr þu, hin vitrazta ok hin friðazta mæ, er vel matt heita hinn skiaerazti gimsteinn allra kvinna i heiminum sakir vitru, kurteisi ok vænleiks, ok yfvirdrotningh allra drotninga matt þu vel vera. Hygg at þu því, at eigi kaullum ver þik til onytra orða eða heimum hug þinn til oskapligrá luta. Nu af því at goðin hafva þik svo itarlíga skapat ok sva sæmilíga sett at vænleik ok vitru umfram allar kvinnur ok frur veralldariunar, ok þar med burdum ok kynfylgíum tignat þik, þa byriadi oss ok ollum oðrum ut i fra at

1 holdi B. 2 [munut þer fara B. 3 skipade B. 4 treystast B.
5 tveim nottum eptir Marteins messu bys'ups tilf. B. 6 líkaumum B.
7 [var, vegaamlígan B. 8 [er vid var staddr B. 9 [med allri vandvirk ok iorðudu i virðuligum stad B. 10 [þessi tíðendi B.
11 [hon mundi eptir vilia vikia B.

heidra þik i heiðr við goðin. En¹ þat er eigi víðrkvæmiligt, at þu heitir drotningh en halldir þó aðra trú, en ver höfum; en þat eina skortir þik. Nu ef þu villdir samþykkja varn vilja um trúna, þá mundi vor tign lata sér sóma at gora brúðkaup til þín ok hallda þik fyrir drotningh, þar með munu² ver lata [ena höguztu 5 smíði ok meistara³ gera líkneski eptir þinni fegrð, ok skal þat vera dýrðkat af öllum monnum um alt mitt ríki, ef þu vill voru ráði fylgia.« Guðs ambatt fyrirleit⁴ þessa radaleitan ok mælti sva: »Med hverri skynsemi [megit þer, herra keisari, tíu slíka hluti mínum eyrum eða stadfesta slík rad í yðru bríosti til væla 10 við mík⁵; þvíat í upphafvi minnar ræðu mattut þer sea ok skíliu sem vítr konungr goðfýsi mína til þess at rækia öll skurðgoð ok alla þeira dýrðkan. En þer telit fyrir mér, at ek skula fyrirlata drottin mín Jesum Kristum, er mík hefvir aðr sér san'tengda með öleysilighu sambandi, en falla þer í fadm, ok þat annat, er 15 enn er verra, at láta gora líkneski eptir æsionu mínni ok vera síðan blotut, sem þer biðit. Ogurligar ero slíkar óðaðir, ok langt se slík óhæfva brott frá vörum eyrum.« Keisarinn svaradi: »Hver megí meiri dýrð vera þessa heims en at eiga keisara at bonda ok geta börn við honum ok hafva þar með ríki ok valld yfir öllum 20 monnum í heiminum ok vera pryðd allri fegrð ok bera drotningar nafn?« Heilug Katerína svaradi: »Hit bezta hefir þu, konungr, efni fundit til þíns mals, eptir því sem til heyrir slekt verallðar þessarrar, ef ek leitaða þessa heims dýrðar ok glatsamligrar gledi ok fagnadar öleyföra girnda eða annarra lúta, þeira er vondum 25 monnum drekkia til helvítis pinsla, [ok ef þer fyndit nokkut með mér, þat er dauðligt eitr andarinnar er⁶, þá mundit þer mík veidda fá í þessarri snöru, er þu egndir með þessum lutum. En því at ek fyrirleit alla elsku þessa heims, síðan ek kunna nokkut at skýnia, [ok ek víssa grein goðs ok illz⁶, en ek elskaða þann brúðguma af öllu hiarta, er allðri ma deyja frá mér, ok þá fagnadi, er allar allðir utan enda ero ok engan enda hafva, þarft þu ok ekki at lokka hug mín til með slíku. Því leggit níðr þessa malaleitan, en tak, ef þer syniz, aðra líkari ok vítrligri, þvíat þat 30 er rækiligt ok fyrir utan skyn at fyrirláta skaparann en þíona 35 skepnunni.« Keisarinn mælti þá enn til hennar: »Þar er þu ert

¹ [Þú en fegrsta mæ, hugsadu þat, at vær heimtím þik eigi til önytra hluta eða uskapligrar, þvíat B. ² mundim B. ³ [mgl. B.
⁴ rækti B. ⁵ [mattir þu skipa þat í þínu bríosti at tíu slíka hluti fyrir mínum eyrum; iati ek, at ek ma eigi skíliu þat B. ⁶ [mgl. B. 40

konungs barn, þa byriar þer at hafa hug þinn **a** konungligri tign, glediaz af henni ok lifa við hana, ok því at ver gefum gaum at hógværi þeiri, er voru valldi byriar at hafva, þa gefum ver litinn gaum at, þott þu hafir her til lastat heilug goð vór. Ok því at
 5 ver villdim sigra þik med blidu ok þolinmædi, en vanvirða þik i engum lutum eða gera þer neckura skómm, þa haf nu þau rad, er ver gefum þer, ok drep eigi hendi vid sæmd þeiri [ok sva miklum heidr¹, sem ver biodum þer, ok hallt eigi sva lengi **a** þrálæti þínu, at þu fellir þar fyrir **a** þik vara reidi, þvíat ver
 10 vilium goðanna hefna. Ok ef þu vill eigi þeim hlydni veita eða gofgan, þa fær þu eptir litinn tima liotar vidfarar ok langar pinur, (ok munt) eigi i sætt komaz vid oss, þo at þu vilir, helldr munum ver þa dæma þer daligan dauða.« Heilug guds ambatt svaraði: Keisari! vónðra manna dauði er hinn versti, þvíat þeir munu
 15 allðri hvilld finna, en rettlatra manna dauði er hinn bezti, þvíat hann er [lif ok eilif dyrd². Fyrir því dvel þu eigi, konungr, at gora þat er þu hefvir ætlat, en lat af at heimta³ lengr [hug minn⁴ med slægligri blekkingu. Ek trui sannliga, at su dvol, er þer gorit **a** minu mali, mun veita morgum manni mikla hialp, þvíat mer
 20 er þat vitrat af guðs fyrirhyggju.« Þessi orð hugsar keisarinn ok óttaz, at mærin mundi snuit fa monnum hans [fra skurdgoða blotum⁵ med sinum kenningum. Ok fyrir þa sök let hann færa hana af klæðum ok beria lengi. En síðan let hann byrgia hana i myrkvastofu ok gaf henni .xii. daga frest⁵, at ef hun villdi þa
 25 eigi litillatliga godunum fornir færa, þa skyldi hun sverði hóggin⁶ vera.

7. Drotningh kona keisarans elskadi miok hina sælu guds ambátt Katerinam af morgum lutum, er hun heyrdi fra henni sagða, ok villdi giarna sea hana [eða finna, ef hun þyrði fyrir
 30 bonda sinum. En hun treystiz því eigi fyrir sakir grimleiks hans⁷. Ok einnhvern dag er hun sat ok hugsadi þetta fyrir ser, hversu hun mætti ná mali meyarinnar, þa kallar hun til sin [einn riddara, þann er Portfirius⁸ het, ok mælti sva til hans: »Hird þu truliga þat, er ek vil þik einn vita láta, ok legg þar nu alla stund
 35 **a**, at fyllaz megí vili minn med þínu tilstilli; heyr nu þetta. Síðan er ek heyrða, at keisarinn helt [i höptum⁹ eina konungs

1 [mgl. B. 2 [hvilld ok lif eilift B. 3 afleidis tilf. B. 4 [hugskot ambattar Kristz B. 5 med þeim skildaga tilf. B. 6 hóggin B.

7 [ok ræða vit hana, en hun þordi þat eigi fyrir grimmeik bonda sins B. 8 [neckurn riddarasvein, er Porphirius B. 9 [tilf. B.

dottur, villda ek fyrir eins [ná viðr hana tala¹; en þat þorir ek
eigi fyrir þeiri reiði, er keisarinn hefir æ henni. Nu svo framt
sem þu [vill hafva vara vinattu þer kiera², þa finn her rad til,
sva at ver megim na at tala við hana, sem oss fysisir³.« Portfirius
svaradi: »I ollum lutum vil ek, fru min, gera yðarn vilia, ok [eigi 5
at siðr⁴ þótt mer liggi lifs haski við. En eigi má ek þessu fram⁵
koma, nema leyniliga faim ver þat gort. Væntir ek, þa er natta
tekr, at ek [megi þessu fram koma⁶.« Portfirius gaf þeim mikit
fe, er geymdu myrkvastofuna, til þess at þeir leyfði drotningu at
koma leyniliga ok tala við guds mey, ok at þeir skuli þessa luti 10
engum manni segia, ok síðan leiddi hann hana þangat. Ok er
drotning sa sæla Katerinam, fell hun til fota henni ok mælti sva:
»Mikil fyst hefir mer æ verit at sia þitt [hit elskuligazta⁷ andlit,
síðan ek spurði, at þu vart halldin i myrkvastofu fyrir þa sok, er
þu truðir æ Krist. Ok fyrir því at ek máttu eigi fyrr na þinum 25
fundi sakir þess ótta, er ek hefir af keisaranum bonda minum, þa
bidr ek, at þu virðir mer eigi þat til harðbrystis⁸ eða vilialeysis,
at ek kom eigi fyrr, helldr til forsia, at ek mega fordaz reiði hans.
En nu⁹ þvíat allzvalldandi gud hefir mer veitt þat, at ek mættu
[næ þinum fundi¹⁰, þa bidr ek þik, guds mæ, litillatliga¹¹, at þu 20
þiggir mik undan reidi guds, þeiri er ek hefir mer til verkat af
minum glæpum, ok hann lati ser sóma at leysa med mikilli milldi
sinni stóra mina misverka ok glæpi. [Heyrðu mik, þin sæla guds
ambatt, ok bid fyrir mer hinni syndugustu konu. Eighi ma ek
yfvir þegia, hversu mer syniz þitt æskiliga andlit¹², yfirbragd þitt 25
syniz mer sem eigi se eptir mannligri nátturu, helldr sem þu
hafvir engiliga asionu ok fegrd. Ert þu sæl i milli kvenna, heilog
guds mæ, því at þu munt odlaz eilifa fagnadi. Ok hardla miok
glediumz ek af því, at gud hefir lofvat mer þik at sea ok [med
þik at tala¹³.« Þa svaradi heilug Katerina: »Guð ömbuni þinni¹⁴ 30
tign, drotning, er þu syndir mer sva mikla ast i minni þröngvingu,
at þu lezt þer soma at vitia min i þessa dyflizu. En eigi er þat
undarligt, því at þetta baud þer ok skylladi þik til at gera
allzvalldandi guþ, sa hinn sami er sialfum ser kallar þat gort, er
hans pionostumonnum er veitt til hugganar, sva segiandi: i myrkva- 35

¹ [mega vit hana mæla B. ² [fysiszt at faa vora vinattu B.

³ lystir til B. ⁴ [hlyda ydru bodi B. ⁵ til leidar B. ⁶ [mega
fram koma því, er þer biodit B. ⁷ [æskiligt B. ⁸ hardbrysti B.

⁹ er þat erendi mitt indskyder A. ¹⁰ [þin vitia B. ¹¹ þarflat-

liga B. ¹² [mgl. B. ¹³ [vit þik at ræða B. ¹⁴ þer þina B. 40

stofu var ek, ok vitiudut þer min, ok þat er þer gerdut einum hinum minnsta af minum þionostumonnum, þat gerdut þer mer. Fyrir þessa sok, drotningh, lat þik eigi skelfa þat rað, er ek vil gefva þer, ok lat þer eigi [þikkia fyrir at hafa¹ mina kenning; bu þu fyrir ond þina til yfirkomandi freistni, tak af gudi styrk ok af krapti heilags anda, ok bið þolinmodliga þess, er gud hefir mer vitrat af sigri dyrdar þinnar, ok þat skaltu vita, at eptir þria daga muntu heyia gudliga² orrostu. Ok eptir fenginn pislarsigr skaltu fara til himinrikis ok fagna þar³ med englum guds ok helgum pislarvóttum.« Drotning svaradi: »Lystilig ero mer heit⁴ þin, hin helgazta mæ, falli mer aumri ok syndugri konu su hamingia til handa, at ek mættis auðlaz ok fyrir finna likn synda minna. En ottumz ek greypiligar⁶ kvalar, þær er keisarinn bondi minn mun mer ætla af sinum grimmleik, er hann hefir nógan⁷ til. Ok af því at ek em breyskligrar natturu, þa [uggir mik⁸, at ek muna fyrirláta ast drottins mins Jesus Kristz, þa er ek kennir sarleik pislanna. En ek veit, at þat er en mesta ohæfva ok en versta synd, ef svo kann til takaz⁹.« Hin heilaga Katerina svaradi: »Gior, drotning, sem ek bið, rek or þínu hiarta þessa [ætlan hugar þins, haf hug þinn æa gudi, ok fagna i ollum lutum þeim er þu þolir fyrir hans nafni, ok hugsa at þola alt fyrir hans ast¹⁰ ok birt honum hveria götu þu vill ganga, þvíat hans milldi mun styrkia þina kostgæfvi. [Allir verdleikar heilagra manna geraz af guds milldi ok styrk, ok¹¹ greiðaz götur þeira¹² af forsia drottins, en eigi af daudligum manni. Mannlig reidi, hvers er hun verd, eða bolginn ofmetnaðr vondra manna? Vist allz enskis, þvíat vondir menn mega ekki gora godum monnum, nema þat eina sem gud lofar þeim, því at svo sagdi sialfr guds son, þa er Pilatus iarl heitadiz vid hann sva mælandi: Veitz¹³ þu eigi, sagdi Pilatus, at ek hefir valld til at krossfesta þik? En drottinn svaradi sva: Þu hefdir ekki valld æa mer, nema þer væri af guði gefvit. Nu vit þat drotning, at guds sonr hefir sva styrkta sína þionostumenn til andsvara ok spurninga, at þeir sigra speki spekinga, sem hann sagði i guðspiallinu: Ek mun gefva yðr orð ok speki, þeir munu eigi mega i moti standa¹⁴ allir uvinir ydrir. Hvat se hialpsamligra þessu fyrirheiti, eða hvat er dyrdligra þessarri ómbun, þvíat helgir

1 [þunga þikkia B. 2 guds B. 3 utan enda tilf. B. 4 fyrir-
heit B. 5 mætta B. 6 greppiligar B. 7 gnogan B. 8 [kvídi
ek B. 9 at bera B. 10 [hugsan, fagna þu med gudi B. 11 [mgl. B.
12 manna B. 13 Her begynder atter C. 14 eða i moti mæla tilf. B.

menn guds taka fyrir stundligar pinur eilífva dyrd himinrikis fagnada endalausa með gudi.« En er guðs mær Katerina hafði þetta mælt, þá retti drotning hendr sínar til himins ok mælti: «Guð [almattigr fadir ok sonr ok heilagr andi, einn ok þrennr sannr guð, er alla luti skapadir af engu efni, þú hinn mildazti engla konungr, er fyrir tapan mannkynsins ok synd hins fyrsta mannz Adams virðiz nidr at stiga af hinni hæstu hæð himinsins til hinna lægztu luta iarþarinnar at taka manndom af holldi Marie meyar æ þinn oskaddan guðdom, ok letz fra henni beraz i þenna heim sannr guð ok sannr madr. Þú er þoldir pinsl ok dauða at bæn gydinga ok domi Pilati iarls oss til lifs ok lausnar, ok heriadir til helvitis ok batt diofulinn, en leysti þadan alla menn; þú reist af dauða æ fyrsta paskadegi ok laukt upp paradisum ok himinrikis hlid fyrir ollum þinum monnum; þú stett upp til himna at æsiandum postolum þinum ok sendir þeim þinn helgan anda æ hvitasunnu degi ok lærdir þá i þinni ast ok at tala allar tungur ok alla speki, ok i þessum sama þinum helgum anda lærir þú alla þína menn ok vini. Heyrðu, sterk von ok huggan allra þurfvandi manna, styrk þú þat, er þú vant oss fyrir þinn pislarvótt sæla Katerinam, ok gef oss þína ast sanna ok hræzlu, ok at ver standimz alla freistni ok kvalar vondra manna fyrir þínu nafni síðan með halldinni tru sannri, þvíat þú ert lifandi guð um allar alldir allda.» Þá mælti drotning til sællar Katerine: »See¹ her nu, guðs ambatt, fyrir þína kenning er ek buin alla luti at þola fyrir guðs nafni, ok mun ek bua hug minn til gudligrar orrosto með aullu kostgæfvi. En þú bid til guðs, at hann afli ser fyrir þik mína sal ok lati mik finna sína miskunn.« Meðr slikum ordum ok audrum hialpsamlighum² heimtu þær drotningh ok hin sæla Katerina tal sitt framan til midrar nætr.

8. Sá Portfirius, er þangat hafði fylgt drotningu til fundar vid sæla Katerinam, hugði nu vandligha at þeira ræðum, ok fell hann síðan til fota guðs ambátt ok mælti sva: «Bidr ek þik, [en kærsta drotning⁴, at þú látir mik eigi þeira ómbuna missa, er guð hefir synt þer; seg mer, hvat ek skal þess gera, at ek mega fá eilífan fagnat en slita or hiarta mínu⁶ allar fianda villur.» Heilug Katerina svaradi: »Hefir þú alldri heyrt, hvat heilug ritning segir fra eilífum fagnadi?« »Vist alldri, sagði hann, ek hefir ekki mátt slíku

¹ [styrki þat, er hann vann oss fyrir þinn munn, en sælazta mær. Se B. ² dæmum tilf. C. ³ saal. C; Þa A, B. ⁴ [tilf. B. ⁵ mætta B. ⁶ með rotum tilf. B.

hlyða, því at mín iðn hefir su iafnan verit, at ek hefir stadi¹ i ofridi ok orrostum.« Sæl Katerina svaradi: »Hverr megí segia makliga fra þeim fagnadi, er guds vinir hafva, með því at postolinn segir engan sea eda heyra eda hugsa mega þa luti, er guð hefir fyrir buit sinum astvinum. En þat ma ek segia þer, er guð hefir fyrir heitit þeim, er honum þiona truligha: hverr sa, segir hann, er mik elskar, mun elskaðr vera af fedr minum, ok mun ek elska hann ok syna honum sialfan mik; ok þar sem ek er, þar skal vera ok minn þionostumadr. Hvat girniz þu² þessu framarr at spyrja?« Portfirius vard hardla feginn, er hann heyrði þessi ord, ok trudi þegar af ollu hiarta ~~at~~ drottin Jesum Kristum. Ok með honum toku tru .cc. riddara. Síðan kysti hverr þeira³ annan, ok falu sik gudi ~~at~~ hendi, gengu brott or myrkvastofunni ok badu vardhalldzmenn, at þeir segði engum fra þessum lutum, ¹⁵ er þar höfðu gerz. En þeir iatuðu því.

9. Hin heilaga mær Katerina var lukt .xii. daga i myrkvastofu, [sva at ollum monnum var bannat at koma til hennar eda veita henni nokkura hialp. En almattigr guð, sa er alldri fyrir lætr sina elskendr ok þionostumenn ok alldri gleymir þeim, er hann ²⁰ dyrdka, hann huggaði sina ambatt ok sendi til hennar engil sinn, þann er henni færði þa luti, er hun þurfti at hafa, ok syndi henni helgan anda sinn i dufu liki sniofi hvitara fliuganda inn i myrkvastofuna til hennar, sva mælandi: »Fagna þu, min kærasta, því at ek skal þik korona eilifri koronu i himinrikis porti, með þeiri ²⁵ skal ek þik⁴ inn leida til þinna systra i odaudliga fagnadi allra heilagra eptir endat þetta lif, ok þin sæmd skal at eilifu lifvandi vera i ríki fedr mins.« Þessu gupligha fyrirheiti varð hin sæla Katerina fegnari, en fra megí segia, ok gerði margfalldliga gudi þakkir⁵.

³⁰ 10. At liðnum .xii. dögum var hin sæla Katerina miok hugsiuk af fundi þeira keisarans ok ótta pislanna, er hun vissi at verða mundi, ok bað fyrir ser til guds þarflatliga af øllum hug. Þa vitradiz henni drottinn Jesus Kristus⁶ með mikilli engla sveit ok mælti sva við hana: «Ottaz þu eigi, min ambatt, því at ek em

³⁵ ¹ starfat *B.* ² af *tílf. B;* at *C.* ³ felaga *tílf. B.* ⁴ *reitet;* þinn *A.* ⁵ [ok því at ollum monnum var bannat at veita henni nokkura hialp, þa vitradiz henne guds eingill ok huggadi hana, ok syndiz henne sniahvit dufa fliuga inn i myrkvastofuna, ok færði henne þa hluti, er hun þurfti at hafa *B, C.* ⁶ i þeiri liking sem hann er vanr monnum ⁴⁰ at synazt *tílf. B, C.*

Jesus Kristus skapari allra luta; fyrir [mina ast þú alla luti; sæl munt þú vera i milli kvenna, goda þraut hefir þú þreytt, ok margir hafa fyrir þik á mik truat, ok enn munu þó fleiri vera. Ver þú eigi hugsuð um pislirnar, þvíat ek mun með þér vera alt til enda lífs þíns, at enginn otti ne grimmeikr þeira megi þik skelfva. Eighi neitadir þú nafni minu fyrir monnum, ok eigi mun ek neita þér þat, er þú vill mik biðia i himinrikis holl. Vid þessa guðliga huggan styrktiz hon full af fagnadi ok helgum anda, buin at þola alla luti fyrir guds ast, ok tok at hafa karlmannligan hug i kvenligu briosti, lofandi guð af ollu hiarta.

11. Um morgininn eptir bauð keisarinn, at heilaga Katerinam skyldi leiða fyrir domstol hans. Ok er hann sá hana hardla biarta ok þekkiliga, þa undradiz hann miok, ok allir þeir er hana sá, at hennar yfirbragd mátti slíkt verða, þar sem þeir hugdu, at hun mundi at þrotum komin af hungri, eptir því sem mannz edli var til. Keisarinn freistadi þa enn, ef hann mætti lokka guds mey ok pinslarvótt til samþykkis vid sik, ok mælti svo til hennar: »Eigi skal þat hegomi vera, er ek hefir mælt þér til sæmdar, því at eigi byriar konungligu valldi því at heita, sem at falsi reyniz; hygg at [því, er ek byd þér. Eigi fýsumz ek at eiga þik sem ambátt eda kynlitla konu, því at eigi byriar þat tign vorri, [þar sem þú ert kyngöfug, því bydr ek þér at eiga með mer alla luti ok alla dyrd mins rikis. Ok af því at þú ert hardla frid synum ok kurteis umfram allar frur i heiminum, þa ma okkat samvelldi sva saman fara, at þú ser hin rikazta drotningh heimsins, valin af ollum mest sakir fegrdar þinnar ok lista. Ef þú þiggir þenna veg, þa dyrdka þik allir. Nu gef oss skyr andsvör, ok hugsa, hvar komit er þínum hag, ok hversu tveim stöfnum mun deila fyrir þér, ok rasa at engu fyrir rað framm 3.« [Hin sæla mæ, er hun heyrði

1 [þess (mina C) ast þú slíkar þrautir; sæl muntu vera milli kvenna, himens fagnat skalldu fyrir finna, goda þraut hefir þú þreytt, eigi neitadir þú nafni mino fyrir maunnum, hafa ok margir á mik truat fyrir þin ord, ok enn munu fleiri trua. Vertu eigi hugsuð um pislirnar, þvíat ek man með þér vera allt til endadags þíns, svo at otti þeira ok grimmeikr megi þik eigi skelfa. Heilog Katerina heyrandi hans ord vard fegnari, en frá megi segia, ok lofadi gud af ollu hiarta, tok þegar at hafva karlmannligan hug i kvenslighu (kvennlegu C) briosti buin alla hluti at þola fyrir guds ast B, C. 2 [þú, hvat ek segi, ok hlyd til með hyggendi B, C. 3 [en því at þú ert kyngöfug ok frid synum, þa byd ek þér ath eignast með mer alla dyrd ok allt velldi (valld C) rikis mins; ertu þa en rikazta drotning, ef þú þiggir þenna veg, valit af ollum odrum i ríki mino fyrir sakir fegrdar

þessi ord, þa mintiz hon gudligs fyrirheitz, er hun hafði heyrt i myrkvastofunni, ok sagði svo¹: »Heyrit þer, keisari, ok berit þolinmodligha minna ræðu, þviat þat somir konungligri tign. Þu telr fyrir mer, at ek skula ødlazt dyrd velldis þirs ok vera drotning yfir ollu velldi þínu; kært ma þeim slikt at heyra², er æ þessa verolld vill stunda³. En ef ek ma finna þer rikara ok friðara, þer betra ok mattkara, hvarn skal ek⁴ kiosa, lifanda um allar alldir verallda ok skinanda eilifliga i sinni dyrd, eda þann er skiott mun deyia ok verða at molldo ok mœðkum? Hugsa nu, herra keisari, ok dæm síþan rettum dómi.« En med því at keisarinn var skyllaðr til i þessari spurningu at svara þar sonnu um, þa mælti hann sva: »Engin vitr maðr mun þat dæma, at meira se virðr eda metinn stundligr en eilifr, eda helldr se kosinn [daudligr en lifandi um allar alldir verallda⁵, því at sa ma alla luti eiga, er at eilifu rikir; en sa er skiott deyr, ma hvarki eiga [sik ne aðra luti⁶. En hversu hæfa þessi svör þeim lutum, er ek talada⁷ til þin aðan? Hverr er þessi, [er svo er rikr⁸, sva máttugr ok goðr ok þar med eilifr, at hann se meira hattar ok meira virðandi en ver ok vor dyrd ok riki? Ek veit þann engan i ollum heiminum.« Kristz pislavóttir svaradi sva: »Allzvalldandi ok um allar alldir lifandi Jesus Kristus guds son, sa er meira æ at virða en þik ok þina dyrd [alla, sva mikla sem hon er; þeim sama er⁹ ek fœstnut ok hann elskar ek af ollu hiarta, ok fyrir hans ast vil ek helldr deyia en neita hans dyrd. Lat þer, konungr, ekki finnaz um þa dyrd ok fegrð, er sva skiott kann fyrirfaraz sem [blomgat gras, er vex æ iorðu æ litilli stundu, ok þornar þat skiott ok fyrirverðr sik allt. Nu mat þu sea, sva vitr maðr sem þu ert ok þikkiz vera, at¹⁰ engi¹¹ fegrð önnur er at sonnu girniligri, en su er engan enda hefir ok eigi ma [þorna ne hrœrna¹², en þat er ast ok elska drottins mins Jesu Kristz ok eilift lif.«

12. Við þessi ord meyarinnar varð keisarinn hardla reiðr¹³, þviat hann hugðiz [aðr snuit hafa¹⁴ hug hennar med sinum fortølum.

þinnar; hirtu wandliga þenna kost (þessi ord C) i hiarta þínu ok veit mer sidan skyr andsvör B, C.

- 35 1 [*tílf. B. C.* 2 hafa C. 3 stundat hafa B. 4 helldr *tílf. C.*
 5 [skiott deyia munandi, en sa er alldri mæ deyia B, C. 6 [sidan sialfan sik ok eeki annat B, C. 7 rædda B, C. 8 [*mgf. B, C.*
 9 [þeim em B, C. 10 [blom (blome C.) gras þess, er vex æ annarri stundu, en þornar (þverr C.) æ annarri, B, C. 11 *tílf. B, C.*
 12 [morna B; þorna C. 13 svo at hann red ser valla *tílf. C.*
 40 14 [nu mundu æa snuit B, C.

Einn af greifum hans, sa er þar var vid staddr, villdi stilla¹ reiði keisarans, [þvi at hann vissi varla, hvat hann skyldi at hafaz². Hann mælti sva: »Ef þer lofit, minn herra, sagdi greifinn, þa mun ek þat rað til³ gefva, at yðvarr vili mætti [framgengr verða⁴, þo at hogliga se at farit, en eigi [med harðindum eda⁵ hardri hegningu.«
 Keisarinn svaradi: »Ef svo er, sem þu segir, þa lat enga dvel æ verða, at vórr vili megi frammganga⁶.« Greifinn mælti: «Þat rað gef ek, at gera skal hvel⁷ fægur, ok keyri i hvert hvælit⁸ hina hvæssu⁹ztu stalgadda⁹, ok lata¹⁰ þessa hina þriotzku mey sitia þar hia. Ok þa er hvelin¹¹ ganga med ækefd ok gnista ogurliga, þa¹⁰ mun hon ottaz af syn ok heyrn þessa pislarfæris, ok mun eigi fleira vid þurfva. Væntir ek þa, at hun trui ok forni goðunum eptir ydrum vilia, ella se hon sverði hæggin. Eða hversu lengi skal ein litil mæ¹² spotta at¹² oss, sva at ver þolim hennar enar verstu slægdir, þviat med sinni orðsnilld ok vitro sigrar hun alla¹⁵ oss.« En er þetta pislarfæri var buit eptir boði keisarans ok frammi haft, ok er hvælin gengu ok gnistu, þa mintiz drottinn fyrirheit¹³z sins ok sendi engil sinn at frelsa Katerinam fra þessarri þraut; ok máttu hvælin henni ekki [mein gera¹³, en þau liopu æ nokkura [heiðna menn¹⁴ ok drapu þa¹⁵. Margir af þeim, er vid²⁰ voro staddir, komuz vid, er sa þessi tíðindi, ok trudu þegar æ drottin Jesum Kristum, sva mælandi: »Engi er sannliga gud þeim likr, sem kristnir menn trua æ, hann einn er dyrdkandi ok [lofandi um¹⁶ alla luti, ok hann er eilifr guð.« Keisarinn varð nu vid oðr af þessum øllum saman atburð, ok mælti sva: »Þessi mæ²⁵ mun oss gera hinn mesta skaða, ef ver latum eigi drepa hana skiótt, eda hverr megi vid sia eitri kristinna manna eda sigra þrályndi¹⁷ þeira. Farit til¹⁸ sem skiotazt ok skakit¹⁹ hug hennar med morgum ok horðum pinslum!« [Ok sva var gert, ok síþan i myrkvastofu kastat ok til dauda ætlat eptir þria daga liðna, ef³⁰ hun villdi þa eigi blóta²⁰.

13. Þa er keisarinn hafdi til dauda dæmt heilaga Katerinam

1 standva C. 2 [mgl. B, C. 3 þessa mals tilf. B, C. 4 [skiott algjörast B, C. 5 [af ædi eda med B, C. 6 fullgjörast B. 7 hiol B, C. 8 hvæl B; hviolit C. 9 iarngadda B, C. 10 lati B, C. 35
 11 hvælin (hiolin C) taka at B, C. 12 mgl. B, C. 13 [granda B, C. 14 höfðingia B; heidingiana C. 15 svo at af þvi do fíorar þusundir manna tilf. B, C. 16 [tignandi umfram B, C. 17 þraalæti B, C. 18 heilir svo B. 19 skapit B. 20 [Ok þa er sæla mæ²⁵ Katerina var til draps leidd, tok drotning miög at grata dauda hennar, ok⁴⁰ þvi at hun treystiz guds miskunn af øllum hug, þa ottadiz hon eeki

[eptir harðar pinslir ok margar, ok þó henni frest gefit, sem fyrr var sagt, þá kallaði drotning **aa** hann ok mælti, þvíat hun treysti guðs miskunn ok óttadiz ekki konungs (reiði) eða grimmleik ok fyrirleit alla iardliga tign: »Heyrit, herra keisari, hvat ilt gerði
 5 ein litil mær ydru ríki, eða skal hun giallda giætzku sinnar frá þér ok tyna þar fyrir dyrd sinnar fegrdar?« Keisarinn undradi, er drotning tok sva til orða, ok ætladi i fyrstu, at hun mundi harma aumleik sva fridrar meyar, en ekki kom honum þat i hug, at hun mundi þetta tala af ast heilagrar truar. Þá mælti
 10 drotning enn til keisarans: »Slikr er máttur ok styrkr ríkis yðvars ok hin dyrdliga frægð veldis yðvars at þröngva saklausum ok draga til pinsla þionostumenn hins eilífa konungs drottins Jesu Kristz.« Keisarinn mælti: »Hvat er, drotningh? Hvat hefir þú við tekit villu kristinna manna ok blindat augu þín i heimsku þeira, en
 15 hafnat almatkum Þór, Balldr ok Freyju ok enni goðu Gefion ok öðrum godum vörum?« Drotning svaradi: »Sannliga iati ek almatkum guði minum Jesu Kristo af öllu hiarta, ok fyrir hans ast ok nafni vil ek taka pislir ok dauda þola, þvíat engi er annarr guð en faðir ok sonr ok heilagr andi, einn i algerri þrenningu, sa
 20 er lífvir ok ríkir utan enda. Þess valldi lytr öll skepna ok hræpaz allir mættir, hann skapadi alla luti af engu efni. En Þórr ok Óðinn ok allir gudar ok goð heiðinna manna ero dióflar ok engu nyt nema til þess at brenna i eilífum helvitis eldi, ok allir þeir með þeim, er þau dyrka; en þau megu hvarki sér gott gera ne
 25 öðrum.« En er keisarinn heyrdi þessi hennar ord ok heyrdi, at hun lastaði goð hans, en skildi, at hun var samtengd slikri tru sem heilög Katerina ¹, þá órvílnadiz hann þegar, at hun mundi snuaz vilja til heiðins sidar, ok [æstiz af mikilli reiði ok dæmði², at skera skyldi af henni briostin bæði, ok sva var gert. En þótt

30 konungs reiði eða grimmleik, fyrirlet (fyrirleit *C*) hun ok alla iardliga tign *B*, *C*.

¹ [þá kalladi drotning **aa** hann ok mælti svo: »Slikr er styrkr mattar þíns ok þessi fremd ens dyrdliga (daudlega *C*) ríkis þíns at þröngva saklausum ok draga til pislra þionostumenn ens eilífa konungs; eða
 35 hvat hefir ein litil mær megar (matt *C*) illt gera ríki þínu, skal hun giallda gæzku sinnar ok tyna þar fyrir dyrd slikrar (sinnar *C*) fegrdar?« Keisarinn undradi, er drotningin tok svo til ordz ok ætladi þó, at hun mundi harma aumleik svo fridrar meyar, en eigi kom honum þat i hug, at hun mundi mæla af ast heilagrar truar. En þá er hann tok vandliga at skilia, at drotning var samteingd i þvilikri tru, sem hun hafði *B*, *C*.

40 ² [því baud hann *B*, *C*.

hun væri sva meidd, let hun eigi af at boða dyrd heilagrar þrenningar. Þá dæmdi keisarinn, at hana skyldi halshoggva. En hun gerdi gudi þakkir ok fal sik undir bænir sællar Katherine, sva mælandi: »See nu, guds bruðr, [fyrir þínar bænir hefir guð veitt mer at standaz pislir. Nu bið ek þik, at þu latir eigi af at biðia guð mer 5 miskunnar, at hann virðiz at veita mer þann fagnat, sem hann hefir fyrir heitit þeim, sem leita hans hialpar ok iðraz synda sinna.«¹ Heilug Katerina huggaði drotninghu ok mælti sva: »Vert þu styrk i huginum ok lit til himins, lát eigi af at biðia til guds, þviat hann er nalægr ollum þeim, er med sannleik biðia 10 hann miskunnar. Mun ok skamt at biða, at þu munt koronut vera med pislarsigri, ok munt þu þá ná at sea skapara þinn med englum sinum ok pislarvóttum skinanda² i himinrikis dyrð. Med þeim munt þu gleðiaz um alldir alda. Far nu fagnadarsæl i guds friði til fyrirbuins rikis, þess er alldri verðr endir æ.« Drotning 15 styrktiz vid þessi ord sællar Katherine, ok for fagnandi til pislra ok var sverði hoggvin, ok for síðan til himinrikis fagnada. Pislartid hennar er æ einum degi ok hins heilaga Clementis³ þafva.

14. Portfirius riddara hófðingi, sa er drotningu hafdi fylgt til myrkvastofunnar æ fund sællar Katherine, sa þessi típindi [ok 20 komz⁴ miok vid i sinu hiarta logandi af elldi guðligrar astar. Hann gekk fyrir keisarann ok mælti af⁵ miklu trausti: »Her til hefir ek þionat ydvarri tign, sem ek kunna, en nu er þat rað i hug mer komit, at ek vil eigi lengr þiona iardligum konungi ok daudlighum, hellðr vil ek heðan af þiona odaudligum konungi ok 25 himneskum drotni Jesu Kristo; ok þetta rad vilia upp taka med mer þau .cc.⁶ riddara, er ek hefir stiornat, girnaz þeir sem ek af allri ast⁷ at þiona drotni vórum Jesu Kristo ok gøraz hans riddarar.« Sem keisarinn heyrdi þessi ord, óttaðiz hann, at Portfirius ok hans riddarar mundi vilia draga⁸ rikit undan honum. 30 En þviat hann⁹ var agætr madr i hans hird, þa villdi hann eigi láta drepa hann, hellðr let hann kalla hann ok sveitunga hans til mals¹⁰ vid sik leyniliga, ok talar sva til þeira: »Hvat ilt hefir

1 [med þínum bænnum mer tæiandi hefi ek gert þat, er þu bault mer; bid ek, at þu latir eigi af ath fullgiðra þat, er þu hefir upp hafit, bid 35 þu kostgæfliga, bid þu af allri godfysi þinni, at guð lati þægilliga verða fysi wora i augliti dyrdar sinnar, ok gefi oss þann fagnat, er hann hefir fyrir buit þeim, er leita hans miskunnar *B, C.* 2 skinandi *B.* 3 Clemens *C.* 4 [þviat hann var fyrirætlaðr til eilífs fagnadar, komz hann *B, C.* 5 med *B, C.* 6 tvau hundrut *B.* 7 hugarins 40 tilf. *B, C.* 8 raða *B*; hafa *C.* 9 Porphirius *B, C.* 10 tals *B, C.*

yðr hent¹, ok hvern skaða eða vanvirdu² hafit þer fengit? [Heilir sva! látit af falsligri fyrirætlan, ok snuiz ifra því lagabroti, sem yðr hefir i hug komit, at neita almatkum goðum vórum, en trua æ Krist, þann er hengðr var æ krossstre ok do þar, ok var þo aðr
 5 alla vega svivirðr ok barðr. Mikil firn ero slikt. Nu elskit þer ok dyrdkit Þór ok Apollo, en hirdit ekki um Krist ok um hindrvitni kristinna manna ok um þeira tru ok villur. Ok ef þer gorit svo, þa skulut þer hafva vara vinattu ok þar med sæmd ok ríki ok goð kvónfaung fyrir fylgd³ truligrar pionosto. Portfirius mælti:
 10 »Herra keisari, sagdi hann, at engum kosti fáit þer oss snuit fra heilagri tru ok ast almattigs guds, því goð yd(u)r ok dyrd þeira ero engu nyt.« Keisarinn villdi þa tala við þa riddarana, sva at Portfirius væri eigi hia, ok hugdiz mundo snuit fa hug þeira. En Portfirius gekk æ tal þeira [ok mælti sva: »Eighi giorit þer,
 15 herra⁴, skynsamligha, þer snuit hia höfðinu en talit við hina lægri⁵. Ek skal sannlig svör veita fyrir alla oss, því at med guðs miskunn vilia þeir hlita minni forsea.« Keisarinn svarar med mikilli reidi: »Eigi ert þu hofut þeira, helldr ert þu glautun⁶ þess vesla hofuðs, sem þu⁷ berr eptir, ok allra þeira, sem þu
 20 lokkar⁸ til med flærðsamligum fortolum at tyna fögnudum vorrar dyrdar, ok þar med ollu því godu, sem þer eigir⁹, en taka i moti hinn versta dom¹⁰ daligs dauða.« Ok því at keisarinn hugsadi, at eptir þeira dæmum mundi¹¹ margir snuaz, ef hann dveldi¹² þeira drap, því bauð hann, at Portfirium ok alla hans
 25 sveit skyldi brott leida or borginni ok pina [alla vega¹³ miskunnarlaust ok síðan halshöggva, ok sva var gort. Ok for [su hin sæla sveit med þessum pislarsigri guði til handa enn¹⁴ næsta dag eptir Clemens messu.

15. Eptir þat er þessi hin sæla sveit hafdi latit sitt lif fyrir
 30 ast heilagrar þrenningar¹⁵, þa bauð sa hinn illi keisari, at guds pislarvótt hina helgu mey Katerinam skyldi leida fyrir hans dómstol. [En hennar æsiona var biartari ok skiaerri en mannlig

1 til handa borit *B, C.* 2 hveria vanvirðing *B, C.* 3 [Snuit ifra lagabroti því, sem (er *C*) yðr hefir i hug komit at gera, latit af þessi ferligri fyrirætlan, at þer megit audlaz winattu vorrar dyrdar ok þiggja af oss sæmd ok aumbön *B, C.* 4 [ok slitr rædu (rædur *C*) þeira svo mælandi: »Eigi giorir yd(u)r speki nu *B, C.* 5 limuna *tílf. B; ikke C.* 6 *saal. B, C; gautun A.* 7 hefir ok *tílf. C.* 8 skyldar *B, C.* 9 eigut *B.* 10 *tílf. B, C.* 11 mundu *B; mætte C.* 12 dvalde *C; leti nockut dvelia B.* 13 [med ollu *B, C.* 14 [Porphirius ok .cc. riddara med honum til guds med pislarsigri *B, C.* 15 tru *B; truar C.*

náttura mætti skina með svo miklum blóma, ok bra ollum miok vid, er hana sáo, en keisaranum mest, ok mæltu margir sva: »Sannliga er þat ofrharmr, at saklaus mær skal svo hörmuliga pind vera, ok bolvut se þau goð, er slíkt hlytz af, ok makara væri, at þau væri i elldi brend.« Aðrir mæltu sva: »At visu er hon ein af goðunum helldr en maðr at vænleik ok vitro ok krapti.« En mikill fioldi manna mælti sva: »Engi er slíkr guð sem guð kristinna manna, hans mattr ok milldi sigrar alla luti.«¹ Keisarinna freistadi² æ alla vega með allri sinni slægd ok snilld at snua hug sællar Katherine til samþykkis vid sik. En guðs mæraf mikilli miskunn heilags anda var svo ataudug sem stolpi, sa er hvergi mæ or stað³ hræra, ok sigraði keisarann með mikilli snilld ok vitro i ollum vidræðum þeira, en fystiz litillatliga til himneskra fagnaða.⁴ En er keisarinna hafði lengi vid hana talat ok fekk ekki [at gort, ok varð liosliga yffirstiginn, þa örvinadiz hann, at hans kostgiæfvi giæti henni til sins vilia snuit, dæmðis hann þa um siðir, at hana skyllði sverdi höggva. Ok þa var hun or borginni leidd eptir boði keisarans i akvedinn stað, at hun leti þar lif sitt.

16. Þa er heilog guðs mæf Katherine var til draps leidd at æsianda ollum lyð, gretu hana bæði karlar ok konur með miklum harmi. Ok er hun kom til þess stadar, er hana skyllði höggva, bað hun [ser orlofs at biðiaz fyrir, ok fekk þat. Þa fell hun æ kne ok helt⁶ höndum til himins ok bað til guðs með þessum orðum: »Drottinn Jesus Kristus, skapari himins ok iardar, er miskunna villdir ollu mannkyni ok letz þer soma at koma af himnum, til þess at þu leystir mannkynit or snorum fiandans, ok virðiz upp at taka þræsligan⁷ likam ok láta þik æ kross negla, ok villdir bergia æ⁸ beiskum dauða! Heyr þu mik, ambátt þina, til þin kallandi ok þinni miskunn treystandi, at englar þinir taki sal mina ok leiði til eilifrar hvíldar, er þu hefir fyrir buit ollum þeim, er þitt nafn elska. Þess bið ek þik, drottinn minn, at [allir vel⁹ truadir menn, þeir er til dyrdar þins nafns sækia mitt arnadar-

¹ [mgl. B, C. ² stundadi B, C. ³ vikia eda tulf. B, C. ⁴ fost-iardar B. ⁵ [með slægligum fortölum vikit henne eptir sinum vilia, tok hann at aurvilnast, at hans kostgæfi metti tia, svo at mærin mundi leidrettast, bað B, C. ⁶ [þann mann, er til var ætladr at veita henne liflat, at hun næði at biðiaz fyrir, ok hann let þat eptir hennar heilagri fysi, ok at feingnu færi til bænar, þa helldr en helgazta mæf B, C. ⁷ mannlegan C. ⁸ mgl. B, C. ⁹ [saal. B, C; 40 vel rett A.

ord, með hverigri bæn er þeir kalla til þín, heyr þú rodd þeira ok hialp þeim at eilifu, þvíat þú ert guð drottinn blezaðr um allar alldir.« En þa er hun hafði bæn lokit, kom rödd af himni sva mælandi til hennar: »Blezut ert þú, hin helgazta mæ. Katerina, ok heyrþar ero bænir þínar! Kom nu ok tak ombun fyrir þrautir þínar i milli heilagra [kvenna, þvíat konungr konunga með allri himinríkis hird biðr buinn þinnar þarkvámu¹.

17. Þa er hin sæla mæ Katerina heyrði þetta, reis hon upp af bæninni hardla fegin af guðligu² fyrirheiti, ok var síþan högginn at bodi keisara æ fimta ok .xx.^{ta} degi Novembris manadar, þat er tveim nóttum eptir Clemens messu. Ok þegar flaut miolk or sárum hennar³ i stad blóðs til vitnis skirlífs hennar en til lofs ok dyrðar almatkum guði. [Ok íafnskiótt sem hennar helgazta önd var við skilin, toku englar guds⁴ líkam hennar ok fluttu æ fíall, þat er 15 Syna heitir, þar lætr gud geraz otalligar iarteinir fyrir hennar verðleika: [verða þar diöfuloðir heilir, hrumir ok haltir ganga, líkþráir hreinsaz, blindir sia, daufir heyra, en daudir lífna⁵. Upp or leiði hennar sprettr vidsmíors brunnr, sa er alldri þrotnar⁶, ero þar af smurðir líkamir siukra manna, þeira er þadan flytia fagnat 20 slikrar heilsu, sem hverr kann ser at æskia. [Ok er þar enn mesti bænastaðr, ok enginn kom þar sva heilsulauss, at eigi fengi bot allra meina, þeir sem þangat sottu með rettri tru ok sannri ast ok von sinnar heilsu⁷.

18. Eptir hit helga líflat sællar Katerine ok þær þrautir, er 25 hun [hafði þolat fyrir ast ok⁸ tru heilagrar þrenningar, tok ek, sagði Athanasius, at rita píslarsögu minnar fru sancte Katerine, því at ek var hennar þionostumadr, fra upphafvi ok til enda, henni til tignar, en rett truundum⁹ monnum til minnis ok nytsemdar¹⁰. Veiti gud oss syndalausn fyrir bænir ok verðleika sællar Katerine 30 ok gefvi oss eilífan fagnat með ser ok sinum helgum mönnum, sa er lífir ok ríkir um allar alldir verallda. Amen.

1 [eingla, þvíat se herna (hér mattu sia þa at C.) þeir eru komnir ok bida buinir þinnar tilkvomu B, C. 2 himnesku B, C. 3 gnogliga tilf. B.

4 [Einglar guds toku B, C. 5 [mgl. B, C. 6 þornar B, C.

7 [þvíat þar fengu allir bot sinna meina, hvad sem at meina var C; mgl. B. 8 [þöldi i B, C. 9 rettruodum B, C. 10 því at otallegar iarteignir veitti hon eptir anlat sitt i ymsum londum, þo at ek hafe eigi diorfung til ne aræði þer at skrifa fyrir fafæði minne tilf. C.

LAURENTIUS SAGA.

(*Cd. Holm. 2 folio, A; Cd. 235 folio, B.*)

Her hefr upp sögu ens heilagha Laurencij erkidiakns.

Decius konungr ok Valerianus greifi letu taka Sixtum pava ok leida fyrir domstol sinn með kennimönnum sínum. En er þeir 5 voru höndladir, þá mælti Sixtus vit sína menn: «Eigi skulu þer hræðaz, brædr, þvíat allir helgir menn þóldu margar þislar ok þrautir, aðr þeir kæmi [með sigri¹ til ens sanna lífs. Drottinn vor Jesus Kristr gaf oss dæmi, þá er hann tok þisl fyrir heilsu vora, af því skal ok eingi vor hræðaz at taka þislar fyrir hans nafne. 10 Diakn hans Felicissimus ok Agapitus svara: »Hvert munum vær fara frá þer fadir?« Decius mælti vit Sixtum, er hann var leiddr fyrir domstol hans: »Veiztu fyrir hvi þú vart hingat leiddr?« Sixtus svarar: »Vist veit ek ok vel veit ek.« Decius mælti: »Ef þú veitz vel, gerdu svo, at lydr þinn fylgizt ok vite ok vel 25 lífe.« Sixtus svarar: »Verdi satt, at lydr minn fylgiz ok vel lífe.« Decius mælti: »Blotadu godum ódaudligum ok ver höfðingi kennimanna.« Sixtus svarar: »Ek hefi þionat ævallt, ok svo man ek þiona, gudi almatkum fedr ok syni hans Jesu Kristo ok helgum anda, ok færi ek honum hvern dag hreina forn.« Decius mælti: 20 »Vertu þer heilradr í elli þinni, svo sem vær erum oss heilradir.« Sixtus svarar: »Þat rad hefi ek kent mér hingat til ok minu lídi, at ek mætta leida alla með mér frá synda diupi ok dauða.« Decius mælti: »Blotadu ok þá, at eigi se þer dauði til² giörr til ognardæmis þeim, er eigi vilja blota.« Sixtus svarar: »Sagða ek þer 25 um sinn, at ek fære hvern dag forn gudi minum ok syni hans Jesu Kristo.« Decius mælti vit riddara sína: »Leidi þer hann til Freys hofs, ok setit hann í myrkvastofu, ef hann blotar eigi

¹ [tilf. B. ² fyrir B.

Frey.« Sixtus pafe mællti vit þa, er hann leiddu til hofsins: »Hvat giorit þer, vesalir menn, þer¹ göfgit handaverk manna, likneski blind ok daufr, er hvorki mega dugha ser ne öðrum; helldr hlydi þer mer, synir, ok leysit andir ydrar fra eilifre kvol, ok
5 hrædizt eigi likams pislir helldr eilifar kvalir, þær sem bunar eru syndugum mönnum ok þeim er blota skurdgodum. Giorit þer idran synda yd(ar)ra² ok hafnit røngum bodordum konunga.« En er Sixtus villdi eigi blota, þa var hann leiddr til myrkvastofu med tveim diaknum sinum Felicissimo ok Agapito.

- 10 23. En er Laurencius diakn spurdi, at Sixtus pafe var i bondum, þa kom hann til hans ok mællti: »Hvert skyndir þu, fadir an syni, ok hvert ferdu, heilagr kennimadr an diakne? þu vart alldregi vanr at færa forn gudi, svo at eigi fylgdi diakn; hvat mislikar þer vit mik, fadir, eda reyndir þu mik i nöckuru
15 þreklausan, svo at þu vilir nu neita samlagi minu i uthellingo blods þins? Reyndu vist, hvort þu hefir þer mæklighan þion valit⁴ at selia i hönd guds þionustu, þviat þu selldir mer samlag helganar drottinligs holldz ok blods. Se þu, at eigi minkir þu veg þinn i mer, þviat skadi er lærifodur at bregda blodsuthelling lærisveins,
20 þviat enir beztu menn dyrkaz eigi sidr af sigri lærisveinanna en af sinni dyrd sialfra. Abraham höfutfadir gaf⁵ gudi son sinn, en Petrus sendi fyrir ser⁶ Stephanum diakn sinn; syndu ok krapt þinn, fadir, i syni, ok fær gudi þann er þu lærdir, at ek koma öruggir til sigrs med þinne atfylgiu.« Sixtus svarar: »Eigi fyrir-
25 læt ek þik, sonr, helldr attu meire þraut fyrir hendi; vær erum gamlir ok tókum letta orrostu, en þu ert ungr ok skallt meiri orrostu þola ok hafa meira sigr, vertu eigi ogladr, þviat þu skallt mer fylgia eptir þria daga. Hvat leitar þu samneytis minnar pislar, svo sem þu þurfir fullting af lærifedr, attu megir sigr audlaz?
30 Ek fel þer a hendi alla erfð mins kraptz. Hvat leitar þu navistu minnar? Helias skildi vit Eliseum ok tok þeygi krapt sinn fra honum, tak þu ok þa vit kirkiuse ok skipt þvi med þeim, sem þer þickir [þörf vera 7.« Þa selldi Sixtus pafve oll kirkiuse Lauren-
cio diakni sinum. En er hann tok vit fenu, þa for hann um
35 herod ok leitadi, hvar folgnir væri lærdir menn eda uklæddir⁸ kristnir menn, ok skipti hann fenu med þeim, svo sem honum syndizt hverium þörf vera. En er hann kom til fiallz þess er

1 er B. 2 mgl. B. 3 Fra Laurencio diakna Overskr. A. 4 radit B. 5 tilf. B. 6 sik B. 7 [þurfa B. 8 olærdir B.

Seleus heitir, þa fann hann þar eckio eina, þa er Kiriacha¹ het, hun hafði .xxx. vetra halldit hreinlifi eptir dauda bonda sins, en þau höfdu verit .xi. vetr saman. Hun hafði marga kristna menn i husi sinu, þa er flyd höfdu fyrir ofridi heidinna manna. En er Laurencius kom um nott i hus eckiunnar, þa þo hann fætr allra kristinna manna, þeira sem þar voru, ok þionadi þeim litillatliga. En eckian fell til fota Laurencio ok mællti: »Ek særi þik fyrir tru Kristz, at þu leggir hendr þinar yfir hofut mer, þviat ek hefi hōfutverki mikla.« En er Laurencius gerdi krossmark yfir hōfde henne i nafne Jesus Kristz, þa bættiz henne allz hofutverkiar. En Laurencius for ena somu nott þadan ok leitadi enn, hvar kristnir menn væri folgnir i husum eda hellum. Þa kom hann a bæ, þann er Ciriacus heitir, ok fann þar sionlausan mann þann er Crescencianus het, ok bad sa med tarum, at Laurencius gerdi krossmark yfir augum hans ok gæfi honum syn. Heilagr Laurencius mællti med tarum: »Drottinn Jesus Kristr, er upplaukt augu þess, er blindr var borinn, lyss þu þenna enn blinda mann.« Þa lukuz upp augu hans ok sa hann lioss. En Laurencius for brōtt þadan til bæiar þess, er Patritus heitir, ok fann þar þria menn ok .lx. i einu iardhusi, ok var med þeim Justinus prestr, sa er Sixtus pafe hafði vigdan. Hvor þeira vard odrum feginn, er þeir funduz, ok fell hvor² til fota odrum. Þa mællti Laurencius vit Justinum: »Lattu fyllaz vilia minn i því, at ek þvoi³ fætr ydra allra med minum hondum.« Justinus prestr svaradi: »Guds bodord er þat, verdi vili drottins Jesus Kristz.« Ok eptir þat þvo⁴ Laurencius allra þeira fætr, sem þar voru, ok kysti hann fætr Justini prestz. En er hann hafði þvegit allra þeira fætr, þa fal hann sig undir bænir prestzins ok skipti med þurfamōnnum fe því, sem hann hafði med ser, ok for sidan i brōtt.

35. En medan þessir lutir giorduz, þa var Sixtus pafi leiddr fyrir domstol keisarans med tveim diaknum sinum, ok mællti Decius vit hann med reidi: »Nyt þu gott ræd, þat er vær radum þer, ok blota.« Sixtus svaradi: »Rad þu þer sialfum heillt, vesall, ok lat af at lasta nafn drottins Jesus Kristz, ok idraz þess, er þu hellir ut blode heilagra manna.« »Ongum mun ogn at oss, sagdi Decius, ef þeim er eigi banat.« Walerianus svaradi: »Hoggvi haufut af haunum.« Felicissimus ok Agapitus mællto: »Ef þer, vesalir, villdut hlyda ordum fōdur vors, þa mætti þer fordaz eilifar

¹ Ciriacia B.² hvartvegi B.³ þvai B.⁴ þo B.⁵ FraSixto pava *Overskr. A.*

kwaler, þær sem ydr eru bunar.« Walerianus mælti: «Til hvers skulu þeir menn lifa, er oss heita kvölum? leiddit þa til Freys hofs ok hoggvit þa, ef [þeir vilja¹ eigi blota.« En er þeir voru leiddir a götu þa, er Appia heitir, þa leit Sixtus standa
5 skurdgodin a tvær hendr ser ok mælti: »Her standa likneski steinlig, blind ok dauf, er vesalir menn luta ok glata eilifu lifi, brioti þau Kristr son guds lifanda.« En er kristnir menn svorudu ok kvodu amen, þa fell ofan mikill hluti Freys hofs, ok brotnudu skurdgodin, er undir urdu². Þa kom Laurencius þar at ok mælti:
10 »Fyrirlattu mik eigi nu, heilagr, því at ek sa fyrir fe því, er þu selldir mer.« En er riddarar heyrdur getit fiarens, þa gripo þeir Laurencium ok selldu hann domanda þeim, er Parthemius het. En þeir leiddu Sixtum pafa ok diakna hans Felicissimum ok Agapitum i Freys brecku hia hofinu, ok hiuggu þa þar alla enn
15 setta dag³ manadar þess er Augustus heitir. En kristnir menn foru um nottina ok toku a brott likami þeira ok grofu Sixtum pava i kirkiugardi Calisti, en þeir grofu diaknana i kirkiugardi Pretextati.

44. Eptir þetta sagdi Parthemius Decio konungi, at Lauren-
20 cius diakn Sixti pava var handtekinn, sa er fohirdzlur hans⁵ vissi. Decius vard því feginn ok bad færa ser Laurencium ok mælti vit hann: »Hvar ero kirkiufe þau, er menn segia þik vita?« Laurencius svaradi eingu ordi. Þa selldi Decius Laurencium Valerianum⁶ greifa ok mælti vit hann: »Spyrdu hann vandliga
25 at⁷ kirkiufe, ok þreyt hann til blota, ok lat kvelia hann til bana, ef hann blotar eigi.« Walerianus selldi þeim manne Laurencium til vardveizlu, er Ypolitus het, en sa lokadi⁸ hann i því husi inni, er margir menn voru adrir inni byrgdir. Þar var inni einn heidinn madr sionlaus ok het Lucillus, en hann hafdi af akafligum
30 grati mist synar sinnar. Laurencius mælti vit hann: »True þu a drottin Jesum Krist ok lat skiraz, ok muntu þa fa syn þina.« Lucillus svaradi: »Leingi hefir ek fuss verit til at lata skiraz i nafne Jesus Kristz.« Laurencius mælti: »True þu af ollu hiarta.« Lucillus svaradi med tærum: »True ek ~~aa~~ Jesum Krist ok neiti
35 ek skurdgodum.« Ypolitus stod uti ok hlyddi til mals þeira. Þa primsignði Laurencius Lucillum ok vigdi vatn ok skirdi hann sidan: »Truer þu, Lucille, a gud fodur almatkan ok a Jesum

1 [*saal. B*; þer vilit *A*. 2 voru *B*. 3 viku tilf. *B*. 4 Fra Decij(!) ok Laurencio *Overskr. A*. 5 vardveitti ok tilf. *B*. 6 *saal. ogsaa B*. 7 um tilf. *B*. 8 lauk *B*.

Krist son hans, þann er pindr var ok grafinn ok reis upp af dauda æ þridia degi ok ste til himens ok sitr nu til hægri handar guds födur, ok mun þadan koma at dæma¹ lifendr ok dauda, ok hann sialfr mun lèysa önd þina ok likama?« Lucillus svaradi: »True ek þesso ollu.« Þa lukuz upp aughu hans, ok kalladi hann ok mællti: »Lofadr se drottinn Jesus Kristr, sa er mer lysti fyrir bæn Laurencij, þviat ek se nu, en ek hefi leingi blindr verit.« Margir blindir menn komu til hus Ypolití, þeir sem þetta spurdu, ok gerdi Laurencius krossmark yfir augum þeira, ok urdu þeir þegar heilir. En er Ypolitus sa þetta, þa mællti hann vit Laurencium: »Syndu mer kirkiufe.« Laurencius mællti: »Ef þu truir a gud fodur ok son hans Jesum Kristum drottin vorn, þa munda² ek syna þer sannan gud ok heita þer eilifu lifi.« Ypolitus mællti: »Ef þu efnir þat, er þu heitr, þa mun ek giöra þat er þu fysisir³.« Laurencius mællti: »Hlyd þu mer ok lat skiraz, þviat skurðgod ero ongu nyt.« Þa primsigndi hann Ypolitum ok skirdi sidan. En er Ypolitus ste upp or skirnarbrunni, þa kallade hann ok mællti: »Nu sa⁴ ek andir rettlatra fagna i dyrd, af því særi ek þik, Laurenti, fyrir drottin Jesum Kristum, at þu skirir oll hiu min.« Þa voru skirdir .xix. menn i husi Ypolití bædi⁵ konur ok kallar⁵.

56. Þa sendi Valerianus greifi ord Ypolito, at hann leiddi Laurencium til hallar sinnar. En er Ypolitus sagdi Laurencio þessa ordsending, þa mællti hann: »Förum vit badir, þviat nalgazt dyrd ockur.« En er þeir komu badir til hallar, þa mællti Valerianus vit Laurencium: »Legg þu nidr þriotzku⁸, ok sel oss kirkiufée, þau sem þu hefir hendr yfir.« Laurencius svaradi: »Gef þu mer tveggia daga frest eða þriggia, ok man ek syna þer feen.« Walerianus mællti vit Ypolitum: »Hafi hann tveggia daga frest i þinu vardhalldi.« Þa samnadi Laurencius i hus Ypolití voludum³⁰ mönnum, hölltum ok blindum ok siukum. En Walerianus sagdi Decio, ath Laurencius hafdi heitit annan dag eða enn þridia at syna kirkiuféen. En er Laurencius kom enn þridia dagh til konungs hallar, þa mællti Decius vit hann: »Hvar ero þau fe, er þu hetz at syna oss?« Þa leiddi Laurencius inn i hollina með³⁵ ser fiolda manna voladra, þeira er hann hafdi samnat [i hus⁹ Ypolití, ok mællti: »Her ero kirkiufe, þau er allðregi þverra helldr

¹ um tilf. B. ² mynda B. ³ eggjar B. ⁴ se B. ⁵ karllar B.
⁶ Fra Ypolito ok Valeriano Overskr. A. ⁷ saal. B; sendi A.
⁸ þina tilf. B. ⁹ [saman i husi B.

vaxa til eilífrar dyrdar þeim, er þau vardveita.« Walerianus mælti: »Hvat þarf nu langmælis, blota þu godum ok lat af fiolkyngi þeire, sem þu treystir.« Laurencius svaradi: »Fyrir því fíflir þu diöfulsmadr fyrir hygnum mönnum, svo at þu þorir ath
5 beida¹ kristna menn, at þeir bloti skurdgodum? Syniz ydr þat rett, ath wær lutim likneskium diofla helldr en skapara allra hluta synilígra ok osynilígra, edr hvorn skal helldr göfga, þann sem giordi edr þann sem ger er. [Decius mælti: »Hverr er gerr eda hverr gerdi?« Laurencius svarar²: »Gud fadir drottins mins Jesus Kristz er
10 skapari himins ok iardar, manna ok dyra, fiska ok fugla ok allrar sköpnu, en þu bydr oss at [blota likneski³ blind ok daufr.« Þa reiddiz Decius ok let beria Laurencium svipum: »lat af þu at lasta god vor.« Laurencius svaradi: »Þackir geri ek gudi minum, er mik samteingir bræðrum minum; en þu kvelst, vesall madr, nu
15 i reidi þinni en ek i pislum minum⁴.« Decius mælti: »Synit þer honum oll pislakyn, ath hann hrædiz ok bloti.« Þa voru þangat bornar gloandi steingr, iarnsvipur ok reckia⁵ gior af blyi. »Þessar allar pislir munu snuaz æ þik ok þinn likama, nema þu blotir.« Guds kappi svaradi: »Þessa krasa hefir ek avallt⁵ fuss
20 verit, þvíat þat eru þer kvalir en oss eilíf dyrd.« Decius mælti: »Ef ydr er þetta dyrd, þa segdu, hvar fölgfir ero fleiri þínir íafningiar, ath þer komit allir saman til dyrdar.« Laurencius svaradi: »Ritud ero nöfn þeira a himne, en þu ert eigi verdr at koma i augsyn þeim.« Decius mælti: »Syndu oss alla kristna
25 menn, at hreinsaz megí borg vor, ok blotadu sialfr ok lat af at treystaz i fe því, er þu hefir ath vardveita.« Laurencius svaradi: »Auröggr em ek af fehirdzlum þeim, sem ek hefi.« Decius mælti: »Ætlar þu, at feit muni leysa⁶ þik fra pislum?« Lauren-
cius svaradi: »Auruggr em ek þræll Kristz, ok helld ek traust
30 Jesus Cristz ath audæfum.« Þa reiddiz Decius ok let beria hann stongum. En heilagr Laurencius mælti vit Decium: »Skildu, vesall madr, at audæfi Kristz gefa mer sigr, ok kenni ek eigi kvala þinna.« Decius mælti vit kveliarana: »Aukit þer kvalirnar ok halldit at sídum honum gloöndum iarnspaudum.« Þa leit
35 heilagr Laurencius til himins ok mælti: »Drottinn Jesus Kristus gud af gude, miskunnadu mer þræli þínum, þvíat ek neitta þer eigi, þa er ek var rægdr, ok iatta ek þer, drottinn, þa er ek var spurdr.« Decius mælti vit hann: »Se ek, at þu matt deyfa kvalir

¹ bidia B.² [tilf. B.³ [gaufga skurgod B.⁴ tilf. B.

med folkyngi þinni, en þeygi mantu mik um tæla; sver ek vit gud ok gydior, annattveggia at þu skallt blota eda elligar pindr vera fleirum pislum en hverr madr annarra.« Laurencius svaradi: »I nafni drottins mins hrædumzt ek eigi kvalar þinar, gior þu þat er þu girnizt, ok lat eigi af.« Þa let Decius beria hann langa 5 stund med blyknappa svipum. Þa mællti heilagr Laurencius: «Drottinn Jesus Kristr, er a þik tokt þræls likama fyrir heilsu vora, at þu leystir oss fra þrælkan diofla, tak þu nu anda minn.« Þa kom rodd af himni, su er Decius heyrdi, ok allir þeir er hia stodu: »enn attu fyrir hondum margar pislir til sigrs þer.« Þa 10 fylltiz Decius reidi mikillar ok mællti: »Heyrdu þer, Romaborgar spekingar, hverr fianda fagnadr er yfir þessum manne, er hvorki hrædiz god ne hofdingia ne kvalir eda dauda. Af því pinit þer hann enn ok berit med iarnsvipum ok festit i stagll.« Þa brosti Laurencius ok mællti: »Lofadr ertu drottinn gud fadir drottins 15 mins Jesus Cristz, er oss gaft miskunn overdum. Gef þu oss þann krapt fyrir milldi þina, at allir, þeir sem hia standa, viti at þu huggar þræla þina.«

6. A þeiri stundu tok tru einn af riddorum konungs, en sa het Romanus, ok mællti vit Laurencium: »Se ek yfir þer enn 20 biartazta mann, þann er med hreinum duki fægir sar þin; af því særi ek þik fyrir Krist, þann er sendi eingil sinn til þin, at þu fyrirlatir mik eigi.« Decius mællti vit Valerianum: »Yfir erum vær stignir af folkyngi þessa manz.« Þa leitadi Romanus færís, ef hann mætti skiraz af Laurencio. En er Laurencius var selldr 25 Ypolito til vardveizlu, medan þeir Decius ok Valerianus redu um, a hveria lund þeir skylldu pina, þa kom Romanus med sa fullan vatz ok fell til fota Laurencio ok bad hann skira sik. Þa vigdi Laurencius vatn ok skirdi Romanum. En er Decius spurdi þat, þa let hann þegar taka Romanum ok leida fyrir domstol sinn. 30 Hann kalladi þegar, er hann kom i augsyn konunginum, ok mællti: »Kristinn em ek.« Decius let þegar leida hann ut or borginni ok hoggva æ stræti því, er Salaria heitir. En Justinus prestr tok likama hans um nottina eptir ok grof i akre þeim er Veranus heitir. En ena somu nott sendu þeir Decius ok Valerianus ord 35 Ypolito, at hann leiddi Laurencium til þeira. Þa vard hann ogladr ok felldi tar. Laurencius mællti vit hann: »Eigi skalltu grata helldr fagna, þvíat ek fer til dyrdar guds.« Ypolitus mællti: »Fyrir hvi skal ek eigi fara ok segiaz kristinn ok deya med þer?«

Laurencius mællti: »Fel þu Krist i hirdzlu ens idra manz um stund, en ek man þik kalla litlu sidarr, ok heyrdu þa ok kom.»

- 7.¹ En er heilagr Laurencius var leiddr fyrir Decium, þa let keisarinn bera fyrir domstol sinn öll pislakyn, blysvipur ok stangir ok iarnkroka ok brandreid ok gloandi iarnspada, ok sidan mællti hann vid Laurencium: »Legg nidr þu fiolkyngi þina ok seg, hvers kyns þu ert.« Laurencius svaradi: »Af Ispanialandi em ek at kyni, en fæddr i Romaborg, verit alla æfi kristinn ok numit öll guðligh² laug.« Decius mællti: »Hvat kantu god log, er þu göfgar eigi godin? Blotadu godunum, eda ella man sian³ nott yfir þik stiga i pislum 3.« Laurencius svaradi: »I nafne drottins mins Jesus Kristz [man ek eigi ugga⁴ pislir þinar; nott min hefir eigi myrkr, helldr birtir hon allt i liosi.« Þa let Decius beria grioti i andlit honum. Laurencius styrktiz ath meir ok mællti: »Þackir 15 geri ek þer, drottinn, þviat þu ert einn almattigr gud.« Decius mællti: »Buit þer reckiu þessa ens þragiarna manz, sem ydr er bodit.« Þa var þangat borin iarnreckia, er gior var æ brandreidar mynd, ok stig⁵ undir, ok var hun sett yfir glædr. [En Laurencius var lagdr æ brandreidina i augliti Decij ok Valeriani, ok þrystu 20 kveliarar honum med iarnspødum upp æ brandreidina ok baro glædr⁶ undir. Þa mællti Laurencius vit Decium: »Nu hefi ek mik sialfan fært i forn gudi, þviat pindr andi er þeck forn gudi, en þu, vesall madr, vit þat, at glædr þessar vinna mer hægindi en þer eilifa kvöl, þviat drottinn veit⁷, at ek neitta honum eigi, 25 þa er ek var rægdr, ok iatta ek honum, þa er ek var spurdr, ok nu geri ek honum þackir, er ek em steiktr.« Valerianus mællti: »Hvar er elldr sa, er þu heitr oss ok godum vorum, man hann eigi þik brenna helldr en goden?« Laurencius svaradi: »Fyrir hvi skilit þer eigi, vesalir menn, at glædr þessar gera mer hvilld 30 en eigi bruna.« Allir undroduz styrk Laurencij en grimmleik Decij, er hann let steikia kvikan mann. Heilagr Laurencius mællti: »Þackir geri ek þer, drottinn Jesus Kristr, þviat þu styrktir mik.« Þa leit hann i gegn konunginum ok mællti: »Nu em ek steiktr odrum megin, snudu nu a adra hlið, ok et.« Þa 35 leit hann enn til himins ok mællti: »Þackir geri ek þer, drottinn minn Jesus Kristr, þviat ek⁷ nada inn at ganga i þina höll.« Þa kom rödd af himni svo mælandi: »Kom þu, enn trausti vin, ok taki þik einglar minir.« Eptir þat for su en blezada sala ut af

1 Pislir Laurencij ok andlat *Overskr. A.* 2 kristin *B.* 3 kvalum *B.*

40 4 [hræðumzt ek eigi *B.* 5 stigi *B.* 6 [tilf. *B.* 7 tilf. *B.*

likama hans. En er Laurencius var andadr, þa gengu þeir Decius ok Valerianus til hallar ok letu liggja likama hans á brandreid yfir glodum. En Ypolitus tok þadan likamann ok bjó um vandliga med hreinum dukum ok ilmondum smyrslum, ok gerdi hann ord Justino presti ok sagði, hversu dyrliga Laurencius for af þessum heimi, ok sva hversu grimliga þeir Decius ok Valerianus luko vit hann ok letu liggja likama hans yfir glodum. En þeir Justinus ok Ypolitus færdu likama¹ heilags Laurencij til² bæiar eckiu þeirar, er Kiriaka het ok Laurencius hafði grædda fyrrum af hofutverkium. En at kvelldi grofu þeir likama hans hia götu þeiri, er Tiburtina heitir, ok fostudu þria daga med miklum fíolda kristinna manna ok helldu med miklum hryggileik minning pislar heilags Laurencij. Sidan sǫng Justinus prestr messu, ok toku allir corpus domini, þeir sem at þeiri messu stodu.

8.3 Eptir þetta for Ypolitus heim ok gaf frelsi ollum þrælum sinum ok ambattum. En er bord voru sett, ok fyrr en hann tok til matar, þa komu riddarar ok toku hann hondum ok leiddu fyrir Decium keisara. En er Decius sa hann, þa brosti hann ok mællti: »Ertu eigi ordinn fiolkunnigr af Laurencio, þar sem þu groft likama hans?» Ypolitus svaradi: »Þat gerda ek eigi svo sem fiolkunnigr, helldr svo sem kristinn.« Decius reiddiz þegar, ok let beria grioti i andlit honum ok let færa hann or klædum ok mællti: »Lattu at bodordi minu ok blota godum, ok lifi ok haf syslu.« Ypolitus svaradi: »Eigi nauktir þu mik, helldr klæddir þu mik.« Decius mællti: »Heimskr madr ertu ordinn, er þu skammazt eigi, at þu ert berr⁴.« Ypolitus svaradi: »Spakr em ek nú ok kristinn, en þa var ek ovitr, er ek truda skurdgodum.« Decius mællti: »Blotadu ok life, ef þu vill eigi fyrirfaraz i kvól sem Laurencius.« Ypolitus svaradi: »Verdi sva vel, at ek fara eptir hans dæmum; en þer er diarfiikt at nefna guds vin med saurgum munni.« Þa reiddiz Decius ok let stǫngum beria Ypolitum. Ypolitus hlo at þeim, er hann bordu. Þa mællti Decius, at þeir skyllði beria hann med iarnsvipum. Kveliararnir mædduz⁶, er þeir bordu Ypolitum. En Ypolitus styrktiz at meir ok mællti: »Kristinn em ek.« Þa let Decius skryda hann riddarabuningi, þeim er hann hafði, þa er hann var heidinn, ok mællti vit hann: »Minztu riddarasyslu þinnar, þeirar sem þu hafdir, ok ver vinr vor sem fyrr ok blota.« Ypolitus svaradi: »Kristz riddari em ek, ok mun ek

¹ lik B. ² kirkiu ok tilf. B. ³ Vitræða Decij ok Ypoliti Overskr. A.

⁴ naucktr B. ⁵ ordinn tilf. B. ⁶ saal. B; hrædduz A.

honum avallt þiona, ok fysumzt ek ath fara til hans med sigri.«
 Þa mællti Decius vid Valerianum: »Tak þu vit aurum hans ollum
 ok bana honum med grimmum dauda.« Þa let Valerianus leida
 Ypolitum fyrir domstol sinn ok oll hiu hans, er kristin voru vordin.
 5 I því lidi var fostra Ypoliti, en hun het Concordia. Þa mællti
 Valerianus vit þau: »Hyggit þer ath kosti ydrum, at eigi farizt
 þer med Ypolito drotne ydrum.« Concordia svaradi: »Vær fysumzt
 at deya hreinliga med drotni vorum helldr en lifa uhreinliga med
 þer.« Valerianus mællti: »Þrælakyn ma eigi odruviss¹ heima en
 10 med bardaga ok kvolum.« Þa let hann beria Concordiam med
 blysvipum til bana. Ypolitus stod hia ok mællti med fagnadi:
 »Þackir geri ek þer, drottinn, þvíat þu sendir fostru mina fyrir
 mer i sveit heilagra manna þinna« Walerianus mællti vit
 Ypolitum: »Treystiz þu enn folkyngi þinni ok hlydir eigi bodordum
 15 höfðingia ok gauftar eighi godin.« Þa let Valerianus ut leida
 Ypolitum med ollum hium sinum a götu þa, er Tiburtina heitir.
 Þa mællti Ypolitus vit hiu sin: »Hrædizt eigi þer² brædr, þvíat
 vær höfum oll [einn drottin³.« Þa let Walerianus hoggva oll
 hiun⁴ Ypoliti fyrir augum honum, ok voru þar högnir allz .xviii.
 20 menn bædi karlar ok konur. En hann let binda fætr Ypoliti vit
 hals otömdum hestum ok let reka þa sidan i klungr ok þyrni. En
 er heilagr Ypolitus var svo dreginn, þa let hann ond sina þrim
 nottum sidar en Laurencius. En Justinus prestur kom ena sömu
 nott ok grof likame þeira, sem haugnir voru, æ þeim enum sama
 25 velli, sem þeir voru högnir. En þeir Decius ok Valerianus letu
 kvedia þings⁵, til þess at þeir mætti taca alla kristna menn, þa
 er til spyrdiz. En er þeir stigu or kerrum sinum, adr þeir gengu⁶
 til motz, þa varð Decius gripinn af dioffi, ok kalladi hann: »Þu
 Ypolite, bundit hefir þu mik elldligum rekendum ok herleiddan.«
 30 Valerianus kalladi ok mællti: »Ek særi þik, Laurenti, at þu lettir
 kvöl minni nockura stund.« Þa giördiz gratr mikill i konungs
 holl. En Triphonia kona Decij var heidin, en er hun sa Decium
 kveliaz af dioffi, þa let hun leysa alla kristna menn, þa sem i
 höftum woru. Ok er Decius var daudr, þa for Triphonia kona⁷
 35 hans ok Cirilla dottir þeira, ok fellu þær til fota Justino presti ok
 badu hann skira sig. Hann tok feginn vit þeim ok baud þeim
 .vi. dægra⁸ fostu ok skirdi þær sidan. Enn næsta dag eptir var
 Triphonia æ bænum ok andadiz, en Justinus prestur grof likama

1 audruvissi B. 2 er B. 3 [saal. B; ein brot A. 4 hiu B.

40 5 motz B. 6 færi ok gengi B. 7 drottningh B. 8 dagha B.

hennar i því iardhusi, sem hann hafði grafit Ypolitum. Ok er riddarar spurdu, ath þær Triphonia ok Cirilla höfdu tekit vit tru, þa komu þeir .vi. ok .xl. með konum sinum ok fellu til fota Justino presti ok beiddu skirnar. En hann færði riddarana Dionisio pafa, er þa var kosinn eptir Sixtum, ok skirdi hann þa. En 5 Klaudius konungr let taka Cirillam dottur Decij ok þessa riddara .vi. ens fimta tigar ok let höggva þau oll, er þau höfnudu¹ blotum. En Justinus tok líkame þeira ok grof Cirillam hia modur sinni Triphonia, en riddarana a götu þeiri, er Salaria heitir. Ok þar, sem þeir voru högner, verða margar iarteinir af bænum þeira allt 10 til þessa dags i nafni drottins vors Jesu Kristi, þess er með fedr ok helgum anda lífer ok ríker [einn guð i algjörri þrenningu² um allar alldir allda. Amen.

¹ neitudu *B.* ² [guð *B.*

LUCIE SAGA.

(*Cd. Holm. 2 folio*).

Saga Lucie meyar.

Frægd Agathe meyar for um alla Sikiley, ok sotti folmenni
5 mikit til borgar Agathe meyar, er Catanensis heitir. I þeiri för
foru þangat til hættidarhalldz mædgur tvær göfgar Lucia mær ok
modir hennar Euticia, su er fíora vetr hafði blodsott hafða ok
matti eigi læknuð verða. En þa er þar var gudspíall þat lesit i
messu, er kona su varð heil af atekningu trafa klæða drottins
10 mins, er slíka vanheilso hafði haft, sem Euticia hafði, þa mællti
Lucia: »Ef þu truir, modir, gudspíalli þessu, er nu var lesit, þa
trúi þu því ok, at þu munt heilso taka af arnadarordi Agathe, er
pind var fyrir guds nafni. Kom þu til grafar hennar, ok mant þu
leysazt.« En eptir tídir fellu þær þar til bænar báðar mædgur
15 ok báðuz fyrir með tárurum. Þa rann höfgi a helga Luciam æ
bæninni, ok sa hun Agatham æ milli heilagra eingla i himni
standa, ok mællti hon sva: »Systir Lucia gudi godfuss, hvi bíðr
þu mik, er þu matt þegar veita modur þínne af tru þínni, ok er
hun nu heil ordin; ok svo sem Katanensis borg vegsamaz af Kristi
20 fyrir mik, svo mun Siracusa borg fyrir þik, þvíat þu hefir unadliga
bygd buit gudi i hreinlífi þínu.« Þa reis Lucia upp hrædd ok
mællti: »Nu ertu heil ordin, modir, fyrir Agatham, er þik græddi
med bænum sínum. Bíð ek, at þu gefir mik eigi manni, en fe
þau, er þu ætladír mer til heimanfylgiu, gef þu mer nu til forrada,
25 er ek giptumz gudi drotni mínum Jesu Kristo.« Euticia svaradi:
»Födurleífd þína, síðan fadír þinn andadizt fyrir .ix. vetrum, hefi
ek helldr æxta en þverða, en þu veitst fiareign mína, ok gíor þu
slíkt or fe þessu sem þu villt eptir mínn dagh.« Lucia mællti:
»Hlyd þu ráði mínu, modir, gef þu svo gudi fe þitt, at þu sert

heil, eigi er þat gudi þægt, at madr vili þa fyrirlata, er hann mæ eigi niota, þvíat eigi mattu þat hedan fra hafa.«

2. Sidan komu þær heim, ok takaz upp fiarlög ok ölmosugædi mikit vit fataka menn hvern dag, ok kemr þat til eyrna festarmanni Lucie. En sa grof at vit fostru Lucie, hvort þat væri. En hun svaradi med varud ok mælti: »Brudr þin hitti a þa eigu, er meira avoxt tekr af en hverra annarra, ok vill hun at þeiri komazt fyrir þina hönd.« Þa tok sia madr því helldr at beina ok at veita, ok trudi þat iardneskan kaupskap þa fyrst, en sidan er hann vissi, at fe þessi voru gefin frændlausum ok fæ-
tækum monnum ok eekium felausum ok utlendum mönnum ok
gudi þionondum, þa bar hann hana i rog vit Paskasium iarll ok
kvad brudi sina kristindom hallda i moti lögum keisara. En
iarllinn let hana neyda til blota. Heilög Lucia svaradi iarllinum:
»Sia forn er fyrir gudi hrein ok osaugud at hugga eckiur ok
födurlaus i harmi þeira; ek hefi ecki annat gert þessa þria vetr
nema fært gudi þvílika forn. Nu af því at ecki er annat til, þa
færi (ek) mik sialfa lifandi forn gudi, ok giöri hann þat af forn
sinni þessi, sem honum likar.« Paskasius mælti: »Slik ord mattu
mæla fyrir kristnum manni nockörum en ecki fyrir mer, er hofd-
ingia doma vardveiti.« Lucia mælti: »Þu hygg æ dæmi ok
lög höfdingia, en ek hygg a guds laug; þu hrædiz höfdingia, en
ek hrædumz gud; þu vill eigi þa þer reida, en ek vil eigi gud
mer reidan; þu girnizt þeim ath lika, en ek girnumzt gudi einum
at lika; þu giörir þat, er þu ætlar þer hallkvæmt, en ek geri þat,
er ek veit mer nytsamligt.« Iarllinn mælti: »Födurleifd þina
hefir þu borit æ byrgismenn þina, ok mælir þu af því sem port-
kona.« Lucia mælti: »Födurleifd mina hefi ek sett i öroggan
stad, en þydz alldregi spillendr hugskotz ok likama mins.« Paska-
sius mælti: »Hverir eru spillendr hugskotz ok likama?« Lucia
mælti: »Þer erut spillendr hugskotz ok likama, sem postolinn
sagdi: spilla ill mæl goda sidu; þer teygir andir manna fra skapara
sinum til skurdgoda blotz. En spillendr likama eru þeir menn, er
litillar stundar munud taka ok missa þar fyrir eilifra fagnada.«
Paskasius mælti: »Þriota mun ord þin þessi i bardogum.« Lucia
mælti: »Ord guds man alldregi þriota.« Paskasius spurdi: »Ertu
gud?« Lucia svaradi: »Ambatt guds em ek, ok sagda ek af því
svo, at gud mælti svo sialfr: eigi mælit þer i augliti domanda,
helldr mælir heilagur andi med ydr.« Paskasius mælti: »Er heilagur

andi með þér ok mælir fyrir þik?« Heilög mæir svaradi: »Þóttolinn sagði, at hreinlifismenn væri musteri heilags anda, ok byggvir heilag andi i þeim.« Iarllinn mælti: »Ek man lata leida þik til portkvenna huss, ok fyrir saurlifi þitt, þat er þu skalt þar fremia, 5 man flygia frá þér heilag andi.« Lucia mælti: »Alldri saurgæzt likaminn nema af samþykki hugarins; þó at þu letir kasta æ glædr fyrir god þin reykelisi or hendi minni oviliandi, þa mundi gudi minum þat brosligt þickia, þvíat gud dæmir at vilia manzins. Nu man mér verða dyrdar auki at ollu því, er þu naugar mér 10 til.« Paskasius mælti: »I þeiri osæmd skaltu lifit lata, nema þu lifir at lögum keisara.« Heilög Lucia svaradi: »Sagða ek þér adan, at þu skalt alldregi fæ samþykki mitt til syndar, ok mun af því at öngu meini koma guds ambattu, hvat sem þu giorir likamanum.«

15 3. Þa selr iarllinn hana i hendr monnum þeim, er fe toku a konum til saurlifiss, ok bað hana leida til portkvenna hus ok baða þangat monnum til, ok kvæð hana þar skylldu deyia. En sidan er þeir villdu hana þangat draga, þa styrkti hana sva heilag andi, ath þeir mattu hana hvergi hræra. Þa gengu þeir ath sveittir 20 með ollu, ok höfðu eeki þar at giöra. Þa baro þeir festar æ hendr hennar ok fætr, ok knuduz at allir at draga hana, ok stóð hun svo fast sem fiall. Þa tok iarllinn illa at kunna þessu ok bað galldramenn ok allan blotmanna afla at færa hana or stað með raðum sinum. En hun var svo föst, at eigi mætti helldr 25 hræra klæði hennar en sialfa hana. Þa let iarllinn steypa yfir hana hlandi, ok trúi þetta allt folkyngan krap. Sidan voru öxn margir fyrir beittir, ok hafði þó eeki at sök at hræra hana. Þa mælti Paskasius: »Hvat folkyngi er þetta?« Lucia mælti: »Þetta er eigi folkyngi min, helldr ero þetta velgiorningar guds.« Iarllinn 30 mælte: »hvern veg mæ þess vera, at ein mættliti mér megi eigi hrærd verða af þusund manna.« Heilögh Lucia svaradi: »Þó at þu latir til koma adrær .x. þusundir, þa munt þu mega heyra frá mér sagt, at þusund manna man falla æ annan veg frá mér, en a hægra veg minn tíu þusundir.« Iarll tok þa at kveliaz svo af 35 skemd sinni, at opi slo a hann. Þa mælti en sæla mér vit hann: »Hvi kvelz þu svo miök, hvi æðiz þu svo allr? Trúi þu mik vera guds musteri, ef þu hefir reynt, en lat þér nu skiliaz, ef þu hefir enn eigi reynt.« En iarllinn kunni þessu því verr, sem hann sa sig mér hleginn.

40 4. Sidan let hann kynda elld umhverfis hana ok let kasta

yfir hana adr vellanda vidsmiori ok tiöru ok bike. En hun stod i sömum sporum i nafni drottins Jesus Kristz ok mællti: »Ek bad drottin minn Jesus Krist, at elldr sia skyldi eigi granda mer, at þeir allir er treystaz gudi megi þik at hædngu hafa, iarll; ok af því bad ek nöckurrar dvalar a pisl minni, at ek mætta a brótt 5 taka pislar otta af trúföstum mönnum, ok þeir er eigi trua hafvi ecki at oss hlæia.« Þa veittu vinir iarlzins meyiunni sár, en hun badz þó fyrir, medan hun villdi. »Nu er sva ath segia, kvad hun, at nu er fridr gefinn kristni guds i dag, Dioklecianus er nu rekinn af ríkinu, en Maximianus er daudr; ok svo sem Agatha er 10 formælandi þess folks vit gud, er Katanensis borg byggir, svo skal ek trúfostum monnum vera i þessi borg.« En er guds ambatt mællti þessa hluti i sárum, þa var iarllinn leiddr fyrir augu henne iarne bundinn ok fluttr til Romaborgar ok þar til draps dæmdr fyrir rangsemi sina. En guds piningarvottr Lucia i þeim stad 15 enum sama, sem hon hafdi sár feingit, let koma til sin kennimenn ok tok af þeim corpus domini, ok for sia en helgazta mæ sva hedan af heimi gudi til handa. Þa var smidut kirkia til dyrdar henne, ok helldz þar blomi bæna hennar um alla æfi.

MALCUS SAGA.

(Cd. 764^a qv.).

Her byriaz saga heil[ags] Malci.

Þessa sögu segir heilagr Jeronimus af munk einum, er Malcus
5 het, en hann hefir sva ræðu sína: Þá er ek fór um allt Egiptaland,
er fullt var af hreinlifismonnum, fann eg marga goda firi.
Ek hafði ætlat, segir sæll Jeronimus, at rita um drottins vars
higatkvamu ok um kristnina, er þá 'it fýsta hafði upp hafiz; en
adr ek hefi sva aurdigt verk ok agiætt, villða ek freista min i
10 hinum lægrum hlutum ok smærrum verkum, þat er at ræða um
þenna goda mann, er Malcus het. I ferd minni, er ek fór um
Egiptaland, helga stadi ok heilagra manna lif at kanna, þá kom ek
til eins tuns er Maronia het, naliga .xxx. mílna frá Antiochia. I því
tuni fann ek i koti nuckuru mann þann, er Malcus het, ok i sama
15 koti með honum var kerling nuckur afgomul. Ok er heilagr Jeronimus
leitadi við marga menn gamla ok froða, hvi þau byggi sier
.ii. samt, hvart til þers geingi nuckur naudsýn eða frænsemi eða
hiuskarparband eða saluburft, þá skildi hann þat af allra ansvorum,
hvegi morgu hveirr svarar, at fafroðr væri um þeira vidskipti. Þá
20 reid Jeronimus til ok ræðði við sialfan Malcum ok frietti, hvadan
hann væri, eða hvert hans athæfi væri, eða hvert verid hefði. En
hann svaradi:

Fadir minn atti land við borg þá, er Ninive hin min[ni] heitir,
atti hann ok modir min goda kosti, ok var eg þeim einberni;
25 þeim var a mer mikil ast ok virkt, ok ólu þau sér um mik mikla
sorg, hvat þess skildi firi mer radaz, at hellz væri nuckurr langframi
a ok stadfesta, ok villdu rada mer kvanfang. Ek neitaða því,
ok sagða ek minn vilja standa til at vera munkr. Eftir þetta
vart víðrtal, með því at millt er modur hiarta, mætta eg oft af

henni blidum fortaulum ok miukri bæn, at ek skilldi sa(m)þyckia kvanfanginu. En þat flekz eigi af mer, ok friliet ek þa bædi faudur ok modur, fe ok frænndr, gull ok gersimar, ok allar eignir, er ek stod til. Nu geck ek brott felaus nema nest ok þo litid, sottag eydimork til munka nuckurra, ok beiddumz ek af þeim vidrtoku. Þeir iattu mer því. Giorda ek sidan sem þeir, vann ek til matar mer, ok þiadi ek likam minn ok likams fystir med starfi ok morgum odrum pislum. Þockuduz¹ mer brædr þeir, er þar voru, ok sva ek þeim ok mitt athæfi. En þa er margir vetr lidu med sliku athæfi, skiptiz skaplyndi mitt ok braz i hatt annan. Þar til hafdi mer eeki iamkiaert verid sem renna eeki aftr hug til fedr eda mædr²; fadir min var þa dauþr, er þetta kom i briost mer. En nu kom su ætlan at mer at ræda vid sialfan mig sva: »Lit a þitt mæl, Malce, vanliga ok grein giorsamliga, hvart eda hvart þu hyggst at gera, ok þo at þer se nu sem her til eeki iam- skapfelld sem her at vera, er nu ertu kominn, þa hanndvæt þu vilia þinn vidr þig eda naudsyniar, er a adra hond ero³, fær saman hvartveggi, ok sia hvarir fle(i)ri ero, ok lat þangat vellta hug þinn, sem þar firi ero fleiri ok naupsyniar meiri. Nu er fadir þinn frafallinn, en modir þin sitr eckiulifi, hefir hon nu fe en forrædi eingi; stutt verda kvenna alit firi utan annars hialp ok asia firi at rada storum lutum, ok eigi vist, at hon fai sin sva giætt, at glæpalaust se vid gud eda hroplaust vid menn; oft fellr a konur hrop med tilverka, oft gerir ok ofund kvenna klatr, ok illzku hatr illt ordlag firi utan verdleika, ok er konum sin vannt at giæta; audfeingnir ero þeir, er a leita konur. En hvat er nu annat, en fe þat er i haska, ok þar er hon i abyrgdum, ok tyniz þar mikill fiarlutr, er til mikilla nytia mætti koma, ef heil rad kiæmi til ok forsia. Mættir þu, ef þu aftr hyrfir, heil ræd leggja firi mædr þina; mikil hialp mætti geraz af þeim fiarlutum fataekum monnum ok heilogum stodum; mættir þu, ef ek aftr hyrfi, taka salubot, modir þin heilrædi, frændr⁴ þinir hialp, helgir stadir ok vansamenn, sal fodr þins fagnat ok sva sialfs þins. Hvat leggr þu a mot þersu, Malce, ne(m)a þat eitt, at þu helpr þer, en hina hialpina leggr þu at baki þer, er vidara breidiz ok til fleiri manna tekr, ok er þat hætt, at þetta verdi midr at gagni, þvíat her er einum vid hialpat en hinnig morgum.« Nu var slikt ætlan min, brodir, sem nu hefir þu heyrt, ok stod þo eigi i einu(m) stad fost. Oft gerda ek mer þat i hug: «Ef þu stadfestir þetta i hug þer,

¹ þockudumz Cd.² sem tilf. Cd.³ ert Cd.⁴ frændi Cd.

Malce, mun eigi þa mál þitt með abyrgdum. Nu er geigan í hug þínum, ok hætt at síe með haska, þottiz þu firi skommu með því einu mega gledia sal þína at firilíta þat allt, er nu villtu¹ til líta. Er eigi sva nu, sem þu kallir þer rangt þat, er þu kalladir 5 þa riett, en þat riet, er þer þotti þa onytt? Er eigi borgid ollum, ef hverr bergr einum? Eigi² æ ek asia firi sal fedr mins eda modur, ok eigi þau firi mína sal, en enn sídr æ ek at giæta fíar þeíra, er eingis er vert hía sál mannz; oll verolld er eigi verd einnar godrar salu. Ek hefi heyrð, ef madr firilætr verolldina ok snyr vilia 10 sínum enn aftr til hennar, þa er sem veidihundur hverfi aftr til spyu sinnar. Segir eigi sva gud í gudspíallinu: ef madr firilætr munud, ok dregr fýst hann aftr til, hann er líkr manni þeim, er tekr til at eria, ok meðan ardrinn gengr, lítr hann aftr, en þa gengr ardrinn rangt ok gerir þar krakustig, sem hann skilldi íafna³ 15 for. Slíkan hvern kvedr gud eigi verðan hans ríkis. Er eigi nu sem þeíma guds domi vísa ek í garð minn, þar sem gud gefr mer satt at sía, en ek víl eigi riet, ef ek lít nu aftr til þers, sem þa firileit ek.« En var .i. lutr í fari mínu, sagði Malcus, ok var sa mestr ok vestr, salution væri mer þeim nídr at drepa, því at ef 20 núckur líkn mætti í þeim lutum finnaz, sem nu hefir ek upp talt, þa dreckir þessi einn ollum hinum, ef ek kíæma fram mínni ætlan. Þa hafdag ætlad at draga unndir mig núckurn part af fienu, en sía var unyt ætlan, þvíat allt var eins at gera þat ok kasta munkinum, er ecki skal ser einn eiga na. Nu sa ek, fadir, at 2 þessi ætlan var unyt, en riettvísín matti eigi sígra rangan huginn. Sva atta ek hugum, fadir godr, sem nu heyrir þu, ok bordumz ek víd síalfan mik ok hugrenningar mínar, þvíat onnur dro mig aftr æ leíð en onnur afleíðis. Af þessu fangi fiellu ymsir hugir í bríost mer, ymsir voru efri, en ymsir nedri, en sa tók stad, er aftr hvatti, 30 en hinn varð firi at lata, er fram villði ok gods hvatti.

Tíaða ek síðan ætlan mína firi abota, ok bar ek firi hann þat eitt, at mer þotti með heílu vera í mínni ætlan, sagða eg, at mer þotti þat híalpsamligt at fara stundar b(ra)gd eitt at sía firi modur mínni ok fíarlutum, ok snua því til godra luta, er nu var 35 úytíalaust, ok því vennda í marga stadi með salubotum, er ellígar múnði faraz með síndum. Vænta ek af honum samdyckis vília mínum, leyfis ok radagíordar, en ek mætti þó odrú. Hann æpi hatt moti mínum vília ok kvad fíannðann reísa slíka freístní í bríosti mer, ok sagði marga múnka með slíkum hætti svíkna

40 1 villta *Cd.* 2 en *Cd.* 3 hina *Cd.*

hafa verid af fiandans velum; tiadi hann firi mer margar godar kenningar ok god dæmi af helgum monnum ok helgum ritningum. Tiadi hann fyrir mer of fystu vara langfedr Adam ok Evu, at þau trudu, at þau skilldu vera iamvitr sem gud; i þeiri ætlan ok ulydni urdu þau svikin, god synduz þeim heit þers, er aeggiadi, 5 en hormulig var framkvama. Fullsatt ok fullsniallt taladi aboti minn firi mer.

En þa er þat tok eingan stad med mer, þa fiell aboti minn til fota mer ok bad mig dveliaz ok kasta unytri ætlan, ok bad mig minnar þurftar, at ek skilldi eigi svikia sialfan mig. Ok bar ek s'gr 10 i oekru vidskipti ok mer uparfann, hugda ek, at hann sei meirr a þessi fortaulu ser til hugganar en i mer til gagns. Brott fluttumz ek þa, ok aboti fylgdi mer, ok þotti honum, sem hann flytti lik eda daudan mann, en eigi þann, er salubotar væri at von, ok ræddi hann vid mik þessum ordum: »Brott ferdiz þu, son minn, ok 15 finnr til þers sakir, þær er þu kvedr þer sannar þickia, ok ero þo rangar ok sannindalausar, hefir þu ok vorn firi mali þínu, en eigi tek ek vid þessum hlut, ok eigi mun gud taka, ennda mun þig þat hennda, sem mællt er, at vargr sætir þeim saud, er or kvium villiz.« Fyllidiz ok abota mins forsogn med sannindum. 20

Ek fluttumz þa i brott sva langt, at ek kom til þers stadar, er Bereroina heitir, ok þadan for eg til þers stadar, er Edissa heitir. En medal þeira stada .ii. liggr audn allt, ok er langt ok haskafullt firi heidnum monnum, at þeir taki til þrældoms ok anaudar, ok sitia þar oft krisnir menn floks at bida, þviat eigi 25 hlydir fameunt yfir at fara. Ok var sidan eigi langt at bida, at sannadiz saga abota mins, at vargr sætti þeim saud, er or kvium villtiz. Þa komu at oss heidnir menn falldapi ok harsidir, half-nauktir ok i stuttum motlum ok vidum hosum, aurvamel i a baki, bogi ok langt spiot i honndum, komo þeir þo til at beria, 30 en eigi at drepa, gulldum (ver) þa afrod .lxx. manna, karlar ok konur. Rugl giordiz þa mikid i floeki vorum, sorg ok hugsyki, veinan ok veilan, barna gratr, togan ok tuttan, fiartion ok fata, þann greip greppr er gat. Idrapumz ek þa minna urada, en su idran var nytlaus, þvi at annars valld var nu a, en þa villda ek 35 illa, er ek matta rada. Þar var ek ok annars mannz kona lypt upp a einn ulfallda, ok sa sami rekinn, sem fara matti. En vid ottadumz æ fallid, ok var sem vid heingim helldr en sætim. Matr oekar var a leidinni halfsodet slatr, en dryckr ulfallda miolk; fluttumz

um sidir ifir a nuckura ok komum til he(i)mlis þers mannz, er ockr hafði hertekid, ok vorum leidd firi modur hans, ok urdum henni at knefalla. Hormuligt var skiptid, knefallid gudi at veita i munklifinu, en veita þat nu konu heidinni ok sonum hennar.

5 Lof se þer, gud almattigr!

Sysla var mer greidd, saudasveinn var ek giorr, huggadi mig þat i þeiri minni syslu, at sialldan sa ek eynd þeira, er med mer voro herteknir. Nockvidr¹ vondumz ek nu at ganga, þviat eigi nytta ek annat firi ofrhita², ok ætlada ek, at þat væri hefndin þelans, er þa var i briosti mer, er aboti taldi firi mer, er hvarki villdi þidna firi guds ast nie hans fortolur. Bænir ok psalma, þa er ek hafda numid, hafda ek sva i veniu, at þeim lietta ek sialldan naudsynialaust; þackada ek gudi sinn dom ok firskipan; en hætt væri, at ek hefði kastad, ef ek hefða þangat komid, sem hugr minn stod til. Var nu hugr minn med godum hætti, ok vænta ek ombonar af gudi, ef svabuid stædi, ok kiæmi fianndinn enn eigi nyum prettu(m) vid. En þa gafz annan veg, eigi liet hann mig þa enn um kyrt sitia, fann hann veilar(!), hversu hann skilddi mik svikia i minni vesold. Oho gud, harmr er þat, er firi hans kvamu

20 er eingi stadr oruggr, hvervetna ero hans snorur bunar. Ek þottumz nu vera i fylsnum, ok fann hann mik þar med þeim hætti. Ek var tryggr þeim, er ek þionadi, þo at heidnir væri, vissa ek, at sva hafði Pall postoli bodit. Kom af tranadi minum ok giæzlu auki mikill i bu þers mannz, er ek þionada, ok firi þvi villdi hann

25 launa mer starf mitt med nuckurri minning. En fatt er þat, at skiotara bregdi skaplyndi mannz en kona: þat sveik vit af Solomone spaka, styrk af Samsone; med þeiri snoru fiell David propheta; sva hafa margir farid, þeir er forgongumenn voru leingi i godum sidum ok dyrligu athæfi. Þetta nett reid fianndinn nu til min,

30 ok skaut i hug huskarli einum, er var minn ifirbodi, þvi vielrædi, at hann flutti til min mannz konu, þa er hertekin var med mer, ok bad ockr saman bua ok binnda hiuskap. En ek sagdi þat eigi vera mega, þviat vid vorum kristin, en kristnin bannar at taka annars mannz konu. En hinn heidni tok eigi betr vid þersum sannindum, en hann bra sverdi, ok hefði mik þar vid velli lagt, ef ek hefða eigi gripid vid henni. Tok ek hana þegar feginn, ok synda ek a mer fridarmark, þott ek væra ufeginn. Oho fiandi, margfolld ero þin svik, þu teygdir mik or munklifi minu, nu geriz þin illzka berari vid mig, ætlar þu nu mik munu bregða þvi

40 ¹ Nuckud Cd. ² ukiæti Cd.

hreinlifi, er ek hefi æfinliga her til halldit, ætlar þu mer ok konunni syndina en þer salina.

Sva leid, fadir, sa dagr til kvellz, at myrkr kom aftan, ennda til myrkra var þa stefnt, en hellir einn var he(i)mili mitt, ok var hann hriufr ok rifinn ok þo vel at dropum buinn, þangat flutta ek at kveldi ok husfru mina¹. Vittu gud ok vid, i hveriu skapi ek var þa; en med ockr einum hiona var sa hattr, at hvart ock(ar)t hatadi annat, ok syndi þo hvarki odru sinn vilia, ok hvarki sagdi. Nu hugleidda ek mal mitt ok naudsyn, ok þottumz ek nu id fysta hertekinn vera, þviat sa var til umsata, er illt var a valld at koma; gret ek nu rad mitt, griet ek, at ek skillda munkinum kastat hafa ok binnda mig i hiuskap synndafullan ok abyrgda. Fiell ek nu til iardar, ok mællta ek vid sal mina ok sva vid sialfan mig þersum ordum: »Hvat stodar þer nu, Malce, at hafa firilatid fe ok frænndr ok fostrn(e)yti þitt ok fostrland, lausan eyri sem fastan ok alla heims munud, munligt kvanfang ok agiætt, er fadir þinn hafdi synt þer, ok þetta allt latid, til þess at þu skilldir alldri hreinlifi þinu bregda; en nu ertu aldri orpinn ok hefir hærur i hofdi, ok skalltu þvi nu liggia unndir syndum. A ungum alldri, er þu hafdir i giæzku, þa varnadir þu vid syndir, en nu binz þu i syndum med slikum stormerkium, er alla vega aflar þu guds reidi, ef þu drygir. Illu heilli fysti þik aftr til fostrlanz þins.« Sva talada ek vid mik, en vid salina þersu(m) ordum: »Hvat þrifum vid nu til rads? sva þrongliga er nu komid malid, at annattveggia stennndr firi dyrum likams tion eda þin. Hvort skal nu drygia synnd þersa ok gremia sva gud at okr, ok bida sva hans hefndar, ok vita sva þina tapan eilifa ok vist þina æ i kvolum utan ennda ok sva likams, eda skal til þers hætta, at ockart hreinlifi hirdiz hreinsa(t) til eilifra ombuna. Nu ligr her sverd frammi, er brat ma þersu vid likaman lykta.« Tok ek þa til sverd(s)ins ok mæltu ek þersum ordum vid mik: »Hafi salin hialp en likamin lyktir, en hvartveggia um sidir eilifan fagnat, ok er vist vardveitt hreinliffit til sinna ombona; liggi her nu likamin, en ek sialfr er vattr verka minna, sialfr se ek mig sakar hafa gort, ok sialfr hefni ek min a mer sialfum.« Þersum ordum ræd(d)a ek vid sialfan mig, fadir. Lagt ok leyniliga bra ek sverdinu ok visada ek oddinum at briosti mer i myrkrinu med þersu(m) ordum: »Lif heil, kona, ok haf mig helldr firi guds sakar i veniunt þinum en bonda firifaranda ser.« En su kona er mer var feingin hafdi skyniat min tiltæki

¹ minn *Cd.*

² ok *Cd.*

³ hreinlæti *Cd.*

ok ætlan, ok þa er hon vissi vilja minn, skunndadi hon, allt er hon matti, ok fiell til fota mer med felldum tarum ok þersum ordum: »Ek bid þik, hinn liufi madr, ok ek særi þig firi varnn drottin, at þu spillir eigi blodi þínu at¹ luka þersu lifi þínu, veitu
 5 mer þat, at þu tak mig fyrr af lifi, ok blondum sva blodi ockru, ok veri þat ockar hiuskapr i guds augliti, þviat gud nefni ek mer til vitniss, þott eiginbondi minn kiæmi til min, þa munda ek eigi at villd minni samþyckia honum med likams losta, ok gud veit, at helldr villda ek bana* þola en vennda aftr til sliks lifs. En
 10 hvi þarftu at taka a þig lifs tion? ek hafda ætlad sialf at bana mer, ef þu leitadir samþyckis af mer; tokum annat betra rað, byggim bædi samt sem syskin .ii. en eigi sem hion, haf vid mig salu ast en eigi likams; ætli lavardr ockar, at vid sem hion, en gud viti, at vid buim saman sem syskin; ætli þeir at þu sert bonndi
 15 minn, en Kristr viti, at þu ert brodir minn; þegar þeir sia, at ast er med ockr, þa hyggia þeir, at þat se af samlagi ockru en eigi af guds halfu.« Sat vil ek ok til þers segia, fadir, at fagnadr var mer a þersum ordum, fagnada ek ok styrk þeim, er ek fann a konunni. Hlydda ek a hennar ord, ok þektumz ek hennar heilrædi,
 20 eigi þotti mer þa sem fyrr, at kold ero kvenna rad, ok lagda ek ast a hana firi guds sakir ok giæzku hennar. Alldri kom honnd min a likam hennar beran, alldri sa ek buk hennar beran, ottudum(z) æ fallid, ef ek færda mig ofmiog i freistni. Lifdum þa med slikum hiuskap marga daga, ast var meiri vid ockr, en grunr minni af
 25 henndi lavarda ockarra. Vel var þat manad heilan, at ek sotta eigi til hus heim, ennda kom ecki af husi til min, þviat ast okr giordi þeim meira trunat, en fyrr hafdi verid.

Nu leid a sturndina langt fra þersu, þa gerdiz sva til, at ek sat dag nuckurn einsampt i eydimork, rennda ek hug minum til
 30 munklifis ok abota mins, er mig hafdi fostrad ok vel halldit; syndiz mer þa minn hagr² med vesold, en þeira med vizku. En þa er ek var i þessi ætlan, leit ek i iardrifu nuckura langa ok miova: vall ok udi maurum su rifa, en þeir voru allir i starfi ok undir byrdum, ok var byrdrin meiri, en sa sem bar; adrir baru frio med munni
 35 sinum, adrir fluttu molld or holum, allir hofdu einhveria syslu firi hondum; ef nuckur do, þa var þat sumra sysla at flytia likami brott med fullu skilriki; ef annar for mot odrum, þa vægdi hverr firi odrum. Fogr var mer sia syn ok nytiafull, minntumz ek a þat, er Solomon sagdi vid lata menn, hann bad þa marka af

atfærslu maursins ok því fylgia; þvíat hverr vann annars syslu ok
 lietti annars byrði, eingi vann sier, en hverr vann odrum, þvíat
 allirattu allt, en eingi atti ser einn. Ok unndir slíku athæfi var
 aboti minn ok bræðr minir, en mitt athæfi var þa meirr med
 eymdum, þeir unnu ser ok Kristi, en ek vann heidnum monnum. 5
 Hrygdiz nu miog hugr minn af syn þersi, ok med þersum hrygleik
 venda ek aftr til kerlingar minnar at kvelli. Hon fann brat
 ogleði mína ok at sokum frietti, en ek sagði ok hvatti ek hana
 til flotta, ok hon samþygti. Bad ek hana l(e)yna, ok hon iatti, bad
 ek hana at radum hyggja, en hon het at mega gott ok vilja, þvíat 10
 ekki matti hon þat gott, er hon villði eigi, en vanndi giordiz a um
 ok naudarhlutr mikill. Tvær mílur voru til vaz nuckurs, ok eingi
 eykr þangat, ok eingi er ífr kemz, ok a vatninu hvarki skip nie
 floti ok ekki vidartre til. Hvarkis sart var þa oekart hiarta,
 þvíat þat hvarfladi meðal tveggja luta, þat var von ok otti; 15
 stundum gafu vid okr vonina, en er ottinn kom, vard vonin at
 aungu. Nu var af því oekart hugskot sart, at fyst var akauf til
 brotla(u)psins en framkvamu von litil, en otti hinn mesti, at vid
 yrðim aftr dregiu til draps eða einhverrar pinu, ef vid yrðim a
 flottanum fundin. Aumligt var nu ífr okkr rad at lita, annat- 20
 tveggja vera allan aldr unndir ífrbodi heidinna manna ok þar
 bida enndadag, hyggja at eins at kristni, en litid af hafa - eingi
 er sa, er tíðir veiti, eingi heila fortolu, eingi skript eða adra
 hialp, þo at naudsyn stanndi - en ella at leggja sig i lífs haska ok
 rekaz i braut, en fara aftr, þegar er naud kemr; hefir eigi morgum 25
 naudr ok fataeki mikid kennt at hugsa?

Kom mer i hug um sidir, at i bui lavardar mins voru .ii.
 hafrar; fieck ek þat rad, at ek drap bada, ok flo ek belgflætti, ok
 þurkada ek slatrid til nez okkr, en belgina til farskosta blasna ok
 vinz fulla. En þa okkr syndiz faur okkra byria, riedu vid til at 30
 kvelli, er flestir svafu, ok allir ætludu, at vid svæfim; sottom
 sva til vazins, falum okkr gudi a henndi, ok badum, at hann
 drekti, ef hann villði; settumz þa a sinn belg hvart oekart, ok
 hafði hvartvegia oekart nuckud af slatri; fluttumz vid miog vel
 ífr, þot straumrinn bæri nuckud af anni, belgir firi skip, en fær 35
 firi arar, guds miskun firi styri, en vid heliarmenn, ef hon
 brygdiz. Slatrid spilltiz sva miog firi okkr, at eigi mundi vera
 .iii. daga nest. Nu gerdiz af því ny kvida okkru radi, er¹ vegrinn
 var langr en nestid litid.² Lof se varum drotni, er hann pinir

1 en Cd. 2 latid Cd.

sina vini ok refsar þeim okynni. Nu stendr mikill vanndi til hannda, lifs aftak ok lima ok aftrdratt(r), ef menn sækia eftir ockr; en þo at þessa missi, þa er sulltr firi henndi, er meiri meinlæti er at þola en firi vapnum at deya, ok enn dyra haski, 5 þott matr se nogr. Þvi næst tokum vid til matar, ok atum hvarki mikid nie gladliga, tokum sidan a ras ok hlupum, sem vid mattum mest, litum þo aftr ok sam .ii. menn hleypa eftir ockr a .ii. fara-skiotum, þeim er dromedarij heita. Eigi ma annat segia, en i voxt færdiz ockarr otti; sva sortnadi firi augum, at svaurt syndiz 10 solin, þvi at sva þotti ockr, sem þar fari bani ockar, er husbonnd-inn for. En sva er, sem mælt er, at þa er botin næst, er bolid er hæst: þa er otti ockarr, var mestr, sam vid hellisskuta .i., er langt geck i iord nidr; venndum til hellisins ok þo med otta, þviat ormar ok edlur ok allzkyns eitrvikvenndi sækia iafnan 15 slikan skugga, ok var naliga, sem vid flydim annarri henndi banann, en annarri henndi sottum vid til banans, þviat bani syndiz bædi bak ok firi. Leitudum vid þo i hellinn med þeim ordum, sem trua ockr stod til: ef gud firilitr synduga menn, þa hofum vid bana. Krupum þa inn i hellinn, ok sa eeki, þviat sol ok otti tok 20 syn fra ockr um nuckura stund, sem þeim verdr, er i solskini ganga; komu(m) sidan i husid. Opnuduz ockr augu, en otti vox: la þar inni skampt fra ockr id oarga dyr a hvelpum, en færdiz i voxt ockar otti ok haski, annar uti firi dyrum en annar inni. Miog var þat allt senn, at vid litum dyrid ok heyrdum firi 25 dyrum uti (kalla) med þersum ordum: »Ut, ut, drottins svikar, ut hlaupingar, ut nidingar! lavadr yekar kallar yekr; hvi seinkit? ut þit, verdit ut, þott þit vilid eigi! þvi hardari pinu fai þid, sem þid seinkid meir.« En vid lagum eigi þvi sidr ottafull. En i dvöl ockarri ste annar þeira 2 af baki med reidi ok brugdnu sverdi, 30 ockr hion ut at draga eda mein at veita. Lof se þer, drottinn, hversu bratt þu vendir 3 þinni reidi til miskunnar. Skamt var ockar uvin inn kominn, þa fleygdi dyrid ser upp, banar þeim, er ockr villdi bana ok undir þrældom draga. Annar æpir uti ok fryr hinum megins ok hugdi, at vid mundum forstod veita; rasar 35 þa inn med sama radi, ok vard at uradi, þvi at dyrid banadi bad-um þeim. Mikil er þin miskunn, drottinn! hvern mundi þers vara, at madrinn mundi mer til bana settr, en dyrid til vardveizlu. Miog aurkunnaz(!) þa madrinn, er hann firilætr miskunnina, en dyriþ stigr ifir nattuuna. Slikar ero guds iartegnr bædi fornar

ok nyar; en þó at gud hafi birt fyrir okkr þessar iartegnir, þá toku við þó goda von, at oekart mal mætti frelsaz. En eigi mattu við ottanum kasta, ne briost oekart eekalaust vera. Nu var sa otti eftir, at dyrid mundi ser til handa veitt hafa bradina ok mundi vilia sæta okkr kvikum en þeim dauðum. Blezaþr se 5
gud, er bez sa firi sinum skepnum, gaf dyrinu hogværi en okkr lif. Þviat eftir fall þeira tveggja tok dyrid hvern sinn hvelp med munni sinum ok flutti sig brott, en liet okkr þar frials inni vera. Losadi þetta nuckud oekart briost af otta. Gekk ek þá ut um sidir at niosna, hvad titt var, ok æ þó ræd(d)r um skaplyndi dyrsins, 10
en allt lagdiz þá til hialpar: fannz þá firi dyrum uti .ii. fara-skiotar hladnir vist ok dyrligum dryck.

Skyni þeir er heyra, hversu marga vega gud lætr manni, eda hversu marga vega hann huggar hann. Skommu var okkr naud, sultr ok ofrelsi ok lifs haski, en nu naudr farinn, en audr gefinn, 15
sultr sloktr, en matr nogr, otti horfinn, en lif orugt; því gud liet því dyr dyrum eigi þyrma, at við skilldum hafa mat ok dryck ok fararleyfi. Stigum nu þar a faraskiota, ok a tiunda degi komu við higat i bygdir þessar. Fal ek okkr her a henndi bræðrum, því at aboti minn var þá dauþr. En ek fal konu þessa nunnum 20
a hendi, þot hon se nu med mer, þvíat ek unna henni sem systur minni, veitta ek henni hialp; giætta ek hennar, en hon min, ok gud beggia. Nu lykr heilagr Jeronimus, segir med þersum ordum þessa sogu sannyrði Malcus gamall madr ungum, en ek mun segia hreinlifismonnum. Gud giæti allra var nu ok iafnan. Amen. 25

APPENDIX.

(Cd. 544 *qv.*, *Hauksbók*, Hb.; et Par Steder ere nogle Membranfragmenter i 696 *qv.* *jævnførte*, *Fragm.*)

Viðræða líkams ok salar.

Bok þessa gerði meistari [Valltare af sambvrð¹ tveggja manna, 30
ok ræðir hvarr við annan, af sinnv efni hvarr. Annarr skyniar heim þenna ok þá, er hann byggia: hann hefir þekt svndrþycki manna, at annarr stvndar til friðar ok giæzkv við alla menn ok

¹ [*Saal. efter Framg.*; valltir af sallibur (*utydeligt og usikkert*) Hb.

villdi vm sitt bva, vнна ollvm rettinda ok veita ollvm vingan, ok sva vill hann þiggja; annarr hefir hatt annan, fagar illzkv, elskar vfríð, vnir eigi sínv, tekr ok rænir, hvat er hann kann fa, otar ollvm grimleik ok fiandskap ok vvingan. Nv vndirstoð sa er þetta
 5 setti saman, at eigi hafa allir menn eina nattvr: Ef einn er styrkr, annarr er breyskr; ef annarr er harðr, þa er annarr blavðr. Ok því skipar hann tveimr i þersa viðræðv vm veralldlegt angr ok atbvrði, ok talaz við æðra ok hugrecki, annat með kveinan, en annað með hvggan. En síþan talar maðr við sal sína, hversu virk
 10 hon var sínvm drottai, meðan hon hellt fegrð sinni, ok hversv fogr ok frið hon var skopvð, ok hveria ast er varr drottinn hefir lagt við hana, er hann hefir þo sinni miskvnn til hennar vent, at hon hafi siolf sig savrgat, ok af því baki við honvm snvit, ok at hans miskvnn er henni æ heimol ok bvin. Ok birtiz þar, hversv
 15 sakir falla, mein slockvaz ok syndir fyrirdiarfaz, ef sonn iðran kemr ok hellz hon með staðfestv.

Hefr æðra kvein sína fyrst vm andlat, sem þat se heimsins anmarki, er hans ollvm anmarkvm lyeter, sem er vart liflat.

Æðra gripr sva til orðs við einnhvern: þrekvmann með ognir
 20 ok segir sva: Deyia skalltv!

Hvgrecki svarar: Ecki er þetta nymæli, með þeim hætti geng ek i flest hvs, at ek ætla mer vt at ganga; sva var mer ok skipað i heimenn, at ek skyllða or honvm fara.

Enn mælir æðra: Deyia skalltv!

25 Hvgrecki svarar: Nattvra mannz er þat/en eigi pinsl. *last not appearing*

Æðra mælir: Deyia skalltv!

Hvgrecki svarar: Þat erv allra landa log, at lán se golldit; með lani er mer þersi heimr en eigi með gíof.

Æðra mælir: Deyia skalltv!

30 Hvgrecki svarar: »Þat er flestra siðr, er gongv taka, at venda heim, þa er fvlhgengit er. Orlendi² er mannz lif a iarðriki, ok a fostrlandi at vera með fystvm en (i) vtlegð með leiðv, ok er eigi rett, at maðr kveini vm þat, at honvm se heim visað or vtlegð.

Æðra mælir: Deyia skalltv!

35 Hvgrecki svarar: Til þers kom ek, ok til þers stvnda ek, ok þangat draga mik allir minir dagar; þenna stefnvdag setti mer nattvra, ok verð ek hann sva at hallda, sem hann se með eiðvm bvndinn, því at hann ma engin aflaga.

Æðra mælir: Deyia skalltv!

40 1 ellihvern *Hb.* 2 erlending *Fragm.*

Hvgrecki svarar: Heimska er at ottaz þat, er maðr ma eigi forðaz, hversv lengi sem fyrirferst.

Æðra mælir: Deyia skalltv!

Hvgrecki svarar: Eigi em ek sa enn fysti ne enn síðasti, margir hafa fyrir mer farið, ok margir mvnv eftir.

Æðra mælir: Deyia skalltv!

Hvgrecki svarar: Allt þat er vpphaf hefir þat skal hafa niðrlag.

Æðra mælir: Heyri ek, at litið er þer vm nattvrv davða; nv lat sva til bera, at hofað se af þer hoggit.

Hvgrecki svarar: Pinsl er at skemri, en andlat at skiotara.

Æðra mælir: Sva kann til bera, at margir vinni a þer, ok verðir þv fyrir margra manna sarvm.

Hvgrecki svarar: Eigi varðar, hve morg sar erv, eitt man vera banasar, enda ma ek eigi meira afla en einvm davða.

Æðra mælir: Fysiligra man þer þickia at deyia a þinv fostrlandi en a vkvnnv landi, en þv mant þo vtlegð sæta ok vtanlanz deyia.

Hvgrecki svarar: Þvi missi ek eigi fostrlanz mins, at ein er ollvm gata til himna, ein framkoma, engi er hinvm davða vheimol gata.

Æðra mælir: Utanlanz mantv deyia!

Hvgrecki svarar: Slik þicki mer sæmð min vti sem heima.

Æðra mælir: I æskv mantv deyia, ok man þer þat hormvng þickia.

Hvgrecki svarar: Samskylldv, a nattvra a envm vnga sem a envm gamla, hvn avkar eða vanar vetra tal eftir villd sinni, aller bva vndir einni skylldv. Enda er myklv betra vngr at deyia, en sva lengi at lifa, at þv æskir at deyia. Spekingr einn Seneca at nafne mælir sva a latinv: Meðan er bezt at deyia, er mann lystir at lifa. Hec datur pena diu uiuentibus ut renouata clare domus multis in luctibus mox perpetuo memore et nigra ueste senescat. Þat er heimollt þeim er lengi lifa, at æ se hvs þeira vndir nyiv meini ok æ sorg i eilifum grat, ok at þat elldiz i svortvm klæðnade. Þat var siðr forðvm, at davða menn ok aðrar skapravnir skyllði grata i svortvm klæðnaði.

Æðra mælir: Deyia skalltv!

1 samskyllða Hb. 2 Juvenal. Sat. X, 243-5:

Hæc data pœna diu viventibus, ut renovata
Semper clade domus, multis in luctibus inque
Perpetuo mœore et nigra veste senescant.

Hvgrecki svarar: Þat er mer margra meina lavsn, ok væri þo mikit, at eigi væri meira, en ek þyrfti eigi elli at ottaz. Jvvenalis segir: Eigi þarf at ottaz skiotan davða ne harðan, elli þarf at ottaz, eigi davða, því at elli kvelr, en eigi davði, ok er betra, er
5 vandræðvm lyktir, en þat er nærir vandræði.

Æðra mælir: Vngr mantv deya!

Hvgrecki segir: »Sv er min elli, er ek fæ.

Æðra mælir: Deyia skalltv ok missa graftar.

Hvgrecki segir: Virgilivs segir: Lett er graftar at missa; himinn
10 hyl þann, er eigi hyl legsteinn; litlv varðar, hvart dyr eða elldr svndrleysa mann, því at allt seekir i iorð, hon gat ok hon við tekr.

Æðra mælir: Missa mantv graftar.

Hvgrecki segir: Ef ek kenni þers ecki, þa er mer þat ecki mein.

Æðra mælir: Vgrafinn mantv liggia, dyr mvnv slita þig, eða
15 vrð man kiœfa þig.

Hvgrecki segir: En hvat þo þv liggr iarðaðr inni byrgðr fvll
ok snykiaðr með fvnvm kvið, gnagaðr gagnsmogiun² moðkum, sva hatrsfvllr, at eigi vilia vinir sia þig.

Æðra mælir: Allt lætr þv þetta litið, hvart er davði er með
20 nattvrv eða með vapnvm, ok hvar likame er kastað, enda mantv ok missa iarðarinnar. En hvat mantv segia, ef sott kvelr þig lengi?

Hvgrecki svarar: Þo at ek missa iarðanar, þa missi ek eigi iarðar. Snvðarlavst er hinvm framfarna groft að oðlaz; þeim er lifa er þat til gagns ok hvgganar: til gagns, at þeir dragi eigi með
25 nosvm vþefian þar af at spilla heilsv sinni; til hvgganar, at þeir sia eigi nanvng(!) sinn svvirðlega liggia. Minkar ok harm því skiotara, er likamr er fyrri folginn, en langæ sott er manne freistni; eigi ma i því e(i)nv reyna mannenn, hversv harðr hann er i anmarka eða ravstr i bardaga, eigi reynir siðr manninn sott en orrosta;
30 þrek manz reyna bæði vapn ok reckia.

Æðra mælir: Hvern þrek mantv þa hafa, ef riða skelfer þig?

Hvgrecki segir: Annað tveggia lætr hon mik, eða ek hana, eigi megv við eilíflega saman bva.

Æðra mælir: Litils virðir þv enn þetta. En ef sva kemr til
35 af þrai þinv ok einlyndi, at menn tali illa til þin?

Hvgrecki segir: Engi ma orðlax missa; en hormvng er mer þat, er ek hefir til gort sva, at ek veit eigi retta vorn orðvm þeira, ef goðir menn ok staðfestvmenn tala illa til min; en vera kann, at eigi sva illa [se, ef3 vondir, því at þat er svmmv hvndvm

40 1 fyll Hb. 2 gangsmogin Hb. 3 [sem Hb.

holldgroit, at opt geygia þeir saklavst, ok er þat meirr af illri veniv en af nattvrv; sva gera ok vondir menn, af illri sinni veniv veita þeir meirr illyrði en af tilverkvm, ok er þat þeira svivirðing en eigi min.

Æðra mæliir: Litils virðir þv enn þetta. En hvat ef þv verðr 5
vtlægr gerr?

Hvgrecki svarar: Her villiz þv; hverivm dvganda manni er hvert land sem fostrland; staðr einhverr ma mer fyrirboðinn ver(a), en eigi fostrland; hvert er ek kem, þa kem ek æ i fostrland. Skipti ek fostrlondvm, en engv tyni ek; ef nockot er vel með 10
manninv, þa skiptiz þat eigi með staðnv.

Æðra mæliir: Æ man þer harmr vera i brottvisan þinni.

Hvgrecki segir: Hvat skiptir þat? Ef litill harmr er, þa er lett at bera, en ef mikill er, þa er sœmð at viðfrægri, en ombvn 15
at meiri.

Æðra mæliir: Margir ala i ser mikinn harm af slikv. 15

Hvgrecki segir: Eigi ener beztv ne ener vitrvztv.

Æðra mæliir: Fair erv aðrir, þvi at harðr lvtr er orlending.

Hvgrecki segir: Eigi er harðr, en of fair megv bera, þa vervm 20
i þeira tali.

Æðra mæliir: Þat er eigi lett, ver ervm breyskir af sialfri nattvrv.

Hvgrecki svarar: Kennvm engan veykleik nattvrv, styrkia gerði hon ors.

Æðra mæliir: Hversv þœtti þer, ef ek mætta flyia harminn? 25

Hvgrecki segir: Fella mattv en eigi flyia; hvग्ga sialfan þig, með gleði skal harme rinda.

Æðra mæliir: Mer er þvngt fatœki mitt.

Hvgrecki svarar: Þyngri er(tv) fatœke, en þer fatœket; litið er þat, er nattvra kveðr ok henni vinz, ok er fyrir þvi með þer 30
litið, en eigi með fatœkino. Hvgr þinn er fatœkr, en eigi sialfr þv, með minna komtv i heimenn, en enn hefir þv, ok minna mantv a brott bera. Ef þv hefir þat, sem nattvra beiðiz, þa erttv eigi fatœkr, en ef þat þrotar þig, þa er heimili þitt fyrir hondvm, er við þer tekr til ævens vistar. Lifa fvglar ok onnvr kvikvendi 35
ok kvnnv engar iþrottir, ok er kynligt, er maðrenn kviðir, þar sem hann ser hin kreatyr hialpaz.

Æðra mæliir: Fair erv þeir, er eigi vilia fe hafa, ok hefir margr mikit.

Hvgrecki segir: Margir hafa ser fé til mikilla meina, því at morgvm veitir þat dramb ok ofrhvga, syndir ok savrlífi.

Æðra mælir: Ryggir mik þat, er ek hefir eigi fe mikit ok ríki.

Hvgrecki segir: Þv segir rangt, því at mikit fe ok ríki mætti
 5 þér ríkri maðr af þér taka ok margr annarr atbvrðr, ok væri þa með hinvm synd, en með þér skomm ok vanvirðing. En nv ma þig eigi sv svvirðing henda.

Æðra mælir: Enn megv mer mattvgir menn sneypv vinna.

Hvgrecki segir: Glez af því, at þv hafir litið megin til illz.

10 Æðra mælir: Mikil gleði er þeim, er feið hafa.

Hvgrecki segir: Rangt segir þv, því at fiargeym(s)la er með hvgsott ok ihvga; en ef geytlanarmaðr hefir, þa minkar skiott; en ef agiarn maðr hefir, þa er nytialavst, því at hann neytir eigi ok er æ þystr at afla, en otti at tyna.

15 Æðra mælir: Orlyndr maðr ma ok fe hafa, ok gleðr hann með fe hvskarla sina.

Hvgrecki segir: Ætlar þv, at menn fylgi manninvm? Eigi er sva: flvgvr fylgia hvnangi, mavrar hveite, vargar ræ; fange fylgia þersir en eigi manne.

20 Æðra mælir: Hvat velldr því, at flester menn harma fetion, ok sva harma ek?

Hvgrecki segir: »Betra er, at þv hafir fe tynt, en fe þer. Haski lifir þér nv at minni (at) vela þig, ef þv hefir tynt fe ok fiarfystvm. En ef fe er farið ok fyst lifir, kvnn þo offvssv, at
 25 efsvm er vndan kipt, þo at fegraði life. Þinn lutr er at betri, því at þv hefir fe tynt, en fe hefir morgvm tynt.

Æðra mælir: Fari þat fe, sem ma; ryggir mik feleysi ok þat annað, at ek hefir eigi erfingia með fenv.

Hvgrecki segir: Ef þv harmar erfingialeysi, þa glezt af því, er
 30 þv þarft eigi hann at ottaz, er þv missir. Morgvm hefir erfingi otta fengit, því at hann er með miklvm ihvga, ok vendir þat oft til hormvngar, er menn venta ser til hvgganar. Nv virð eigi letti til skaða ne hialp til harms.

Æðra mælir: Litið vinn ek i orðræðv við þig, en finna man ek
 35 þat, er mer þickir hormvng vera. Hvat villtv vm þat tala, ef ek hefiravgvm tynt? sva er þa, sem tynt se nytsemð allra lima annarra.

Hvgrecki segir: Mikit illrar synar efni ok mikils hegoma er snvið af þér. Slokt avgv dreckia morgv meine, en heil morgvm manne. Avgvn hafa morgvm manne a stvld visað, hordom ok annað
 40 savrlífi ok a marga aðra misverka, ok væri margr sæll(i), ef hann

hefði sialfr avgv sin vt stvngit, en því fylgt, er þav hafa a visað, ok aðrir limir hafa með þeim samþykkt.

Æðra mæli: Gagnmæli lyt ek nv sem fyrr, litils virðir þv likams limi þina. En hvat vm born þin, er alin erv af likam þinvm, grata mantv frafall þeira.

Hvgrecki segir: Heimskr er sa, er manna missi grætr, rangt er þat at syrgia, at helldr hafi Kristr en ek; meira er at virða hans viðtokv en brott-tokv.

Slik er senna æðrv ok hvgreckis, sem nv er talt. En sa hefir vel i ollvm malvm, er sva gerir, sem spekingr einn mæler: Þat hæfir dvganda manne at kiosa ser rett efni ok vera síþan staðfastr a; því at eigi skekr fastan hvg freka borgarmanna, er rangt vilia, eigi grimt viðrlit rangs yfirboða. Þvi at sva segir Lvkanvs: Otti ykomins meins hefir margan dregit i mikinn haska, ok er því sa styrkaztr, er hann er með staðfestv bvinu at (taka) við því, er hann ottaz. Tvllivs segir: Þat byriar staðfostvm manne at drepa eigi, þegar er nockot gengr i moti, lata helldr hvarki ymian eða vmgnaddan visa ser af rettv. Seneka segir: Margir erv þeir lvtir, er ors þrongva. Opt er otti varr eptir ætlan varri ok sialfsmiði en eigi af sonnvm efnvm, ok hæfir eigi, at maðr geri sig avðkvisv vmfram þorf, því at opt fyrirverðs þat, er sva þotti sem fyrir dvrvm stœði. Þetta erv spekinga orð; ok er þat likara, at varla megi gott efni leggiaz vndir vandar lyktir, þar er mal er með rettv reist, með drengskap halldit ok með staðfestv fylgt.

Nv af því at vti er viðrœða æðrv ok hvgreckis, þa byriaz her onnvr rœða, er maðr talar við sal sina, ok byriar þar eð² siðarra, sem eð fyrra lettir af.

1 Slutningen af denne Samtale mellem Frygt og Mod findes ogsaa i Codex Delagard. fol. IV, V, VI, VII i Upsala, og meddeles her efter denne:

sem þui hava á visat, en aðrir limir fylgð væita.

Æðra mæli: Gagnmæli lyt ec nu sem fyrr oc androða, þuiat litil(s) virðer þu licams limi þina; en huat hina, er fódder ero aflicama þinum, þat ero bornn þin, hugsa matt þu frafall þeirra.

Hugrecki segir: Ohygginu er sa, er harmar barnna missu, ne þat at syrgia, at helldr have Kristr en ec; mæira er at virða hans við-taku en brottaka(!).

Slik er æðro sennor oc hugreckiu, sem nu er upp talt. En sa hefir vel i aullom malom, er sua gerir, sem spekingrinn mæli, at þat hæfir huerium dugande manni at kiosa ser rett efni oc síðan vera fast-halldr a þui fylgia oc iamnan gott gera.

2 er Hb.

Likamr mæler: Nv vil ek vingiarnlega ok kvnnlega tala við salo minna ok með astar ansvorvm kveðia margs þers, er mik forvitnar vm hennar hatt; skal sia viðræða vera með goðo tome, sva at fyrir mege hvgsa bæði spvrdaga ok ansvor. Engi skal ok enn
 5 þriði hia vera, því at oft dvel goð rað fiolmenn yfirseta, ok verðr sem orskvrðr, því at sitt þickir hverivm satt, ok því vil ek við hana eina tala, því at þa man mer eigi i avgv bita sanz at spyria, veit ek hana þa eigi skamfyllaz satt at segia. Ok því bið ek þik¹, sala min, at (þv) seg mer, hvat þv elskar bez, ella ef nockor er
 10 sa lvtr, er þv lofar vmfram alla aðra, ok þer þickir sa einn ollvm avðrvm betri; því at ek veif, at þv matt ecki elskvlavs vera, því at hvers lif stendr i nockori elskv, ok því vil ek, at þv segir mer vtan alla skamfylli, hvat þat er, (er) þv hefir kosið þer at elska vmfram alla lvti. Ok af því at ek vil avgliosan gera spvrdaga
 15 minn, ræðvm nv vm heimenn ok vm alla þa lvti, er i heimenvm erv. Þv finnr þar marga fagra lvti ok asynilega, ok þo at eigi se sva goð ravn a, sem morgvm þickir² vera með bloma, þa er þo fioldi þeira, er teygia manninn til astar við sig, teygia með fystvm, hallda með mvnvgðvm. Gvll skin með mvnvgðvm, sva dyrir
 20 steinar, pell ok fogr klæði gefa fegrð, gera fegrð, þat er seint er at telia, því at þv kant ok hefir kvnað alla þersa lvti með iðvlegri syn ok sonnvvm ravndaga. Nv bið ek þig, at þv seg mer, hvat þv hefir þer einkat af ollv(m) þersvm lvtvm, er erv.

Sala mælti: Nv er farið lyndi minv, at allt þat, sem ek se
 25 ynnilig(t) mer fyrir avgvvm, því ann ek; en til þeira lvtu, sem mer erv vsynilegir, kann ek siþr at skipa elskvga minn, ok því er sa engi lvtr, er ek hefir mer til astar einkað. En þat finn ek, at þersa heims elska er með flærð ok svikvm, ok því verð ek i annan stað til astar at leita, ok em ek því i þeiri reikan, at ek veit eigi,
 30 hvert ek skal til astar leita, því at bæði er, sem þv segir, at ek man eigi astarlavs vera, enda finn ek eigi sva sanna ast, at meðr fvllri se staðfestv.

Likamr talar. A því er mer gleði, er ek skil, at þv hefir hvergi staðfest hvg þinn a veralldar lvtvm, en þat er mer meðr
 35 harmi, er þv hefir eigi speki fvlla eilifs fagnaðar, ok því er hvgr þinn i reikan ok ner eigi fvllri hvilld. Nv meðan þv hefir eigi allan hvg þinn til veralldar snvið, þa ertv i galeysi, ok verðr fyrir því at visa þer aleiðis; en þa værir þv avm, ef þv heffir til veralldar snvið þinni ast, því at þa hefðir þv fyrir tapað fustrland þitt
 40 ¹ þin Hb. ² þa er þo tilf. Hb.

ok kosið þer vtlægð; því at enga hofv ver her heimildar vist, sem Pall postoli segir: Non habemus hic manentem ciuitatem, set futuram inquiramus. Enga hofv ver her ævens borg, helldr leitv ver hinnar, er vkomín er. Orlendvmz ver fra Kristi, meðan ver byggivm þenna heim, ok hefðir þv þig þa vtlægia gerva fra Kristi, 5 ef þv hefðir með ollv til heimsens vikið þinni ast. En þat er gott vpphaf þer til hialpar, at þv kant at skipta ast þinni ok flytia til ens betra, því at þv matt enn slitatz or veralldar ast, þegar kynniz meiri frægð ok sannari sæla, er þv att, ef þv mátt allan hvg til fella.

Sala talar. Hverr fær mer þat synt, er eigi ma sia, eða 10 hversv ma ek því vnna, er ek spyr at eins til? Veralldlegir lvtir, er ek se ok ek ma vnna, erv skriðaler ok hverfa bratt, ok erv því slikir lvtir með eymðvm. En hitt er enn vndarligra, ef ek skal vm alla mina lifdaga visa ast minni til vsynilegra lvtu ok þeira leita ok þo eigi finna. Veit ek, at engi ma við astarleysi bva, æ 15 verðr (at) minzta lagi sialfvm ser at vnna, ok mætti þann þo varla mann kalla, er sva hefpi menzkv fyrirlatið, at við sig einn hefpi elskv, en við engan annan. Nv með því at vant er til vsynilegra lvtu ast sinni at venda, þa ger annaðhvart, at syn mer ast þeira lvtu, er ek se, eða hitt ella, at kipp þeim fra mer, ok syn mer aðra, 20 er mer vinni meiri hialp ok elskv.

Likamr svarar: Ef þv ætlaz því at fella ast a þersa lvti, at þv ser þa, ok þer þickir mvnleg vera fegrð þeira, hvi anttv eigi sialfri þer meirr en nockorvm lvt oðrvn; því at þv ert fegri en nockor lvtir annarr, ok ein sigraðir þv með þinvm venleik fegrð ok 25 bloma allra synilegra lvtu ok allz heims. En hvat hyggr þv, ef þv mættir sia sialfa þig, hverra avita þv værir verð, ef þu skipaðir til nockors veralldar lvtar ast þinni en til sialfrar þinnar, því at þv ert bæði mætri i skipan ok fegri i asion.

Sala mælte. Avga ser allt, ok ser þo eigi sialft sig, ok þo 30 at avga se i andlit skipat, þa fær þo eigi anlít seð. Anlít vart kynnir ors annarra manna tilsoqn, ok vitv ver viðrlit vart af sogn en eigi af syn. Ma ok skvgSION nockot vitra ors af varv viðrliti; mættir þv finna þa skvgSION, er ek mætti sia viðrlit hvgskotz mins eða fegrð mina, þa væri þat vndarlegt nymæli. En þo at þat væri, 35 þa mvndi þvigit betr virðaz, ef ek skyllða ast mina draga or einni skvgSION ok þar a sproga meirr at vnna því, er hon visaði mer a. Nv með því at þat ma ecki vera, ok eigi fæ ek sialfa mik seð, því vendi (ek) þangat, sem (ek) kem syninni við², fyrir því at ek

(veit), at ast ma eigi einsaman hvarfa, ok eigi er ast, ef hon dreifir eigi sínv megne ok miðlar framarr en við sig eina.

Likamr talar¹. Sa hvarfar ecki ser einn, er gvð er með, ok eigi slockiz með því astar megin, at maðr vendi fystvm sínvm fra vandvm lvtvm ok svivirðlegvm til dyrmætri lvtá. Sa gerir helldr rangt við sialfan sig; er vsæmelega lvti leggr i virðing ok tekr við sialfan sig i astarfelag, ok er því vitanda, hver rett er astargrein. Sa er hann stvndar a retta ast, þá skal hann i fystv skynia sialfs sins tign, hvat honvm berr eða hvat eigi, því at honvm berr eigi, at hann geri rangyndi sialfs sins astar. En sa gerir rangyndi sialfs sins astar, er hann fyrirliðr eð betra en kýss eð herfilega; en þat er rett ast at handvettá tva goða lvti, ok hinvm vnna, er æfri er, því at lytr einn goðr lvtr fyrir oðrvm betra. Ok hœfir fyrir því, sala, ef þv villt, at eigi hvarfi ast þin einsaman; ger hana þo eigi sva viðræsa², sem ill kvende gera, biððaz ollvm en vnna engvm. Ef þv ser þig eigi sialfa, spyr aðra, hver þv ert, ok trv tilsogn þeira. Vik allri ast þinni til eins vnnasta, pvta er sv, er ollvm er heimol. Þv att þer festarmann ok kenner hann eigi, hann er ollvm fegri, ok veiztv eigi. Ef hann hefði eigi seð þig, þá ynni hann þer eigi. En ef þv hefir eigi set hann, þo hefir þv kent gíafir hans, hann hefir þo gefit þer festarpenning, þat er ast hans, ok margfolld miskvnn ok margr annarr beiner þat er hans astarmark. Ok ef þv mættir sva hann sia, sem hann þig, ecki ifaðiz þv síþan vm hans fegrð; mættir þv sia, hve friðr ok fagr hann er, ok agiætleggr ok ollvm æðri. En hvat ef hann frestar síðni syn við þig, skalltv fyrir því fyrirliða hans ast? Ef þv matt eigi enn sia, hvern hann er, skynia þo festarfeid, er hann hefir gefit þer; agiæt er hans festarfe, ok gofvgleg er hans gíof, enda byriar eigi sva miklvm litið að gefa, enda hœfði eigi sva litils verðvm sva mikilla gíafa vnna³. Mikils hefir hann virt þig, er hann hefir skepnv veitt þer ok vit með skepnvnni; en er i því meira veitt, er hann ann þer, en allra hellz, er hann lætr þer heimolan sialfan sig ok sitt ríki. Lit yfir allan heimenn ok sæ, at allt þat, er i heimenvm er, þionar þer: oll nattvra vikr vndir þína þionkan, himinn, iorð, loft ok votn ok sior. Or himninvm byriaz oll gíæzka, lopt veitir regn, sol þvrkv, iorð avox(t), votn fœzlv; vetr ok symar, var ok havst lvtá vndir þitt embœtti með likams nœring. En hvern ætlar þv, at sva hafe skipað ok boðit nattvrnni, at hon skal þer oll þiona? Eigi leynaz

hvg giafarnar, þo at sa se vsynilegr, er veitir. Mikils er sa verðr, er sva storvm gefr ok veiter; með astvm er þeim vnnanda, er sva mikit matti gefa ok sva storum vilkdi miðla, ok er allt i mote leggianda¹, því at með astvm var gefit. Giofin synir, hverr gefr, ok með hverri ast er hann gefr, ok er þat ærsla at draga vndan 5 at elska þann, er sva mikit ann ok sva storvm gefr. Se a nv, en heimska sala, hvat þv vinnr, meðan þv leggrr ast við heimenn ok ventir þaðan naða; rangt ser þv þa, því at allr heimr þionar, en þv elskar lítinn lvt af honvm, er hvarki er fagr at sia ne þarfleggr² til nytia. Sala, tak³ heillt rað, ef þv ant veralldar lvtvm, 10 vnn sem þinvm, því at þat (er) þer aðr iattað til þionvstv, ok vnn þo eigi framarr en til navðsynia ok skylldra lvtu. Elska þat, sem gefit er, elska sem festarfe vnnasta þins, sem giafir vinar þins, sem velgernainga drottins þins. Mvn æ, hvat þv att þeim, er veitir, ok vnn eigi giofvm i stað hins, er gaf; honvm skalltv vnna, en 15 eigi þersv með honvm; vnn þerssv fyrir hans sakir, ok af þersv vnn honvm með yfir alla lvti. Skipa sva, at þv megir festarmær heita ok vera en eigi pytlingr, sem þa ertv, ef þv virðir meira giafirnar en ast gefanda. Ekki mattv meiri rangyndi leggja fram við þann, en taka við giofvnm ok draga astina. Ef þv matt ok 20 lyðir þer at nikvæða giofvm hans, þa nikvæð, en ef þer lyðir eigi at nikvæða, þa legg ast ok þackir i mote. Vnn honvm ok þer, vnn ok giofvm hans; elska hann, at þv megir nalgaz hann; vnn því sialfri þer, at hann ann þer; vnn því giofvm hans, at hann gaf. Sia er rett ok rein astsemð ok flecklavs, sia er sv forn, er 25 gvð kveykir, vili flytr, viðrleitni styrkir, gæzla varðveitir; til þers er gott vpphaf, liðr til avmbvna með goðvm lyktvm.

Sala mællti⁴. Orð þin hafa mikit vnnið, því at nv þiðnar briost mitt ok leysir þelann, ok er kominn i staðinn astar ylr. Ok af þinvm fortolvm kviknar briost mitt ok kveykiz ast, þo at ek 30 mega enn eigi þann sia, er þv segir mer af; se ek, at ek verð þeim at vnna, er við mek hefir sva mikinn elskvga haft ok mer sva margfallda gæzkv veitta, en þo vantar mik enna fvlla skynsemð vm þersa ast. Ok því bið ek, at þer greinið mer enn framarr þar af, því at ek minnvmmz a orð nockor, er þv mælltir, at þann 35 einn skal maðr einka ser til astar fvllrar ok ollvm framarr vnna, er ors hefir sva mikla gæzkv veitta; en ef ek skal honvm einvm vnna, þa þœtti mer fallið, at hann ynni mer einni, því at eigi se ek voxt mins rettar, ef hann gefr til margra slíkt festarfe sem til

¹ leggiandi *Hb.*² þarflegt *Hb.*³ tal *Hb.*⁴ capitulum *Hb.*

min. Ok enn er eigi sem þessi gíof taki til manna einna, íamvel breiðiz hon yfir dyr ok fvgla ok oll onnvr kvikvendi; hvat veitir mer sol meira en froskvm eða poddvm, ollvm gefr hon lif, ollvm andardratt, hans gíof er matr ok dryckr allra. Nv þótti mer þa
5 einkennelega honvm vnnandi, ef hann vendi einkennelega til einshvers sinn lane en eigi til allra.

Líkamr talar². Sva heyrar mer orð þín, sem skíott takir þv

retta ast, því at þv stvndar a þat at fa ok vita. En i þrímr lvtvm skalltv finna orskvrð þessa spvrdaga. Svmmir lvtir erv ollvm at
10 íomnvv iattaðir, svmmir morgvm ok eigi ollvm, svmmir færvm. Þeir lvtir erv at íomnvv iattaðir ollvm, er þer ok ollvm þíona at íomnvv, sem himinn, loft ok íorð, votn ok vtallegir aðrir lvtir. Þat er mart, er þer er íat með morgvm en eigi með ollvm; svmt er þat ok, er þer einni er íað; en villtv því minna vna honvm, at hans
15 lán tekr yfir marga, eða værir þv þa sælli, at hann hefpi þer einni veitt heiminn? En hvar er þat, er þv segir, at eigi er ast, nema miðlað se, enda erv margir menn, ok villtv ein allt eiga? hvar er nv samband við aðra menn? Lit a hitt, at mikit veitti hann þer, þa er hann skop marga menn þer til hugganar, þo at eigi se þer
20 einni allt íatt, ok morg dyr þer til þíonvstv. Se ok skil, hversv allir lvtir erv gervir til gagns, svmmir til þíonvstv, svmmir til hvgganar; þeim mvn meiri er hans miskvnn, er fleiri níota. En hvrr er sa husbondi, er einn etr bravð sitt, einn veler vm dryk sinn, klæðir einn sig, sitr einn við arin sinn, eða er einbvi i hvsi sinn?
25 Engi er sa, þvíat fleiri níota, ok er þo allt hans kallað, þo at við hina se miðlað, er honvm þíona með ast eða með skylldv. Nv se a þat, at hvart sem þeir lvtir, er gvð hefir íatt, þíona þer eða hinvm, er þer þíona, avllv er þer þersv íatt, ok allt þíonar þetta i þínar navðsyniar ok þitt embætti.

Sala mælis. Kvistað hefir þv spvrdaga minn, en eigi hefir þv ívan mína með rotvm vpp slitið. Ek (s)pvrdða þat, ef ek ann einvm, ef ek hefir eigi einsaman hans ast. En þv segir mer þat vera íatt, er þeim lvtvm er veitt, er mer þíona, ok hefir þv sannlega svarað, en eigi fvlliga. Se ek, at meiri er ast skaparans við
35 menn en við avnnvr kvikvendi, ok eigv allir menn af því at íomnvv at gleðiaz. En eeki finn ek einvirdingv mer íatt, því at þeir gleðiaz at íomnvv af mínv felagi, ok þeira enga virdingar gíof finn ek mer einkennilega veitta helldr svvirdingar samneyti. Þvi at i því felagi erv svmmir vkristnir, ok þo illvív hordomsmenn ok meinsvarar, þíofar

ok ransmenn ok margir aðrir glæpafviller, ok þva aller vñ eitt lán. Nv syn þat mer, hvat mer er einvirdingv iátt, er ek skal einvm vnna, með því at hans miðlan tekr yfir alla sva illa sem goða.

Likamr talar¹. Eigi skal ryggia þig, ef veralldlegir lvtir erv at iomnv eða framarr iattaðir hinvm vanda en hinvm goða, ok 5 skalltv eigi fyrir ætla, at gvð miðli sva ast sinni sem efnvm; því at allt þat, er illvm er veitt, þa er þat veitt goðvm monnvñ til gagns, en vandvm monnvñ til doms, nema þeir vendi sinv skapi til gvðs ok þiggi með þockvm ok vendi ser til nytia þegit lán. Er vandvm her því valld veitt eða fe, at hinn goði skal eigi travst 10 a þat leggja, er gvði er eigi meiri virkt a, slikv iattar hann vinvm sem vvinvm, ok af því at þeir finna þat, þa fyrirlita þeir þetta ok heliaz æ a betr ok betr at gera. Oft er goðvm manne myklv riki iað ok storvm eignvm, til þers at goðr maðr, er mikit gott hefir, mege mikit gott vinna. Oft gerir vandr maðr mikit goðs af 15 sinv, ok þo eigi af rettvñ kjarleik til skaparans, ok því ma honvm eigi þat at fvllv vinna; en ecki gott skal vera vlavnað, ok taka þeir því her avmbvner ok missa þar, sem þeir þvrfa meirr. Oft er envm goða sliks syniað því, at þat skal eigi leiða hann i ofmikla freistni, ok er þat þar enn með liknvñ, at ef hinn goði 20 vill vinna gott ok ma eigi, þa vinnr vili iamna ombvn sem efni, ef gefit væri. Oft megv vandir menn mikit gott en villdv eigi, ok stendr þeim þat til tions, [at] þeir mattv gott, en gerðv daligt. Stvndvm er hvarvmtveggivm (i)átt; ok ef hinvm illa einvm [væ]ri veitt, þa mvñdi hann miklaz af ok avka sva sakir sinar; en ef 25 hinvm goða einvm væri veitt, þa mvñdi hann ottaz, at því minna mvñdi hann hafa af annars heims sælv at vitia, [er] veralldar æra væri her meirr miðlap við hann. Nv er engvm travst a þat leggiandi, hverivm sem heimrinn gengr með, er bratt liðr, ok meðan er i er, þa fylgir minni nytsemð en vandi. En bæði ma 30 maðr hafa fe ok valld abyrgðarlavst, en þat er fyrirboðit at hafa þar travst a, sem prophetinn mæli: »Þo at avðæfi falli til yðar, þa leggið eigi hvg á fear ast«; þat fyrirbyðr hann, en eigi fiar eign. Nv skalltv, sala min, enga kvídv fyrir því bera, at vander menn hafe fe eða farsælv, því at þeira æra liðr bratt, en þin 35 stendr með eilifvm fagnaði. Hár er þinn retrr, ef þv kant sannlega at sia, er þv byr við eilifa ast ok biðr eilifra avmbvna, er her skamætt lán ok liðr sem vñdir avgabragð. En þo at marger menn, svmir goðer en svmir illir, erv i einv samneyti ok vñdir

samre gvðs miðlan, þa skal þig þat eigi ryggia, því at goðer menn
 (erv) þer til hvgganar, illir til frama, hvarertveggiv til bata, tekr
 þv af hinvm goða dæme til goðra verka, þv leitar ok við at gera
 enn vanda að goðvm manne, ok tekr af envm illa viðrsio illra
 5 verka. Ok hefir gvð fyrir því ollv þersv (snvit) þer til hialpa,
 því ef þv likiz hinvm goða, þat er þitt gagn, sva ef þv firriz
 enn illa af illvm dæmvm; bæter þv ok enn vanda, þa snyz þat
 þer til hialpa. Alldri veitir gvð valld envm vandvm monnvm
 goðvm monnvm til nytia. Ok því þoler gvð vandra mauna fram-
 10 gang ok ofriki, at a bardaga degi verðr reynt, hverir gvðs vinir
 erv. En hversv reynaz berserkir eða kappar, ef engi byðr þeim
 holmgongv? Ner ok reynir iardlegr konvngr hirð sina, vtan þa er
 vvínir ganga a ríki hans? Ner gefr ok gvð meira ravnarefni vinvm
 sinvm, en þa er fiandr vilia fyrirkoma sœmðvm hans? Ravn skal
 15 vin profa. Sa er sannr vin, er i navðsynivm¹ er bvinn til hialpar
 eftir megni, sva himna konvngs sem iardlex konvngs. Með falsi
 er vinar nafn, nema ravn fylgi með sannri vingan. Ok skal þer,
 sala min, vera fagnaðr i allra samneyti, at hinn goði er i navð-
 synivm bæði til styrks ok hvgganar, en hinn vandi skirrir goðan
 20 mann fra vandvm verkvm, ok er ast vars drottins því betri, er
 hon dreifiz til fleiri, goðra manna ok vandra. Hvgsa ecki, at ast
 hans se því minni við þig, at marger nioti, því at þat er mikit,
 at hann ann ollvm fyrir þinar sakir, ok þer fyrir allra saker, ok
 ma þer þat nægiaz, því at hverr er hann ann, þa er hann hvergi
 25 vti byrgðr af honvm, því at hans ast er ein með ollvm ok minkar
 með engvm, þo at veitt se ollvm. Enda er eitt vart havfvð, þat
 er varr drottinn, en ver ervm aller haus limir, ok eigv ver því
 aller at vera sem einn maðr, ok er því sem hans ast dreifiz þa
 til eins, er til allra, ok þa til allra, er til eins. Ok er því, sem
 30 þat taki til þin einnar, sem til allra tekr, því at hann fellir hvergi
 eina ast sva við annan, at hon se eigi með fvlv með þer. Nv
 likz honvm, ok ger sem hann gerir, vnn sialfri þer ok ollvm
 oðrvm heilagri ast, vnn slíks oðrvm sem þer, allrar giæzkv ok
 eilífs fagnaðar. Þersor er einka ast ok þo engvm einvm eignað
 35 ne einkannað, hon er miðlað en eigi svndrað, oll með ollvm ok
 hvergi heft, hon minkar eigi með miðlan ne þrotnar með aftokv,
 hon fyrniz eigi með tima, ok er hon forn ok ny. Sia ast er girndar
 verð i fystvm, mvnleg i ravndaga, eilíf til vegsemðar, fvlv fagnaðar;
 sia ast fœðir mann ok seðr, stendr æ með fystvm ok meirvm

girndvm, ok er til hennar losti því meiri, er meiri er aftaka, því at hon stendr æ með livfv en alldri með leiðv.

Sala talar¹. Með fagnaði koma mer sannvr þinar ok með miklv gagni, því at sva sem mer blindri var engi vili til þeirar astar, þa vex mer þar nv storvm girnd til þeirar astar. Þa leys 5 mer minn spvrdaga. Sa enn reini vnnasti, er alla elskar ok krefr af ollvm astar, hversv ma hann vilia sinn ok ast af ollvm fa með fvllnaði? Eigi er mer ifan vm viliann, en framkvæmd verðr mer myrkri.

Likamr talar¹. Spvrdagi þinn, [sala min², er goðr, því at 10 hann stendr af navðsynivm ok goðvilia, er þv spyrr, hversv hans ast ma taka til allra með fvllv lani. En sia spvrdagi er sem leyst se, ef þv kenner innvirðilega hans verk ok skipan við þig. Fyst at þa er þv vart eigi, þa var þat hans giof, er þv vart skapað; ecki: gaftv honvm til þers, ok ecki matter þv, því at þv vart 15 ecki þa. Með miskvnn hans vartv, mikit megin var þat at gera mann af engv, en þat var meira, til hvers hann gerði mannenn, ok væri hann þo lofs verðr ok þacka, at hann hefði eigi meira veitt þer. En hann hefir þo størrvm til lagt: hann gaf þer, at þv værir, hann gerði þig sva fagra, at ollvm iarðlegvm skepnvm venni 20 ok ollvm mætri ok ollvm ertv ok tignari, því at hann gerði þig eftir sialfs sins likneskiv, hann gaf þer vit, ætlan ok minni, þat er oðrvm veralldar skepnvm eigi veitt, þat er þer iatt, ok mart annað, svmt með ollvm, svmt með svmvm. Þat er þer með ollvm skepnvm iatt, solar embætti, iarðar ok siofar, lofz ok vatz, en með 25 monnvvm at hafa tru, ván ok astsemð, er allt gott riss af; þar með er þer gefin kenning ok vizka. I ollvm þersvm ltvvm hefir hann elskat þig vmfram flesta lvti. Nv, goða sal min, margar storgiafir hefir þv af honvm þegit, ok enga þersa aflaðir þv siolf. Allt hefir þv með miskvnn þegit ok af hans orlyndi, ok ertv því i mikilli 30 skyllðv bvndin við hann. Hygg at, hvat þv hefir moti leggja hans sva mikilli gioezkv. Ek ræð þer, legg ast i mote, þat hefir þv til, ok þat vinnz þer. Vnn gvði þinvvm ok ollvm samkristnvvm þinvvm, miðla ast þina við alla, sem lavarðr þinn gerir, ok trv því, at sa ma vinnaz at œrnv avllvm at hialpa, sa er alla skapaði af 35 engv ok ollvm styrir, ollvm vpp helldr, gefr boðorð ok byðr fagnað.

Sala mæler¹. Sva skipaz nv, at þeim mvn lengr er ek heyri þina fortolv, því meiri fyrst er mer a at heyra þin orð. Nv hvat er þv talar, þa vil ek heyra, nema ok mer i nyt fœra, því at eigi

¹ capitulum Hb.² [tilf. *Fragm.*³ saal. *Fragm.*; eigi Hb.

er rett at hafa eyrað til nytrar kenningar, en hiartað i oðrvm stað, litið dvgir eyrað, ef hvgrinn reikar, því at sva mæler prophetinn við gvð sialfan: Viðrbvnað hiarta mins heyrði, gvð, eyra þitt. Moyses la einn tima þegiandi ok bað þo til gvðs með hiartanv, þa kom rodd af gvðs halfv ok mællti: Hvat kallar þv til min. Ma af því marka, at gvð virðir böenakall i hiarta en þogn i mvnni. Nv ræð slikt, er gvð kennir þer, en ek skal við taka bæði með hvgr ok hiarta.

Likamr talar¹. Gvð gaf þer skepnv ok lif með skepnv, fegrð með lifi, skyn með venleik, ok væri litið allt annað, ef skyn skorti. Hann hefir eigi siðr likamann sk(r)ytt með giofvm en sialfa þig: þv ser með avgvm, heyrir með eyrvm, bergir með mvnni, ilmar með nosvm, handlar með hondvm. Geym, sala min, hve haleit ok frið þv ert. En hvert ætlar þv at stvnda skili(!) þersi enn tigni bvnaðr ok enn agiæti? Ek segi þer, sa enn same, er þig hefir skrydda, hann hefir þig kosit ser til vnnastv, þv ert hans festarmær. Ok sva sem hann hefir gefit þer festarfe ok heimanfylv, sva hefir hann bvið þer heimilldar hvs með sialfvm ser. Hann vissi, en þv eigi, til hvers þv vart skopvð; hann vissi, til hvers hann skryddi þig; hann ann skepnv sinni ok sinv skrvði, hann hefir vtan skrydda þig með likams kenzlvm, en innan með viti. Er likams atføersla sem enn ytri bvnaðr, en vizka sem enn innri. Innan ertv bvin með skyn ok goðvm kroftvm; en hinn ytri² bvnaðr þinn prýðir þig sem dyrir steinar fegra eitthvert smiði, bvnaðr þinn sigrar allt smellt ok alla veralldlega fegrð. Enda hœfpi þat, at sva væri sv festarmær skrydd, er ganga skal i faðmlag sialfs sins drottins. Haleit er sv giof ok eigi ollvm iatt, þeiri einni er iatt, er elskar. Glez nv af sva miklv lane. Vel attv at geyma þersa bvnaðar, at eigi savrgiz ne tyniz, ok eigi kome spell a fegrð þina, því at en avmazta vettr ertv, ef þat hendir þig. Enn ertv vesalli, ef þv tynir þersv, er þv hefir sva agiætlega þegit, en þv værir þa, ef þer hefpi eigi með ollv veitt verið, ok verðr þa myklv svivirðlegarr vtrekin, en þv værir þa, ef eigi væri með ollv i fyrstvnni við þer tekít. Ek veit verk þin, sala min, ok þv min. Þvi er verr, at latið hefir þv festarmann þinn ok sviz fra honvm ok savrgatz með morgvm; skert er nv reinlæti þitt, spillt er fegrð þin, brottv er nv bvnaðr þinn, nv ertv sva liot, sva savrvgr ok vrein, at þv ert eigi nv verð at sœkia i faðmlag vnnasta þins, gleymt hefir þv nv honvm ok hans velgiorningvm; eigi dvgir þer nv staðfesta til með macleik at þacka honvm sina dyrlega skipan

¹ capitulum *Hb.* ² innri *Hb.*

við þig, baki hefir þv við honvm snvið ok lagz vndir hans anskota, savrgaz með vvinvm, gerz pytlingr, avllvm heimol, sva leikin ok sva hondlað i þinv savrlifi, at rockið er andlit a þer, kinnr bleikar, davð avgvn, en blar varrar, visnir spenar, hvð skorp, megin þrotið. Nv ertv eigi i bettra hatt komin, at nv hefir þv tynt enn fysta 5 vnnasta; hormenn þinir sla nv leiðv a þig; hormvlegt er þat, at sva frítt vpphaf hefir flvtz vndir sva liotar lyktir.

Sala mæler¹. Nestvnni er þv hoft erindi þitt, þa hvgþa ek, at þv friddir mik ok minn bvnað, ok þv mvndir glaða hiarta mitt með fagnaði. En er þv bratt erindi þinv i hatt verra, þa kenda 10 ek, at orð þin sannaðv skomm mina, at ek man nv hatri sæta i stað astar, því at ek kvnna eigi goðs at geyma, ok ek lagða vþock moti goðri ok agiætri tilgiorð. Nv villdi gvð, at vgort væri þat er gert er, eða gleymð mætti a falla alla mina ofdirfð ok þav mein, er þv hefir nv mer til neyvla framborin vm mina vgiftv, er ek 15 skal bokvm hafa snvið við minvm drottne.

Likamr talar¹. Til kenningar ok aminningar hefir ek þetta framborið en eigi til neyvla, því at ek vil, at þv skilir, hver þin skyllða er við gvð, er þig skop ok leysti þig, þa er þv siolf hafþer tynt þer. Til þers stvndar hvgr minn at kenna þer, hversv mikinn 20 elskvga þinn vnnasti hefir haft við þig i þinni tion þig at frelsa. Sva haleitr sem hann er i sinv riki, sva litill syndiz hann her; hizvg veitti hann þer mikla lvti af sinv mikla valldi, her þolþi (hann) harðar viðfarar með litillæti, því at þv hafþir fellda þig, en hann steig niðr þangat, er þv latt, ok leysti þig. Ok til þers at 25 þv megir na þeiri sælv, er þv tynder, þa þolþi hann eigi þina pinsl með sinni milldi, hann steig or sinv riki, tok a sig manndom, þolþi pinsl, sigraði davða, frelsti þig. Skynia, sala, sva mikla giezkv þer veitta, geym, hversv mikla elskv hann hefir þer teð. Fogr vartv i fystv ok af hans lani, fvl gerðiz þv ok af sialfrar 30 þinnar illzkv, en hann tok af þer savrleik ok gallt þer fegrð þina með sinni milldi. Ok af þeiri ast, er hann hafþi lagt við þig, vnni (hann) þer enn savrvgrí ok lagþi fram lif sitt þig at frelsa. Nv eftir sva mikinn kostnað ok sva mikla framlogu, eigi brigðr hann þer þinv afbroti, ok því vill hann siþr misgerðir mvna til hefnda, 35 at hann vill, at hans vili standi allr vskerðr við þig, ok enn heitr hann iamstorvm giofvm, sem fyrr hafþir þv, ef þv vendir þig til nytz ok hellðr með staðfestv.

Sala mællti. Svms kostar man ek nv kynlega til orðs taka.

Nalega er nú, sem ek vna glöpum mínum, því at mér synir, at gagn hafi at verið, þar sem drottinn minn var með glöpum mínum kvaddr til minnar lavsnar. Enda hefða ek alldri hans ast sva gerla vitað ne sva fvllega reynt, ef ek hefða eigi aðr i misgerðir
5 fallið. Með sælv synir mér fall mitt, þar sem ek riss sælli vpp, en ek fell, ok velldr því hans ast; engi ma meiri vingan vera, ok engi ast skirari, engi elska helgari en sia. Do hinn meinalavsi mér til lavsnar, ser til dyrðar, þar sem (hann) fann ecki þat með mér, er astar væri vert. Nú se lof gvði ok þer, drottinn minn, er
10 sva mikit vant fyrir minar saker.

Likamr talar. Avita þig, sala min, fyrir gvði, at þv hafir her til avfssvllavs verið mot sva morgvm ok storvm velgiorningvm, ok villdir eigi kennaz við hans miskvnn, sva mikla sem þv hefir þegit. Þv haffir horfit fra honvm ok tynt sialfri þer, þv
15 vart selld fra honvm brott með sialfrar þinnar syndvm, hann leysti þig með sialfs sins bloði ok frelsti þig or navð ok or herleiðing.

Sala mælti. Eigi a ek heðan af at svivirða mik ne leggja mik vnder spell, þar sem gvð lagði sva mikinn þocka vpp a mik, at hann þolpi davða fyrir minar saker.

Likamr talar. [Mætti þer fyrir avgvm verða¹, sala min, hversv marger fyrirliðnir hafa verið ok af því tyndir, þa mündir þv oll vera i þockvm við gvð. Heyrt hefir þv, hversv [margar ættir² hafa til tions stigit ok þo þegið þat er þeir [mistv, nyt þer þessa dyrlega þegv³. Mikil er sv virðing at lata þig kiosa þa;
25 en ætlar þv, at neckor gangi þinn verðleikr til þersa? Vartv þeim styrkri, vitrari eða agiætari, avðgari eða mattkari? Nei, margir vorv [þar vitrer, avðgir ok agiætir⁴. En allt þetta dvgpi hvarki þeim ne þer. Miskvnn ein ok milldi leysti þig, en engi þinn tilverki; hann kavv þig vmfram alla, gaf þer nafn af nafni sínv, sva
30 sem hann heitir Kristr, sva heitir þv kristin, mikil er sia tign, en meira er allt saman, þat er hann hefir veitt þer; hallt nú ok tyn eigi.

Sala mæler 5. Storvm hefir þv nú hvggð mik. En með því at honvm er ast a mér, þa seg mér, hvi helldr hann mér sva lengi
35 i fiarska ok tekr mik eigi helldr til sin vm sípir, at ek mætta vrvgglega hvilaz ok gleðiaz i hans faðmlagi?

Likamr talar 5. Ek bið, sala min, at þv kvnnir andsvorvm

1 [*Saal. Fragm.*; F . . . mætti þer vera *Hb.* 2 [margir flokkar ok storir *Fragm.* 3 [hafa helz þnd (? þionad) *Fragm.* 4 [þer vitrare, agiætare audgare eða mattkare *Fragm.* 5 capitulum *Hb.*

ok eigi sífr sannsogvm. Veiztv eigi, hve fvl ok savrvg ok liot þv vart? Vilnar þig nockot þers, at þv mvner fa sva dyrlegt faðmlag, nema þv legger fyrri rækt a at faga þig ok manna þig ok reinsa ok endrnyia bvnað þinn ok afla aftr þeirar fegrðar, er nv hefir þv mist. Þetta velldr, er þv missir hans navistar, kviðiar hann þer kors ok faðmlag með ast, því at eigi ma sva savrvg reinan handla, ne sva liot sva fagran lita. En þegar er hans viðtaka bvin, er lyti erv af færð. Nv legg a allan hvg at fegra viðrlit þitt, skreyta bvnað þinn, þva lyti þin, endrnyia reinlæti, bæta athœfi, fylgia kenningvm, ok koma sva i sætt við þinn vnnasta. Stig i engan ofsa ne ofmikit dramb, af því at þv hefir verið kosin, tak eigi orvilnan af því, at aðrir vorv sakaðir, en þv eigi. Ok her til vil ek segia þer sogv eina þar til.

æfintyr. Konvngr einn var forðvm, sa er Asverys het, hann atti drottning er Vastes het. Hon gerðiz mikillat, af gnott fear ok metorða fyllidiz hon vpp dramb ok ofsa. Ok einn tima er konvngr sendi henni boð, at hon skyldi koma til hans borðs, er hann hafði gort ollvm envm hæstvm monnvm af ollv riki sinv, ok villdi syna sialfs sins agiæti ok sva hennar, þa fyrirleit hon hans boð ok vilia. Ok hann i reiði sinni fyrirleit hana ok sagði hana af drottningar nafni ok or hivnskaps bandi. Orlendiz hon, ok gerði þat hemmar dramb ok ofrhvgi, at hon misti konvngs sins ok metorða, fiar ok fostrlandz. Bæð konvngr sinvm monnvm at samna ollvm meyivm af hans riki, þeim er venstar vorv i borg, vndir giæzlv gelldings þers er Egenys het. En er þær vorv þar komnar, þa pryddi hver sig eftir mætti, sem hver skyldi sem betz þoknaz fyrir konvngs avgvm. Lit a her, sala min, hversv margar vorv kvaddar, en ein var kosin, sv er konvngi syndizt fegrst. Fysti kosningr var eftir konvngs boðorði, en annarr eftir vilia hans. Nv geym, ef þersi dømesaga megí nockorn stað nema i þinv mali.

Svn himnakonvngs kom i heim þenna, er hann hafði skapað kono ser at festa, einvalða ok þa er verð væri konvngs faðmlax. En gyðinga lyðr, er fyrir hafði spað hans herkvamv, því at þeir sa hann litillatan, þa fyrirlitv þeir hann, ok varð hann því fyrirlitinn. Bæð síþan konvngs svn postolvm sinvm at fara yfir allan heimenn salvm at samna ok flytia þær til borgar sinnar, þat er vndir helga kirkiv ok retta kristni. Drottningar skalltv her skilia reinar salvr, þat er borg vars drottins, sem Pall postoli segir: þat er gvðs mvsteri, segir hann, við ors kristna menn, er þer sialfir ervð. En þær salvr velr Kristr ser, er eigi erv vbyria, þær er bæði megí

geta ok ala, en þat er bæði at byria goð verk ok vinna, ok avka sva himinrikis folk en eigi veralldar. Ok er þa goðr getnaðr veralldar ok gvði þeckr, ef með rettvn getnaði er getinn eftir gvðs skipan. Þær salvr erv gvði þeckiar, er honvm þiona með ast en
 5 eigi með otta, ok ala fyrir því frialslega vndirelði goðra verka, en þær erv eigi allar. Marger erv menn qvadder til kristninnar, ok marger koma, fioldi sækir helga kirkiv með viðtokv trvar ok taka þar alla skyllða þionvstv, ok erv þar dyr smyrsl til salvhialpar. En þo at marger se kvadder, þa er, sem dróttinn segir i gvðspiallinv,
 10 at faer erv kosner, því at þeir einir erv valðir til eilifs fagnaðar, er her leggja alla stvnd a sitt mal at reinsa ok sik at pryða með goðvm verkvm, at þeir finnis slikir, þa er þeir erv heðan kvadder, at þeir se verðir at vera kosnir. Nv se, hvar þer er skipat¹, ok mattv þa skilia, hvat þer er skylt at vinna. Vnnasti þinn, sem
 15 Asvervs konvngv gerði, hefir skipað þer i hvs þat, er triklinivm heitir, ok skalltv þar bva þig ok avka þina fegrð með goðv, allt þat er þer er til þvrfta. Ver nv iðin, sala min, vm bvnað þinn, ver hvarki lot ne vrækin, at verðleiki þinn megi visa þer i faðmlag þins dyrlega vnnasta, þa er þv verðr heðan kvodd. Nv bv þig,
 20 sem hefir(!) konvngs vnnvstv, ok eigi iarðlex konvngs einshvers nema vnnastv himinrikis konvngs, bv þig þeim konvngi til handa, er fyrir þer þoldi davða ok sigraði davða, ok er þo sialfr vðavðlegv.

Sala mæler². Nv hefir þv annan tima visað mer i mikinn otta. Ok sva sem ek skil orð þin, þa hefir ek ætlan skipt, sva at
 25 ek hefir slitið mik fra veralldar ast, er æ er hverfvl, ok hvgðv(m)z ek flytiaz til retrrar astar. En i því hefir ek eigi haska forðaz, at þv kveðr mik eigi mega nalgaz nyt þersarrar astar, nema ek gera mik með allzkyns hætti verða hennar at oðlaz, en ek se, at þat er með starfi ok meinlæti. En þo bið ek, at þv þyðir mer,
 30 hvat er triklinivm er, eða hvat cubiculum ok allt þat annað, er þar til heyrir, því at allr vili minn stendr nv þangat at vinna aftr tynda ast. Ok vnni mer gvð sva aftr at heimta minn venleik ok enn fyrra bvnað, at minn vnnasti megi segia mer: «Fogr ertv nv ok vel bvin ok verð mins faðmlax,» sæl em ek þa, ef þat hender
 35 mik; litils er vert allt þat, er ek ma mik pina, hia því er ek skal moti taka. Lat þer eigi fyrir þickia at tia mer alla þa hialp, er ek ma til mins mals fella þeim at þocknaz, er mer hefir sva mikla ast ok giæzkv veitta.

Likamr talar². Nv ertv a rettri gotv, ok ger sem þv mæler,

¹ skapat *Hb.* ² capitulum *Hb.*

ok sa veiti þer megin til framkvemðar, er vilia þinn kveykir til frambvrðar. En þv leitar, hvat triclínívm er eða cubiculum. Þat er hvs þat, er konvr bva sig i, cubiculum er þat, er brvllavp er i veitt. En at skyra þat gerr, þa er triklinívm i þyðing kristni var ok heilvg kirkia, þar er goðar salvr bvaz i til giftv giftingar; en þa er þær hafa bvið sig ollvm bvnaði, þa sækia þær i brvllavps hvsið, því at þa er þær hafa her þionað i goðvm verkvm, þa taka þær með gvði eilíf giolld sinna verka. Ok er kristni var kallað triclínívm, þat þyðir þriskipað eða þriskift hvs, því at þriar erv kristinna manna skipanir: einir erv kvangaðir, aðrir, þo at eigi se 10 mogr eða meyar, kiosa ser reinlifi, .iii. erv meyar, ok allir gvði þeckir, hverr i sinni tígvd, ok þo þeir fremstir, er vbrvgþit hafa sínvm meydome. Ok er þo gvði kiærr hivskapr, sa er með rettv er bvndinn ok síþan loglega varðveittr, er sv er þar rett varðveizla a ok samkvama, at hvart varðveiti trvnað oðrv ok við engan 15 annan af bregþi vm likam sinn. Se ok samkvama þeira fyrir getnaðar sakir en eigi losta, þo at til mikilla likna se lagt, þo at mvnvgð skrefi stvndvm vmfram getnaðar sok. Nv bva þersir allir i triclínio, þat erv kvangaðir ok vspiltir ok hinir, er nv hallda sig, þo aðr væri i hivnskap eða i oðrvm horvndar losta. En nv 20 røðvm vm þav en dymætv smyrsl(!), er betri erv var i iartegnavm en þeira i bvðkv, ok hēfir þat af skirn varri. Þogv ser konvr i brvðarhvsí Asveris(!) konvngs, ok minkaði með því likams savr, en ver ervm þvegñir i fontinvm, ok falla þar allar syndir, allmyklv er þa betra vart vatn. En hvat velldr því? Navist ens helga anda, 25 trv var ok yfirsongr kennimananz. Þvi at aðr þersir lvtir koma til, hvat er þat meira en vatn? En er þersir lvtir koma til, þa er þat skirnarvatn; ver sigvm savrgir i, ok komvm vpp reinir ok syndalavser. Aðr matti ser vatn litið til storra lvtá, en nv sendir þat mann til himinríkis.

Smrysl(!) er her ok til taknanar ok til reinsanar crisma ok oleum sanctum, því at þv ert nv kannaðr Cristi, með hans nafni ertv kristin kallaðr, ok sva ertv. Goð erv þersi smyrsl, því at þav binda þig við himnakonvg.

Myra 1 erv vistir þær, er varr konvngr gefr af sínv borði, þat 35 er af sínv helga alltari, þat er holld hans ok bloð, þat er hann sialfr. Hin vistin fœddi likaminn, sia fœðir salina ok visar henni til himinríkis. Mikit megin er at þeiri helgv fœzlv, er syndir slockvir, fœðir salv, veiter himinríki.

Klæðnað gaf hann, ok þv verðr at klæðaz. Hann er eigi sva dyrr, sem hann er at ravn goðr, þat erv olmsvyr, fostvr ok vokvr ok oll onnvr miskvnnarverk, er þinn bvnaðr skvlv vera, ef þv villt til hans faðms ok fagnaðar koma. Ok þv skallt hafa dymæt gros
 5 með þer, ok þav er fyrir kome til hans en siolf þv. Maðr ma gera goð verk, ok erv þav eigi gvði þeck, maðr ma gera olmsv fyrir fræ(g)ðar sakir, fasta ma maðr at afla ser orðs þers, at hann se trvr maðr. Þat kann ok vera, at log þrysti honvm til fostv, en eigi sialfs hans vili; fasta ma maðr fyrir sinkv sakir at spara
 10 mat sinn. Sva er vm onnvr verk; i hva(r)ntveggia stað a rvm til goðs ok hegoma, ok ef til hegoma horfa, þa taka þav verk eigi til goðs, tion er þat eða likams æðra, ok allt þetta avfssvstavst ok avmbvnnar. En þat er allt fyrir gvðs sakir gort, er reinlega er gort ok til salvþvrftar. Nv skipa vel verkvm þinvm, þa gengr goðr ilmr
 15 af, ok klifr sa ilmr allt vpp til himna ok vattar þin verk, ok þegar þv staðfestiz i þersv athœfi ok með þersvm hætti, at oll verk þin lita til gvðs, þa te(k)z af savrinn, er aðr var a þer, fellr snykr ok vþefian, ok man þer þickia, at þv ser hin sama ok þv vart, ok man nv allt þitt athœfi snvaz i goða gleði ok helga teiti
 20 ok i rett hvgskot, ok allt þat snviz þer til hialpa. En at þv megir enn giorr marka, i hvern avka fegrð þin liðr, þa se oft i skvggsio þina, þa mattv sia, hvat vel samir i bvnaði þinvm, sva ok ef noekot skortir.

En þersi skvggsio er heilvg ritning, lat hana oft vera fyrir
 25 avgvn þer, hon kennir þer þinn bvnað, les hana ok fylg þvi, er þv heyrir. Ok ef þv fylgir, þa manntv skirliga lifa ok rein bva ok eigi oftarr savrgaz. Man nv þer i halld koma fontrinn, er þv vart skirð i, krisma ok olevm, er þar var a þig lagt, sv en helga fœzla ok sa enn dymæti dryckr, er þv hefir tekit af vars konvngs
 30 borði, ok meiri nyt dregr, ok mætri ok langæri: er til eilifs gagns helldr en vistin, er meyar tokv af borði Asveri konvngs. En hvat, ef sva illa verðr, at þv fegriz vm rið, ok þit mal i lag komit ok i frið við vnnasta þinn, ef þer vinz staðfesta til ok gitta, en þv bregðr a hátt verra ok vendir þig til vandra verka? Nv deyr
 35 goð tilgerð, en mein vax(a). Nv ef þv fellr, ris vpp, eigi er sa farinn, er fellr, hinn er farinn, er orkaz ma ok vill eigi sialfr biarga ser. En hvat, ef oft er vent til vmbota ok oft til meina? Ris æ vpp, er þv fellr, mart er til vmbota. Ef þv bleyðir hiarta þitt, sv bleyði grœðir þig; kemr þv þer til tara, þav skola þig; er

ok fasta til vmbota, bæner, vokvr, mersvsongar, olmsvgerðir, fyrirgefa oðrvm sinn misverka, venda þeim rettleiðis, er i misfelli hefir hitt, hefna a þeim illzkv, er of þrair erv at hallda a sinv meini, at eigi tyni hann bæði ser ok oðrvm með illvm dæmvm, af því at hann er of þrahalldr a illzkv sinni, ok er minna hans 5 tion eins en margra, ok er því hefndin salvbotar verk ok synda lavsn, ef sa hefnir, er gvð hefir þat valld i hond greitt. Ok er sa retrr laga hofþingi, er hefnir eftir logvm, ef log erv eigi of frek, ok hefnir hann fyrir gvðs sakir goðvm monnvm til friðar, ok hefnir með astvm en eigi með heiftvm, með ast við gvð ok folkit ok sal sialfs 10 sins. Slikir lvtir ok margir aðrir liggia til vmbota. Se, hversv mikil milldi vars drottins er: hann gerði þig, þa er þv vart eigi, til þers fagnaðar, at þv skylldir i hans riki þann stað fylla, er engillinn tyndi; hann gaf þer at vera vel, því at ecki matter þv þer fyrir vtan hans lán; hann gaf þer ætlan at hyggia gott ok 15 villia at vinna ok megin. Ollv tyndir þv þersv. Hann gelldr þersa miskvnn, engan fær þv þer annan slikan beinamann, hann gefr þer stolinn ok vit til at veria, enda gelldr þer enn með miskvnn, þo at þv tynir með heimskv. Enda er sia miskvnn æ bvin, hversv oft sem þv leitar til, ok hversv syndvg ok savrvg þv 20 ert. Sva er hans ast mikil við þig. Nv legg moti allt þat gott, er þv matt, þo er þat morgvm lvtvm minna hans tilgerðvm. En þv matt svara: Ek em fatøk, snavð ok neis, ek hefir engi efni til framlogv. Sala, þv segir eigi satt, þv matt hafa ast, ef þv villt, hefir þv ok sialfa þig. Persa lvti krefr hann ok krefr sins. En 25 hvat, ef efni skortir, legg fram goðan viliann. Ef hann hefir mikit veitt þer, ok gerir þv því mikit gott, þat er hans vezla. En ef hann hefir litið veitt þer, þa er þat ok þitt gagn. Hann vill reyna þig i þinni neisv, hann veit giorr, hvat þer hæfir, en siolf þv, ok skalltv fyrir því með þockvm taka oll hans verk, ok æ hans 30 miskvnn at kenna, hvegi goð er þv geriz. Kann þat vera, at þv geriz sva goð, at þv ser verð, at iartegnir geriz fyrir þinar saker, en gvð vill eigi, því at hann vill eigi, at ofsi megi spilla þer, ok vill hann sva freista þin, því at ecki avkar þat ne vanar verðleika þinn, ok er honvm þeckra at giæta þin i litillæti, en leiða þig i 35 ofmikla freistni. Sva er ok vm fiarefni, hann veit, hvi hann dregr, fyrir því at hann hefir margan tældan. Nv losa alla hans tilskipan, bið hann styra þinv raði ok þa hiolp veita þer, er þv þarft; taki af þer mein, ef nockor erv, vnni þer goðra verka ok staðfesti þig i goðvm verkum, hvarki er vm avðæfi er, því at eigi 40

- iattar hann avllvm monnvm ok eigi avllvm iamnverðvm. Se, bræðr tveir tvibvrrar erv alnir, som er ætt þeira, same bvrðardagr; annarr hefz til avðæfa, annarr legz til fatækis, ok er hinn fatæki sivkr ok nvminn megni, hinn avði heill ok i avllv affi ok megni.
- 5 Gvð ann baðvm, en annan lemr hann at mega illt, ok styrkir annan at mega gott, elskar þo hvarntveggia, en sakar hvarngi. Slikt er hans ast við ors, at hvatki er varr breyskleikr þoler af hans tilætlan, avllv skipar hann því ors til gagns ok til giæzlv. Ok skvlv ver fyrir því i allri hans viðskipan hann lofa ok með
- 10 þersvm orðvm vm hann ræða: Viðr kennvmz ek, drottinn minn, oll þin miskvnnarverk, skipa allt eftir þinvm vilia, því at þv ert minn drottinn, þv ert mitt ynði, þv ert lios avgna minna. En hvat skal, drottinn minn, mote því ollv leggja, er þv hefir veitt mer? Villtv, at ek vnna þer? Hversv mikit skal ek vnna þer?
- 15 En fvl ok savrvg em ek at vnna þer. Vnna skal ek þo, drottinn minn, því at þv ert minn styrkr, þv ert min viðrtaka, min staðfesta, lavsnari minn ok verndari¹, min hiolp ok heilsa. Þv gaft mer, drottinn minn, þig at kvnna, a þig at trva, þig at elska, þer at fylgia; þv gaft mer vit ok skilning, minni², tvngv skilna, þecki-
- 20 leg orð, aheyrliga kenning, ok frambvrrð með framkvæmð verka, vilia til náms, megin til skilningar, varygð i farsælv, hvggan i annmarka. Ok hvert er ek venda mer, þa var æ þin miskvnn bvin mer; ok þa er mitt mal var at þrotvm komit, þa leystir þv mik; þa er ek syndgvðvmz, hirtir þv mik; þa er ek rygvðvmz, þa
- 25 gladdir þv mik; þa er ek orvilnvðvmz, styrktir þv mik; þa er ek fell, reistir þv mik; þa er ek stoð, þa stvddir þv mik; þa er ek geck, leiddir þv mik; þa er ek sotta til þin, toktv við mer. Nv þetta allt ok marga lvti aðra veittir þv mer; ok því a mer iamnan at vera þeckilegt a þig at hyggja, vm þig at ræða, þer at þacka,
- 30 þig at elska, þig at lofa fyrir allar þinar haleitar ok margfalldar velgiorningar, er þv hefir mer veitt, minn lavarðr ok minn drottinn.
- Nv hefir ek teð þer, sala min, ast þins vnnasta ok hans festarfe ok tilgiof til þin. Nv er goðr vnnasti, gott festarfe; nv legg gott a mote, hallt þig vel, þiona rein reinvm, hallt þer vspilltri, ok lat flecklavst vera þitt lif heðan af. Lit a, at fyrrmeirr vartv savrig sem almenneleg pvta, en þv ert nv með hans miskvnn meyar iamningi; þer erv spell fyrirgefin, fleckar af þerðir; giæt nv þeginnar miskvnnar, ok giæt með þockvm ok lytalavst. Se,

¹ verndar *Hb.*² min *Hb.*

hvat hann hefir nú veitt þér, er alldri var þitt afbrigði sva mikit, at eigi var hans miskynn meiri.

Sala talar til líkamsins. Nú finn ek blindi mína, er ek sagða, at eigi mætti vera einka ast vtan til eins tæki. Nú se ek, at sv er meiri, er til allra tekr, ok er þó fyll með hverjum, þar sem einn er allra stíorn ok forvíst, ollum nalægr, allra gjæzla, avllum þvinn til hialpa, fyrirlætr engi, skilz við engan, lítr yfir allra verk, ok vinnr sialfr með þeim, er gott vinna, leyniz andlit en eigi navist hans. Bæði er með mér nú skom ok otti; skommv(m)z ek misverka, ottvmz ek þann, er ek fæ eigi leynz, fyrir því at hann ser alla mína leynda lvti. Ávm em ek, er sva mart er þat, er ek ma skammaz af honvm, en hitt fatt, er honvm ma þecknaz. Missir mér, at ek mætta sva mikla stvnd felaz fyrir honvm, at ek hefða siolf af þert oll mín mein, ok birtvmz ek honvm eigi fyrri, en ek mætta rein standa í hans avgliti lavs fra syndvm.

Nú sny ek rœðv minni til yðar synda minna. Ek særi yðr, bolvaðar syndir ok hatsfvlar, meinafvllir fleckar, at þér latið mik ok skiliz frá mér, dirfiz eigi oftarr til þers mik at sífla, mér at spilla, ok sva reita minn drottin ok lavsnar(a). Enda man yðr tilsokn lítið stoða, þar sem hann veitir vorn, en ek motistoðv, því at enn angrar mik meirr, at ek gerði hann reiðan, en mik vreina, þar sem hann ser oll mín verk. Nú í hans megni segi ek skilið við yðr, níkvæði ek yðr ok allt yðart samneyti, (at) þarflavsv veiti þér mér atlavp. Til annarra lyta vil ek nú skapa mína lífdaga, ok vætti ek ok trvi ek fastlega, at kvíðiað skal yðr vera mín tilvitian ok innkvoma, því at skil ek nú, hversv ek skal yðr brott reka, ok hversv yðr skal forðaz, ok se því nú endir a vorv felage.

Líkamr talar¹. Ánnsvor þín en fyrstv ok þersi erv miok vlik, því at þa þotti þér eigi einka ast, nema til eins tæki, nú þicki þér hon af því mætri, at hon er eins ok allra. Þv kveinaðir fyrr, at frestað var viðrtokv þinni. Nú af því at þv stvndar at bæta fallit, þa finnr þv, hve mikit gott þér hafa veitt frestin ok gvðs biðlvnd ok þolinmæði. En þv ottaðiz, ok enn þicki mér, sem nokkot kenni þers, at þv ottiz, at hans ast se fallin við þig, því at þv ert enn eigi komin til vmbota þins afbrigðis. En þetta ottaorð skalltv með ollv fella: dvenna matti ast hans við þig syndvga, en eigi matti falla; vnni hann þér líotri, tynd værir þv

¹ capitlvum Hb.

elligar, farin væriþ þv, ef hans ræði stigi þegar i fylla hefnd, en
 polinmœði vann freistnina, en freistnin yfirbot, en yfirbot ast hans.
 En því meiri mvnr er a ast hans, er þv stvndar lengr til yfirbota
 meina þinna, því at þegar vendir hann sinv skapi, er þv vendir
 5 þocka til hans. Ok þo at hann hati syndir þær, er með þer erv
 vbœttar, þa kann hann þo þers ofvssv, at þv hatar nv þat, er
 honvm mislikaði. Miðr litr hann nv a þat, hvat a skortir með
 þer, en a hitt, hvert þv stvndar nv, ok meirr geymir hann at iðran
 þinni, en at hversv mikil stvnd er til iðranar, ma ok a litilli stvndv
 10 lækna stor mein ok margfolld.

Sala spyrr¹. Seg mer einn tima spvrdaga. Ek kenni með
 mer stvndvm ynði sva mikit ok hvggan, fagnað ok gleði, at mer
 þickir, sem ek se oll onnvr, en ek var skommv. Nv fysvmz ek
 allz annars en fyrr, ok nv er mer þat leitt, er aðr var livft; syniz
 15 mer, sem ek se oll skipt ok oll ny, ok mitt briost hefir tekit
 nyian fagnað, samvizka min er i gleði, dvenar fyst at lita til
 liðinna meina, i ró er nv hvgr minn, birtiz vit mitt, lysiz hiarta
 mitt, fyst min stvndar a giæzlv heilagrar giæzkv. En þv hefir
 rœtt vm faðmlag vnnasta mins, at þat skiptir mannenvm ok vender
 20 or vandskap til naða ok staðfestv. Nv veit ek eigi, með hverivm
 hætti þetta skipti kemr, en hvggan er mer i skiptinv, ok við
 þenna hatt villða ek bva alla mina lifdaga, ok þar til skal ek fram-
 leggja allt mitt megin. Nv er sem hvgr minn beriz við mik, hinn
 fornri við enn nyia, at hinn megi falla, en sia lifa, því at sva
 25 kenni ek hann nv nyian fagnað hafa tekit, sem hann venti ser
 nv enda allra meina ok fyllnað avmbvna, ok b[iði] hann nv eigi
 framarr, enkis æskir hann þersa heims meira. Nv vil ek þat
 vita, hvart sia minn vnnasti, ef sva skiptir mer, ok
 þersa haleita hvgro hefir veitt mer, felld vnytan losta, en kveykt
 30 fyst til allra goðra verka.

Likamr talar². Sia same er þinn vnnasti, er sva hefir vit-
 iað þin, þo at hann kome hvlþr ok vsynilegr, ok eigi með avgvm
 sia ne hendr hondla, hann kemr til aminningar en eigi til synar,
 til kenningar en eigi til handlanar, vilia þinn at teygia, en eigi
 35 alla fyst þina at gera, astarfyst ter hann þer, en eigi enn avmb-
 vnar fyllnað. Ok þat er sa lvtr, er þer hæfir til festarfiar, at
 her kennir þv hans mvnvgð, ok sva vaxi fyst þin þat at hafa
 annars heims með fyllnaði, er her kennir þv ok bergir með fagnaði,
 ok at þat vitir þv með fyllri hopan, at sa skal vera þinn eilifr i

eign, er nv er i þinni vitian, ok se sv vitian, er nv kennir þv, styrkr til staðfestv, von til framkvomv. Ok er sv bæn min ok lykt ræðv minnar við þig, sala min: Vnn þeim, sök eftir honvm, lett eigi fyrr, en þv tekr hann, ok eignaz hann, þegar er þv fær hann. En þersarrar tavkv ok eignar vnni þer sialfr hann vtan enda. 5

Sala mæli^r. Sia er fyst min, til þers er oll girnd min, hengat stvnda ek með trv, flytvmz ek með hopan, renn ek með astsemð, ok vnni gvð mer her at leita en annars heims at finna. Amen.

Nv með því at vm hvgrecki er talað ok vm æðrv, ok þersv 10
hvarvtveggia til salv vent, er annað er gagnsemda fvlft, en annað
afbrigða ok byrgða, þa gefi gvð æ til hins at lita, er þvrft beiðir,
en hitt fyrirlita, er til haska heyrir. En þat er salv skyllt at
skynia, því at gvð hefir henni skyn iattað, er hann hefir avðrv
kvikvendvm syniað. Ok sem hon veitir lif likaminv m með sinni 15
navist, fyrst at alaz i heim, því nest i vøxt at færaz ok eftir
spena með vistum fœðaz, biargaz með atføerslv, sva er ok hennar
at skynia, at likaminn styri ser með viti, kynna honvm, at .ii. lvtir
erv með mannv, illt ok gott, lostr ok nattvra. Ok er til þers
leggiandi oll ætlan, skilningr ok vizka, at lyti se vti byrgð, því at 20
synd er ill iamnan, en nattvrv se holpið við, er rein var skapat,
ok er þo logð vndir lyti hon lytalavs, því at eftir því sem hon er
nattvra, þa er hon hvergi ill, ok eigi með envm versta manni.
Ok af því at maðrenn kann slikt skynia, i því er hann gvði likr,
því at af þersv kann hann satt at sia ok fremia sig i goðv til 25
salvþvrfta. Ok er honvm iað likams þvrft at vita, hvat hans
næringvm gegnir, sem vist mot hvngri, dryckr við þorsta, klæðnaðr
við kvlpá, vorn mot alavpvm, hiolp við svttvm; ok er fyrir því
tvefallt verk með mannenvm, annað þat er gvð vinnr, en annað
þat er sialfr maðrenn vinnr, ef maðr røker salv sina. Røekt 30
salvnnar erv góð verk ok forsio likamans, en manzens verk ok þo
gvðs lan, því at þrir erv vinnendr, gvð, nattvra ok maðrinn. Gvð
skapar þat, er skapað er ok i fyrst var vskapað, sem Moyses
segir: In principio fecit deus celum et terram. Gvð gerði i vpp-
haf himin ok iorð. En þat vpphaf er skiliandi gvðs sv. En 35
nattvrv verk er at flytia þat i lios ok til nytia, er eigi var aðr
avgliost, sem mann til bvrðar, sað ok annan iarðar afspring til
1 capitvlvm Hb.

avaxtar. Sem Moyses segir með gvðs mvní: Producat terra her-
bam uirentem. Flyti fram iorðin gras grøent. En manzins verk
er at annaz vm sina atvinnv, ok hof þat eftir gerfa synd, at sv
atvinna varð með vilsinni. Sem segir i samv bok: Consuerunt
5 sibi perizomata; þav savmvðv ser hvlningar, en því volldv syndër;
nattvra var aðr friols, en syndin varð at liða til vils ok vela, til
starfs ok ahyggiv, ok verðr maðrinn nv þat at afla með vinnvm,
er avnnvr dyr hafa með nattvr. Ok hvgleiði sa er fyrsta sinni
fann klæðnað, hversv flestar skepnvr hafa með nattvr verki
10 nockora hialp mot sinvm anmarka: næfr hyl tre, fioðr fvglinn,
fiskinn reistrar, hvelivr hvalinn, vll savðinn, skogardyr ok bvfe
har fyrir klæðnað; svm kreatyr hylz i skelivm, svm i kvfvngvm;
ross versk með hofi, eða tonn sem hvndr, reinn með horni; ok er
þersor vapn ok klæðnaðr allt veitt með nattvr. En eigi er sva
15 manninvm, noktr kemr hann ok vapnalavs ok varnar. Ok er þetta
með mikilli ok dyrlegri fyrirætlan, er nattvra skipar þeim vorn ok
þarfendi, er eigi hoffv vit til aflanar. En maðrenn aflaði, er með
viti var skipaðr i heimenn, ok er hans tign at meiri, at hans aflan
er með viti, en þeira með giof, ok stendr hann til meira, ef hann
20 giætir sin i gæzkv ok i rettvisi, ok litr æ til hins, at hann se þeim
mivkr ok lyðinn, er hann hvetia til eilifra þvrfta, en eigi hinvm,
er draga til meins með vandvm verkvm. Þvi at maðrinn hefir
.v. eggindr, ok þo eigi alla með einvm hætti, þat er heimr ok
horvnd, sal ok illzka ok enn helgi andi. Horvnd eggjar hoglifis,
25 heimr hegoma, sal sannenda, illzka meina, gvð goðra lvta. Til
þers lystir horvndit at hafa klæðnað asynilegan, mat lystilegan,
drecka með ofsa, liggia hægt, sofa nogt, firraz heims haska ser til
mvnvgðar ok salvtions; en heimr eggjar hegoma, þat er at heliaz
a veralld.

MARGRETAR SAGA.

(*Cd. 235 fol. A; Cd. 233 fol. B*).

Prologus sogunnar 1.

Síðan er drottinn varr Jesus Krístr hafði upp stígit til himna til guds födur almattígs, þá sendi hann postola sína [viða um heiminn² 5 sitt eyrindi fram at bera ok hialp at veita monnum. Þá toku margir víð trú þéði karlar ok konur. En trúin³ var þá þó nokkut erfid, þvíat þeir voru fleiri, er í moti [mæltu, en hinir er fylgdu⁴. Sa maðr er nefndr Theophilus⁵, er sögu þessa hefir gert⁶. Hann segir sva frá sér: Ek heiti Theophilus⁵, trúi ek a gud almatkan¹⁰ födur ok son ok anda helgan. Ek em skídr í hans nafni ok lærdr [a helgar ritningar⁷. Ek víska, hversu heilög Margareta bardiz í moti diofinum ok sigradi hann ok [augadiz eilífri þryði⁸. Ek vil þess bíða alla [þa, sem heyra þessa sögu, at þeir varðveiti hana⁹ í hiartanu ok hafi hana sem optaz millum handa, ok bíði¹⁵ þessa ena helgu mey Margareta, at hon arni oss¹⁰ víð gud heilsu þéði þessa heims ok annars.

Her hefz upp saga Margarete meyar¹¹.

1. Theodosius het maðr, hann var göfugr at virþingu þessa heims; heipinn var hann ok blotadi¹² skurdgod. Hann atti dottur²⁰ [þa sem¹³ het Margareta. En þegar er hon var ung at alldri, þá

1 Prologus fyrir Margr. sögu, *B*. 2 [*tilf. B*. 3 trúan *B*. 4 [stódu en hinir er fram fluttu *B*. 5 Theodimus *B*. 6 samansett *B*. 7 [vel ok fróðr at helgum ritningum *B*. 8 [óðladiz eilífa dyrd *B*. 9 [er heyra megu, at þeir hlyði til þessarrar sögu með athuga ok²⁵ leiti at muna *B*. 10 ydr *B*. 11 Her byrjar upp sögu ennar sælu Margretar meyghjar *B*. 12 blotmaðr mikill ok trúdi aa *B*. 13 [eina fríða ok fagra, en hun *B*.

trudi hon a gud almatkan, ok var hon fylld af helgum anda. Þa er hon heyrdi sagt, at helgir menn voru pindir fyrir guds [sakir ok hans² nafni, fal hon sitt rad allt gudi a hendi. Hon var ung at alldri, þa er modir hennar andadiz, en fadir hennar
 5 unni henni litit³ ok selldi hana til fostrs nockurri konu[. Margret var uppfedd skamt fra borg þeiri, er Anthiochia heitir⁴. Hon getti sauda fostru sinnar med ôdrum fostsysturum sinum. Þa var hon .xv. vetra gômul⁵.

2. Olibrius het iarl⁶ heipinn, hann for af Asialandi til
 10 borgarinnar Anthiochiam til þess at neyda kristna menn til blota⁷. En er iarlinn for um dag med foruneyti sinu, þa sa hann Margaretam⁸, en honum rann þegar hugr til hennar. Þa melli hann vid menn sina: »Farit er ok hittit mey þessa ok spyrit, hvart hon er frials⁹ eda eigi. Ok ef hon er eigi frials, þa mun ek kaupa
 15 hana, ok skal hon vera frilla min; en ef hon er frials, skal ek ganga at eiga hana, þviat hon er venni en vel flestar konur adrar.« Sendimenn iarls sogdu meynni þetta.

3. Þa kalladi heilôg Margareta til guds ok melli: »Miskunnadu mer, drottinn, at eigi glatiz ônd min med omilldum monnum,
 20 helldr lattu mik glediaz med þer i eilifum fagnadi. Lattu eigi, drottinn, fyrirfaraz¹⁰ fegrd meydoms mins. Nu em ek sva komin sem saudr med vörgum ok fengin sem¹¹ fiskr i neti. Sendu engil þinn, at hann geti andar minnar vid ollum svikum fiandans, [ok hann styrki mik at svara þessum enum omilla greifa, ok styrki
 25 mik i moti pislum hans¹².« En er sendimenn greifans heyrdu þat, er merin sagdi, þa foru þeir [i brott ok sôgdu Olibrio, at þessi mer trudi a Krist enn krossfesta, »ok mattu eigi, sogdu þeir, hana med þer hafa.« Þa vard hann reidr¹³ ok baud, at meyna skyllði þangat leida. Ok er hon kom fyrir greifann, spurdi hann
 30 hana, hvart hon veri frials eda eigi. Heilôg Margareta svarar:

1 full B. 2 [mgl. B. 3 þviat þau voru oskapglik tilf. B. 4 [i borg þeiri er Maxima het .xv. milna fra Antiochia. I þeiri borg setti Petr postoli patriarchastol sinn B. 5 er saga sea gerdiz tilf. B. 6 greifi B. 7 en guds nafni at nita, ok let alla þa pina, er eigi villdo hans vilia gora tilf. B. 8 hvar sia hin fagra mæ sat ok giætti fiar B. 9 frialsborin B. 10 faraz B. 11 fugl i snôru eda tilf. B. 12 [styrk þu mik til þess, at ek mega svara þessum hinum omilla greifa ok standaz allar hans þrautir B. 13 [apr ok sôgdu honum svo: »Ekki mun skap ykkat saman fara, þviat hun þionar eigi godum vórum, helldr göfgar hun þann er Gyðingar krossfestu.«
 40 Þa vard Olibrius akafliga reidr ok skipti skiott astinni i æðina B.

»Frials em ek ok kristin.« Greifinn mælti: »[Hversu heitir¹ þu eda hvert er kyn þitt?« Heilog Margareta svarar: »Ek heiti Margareta ok em ek ambatt guds almattigs. Ek trúi a Jesum Krist, en hann mun vera at eilifu, ok eigi mun vera endir rikis hans.« Greifinn mælti: »Trúir þu a þann, er fedr² vorir krossfestu?« Hon svarar: »Þvi fyrirforuz fedr³ þínir, at þeir krossfestu hann.« Þa vard greifinn reidr miok ok baud, at hana skyldi leida i myrkvastofu, ok etladi at [fa meydóm⁴ hennar med folkyngi nockurris.

4. Annan dag eptir let greifinn [leida meyna fyrir sik. Ok ¹⁰ er hon kom þar, mælti greifinn⁶: »Miskunna þu esku þinni ok fegrd líkama þíns; gerdu [sem ek vil, ok ⁷ göfga god min, ok mun ek þik meira virda en þa menn adra, er med mer ero, ok mun ek gefa þer nog auðefi.« Heilog Margareta svarar: »Þegi þu, sagdi hon, þviat þu matt eigi snua hug minum fra ast vid gud ¹⁵ minn, ok honum mun ek þiona, medan ek lífi; mun ek líkama minn mæða i píslum, at óndin megi glediaz med helgum monnum⁸ i himinrikis dyrd. Ok sva sem Krístr let sér soma at deyia ollum til hialpar, sva vil ek ok deyia honum til dyrdar. En auðreði⁹ þin veri i eilífri glatan med þer sialfum.« Þa baud Olibrius, at ²⁰ hana skyldi festa upp¹⁰ ok beria med vöndum. Heilög Margareta leit þa til himins ok mælti: »Allzvalldandi gud, þu ert allt traust mitt, littu til min ok miskunna mer, drottinn, ok lat mik eigi ottaz meinleði.« Ok er hon hafdi þetta mælt, þa baurdu þeir hana, sva at blóð fell um hana, ok gretu margir, þeir sem sa [mein- ²⁵ leði hennar¹¹. Þa mælti greifinn: »Trú þu, Margareta, ok göfga god min!« Sæl Margareta svaradi: »Eigi mun ek göfga god þin dauf ok dumba¹².« Þa reiddiz greifinn ok baud, at hana skyldi upp festa¹³, ok síðan let hann slíta holld hennar med iarnkrokum. Ok sva miok serdu þeir hana, at greifinn matti eigi a sia, ok dro ³⁰ upp skíkiuna fyrir ógu¹⁴ sér ok mælti: »Hví villtu eigi hlýða bodordum minum?« Hun svaradi: »Ef ek hlýddi bodordum þínum, þa mun ónd min vera i eilífum kvólum med þer.« Síðan baud hann, at hana skyldi enn leida til myrkvastofu.

1 [Hvers hattar ert *B.* 2 frændr *B.* 3 ættmenn *B.* 4 [fyrirfara ³⁵ meydómí *B.* 5 Þa fór hinn ranglati greifi til Antiochiam borgar at blota þar godum sínum, sem vani hans var til *tílf.* *B.* 6 [bua sér dómstol ok let þangat leida Margaretam ok mælti svo vid hana *B.* 7 [sva vel at þu *B.* 8 meyium *B.* 9 auðefvi *B.* 10 i tre *tílf.* *B.* 11 [líkam hennar sva meiddan *B.* 12 blind *B.* 13 i annat ⁴⁰ sinn *tílf.* *B.* 14 augu *B.*

51. En er guds mér kom inn i myrkvastofuna, þa signdi hon sik ok mælti: »Heyrdu, gud allzvalldandi! biod þu, at ek sea ovininn ok eiga ek orrosto vid hann; en hvat muna ek mega vid honum, dæmdu millum min ok hans. I þer er oll von min, þu ser lofadr um allar alldir.« En fostra Margarete kom til myrkva-

1 Cap. 5 lyder i B saaledes: Ok er hun var þangat komin, þa mælti hun: »Heyrðu mik, allzvalldandi skapari himins ok iardar, biod þu, at ek mega sea ovin, þann er berst i gegn mer; en hvat mun ek vid honum mega, dæm þu drottinn aa medal min ok hans, því at i þer er vón min öll. En þu einn ert lofadr sannr guð um allar alldir.« Eptir þat kom fostra hennar til myrkvastofunnar ok færði henni fêðu ok drykk, ok heyrdi hun bæn þessa. En er hun var brott farin, þa kom þar fram or einni hyrningu ógurligr dreki, hann var með ymsum litum; fax hans var hardla siðt; tenn hans voro sem gloanda iarn ok svo miklar (sem) i villigelti; augu hans voro sem gloandi siur; elldr brann or munni hans, en tunga hans vafðiz um hals honum; hann hafði nøðru eina i munni ser hardla illiliga, en hun hafði mikit höfuf. Þa reis drekinn upp um miðnætti, en elldr brann or munni hans ok nausum, sva at af því lysti um alla myrkvastofuna. En er heilog Margareta sa hann, þa mælti hun þessum orðum med mikilli hræðzlu: »Heyr þu, guð allzvalldandi, sa er aa himnum er ok batt diöfulinn Belzeþuð ok allt hefir i þinu valldi, hialp þu mer nu vid þessum dreka ok miskunna mer, drottinn minn.« En er sæl Margareta hafði þetta mælt, þa svalg drekinn hana med helgu krossmarki adr signda, því at hun retti hendr sinar i kross. Ok er hun kom iafngegent hiarta hans, þa brast drekinn sundr i miðiu, þvíat sa ovinr allz mannkyns mátti eigi standaz þat hit helgazta takn krossins. En sæla mær Margareta stoð heil upp ok lofði guð af öllu hiarta. Þa sa hun til vinstri handar ser einn svartan diöful, ok voro hendr hans bundnar vid kne ok brann elldr or augum hans ok munni. Þa gekk diöfull at henni ok tok til hennar ok mælti sva: »Mikit undr hefir þu gort aa minum broður, þeim er Rufus het ok þik svalg. En fyrir guðs nafni drapt þu hann, ok nu veit ek, at þu mátt mik drepa, ef þu vill. Nu bið ek þik, at þu drepir mik eigi.« En er sæl Margareta heyrdi þetta, þa tok hun til fiandans ok varp honum til iardar niðr ok setti hinn hægra fót sinn a hals honum ok mælti vid hann: »Þu bannaðr fiandi, svik mik eigi, því at ek em ambatt guds ok lofa ek allzvalldanda guð, ok hans nafn er skrifat i minu hiarta.« En er heilug Margareta hafði þetta mælt, þa kom lios mikit i myrkvastofuna, ok fylgdi því liosi kross drottins vars, ok sat dufa aa þvertre krossins ok mælti sva: »Sæl ert þu, Margareta, því at englar guðs biða þin vid paradisar hlid, ok þin sal mun til himinrikis koma.« Þa mælti sæl Margareta vid fiandann: »Hvert er nafn þitt?« Hann svarar: »Ek biðr þik, Kristz ambátt, at þu hefir upp fot þinn af halsi mer, at ek mætta litla stund hafa frið at mæla vid þik ok segia þer alla mina atferd.« Þa lypti sæl Margareta fæti i.

1 Her ender B.

stofunnar ok ferdi henni braud ok vatn, ok heyrði hon þen hennar. En er hon var í brott farin, þá kom or hyrningu einni myrkva- stofunnar ogurligr dreki. Hann var með ymsum litum, hár hans var alitz sem gull, skegg hans var hart sem þyrnir, en tenn hans sem iarn ok sva storar sem í villigellti; ögu hans voru sem blod- 5 segar, elldr brann or ögum hans, höggormr lá um hals honum, odaunan mikit ok illt stod af honum. Ok er hann kom á mitt golf, þá örgadiz hann upp ok bladradi tungunni. Lios gerdiz í myrkvastofunni af elldi þeim, er for or munni hans ok nausum. Þá vard Margareta sva reidd, at hon fell til iardar, ok eigi mintiz 10 hon þá þess, er hon hafði fyrr bedit at sia ovininn. Þá retti hon hendr sínar til himins ok mælti: »Heyrdu, gud minn almattigr, veittu mer, at eigi stigi sia enn ogurligi dreki yfir mik.« En þá er hon hafði þetta mælt, tok drekinn enum efra kiaptinum yfir hvirfil henni, en tungunni tok hann undir tærnar, ok svalg hana 15 sidan. En þá er hon kom gegnt hiartanu drekans, sprack hann í .ii. hluti. En heilög Margareta reis heil upp. Þá sa hon til vinstri handar sér annan dioful; hann sat, ok voru hendr hans bundnar við kne honum. Þá mælti heilög Margareta: »Lofa ek nafn þitt, drottinn minn; nu se ek fagnat andar minnar, ek se 20 drekann daudan liggja en diöfulinn bundinn. Fyrir því geri ek þér þackir, heilagr gud, ok þik lofa ek, odaudligr konungr.« Þá reis sa diofull upp, er setit hafði, ok mælti við meyna: »Mikit mega þenir þinar. Ek senda Rufonem brodur minn til þess, at hann fylgi þik ok glatadi fegrd þinni, en þu vant hann með kross- 25 marki; en nu villtu mik vega fyrir þenir þinar.« Þá tok söl Margareta í hár dioflinum ok varp honum á iordina ok ste enum hegra fæti sinum á hals honum, ok mælti: »Lattu af, illgiarn andi, at freista min, þvíat ek em Kristz ambatt.« Þá kom kross með liosi miklu í myrkvastofuna; dufa sat á krossinum ok mælti við Margaretam: 30 »Þin bida helgir englar hia hlidi paradisar.« Þá þackadi en sœla mér Margareta gudi vitran þessa. Sidan mælti hon við fiandann: »Hvert er kyn þitt?« Hann mælti: »Bid ek þik, guds ambatt, at þu lyptir fæti þínum af halsi mer, sva at ek mega segja þér fra verkum mínum.« Hon hof upp fotinn. »Ek heiti Belzebug, 35 ok hefi ek marga rettlata menn tœlda; morgum hefi ek í mot bariz, ok hefir engi fyrr yfir mik stigit, en nu hefir þu utsprengt öga mitt ok afl mitt brotit. Matta ek svikia fodur þinn ok modur, en nu hefir þu fengit sva mikla miskunn af gudi, at ver erom allir hrœddir við þik. Ek beriumz í moti retlatum mönnum nott 40

med degi, blinda ek ögu þeira ok hyggiur, lét ek þa gleyma himneskri speki. Ek kem til manna, þa er þeir sofa, ok vek ek þa upp, ok lét ek þa reika til onytra hluta. En ef þeir geta við séd, þa er þeir vaka, þa lét ek þa misgera, er þeir sofa. En fra 5 þeim segi ek þetta, [er eigi] unna gudi eða orökiliga signa sik, en ek verð yfirstiginn af þeim öllum, er þer ero líkir. Eigi veit ek, hvat ek skal til taka, er mér ein hefir yfir mik stigit. Mer þetti ecki til koma, ef karllmadr hefði þetta gert.« Þa mælti heilög Margareta: »Hverr bydr þer at bleckia goda menn, eða hvert er 10 kyn þitt?« Hann svaradi: »Segdu mer kyn þitt!« Hon svaradi: »Eigi ertu þess makligr at heyra þat, guð veitti mer miskunn.« Fiandinn mælti: »Sathanas er konungr vorr; hann var brott rekinn or himinriki, fra honum er komit kyn diöfla. Eigi at eins fórum ver med iordu, helldr ok stundum med vindum i lopti. Nu mun 15 ek (eigi) segja þer lengra, þvíat ek sé Krist hia þer. En þó munda ek fleira segja, ef þu letir mik lausan vera eptir andlat þitt, at þa mætti ek beriaz i moti retlatum monnum. Salomon konungr byrgdi oss diöfla nockura i einu keru. En eptir andlat hans giördu-um ver sva, at kerit syndiz sem gull eitt veri utan; þa komu 20 heimskir menn or Babilon ok brutu kerit.« Heilög Margareta mælti þa: »Þegi þu, enn illi diöfull, far til helvitis ok giör engum manni mein!« Þa for hann i brott ylandi.

61. Annan dag baud greifinn, at meyna skyldi leida fyrir domstol hans. Þa komu margir menn at sia, hversu hon veri 25 pind. Þa mælti greifinn við hana: »Þat hefir þer at göfga god min ok gera, sem ek byd.« Hon svaradi: »Þer hefir at göfga Jesum Krist ok vera vin hans.« Greifinn mælti: »Færit er hana or fótum ok brennit hana med logbröndum.« Þeir gerdu, sem hann baud. Þa bad heilög Margareta til guds ok mælti: »Brenn 30 þu af, drottinn, saurflecka af hiarta minu.« Greifinn mælti: »Blotadu godum vorum!« Þa baud greifinn, at þangat skyldi færa ker mikit fullt af vatni, ok binda fætr hennar ok hendr ok kasta henni a kerit. Þeir gerdu, sem hann baud. Þa leit heilög mér til himins ok mælti: »Heyrdu þen mina, drottinn, ok leys 35 bönd min, ok mun ek færa þer lofs forn. Komi yfir mik heilög dufa med helgum anda ok blezi vatnit i þínu nafni, ok græddu mik, drottinn, med miskunn þinni, ok skirdu mik i þessu vatni i nafni födur ok sonar ok anda heilags.« Þa gerdiz landskialpti mikill, ok kom dufa af himni ok hafði gulliga koronu ok setti a

höfuf selli Margarete. Þá urdu lausar hendr hennar ok fetr, ok geek hon or kerinu ok lofadi gud. Þá kom rödd af himni ok melli: «Kom þu, Margareta, i hvilld Kristz, kom þu i riki himna! Sæl ertu, Margareta, þviat þu audladiz fegrd meydoms þins.» A þeiri stundu sneruz til truar .iiii. þusundir manna, ok hvarki 5 talit konur ne börn.

71. Eptir þetta baud greifinn, at ena helgu mey Margaretam skylldi höggva; var hon sidan leidd ut or borginni. Þá melli sa madr, er hana skylldi höggva, sa het Malcus: «Eigi mun ek hoggva þik, þvi at ek se Krist hia þer med englum sinum.» Hon svaradi: 10 «Ef þu ser Krist hia mer, þa bid ek þik, at þu bidir litla stund, medan ek bidumz fyrir.» Hann svaradi: «Bid þu, sem þu vill.» Þá kalladi sæl Margareta til guds ok melli: «Heyrdu þen mina. Þess bid ek, at þvaiz syndir þess manz, er les pislarsögu mina; ok hverr sem einn, sa er lysi færir til kirkiu minnar, þvaiz af syndir 15 þess a þeiri tid; ok hverir þeir menn, sem staddir verða i nockurum haska eða þrönging, ok heiti a mik ser til fulltings, leystu þa, drottinn minn. Enn bid ek þik, drottinn minn, sa er minning gerir minnar pislar eða hefir i hendi bok, þa sem min pislarsaga er a, þvaiz af syndir hans, þviat ver erom eitt holld ok blod ok 20 misgerdum opt. Enn bid ek, drottinn, sa er ritar pislarsögu mina eða kaupir þa bok, fylldu þa af helgum anda. Ok i þvi husi, er bok su er inni, verdi þar eigi fædt daudt barn ne lama. Fyrirgef þu þeim manni syndir, drottinn, er bok mina hefir at vardveita, ef hann bidr þik liknar.» Þá gerdiz reidarþruma mikil, ok kom dufa 25 or lopti med krossmarki, ok var melli vid ena helgu Margaretam, sva at allir heyrdur, þeir sem hia voru: «Sæl ertu, Margareta, þviat þu leitadir miskunnar af mer ok mintiz allra i þenum þinum; sver ek fyrir dyrd engla minna, at allt mun þer veitt, þat sem þu villt bidia. Ok ef syndugr madr kemr til þess stadar, sem þinn 30 heilagr domr er vardveittr, med idran synda ok litilleði, þa munu honum fyrirgefaz syndir; ok þar mun eigi fiandi inni vera, sem pislarsaga þin er, helldr mun þar vera ast ok fridr. Sæl ertu, Margareta, þviat ek em med þer, ok mun ek upp luka fyrir þer riki himna.» Þá leit heilög Margareta til þeira manna, er þar 35 voru vid, ok melli: «Heyrit er, fedr ok meðr, brædr ok systr! særi ek ydr fyrir nafn eilífs konungs allra veralda, minniz þer min, nefnit þer nafn mitt; ok þott ek se syndug, þa mun ek þo bidia drottin minn Jesum Kristum, at hann veiti miskunn eilífa

þeim öllum, er mik dyrka.» Þá reis hon upp ok mælti: «Tak þu nu sverd þitt ok högg mik!» Hann svaradi: «Eigi þori ek at hoggva þik, þvíat gud mælti við þik.» Sæl Margareta svaradi: «Eigi muntu vera með mér í paradiso, ef þu gerir eigi þetta.»
 5 Þá hio hann hófuf af enni sælu Margarete með mikilli hræðslu. Hann fell þegar til iardar a hægri hönd henni ok bað sér líknar ok mælti: «Fyrirgefdu mér þessa synd, drottinn.» Þangat komu margir menn daufr ok blindir, ok fengu allir bot meina sinna. Guds englar foru með önd sællar Margarete til himneskra fagnada
 10 ok sungu lof gudi.

En ek tok, segir Theophilus, líkama heilagrar meyjar Margarete, ok grof ek hana í husum Scindecie husfreyju. Ek kom til hennar, ok sa ek píslir þær sem hon hafði, ok ritada ek sögu hennar; gerda ek minning hennar; bið ek ydr, kristnir menn, ok biðit, at hon
 15 minniz ydvar í sínum þenum við almatkan gud, þann er lífr ok ríkir um allar aldir. Amen.

MARIU SAGA EGIPZKU.

I.

(*Cd. Holm. 2 fol., A; Cd. 235 fol., B; Begyndelsen af Sagaen mangler i den sidste.*)

Her hefr upp Mariu soghu egipzku.

Madr gamall var a landi því er Palestina heitir, þat er æ Serklande, hann var rettlatr ok kunni vel bok, Zosimas het hann, ok hafdi sig miog halldit fra heiminum, hann hafdi munkr verit fra barnæsku sinni ok halldit alla æfi vel munkar sid. Sva var hann frægr ordinn i atferd sinni, at margir munkar, þeir sem i nand voru, ok svo þott firr væri, þa foru at finna hann ok nema at honum, hversu þeir skyldu lifa. Hann var i sifellu ahyggiufullr um ord guds ok sva þat, er mæliir Pall postoli, at allir menn skyldo hafa ok lifa vid nockut erfidi, annathvort at þiona gudi edr þiona heiminum. Hann var færdr barnungr til munklifiss ok var þar fimtigi vetra, svo sem hann sagdi sialfr. En sidan er þeir vetr voru lidnir, þa kom til hans su hugrenning: at hann treystiz gæzku sinni ok hugdi, at einge madr væri honum iafngodr, ok mællti sva i hugnum: «Ek þarf einskis manz kunnandi, ok ætla ek öngan svo godan munu vera, ath mer megi kenna, hversu ek mega lifa.» En þa er hann hafdi slíka hugsan, sa hann mann einn vënan ok dyrligan standa hia ser, ok mællti sa wit hann: «Zosime, vel hefir þu med þinum hag farit. En eigi skalltu þat hyggia, at þat se fullwel, fleiri eru götur til guds, en þær sem þu hefir farit enn, ok ef þu vill meir freista þin i meinlætum, þa far þu fra frændum þinum ok vinum, svo sem gerdi Abraham höfufadur, ok fylg mer til munklifiss þess, er stendr a Jordanar backa, þat er vigt Joni baptista.» Þa for Zosimas þegar þangat med honum.

x slíkan *Cd.*

2. En er þeir komu þar, þá mælti forunautr hans: «Her er nu sa stadr, er ek sagða þer fra, far þu nu i munklift ok sia þau tidendi, sem þar eru. Sidan geek hann til klaustrahlids ok bardi þar æ. En ssa er gætti hlidsins spurdi, hverr þar væri. Hann svaradi: «Madr einn ukunnigr þer.» Sa for til abota ok sagði honum. En aboti sialfr for til ok lauk upp dyrum fyrir honum, ok þegar sem aboti sa hann i munkabunadi, skildi hann gæzku med honum, ok fell aboti sialfr til fota honum ok bad fyrir ser, sem sidr þeira er til. En þa er hann reis upp, spurdi hann þann, er kominn var, hvadan hann væri edr fyrir hveria sök hann kom þar til þeira fætækra svo gamall madr. Zosimas svaradi svo: «Eingi naudsyn er ath segia, hvadan ek em kominn, en því kom ek her, at ek vil bæta mik; ek hefi heyrt, ath her se godir sider ok miskunn mikil medr ydr, svat hverr madr sa, sem her vill vera, þa er hann her nær gudi en i ödrum stodum.» Þa svaradi aboti honum: «Brodir, sagði hann, gud einn veit hvers mannz gæzsku, kenni hann þer ok oss sva ath lifa, sem wor er þurpt til; hyggi hverr ath sinum hagh, þvíat sa er næst gudi, er bezt giorir. En ef þu vill her vera med oss, þa vertu. Sa gud, er gaf sialfan sig ath leysa oss, hann hefir oss saman safnad.» Sidan fellu badir a kne til iardar ok baduz fyrir, ok sidan gengu þeir inn til annarra brædra.

3. Ok er hann hafði verit um stund, sa hann, ath þeir voktu hveria nott ok bad(u) til guds, ok aldregi letu þeir munn sinn kyrran ath bidia ser miskunnar ok odrum. Alldri heyrdi hann þa onytt mæla, ok ecki hirdu þeir um þat, er verallldligt war, þat eitt villdu þeir sysla at deyða likama sinn fra þessa heims fystum. Mest höfdu þeir ord guds fyrir mat. Atu þeir braud en drucku vatn, til þess at þeir hefði megn til at þiona gudi. En af þeira verkum slikum þa þroadizt Zosimas ok mikit i kröptum. Þa kom su tid, er þeir voru vanir at fara ut i eydimerkr or munklifinu ok pina sik meir þar, en heima, þat var langafasta. Sa var þar sidr, ath klaustrid skyllði alldregi opit vera a .xii. manadum, nema gestir kæmi, en þar komu fair menn, ok fair menn vissu, hvar þessi stadr var, ok því visadi gud sinum erendreka ath leida Zosimam þangat.

4. Drottinsdag hvern at föstu igang þa komu þeir allir saman ok heyrdu messu ok toku corpus domini, ok mautuduz allir saman litt ok gengu sidan til bæna sinna. Sidan kystuz þeir allir, ok sidazt abota, ok badu hann bidia fyrir ser, at þeir mætti þat efla,

sem þeir villdi. Þá luku þeir upp ollum hurðum ok gengu ut a sinn veg hverr, ok sungu salm þenna: Dominus illuminatio mea. Eptir var einn eda tveir at gæta stadarins ok at geyma tida, en eigi þurfti fiar at gæta, þvíat ecki var til. Hverr þeira hafði nockut til fæzlu, sumir litid braud, en sumir fikiur, eda þat alldin er dactil heitir, eda ertr, en sumir ecki nema klædi þat sem þeir hofdu yfir ser. En a þeim stundum sem þa hungradi, þa atu þeir grôs eda rætr. Eingi þeira villdi koma til annars ok eigi vita hvat annar gerdi. En ef nockur þeira sa annan, þa geck hann þegar af þveru fra. Svo lifdu þeir alla fustu framan til palma- dags; þa komu þeir allir samt ok hugdu at hverr med ser, hvat hann hafði aflat a þeiri enni helgu tid. Eingi þeira spurdi annan at syslu, þvíat þat voru laug þeira, at gud einn skyldi vita med þeim sialfum þat, sem þeir gerdo vel, þvíat þeir villdu firraz manna lof. En Zosimas munkr, er þa var þar kominn, for ok einn saman, hann hafði ok litinn mat med ser. Hann vakti svo mikit, at hann svaf alldregi, nema þa er fell a hann svefn, ok fell hann þar nidr, sem hann var þa kominn. Nu for hann vida um merkr ok skoga at leita, ef hann mætti finna helga stadi edr einsetomenn.

51. Þa er Zosimas munkr hafði gengit .xx. daga um skoginn, nam hann stadar um middegi ok horfði i austr, fyrir því at hann gerdi svo a hverri tid dagsins. En medan hann sa upp, þa for fyrir augu honum a hægri hönd því likaz sem skuggi manz væri. Þa hræddizt hann ok hugdi, at vera mundi braugd diöfuls, þat kollum vær ofreskiu. Þa signdi hann sik þrim sinnum ok bad gud miskunnar. Hann sa i sudr fra ser, sem madr einn gengi nöktr ok kolsvartr at sia, þvíat sol hafði brendan allan likama hans; honum syndizt har a manni þessum hvitt sem ull ok sva stutt, at eigi tok leingra en ofan a hals. En er hann sa þetta, þa undradizt hann ok vard þo feginn ok skundadi gongu sinni eptir mannum. Sa leitadi undan eigi at midr, en munkrinn eptir; ecki gaf hann gaum at því þa, þott hann væri gamall eda meginlaus, þo for hann sem hann matti mest, ok þegar er hann kom i nand, þa kalladi hann a hinn gratandi ok mælti: »Þu guds þræll, fyrir hvi flyr þu mik gamlan mann ok syndugan. Ek bid þik i nafni guds, fyrir þess ast er þu pinir þik i þessum skogi, bid min ok mæl vit mik.« Þa gat hann tekit nær þenna mann i dal nockurum. Þar hafði hun runnit utan um vatn nockut, ok

þegar er hann kom i dalinn, þá for sa or annan weg. Munkrinn nam þá stad ok matte eigi meira renna, ok gratandi taladi hann þá enn: »Bid þu min, guds þræll!« Sa svaradi: »Fadir Zosima, hvi sækir þu svo miok eptir mer, eda hvað villtu mer? Eigi ma
 5 ek víð þik mæla fyrir skaumm, þvíat ek em nokt kona. En ef þu vill víð mik mæla, þá tak þu klæði þitt nockut ok kasta til min, at ek mega hafa a, meðan víð hittumzt.« Þá undradizt hann, er hun vissi nafn hans ok hafði ecki sed hann fyrr. Þó fagnadi hann því ok þóttizt vita, at henni fylgdi mikil miskunn guds.
 10 Þá tok hann eitt klæði af sér fornt, þvíat ecki war nyiara til, ok kastadi til hennar, ok sa fra henne, meðan hun tok þat ok let yfir sik ok mællti sidan víð munkinn: »Fadir Zosima, hvað er þér undir at sækia fund minn, svo syndug kona sem ek em?« Þá fell hann a kne ok bað hana blezamar. En þegar hann gerði svo,
 15 þá fell hun a kne ok bað hann bleza sik. »Fadir, kvad hun, þat byriar þér at gera, en mer eigi, þvíat ek em kona, en þu ert karllmadr ok prestr ok stadið margan dag fyrir alltari ok sungit messor.« Þá þótti honum undarligt enn, er hun vissi þat, ok sa hun hann alldri fyrr, ok eigi var henne sagt fra. Hann mællti
 20 víð hana: »Nu se ek, ath þu ert af guðligri miskunn, er þu hefir sagt bæði nafn mitt ok atferð mina.« »Guds miskunn fær eingum manne fyrir ofriki eda metnadi heims þessa, kvad hun, helldr með litillæti ok rettvisi ok ast, þá er madrinn ann guði.« Þá let hun at mali hans ok blezadi honum ok mællti þetta: »Blezadr
 25 sér þu, guð drottinn wor, er leysir alla menn fra diófi.« En hann svaradi svo: »Satt er þat.« Þá risu þau upp bæði ok stodu, ok sidan mællti hun víð munkinn:

61. »Fadir, kvad hun, hvi villdir þu mik finna synduga kona?« Hann svaradi: »Eigi var þat fyrir minn vilia, helldr villdi guð, ath
 30 víð fyndimzt.« »Ef svo er, kvad hun, sem þu segir, ath guð villdi fund ockarn, þá segðu mer, hvað titt er i heiminum um konunga edr byskupa edr lærða menn.« »Systir, kvad hann, guð hefir gefit kristni sinni goðan fríð. En nu skalltu bidia fyrir ollu folki ok fyrir mer.« Þá hóf hun upp hendr yfir hófut sér ok
 35 kalladi til guds leingi. Eigi heyrdi Zosimas, hvað hun mællti, en þat sa hann, at hun hrærði munn sinn, ok þat sa hann, at hun fór upp i loptit miok langt fra iörðunni. Víð þessa syn sa hann níðr til iardarinnar ok matti ecki mæla nema þetta: »Kirieeleison,« ok hann sveittiz miok af hræzlu, er hann sa þetta um hennar

hag, þvíat hann vissi eigi, nema þetta væri villa, ok la hann nu æ iordinni. Stundu sidar for hun ofan apr ok tok i hond honum ok reisti hann upp ok mælti: »Fadir, kvad hun, eighi skalltu mistrua, kristin em ek ok syndug kona, sem ek sagda þer fyrr.« Ok gerdi hun krossmark i enni ser ok æ briosti ok mælti svo: 5
 »Gud allzvalldandi leysi oss fra diofi, þeim er i moti oss berstz ok vakir avallt um vora ofurft.« En þa er hann heyrdi mal hennar þetta, ok hann matti skilia, ath hun vissi hug hans ok ord, skilde hann, at gud var med henne, ok fell hann þa til fota henni gratandi ok mælti þetta: »Nu bid ek þik ok byd ek þer 10
 af guds hendi, attu leynir mik eigi, hvat um þinn hag er eda hversu leingi þu hefir her verit, at ek mega heyra, hversu dasamlig er guds miskunn ok segia odrum monnum fra slikum iarteinum; þvíat visdomr sa allr er folginn er eda fe liggianda, þess nytr eingi madr. Eigi bid ek þik fyrir því þessa, ath ek vilia eda þu 15
 taka manna lof fyrir, helldr til þess ath adrir godir menn mætte likia eptir þinum godum hlutum ok dæmum. En þat veit ek, at af því kom ek a fund þinn, ath gud willdi, at menn wissi, hvat þu hefir her syst.« Ok er hun heyrdi þessi ord hans, þa lauk hun upp augu sin ok sa til himna ok mælti wit hann. »Oho 20
 brodir, kvad hun, mikit er mer fyrir, þvíat skaumm þicki mer ath segia fra lifi minu, fyrir því attu matt flyia mik sem enn versta eitorm, ef þu heyrir atferd mina ok illzku. En ek geck alldregi til skripta, ok verd ek nu ath segia, þott mer se leitt. En þu bid gud, ath hann fyrirgefi mer syndirnar.« Hann hellt þa hönd- 25
 um upp til himna ok bad fyrir henne, en hun tok svo til mals:

7. Ek war uppfædd æ Egíptalande, ok war ek .xii. vetr med fodur minum ok modur. Þa girntumzt ek, sagdi hun, allz lifs ok likams losta ath fremia. En ek matta því eigi þar fram koma, fyrir því ath fedgin min woru rikir menn, ok þordi eingi 30
 mik þar ath finna til onytra luta. Þa hliop ek þadan æ brótt ok til borgar þeirrar, sem Alexandria heitir, ok lifda ek þar sva ofogru lifi sem kona mæ werst lifa bædi fyrir gudi ok monnum. Þat war þa mitt lif, ath ek war portkona, svo sem su er verst matti wera, .xvii. vetr edr nockuru meir. Aa þessa lund hattada ek 35
 mer, ok allt þat sem fegrst war klædakyns, þa keypti ek ok bar ek æ mik, til þess at fleiri menn skyldi til min lysta þa en adr, þvíat ek var ærit frid synum. Mat ok dryck keypta ek þann sem beztr war, til þess at likami minn skyldi þa meiri glede standaz ok fleira illt lystaz en adr. Wakta ek nær bædi nætr ok 40

daga, ok geck ek til þess æ milli ath drecka vin eda fremia likams losta med hverium manne, er þat villdi giðra. En mer þottu þeir allz offair, ok tok ek ecki fe af mörgum, þviat ek villda locka þa fleiri ok fleiri til min. Ek gerdumz leikari, ok for
 5 ek med sǫngva, ok til þess eins þetta allt, ath menn lysti til min meir ok meir, ok var ek nott med degði i illum verkum. Þa kom sumar eitt. En sæ var sidr æ lande þvi, ath menn foru æ skipum fiolment til Jorsalaborgar ath krossmessu. Ek sa þat einn dag, ath mart manna for til skipa, þa fann ek ath mæli einn
 10 mann, þann er fara skyllði, ok spurda ek, hwert þeir skylldu fara. En hann svaradi: »Til Jorsalaborgar til ens helga kross.« Ek sǫgdumz wilia fara med þeim. En hann spurdi, hvat ek hefda til skipleigu. Ek svarada honum sva: »Ecki, nema þer vilit veita mer farit; en ef þer vilit eigi þat, þa byd ek mik sialfa.« Nu
 15 bid ek þik þess, godi munkr Zosima, ath ek segia þer nu eigi leingra, fyrir þvi ath eyru þin munu saurgazt ok lof þitt allt.« Þa komz hann vit ok bad hana stadfastligha, »fyrir guds sakir, systir, kvat hann, seg þu mer leingra, þviat þat giorir margan mann godan, ef slikt heyrir.« En hun tok þa æ nyia leik ath segia
 20 honum: »Sa madr, kvad hun, er ek sagda þer adan fra ok ek villda farit hafa med til Jorsala, fann hvat konu ek var, ok for i brótt fra mer, ok hlo at mer miok, en ek geck sem skiotaz til strandar, ok sæ ek þar fiolda manna, er leku ok bidu forunauta sinna. Ek bad, at þeir skylldu lata mik fara med ser ok þa giðra
 25 vit mik slikt, sem þeir villdi. En¹ þeir þago þenna kost ok leiddu mik med ser. Sidan forum vær i haf, ok þa tok ek² sid minn enn sama: alldri war svo illt i hafi eda gott, at ek leta eigi sem ek var won fyrr, æ hveria lund sem ferligazt war. Ek hræddumz eigi a skipi sem adrar konur. Svo var mer tid illzka min, at
 30 ek lockada til min alla menn, er a þvi skipi woru, bædi goda ok illa. Ek var svo sem pyttir helvitis i ath falla ollum þeim, er vit mik attu, ok svo sem fella til musa. Þat undrudumzt ek, hvi vær suckum eigi nidr oll fyrir minar sakir ok illzsku, nema nu se ek, at svo er sem gud hefir mællt, ath hann will eigi dauda synd-
 35 ugs manz, helldr ath hann lifi ok bæti sik. En þa er vær komum til Jorsalaborgar, þa vorum vær þar adr nockura daga, en kross-messa kom. A þeim dögum lifda ek svo illa, sem þa er ek hafda ferligaz med mik farit, ok for ek um borgina alla innan ok locka(da) ek til min hvern mann, þann sem ek matta, ok spanda ek svo

sælur þeira til helvitis, sem fiskar vefiaz i neti. En þa er kross-messa kom, sottu menn fiolment til kirkiu fyrir guds sakir, ok hans dyrd villdu allir giöra. En ek skundada gongu minni i floek þeira fyrir illzku minni ok otru, ath sem flestir mætti mik sia. Þa komum vær til kirkiudyra, ok gengu allir menn inn, nema ek ein 5 matta eighi inn komazt. Þa þotti mer undarligt, ok geck ek i þraungina¹, ok hugda ek, ath menn skylldu hrinda mer inn med ser, ok stodadi mer þat ecki, þviat allt folk geck inn, en ek matta eigi inn komazt.

82. Ok er ek hafda svo leingi [i þesso feingizt³ at komaz 10 inn i kirkiuna, at ek var [svo mod, ath ek matta eigi leingr þann veg lata, þa hvarf ek hia kirkiunni i eina hyrningh fyrir utan⁴, ok kom mer þa i hug, hvat vallda mundi, er ek matta eigi i kirkiu ganga sem allt kristid folk annat. Þottumzt ek þa skilia, hvat ek hafda syslat, ath af því hratt gud mer ut, at ek var verri hverium 15 manni. Þa tok ek at grata af ollum hugh, ok barda ek æ briost mer, ok þa sa ek þadan, sem ek stod, hvar skript ein var sett ok giör eptir Mariu modur drottins vors. Þa kallada ek af ollum hug til skriptarinnar gratandi augum ok siuku hiarta, fyrir því at þa et fyrsta fann ek, [hvat ek⁵ hafda aflat. Ok mællta ek svo: «Ek 20 bid þik, en helga mær Maria, er bart son guds hingat i veröld þessa; weit ek, ath ek em eigi werd ath sia til þin fyrir þeiri miklu illzku, sem ek hefi giört, en bid ek þik, guds modir, ath þu hialpir mer, fyrir því ath ek weit, ath gud giordizt fyrir því madr her i heimi, ath hann willdi, at syndugir menn idradizt mis- 25 fella⁶ sinna ok bætti yfir wit hann. Nu hit þridia sinn kalla ek til þin, en dyra drottningh himens ok iardar, attu lofir mer inn ath ganga i⁷ þær dyr, sem ok matta eigi adan inn komazt, til ens helga kross ath luta honum sem adrir menn. En ef þu vill mer þetta leyfa, þa heit ek því, at ek skal [alldregi þetta drygia slikt 30 sem fyrr. Ok þegar sem ek kem til krossins, þa skal ek⁸ af lata heiminum ok ollum hlutum þeim, sem honum fylgia, ok vil ek fara i þann stad, sem ek mega refsa mer sialf okynni min ok illzku þa er ek hræddumzt eigi gud. Enn bid ek þik et fiorda sinn, en helga Maria, fyrir þina dyrd ok hialp, er þu veitir öllu 35 folki kristnu, attu gangir i vörðzlu fyrir mik vit drottin worn.» Ok sidan freistada ek ok geck til kirkiudyranna med öðrum

¹ þrongdina B.² Fra Mariu drottningu Overskr. A.³ [vidfengiz B. ⁴ [mod, þa for hon(!) i eina hyrning fyrir utan kirkiuna B.⁵ [tilf. B.⁶ misgerda B.⁷ mgl. B.⁸ [mgl. B.

monnum, ok geck ek þar¹ inn, ok var mer þa ecki ut hrundit, helldr var mer þa inn hrundit i kirkiuna. Þa vard ek svo fegin, at ek þottumzt varla vita vitz mins, ath ek skyllða þar inn komin, sem syndir minar höfðu mer adr wt hrundit, ok hræddumz ek þa fast-
5 liga gud. En þegar er ek kom fyrir krossinn, þa fell ek a kne. Þa kom ilmr svo godr i nasir mer, sem ek kenda alldregði iafn-
godan fyrri, ok sa ek þar þa dyrd guds. En sidan er ek geck þadan ok aptr til skriptarinnar, þa fell ek a kne ok mællta ek sva:
«Þu en helga Maria, yfirdrottning allra drottninga, hefir mer
10 miskunnat, ok fyrir þina milldi komumz ek i helga kirkiu at sia dyrd guds. Nu vil ek fyrir þat lofa son alzvallðanda guds, er heyrir allra syndugra manna idran. Ok nu bid ek þik, at þu visir mer a þa gautu, er ek mætta sættaz vit skapara minn ok þik, en sæla mær Maria, ok alla guds helga menn.» En þegar sem ek
15 hafða þetta mællt, þa heyrða ek rödd eina svo mæla vid mik: «Far þu yfir Jordan, þa hittir þu goda ro sælo þinni.» Þa mællta ek vit skriptina: «Þu drottning min, afræktu² mik eigi, helldr gætt þu min avallt, hvargi³ sem ek fer.» Sidan geck ek or kirkiu-
gardinum, ok þa kom madr i moti mer ok gaf mer þria penninga
20 silfrs. En ek keypta þar med þria braudleifa, ok spurða ek manninn, hvar leid la til Jordanar, ok hann visadi mer þangat. Sidan geck ek gratandi or borginni. Þat var at dogurdarmali, en ek kom at solarsetri til Jordanar til munklifis þess, sem þu ert i. En þegar er ek kom, geck ek til ærennar, ok þo⁴ ek andlit mitt ok fætr.
25 Sidan geck ek i kirkiu ok tok ek corpus domini, ok þar var ek um nottina, ok at ek halfan hleif af braudi því, sem ek keypta i Jorsalaborg, ok drack ek þar wit vatn or Jordan.

9. Annan dag eptir þa geck ek a braut ein saman, ok for ek ut yfir æana, ok bad ek ena dyrsta⁵ drottningu Mario, at hun skyllði
30 visa mer æ þa götu, sem ek mætta lifna af þeim dauda, sem syndir minar deyddu mik. Þa kom ek i skog mikinn þyckvan ok háfan. Sidan hefi ek flyd⁶ ok firzt menn, sem ek matta mest, ok hefi ek her bedit miskunnar drottins mins. Þa spurdi Zosimas:
«Hversu leingi hefir þu her verit.» Hun svaradi: «Sidan ek for
35 or Jorsalaborg, þa hefi ek her verit fiorutigi⁷ wetra ok .vii. vetr.» Hann spurdi: «Hvat hefir þu haft þer til matar sidan.» «Ek hafða, kvad hun, eigi meira hingat en tvo⁸ hleifa brauds ok þann halfan, er ek leifða⁹ i munklifinu. En þat braud hardnadi sva

1 þegar B. 2 fyrirliðu B. 3 hvar B. 4 þvo B. 5 dyrtu B.

40 6 flyit B. 7 .xl. B. 8 tva B. 9 saal. B; leyfða A.

fyrir mer sem steinn, ok lifða ek vit þat nockura vetr.» Zosimas mælti: «Var þer mikit fyrir því ath lifa odrúvisi¹, en þu vart adr von.» Þá svaradi hun: «Ef ek minnumzt æ pisl þæ alla, sem ek hefi þolat, ok lif þat et illa, sem ek lifða adr, þa uggi ek, at ek fysumzt aptr til werallðarinnar, ok skula ek þa enn æ nyia⁵ leik beriazt her i heiminum.» Hann svaradi: «Systir, kvad hann, leyn mik eighi, hverr hagr þinn hefir verit.» Þá tekr hun enn svo til mæls [a nyia leik².

103. Sautian⁴ vetr var ek svo i þessum skogi, ath mik lysti margs ok mer kom i hug bæði matr ok klæði ok dryckr ok oll su¹⁰ skemtan, er ek hafða [sidan ek kunna at monnum at hyggia⁵. En þegar er ek let mer i hug koma, hvers ek hafða bedit ena helgu Mariu, ok hversu hon hafði miskunnad mer, þa gret ek ok idroðumzt, ok bad ek hana fastliga, ath hun skyldi eigi gleyma mer, helldr skyldi hun gæta min ok snua fra mer þeim illa huga¹⁵ ok minning illra verka minna. En medan ek bad þeirar bænar, þa kom lios mikit yfir mik; ok þa er stund ein var lidin, þa var mer allra mest heimrinn i hugh, ok svidda ek oll, sem elldr leki⁶ a mer. En er ek sa, hversu mitt mal horfði wodvænliga, þa fell ek til iardarinnar, ok kallada ek æ ena sælu Mariu, ok la ek þa²⁰ a bænum allan þann dagh ok nott, medan liosit var hia mer, fyrir⁷ því at þar fylgði guds miskunn ok Marie modur drottins mins ok reisti mik upp af þeim illa huga. I þeiri freistni var ek alla .xvii. vetr. En sidan þeir voru lidnir, þa var en helga Maria næst mer ath ollum hialpum, bæði er ek svaf ok vakta. Þa spurdi²⁵ Zosimas: «Hvort þurftir þu sidan mat eða klæði?» Hon svaradi: «Þann halfan þridia braudleif, er ek hafða fra Jordan, þess neytta ek .xvii. vetr, en sidan hefi ek lifat vit graus ok rætr her til. En klæði, þau sem ek hafða hingat, ero farin ok fuin, ok sidan kostadi mik miok frost ok kuldi a vetrum, en hiti æ sumrum. En eptir³⁰ þann tima þa kom guds miskunn til min ok [hefir tekit bæði lif mitt ok salu⁸ fra ollum haska; ok nu hvert sinn er ek minnumzt æ lif mitt et illa, þat sem ek hafða i heiminum, þa glediumzt ek ok [fagna. Vilnumzt ek nu ok⁹ treystumzt af gæzku drottins wors. Fædzla min ok klæði þat eru ord guds, svo sem hann mælti³⁵ sialfr, ath madr mæ eigi lifa wit braud eitt, helldr vid þau ord¹⁰ sem koma or munni guds, ok svo mæla bækr, at sa madr, sem

1 odrúviss B. 2 [mgl. B. 3 Fra Marie egipzco Overskr. A. 4 Siötian B.
5 [fyrir B. 6 legi B. 7 mgl. B. 8 [getti bæði lifs mins ok
salar B. 9 [mgl. B. 10 saal. B; ok A.

ferr or klædum illzkunnar, þa ferr hann i stein ok hefir þat fyrir klædi, þat er sialfum Kristi ath samteinghiazt.

11. Ða er Zosimas heyrdi [þau hennar mal¹, ath hon tok dæmi or enum diupsettuztum² bokum, spurdi hann hana: »Kantu
5 salma edr hefir þu lesit bækr?« Hon svaradi: »[Trui þu³ mer, godr madr, at sidan ek for fra Jordan, hefir ek eigi mann sed fyrr en þik ok eeki kykvendi; a bok nam ek alldregi, ok eigi heyrdi ek fra bokmali sagt. En gud heilagr lifandi⁴ æ ok æ kennir hverium manne wisdom. Nu hefi ek, kvad hun, sagt
10 þer allt [þat sem yfir mik hefir geingit⁵, ok því bid ek þik, ath þu halldir bænum fyrir mer vid gud, medan þu lifir.« Þa fell hann a kne gratandi ok mællti: »Blezadr ser þu gud, er giorir iarteinir miklar ok dasamligar ok svo margar, ath eingin⁶ fær talit⁷.« Sidan tók hun i hönd honum ok reisti hann upp ok
15 mællti: »Brodir, kvad hun, þess vil ek bidia, attu segir engum manne fra mer, medan ek lifi, enda fardu nu i guds fridi. Annat vor i þenna tima skulum vit finnaz, ok þess bid ek þik, attu farir eigi fra stad ydrum þa, sva sem sidr ydvar ok lög ero til.« En er hann heyrdi þetta, at hun vissi allt um rad⁸ þeira, undradi
20 hann þat, ok [hafdi henne þo einginn fræ sagt, þa⁹ lofadi hann gud bædi med munni ok hiarta. Þa mællti hun enn vit hann: »Vertu¹⁰ heima i munklifi, þa er fasta kemr, þvíat gud vill eigi, ath þu farir [ut med brædrum, sem venia er til⁹, fyrr en a skir-degi, þa fardu til Jordanar, ok haf med þer holld ok blod drottins
25 wors, ok bid min þeim megin ærinnar, sem þu kemr at henne. Ek vil þa taka corpus domini, þvíat ek [hafda þat eigi, sidan ek tok þar¹¹ i munklifinu. En því einka ek skirdag til þess, at drottinn vor gaf a þeim degi postolum sinum holld sitt ok blod. En er þu kemr heim, þa mæl þu vit abota ydvarn .Johannem,
30 ath hann gæti vel munka sinna allra ok refsí þeim misfarir¹² sinar, þvíat þeir þurfa þess. Bid þu fyrir mer,« kvad hun. Ok sidan hvarf hun fra honum i skoginn, þar sem hann var þyckvaztr. Hann fell þa til bænar ok kysti þar æ iordina, sem fætr hennar hofdu stadit, ok lofadi gud. Sidan reis hann upp ok for heim [ok
35 var heima þau misseri, ok geck hun honum alldri or hug nott ne dag⁹.

1 [þat B. 2 diupuztum B. 3 [Tru B. 4 tilf. B. 5 [um minn hag B. 6 engi B. 7 talt B. 8 sid B. 9 [mgl. B. 10 Verdu B. 11 [hefi þat eigi haft, sidan ek var B. 12 misgerdir B.

12. Þá kom sa'timi annat wor, sem brædr voru vanir ath fara [ut i skoga, ok enn fyrsta drottins(dag) i langafosto gengu þeir ut af klaustrinu syngiandi eptir vana sinum². En Zosimas var siukr ok matti eigi fara med þeim. Þá mintizt hann a, hvad su kona hafdi mællt, er hann fann a skoginum, at hann mundi eigi 5 mega fara med þeim, þott hann villdi. En litlu sidar batnadi honum sottarinnar. En þá er skirdagr kom, tok hann kalek einn litinn ok let þar i corpus domini, hann tok ok alldin þat sem daetil heitir, þat vex æ palmtriam, ok fikiur ok ertr steyptar, for sidan til arennar ut, settiz þar nidr [ok beid þar konu þeirar er 10 hann hafdi fundit i skoginum³. En er hun kom eigi, þá [sa hann opt i skoginn ok vænti hennar, ok⁴ þotti honum langt ok hugsadi med ser, ath annattveggja mundi vera, at hun hefði komit þar ok horfit aptr sidan, eda syndir hans mundi vallda, er hon kom eigi. Svo þotti honum þetta illa, ath hann komzt vit 15 ok leit upp til himens ok mællti: »Drottinn minn, leyfdu mer nu at sia þessa konu, er ek fysumz.« Ok tok nu til at kvida, at hun mundi eigi komaz yfir æana, þvíat hvorki var [bru a æanni⁵ ne skip. Ok nu medan hann [kunni þesso svo illa⁶, þá kom su hin helga kona annan veg at anni. En þá [er hann sa hana komna, 20 rann hann þegar ok vard⁷ svo feginn, sem madr matti fegnaztr verda, ok lofadi gud af ollum hug ok hugsadi, hversu hon mundi yfir ana komazt. En hun geck til arinnar ok gerdi krossmark fyrir ser ok geck yfir [watnit til hans⁸ sem a þurru landi. Ok þá er hann sa [ena undarligu gongu hennar⁹, fell hann æ kne i moti 25 henni. En hun kalladi a hann ok mællti: »Zosima, hættu, brodir, kvad hun, ok gior eigi svo, þu ert prestur ok hefir likama drottins wors med þer.«

13. Þá kom hun til hans ok mællti þetta: »Bleza mik fadir!« Hann hræddiz ok svaradi svo: »Blezadr¹⁰ ser þu gud, nu hefi ek 30 fundit þat, sem ek for at leita, [betra mann mer¹¹.« Hun mællti þá: »Zosima, syng þu pater noster ok credo in deum, fyrr en þu gefir mer corpus domini.« Þá gaf hun honum fridarkoss ok tok sidan corpus domini ok hellt höndum til himna ok mællti: »Drottinn minn, kvad hun, nu skalltu ambatt þina lata fara i fridi, því- 35 at ek hefi sed nu grædara minn. En nu far þu, Zosima brodir, heill ok vel, ok hygg at því, sem ek hefi sagt þer, kom þu annat

1 Fra Zosima munk *Overskr. A.* 2 [i eydimörk *B.* 3 [Mariu(1) *B.* 4 [*mgl. B.* 5 [þar bru yfir *B.* 6 [hugsadi þetta *B.* 7 [vard hann *B.* 8 [æana *B.* 9 [þat *B.* 10 Dyrkadr *B.* 11 [*mgl. B.* 40

wor at iafnleingd i þann stad, sem wit hittumzt fyrra sinn. [Ek særi þik i guds nafni, attu kom þa ok finn mik a (þa) lund sem gud will¹. En hann bad, at hun skyldi eta noekut af alldine því, er hann hafdi fært henne. Hun tok þriu korn af ertrum ok æt ok mællti sidan: »Ærinn mat höfum vær i guds miskunn, ef vær megum giora vilia hans.« Þa bad hun Zosimas² þess sem fyrr: »Minztu min, fadir, i bænum þinum.« Hann svaradi: »Þat skal ek gera, sem þu bydr mer. En þu skallt þat gera, sem margir þurfa, ath bidia fyrir ollum [lærdum monnum ok konungum ok ollu kristno folki ok fyrir mer syndugum³.« Eptir þessi ord þeira blezadi hon æna Jordan med krossmarki ok geck sidan yfir æna þurru fotum. En Zosimas for heim ok þotti [svo illa, at hann vissi eigi, hvat hann skyldi til taka, er⁴ hann hafdi eigi spurt hana at nafne.

14. Ok er hann hafdi heima verit .xii. manadi, þa for hann ut i skog eptir sid þeira ok for a þann veg, sem þau höfdu fundiz it fyrsta sinn; ok er hann kom i skoginn, þa hugdi hann ath, ef hann mætti [noekut til hennar⁵ finna. En þa er hann sa ecki til hennar, þotti honum illt, ok mællti ok gret: »Drottinn minn allzvalldandi, syn þu mer leynda dyrd þinnar miskunnar, er þu hefir folgit i þessum skogi; ek bid þik nu ennar somu bænar, drottinn minn, attu synir mer nu þinn eingil likamligan, þann sem heimrinn er eigi verdr ath sia ne med ath fara.« En medan hann var æ bæn, þa kom hann i dal þann, sem þau höfdu fundizt i fystu, ok sa hann hana þar liggia andada, ok voru lagdar hendir hennar ok fætr ok sva höfut, eptir því sem sidr er til at gera vit andada menn, hun horfdi i austr. Hann skundadi gongu sinni til likama hennar ok fell æ kne ok kysti a fætr hennar, ok þordi eigi ath ganga nær [en sva¹. Þa tok hann ok sǫng liksaung ok salutidir fyrir henne ok hugsadi, at hann villdi giarna fela likam hennar, ef hann þyrði; en hann ugdi, at henni mundi mislika, ef hann gerdi þat. En medan hann hugsadi þetta, þa sa hann bokstafi ath höfði henni gerva, ok mællto sva, at sæ enn godi munkr Zosimas skyldi taka Mario ok grafa i þeim stad ok bidia fyrir henne, en hun andadiz a þeim manadi er Aprilis heitir. Þa fagnadi hann fastliga, er hann vissi nafn hennar, ok vid þat vard hann ok varr, ath æ þeim sama degi hafdi hun andaz, sem hann gaf henne corpus domini, ok æ þeirri somu stundu, sem þau höfdu skilit, ok

¹ [mgl. B.² Zosimam B.³ [mgl. B.⁴ [mikit at B.⁵ [hana B.

þó i dal þeim enum sama, sem hann hitti hana bæði kvika ok andada. Þat hafði hann gengit .xx. daga, sem hun hafði þá farit **aa** einni stundu dagsins, ok skildiz þá vit verolldina ok for til guds. Hann var nu **aa**hyggiufulr um þat, hversu hann [mundi þat fa giort, sem bokstafirnar budu honum ¹, þviat hann hafði ecki graffol. En þá 5 er hann kviddi þesso, þá **sa** hann tre eitt litit liggia hia ser. Hann tok þat ok grof med ok matti þó ecki at gera bæði sakir hardleik(s) iardarinnar ok svo þess er hann mæddiz, ok settizt nidr, [þviat hann hafði eigi afl til fyrir elli ok föstu². Þá sa hann leon [einn mikinn kominn til sin³, ok geck þar til sem likit **la** ok ¹⁰ nysti ath sporum þeirar ennar helgu konu ok kysti hvervetna **aa** iordina, þar sem fætr hennar höfdu stadið. En Zosimas tok at hrædaz, er hann sa dyrit, ok mintiz **aa** þat, er hun⁴ hafði sagt honum, at hun sa alldregi dyr ne kykvendi, sidan hun kom i þann skog, þar til sem þau funduzt. Tok hann nu ok signdi sik ¹⁵ med marki ens helga kross ok trudi þvi, at þetta dyr mundi honum ecki mein gera sakir þeirar godu konu, sem þar var þá ondut. En dyrit bendi honum, at þat villdi hafa frid vit hann. Þá mællti hann vid dyrid: «Þessi en helga kona baud mer at grafa sig i iörd, en ek ma þvi nu eigi orka fyrir elli minni, enda ²⁰ hefi ek ecki þat til sem ek þyrfta⁵. Nu byd ek þer i guds nafni, attu farir til med mer ok giorir henne grof med afli þvi, sem gud hefir þer led.» Hun var i þvi klædi, sem hann gaf henne ath fyrsta fundi þeira. Leoninn⁶ dvaldi ecki ok grof henne grôf [bæði mundangs breida ok diupa ok svo a leingd⁷. Sidan for ²⁵ Zosimas enn helgi munkr ok lagdi hana nidr i þessa grôf. Eptir þat lauk hann liksöng, en dyrit fylldi graufina af molldu. Sidan geck dyrit aptr til skogar ok sva hogliga sem saudr. En Zosimas for heim ok lofadi gud. Ok er hann kom heim, þá leyndi hann eigi adra munka brædr sina, hvat hann hafði sed eda fundit [i dyrd ³⁰ guds⁷. Ok er þeir heyrd þetta, þá lofodu þeir gud ok voru fegnir af iarteinum þeim, er gud gerdi fyrir syndagum monnum, ok geidu med miklum fagnadi minning artidar hennar. En Jon, er þá var aboti, fann þat, sem hun hafði sagt Zosime, ath munkar hans voru margir, þeir er vanrefsadir voro, ok sonnoduz ord hennar i þvi. ³⁵ En Zosimas lifdi göfugligu lifi ok vard .c. vetra gamall lofandi ok dyrkandi gud, þann er giorir miskunn sina vid menn þá alla, er

¹ [skyllði hana grafa B. ² [mgl. B. ³ [eitt mikit B. ⁴ Maria B.
⁵ þarf B. ⁶ Leonit B. ⁷ [mgl. B.

hans vilia drygia, honum se lof ok dyrd ok vegr einum gudi i þrenningu um allar alldir. Amen.

II.

(Cd. 657^c qv; *Fragm.* 655^{ab} qv.)

5 A Serklandi, i þeim stað er heitir Palestina, var maðr einn gamall, sa er Zozimas hett, hann var rettlatr maðr ok kunni vel boke sina ok hafði verit munkr alla stund fra barnnæsku sinni; hann hafði bundizs mest¹ vid heiminn allra þeira manna, er þa voru i verollu. Munka lif² hafði hann halldit bezst allra manna i hæsku³ sinni. Hann (var) sva goð(r) maðr i attferð sinni ok tru, at allir þeir munkar er i nanð honum voru, ok sva þo at firr væri, þa foru at finna hann ok namu⁴ at honum, hverssu þeir skylldu sit lif bezst lifa. Hann var æ ahygiufullr um guðs orð. Hann gerdi iamnannockut til viðrvistar ser; ok sva mælir Pall 15 postoli, at allir menn skylldu lifa vid eitthvertt erbiði, annaðtvegia at þiona guði eða vinna i heiminum⁵. Hann var barnungr⁶ færðr til muklifis ok var þar fimtigi vettra, sva æm hann sagði sialfr. Enn síþan er þeir vettr voru liðnir, þa treystizs hann gæzsku⁷ sinni ok hugði, at eingi maðr væri iamgodr sem hann [var, ok 20 hugði i hug ser: «Ek þarf eingis mannz þurfandi at vera», ok eingi ættladi hann sva godan klerke vera, at honum kynni⁸ kenna, ok eingi klerkr sva goðr, at «ek þurfa at spyria þa visdoms» eða hverssu hann s(k)yllði sitt (lif) lifa. Enn meðan hann hugði slikt, þa sa hann mann einn standa hia ser vegliga(n) ok dyrligan, ok mællti: 25 «Zozimas, kvað sa maðr, vel hefir þu þinum hag hagat ok attferð skipað; enn ei skaltu þat hygja, at þat se fulltt vel, meðan þu lifir, fleiri eru gatur til guðs helldr enn þær, er þu hefir nu farit. Ef þu vill meir fremia þin meinlæti, þa farðu fra frændum þinum, feðr ok modur ok vinum þinum öllum, sva sem Habraham for 30 patriarki, ok fylg mer til munklifis þess, er stendr æ Jordanar

1 *saal. Fr.*; miög *Cd.* 2 *log Fr.* 3 *esco Fr.* 4 *nema Fr.*
5 *goð verk tilf. Fr.* 6 *barn ungt Fr.* 7 *gefu Fr.* 8 [*þottizs vera i hug sinom, oc enge etlaþe hann sva goþan munc vera at honom kunni Fr.*; *her ender første Blad af Fragm.*

bakca, þat er vikt Joni baptista. Þa for hann þegar i stað með honum þangat.

2. Enn þa er þeir komu þagat, þa mællti sa enn ungi maðr við Z.: «Her er nu sa staðr, er ek sagða þer fra, far nu i muklifð, ok se þar tíðinnði er þar eru.» Þa gekc hann til klaustragarzsinnns þeira ok bardi aa. Enn sa er gæti hliðsins, þa spurdi hann, hverr þar væri. Þa svaradi Z.: «Munkr einn, sagði hann, ukuðr þer.» Þa gekc hann til abota ok sagði honum. Enn aboti sialfr gekc til ok lett upp hurð fyrir Zozimas. Enn þegar¹ er hann sagði: munkr er her kominn nyliga, þa þotizs hann sia gæzsku hans mikla harðrla; þa fell hann abotinn² þegar til fota honum ok bað fyrir ser, sem siðr þeira var til. Enn þa er hann reis upp, þa spurdi hann hinn, er kominn var, hvaðan hann væri, eða hvi hann væri þar kominn, sva gamall maðr sem hann var, til þeira vesældar, er þar voru fyrir. Enn Z. svarar honum: «Eingi nauðsyn er aa, at ek segia þat, hvaðan ek em at kominn, því em ek her kominn, at ek vil bæta mig. Ek hefi heyrtt, at her se goðr siðr ok miskunn mikil með ydr, at hverr maðr, sa er her vill vera, þa er hann nær guði helldr enn i oðrum stodum.» Þa svarar aboti honum: «Brodir, sagði hann, guð einn veitt hverss mannz gæzsku, kenði hann þer ok oss sva at lifa, sem vor þurftt er mest. Einnginn maðr ma annan bæta, hygi hverr at sinum hag ok gere gott, sa er guði næstr, er bezst gerer. Enn ef þu vill her vera með oss, þa verttu. Sa guð, er gaf sialfan sig at leysa oss, hann hefir samnað qlum oss saman.» Þa fellu þeir badir til iardar aa³ kne ok badu fyrir ser. Enn siþan gengu þeir inn til bræðra.

3. Enn þa er hann hafði þar verit um hrid, þa sa hann, at þeir voctu hveria nott ok unu þeir aavalltt nokut til guðs, ok þeir letu alldri mun sinn kyran vera at biðia ser goðs ok oðrum, ok alldri heyrdi hann þa onytt mæla, ok ræktu ek(c) vætta um veralldar vist, hvarki um ar ne um oaran. Ok eingi þeira vissi anna(r)s nafn, þat eitt villdu þeir sysla at deygia fra heimsins vist. Enn þeir hofðu guðs orð ser mest fyrir matt, enn þeir atu brauð enn drukku vatnn, til þess at þeir hefði megin til at þiona guði. Enn i þeira verkum slikum bættizst Zozimas storliga. Þa kom su tíð, er þeir voru vanir at fara ut i eyðimorke or munklifi sinu at pina sig meir enn heima, þa var langafasta. Enn sa var siðr þeira, at klaustr þeira væri alldri opin a [tolf mannuðum³, nema

¹ þagar Cd.

² aa. A. Cd.

³ [tolfb mannuðum Cd.

gestir kæmi. Enn þar kvomu fair menn ok fair vissu, hvar sa stadr var, því visadi guð sinum eyrendreka at leiða Z. þagat.

4. Sa var siðr þeira, at sunnudag at fostu inngangi þa kvomu þeir allir saman ok heyrdu messu ok tokeu huls(!), ok mottuduzst
 5 allir saman litið ok gengu síþan til bænar sinnar. Enn síþan er þeir hófu lokit bæn sinni, þa fell hverr æa kne fyrir annan ok kystuzst allir, enn síþan allir þeir abota, ok baðu hann, at hann skyldi biðia fyrir þeim, at þeir mæti því efla, er þeir villdu. Þa luku þeir upp hurdum öllum ok ganga ut, hverr þeira sins vegar,
 10 ok saung hverr þenna salm Dominus illuminacio mea. Enn eptir var einn eða tveir at gæta staðarins oc veita tidir, enn eingi¹ var at gæta fiar, þvíat ekki var til. Enn hverr þeira hafði ser rockut til mattar, sumir hófu brauð litit, sumir fíkur, sumir þat alldin er daktil heitir, sumir erttr steypitar, sumir eeki nema likam sinn
 15 einn ok klæði þat, er hann hafði yfir ser. Enn þeim stundum er þa hungradi mest, þa ætu þeir gros ok rætttr. Enngi þeira villdi koma til annas ok eingi vita til annas, hvat annar giorði, enn ef annar þeira sa annan, þa geke hann af þveru fra. Sva lifðu þeir alla fostuna til palmadags, þa komu þeir allir samann. Ok hug(d)i
 20 hverr at við sig, hvatt hann hefði syst æa þeiri einni(!) helgu tið, eingi spurdi annan at sinni syslu², þvíat þat voru laug þeira, at guð einn skyldi þat vita³ með þeim sialfum, þvíat þat spillir fyrir hverium. Enn Zozimas munkr fór ok sem þeir einn sama(n), hann hafði litinn matt med ser, hann vakti sva miog, at hann svaf
 25 alldri, nema daudasvefn felli æa hann. Hann fór viðá um skogin at leita, ef hann mæti finna nockura helga staði eða erimitavist.

5. Enn er hann hafði gengit tuttugu daga um skogin, þa var þat einn dag at midium ðegi, þa nam hann stadar ok sa i austr, því at hann gerði sva iamnan, a h(v)erri tið ðagsins dvaldi hann
 30 gongu sini oc var þa æa bænum ok sa upp til himna. Enn medan hann sa upp, þa fór fyrir augu honum ok syndizs honum æa hægri honð ser því likazst, sem skuggi mannz væri. Þa hræðizst hann ok hugði, at þat væri braugð diofulsins, þat kollu vær ofreski. Þa tok hann upp hendi sinni ok gerði krossmarke fyrir ser þrim
 35 sinnum ok bað guð miskunnar. Hann sa i sudret fra ser, sem madr einn gengi naukvidr allr ok kolsvarttr asionum, því at sol hafði brenðan þann enn væsla likam. Honum syndizst har æa hófði þeim manni hvitt sem ull ok stutt, sva at eigi tock leingra enn æa halsinn. Enn er hann sa þetta, þa þotti honum kynliggt, ok varð

40 1 eingis Cd. 2 syslar Cd. 3 viti Cd.

fegenn ok skyndi þangað gongu sinni eptir manningum. Enn sa enn vesli maðr, er þar var, skyndi undan gongu sinni, er hann sa manninn eptir sér fara. Munkrenn rann eptir, sem hann matti mest, ok lett þat ekki skiptta, þott hann væri gamall oc meginlauss, ok matti hann meira fara enn hinn undan. Enn þegar er hann kom i nanð þeim manni, þa kalladi hann æ þann, er fyrir rann, gratandi ok mællti: «Þu guðs þræll, hvi flær þu mig gamlan ok syndugan! Ek særi þig i guðs nafni, at fyrir þess sakar er þu pinir þig her i þessum skogi, þa bittu min ok mæl vid mig.» Þa gatt hann farit þann mann i dal nockurum; þar rann vattnn um utan. Enn þegar er hann kom i þann dal, þa fer hinn undan annan veg or dalnum. Þa nam munkrenn stadar ok matti eigi meira renna, sva var hann þa moðr, ok kalladi æ hinn, er undan rann, gratandi ok bað, at hann skyldi svara honum. Þa svaraði sa maðr honum er fyrir var: «Fadir Z., hvi fer þu sva miog eptir mer, eða hvatt villttu mer? ek ma eigi við þig mæla fyrir skaum minni, ek em kona ok em ek naukvit. Ef þu vill vid mig mæla, þa tac þu klæði þitt nockut ok kasta til min, at ek mega i fara, medan er vid tolmzst vid.» Þa þotti Z. kynligtt, hvi hon vissi nafn hans, enda hafði hon alldri seð hann fyrr. Hann fagnadi því miog ok þotizs vita giolla, at eigi matti sva vera, nema guðs miskunn mikil fylgði henni. Þa toek hann forntt klæði eitt, þvit ekei atti hann nyara, ok sa fra henni við ok kastaði til hennar. En hon toek þat klæði ok hellött fyrir sig, þar sem henni var mestt skoum(!) at seð væri. Þa mællti hon vid munkinn: «Fadir Z., hvat er þer undir því at sækia fund minn sva syndugar kono sem ek em?» Þa fell hann æ knebeð ok bað, at hon skyldi blezsa hann; hon fell æ knebeð til hans ok bað hann blezsunar. Nu bað hvart þeira annað blezsunar. Enn síþan toek hon til orða ok mællti: »Fadir, þer byriar þat at geraa(!), enn mer eigi, þviat ek er kona, enn þu ertt kallmaðr ok prestr at vigslu, ok hefir þu margan dag stadið fyrir allteri ok sungit messu.» Þa þotti Z. allra kynligazst, er hon skyldi þat vitta, er hon sa hann alldri fyr ok alldri var henni sagtt fra. Þa mællti Z. vid hana: «Nu se ek, enn goða modir, attu ert full af guðs miskunn, er þu hefir bædi sagtt þu nafn mitt ok atferð mina; þviat¹ guðs miskun feck ǵngum manni fyr riki sinu² at raða ok eigi fyr metnaði heimsins, helldr feck hann honum fyr litilæti ok rettlæti ast, þa er hann ann guði; því byð ek þer fyrir guðs sakir attu blezsa mig fyrri.» Þa lett hon

¹ at tilf. Cd. ² sini Cd.

at mali hans ok blezsadi hann ok mællti þetta: »Blezsaðr ser þu, guð drottin vorr, er leystir allar salur godar fra diofi.« Þa sagði Z. amen. Þa risu þau upp bæði. Þa mællti hon við munkinn:

6. »Fadir, sagdi hon, hvi villdir þu finna sva synduga konu
 5 sem ek er?« Hann svarar þa: »Eigi var þat, sagdi hann, af minum vilia eða völdum, því at ek vissa ekki til þin. Guð villdi, at vid fyndimst.« Þa svarar hon: »Ef sva er, sem þu segir, at guð villdi sva, þa seg þu mer, hvat titt er i heiminum um hag konunga eða byskupa ok lærðra manna.« Enn hann svaraði henni:
 10 »Modir, sagdi hann, guð hefir gefit fullan frið ollu folki sinu. Enn nu skaltu biðia fyrir ollu folki guðs ok mer.« Þa hof hon upp hendur sínar yfir hofuð ser ok retti þær til himna upp ok sa austr ok kalladi til guðs leingi. Enn hann munkrinn heyrði ekki til, hvatt hon mællti, nema hann sa þat, at hon hrærði munn sinn,
 15 ok sva sa hann, at hon for i lopptt upp miog hatt fra iordunni. Enn i þeiri syn, er þa sa hann um hennar hag, þa hræðizst hann sva miog, at hann sveitizs af ok fell til iardar nidr ok matti ecki mæla, nema hann saung Kirieleison. Þvi var hann sva hræðr, at hann hugdi, at þat væri villa. Enn er hon for ofan apttr, þa toke
 20 hon i honð Z. ok reisti hann upp ok mællti: »Fadir, sagði hon, mistrua(!) þu mig eigi, kristinn maðr em ek ok þo syndug kona, sem ek hefi fyr sakett þer.« Síðan gerdi hon kross bæði æ enni ser ok æ briosti ok mællti þetta: »Guð alzsvalldandi leysir oss fra inum illa diofi, þeim er i gegn oss berzst æ ok æ um vora
 25 óþurft.« Enn þa er hann heyrði mal hennar þetta, at hon vissi iamvel hug hans sem orð hans, þa vissi hann, at guð var med henni, ok fell þa til fota henni ok mællti þetta gratandi: »Nu bið ek þig ok byð ek þer af guðs hendi Mariu sonar, at þu leynir mig eigi, hvat um þinn hag er, eða hverssu leingi þu hefir her
 30 verit, ok ek mega heyra, hverssu undarlig guðs miskunn er. Ok seg mer til þess, at ek segia odrum monnum fra slikum iarteinum, fyrir því at viss domr allr sa er folginn er eða fe leynanda, þess nytr eingi maðr; ennda bið ek þig ei fyrir því, at þu eða ek skula taka manna lof i gegn, helldr bið ek til þess, at ek vil, at aðrir
 35 menn liki eptir þinum goðgerningum, ok því kom ek æ fund þinn, at guð villdi, at menn vissi, hvat þu hefir her syzst.« Enn er hon heyrði þau orð hans, þa hof hon upp augu sin ok sa til himna ok mællti vid hann: »Ho, ho, brodir, sagdi hon, mikit er mer fyrir því, ok skom þicki mer þat at segia þer fra minu lifi, fyrir
 40 því at þu munntt flyia mig sem hoggorm ein(!) vesta, ef þu veizst

mina attfer(d) ok illsku. Alldri hefi ek enn til skripta gengit, ok verð ek nu at segia þer minar syndir, þott mer se leitt, enn þu bið guð, at hann fyrirgefi mer þessar syndir.« Enn þa retti hann hendr sínar til himins upp ok bað til guðs fyrir henni. Síþan tock hon at segia sina attferð ok mællti a þa lund:

7. Ek var fædd æ Egiptalandi, ok var ek med feðr minum ok móður .xij. vettr; þa girntumzst ek ills lifs ok at drygia likams losta. Enn ek matta því eigi orka, því at fadir minn ok modir voru menn rikir ok aagætir, sva at eingi þordi mig at finna til onytra hluta. Þa hliopumzst ek a brautt þadan, ok for ek til borgar þeirar, er Alexandria heitir, ok lifða ek þar sva ofaugru lifi, sem kona mati vestu lifa bæði fyrir guði ok monnum. Þat var mitt lif, at ek var porttkona, su er vest matti vera, .xvij. vettr ok nockuru leingr eða mæ(i)r. A þessa lund hagaða ek, at þat klæðakyns, er fegurs(t) var, þa keypta ek ok bar ek æ mig, til þess at flæ(i)ri skyldi til min lysta enn aðr. Allra kvenna var ek fegrzst ok vænzst. Þann matt keypta ek mer iafnan, er bezstr var, til þess at minn likam skyldi þa fleira illzs fysa ok gleði enn aðr. Vaktta ek þa miog sva nættr ok daga, ok gekk ek þess i milli at drecka mungatt eða drygia likams losta með hverium manni, er þat villdi gera, ok þotti mer þeir allz til fair, ok tock ek ecki fe af morgum, þviat ek villða, at þa lysti til min fleiri enn færi. Ek gerdumzst leikari, ek sau(n)g, ek tumbada, til þess eins var mer þetta alltt, at ek villða þa locka til min fleiri enn færi ok meir alla þa er ek villða hafa. Ek laug, ek stal, ek var æ ok æ i illum verkum dag ok nott. Þa kom sumar. Enn sa var siðr i því landi, at menn foro fiolmentt æ skipum til Jorsalaborgar æt krucis messu. Þat var einn dag, er ek sa at martt manna for til skipa, þa gekk ek at hitta mann einn, þann er fara skyldi æ þeim skipum til Josalaborgar, ok spurða ek hann, hvert þeir villdu fara. Enn hann svarar: »Til Jorsalaborgar, sagði hann, til ins helga kross.« »Ek villða þangat fara með yðr,« sagða ek. Hann spurdi mig, hvat ek hefða til skipleigu. Ek svaraða honum: »Ecki, sagða ek, nema er vilit veita mer bæði matt ok far. Enn ef er vilit eigi þat, þa byð ek mig sialfa.« Nu bið ek, godi brodir Z., at ek hetta nu at segia leingra, fyrir því at eyru þin munu saurgazst ok lof þitt alltt. Þa klaukk Z. sem kona ok bað fastliga fyrir guðs sakir ok mællti sva: »Goða systir, hvata þvsa mali, seg helldr fram, fyrir því at þat bætir margan mann, er slikt heyrir.« Þa tock hon til a nyia leike ok sagði: »Sa maðr

er ek sagða þer fra, at ek villða fara með til Josala, þa fann hann bratt, hvatt konu ek var, ok geck æ brautt fra mer ok hæði at mer ok hlo miog. Enn ek geck sem ek matta skiotazs til strandar, ok sa ek fiolda manna þar, ok leku ok biðu lagsmanna sinna.

5 Enn ek bað þa, at þeir skylldu mig lata fara með ser, ok bað ek þa gera við mig alltt þat er þeir villdu. Enn þeir þagu þann kost ok leiðu mig æ skip með ser. Enn síþan foru vær i haf. Enn þa toek ek sið minn inn sama. Allðri var sva illtt i haf ne

10 sva gott, at ek letta eigi, sem ek var fyr vön, æ hveria lund sem ferligazst var. Ek hræðumzs eigi æ skipi sem aðrar konur, sva var tið illska min, ok ek eggiaða alla menn til min, ef æ því skipi voro, bæði illa ok goða. Sva ma segia, at ek færa með öðru borði apttr enn öðru fram æ skipinu, ok saurgaða ek þar naliga hvernn mann, er æ var skipinu. Ek var sva sem helvitis pytttr

15 þeim ollum, er i attfalli voru, er mig hofðu, sva sem fella til musa. Þat þotti mer undarligtt, hvi vær druknuðum eigi oll fyrir minni illsku. Enn nu se ek, at sva er sem guð hefir mæltt, at hann vill eigi syndugs mannz dauða, helldr vill hann, at hann lifi ok bæti yfir. Nu foru vær síþan til þess, er vær komum til Josalaborgar, þar voru vær nockura daga, aðr krossmeissa(!) kom. Enn

20 æ þeim dogum lifða ek sva illa, sem þa er ek hafða vest lifað, ok for ek um borgina alla innan naliga fyrir hvernn mann, ok teygðag allar salur þeira manna til helvitis, er ek gatt til min lockað, sva sem fiskar vefiazst i neti. Enn þa er kom .+. messudagr, þa foru menn fiolmentt til kirkiu fyrir guðs sakar ok hans lof fram at flytia ok halæitliga hans tign at gera. Þa skynda ek gongu minni i þeira floke fyrir illsku minni ok otru at lata sem flesta menn sia mig. Þa komu vær til kirkiudura, ok gengu þa allir menn i kirkiuna inn aðrir, enn ek matta eigi inn komazs.

30 Þa þotti mer kynligtt, hvi sætti. Þa gekk ek i þrau(n)g manna, ok hugða ek, at menn skylldu hrinda mer inn með ser, enn mer tiði þat eeki. Þa geck alltt folkk inn, enn ek matta eigi inn komazs.

8. Enn er ek hafða leingi við þat brotizst at þraungvazs inn, þa var ek sva með, at ek matta eigi sva leingr lata, ok hvarf ek þa með kirkiunni annan veg hia vegginum fyrir utan i ra eina, ok kom mer þa i hug, hvatt vallda munði því, er ek matta eigi i kirkiuna ganga sem alltt kristit folke annat, ok þotumzs ek þa finna, hvatt ek hafða syzst, ok mundi guð mig fyrir þat utt recka,

at ek var verri enn eingin maðr annara. Þá tock ek at grata af ollum hug ok bardag **æ** briost mer, ok andvarpada ok idrudumzst ek synða minna. Enn er ek sa or ra þeiri, er ek stoð i, hvar skriptt ein var sett gerr eptir Mariu modur drottins vors, þa kall-
 aða ek af ollum hug **æ** hana gratanði ok siuku hiarta, fyrir því at
 þa et fysta sa ek, hvat ek hafða syzst, ok mæltu ek sva: «Þu inn
 helga mær Maria, er bartt sun guðs higat i verolld þessa, ek veitt,
 at (ek) em overð at sia þig fyrir þeiri enni margfolldu illsku, er
 ek hefir gertt. Enn nu bið ek þig, hin helga guðs moðir, at þu
 hialpir mer, fyrir því at ek veitt, at guð villði því maðr vera her
 i heimi, at hann villdi, at syndugir menn iþradizst ok bætti yfir
 syndir sinar vid hann. Nu kalla ek it þriðia sinn til þinn, inn
 ðyrliga drotning himins ok iardar¹, ok bið ek þig, at þu lofir mer
 at ganga inn i þær dyr, er ek matta eigi aðan inn komazst til
 hins helga kross at lúta honum sem adrir menn. Enn ef þu villt
 mer þetta lofa, þa heitt ek þer því, at ek skal alldri slikt drygia,
 sem ek hefi fyr gertt, ok þegar er ek kem til hins helga² kross,
 þa skal ek fyrirlata allan heiminn ok alla þa hluti, er i honum
 eru, ok vil ek fara i þann stað, er ek mega refsa mer sialf okynni
 min ok illsku mina, þa er ek hræðumzst eigi guð. Nu bið ek þig
 it fiórða sinn fyrir dyrd þina ok miskunnsemi, at þu helpr ollum
 kristnum monnum, at þu gangir i vordslu fyrir mig við son þinn
 drottin vornn.» Enn síþan er ek hafða sva mælt, þa freistaða ek
 ok geck til kirkiuduranna með oðrum monnum, ok matta ek þa
 inn ganga, ok var mer þa ecki utt hrundit, helldr var mer þa
 hrund(it) i kirkiuna. Þa varð ek sva fegin, at ek þottumzs varla
 vita viðts minns, at ek skyllða þa inn komazs, sem syndir minar
 hrunndu mer aðr utt, ok hræðumzst ek þa guð fastliga. Enn þegar³
 ek kom fyrir kross inn helga, þa fell ek oppt **æ** kne fyrir honum.
 Enn þa kom ilmr sva goðr i nasar mer, sem ek kenda alldri iam-
 goðan fyr, ok sa ek þar dyrd guðs. Enn síþan geke ek utt apttr
 þangat til skriptarinnar, sem ek hafða aðr verit, ok fell ek enn **æ**
 knebet ok mæltu ek **æ** þa lund: «Þu hin helga mær Maria, yfir-
 drottning allra drottninga, þu hefir mer miskunnat, ok fyrir þinar
 sakir kom ek i hina heilaugu kirkiu at sia dyrd guðs. Nu vil ek
 fyrir þat lofa son þinn almattkan guð, þann er heyrir allra
 syndugra manna idrun. Nu bið ek, at þu visir mer **æ** þa gotu
 at ganga ok synir mer, hvatt ek skal þess gera, er ek mætta
 sættazst við skapara minn ok við þig, hin helgazsta mær, ok vid

¹ iordar Cd.² hilga Cd.³ þigar Cd.

alla hans dyrlinga.» Enn þegar er ek hafða þat mælltt, þa heyrda ek rauð eina mælandi við mig. A þessa lund mælltti su roð: «Far þu utt yfir Jorðan, þar hittir þu goða ro salu þinni.» Þa mæltta ek við skriptina gratandi: «Þu drotning min haleitazsta, afræksztu
 5 eigi við mig, hellör gættu min æ ok æ, hvargi sem ek er.» Enn síþan geke ek utt or kirkiugardinum. Enn þa kom maðr einn i motti mer ok gaf mer þria peninnga silfurs. Enn ek geek ok keypta með þeim þria hleifa brauðs. En þa spurða ek manninn, er ek keyptta brauðit at, hvertt leiðin væri til Jorðanar. Enn
 10 hann visaði mer, enn ek geek síþan þagat ogloð ok gratanda(!). Þat var at dagverdarmali er ek geek or Jorsalaborg, enn ek kom fram at solarfalli til Jordanar til mun(k)lifis þess, er þu ert i. Enn þegar er ek kom þar, þa geek ek i kirkiu, ok toke ek þar hus(l), ok var ek þar um nottina, ok att ek þar halfan hleif af því
 15 brauði, er ek keypta i Josalaborg, ok dræck við vatn or Jorðan.

2. Enn annan dag eptir for ek a brautt or munklifinu ok yfir ana Jorðan, ok bað ek iafnan enu dyrstu Mariu, at hon skyllði visa mer a þa goto, at ek mætta lifna af dauda þeim, er syndir minar deydu mig. Enn þa kom ek i skog mikinn ok hafan.
 20 Enn síþan er (ek) kom þar, þa hefi ek flæit ok firzst menn, sem ek matta mest her til, ok hefi ek her beðit miskunnar vors drottinns. Þa svaraði Z. henni ok mællti: «Hverssu marga vettr hefir þu her verit, liufa min.» Þa svaraði hon: «Síþan er ek for or hinni helgu borg Jerusalem, sagði hon, þa hefi ek her verit .xl.
 25 ok .vii. vettr.» Enn þa spurði Z.: «Hvatt hefir þu haptt þer til mattar síþan, sagði hann?» Þa sagði hon: «Ek hafða eigi matt meira higat enn tvo hleifa ok þann halfan, er ek leifða i munklifinu. Enn þat brauð hardnadi fyrir mer ok varð sva hartt naliga sem steinn, enn ek lifða við þat nockura vettr.» Þa svaraði Z.: «Varð
 30 þer mikit fyrir því at lifa annan veg, enn þu vart fyr von?» Þa svaraði hon: «Ef ek minnumzst a pisl þa alla, er (ek) hefi þolat her, ok æ lif þat et illa, er ek hafða aðr, þa uggi ek, at ek fyszumzst til veralldarinnar ok skula beriazst þa enn i gegn heiminum.» Z. svaraði ok mællti a þa leið: «Liufa min, sagði hann, leyn mig
 35 eigi, hvat um þinn hag hefir verit.» Þa svaraði hon ok mælltti: «Tru mer, Z. aboti, at seytian vettr var ek her sva i þessum skogi, at mig lysti til ok mer kom æ ok æ i hug matttr sa, er ek hafða haptt i verolldinne, bæði kiott ok allr enn bezst(i) matttr, er i heiminum var, ok mungatt ok klædi ok skemtun su ǫll, er ek
 40 hafða, síþan er ek kunna at monnum at hyggia. Enn þa þegar er

ek lett mer i hug koma, hverss ek hafda bedit enu¹ helgu Mariu, ok hverssu hon hafdi mer miskunnað, þa grett ek, þa iðrudumzst ek ok andvarpaðag, ok bad ek alhugliga, at hon skyldi eigi gleyma mer, hellör skyldi hon gæta min ok snua fra mer þeim enum illa ahuga ok minning illra verka minna. Enn medan ek bað þeirar bænar, þa kom lios mikit yfir mig. Enn þa er stund ein var i millum, þa var mer heimrinn allra mest i hug, sva at ek sviða sem elldr lægi a mer allri. Enn þegar er ek hugða at, hverssu mitt mal stoð vodvænliga, þa fell ek til iardar ok kallada a Mariu, ok la ek þar a bænum minum allan þann dag ok þa nott, ok var þat lios hia mer alla þa stund, ok því liosi fylgdi miskunn drottins minns ok Mariu modur hans, ræ(i)stu þau mig up af þeim illa hug. Enn i þeiri freistni var ek alla .xvij. vettr. Enn nu sípan er þeir .xvij. vettr voru farnir, þa var Maria modir guðs mer næst at ollum hialpum i hverium stad, bædi er ek svaf ok er ek vacktta.»¹⁵ Þa svaradi Z. ok mællti a þa lund: «Þurptir þu sípan matt eða klæði?» Þa svaradi hon: «Þann halfa þriðia leif er ek hafda fra Jordan, sagdi hon, þess neytta ek a þeim .xvij. vettrum, enn sípan [lifða ek² við gras ok rættir her til. Enn klæði þau, er ek hafda hegat fra Jordan, þa eru nu farin ok fuin³. Nu⁴ hefir sva mig kostat bædi frost ok kuldi um vettrum, enn um sumrum⁵ hiti. Enn sípan eptir þa tið, þa kom guðs miskunn til min ok hefir teckit bædi lif mitt ok salu fra ollum haska. Enn nu hvertt sinn er ek minnumzst⁶ æn allt lif mitt it illa, er ek hafda i heiminum, þa gle(d)iumzst ek ok fagna, ok vilnumzst ek [miskunnar af drottins vors gæzsku⁷. Mattir minn ok mungatt [ok klæðnaðr þat⁸ eru guðs orð, sva sem guð mælir sialfr, at maðr ma eigi við brauð eitt lifa, hann verð(r) ok at lifa við [ord þau, er koma⁹ af munni guðs. Sva mæla [bækr, at sa maðr er hann fer or illskuklædnadi¹⁰, hann fer i stein ok hefir hann ser¹¹ fyrir klæði.

11. Enn er Z. heyrði þessi mal hennar, er hon sagdi dæmisogur af [hinni diupsettuzstu boke¹², þa spurdi hann þa inu godu konu: «Kannttu salma þina, sagdi hann, eða hefir þu lesit bækr?» Þa svaradi hon: «Tru mer nu, guðs maðr, at sípan er ek for fra Jordan, þa sa ek eingvan¹³ mann fyr enn þig ok eeki kvikvenði.

¹ einu Cd. ² [1. Cd. ³ fyrir Cd. ⁴ Her *beggynder andet Blad af Fragm. 655*^{aa}. ⁵ sumar Fr. ⁶ minnome Fr. ⁷ [oc glepiome ec af drottins vars gezlo Fr. ⁸ [eþa vin oc cleþi Fr. ⁹ [orþ hvert er fram ferr Fr. ¹⁰ [bækr, at hvern sa maþr, er her ferr or kleþnaþe illzseo sinnar Fr. ¹¹ þat tilf. Fr. ¹² [eno diupasta boemale Fr. ¹³ engi Fr.

Enn a bock nam ek alldri¹, ok alldri¹ heyrda ek fra bockmali
sagt, enn gud lifandi [æ ok æ² hann kennir hverium manni vis-
dom. Nu brodir [heyr þu mig³, nu hefi ek sagtt þer alltt, þat er
[um minn hag hefir verit⁴. Nu bið ek þig, at þu haldir bænum
5 fyrir mer [til guðs⁵, medan þu lifir. Þa fell munkrenn a knebet
ok mællti gratandi⁶: «Blezsadr ser þu guð, er gerir iarteinir
miklar ok dyrligar ok undarligar ok sva margar, at [einginn madr
fær taltt⁷.» En er hann hafði sva mællt, þa tok hon i hond
honum ok reisti hann upp oc mællti: «Brodir, sagdi hon, þess vil
10 ek bidia þig, at þu segir ǵngum manni fra mer, medan lif mitt
er. Ennða⁸ far þu nu i guðs friði. Enn annat vorr i þenna tíð⁹ þa
skulu vid her finnazs. Enn ek vil þess biðia, at þu farer eigi fra
staðnum annat vor, sva sem siðr yðvar er til ok log yðr.» Enn
þa er hann heyrði, at hon vissi alltt um þeira hag, þotti honum
15 kynligtt sem tyr, hvi hon skyllði þat vita, er einngi hafði maðr
sagtt henni fra, ok lofadi hann þa guð. Enn hon mællti þa vid
hann: «Verttu kyr þa heima i muklifinu, er fasta kemr, fyrir því
at guð vill [eigi, at þu farir með þeim ǵdrum brædrum, sem log
yðr eru til. Enn er skirdagr kemr, þa far þu til Jordanar ok haf
20 med þer hollð ok bloð drottinns vors¹⁰, þvíat ek hefi eigi síþan
teekið corpus domini, er ek [var i þessu munklif¹¹. Enn því
einka ek þann dag til þess, at drottinn vor gaf a þeim degi
postolum sinum hollð sitt ok bloð. Enn nu er þu kemr heim, þa
mæl þu vid abota yðvarnn, at hann gæti vel munka sinna allra
25 ok refsí þeim [misfarar þeira¹², þvíat þeir þurfa¹³; bið nu fyrir mer,»
segir hon. Enn eptir þessar rædur hvarf hon æ brutt fra honum
ok þangat i sko(g)inn sem þeckazstr var. Enn síþan fell Z. til iardar
niðr ok kysti þar æ iordina, sem hon hafði staðit, ok lofaði guð.
Enn síðan reis hann upp ok for þa þeim æ inum sama apttni ok
30 þakeaði [guði alla þa .xii. manuðr, er hann hafði fundit þessa konu ok
heyrtt hennar lif¹⁴, ok gengr hon honum alldri or hug nott ok dag¹⁵.

1 aldrege Fr. 2 [ei oc ei Fr. 3 [hefir þu heyrt oc Fr. 4 [yfir
minn hag hefir gengit Fr. 5 [við guð Fr. 6 þa er up hann tilf. Cd;
ikke Fr. 7 [enge maþr fer talþar Fr. 8 En Fr. 9 tima Fr.
35 10 [at þu farir eigi með ǵþrom breþrom fyrr en á scirdege; þa far þu
til Jordanar scirdag, oc haf með þer hollð oc bloþ vars drottins Jesus Cristz,
oc biþ min þeim megin arinnar, sem þu kemr at Jordanar(!). Ee vil þa
taka hollð oc bloþ vars drottins Fr. 11 [tok i mvnelifi, er ee for i
æþþemorkina Fr. 12 [osiþþeme sina Fr. 13 þurfo þess at þeim se
40 refst Fr. 14 [allt meinalete gupe monþum. 15 Her
ender Forsiden af 2det Blad Fr.

12. Þáðan fra lídu nu stundir til þess, er kom íafnleingð þesse, er þeir voru vanir munkarnir at fara ut í skoga þa inn fysta sunnuðag í langafostu annað vor. Þa gengu þeir ut, sva sem þeir hófdu fyr gertt, or klaustri sinu syngiandi. Enn þa var Z. siukr ok matti eigi fara með þeim, þa mintizs hann **aa**, hvatt su kona hafði sagtt, er hann hitti í skoginum, hon sagði, at hann mundi eigi fara, þo at hann villdi. Enn síðan matti hann litla stund illa ok tock honum at battna. Enn þa er skirdagr kom, þa var hann heill vorðin, þa tock hann kaleck einn lítinn ok lett þar í hollð ok blöð vors drottinns. Síðan tock hann alldin, þat er dacktil heitir, ok þat annat, er fíkcior heita, ok erttr steyptar¹ ok for síðan til arinnar ut ok kom þar at kvældi, ok settizs þar niðr hia ænni ok toke þar hvíld ok badzst fyrir til guðs, ok beið hennar þar. Enn hon kom eigi. Hann sa íafnann í skoginn ok vænnti hennar², ok þotti honum [æfar langt at bida. Hann hugði þa í hug ser ok ættladi annað hvartt mundu vera, at hon mundi hafa þar komit til stefnunnar³ fyr enn hann, ok hefði hon horfið í brautt, eða [hitt ella, at hon mundi eigi komazs til mottsins fyrir sakar synda hans⁴. Honum þotti þat sva illt, [er hon kom eigi, at hann kloke sem kona⁵ ok sa upp til himna ok mælltti þetta: «Drottinn minn, sagði hann, leyf þu mer nu at sia þa konu, er (ek) fysumzst⁶ ok ek leita.» Þa tock hann at kvida, hverssu hon skyldi komazst yfir **ana**, ef hon kæmi⁷ til hans su inn helga kona, fyrir því at þar var hvarki yfir **ana** bru [ok ekki⁸ skip. Nu þotti honum sva illtt, at hann grett ok vænadi⁹ ser sem kona, er hon kom eigi. Enn meðan hann kunni allra vest, þa kom su hinn helga kona annan veg at anni. Enn er hann sa, at hon kom, þa [hliop hann upp ok varð sva feginn, sem maðr ma fegnazstr verða¹⁰, ok lofadi guð ok hugdi at, hvar hon mundi komazs yfir **ana** Jorðan. Enn hon geck til arinnar ok gerdi hins helga kross¹¹ marke fyrir ser, ok geck hon síðan **aa** vatnuit yfir **ana** Jorðan til hans [sva sem **aa** iorðunne¹². Enn er hann sa þa inu undarligu gongu hennar, þa fell hann a kne [í moti henne¹². Enn er hon sa þat, þa kallar hon a hann ok mælltti: «Z. brodir, sagði hon,

1 *saal. Fr.*; *hvis Bagside begynder med dette Ord*; *steystar Cd.* 2 þatan(!) 33 *tílf. Fr.* 3 [afar langt, oc hugði við sic þat, at annat tveggja vere, at hon hefpe komit þar í þann stað *Fr.* 4 [synpir hans ylle, at hon kom eige *Fr.* 5 [at hann koms við mioc *Fr.* 6 ec fysoms *Fr.* 7 qveme *Fr.* 8 [ne *Fr.* 9 veinape *Fr.* 10 [reis hann upp oc varþ harþla fegenn *Fr.* 11 [*mgl. Fr.* 12 [fyrir hana *Fr.*

hættu ok gerr ei sva, þu ertt prestur ok þu hefir [guðs líkama með þer¹.«

13. Þá kom hon til hans ok mælltti þetta við hann: »Blezs-
adu mig, fadir,« sagði hon. Enn Z. hræðizst ok mælltti [a þa
5 lund:² »Dyrkadr ser þu guð, nu hefi ek hitt þat, er ek for at
leita, betra mann mer.« Þá mællti hon við Z.: »Brodir, sagdi
hon, syngðu pater noster ok credo in deum, fyr enn þu gefir mer
corpus domini.« [Hann gerdi sva sem hon bað, ok bædi þau 3.
Síðan [gaf hon honum fridarkoss ok tock síðan við 4 corpus domi-
10 ni. Enn eptir þat helltt hon upp höndum sinum til himins ok
mællti: »Drottinn minn, nu skaltu ambatt 5 þína i friði lata fara,
þvi at ek hefir nu seð grædara min. Enn nu fardu, brodir Z.,
heill ok vel, ok hyg at [nu vannliga, hvat ek mæli⁶ við þig. Kom
þu nu at annarri ianngleingð, þa er .xii. manudr⁷ eru heðan liðnir,
15 i þann stað er vid hittumzst fyrri sinni. Ek særi þig i guðs
nafni⁸, at þu [kom þa ok finn⁹ mig a þa lund, sem guð vill [at
vid finnimz¹⁰.« Enn er hon hafði þetta mælltt, þa bað Z. hana,
at hon skyllði etta¹¹ noekut af alldine þvi, er hann hafði at færa
henni. Enn hon tock þriu kornn af ertrum ok att þau ok hetti
20 síðan ok mælltti: »Ærinn¹² matt hofum vær i guðs miskunn, ef
vær mætim gera hans vilia.« Enn þa bað hon Z. þess, er hon
hafði fyr beðit: »Minzstu min, fadir, kvað hon, i bænum þinum.«
En hann svaradi: »Ek skal þat gera, er þu biðr mig, enn þu
skallt þat gera, er margir þurfa¹³, þu skallt biðia fyrir ollum
25 lærdum monnum ok konungum ok [ollum kristnum monnum ok
fyrir mer¹⁴.« Enn er þau hofdo þetta vid mællztt, þa blezsadi
hon ana Jordan med [hinu helga krosstakni¹⁵ ok geke yfir síðan
þurru fotum. Enn Z. for heim til stadar sins, ok þotti honum
sva illa, er hann vissi eigi, hvat hann skyllði til tacka, er hann
30 hafði eigi spurtt þa ina godo kono, hvat hon hett.

14. Enn er hann hafði verit heima .xii. manaði¹⁶, þa for
hann utt i skog¹⁷, sem siðr þeira var til munkanna. Hann for
þann veg, sem þau funduzs it fysta ar. Enn síðan er hann kom
i þann skog, er hann hafði hana hitta, þa hugdi hann, at hann

35 1 [tekit hold oc bloþ Crist Fr. 2 [þetta Fr. 3 [mgl. Fr.
4 [kysti hon hann. En þa toc hon Fr. 5 ambott Fr. 6 [þvi
vannliga, er ec hefi melt Fr. 7 mon. Fr. 8 saal. Fr.; nafði Cd.
9 [komir þa oc finnir Fr. 10 [mgl. Fr. 11 eta Fr. 12 örinn
Fr. 13 þurfu Fr. 14 [ollo cristno folke oc fyr mer syngom Fr.
40 15 [ens helga cross marke Fr. 16 manodr Fr. 17 eyþemork
Fr., som ender her.

skyldi þar nockuð til hennar finna. Enn er hann sa eeki líklegt til hennar, þa þotti honum illtt, ok grett hann ok kunni einkar illa ok mæltti þetta: »Drottinn minn alzvalldannði guð, syn mer leynda dyrð þína¹ ok miskunn þína, er þu hefir her folgit í þvísa landi ok í þessum skogi. Ok enn bið ek þig innar somu bænar, 5 drottinn minn, attu synir mer þinn eingil líkamligan, þann er eigi er h(e)imrinn verdr at hafa.« Enn meðan hann var a bænum þeim, þa kom hann í dal þann, er þau funduzst fýsta sinni í, ok sa hann hana ligia andaða, ok skein af líkam hennar sva mikið lios sem af sol. Enn hon la sva, sem menn adrir hefði lagt 10 hendr hennar ok fætr ok hofut, ok horfði hon í austr. Enn þa skyndi hann gongu sinni til líkams hennar ok fell æ kne att fottum henne ok kysti fætr hennar, ok þordi eigi at koma nær líkam hennar enn sva. Enn síþan saung hann lícsaunng ok salutidir fyrir henne ok hugði í hug ser, at hann villdi giarna fela 15 líkam hennar, ef hann þerdi, enn hann hugði, at henni munði fyrir þikkia í. Enn meðan hann hugði þetta, þa sa hann at hofði henne bockstafi gerva. Þeir stafir mælltu sva, at sa enn godi munekr Z. skyldi taeka líkam Mariu ok grafa í þeim sama stað ok bidia fyrir henne. Enn hon andaðizs æ þeim manaði er Aprilis 20 heitir at bockmali ok a inum fiorda nonis dege. Nu fagnadi hann því fastliga, er hann vissi nafn hennar, ok við þat varð hann ok varr, at a þeim inum sama dege fyrir .xii. manudum, er hann hafði gefitt henne corpus domini við Jorðan, þa andaðizs hon, þegar er þau skilduzst ok a somo stundo, er hann hvarf fra 25 henne, ok hon fra honum, ok eigi maðr kom fyr enn hann í þann stað síþan, er hon kom, ok alldri kom maðr í þann sama dal aðr ne síþan, er Z. hitti hana þar bæði kvikva ok dauða. Enn þat hafði Z. gengit .xx. þaga, þa er þau skilduzst et fyrra voreð, er hon for þa a einni eykett þags, ok skildizs hon þa við veroldina 30 ok for til guðs. Enn Z. varð ahyggiufullr um þetta², hverssu hann sky(II)di þat fa gortt, er honum budu bockstafirir, þeir er hann hitti at hofði Mariu þeirar, er þar la, fyrir því at hann hafði hvarki pal ne reku. Enn þa er hann kviði því allra mest, þa sa hann hia ser liggia tre eitt litit, ok tock hann þat ok grof med 35 ok matti eeki at gera, fyrir því at þar var iorð sva horð, at eeki orkaði treit aa. Þa mædzst hann í þessu starfi ok settizs niðr, fyrir því at hann hafði eigi afl³ til þess at grafa med því litla tre fyrir elli sinni ok fostu. Ok í því bili sa hann dyr eitt koma

¹ þíni Cd. ² er tilf. Cd. ³ afl Cd.

- fram or skogi, þat kalla menn et oarga dyr. Enn þegar er þat kom, þa geke þat þar til, sem likit la, ok snakadi til fotanna þessarar enu helgu konu ok kysti horvettna a iorðina, þar sem fættir hennar hofdu komit. Enn Z. toke at hrædazs, er hann sa
- 5 dyrit þat et ogurliga, ok mintizs a þat, hvatt su enn helga kona hafði mællt við hann, at hon sa alldrigi dyr ne ekci kvikvendi, síþan er hon kom i þann skog. Ok toek hann þa at signa sig með inu helga krossmarcki ok trudi þo at hvaro, at dyrit mundi eeki mein gera honum fyrir sakir þeirar ennar helgu kono Mariu,
- 10 er þa var þar. Enn dyrit bendi honum, at þat villdi frið hafa við hann. Þa mællti Z. við dyrit oarga a þa lund: »Þessi hin helga kona, er her liggr, bauð mer at grafa sig i iorð niðr, enn ek ma því eigi a orka, fyrir því at ek em gamall maðr ok meginlaus, ok þat með, at ek hefi ekci þat til er ek þarf. Enn nu byð
- 15 ek þer i guðs nafni, attu farir til með afli þínu enu mickla, er guð gaf þer, ok gerr henni grof.« Enn þegar er hann hafði þetta mællt, þa dvaldi dyrit eeki at grafa henne grof mundangs langa ok hæfliga breiða ok skappliga diupa. Enn síþan for Z. inn helgi munnkr til ok lagdi ena helgu Mariu i þa grof. Enn var
- 20 hon i þeim klædum, er Z. munkr kastaði til hennar, þa er þau funduzst i fysta sinn. Enn síþan gengu þeir i brott badir Z. ok dyrit. Enn dyrit for sva hægliga sem einn sauðr til skogar, enn munkrenn for heim lofanði guð ok syngianði. Enn síþan er hann kom heim, þa leyndi hann eigi adra munka, þa er þar voru, hvatt
- 25 hann hefir seð eða fundit i dyrð guðs. Enn er þeir heyrðu aðrer munkarnir þessa sögu, þa lofudu þeir allir allmattkan guð, ok voru allir fegnir fyrir þessar iartegnir, er guð gerði fyrir syndugan mann. Þeir gerdu síþar artið þessarar ennar dyrligu konu Mariu með mikilli dyrð ok fagnaði. Sa hett Jon, er þar var aboti yfir
- 30 þeim munkum. Þa fann hann þat, er hon hafði sack(t) Z., at munkar hans voru margir vanrefstir, ok sonnuðuzs orð hennar i því. Enn m. Z. var þar i þeim stað .c. vettra ok lifdi þar dyrligu lifi dyrkandi ok lofanði almattkan guð, þann er gerir miskunn við alla þa menn, er hans vilia drygia. Cui est honor et gloria in
- 35 secula seculorum. Amen.

APPENDIX.

(*Pergamentblad 238ⁱ folio; jvf. ovenfor S. 489^a—492^a; 502^{a1}—506^a).*

ek vt aptr þannog til skriptarinnar, sem ek hafða aðr verit, ok fell ek þa enn a kne ok mellta ek sva: Þv en helgazta mæ
 Maria yfirdrotning allra drotninga, þv hæfir mer miskunnat, ok 5
 fyrir þinar sakir komumz ek i heilaga kirkio at sia dyrð gvðs,
 se son þinn allzvalldandi gvð blæzsadr, er heyrir allra synðugra
 manna iðron. Nu bið ek þig, at þu visir mer a þa gotv, at ek
 metta sættaz við skapara minn ok við þig, frv sancta Maria, ok
 alla gvðs helga menn. Sem ek hafða þetta mellit, þa heyrða ek 10
 rodd eina sva segiandi til min: Far yfir Jordan, þa hittir þu
 goða ro salo þinne. Þa mellta ek við skriptina: Þv en helgazta
 drotning min, afræks mik eigi, hældr getto min iafnan, hvargi
 sem ek em. Siðan leitaða ek or kirkiogarðinom, kom þa maðr
 einn i gegn mer ok gaf mer þria peninga silfrs, en ek geke ok 15
 keypta ek mer með þria bravðleifa. Ek spvrða manninn, hver
 leið legi til Jordanar. En hann visaði mer. Siðan geck ek þang-
 at gratandi. Þat var at dagverðarmali er ek geck ór Jorsala-
 borg, en ek kom at solarfalli til Jordanar til munklifis þess er þv
 ert i; þegar ek kom þangat, geck ek til arinnar ok þo ek andlit 20
 mitt ok fōtr mina, siðan geck ek i kirkio, tok ek corpus domini,
 ok var ek þar vm nottina; ek át þar halfan hleif af bræði því er
 ek keypta i Jorsalaborg, ok drack ek vatn við ór Jordan. Annan
 dag eptir geck ek a brot ein, ek for yfir ana biðiandi heilaga
 Mariam, at hon mundi visa mer a þa gotv, er ek metta lifna af 25
 þeim dæða, er syndir minar deyddi mik. Þa kom ek i skog
 mikinn, þyekan ok hafan, en siðan hefi ek flyit menn ok firz, sem
 ek mætta mest her til, hæfi ek her bæðit miskvunnar drottins
 mins. Zosimas spvrði þa: Hverso lengi hæfir þv her verit? Hon
 sagði: Siðan ek for ór Jorsalaborg hefi ek her verit .xl. vætra ok 30
 .vii. vætr. Mvnkrinn spvrði: Hvat hefir þv haft þer til atvinno?
 Hon svaraði: Ek hafða hingat eigi meiri fæzlo en tva hleifa
 bræðs, ok þann enn halfa er ek leifða i mvnklifino, en þat bræð
 harðnaði fyrir mer sva miok, at því likt sem steinn væri. Ek
 lifða við þat nockveria vetr. Þa mellti Zosimas: Var þer mikit 35
 fyrir því at lifa annan væg, en þv vart fyrr von? Hon sagði:
 Ef ek minnomz a pinsl þa alla, er ek hæfi þolat, ok lif þat it illa,
 er ek lifða aðr, vggi ek, at ek fysomz til veralldar ok skyla ek a

- nyia leik bæriaz her i heiminom. Systir, sagði munkrinn, leyn mik eigi, hverr þinn hagr hefir verit. Hon svaraði ok mellti: Broðir Zosima, .xvii. vætr var ek sva i þessom skogi, at mik lysti margs, kom mer i hvg fezla, sv er bôzt er i heiminom, 5 ok allzkonar dryckr, kleðnaðr ok skemtan, sv er ek hafða síðan ek kvnna at monnum að hyggia. En þegar ek let mer i hvg koma, hvers ek hafða beðit sæla Mariam, ok hverso hon hafði mer miskvnnat, þa gret ek iðrandi, ok bað ek fastliga, at hon skyldi eigi gleyma mer, helldr skyldi hon geta mín ok snva (fra) mer þeim 10 enom illa hvga ok minning vandra verka minna. En mæðan ek bað þeirrar bônar, þa kom lios mikit yfir mik. Ok er stvnd ein var i miðlom, var mer heimrinn allra mæst i hvg, svidda ek sem elldr legi a mer allri. En þegar ek sa, hverso mitt mal horfði vaðvænliga, þa fell ek til iarðar ok kallaða ek a sæla Mariam, la ek þar a 15 bôninne allan þann dag ok sva nottina, meðan liosit var hia mer. Þvi liosi fylgði miskvnn drottins mins ok frv sancte Marie moðr hans, ok reisti mik af þeirri illri ahyggio. I þessi freistne var ek fvlla .xvii. vætr. En síðan þeir liðu vm, þa var Maria gvðs moðir mer nest at ollom hiolpvm i hveriom stað, hvart er ek svaf 20 æða vakða ek. Zosimas spvrði: Þvrfstir þv síðan mat æða clæði? Hon svaraði: Þann halfan þriðia hleif er ek hafða fra Jordan, þess neytta ek a þeim .xvii. vætrom, en síðan lifða ek við gros ok rætr her til; klæði þv er ek hafða hegat ero farin ok fvín. Kostaði mik síðan vm hriðar sakir frost ok kvldi a vætrom, en hiti 25 of svrmrom, en eptir þa tið liðna kom gvðs miskvnn til mín ok tok bôði lif mitt ok salo fra ollvm haska. En nv hvert sinn er ek minnomz a lif mitt it illa, er ek hafða i heiminom, þa fagna ek ok glæðiomz, vilnomz ek ok treýstomz af gvðs gôðslo. Fôzla mín ok dryckr ok kle(ð)naðr þat ero orð gvðs, sva sem hann mellti 30 sialfr, at maðr ma eigi lifa við bræð eitt, hann verðr at lifa við orð þv sem koma ór mvnne gvðs, ok sva sægia bðkr, at sa maðr er förr(!) ór kleðnaði illzko, þa ferr hann i stein ok hæfir hann fyrir clæði. Þa er Zosimas heyrði þessor mal hennar, ok hon sagði dômisoðr af enni divpozto bok, spvrði hann hana: Kanntv saltara 35 æðr hefir þv lesit ritningar? Hon svaraði: Trv mer, goði maðr Zosima, síðan ek fór fra Jordan, sa ek eigi fyrr mann en þig ok ecki kvigendi(!), en a bok nam ek alldri, ok eigi heyrða ek fra bokmali sagt. Almattigr gvð æ ok æ lifandi kennir hveriom manne visdom. En nv hefi (ek), broðir, þer drivgaz sagt þat, er yfir mik 40 hæfir gengit, bið ek þig þess, at þv halldir bðnom fyrir mer við

gvð, meðan þv lifir. Þa fell Zosimas a kne ok mellti gratandi: Blæzsaðr ser þv, drottinn, er gorir dyrligar iartegnir ok vndarligar, sva margar ok miklar, at engi maðr fær talt. Siðan tok hon i hænd honom, reisti hann vpp ok mellti: Þess vil ek biði(a) þig, at þv sægir ongom manne fra mer, mæðan ek lifi, ok far nv i 5
gvðs friði. En annat var i þenna tima skolom vit finnaz, bið ek þess, at þv farir þa eigi fra stað yðrom, sem siðr yðarr er til æða log, ver kyrr heima i mvnklifi, er fasta kemr, þvi at gvð vil, at sva se, fyrr en a skirdægi, þa farðo til Jordanar, ok haf með þer corpus domini, ok bið min þeim megin arinnar, er þv kemr at, vil 10
ek þa taka þionvsto, þvi at ek hafða eigi siðan. ek tok i þvi mvnklifi. En þvi enka ek þann dag til þess, at drottinn Jesus gaf a þeim dægi postolom sinom holld sitt ok blöð. Nv er þv kemr heim, þa mældo við abota yðarn Johannem, at hann geti væl mvnka sinna allra ok refsí þeim sinar misfarar, þvi at þeir þvrfo 15
þess. Þa er Zosimas heyrði, at hon vissi allt vm rað þeirra, þotti honom miok vndarligt sem fyrr, hvi hon skylldi þat vita, er engi maðr hafði henni sagt. Ok lofaði hann gvð með mvnne ok hiarta. At þesso liðno bað hon hann biðia fyrir ser, ok hvarf siðan fra honom þangat i skoginn sem þyckstr var. Mvnkrinn fell þa til 20
iærðar ok kysti a iorðina, þar sem fôtr hennar hófðo staðit, lofandi gvð. Siðan reis hann vpp, fór heim a sama aptne oc var heima þar misseri. Kona þessi geck honom allðri or hvgr hvarki nott ne dag. Þa kom iamlengð þess er þeir voro vanir at fara vt i skoga, drottinsdagr enn fyrsti i langafosto, gengo þeir þa vt sva 25
sem fyrr hófðo þeir gort ór klæstra sinom syngiandi. En Zosimas var sivkr ok matti eigi fara með þeim. Hann minntiz þa a hvat

MARTHE SAGA OK MARIE MAGDALENE

(Cd. 233 fol., A; Cd. Holm. 2 fol., B; Cd. 235 fol., C.)

Her hefr soghu þeira Mariam ok Martham ok Lazarus brodur þeira 1.

Hin sæla Martha var göfug at kyni, en göfgari [at godum
5 sidum². Hon var þegar æ barnsalldri [tendrat af³ astsemd al-
mattigs guðs, hon var vel kunnandi a lögmal Moysi ok adrar
ebreskar boklistir⁴. Lyðin var hon guðs boðordum, hēversk at
medferdum, kurteis i bolsvexti, snioll i miali, væn i⁵ asionu ok kæn
vid alla kvenmannliga⁶ atgervi, siðpruð umfram adrar frur, astuðig
10 vid alþýðu[; þat finnz hvergi i bokum⁷ lesit, at hun hafi bonda
áttan ne samlag vid nockurn karlmann átt. Fadir hennar var
viða frægr um þat land⁸ er Siria heitir, sva ok um sioborgir ok
[nalæg herut ok⁹ bygdir æ hinum yngra alldri. En eptir þat er
Judar raku Kristz lærisveina af sinum herudum, for hon i Grikk-
15 land¹⁰ ok flutti fram guðs erendi med postoligri tru i Athenis-
borg. Þessi fyrr nefnd Martha var auðig at femunum ok uppfædd
.xv. stadia fra Jorsolum i því heraði, er Bethania heitir. Hinn
mikli Augustinus kallar þenna stað kastala vera, en helgi Beda
prestr segir vera borg setta i hallinum Oliveti fiallz. Brodir
20 hennar het Lazarus, en systir Maria, su er Magðalena er kollut ok
nafn tok af kastala þeim, er Magðalum het. Hon var eigi at eins
tigin at kyni, helldr var hon ok stórauðig at þeim penningum, er
hon erfði eptir feðr sinn; [þvi vard hon¹¹ storum fræg af þeim

1 Denne Overskrift staar i A foran næste Capitel, her staar kun af
25 Martha; Overskriften i B er tildels ulæselig: Her byriar upp sögu þeira
sys Marthe ok Marie Magdalene ok segir fyr ;
C har ingen Overskrift. 2 [i tru B; at tru C. 3 [briostfastliga
tendrut i B, C. 4 bokligar listir B. 5 at B, C. 6 kvenn-
manna B, C. 7 [skirlif ath likama, þviat hvorki er B, C.
30 8 ríki B, C. 9 [nalægar B, C. 10 Girkland B. 11 [saal. B, C;
þviat hon var A.

tveim lutum, auð ok ætterni, er þessi heimr prisar mest¹. En þvi at optliga fylgir eptirlífi sva sem forunautr auðigleiksins, ok gnótt fiarlutanna kennir sællífi, hafði hon **aa** hinum yngra alldri lífat eptir lýstingum líkama síns, at slitnu taumalagi skirlífis, ok drygði margskonar munutlífi, þar til er² hon fann umbót allra sinna andmarka af fundi vars herra í husum Simonis pharisei yfvirgypings. Þessi systkin voru sammæd³ en eigi samfedd⁴, ok höfdu ís arf tekit eptir modur sína þria kastala, í Bethania tvo ok hinn þridia Magðalum, ok nokkurn part af sialfri Jorsalaborg. En þo var Martha baðum þeim frægri at vitzku ok dyggileik ok [nogum⁵ peningum, aurleik⁶ ok stormenzku ok margri framkvæmð; riddara ok marga apra kurteisa þionostumenn helt hon **aa** sinum kosti með mikilli [sæmd ok sóma⁷, ok veitti morgum höfþingium storar veitzlur með margháttaðri frægd, ok var sialf hin visazta at bua til tíguligar krasir; þviat sva visa guþspiollin til, at í morgum⁸ stöðum, þar sem menn veittu veitzlor vórum herra Jesu Kristo, var Martha kollut til þionostu af allra hendi, [þviat hon⁹ etladi sva kost sem hin visazta husfru ok hin roksamazta radskona ok hin milldazta mopir, þviat hon veitti sinum [heimamonnum ok¹⁰ gestum, þeim er hennar heimkynni sóttu, naliga alla þa luti, er¹¹ þeir beidduz vidkvæmiliga. Af þvi bar sva til, at þa er hon gerði slíka luti fyrir guds sakir, vard henni auþit um sidir at taka hann sialfan í sitt herbergi, ok at verkkaupi¹² sinnar þionostu elskadi hann hana, þviat hann er elskari allra godra manna¹³ ok sialf astin, ok hann tok [ok glaðligar¹⁴ herbergi í hennar husi en¹⁵ annarstadar. Kom þa þat fram, er spamaðrinn segir, at gud mun koma a iarðriki sem utlendzkr¹⁶ ok hneigia sik til herbergis sem vallari.

2. Ambrosius erkibyskup af Melansborg segir í sinum sermone, þeim er hann talar af hinum visa Salomone teliandi velgerninga¹⁷ vars herra við mannkynit, af þeim taknum, er [hann gerði¹⁸ **aa** þessum .iii. systkinum, ok kemz sva til orðz: Hann þurkar með sumum bloðras, sem með Mar¹⁹, en fra sumum rekr hann diofla, sem fra Mario, suma reisir hann af dauda, sem Lazarum. Hit

1 í meira lagi *B, C.* 2 *saal. B, C; sem A.* 3 sammædd *B; 35 sammæd C.* 4 samfedra *B, C.* 5 *tilf. B, C.* 6 [*saal. B, C; nogum pengum, audleik A.* 7 [*somasemd B; rauksemð C.* 8 [ok *B, C.* 9 [*tilf. B, C.* 10 verðkaupi *C.* 11 hluta *B, C.* 12 [optar ok giarnara *B, C.* 13 utlendr *C.* 14 [gior hafa verit *B, C.*

fyrsta takn af þessum segir Commestor **æ** þa leid in historiis ewangeliorum, at þa er drottinn Jesus var bedinn at fara til husa þess höfðingia¹, er Jairus² het, at reisa af dauda dottur hans, þröngðu honum miok **æ** veginum miklir flokkar þeira manna, sem **3** sumir villdo heyra kenningar hans, sumir þiggja af honum lækningh, sumir at undraz takn hans, sumir at finna at atferd⁴ hans. Var i þessu liði ein blódsíuk kona, su er hann segir eptir orðum Ambrosij Martham verit hafa, su er blódfallsótt pindi um .vii.⁵ ár, sva at læknar mattu henni enga bót vinna, þott hun heti þeim **10** [nogha pengha at gefva⁶, ef þeir græddi hana. Hun mælti þa með sialfri ser: «Heil mun ek verða sottar minnar, þott ek snerta at eins trefr klæða Jesu.» En þa er hon gerði, sem hun sagði, kendi hun sik þegar alheila. Jesus mælti þa: «Nokkurr snart mik.» Lærisveinar hans mæltu: «Hvat er þat undarligt, þo at **15** þer þikki, sem nokkut snerti þik, þar sem ollum megin þröngva oss flokkar.» En Jesus svaradi: «Senniliga snart mik einnhverr, þvíat ek kenda, at þeim veittiz heilsugiof af mer.» En er hann leit⁷ um sik at sia, hverr sa væri, varð konan óttafull ok fell til fóta honum segiandi honum sína hugsan ok tiltæki, ok at hun var **20** heil vordin. Drottinn mælti þa til hennar: «Dottir, trúa þin halp⁸ þer, far þu i friði ok ver heil sottar þinnar.»

3. Her næst setr Commestor þann atburð, er drottinn [var kallaðr⁹ til snæðings af phariseo þeim, er Simon er nefndr, en eigi greina guðspioll stund eða stað þessa atburðar. Ok er syndug **25** kona, su er ver vitum Mariam verit hafa af orðum hins helga Johannis guðspiallamanz, vissi, at Jesus var kominn til snæðingsins, þa gekk hon i husit með ker þat, er fullt var af ágætum smyrslum, ok stoð a bak hia fótum Jesu ok því¹⁰ hans fætr með þeim tárum, er iðran annmarkanna gat i hiartanu, en fram flugu **30** af augunum, ok þerði með hari sinu ok kysti fætrna með sinum eiginligum munni. Þar af talar sva hinn mikli Gregorius: Þa er ek hugsar iðran Marie, likar mer helldr at grata en nðekut at segia; eða hverr mun hafa sva iarnligt briost¹¹, at eigi muni tár þessarrar syndugu konu [bleytt fa til eptirdæma synda¹² iðranar. **35** Obodit gekk hun inn i milli bódsmanna, gret hun **æ** milli þeira,

¹ þinghus höfðingia B, C.² saal. B, C; Jarcus A.³ er C.⁴ framferdum B; framferd C.⁵ .xii. B, C. ⁶ [nogum peningum B;

at gefa noga penninga C.

⁷ saal. B, C; sa A.⁸ hialpadi B;

gerði þik heila C.

⁹ [saal. B, C; varr kalladi A.¹⁰ þo B, C.¹¹ hiarta B; hiarta eða briost C.¹² [bleyta til eptirdæmis B, C.

er með fagnadi snæddu. Segit þer með [hverium harmi sa hitnar, er at snædingum sytir¹. Saurga leit hon sik, en þvóndi² rann hun til miskunnarbrunnzins. Synt er, at konan, su er fyrrum lgaf sik upp³ fyrir oleyfdum lutum, mun smyrsl hafa borit **a** likam sinn fyrir eptirlifis sökum, til þess at hun ilmaði vel. Meðr augunum hafði hun girnzt oleyfða luti, hárit hafði hun plagat til þess, at hun syndiz friðari sinum elskurum; því þo hun fætr drottins með tárum, en þerði með hári, ok smurði með smyrslum, ok⁴ þeim munninum, er aðr hafði hun syndgaz með, kýsti hun fætr drottins. Svo margar fornir fann hun af sialfri ser, sem hun hafði oleyfðar lystingar i ser. Tölu lastanna sneri hon i tolu mannkostanna, at alt þionadi þat guði i iðraninni, sem aðr gerði hann reiðan i syndinni. En Simon, sa er varn herra hafði innkallat, skyniadi hennar athæfvi, ok fyrirleit hann Jesum ok möglaði i hiarta sinu fyrir þat, er hann rak hana eigi brott fra ser, sem hann taladi þessi orð: «Ef þessi maðr væri spamaðr, mundi hann at skyru vita, hver eða hvilik [kona sea væri eða eigi, sem **a** honum tekr, því at hun er syndug.» Gregorius segir, at þessi maðr var drambfullr⁶ ok fyrirleit hina syndugu konu, þvíat falsat rettlæti hafnar ok svivirdir synduga menn, en satt rettlæti sampiniz við þa, ok hann mundi hana með hælum brott hafa rekit⁷, ef hun hefði at hans fótum kropit. En vorr herra, [sannr lækni⁸, er sat i milli tveggia siukra manna, annars þess, er heill var at viti en siukr af syndinni, en annars þess⁹, er tapat hafði vitinu ok sik kendi eigi siukan, svaraði sialfs hans hugrenningh ok sigraði hann med sialfs hans¹⁰ orðum, med þeim hætti sem þa er vitlauss¹¹ maðr berr sialfr at ser þat reip, sem hann skal binda með, **a** þessa leid: »Simon, sagði hann, þer hefir ek nokkut at segia.» Hann svaradi: «[Segit þer¹², meistari.» Jesus mælti: «Tveir skulldunautar áttu fe at luka einum auðigum manni, er vanr var at taka tvifallda leigu af¹³ peninghum sinum eptir akveðnum¹⁴ tima. Annarr atti at luka .d.¹⁵ peningha en annarr .l.¹⁶ peningha. En því at þeir höfðu eigi fe¹⁷ til at luka skulldina, gaf hann þeim upp alt feet¹⁸.

1 [hversu miklum harmi su hitnadi, er eigi skammadizt fyrir samkundomonnun at grata sinar syndir *B, C.* 2 þvóandi *B*; þvandi *C.* 35
 3 [var gefin *B, C.* 4 saal. *B, C*; *A* har med över ok. 5 [er kona sia; er *B, C.* 6 drambviss *B, C.* 7 keyrt eða rekit *B*; rekit ok keyrt *C.* 8 [tilf. *B, C.* 9 þessa pharisei. *B, C.*
 10 sins *C.* 11 vitstolinn *B, C.* 12 [Seg *B*; Seg þat *C.*
 13 a *B, C.* 14 akveðinn *B, C.* 15 fim hundrutt *B, C.* 40
 16 fim tigi *B, C.* 17 tilf. *B, C.* 18 werd *B*; verdit *C.*

En hvarr hyggr þu at framarr elskadi [sinn uppgiafara¹ skulldarinnar.» Hann svaradi: «Þat trui ek, at sa hafvi framarr elskat, sem² framarr var upp gefvit.» Jesus svaradi þa: «Rettliga dæmir þu.» Hann sneriz þa til konunnar, en talaði þo til Simonar: 5 «Hvart serr þu konu þessa, er mer þionar? Ek³ gekk inn i hus þitt, ok gaft þu mer eigi vatn, til þess at þvegnir væri fætr minir, en kona þessi þo með tárur sinum fætr mina ok þerði með hári sinu. Þu kystir mik eigi, en síðan ek gekk i hus þitt, þa let hun eigi af at kyssa fætr mina⁴. Þu lezt eigi smyria hofut mitt með 10 oleo, en hon smurði með smyrslu fætr mina.» Ok þa er hann hafði talða goða luti hinnar syndugu konu, ok sva illa luti falsamliga⁵ kristins pharisei, sneriz hann til hennar ok mælti: «Fyrirgefiz þer, kona, margar syndir, þvíat þu elskadir mik miok.» Sem hann segdi sva: «fullkomliga brennir þu upp ryð syndarinnar, því- 15 at þu hitnar hardla miok af elldi⁶ astarinnar.» Ok er hann hafði þetta mælt, þa toku nokkurir af þeim, er at bórði satu með honum, at tala með ser: «Hverr er þessi⁷, er syndir gefr upp?» Jesus mælti þa til hennar: «Far þu i friði⁸, þvíat trua þin gerði þik heila.» Gregorius segir, at því gerdi trua hennar hana heila, at 20 hun efaði ekki um, at hun mætti⁹ þat fæ, er hun beiddiz. Af þeim tok hun styrkleik truarinnar, sem hun tok aðr af von heilsunnar. I friði var henni bodit at fara, at hun gengi um sannleiks götur, en dræpi eigi fótum i æhlekingar¹⁰. Þa fórum ver i friði, er ver gongum þann vegh vors herra bodorda, sem oss leidir alldri 25 undan hans endalaussi¹¹ miskunn.

Eptir þat for drottinn þadan um borgir ok kastala með .xii. lærisveinum sinum, predikandi af himna ríki, ok konur nokkurar, þær er hann hafði leyst¹² af ohreinum öndum ok af siuknadum. Milli þeira var Maria Magdalena, su er drottinn rak fra .vii. diöfla, 30 sem Marcus [sagði ewangelista¹³. Innocencius sagði sva af henni: Siau diöflar kvoldu hana, því at þeir sviku hana með .vii. hattum, eighi at eins æ þat leidandi at gera þat eigi¹⁴, sem gera skyldi, helldr ok at gera þat, er [eigi skyldi¹⁵. Ok er þessi grein halldandi i milli peccatum ok delictum, at delictum verðr i tion¹⁶

35 1 [meir uppgjöfina B, C. 2 er B, C. 3 saal. B, C; er A. 4 Ok þa er hann hafði þetta talt, þa mælti vorr herra enn vit Simon tilf. B. 5 falsliga B. 6 hita B. 7 sia B, C. 8 ok ver heil sottar þinnar tilf. C. 9 matti B. 10 saal. B, C; a leknningar A. 11 endalausri B, C. 12 leystar B, C. 13 [gudspiallamadr segir B, C. 14 tilf. B, C. 15 [saal. B, C; gera mátti A. 40 16 tioni B.

goðra verka, ef maðr vinnr eigi vinnandi luti, en peccatum er at vinna ovinnandi luti. Meðr þessu hvarutveggia moti var hun sek i hiarta, þviat hun let eigi at¹ þvi leidaz, sem goðr andi skaut henni i hug, en hun samþykkti þvi, sem illr andi skaut i hug henni. Delictum framdi hun með munni, þviat hun þagði yfir⁵ sönnum lutum, peccatum framði hun með munni, þviat hun sagði ok talaði osanna luti; delictum vann² hun i verki, þa er hun felldi niðr goða luti, peccatum vann³ hun i verki, þa er hun vann illa luti. Synd hennar var mikil ok morg ok opinber: mikil, þviat Jesus rak .vii. diofla fra henni; morg, þviat henni voru margar syndir¹⁰ fyrirgefna; opinber, þviat hun var kona hardla syndug i borginni. Ollum let hun sik uppi með visum tilgang, engan rak hun fra ser viliandi. En þvi at mikil var synd hennar, bætti hun med miklu hugarangri; ok þvi at synd hennar var morg, bætti hun með margfolldu starfvi ok erfidi; en þvi at synd hennar var¹⁵ opinber, bætti hun með miklum ok merkiligum kinnroða. Þviat þessir .iii. lutir giora mannzins iðran guði þægja: sorg eða angr i hiarta, kinnrodi i andliti, starf eða erfidi i verki; eptir atkvæði hins visa Salomonis, þvi er hann segir: Með þeim hætti skal hverr⁴ bæta, sem hann misgorir. Hin synduga kona kom þvondi²⁰ til miskunnarbrunnzins, skelf⁵ med miklu hugarangri, ok dögdi drottinligha fætr með mikilligum⁶ kinnroða; hnekt⁷ stod hun æ bak hia fótum Jesu ok kysti fætr hans ok syndiz fyrir ðgliti⁸ hans með mikilli skemd, ok þott hun þegði með munni, kalladi hun med hiartanu. Eigi flædi⁹ hun at synaz liot fyrir boðsmönnum,²⁵ þviat þeir sæa hina ytri luti, en guþ leit hina innri luti, [ok hun þottiz¹⁰ liotari i samvitzkunni fyrir innan en i ofrægdinni fyrir utan. Með miklu starfvi kom hun¹¹ með alabastrum, þat er smyrslaker af marmara gert; smurði hun fætr drottins eigi um sinn helldr optarr, fyrr i husi Simonis pharisei með smyrsl, i³⁰ annat sinn i husi Simonis leprosi, smurdi hon hofut hans med nardo pistico hit þriðia sinn, þa er hun keypti smyrsl at bera æ likam hans¹². I þessum lutum er hardla diupt stormerki ok til eptirdæmis¹³ draganda¹⁴: afgjörd hiartans hreinsadi hun með tárur, afgjörd munnzins hreinsadi hun med kossum, afgjörd verks-³⁵ ins hreinsadi hun med smyrslum. Ok svo sem hun let limi sina

¹ eptir *B, C.* ² framdi *C.* ³ drygdi *B, C.* ⁴ hann *B.* ⁵ skelfd *B, C.*

⁶ tárur medr merkiligum *B, C.* ⁷ hneykt *B, C.* ⁸ augliti *B, C.*

⁹ flydi *B, C.* ¹⁰ [at hun þættiz *B, C.* ¹¹ goðfus tilf. *B, C.*

¹² Jesu *B, C.* ¹³ eptirdæma *B, C.* ¹⁴ saal. *B;* dragandi *A, C.* ⁴⁰

þiona ohreinleik til illzku, svo let hun limi sina þiona rettlæti
[með litillæti¹ til heilagleiks. Misgerdi hun med fimm likamsins
vitum, syn ok heyrn, bergingh, ilmingh ok átekingh, ok med
ollum þessum vitum bætti hun yfvir. Misgerdi hun med augum,
þviat kvenmannz saurlifvi kenniz i augum; bætti hun með augum,
þviat Maria gret hia leidi drottins fyrir astsemdar sakir. Misgerdi
hon med eyrum, þviat hun sneri heyrn sinni² til skröksagna;
bætti hun með eyrum, þviat hun sat hia fótum Jesu ok heyrði
orð hans. Misgerði hun með nösúm, þviat hun þefaði syndsamliga
af sætum ilm³; bætti hun med nosum, þviat hun smurði drottin
med smyrslum, sva at þefadi⁴ um alt husit. Misgerdi hon med
munni, þviat varrar putunnar eru sem driupandi seimr hunangs-
ins⁵; bætti hun med munni, þviat hun stoð **æ** bak⁶ Jesu ok
kysti fætr hans. Misgerdi hun með hondum, þviat [þessa heims
kona⁷ braut með hondum smiðat herbergi, þat er at skilia, su sala,
er sialfr gud gerði ser til herbergis, fyrirkemr ser med⁸ saurlifis
synd; bætti hun med hondum⁹, þviat hun þvó fætr Jesu með
tarum sinum ok þerði med hari sino. Misgerdi hun med van-
geymslu, fyrir illgirnd ok ovitzku ok breyskleik. Synd ovitzku
bætti hun med alitning gudligrar vitzku, þviat Maria valdi ser
hinn bezta lut ok sat fyrir fótum drotni ok [nam kenningar¹⁰
hans. Breyskleiks synd bætti hun með styrk¹¹ ok stadfesti **æ**
pislartima Kristz, þviat þa er allir lærisveinar flydu fra drotni,
fylgdi hun honum alt til dauda ok stod hia krossi hans med
Mario¹² modur hans ok Johanne ewangelista ok Marie Cleophe.
Synd vangeymslunnar bætti hun með merkiligri þionostu, þeiri er
af guði var lofut, þa er hann mælti sva: «Hvi erut þer þungir
konu þessi, gott verk vann hun **æ** mer ok sendi smyrsl¹³ **æ** likam
minn at bua mik¹⁴ til graptar. Synd illgirndar bætti hun med
embætti astarinnar, eptir því sem vorr herra bar henni vitne sva
mælandi: «Margar syndir fyrirgefaz henni, þviat hun elskadi [mik
harðla¹⁵ miok, ok astin hylr hardla mikinn fiolda synda.» Ok sva
sem fyrrum nægðiz¹⁶ með henni syndin, þviat hun var full af siau
dioflum, þat er netiut morgum syndum ok lostum, sva nægðiz¹⁶ ok
með henni guds miskunn, þviat hun vard af hans astgiof full af

¹ [*agl. B, C.* ² *sina B, C.* ³ *hlutum B.* ⁴ *ilmadi B, C.*

⁵ *agl. B, C.* ⁶ *hia fótum tilf. B, C.* ⁷ [*heimskan B; heimsk kona C.* ⁸ *af B, C.* ⁹ *hond B; munni C.* ¹⁰ [*heyrdi ord B, C.*

¹¹ *styrkleik B, C.* ¹² *Marie B, C.* ¹³ *þetta tilf. B, C.* ¹⁴ *saal.*

¹⁵ *B, C; mer A.* ¹⁶ [*agl. B, C.* ¹⁶ *gnægðiz B, C.*

ollum mannkostum ok kraptum. Svo segir Commestor, at sumir ætli þenna atburð gerz hafa i Nazareth, en eigi fæz profvan til þessa af sialfum guðspiollunum um stund ok stað.

4. Ok er Jesus for þadan i Judeam, gekk hann i nockurn kastala, tok þa fyrr nefnd Martha hann i sitt herbergi². Senniliga var hon sel, er hun odladiz þann at fæða, er fædir alla veroldina ok sialfr er braud englanna, ok vard maklig at hafva þann at gest, er herbergir ok heimir hvern mann, þann er i heiminn kemr; þann fæddi hun, er fædir allar skepnur, ok lukti i husi þann hinn mikla konung ok herra, er heiminn allan lykr i hnefa¹⁰ ser. Hun sa ok þann, er margir konungar ok spamenn girntuz at sia, ok sæ eigi, ok heyra, ok heyrdi eigi. Mikil tign er at þiggja slíka vinattu af³ guðs syni ok maklig miklu lofi. Ok er hun hafdi hann inn tekit undir sina húsþekiu, valdi hvor þeira systra ser þa þionostu, sem hun hugdi⁴ honum framaz mundo¹⁵ þoknaz. Maria sat hia fótum hans ok heyrdi kenning hans, fusari at vera fædd helldr⁵ en at fæða. En Martha annadiz margháttað⁶ matbunadar starf, ok því at hun hafdi hlotit hinn tignazta gest, villdi hon stunda honum at þiona med hinni hæstu tign ok virðing, hybylin⁷ at reinsa ok pryða, bua sætin ok hvilur⁷, drykk ok²⁰ vistir. Sva syndiz henni, sem eigi mætti alt hyskit ok heima-folkít til vinnaz at veita þvilika þionostu vórum herra, sem honum sómdi, ok því stoð hun fyrir honum angrsfull ok mælti til hans: »Minn herra, sagdi hun, [þer gefvit⁹ eigi at því gaum, er systir min lætr mik eina þionostu veita, fyrir því bid ek þik, at þu²⁵ biodir henni mer at fultingia.« En hann svaradi: »Martha, þu ert sorgmoð miok ok berr annsemd¹⁰ fyrir¹¹ marga luti, en eitt er nauðsynligt; Maria valdi ser hinn bezta lut, þann sem eigi mun af henni tekinn vera.« See her agætan herra, þann er fyrir utan alla manngrein¹² vill ollum hialpa ok af ymsum þiggja¹³ ymsar³⁰ þionostur, ok elskar ok lofar. Svo lofadi hann annarrar þionostu, at hann lastaði eigi fyrir annarri, ok mat þo, at því er Commestor segir, framarr þat er Maria sat hia¹⁴ fótum honum¹⁵ ok heyrdi ord hans, i því er hun valdi ser þann lut, er eigi mundi verda af henni tekinn, en eigi fyrir því at hun væri hærri at verðleikum,³⁵

1 meistara^r tilf. B, C. 2 hus B, C. 3 sialfum tilf. B. 4 trudi B, C. 5 mgl. B, C. 6 saal. B, C; margháttaðar A. 7 hilylin B, C. 8 hvilurnar B, C. 9 [hvi gefi þer B, C. 10 saal. B, C; andsemd A. 11 um B, C. 12 saal. B, C; manngirni A. 13 þiggr B, C. 14 fyrir B, C. 15 saal. B, C; hans A.

þviat þadan vandiz¹ varr herra at þiggja heimbod at hinni sælu Marthe i hennar herberghi. Ma af því marka, hversu mikla velgerna ok hversu miklar þackir, ok hversu miklar ömbunir hann veitir fyrir þa gestrisni, er eigi er til heimskrautz gior ok fyrir
 5 olmusur ok þionostu vid fateka menn, ef þat er gort fyrir utan rygd ok mögla ok eptirtölur, ef fram er latit dæmi þessarrar konu Marthe, þar sem fyrir hennar vinskapa ok gestrisni reisti hann² af dauda Lazarum brodur hennar ok elskaði aull þau systkin Mariam ok Martham ok Lazarum.

10 5. Fra þeim tima fylgdi Maria Magðalena Jesu ok lærisveinum hans med fullkominni ast bæði at önd ok likama, veitandi sinn mikla auð til atvinnu honum ok hans fylgiurum. Fyllði hun þa tvefalldliga³ hans bodord, þat er⁴ sva mælti: Sa er mer þionar, fylgi hann mer, ok þar sem ek em⁵, mun minn þionostu-
 15 maðr vera.

66. A einum tima tok Lazarus, sa er fyrr var nefndr, stríðan siukleik⁷ heima i Bethania i kastala þeira systra hans, er þa satu yfvr honum. Þær sendo þa menn at segja Jesu: «Nu er [sa siukr⁸ er þu elskar.» [Af þeim malum⁹ ma skilia, at Jesus var
 20 þa¹⁰ eigi i Bethania. [Augustinus segir, at¹¹ fyrir því sendu þær honum orð, at brodir þeira var siukr, at vita, ef hann villdi græða hann; en hann dvaldi at græða¹², til þess at hann mætti hann¹³ af dauda reisa. Eigi villdo þær sva mikils dirfaz at mæla sem [konungr Regulus: »Kom þu ok græð,« ok eigi sem centurio¹⁴
 25 hundradshöfþingi: »Bíð þu ok mun þegar verða.« Ef hans trua er lofut því, at hann þottiz eigi verðr, at Jesus kvæmi i hus hans, helldr mælti hann: »bíð þu, drottinn, ok mun þegar sveinn minn verða heill,« hversu er trua þessarra tveggja systra lofandi, er þorf þotti vinna at eins at segja græðaranum: »Nu er sa siukr
 30 sem¹⁵ þu elskar,« sem þær segdi: »þörf vinnr um sótt hans vitand þin ein saman, þviat þu gerir eigi bæði elskar ok fyrirlætr.« En þa er Jesus heyrdi sendibodann¹⁶, mælti hann: »Þessi siuknadr leiðir hann eigi til dauda¹⁷ - [þat er at hallda hann i dauda¹⁸ -

1 af valdiz B. 2 tilf. B, C. 3 saal. B, C; fastliga tiu A.

35 4 hann tilf. B, C. 5 saal. B, C; er A. 6 Her seghir fra Lazarus A; Uppreistr Lazarus B; andlat Lazar. C. 7 siuknad B, C. 8 [sykizt sa B, C. 9 [Augustinus segir: Af þessum malum þeira B, C.

10 tilf. B, C. 11 [ok B, C. 12 hann tilf. C. 13 tilf. B, C.

14 [konungrinn ok eigi sem B, C. 15 er B, C. 16 sendibodit

40 B, C. 17 bana C. 18 mgl. B, C.

helldr er hann fyrir guds dyrd, at sonr guds dyrkiz fyrir hann.«
 Af því at hann hafði heyrð [sendibodit um¹ sagðan siukleik
 Lazari, var hann í þeim stad² tva dagha, at liðnir mætti verða
 fiorir dagar fra dauda Lazari, þa er hann kvæmi aptr í Betthaniam.
 Hann mælti þa við lærisveina sína³: »Förum enn⁴ í Judeam.« Þeir
 svorudu: »Fyrir því viltu þangat fara, þar sem þeir villdu næstum
 gryta þik?« Hann svaradi: »Hvart eru .xij. stundir dagsins? Ef
 nóckurr gengr æ daghinn, drepr hann eigi fótum, þvíat hann sier
 lios þessa heims; [en ef hann gengr a nött, drepr hann fótum, því-
 at þa er eeki lios⁵.« Þat ma sva skilia: »Ek em dagr, en þer er-
 ut .xii. stundir, því þurfvit þer mer eigi rað at kenna eða⁶ fordaz
 med mer at fara.« Eptir þat sagði hann þeim dauda Lazari fyrst
 med figuru, en þar næst med berum ordum, ok sagbiz fagna fyrir
 þeira hönd, þvíat batna mundi trua þeira, ef þeir sæi hann af
 dauda risa, fyrir þat er hann hafði eigi þar verit, þar⁷ sem eigi¹⁵
 mundi daudinn drotnat hafa, ef⁸ lifvit hefði nær verit. Síþan
 foru þeir í Betthaniam, ok hafði Lazarus þa flora dagha í grof
 legit. Margir Judar hófðu komit til þeira systra at hugga þær
 um brodur daudan. Ok er Martha heyrdi, at Jesus for⁹ þangat
 æ leið, rann hun ut af stadnum í moti honum, en Maria sat eptir²⁰
 heima. Ok er Martha sa hann, mælti hun: »Minn herra, eigi
 mundi brodir minn dauðr, ef þu hefdir her verit. En veit ek, at
 þu þiggr af guði [alt þat¹⁰ er þu hefvir bedit.« Augustinus segir:
 Eighi mælti Martha nu: «Bid ek at þu reisir upp brodur minn,«
 þvíat hun vissi eigi at [broður hennar væri naudsynligt upp¹¹ at²⁵
 risa af dauda, þetta eina mælti hun: »Veit ek, at þu matt, ef þu
 vill.« Jesus mælti þa við hana: »Upp mun¹² risa brodir þinn.«
 Hon svaradi: »Veit ek, at hann mun upp risa í hinni efztu upp-
 risu.« Sem hun segði: «Af því er¹³ ek vis, at hann mun upp risa,
 er almenningr riss upp.« Jesus mælti þa: »Ek er¹³ upprisa ok lif.«³⁰
 Sem hann mælti: »Þu [Martha, upp mun risa brodir þinn¹⁴ æ
 efzta degi, satt er þat, en þo mæ sa upp reisa hann nu þegar, er
 þa mun hann upp reisa, þvíat ek em upprisa ok lif.« Enn mælti
 Jesus: »Hverr sa er æ mik truir, mun þo lifa, at hann hafvi aðr

1 [mgl. B, C. 2 sem sendibodit kom til hans tilf. B, C. 3 at 35
 lidnum þessum tveimr dögum tilf. B, C. 4 tilf. B, C. 5 [tilf.
 B, C. 6 ok eigi B, C. 7 svo B, C. 8 þar sem B, C.
 9 var C. 10 [hvat B, C. 11 [brodir hennar væri naudsynlig
 B, C. 12 Her mgl. 1 Blad í B. 13 em C. 14 [Martha segir:
 upp man brodir minn risa C.

dauðr verit; ok sa er lifir ok truir **æ** mik, mun eigi deyia at eilifu.« Þat er sva at skilia, at sa sem¹ **æ** mik truir, þott hann hafvi dauðr verit i likam, mun lifa i önd, þar til er hann lifnar, ok horund hans, su² er þa lifnar, mun alldri deyia þadan af. Ok
5 hverr sa sem¹ lifir i likam ok truir **æ** mik, þo at hann deyi stund-
ligha likams dauða, þa mun³ eigi deyia at eilifu fyrir lif andans ok odaðleik upprisunnar. Þvi næst mælti Jesus: »Hvart truir þu þessu Martha?« [Hon mælti: ⁴ At skyru, herra, truda ek, at þu ert sonr guds, sa er komt i þenna heim.« Sem hun segdi:
10 «Þa er ek fekk sanna tru, truda ek, at þu ert [upprisa, truda ek, at þu ert⁴ lif, truda ek, at hverr sa maðr, er **æ** þik truir, mun lifa, þott hann hafi dauðr verit, ok sa er lifir ok truir **æ** þik, mun eigi deyia at eilifu.« Eptir þetta gekk Martha heim ok sagði systur sinni, at meistari var kominn ok kalladi hana. Hun stoð upp ok
15 gekk ut af kastalanum i þann stað, sem systir hennar hafdi skilit við Jesum, ok mælti við hann: »Eigi mundi broðir minn dauðr vera, herra, ef þu hefdir her verit.« Judar margir, þeir sem þar höfdu komit at hugga þær systr um broður sinn, gengu þegar af kastalanum, er þeir sá Mariam ut ganga skiotliga. Augustinus
20 segir: Af því bar ok sva til, at guð villdi marga lata vera vitnis-
menn, at⁵ hinn ferdagadi risi upp. Ok er Jesus sa Mariam grata ok sva Judá, þa sem hia stoðu, gret hann með kalli ok tárfeilling ok mælti: »Hvar settu þer hann?« Sem hann mælti: »Veit ek, at hann er dauðr, en eigi, hvar hann er grafinn.« Þetta mælti
25 hann af manndominum, þvíat hann veit alt med guddominum. Maria mælti: »[Kom ok se⁶.« Þat er at skilia, kom til ok veit miskunn, þvíat þa sierr⁷ Jesus, er hann miskunnar. Ok þa gret Jesus. Judar mæltu þa: »Nu ma sia, hversu hann elskadi þenna mann.« Sumir mæltu: »Mundi eigi sa, er syn gaf þeim er blindr
30 var fæddr, mega þat gera, at sea maðr dæi eigi?« Enn er þat vitanda, at því let Jesus hann deyia mega, at hann mætti hann upp reisa, dvaldi hann hit minna, at hann matti⁸ gera hit meira. Jesus gret þa enn hástöfum ok kom til leiðissins; en þat var höggvit niðr i berg ok velt yfir steini. Hann mælti þa: »Rærit af
35 steininn!« Martha mælti: »Illa þefar likit, þvíat nu hefir hann .iiii. dagha i iordu⁹ legit.« Hann mælti þa: »Sagða ek þer eigi, at þu mundir sea dyrd guds, ef þu trydir?« þat er at hinn fuli ok

1 er C. 2 þat C. 3 hann tilf. C. 4 [tilf. C. 5 þess er C.
6 [Minn herra, kom til ok sea C. 7 ser C. 8 metti C. 9 leidi C.

hinn ferdagadi mundi upp risa. Ok at frarærdum steininum mælti hann: «Þackir geri ek þer, fadir, þviat þu heyrir mik. En ek vissá, at þu heyrðir mik iafnan. Ek talada þessa luti fyrir sakir lyds þess, er hia stendr, at þeir trui¹, at þu sendir mik.» Eptir þat kallaði Jesus mikilli roddu með tarfelling: «Lazare², 5 kom ut.» Sem hann segði: Gakk ut þu af grof, er at sonnu er staðr dauðra manna, ok kom ut, þat er i lios, er at sonnu³ er staðr lifandi manna. Hann gekk þa ut sveipaðr um hendr ok fætr ok huldr með sveitaduki um andlit. Jesus bauð þæ lærisveinum sinum [at leysa hann⁴ ok lata brott fara, þat er at skilia lata fara 10 eptir vilia. Þeir gerðu sem hann bauð. See her mikinn vitnisburd gudligrar astar vid Mariam. Maria gret, ok þa gret Jesus; Maria gret, [þa er⁵ brodir hennar var eigi lifs; Jesus gret ok kallaði hann til lifs, sva sem hann þyldi eigi at sea Mariam gratandi⁶. Margir Juðar, þeir sem til þess höfdu komit at hugga 15 þær systr⁷, ok æ þetta takn sa, truðu æ Jesum. Sumir foru ok sögðu Phariseis yfirgyþingum taknit, ok varð þetta verk storum frægt. Commestor segir, at friadaginn fyrir passionem domini, þa er gudspiallit er lesit, varð sea⁸ atburðr a hinum fyrsta degi hins fyrsta manadar eptir lögmalí Moysi. En þeir lutir, er Jesus vann 20 fra [þessum degi⁹ til þvottdags fyrir palmsunnudag, koma ekki til þessarrar sögu.

7. A hinum setta degi¹⁰, ef taldr er sialfr paskadagrinn ok laugardagrinn með .iiii. milli settum dögum, kom Jesus i Bethaniam ok tok snæding i husi Simonis¹¹ hins líkþæ. Hann hafði 25 líkþær verit ok af gudi græddr, en helt þo hinu fyrra nafni; sva sem Matheus er publicanus kallaðr i guþspialli, eptir þvi sem hann var, aðr hann kvæmi¹² til Kristz. Margir af Juðum, þeir sem til paskahalldzins foru, komu fyrir þat i Bethaniam, at þeir villdo sia Lazarum, er Jesus reisti af dauda. Höfþingiar kennimannanna 30 hugsudu at veita honum bana, þviat margir menn truðu fyrir hans sakir æ Jesum en fyrirletu þa. Kastalamenn veittu Jesu sneþing, en Martha þionadi. Lazarus sat at matbordi með honum. Af þessu efni, segir Augustinus, at eigi hygdi menn sionhverfing vera þat, er hinn daudi reis upp, var hann einn af uppsitiandum, lifði 35 hann, taladi hann, snæddi hann. Sannleikr upprisunnar syndiz,

1 þvi tilf. C. 2 veni foras tilf. C. 3 skyrú C. 4 [tilf. C.
5 [þat at Lazarus. C. 6 sytandi C. 7 um brodur daudan tilf. C.
8 þessi C. 9 [þessu C. 10 fyrir pascha tilf. C. 11 leprosi
tilf. C. 12 kom C.

en otrua. Jüða hneyktiz. Commestor segir, at gallDRAMENN reisa
upp dauða menn sva, at þeir binda undir armleggi þeim blauð
þau, er gallðrliGAR figurur eru ^{aa} ritadar; þeir ganga ok tala ok
megu eigi snæða. En sia upprisa var profut med [sannindum ok
5 ollum¹ lifsmörkum ok med löngum tíma eptirkomandi æfvidaga,
þviat su bok er heitir Speculum Ecclesie segir Lazarum byskup
verit hafa ut i Cipr eptir dreifing Kristz lærisveina um .xxx. vetra
ok reist marga af andar dauða, svo sem hann² var sialfr reistr af
likams³ dauða. Augustinus segir [in libro de verbis domini⁴ ok,
10 at boðsmenn spyrdi⁵ hann af helviti, en hann sagdi þeim [med
glöggri⁶ grein, ok þa höfdu helviti fundit sinn birtara, þott þau
hefði langan tíma löynz. Maria systir hans tok smyrslaker, gert
af þeim steini er alabastris⁷ heitir, ok vel varðveitir ospellut
smyrsl; þetta smyrslaker var fult af nardo. Nardus er eitt tre
15 med þykkum rótum, lágt at uppvexti, svart at lit ok breyskligt⁸.
Ofanvert treit ferr dreift, ok er fræit vaxit sem aux. Smyrsla-
giordarmenn tempru smyrsl af spizum ok öxum ok sva af flurum
tres þessa, ok ero af spizunum dyrst smyrslin, en önnur ero lagh
ok litils verd. Þvi segir annarr guðspjallamaðr þetta smyrsl
20 verit hafa af spizum gort, en annarr kallar nardum pisticum, þat
er oblandat⁹ med öðrum smyrslum eda ufalsadr¹⁰. Sumir segia,
at pisticus taki nafn af stad þeim, er nardus vex eda geriz;
smyrslit var libra at mali eda þunga. Hun braut þa, þat er at
skilia, at hun upp lauk fyrr nefnt ker ok steypiti yfir höfud Jesu,
25 ok sva smurði hun fætr hans, en þerði med hari sinu, ok ilmadi
smyrslid um alt husit. Aa þeim sama degi gørir herra þafinn i
þessa minningh olmosor fatækum monnum, þviat þeir ero fætr
himnakonungs ok ganga ^{aa} iordunni, þat er at mæta vosi ok erfidi i
heiminum, ok ero lægztir at virðingu i Kristz likam. Judas
30 skarioth, einn af tolf mötunautum Jesu, öþokkadiz við hennar
þionostu ok mælti: «Til hvers kemr tapan smyrsla þessa, þviat þat
matti seliaz meirr en þimr hundrudum peningha ok verda¹¹ gefit
fatækum monnum.» Johannes ewangelista greinir, at Judas mælti
þetta eigi af því, at hann hirti um [fatæka menn¹², hellðr fyrir því

35 1 [sonnum C. 2 tilf. C. 3 andar C. 4 [mgl. C. 5 spurdu C.
6 [fra pislástodum med gnogri C. 7 alabastrum C. 8 breyskt,
en ilmr sem cipressus, flur þess eru litil at verðleik en mikil at þyk-
leik C. 9 oblandinn C. 10 Pistis er trua ^{aa} girzku mali, ok
kallazt því nardus pisticus, sa er eeki er falsadr tilf. C. 11 vera C.
40 12 [olmosur C.

at hann vardveitti fehirðzlur Jesu, ok þa luti, sem offraðir voru, bar hann eigi at eins, helldr bar hann ok brott ok stal, þviat hann átti husfreyiu ok sono, ok fekk þeim. Af þessum sagði David i saltaranum: Verði synir hans foðurlausir, en husfrefia hans eckia; þeim gaf hann þat sem hann stal. Sumir meistarar sanna þat, at fehirðinum væri skipat tiund af ollu offri fyrir starf sitt, ok þottiz hann missa .xxx. peningha i aullu smyrslinu, þviat peninghar ero tiund af hveriu .c. peningha þeira, sem hann talði¹ verd smyrslsins; var hann sva dygdarlauss, at hann villdi sva mikit hafa ok afla **æ** likam Jesu meistara sins, sem hann þottiz missa i smyrslinu, ok þvi selldi hann drottin fyrir sakir rangrar agirni, er upp rann² af þessu efni. Adrir lærisveinar samsinnudu Jude i því, at þeir letu³ ser mislika hennar tiltæki, ok þo fyrir utan alt fals, helldr fyrir astar sakir vid fataeka menn. Jesus hirti þa⁴ um þessa þykkiu ranga, er þeir höfdu⁵ **æ** pionosto Marie, med þessum orðum: «Fyrir hvi erot þer þungir konu þessi, gótt verk vann hun **æ** mer, þviat fataeka menn munu þer iafnan hafa med yðr, en mik munut þer eigi iafnan hafa. En hun vann þetta at smyria minn likam fyrir komanda graptartima minn.» Sem hann segði sva: Latit hana gera þetta við mik lifanda, medan hun ma, at smyria likam minn, þann er skiott mun grafinn verda, þviat þetta mun hon gera vilia við mik lidinn en mega eigi. Graptarembætti er þat, er hun gorir⁶ at tilvisan heilags anda þott ovitandi, en eigi fiarglutran. Ok enn segir hann: «Ek kann yðr at segia, at þetta hennar verk mun sagt vera i⁷ minningh, hvar sem þetta guðspiall er⁸ predikat. Sem hann segdi: Eigi mun þetta hennar verk þagat þar⁹, sem mitt nafn er predikat. En eigi er undarligt, þott hun leggi fram fyrir mina skyllld smyrsl sitt, þar sem ek mun skammbragdz fyrir hennar skyllld hella ut [mitt bloð¹⁰.» Her um segir Beda prestr: Maria smurði eigi at eins fætr Jesu drottins, helldr ok hofut hans, sem ver námum af guðspialli Mathei ok Marci. Ok eigi er efanda, at af þessi syndugu konu sagði Lucas, at hun smurdi fætr drottins ok þerdi med hari sinu, ok gerði hun þetta hneigð til fota honum **æ** medal iðranar tara. En síþan eptir uppreistan Lazarum brodur hennar smurði hun fætr drottins i annat sinn milli fagnada rettlætisverka, ok þa efadi hun sik ekki til þess [at retta sig upp til þess¹¹ at smyria höfud hans. Hit fyrra sinn

1 vera tilf. C. 2 saal. C; risa A. 3 [lata C. 4 sidan tilf. C.

5 lögdu C. 6 vid mik tilf. C. 7 hennar tilf. C. 8 mun vera C.

9 tilf. C. 10 [bloði minu C. 11 [tilf. C.

er eigi greint, hvers kyns smyrsl eda hversu mikil voru, en hit
 sidarra¹ sinn er greint, at þat var af nardo ok sva mikit sem libra
 heitir. Comnestor segir sva af guðspiallamanna orðum, at hinn
 næsta morgin eptir þessa atburdi for drottinn til Jorsalaborgar ok
 5 reið osnu, ok vann aðra þa luti, sem gudspioll vótta, ok hvarf hvert
 kveldl aptr til paskahaldz Juða i Bethaniam. Augustinus hinn
 mikli segir² þat vera kastala, en Beda prestr segir vera borg setta
 i hallirum Oliveti fiallz, sem fyrr segir³. En svo sem æ⁴ leið
 pinsl drottins, var Maria Magdalena honum astudig ok nærgöngul,
 10 sem Johannes ewangelista segir, at hun stod hia krossi drottins
 med sialfri drotningu himins ok iardar ok oðrum, þeim sem⁵ gud-
 spiallit segir, ok bætti [hun med⁶ staðfesti nyrrar guds giafar synd
 hins forna breyskleiks.

8. At liðinni pisl ok dauða grædarans ok rygð graptar hans
 15 bio Maria Magdalena med oðrum konum Mario modur Jacobi ok
 Salome smyrsl at smyria likam Jesu i leidi lagðan. Þær foru ok
 kómu þangat hinn sidarra lut nætr, þa er himin tok at birtaz af⁷
 solu til austrs, ok toluðu sin i milli, hverr velta mundi [steini
 þeim hinum mikla fra munna leiðissins⁸, sva at þær mætti inn
 20 fara. En þa er þær litu til⁹ annat sinn, var hann fra voltinn,
 en hann var þa fyrir munnanum, er þær komu i fyrstu, þviat
 drottinn hafði af¹⁰ luktri grof upp risit. Þær sáu¹¹ þann guds
 engil, sem steininn hafði rærðan, sitia æa honum. En fyrir þa ógn,
 er af stod englinum, fellu varðmenn, þeir sem Juðar höfðu sett til
 25 at giæta grafarinnar, i omegn¹², sva at þeir lágu sem daudir menn,
 en vissu vitz sins ok sæa upprisn drottins, ok voru vottar, ef þeir
 villdu¹³ satt fra segia. A þessi nott skiptiz dægratala; aðr for
 nótt fyrir degi, en þaðan af skiptiz dægr¹⁴ at miðri nótt, þa er
 varr herra reis upp, ok er nu síðan hvor nótt sameiginlig¹⁵ hvorum-
 30 tveggja degi. Ok er konurnar óttafullar af þessi syn litu um
 sik, sæa þær tva engla i mannligri mynd ok æsiónu. Þa neigðu
 þær við þessa syn andlit sin til iardar. Englarnir mæltu þa til
 þeira: «Fyrir hvi leitit þer lifanda med dauðum?» Sem þeir segði:
 Fyrir hvi leitið þer i gróf, er dauðra manna staðr er, Jesum þann,
 35 er upp er risinn ok lif er allra lifandi manna, sem hann sagði yðr.

1 saal. C; þriðia A.

2 Her begynder atter B.

3 greinir B, C.

4 at B, C.

5 er B.

6 [med styrk ok B, C.

7 i moti

B, C.

8 [fra munna leiðisins þeim steini hardla miklum sem

þat byrgdi B, C.

9 i tilf. B.

10 at B, C.

11 sa B, C.

12 umeghin C.

13 villdi B, C.

14 tilf. B, C.

15 sameigin B, C.

«Ok nu farit þer [til ok siait legit, ok segit¹ lærisveinum hans, at hann reis upp ok mun fara fyrir yðr i Galileam.» Þær mintuz þa, at Jesus hafði þeim þetta sagt. I þa minning, er konurnar hneigdu andlit sin en knefellu eigi við syn englanna, hneigir heilug kirkia andlit sitt en knefellr eigi fra paskum fram um hvítasunnu viku⁵ i minning upprisú drottins. Þær foru þa at finna lærisveina Jesu þangat², sem þeir voru i herbergi. En Maria Magdalena for at finna Petrum ok Johannem ok sagði þeim drottin tekinn vera af leidinu, ok kveðz eigi vita, hvert [þeir höfðu fært hann³. Com-mestor segir, at með henni sytti afl astarinnar, ella⁴ var hun¹⁰ hrædd ok vissi litit ok trudi fyrir því Jesum brott tekinn⁵, þar sem hun fann hann eigi. Þeir runnu þa með henni til leiðissins ok fundu eigi líkamann, en sa sveitaduk, þann er sveipat [var með⁶ höfud hans, skildan fra öðrum dukum, þeim sem bukrinn⁷ var sveipaðr með, ok vaðan⁸ i einum stað, ok trudu hann i brott¹⁵ tekinn, sem hun hafði sagt. Eptir þat fóro þeir til [herbergis sins⁹. En Maria stod eptir við leiðit ok gret. Ok þa er hun leit inn [i þat¹⁰, þa sa hun hina sömu engla hia þeiri steinþro, sem líkaminn hafði i legit, annan at höfði¹¹, en annan at fótum. Gregorius segir: Af þessu ma marka, hversu mikit afl astarinnar²⁰ tendrat hafði hiarta¹² þessarrar heilögu¹² konu, þar sem hun stod eptir hia grof græðarans, þa er lærisveinar hans hurfu fra, ok því bar sva til, at hun [stoð ein eptir, þa er hon ein sa Jesum¹³. Augustinus segir: Eigi finn ek aðra sök, fyrir hvi Maria leit inn¹⁴ i leiðit, helldr en þa, at hun trudi hvarki ser ne öðrum um þat,²⁵ at Jesus væri i brottu, ok hugdiz þann at finna, er hun elskadi. Englarnir mæltu þa: «Hvat grætr þu, kona?» Sva sem þeir bannadi henni at grata, þa er efni voro¹⁵ til þess at fagna. Hun svaradi þeim þa: «Brott toku þeir [herra minn¹⁶, en eigi veit ek, hvar þeir settu hann.» Þeir svara¹⁷ þa engu. Hun sneriz þa ok sá³⁰ Jesum standa hia ser ok vissi eigi, at hann væri. Hann mælti þa: «Hvat grætr þu, Maria, eða hvat leitar þu?» Sem hann syndi henni at grata eigi þann daudan, sem lífdi, ne leita þann, sem stoð hia henni. Hun hugdi, at hann mundi vera gíetzlumadr gardzins,

1 [at segia B; ok segit C. 2 a leid tilf. B, C. 3 [hann var 35
ferðr B, C. 4 eðr ella B, C. 5 af leidinu tilf. C. 6 [hafði
með werit B. 7 bolrinn B, C. 8 saman tilf. B, C. 9 [herbergia
sinna B, C. 10 [mgl. B, C. 11 höfðum B, C. 12 tilf B, C.
13 [ein sá Jesum, þa er hun ein var eptir B, C. 14 mgl. B, C.
15 stodu B, C. 16 [saal. B, C; hann A. 17 svöruðu B, C. 40

þess er grofin var í, ok mælti til hans: «Herra, seg mer, ef þu tokt hann, hvar þu settir hann, at ek mega taka hann.» Jesus mælti þa: «Maria! sagdi hann. Hun kendi hann: þa Jesum. Innocencius segir: Kendi Jesus Mariam, ok þa kendi Maria Jesum.

5 Fyrrum gret Jesus um sok Márie, þa er hann sa hana grata brodur sinn dauðan, ok reisti hann upp til lifs. Nu gret Maria um sok Jesu, þa er hun leitadi hans lifanda med daudum, en Jesus þoldi eigi grat hennar ok syndiz henni [risinn af dauðanum². At kendum Jesu kalladi hon hann meistara ok fell til fota honum

10 ok villdi halda ~~aa~~ honum³, eptir því sem hun var vön. Jesus mælti þa: »Hird eigi þu, Maria, at taka ~~aa~~ mer, þvíat ek hefir eigi enn upp stigit til feðr mins, at skilia i hiarta þínu.« Sem hann mælti: Eigi munt þu oðlaz at taka ~~aa~~ þeim lifanda med þinum hondum, sem þu leitadir dauðan, ok trudir brott tekit lik

15 en eigi son aliafnan feðr. Ok enn mælti hann til hennar: »Far þu ok seg bræðrum⁴ minum, at ek stig upp til mins feðr ok yðvars feðr, til mins guðs ok yðvars guðs.« Sem hann mælti: Skiott munu þeir sia mik⁵ til himins stiga.

9. A þessum⁶ tima hurfu garfarverðirnir heim i Jerusalem

20 ok sögðu Phariseis sönn tíðindi, at drottinn var upprisinn. En þeir keyptu storfe at þeim, at [þeir leyndi⁷ sannindum [af þessum atburð⁸, en reisa lygi þa, at þeir hefði sofnat vokumenninir, en ~~aa~~ þeiri stundu hefði lærisveinar Jesus⁹ stólit likam hans i¹⁰ náttmyrkri. Þeir toku við fénu ok helldu þessu falsi, sem þeir höfðu

25 saman sett. Ok þat sanna allir Judar alt til þessa dags, at Jesus væri af grofinni stolinn en eigi upprisinn. Maria Magðalena for þa med sannri tru ok fullkominni vitand drottinligrar upprisu ok fann konur þær, sem fyrrum höfðu hia henni verit um morgininn, ok sagdi þeim sina syn. Þær runnu þa allar saman¹¹ med rettri

30 tru ~~aa~~leidis¹² til lærisveina Kristz. Jesus rann þa ~~aa~~ moti þeim sva mælandi: «Heilar seth þer.» Þær krupu þa til knia¹³ honum ok helldo um fætr hans. Jesus mælti þa: »Farit þer ok segit bræðrum minum, at þeir fari i Galileam, þar munu þeir mik sia.« Commestor segir, [at þessa vitran i Galilea¹⁴ einkadi drottinn því

35 til, at hann trudi þa alla lærisveina Jesu vid hafa verit, ok þa

1 mgl. B, C. 2 [af dauda risinn B, C. 3 þeim B, C. 4 saal. B, C; brodur A. 5 til feðrs(!) mins tilf. C. 6 þeim B, C. 7 [leyndi B, C. 8 [um þenna atburð B; um þessa atburði C. 9 hans B, C. 10 brautu i tilf. B, C. 11 samt B. 12 ~~aa~~ leid B, C. 13 saal. B, C; fóta A. 14 [i Galileam B, C.

asakaði hann þa um tortrygð¹ ok¹ hiartaligan hardleik. Konur-
 nar runnu þa ok sögdu .xi. lærisveinum sytandum sins herra
 dauða, at hann var upprisinn. En þeir hugdu, at þær spottadi
 þa, ok truðu eigi. Petrus rann þa til leiðissins, ok er þat truan-
 ligt, at þa hafi drottinn vitraz² honum, þott þat se eigi i gub-
 spiollum greint. Se her milldan meistara ok miskunnsaman herra,
 þann er fyrst syndiz þeim, er framaz voru sorgfullir, Marie ok
 Petro. See her liosan lampa heimsins ok skinanda guds gimstein
 med göfugligri birti Mariam Magdalenam³, þa er fyrr⁴ var saurug
 ok syndafull, en nu var oll glóandi med⁵ astsemð sins græðara¹⁰
 ok staðfost at leita sins⁶ lausnara, ok fyrir þessa staðfesti fekk
 hun þann forpris af⁷ honum at bera hans sendiboðum hinum
 hæstum hit hæsta sendiboð hins hæsta fagnadar, ok vera rett kollut
 postoli postolanna af upprisu hins⁸ millda meistara, sem Marcus
 segir: Maria Magðalena sagdi postolum, at hon sa drottin upprisinn.¹⁵
 Konan skenkti⁹ sinum bonda i paradiso sáran dauða fyrir áto
 hins bannaða eplis, en nu¹⁰ boðadi konan karlmanninum hit sanna
 lif af sialfs drottins grof, ok su er fordum bar fram ormlig ord til
 alldrtila øllum heimi, su bar nu fram sagnir fra¹¹ upprisu sins
 lifgiafara øllum til eilífs fagnadar, ok af þeiri hendi toku ver²⁰
 forðum dauða drykk, sem nu toku ver lífs drykk. Fyrir þessa
 skynsemi syngr heilug kristni æ hennar messudegi¹² Credo in
 unum deum sem æ hátíðum sialfs græðarans ok Márie modur hans
 ok postolanna. See her makligan meistara ok goðan giætzlumann
 guðligrar hiardar sælan Petrum, þann er sialfr gud leiddi or þoku²⁵
 þrennrar¹³ neitingar til þrennrar iatningar sins sæta nafns, ok
 syndiz honum fyrst af postolum eptir upprisu sina, þviat hann
 vissi. Petrum eigi mundo þora, nema hann hefði hann nefndan,
 med øðrum postolum i Galilea¹⁴ fyrir sik at koma at lata sea sik
 milli lærisveina, ok at hann mætti æ¹⁵ ser marká, hversu hann³⁰
 ætti øðrum ostyrktir at vorkynna¹⁶.

10. Sva segir Speculum Historiale, at hin heilaga Martha
 fyllði þat guds boðord, er hann segir sva: Hverr sa er fyrirletr
 hus eda herbergi, foður eda moður, brædr eda systir, husfreyiur
 [eda syni¹⁷, eignir eda akra fyrir minar sakir, mun hundratfalt i 35

1 um tilf. B. 2 birzt B. C. 3 saal. B, C; Maria Magd. A.
 4 fyrrum B, C. 5 i B, C. 6 meistara ok tilf. B. 7 sialfum tilf. B, C.
 8 sins B, C. 9 fyrrum tilf. C. 10 tilf. B, C. 11 saal. B, C; fyrir A.
 12 saal. B, C; messu A. 13 þungrar B, C. 14 Galileam B, C.
 15 af B, C. 16 varkynna C. 17 [mgl. B, C.

moti taka ok eignaz eilíft líf. Öll auðæfvi sín skipti hon í þrjá staði. Einn veitti hun Marie Magðalene systur sinni, en hun veitti þann til atvinnu vórum herra ok lærisveinum hans; annan veitti hon Lazaro broður sínum; hinn þriðja varðveitti hon sialf¹ fram um píslartíma Kristz ok upprisu ok veitti þar af veitzlur vórum herra ok lærisveinum hans. En eftir uppstigning hans lagði hun þat, sem eftir var, fyrir [fætr postolum² Kristz, þa er mikill fioldi kristinna manna hafði sva mikit samþykki, sem þeir ætti eitt hiarta ok eina önd, ok engin hafði ne eitt eiginligt, 10 heldr var þeim alt sameiginligt.

11 3. At liðinni dyrdarfullri upprisu drottins vars [Jesu Kristi⁴ voru þær badar systr Maria ok Martha með postolum hans ok⁵ lærisveinum framan⁶ til uppstigningar hans stadfastar at bænahaldi ok öðrum goðgerningum⁷, til þess er þær þágu með öðrum guds vinum astgiöf hins helga anda. Er þat truanligt⁸, at af þeim megi skiliáz ord Luce ewangeliste, þau sem sett eru í lof vorrar fru. Hann segir, at guds postolar gengu eftir uppstigning lausnarans af Oliveti fialli aptr í Jorsalaborg ok upp stigu í eitt lofthus, þar sem Petrus hafði herbergi ok adrir postolar guds. 20 Þeir voru allir stadfastir æ bænnum með kononum ok Marie móður hans⁹ ok bræðrum hans. Er þat truanda, at þær hafvi þar verit í skola skirlífis ok annarra mannkosta í hófgardi himneskrar paradisi¹⁰ með hinum hæstum raðsmönnum himnakonungs ok vottum vars drottins upprisu, hugsandi hans lögmál¹¹ nætr ok daga, þar 25 til er þær þágu með öðrum hans vinum haleita gípt hins helga anda.

12 12. En þa er vaxa tok fioldi Kristz lærisveina, gerðu Judar at þeim sva mikinn ofrid, at þeir raku þa af sínum heruðum, suma settu þeir í myrkvastofu, sem Petrum, suma gryttu þeir, sem Stephanum, suma halshöggu þeir, sem Jacobum, suma settu 30 þeir æ skip ok fluttu æ síofardiup at frateknum árum ok austrkerum¹³, strengium ok styrum ok ollum skipreiða, vistum ok vatnkerum¹⁴ [ok ollum þarfendum¹⁵, utsellda í olmeik vindar¹⁶ ok vögs¹⁷, at þeir tapadiz sem skiotaz. En þott grimmleikr Juða

1 tilf. B, C. 2 [saal. B, C; Petr postola A. 3 fra systur Marie ok Marthe Overskr. B. 4 [Jesus Kristz B, C. 5 öðrum tilf. B, C. 6 fram B, C. 7 godum verkum B, C. 8 truligt B, C. 9 drottins B, C. 10 paradisar B, C. 11 saal. B, C; upprisu A. 12 Um ufrid Juda vit guds vini Overskr. B; Er menn toku tru C. 13 austrkerum B; auskerum C. 14 vatnkerum B. 15 [tilf. B, C. 16 vindz B, C. 17 vatnz B; vags C.

landflæmði af sinum fostriorðum nalgíha alla vars herra vini, þá var þó hans almattig hond þeim nalægð, su er þeim skipaði í betri staði, vegsamadi ok tignadi ok auðgaði með breidum bygðum, bæium ok storum kastolum, borgum ok hinum friðuztum fiarlutum, klaustrum ok kirkium. Nu auðgar hann þá eilífum¹ fagnadi, en þá hugði hann hverium þeira með sinni fagrligri forsea eiginligan stad: hann skipaði Narbonam² Paulo, Arelaten Theophimo, Tholosam ok Vaskoniam Saturino³, Lemovidas Marciali, Santonas ok Aquitaniam Eutrophio, Cenomannum ok Britanniam Juliano, Turonum Kaciano, Lugdunum Hirennio, Vesuncionem Ferucio,¹⁰ Arusicam odrum⁴ Eutrophio, Petragoricas Frontoni, Velliacum Georgio, ok alla Galliam Dionisio. Serhverium heruðum voru serhverir feðr ok forverendr⁵ af guði gefnir, þeir sem þau pryddu lifendr með miklum mannkostum ok agætum iartegnum.

13. At hitnanda þessum harða stormi, er Judar gerðu ofríð¹⁵ guds vinum, þá var hin sæla Martha rekin með öðrum lærisveinum af sinum heruðum ok⁶ svipt ollum auðæfum með systur sinni ok heilugum Maximino, þeim sem einn var af .lxx. ok tveim Kristz lærisveinum. Sa hafði forðum skirðar þær systr at guds bodi, en nu leiddi hann þær með biortu dæmi blezads lifnadar um himnesk-²⁰ ar gótur heilagra boðorða til eilífs fagnadar. En þá er þau voru oll æ skip komin⁷, leiddi varr herra vind hvassan or sinum fehirðzlum, þann er fór⁸ þeira flutti í goða höfn hia Marsilio borg. Þau ganga þá til nalægs bæiar⁹ at fyrirlatnum farkosti sinum, ok því at þau fundu engan, þann er þeim villdi veita⁹ neitt herbergi,²⁵ taka þau ser náttbol¹⁰ í einu porti skamt fra blothusi heiðinna manna, ok lágu þar æ bænum fastandi þá natt alla. En er dagadi, kom þangat su rangláta þjóð, er þar bygdi, at færa fornir skurðgoðum sinum. Þá stod hin heilaga Maria Magdalena upp or flokki heilagra manna með þekkiligu andliti ok predikadi fyrir³⁰ þar komnu folki gudliga tru með sva¹¹ mikilli snílld, at allir undruðuz fegrð hennar ok orðfimi¹².

14. Í þann tíma reð fyrir borginni Marsilia ríkr hertogi, sa er husfreyiu atti. Þeim syndiz heilug Maria Magdalena í svefni bíðiandi, at þau veitti hialpir¹³ helgum monnum, þeim sem [þar³⁵ voru komnir aureigar¹⁴, af sinum eiginligum gnottum; hun ægdí

1 at eilífu í himneskum *B*, *C*. 2 *saal*. *B*, *C*; *Narbolam A*. 3 *saal*. *B*; *Satrator A*. 4 *saal*. *B*, *C*; *aurum A*. 5 *formælendr B*, *C*. 6 *tílf*. *B*, *C*. 7 *rekin B*, *C*. 8 *far B*, *C*. 9 *tílf*. *B*, *C*. 10 *nattstad B*, *C*. 11 *saal*. *B*, *C*; *sinni A*. 12 *ordhegi B*, *C*. 13 *nockura* 40 hialp *B*. 14 [öreiga voru þar komnir *B*, *C*.

þeim um sidir ógurligri guds reidi, nema þau gerði hennar vilia. Tveim sinnum syndiz hun henni, en hit þriðia sinn badum þeim, ok med reidipokka ok elldligu andliti. En þau letu eptir hennar æminningum ok fæddu Kristz lærisveina æ sinum kosti. Þessi fru hafdi lengi obyria verit, en litlu siðarr kendi hun sik fyrir bænir Mario Magðalene barn hafa getit. Ok er þat var vitat¹, urðu því allir fegnrir þeira vinir, þvíat langan tima höfdu þau saman verit ok mátt eigi barn² geta. En því at hertoginn villdi reyna, hvart þeir lutir væri sannir, er Maria Magdalena hafdi sagt af Kristi, for hann til Jorsala [at vitia heilaga stað³, ok vard viss sanninda um alla þa luti, er Jesus gerdi her i heimi. Ok er hann kom aptr, fann hann son sinn iartegnasamligha fæddan. Nokkurum tima siðarr tok fruin sott ok andaðiz. En fyrir bænir sællar Marie Magðalene lifnadi hun, ok lofudu allir truandi menn gud. Eptir þat foru þau i herat þat er Aquense heitir, þar voru þau iðin at fostum ok bænahalldi ok sneru morgum lyd til guds med predikan ok guðligum taknum. En hann veitti hinni heilugu Marthe storligha⁴ gipt i heilsugiðfum vid siuka menn ok snilld [i framflutningh⁵ heilagrar predikanar, ok fyrir kenningar hins heilaga Maximini byskups ok þeira systra Marthe ok Marie tok hinn mesti luti manna tru briotandi skurdgod sin ok reisandi heilugh Kristz musteri.

15. Einn mikill dreki var milli þeira staða, er annarr heitir Arelaten en annarr Avicnon, skamt fra æ þeiri er Rodanus heitir. Hans hinir fremztu lutir voru sem æ fugli, [hinir sidarri lutir hans voru⁶ sem æ fiski. Hann var digrari en uxi ok lengri en hestr, höfud hafdi hann sem leo; tenn hans voru hvassar sem sverdzoddar; fax hafdi hann mikit sem hestr; hvass kambr⁷ gekk eptir baki hans sem breid óxaregg; reistr⁸ var aptr æ honum stort ok storligha snarpt; hann hafdi sex fætr furduligha sterka; klær hans voru sem a birni; hali hans var vaxinn æ þa lund, sem æ þeim eitnormi er vipera heitir; vængi hafdi hann tvo langa ok breida, sva at þeir huldu allan hans likama, ok voru þeir sva sterkir⁹, at fyrir þeira [storan sterkleik¹⁰ letti hann eigi fyrir nokkurskonar¹¹ höggvopnum ne flugvopnum ne neinum¹² vigvælum.

1 fætt *B, C.* 2 erfingia *B, C.* 3 [ok vitiadi heilagra stada *B, C.*

4 stormikla *B, C.* 5 [framburðar ok flutningh *C.* 6 [hinn sidarri hlutr hans var *B.* 7 saal. *B, C;* kampr *A.* 8 hreistr *B, C.*

9 ok þyckir tilf. *B, C.* 10 [traustleik *B, C.* 11 neinum *B, C.*

40 12 nokkurskyns *B, C.*

Svo var hann styrkr, at hann mátti með sinum grimmleik¹ sigr
 .xii. leona eða biðrnu. Þessi dreki var af landzmonnum kalladr
 Taraskonus; þat hugðu menn, at hann mundi getinn vera af sio-
 dreka þeim, er Leviathan heitir ok i Jobs bok er nefndr, ok hafvi
 sa dreki farit eptir hinu mikla hafvi austan af Galathia Asie, ok 5
 er hann² hinn grimmazti dreki, er³ liggr i sio eða vòtnum. Ok hefir⁴
 þat kvikvendi, er i Galathia elz ok Bonachum heitir, blandaz við
 siodrekann til þessa getnadar. Þetta olma dyr Bonachum er sva
 illrar natturu, at þat verpr af ser vellheitu driti, því er brenns⁵
 af hvat sem fyrir verðr, æ þa, er þat sækia, sva sem um .xxx.⁶ 10
 faðma, þannig sem skeyti flygi⁷. Þessi dreki drap marga menn,
 þa er foru um þann skogh, er hann la i. Asna ok hesta reif
 hann kvika i sundr. Skipum, þeim sem eptir ánni⁸ foru optliga,
 vellti hann iafnliga. En þa er mannfildi kom til með vopnum
 at elta hann æ skognum, flydi hann i ána ok leyndiz. Ok um 15
 sidir, þa er heraðsmenn gatu með engu móti fordaz hann, ok máttu
 með [engu móti⁹ sigr hann, heyrdu þeir sögd takn þau, er guð
 let ser sóma at vinna fyrir sæla Martham, ok komu skyndiliga til
 hennar biðandi litillatliga, at hun vitiadi heraðs þeira ok leysti
 þa undan þessum skaðsamliga dreka, er þeim veitti margskyns 20
 vandræði. At heyrdo þeira erendi sampindiz ok samharmadi [hun
 þeira efni¹⁰, ok treystandi gudligum krapti for hun ok fann
 drekan a¹¹ skogi liggjanda æ því manzhraei¹², sem hann hafdi
 nydrepið, ok tok þa at snæða sitt herfang. En Kristz husfru gekk
 at honum oskialfandi ok stokti¹³ yfir hann vigðu vatni, því sem 25
 hun hafdi með ser haft, ok kross drottins bar hun með ser sva
 sem oruggan skiolld moti þessu hinu illfusa dyri. En hann varð
 við þessi hennar tiltæki sva óttafullr, at hann matti or þeim stað,
 sem þa var hann, ekki fram fara ok engan olmleik af ser syna ne
 neitt mein [af ser¹⁴ gora, ok stod sigradr sem sa sauðr, er ekki afl 30
 hefir. En hun dvaldi allz ekki, ok batt hann með sinum eigin-
 ligum gyrdli, sva at allir undruduz, þeir sem æ þetta sæ¹⁵. Þvi
 næst dirfdiz lyðrinn ok gekk alt at drekanum ok barði hann með
 grioti ok stangadi með spiotum til heliar. Eptir þenna atburð
 tok sa staðr, sem drekin hafði hiði¹⁶ haft, af honum heiti ok var 35

1 mikla grimleik víðiafnaz eða B, C. 2 tilf. B, C. 3 ok B, C.
 4 hafi B, C. 5 brennr B, C. 6 þriatigi B, C. 7 flugi B, C.
 8 er Rodanus heitir tilf. B, C. 9 [eingum kosti B, C. 10 [heilög
 Martha þeira mein (meini C) B, C. 11 i B, C. 12 mannhraei B.
 13 fyrst tilf. B, C. 14 [mgl. B, C. 15 horfðu B, C. 16 hidit B, C. 40

kalladr Taraskonus, en aðr het hann Verluc, þat kolum ver svartan stað, þviat þar voru miklir ok myrkir skogar.

16. Eptir þat lögdu heradsmenn margar ok miklar bænir at hinni heilughu Marthe, at hun dveldiz ælengdar med þeim. Ok
 5 um sidir med samþykki hins heilaga Maximini byskups ok Marie systur hennar var hun [þar eptir¹ iðin at bænahaldi ok vokum² ok fostum, sva lengi sem hun lifdi. En hverr mun þat mega med ordum inna³, hversu mörg erfidi ok hversu margar þröngvingar, eða hversu miklar sottom, eða hversu margfallðan ofrid, eða hversu
 10 mikinn skort hun þoldi matar ok drykkjar i þeim stad. Ok þat er eigi vör⁴ at greina, þviat hin fyrstu .vii. ær nærði hun hellðr en fæddi sinn likam med hnotum ok grasarótum brám ok skogar- eplum, sva sem hun mátti minnz [lifa vid⁵. Eptir þat var fyrir hennar eggjan ok framkvæmd i þeim stad kirkia gior i nafni
 15 vars drottins Jesu Kristz ok Marie modur hans, hardla mikil ok tiguligh, ok þar sömnuðuz saman margir brædr ok systur undir postoligum lifnadi. Þar lifdi hun yfrit stírdliga⁶ vid sinn likam. A vetrum klæddi hun sik med sauskinnzkyrtli ok herfviligum mótli. A sumrum hafði hun hárlædi næst likam sinum, en yfir
 20 utan kyrtli ok kapu. Jafnan gekk hun berum fótum, hvíta hufu gerva af ulfalldahári bar hun æ höfði ser, knutottan gyrdil brugðinn af hrossahári hafði hun lagðan at miðium kvíði sinum sva hardliga, at holldit morknadi undan⁷, ok fellu madkar af þeim sárum, er þadan af gerðuz. Rekkia hennar var sva fallin, at smatt
 25 hris eða vinvidarkvistir voru fyrir halm, en harklædissekkur var til undirbreidu, ok steinn at höfði. Hvarki letti hun af söngum⁸ nótt ne dagh, ok starfadi þo iafnan nockut⁹ nytsamligt¹⁰. Gestrisni, þa sem hun hafði vanz¹¹ i Bethania, helt hun sva einkannliga, at eptir því sem fyrri hafði hun þoknaz bæði gudi ok monnum,
 30 varð hun enn stórliga fræg ok leiddi med sinum lofligum lifnadi ok heilagri predikan [mörg þushundrat¹² manna gudi til handa, svo at af þeiri frægð ok því ægæti, er almenningr sa med henni, toku þeir kristiliga tru med heilagri skirn.

17. Þa er hin heilagha husfru Jesus Kristz Martha predikaði
 35 guds bodord æ næðkurri fagri engh, þeiri er la fyrir hlíði borgar-

1 [tilf. B, C. 2 nattvokum B, C. 3 skyra B, C. 4 vörð B; var C. 5 [nyta B, C. 6 stírdliga A, B, C. 7 fyrir B, C. 8 ne bænahaldi tilf. B, C. 9 tilf. B, C. 10 Her mangler et Blad i B. 11 vanizt C. 12 [margar þushundir C.

innar, er Avinion heitir¹ við ána Roddanum, ok græddi þar siuka menn, þa sem til hennar voru færdir, var einn ungr maðr oðrum megin árinna, sa er hana villdi giarna sea ok heyra, þvíat hann sa mikinn mannfiolda samankominn þeim megin árinna, sem hann var eigi. En þott hann hefði eigi² skip, let hann eigi fyrir-
vinnaz ne ærvðxtinn hepta sína ferd, helldr kastaði hann klædum
ok tok nðekvidr at svima³ yfir ána. En er hann kom íafnær
badum böckunum, tok hinn [sterkazti stridr⁴ straumr árinna með
sinu ofvægu⁵ afli at draga hann í kaf⁶. Hvat þarf þat⁷ til lang-
mælis at draga, margir liopu til ok unnu ekki at⁸, þat sem honum¹⁰
var⁹ til fultings. Allan dag [leitudu menn¹⁰ hans með skipum
ok soknum, ok fundu hann eigi fyrr en annan dagh nærri nóni.
Náðu þeir líkinu ok kostudu því með 'mikilli sorg'¹¹ fyrir fætr-
guds ambatt¹². En hun samharmaði sut þeira ok bað allan þann
lyð, er þar var við staddr, at leggiaz æ iorðina til bænar ok¹⁵
æsta¹³ þess almatkan guð, at hann leti sér sóma með sinum mikla
krapti at gefa aptr líf sveini þessum. Ok er lydrinn hlyddi hennar
bodi, lagðiz hun a líkit ok retti hendr sínar í kross sva mælandi:
«Heyr þu drottinn Jesus Kristus, er með þinni heilagri ok óæt-
lanligri¹⁴ milldi reistir af dauda þinn kæran vin Lazarum brodur²⁰
minn, þu helldr með¹⁵ þinni hendi lukla lífs ok dauda, þu kallar
dauda menn til lífs, ok þu bydr daudanum bod, ok hann flyrr
fyrir þínu valldi. Heyr þu, hinn godgiarnazti gud, mitt miuklæti,
ok lit æ bæn ambattar þinnar ok æ þenir annarra þeira, sem nu
kalla æ þitt mikla nafn, ok biod, at lífs andi hverfi aptr í þetta²⁵
lík, til þess at nærverendr ok [tilkomendr, síáendr¹⁶ ok heyrendr
snuiz til þín af aullu hiarta, ok lofvi þín stortakn af ollum hug,
ok trúi þík sinn sannan hialpara.» Ok er hun hafði lyktat [bæn
sinni¹⁷, reis hun upp ok tok í haund hins dauda svo mælandi:
«Heyr þu, hinn ungi maðr, ris upp í nafni drottins Jesu Kristz af³⁰
þeim dauda, sem þík helldr.» Þa reis sveinninn upp heill ok
osakaðr ok var skídr í nafni heilagrar þrenningar.

18. Í þenna tíma gerdur þrír sídlatir byskupar til þess at
finna hina¹⁸ sæla Martham fyrir guðliga æminning. Engin þeira
vissi annars kvomu, ok kómu þó allir senn, Maximinus Aquensis,³⁵

1 er adr er nefnd tilf. C. 2 ecki C. 3 symia C. 4 [stridazti C.
5 ofvægin C. 6 kafit C. 7 her C. 8 um C. 9 væri C.
10 [leitadi lydrinn C. 11 sut C. 12 ambattar C. 13 bidia C.
14 óumræðiligri C. 15 í C. 16 [víðkomendr ok siandr C.
17 [þenina C. 18 mgl. C.

ok Trophimus Arelatensis ok Eutrophius Aurasicensis¹. Ok er þeir voru komnir, bad hun þa vigia kirkiu þa hina virdulighu, er fyrir hennar röksemd var upp smidut i Kristz nafni ok hans milldu modur Marie. En þeir letu þat eptir henni, ok var su kirkia
5 vigd .xvi. kalendas Januarij med godfusu guds lofvi, sem vera atti. Ok er þat embætti var framit med² skyldu ok setningh, gengu menn til snæðings æ vidrkvæmiligum tima. Ok um sidir þraut vinit, en gudlig milldi sneri at þeim hiaverandum vatni i vin fyrir bænir sinnar heilagrar husfru Marthe.

19. Eptir skilnat þeira systra Marthe ok Marie predikadi Maria Magdalena lengi guds bodord. En þa er þat kom til eyrna henni, at Pall postoli baud, at konur þegdi i kirkiu, girntiz hun³ at þrongva sik med andligu upplitningar liosi⁴, ok fyrir guþliga æminningh flydi hun leyniliga i hina snörpuztu eyðimork, ok var
15 hun þar .xxx. vetra i þeim stad, er henni var med eingiligum hondum fyrirbuinn, aullum monnum okunnig, en saudd at eins himneskum næringum, lofandi guð nætr ok daga med heilögum bænum æan afláti; þessi hellir, er hun bygdi, var undir rotum fiallz nokkurs, þess er storliga var bratt ok oslett. Eigi veitti henni
20 huggan vatn ne vidir, ok eigi græn graus i þessum stad, þviat guðlig milldi birti i þrotnan þessarra luta, at hans vinkona var þar saudd eigi at eins iardligum⁵ helldr himneskum krasum. I þessi iardholu varð hun sva framarliga tignut, at siau sinnum æ hverium deghi i þann tima, sem heilog kristni syngir med rettri
25 reglu .vii. [tida halld⁶, var hun upphafin med engiligum hondum i loptit, ok heyrdi hun þa hina haleituztu lofsöngva himneskra fylkinga eigi at eins með andligum helldr ok med likamligum eyrum. Med þessum hinum sætuztum saunghliodum sadda fluttu þær somu engla hendr hana aptr i helli sinn; þar lofadi hun gud an
30 aflati ok þurfti eigi likamliga vist.

20. Einn sidlatr kennimadr hafdi ser gort litit hus .xv. stadia undan þessu fialli við einn litinn brunn ovisitandi allra takna, þeira sem gud gerði æ sinni vinkonu Marie Magðalene. Stadium er .c. ok .xxv. fadma, ok er þat áttungr milu. Þessi kennimadr var
35 vanr at ganga i eyðimork i fustu inngang⁷ ok vera þar med mikilli bindandi ok sifelldo⁸ guds lofi alla föstuna. Ok æ einum tima fostunnar, þa er hann var þar i eydimorkinni eptir sinni veniu,

1 saal. C; Aurelatensis A. 2 eptir C. 3 einkanligarr tilf. C. 4 lifi C.
5 saal. C; iardliga A. 6 [tidir C. 7 igang C. 8 sifellu C.

lauk gud upp augu hans, ok sa hann¹, med hverium hætti guðligir englar stigu niðr yfir þann stad, sem hin heilaga Maria Magdalena var, ok at þeir fluttu hana syngiandi i hæd himins. En eptir dagstundar bid fluttu þeir lofandi gud hana aptr i sinn stad. En því at langt var milli þess stadar, sem hann var i, ok hellis Márie, matti hann sia, at englarnir fluttu eitthvert, en eigi hvat þeir fluttu. Hann tok þa at bidia gud, at honum birtiz sannleikr [um þetta mal², med margföldum tárur. Annan dag eptir at morni skundadi hann sinni ferd i þann stað, sem honum hafði synin birtz. Ok er hann kom nær steinkast fra hellinum, toku fótleggir hans ok lærleggir at skialfva en briost hans at hrædaz. En þa er hann sneri aptr, matti hann ganga, hvert er hann villdi. En þa er hann sneriz æfram, voru allir limir hans af settir sinum öflum, sva at vanmegn likamans bannaði honum æfram at fara. Hann skildi þa, at guds vili³ talmadi hann at forvitnaz þetta stormerki, nam⁴ hann þa stad. Ok at ækolludu Kristz nafni segir hann sva: «Ek særi þik fyrir nafn lifanda guds, at ef þu ert⁵ noekur skynsöm skepna, su er byggir i þessum helli, at þu svarir mer ok skyrir fyrir mer allan sannleik þins lifnadar.» Ok er hann hafði þrim sinnum frammi haft þessa særingh, svarar honum sæl Maria af hellinum ok bauð honum nærri at ganga, ok sagði sik vera Mariam, þa er i gudspialli er fræguz af fiolda sinna eiginligra synda. Ok síþan greindi hun ut alla frasögn lifs sins. Ok eptir þat er hun [var utrakin⁶, mælti hun: »Þvi at mer er þat af gudi vitrat, at ek muna bratt liða or þessum heimi á medal manna, bid ek, at þu finnr Maximinum byskup skiotligha ok segir honum þat, er þu hefvir sieth⁷ ok heyrð af minu efni. En æ hinum fyrsta paskadegi æ óttusöngs tíma skal hann ganga einn i bænahus sitt, þat er hann hefir⁸ smídat, ok mun hann mik þar finna þangat flutta med engilum hondum⁹.«

21. Kennimaðrinn sa engan mann, en hann heyrði roddina, þa er taladi, ok hugði þetta helldr vera engils rödd en manz. En þa er hann spurði fleiri luta, fekk hann engin andsvör þadan af. Hann for þegar at finna Maximinum byskup ok sagði honum alt, þat er honum var bodit ok hann hafði sieth⁷ ok heyrð. Byskup vard storliga feginn, er hann heyrði þessa sögu ok gerði gudi þackir. A sialfum paskadags morni gekk hann i sönghus sitt ok

1 þa tilf. C. 2 [af þessarri syn C. 3 bannadi honum ok tilf. C.
4 gaf C. 5 maðr eða tilf. C. 6 [hafði utrakit C. 7 seð C.
8 ser tilf. C. 9 idna at guds lofi tilf. C.

sa sæla Máriam standa i midium flokki þeira engla, er hana fluttu þangat. Svo mikill liomi ok birti skein um hana, at alt husit birtiz af framarr en af dagligu liosi. Ok er guds madr nam stadar i husdurunum, sa hann helga engla, þa er [hana fluttu
 5 þagat¹, liða til himins, en hana standa i miðium flokki þeira med upprettum höndum i kross, svo at nær tveggja alna rum var **æ** medal likams hennar ok iardar. En þa er hann óttaðiz nær at ganga, þa taladi hun til hans med biortu andliti, því er af sifeldri² syn heilagra engla skein framarr en solar geislar, ok
 10 bauð honum blidliga þangat at kalla kennimenn ok klerka, sem hann gerdi. Hann gaf henni þa³ holld ok blod drottins. En hun tok þat med hinni mestu tara uthelling ok bað alla þa, er [vid voru⁴, biðia fyrir ser⁵ alhugliga. Eptir þat lagðiz hun oll til iardar frammi fyrir altarinu, ok for þa su hin helga önd or
 15 likam til guds **æ** sialfum upprisudeginum. Sumstadar segiz, at hun hafi fram lidit ellifta kal. Augusti⁶; ma þat fyrir því segiaz, at þa ero henni tidir görvar, ella fyrir því at drottinsdagrinn ma tekinn vera fra paskadeginum eda upprisudeginum, [er iafnan⁷ kemr at hendi. Eptir þat er hun var salut, kendo allir hiaverendr
 20 sva mikinn ilm, at alla .vii. daga eptirkomandi þraut alldri i þessu bænahusi. Hennar likam skipaði hinn helgi Maximinus smurðan med dyrum smyrslum i tiguligri steinþro, ok síþan let hann smida yfir hennar sæla likam⁸ vegliga kirkiu med dasamligum hagleik. Gróf hennar eda steinþro var smidut, sem enn ma sia, af hvitum
 25 marmara ok grafit **æ** sialfum steininum, hversu hun kom i hus Simonis ok smurdi med litillæti fætr drottins med dyrdligu smyrslu ok skammadiz eigi at grata milli bodsmanna.

22. En sæla Maria hafdi boðit hinum heilaga Maximino byskupi at segia hinni sælu Marthe systur sinni, at hon mundi
 30 skiott finna hana. En hun endi eigi þat fyrirheit lifandi helldr lidin. Litlu siðarr⁹ kom hinn sæli Fronto Petragoricensis ok heilagr Georgius Welliacensis¹⁰, sa er daudr hafdi verit ok upprisinn¹¹, at finna sæla Martham, þvíat þeir voru badir utreknir af sinum sætum fyrir þa sok, at borgarmenn þeira höfdu rækt þeira
 35 predikan. Ok er þeir höfdu med henni verit nockura daga, foro þeir heimleidis ok sættuz vid sina borgarmenn fyrir bænafulting,

1 [þessa höfdu þangat flutt C. 2 sifalldri C. 3 at þeim hiaver-
 ondum C. 4 [hia stodu C. 5 henni C. 6 manaðr tilf. C.
 7 [iafnan er hann C. 8 legi C. 9 Her beg. atter B. 10 saal.
 40 B, C; celseracensis A. 11 upprisit B, C.

þat er hin heilaga Martha hafði til guds fyrir þeim. En adr þeir færi heim, taladi hun leyniliga við sælan Frontonem ok hafði radagiord¹ við hann um þa luti sem hann² villdi. Eptir þat iatadi hun fyrir honum þa luti, sem hun þottiz móti gudi gort hafa, ok sagði [sik skiott mundo af likam³. En hann het henni⁵ at veita henni⁴ þionosto, ef gud villdi sva hafva til skipat.

23. En því at⁵ gud, ðmbunari allra goðra luta, villdi giallda hinni sælu Marthe makligar malagiasir fyrir margháttada⁶ velgernainga, þar sem hun þoknaðiz honum um alla luti, let hann ser sóma at segia henni fyrir, at hun mundi æ .xii. manaða fresti¹⁰ liða af þessi verolld. En hun tok bradliga eptir þat riðusott, ok letti su eigi af henni, meðan hun lifdi her i heimi. En er hun atti .viii. daga olifat [i likam⁷, sa hun ðnd Márie Magðalene systur sinnar til himins borna af heilögum englum. Hun vóttaði þessa syn ollum bræðrum ok systrum þar samansömnudum i guds¹⁵ lofi⁸ sva mælandi: »Samfögnum ver oll i drotni ok giorum þackir hans dásamligri virðing, þvíat nu let hann ser sóma at flytia ðnd Marie systur minnar fyrir þionosto sinna heilagra engla til fyrirheitinna sæta sins signada rikis. Minnz þu nu ok, sagði hun, min sæta systir, þins fagra fyrirheitz, þess er þu hetz at vitia²⁰ min, þar sem þu lifir at eilifu med sönnum drotni Jesu Kristo.« Ok eigi blekti heilög Maria Martham, því at fyrir hinn atta dag flutti hun hana i sanna sælu himneskrar paradisi⁹. Eptir þat þyngdiz sottarfar hennar, svo at hun lagdiz i rekkju. Þvi næst eggiaði hun alla brædr ok systr at hallda med stadfesti kristiligha²⁵ tru ok skyrdi fyrir þeim oll auðæfvi heilagrar kirkiu, þau er hun hafði¹⁰ samnat ok fal þeim æ hendi. Hun bað þa, at allir helldi [vöku sinni¹¹ ok bædi¹² henni alt til framfarartima hennar gudligrar miskunnar. Þeir gerðu ok sem hun bað. Eptir þat tok hun likam¹³ vars herra med hinni mestu tárfeiling hlifandi ðnd³⁰ sina med því signada vegnesti ok heilogum þenum.

24. A miðia¹³ natt fyrir framferdartima sællar Marthe, at sofnadum bræðrum ok þeim monnum, sem vöku helldu med kertum ok liosum, þaut mikill hvirfilvindr uppvaktr af þeim er ðfundar alla dugandi menn, hinum illgiarna andskota, i herberginu, sva at³⁵

¹ raadagerdir B, C. ² hon C. ³ [honum sik mundu skiott liða af likama B, C. ⁴ graptliga tilf. B, C. ⁵ almattigr tilf. B, C. ⁶ margfallda B, C. ⁷ [her i heimi at likama sinum C. ⁸ nafni B. ⁹ paradisar B, C. ¹⁰ saman tilf. B. ¹¹ [vökum B. ¹² fyrir tilf. B, C. ¹³ miðri B, C.

sloknuðu þriu stor kerti ok þrir lampar. En Kristz ambátt skelfö-
 iz við þenna atburd¹ ok sa þa hræðiligan flokk illgiarnra anda
 fyrir ser. Hun tok þa at biðiaz fyrir með þessum ordum: «Minn
 fadir, minn gud, minn kærastzi gestr! Samnaðir eru svikarar minir
 5 at svelgia mik, mer at moti halldandi rit i hondum ser, þau² er
 skrifadir ero æ þeir lutir, sem ek hefir³ illa gert, mælt ok hugsat,
 sva mælandi⁴: Guð fyrirlet hana, stríðum henni nu ok gripum
 hana, þviat nu er engin sa er hana leysi. Guð minn, guð minn,
 ver nær mer; guþ minn, guþ minn, lit æ hialp mina. Minnz þu
 10 eigi, drottinn minn, æ æskusyndir minar ok óvitzkur.» Við þessi
 ord voknudu þeir, sem sofvit höfdu, ok [leitadu i annat hus⁵ at
 elldi til þess at tendra liosin, þau sem sloknat höfdu, ok dvolduz
 at þessu um stund, þviat þeir fundu eigi elldinn i hinu næsta
 husi, ok foro þeir⁶ i annat hus, þat er firrmeirr var, at⁷ þeir
 15 fengi sitt erendi. En hun var þa einsaman meðan⁸. Ok þa sa
 hun sæla Mariam Magðalenam⁹ renna at rekkiunni, ok hafdi log-
 brand i hendi, af honum tendradi hun oll kerti ok sloknaða lampa
 i herberginu. En er hvor þeira heilsadi aðra með eiginligu nafni,
 þa sa hun þann, er hvervetna er nalægr¹⁰, drottin Jesum Kristum,
 20 sva til sin talanda: »Kom til min, hin kæra¹¹ vinkona, su er
 forðum var min husfru. Nu mun ek færa þik or myrkvastofu
 likama þins til himinrikis hallar, at þu fagnir þar at eilifu með
 heilogum monnum minum, eigi sem gestr helldr sem heimakona
 heilagrar truar ok samborgari heilagra manna. Með mikilli ann-
 25 semd¹² þionadir þu mer her æ iarðriki ok tokt mik i þitt herbergi
 ok saddir mik; nu mun ek giallda þer [ömbun fyrir þina þionostu
 stundliga, þa¹³ er gengr um allan iardligan sætleik¹⁴, at þar sem
 ek er¹⁵ sialfr, ser þu með mer, þviat þu þionadir mer ok fylgdir
 mer. En hugganar miskunn, þa¹⁶ er ek veitta þer i heilsugjöfum
 30 [við menn, þa sem¹⁷ þu kendir kenningar, mun ek eigi fra þer
 taka ok hvergi minka, helldr margfallda. Ok þa, er þinnar grafar
 vitia goðfusliga, mun ek milldliga heyra fyrir sakir þinnar astsemd-
 ar, ok ek mun framkvæmð veita rettum bænum þeira. En nu
 bið þu litla stund, þviat skiótt munt þu til min koma.» Þvi næst

35 1 motburd *B, C.* 2 þar *B, C.* 3 hefi *B, C.* 4 kallandi *B, C.*
 5 [foro i annat hus at leita *B, C.* 6 þa *B, C.* 7 ef *B, C.*
 8 aamedan *B, C.* 9 systur sina tilf. *B.* 10 iafnan tilf. *B, C.*
 11 kærsta *B*; kærasta *C.* 12 saal. *B*; andsemd *A*; astsemd *C.*
 13 [fyrir stundligri þionostu þa aumbun *B, C.* 14 sælleik *B, C.*
 40 15 em *C.* 16 saal. *B, C*; su *A.* 17 [þeira er *B, C.*

komo þeir aptr, sem til þess fóro brott at sækia liosin. Þá undruðuz þeir allir, er þa voru oll login tendrat¹, þau er oll voru slokin, þa er þeir gengu or herberginu. Eptir þat frettu þeir at, hvi sva hafði² til borit. En hun kalladi til sín þa af bræðrum, sem hun vissi at heilagligaz lifðu³, ok birti fyrir þeim alla iartegn guðligrar vitianar. Þar eptir let hun sik færa undir alldintre, þat sem⁴ var a bak musterinu, ok dreifa þar undir sik i kross æ iorðina ausku, en þar æ ofan litlar saðir, ok hárlæði þat er hun la æ dagligha⁵; horfði hun til himins ok hafði krossmark fyrir augum ser biðandi svo sinnar dauðastundar med fullri tru. Ok er allir, þeir er hia¹⁰ stodu, lágu æ heilögum bænum, þa let hun lesa til enda passionem [domini nostri⁶ Jesu Kristi, þa er hun hafði med ser flutta af Jorsolum æ ebresku⁷ ritaða. Ok annat sinn let hun upp hefia; en þa er sva var langt lesit, [sem sialfr drottinn sagði vid sitt liflát hin siðursto orð⁸ Pater in manus tuas, domine, commendo¹⁵ spiritum meum etc., þat þyðiz⁹ svó: fadir, i hendr þinar fel ek anda minn, þa sofnaði hun sælligha i guði [hinn .viii.¹⁰ kalendas Januarij, hinn setta dagh viku æ hinna .xi.¹¹ tið dags, er hun var [.lxx. vetra¹² at alldri.

25. Utferð hennar gerdu hennar felagar ok förunautar med²⁰ allri godfysi, þeir sem aðr voru hennar heimamenn ok verðugir mikillar frægðar af sinu sonnu litillæti ok siðlæti, Eudochius¹³ ok Sintex ok Germanus ok Epaphras ok Sostines, lærisveinar Pals postola ok förunautar Trophimi, ok Parmenas, er einn var af .vii.¹⁴ hinum fyrstum diaknum, ok Marcilla, su er var þionostokona²⁵ hinnar sælu Marthe ok hun hafði undir skirn halldit. Þessi var su kona, er kalladi [til vars¹⁵ herra or miklum mannfolda sva mælandi: «Sæll er sa kviðr, er þik bar, ok þau briost er þu drakt ero sæl.» Þessir allir [med mörgum oðrum¹⁶ tilkomnum höfðu at heyrðri sótt guðs þionostokono þar vakat tvo daga yfir henni med³⁰ kertum ok liosum oðrum. En æ drottinsdaginn biðgguz þeir [til graptligrar¹⁷ þionosto, sumir gretu, sumir sungu salma.

26. I þenna tíma bar sva til æ hinna þridiu tið dags i borginni Petragoricas, þa er Fronto byskup sòng messo ok sat æ stoli fyrir altari, meþan pistill var lesinn i sialfri hofudkirkiu, at hann³⁵

1 tendrut *B, C.* 2 hefði *B*; hí *C.* 3 lifði *B.* 4 sett *tilf. B, C.*

5 iafnliga *B, C.* 6 [vars herra *B, C.* 7 ebreska tungu *C.*

8 [*mgl. B, C.* 9 mælir *B.* 10 [.vii. *B, C.* 11 niundu *B, C.*

12 [siautug *B.* 13 *saal. rettet*; Euchodius *A*; Euchobius *B*; Eycodius *C.*

14 *tilf. B.* 15 [æ vorn *B.* 16 [*saal. B, C*; af mörgum *A.* 40

17 [at veita henne graptliga *B, C.*

sofnadi. I þeim svefni vitradiz honum sialfr græðarinn¹ Jesus Kristus sva mælandi: «Minn elskulighi vin Fronto! Ef þu vill enda þitt fyrirheit, þat sem þu hezt minni husfru Marthe, þa far nu skyndiliga at veita henni graptliga þionosto ok fylg mer.» Ok
5 er hann hafði þetta talat, kómu þeir med augabragðligri ferd badir i Taraskonum ok gengu i kirkiu hinnar guðligu fru Marthe ok toku at syngia med öðrum standandi hia hennar heilaga lik-ama. Ok um allan liksöng helldo þeir heilagar bækr i [höndum
ser² fyrir syngiandi, en adrir andsvarandi ok eptir syngiandi fluttu
10 þessa þionosto. Ok badir báru þeir³ likam sællar Marthe ok i leiði lögdu. En meðan þessir lutir gerduz, gekk diakninn⁴ at sofnaðum⁵ byskupi i Petragoricas, þar sem hann sat i sinum byskupsstoli, at lyktaðum ollum þeim söngum⁶, sem fyrir guðspiallit áttu⁷ af klerkum fram at flytiaz. Hann knuði⁸ byskup
15 med hendi sinni ok beiddiz blezarar. En byskup svaf sva fast, at hann vaknadi ekki við hit fyrsta áttak. Allr lyör undradi, hvi hann dvaldi sva lengi folkit i kirkiunni ok helt eigi fram messunni. Ok um sidir gekk diaknit⁹ annat sinn at byskupi, knuði hann [ok mælti: «Vakit herra, þviat langt hefir liðit umfram
20 vanalighan tima, þar sem messan mátti vel sungin hafa verit; hefir folkit lengi bedit ok er at þrotum komit¹⁰.» En hann vaknadi um sidir sva sem af sætum svefni ok mælti: «Oho, bræðr minir! Hvat gerðut þer mer, fyrir hvi vóktut þer mik sva skiótt? Da-samligr atburðr, sa sem nu hefir gerz, er ydvarri astsemd at segia.
25 Drottinn Jesus Kristus leiddi mik af þessum stað til líkflutningar hinnar sælu Marthe sinnar husfru, ok nu hofum við veitt henni graptliga þionosto, sva sem ek het henni fyrrum¹¹. En til þess at þer vitid mik i þessarrar heilögu¹² konu líkferð verit hafva, sendit nu i Taraskonum þa menn, er hingat beri fingrgull mitt ok messu-
30 glófa gullbuna, þa er ek dro af mer, ok fekk ek til geymslu sacriste kirkiunnar, adr ek lagda likit i gröf. En þa er ek gekk af kirkiunni, gaf ek eigi gaum at¹³ at heimta gullit ok¹⁴ glófana af þeim, er ek fekk, þa er þer vóktut mik.» Þa voru þegar sendir menn, sem byskup bað¹⁵, i Taraskonum, ok profudu þeir sva alla
35 luti vorþit hafa¹⁶, sem hann sagdi. Þeir báru heim gullit ok

1 drottinn B, C. 2 [sinum eiginligum höndum B, C. 3 heilagan tilf. B, C. 4 diakn B, C. 5 sofanda B, C. 6 söngh C. 7 saal. B; atti A, C. 8 knuði C. 9 saal. A, B; diakninn C. 10 [mgl. B, C. 11 forðum C. 12 heilagrar B; mgl. C. 13 mgl. B, C. 14 ne B, C. 15 baud B. 16 tilf. B, C.

glofann annan, en annan helt sacristus¹ kirkiunnar eptir til vitnisburðar um þetta daindi². Hinn sæli Fronto sagði bræðrum, þa er hann gerði minning þessarrar sælu konu Marthe, at þa er þeir höfdu hana i grof lagit ok þeir gengu or kirkiu, spurdi einn boklærðr brodir þess stadar, sa er okkr fylgdi af kirkiu, sialfan drottin, hverr hann væri eda [hvadan hann væri, eda³ hvert nafn hann ætti. En hann svaraði honum öngu ok syndi honum opna bok, þa er hann hafði i hendi. A hienni var ekki annat ritad en þetta vers: In memoria eterna erit iusta hospita mea, ab [auditu malo⁴ non timebit in die novissimo. Þat er svo at skilia: I eilifri minning mun vera rettvís husfru mín, eigi mun hun óttaz við heyrn illra luta **aa** hinum sidarsta degi. Ok þa er hann rakti bokina, fann hann þetta sama vers ritat **aa** ollum blöðunum⁵; því ma auðsynt [vera, at Martha husfru Kristz mun vera⁶ i eilifri minning engla ok manna, ok eigi mun hun ottaz **aa** hinum efsta dómi af þeiri heyrn, er sialfr guð sagði illum monnum, þeim er makkligir ero bölvana: Farit þer bolvadir fra mer i eilifan elld, [þann sem fyrirbuinn er diöfnum ok hans englum⁷ et cetera.

27. Þat birta optlig takn ok heilsugiafir, þær sem yfvir siukum monnum geraz við gróf [hinnar sælu Marthe⁸, hviliks verdleiks hun er fyrir guði nu ok fyrrum, [þo at ver lukim fátt upp af mörgum. Einn konungr var⁹ Klodoveus at nafni, hann reð bæði Francia ok Theuthonia, ok var fyrstr til guds snuinn af þeim fyrir predikan Remigij byskups¹⁰ af Reimsborg ok tok heilaga skirn. Hann hafði mikinn verk i lendum, sva at lækna mattu honum enga bot vinna. En því at almennilig¹¹ frægð vóttaði, at [hverr sem einn siukr maðr, sa sem fullri tru vitiaði steinþro¹² heilagrar Marthe, yrði heill¹², for hann þangat ok fann sannindi af [þessum lut ok¹³ frægð af sialfs sins heilsu fagnandi¹⁴. Ok til þess at eigi syndiz hann opakklátr við þann liufa lavarð, er hann græddi fyrir arnadarord sinnar heilagrar husfru, auðgaði hann staðinn med konungligri mikilmenzku ok lagði þangat bæi ok kastala, sva at mikit herat, þriar milur at lengð ok breidd,

1 secretarius *B, C.* 2 daendi *B.* 3 [*agl. B, C.* 4 [audicione mala *B, C.* 5 hennar blöðum *B, C.* 6 [þickia ath Martha mun vera husfru Jesu Cristz *B.* 7 [*agl. B, C.* 8 [hennar *B, C.* 9 [ok at vær lukim **aa** hluti upp af mörgum, þa var einn konungr *B, C.* 10 erkibyskups *B, C.* 11 *saal. B, C;* almenningr *A.* 12 [hverir sem einir siukir menn, þeir sem med fullri tru vitiodu steinþroar heilagrar Marthe, urdu heilir *B, C.* 13 [þessi *B.* 14 *saal. B, C;* fagnadi *A.* 15 at *tilf. B, C.*

skylldo æfinliga þangat til liggja badum megin árinna, er Roddanus heitir. Þessa giöf lögtok hann [ok styrkti með sinu fingrulli; þar með lögtok hann¹ ok, at þessi staðr skyldi frials vera af ollum pyndingum ok leikmanna ælögum. Var ok þessi staðr
5 i svo mikilli vernd settr af fultingi sialfs upphefiara allra rettinda, at hverr sem einn fekk nöckut víti, sa er þessa staðar rettarbótum gorði nöckut æ móti með stuld eda ráni eda nökkurskyns ofriki eda rangindum eda rangsæri, svikum eda falsaradómi. Marcilla ok Sinthex ok Epaphras hinir skirlifuztu ok hinir postoliguztu²
10 menn foru i Slavoniam ok predikuðu þar guds erendi með staðfesti goðra verka. Marcilla lifði .x. ær upp fra andláti sællar Marthe ok ritaði lifssögu³ hennar a ebresku i einni mikilli bok; en ek Sintex snera i latinu, let ek þo marga luti eptir eigi snuna. En Eudochius⁴ ok Germanus, Parmenas ok Sostenes, fostrar ok foru-
15 nautar sællar Marthe, þionodu gudi við hennar virðuliga grof, sva lengi sem þeir lifðu, ok urðu i þeim stad pindir i friði heilagrar kristni með ágetri⁵ endalykt.

28. Hin sæla syndakona skein ok morgum taknum eptir sina framför. En þo sám ver, sagði sa er soguna ritaði, einn
20 prest Pál at nafni i borginni Cesar Augusta, þann⁶ er eigi villdi fela sik undir bænatrausti hennar, helldr a þat ofan trudi hann eigi taknum hennar. A nöckurum degi, þa er hann steig a hest sinn miukan ok makreiðan, til þess at rida erenda sinna, varð sa mótburdr, at hestrinn tok at laupa svo flugliga sem hit
25 skiotazta skogardyr um grafir ok götuleysi, sva at kennimaðrinn efaði, hvart hann skyldi láta af honum fallaz æ iorðina eda uppi sitia, ef hann mætti rada⁷. Ok meðan hestrinn for sva með ser, þa hugleiddi hann, hversu marga illa luti hann hafði gort ok mælt i moti hinni sælu Marie Magdalene, ok het þa iðrandi at viðfrægia
30 þadan af hennar takn, ef hun leti ser soma at hialpa honum, þo at hann væri omakligr, i þessu [hinu mikla¹ vandræði. Ok þat veittiz honum án dvol, þviat varla hafði hann heitit staðfest, aðr hestrinn gerðiz honum audmiukr, sva at hann matti vikia honum æ hveria leið, er hann villdi. Hann gerði þa guði⁸ þakkir ok
35 sælli Marie Magdalene. En svo hafði hann langt afleiðis riðit, at varla gat hann aptr sott allan daginn, þat er hann reið æfram, fra morni til dagnala af æði hestzins. Þenna sæ ver síðan hia

1 [tilf. B, C. 2 postoligstu B, C. 3 lif B, C. 4 rettet; Euthodius A; Eudvodius B; Eudodius C. 5 sælligri B, C. 6 saal. B, C; sa A. 7 saal. B, C; rida A. 8 ætlanligar tilf. B, C.

leiði Marie Magdalene vottanda með hinum mesta hiartans trega alt þat, er hann hafði við hana misgert, ok segiandi þenna atburð með mikilli viðrkomning ok iðran.

29. Hinn sæli Maximinus byskup ok iatari almattigs guðs styrði kristni sinni alt til dauðadags styrkiandi hana með predikan ok iartegnum, þvíat guðs milldi veitti fyrir hans bænir lif daudum ok syn blindum, heilsu líkþram, höltum göngu, [frelsing diöfulöðum¹, ok græðingh ollum sóttum. En þa er sa timi nalgaðiz, er hann vissi af gudligri vitran, at hann mundi liða or likam, let hann i þeiri sömu kirkiu bua ser steinþro hia steinþro sællar 10 Marie, var hann ok þar grafinn eptir sitt andlat. Ok er sa staðr i sva mikilli virðing halldinn, at engin² konungr ok engin² höfðingi eða valldzmaðr, sa er þangat gengr at biðia ser miskunnar, er sva stollz eða storr, at eigi leggi hann fyrst vópn af ser at niðrkastadri grimd, ok gangi síþan med fullu litillæti i þat haleita musteri 15 med allri goðfysi; ok veitaz þar i þeim stað fyrir bænir sællar Marie Magdalene ollum, þeim er með fullri tru biðia ser miskunnar, slik þarfindi, sem guð ser hverium hialpsamliguzt, ef þeim heyrir at leysaz i þessum heimi; þiggia menn þar iafaliga bæði andar heilsu ok likama, at veitanda drotni Jesu Kristo konungi 20 allra verallda, þeim er með feðr ok helgum anda er vegr ok velldi, dyrð ok sæmd um endalausar alldir allda. Amen.

30. Þvi at vór osnilld³ vinnz eigi til at telia mikileik ok fiolða takna sællar Marie Magdalene, munu ver fá luti greina af morgum til trubotar heyronðum⁴ monnum, ok segia fyrst fra því, 25 er likami hennar var fluttr or þeim stað, sem hann var fyrst grafinn, i þann stað, sem hon var lengi vegsömüt af tilskipan guðligrar milldi.

I þann tima er lípit var fra pisl vars herra Jesu Kristz .deoxl. ok niu ár, at rikianda hinum milldazta konungi Lodovico 30 ok Karolo syni hans, var víða goðr friðr i kristni guðs, nema þar sem Sáraceni - er Agareni heita med réttu nafni af Agar ambátt þeiri er Sára gaf i faðm Abrahe bonda sinum, ok gat af henni Ismaelem⁶, þann er þessi þioð var fra komin - striddi⁷ æa kristnina. Var þat mest um Hispaniam ok þar nalæg riki, at þessi stormr 35 gekk yfir.

¹ [rak diofla fra odum monnum B. ² eingi B, C. ³ litil mal-snilld B, C. ⁴ saal. B, C; heyrandi A. ⁵ eða upprisú hans tilf. B, C. ⁶ saal. B, C; Ismaelis A. ⁷ saal. A, B, C.

31. A þessum tímum hafði nálíga í erfð tekit alla Burgundíam Geírarðr hertogi, sa er tengðum var bundinn við þessa fyrr nefnda konunga. Þessi maðr var hinn tignazti at burðum ok hinn díarfazti undir vópnum ok hinn audgazti at íarlutum. Fru hans var íöfn at kynstærd ok at godum síðum ok at ollu agíæti. En þvíat þau áttu engan erfíngía, miðloðo þau sinn mikla íarlut¹ þeim monnum, sem gud óttuduz, ok olmosum hans með tígulígum fríalsleík ok hugarkostum. Þar næst skipudu þau með hínu rök-samazta raði af fyr nefndri barnleysis sok sialfan gud sinn erfíngía, ok lögdu margar eignir til kirkna með hinni hæstu goðfysi. Þau letu ok margar kirkíur ok munklífvi af nyíu² reisa ok lögðo þar til noglígar proventur af sínú goði þeim monnum, er þar skyllðo gudi þíona í klerka síðum eða reglu. Nær þessum tíma kom Jóhannes páfi af Róma norðr í Gallíam fyrir bæn fyrr nefndra konunga ok hertogans. Ok millí annarra agætra lúta, þeíra er hann gerði í þessi ferd, vígði hann musteri þau, er Geírarðr hertogi hafði reisa latit fyrir hans bæn guði til sámdar ok hans mílld-
 15 uztu móður Marie ok Petro ok Paulo höfðíngíum postola hans.

32. En er páfvinnn hvarf aptr í Rómam, sendi hann marga helga dóma fyrir ast hertogans³ til mustera þeíra, er hann hafði vígt. Ok er nockur ár líðu þaðan framm, af þrotnanda styrkleík⁴ konunglígs valldz varð Frakka ríkí fyrir míklum hernadí með sionum ok víða hvar annarstadar, ok fyrir margfólldum ránum ok manndrapum, sva at í mörgum stóðum brunnu klaustr ok kirkíur, ok Vicelíacum munklífi, þat sem fyrr nefndr Geírarðr setti víð⁵ á þa er Chore heítir, var með ollu níðr brotít ok at velli lagít. Ok þa er af letti ofríðrinn, var þat smídat á einum háfum halsi ok storlíga brottum í ðruggum stad fyrir ælaupum ok hernadí af þessum sama Geírardi með hínú mesta kostnadí ok míkílménzku. Var þessi staðr kalladr Vicelíacus, þvíat þaðan ser ollum megin himín af klaustranum fyrir haleíks sakír halsíns, ok kallaz Vice-
 30 líacus sva sem vicus celiacus, þat er himneskr bær eða nálægr himní. Ma þat tilheyrílígt vera bædí fyrir himneskan lífnat þeíra, sem þat klaustr hallda, ok fyrir haleík halsíns. Var þar þa endr-smíðut kirkía sállar guds móður Marie ok sálla guds postola Petrí ok Paulí sem fyrr með mörgum ok míklum íartegnum.

33. Í þenna tíma hófðu Saracení her úti um Hispaníam, ok eyddu þeir nær alla Aquítaníam ok míkinn lut af Provincía. Ok í þessum stormí brutu þeir höfudborgína Aquensem ok erkíbýskups-

40 1 aud B, C. 2 upp tilf. B, C. 3 íarlsíns B, C. 4 styrk B, C.

stolinn ok ræntu þar ollu fe ok toko mikinn fiolda folks at herfangi, en eyddu borgir ok bæi med elldi ok iarni¹. Marga karla ok konur flógu þeir kvika, sem siðr er til at gora vid kristna menn. Ok sa ver siðarr, segir sa er sôguna hefir skrifat, æ þetta hervirki, er ver truum vóra menn þolat² hafa i 3 sitt syndagialld, þa er þau riki bygðu. En hermenn foru heimleiðis med sitt herfang [til sinna rikia⁴. 5

34. Ok því at mörgum monnum var kunnigt nær ok fjarri, at hin sæla Maria Magdalena hafdi af hinum heilaga Maximino byskupi grafin verit i Akvenses heraði, ok þar voro varðveitt hennar virðuligu bein, gerði fyrr nefndr hertogi Geirardus⁵ ok Heydo abóti, er þa var yfir skipadr klaustrid i Viceliaco, þat rað med samþykki at senda þann munk, er Baldilo er nefndr, med fullkominni godfysi ok fengnu foroneyti i borgina Aquensem, at hann flytti helgan dóm sællar Marie Magdalene eða nöckut af hennar limum til þeira i fyrr nefndan stad, ef guðlig milldi villdi styrkia þessa ætlan. Hvat þarf þat til langmælis at draga, for hann ok fram kom. Ok at fundinni steinþro sællar Marie fluttu þeir hennar likam i Viceliacum, ok grofu þar med mikilli sæmð ok mörgum taknum, sem ver liðum⁶ um sakir leti ok favitzku. 10 15 20

35. Sa atburðr gerðiz við þa borg, er Avern heitir, at riddari nöckurr varð fanginn i orosto ok settr af þeim, er hann toku, i [þungar beior⁷, sva at hann matti sik hvergi hræra. Ok at kominni hatið drottinligs burdar, þa er engi villdi fyrir hann borga þa utlausn, sem fyrir hann var lögd, skaut guðlig milldi því i hans briost at æsta hina milldo Mariam Magdalenam, at hun odladiz þat af vórum herra, at svo [leysti hon⁸ hann af fiðtrum, sem hann leysti hana af syndum. En er hann kalladi opt æ hennar signada nafn, spruttu iarnin af hans lærleggjum. En þegar er sa, er hann helt, vissi þenna atburð, gaf hann honum frelsi at fara, hvert er hann villdi. En sa sem bundinn var, bar berfættr þau sômu iarn i Viceliakum ok upp hengdi hia steinþro sællar Marie Magdalene vottandi ollum vidverondum, hversu guds milldi leysti hann fyrir arnan sinnar sælu þionostokonu. 25 30

36. Annarr maðr af borg þeiri, er Bituricas heitir, var ok strengðr med storum ok þungum fiðtrum af hinum agiarnazta ok grimmazta sinum ovin; hann ægdi honum pinslum ok limaláti, 35

¹ iarnum *B, C.* ² þolt *B, C.* ³ sakir(!) *B, C.* ⁴ [i sitt riki *B, C.* ⁵ Geirardr *B, C.* ⁶ fatt *tilf. A.* ⁷ [*saal. B, C;* þungbær iarn *A.* ⁸ [*saal. B, C;* leystiz *A.*

nema hann gylldi fyrir sik sva mikit fe, sem hann mátti eigi faa. Ok er engin villdi borga fyrir hann, eggjaði hann einnhverr at snua sinni vón til Mariam Magdalenam. Ok er hann bað hana ser miskunnar at æsta vid almatkan guð, spruttu þegar um leið af
 5 honum iarnin, sva at kolfrinn flaug niðr hia hælum honum. En allir ottuðuz, þeir er hia stoðu. Hann stoð þegar upp, þviat enginn bannaði honum, ok bar fiðtra, þa er hann [var bundinn¹ med, i klaustrið Viceliacum ok bað upp hengia i saunghusi hia steinpro sancte Marie vottandi þetta takn.

10 37. A þessum sama tima gerdiz þessu likt takn. Þar sem Castrum Lautonis² heitir, var lyðmaðr einn sterkliga fiðtradr æ hondum ok fotum, ok grimmliga ok ómannliga ok omilldliga kvaldr til fiarlausnar af einum ranglatum manni. Enn pindi maðr het þa med [afi allrar³ goðfysi, at hann skyldi vera at eilifu þionn hinnar
 15 heilögu Marie Magdalene, ef hun oðladiz med sinum verdleikum, at guds milldi leysti hann or þessarri nauð, sem hann var i staddr. Ok er hann hugsadi þat optliga, sa hann æ nockurri nótt standa fyrir ser storliga friða kono, þa er honum bauð með bliðu andliti upp at standa. Hann þottiz svara: «Bundinn er⁴ ek, sva at ek
 20 ma eigi upp risa.» Þvi næst vaknaði hann ok kendi sik lausan. Sipan gekk hann i Viceliacum ok gerði godri guds vinkonu⁵ þægiligar þackir fyrir sina frelsing.

38. Mikill fioldi karla ok kvenna [villdo fara⁶ æ skipi ok flytiaz yfir æ þa er Ligeris heitir. Ok er þeir voru komnir æ
 25 mitt diupit, gerði at þeim mikinn storm, sva at vindrinn kafdi skipit. Allir þeir er æ skipi voro, urðu sva óttafullir við [vón voveiflgs⁷ dauda, at þeir gleymðu at æsta ser guð undankvamu med truar trausti eða bænahalldi. En þa er skipit tok at sokkva, tendradi guðs milldi hiarta einnar konu at kalla með grátligri
 30 roddu æ vinkonu vars lausnara, þott aðrir geymði ekki at hugsa nema grata dauða sinn, sva mælandi: «Heyrþu, hin goða guðs kæra Maria Magdalena! bid ek þik fyrir þau hin þægiligustu tár, er þu dögdir med drottinliga fætr, at fyrir þitt hit agiæta arnadar- orð verða ek leyst or þessum haska⁸.» Ok þvi at hun var með barni, het hun, ef hun fæddi svein, at gefva hann til [munklifis
 35 Viceliaco⁹. Vón hennar vard eigi at hegóma, þviat iafnskiott sem

1 [hafdi verit bundinn B. 2 Nautonis B, C. 3 [allri B, C.
 4 em B, C. 5 Marie tilf. B, C. 6 [villdi roa B, C. 7 [van
 vaveiflgs C. 8 lifshaska B; daudahaska C. 9 [til munks i
 Viceliacum B, C.

hun hafði heitit, vitraðiz henni virduligh kona, su er hönd sina retti til hennar ok með lettu sundi flutti hana til landz, sva at hun [lifvir þa einsaman¹ fyrir arnadarord sancte Marie Magdalene, en allir adrir druknudu. A næsta æri at fæddum sveininum ok skirdum, færði hun hann almatkum gudi ok sælli Marie Magdalene, 5
eptir því sem hun hafði heitið henni.

39. Makligt er at vátta minniligt takn ok opinbert, þat er guðlig milldi gerdi fyrir verdleika sællar Marie Magdalene i hennar fyr nefndu klaustri at æsiandum mörgum monnum. Mikit folk karla ok kvenna kom til hennar virduligu grafar at æsta ser eirdar 10
i sinum nauðsynium. I þessu liði kom þangat ein ung mæ, su er modir hennar leiddi; hennar fingr lagu allir i lófa æ hinni hægri hendi, sva at hun var med ollu onyt til vinnu. Kunnig var konan ok kunnigr var staðrinn, hun var af því heradi er Alisium heitir af eign Marcelli², ok het hun Alleburgis. Um kveldit þa 15
er munkar sungu aptansöng eptir vanda³, gekk hun optligha til altaris biðandi ser miskunnar ok kallandi æ nafn sællar Marie Magdalene. Ok um sidir þa er hun ætladi fra kirkiu at ganga, mintiz hun við þat heilaga altari, er i mestri virðing var halldit af folkinu, leggiandi þar æ bada hnefa. Ok þegar um leid er hun 20
retti sik upp, sa allir, þeir sem hia stóðu, með guðligum krapti retta fingrna ok hondina heila. En at sienu þessu mikla takni lofudu allir gud ok sæla Mariam Magdalenam.

404. Eigi er ok med gleyming yfirlidanda þat dyrliga takn,

1 [einsaman þa lif B, C. 2 Merelli B, C. 3 veniu B, C. 4 Herefter 25
optages Recensionen B og C i Texten, da A her er betydelig afvigende, og Sagaens Slutning desuden mangler i denne Codex. Cap. 40 og hvad der er tilbage af Cap. 41 meddeles her nedenunder efter A:

40. Eighi trui ek um þat lidanda, at einn blindr madr var af því virki, er Kæistellum heitir, leiddr til nefndz þess munkliðs. En þa er leiddtogi hans vóttaði sik sia musterit i klaustranum, kalladi hinn blindi: «Heyrðu, heilög Maria Magdalena, hvart mun mer audit verða at sia turna þinnar kirkiu?» Ok iafnskiott sem hann hafði þetta mælt, lukuz upp augu hans, ok sa hann þegar, sva at mila var millim hans ok staðarins, þat sem hann hafði beðit. 35

41. Með ollu er eigi yfirhylianda með þögn þat dasamliga stor-merki, er guðligh milldi fullgerði æ einum pilagrimi. Einn riddari var sa, er upp sotti til stadar hinnar goðu guðs vinkonu med mikilli goðfysi eptir sið sinnar þiodar. Ok þa fyrir litlu aðr hafði hann hennar grof vitiada með mikilli astsemd. Litlu síðarr er hann gekk i orrosto, 40
fekk hann bana fyrir vópnum sinna ovina. Ok af frændum ok vinum var hann sveipaðr eptir hætti með sveitaduki, ok vakat yfir honum med mikilli hrygd ok grati. Ok millum annarra sutfalldra orða toku menn

er veittiz einum blindum manne. Sa var af þeim stad er kalladr er Kastal, hann for til klaustrs heilagrar Marie Magdalene, þess sem fyrr var nefnt, væntandi at hann mundi þar heilsobot fa, ok er leiddogi hans sagdi honum, at hann sa kirkiuna, þa sem þeir
5 skylldu til sækia, kalladi hinn blindi madr svo mælandi: «Heyrdu hin helga Maria Magdalena, villda ek, at su hamingia kæmi mer at hendi, at ek mætta sia turna kirkiu þinnar.» En er hann hafdi þetta mællt, þa lukuz skiott upp augu hans, ok feck hann syn sina, svo sem hann hafdi med mikilli fysi bedit, ok var þa enn
10 eptir milo leingd leidarinnar.

41. Med ollu [eigi er ok 1 hliodi hylianda dyrdarfullt stor-merki dasamligs kraptz, þat er hin helga Maria Magdalena vann 2 vit einn sinn pilagrim i því landi, er Aquitannia heitir. Þar var riddari sa einn, er eptir sid þess landz elskadi hennar heilagleik af
15 öllum hug, hann hafdi ok nockut sinn vitiad med godfysi hennar heilags doms. Nöckuru sidarr þa er hann var i bardaga staddr, var hann drepinn af sinum ovinum. Frændr hans ok vinir toku lik hans ok sveipudu dukum, sem þar var sidr til um dauda menn at bua, ok sætu sidan yfir likinu med hrygd ok græti. Toko
20 eptir þat fulltings at bidia sæla Mariam Magdalenam med harmandi kveinan ok æ at minnaz med enu diarfligsta 3 tilmæli miskunnarinnar, hverso miok þessi enn daudi hafdi hana elskat, þa er hann war lifandi, ok svo sem þeir undruduz, fyrir hveria sok hun let pilagrim sinn deyaia án iatning ok idran synda. Med miskunn guds
25 ok fyrir tru þeira ok bæn eptir litla stund tok at hræraz likami ens dauda. Allir þeir sem hia voru undruduzt 4 miök. Eptir þat settiz hann upp ok bad, ath hann skylldi vera leystur af næbondum. Sagdi þa, at heilog Maria Magdalena let hann endrlifna, til þess ath hann mætti skriptaz ok idraz synda sinna, þvíat þeir höfdu æ
30 hennar nafn kallat med breinni tru ok heilagri bæn, sagdi ok, at hann mundi þegar andaz, er hann hefdi pionostu tekit. Eptir þat var hann leystur, sem hann bad. Komu þa til hans prestar. Skriptadiz hann sidan ok giordi idran fyrir syndir sinar, ok er hann hafdi bergt holldi ok blodi Jesus Kristz, leid hann annat
35 sinn af þessum heimi. Margir voru vottar ok sannanarmenn

med mikilli asakan at telia æ sæla Mariam Magdalenam fyrir astar sakir við hinn framlidna, fyrir hvi hon hefði þolat, at pilagrimr hennar hlyti voveifligan dauda, svo at hann fengi eigi iatat syndir sinar eða skript tekit. Ok þa er þeir höfdu lengi

40 1 er eigi C. 2 tilf. C. 3 dyriligsta C. 4 ottuduz C.

þessarrar iarteignar. Nockurir af þeim komu i Viceliacum ok sögdu þenna atburd fyrir otalligu folki, er þangat hafði sotti af ymisligum londum eda herodum, svo sem hann hafði gerðz. A enum fysta paskadegi [drottinligrar upprisur¹ lysti þessi iarteign fyrir ollum hiauerondum² byskup af borg þeiri er Katurica heitir, er kominn var i Viceliacum heim at sækia helgan dom sællar Marie Magdalene. Dyrkadiz þá drottinn Jesus Krístr a sinni upprisutíð af tvenre upprisur þessa riddara, er frá var sagt, er hann lífnadi um stund af líkamligum dauda, til þess ath hann hreinsadiz af syndum ok risi upp af andar dauda. Lofudu allir guð ok sæla Mariam Magdalenam, er fyrir sína verðleika audladiz af almatkum guði svo mikla hialp þeim til handa, er hana hafði af ollum hug elskat.

42. Su en agæta iarteign er nu man ek segia, veitir ollum syndogum monnum mikit traust sannrar vonar³, at þeir munu finna líkn ok lausn sinna misgerða, er fyrir nafn sællar Marie Magdalene bidia ser litillatliga guð miskunnar. Einn madr, sa er gerði idran sinna misverka, ritadi syndir sínar æ einu brefi, eptir þat for hann i Viceliacum ok fal þetta blad undir duki æ alltari sællar Marie Magdalene, ok er hann hafði lokið bæn sinni, adr hann snere heim æ leid, tok hann brefit. Ok er hann leit æ þat, sæ hann, at allt var af mad, þat sem æ hafði verit ritad. Skildi hann þá af opinberligri iartein, at hann hafði líkn audlaz i augliti gudligrar millði fyrir bæn ok arnadarord sællar Marie Magdalene.

43. Þat gerðiz æ odrum tíma, at einn riddari, sa er ættadr var af Aquitannia ok þar fæddr, for til vöku i Viceliacum, ok er hann ætladi eptir lyktada bæn til sins heimilis at venda, kom hann i þann stad, sem ovinir hans sato fyrir honum, einn madr med sonum sinum, þeira broður hafði riddarinn adr drept. En er hann varð varr [þessa ofridar⁴, hliop hann skiotliga af baki mul þeim, er hann hafði æ setið adr, ok setti hann fyrst i mot sverdum sinna ovina. Ok er einn af þeim bróðrunum geck sva diarfliga fram, at hann villði mulinn i braut keyra, sva at riddarinn hefði óngva hlíf af honum, ok þeir mætti audvellegða taka til hans meðr sinum wopnum, edr þeir mætti hann höndum taka, þá bar sva til, ath pilagrimr sællar Marie Magdalene feck þenna tekit. Weittiz honum ok skíott meðr gudligri gíof⁵ svo mikit afl, ath hann setti broður i mot bræðrum ok son æ mot föður ok hlífdi ser meðr þersum skíldi i mot þeira skotum ok sverdum. Eptir þat gíordiz

¹ [þá er halldin er hatid drottinligrar upprisur C. ² lyd tilf. C.

³ truar C. ⁴ [við þessa ofridarmenn C. ⁵ millði C.

sva medr vitian gudligrar mildi, ath reidin sefadiz ok sneriz i hogwæri; fellu þeir nu aller fram a iordina fyrir fætr honum ok badu ser liknar fyrir sina dirfd, sogdu sik wera seka vit gud ok iattudu sik misgert hafa vidr hina millduztu Kristz þionostukonu
5 Mariam Magdalenam, ok hetu nu, ath þeir skylldu honum alldri sidan grand gera. Giorduz þeir sidan fullkomliga sattir sin a milli fyrir miskunn sællar Marie Magdalene ok foru til sinna heimkynna lofandi gud ok hinu helgu Mariam Magdalenam. En sæ, er hun hafdi af daudanum leyst ok frelsat, gerdi henne margfalldar þackir,
10 svo sem hann hefdi fyrir hennar mildi af helviti ok sialfum andar-daudanum upp risit. Lati drottinn vorr oss tyia bænir sællar Marie Magdalene, sa er med fedr ok helgum anda lifir ok rikir gud um allar alldir allda. Amen.

MARTINUS SAGA BYSKUPS.

I.

(Cd. 645 qv.)

S. Martini episcopi.

Martinus var æzcapr af Ungara lande, en hann var fædr a 5
Langbarþa lande. Frendr hans voro cyngæfger oc þo heipner.
Pater eius var riþera hefðingi, en hann fylgþi sialfr oc riþera
syslo i eóseo, þevgi at sialfvia sinom, þviat hann fystez gupi at
þ(i)ona þegar a ungom alldre. Þa er hann var .x. vetra, þa fór
hann til kirkio at osatt frenda sinna oc beidez at vera primsingdr. 10
Þa snærise (hann) allr til gups lofs, svat hann ætlapez at fara i
einseto, þa er hann var .xii. vetra, ef eigi bannaþe ostyreleier
æseo hans. En þo var hugr hans avallt i munclivom eþa at
kirkiom, oc barse hann þat fyrer a ungom aldre þegar, sem hann
fylði i verki siþan. En (er) þat var boþorð kononga, at gamalla 15
manna syner være tekner til riþera syslo, þa var oc Martinus
tekenn til riþera lips, þviat pater eius seldi hann fram, es opocca
lagþe a tru vere hans. En þa var hann .xv. vetra. En þion let
hann ser fylgia, oc þionapi hann þeim sialfr oftaz oc dro scofot af
honom oc þerde, oc oto baþer mat saman. Þria vetr fylgþi hann 20
riþera syslo, aþr hann være scirþr, oc var þo hreinn af øllom
þeim læstum, es þeire syslo ero vaner at fylgia. Miela gozco oc
ast oc þolenmæþi, miela ast oc litleþe haði hann viþ alla sam-
riþera sina. Sva sparliga neyti hann oc fozzlo, at hann þóte heldr
a þeiri tið muner en riþere. Af slicom (hlutom) var hann hug- 25
þeer øllum samriþerum sinum, svat aller unno honom. Eigi var
hann enn ða scirþr, oc gærði hann þo hvitvoðungs vere, þviat hann

1 lat.: veteranorum.

veite hiolp vesolum oc vann með þeim, er erviþe hæðo, fæde valaþa oc clædi næþa¹. Ecce hirde hann sér af riþera fe nema hversdagliga atvinno, minntese guþspiallex² mals oc bar eigi ahyggio fyrir aurom annars dax fætzlo.

5 2. Þat var of vetrardag i frosti miklo, at Martinus mæte clæþlausom manne i borgarhlípe. Sa bað þa, es umb liþo, at þeir miscunnape honom. Þa scilþe³ guþs maþr ser vera ætlaðan þann, er aþrer veitu eigi miscun. En hvat scylde⁴ hann gefa, þar er hann hafði þa eki nema clæþi þau er hann stoð i, þviat hann hafði
10 oll aunnor veit i slicu þurft. Þa bra (hann) sverðe oc reist i svndr metul sinn oc gaf halvan enom valaða, en [halvan hafðis hann sialfr⁶. Þa hlogu sumer at honom, er hann var stutbuen. En þeir comose við, er heille voro i hug, er þeir hæðo eki slic verc unnet, þar es þeir mato clæþa enn auma, svat þeir være
15 (o)calner efter. Enn ena næsto not efter, þa er Martinus somnaþi, þa sa (hann) Crist⁷ scryðan þeim hlut motuls, es hann gaf enom valaþa. Þa mælte Crist⁷ við engla liþ, er hia honom stoþ: »Martinus p(r)imsingdr at eins clædi mik þvisa clæþi.« En Martinus hofse eigi til metnaþar efter þessa syn, þót hann kenndi gæzscu
20 guþs i sino verki, heldr toc hann scirn, þa er hann var .xviii. vetra. En þo hvarf hann eigi fra riþera syslo, þviat liþs hofþingi dvalþi hann oc het þvi, at hann mundi fyreilata veraldar syslo efter scirn.

3. En er vikingar herioþo a Fraclande, þa samnaþi Julianus
25 liþe oc tok at [heita heitfe⁸ riþerom. Þa þotese Martinus finna macliga tiþ at leynas(!) fra riþera syslo oc melte við konongenn: »Hingat til þionaða ec þer, latu mic nu þiona guþi. Taki sa gíof þina, er beriasc scal, en ec em Cristz riþere, oc er mer eigi lofat at beriasc.« Þa reidez konongr oc qvat Martinum fyrir hugleyse
30 vilia raþasc fra orosto en eigi fyrir tru. En Martinus svaraþi: »Ef þu eignar þetta hugleyse mino heldr en tru, þa mun ec fara a morgun vapnlaus til orostu oc ganga i gegnom fianda sveit i Jesu Cristz crossmarki scryðr en eigi scilde ne hialme.« Þa var Martinus varþveitr, at reynt mæte verþa, ef hann efndi þat er hann
35 het. En annan dag sendu vikingar sendimenn til friþar oc gengo a hænd kononge orostolaust. Þena sigr veite guþ af þenom Mar-

1 *necqua Cd.* 2 *evþspiallex Cd.* 3 *sliþe Cd.* 4 *scylde scyldi Cd.* 5 [*hafan Cd.* 6 *ipse Cd.* 7 *.xm. Cd.* 8 *rihtigere veita heidfe; donativum erogare militibus lat.*

tini, at eigi yrði hann sendr vapnlaus til orosto, þvíat þann sigr ate Cristr at veita riðera sinom, at aller sætesc ón mannfalle.

4. Síðan hvarf Martinus fra riðera syslo oc for i borg þa, er Pictauis heiter a Fraclande, oc sote heim helgan byscop þann er Hilarius het, oc var hann lengi með honom oc toe neqveriar enar minne vigslor, þvíat hann villdi eigi taka enar meire. Þa var hann mintr i draume, at hann færi til ættiarþar sinnar oc telpi þar tru fyrer frændom sinom. En byscop bað hann mioc, at hann seyldi aftr coma at lokenne syslo sinne. Martinus var hryggr, apr hann færi i for þessa, oc sagði brøðrom, at hann mœndi margar meingørþer taka i fôr þeire, sva sem síðan reyndisc. Þviat þa er hann for suðr of fiall, þa mæte hann illvirkiom, einn þeira reide øxe at honom, en annar støpvaði. Þa var hann tekinn oc bundinn oc seldr einom þeira til varþhalz. En sa leide hann fra auprom oc spurði, hverr hann være. En hann sagðisc cristenn vera. 15 Illvirkenn spurðe, ef hann hrødesc. En Martinus letzc alldregi ohrødare en þa, þvíat hann qvaze vita guðs miscunn því meire iver ser, sem freistnen var meire. En hann letzc meir harma illvirkian, er eigi var verþr miscunnar. Þa toe illvirkinn tru, es Martinus hafði lengi talet fyrer honom, oc læysti hann or bændom 20 oc fylgði honom a gæto, oc sa marger þann síðan i sipligo live. En er Martinus for fra Meilansborg of dag, com diofull a mot honom i mannz like oc spurði, hvert hann færi. En Martinus qvatse fara þangat, sem drotenn callaði hann. «Hvargi sem þu hverfr eða hnigr, qvat fiandinn, þa mun diofull standa at mote 25 þer.» Martinus svaraþe: «Drotenn bergr mer, eigi mun ec hrøpasc, hvatki sem menn gera við mic.» Þa hvarf ovinr o(r) auglite hans. En sva sem Martino sagði apr hugr, þa leysti hann moþor sina oc marga apra fra heipne i kenningom sinom. En pater eius hvarf eigi fra villo. En Arrius villa for umb allan heim. Þa reis 30 Martinus einn berliga i gegn otru kennemanna, oc toe hann af þeim margar meingørþer oc bardaga, oc var hann braut rekinn or borg, oc for hann þa til Langbarþa landz. Þa fra hann, at Hilarius byscop var rekenn fra byscopsstole sinom fyrer ofriþe villomanna, oc for hann þa til munclivis i Meilansborg, oc var þar 35 undz villomenn toco hann enn a braut þapan. Þa for hann til eyiar þeirrar es Gallinaria heitir, oc ein(!) heilagar(!) prestr með honom, oc lifðe neekveria stund við grasa røtr. En er Martinus fra, at konongr hafði lovat Hilario aftrecom til stols sins, þa for

hann norðr a Fracland efter byscope, oc toc Hilarius feginn við honom. Oc sete Martinus munclife scamt fra Pictauisborg.

5. A þeird tið com .i. primsignðr maðr til Martinus at heyra kenningar hans. En er þaþan liþo faer dagar, þa toc sa maðr
 5 brapa sot oc dó fyrr enn hann være seirðr. En Martinus hafði heiman faret oc com þa heim, er hinn var nyandaðr, oc stoþo muncar hryggver iver liki hans. Þa bað Martinus alla út ganga fra likino, en hann laue aftr durom oc fell a kne til bönar hia likino. En er hann hafpi lengi a bön veret, þa scilþe hann, at
 10 guþs crafr nolgapiþe, oc retese hann up af bön¹ oc beip misericordie dei. En er þapa(n) liþo tver stunder, þa hrørþise enn dauþe oc hóf up augo sin. Þa gorþi Martinus þacker guþi oc lau(c) up huseno, oc sæ aller þar livanda þann, er þeir baro dauþan þangat. Siþan toc hann seirn oc lifðe marga vetr siþan. Oc var hann it
 15 fyrsta vitne crapta Martinus. En hann sagþi sig vera leidan fra licam fyrer domstol ogorlex domanda oc dæmþan til myrera stapa. Þa como .ii. englar fyrer do(m)andan oc sogðo, at þar var sa, er Martinus (baþ fyrer). Siþan leido þeir ener somo englar hann aftr til licams, oc lifnaþi hann.

20 6. Enn for Martinus annan dag of aer eins aupex mannz, þess er Lupicinius het. Þa heyrþi hann grat oc horausti oc spurþi, hvi þat gegndi. En honom var sagt, at .i. þrell hafði hengþan² sic. Þa gec Martinns inn i hus, þa(t) er liket la, oc byrgþi uti alla aþra, oc var lengi a bön hia likino. En er hann reis af bön,
 25 þa lifnaþi enn dauþi oc leitapi við up at risa. Þa toc Martinus i hönd honom oc seti hann á fætr oc leide hann livanda út ór huseno i augliti allz lyðs.

7. A þeire tiþ var Martinus valþr til byscoþs i Turonsborg. En eigi var aupvelt at coma honom fra munclife sino, aþr .i.
 30 borgarmaðr fann þat raþ, at hann sagði sot kono sinnar oc baþ Martinus fara þangat. En er hann com til borgar, þa var þar mikill mannfiolþi saman comenn, eigi at eins þeirar borgar lyðr heldr oc af³ enom næstom borgom oc herþom, oc var einn vile
 35 þeir, er þvi mæto i gegn, oc fundo þeir þat til, at hann være liotr at alite oc illa horþr oc herviliga buenn, oc mæti hann af þvi eigi byscop vera. En þeir er heilli alit hefðo, hlogo at heimseo hinna oc qvaþo þa lova Martinum, þa er þeir villdo lasta hann, þviat þeir mato engva sanna aleitne finna i gegn honom. Sa byscop er

40 1 bön bön Cd. 2 hegnaþan Cd. 3 at Cd.

nemdr Defensor, er mest stoð i gegn alþýðo vilia of þetta mal. En hann varð þá þungliga fyrer rekinn með spamannz orðom, þvíat sa mate eigi til comasc fyrer þrong manna at lesa i otosengve, er lesa scyldi. Þá toc sveinn nocqerr up sáltera oc sǫng vers þat, er hann fann fyrst. En sva meler i verseno: Af munne barna oc u(n)gmennes gærðer þu þer lof, drotenn, i gegn ovinom þinom, at þu eydir (ovin) oc Defensorem. En er þetta vers (var) sunget, þa gærðise romr af alþýðo, oc scǫm(muð)use gagnmælendr, en allir tölþo at guðs raði þetta vers sungit, at ovinr þeira Defensor heyrði þetta [til vitnes] verx sins, en af ungmennes munne hævise lof 10 guðs iver Martino.

8. En síþan er Martinus toc byscops vixlo, þa helt hann eno sama litilleði i h(i)arta sem fyrr oc enom sama clæþabuninge. Oc var hann sva fullr af scynsemi, at hann varðveiti byscop(s) tign en tynde eigi munca sit. Hus ati harn afast kirkio necqeria stund. 15 En er hann leidesc alþýð(o) þys, þa færi hann hus sin .ii^{er}. milor fra borgenne. En sa staþr var sva miog af manna vege, at eigi þurpte annarrar einseto, þvíat þangat ma einom megin comasc of þrongva gæto mille fiallz oc ár þeirar er Liger heitir. Þar lét Martinus setia munclice sit, oc fylgðo honom þangat marger muncar; 20 .lxxx. voro lerisveinar hans, þeir er epter hans dǫmum lifðo. Aller hluter voro ællom sameigner, oc var ængom lovat þar at selia ecki ne caupa. Enge var (i)þrot ne sysla framet nema rit, oc gærþo unger menn einer þat, enn ener ellre tǫmþosc avalt til þonar. Falega gengo þeir ut or huse nema til kirkio, oc drac engi þar vin nema 25 siyer være. Flester voro þar harelþom scrydir. Þeir urþo marger þar síþan byscopar, því at æll þioð villde helzt velia ser kennimenn yr munclici Martini.

9. Staþr var .i. scant fra Turonsborg, sa er menn hugðo helgan vera af greþtri guðs vata, þvíat ener fyrre byscopar leto 30 þar kirkio gæra oc altare. En Martinus spurpe ena ellzto kennimenn bæði at tið oc at namne pislarvata þeira, er þar voro grafner. En er þeir visso eigi scyrt at segia honom, þa sa hann við at coma til þess staþar, oc leitaþe eigi a alþýðo síþ, þvíat hann vise eigi et sanna, oc (eigi) veite hann þeim fullting, at eigi efdi 35 hann villlo. Þa for hann of dag með fa munca til þessa staþar oc stoð lengi fyrer altare oc bað guð, at hann syndi .honom, hverr þar være grafinn. Þa leit (hann) til vinstri handar standa leipilegan scugga, oc baup hann honom at segia namn sit oc verþleic. En

(sa) sagðise veret hafa þiofr oc drepenn fyrer glæpi sina oc eiga ecki sameign með helgom monnom. Þessa røð heyrðo aller, þeir er hia voro. En Martinus einn sa þann er mælte, oc sagði hann hvat hann sa, oc let braut taca altari, þat er þar var, oc leysti
5 lyð fra villo.

10. Enn mæte Martinus of dag monnom þeim, er liki heipens (mannz) fylgþo til gravar, oc nam hann staþar, er hann sa mart lip fara, oc visse eigi, með hvat þeir foro. En er hann sa, at vindr hræpi duca iver likino, þa hugði hann, at blotmenn
10 være, þviat þorpkarlar voro vaner oft at bera scurþgot hvitom ducom hulet of acra sina. Þa gærði (hann) crossmarc a mót þeim oc bað þa hrérasc (hverge) or stað, áþr þeir legði byrþe sina. Þa stirþno(þo) þeir fyrst sem steinar. En er þeir leitubo víþ at hrérasc, þa snorusc þeir i hring oc mato eigi framar ganga, unz
15 þeir logþo niþr likit, oc sa hverr til annars, oc visso eigi, hvat þeim var orþet. En er Martinus sa, at þeir foru með lik en eigi með blót, þa gærði hann cross efter þeim oc gaf þeim leyfi at fara með liket þangat sem þeir villdo.

11. Enn villde Martinus hægga blottre up eit a næqeriom
20 bæ, en heipner menn riso i gegn oc léto hann eigi hægga treet. En hann talþe fyrer þeim oc qvat eigi goðdom vera i tre heldr diofla blot, oc qvat hann þeim heldr fallet at þiona himnaguþi, sem hann leze þiona. Þa svarapi .i. þeira, sa er diarvastr var: »Ef þer er næqvert traust i guði þinom, ðeim er þu þionar, þa munom ver
25 sialfer hægga treet, en þu tak vit þvi, es þat fellr, oc mun þic þat eki saka, ef guð þinn es með (þer), sem þu segir.« En hann het þeim þvi ohreðr at gæra þat, er þeir beido. Þa urþo þeir aller sater a þenna maldaga, oc virdo þeir litels scaþa tresens, ef þeir felldi þvi ovin blota sinna. En treet var hallt a einn veg, svat
30 einsynt var, at þangat munde falla, oc bundo þeir Martinum þar undir treno, oc hyggio(!) þeir sialfer oc voro glæper. En muncar stoþo langt fra oc greto oc væto eigi lifs Martino. En er treet brast oc reiþ ovan at hefði honom, þa gærði hann crossmarc a mót þvi oc hafði traust allt i guði. Þa fell treet af þvero fra Martino,
35 sva sem vinnde lysti a mót, oc var at comet, at næqverer menn myndi verþa fyrer treno, þeir er áþr þotoz i eoruggom stað vera. Þa toco heipner menn at undrasc tæcn. En muncar feldo tár pro gaudio, oc lofuþo hvarertveggio nomen Jesu Cristi, oc var mioc sva engi efter af þvi liþe, sa er eigi tæki tru oc hafnapi blotum.
40 En áþr Martinus qvæmi þangat, þa voro faer eþa enn helldr engver

heraðsmenn, þeir es kynni namn Cristz, en af hans croptum oc dæmom efdese trua, svat nes hvert (oc) herað (var) kirkna fult eða munclifa, þvíat þar es hann braut hof, þar let hann kirkio gera eða munclifi setia.

12. Slican crapt synd(i) Martinus enn a annarre tíð, þa er hann lagðe eld i hof a næqveriom bæ; þa laust eldi i hus þat er nest var hofino. En er Martinus sa þat, þa ste hann up a huset scyndiliga oc rann a mot eldinom. Þa mate þar lita sialdsena orostu, er þeir elldr oc vindr gengosc at mote, oc gerdise sva af crafte Martinus, at eldr vann þat eit, er honom var boðet at vinna. 10

13. Enn villdi Martinus briota et blotaupgasta hof a øprom bæ, oc reis i gegn honom micell folpe heipenna manna oc roco hann a braut með micelle meingeyrþ oc bardægom. Þa for hann þaðan til nalegs staðar oc serydisc harelepe oc fastaði .vi. dægr oc bað, at guðs craftr bryti hof þat, er hann mate eigi briota fyrir 15 ofrike manna. Þa syndise honom .ii. englar sva sem riðerar vapn-aðer oc scialdaðer oc letosc sender af guði at veita lið Martino oc stöðva heipenn lyð, at enge rise i gegn honom, meðan hann bryti hofet. Þa hvarf Martinus aftr til beiar oc braut hofet alt til iarþar oc øll scurþgoð oc stalla, er þar voro, at augsiendom 20 heipnom mönnum, es hia voro. Þa scilþo þorpcarlar sic vera stöðvaða af guðs crafte, at eigi berþiz þeir lengr i gegn byscopi, oc toco mioc sva aller tru oc neito scurþgoðom, þeim er hvartki mego biarga ser ne øprom.

14. Þat var enn er Martinus braut hof a einom bæ, at 25 heipner menn riso i gegn honom; .i. þeira, sa er diarfastr var, bra sverpe oc villde þegar hoggva Martinum. En er hann reide sverp at Martino, þa fell hann openn oc varþ hrædr fyrir guðs crapte oc bað ser lienar.

15. En bræt Martinus scurþgot i øprom stað, oc villde .i. 30 heipenn maðr leggja saxe a honom. En (er) hann lagðe því fram, þa fell saxet or hefte oc fannze alldregi. Oft gat hann sva talet fyrir heipnom monnom, at þeir bruto sialfer scurðgot sin, þau er þeir bønnofu honom apr at briota. Sva var hann matogr at grøpa siuca, at enge com sva siuer til hans, at eigi tæki þegar 35 heilso sina.

16. I borg þeire er Treveris heitir, var mærl siuc¹, su er sic hafði til enskes hrørpa lengi, oc var mioc sva dauð at øllom licam. En frændr hennar stoðu þar hryggver oc biðu anlatz (hennar), þa

er sagt var, at Martinus var comenn til borgar. En er þat heyrþi pater meýiar, þa rann hann þegar til kirkio oc fell til fota Martino, oc mælte: »Doter min deyr vesalegom dauða, oc er þat dauða verra, at ande er i briosti henne, en lica(m)r er
5 mior sva dauþr.. En ec biþ, at þu comer oc bletzer hana, oc vëti ec, at hon mune af þer heilso taca.» Martinus svarði oc qvat inn gamla mann eigi virða ret, oc talðesc hann overþr at geta iarteinir at guði. En pater meýiar bað ðess at meirr, at Martinus vitiáþe hennar, oc baðo með honom byscopar, þeir er þar stoþo
10 hia. Þa for Martinus til husens, en margr lýðr stoþ fyrir durom husens oc beiþ ðess, er guþs þrell hugði at gera. En hann fell til bönar fyrst, sem hann var vanr i slicha þurpt. Síþan vigði hann vípsmior oc helkti i munn meýionne, oc toc hon þegar mal sit. Þa toc allr lica(m)r hennar at styrkiase, sva sem hann for hændom
15 umb; unz hon reis up heil oc stoþ a fotr sina.

17. A þeire tið orþesc þrell hofþing(i)a ðess er Tetradius het. En er Martinus var beþinn at bletza þann, þa bað hann leiða til sin en oþa. En ohreinn andi let eigi braut leiða en oþa, heldr
beit hann til þeira, er taca vildo hann. Þa fell Tetradius til
20 fota Martino oc bað, at hann qveme sialfr til ens oþa. En Martinus letze eigi fara mundo til hus heipens mannz. Þa het Tetradius at taca tru oc scirn, ef þrellenn yrði heill. Þa for Martinus oc rac ohreinan anda fra sveininom. En Tetradius toc scirn oc lagði ast a kenningar Martini oc iarteiner.

18. Þa er Martinus gec inn i hus næqers buanda of dag, þa stoþ hann a þresk(e)ldi oc letze sia hrepiligan dioful i sciðgarþe oc baup honom braut at fara. Þa orþe [ohreinn ande i. þion, er a geto hans varþ, oc toc sa at gnista tønnom oc bita til þeira, er fyrer honom urþo, oc hrædoz aller við hann oc flyðo. En Mar-
30 tinus gek a mot honom, oc nam hann staþar. En inn oþi for i mót með gapanda mun. Þa reti Martinus fingr sina i munn honom oc mælte: »Bitu fingr þessa, ef ðu mât næqvæt.« En hann gafði(!) munni þess at meirr, sem hann tæki við heito iarne, oc þorðe eigi at bita fingr hans. En er Martinus neodi(!) ohreinan anda
35 braut at fara fra enom oþa, ða for hann með valldgange, þviat honom var eigi lofat ut at fara or munne.

19. Þa er Martinus com til borgar þeirar er Parisius heitir, þa mæti (hann) lieþrom manne, oc ey(s)te hann oc blezardi honom. Oc varþ sa þegar heill oc com til kirkio annan dag efter oc gerði

þacker guði fyrir heilso sína. Þat er oc sagt frá Martino, at siukir menn finga oc heilso sína oft, er þeir snurto við trefr af cleðom hans.

20. Arborius het greife, trúr maðr oc vitr. En doter hans [hafðe riðosott.¹ En rit Martinus hafði þangat comet litlo apr. 5
En er (sottin) com at meyionne², þa lagðe Arborius ritet iver briost henne, oc hvarf ðegar soten frá henne. En Arborio þote sva micels vert of iartein þessa, at hann hét guði meydome hennar, oc for þegar sialfr³ at færa hana Martino, at hann vigðe hana til nunno oc seryði hana meydoms scrufe. 10

21. Paulinus het maðr, sa er auga síns annars hafðe mist i sot. Þa dro Martinus fiopr iver augo hans, oc nam þegar allan vere or augom hans, oc toe hann sion oc varð síþan trumaðr micell.

22. Maximus (var) sigrsell⁴ i orostom oc sva ríkr oc dramlatr, at engver kennimenn ne byscopar þorðo i gegn honom at 15
mæla ne hirðmonnom hans nema Martinus einn, er postola crapt hafði i ser, þviat ef hann vilde konongenn næcquers beiða, þa bauð hann þat scyldlega heldr en hann bæði, oc sa hann við at coma til borps með honom, þot konongrenn byði honom heim með ser, oc qvað ser ofallet vera at blanda mætuneyti við ðann, er annan 20
konong hafði felldan en annan flæmðan ór lande. En Maximus svaraði því, at (hann) tæki eigi konongdom af fyse sinne heldr at raþe landzmanna, oc letze hann scylldr at veria land⁵ sit, oc qvað hann eigi guðs vilia horfinn frá ser, þar er hann hafðe gagn haft i þeire sócn, (er) enge væte⁶ honom sigrs. Af slicom orþom epa 25
bénom konongs for Martinus of dag til hallar konongs, oc varð hann glaðr, es hann gat þat at honom. Gæfgom mönnum var bopit sem at hatið. Þar var inn retlatasti iarl Euodius oc .ii. ener æzto rikismenn br(o)þer konongs oc fopurbroþer. En a mille þeira sat prestr Martinus, en hann sat sialfr³ a stoli fyrir kononge. 30
Þa var kononge forþr dryckiarbolli. En hann mælte við ðionenn, at fyrr scyllde selia bollann Martino, þviat hann var fuss at taca dryccio af hendi heilax mannz. En er Martinus hafði drukit, þa selldi hann preste sinom bollann, oc virde enge annan meira ne maclegra at taca við drykio hans en kennimann. Þessa tiltækio⁷ 35
unndraþez konongr, oc aller þeir es þar voro, oc varð ðeim Martinus típr af ðvi, er hann gerði þat i konongs hell, en engi byscop hafði sva gert við ármenn hans. En hann sagðe Maximus fyrir

¹ [rettet; hafðo sot Cd. ² rettet; meionne Cd. ³ ipse Cd.

⁴ sigrsellr Cd. ⁵ landz Cd. ⁶ vate Cd. ⁷ tiltelkio Cd.

oorðna hluti, at ef hann villde fara til Langbarða landz, sem hann fystesc, oc eiga orosto víþ Valentianum konong, at hann mende sigr hafa i enne fyrsto soen, en falla i annarre litlo síparr. En þvi gec sva efter, sem Martinus sagði, þviat Valentianus flæði ur
5 enne fyrre orrosto. En er vetr var a mille, þa samnaði Valentianus lífe oc com a ovart oc felldi Maximum.

23. Clarus het ungr prestr, sa er scilþesc víþ alla eigo sina oc gærðisc leris(v)einn Martinus oc varþ a scamre stundo algærr i allom goðom craptom ennar hæsto tru. En hann ate hus scamt
10 fra munclice Martinus, oc voro með honom marger brøþr. Þa com til hans .i. ungr maþr, sa er het Anatholius, oc sagðisc muncr vera oc syndi sic litelatan i augliti manna. En er hann hafði þar necqeria stund veret, þa sagði hann engla guþs coma til sin oft oc mela víþ sic, oc syñdi hann þat með necqeriom iarteinom, unz
15 sumer truþo. Þa sagði (hann) sva, at englar fære hvern dag a mille hans oc guþs, oc talþesc hann vera .i. af spamonnom. En Clarus trupi alldrege orþom hans. En Anatholius ægþi honom guþs reiþe oc vite, ef hann villde eigi trua orþom sva heilax manz, oc sva melte hann of síþer: »Þessa not mun drotenn senda mer af himne
20 hvit clæpe, oc seal þat vera yþr tacn, at ec em i guþs crapte, er ec em serydr guþs clæpe. Þa varþ ofrom micel forvitne a at reyna þetta tácn. En er at miþre not com, þa þote scialva allr claustragarð(renn), oc var set oft líós til cliva þess, er inn unge maþr var í, oc var heyrðr þangat sva sem þyss rennanda oc romr margra rada. En er cyrdesc íver
25 þvi, þa gec hann ut or [clivanom] oc callapi þangat .i. af brøþrom oc syndi honom cyrtil þann es hann var serydr. En sa undraþisc oc heimte þangat fleire, oc helldo liose til oc lito a clæþit vandliga. Clæpe var blaut oc harðla [hv]it purpura glicast. En eigi scilþo þeir hverseyns þat var, oc þreifofþo þeir umb oc mato eigi scilia, at
30 annat være en clæpe. Þa eggiaðe Clarus brøþr at fara til bønar oc biþia, at guþ syndi þeim þetta scyrra. Þa varo þeir a bøn þat er neþr lifði. En er dagr com, toco þeir i hond Anatholio oc villdo leiþa hann fyrer Martinum. En hann brautse við, þvi at (hann) qvat ser bannat at syna sic Martino. En er þeir neydo
35 hann at fara, þa hvarf et hvita clæpi allt yr høndom þeim, þviat diofull þorði eigi at syna Martino sionhverfing sina.

24. Þess er oc getanda, með hverso micelli vël diofull freistape Martinus of dag, þa er hann var a bénom .i. i huse sino, þviat sløgr freistari hulþi ilzco sina með flærþsamligo liose oc synd-
40 ise Martino biartr oc bliþr i alite serydr konongseruþe oc hafð(i)

corono yr golle oc gimsteinom. En er þeir höfdo lengi þagat
 þaþer, svat hvargi qvat orð at æþrom, þa melte diofull fyrri:
 »Kenner þu, Martinus, þann er þu ser nu? Cristr em ec, comenn
 til iarþar at synasc þer.« En er Martinus svarapi eigi, þa endr-
 nyiapi diofull dirfþ sina oc melte: »Martinus, hvat ifar þu at trua 5
 þvi, er þu ser? Cristr em ec.« Þa scilþe Martinus de spiritu
 sancto, at diofull var en eigi guþ: »Dominus Jesus Cristus dixit
 sic eigi coma mundo með konongscrufe ne golle; ec mun eigi trua, at
 Jesus come, nema með crossmarke sia ec hann, oc i þeire asionu
 oc buninge sem hann var pindr.« Þa hvarf ovinr or auglite 10
 hans sva sem reyer. En sva illan daun gerði efter i huseno, at
 þa var iflaust, at diofull hafði þar comet.

25. En(n) for Martinus of byscopsyslo sina a næcquere tíþ,
 sem vanþi er byscoppa, oc toco við (honom) kennemenn a bæ einom
 oc biuggio(!) rekió hans i huse þvi, er nær var kirkio, oc höfðo 15
 þeir gervan elld mikinn aþr i huseno, þviat frost var. En er
 Martinus villde fara at sofa, þa sacapesc hann við blautleic rekió
 sinnar, þviat muncar höfþo borit margan halm unndir hann. En
 hann var vanr at hvila a berre iorþo, svat harelæþi eit var undir
 honom. Þa varp hann undan ser halmenom øllom, en hann hvillde 20
 a iorþo berre, sem hann var vanr, oc sofnaði brat, þviat hann
 var farmoðr. En halmrenn, es hann hafði castað undan ser, fell i
 gøgnom golfðiles røfar i ofn, es undir var, oc festesc þegar eldr i
 halmenom, oc toc huset 2 at loga. Martinus vacnaþe oc rann þegar til
 dura, er hann sa elldenn, fyrr en hann mintesc bønar, oc villde 25
 lata loco fra hurþo oc mate eigi. En elldrenn soti hann sva mioc,
 at fæt hans brunno. Þa minntesc hann, at eigi (er) traust i flota
 helldr i guþi, serydi hann sic tru scillde oc hvarf inn i logann
 til bønar. Þa stopvaðisc elldrenn þegar oc grandaþe honom eigi.
 En er muncar sæ huset loga, þa bruto þeir dyrren utan oc fundu 30
 Martinum heilan standa a bénom i ellde. En hann sagði sva sipan, at
 þa være (hann) mest teldr af diofle, er hann gaþe eigi bœna traust
 fyrer hrözlo, oc letze hann kenna hita af elldenom, meðan hann
 hrødise oc villde ut briotasc, en þegar er hann gorþi .†. mare oc
 toc bœna traust, þa sagði hann sva, at hann kendi eigi hita af 35
 elldenom sipan.

26. Martinus for enn of dag til kirkio oc mæte clæþlausom
 manni i froste miclo. [Sa baþ Martinum gefa ser clæþi noccot].
 Þa heimti [Martinus þangat diacu] sinn oc bað hann selia clæþi

enom calna. Síðan gec Martinus inn i kirkioscot oc sat þar einn saman, sem hann var oft vanr a mille tíða, þa er aprer kennimenn foro hverr til sinnar syslo. En er diacnenn dvalþe at geva clepi enom valaþa, þa com hann þangat i scotet¹, er Martinus sat, oc sagðesc calenn vera, en diacnenn seinan at gefa honom cleþet. 5 Þa for Martinus þegar² or cyrtle sinom under capo leynilega, svat inn valaþe sa eigi, oc seldi honom cleþit oc baþ hann braut fara. En diacnenn com litlo síðar oc qvat mal vera at syngia messo, þviat lýðr beiþ hans i kirkio. En Martinus svaraði: «Eigi ma ec 10 til kirkio fara, apr inn v(al)aðe hevir clæþit.» Diacnenn scilþe eigi, at Martinus sagði fra ser siolfom, þviat hann sa eigi, at Martinus var cyrtelslaus undir capo, oc spurði, hvar inn valaþe være. «Sele mer clæþet, qvat Martinus, til mon inn valaðe at piggia.» Þa reidesc diacnenn oc toc loþolpo necqeria stuta svarta 15 .v. peninga verþa oc castaþe fyrer fœtr Martini oc melte? «Her er nu clæþet, en ec se eigi enn valaþa.» Þa bað Martinus diacnenn ut ganga oc biþa hans fyrer durom, þviat hann villde eigi sia lata sic, meþan hann føre i clæþet, til þess at leynasc meþe þat er hann hafði gevet. En goð verc heilagra coma up, þot þeir vile 20 leyna, þviat Martinus for at syngia messo i þvisa clæþi. En a þeim dege þa er hann blezaþe altaresforn, þa vitraþesc eldr iver hæfði honom, oc syndisc sem har hans retesc a mot elldinom. Þat sa mæR ein oc prestr einn oc muncar .iiii. En ver dæmom eigi of þat, hvi aprer mato eigi sia.

27. Evantius het maþr, sa er mioc var bunndenn i veralldar syslom oc þo vel truapr. Hann toc sot micla oc sendi orþ Martino, þa er hann la hætr. En hann for þegar oc dvalþe eigi. En apr Martinus qvæmi mipleiðes, þa kenndi inn siuki craft hans oc toc þegar heilso oc rann þegar a mot Martino oc baup honom heim met 30 ser. En annan dag eftir þa hafði hoggormr særþan .i. þrel hans dauþligo sare. En Evantius fann þrelinn sialfr mioc sva eyrendan oc bar hann a øxlom ser oc lagði fyrer Martino. Þa hafði eitr comet of alla liþo sveinsens, oc var hann blasenn sem belgr. Martinus for hondom of allan [licam hans oc sete] fingr sinn fyrer 35 saret, er ormrenn hafði høgvit. Þa sote eitr oc þrote or ællom liþom hans þangat til fingrar Martini. En er hann leti fingri fra sareno, þa spreñdi or boge eitrs oc blops. En sveinnenn reis up heill, oc lofuþo aller guþs craft, er þetta taen sæ.

28. En(n) for Martinus of dag cum discipulis suis, oc ato

40 1 scootet *Cd.* 2 þgagar *Cd.*

þeir dvel næqceria, en hann for .i. fyrer, unz leite bar a mille. En aubrom megin leitesens foro¹ caupmenn með clyfiaða hesta oc asna. En er þeir sa Martinum i lofno cleþi s(v)aurto, þa undose hestar af gæto oc væðose i tæmom oc gærþo fartalma caupmennom. En þeir reidose oc hliopo af hestom oc bærþo Martinum með svipom oc stængom. En hann hafði þolinmæpe oc var sva sem omale fyrer þeim. En þeir bærþo hann þess at meirr, er þeim þoti sem hann kendi eigi bardagans. Þa como lerisv(e)inar hans efter oc fundo hann saran oc bloþgan liggia a iærþo, oc hofo² þeir hann up á asna oc foru braut scyndiliga. En caupmenn hurfo¹⁰ aftr til hesta sinna oc villdo snua aleipes for sinne. En hestar þeira varo orþner sva stirþer sem iarþfastir steinar oc máto hverge hrærase or stað. Þa bærþo þeir hest(a)na fyrst svipom, meðan þær unno, en siþan hiuggo þeir vando oc stangir i scoge oc keyrðo hestana með því, oc stoþo þeir ðo fastir i sama stað sva sem¹⁵ liceske. Þa visso caupmenn eigi, hvat þeir scyldo gera, þvíat ða scilþo þeir, at guþs craptr hefti fœr þeira. Þa viteþose³ þeir of siper oc spurþo menn, er þeir hito, hverr sa var, er þeir hæfðo barþan⁴. En er þeim var sagt, at þeir hæfðo Martinum barþan, þa ðote øllom einsæt, hvers þeir gulldo. Oc runno þegar scyndilega efter²⁰ Martino oc scommoþose sin oc greto oc ióso moldo i hæfot ser oc fello til fota Martino oc baþo miscunnar, at hann léte þa fara leipar sinnar, oc tæþose þo þess verþir, at iorþen spryngi eþa rifnaþe undir þeim, eþa þeir stirþnaðe heldr sialver, sva sem þa varo hestar þeira stirðnaþir, oc leto þeir þat sialf(t) vera ser ørna²⁵ pisl, er þeir visso efter ser glœp slican. En Martinus veiti þeim þegar miscunn oc blezaþe þeim, oc riþo þeir siþan leiþ sina.

29. En for Martinus hia bæ næqeriom fiolmennom of dag, oc com lið mikit heiþinna manna a mot honom, þvíat engi maþr cunne Crist a þeim bæ. En þa var morgom forvitni at (sia) Martinum,³⁰ þvíat þeir heyrþo mart ogorligt sagt fra honom. Þa toc Martinus at boþa heiþnom mönnom guþs orþ, oc comse hann við af øllom hug, es sva micell mannfiolþe scyldi eigi cunna scapara sinn. Þa gec fram kona næqver oc hafði i faþm lic sonar sins nyandaþs oc mælte við Martinum: «Vitom ver, at þu ert vinr guþs, gialtu mer³⁵ einga son minn, er ny(!) er dauþr.» Þa hurfo at fleiri oc baþo með henne. Þa sa Martinus, at hann myndi geta taen at guði morgom til hialpar, oc toc hann við liceno oc fell a kne til bœnar. En er hann reis up af bœn, þa selldi hann svein livanda moþor

¹ faro Cd.² hafo Cd.³ vitroþose Cd.⁴ barþar Cd.

hans. Þá colluþo aller einne roddo oc ioto guþi Criste, oc letose a einn trua. En Martinus primsignde þa þegar a þeim velle, er þa varo þeir, en scirþe þvi næst.

30. A þeire tíþ er Martinus var litlo apr til byscops tekinn, þa ate (hann) fœr til konongs hallar. En þa rep Valentinianus Syrlande. En er hann visse, (at) Martinus mœndi þess biþðia, er hann villdi eigi veita, þa let hann byrgia hallardyr fyrer honom. En þat ioe dramb hugar hans, er hann ate kono þa er (i) Arrius villo var, oc snere hon hug hans fra allre vinoto Martini. En er
10 Martinus com of sinn eþa tysvar oc naþe eigi male konongs, þa rann hann til ens visa traustz oc serydisc harclæþi, oc var a bonom netr oc daga oc fastaðe. En a enom .vii. dege syndisc honom engell guþs oc baþ hann fara til hallar ohrœdan, en hann letze mundo up luca durom oc myqva hug konongs. Þa for Martinus
15 til hallar meþ engels trœsti oc com at opnom durom oc gec inn, svat engi bannaþi, unz hann com fyrer konong. En er konongr sa hann, þa gerstesc hugar hans, oc gœrþe hann eigi up risa ne luta byscope. Þa com elldr under stole konongs, oc brunno neþan fœt hans. Þa reis hann up af stolinom neþogr oc laut Martino oc
20 hrœdesc craft guþs, þann er hann hafði apr fyrerlitenn. Oc beif hann eigi orþa Martini, heldr veiti hann, apr hann vœre beþenn¹ þat, er hann visse at Martinus vilde biþia. Oc bauþ oft Martino til borþz meþ ser oc vildi gefa honom margar giafar. En hann geyrþi við engom taca.

31. Claudiomacus² het bœr scamt fra Turonsborg, oc er nunnosetr i þeim bæ, þar hafði Martinus gisting a næqverri tíþ. En er hann var braut farenn, þa gingo meyar inn i hus þat, er hann hafði veret, oc laso up halm þann allan, er hann hafði under
30 hafðan ser, oc scifto meþ ser sva sem helgom dome. En er faer dagar liþo þaðan, þa [bat] ein þeira a hals ópom manne halm þann, er hon hafði ser hirðan fyrer helgan dom, oc varþ inn oþe þegar heill.

32. Þa er Martinus for fra Treverisborg, þa com a mót honom cyr oþ af diœfle, su er hliop³ fra netom oc stangaði menn, ef fyrer urþo. En er hon com til Martinus beliandi, þa gœrþi
35 (hann) crossmare a mot henne oc bað hana stað nema. En er hon nam⁴ staþar, þa sa Martinus dioful sitia a baki henne oc melte: «Far braut þu ovinn fra smala manna oc qvel eigi meinlaus cyqvende!» Þa flyði illgiarn andi. En kyryn scilþe, hverr hana

¹ beifenn *Cd.*² Claudiusmacus *Cd.*³ hliof *Cd.*⁴ namn *Cd.*

græde oc fell til fota Martino. En hann blezaþe hana oc baþ¹ aftr fara til hjarþar oc vera alldregi síþan ohøgja.

33. Enn møte Martinus veiðemonnom of dag. Hundar helto(!) hera a viðom velle, oc var heranom at comet, at hann mondi tekinn verþa, oc dvalþe hann dauþann i vecvingom². Martinus sa ærmo a heranom, þviat hann var harmvitegr(!), oc bauþ hann hundom at standa oc lata hera braút fara. Hundar namo stað þegar, sem þeir väre bunner eþa en heldr iarþfaster. En here forþaþesc.

34. Naupsyn er at geta naeqvat, hvilic varo orþ hversdagleg Martini, þviat þau varo full anlegrar speke. Sauð nycliptan sa hann of dag oc melte: «Sia sauþr fylldi evangeliu bopord, hann hafði .ii. cyrtla oc gaf annan þann(!), er eigi hafðe; geyret þar efter.» Enn sa hann of dag svinahirþe i scinnfotom oc melte: «Þvilic var Adamr i scinnfotum braut rekinn or paradiso. En ver scolom leggja niþr inn forna Adam, er sia merker, en scryþasc enom nyia Adam, þat er Cristr.» Þar com Martinus enn, er naut bito a velle, en svin rotopo i støpom, en i støpom var blomgaþr vøllr af enom fegrstom grösom. «Se her gliking lifs manna, qvat Martinus, hiuscap³ merker sia hlutr vallar, es smale hever af bitet et fegrsta, oc er þo gras eftir; en sa hlutr, er⁴ svin hafa umb snuit, merker hordom; en sa hlutr, er scinn i þlloim blomom oc enom fegrstom grösom, merker meydoms dyrð, sa er eki ma annat viþ iamnasc. Sva sem þeir villasc mioc, er hiuscap iamna við hordom, sva ero þeir oc heimsker, er hiuscap iamna viþ meydum. En spaker menn gera þa grein, at hiuscapr ser til licnar, en meydumr cömr til dyrþar, en (hordomr) horver til pislar, nema i verbot hreinse.

35. Riþare næqverr com til Martinus oc gorpisc muner oc setesc i einseto. En kona hans var [oc vigð⁵ til nunno. En slógr freistare talþe þat i hug riþerans, at hann⁶ fystesc þess, at kona hans väre þar i einseto með honom, oc baþ hann Martinum leyfa ser þat. En Martinus svaraði oc qvat eigi munke soma at hafa samvisto viþ kono. En riþ(ar)enn baþ þess oft oc qvat eki⁷ samvisto þeira mendo granda göpri fyrerætlon, þar er hann var vigðr til munes en hon til nunno. Þa svaraðe Martinus: «Segðo mer, ef ðu vast naeqvat i orrosto?» En hann svaraðe oc letze oft veret i orrosto. Martinus melte: «Satu næqveria kono i orrosto,

1 bar *Cd.* 2 crebris flexibus *lat.* 3 hiuscapr *Cd.* 4 en *Cd.*
5 [ovigð *Cd.* 6 hans *Cd.* 7 mundo *tilf. Cd.*

þa er menn hiuggosc til eþa scutose?» Þa scamðesc(!) riþarenn oc fann, til hvers Martinus spurði þessa, oc þaccaði hann þat, er honom var eigi veit villa hugar sins, oc hann var eigi acafliga avitaðr heldr hirtr með scynsamlego dæme, því er riþare mate
5 aupvelliga of seilia.

36. Tveir lerisveinar Martini, Gallus oc Sulpicius, varo stadder of dag fyrer durom, þar er Martinus var einn inne, oc visse hann eigi, at þeir stopo fyrer durom, þvíat hurþ var aftr. En er þeir hæfðo þar stapit næqveria stund, þa heyrþo þeir manna mal inn i
10 huset oc namo þeygi orþa scil, oc var þeim ogn at því micel oc þotose vita, at næcqe mielo mondi gegna. En efter .ii. stundir dax gee Martinus ut. Þa for Sulpicius þegar til mals við (hann), þvíat honom þote delst við hann, oc spurði, hvat tacnaþi sa romr manna mals, er þeir heyrðo baþer i huseno. Martinus frestaþe
15 lengi at segia. En eki var þat, er eigi gæti Sulpicius at honom, ef hann vilde biþia. «Segia mon ec yer, qvat hann, * en ec biþ, at iþ segit engom: Maria oc Agnes oc Tecla melto við mic.» Þa sagði hann oc alit þeira oc buning, oc qvat hann þer eigi at eins coma þann dag sin at vitia heldr myelo oftar. Petar oc Pol
20 postola letze hann oft sia. Dioflar como oc stundom at freista hans i ymsom lic(i)om, oc allra ofast i like Þors eþa Oþens eþa Freyio. En Martinus hafði crossmare at scildi við allre freistne þeira. En hann kende þa, i hverionge likio(m) sem þeir varo, oc nemndi hvern þeira a namn oc fec hveriom þeira þa qvedio, er
25 (þeir) varo verþer: Þor callaþi hann heimscan, en Oþen deigan, en Freyio portcono. Engla guþs sa hann oc oft, oc melto þeir við hann oc sogðo honom fyrer oorþna hluti.

37. Kennimanna fundr var i einhveriom stað, oc for Martinus eigi þangat, en þo villdi hann vita, hvat þar gærþisc. En
30 þann dag for hann a scipe oc sat i stamne einn saman, sem hann var vanr at leita ser einseto. Þa syndesc engell guþs oc sagði honom alla hlute, þa er gærþose a kennimanna funndenom. En er at var spurt, a hverre tíð kennimanna fundr sia hafði veret, þa reyndisc sva, at a þeim dege hefðe kennemanna fundrenn veret,
35 sem engell vitraþesc Martino, oc þeir hluter a því mote gærver oc mæltar, sem engell sagðe.

38. Enn com maþr til Martinus með dotor sina .xii. vetra gamla, en hon hafði alla ævi omala veret, oc baþ hann Martinum, at hann gevi henne heilso. En Martinus visaþe henne til byseopa

þeira, er þa varo þar með konongenom, Valentinianus oc Victricius, oc qvat þa heldr en sic slicar iarteiner mega gora. En þeir báðu með honom, at Martinus veiti þat, er hann var beþinn. Þa dvalþe Martinus þat eigi at veita millde, er hann hafði aþr synt liteleti, oc bað ut ganga allan lyð annan, nema þeir varo efter faðer meyar 5 oc byscopar, þa er Martinus fell a kne til bænar. Síþan vigðe hann víðsmior oc hellte því i munn meyionni oc spurðe hana, hve faþer hennar heite. En hon sagðe þat ðegar scyrt. Faþer hennar varð fegenn oc fell til fota Martini, letzc þessa rod dotur fyrst heyrð hafa.

39. Kona eins rikismanz sendi Martino víðsmior at vigia i glerkere, þat er hafa þurfti við morgom meinom eþa sotum. En er hann vigðe víðsmioret, þa sa prestur er hia stoþ, at þat ox undir blezon hans. Oc helt sa crafter blezonar oc víðsmiors vœxt, unz þat com heim til kononnar. Oc var þa glerkeret fullt, er aþr 15 var oc hafði þo runnit iver keret oc slagnat a clæpi þess er með for. Glerker fullt víðsmiors þess, er Martinus hafþe vigt, var set yver glugg. En sveinn næcverr svipte duki þeim er iver var breidr, oc visse eigi hvat under duginom var. Glerkeret fell a steina, oc brotnaþe eigi heldr en þat felle a enn 20 blautasta dun, oc slagnafi eigi niþr víðsmioret. Þetta varþ eigi af at-burþ heldr af crafter Martini, þvíat bletzon hans mate eigi fyrerfarasc.

40. Lærisveinar Martini foro of þæ næcvern of dag, oc hliop at þeim hundr olmr oc go. Þa mælte einn þeira: «I nafne Martini byð ec þer at þegial!» Þa ðagna(ðe hundr), svæ sem tunga 25 være scoren or hefði honom. Eigi at eins vann Martinus sialfr tacn, helldr gærðo oc aþrer marga hlute i namne hans.

41. Avicin(i)anus het iarl-grimr oc drapgiarn. En hann com of dag i Turons borg, oc varo i fær hans bandingiar marger, er hann hafðe fyrerdemþa til draps eþa til meidingar. En er Martinus 30 fra þat, ða for hann þegar nær miþre not til husa ens grima iarls. En þar svafo allir, oc varo hurþer aþr. Þa stoð Martinus fyrer durom a bénom. En er Avicinianus var sofnapr, ða vacþe engell guþs hann oc mælte: «Þrell guþs liggir fyrer durom þinom, en þu sefr.» Þa vacnaþe iarl oc callaþe þrel sinn oc sagði, at Martinus 35 var ute fyrer durom oc villde inn ganga. En þrell var syfiapr oc lauc inne iþre einne hurþo up. En er hann heyrði til enskes, þa hlo hann at drotne sinom oc qvat hann tolldan vera i dróme oc let engi mann vera fyrer durom, oc qvat eigi mondo kennimenn vaca vilia of nœtr. En þat var øþvelt at telia fyrer Aviciniano, 40

oc somnaði hann i annat sinn. Þá com engell at honom oc barðe a honom oc qvat Martinum standa fyrer durom. En er þrælur dvölþo at fara, þá reis iarl up sialfr oc lauc up durom oc fann Martinum oc mælte við hann: «Ecki er scylt at mæla við mic, veit
5 ee, hvers þu fysest, farðu oc hafðu þeget þat er (þu) biðr, at (eigi) fyrerfare mer guðs reiðe i hemnd þinne. Oc matu þvi trua, at nu hefi (ee) lit scelför veret, apr ee færa sialfr til mals við þic.» Þá let iarl þegar leysa bandingia, oc for hann samdægris sialfr a braut. En þot hann være grimr i ællom stöðom öðrom, þá þorði
10 hann aldrege síðan at lysa yfir þvi i Turonsborg.

42. Enn com Martinus of dag til husa hans oc sa hann svartan diofol sitia a halse honom, oc bles hann a mot fiandanom. En Avicianianus hugði, at Martinus gæði ser hafung oc mælte: «Fyrer hvi veiter (þu) mer hæfing?» Þá slæði diofull af stoli sinom.
15 En Martinus svaraði: «Eigi veiti ee hæfing þer, heldr enom svartar, er sitr a halse þer.» En iarl var avallt síðan ogrimare en apr, þviat hann scilði þá, af hvers eggion hann hafði grimr (veret).

43. Bær var sa .i., er a hveriom misserom geyrði hagl, þat er økrom spilte. En sa het Auspicius gefugr maðr oc truaðr vel,
20 er mest mein varð at hrið ðessi. Sia for at finna Martinum oc sagði honom vandregi boiarmanna oc bað hann fulltings. En Martinus bað oc gat þat at guði, at mannege varð mein at þeire (hrið) i þvi heraðe a þeim .xx. vetrom, er Martinus lifði síðan. En a þeim misserom er hann andaðisc, þá com in sama hrið i
25 heraðet, þviat allr heimr gret andlat hans, en fagnaði life hans.

44. Stöpull ramgor stöð i einom castala¹, en i þeim stöple ovanverðom sat scurþgoð a stole. En Martinus bauð presti, þeim er i þvi þorpe var, at briota stöpulinn. En sa het Marcellus. En er Martinus com þangat i annat sinn, þá avitaði hann prestenn of
30 þat, es scurþgoðet var eigi brotet. En Marcellus talði torvellt at briota stopolinn oc qvad eigi ostyrkia munca mega þvi afla, er traust mundo allsterker ríparar. Þá snæresc Martinus til ens truasta fulltinx oc var a bénom alla not. En at morne com vepr, þat er allan braut stopolenn til iarðar.

45. En gorpisc annarr hlutr slicr i öðrom stað, þá er Martinus villdi briota stöpul mikinn, þann er scurþgot var i, oc mate hann eigi. Þá snæresc hann til bænar at vanda sinom. Oc var þá seinn elldligr stopull falla af himne i hefud scurðgöþeno, oc leyste i sundr allan inn heifna stöpul moldo smæra.

40 ¹ castaþi *Cd.*

46. En er sagt fra Martino eftir evangelií dæmom, at kona .i., su er bloþros hafði, toc heilso þegar, es hon snart við clæþi Martini.

47. Haugormr screiþ of æ a mot Martini oc lerisveinom hans. Þa mælte Martinus: »In nomine domini scriþv aftr, ormr!« 5 Þa snøre ormrenn for sinne oc hvarf aftr. En er aller undroþose iartein þessa, þa felde Martinus tar oc melte: »Ormar hlyða mer nu, en menn vilia eigi hlyða.«

48. Martinus var vanr at eta fise a pascadogom. En hann spurþe litlo fyrer matmal, ef fiser være til buenn. En diacn, sa 10 er fozlo munca varþveite, sagði, at hann hefði (engi) fise tekinn a þeim morne¹, [oc eigi heldr þeir] menn, es vaner varo at selia fisea. Þa melte Martinus við diaknenn: »Farðu oc legg net þit, oc mon fiskr coma.« En scamt var til ar fra munclive. Þa foru fleire muncar til ar oc væto goðrar veiþar, er Martinus bauþ at 15 fiskia oc þurfte hann sialfr at hafa. En þegar es diaknenn lagði net, þa dro hann mikenn lags at eno fyrsta varpe, oc for hann heim glaðr til munclicfs.

49. Maximus var goðr konongr at øþro, en hann var tölðr af raþom kennimanna, þeira er² røgðan hefðo oc raþenn þann 20 mann, er Priscillianus het, þann er þeir tölþo villomann. En konongr helt hendi iver þeim, at engi þorðe at saca þa of dauþa Priscilliani. En(n) hafði konongr sva stofnat at þeira raþe at sennda rikismenn a Ispanialand til þess at bana villomønnom. En þat var iflaust, at marger goþer menn mundo verþa drepner i scalm- 25 ølld þeire, þviat þa var meirr dæmt at alite eþa at buninge en at retre raun. Fyrer slicom nøpsyniom oc morgom auþrom, þeim er langt er at tina, þotesc Martinus ørendi eiga við konong. En er byscopar frogo, þeir er (i) borgenne varo, þangatfer Martini, þa ugðo þeir þat einna mest, ef hann qveme, at hann mændi 30 røkia gera tiþagerþ þeira, oc mændo þar marger aðrer eftir (snua) siþan. Þa reþo þeir þat konongi at senda liþ a mot Martino oc lata hann eigi coma innan borgar, aðr hann hétí at hafa frið við byscopa, þa er þar varo fyrer. En er hann com, þa het (hann) at coma með Cristz friþe, oc var honom þa lovat innganga. En 35 hann gec þeygi i tiþagerþ með byscopom, helldr var hann of nøtr a bønóm i kirkio. En þat var mest eyrendi hans við konong at biþia friþar iærlom .ii. Narsede oc Leucadio, er fyrer konongs reiþe urþo, þviat þeir hefðo veret i andscota flocce hans. Þat var annat

¹ forne *Cd.* ² oc *Cd.*

eyrendi Martini at stopva herför, þa er stofnot var til Ispanialandz, þviat sva mildr var hugr hans, at hann vilde eigi at eins cristnom mænnom forþa, þeim er i þeire soen mændo falla, heldr vilde hann biarga siolfom villomænnom. En konong dvalþe of dag oc 5 annan at veita þat, er hann var beþenn¹, þviat hann var fegiarn, oc sa hann til fiar þeira, er hann hafði reiþe a castat. En er Martinus gec eigi i tipagørð með byscopom, þa como þeir scialvandi fyrer konong oc sөгðose fyrerdæmþer oc qvaþo eigi konongi soma at hliþa(!) ðess manz orþom, er eigi at eins veite sciold villomænnom, 10 heldr hemndi [hann þeira, kello]þo eke veit i dauþa Priscilliani, ef Martinus scyldi hefna hans. Siþan baþo þeir konong með tarom, at hann nœte rikis sins i gegn honom, oc reþo þeir umb at telia Martinum með villomænnom. En þot Maximus veite² of lið æþrom byscopom, þa vissi hann þo, at Martinus var ællom þeim helgare 15 sva oc goþom siþom, oc leitapi hann annarra raþa en þeir kendo. Ok heimti hann Martinum til mals við sic oc qvade hann bliþliga oc sagþe villomenn dæmþa vera heldr at lægom af domendum en af roge kennimanna, oc qvat hann engva soe til þess at røkia tipagørð þeira, þar er kennimanna fundr var atr fyrer litlu, oc var einn 20 at eins sa er þessa byscopa fyrerdæ(m)þe, en aller aðrer tælþo ða saclausa. En er Martinus scapaðisc(!) eki við orþ þessi, þa reidese konongr oc (gec) fra oc sende þegar menn at lata bana þeim, er Martinus bað fyrer. En er Martinus fra þat, þa for hann þegar til konongs hallar of not oc het at ganga i tipagørð með byscopom, 25 ef konongr geþi frið iorlom oc tækise eigi herför til Ispanialandz. Þa veite konongr Maximus þegar allt þat er Martinus baþ. En inn þriþia dag þaþan fra var ætlat at vigia byscop þann er Felix het, sa var heilagr maþr oc vinr guþs. Þann dag gec Martinus i tipagørð með byscopom, oc etlaþe hann ser þat betra vera en 30 biarga eigi þeim, er til bana varo leider. En inn næsta dag eftir for hann a braut or borgenne a heimleip oc var oþlaþr oc iþraðise, er hann hafði blandase i samlage þeirra, er honom þote røkiande vera. En er hann sat einn saman oc var hryggr of þessa sæc, en færonotar hans varo gengner fyrer a leið, þa com angelus dei at honom oc 35 melte: »Soc er til þess, er þu ert oþlaþr, en þu mater eigi annan veg leysa or þesso vandreþi. Tac þu traust oc endrbæt craft þinn, at eigi faer þu scaþa dyrþar.« Fra þeire tiþ var Martinus varr umb sic, at eigi blendisc hann siþan i samlage slicra kennimanna. Sextan vetr lifðe hann siþan oc com til enskis kennimanna fundar siþan.

En ef honom varþ næcqe torveldra at geva siucom mœnnum heilso, en hann ate vanþa til, þa sagði hann sva með tarom, at þat mincapi craft hans, er hann gec i tīþagørð með þessom byscop-om fyrer næpsyniar. En þo endrbæti bratt með fullu vercaupe þann craft, er mincapr var of stund, at þat var sīpan, er oþr 5 maþr var leidr til hus hans, oc varþ heill aþr hann com allt at durom.

50. Enn varo menn a sæ stader, oc gærþi hriþ at þeim, oc varo þeir ða i miclom hasca. En þar var .i. caupmaþr ætscaþr af Egiptalande, oc var enn ða eigi scirðr, sa callapi oc mælte: 10 »Guþ Martini, biargðu oss!« Þa stœþvadise hripen þegar, oc toco þeir hœfn, þa er þeir villdo, en inn heipne tru.

51. Licontius het .i. gœfugr maþr oc trufastr, er com at biþia Martinum fultings, þa er micel sot com inn i hus hans, oc logo siuc flest œll hiu hans. En Martinus sagði torvelt vera at 15 gefa heilso, þvi at hann mate þat scilia, at guþs raþning barði þessa menn. Þa fastaþe hann oc var a bœnom vico alla samfast, oc lœt eigi af at biþia, aþr hann gat þat, er hann bað. En er Licontius rœnde craft bœna hans, þa com hann oc sagþe heil œll hiu sin, oc fœrði Martino hundrat marca silfrs. En hann rœpe 20 eigi þa giœf oc toc, þviat hann hafði með þvi fe œllo leysta herleida menn yr hæftum, (aþr) en þat qveme heim til munc lifes hans. En er hann var beþinn at nyta ser nacqvæt af fe þvisa til atvinno munca, þa svarapi hann: »Fœpe kirkian oss oc clæþi, oc ver scolom enskis framarr girnase.« 25

52. En sat Martinus .i. uti umb dag fyrer huse sino, oc sa hann a gnipo næcverre .ii. diofla, oc hlogo þeir oc mæltu: »Heill sva, Brietius, heill sva!« Þviat þeir visso, hverri œpe þeir ioso i briost honom. En seamt var at biþa, unnz Brietius com þar sva oþr af eggion diofla, at hann gœte traute handa sinna; hafði hann 30 brugþit lit fyrer reiþe oc spio up morgom meinmœlom a Martinum. En Martinus hafði avitapan hann inn fyrra dag of marga ohlyðne, þa er hann hafði gærva. Slicom avitom reidese Brietius oc melte mart osœmt, oc sagði hann sic betra vera en Martinus, þviat hann qvatse i munc life fœdr oc nema a boc, þegar er hann cunni scilia, 35 en Martinum qvat hann eigi mega þess sialvan dylia, nema hann hafði riþere veret oc .xviii. vetra gamall, aþr hann vœre scirþr. Enn þegir hann eki, oc berr fyrer augom honom hverseyns sionhverfingar. Slict sva mælte Brietius oc mart annat verra, þat er þegia er betra en fra at segia 40

II.

(Cd. 235 folio).

Her byriaz upp Marteins saga.

Martinus var ættadr af Ungeralandi ur kastala þeim, er Sabarí 5
 10 ría er kalladr, en hann var æ Lyngbarda landi fæddr. Frendr hans voru gaufgir ath þessa heims tign ok þo heidnir. Fadir hans var riddari fyrst en sidan hofdingi þeira, siolfr fylgdi hann ok riddara syslu i æsku sinni um daga Constantini konungs en sidan Juliani keisara. En þeiri syslu fylgdi hann eigi viliandi,
 15 þviat hann fystizt þegar guds þionustu æ ungum alldri. Þa var hann .x. vetra gamall, er hann for til kirkiu ok tok primsingh(!) at usatt frenda sinna, ok snerizt þegar allr til guds þionustu. En er hann var .xii. vetra gamall, þa fystizt hann at fara i eydimork, ok þat mundi hann gera, ef honum bannadi eigi ostyrkt alldrs
 20 hans. En þo var hugr hans ævallt annattveggia i munklif eda kirkium, ok barst hann þat fyrir æ ungum alldri, er hann let fram koma, þa er hann var ellri. En er konunga bodord varo þat, at gamalla manna synir veri teknir til riddara syslu, þa var Marteinn til þeirar atferdar tekinn, þa er hann var .xv. vetra, þviat
 25 fodur¹ hans var oþeckt æ um tru hans, ok þvi selldi hann hann fram. Martinus hafdi at eins einn þræl i syslu med ser, ok þionadi hann honum þo optar ok dro skoklædi af honum ok þerdi fetr hans, ok þeir attu mat saman. Þria vetr var hann i riddara syslu, adr hann var skirðr, ok var hann allra þeira synda hreinn, sem þeire syslu ero opt
 30 vanar at fylgia. Mikil var godgirnd hans ok ast vid laugunauta sina, ok þolinmædi hans ok litileti var umfram manligan hatt. Sva sparliga neytti hann fædu, at hann þotti þa þegar² helldr munkr en riddari. Af sliku unnu honum allir riddarar, þeir sem honum fylgdu. Eigi var hann enn þa skirðr, en þo gerdi hann
 35 heilög verk, þviat hann dugdi voludum, en veitti hialp þurfundum, fæddi hungrada en klæddi kalna. Eki hirdi hann ser af malunum nema hvers dags fæslu ok klædnad, ok mintizt þegar gudzspialls bodorda, at hann bar eigi æhyggiu dag fra degi æ iardligri atvinnu.

2. A nockurum degi um midian vetr, þa er frost var sva mikit, at marga menn kol til bana, mætti Martinus voludum manni klædlausum i borgarhlidi. En sa bad gefa ser klædi þa

¹ fadir Cd. ² var tilf. Cd.

menn, er æ mot honum foru, ok lidu allir umfram. Þa skildi Martinus, at gud hafði honum þenna hugat, er adrir veitti eigi miskunn. En hvat matti hann gefa, þar sem hann hafði ecki nema klæði þau, er hann stod í, þvíat hann hafði veitt allt annat aumum monnum. Þa bra hann sverdi, því er hann var gydr, ok reist í sundr mauttul sinn í midu, ok gaf halfan þurfamanninum en halfan skryddi hann sik. Þa toku sumir ath hlæia ok kalla hann aflettan(!) ok stuttbuenn. En sumir komuzt vit, þeir sem heilla hug höfðu, er þeir gerðu (eigi) slik verk, þar sem þeir mattu vel klæða enn valada, sva ath þeir væri onoktir eptir. En Martinus, er (hann) var sofnadr ena nestu nött eptir, þa sa hann Krist siolfan kleddan þeim mauttuls hlut, er hann hafði enum fatæka gefit. Sidan heyrði hann drottin sva mæla við eingla, er hia honum voru: »Martinus þrimsigndr at eins skryddi mik þessu klæði.« En hann hófst eigi til iardligrar dyrdar af þessi syn, helldr var hann því litillatari sem hann kendi guds miskunn meiri í sinu verki. En hann tok þa skirn, er hann var .xviii. vetra gamall ok fyrirlet eigi þegar riddara syslu, þvíat hófðinghi, sa er fyrir var lidinu, bad hann þess ok het honum því, ath (hann) mundi fyrirlata alla veraldar syslu litlu sidar. Af því dvaldizt Marteinn tvo vetr sidan í riddara syslu at nafne ath eins, en hugr hans var allr æ himne.

3. Julianus keisari samnadi lidi í borg þeiri er Vangianum heitir, þa er vikingar heriodu æ Frakland, ok tok hann at veita heidfe riddorum sinum, sem vandi er til, adr til orrosto er farit. En þa þótti Martino maklig tíð at radaz fra riddara syslu, en hann etladi ser eigi rett at taka heidfe, at hann færi eigi til orrosto, ok mællti sva við konunginn: »Hingat til hefi ek þer pionat, en nu lofadu mer at þiona gudi. Taki sa heidfe þitt, er beriazt vill með þer, en ek em Kristz riddari, ok er mer eigi lofad at beriazt.« Þa reiddizt Julianus ok kvad Martein af hugleysi fordazt orrosto, en eigi af tru. Martinus svaradi ohreðdr ok mællti við konunginn: »Ef þu kennir þetta hugleysi en eigi tru, þa man ek æ morgin ganga vopnlauss í fylkinghu í gegnum lid ovina vorra aurggr í nafni drottins Jesus Kristz krossmarke skryddr en eigi skilde ne hialmæ.« Þa tok Julianus ok let taka Marteinum ok vardveita ok villdi reyna, hvart hann mundi gera þat, sem hann hafði heitið. En annan dag komu sendibod konungi til satta ok þraut orrostone, þvíat þeir menn gengu æ hond konunginum. En um þat ma eigi efa, at sia sigr var veittr af benum

Marteins, ath hann þurpti eigi vapnlaus at fara til orrosto, þo at gud metti vel hlifa þar vin sinum vapnlausum. En sa var helgum manni semstr sigr, er eigi fylgdi manna drap.

4. Sidan reðz hann fra riddara sýslu ok sotti heim Ylarium
 5 byskup i Peituborg ok dvaldizt þar nockura stund. En Ylarius
 byskup villdi hann þar leingi dvelia ok bad hann taka diakns
 pionustu. En Marteinn taldi við þvi ok lezt þess overdr vera.
 Þa skildi Ylarius byskup, at hann mundi Martæin i þeim einum
 (t)engslum binda mega, er eigi yxi iardlig metordh vid þat, ok
 10 gaf honum þa vigslu, at hann veri exorcizta, þat er sera diofla
 fra odum monnum. Siðan var Marteinn mintr æ þat i svefni, at
 hann ferir til frenda sinna ok kendi þeim tru retta. En er byskup
 lofadi honum þat, þa bad byskup, at hann skyldi til (hans) fara,
 þa er hann hefði lokit eyrendum sinum. Marteinn fór æ brut
 15 ogladr ok sagði sva brøðrum, ath (hann) mundi morgum meinum
 at mæta i faur þeirri, sem sidan [fann hann]. Þa er hann kom
 suðr um haf ok fiall, metti hann illvirkium, ok reiddi einn þeira
 auxi ath honum, en annarr þeira stoðvaði ok tok við. Þa voru
 hendr hans bundnar æ bak aptr, ok var hann selldr einum þeira
 20 til varðveizlu. En sa leiddi hann fra öðrum monnum ok spurdi,
 hvat dreingia hann væri. Hann svarar ok kvezt kristinn vera.
 Þa spurdi hinn, ef hann hreddizt. En Marteinn svarar ok kvezt
 allðri iafnaurauggr vera sem þa, þviat (hann) vissi, at guds misk-
 unn mundi fylgia honum i hverri freisni, en hann lezt meirr
 25 harna illzku illvirkians, er overdr var guds miskunnar. En er
 Marteinn taldi tru fyrir honum, þa tok sa tru ok fylgði honum æ
 gautu ok bad hann bidia fyrir ser til guds, ok lifði hann sidliga
 ævalt siðan ok gerdizt munkr. En er Marteinn kom til Meilans-
 borgar, þa kom fiandi a mot honum i manz likama ok spurdi,
 30 hvert hann færi. Marteinn lezt þangat fara, er drottinn sendi
 hann. Fiandinn melli vid hann: «Hvad sem þu gerir eða hvert
 sem þu ferr, þa mun fiandi standa æ mot þer.» Marteinn svaradi
 med spamanz rodðu: »Drottinn bergr mer, ok mun ek eigi hræd-
 azt ofrid manna.» Þa flyði ovinrinn sva sem skuggi fra augliti
 35 hans. En Marteinn fór sva sem hann hafði faur sina gert, ok
 leysti moður sina fra heidni, en fadir hans gerði eigi ath snuazt
 fra villu. En þo hurfu marger eptir kenningum hans ok toku
 tru. En þa var Arrius villa kunnuzt um allan heim, en (er) Marti-
 nus var sva einn svo miok þeira manna, er þordu i gegn at mæla

villunni, þa varð hann ok einna mest fyrir ofridi villumanna, því-
 at hann var vaundum bardr æ einu moti ok rekinn æ braut ur
 borginni, ok for hann þa til Langbarda landz. Þa hafði ok villan
 magnazt æ Fraklandi, ok var Ylariu(s) byskup rekinn æ brutt af
 byskupsstoli sinum til utlegdar. En er Martinus fra þat, þa for 5
 hann til Melansborgar ok var þar i munklifi. Þa varð hann
 klandradr af villumonnum, ok toku þeir hann um sidir æ brutt or
 borginni. Þa for hann til eyiar þeirar, er nefnd er Gallinaria, ok
 fylgdi honum prestr einn þangat, ok lifði hann þar vid grasaretr.
 En er hann fra, at konungrinn hafði leypt Ylario byskupi at fara 10
 heim til stols sins, þa for hann norðr um haf til Fraklands, ok
 tok Ylarius byskup feginn vid honum ok gerði honum munklifi
 skamt fra borginni.

5. A þeiri tid kom einn primsigndr madr þangat ok villdi
 nema at Martino kenningar ok goda siðu. En er hann hafði þar 15
 fa dagha verit, þa tok hann ridusott ok varð braddaur, adr en
 hann hefði skirn tekit. En Marteinn var eigi heima, en (er) hann
 kom heim, þa la lik hins dauða i husi, ok stodu þar yfir hryggvir
 brædr. Þa bad Martinus adra ut ganga or husinu, en hann lauk
 aptr dyrum ok fell til benar hia likinu. En er hann hafði leingi 20
 æ bæn verit, þa skilldi hann, at kraptr heilags (anda) nalgadizt,
 ok reis hann upp af bæn sinni ok beid sva guds miskunnar. En
 eptir tver stundir tok inn daudi at hrærazt ok hof upp augu sin.
 Martinus gerði gudi þakkir ok melli sva hatt, at hinir heyrdur, er
 uti voru, ok gengu þeir þegar inn, ok sa þann lifa, er þeir gengu 25
 fra daudum. En sa tok þegar skirn ok lifði marga vetr sidan, ok
 var þat enn fysti kraptr Marteins. En hann sagði sik leiddan
 vera fra likam fyrir domstol ogurligs domanda, ok var sidan dæmdr
 til myrkra stada. En þa sogdu .ii. einglar domandanum, at þar
 væri sa madr, ær Marteinn bad fyrir. Þa baud domandinn þeim 30
 enum somum einglum ath leida hann aptr, ok var hann sva aptr
 golddinn Marteino til lifs. Þa tok nafn Marteins at kynnazt, ok
 liktist hann postolum guds i færtægnum.

6. Þa er Marteinn for um dagh um akr eins audigs manz
 ok gaufugs at veralldar metnadi, heyrdi hann grat ok hareysti 35
 manna mikla. Þa nam hann stadar ok spurði, hvi gratr sea
 gengdi. En honum var sagt, at þrell einn hafði heingdan sik i
 snoru ok spillt ser. Þa gek Martinus inn i hus, þat er likit læ,
 ok fell æ kne til bænar ok bad leingi fyrir enum dauða. En þa
 tok sa at lifna ok hof upp augu sin ok leitadi vid at risa upp. 40

Þá tok Martinus i hond honum ok setti æ fetr hann, ok gekk hann utt ur husinu med honum fyrir alþýðu.

7. Sidan va(r) Marteinn bedinn at taka byskupsdom i Turons borg. En eigi var auðvelt at koma honum æ brutt ur munklifi
 5 sinu. Þá sagði einn borgarmadr mikla sott konu sinnar ok fell til fota Martino ok bað hann koma at gefa henni heilsu. En er hann fór, þá somnudz saman borgar(menn) æ gotu hans ok leiddu hann til borgarinnar ok heldu vörð æ honum. Þá var mikill
 manifoldi kominn innan herads¹ ok utan herads manna. Allra var
 10 einn vili ok eitt ælit, at Marteinn veri makligastr at vera byskup, ok sa lydr veri sell, er slíkan kennimann hefði. En þeir voru sumir ok þó fair, er (melltu) því i gegn ok toldu hann liotan at æliti ok herfiligan ath buningi ok fyrir þær sakir omakligan ath vera byskup. En þeir er rettu radi fylgdu, hlogu² at þeim ok
 15 qvodu þá lofa Martein, þá er þeir villdu lasta hann, er³ þeir mattu ekki annat finna til aleitni honum en ælit hans ok buning. Sa byskup er nefndr Defensor, er mest stod i gegn alþýðu vilia um þetta mal. En hann varð þunghliga fyrir rekinn med spamanz ordum, þvíat sa matti eigi komast til at lesa i ottusaung fyrir
 20 þrauninghu manna, er lesa skyldi. Þá tok sveinn nokurr upp salltara ok saung verss þat, er hann fann fyst: Ex ore infancium, en sva mæli i verssinu: Af munni barna ok u(ng)mennis gerir þu þer lof, drottinn, i gengn ovinum þinum, en þu eydir ovinum ok Def(ens)orem. En er þetta var surgit, þá gerdizt romr af
 25 alþýðu, ok skomudz motmælendr, en allir talldu at guds rædi þetta verss radit ok sungit, at ovinr þeira Defensor heyrdi vitni versins, en af ungmennis munni hofst guds lof yfir Marteini.

8. En er Martinus hafði vigslu tekit, þá var lif hans at ollo ædra, en mer megum ordum skyra; en sama var stadfesti ok litileti
 30 hans hiarta, sem adr ver(it) hafði, ok enn sami fatabuningr⁴ hans, en hann var sva fullr skynsemi ok miskunnar, at hann varðveitti byskups tign ok fyrirlet hvergi munk(s) litileti. Eingi tunga ma skyra hversdagliga hattu hans ok athferd ok stadfesti i verkum ok vokum, bænum ok faustum, þvíat eingin var su tíð, er eigi veri
 35 hann at guds verki, utan þat er líkamligs edlis naudszyn skylldadi hann til at matazt eda sofa. Alldregi leid su stund, at eigi væri hann annattveggia æ bænum æda sæi æ bekr. En þott hann gerði annat nokut, þá hvarf alldri hugr hans fra benum. Eingan mann fyrirdemdi hann ok eyngan vællti hann ok aungum launadi hann

40 1 heradas Cd. 2 hlöpu Cd. 3 en Cd. 4 fotabuningr Cd.

illo illt. Sva mikla þolinmæði hafði hann við meingerdir, at hann hefndi alldri, þott ogaufgir klerkar mællti i mot honum, ok tok hann aunga þionustu af þeim fyrir þa sok. Eingi madr sa hann hlæia ne syta ne reidan vera, avallt var hann med enum sama hug ok enu sama æliti, ok syndi hann himnerska glædi i andliti. 5 Alldregi hvarf Kristz nafn fra munni hans, ok alldri var annat i hiarta hans en fridr ok milldi ok miskunn. Opt var hann vanr at grata syndir ovina sinna ok bidia med tarum fyrir þeim, er aleitudu við hann. Nockura stund atti hann hus nær kirkiu, en er honum leiddizt alþydu þyss, þa setti hann munklifi sitt tvær 10 milur fra borginni. En sa stadr var leyniliga kominn, ath kalla mætti eydimork, þviat fialsgnipa brautt gekk ath audru megin, en æ fell audrum megin¹ hia, su er Liger heitir, en einstigi mikit var þraungt einum megin ath ganga til munklifsins. Þar let Martinus gera ser hus ur vidi, ok sva margir adrir munkar, en 15 sumir holodu innan gnipuna² fialsins ok gerdu ser hus i biargit; .lxxx. lærisveina hans, þeira er lifdu eptir hans godum dæmum, voro þar med honum; eingi þeira eignadi ser audæfi, allir attu þeir allt ser saman. Aungum þeira var lofad at kaupa neitt æda selia, eingi var sysla aunnur framin, nema nockurir menn ritudu 20 bækr, ok voro þo unger menn einir til þeirar syslu valdir, æn adrir voru ævallt æ bænum. Faliga gengu þeir utt or husum sinum, nema þeir gengu til kirkiu. Allir höfdu þeir eina fæzlu ok eigi fyrr en eptir non. Eingi bergdi þar vini, nema siukr veri³. Margir gerdu ser klædi ur ulfallda hari, en þeim virdizt til syndar 25 allr blautari bunaðr. Þeir voro margir, er sæliga (voro) uppfæddir i æsku, en þa helldu sic til sidlætis ok þolinmædz. En þeir urdu margir byskupar sidan, þviat eingin var su borg eda kirkiusokn, at eigi villdi hverr velia ser kennimenn ur munklifi Marteins.

9. Stadr var einn eigi langt fra Turons borg, sa er menn 30 hugðu þar vera grafna pislarvotta guds, þviat þar höfdu enir fyrri byskupar kirkiur latid gera ok alltari. En Marteinn gerdi eigi trua diarfliga oreyndu, helldr spurdi hann gamla menn ok spaka at, ef þeir vissi, hverir þar veri pislarvottar guds grafnir eda hverri tid hefði þeir pindir verit. En er hann (m)atti einskis viss 35 verda af þessum, þa sa hann við nokura stund at koma þar, ok lastadi hann eigi tru þa, er hann vissi eigi nema rett veri, en hann fulltingdi eigi alþydu æhuga þessum, er hann vissi eigi, nema villa væri. Sidan for hann um dagh famennr til þess stadar, ok

¹ magrin *Cd.*² fialsgnipuna *Cd.*³ yrði tilf. *Cd.*

stod leingi a leidinu ok bad, ad gud skyldi syna honum, hvern sa veri, er þar veri grafinn. Þa snerizt hann til vinstri handar [ok leit þar standa¹ herfiligan skugga; þa fylgdi hann þessum ath segia [nafn sitt ok atferd². En sa kvezt illvirki verit hafa ok drepinn fyrir glepi sina ok lezt ecki eiga med pislavottum guds, þeim er i eilifri dyrd voru, en hann i eilifum pislum. Allir beyrdu þeir malit, en eingin matti sea þann er mællti nema Marteinn. En hann sagdi, hvat hann *saa*, ok let braut fera kirkiuna ok alltarit ur þeim stad ok leysti sva lydinna fra villu.

10. Þa er Marteinn for um dag leidar sinnar, metti hann monnum þeim, er foru med lik heidins manz nokurs til graptar. En er hann sa langt til, þa nam hann stadar ok vissi eigi, hvad lid þetta var. Ok er hann sa, at þorpkalla lid var, ok þat at vindr skok duka, þa er breiddir voru yfir likit, þa hugdi hann, at þeir feru med blot, þviat þorpkallar voro opt vanir at bera skurgod um akra sina. Þa gerdi Marteinn krossmark *aa* mot þeim ok bad þa nidr leggja byrði sina, er þeir foru med, ok ganga eigi fram ur þeim sporum, er þeir stodu. Þa stirdnadu þeir fyst, sem at steinum yrdi; en þeir leitodu vid at hrera sik ok mattu eigi ganga fram, sneruzt i hring, unzt þeir logdu nidr likit, ok leit hvern til annars ok sazt a, ok vissu eigi, hvad þeim var ordit. En er Marteinn *saa*, at likmenn voro en eigi blotmenn, þa gerdi hann enn krossmark fyrir ser ok eptir þeim, ok leypdi þeim at fara med likit þangat, sem þeir villdu. Þa stoddvadi hann for þeira, er hann villdi þat, en þa leyfði hann þeim at fara, er hann villdi þat.

11. Enn villdi Marteinn i þorpi nokuru hoggva upp tre mikit, þat sem blotad var. En blotmenn bonnudu honum at hauggva treit. Þa taldi hann tru fyrir þeim ok kvad guddom vera *aa* himnum en eigi i trenu, ok let hann þeim gegna at haugva treit, sem diofi var eignat³, en trua *aa* þann gud, sem hann trudi ok pionadi. Þa svaradi einn þeira, sa er diarfastr var: «Ef þu hefir naukurt traust undir gudi þinum, þeim er þu gaufgar, þa munum ver siolfir hoggva treit, en þu tak vid því, þa er þat fellr, ok man þik þat ekki saka, ef gud þinn er med þer, sem þu segir.» Mart-
inus kvat (sva) vera skyldu, þviat hann hafði allt traust undir gudi. Þeim skildaga iatudu allir, þeir sem hia voru, ok virdu litils skada tresins, ef þeir mætti fella ovin blota sinna. Sidan bundu þeir Martein ok settu hann undir treit, þar er aullum þotti ein-

40 1 [mgl. Cd. 2 [rettet; þessum nafn sitt sins ok atferdar Cd. 3 eignar Cd.

synt, at þat mundi falla æ hann, ef upp veri hoggvit. Þa hioggiu(!) þeir siolfir treit sitt ok voru gladir. En munkar stodu margir ok sa til um langan veg. Þa er treid tok at falla, þa hrædduzt munkar ok tyndu aullu trausti ok aurvæntu Marteino lifs. En er treit brazst ok reid ofan at honum, þa hof hann upp hond sina ok 5 gerdi krossmark a mot. Þa var sem vedri lysti i moti treno, ok fell þat æ annan veg af þvero fra því, sem blotmenn hugdu, ok var þeim vid sialfan vaða, er adr þottuz vera i auruggum stad. Þa glupnudu heidnir menn af iartegnum þessum; en munkar felldu tar fyrir fagnadi, ok lofudu allir saman nafn drottins Jesus Kristz. 10 Aa þeim degi toku flestir allir tru, þeir sem adr voru i því heradi heidnir. En adr Marteininn kom þangat, voru faær eda nær aungvir þeir menn, er Kristz nafn kynne i þeim heradum. En af godum dæmum (ok) iartegnum hans hefir nu þar trua magnaz, sva at eingi stadr er nu sa þar, at eigi se i hverium kirkiur eda munk- 15 lifi. Hann let gera kirkiur eda munklifi þar, sem hann braut nidr hof eda horga, hvar sem stodu.

12. Þat var æ einum bæ, þa er Marteininn var at brenna hof eitt, at elldi laust i hus þat, er æfast var hofinu. En er Marteininn fann þat, þa ste hann upp æ husit ok þekiu hussins skyndiliga 20 ok rann æ mot loganum. Þa matti þar sea undarligan hlut, er i moti gegzt(!) vindr ok elldr. En sva gerdizt af krapti Martini, at elldrinn nadi þat eitt at brenna, er honum var lofat.

13. Enn villdi Martinus briota eitt ægett hof æ einum bæ, en fioldi manna stodu i moti honum ok raku hann æ brutt med 25 mikilli meingerd. Þa for hann til næsta bæiar ok fastadi þar ok vakti sex degr, sat i molldu ok bad til guds, at kraptr Kristz breyti(!) hof þat, er eigi nadu menn at briota. Þa syndizt honum tveir einglar sva sem riddarar vapnad(i)r ok skialdad(i)r, ok letuzt sendir af gudi ad stodva heidit lidit ath veita Marteini fulltingh, 30 at eingi ban(n)adi honom ath briota hofit. Þa hvarf hann apr til beiarins ok braut hofit allt til iardar ok aull skurgod þau s æ inni voru. En er heidnir menn stodu ok sa æ ok þordu eigi i gegn ath gera, þa fundu þeir, at guds kraptr hafdi skelpda þa, svo at þeir þordu eigi at gera i gegn byskupi, ok toku flestir allir tru 35 ok lofudu gud, en neittu skurgodum, þeim er hvarki ma biarga ser ne ædrum.

14. Þat var enn æ audrum bæ, at Marteininn braut hof, þa þusti at honum fioldi heidinna manna, ok einn þeira, sa er diarfastr var, bra sverdi ok villdi hoggva til hans. En er sa hof upp 40

hendrnar ok reiddi sverdit at honum, þa fell sa æ bak aptr ok vard hreðdr fyrir guds krapti ok idradizt glæps sins.

15. Þessum likr hlutr gerdízt enn i audrum stad; þa er Marteinn braut skurgod noekut, þa villdi blothofdingi einn leggja saxi æ honum. En er sa lagdi fram saxinu, þa hvarf bladit ur heptinu ok fanzt alldri sidan. Þat (var) opt, þa er blotmenn ok heiduir menn bonnudu honum at briota hof sin eda skurgod sin, þa gat hann sva talat fyrir þeim ok synt þeim lios sannrar truar, at þeir brutu siolfir skurgod sin ok hof. Sva var hann mattugr
10 at greda siuka menn. at miok svo kom sa eingi siukr madr til hans, er eigi tok þegar heilsu.

16. Mær ein var siuk i Treveris borg ok matti sik til einskiz hrera ok var odaud at eins; en frendr hennar stodu yfir henni, þa er hun var ath bana komin. Þa var ok sagt, at Marteins byskups
15 var þangat von. En er fadir hennar fra þat, þa rann hann þegar til kirkiu, þar sem Marteinn byskup var inni, ok nokurir adrir byskupar ok margr lydr; þa fell inn gamle madr til fota Martino ok mællti vid hann: «Dottir min mun deyia, nema þu komir ok blezer hana, þviat nu er henne verra lif en daude, er ænd er i
20 briosti hennar, en likame hennar daudr sva miok; en ek treystumzt, at hun ma lifna, ef þu bidr fyrir henne.» Marteinn svarar ok lezt eigi hafa krapt þann ne verdleik, at hann metti iarteinir gæta af gudi framar en adrir byskupar, þeir er þa voru þar. En fadir meyarinnar bad þess at meirr, ok byskupar badu med honum, at
25 Marteinn kemi til hennar. En er hann kom þangat, þa stod flokkir manna mikill fyrir dyrum ok beid, hvat guds þrell mundi gera. En hann geck til bænar, sem hann var vanr i slíka þurpt ok fell til iardar. Sidan vigde hann vidsmior ok helltti i munn meyiunni. En hun tok þegar mal sitt ok styrtkízt ok reis upp æ fetr sina i
30 augliti allz lyds.

17. A þeire tid erdizt þrell rikismanz, þess er Tetradius het. En er Marteinn var bedinn at leggja hendr yfir hann, þa bad hann þann leida til sin. En hann matti æ ænga lund þadan koma ur husi því, er hann var inni, þviat hann beit til þeira, er
35 þangat komu. Þa fell Tetradius til fota Martino ok bad hann siolfan koma til hus þess, er þrellinn var inni. Martinus lezt eigi fara mundu til hus heidins manz, þviat Tetradius var enn heidinn þa. En hann het at trua a Krist, ef Martinus kemi at reka ohreinan anda fra þælnum. Þa for Marteinn at leggja hendr yfir
40 hofut enum oda ok rak fra honum ohreinan anda. En Tetradius

trudi **æ** hinn (helga) Krist ok var þegar primsigndr, en litlu sidar skirdr, ok gofgadi **æ**vallt Marteinn med astarhug.

18. Þa er Marteinn gek um dag til hus eins bonda, nam hann stadar, er hann kom at dyrum, ok kalladiz sea hræðiligan dioful i gardzhlidi, ok mæltti, at hann skyldi i brutt fara. Þa tok ohreinn andi ath **æ**ða einn mann af hium bonda. En sa tok þegar ath grenia ok gnista tannnum ok bita til manna. Þa hrædduzt þeir, er hia voru ok i nand, ok flydu. En Marteinn for **æ** mot honum ok bad hann standa kyrran. En sa nam stadar ok greniadi ok gapte munne. Marteinn retti fingr sinn i munn honum ok mæltti: «Bitt þu nu, ef þu matt nokkut.» En enn odi gapti munnum þess at meirr ok þordi eigi ath bita hondina helldr en þar væri gloanda iarn. En er ohreinn andi var nefndr **æ** brutt at fara fra enum oda, ok var honum eigi lofat ur munnum ath fara, þa for hann brutt med þarfagang.

18b. En er heilagr Martinus gerdi slikar iarteinir þa(r) i Treverisborg, þa kom hersaga i borgina ok hrezla mikil yfir lyðinn. Þa serdi Martinus odan mann til þess at segia, hveriu gegndi hersaga þessi. En hann sagdi, at .xvi. voru þeir dioflar, þeir er upp komu hersogunni til þess eins, at Marteinn skyldi flyia or borginni fyrir þa sok. En þat var lygi ein. En þa er ohreinn ande sagdi þetta i midri kirkiu fyrir alþydu manna, þa leystist borgarlydrinn fra hrædzlu hersogu þessarrar.

19. En er Marteinn for um dagh til borgar þeirar er Paris heitir, þa mætti hann likþram manni vid borgarhlid, ok hvarf til hans ok blezadi honum, ok vard sa þa þegar heill, ok kom hann annan dag til kirkiu ok gerdi gudi þackir fyrir heilsu sina. Þat verdr ok at segia, at marger menn feingu þar heilsu, er snurtu vid trefr klæda hins helga Marteins.

20. Arborius het einn gaufugr madr ok vel truadr, en dottir hans hafdi tekit ridusott. Arborius hafdi litlu adr tekit vit riti þvi, er Marteinn hafdi sent honum. En er þat rit var lagit **æ** briost meyiunni, þa vard hun heil þegar sottar. **Æ**n Arborius virdi sva mikils iartægn þessa, at hann het gudi at gefa meyna til munklifis i nunnusetr, at hun helde eilifum meydome, ok for hann þegar ok færði hana Martino, ok villdi hann eigi, ath hun tæki vigslu af audrum byskupi en honum, er henni hafdi heilsu gefit.

21. Paulinus het madr, er sidan vard mikill trumadr, en þa sa(t) hann i augnaverik, ok var kominn laustr mikill **æ** auga hans

annat. Þá dro Marteinn fiódr yfir augat ok nam allan verk or, ok varð hann þegar heill.

21^b. Þat varð enn um dag, er Marteinn skyldi ganga ur nockuru lopti, þá brast steigi undir honum, ok fell hann níðr, þar sem oslett var undir, ok skeindizt hann i morgum stodum. Síðan var hann borinn i hus sitt ok lá i sarum miok svo hettr. En æ næstu nött sa hann eingil guds koma til sín, ok þó hann sár hans ok smurdi heilsamligum smyrslum. En er annarr dagr kom, þá varð (hann) heill, sva sem honum hefði eeki verit at meini
10 enn fyrra dagh.

22. Maximus het konungr ríkr ok ægætr, ok hafði opt haft gagn i orrostum. Við hann var allr lyðr hreðdr, ok þorðu aungvir menn a mot honum at mæla. En Marteinn var einn sva, at heilt postoligri skynsemi; ef hann kunni þáurf ath bidia konunginn
15 nockurra hluta, þá var þat helldr bóðorð en bæn, er hann beidd. Konungr bað hann opt koma til bóðz með sér. En Marteinn sa miok við því ok lezt eigi vilia eta ne dreka með þeim, er annan konung hafði til bana radit en annan or landi rekit. En Maximus svaradi því, at hann kvezt eigi konungdom tekit hafa af fysi sinni
20 helldr at radi lidsmanna, ok kvat sér skyllt vera at veria oddi ok eggiu land sitt, ok lezt hann aungan ovin sinn drepit hafa nema i orrosto, ok kvad hann guds afl tæia til þess, at hann mætti gagn hafa, ok lez eigi slikum sigri náð mundu hafa, nema gud efði hann. Marteini þótti konungrinn enn sannliga mæla ok het at koma
25 til bóðz hans, sem konungrinn hafði beðit, ok varð hann feginn, er hann gat þat af Marteini. Þá var mörgum monnum bóðit sem at hatidarðegi, ok komu þar enir gaufgustu menn, (Eu)odius enn rettlatasi iarll oc .ii. gaufgir hófðingar broðir konungs ok fódur-broðir, æ millum þeira sat prestur Martini, en hann sat siolfr æ
30 stoli fyrir konungi. En at midiu matmali var konungi færðr drykiarbolli. En hann mælti, at Marteini skyldi fyrr selia kerit, ok vætti þess, at hann mundi fyrstr taka við bollanum eptir byskup(s) hönd. En er Marteinn hafði drukit, þá selði hann presti sinum fyrst bollann, ok virði sva sem eigi væri konungr makligri
35 en gæðingar hans at taka fyrr við dryckiarkeri byskups en prestrinn. Aullum þótti þetta undarligt, þeim er i höllinni voru, ok varð um þat datt, er Marteinn hafði sva gert i konungs höll, at eingi byskup þorði annarr þat at gera heima i husum frenda sinna eða vina. Þá spásogu sagði Marteinn konung(i), ef hann
40 i gyðingar Cd.

feri til Langbarda landz, sem hann hafði etlad, at beriazt við Valentianum konung, at hann mundi gagn hafa í fystu orrostu, en falla í annarri litlu sidar. En þat for sem hann sagði, at í inni fystu orrostu kom Valentianus æ flotta, en er þess var vetr æ milli, samnadi hann þa lidi miklu ok kom æ ovart ok felldi 5
Maximum konung.

23. Klarus het prest(r) einn ok munkr ok lærisveinn Martini, algiorr at ser í ollum kröptum ok truverkum. En hann atti hus skamt fra munklifi Marteins, ok voru margir brædr med honum. Þangat kom einn ungr madr, hann het Anatholius, ok 10
sagðizt munkr vera, ok var tekit við honum, ok syndizt ath eins goda atferð hafa. En er hann hafði (þar) nokkura stund verit, þa sagði hann eingla guds koma til sín. Þa er aungvir villdu því trúa, þa batt hann þat iarteinum nokkurum, sva at sumir trudu. Sva framarliga sagði hann um sidir, at einglar guds kvemi vel hvern 15
dag til hans, ok lezt hann vera einn af spamonnum. Klarus prestr gerði því alldregi trúa. Anatholius egði honum reidi guds ok viti fyrir þat, er hann villdi eigi trúa sva heilags manz ordum, ok sagði sva: «Þessa nott mun drottinn senda mer hvít kledi af himni, ok munu þer sia mik skryddan því klædi, ok skal þat ydr 20
vera mark heilagleiks míns.» Þa var ollum forvitni mikil æ at reyna þat er hann het. En at midri nott var sed lioss til hus þess, er inn ungi madr var inni, var ok heyrd þangat romr mikill ok gnyr, sva sem menn rynni ok væri málgir. En af þeim gny þotti skialfa allt munklifit. En er hliott var orðit, þa geck Ana- 25
tholius ur klefa sinum ok kalladi til sín einn af munkum ok syndi honum kyrtil þann, er hann var í, ok kalladi sa til sín adra. Þa runnu þangat munkar ok helldu ath liosi, ok var þat blautt ok hvitt, ok mattu þeir eigi kenna, hvers kyns kledi þat var, þreifudu um, ok þotti aullum klædi vera. Þa bad Klarus brædr alla vera 30
æ bænum, at drottinn syndi þeim gerr, hveriu þetta gegndi. Þa voru allir munkar æ benum þat sem eptir var netrinnar. En er dagr kom, þa toku brædr í hond honum ok villdu leida hann til Marteins, þvíat þeir vissu vist, at eigi mundi diofuls velar felaz fyrir honum. Þa tok Anatholius í moti at standa ok kvad ser 35
bannad vera at syna sik Marteini. En þeir neyddu hann til at fara þangat; þa hvarf klædit af honum, þvíat diofull þorði eigi ath syna vælar sínar Marteini.

24. Þess skal ok geta, med hversu mikilli slegd fiandinn þorði at freista siolfan Martinum, þvíat hann bra liosu líki æ sik 40

um dag, at hann mætti leynast, ok var hann purpura skryddr ok hafði korono æ hofði gulli buna ok setta gimsteinum ok gullbuna skua æ fotum, ok var hann skryddr sem konungr, ok hann var hyrligr i æliti, sva ath hann matti likari þikkia eingli en diöfli, ok kom inn i hus þat, er Marteinn var æ ben. En er Martinus sa hann, þa let hann nidr falla bænina, ok þogdu þeir badir um stund. Þa mælti diofull fyrri: «Kenn med þu, Marteinn, þann er þu ser, Kristr em ek af himne kominn ath vitrazt þer.» Martinus þagði ok villdi aungu svara. Þa endrnyiadi diofull dirfd
 10 sina ok mælti i annat sinn: »Hvat efar þu, Marteinn, ath trua þvi sem þu ser? Kristr em ek.» Þa skilde Marteinn af helgum anda, at diofull syndizt honum, en eigi gud, ok svarar: »Drottinn Jesus Kristr het eigi at koma i konungs skrudi ne purpura skryddr, ok man ek eigi trua, ath Kristr se, nema ek sæa hann i þeim
 15 likama, er hann var pindr, ok hafi hann krossmark ser.» Þa hvarf ovinrinn æ brutt sem reykr; en sva illr daunnt var eptir i husinu, at eingi matti efi æ þvi vera, ath diofull hafði þar komit. En þessa sogu sagði Martinus siolfr sidan lærisveinum sinum.

25. Enn for Martinus um dag um byskups syslu sina a
 20 noekarum vetrardegi, ok gisti hann kennimenn nokkura, er einni kirkiu þionudu. En þeir hofdu kyndan elld adr i svefnstofu hans ok borit mikinn halm i rekkiu hans. En er Marteinn for at sofa, þa styggdizt hann vid blautleik rekkiunnar, sva sem honum væri þat mikil meingerd, þviat hann var vanr at liggia æ berri iordu, sva
 25 at harklædi eitt var undir honum. Þa kastadi hann undan ser aullum halme utar til ofns, en hann breiddi undir sik harklædit æ bera iord, sem hann var vanr, þviat hann var farmodr. En er halminum var kastad æ ofnenn, þar sem glædr voru undir, þa fell halmrinn sumr nidr i elldinn i gegnum golfpilis raufar, ok tok þa
 30 at loga allt saman. Marteinn hræddizt elldinn, ok rann hann fyrr til dyra, en hann minntizt bænar sinnar, ok villdi lata loku fra hurdu, ok matti eigi. Þa lagði logann at honum, sva at klædin brunnu nokut, þau sem hann var i, ok var honum heitt. Þa mintizt hann, at betra var at treystast gudi en at flyia, ok tok
 35 hann skiolld truar ok bænar ok gek i logann midian ok bad fyrir ser, ok lagði þegar logann fra honum, sva at honum vard eeki mein ath. En er þeir sa, er uti voru, at husit logadi, þa brutu þeir upp dyrrin ok leiddu ut Marteinum heilan ur eldinum, þar sem þeir hugdu hann andadan mundu vera. En Marteinn sagði
 40 sva siolfr, at þa hefði fiandi honum næst lagit, at hann mundi

tæla hann, er hann gadi eigi fyrir hræslu sakir at beriazt i gegn haska med bena trausti. En hann kvad logann leggja til sin, med(an) hann braust vid ath komazt brutt ur husinu, en þegar lagdi logann fra honum, er hann gerdi krossmark yfir ser ok hvarf til bæna traustz. Þessa hluti, sem nu eru sagdir, ritadi Sulpicius 5 lërisveinn Marteins um lif hans ok iartegnir, en Gallus lërisveinn hans ritadi þat, sem eptir ferr.

26. Marteinn var genginn til kirkiu um dag, ok kom ath honum klædlaus madr nockurr ok bad hann gefa ser klædi. Þa kalladi hann þangat diakn sinn ok bad hann skyndiliga sækia klædi 10 hinum valada manni. Þa for Martinus ok sat i kirkiuskoti, þar sem hann var vanr at sitia einn saman, þa er adrir kennimenn foru til syslu sinnar, þar til at mal var at fara til hamessu. Martinus var alldri vanr at sitia i skotinu æ stoli, knack atti hann ser, þann er hann sat æ, ok voru þriu stig unndir knackinum, sva 15 sem mansmenn eru vanir ath sitia æ. En eingi madr sa hann sitia i kirkiu. En er diaknit(!) dvaldi at selia klædit enum valada manni, þa for hann þangat, er Martinus sat i skotinu, ok lezt kalinn vera ok kvad diakninn ei hafa selt ser klædit. Þa for Marteinn ur kyrtili sinum, sva at hinn valadi sa þat eigi, ok selldi 20 honum ok bad hann fara leidar sinnar. Þa kom diakninn litlu sidarr ok sagdi, at menn voru komnir til kirkiu ok bidu messu. Martinus svarar, at hann matti eigi messu syngia, fyrr en enn voladi hefði klædit. Diakninn vissi eigi, at Martinus væri kyrtils-lauss, þvíat hann var i kapu sidri, ok spurdi hvar hinn valadi 25 væri, er hann sa hann eigi þar. «Sæli mer kledit, sagdi Martinus, ok man til vera hinn valadi at þiggia.» Þa reiddizt diakninn ok tok or fata aurk vandan kyrtil slitinn ok stuttann .v. penninga verðan ok kastadi fyrir fetr Martino ok mællti: »Her er nu kledit, en hvar er hinn valadi?» Þa bad Marteinn diakninn fara 30 til kirkiu, en hann for sidan i kyrtilinn leyniliga, sva ath eingi vissi. Sidan for hann at syngia messu i því klædi ok færa forn gudi. A þeim degi sa prestar nockurir ok munkar ok nunnur nockurar himnerskan eld yfir hofdi Martini, þa er hann saung messuna, ok syndizt sva (sem) harin æ hofdi honum risi i gegn 35 eldinum ok hefizt upp i loft allt saman.

27. Ewancius het einn vel truadr madr, ok var þo miok bundinn i veralldar fiolskyldum, hann tok sott mikla ok sendi Marteiini ord, er hann þotti miok at bana kominn. Marteinn dvaldi eigi at fara. En fyrr en hann kemi midleidis, þa kendi inn siuki madr 40

krapt hans, ok tok þegar heilsu ok for siolfr a mot honum. En annan dagh, er hann villdi braut fara, þa dvaldi Evencius hann ok bad hann eigi fara, þvíat höggormr hafdi lostid einn af hium hans. Þann svein fann Evencius miok sva daudan ok bar hann
 5 heim æ auxlum ser ok lagdi nidr fyrir fetr Martini. Þa hafdi eittr ormsins farid um alla limu sveinsins, ok var hann allr blasinn sem belgr. Marteinn for haundum um hann ok tok fingri sinum fyrir sarit, er ormrinn hafdi hauggvit. Þa tok eitrid ath renna aullum megin til handar Martini. En er hann letti fingrinum fra
 10 sarinu, þa sprak eitrid ur undinni med blodi. Sveinninn reis upp heill, en þeir lofudu gud, er þetta sæ.

28. A nockurri tid for Martinus um byskupssyslu sina, ok fylgdu honum lærisveinar hans. En er þeir attu dvol nockura, þa for hann æ veginn fyrir æ leidinni, ok er leiti bar æ milli þeira,
 15 þa komu æ moth honum menn, þeir er baru varning sinn æ morgum eykium. En er kykvendin sa Martein i svortum kledum, þa felðuz þau ok hlupu af gautunni ok vöfduzt i reifunum, ok gerdizt farartalmi þeim, er skynda villdu. Þa reidduzt þeir ok hlupu af baki hestum sinum ok baurdu Martinum leingi med
 20 svipum ok staungum. En hann hafdi þolinmædi vid meingerdir þeira ok brást augan vegh vid, er þeir baurdu hann. En þeir fylltuz þess ath meirr grimleiks i mot honum, sem þeim virdizt, at honum þotti einkis um vert, er þeir bordu hann, helldr en hann kendi eigi. Þa komu lærisveinar hans eptir, er dvalizt hofdu, ok
 25 fundu hann miok sva örendan ok serdan allan likama hans, ok hofdu þeir hann æ asna sinum ok skundudu þadan æ brutt, er sea osomi hafdi ger verit. En riddarar hurfu aptr til hesta sinna, er þeir voru saddir æ reidi, ok gerdu faur sina ok villdu skynda. En þa voru hestar þeira stirdir, sem at steinum væri ordnir, ok
 30 mattu hvergi hrerazt ur sporum. Þeir eptu æ þa ok baurdu, þar til er þeir hofdu madar allar svipur sinar; sidan runnu þeir i skog ok hiuggu ser vondu ok steingr. En er þeim kom þat ækki at halldi, þa vissu þeir eigi, hvat ath skylldi hafa, er faraskiotar stodu sem liknerski. Þa skildu þeir, at guds kraptr hepti for
 35 þeira, ok spurdu þa menn, er þeir hittu, hvern þeir hofdu bardan litlu adr. En þeir urdu þess visir, at þeir hofdu Martein byskup bardan, ok þurptu þa eigi at geta til, hvi for þeira dvaldizt. Þa runnu þeir allir skyndiliga eptir honum ok iosu molldu i hofud ser ok andlit ok fellu til iardar fyrir kniam Martino ok badu ser
 40 liknar ok þess, at hann leyfði þeim at fara, ok tauldu ser i því

þisl, er þeir vissu þenna glep ser æ hendr, ok taulduzt þess verdir, at iord rifnadi fyrir þeim kvikum, eda þeir stirdnudu sem farar-skiotar þeira siolfir, ok badu med tarum, at hann fyrirgefi þeim synd þessa. En Marteinn vissi farartalma þeira ok sagdi, adr þeir kemi, at þeir mundi koma. En hann var eigi ofusari at veita þat, er þeir badu, en þeir at þiggia, ok blezadi hann þa ok bad þa fara med allum þeim farargreida (ok) skiotum sinum, hvert er þeir villdu.

29. Enn atti Martinus for um dag til kastala þess er Karna-tinum heitir. En bær fiolmennr var æ gotu hans; þadan kom mikill flokkur (heidinna) manna æ mot þeim, því at einghi madr kunni Kristz nafn æ þeim bæ. En þo foru þeir ut æ vidan voll, er þeir spurdu þangatkvomu Martini. En hann skildi, hvat honum var fallit at gera, ok toc hann at telia fyrir þeim tru ok guds ord, at þeir kynni skapara sinn. Ok gek þa fram kona nockur ok bar i fadmi ser lik sonar sins nyandadzt ok mællti (vid) Martinum: »Vitum ver, at þu ert vinr guds, af því giallt mer son minn, er nu er andadr.« Þa hurfu at fleiri med henni ok badu þess, er hon bad. Marteinn sa, at maurgum mondi su iartegn stoda til andar heilsu, ef gert væri, ok tok i hendr ser likit ok fell til bænar fyrir aug-liti alþydu. En er hann hafdi bæninni lokit, þa reiss sveinninn upp, ok selldi Marteinus hann lifanda modurinni. En allr mann-fiolldi sa tok tru, sa er þar var, ok fellu þeir til fota honum Martino ok badu hann krisna þa. En hann primsignði þa þegar æ þeim velli, er þeir stodu, ok skirdi þa litlu sidar.

30. A þeiri tid er Marteinn hafdi litlu adr til byskups verit kosinn, þa atti hann skyllða faur til konungs fundar, þess er Valen-tinianus het. En er hann vissi, at Marteinn mundi þess bidia, er hann villdi eigi veita, þa bad hann vardveita dyrr, at Marteinn metti eigi inn ganga. Konungr var dramblatr, ok spillti þat mest fyrir honum eina, er kona hans var bundin i Arrius villu, ok sneri hun aullu hugskoti hans fra gaufgan vid Martein. En er Marteinn hafdi komit um sinn eda tys(v)ar til konungs hallar ok nadi eigi inn at ganga, þa tok hann ath bidia um nætr ok daga til guds med tarum ok med vðkum ok faustum, at hann matti framkoma því, er hann villdi. Þa syndizt honum eingill guds ok bad hann fara ottalaust til konungs, en hann kvezt mundu upp luka dyrum ok mykia dramb hans konungsins. Þa styrektizt hann af þessu vidmæli eingilsins ok for auruggr til hallar ok gek inn, sva at konungr bannadi. En er konungr sa Martein kominn,

þa ygldizt hann æ dyrverdinum(!), er hann hafdu(!) inn latit ganga, ok gerdi hann eigi upp risa mot honum ne luta. Þa kom elldr upp undir stoli konungsins, ok brunnu klædi hans nedan, ok vard honum heitt. Þa reis hann upp af stolinum ok laut Marteini ok gofgadi þann, er hann ætladi at fyrirlita, ok veitti honum þat, er hann ætladi, at hann mundi bidia vilia, ok beid eigi þess, at hann veri bedinn. Konungr baud Marteino opt til bordz med ser ok villdi gefa honum margar gíafir, en Marteinn villdi aungar þiggja.

10 31. Claudiomakus het bær skamt fra Turonsborg; en þangat var kirkjusokn fiolmenn, þviat þar eru helgir domar margir ok nunnusetr. En Marteinn hafdi dvalizt i husi einu, þvi er nálægt var kirkiunni. En er hann var brutt farinn, þa toku nunnur halm þann allan, er under honum hafdi verit i husinu, ok skiptu
15 med ser. En er fair dagar lidu þadan, þa tok ein'þeira þann hlut halmsins, er hon hafdi feingit, ok batt vid hals odum manni, þeim er villu andi kvaldi, ok vard sa þegar heill vtan alla dvol.

32. Ða er Marteinn for ur Treverisborg um dagh, kom i mot honum kyr ein diofulod, er geingit hafdi fra nautum ok gert
20 monnum geig. En hirdar runnu eptir ok kaulludu, at Marteinn skyldi sea vid kunni. En er hann sa rasandi ku fara at ser, þa hof hann upp hond sina æ mot kunni ok bad hana standa. En er hun nam stadar, þa sa Marteinn dioful sitia æ baki kunni, ok mællti, at hann skyldi i brutt fara ok kvelia eigi smala manna
25 saklausan. Inn illgiarni andi vard ath hlyda bodordi hans ok flydi. Kyrin vitkadizt ok skildi heilsu sina ok fell til fota Marteins. En hann blezadi ok bad hana aptr hverfva til hiardar sinnar hegía sem saud.

33. Enn metti Marteinn um dagh veidimanna lidi, þa er
30 hann for um byskupssyslu sina. Hundar elltu hera æ vidum velli, þar sem honum (var) eeki fy(!)sni at fordazt, ok var þa ath komit, ath hann mundi tekinn verda. Marteinn sa aumu æ dyrinu ok bad, ath hundarnir næmi stad. ok letti ath ellta dyrit. Þa namu þeir stadar at hinu fysta ordi hans, sva sem þeir veri graf-
35 nir nidr, en herinn setti undan ok fordadizt sva fiandr sina.

34. Fra þvi skal segia, hvilik voru hversdaglig ordh Marteins, þviat þau voru full andligrar skynsemi. Saud nykliptan sa hann um dagh ok mællti: »Sia saudr fyllti gudspíalls ord, hann hafdi .ii. kyrtla ok gaf þann annan, er hann hafdi adr. Sva skulu

þer ok gera.« Enn sa hann svinahirdi halfnauctan i skyrtu skinsz ok mælti: «Þessum skinnkyrtilsmanni var Adam glikr, þa er hann var brutt rekinn ur paradisu; en vær skulum nidr leggja enn forna Adam en skryda oss enum nyia Adam, þat er Jesu Kristo. Enn kom Marteinn a voll, þar sem naut hofdu bitid, en i sumum 5 stodum hofdu svin rotat; sumstadar var vollrinn fagr ok vaxinn allskyns grasi ok blomum, þar er ecki var bitinn, ok mælti hann: »Sea stadr vallar, er smali hafi yfir farit ok bitit af it fegrsta, merker hiuskapar lif, þat er tynt hefir meydoms tign, þott þat hafi nockurn ævoxt godra hluta, sva sem her er nockut gras æ 10 vellinum. En sia hlutr, sem oskaddr er ok fagr, merker meydoms dyrd, þa er skinn fyrir gudi i aullum kraptablomum. Sea er makligh fegrd ok gudi þægiligh², þviat ecki ma annat iafnazt vid meydom. Sva sem þeir villazt miok, er hiuskap iafna vid hordom, sva eru þeir ok heimskir, er hiuskap iafna vid meydom. En su er 15 grein æ þvi, ath meydomr mun koma til dyrdar, en hiuskapr til varkunnar, en hordomr til eilifra pisle, nema idran ok yfirbot hreinsi hann.

35. Riddari nockurr kom til Marteins ok gerdizt munkr ok gerdi ser hus i leynilegum stad sva sem einsetumadr. En slægr 20 fiandi freistadi hans i hugrenningu, sva ath hann beiddi Martinum, at kona, su er hann hafdi atta, færi þangat ok væri med honum, en hun var þa nunna. Marteinn varnadi þess ok kvad omakliga samvistu þeira, er hann var munkr, en hun nunna. En riddarinn taldi ecki hetligt i þvi, þott Marteinn lofadi þetta, ok 25 kvad þau eigi aftr mundu hverfa til ennar fyrri munudar, þar sem þau voru bædi vigd til guds pionustu, ok kvad hann Krist hafa lofat æ sinum tidum samvistu karlla ok kvenna. »Segdu mer þat þa, kvad Marteinn, hefir þu nockut sinn verit i orrostu?« En hinn kvezt þar opt hafa verit. Marteinn svarar: »Segdu þa, ef 30 þu satt nockura konu standa i fylkingu ok beriazt i orrostu?« Þa skammadizt riddarinn ok þakkadi gudi, er honum var eigi lofat at lifa eptir villu sinni, ok var hann þeygi akafliga ævitadr, helldr leidrettr makligum dæmum, þeim er riddara voru kunnigh.

35^b. Ein mæR var su, er hafdi sik sva brutt fra augliti karla, 35 at hun let eyngan karlmann koma til sin. En Marteinn gek þar fyrir dyrr um dagh ok villdi finna hana, þviat hann hafdi fregit krapt hennar ok tru. En þeir er honum fylgdu ætludu vist, at mærin myndi þvi fagna ok ganga þegar æ mot honum, at þat

- mætti verða vitni guðligrs verðleiks, er slíkr byskup villdi koma til húsanna. En hún lét eigi rakna staðfesti fyrirtalanar sinnar, ok sá sva við at sea karla, at hon villdi eigi siölfan Martinum lat(a) koma til sín. En er kona, su er send var, sagði
- 5 Martein þessi svaurl meylarinnar, þá fór hann gládr a brutt ok lofadi staðfesti hugskoð hennar, ok þótti eigi sér þat meingerd þótt hún villdi eigi sía hann, helldr fagnadi hann því, er hon villdi betr gera, en dæmi fyndiz til (i) herodum þeim. En hverr mundi sá byskup annarr æn Martein, at eigi mundi sér þikkia
- 10 i meingiord, ef hann væri sva fyrirlitinn af nockurri meyl. En hann gerdi þá virðing hennar sem einskiz mannz adr ne síðan, þvíat hann hafði alldri við gíof tekit, en hún sendi honum goðar gíafir, ok tok hann við aullum ok sagði sva, at kennimenn attu eigi at fyrirlita gíafir [meylar þeirar¹, er kennimönnum var betri.
- 15 36. A nockurri tíð satu þeir Gallus ok Sulpicius lerisveinar Martein's uti fyrir dyrum húss hans ok voru hleodir, sva at hann vissi eigi, at þeir væri þar, þvíat hurðin var vanlaga aþr lokin. Þá heyrdur þeir rom inn i húsið sva sem manna mál, ok varð þeim ogn at því mikil, at miklu nockuru mundi gegna. En er .ii.
- 20 stundir voru líðnar, þá gekk Martein ut or húsinu. En Sulpicius var kunligast vanr at mæla við hann, bað hann Martein segia þeim, við hveria hann mælti i húsinu Martein, eða hvað ogn su merkti, er þeir hrædduzt baðir. Martein var traður at segia, en eeki var þat, at eigi geti Sulpicius af honum um síðer.
- 25 »Segia mun ek yðr um síðir, kváð Martein, en ek bíð, at þið segit aungum. En helga María, Agnes ok Tekla voru hía mer i húsinu.« En hann sagði til ælita þeira ok buning(s), ok kváð hann þer eigi at eins þann dag vítið sín helldr miklu optar, Petrum ok Paulum kallazt hann opt sía, ok sagði þá koma til sín.
- 30 37. Kennimanna fundr² var um dag i borginni þeirri er Nemaus heitir. Til þess fundar villdi Martein eigi fara, en þó villdi hann vítið, hvað þar (væri) gert eða mælt. A þeim degi er þeir fóru Martein ok Sulpicius æ skipi, en þó sat þar Martein einn fjarri maunnum auðrum i nokuru rúmi skipsins, þá
- 35 kom eingill guðs at honum ok sagði honum þá hluti, sem gerduzt æ kennimanna fundinum. En er at var leitad, hvenar³ verit hafði kennimanna fundrinn, þá spurðizt sva til, at æ þeim degi hafði verit, ok þat allt mælt æ þeim fundi, sem eingillinn hafði sagt Martino.

40 1 [meylar þeira Cd. 2 fundar Cd. 3 hvarenar Cd.

38. Enn gerdizt iartein i borg þeiri er Karnotinum het. Bondi einn frendi Martini ferdi dottur sina¹ .xii. vetra gamla². En hon hafði alldri mal sitt haft. Bondi bad Martinum leysa tungu hennar til mals. En hann svaradi, at þeir byskupar voru helgare ok mattu þetta helldr gera, er þa satu atverendr honum, 5
Valentinus ok Victricius. Þa toku byskuparnir at bidia Martein med boandanum, at hann veitti þeim huggan, er gret. Þa dvaldi Martein eigi leingr litilleti ath syna helldr oc veita mildi, ok bad alla menn adra ut fara ur kirkiunni nema byskupa ok fedr meyarinnar. Þa fell hann a kne til bænar, sem hann var vanr. 10
Sidan bio hann ok vigdi vidsmior ok helkti i munn meyiunni, ok spurdi hana sidan at nafni faudur sins. En hon svaradi þegar skyrt ok sagdi. En fadir hennar felldi tar fyrir fagnadi ok fell til fota Martino, ok lezt þessa rödd dottur sinnar fysta heyrda hafa.

39. Kona eins rikismanz sendi Martein vidsmior i glerkeri 15
at vigia fyrir naudsynium ymissa sotta. En glerkerit var eigi fullt. En er Martinus vigdi vidsmiorit, þa lezt prestur nockurr sea þat vaxa vid vigsluna. Sa voxtr hellzt þar til, (er) sellt var konunni, ok var þa sva fullt kerit, at eigi matti aptr luka, ok hafði vidsmiorit runnit æ faut honum ok þess er med for. Glerker 20
fullt vidzsmiors, þess er Martinus hafði vigt, var i glug einum ofarliga, en sveinn einn kom til ok svifti ofan duke þeim, er yfir var breiddr, ok vissi hann eigi, at kerit var undir. En (þat) fell nidr æ steina, ok ugdu menn þa, at blezan Martein(s) mundi fyrirfaraz. Þa var glerkerit fundit heillt, sva sem æ enn blautasta 25
dun hæfði fallit, ok eigi var vizsmiorit nidr slagnat. En sea hlutr gerdizt eigi af athburd einum nema af krapti sinum, þviat eigi matti blezan hans fyrirfarazt.

40. Enn foru munkar um dag hia bæ nockurum, en hundr hliop at þeim ækafiga olmr. Þa mællti einn þeira: »I nafni Mar- 30
teins þegi þu!« Þa þagnadi hundrinn sva³ sem tungan veri skorin ur honum. Eigi at eins gerdi Martein siolfr iarteinir, ok gerdu margir i hans nafni.

41. Avicianus iarll var aullum kunnr ath grimleik sinum, en hann kom um dag til Turonsborgar med miklum grimleik, ok 35
fylgdu honum bandingiar marger, er til pislar [voru etladir ok til bana⁴ annan dag eptir. Þa gerdiz hryggleikr yfir borgarlydnum af grimligri fyriretljan iarlsins. En er Martein sa ok fra þat, þa

1 son sinn *Cd.* 2 gamlan *Cd.* 3 at *tílf. Cd.* 4 [*saal. rettet;* veri etladir ok til bana verit etladir *Cd.*

for hann einn til husa iarllsins litlu fyrir midia nott, þa er allir menn svofu. En er hann matti eigi inn komazt, þviat dyrum var aptr lokit, þa fell hann æ kne til bænar fyrir dyrum. En er Avicianus var¹ fast sofnadr, þa vakti eingill guds (hann) ok mællti: «Þrell guds liggr her uti fyrir dyrum, en þu hvilir ok sefr.» Þa hræddizt iall ok reis upp ur reckiu sinni ok kalladi æ præla sina ok kvad Marteinn uti fyrir dyrum ok vilia inn fara. En pionustumenn voru syfiadir ok gengu eigi leingra en til ens hinsta þrauskaulls, ok hlogu at herra sinum ok sogdu villu eina
 10 bera fyrir hann ok kvadu aungan mann fyrir dyrum vera, ok sva gatu² þeir talit fyrir iarllinum, ok kvodu aungan mann fyrir³ dyrum. Ok lagdizt iarllinn til svefns i annat sinn. Þa bardi eingill guds æ honum þegar ok let hann eigi sofa ok sagdi, at Marteinn stod fyrir dyrum. En er þælar dvoldu ut at ganga, þa
 15 reis iarll upp siolfr ok gek upp skialfandi ok fann þar Marteinn, sem honum var sagt, ok vard honum ogn at vitran sva mikils krapz. »Fyrir hvi fortu svo vid mik⁴ drottinn? sagdi iarll. Eigi er naudsyn ath mæla vid mik, veit ek, hvat þu villt, ok se eg, hvers þu leitar; far þu æ braut, þegar þu vill, ok haf þat, er þu
 20 vill ok þu kyss, at eigi glati mer reidi guds, fyrir þat er ek gerda. Tru þu því, at eigi var litil ogn bodin, adr ek gek til hurdar.« En er Marteinn hefir brutt farit, þa heimti iarll þargat þiona sina ok let upp luka aullum myrkvastofum ok leysti alla bandingiana, ok for siolfr i brutt þegar. En borgarlydrinn tok at
 25 glediazt. En þo at Avicianus iarll væri grimr ok agiarn, þa þordi hann alldri at gera rán Turons borgarmonnum.

42. Enn kom Marteinn um dag til huss iarlsins, ok sa hann [mikinn dioful⁵ sitia æ halsi honum. Þa bles Marteinn æ hann, ok flydi illr andi fra honum þegar. Hugdi iarllinn æ sig blasit
 30 vera til hadungar. »Til hvers hædir þu at mer?« sagdi iarllinn. »Eigi at þer sagdi⁶ Marteinn, helldr at þeim en[um svarta], er sitr æ halsi þer.« En fra þeim degi var Avicianus iarll alldri iafngrimr sem adr, þviat hann matti skilia, at hann hafdi af diofuls vilia grimleik framhafdan, ok því annars, at Marteinn
 35 hafdi brutt rekit, ohreinan anda fra hiarta hans.

42^b. Munklifvi Marteins var .ii. milur fra Turons borg. En ævallt er hann gek til kirkiu, þegar hann ste um dyrr husins, þa toku ærir menn at skiolfa, þeir sem i kirkiunni voru, sem illmenni

1 h¹ (d. e. hafdi) Cd. 2 gauta Cd. 3 fyrum Cd. 4 sag sva tilf. Cd. 5 [mikill diofull Cd. 6 iarllinn tilf. Cd.

hredizt, þa er domandi nalgast. Af þeim skialfta odra mauna vissu þeir, er i kirkiunni voru, nær Marteinn mundi koma. Ok er hann kom til kirkiu, þa matti sia margra diofla breytni yfir enum odum monnum, adr þeir flydu. Sumir hengu i lopti, sva at eigi toku fetr til iardar, en fotum sumra sneri i loptt upp, ok fellu þo klædin eigi nidr um þa, sva at þeir yrði nauektir, ok eigi gerði þat augum Martini oskil. Sumir sogdu glæpi sina eda nafn, sva at eingi spurdi þa: einn kvezt heita Þorr, annarr Odinn; margir adrir nefndu sik. Eptir þessa hluti flydu ohreinir andar med kvalum fyrir krapti Martini.

43. Einn bær var sa, ath brad hrid ok hagl spillti aukrum manna a hverium missorum. En þeir er þar biuggiu(!) badu Martein veita ser miskunn i skada þessum. Sa het Auspicius greifi, er þetta eyrendi bar Martein, þviat honum var einna mest mein at haglinu. Þa bad Marteinn fyrir stad þeim, ok leysti allt herad fra bradahrid þessi, sva at aungum manne vard mein at haglinu æ þeim .xx. vetrum, er Marteinn lifdi sidan. En æ þeim misserum er Marteinn andadizt, þa endrlifnadi su en sama hrid i þeim stad, at allir mattu¹ vita, at þat hefði eigi af atburd einum æ brutt horfit helldr af bænum Martini.

44. I einum fornum kastala, þar sem nu er munkbygd, var fyrr blot ok skurgod i ramlighum stopli, þeim er ger var ur slettu grioti. I þeim stopli ofanverdum sat skurgodit. Þenna stopul hafði Marteinn bodit at briota Marcello presti. En er hann kom þangat, þa avitadi hann prestinn um þat, er hann hafði eigi brotid stopulinn. En Marcellus fann þat vid, at stopull sia væri sva ramgiorr, at trautt mundi briota mega, þott aull alpyða kemi til, ok kvad þat torvellt verda ostyrkum monnum, þeim er mæddir voru i vokum ok faustum. Þa snerizt Martinus til bæna traustz ok vakti þa nott alla. En at morne kom vedr sva mikit, at nidr braut stöpulinn allan til iardar.

45. Enn vard þessum likr hlutr æ audrum bæ, at Marteinn villdi briota einn ramlegan stöpul, þann er blotadr var, ok nadi hann því eigi. Þa snerizt hann til bænar at vanda sinum. En sidan syndizt ofan falla af himne stopull iafnmikill blotstoplinum, ok fell i hofud skurgodinu ok leysti i sundr stopulinn allan sem molld ok ösku; þviat himnerskr kraptr þionadi Martein ei at eins osyniliga helldr ok syniliga fyrir alpyðu augum.

46. Svo sagdi Refrigerius prestr, at kona su var, er blodræs mæddi miok. En er hun kom vid kyrtils trefr Martini, þa tok hon heilsu sina eptir dæmum gudspiallz, sva sem sagt er fra drotni vorum.

5 47. Haugormr einn skreid yfir ana þvera þangat til landz, er Marteinn var ok lærisveinar hans. »I nafne drottins byd ek þer aptr at fara til sama landz,« kvat Marteinn. Þa snerizt orm-rinn aptr til sama landz vid ord Marteins. En er allir undraduz, þeir er þetta sa, þa komz hann vid ok mælti: »Hogormar hlyda
10 mer, en menninir eigi.«

48. Martinus var vanr at æta fisk um paska i eptirlikingh þess, er drottinn at fisk eptir pisl sina. Þa spurdi hann um dag litlu fyrir matmal, ef fiskr væri buinn. En sa diakn, er fæslu bar munku, ok hann var vanr at fiskia, lezt hann þa ecki fiskt
15 hafa ok aungan mann annan æ þeim degi. »Far þu nu, sagdi hann Marteinn, ok legg ut net þitt, ok man fram koma veidiskap-rinn.« En klaustrinn þeira var skamt fra anni, sem Sulpicius segir fra i bok sinni. Þa drifu ut allir at sea fiskemanninn, ok þotte aullum vissa veidi, er Marteinn hafdi til visat ok þurpte
20 siolfr at hafa. Ok at enu fysta netvarpe dro diakninn mikinn lax i litlu neti, ok fann hann þegar heim med feng sinn.

48^b. Arborius gaufugr madr lezt þat sed hafa nockut sinn, þa er Marteinn song messu, at hönd hans var skryd sva sem enum dyrligstum gimsteinum, ok sa hann skina lios gaufugligt
25 yfir honum.

49. Maximus konungr var godr at audru, en hann vard tældr af radum kennimanna eptir vig þess manz, er Priscellianus het. En sa byskup het Ithacius, er Priscillianum hafdi radit. En konungr hellt hendi yfir honum ok yfir audrum lagsmaunnum hans, sva at
30 eingi ~~aasakadi~~¹ hann þeirar syndar, er hann hafdi Priscillianum radinn. Þa sompnoduzt byskupar saman i Treverisborg ok gengu i lag ok radagerd med Ithakio byskupi, ok urdu allir undir einni sok, nema einn byskup, sa er het Teognistus, hann gerdi eigi at ganga i lag med þeim ok fyrirdæmdi þa med berligu atkvædi.
35 Þa gerduzt margir hlutir til þess, at Marteinn villdi finna konunginn. En er byskupum var sogd þangatkoma² Marteins, þa toku³ þeir at hrædazt, þviat þeir hofdu adr litlu eggiað til konunginn til þess, at hann sendi herinn til Yspanialandz at drepa villumenn. En þat var vist, at þar mundi marger godir menn
40 verda fyrir styriolld þeiri, er i herfor⁴ tekizt, þviat þeir mundi

1 aaskakadi Cd. 2 þangatkomu Cd. 3 trudu Cd. 4 herfortn Cd.

litla gera grein manna ok dema meir at aliti eda klædabunadi en at saunri tru. En byskupar vissu, at Marteinn mundi þetta eigi lika, ok varð þeim at því mestr oroi¹, at Martinus mundi sik skilia fra tidagerd þeira, þa er hann kemi, ok þóttuz þeir ecki traust hafa, ef hann væri berliga i mot þeim. Þa redu þeir þat konung-
inum, at hann sendi menn sina i mot Marteinn at banna honum
innngonguna i borgina, nema hann heti því at hafa frid vid alla
byskupana, þa sem þar voru. Þessa sendimenn gat Martinus sva
slægda i malum, at hann sagdizt koma med Kristzt fridi. En er
hann kom i borgina, þa gekk hann um nætr at eins til kirkiu til
bæna, at hann yrði eigi i samlagi med Ithakio byskupi ok audrum
byskupum, þeim er hans lids voru. En eftir þria daga gerdizt
hann at fara til konungs fundar. Su var en fysta bæn hans vid
konunginn at bidia reidi af iorllum tveimr Nersete ok Leochadio.
En þeir hófdu badir einna mest² stadið i mot konunginum, ok
fylgdu þeim konungi, er Maximus hafði fra landi felldan. Þat
var ok annat mest kostgæfi Martini at stodva herfor þa, er stofnud
var til Yspanialandz, þvíat sva milldr var hugr hans, at hann
villdi eigi at eins leysa goda menn fra bana, þa er i þeim ofridi
mundu falla, helldr villdi hann ok biarga villumonnum vid dauda.
En konungr dvaldi um dag ok annan at veita Marteinn þat, er
hann bad, þvíat hann matti eigi bratt sefaz, ok þat annat, at hann
villdi komazt at fæ þeira, þvíat hann var fegiarn ok þurpti miok
fiar at kaupa ser lid, þvíat honum bar opt orrostur til handa.
Þa runnu byskupar til konungs fundar ok tolduzt fyrirdæmdir,
er Marteinn villdi eigi vera i tidagerd med þeim, ok letuz þeir
eigi standaz, ef hann efði þess byskups atkvedi, (er) einn hafði
þa fyrirdæmda, ok segia þeir þat eina til liggia at reka Marteinn
braut ur borginni, ef hann villdi tæla villumenn, eda enn helldr
hefna þeira, ok segia³ ecki afrek i at hafa drepit Priscillianum,
ef Marteinn skyldi hefna hans. Sidan fellu þeir til fota konung-
inum ok badu med grati, at hann neytti konungligs rikis i gegn
Marteinn. Þeir hófdu ok i radi at telia Marteinn med villumonnum.
En þótt Maximus vildi miok⁴ teia byskupum sinum, þa vissi hann
tru Marteins ok heilagleik meira en allra annarra byskupa, ok
leitadi hann annars ræds vid hann, en byskuparnir kendu, ok
heimti hann æ mal ok kvaddi hann blidliga, ok segir villumenn
fyrirdæmda helldr af radi rikismanna en byskupanna, ok kvad
aungva sok til þess vera, at rekia þyrfti Ithac(i)um byskup ne lags-

1 orni Cd. 2 nest Cd. 3 segir Cd. 4 meiook Cd.

menn hans, ok let hann Teognistum meirr gert hafa af ovina
sundrþycki vid þa en sannri sok, ok kvad hann verda einn **aa** mali
sinu, en segir adra kennimenn hafa fund att fyrir **faam** dogum ok
ordit samdoma **aa** þat, at Ithacius var osannr at þessi synd. En
er Marteinn skipadizt ecki vid þessi ord, þa reiddizt konungrinn
ok gek fra¹ mali þeira, ok sendi þegar menn at drepa þa, er
Martinus villdi lif þiggia. En er Martinus vard varr² vid þat, þa
gek hann þegar um nottina til mals vid konunginn ok het at vera
i tidagerd med byskupum, ef þeir gengi undan, sem til draps voru
dæmdir, ok hyrfi þeir aptr, er sendir voru at heria til Yspania-
landz. Þa dvaldi Maximus eigi at veita þat, er Martinus bad.
Prim dogum sidarr skyllði vigia byskup þann er Felix het; sa
var heilagr madr ok vel þess verdr, at hann veri vigdr **aa** villdri
stundu. Þann dag valdi Martinus til þess at vera i tidagerd med
Itachio, ok ætladi hann betra at lifa eftir þeim um eina stund ok
biarga þeim, er bani la vid. Þa badu byskupar, at hann ritadi
nafn sitt med nofnum þeira, ok gatu þeir þat eigi af honum. En
annan dag for hann **aa** brutt ur borginni. Ok er hann atti skamt
til bæiar þess er Andetenna het, þa settizt hann nidr einn saman
i skogarnefi, ok idradizt, er hann hafdi gengit i tidagerd med
byskupum. En er forunautar hans voru genguir littad³ fyrir **aa**
leid, þa kom eingill guds til hans⁴ ok mællti: «Sok er til þess, er
þu kemzt vid, en eigi mattir þu annan veg or⁵ leysa; endrbett
þu ok krappt þinn ok tak upp stadfesti, at eigi fair⁶ þu skada
dyrdar ok heilsu.» Fra þeiri tid varadizt Marteinn miok vid at
koma i samlag Itachij ok sveitunga hans. Sextan vetr lifdi hann
sidan, ok kom til einskis kennimanna fundar. En (ef) noekurt sinn
greddi (hann) seinna siuka menn, en hann var vanr, þa lezt hann þess
at giallda, at hann hafdi verit at tida(gerd) med Ithacho, þott hann
veri helldr af naudsyn en af vilia sinum sialfs. En þo tok hann
med fullu sidan aptr sitt verkaup (ok) alla dyrd sina, þviat odr
madr var leiddr sipan til hus hans, ok vard hann fyrr heill, en
hann kemi inn um þrauskaulld.

50. Kaupmenn foru **aa** skipi um dag i því hafi, er Tirrenum
heitir, ok gerdi hrid at þeim, sva at þeim var vid bana hett. En
þar var **aa** skipi einn madr ættadr af Egiptalandi, ok var sa enn
heidinn, sa kalladi ok mællti: «Gud Martini, biarg mer!» Þa
stodvadiz þegar hridin, ok komu þeir þar **aa** land, sem þeir villdu.

1 at Cd. 2 vart Cd. 3 itida Cd. 4 drottins tilf. Cd. 5 ok Cd.

6 farir Cd.

51. Likonius het einn gauf(u)gr madr ok vel truadr, en flest aull hiu hans hofdu tekit sott mikla. Þa sendi hann rit Marteín ok bad ser fulltings. En Marteinn taldi þenna hlut torvellðan at gæta af gudi, þvíat hann vissi, at guds bardagi (var) yfir hium hans, en þo let hann eigi af (at) fasta ok bidia viku alla i samt, þar til er hann gat af gudi þat, sem hann bad. En er Likonius reyndi guds milldi yfir lidi sinu, þa for hann til Marteíns ok gerdi gudi þakkir ok sagdi hiu sin aull leyst¹ fra bana. Þa færði (hann) Marteín .c. marka silfrs, en Marteinn rekti eigi gíof þa, ok þa eigi, því at hann hafði fyrr tekit fe þat til þess at leysa herfeingna menn ur höftum, en þat kemi heim til munklifs. En er munkar eggiudu hann at hafa nockud² af fenu til fezlu þeim eda til klæda, þvíat þeir attu fed hvar(s)tveggja, þa svarar hann: «Kirkian skal oss fæda ok klæda, en ver skulum vid ecki ægirni hafa.» Einn af bræðrum, sa er eigi þarf at nefna, at eigi mælim vær þann kinnroda helgum manni, þa er hann kom um dag til gloda i husi Martini, þa sat hann æ knacki breitt vid elld ok hellt upp klædum sinum ok bakadiz. Marteinn vissi, þott hann sei eigi, at hinn gerdi helgum elldi oskil, ok kalladi ok mælti: «Hverr gerir skemd i husi voru ellde ok sitr nokkvidr.» En er sa heyrði, er vid elldinn sat, þa fann hann, at ecki matti leynazt fyrir Marteín ok skammadiz hann þa, er hann var ævitadr, ok gekk i gegn fyrir Marteín því, er hann hafði gert.

52. Ðat var um dag, þa er Marteinn sat fyrir dyrum nokkurs litils hus sins, þa sa hann diofla .ii. standa æ hamre, þeim er var fyrir ofan munklift. En þeir hlogo at ok mæltu: «Heill sva Brieti, heill Brieti!» Þar til at þeir vissu eigi, hverri æ(d)i þeir hofdu ausit i briost honum. En þa kom þar Brietius rennandi, sva sem odr væri, ok spio upp morgum brixlum æ Marteín. Marteinn hafði avitad hann um þat, er hann for med stodhross ok starfadi i ymsum kaupabata ok keypti mansmenn, þar sem hann atti ecki sliet, adr hann var klerk(r). En því reidizt Brietius allra hellzt, af því ad dioflar eggiudu hann fram, sva at hann matti eigi gæta tungu sinnar en trautt handa. En Marteinn le(i)t hyrliga til hans ok villdi staudva miukum ordum ædi hans. En illr andi hafði sva odan Brietium, at hann styrði ser eigi siolf(r), ok skalf hann allr fyrir reidi ok taldiz helgara en Marteinn, þvíat hann kvezt upp hafa vaxit i munklifi, en Martinum hafa verit fyrst i riddara fylking ok leingi oskirdan, en sidan sionhverfingamann.

1 hiu Cd. 2 nocudu Cd.

En er Briccius hafði þetta mælt ok margt annat verra, þá gekk hann æ brutt ok for aptr enu somu leid, sem hann hafði þangat farit, ok þottiz þá hefnt hafa sin. En Martinus bad fyrir honum, æmedan er hann mælti þetta. Þá kom Briccius aptr, er skamt
 5 leid, ok idradizt orða sinna ok fell til fota Martino ok bad ser liknar ok lezt diofull verit hafa, þá er hann lastadi Marteinn. En eigi var torvellt at geta þat af Martino, at hann fyrirgefi þat, ær misgert væri vid hann. Þá sagði hann lerisveinum sinum, hversu hann hafði sed Briccium eggiadan af dioflum, ok lezt hann eigi
 10 reidazt þeim brigzlum, er þess mein var, er mælti. Sva ok sidan þá er Briccius gerdi marga hluti moti Martino, þá tok hann eigi fyrir (þær) sakir prestskap af honum, þviat hann villdi eigi hefna meingerda, ok mælti þat opt, at hann skyldi sitia meingerdir Briccio, sva sem Jesus Kristr sat Jude.

15 53. Martinus vissi leingi fyrir andlat sitt ok sagði bredrum, at nalgadizt endir efi hans. Þá atti hann faur til bæiar, þess er Condatensis heitir, þviat hann villdi sætta kennimenn, er þar voru missatter vordner. En þott hann vissi andlat sitt nalgast, þá rezt hann þó i faur þessa, ok þotti þessi god æflok krapta sinna, at
 20 hann endrbetti frid kristninnar. Ok er hann kom til ær nockurrar med lerisveinum sinum, þeim er honum voru vanir at fylgia, sa hann skarfa veida fiska ur ænni. «Þetta er liking diofla, segir Marteinn, ok gripa (þeir) þá, er eigi sia vid þeim, ok þeir seta ovorum, ok verda þó alldri saddir.» Þá baud hann sidan med matkum
 25 orða krapti fuglunum¹ at flyia æ fioll ok eydimerkr fra anni, ok neytti hann þess velldis vid fuglana, sem hann var vanr at neyta vid diofla. En skarfarnir flyctuzt þegar allir saman ok flugu fra ænni æ fioll ok skoga. En allir dadu krapst Marteins, er fuglar skylldu hlyda bodordum hans. Marteinn dvaldist nockura daga æ þeim bæ,
 30 sem hann var til farinn, ok setti kennimenn þá, sem þar voru osattir. En er hann biozt heim at fara, þá tok hann sott ok sagði lærisveinum sinum, at hann mundi þá andast. Þá gerdiz hrygg-leikr mikill, ok mæltu allir sem eins munni: «Hvi fyrirlætr þu oss, fadir, eða hverium selr þu oss til vardveizlu? Grimir vargar
 35 vilia gripa hiord þina; hverr bannar þeim at bita, ef hirdirinn fellr fra? Vitum ver, at þu fysist til guds, en ecki þverr verdkaup þitt, þott þu andizt eigi enn. Miskunna þu oss helldr, en þu fyrirlatir oss.» Þá komzt Marteinn vid ok ifadizt um, hvart hann

¹ [rettel; med sidan malkum enda krapturnum Cd; potenti virtute verborum lat.]

villdi helldr lifa eda deyia, þviat hann villdi þa eigi fyrirlata, ok eigi villdi hann skiliazt fra Kristi, ok fal hann gudi æ hendi allan sinn vilia ok mællti: «Ef ek em enn naudzynligr lyd þinum, drottinn, þa neiti ek eigi erfidi; verdi vili þinn! Þung er sysla likamligrar orrostu, ok hefi ek nu ærit leingi starfat i því. En ef þu bydr mer enn at ver(i)a herbudir þinna manna, þa mun ek eigi sakazt vid elli mina, ok standa þa i herbudum þinum, medan ek fylla vilia þinn. En þott gomlum se gott at hvilaz eptir erfidi, þa hefi ek þann hug þo, er yfir stigr alldrinn ok kann eigi at lata fyrir ellinni. En ef þu vill vorkynna elli minni at hvilazt, þa er mer godr vili þinn; en þu vardveit siolfr þegna þessa, er ek uggi, at fyrirlatnir verdi.» Marteinns let hvarki yfir stigaz af erfidi ne af dauda, þviat hann hreddizt eigi at deyia oc nitti eigi at lifa.

54. En (er) sott Marteins vox dag fra degi, þa let hann þo eigi af at gera guds þionustu, ok vackti hann æ bænnum netr ok daga i gegnum, ok neyddi til alla likams limu at þiona andanum, ok hvildi i somu rekkiu, sem hann var vanr, æ harkledi i osku. En er lærisveinar hans badu, at hann leti bera halm undir sik, þa svarar hann: «Eigi samir krisnum manni at andazt annars stadar en i molldu; en ek misgeri, ef ek syni ydr annat demi.» Hondum ok augum hellt hann ævallt til himins ok leysti alldri anda sinn fra bæn. Þa badu prestar, þeir er til hans komu, at hann hegdi likama sinum ok snerizt æ ymsar hlidar. En hann svaradi þeim: «Latid mig helldr sia himinn en iordina, brædr, at andinn fari sina gætu retleidiz til guds.» En er hann hafdi þetta mællt, þa sa hann dioful standa hia ser, ok mællti vid hann: «Til hverss stendr þu her, blodugt dyr? ekki munt þu med mer finna; fadmr Abrahe mun mik taka.» En er hann hafdi þetta mællt, þa sendi hann aund sina til guds æ himna æ midri þvatt-nott, þa er hann (var) attreðr at alldri. En þa hafdi (lidit) .vi. vetr ens [.iii]^a. tigar², er hann var vigdr til byskups, en þa voru [.cccc. ok .ii.3 vetr lidnir fra burd Cristz. Þa heyrdu margir eingla saung til himins. En þeir er hia andlati hans voru, letuz sea guds dyrd æ likama hans. Andlit hans skein liosi biartara, ok var hvergi fleckr æ likama hans. Hverr mundi því trua, at hann hafdi i molldu hvillt ok i harkledi ævallt verit? Þviat þa syndizt allr likame hans snæve biartare, sem þegar væri hann i ædli upprisudyrdar sinnar. Þa kom mikill fioldi manna at þiona likfylgiu hans, allr borgar lydr ok allr af akrum ok bæium, ok margir ur

enum næstum borgum; allir gretu, ok allra hellzt munkar, er þar voru þann dag .ii. m. Aull hiord harmadi frafall hirdiz sins, þott helldr veri fagnanda, þviat gud tok hann til hirdar sinnar. Trua bannadi þeim at grata, en allt eggiadi þa at harma, þviat iafnheilagr var fagnadr af dyrd hans, sem mannlígt var at harma andlat hans. Varkyn(nan)da (var) gratondum, en fagnanda með fagnondum, þviat mildlígt var at fagna Martino, ok millígt var at grata hann.

55. Þangat hafði margr lydr komit bæði ur Turons ok Peitu borg, þar er Marteinn hafði leingi verit, adr en hann varð byskup. Þa var þræta mikil æ meðal þessa hvarratveggia lyds. Peitu borgarmenn sögdu sva: «Varr munkr ok varr æbóti var Marteinn, vær eigum at hafa hann heim með oss; en ydr er ærit þat, er þer attud at heyra kenning hans leingi, ok atut ok drukkut með honum ok vorut styrktir blæzan hans ok gladdir iartegnum hans. Se ydr þetta gnotgt allt, en oss se lofat at hafa hann andadan með oss.» Þa svara Turons borgarmenn: «Ef þer segit oss gnogar vera iartegnir hans, þær sem hann gerði, þa viti þer, at fleiri iarteinir gerði hann með ydr en með oss. Þar reisti hann upp .iii. menn, en her .ij., ok sagði hann þat opt siolfr, at krafr hans var meiri fyrir byskupsdom en síþan; af því er naudsýn, at hann fylli þær iarteinir með oss andadr, er hann fyllði eigi lifandi. Oss var hann gefinn af gudi, en tekinn fra ydr. Ef forn log skulu halldazt, þa æ hann í þeiri borg at vera grafinn, sem hann var vígdr. En ef þer vilit eignazt þat af munksvígslu, þa vitid er þat, at fyrr var hann munkr í Melans borg.» Aa þessa lund þrættu þeir allt til nætr. En þa varðveittu hvarirtveggju líkama Martein(s), ok etludu Peitu borgarmenn at hafa hann æ brutt með sér, þviat þeir voru íolmennari. En gud villði eigi rena lata Turons borg hirdi sínum, þviat Peitu borgarmenn sofnudu æ midri nott, sva at eingi þeira matti vaka. En er Turons borgarmenn sa þat, þa gripa þeir líkam Martini ok letu fara ut um einn glug, en adrir toku víd uti, ok letu fara til skips, ok sva í brutt ok ofan eptir æ þeiri, er Vigenna heitir, ok fellr í æ þa, er Liger heitir, ok fellr su til Turons borgar. 5 En er þeir sungu lof gudi, þa vóknudu Peitu borgarmenn víd þat ok mistu þess, er þeir villdu hafa, ok urdu heim at fara víd sva buit. En Turons borgarmenn fylgdu honum til graptar með lof-saungum ok himnerskri dyrd enum heilaga Martein.

56. Eingi sigr ne dyrd verallig ma íafnazt víd líkfylgiu Marteins. Konungar iardar reka flotta herfeingins líds fyrir

kerrum sinum, en like Marteins fylgdu þeir, er hans kenningum stigu yfir freisne heims; þessa ríkis monnum fagnar vesaligt sigrop ok vopnaglam, en Martein fagnar guðligt lof ok himnerskar raddir; iardlig tign endizt með ogledi ok grimum kvalum, en Marteinn er gládr tekinn í hvíllð Abrahams; Marteinn var her valadr ok mat sík lítills, en nú er hann auðigr ok mikils metinn með helgum monnum æ himnum.

57. [Sulpicius Severus¹ sendir rit Aureliano lærisveini Marteins fóstbroður hans ok segir andlát Marteins. Síðan er þú gegtt í brut í myrgin, Aureliani brodir, þá sat ek einn í husi, ok hugða ek at von ovordinna hluta ok at leidendum þessa lífs ok ogn domadags ok eilífra kvala, ok allra mest at því, at sea hugrænning gerðiz af oll, þat er endrminningh synda minna; ok gerði þetta allt saman (mik) hryggan. En er ek mæddumzt af hryggleik hugar, þá sofnada ek laust þat, sva sem myrginsvefnar eru vanir at vera, ok þottumz ek miok sva vaka. Þá þottumz ek sea helgan Martein skryddan hvítu skrúdi: andlit hans var sem elldr, har hans sem purpure, en augu hans sem stíornur; í þeim buningi ok alíti þotti mér hann vera, sem ek matta kenna, en trautt í gegn sea. Brosti hann við mér ok hafði bok. Þá í hendi, er ek hafða ritad um líf hans. Föll (ek) til fota honum, ok bað ek hann blezandar, ok kenda ek, at hann lagði hönd sína yfir haufut mér; þá leit ek æ hann vandlaga. En er hann hafði blæzad mér, þá gerði hann krossmark yfir mér; þá höfzt hann í lopt upp frá mér, ok sa ek eptir honum, sva leingi sem ek matta, til þess er himinn opnadriz yfir honum. En lítlu síðar sa ek Klarum prest lærisvein hans stiga upp somu gautu. En er ek villða fara eptir þeim, þá vaknada ek ok fagnada þessi syn. Þá kom inn gangandi sveinn nockurr ok oglad(a)ri, en hann var vanr. Ek spurða, hvat hann villði mæla, er ek sa, at hann biost til mals, ok ox honum fyrir augum. Hann svaradi: «Tveir munkar komu or Turons borg ok sogðu Martein byskup andadan.» Þá fagnada ek ok fellda ek tar, ok ma ek nú eigi vatni hallda. Kom nú hingat, brodir, ok gratum báðir samt þann, er við elskudum báðir, þott ek víta, at eigi sæ gratanda eptir helgan mann, þann er sigr vann æ þessum heimi, ok hefir nú tekit dyrd fyrir rettleiti. En ek ma eigi siölfum mér banna at grata ok harma, þvíat ek hefi mist allrar hugganar þessa lífs; en helldr skyllða ek fagna, ef ek mætta fyrir har(mi), þvíat hann er nú samteingdr guðs postolum ok spamonnum ok íafningi²

¹ [Severus ok Sulpicius *Cd.* ² íafningum *Cd.*

enna æstu pislurvotta. Þótt hann veri eigi æ þeiri tíð, at hann mætti pindr vera fyrir guds nafni, þa misser hann þeygi dyrdar guds votta, þviat hann villði ok matti guds vottr vera i fysi ok krapti ok ast ok allre millde ok miskunnsemi. Hans ast kolnadi
5 allðri af veralldar kullða, helldr ox hun dag fra degi allt til enda lifs. [Þeirar astar hans naut¹ ek einna mest, þviat hann elskadi mik overdan frammar en flesta adra. At hverium megi mer slik huggan sidan vera? En hvener megi su stund i lifi minu, er ek muna eigi harma þat, er ek skal lifa leingr en hann? Hversu ma
10 ek hafa unad lifs eða gladan dag, eða hversu mega ek ugratandi gera minningh Marteins, eða mega ek, brodir, annat tala við þik en um hann? En til hvers skal ek reita hug þinn i þessum malum? Ek skyllða þik hugga, þott ek mæga eigi siolfan mik. Lat mik eigi leingr dvelia rit þetta, þviat ek vil, at þu komir sem
15 skiotazt. En af því geri ek þetta mal langt, at sva sem rit þetta syndi upphaf harms, sva mætti þat ok veita þer huggan af vidrmæli okkru.

58. A þeirri tíð var Ambrosius byskup i Melans borg. En er hann saung messu drottinsdag einn, þa var sa vandi, at eigi skyllði
20 lectio lesa, fyrr en byskup baud. En er spamannz lectia var lesin, þa skyllði lesa Pals lectio adra. Ok er þar var komit, þa var Ambrosius byskup sofnadr fyrir alltare, ok treystuz menn eigi at vekia hann. Ok er fall vard æ tidum um .ii. stundir æða þriar, þa voktu þeir hann ok mælltu: «Lidin er nu stund, biod þu,
25 drottinn, at lesa lectio, þviat menn mæðazt at standa.» Ambrosius byskup svarar: Eigi skulut þer hryggiazt, þviat mer stodadi mikit svefn sea. En þer skulut þat vita, at Marteinn byskup brodir minn er nu skilðr fra likama, ok veitta ek pionustu liki hans, ok var enn bæn olokit, er þer vøktud mik.» Þa undruduzt þeir, er
30 heyrdur, ok mercktu þann dag ok stund, ok reyndu, at æ þeim degi ok þeiri stund var Marteinn byskup iardadr, sem Ambrosius sagðiz þiona likfylgiu hans. Sell er sa madr, er þess andlati saung lydr heilagra lof gudi, fognudu flokkar eingla, ok rann æ mot honum allr herr himnakraptz; diofull skamadizt ok flyði, kristnin
35 styretizt af krapti, kennimenn dyrkoduzt af vitran. Mikael tok hann upp með einglum, Maria tok hann með lidi hreinlifismanna ok heilagra meya, paradis lauk(z)t upp fyrir honum, ok fagnar hann utan enda með aullum guds helgum maunnum i himinriki.

59. Severinus Kolnis borgar byskup gaufugr madr i lifi sinu
40 1 [rettet; þeiri astar naud annat Cd.

ok lofligr i aullum hlutum, þa er hann gecc um kirkiu med klerkum sinum eptir morgintidir at veniu sinni **aa** þeim drottins-degi, er Marteinn hafdi andazt, þa heyrdi hann eingla saung til himna, ok kalladi hann þangat diakn sinn ok spurdi, ef hann heyrdi rodd þessa. Diakninn svaradi ok letz eigi heyra. Þa mællti byskup, at hann skyldi vandliga at hyggia. Diakninn hlæradi ok tylldizt: **aa** tær, ok matti eigi heyra saunginn, þviat hann var eigi iafnheilagr sem byskup. Þa fellu þeir til iardar ok badu drottin, at hann leti diakninn heyra saung þenna. En er þeir risu upp af bæn, þa spurdi byskup enn, hvart hann heyrdi. **10** Þa svarar hann: «Saung heyri ek til himins, en eigi veit ek, hvat hann merkir.» »Ek man segia þer, kvad byskup, hvat þat taknar: Marteinn er farinn ur þessum heimi, ok bera einglar hann nu til himins ok syngia lof gudi. En þa er dva(u)l vard **aa** saunginum adan, þa kom diofullinn, ok vid mattum eigi heyra, med illum **15** einglum ok villdi dvelia hann, en fann eeki sins verks med honum, ok flydi hann med skemd. Æn hvat mun verda af oss syndugum maunnum, ef ovinrinn hugdizt granda mundu sva heilogum manni?« En er Severinus byskup hafdi þetta mællt, þa merkti diakninn dag ok stund ok sendi mann i Turonsborg skiotliga. En sa spurdi **20** vandliga, er hann kom þar, ok vard viss, at **aa** þeirri tid andadizt Martinus, er Severinus byskup heyrdi eingla saung til himins.

60. A enu .xvi^{da}. **aa**ri fra andlati heilags Martein(s) byskups tok sa heilagr madr byskupsdom i Turonsborg, er Perpetuus het. En er hann hafdi byskupsdom tekit, þa villdi hann auka kirkio, **25** þa er ger hafdi (verit) til dyrdar helgum Martino, ok þat gat (hann) frame(t), sem hann etladi, at þar var kirkia mikil ger. En er su tid kom, er byskup villdi kirkiuna vigia ok taka upp helgan dom Marteins ur þeim stad, er hann var adr grafinn, þa baud hann til þeirar hatidar enum næstum byskupum ok morgum **30** munkum ok kennimonnum i upphafi manadr þess, er Julius heitir, þvi at hann villdi þa vigia kirkiuna. En er þeir höfdu vakat um nott, þa grofu þeir iord til yfir leidi Martini at morne. En er þeir komu at steinþro hans, þa mattu þeir hana hvergi ur stad hræra þann dag ok annan eptir enn næsta. Þa urdu þeir ugladir **35** ok vissu eigi, hvat þeir skyldu til taka. Þa mællti einn þeira: »Viti þer, at eptir þria daga er vigsludagr hans, ok ma verda at þvi, at þa vili hann, at hann se upptekinn.« Þa hurfu allir til bænar ok fostudu ok vaktu æna næstu .iii. daga². En enn .iiii.

dag villdu þeir upp taka steinþrona, ok mattu hvergi hræra. Þa urdu allir okveda ok baruz þat fyrir at hylia steinþrona med molldu. Þa syndizt þeim gamall madr, at yfirliti gaufugligr, snæve biartare, ok lezt æbotti vera ok mælti vid þa: »Hvi erut þer hryggir æða hræddir? Seait þer eigi, at Marteinn stendr hia ydr ok er buinn at tæia, þegar þer takit hondum steinþrona.« Þa varp sa mautli af ser ok tok til steinþroarinnar med audrum kennimaunnum. En sumir baru lios ok krossa, ok sungu allir lof gudi. En er hinn gamli madr tok til steinþroarinnar, sa er
 10 þeim hafdi vitrazt, þa geck hon aull ur stad letliga. Ok var þa heilagr domr Marteins færdr til þess stadar, er nu er hann gaufgadr ævallt sipan. En er tidum var lokit, þa var leitad vandliga ens gamla mannz, adr til borz var farit, ok matti hann hvergi finnast, ok eingi hafdi hann sed ur kirkiu ganga. En því ma rett-
 15 liga trua, at annathvart hafi þar vitrazt eingiligr kraptr eda Marteininn siolfr ella, sa er eigi syndizt sipan. Ok i þeim stad gerast margar iarteinir sidan fra þeim degi, þær sem eigi er tom at rita, þvíat þar fa siukir heilsu, en blindir syn, heyrn daufir, en dioflar flyia fra odum monnum, i nafne fodur ok sonar ok anda heilags,
 20 þess er lifir ok rikir einn gud i þreningu um allar alldir allda. Amen.

III.

(*Cd. Holm. 2 folio*).

Her hefr upp sögu ens helga Martinus erkibyskups.

25 I þann tima er styrdi guds cristni hinn helgi Silvester pafi, en keisari var yfir öllum heimi Constantinus Magnus son Constancij konungs ok Helene ennar helgu drottningar, var fæddr enn helgi Martinus byskup a Langbarda landi, en hann var æzskadr af Ungaralandi. Frændr hans voru göfgir at veralldligri
 30 virþingu ok þo heidnir. Fadir hans var riddara höfþingi, hann fylgdi ok sialfr riddara syslu i æsku sinni, fyst i hird Constancij konungs sonar Constantini, en eptir þat var hann i riddara sveit

Juliani nípings, eigi at sialfvilia sinum helldr eptir vilia frænda
 sinna, þviat hann girntiz gudi at þiona þegar a unga alldri. Þa
 er hann var .x. vetra gamall, for hann til kirkiu vid usatt frænda
 sinna ok beiddi kennimenn at primsigna sik, ok eptir þat sneriz
 hann allr til guds lofs, sva at hann fystiz þa þegar i einsetu at
 fara, ok þat mundi hann gert hafa, þa er hann var .xii. vetra gamall,
 ef eigi hefði ostyrkleikr alldrsins i moti stadið. Hugr hans var
 hvergi nema at munklifum edr at helgum kirkium, ok hugsadi
 hann þat þa dag ok nott, sem sidar kom fram um hans æfi. En
 þa er þat var bodit, at alldrænna manna synir skylldu vid vopn-
 um taka, þa var Martinus selldr framm af fedr sinum ok dubbadr
 til riddara, þviat þat matti i öllu finna, at fadir hans lagði oþocka
 a tru hans ok sidlæti. En þa var Martinus fimtan vetra gamall,
 er hann var riddari, ok var honum feinginn einn skosveinn til
 þionustu, ok þionadi þo Martinus sialfr optar sveininum ok dro
 skoklæði af honum ok þerdi fætr hans; badir attu þeir mat saman,
 ok byrladi Martinus honum ok þionadi allt at bordi þeira. Þria
 vetr var Martinus med vopnum, adr hann væri skirðr, ok var
 hann þo hreinn ok skirr fra ollum löstum, þeim er þeir sýslu
 kunnu at fylgia. Marga vega syndi hann mikla ast ok þolinmæði,
 gæzsku ok litillæti vid alla samriddara sina; sva sparliga neytti
 hann ok fæzlu, at hann þotti a þeirri tíð fyrir þær sakir helldr
 munkr en riddari. Af slikum hlutum var hann þeckr samridd-
 orum sinum, sva at allir unnu honum. Eigi var hann þa enn
 skirðr, ok gerði hann þo hvitvæðings verk, þviat hann veitti hialp
 voludum ok vann med þeim, er erfidi höfdu, fæddi hann hungrada
 en klæddi nöckta. Ecki hirti hann ser af riddara malagiðf nema
 hversdagliga atvinnu, eigi dauðfeyrdiz hann vid gudzspialligum
 ordum, ok eigi hugsadi hann þat annan dag, hvat annan þurfti
 at hafa.

2. Sa atburðr gerdiz um vetrartíð, þa er Martinus for i miklu
 frosti med odrum riddorum um hlíð borgar þeirar, er Ambianen-
 sium heitir, þa varð þar fyrir þeim einn fatekligr madr miðg
 kalinn ok aumligr at sia, ok bad þa, er um líðu, nöckuro klæði
 til sin kasta edr nöckurn veg ser at miskunna, ok villði eingi til
 hans líta af þeim riddorum, er um ridu. Þa kemr Martinus at
 honum, ok bad hann sem adra miskunna ser. En Martinus skildi,
 at honum mundi þetta miskunnarverk hugat vera, þar er adrir
 höfdu hia ser latid líða, þeir er fleira höfdu til haft. En hvat
 matti hann at gera, hann hafði ecki laust utan einn möttul yfir

ser, ok i einum kyrtli undir, en allt annat hafði hann gefit fatækum monnum. Sidan bra hann sverdi ok sneid i sundr möttulinn ok gaf halfan enum fatækia, en halfan hafði hann sialfr. Þá hlogu sumir at honum, þeir er vid voru staddir, ok þotti hann vera helldr
5 stuttbuinn; en þeir er med heilla hug voru, komuz vid, er þeir höfdu eigi slíkt verk unnit, þá er þeir mattu klæða enn fatækia, sva at þeir væri okalnir eptir. En ena næstu nött eptir þenna atburd, þá er Martinus sofnadi, þá sa hann Jesum Crist skryddan þeim hlut möttulsins, er hann hafði gefit enum fatækia. Drottinn
10 leit a sik et vandligzta ok bad Martinus kenna klædit, þat er hann hafði gefit. Ok eptir þat heyrir hann drottin mæla biartri roddu vid eingla fiolda, þann er var umhverfis hann: «Martinus primsigndr at eins skryddi mik þessu klædi.» Sannliga var drottinn vorr minnigr þeira mala sinna, er hann mælti i gudzspialli: «hvat er
15 þer gerit enum minztum af minum þionum, þat geri þer mer.» Syndi drottinn fyrir Martino því berliga þenna atburd, at honum mætti verða til dyrdar en öllum öðrum til vitnisburdar, hvat olmusugiafir megu i guds augliti. En Martinus hofz eigi til metnadar eptir þessa syn, þott hann kendi gudligrar gæzku i sinu
20 verki, helldr tok hann skirn litlu sidar, ok hafði hann þá .iii. vetr med vopnum verit, en var .xviii. vetra gamall skirdr, ok hafnadi eigi þegar vopnaburd, þvíat riddara hofþingi dvaldi hann ok het því, at hann mundi fyrr lata veralldar syslu at lidinni þeiri tid, er aqvedinn var hans hofþingsskapr yfir riddorum. Sia von dvaldi
25 Martinum tvo vetr eptir skirnina i riddara syslu.

Þrir voru synir Constantini keisara, het einn Constancius, en annarr Constantinus, en enn þridi Constans. Constancius þessi enn sami var rikr konungr ok vafdr i Arrius villu ok let marga dyrliga byskupa i utlegd færa. Athanasium erkibyskup rak hann a
30 brott fra stoli sinum af Alexandria ok villdi hafa drepit hann, en vid honum tok enn helgi Maximinus byskup a Fracklandi i borg þeiri er Treveris heitir, ok beid hann þar þess, er Arrius do illum dauda ok makligum; ok vard þat med þeim hetti, at þá er hann skyldi fara til byskupa stefnu at þræta um helga tru, ok villdi
35 hann henne fyrirkoma, þá for hann at sitia naudsynia sinna ok dreit or ser i þronum öllum, ok þar for lifit hans med. Constancius konungr setti hofþingia yfir Fracklandi Julianum, er kalladr er apostata, þat kollum vær gudniping, fyrir því at hann hafði veitt honum lid, þá er hann hefndi Constancij brodur sins, en honum
40 hafði at bana vordit grimmr hervikingr, sa er Magnencius het.

Julianus var af því kalladr gudniþingr, at hann hafði verit lærdr madr ok lector at vigslu i borg þeiri er Nichomedia heitir, en þa er hann vard keisari, kastaði hann cristnenni ok baud enn mesta ofrid cristnum monnum.

3. Þeir atburdir gerduz, at hervikingar gengu¹ a Frackland, ok safnadi Julianus keisari her i moti þeim ok nam stadar med ollum herinum vid borg þa er Vagionum heitir, ok tok þar at gefa mala riddorum sinum. Nu þottiz Martinus hellzti leingi iardligum konungi þionat hafa, villdi hann ok eigi taka malann, ef hann villdi eigi beriaz, gengr til mals vid keisarann ok segir sva: «Her til hefir ek þer þionad, keisari, nu verdr þu at þola, at ek þioni (hedan) af gudi; taki sa malagiöf þina, er med þer vill beriaz; Criz riddari em ek, ok er mer eigi leyft at beriaz.» Þa reiddiz Julianus miög ok qvad hann þetta gera fyrir hugleysis sakir en eigi gudligrar truar. Þa sagdi Martinus konungi med mikilli stadfestu: «Ef þu eignar þetta hugleysi helldr en tru, þa mun ek a morgin ganga fram i milli fylkinga vopnlaus, vera hvorki skryddr hialmi ne brynju, helldr mun ek bera merki med helgu crossmarki drottins Jesu Criz ok ganga öröggr i gegnum allar fylkingar vorra andskota.» Þa² var Martinus vardveitr, ok ætladi konungr at reyna um morguninn þat, sena hann hafði bodit. En annan dag eptir sendu vikingar menn a konungs fund ok badu fridar, ok geingu allir konungi a hond orrostulaust. Þenna sigr veitti almattigr gud af þenum Martini, at hann yrði eigi sendr vopnlaus til orrostu, en konungr feingi valld sinna ovina an öllu mannfalli.

4. Eptir þessa atburdi fyrirlet enn helgi Martinus riddara syslu ok for til fundar vid hinn helga Hilarium Peitu byskup a Fracklandi. Hann tok vid honum vel, ok dvaldiz Martinus þar med honum nöckveria stund. Hilarius byskup villdi vigia Martinus til diakns ok binda hann sva i gudligu embætti, þvíat hann sa med honum heilagt sidlæti ok alla ena dyrligstu mannkosti. En Martinus villdi þa enn eigi vid þeiri vixlu taka fyrir litillætis sokum. Þa baud hann, at hann skyllði vera exorzeista; vid þeiri vixlu tok Martinus, þvíat honum þotti su litillatligri vera. Litlu eptir þetta var hann amintr i svefni, at hann skyllði vitia frænda sinna heidinna ok telia tru fyrir þeim. Sidan bad hann Hilarium byskup leyfis at fara, ok leyfði hann honum ok bad med tarum, at hann skyllði þegar aptr koma til hans, er hann hefði þessi ferd lokit. Nu rezt Martinus til ferdar, ok sagdi þo byskupi ok

¹ ganga tilf. Cd.

² þar Cd.

- bræðrum, adr hann færi, at hann mundi marga gagnstadliga hluti þola i þeiri ferd. Ok er hann kemr a fiallveg, þann er Alphes heitir, villiz hann gótunnar ok hittir a illvirkia. Einn þeira reiddi at honum ðxi ok villdi höggva hann, en annarr stödvadi. Þa var
- 5 Martinus tekinn ok bundinn ok selldr einum þeira til vardveizlu, en sa leiddi hann fra odrum monnum ok spurdi, hvat manna hann væri. En hann qvaz cristinn madr vera. Illvirkinn spurdi, ef hann ræddiz nockut. Martinus lezt alldri hafa verit oræddari en þa, þviat hann qvaz vita guds miskunn þvi meiri yfir ser, sem
- 10 freistnin var meiri, en illvirkian sialfan lez hann harma, er hann skyldi eigi verdr guds miskunnar. Sidan taldi hann tru fyrir illvirkianum ok feck snuit honum fra allri hans illzku ok utru; en sidan leysti hann Martinum ok fylgdi honum a gautu. Ok eptir þeira skilnat rez illvirkinn i munklifi ok lifdi sidlatliga þadan
- 15 fra alla sina æfi. Fra þvi er nu sagt, at Martinus for um dag leidar sinnar fra borg þeirri er or herbergi sinu nema til kirkiu, allir mótuduz þ(ar) saman. Eingin þeira drack vin, nema siukir væri; flestir voru þeir harklæðum skryddir gervum af ulfalda hari, en i blautara buningi þotti þeim
- 20 lostr vera. Fiöldi redz þangat gøfugra manna; sumir þeir er sik fraumdu i sva miklu litillæti ok þolinmædi, ok margir urdu þeir byskupar sidan, þviat ðll þiod villdi ser hellz kennimenn velia or hans munklifi. Þeir voru keisarar, þa er Martinus var byskup: Gracianus ok Valentinianus brodir hans, synir Valentiniani ens
- 25 ellra. Gracianus gaf keisara nafn Theodosio enum goda, til þess at hann sigradi þessar þiodir: Scithicas ok Halanos, Hyni ok Gados, ok sigradi hann þa i morgum orrostum. Eigi mattu Arrius menn bera þeira samþyeki, ok letu þeir þa lausar margar kirkiur, þær er þeir höfdu adr haft i sinu valldi .xl. vetra.
- 30 9. I þenna tima styrði Damasus pafi guds cristni. Sa er fystr sagdr atburdr i iarteinagerd Martini, sidan hann vard byskup, at stadr var sa einn skamt fra Turons borg, er menn hugdu helgan vera af grefti guds piningarvotta, þviat enir fyrri byskupar letu þar kirkiu gera ok allteri. En enn helgi Martinus spurdi eptir
- 35 ellztu kennimenn, a hverri tid þessir menn hefði verit, eðr hvat þeir pislarvottar hefði heitid, er þar voru grafnir. En er þeir vissu eigi skyrt at segia honum, þa sa hann vid at koma til þess stadar, ok leitadi eigi a alpydu sid, þviat hann vissi eigi et sanna, ok

(eigi) veitti hann þeim fullting, at eigi efldi hann villu¹. Þá for hann um dag með fa munka til þess stadar ok stóð leingi fyrir allteri ok bað guð, at hann syndi honum, hverr þar væri grafinn. Þá leit hann til vinstri handar sér standanda leðiligan skugga, ok bað hann honum at segja nafn sitt ok verðleik. En hann sagðiz 5 verit hafa þjófr ok drepinn fyrir glæpi sína ok eiga eeki sameigit með helgum monnum guðs. Þessa röðd heyrdu allir, þeir er hia voru, en Martinus einn sa þann er mælti, ok sagði hann þeim, hvat hann sa, ok lét síðan brott taka allteri, þat er þar var, ok leysti lýð allan frá þessi villu. 10

10. Enn mætti Martinus um dag monnum þeim, er líki heidins mannz fylgdu til grafar, ok nam hann stadar, er hann sa mart líð fara, ok vissi eigi, með hvat þeir foru. En er hann sa, at vindr hrærði dukana yfir líkinu, þá hugði hann, at blotmenn væri, þvíat þorpkarlar voru vanir opt at bera skurgod sín hvítum 15 dukum vafit um akra sína. Þá gerði hann crossmark í moti þeim ok bað þá hvergi hræraz or stad, aðr þeir legði byrði sína. Þá stírdnudu þeir fýst sem steinar, en er þeir leitudu víð at hræra sík, þá sneruz þeir í hring ok mattu eigi framar ganga, vnzst þeir lögdu níðr líkit, ok sa hverr til annars, ok vissu eigi, hvat þeim 20 var vordit. En er Martinus sa, at þeir foru með lík en eigi með blot, þá gerði hann crossmark eptir þeim ok gaf þeim leyfi at fara, hvert er þeir villði.

11. Sa atburðr varð enn, at Martinus villði upp höggva eitt blotat tre a nöckurum bæ, en heidnir menn risu í gegn honum ok 25 letu hann eigi hoggva tred; en hann taldi fyrir þeim leingi, ok qvað eigi vera guddom í trenu helldr diöflablot, ok qvað þeim helldr fallit vera at þiona himnagudi, sem hann lez þiona. Þá sagði einn þeira, sa er diarfastr var: «Ef þer er nöckut traust í gudi þínum, þá munum vær sialfir höggva tred, en þu tak víð því, 30 er þat fellr, ok mun þik þat eigi saka, ef guð þinn er með þer, sem þu segir.» En hann het þeim því óhræddr at gera, þat sem þeir beiddu. Þá urðu þeir aller sattir a þenna maldaga, ok vírðu þeir lítils skada tressins, ef þat felldi óvin blota þeira. En tred 35 var hallt a einn veg, ok var auðsynt, at þangat mundi a falla, er Martinus var undir, ok hiuggu þeir sialfir ok voru gláðir miög. En munkar stóðu langt frá trenu ok gretu ok væntu eigi lífs Martini. En er tred brast ok reid ofan at höfði Martino, þá gerði hann crossmark í moti því, ok hafði hann traust í gudi. Þá fell

tred af þveru fra Martino, sva sem hvössum vindi lysti i moti því, ok urdu þar undir nöckurir menn, þeir er adr þottuz i ðruggum stad komnir. Þa toku þorpkarlar at undraz takn þetta, en munkar felldu tar fyrir fagnadi, ok lofudu hvorertveggiu Jesum Crist, ok
5 var sa eingi i því lidi edr nalægium þorpum, at eigi tæki tru ok hafnadi blotum. En adr Martinus kæmi þangat, þa voru ðngir edr faer þeir menn, er kynni nafn drottins. En af hans kröptum ok bænum efdiz trua, sva at hvert nes ok herad var kirkna fullt edr munklifa, þvíat þar allz stadar, er hann braut hof, þa let hann
10 kirkiur gera edr munklifi reisa.

12. Slíkan kraptr syndi Martinus enn a annarri tid. Þa er hann lagdi elld i hof a nöckurum bæ, þa laust elldi i hus þat, er næst var hofino¹. En er Martinus sa þat, þa ste hann upp a husit skyndiliga ok rann a mot elldinum. Þa matti þar lita sialldsena
15 orrostu, er þeir elldr ok vindr genguz i mot, ok gerdiz sva af krapti Martini, at elldr vann þat eitt, er honum var bodit at vinna.

13. Enn villdi Martinus briota eitt blotaudgazta hof a odrum bæ, en þa reis i gegn honum mikill fiöldi heidinna manna ok raku hann a burt med mikilli meingerd ok bardögum. Þa for
20 hann þadan til nalægs stadar ok skryddiz harklædi ok fastadi .vi. dægr ok bad, at guds kraptr bryti hof þetta, er hann matti eigi briota fyrir ofridi manna. Þa syndiz honum tveir einglar sva sem riddarar vopnadir ok skialldadir, ok sogduz sendir af gudi at veita lid Martino ok stöðva heidinn lyd, at eigi risi i moti honum,
25 medan hann bryti hofit. Þa hvarf Martinus aptr til hofsins. Þa urdu þorpkarlar enn varer vid ok ætludu at gera for hans sem fyrr. En þa fellu sumir, en sumir stirdnudu sem tre ok mattu eigi hræraz. Þa braut Martinus hofit allt til iardar ok skurgod ok stalla at augsíandum heidnum monnum, þeim er hia voru. Þa
30 skildu þorpkarlar sik vera stöðvada af guds krapti, at eigi berdiz þeir i gegn byskupi, ok toku miög sva allir tru, þeir er vid þenna atburð voru staddir, ok neittu skurdgodum, þeim er hvorki megu biarga ser ne ödrum.

14. Þat var enn, þa er Martinus braut hof a einhverium bæ,
35 at heidnir menn risu i gegn honum; einn þeira, sa er diarfastr var, bra sverdi ok villdi þegar höggva Martinum. En er hann bra sverdinu at Martino, þa fell hann a bak aptr ok vard ræddr fyrir guds krapti ok bad ser liknar.

15. Enn braut Martinus skurdgod i einhverium stad, ok villdi

heidinn madr leggja skalm a honum. En er hann lagdi framm, þa rak hann a honum heftid, en skalmin fanz alldri sidan. Opt gat hann ok sva talit fyrir heidnum monnum, at þeir brutu sialfir skurdgod sin, þau er þeir bönnudu honum adr at briota. Sva var hann ok mattugr at græða siuka, at eingi kom sva siukr til hans, 5 at eigi tæki heilsu, þegar er hann blezadi.

16. I borg þeiri er Treveris heitir var mæR siuk, er sik hafði til einskis rærda leingi ok var miög daud at öllum likam, en frændr hennar stodu þar hryggir yfir ok bidu andlaz hennar. Þa er sagt, at Martinus var kominn þangat til borgar. En er þat vissi fadir 10 meyiarennar, þa rann hann þegar til kirkiu ok fell til fota Martino ok mællti: «Dottir min deyr vesaligum dauda, ok er þat dauda verra, ath andi er i briosti henne, en likamrinn er miög sva daudr; en eg bid þik, at þu komir til hennar ok blezir hana, ok væntir ek, at hon muni af því heilsu taka.» Martinus svaradi ok qvad enn 15 gamla mann rangvirda, ok taldiz hann þess overdr at geta iarteinir at gudi. En fadir meyarinnar bad þess at meir, at Martinus vitiadi hennar, ok sva badu med honum þeir, er þar stodu hia. Þa for Martinus til hennar; en margir lydir stodu fyrir dyrum ok bidu þess, er guds þræll hugdi at gera. En hann fell a kne til bænar, 20 sem hann var vanr i slíka þurft. Sidan vigdi hann vidsmiör ok hellti i munn meyiunni, ok tok hon þegar mal sitt. Þa tok allr likamr hennar at styrkiaz, er hann for hondum um hana, unz hon reis upp heil ok stod a fætr sina.

17. A þeiri tid ærdiz þræll höfþingia þess, er Tetradius het 25 En er Martinus var bedinn at bleza hann, þa bad hann leida til sin enn oda. En oreinn andi let eigi a brott enn oda, helldr beit hann til þeira, er hann villdu taka. Þa fell Tetradius til fota Martino ok bad hann fara til ens oda. En Martinus lez eigi fara mundu til hus heidins mannz. Þa het Tetradius at taka tru ok 30 skim, ef þrællinn yrði heill. Þa for Martinus ok rak ohreinan anda fra þrælinum, en Tetradius lagdi mikla ast a kenningar Martini þadan i fra.

18. Þa er Martinus geck inn i hus nöckurs mannz um dag, þa nam hann stadar a þreskelldi ok qvaz sia hræðiligan diöful i 35 skidgardi, ok baud honum brott at fara. Þa ærði oreinn andi einn þion, er a götu hans vard, ok tok sa þa at gnista tönnum ok bita til þeira, er fyrir honum urdu; ok (Martinus) bad hann stadar nema, en inn æri for at honum med gapanda munninn. Þa retti Martinus fingr sinn i munn honum ok mællti: «Bittu fingr þessa 40

ef þu matt þer nackvat.» En hann gapti munnum þess at meir, sem hann tæki vid heitu iarni, en hann þordi eigi at bita fingr hans. En er Martinus neyddi oreinan anda til a brott at fara fra enum oda, þa for hann i brott med valldgangi hans, þviat honum
5 var eigi lofat at fara ut um munninn, þar sem þeir enir helgu fingr voru fyrir.

18b (30)¹. Þa er hinn helgi Martinus hafði skamma stund byskup verit, þa atti hann naudsynlig eyrindi vid Valentinianum keisara. Modir þessa Valentiniani var Justina drottning, ok voru þau bæði
10 vöfð i Arrius villu ok veittu storar skapraunir enum helga Ambrosio byskupi; sem segir i sögu hans. Valentinianus vissi vonir, at Martinus villdi finna hann ok beida hann þeira hluta, er hann villdi eigi veita; bydr nu um sinum monnum at gæta sva konungs hallar, at Martinus næði eigi at finna hann, þviat modir hans ok
15 frilla eggjudu hann þess fyrir sakir Arrius villu at veita einga lydni Martino byskupi. Iafnan leitadi Martinus til at finna hann, ok atti hann eigi kosti. Leitar Martinus ens kunnazta fulltings, heitr a gud til styrktar skryddr harklædi, fastadi vid vatn ok braud ok var a bænum nætr ok daga ok bad gud fulltings. En a enum .vii.
20 degi föstunnar vitradiz honum guds eingill ok bad hann upp risa ok fara til hallarennar, sagði þa opnar mundu vera dyrnar, þott konungr leti læsa, lez hann ok mundu bleyta skapshafnir konungsins, þott hann ætladiz stídr at vera. Ok þa er Martinus var styrkr af ordum eingilsins ok stúddr af gudligu fulltingi, þa ferr
25 hann til hallarinnar, ok er hann kemr þar, þa eru opnar dyrnar, geingr hann sidan i höllina inn, ok stendr eingi i mot. Nu ser konungr, at Martinus er inn kominn, ok verdr hann styggr vid ok ygliz a sina menn ok spyrr, hvi þeir leti hann na inn at ganga. Ok er Martinus nalgadiz, vill konungrinn eigi heilsa honum ok eigi
30 risa upp i moti honum. Þa verda þar undarligir atburdir, elldr kom upp i hasætinu undir konunginum, sva at logudu klædi hans öll, þau er at stolinum höfðu horft, ok varð hann naudigr at standa upp fyrir Martino, er hann villdi eigi lostigr, ok fell sidan til fota honum ok baud þa med litillæti at veita Martino alla þa hluti,
35 er hann villde þegit hafa, ok a sogort ofan villdi hann hafa gefit honum margar gíafir virduligar. Martinus villdi eigi þiggia gíafir hans, en for vid þat a braut, er hann hafði allt þegit af honum þat er hann villdi.

¹ Det, her og senere, i Parenthes indsatte Tal henviser til Capitelinddelingen i Recension I og II af Sagaen.

19. Þat er sagt, at Martinus fór enn til borgar þeirar er Parisius heitir, þar mætti hann líkþram manni ok kysti hann ok blezadi honum, ok varð sa þegar heill, ok kom sa til kirkju annan dag eptir ok gerði þackir gudi fyrir heilsu sína. Þat er ok sagt frá Martino, at siukir menn feingu heilsu sína, er þeir snurtu trefr 5 af klæðum hans.

20. Arborius hét einn ríkr greifi trur maðr ok vitr, en dottir hans hafði ridusott. En rit Martini hafði þangat komit litlu adr. En er sottin kom at meyiunni, þa lagði Arborius ritid yfir briost henne, ok hvarf sottin frá henne öll. En Arborio þotti sva mikils 10 um vert um iartein þessa, at hann hét gudi meydómi hennar, ok fór þegar sialfr at færa hana Martino, at hann vigði hana þegar til nunnu.

21. Paulinus hét maðr, sa er auga síns annars hafði mist í sott. Þa dro Martinus fiðr yfir auga hans, ok tok af slimit, er adr var yfir dregit, ok tok hann syn sína ok varð trumaðr mikill. 15

21^b. Sa atburðr er enn sagðr, er Martinus skyllði ganga um dag í lopt eitt hatt, þa brotnaði steginn, er Martinus kom í ofanverðan, ok féll hann ofan ok meiddiz miðg; voru bein hans miog lest, ok stor sar voru víða á líkam hans. Þa qvomu at lærisveinar hans, ok urðu ryggir víð, er þeir sa hann sva matt- 20 litinn ordinn. Síðan toku þeir hann upp ok baru í .i. lítinn kofa, ok satu þar yfir honum, ok var hann þungt halldinn, ok lá hann þar, þat sem eptir var dagsins. En ena næstu nött eptir vitradiz honum guds eingill ok strauk um öll sar hans ok bein ok bað hann heilan verða; ok um morgininn eptir qvomu lærisveinarnir 25 til hans ok fundu hann alheilan, ok urðu allir gratfegnir ok lofðu gúð.

22. Nw verðr frá því at segja, at höfþingja skipti varð yfir Fracklandi, tok Maximus konungdom, en Gracianus var drepinn af iarli þeim er Andracacius hét, ok eptir þat tok Maximus ríkit 30 ok rak or landi Valentinianum ok þau Justino bæði. Hann var maðr ríkr miðg ok sigrsæll í orrostum, grímmr ok drambatr ok víðr alla ovægin. Honum þóðu óngir byskupar í gegn at mæla utan Martinus einn, er postolum almattigs guds var líkr í sínum krapti, þvíat sva er frá sagt, at alla þa hluti, er Martinus villði af 35 honum þiggja, þa bað hann honum af guds halfu at gera sva sem sínum undirmanni, ok var Maximus miðg ræddr víð hann. Maximus konungr bað íafnan Martino til veizlu. En Martinus svaradi enu sama ok qvað sér vera ofallit at samneyta þeim manni,

er annan konung hafði af radinn en annan or landi rekinn. Maximus svaradi því fyrir sik, at hann hefði eigi konungdom tekit af sinni fysi heldr at radi allra landzmannna, ok lez hann skyldr hafa verit at veria land sitt, ok qvad hann eigi guds vilja
 5 ser hafa i moti stadið, þvíat hann hafði sigr haft i þeim bardaga, er eingi madr vænti honum lífs. Af slíkum ordum ok bænnum Maximi þá Martinus veizlu at honum, ok varð konungurinn því akafliga feginn. Mörgum göfgum monnum var búið til þessarar veizlu öðrum en Martino. Þar var iarl sa er Evodius het, enn
 10 rettlatazti madr, ok brodir konungs, ok sva födurbrodir hans, en a milli þeira sat prestr Martini, sa er honum hafði þangat fylgt, en sialfr Martinus sat i hasæti hia konunginum. Ok er veizlunni var skipat, koma inn skutilsveinar konungs. Konungur bendi þeim manni, er a hans bordkeri hellt, at hann seli byskupi kerit, ok
 15 villði, at hann blezadi ok drycki fyrri, en hann ætladi ser sidar at drecka. En er Martinus hafði druckit, þá selldi hann kerit presti sinum ok virði eingan makligra at taka við sinni dryeki heldr en prest sinn sialfs. Þessa tiltekiu hans undradiz konungur ok allir, þeir er við voru staddir, ok varð þeim Martinus tíðr af
 20 því, er hann gerði sva (i) konungs höll, sem eingin byskup hafði fyrr gert, at virða meira kennimenn en veralldliga höfþingia. At þessi veizlu sagði Martinus konunginum marga oordna hluti fyrir, þá sem sidar komu framm um vidskipti þeira Valentiniani keisara, sagði hann sva Maximo konungi, at ef hann færi sudr yfir fiall,
 25 sem hann barst fyrir, at beriaz við Valentinianum keisara, þá mundi hann sigr hafa i enum fysta bardaga en lata(z) þó litlu sidar fyrir sinum ovinum. Þetta gekk allt eptir, sem Martinus sagði fyrir, þvíat þá er þeir borduz, feck Maximus sigr, en Valentinianus flyði a fund Theodosij konungs, ok efði hann hann a moti
 30 Maximo, ok börduz þeir a öðru ari eptir ok drapu Maximus skamt fra borg þeir er Aquilegia heitir. Eptir þat kom Theodosius Valentiniano aptr i ríki sitt, ok tok þá Valentinianus retta tru fyrir Theodosium, þvíat þá var dauð en versta drottning Justina modir hans.

35 **22^b.** Marga dasamliga hluti veitti almattigr gud enum helga Martino byskupi, þá er eigi eru einkum greiniliga i frasagnir færdir, i fagrlegum fyrirburðum ok i hversdagligu viðmæli við guds eingla eðr adra helga menn, þá er honum sögdu oordna hluti fyrir eðr letu hann vita þá hluti, er annars stadar gerduz a löndum ok
 40 honum var forvitni a at vita. En i annan stad þöldi hann hvers-

dagliga skapraun i fianda freistni ok morgum sionhverfingum, þvíat diöfullinn leitadi því meir hans at freista, sem hann for fyrir honum avallt rakligar en fyrir odrum astvinum almattigs guds, sva sem synaz mun i þessum atburdum er nu fara eptir.

22^c. Þers er vid getit einnhvern dag, þa er Martinus sat i kofa sinum ok var a bænum, þa kemr at honum diöfullinn med hareysti mikit ok hafdi i enni hægri hendi oxahorn mikit allt alblodugt ok skok at Martino ok mællti vid hann: »Hvat er nu, Martine, hvar er nu kraptr þinn? drepit hefir ek einn af þinum monnum.« En Martinus bad hann a brott dragaz, ok eptir þat kallar hann a lærisveina sina ok bidr þa fara um allt munklifit ok leita, ef nöckurr er horfinn af brædrum, ok segir þeim sidan, hvat fyrir hann hafdi borit. Þeir fara at leita ok finna heila alla munka, en þo sakna þeir þorpkarlz eins, þess er vanr var aka til skogar eptir elldividi brædra ok færa til munklifs. Martinus bad þa leita hans vandliga. Þeir foru sidan at leita hans ok fundu hann liggia saran miög ok kominn at bana. Þeir velltu honum i sleda ok oku til munklifs. Martinus kom til fundar vid hann ok spurdi, hversu at hefði boriz. En hann sagdi, at oxinn annarr, sa er hann skyllði ekit a hafa, hefði ærzt i hondum honum ok rekit hornit annat i smáþarma honum. Martinus gallt honum aptr heilsu, ok lifði hann þo skamma stund þadan fra.

22^d 1. Optliga bra diöfullinn a sik ymsum likium ok freistadi sva Martini, stundum i Þors liki, stundum Odins, stundum Freyiu, en stundum i Friggjar liki edr annarra heidinna manna; en öll þau liki kendi Martinus ok nefndi a nafn þau öll ok rak i brott med sinum krapti. Iafnan avitadi diöfullinn Martinum um þat, at hann hefði þa menn i sinu munklifi, er verit höfðu illvirkjar edr manndrapamenn edr hordomsmenn, ok hafði upp syndir þeira ok qvad þa alldregi hialpaz mundu. Martinus svaradi honum, qvad hann liuga þetta sem allt annat, «ok mun almattigr gud at helldr miskunna þeim monnum, er sættaz vid hann ok skiliaz vid glæpi sina ok hverfa eigi aptr til þeira sidan, at ef þu öllum verri ok herfiligri, enn verst diöfull, villdir skiliaz vid glæpi þina ok idraz þinna misgerða, þa mundir þu eigi hlutlaus sitia hia guds miskunn at enum efzta domi.» Eptir þat hvarf diöfullinn i brott fra Martino. En þo ma hedan af marka, hver ast Martino var a mönnunum ok hveria stund hann lagði a at snua þeim

aleidis, er hann leitadi víð, ef hann mætti a nöckvera leíd, at stöðva vesölld diöfulsins.

23. Clarus het prestr ungr, sa skildiz víð alla eígu sína ok gerðiz lærisveinn Martini ok varð a skamri stundu algerr í göðum
 5 kröptum ennar hæstu truar. En hann atti hus skamt fra munklífi Martini, ok voru með honum margir bræðr. Þa kom til hans einn ungr maðr, sa het Anatholius ok qvaz munkr vera ok syndi sik litillatan í auglíti manna. En er hann hafði þar nöckura stund verit, þa sagði hann eingla guds koma opt at mæla víð sik,
 10 ok syndi hann þat með nöckurum iarteinum, unz sumir trudu. Þa sagði hann sva, at einglar færi hvern dag millí hans ok guds, ok taldiz hann vera einn af spamönnum guds. En Clarus truí alldrí ordum hans, en Anatholius ægði honum guds reíði ok miklu víti, ef hann villði eígi trúa ordum sva heilags mannz, ok sva
 15 mællti hann um síðir: »Þessa nott mun guð senda mér af himne hvítt klæði, ok skal þat yðr vera takn, at ek em í guds krapti, ok ek em skryððr guds klæði.« Þa varð öllum mikil forvitni a at reyna þetta takn. En er að míðrí nott kom, þa þótti skíalfa allr klaustragardrinn, ok var sæð líos til klefa þess, er enn ungi
 20 maðr var í, ok var þangat heyrðr rómr manna mikill ok hareysti því næst. En er kyrdiz yfir þeim, þa geck hann út or klefanum ok kalladi þangat einn af bræðrum ok syndi honum kyrtíl, þann er hann var skryððr með. En sa undradiz ok heimti þangat fleiri bræðr, ok helldu þeir líosi til ok lítu a klæðit vandlíga.
 25 Klæðit var blautt ok hvítt purpura líkaz, en eígi skíldu þeir, hvers kyns þat var, ok þreifudu þeir þar um ok mattu eígi skília, at annat væri en klæði. Þa eggíadi Clarus bræðr at fara til bænar ok bíðia, at guð syndi þeim þetta skýrra. Þa voru þeir a bænum, þat er nætrinnar var optír. En er dagr kom, þa toku
 30 þeir í hönd Anatholio ok villðu leíða hann fyrir Martinum, en hann brauz víð því ok qvad sér bannat vera at syna sik Martino. En er þeir neyddu hann til at fara þangat, þa hvarf et hvíta klæði allt or höndum þeim, þvíat diöfull þóðrí eígi at syna Martino sionhverfingar sínar.

24. Þess er ok getanda, með hversu mikíllí væl diöfullinn freístadi Martinus um dag, þa er hann var a bænum einn í husí sínu, þvíat slægr freístari hulði illzku sína með flærðsamlígu líosi ok syndiz Martino bíatr ok bíðr í alíti skryððr konungs skrúði, ok hafði koronu or gulli ok gímsteinum setta. En er þeir höfðu
 35 þagat báðr leíngí, sva at hvorgí qvad ord at öðrum, þa mællti

diöfullinn fyrri: »Kennir þú, Martinus, þann er þú ser nu? Cristr em ek, kominn til iardar at synaz þer.« En er Martinus svaradi eigi, þa endrnyiadi diöfullinn dirf(d) sina ok mælti: »Martinus, hvat ifar þú at trua þat er þú ser, Cristr em ek.« Þa skildi Martinus af helgum anda, at diöfullinn var en eigi gud. Martinus sagdi þa: »Drottinn Jesus Cristr sagdiz eigi koma mundu med konungs skrudi ne med gulli, því mun ek ok eigi trua, at Cristr se kominn, nema ek sia hann med crossi edr crossmarki ok i þeiri asionu, sem hann var pindr med.« Þa hvarf oreinn andi or augliti hans sva sem reykr; en sva illan daun gerdi eptir i husinu, at þa var ifalaust, at diöfullinn hafdi þar verit.

25. Martinus for enn um byskupssyslu sina a nøckverri tid, sem vandi byskupa er til, ok toku vid honum kennimenn a einhverium bæ ok biuggu honum rekkiu um kvelldit i husi því, er nær var kirkiu, ok höfdu þeir gervan elld mikinn i husinu um daginn adr, þvíat þat var mikit ok kallt. En er Martinus villdi fara at sofa, þa sakadiz hann um blautleik reekiu sinnar, þvíat munkar höfdu borit undir hann mikinn halm, en hann var vanr at hvila a iördu berri, sva at harklædi eitt væri undir honum. Þa varp hann undan ser halminum öllum, en hann hvildi þar, sem hann var vanr, ok sofnadi bratt, þvíat hann var farmodr. En halmrinn sa, er hann hafdi varpat undan ser, fell i gegnum golfpilis raufar i ofn, er undir var, ok festiz þegar elldr i halminum, ok tok sidan husit at loga. Martinus vaknadi ok rann þegar til duranna, er hann sa elldinn, fyrr en hann mintiz bænar sinnar, ok villdi lata loku fra hurduinni, ok matti eigi. En elldrinn sotti hann sva miðg, at fót hans brunnu. Þa mintiz hann, at eigi var traust i flotta helldr i gudi, ok skryddi hann sik þa tru skilldi ok hvarf apr i logann til bænar. Þa stödvadiz elldrinn þegar ok grandadi honum eigi. En er munkar urdu varer vid ok sa husit loga, þa brutu þeir þegar dyrin utan ok fundu Martinum heilan a bænum i elldinum. En hann sagdi sva sidan, at þa hefði hann mest verit af diöfli svikinn ok tældr, er hann gadi eigi bænar trauz fyrir ræzlu, ok lez hann kenna hita, medan hann ræddiz ok villdi ut briotaz, en þegar er hann ræddiz eigi ok gerdi crossmark fyrir ser ok tok til bæna traustz, þa sagdi hann sva, at hann kendi eigi hita af elldinum sidan.

26. Martinus for enn um dag til kirkiu ok mætti klædlausum manni i frosti miklu. Sa bad Martinum gefa ser nøckut klædi.

Þá heimti Martinus þangat diakn sinn ok bad hann selia nðekud klædi enum volada. Sidan geck Martinus inn i kofa sinn hia kirkiu, ok sat þar einn saman, sem hann var vanr opt a milli tida, þa er adrir kennimenn foru til sinnar syslu. En er diaknit
 5 dvaldi at gefa enum fataekia, þa kom hann þangat til skotzsins, er Martinus sat, ok sagdiz kalinn vera, en diakninn seinan at gefa ser klædit. Þa for Martinus þegar or kyrtli sinum, sva at enn valadi vissi eigi, ok feck honum klædit ok bad hann þa fara i brott. En diakninn kom litlu sidar ok qvad mal at syngia messu,
 10 þviat lydrinn beid hans i kirkiunne. En Martinus sagdi: »Eigi ma ek til kirkiu fara, adr en enn fataeki hefir klædit.« Diakninn skildi eigi, at Martinus sagdi fra ser sialfum, þviat hann sa eigi, at Martinus var kyrtillaus undir kapunni, ok spurdi, hvar enn fataeki væri. «Seli mer, qvad Martinus, til mun enn voladi at
 15 þiggia.» Þa reiddiz diakninn ok tok lodolpu eina stutta ok kastadi fyrir fætr Martini, eigi betr en .v. penninga verda, ok mælti: »Her er nu klædit, en ek se eigi enn volada.« Þa bad Martinus hann ut ganga ok bida sin uti fyrir dyrum, þviat hann villdi eigi lata sia sik, medan hann færi i klædit, til þess at leynaz mætti
 20 þat er hann hafdi gefit. En god verk heilagra koma upp, þott þeir vili leyna, þviat Martinus for at syngia messu i þessu klædi. En a þeim degi, þa er hann blezadi allteris forn, þa vitradiz elldligr böllr yfir höfði honum ok se upp ok nidr, ok syndiz sem har hans rettiz upp i mot. Þat sa mær ein ok prestr .j. ok
 25 munkar þrir, en vær dæmum eigi um þat, hvi adrir mattu eigi sia.

27. Evancius het madr, sa er miög var bundinn i veralldligri syslu ok truadr vel. Hann tok sott mikla ok sendi ord Martino, þa er hann var hættr, en hann for þegar ok dvaldi eigi. En adr Martinus kæmi eigi midleidis, þa kendi enn siuki miskunnar hans
 30 ok tok heilsu sina ok rann a mot Martino ok baud honum heim med ser. En annan dag eptir hafdi höggormr særdan einu þræl hans vodvænligu sari, en Evancius fann þrælinn ok miog sva daudan, tok hann upp sidan ok bar hann æðxl ser ok lagdi fyrir Martino. Þa var eittr komit um alla lidu þrælsins, ok var hann
 35 blasinn, sem belgr væri. Martinus for hondum um allan likam hans ok setti fingr sinn fyrir sarit, þat er ormrinn hafdi höggvid. Þa sotti eitrid ok þrotinn or öllum lidum hans til fingrar Martini. En er hann letti fingrinum fra sarinu, þa sprændi þar or bogi bædi eitrs ok blods. En þrælinn reis þegar upp heill. Þa lofudu
 40 allir gud, er þetta takn sa.

28. Enn for Martinus of dag med lærisveinum sinum, ok attu þeir eptir dvöl nöckveria, en hann for einn undan, unz leiti bar a milli. En odrum megum leitissins foru kaupmenn med klyfiada hesta ok asna. En er þeir sa Martinum i lodnu klædi svörtu, þa unduz hestarnir af götunni ok vöfduz i taumum ok gerdu mikinn farartalma kaupmonnum. En þeir reidduz ok hliopu af hestum sinum ok bördu Martinum med svipum ok stöngum. En hann hafdi polinmædi i moti ok var sva sem omali fyrir þeim, en þeir bördu hann þess at meir, er þeim þotti, sem hann kendi eigi bardagans. Þa qvomu lærisveinar hans eptir ok fundu hann saran ok blodgan liggia vid götuna, þa hofu þeir hann upp a asna einn ok foru a brott skyndiliga. En kaupmenn hurfu aptr til hesta sinna ok villdu snua aleidis for sinni, en hestar þeira voru sva orðnir stirdir sem tre edr steinar ok mattu hvergi or stad hræraz. Þa bördu þeir hestana med svipum, en sidan hiuggu þeir vöndu ok stangir i skogi ok keyrdu med því hestana, ok stodu þeir fastir, sem likneski væri. Þa vissu kaupmenn eigi, hvat þeir skyldu gera, þvíat þa skildu þeir, at guds craptr hefti for þeira. Þa vitkuduz þeir um sidir ok spurdu menn, þa er þeir fundu, hvern þeir hefði bardan. En er þeim var sagt, at þeir höfdu Martinum bardan, þa þotti öllum audsynt, hvers þeir gulldu at, ok runnu sidan skyndiliga eptir Martino ok skömmuduz sin ok gretu ok iosu molldu yfir hofud ser, ok fellu til fota Martino ok badu ser miskunnar, at hann vægdi þeim ok leti fara leidar sinnar, ok sögduz þo þess verdir, at iörðin rifnadi undir þeim edr þeir stirðnadi sva sialfir sem hestar þeira, ok letu þeir ser þat sialfir ordna mikla pisl, er þeir vissu eptir ser ordinn sva mikinn glæp. En Martinus veitti þeim þegar miskunn ok blezadi þeim, ok mattu þeir þegar rida leið sina ok lofudu gud.

29. Enn for Martinus um dag um bæ nöckurn fiölmennan, ok kom lid heidinna manna mikit a moti honum, þvíat eingi madr kunni Crist a þeim bæ. En þa var mörgum forvitni a at sia Martinum, þvíat þeir heyrdi mart agætligt fra honum sagt. Þa tok Martinus at boda guds ord, ok komz hann vid af öllum hug, er sva mikill mannfjölldi skyldi eigi kunna skapara sinn. Þa geck framm kona nöckur ok hafdi i fadmi lik sonar sins nyandads ok mællti vid Martinum: »Vitum vær, at þu ert vinr guds; gialltu mer einga son minn, er nu er daudr.« Þa hurfu fleiri at ok badu med henne. Þa sa Martinus, at hann mundi geta takn af gudi mörgum til hialpar, ok tok vid likinu ok fell a kne til bænar ok

badz fyrir litillatliga. En er hann reis upp af bæninni, þá selldi hann sveininn lifanda modurinni. Þá kölludu allir sem einni röddu ok iatudu Cristi ok letuz allir a einn gud trua. En Martinus primsignði þá þegar a þeim velli, er þá voru þeir, en skirdi þá því næst.

30 (31). Claudiomacus het stadr einn skamt fra Turonsborg, ok er nunnusetr i þeim bæ, þar hafði Martinus gisting a nöckurri tid. En er hann var i brott farinn, þá gengu meyar inn i husit, þat er (hann) hafði i verit, ok lasu upp halm þann allan, er hann
10 hafði hafðan undir ser, ok skiptu með ser sva sem helgum domi. En er fair dagar lidu þadan, þá batt ein þeira a hals odum manni halm þann, er hon hafði hirdan fyrir helgan dom, ok vard enn odi þegar heill.

31 (32). Þá for Martinus enn um dag fra Treverisborg, en
15 a mot honum com kyr ein, hon var od af diöffi, hon liop fra nautum ok stangadi menn, er fyrir henne urdu. En er hon kom til Martinus beliandi, þá gerdi hann crossmark a mot henne ok bad hana stadar nema. En er hon nam stadar, þá sa Martinus diöfulinn, sitia a baki henne. Þá mælti Martinus: »Far a braut,
20 ovinr, fra smala manna¹ ok kvel eigi meinlaus. kvikendi.« Þá flyði diofullinn i braut, en kyrin skildi, hverr hana græddi, ok fell til fota Martino, en hann blezadi hana ok bad aptr fara til hiardar sinnar ok vera alldri ohægja sidan.

32 (33). Enn mætti Martinus um dag veidimonnum nöckur-
25 um, þar er hundar elltu hera a vidum velli, ok var heranum at komit þá ok þá, at hann mundi tekinn verda, ok dvaldi hann daudann i optligum hveckingum sinum. Martinus sa aumr a dyrinu, þviat hann var armvitigr, ok baud hann hundunum at standa ok lata herann forða ser. Hundarnir namu stad þegar, sem
30 þeir væri bundnir edr iardfastir, en herinn for i fridi, hvert er hann villdi.

33 (34). Naudsyn er a at geta orða Martini nöckut, hvilik voru hversdagliga, þviat þau voru lík andligri speki. Saud ný-
kliptan sa hann um dag ok mælti: »Sia saudr fyllði gudzsþiallz
35 bodord, hann hafði tvo kyrtla ok gaf annan þeim, er eingan hafði adr; gerit þer þar eptir.« Enn sa hann um dag svinahirdi i skinnfötum ok mælti: »Slikr var Adam i skinnfötum brott rekinn or paradiso, en vær skulum leggja nidr enn forna Adam, er sa merkir, en skrydaz enum nyia Adam, þat er Cristr drottinn.«

Þar kom Martinus enn, er naut bitu a velli, en svin rotudu i stodum, en i stodum var blomgadr völlr af enum fegrstum grausum. »Se her nu liking lifs manna, sagði Martinus, hiuskap merkir sia hluti iardar, er smali hefir af bitit et fegrsta, ok er þo gras eptir; en sia hlutr, er svin hafa um snuit, merkir hordom; en sa hlutr, er skinn i öllum blomum ok enum fegrstum grosu, merkir meydoms dyrd, sa er ecki ma annat vid iafnaz. Sva sem þeir villaz miög, er hiuskap iafna vid hordom, sva eru þeir ok heimskir, er hiuskap iafna vid meydom. En spakir menn gera þa grein, at hiuskapr se til liknar, en meydomr til dyrdar, en hordomr horfir til pislar, nema yfirbot fylgi.

34 (35). Ridderi nöckurr kom til Martinus ok gerdiz munkr, ok litlu sidar settiz hann i einsetu. En kona hans var vigd til nunnu. Ok er hann hafdi skamma stund i einsetunni verit, þa vard hann fyrir freistni, slo fiandinn því æ hann, at hann fystiz þess, at kona hans væri i einsetunni hia honum, ok þar kemr þessu mali, at riddarinn leitar þessa vid Martinum, ef hann mundi þat leyfa vilia, at þau væri a samt. Martinus villdi þat vist eigi leyfa ok qvad þat eingan hatt, at einsetumenn hefði conur hia ser. Riddarinn bidr þess opt ok qvad eigi samvistu þeira fyrirfara mundu godri fyrirætlan. Martinus svaradi honum þa a þessa lund: »Hefir þu nöckut i bardögum verit?« En hann svaradi ok lez opt þar hafa verit, er menn höfdu barizt. Martinus spurdi þa enn: »Segdu mer þat þa, hefir þu nöckut sed, þar sem þu hefir staddr verit i bardögum edr i fylkingum, konum skipat til bardaga med körlum?« Ok er riddarinn heyrdi þessi svör Martinus, þa skammadiz hann villu sinnar ok eptirleitunar, en þackadi Martino þat, er hann hafdi hirtan hann med skynsamligri dæmisögu, þeiri er hann matti audvelliga skilia, en eigi med stridmælum.

35 (36). Nu munum vær fra því segia, er vær komum fyrr nöckut ordi æ, at helgir menn qvomu iafnan at finna Martinum. Þat var einnhvern dag, at tveir lærisveinar Martini voru fyrir durum uti kofa Martini, þar er hann var einn inni, ok vissi hann eigi, at þeir væri þar, þvíat hurdin var aptr a milli þeira. Sidan heyrdur þeir inn i kofann mal miög margra manna, ok urdu ræddir vid ok þottuz þegar vita, at miklu mundi gegna. En at alidnum .ii. stundum dags, þa geck Martinus ut til þeira. Þa for Sulpicius þegar til motz vid hann ok spurdi, hvat romr sa taknadi, er þeir höfdu heyrt i husit. Martinus var fyrir at segia þeim. Sul-

picus bad akafliga, at hann segdi þeim, fyrir því at sa var eingi hlutr, er hann villdi vita af Martino ok legdi hann stund a at bidia hann, er hann mundi eigi vis verda. Sidan svaradi Martinus þeim a þessa lund: »Segia mun ek ydr nu, ef þer vilit vita, 5 en þa bid ek ydr, at er segit eingum manni. Meyiar guds mællto vid mik, Agnes, Tecla ok Maria.« Sidan sagdi hann þeim gerla fra yfirlitum þeira ok buningi, ok qvad þær eigi at eins þann dag koma at vitia sin, helldr miklu optar. Petrum ok Paulum sa hann optaz allra postola guds.

10 36 (37). I borg þeiri er Nemausus heitir (var byskupa þing) fiolment, en Martinus hafdi eigi viliat fara þangat, en var þo forvitni mikil a at vita, hvat þar væri rætt. Þenna sama dag atti Martinus a skipi at fara, ok lærisveinar hans med honum, en hann sat i frammstafni, fyrir því at hann var avallt vanr ser ein- 15 setu at leita til þess at bidiaz fyrir. Sidan vitradiz honum guds eingill ok sagdi honum vandliga fra því öllu, er byskuparnir höfdu ráðit a þinginu, ok allt þat sem þar hafdi til tíþinda gerzt. Sidan sagdi Martinus þat allt lærisveinum sinum, ok leitudu þeir sidan at, ok hafdi a þeim sama degi verit byskupa fundrinn ok slikir hlutir 20 allir ræddir, sem Martinus sagdi.

37 (38). Sa hlutr gerdiz til tíþinda i borg þeiri er Carnotena. heitir, at einn gamall madr færði Martino dottur sina .xii. vetra gamla, ok hafdi hon mallaus verit alla æfi sina. Sia madr bad Martinum litillatliga, at hann skyllði gefa mal meyiunni ok 25 qvad því trua fastliga, at hann mætti þiggia af gudi slíkt, er hann villdi bedit hafa. En Martinus veik því af hondum ser fyrir litillætis sokum, ok qvad þat eigi sitt vera at gera þat, helldr byskupa þeira, er þar voru þa vid staddir, Valentiniani ok Victrij, ok taldi þa ser helgari vera. Fadir meyiarennar bad þess 30 at meir, at Martinus færdiz undan, ok sva byskuparnir badu med honum. En er Martinus hafdi synt litillætít, þa vard hann ok at syna miskunnina, en dvaldi eeki heilagleikinn ok bad alla menn ut ganga, þa er vid voru staddir, nema byskupana ok födur meyiarennar. Sidan lagdiz Martinus til bænar eptir veniu sinni, ok at 35 lokinni bæninni reis Martinus upp ok tok litit af vidsmiorvi ok blezadi; eptir þat tok hann med fingrum sinum tungu meyiarrinnar ok dreypti a af vidsmiörinu, ok eigi bleckti þann enn helga mann eraptr heilagleiksins. Eptir þat spurdi hann meyna, hvat fadir hennar hetí, en hon svaradi þegar ok sagdi med skyrum 40 ordum. Þa fell fadir meyiarrinnar til fota Martino ok mællti med

tarum ok miklum fagnadi, sva at allir heyrdur, ok qvad þessa enu fystu rodd dottur sinnar heyrt hafa. Allir urdu fegnir, þeir er vid voru staddir þenna atburd.

38 (39). Ein iarlz kona, þess er Avicianus het, sendi Martino vidsmiör at vigia, þviat þat þurfti at hafa vid morgum meinum ok siukleikum. Þat var i ampullu einni, ok var hvergi nær full, adr Martinus blezadi, en vid blezan hans vard ampullan sva full, at yfir flaut alla vega, ok öll klædi sveinsins, þess er med for, voru i vidsmiörvi einu. En er heim kom vidsmiör, þa tok iarlskonan feginsamliga vid ok setti upp med duk einum i glugg nöckurn hafan. Litlu sidar kom til þionustusveinn einn ok kipti dukinum, þeim er yfir var breiddr, þviat hann vissi eigi, hvat undir var; ok i því er hann kippir dukinum, hrytr ampullan ofan, su er i var vidsmiör, ok af gleri var gerr, ok kemr hon æ golf þat, er af marmara var gert. Allir þeir er vid voru staddir, urdu ryggir ok ugdu, at vidsmiör mundi fyrirfarit vera en ampullan brotin, ok foru at leita, ok fundu heila ampulluna, sva sem hon hefði fallit i dun, en vidsmiör var ecki or farit. Þetta vard eigi af atburd einum saman helldr af heilagleik Martini, þviat blezan hans matti eigi fyrirfarazt.

39 (40). Eigi gerdi enn helgi Martinus at eins iarteinir fyrir sialfan sik, helldr gerdu margir menn iarteinir i nafni hans. Sa atburdr gerðiz um dag, þa er lærisveinar Martini foru um bæ noekurn framm, þa kom hlaupandi i moti þeim hundr einn olmr ok go miög. Þa mælti einn af þeim lærisveinum: «I nafni Martini byð ek þer at þegia.» Þa þagnadi hundrinn, sva sem tungan væri skorin or munni honum, ok vard tungan fost vid gominn.

40 (41). Avicianus het iarl einn grimmr akafliga ok enn mesti manndrapamadr; hann kom um dag i Turons borg med foruneyti sinu morgu ok litt stilltu. Þar voru i för med honum margir bandingiar, ok ætladi hann um morgininn eptir at kvelia þa allzskonar pislum, ok stefndi sidan til öllum borgarlydinum at sia a meiþingar þeira. Vid þessi tíþindi vard rygg allr borgarlydrinn, ok foru skyndiliga at segia Martino. Ok þegar er hann spyrr þetta, þa ferr hann sem skiotaz til herbergia iarlz, ok kemr hann þar um midrar nætr skeid. Þar voru þa dyrr allar aptr byrgdar, en menn i svefni. Martinus legz nidr til bænar fyrir dyrum þess hus, er Avicianus svaf i. Avicianus sofnar fast ok vaknar vid þat, er guds eingill knudi hann ok mælti: «Þræll guds liggir uti fyrir dyrum þinum, en þu sefr.» Jarlinn spratt

upp ok varð ræddr ok kalladi a þræla sína ok sagði, at Martinus
 var uti fyrir dyrum, ok bað, at þeir skyldu lúka upp dyrum ok
 lata Martinum na inn at ganga. Þrælarnir gengu til dyra ok luku
 upp hurdu ok liöpu inn aptr ok sögdu þetta eeki vera utan svefnora.
 5 Avicianus trudi því þegar ok lagðiz til svefns ok sofnadi þegar.
 Ok íafnskiott sem hann var sofnadr, þa kemr eingillinn enn at
 honum ok knyr hann með meira ofrefli en fyrr, ok bað hann
 skunda i moti Martino, ef hann villði eigi taka hefnd a ser.
 Avicianus leypr upp þegar ok varð ræddr miðg, ok er þrælarnir
 10 voru seinir a fætr, þa ferr hann sialfr til dyranna ok kallar miðg
 ok qvad einga hvilld fa mega, fyrr en hann fyndi Martinum. Ok
 nu lykr hann upp dyrunum ok finnr Martinum ok mællti við
 hann: «Hvi hefir þu sva gert við mig, drottinn minn? trua mattu
 því, at ek mundi eigi her kominn at finna þik, utan ek væri adr
 15 til skelfdr af guds eingli. Eeki þarftu at mæla, veit ek, hvers þu
 girniz. Allt skal þat þegit, er þu villt vera lata; fardu a brott
 sem skiotaz, at ek verði eigi fyrir meiri guds reidi, þvíat ek
 þickiumz nu ærins at hafa kent um þiningarnar.» Nu hverfr
 Martinus a brott, en hefir eeki ord mællt við iarlinn, en arnat þo
 20 slíkt allt, sem hann villði. Avicianus hverfr inn aptr ok biðr
 riddara sína buaz, en hann lætr þionustumenn sína leysa þa menn
 alla, er i böndum voru, en hann sialfr for a braut þegar or borginni
 ok gerði þar allðri ofrid, meðan Martinus lifði.

41 (42^b). Munklifi ens helga Martini var um tvær milur
 25 brott fra borginni. En þeir atburdir urðu íafnan i höfudkirkiu i
 borginni, þa er þar var mikit fiolmenni, ok þar kom saman fioldi
 mikill diöfulodra manna ok biðu byskups i kirkiunni, ok hefði(!)
 hann verit um nöttina adr at munklifi sínu ok ætladi þa til kirkiu
 at fara. Íafnskiott sem hann hóf sinn helga fot ut or klaustra-
 30 gardinum, þa kendu þess enir diöfulodu menn, ok toku allir ath
 oazt ok at skialfa sva sem dæmdir menn ögurligan domanda, ok
 sögdu þeir diöflarnir þann þa koma mundu, er þa mundi a brautu
 reka or herbergium sínum, ok vissu þa allir menn, nær byskup
 mundi koma. Þat var einnhvern dag, þa er Martinus kom til
 35 kirkiu, þa voru þar fyrir honum diöfulodir menn, ok vofði annarr
 i loptinu uppi, sva at fætr hans attu langt til iardar, en a odrum
 horfðu upp fætr en niðr höfuf. Martinus harmadi þa miðg ok
 bað öllum monnum at ganga or kirkiunne ut, en hann var einn
 eptir hia enum odum ok lagðiz til bænar a midiu kirkiugolfi, en
 40 reis eigi fyrr upp, en þeir voru báðir heiler.

42 (18b). Sa atburðr gerdiz eitthvert sinn, þa er Martinus var staddr i Treverisborg, þa kom i borgina voveiflig hersaga, ok varð borgarlydrinn allr hræddr við. En Martinus þóttiz eigi vita, hvort þetta mundi satt edr logit, ok baud, at leida skyldi til sin diofulodan mann, ok spurdi hann hann, hvort þetta væri satt edr logit. En oreinn andi svaraði fyrir munn ens æra ok qvad þa verit hafa saman .xvi. diofla ok gert þessi rad med ser, til þess at Martinus flyði or borginni fyrir þessi hersögu. En allt var iafnskiott, at hann hafði þessa sögu sagt, at þa varð madrinn heill en borgarlydrinn frelstr.

42^b (42). Enn kom Martinus um dag til husa Aviciani iarls, er adan var getit, ok sa hann einn svartan dioful sitia a halsi honum. Martinus bles a mot fiandanum, en Avicianus iarl hugdi, at hann gerði honum til hadungar ok mællti: «Fyrir hvi veitir þu mer hadung?» Martinus sagði: «Eigi þer helldr enum svarta, er sitr a halsi þer.» Eptir þetta flyði diðfull af stoli sinum. En iarl var miklu ogrimmi avallt sidan, þvíat hann skildi þa, af hvers eggian hann hafði grimmr verit.

43. Bær sa var einn i stad þeim er Cennonicus heitir, er menn urdu fyrir miklum bardögum, ok var þat med því moti, at hagli sva storu rigndi a akra manna, at ollum spillti. Heradsmenn toku þat rads, at þeir sendu til fundar við Martinum greifa sinn, þann er Auspicius het. Hann varð fyrir meirum sköðum um þetta en adrir menn, ok bad hann Martinum, at hann veitti þeim fullting. En Martinus bad gud fulltings ok liknar þessum monnum, ok veitti gud þeim þa miskunn fyrir bæn hans, at eingum manni varð mein at því hagli a enum næstum .xx. vetrum, er Martinus lifði sidan. En til þess at þat er synt, at þetta varð fyrir iarteinir Martini en eigi atburð, þa kom sia en sama rid aptr i heradit a þeim misserum, sem Martinus andadiz, ok var þat i því synt, at allr heimr gret andlat hans en fagnadi lifi hans, sem vert var.

44. I þorpi, er Abaciensis heitir, var kastali einn forn, en i castalanum var steinstöpull einn ramgiör, en a ofanverðum stopli-num sat skurðgod² a stoli, ok höfðu enir fyrri menn haft þar a mikinn atrunad. En þa er Martinus kom i þann stad, villði hann lata briota þenna umbuning allan, ok baud um presti sinum, þeim er i því þorpi var ok Marcellus het, at koma þessu a leid. En er Martinus kom aptr þangat odru sinne, ok hafði þess a milli verit nockur rid, ok var þa enn heill stöpullinn, þa avitadi Mar-

tinus prestinn um ulydni við sik, er hann hafði eigi brotit stopulinn. Marcellus færðiz undan með því, at hann taldi torvelligt at briota stopulinn, ok qvad östyrkia múnka því eigi afla mega, er trautt mundu sterker riddarar. Martinus rann þá til ens örugga fulltings
 5 ok var a bænum alla nöttina, ok um morguninn eptir kom sva mikit hvassvidri, at i sundr braut allan stöpulinn.

45. Annarr atburdr varð enn litlu sidar þessum glikr, at Martinus villði briota stöpul einn hafan ok akafliga ramligan, ok skurgod mikit var upp af stoplinum. En hann matti því eigi a
 10 leid koma, ok stödu fyrir margir hlutir. Sá var einn, er monnum var litit um, þeim er atrunad höfdu haft, at hann væri brotinn, en hitt i annan stad, at hann var sva ramger, at þat matti tregliga sækiaz, at hann yrði unninn. Martinus var þess meira um at briota hann, sém fleiri hlutir stödu fyrir, þeir er torvelligir
 15 þottu. Þá sneriz Martinus til bænar at veniu sinni, ok i því bili var senn elldligr stöpull hrynia or himnum ok i höfud skurgodinu, ok leysti sa enn elldligi stöpull i sundr skurgodit allt ok sva stöpulinn allt til iárdar, ok var eeki eptir þeirar fornesciu utan dust eitt. Þessir atburdir voru til þess syndir, at menn mætti þat
 20 vita, at slíkan crapt, sém gud veitti Martino i heilsugiðfum við siuka menn edr valldi a öllum líkamligum lutum, slíkan allan veitir hann honum i himneskum hlutum, sva sém i þessu takni syndiz, er af himnunum kom.

46. Þat er enn sagt fra Martino, at kona ein, su er blodsott
 25 hafði, snart við trefr af klædum Martini, ok varð hon þegar heil. Þessi iartein var þeirri líkuz, er drottinn gerði sialfr ok i gudzspiðllum er fra sagt af þeirri konu, er slíka meinsemd hafði.

47. Þat gerdiz enn einn dag, þá er Martinus for með arbacka
 30 nockurum ok lærisveinar hans, þá svam edr reektiz at þeim backa, ok er þeir voru a, höggormr mikill. Martinus mælti við orminn: «I nafni drottins mins Jesu Cristz byð ek þer, at þu hverfir i brott fra þessum backa.» Höggormrinn sneriz við ok lyddi ordum hans ok for þegar til annarrar strandar. Allir undruduz, þeir er
 við voru staddir ok sa þenna atburd. En Martinus mælti til
 35 lærisveina sinna með tarum: «Höggormarnir hlyða mér nu, en mennir vilja eigi hlyða því, er ek mæli.» Sidan foru þeir þangat, sém þeir ætludu.

48. Þat var vandi ens helga Martini at eta lagx a paskum, ok er þess við getit eitthvert sinn laugardaginn fyrir paska, at

Martinus kom at mali vid diakn þann, er Cato het ok bordhallð þeira munkanna skyllði annaz, hvort lags nöckurr væri buinn, sa er þeir mætti hafa um paskana. Kato diakn svaradi, at hann qvaz sialfr farit hafa ok adrir fiskimenn um morgininn til arinnar at veida fiska, ok höfðu þeir ecki veitt feingit. Martinus mælti: »Fardu nu þegar ok legg ut netit i ana, ok mun at koma fiskrinn.« Diakninn for til arinnar, þot honum þætti eigi veidiligt vera, ok lagdi ut netit, sem Martinus baud. En aen var skamt fra munklifino, ok foru fleiri munkar til fyrir forvitnis sakir, ok væntu allir godrar veidar, er Martinus baud, at veida skyllði, ok þurfti sialfr at hafa. En er hann hafði ut lagit netit, þa liop i mikill fiskr, ok tok hann laxinn ok bar feginn heim til munklifis. En adrir menn feingu ecki veitt, þeir er til arinnar foru þann dag, neitt.

48^b. Arborius greifi sagði sialfr fra þeim atburdum, at hann hafði sed, þa er Martinus bioz til messu, felitit klæði koma fram undan messufata erminni; en i messunni, þa er Martinus blezadi fornina, ok hann leit til handar hans, þa syndiz honum hondin biört akafliga, en ermrin a hendinni purpura likuz buin vid gulli ok gimsteinum; ok vid þat er hann hrærði handa ok blezadi, þa þottiz Arborius heyra, at gimsteinarnir gnötrudu saman i erminni, ok ioku slíker hlutir mikit ast hans vidr Martinum.

49. Þeir atburdir gerduz, þa er a lifi var Maximus konungur, er fyrr var fra sagt, at hann hafði med ser byskupa þa, er mörg ill rad lögðu fyrir hann, ok var af þeim byskupum einn Itathius byskup, sa er radinn hafði virðuligan höfþingia þann er Pricillianus het, ok þeir kölludu villumann. En konungur hellt sva hendi yfir þeim byskupum, at eingi madr þordi at saka þa um dauda Pricilliani. Margir byskupar adrir vöfduz i samneyti vid þa a byskupa stefnu i Treveris borg ok attu vid þa bæði svefn ok mat ok sva tidagerd. Þessir enir sömu byskupar höfðu eggia(t) Maximum konung at senda mikinn her til Spanlandz til þess at bana þeim monnum, er byskuparnir kölludu villumenn, ok dæmdu þeir þetta mal eptir likamligu aliti ok klædabunadi manna en eigi at rettri raun edr gudligri eptirleitun. Ok voru til þessar ferðar radnir iarlar nöckurir, þeir er fyrir lidinu skyllðu vera, ok mundi þessi för at miklum skada verða guds cristni ok morgum godum monnum ok helgum at listioni, þvíat þeir er sendir voru mundu litla grein kunna, hverir helgir væri. En er Martinus spyrr þessa ætlan, þa þottiz hann eiga eyrindi a konungs fund fyrir sakir þessar ennar illu ætlunar, þvíat hann villði eyða hana, ok margra

annarra naudsýniá þeira, er langt er fra at segia. En er byskup-
 ar fragu, þeir er i borginni voru, at Martinus var þangat von,
 þa urdu þeir ræddir miðg ok badu konung, at hann skyldi Mar-
 tinum eigi lata na innan borgar, nema hann heti því at hafa frid
 5 vid byskupa, þa er þar voru fyrir, þvíat þeir vissu þat a sialfa sik,
 at þeir voru olikir Martino i radagerdum sinum. Konungrinn
 gerir sem þeir badu, ok sendi i mot Martino riddara höfþingia
 einn med nöckurum riddorum, ok skylldu þeir eigi lata Martinum
 na at koma innan borgar, nema hann heti því at hafa frid vid þa
 10 byskupa, er þar voru fyrir. Martinus svaradi þeim því, at hann
 mundi med Cristz fridi fara i borgina, ok þa leyfdu þeir honum
 inn at ganga. En er Martinus kom i borgina, þa gerdi hann eigi
 at ganga i tidagerd þeira, helldr var hann a bænum i kirkiu um
 nætr ok söng þa tidir sinar. En er hann hafdi verit þriar nætr
 15 i borginni, þa for hann til konungs hallar fyrir sakir þeira vand-
 qvæda, sem fyrr var fra sagt. Þat var enn ok eyrindi hans at
 bidia lifs iörlum tveimr, þeim er fyrir konungs reidi voru vordnir,
 annarr het Narsetus en annarr Leucadius. Þeir höfdu badir verit
 winir Graciani keisara; en þo voru enn adrar sakir vid þa af
 20 konungs hendi, þær er vær munum eeki fra segia. Nu kom Mar-
 tinus fyrir konung ok bad lifs iörlunum ok sva þess, at herferdin
 skyldi eydaz. Var honum eigi at eins mikill hugr ~~aa~~ at biarga
 cristnum monnum, helldr villdi hann forða heidnum monnum vid
 bana. En konungr dvaldi um dag edr annan at veita þat, er hann
 25 var bedinn. En er Martinus geck eigi i tidagerd med byskupum,
 þa qvomu þeir til fundar vid konung ræddir miðg ok skialfandi
 ok sögduz vera fyrirdæmdir af Martino, ok sögdu konung eigi
 eiga at hlyða ordum hans, er eigi at eins veitti skiol villumonn-
 um, helldr hefndi hann þeira daudra; kölludu þeir eeki i veitt
 30 i dauda Pricilliani, ef Martinus hefndi hans. Sidan badu þeir
 konung med tarum ok fellu til fota honum, at hann neytti rikis
 sins nu i gegn Martino, ok næsta kölludu þeir hann ok villu-
 mann. En þott Maximus væri þeim eptir þeim mæla þat, er til
 byskupum, þa villdi hann þo eigi eptir þeim mæla þat, er til
 35 aleitni var vid Martinum, ok vissi hann, at Martinus var þeim
 helgari i tru ok sidlæti, ok leitadi ser annarra rada, en þeir kendu
 til. Sidan heimti hann Martinum til mals vid sik ok qvaddi hann
 blidliga ok hialadi vid hann marga hluti ok sagdi villumenn helldr
 dæmda at lögum af domundum en af rogi kennimanna, ok qvad

hann önga sauk til þess, at hann rækti tíðagerð þeira, þar er kennimanna fundr hafði at verit attr, ok adrir kölludu þa saklausa utan Martinus. Martinus skipaðiz eigi við ord þessi. Þa reiddiz konungr ok setti sik fra hiali við Martinum, en setti þegar menn til i stad at drepa þa menn, sem Martinus bad lífs. Þetta fregnar Martinus, ok ferr þegar til hallar konungs, ok baud nu konungi-
 num at ganga i tíðagerð með byskupum, ok hefði þa þeir menn líf, er konungr hafði ætlat at lata drepa ok einkum iðrlunum. Þat skyldi konungr ok til vinna at lata eydaz herförina til Span-
 landz. Konungr veitti þat feginsamliga, er hann beiddi. En
 eptir þria daga lídna var ætlat at vigia byskup þann, er Felix het, hann var inn helgasti maðr ok makligr at taka byskups tign. Ok þann enn sama dag geck Martinus i tíðagerð með þeim ok villði helldr leggja a sik nöckura abyrgð, en þeir væri drepnir, er adr voru til bana radnir. Annan dag eptir for Martinus brott
 af borginni ok var ogladr ok ryggur um þessa samneyting, ok for sidar of daginn en forneyti hans. En er þeir qvomu framm i skog einn, þa settiz hann niðr ok hugsadi fyrir ser, hveria til-
 tekiu hann skyldi hafa um þetta mal. En er hann hafði skamma stund þar setit, þa kemr at honum guds eingill ok mælti við
 hann: »Sok er til þess, er þu ert ogladr, en þó mattir þu eigi annan veg leysa or þessu vandræði. Taktu nu traust af gudi ok endrbæt crapt þinn, at sia hlutr verði eigi til minkunar þinnar
 dyrdar, helldr til æxlingar.« Þadan ifra var Martinus varr um at samneyta alldri slikum byskupum, ok þa .xvi. vetr, er hann lífdi
 sidan, kom hann til einskis byskupa fundar. Þat varð nöckurum sinnum eptir þenna atburð, at Martino varð torvellðra at reka
 diöfla fra oðum mönnum, en verit hafði; þa sagði hann sva með tarum, at þat kom til þess, er hann hafði samneytt byskupum fyrir naudsynia sakir, en þó endrbætti hann þat bratt með fullu
 trausti, þvíat þat var litlu sidar, at diöfulodr maðr var leiddr til husa hans, ok varð heill adr hann kæmi i husin inn.

50 (52). Þa er hinn helgi Martinus byskup skein i allzskonar kröptum, ok nafn hans ok frægd for um allan heim, þa öfundu(du) þat adrir byskupar ok gerdu rad með ser, hversu þeir mætti Martino
 fyrirkoma. Þeir atburdir verða, at kona ein varð lettari at sveinbarni, ok vissu menn eigi födur sveinsins. Þa taka byskup-
 arnir þat ræðs, at þeir eggja hana til at kenna Martino barnit, ok qvedia þings til at hafa þar uppi þetta mal við Martinum, sva at allr lyðr heyrdi. En Martinus svaradi þolinmodliga ok bad færa

ser barnit. Ok því næst var þat þangat borit ok sellt Martino, ok tekr hann vid því badum hondum ok klappadi blidliga ok mællti: «Sonr minn, sonr minn!» En sveinninn var eigi allrar viku gamall ok svaradi þo Martino med skyrum ordum: «Eigi ertu fadir minn, qvad hann, helldr Jon kaupmadr.» Þa fellu allir menn til fota Martino ræddir ok badu ser liknar. En enn helgi Martinus fyrirgaf þeim godgiarnliga sina meingerd, en tekr sveininn til sin ok skirdi ok kalladi Bricium, ok feck sidan sialfr þessum sveini alla atvinnu ok fæddi hann upp i munklifi sinu. Ok þa er Bricius var ungr at alldri, þa vigdi Martinus hann til munks ok nökuru sidar til prez, ok unni honum mest allra sinna lærisveina; en Bricius var honum motgerdasamr ok geek iafnan miðg i mot honum med miklum skapraunum. Bricius var madr skapbradr ok olatr ok olydinn Martino; en ef Martinus ræddi um vid hann, at hann skyldi betr gera, þa svaradi Bricius illa ok let litt vid skipaz morgu sinne vid umrædur hans. En Martinus hafdi hoglyndi i mot ok lagdi því meiri stund a at snua honum aleidis, sem hann þoldi fleiri skapraunir af honum. En þott Bricius væri oværr i skapi a unga alldri, þa hafdi hann þo med ser leynda mankosti, þa er hann spöndu mest til astar vid gud ok enn sæla Martinum. Hann var madr skirlifr ok hreinn fra allri likamligri saurgan, sva at hann hafdi alldri vid konu skipt a æfi sinni.

Þat er nu fra sagt einnhvern dag, er Martinus sat uti hia kofa sinum, sem hann var vanr stundum, þa er hann var eigi a bænum, edr menn qvomu til mals vid hann, þa vard honum litit upp a gnipu, þa er yfir munklifinu var, ok ser hann þar sitia a gnipunni .ii. diöfla. Þeir voru katir ok gladir ok mællto sem einum munni: «Heill sva nu, Bricius, heill sva nu, Bricius!» En því mællto þeir þetta, at þeir vissu, hverri ædi þeir iosu i briost honum. En er skamt var at bida, þa kom Bricius þar laupandi ok var þa ordinn odr ok ærr af eggian diöflanna, sva at hann gætti varla handa sinna ok mællti vid Martinum mörg hardyrði. En Martinus hafdi avitadan hann enn fyrra dag um marga ohlydni, þa er hann hafdi gerda. Slikum avitum reiddiz Bricius ok mællti mart osæmiligt vid Martinum, kalladi hann eeki vera sva godan mann, sem adrir toku a, en sagdiz sialfr vera miklu betri, þar er hann hafdi verit alla æfi sina i munklifi, en Martinus hafdi verit .xviii. vetr heidinn, «ok ma hann þess eigi dylia, en nu er hann elldiz, berr fyrir augu honum hverskyns sionhverfingar.» Slikt sva mællti Bricius ok mart annat verra, þat er betra er at þegia en

fra at segja. Þá geck Brictius i brott um sidir ok þottiz þa hafa hefnat sin. En meðan Brictius hafði þetta mællt, þa svaradi Martinus eingu, helldr hafði hann bedit fyrir Brictio alla þessa stund. Eptir þat er Brictius var a brottu, sagði Martinus þeim monnum, er þar voru vid staddir, hvat diöflarnir höfdu mællt, ok kendi þetta 5 þeira illzku en eigi illvilia Brictij. Litlu sidar kom Brictius til fundar vid Martinum ok fell gratandi til fota honum ok bad ser liknar, en Martinus fyrirgaf honum þegar blidliga. Þat var einn- hvern dag, þa er Brictius geck uti, þa mætti hann þorpkarli einum fataekum ok siukum, ok for sa at leita ens sæla Martini byskups 10 ok mællti vid Brictium: «Ek bid her i allan dag, ef ek mætta finna enn sæla Martinum, ok veit ek eigi, hvar hann er.» Brictius svaradi: «Ef þu leitar þess ens æra manz, þa gacktu framm nöckuru¹ leingra ok se, hvar hann sitr ok gapir i himinenn upp sva sem vitlaus madr at vanda sinum.» Eunn fataeki madr for at 15 finna Martinum ok bad ser miskunnar, ok hvarf heill ok feginn fra þeim fundi. Litlu sidar funduz þeir Martinus ok Brictius, ok mællti Martinus vid hann: «Er þat satt, Brictius, at þer þikir ek ærr vera?» Brictius vard farr vid ok qvaz þat eigi einkum mællt hafa. Þa sagði Martinus: «Þat hefir þu mællt, ok heyrda ek 20 gerla, hveriu þu svaradir enum fataekia manni, er hann spurdi at mer; en ek segi þer þat nu vist með sönnu, at ek hefir þat þegit af gudi, at þu skallt byskup vera næstr mer, ok kann ek þer þat at segja, at þu skallt marga gagnstadliga hluti þola i þinum byskupsdomi.» Þa svaradi Brictius með hlatri miklum: «Hefir ek eigi 25 þat satt sagt, at sa er ærr madr, er slikt mælin.» Eptir þat hætta þeir þessi rædu. Margir menn mællto þat vid Martinum, þa er Brictius var prestur ok gerdi honum skapraunir, hvi hann tæki eigi embætti af honum. En Martinus svaradi: «Ef Cristr þoldi Judam, hvi muna ek þa eigi þola Brictium.» 30

51 (50). Sa atburdr var eitthvert sinn, þar er kaupmenn voru a sio staddir, þa gerdi at þeim mikla rid, ok var vid sialft buit, at skipit mundi faraz, en þeir tynaz, ok voru þeir ræddir miog. Þa tekr til orða egipzkr madr einn heidinn ok mællti: «Gud Martini, hialpdu oss.» Ok þegar er hann hafði þat mællt, þa 35 stöðvadiz ridin, ok [lofudu þeir² gud ok enn helga Martinum.

52 (51). Licuncius het einn göfugr madr ok trufastr, er vard fyrir miklum bardaga: önduduz sum hiu hans með bradri sott, en sum lagu siuk. Hann sendi rit Martino ok bad hann hialpa ser.

En Martinus taldi þat torvelligt vera, þvíat hann skildi þat af krapti sinum, at þessir menn voru vordnir fyrir bardaga guds. Sidan tok Martinus ok fastadi ok var a bænum viku alla samfast, ok let eigi af at bidia, adr þessir menn allir voru heilir. Eptir þat for Likuncius a fund Martini ok sagdi heil öll hiu sin, en færði Martino at giöf .c. marka silfrs. En er Martinus var bedinn at þiggja þat, þa sagdi hann: «Fædi kirkian oss ok klædi, en vær þurfum eigi frammar at girnaz.» Likuncius leysti menn or höptum med þessu fe öllu, eptir því sem Martinus lagdi fyrir hann.

53. Enn heilagi Martinus byskup vissi leingi fyrir andlat sitt ok sagdi bræðrum deili a því, at andlatztid hans nalgadiz. Þat bar ok saman, at hann heiman for til þorps þess, er Condarensis heitir, ok er þar byskupsstoll i því þorpi. Martinus villdi sætta kennimenn, er þar voru missattir vordnir, ok þotti honum þau god sin æfilok, at hann endrbætti frid heilagrar cristni, adr hann andadiz. En er hann for med lærisveinum sinum (i) nandir a nöckurri, þa sa hann fugla hia anni, þa er skarfar heita, ok veiddu þeir fiska or anni eptir edli sinu. Martinus nam stadar ok leit til lærisveina sinna ok mællti klöckvandi: «Fuglar þessir, er vær siam, þeir bera diöfla liking a ser, þeir sitia um uvara ok taka þa, er vitlitlir eru ok þeim trua, ok gleypa sidan, en sediaz alldri.» Sidan baud hann fuglunum, at þeir flygi a braut a fiöll ok skoga, ok neytti þess velldis vid þa, sem hann var vanr, þa er hann rak diöfla fra odum mönnum. Þa flyektuz skarfarnir saman i einn dun ok flugu fra vatnföllum i brott a fiöll ok heidar. En Martinus for, sem hann hafdi ætlat, til þessa byskupsstols, ok dvaldiz þar nöckura rid ok sætti þa menn alla, er þar voru missattir. Ok er hann ætladi heim at fara, þa kendi hann ser sottar, ok gerdiz hann bratt miog mattfarinn ok heimti til sin lærisveina sina ok sagdi þa skamt eptir mundu vera þeira samvistu, sva sem hann hafdi þeim adr fyrir sagt. Þeir urdu allir vid þessa sögu ryggir ok gretu akafliga ok mællto vid hann sem einum munni: «Af hvi fyrirlætr þu oss, heilagr fadir, huggunarlaus, edr hverium felr þu oss a hendi, þa er þu skilzt vid (oss)? Skædir vargar munu gripa hiordina, þegar hirdirinn er fra farinn, edr hverr mun þa skyla oss vid þeira bitum ok ogurligum arasum? Witum vær þat allir, at þu girniz til guds at fara, en eigi mun þverra dyrd þin, þottu lifr nockvi leingr, ok eigi munu minkaz þinar ombunir; heldr miskunnadu oss, heilagr fadir, ok far eigi fra oss.» En er Mar-

1 Her er andlat ens helga Martini byskups *Overskr.*

tinus sa lærisveina sína grata, þá er hann unni mikit, en var sialfr fullr miskunnar, þá sneri hann öllu sínu radi ok fysi a guds forðio, þvát hann sialfr vissi eigi, hvort er hann villdi lífa edr deya, þvát hann villdi eigi ryggja lærisveina, er hia stodu, en hann var þó fuss, sem von var, at fara til guds, ok svaradi a þessa lund: »Heyrdu, drottinn! ef lýð þínum er naudsýn a, at ek lífi leingr, þá vil ek eigi skiliáz við þesskonar erfíði; verði víli þinn, drottinn. Þung þíki mér, drottinn, býrðr líkamligs erfíðis, ok víst hefir ek ok leingi lífat ok þolat margar þrautir fyrir þínu nafni, þá mun ek þó eigi sakaz við mikinn aldr ok vera buinn til at beriaz undir þínu merki, ok eigi skal ek a hæl fara i orrostunni; ok þótt gömlum manni se æskilíg hvíld eptir langt erfíði, þá sigrar þó hugrinn arátöluna; gott er mér þat, drottinn, ef þú villðir vægia aldrinum en vorkynna ellinni. En um lýðinn em ek ræðr, ok ef þú tekr mik frá, drottinn, þá varðveittu sialfr lýðinn, verði allir hlutir eptir þínum vília.« Þó var sa óumræðilígr maðr, er eigi var sigraðr i erfíði ok eigi i dauda, fyrir eingu vætta neigðiz hann, ok eigi vissi hann, hvort hann villdi helldr lífa til hialpar mönnunum edr deya ok fara til guds.

54. En er sottin tok at vaxa, en líkaminn at mæðaz, þá let hann þeygi óndina lína líkaminum, ok var avallt a bænum en vakti i sífellu. Eeki skipti hann ok um reekiu sína, et sama var hon gófuíg ok hægíg, i ósku hvíldi hann, ok breitt a ofan har-klæði. Þá baðu lærisveinarnir, at þeir skyllðu na at leggja halm undir hann. Þá sagði enn helgi Martinus: »Eigi somir, bræðr mínir, annan veg at deya¹ en i moldu edr har-klæði. En ef ek gef yðr ónnur dæmi, þá misgeri ek sialfr.« Hendr ok augu hóf hann avallt til himna, en hugr hans hvarf alldregi af heilagri bæn. En er prestar þeir, er við voru staddir, baðu, at hann skyllði snuaz nóckut i reekiunni a ymsar líðar ok gera ser hægra, þá svaradi enn helgi Martinus a þessa lund: »Latit vera, bræðr mínir, latid mik helldr na at sía himin en iörð, at ónd mín megi fara rettleidis til guds.« Ok er hann hafði þetta mællt, þá sa hann, hvar díófullinn stod eigi langt a brott, ok mællti við hann: »Hví stendr þú her, et dreyrgazta hræðyr? Eeki muntu finna með mér þína verka. Abrahams faðmr² mun við mér taka.« Ok er hann hafði þetta mællt, þá skíðiz su en helgazta ónd við líkamann með fögru andlati. Þat var a drottinsnott, er enn helgi Martinus andaðiz nær míðri nott fyrir drottinsdaginn, ok heyrdi margir

menn fagrar raddir til himna upp, þa er guds einglar færdu önd hans til eilífra fagnada. Aller þeir er hia andlatinu voru, sa mikla dyrd a líkam hans: andlit hans var biartara en líos, en líkami hans hvitari en snior ok þotti þegar bera a ser mikla líking
 5 oordinnar upprisu, ok mundi því eingi madr trua nema sæi, at líkami hans mætti sva alreinn vera, sa er nytekinn var or ösku ok harklædi. En þangat kom, þa er Martinus var andadr, mikill fioldi manna or öllum enum næstum borgum ok herðum, ok var þo mestr munka fioldi. Þeir voru eigi færri saman komnir en
 10 mm. Allr fioldi manna dreif ok þangat af Turons borg ok allir flestir or Peitu borg. En þessir menn allir gretu miðg ok hörmudu frafall Martini, ok allra mest munkarnir. En þott þeir greti, þa var því fagnanda, er Martinus for til guds, heilagligt var at fagna dyrd hans, ok mildligt at grata dauda hans, þvíat trua eggjadi
 15 fagnadanna en heilug ast harmsins.

55. Eptir andlat ens helga Martini gerdiz þræta mikil milli Turonar manna ok Peitu manna. »Vorr var hann munkr ok vorr var hann aboti, sogdu Peitu menn, ok fra oss tokut er hann ydr til byskups, ok nadut sidan hversdagliga vidmæli hans ok iarteign-
 20 agerd ok helgum kenningum, ok a svogort ofan byskupligri blezan. Nu megu ydr slikir hlutir þörf vinna, en vær munum hafa helgan dom hans med oss.« Turunar menn sogdu: »Ef er segit oss mega þörf vinna iarteinir hans, þa vitit þer þat sialfr, at hann gerdi fleiri iarteinir med ydr en med oss, þvíat hann
 25 reisti her upp einn daudan mann en þar .ii.; sagdi hann ok sva sialfr, at hann hefði fleiri iarteinir gert fyrir byskupsdom sinn helldr en i byskupsdominum. Nu hæfir þat eitt, at hann fylli þat med oss andadr, er hann fyllði eigi lífandi, er hann fra ydr i brott tekinn en oss gefinn af gudi. Nu med því at er vilit, at
 30 vær hafimz lög vid, þa vitit þer þat, at at þeim stoli a hverr at hvila, sem hann hefir verit vigdr til. En ef er vilit þat segia, at hann eigi þar at hvila, sem hann var fyst munkr, þa viti þer þat, at hann var i Melans borg fyrr munkr en med ydr.« En er þeir þrættu a þessa lund, þa kom nott, ok vardveittu hvorirtveggju
 35 líkit, ok ætludu þeir or Peitu borg at taka líkit um morgininn eptir fra Turons monnum naudgum. En gud villði eigi ræna Turons menn byskupi sinum. Ad midri nott sofnudu Peitu menn allir, sva at eingi madr vakti af þeim enum mikla mannfólða. Þess neyttu Turons menn ok toku líkam ens helga Martini ok
 40 letu ut um glugg einn, en sumir toku vid fyrir utan ok letu

koma a skip ok foru a brott med ollum skipum sinum, sva sem vatnföllum gegnir til Turons borgar. Peitu menn vöeknuðu við araglam þeira ok soknuðu ens æzsta gimsteins, er þeir skyldu varðveitt hafa, ok foru heim til borgar sinnar. En Turons menn baru lík ens helga Martini í hofudkirkiu í Turons (borg) með göfugligri líkfylgiu, ok lögðu því næst í grof með fögrum lofsöngum.

56 (58). Á þessi tíð var enn helgi Ambrosius byskup yfir Melans borg. En er hann söng messu þann drottinsdag, er Martinus var andadr, þá stóð hann ok studdiz við allteri ofan í pistli ens helga Pauli postola. En þá er at guzspialli var komit ok byskup skyldi bleza diakninn, þann er guzspiall skyldi lesa, þá varð fall á tíðunum eigi skemri stund en um .iii. tíðir dags. Þá gengu menn at Ambrosio ok vöktu hann ok mællto: »Bíði herra vorr nú, at lectia se lesin, þvíat allr lydrinn er modr ordinn ok hefir leingi bedit.» Þá sagði Ambrosius: »Hrelliz er eigi, bræðr, þvíat mér er mikit veitt í þessum svefni, þvíat drottinn hefir ser latit soma at syna mér miklar iarteinir; þvíat þér skulit nú þat vita, at broðir minn Martinus er nú líðinn af þessa heims lífi, ok veitta ek nú þionustu hans líki, ok var einn capituli eptir osungiinn, þá er þér voektud mik.« Þá undrugu allir ok merktu þann dag ok stund, ok spurðiz sva til, at Martinus hafði á þeiri tíð andaz, sem Ambrosius sagði sík þíonat hafa líki hans.

57 (59). Sá atburðr varð enn í öðrum stad á þeiri somu nott sem Martinus andaðiz, at enn helgi Severinus, er þá var byskup yfir Kolni, gekk kirkna í mille með klereum sinum eptir ottosöngs tíð. Þá heyrði hann fagrar eingla raddir í himinenn upp ok kalladi til sín diakn sinn ok bað hann at hyggja vandliga, ef hann heyrði eingla song. En erkidiaknenn tylltiz á tær ok studdiz við staf byskups ok hleradi ok matti eigi heyra sönginn. Þá fellu þeir til iardar báðir ok báðu guð, at hann heyrði; en er þeir risu upp af bænninni, þá spurði byskup, ef hann heyrði. Diaknenn svaradi: »Ek heyri söng fagran í himin upp, en ek skil eigi hvat þat taknar.« Byskup sagði: »Ek mun segja, hvi taknar. Herra minn Martinus fór nú af þessum heime, ok færðu önd hans guðs einglar fagnandi til himna. En er dvöl nóckur varð á adan, er þú mattir eigi heyra sönginn, þá kom díof(ul)linn til með illgi(o)rnum einglum ok hugðiz hallda mundu salunni, en hann fann þó eeki sinna verka með honum ok flyði á braut með skemd. En hvat mun af oss verða syndugum monnum, þá er óvinrinn þordi at deila til slíks kennimanz.« En er Severinus hafði þetta mællt, þá sendi

hann erkidiakn sinn til Turons borgar at spyria, hver tidindi þar höfðu gerz a þeim dögum. En sa er sendr var kom aprt ok sagdi, at a þeiri enni sömu tid hafði Martinus andaz, sem Severinus hafði heyrt einglasönginn.

5 58 (57). Severus er Sulpicius het öðru nafni, lærisveinn ens helga Martini ok enn mesti astmadr, er þessa sögu hefir fyst ritat, sagði Martinum hafa ser vitraz, sva sem hann sagði a riti því, er hann sendi Auriliano diakni, en sva mælir a ritinu eptir qvediusending: »Sidan er vid skildumz, brodir, þa sat ek einn eptir i
10 husi, ok var þa i hug mikil ahyggia, sem opt verdr af von oordinna hluta ok leidindi nyligra hluta, af domadags ogn ok ræzlu eilifra kvala. En sia ogleði öll saman geriz mest af endrminningu¹ synda minna. En eptir þessa mæding hugarins lögdumz ek i reykeiu mina, ok sofnadi ek, sem opt er vant, at svefn kemr
15 eptir ogleði. En er ek var sofnadr, sva at ek þottumz nær þat vaka, sva sem morginsvefnar verda opt lausari en adrir, þa þottumz ek sia helgan Martinum byskup skryddan hvitu skrudu: andlit hans var sem elldr, en har hans sem purpuri, ok syndiz mer hann sva, sem ek ma varla ordum til koma fra at segia, en ek matta
20 kenna hann en lita varla i gegn honum. Hann brosti vid mer ok hafði bok i hendi, þa er ek hafða ritat eptir lifi hans. Ek hugdumz falla til fota honum ok bidia hann blezunar, ok kenda ek, at hann lagði hond yfir hofud mer. En i millum blezunarorda er ek leit vid honum, ok villði ek avallt a hann sia, þa² syndiz
25 mer hann lida i lopt upp, unz sky baru hann or augliti minu til himins. En litlu sidar sa ek Clarum prest lærisvein hans, þann er fyrir skömmu andadiz, ok for hann enn a sömu gotu eptir, sem lærifadir hans for fyrir. En er ek villða fara eptir þeim, þa vaknadi ek, ok tok ek at fagna syn þeiri, er ek hafða sed. Þa
30 kom inn sveinn einn farandi ok var ogladr, en ek spurda, hvat honum væri at ogleði, en hann svaradi: »Tveir munkar qvomu or Turons borg ok sögðu Martinum byskup andadan, en ek gret akafliga, er ek heyrdá þetta, ok nu falla mer tar um kinnr, er ek rit rit þetta, ok ma ek eigi huggaz af harmi minum. En ek vil,
35 brodir, þik lata hluttakanda vera harms mins, sva sem vid erum badir hluttakendr einnar astar. Kom þu til min, brodir, ok gratum badir þann, er vid elskudum badir, þott ek vita, at makligra væri at fagna en at grata, þvíat honum er nu gefn dyrd eilífs rettlætis, þvíat hann hefir borit sigr af þessum heime; en ek ma

40 ¹ endrnygingu Cd. ² þy Cd.

eigi stöðva harm minn, ok hefir ek mikiinn arnanda sendan fyrir mer, en tynt hefir ek þó þessa heims huggun; fagna skyldi ek helldr, ef harmr mætti lata fyrir skynsemi, þvíat Martinus er nu kominn i sveit með postolum ok spamonnum guds; ok þetta mæli ek i leyfi allra heilagra, at hann er iafningi enna hæstu heilagra manna, at því er ek trui, ok fylgir hann nu guds lambi reinn frá öllum synda sauri, samteingdr hiðrdu rettlatra manna ok allra hellz piningarvotta guds; þvíat hann matti ok villdi vera piningarvottr guds i fysi ok crapti, þott skynsemi þessar tidar veitti honum eigi pining; ok þott nu kolni hvern dag ast margra, þa kolnadi eigi hans ast, helldr ox hon dag frá degi. Þeirar astar hans naut ek overdr, þvíat hann elskadi mik frammar en nöckurn annan. En nu ma mik einskis manz ast hugga hedan i frá, ok harma ek þat hvern dag, er ek lifða honum leingr, ok ma ek hans alldri oklöckvandi minnaz. En til hvers græti ek þik, brodir, i þessu riti, þar er ek villdi, at þu værir huggadr, þott ek megi eigi hugga sialfan mik af harmi minum. « Þetta bref ritum vær til þess, at þadan af ma marka, hveria ast menn höfðu a Martino, þeir er með honum höfðu verit. Enn helgi Martinus byskup fullr af ollum crauptum ok heilagleik andadiz a dögum Archadij keisara sonar Theodosij ok Honorij brodur hans; en i þenna tima var pafi yfir Romaborg Innocensius, sa er fystr var með því nafni. Martinus hafði einn vetr ens niunda tigar, er hann andadiz, en hann hafði byskup verit .vi. vetr ok .xxx. Þa voru lidin frá higatburd drottins vors Jesu Cristz .cccc. vetra secundum Speculum Historiale.

59 (60). A enu sextuganda ari frá andlati ens helga Martini byskups tok sa madr byskups tign i Turons borg, er Perpetuus het. En er hann hafði byskupsdom tekit, þa villdi hann i öllum hlutum vegsama enn helga Martinum byskup ok let taka ofan kirkiu, þa er ger hafði verit enum helga Martino, en gera adra miklu meiri ok dyrligri. En þa er kirkia var alger ok byskup villdi vigia hana ok taka upp helgan dom Martini or þeim stad, sem hann var grafinn, þa baud hann til þessar hatidar öllum enum nalægztum byskupum ok abotum ok morgum munkum ok kenni- monnum i upphafi manadar þess, er Julius heitir. Þeir vöektu um nottina fyrir þann dag, er þeir ætludu helgan dominn upp at taka, ok um morgininn eptir leitudu þeir til ok grofu yfir steinpro Martini. En er þeir villdu hana upp taka, mattu þeir eingan

veg hræra hana. Þá urdu þeir oglaðir við ok vissu eigi, hvat þeir skylldu til taka. Þá tok til orða einn af klercum ok mællti: »Witid þer eigi, at eptir .iii. daga er vixludagr ens helga Martini, ok mun hann a þeim degi vilia vera upptekinn, sem hann var til byskups vigdr.« Þá baud byskup, at menn skyldi a bænum vera þa .iii. daga ok fasta ok vaka ok bidia Martinum arnadar-ordz at um þetta mal. En a enum .iii. degi geingu þeir til grafarinnar ok villdu upp taka steinþro, en mattu hvergi hræra. Þá urdu allir uqvæða við ok vissu eigi, hvat til skyldi taka, ok baruz þat helz fyrir at hylia steinþrona molldu. En i því bili syndiz þeim gamall madr, hvitr fyrir hæru, skryddr hvitum purpuraklædum, kennimanligr miðg, ok hugdu þeir hellz, at abote nöckurr mundi vera. Sa madr tok til orða ok mællti við þa: »Hvi standit er nu ok hafiz eeki at? Se þer eigi enn helga Martinum, (er) stendr hia ydr ok er buinn til at starfa med ydr, ef er takit til.« Sidan varp hann af ser motli sinum ok tok til steinþroarennar med þeim, ok var þa auðvellt at hræra hana þangat, sem þeir villdu. Eptir þat baru þeir helgan dominn i kirkiu med allri dyrd, crossum ok kertum ok reykelsikerum ok miklum lofsöngum, ok settu nidr helgan dominn i haleitan stad hia allteri, ok beid hann þar, unz hann var i skrin lagdr. Sidan hofu þeir messu upp ok sungu hatidliga, ok þa er messunni var lokit ok öðrum tidum, ok menn gengu til veizlu, þeir er byskup hafði þangat bodit, þa bad hann leita at þeim virduliga manni, er þeim hafði synz, þa er þeir toku helgan dominn upp, ok fanz hann hvergi. Ymsar voru þar getur manna a, hverr sa enn dyrligi madr mundi vera, sumir ætludu guds eingil, en sumir sialfan Martinum byskup. Þar verda sidan at þeiri kirkiu, er enn helgi Martinus hvilir, allzkonar iarteinir, fa sion blindir, en heyrn daufr, en diöflar flyia fra odum mönnum, en likþraer breinsaz. Hefir almattigr gud veggamat enn helga Martinum byskup umframm vel flesta adra sina astvini fyst i lifinu med þvíliku valldi ok iarteinagerd, sem nu hafit er heyrt, ok sva faheyrdum iarteinum, at hann hefir .iii. menn af dauda reist ok þa eina, er sva voru komnir i valld diöfulsins, at þeir attu einga von til guds, þvíat þeir voru uskirdir ok sva herfiliga at teknir, at sumir höfdu fyrirfarit ser sialfir; ok er fyrir þa sök sva sungit i hans enum helgum lofsöngum, at hann hafi .iii. sinnum sundrat helviti. En i sialfu lifinu var hann sva reinn ok skirr ok fraskila öllu saurlifi, at til slíks finnaz varla dæmi, ok er hann af því kalladr af allri

cristni gemma sacerdotum, þat þyðiz gimsteinn kennimanna. Sa steinn, er gemma heitir, berr langt af öðrum steinum i sinum skirleik, sva berr ok heilagr Martinus af öllum kennimonnum. Er þat mikill vitnisburdr heilagleiks ok dyrdar ens helga Martini, at honum var fyst vigd kirkia allra samt pindra manna, ok let þat sa gera, er honum var likaztr i meinlætum ok i iarteinacrapti ok ollu lifinu, enn helgi Benedictus aboti. Su dyrd er honum ok veitt af heilagri cristni, at honum einum er octavas sett ok sungit af öllum sottdaudum monnum, ok þau leyfi gefr þafinn sialfr a hans hatid, er bok su vottar, er Penitencialis heitir, er hann vill eigi gefa a velflestum öðrum hatidum af skriptum manna. Þessum ordum rædir Innocencius þafi, sa er enn .iii. var med því nafni, um enn helga Martinum: »Eptir tru minni mæli ek, qvad þafenn, en þo ero leyndir fyrir oss guds domar, at verdleikar allra sottdaudra manna mega eigi iafnaz verdleikum eins saman Martinus byskups.» Nu höfum vær yfir farit nöckurn hop af iarteinagerd ens sæla Martini byskups, ok munum vær nu eigi fleira at sinni segia fra þeiri dyrd, er almattigr gud veitir honum, en þo skulum vær nu einkum sækia hann at arnadarordi ok bidia þess, at hann arni oss af sinni mildi ok miskunnsemi vid almatkan gud allra þeira hluta, er vær þurfum mest af honum at þiggia þessa heims, en at lidnu þessa heims lifi veiti hann öndum vorum paradisar hvilld til domsdags, en at enum efzta domi ladi hann andir vorar med sialfum ser ok öllum helgum mönnum til eilifra fagnada ok þeirar sælu, er allðri verdr endir m.

1 sottdauda *Cd.*

MAURITIUS SAGA.

(*Cd. 235 folio*).

Prologus.

Svo segia frodir menn, sem helgar bækr visa til, at Octo-
5 anus Augustus hafi fyrstr allra keisara haft einvalld yfir aullum
heimi. Hann stodvadi allan hernad ok setti frid um allan heim
allra manna i millum. Hann baud ok sva, sem hann segir Lucas
i gudspialli sinu, at nofn allra manna skyldi rita i hans riki,
þviat hann villdi taka skatt af hverium manni; villdi hann ok
10 vita taulu allra sinna undirmanna. A audru æri hins fimta tigar
hans rikis var fæddr fra Mariu mey hingat i heim varr hialpare
Jesus Kristr, bædi gud ok madr, oss til hialpar, helgandi enn
setta alldr heims þessa, þann sem nu er, med sinni hingadkvamu
miskunnsamligri. Æn þa er lidit var fra hollgan drottinligri .ii. e
15 æra .ix. tigr ok eitt ær, hafdi riki yfir Romverium Dioclecianus
keisari, hann var inn þridi ins fiorda tigar at tolo fra Octoviano keisara.
A dogum þessa¹ Diocleciani gerdizt ofridr vida um heiminn ok
hans riki sva mikill, at hann fek eigi stodvat einn. Var þat ok
makligt, at hans undirmenn væri honum ohlydnir, [er hann var²
20 ofridsamr vid krisna menn. Tok hann sidan til rikisstiornar med
ser þann hofdingia, er Maximianus het, ok Herculus var kalladr,
ok gerdi hann med ser samfelaga allz rikis ok tignadi hann med
keisara nafne ok valde. Ok nu er þessir .ii. keisarar hofdu riki,
Dioclecianus i Australfu, en Maximianus i Vestralfu, gerduzt þeir
25 sva grimmir vid kristna menn, at þeir brutu nidr helgar kirkiur
ok eyddi hvervetna cristnum domi, ok leitudu med aullu nidr at
briota kristiliga tru, sva at þeir þyrmdu æyngum af gudligri hiord.
En med gudligri forsio var þat sidan opinbert i ævextinum, er þa

¹ þessi *Cd.* ² [ok *Cd.*

var sadkastinu starfat. Þessi ofridr, er Dioclecianus ok Maximianus gerdu krisnum monnum, var inn tiundi fra þeim, er Næro gerdi guds vinum **a** sinum dogum, grimmari ok leingri en adrir, þeir sem verit hafa, sem þekr votta; þviat sva finzt ritad, at **a** einum manadi þoldu piningh ok dauda .xvii. þusundir heilagra manna fyrir Kristz nafni ok heilagri tru. Þessi ofridr stod .x. ar med uppteknum grimleik. At lyctaudum þessum ofridi fylgdi skiotlig ok **a**kafilig hrapan heidins doms ok eilíft níðrbrótt blotstada ok skurgoda. Þa veittis fridr guds krisni um allan heim, ok þeir margir, er fyrr hófdu verit hinir stríðu ovínir, gafu nu sialfviliandi sinn hals undir ok heilagrar ok almenniligrar truar, med þeim hætti sem gerdizt i Egipto eptir id tiunda **a**felli, þa er gud laust alla þeira frumburdi med bradum ok enum grimmasta dauda. Gaf Pharao eigi at eins fullt frelsi Israels sonum brutt at fara, hellðr skyldadi hann þa til **a**kafliga bruttferðinni at skunda med miklu fíar framlagi. Þat ma ok enn sia, segir sa er þessa hluti hefir saman lesit ok ritad, at eptir þann mikla ofrid, er krisnir menn þoldu, hafa þeir, er fyrr veittu móttöðu heilagri tru, veitt síðan mikla uppreist helgum kirkium, sem forn smíði votta, þau sem enn ma sea.

Saga Mauricíj.

1. A dogum þeira keisara Diocleciani ok Maximiani gerdizt ofridr fyrir nordan fíall i Gallia. Amandus ok Eleanus² hetu þeir, er formenn voru þeira víkinga, er med þrelsligri ofdrífd gerdu laugbrót ok [reistuzt i móti Rómabúríki ok spilltu sva fríðri ok frelsi ok alþýðu rétt. Keisararnir gerdu þat ráð, at Maximianus fór norðr um fíall med mikinn⁴ her at stöðva þenna ofrid. En eptir því sem Dioclecianus bauð, réduzt til þessarrar herferðar med Maximiano þeir ríððar af austrhálfinni, er Thebæi eru kallaðir, med sva miklu fíolmenni, sem þa var legio kaullud, en eru⁵ .vi. þusundir ok .vi. hundruð ok .vi. tígir ok .vi. menn. Þessir voru míoð agétir ok sterkir bæði at hug ok hreysti ok vel at vopnum búnaði ok med rómveskum síð tilsamdir, hversu þeir skyldu mæta

1 *Begyndelsen af Sagaen findes ogsaa paa sidste Spalte af Cd. Holm. 2 folio, hvor Overskriften lyder: Her hefir upp sögu Mauricíj íarllz ok hans félaga.* 2 *Helianus Holm.* 3 [reidduz Rómveria Holm.

4 miklum Holm. 5 þat er Holm.

sinum ovinum i bardaga. Mauricius iall var hofdingi fyrir lidi þessu, ok þessir voru þar nafnfrægir menn i hans her: Exuperius, Candidus, Victor, Innocencius ok Vitalis. Mauricius ok aull hans riddarasveit hafði tru tekit af byskupe i Jorsalaborg, adr þeir foru
 5 ut¹ um hafit, ok settu þegar kraptt heilagrar truar umfram allan likamligan vapnabunad med mikilli stadfesti. Ok þessa ena somu heilaga² tru stadfestu þeir fyrir pafanum³ sidan i Romaborg med þeim swardaga, at þeir skylldu fyrr lifit lata en ganga af tru sinni. En er þeir fundu keisarann Dioclecianum, sendi hann þa norðr
 10 um fiall, svo sem hann hafði fyrr rad fyrir gert, til lids vid Maximianum, þviat hann var adr farinn norðr undan⁴.

2. Svo er sagt fra Maximiano keisara, at hann kunni mikit af riddaraskap ok hafði sik miok samit til [riddaraskapar ok
 hernadar. Mikinn hug⁶ lagði hann a blotnad⁷ ok skurgodum at
 15 þiona. Hann var grimmr ok miok ægiarn til fiar ok metnadar ok i vafidr⁸ saurlifi ok maurgum audrum laustum. En sva var ækafligr hans grimleikr, at þadan af spillti hann mikiliga keisara-ligu valldi. Ok þa er hann kom norðr um fiall med mikinn her bæði kristinna manna ok heidinna, þaa ottuduzt ovinir hans
 20 Amandus ok Elianus eina samt hans tilkvamu, þeir⁹ er adr hofdu valldit styriolld ok ofridi¹⁰, ok gengu sva audvelliga til sætta, at Maximianus fek eyngan skada æ sinum her. Þar næst fretti hann, at mikils hattar madr noekur, er Caricius het, gerdi(zt) otrur Romverium ok hofzt med sinni sveit til ofridar norðr i
 25 Fraklandi i mot keisarans valldi. Þessi hafði þo verit skipadr formadr yfir þvi heradi, er liggr norðr vid uthafit, þar sem Franzeisar hofdu tysvar adr verid brutt reknir af sinum eignum, nær þvi er mætazt rikin Gallia ok Saxland. I mot þessum ofridi sendi Maximianus menn af sinum her norðr yfir æ þa, er Rin heitir,
 30 at hegna riddaraligum styrk þenna ofridarflok. Agætir hofdingiar drottinligrar orrostu voru formenn þessarrar ferdar, Gereon, Victor, Cassius, Mallusius ok Florencius, ok mikil riddarasveit fylgdi þeim af krisnum monnum. Þessir allir, er nu voru nefndir, voru af lidi Mauricij ialls.

3. En eptir mikit erfvidi langrar ferdar stodvadi Maximianus keisari allan þann her, sem þa var med honum, a noekurum

¹ utan Holm. ² saal. Holm; heilagra Cd. ³ Marcellino tilf. Holm.

⁴ þeim tilf. Holm. ⁵ [mgl. Holm. ⁶ tilf. Holm. ⁷ blotskap

Holm. ⁸ vafidr bæði Holm. ⁹ rettet; þeim begge Cdd. ¹⁰ Her

ender Holm.

slettum vllum vid þann stad, er Octodorus heitir. Ok fyrir (þvi) at þar voru morg rennandi votn iordina doggvandi, voru nalægir stadir vel blomgadir, þadan vidir akrar mikinn ævoxt berandi. Þar nær er æ su, er Rodanus heitir, prydandi nalægt herad, þviat hun fell eigi þar med miklum straumi. En þa er Maximianus 5 keisari hafði tekit hvilld i þessum stad, baud hann, at allr herrinn skyldi saman koma; let hann sidan efla blot mikit ok skylldadi alla at sveria yfir blotinu at beriaz hraustliga i moti þeim, er reistuzt mot romversku riki. Þar med baud hann at sveria þa uhæfu, at meida skyldi alla ok pina krisna menn sva sem ovini godanna, 10 þa er eigi villdi blota, hvar sem þeir yrði fundnir. Ok þa er Mauricius iarl spurði þessi tidendi, sneiddi hann hia þeim stad, er Maximianus let blotid efla, ok for skyndiliga med allri sinni sveit um atta milur til þess stadar, er Agaunum heitir, at eigi af nakvarri dvol mætti þeir verða þraungder med þessi naudsyn at 15 gera sva mikit laugbrot, sem keisarinn baud. Vid þenna stad Agaunum var æn Roddanus þreyn(g)d med sva miklum ok brauttum gnipum, at eigi matti annan veg yfir komazt, en bruad væri. Nær anni, þar sem brattir hamrar gerða, en audrum megin gætir æin, var einn fagr vollr med uppsprettandi votnum 20 gnogum, en þangat var at fara um þraungt einstigi, þar tok Mauricius iall hvilld med sinni sveit eptir erfidi langrar ferðar. Gæreon var adr farinn med sina sveit, sem fyrr var ritad, ok skilidr vid Mauricium at likamligri navistu en eigi at heilagri tru, ok þadan af var þat, at hann hafði eigi heyrt þetta il glæpafulla bod 25 Maximiani.

4. Þa er Maximianus keisari hafði allan sinn her til skyllad slict at sveria yfir blotstollum sinna goda, sem fyrr var sagt, vard hann þess varr, at Mauricius iarl med sinni sveit hafði fyrri sik fra skilid herinum. Vard keisarinn nu ækaflika reidr ok 30 sendi sina pionustumenn aptr at kalla Mauricium, at hann ok hans felagar skylldu sveria slíka uhæfu ok snuazt sidan til blota. I þeim her kristinna manna, sem nu var fra sagt, var Mauricius iall hestr hofdingi i þeira lidi ok fremstr; Exuperius var hans merkismadr, Candidus var kalladr senator, en þat hefir verit leingi 35 mikit tignarnafn i Romaborg. Þessir hofdingiar styrdu samriddurum sinum meira af guds ast biodandi þeim hlydni en med iardligri ogn. Þeir voru ok radugir ok rauskvir i orrostu, gaufgir ok aurauggir at arædi, en gaufgari at heilagri tru, þreyttu fyrir keis-

ara med afli ok styrk, en þionudu gudi med sannri godfysi. Sva
 var mikill grimleikr heidinna manna æ þeim tíma moti guds
 vinum, at hvar sem vart var við krisna menn, voru riddarasveitir
 til skipadir(!) þá haundum at taka, ær þorðu saunnum gudi at iata
 5 ok hans þionust(u), ok draga til kvala eða dauda, ef þeir villdi
 eigi blota. Var þetta nú nókut frelsi þeim, er adr striddu í mot
 fridinum, er allr þungi hernadarins snerizt upp æ þá, er satt sid-
 læti villdu vardveita. Mauricius ok hans riddarar vardveittu
 gudspiallz bodord undir vapnabunadi, gulldu þat gudi, er hans
 10 er, en þat keisara, er þeir voru honum skuldbunnir; ok sva sem
 þeir höfdu numit at þafvanum truna, hversu þeir skylldu vardveita
 meinleysi kristiligs sidletis undir vopnum romveskrar riddarasyslu,
 svo vardveittu þeir skiran sannleik hans kenningar allt til enda-
 lyctar sinnar þrautar með osigrudu rætlæti sannrar truar. Sæll
 15 ok heilagr er þessi riddarasamnadr, er sva biuggu sik til verall-
 ligrar orrostu, at þeir vardveittu meinleysi í sinu briosti ok kunnu
 sva vopn at bera moti¹ ovinum ens romverska fridar, at þeir baru
 eigi hernadar vopn helldr heilagrar truar í gegn sinum motgerdum
 siölfra. Höfdu þeir ok allir radit með sér með einu samþycki ok
 20 þat gudi heitid, at þeir skylldu í því hlyða keisarans bodordi at
 beriazt í mot opinberum uvinum fridarins, en virða einkis bod
 hans um allt þat, er í moti væri sid heilagrar tru ok sidlæti, ok
 þeir skylldu helldr lata þetta id stundliga lif fyrir Krizt nafni, en
 lifa stundliga gudi neitandi ok tyna sva enum eilifa² fagnadi.
 25 Sidan frettu þeir eptir sendiboda keisarans, hvat hann baud þeim
 at flytia, ef hann var reidr ordinn. Þeir svorudu, at hann baud, at
 allir riddarar skyldi ganga til ok blota ok godunum fornir at færa
 ok þeim þionustu at veita, ok því skylldu þeir skiott aptr hverfa³
 at gera þessa hluti eptir dæmi sinna samriddara. Mauricius iall
 30 ok adrir höfdingiar hersins svorudu með hogværligum ordum, at
 fyrir þá sok höfdu þeir hia snuit stadnum Octodoro, at þeir höfdu
 spurt, at blotid var efut⁴, en villdu eigi saurga kristinn sid í
 skurgoda þionustu; sogdu ok, at þeir villdu lifanda gudi þiona ok
 hann dyrka ok rettri tru hallda, þeiri er þeir höfdu numit í Jor-
 35 salaborg, ok hana at vardveita til endalyctar sins lifs. Her með
 sogduzt þeir vera bunnir með aullum sinum styrk at bæriazt með
 keisanum til fridar ok frelsis allum godum monnum, en villdu
 eigi til þess aptr (hverfa) at væfiast í glæpum eða gera logbrot,
 sem keisarinn baud. Sendimenn keisarans foru aptr ok sogðu

40 1 sinum tilf. Cd. 2 stundliga Cd. 3 fara hverfa Cd. 4 enpt Cd.

Mauricium iall ok hans sveit vera miok harda i sinni fyriretlan ok vilia eigi hlyda hans bodordi.

5. Þæ̃ vard Maximianus akafliga reidr ok sagdi sva med mikilli ædi: »Hvart skulu nu riddarar minir hafna¹ keisarligum bodordum ok fyrirlata helgar fornfæringar goda vorra ok minna? 5 Opínber hefnd etti fyrir at koma, þo at þeir gerdizt at eins ohlydnir konungligu velldi, ok nu samteingizt meingíord vid gudin, þviat þeir fyrirlita mik ok þar med (hafna) þeir romversku sídlæti. Skylldu ok nu þeir inir dramblatu vita, at Maximianus keisari kann at hefna (ok) ma hefna sinna meingerda ok guda 10 sinna. Ok fyrir þvi fari skyndiliga flockr enna trauzustu minna riddara ok taki af lifi hvern enn tiunda mann af lidi Mauricij iarls, sva sem hlutfall beidir.« Eptir þetta ord keisarans foru hans menn skíotliga at fremia þetta id grima bodord. En riddarar Mauricij gengu gladdiga undir dauda fyrir guds sakir ok rettu 15 síalfviliandi sinn hals undir sverd ok auxi. Var þa hauggvinn inn tiundi hverr madr, sem hlutr rak til. En su ein þræta vard adr i millum þessarra guds vina, at hverr villdi sinn hals fram retta, til þess at hann metti audrum fyrr deya fyrir guds nafni. Ok at lyktudu þessu manndrapi var enn leitad vid þa², er eptir 20 lifdu, ef þeir villdi aftr hverfa til keisarans ok samþyckia godum þiona³. En Mauricius iarll heimti saman sina menn alla fra mandrapamonnum þeim, ok mællti til þeira, er aurugaztir voru i heilagri tru med þessum ordum:

6. »Ek fagna miok, enir kærustu riddarar, ast ydars litiletis 25 ok mikilli stadfæsti heilagrar truar, er þer hrædizt eigi reidi keisara. Nu sa þer samriddara ydra med glodu hiarta ganga undir píslarfullan dauda, þa ena somu er ek ottudumzt, at sík mundi vígi veria, sva sem opt kann til handa bera þeim, sem vel eru vopnum bunir. Af þessu tek ek þat demi, ad drottinn Jesus 30 Krístr konungr allra konunga fyrirbaud postolum sínum sík vopnum ath veria ok sagdi vorn kristilígs traustz hveriu hervígi meiri. Sa enn same Krístr bannadi ydr fyrir tru ens heilaga sídlætis, at þer skylldut veriazt. Helgar bekr gafu oss her dæmi til, en nu samriddarar vorir, hverium vær eigum at fylgia. Nu 35 eru felldir umhverfis mik riddarar minir, þeir er hervíkingrinn let lífat veita. Nu em ek her heilagra manna dreyra dreifdr, ok a kledum mínum ber ek merki lífaz þeira. Hvi muna ek efa at fylgia dæmum þeira dyrlígun, er ek fagna daudanum? æda hverss

¹ ridda tilf. Cd.

² þetta Cd.

³ godunum tilf. Cd.

- er vert þat, er konungrinn bydr? iafningi minn i því, at hann er daudligr madr sem ek. Ef konungs reidi veri eigi hafnandi, þa mundi þeir ebresker sveinar eigi hafa fordazt brunann i ofninum fordum, eda Daniel spamadr olmleik enna oðrgu¹ dyra i grofinni.
- 5 Eða hafum ver svarid eid konungi, at ver skyldum lifit leggja æ landvorn med honum, ok het eingi oss himinriki fyrir þat, hversu miklu helldr skulum vær Kristi fylgia drottni vorum eilifum konungi, er oss heitr ok gefr himna dyrd fyrir þionustu vid sik. Þvi skulum ver med kallmannligri hug(hreysti) ok hreinni tru
- 10 fornfæra ander vorar siolfum Kristi, enir kærstu riddarar, i burdarfullum dauda. Nu se ek standa fagnandi fyrir Kristz domstoli þa, er inn grimi hervikingr renti lifnu fyrir litilli stundu af voru lidi. Su er hin sanna dyrd, er med virduligum æflokum þessa eus skamma lifs ma eignaz eilifa sælu annars heims med gudi.»
- 15 7. En er Mauricius iall hafdi tala(t) þessa hluti eda þeim lika, gerdi allr herrinn mikinn rom at mali hans, ok sogduzt allir vilia þola dauda fyrir guds sakir helldr en hafna heilagri tru ok hverfa aptr til rikis. En er Maximianus spurdi þetta, gerdizt hann sva olmr sem id grimmasta dyr, ok sendi sidan sina hard-
- 20 feingna menn ok bad enn i audru sinni taka af lifi enu .x.unda hvern mann ok riddara af lidi Mauricij iarls, en neyda þa til blotz, sem eptir veri. En þeir gengu sva fusir undir daudann af æminninghu hofdingia sins, ad hverr villdi audrum fyrr hauggvinn vera, ok villdu sva fylgia sinum samriddurum, þeim er þa voru
- 25 til himinrikis komuir af þeira lidi fyrir stundligan dauda. Sidan tok allr lydr fioldans, sa er eptir var, at eggiaz æ at bæra þraut sva at beriazt eigi i mot krisnum monnum eda samþyckia blotum, helldr daudann at þola; sendu sidan ord til keisarans med þessu ordtaki:
- 30 8. «Þinir riddarar erum vær, keisari, en þo iatu vær oss at frialso guds þræla vera: þer eigum vær hersyslu at inna, en gudi eigum vær meinleysi at giallda; malann eigum vær af þer at taka fyrir erfvidi vort, en af honum þiggium vær lifit ok alla atvinnu i lifnu. Hvi munum vær mega væra þer truir, ef vær erum gudi
- 35 otruir? Med aullu eigi megum ver fylgia þer keisari i því, at vær neitim gudi skapara vorum ok gudi skapara þinum, hvart sem þu vill eda eigi; ef vær erum eigi til þess neyddir at gera gud reidan, þa munum vær vera þer hlydnir, sem vær höfum her til gert, en elligar munum vær helldr hlyda gudi en þer. Vorar
- 40 1 ovørgu Cd.

hendr eru bunar vikinga at drepa ok oskilamenn ok ovini þins rikis, æn þær varazt sem ena mestu ohefu at beriazt i gegn retlatum monnum ok saklausum. Su er vor sysla at beriazt iafnan fyrir rettlæti ok fyrir tru ok til fridar saklausum monnum. Til þess tokum ver vopn at beriazt til fridar vorum borgarmonnum en eigi i gegn þeim. Gudi hofum vær svarid fyrri en þer, keisari, ok megum vær eigi af því hallda enn sidarra swardaga, ef vær briotum hinn fyrri; þu bydr oss at leita at krisnum monnum ok leida þa til pislar, en þu þarpt eigi annarra at leita, þvíat siolfir erum vær allir kristner ok iatum gudi fedr skapara vorum, ok æ hann truum vær ok æ eingetinn son hans Jesum Krist. Vær saam hogna fyrir Kristz nafni samfelaga vors haska ok erfidizt, erum vær ok dreifdir þeira blodi, ok grætu vær eigi, ok eigi haurmudum vær dauda enna helgustu manna vorra ok samfelaga ok brædra, helldr lofudu vær ok fognudum því, er þeir voru verdir at deya fyrir Kristi drottni vorum. Eigi skylldar oss til hin efzta naudsyn þessi lifsins vors oss at veria. En vit at hvaru, keisari, at eigi nockur aurvilnan sigrs velldr því, er vær veriumzt² eigi þer i moti, þvíat vær hofum bædi lidskost ok vopn at veria oss, en vær vilium helldr deya saklauser en lifa sakadir. En hvat sem þu bydr oss, eda hvat sem þu skipar oss i gegn, vit vist, at vær erum bunir at þola elld ok iarn æda adrar pislar(!), en krisna menn megum vær eigi pina, þvíat ver iatum oss vera krisna.»

9. Þa er Maximianus heyrði þessa ordsending, skildi hann, at Mauricius iall ok allir hans riddarar voru stadfastir i heilagri tru Kristz. Aurvænti hann, at þeira dyrlig stadfesta mundi sigrut vera, dæmdi hann sidan til draps alla þessa ena helgu sveit ok senndi sidan mikinn her sinna riddara at gera þessa uhæfu; sagdi hann ok því hvern meira herfang hliota skylldu, sem hann gerdi meira at þessu mandrapi. Ok þa er þeir, er sendir voru, komu þar, sem fyrir var fylking hins sæla Mauricij iarls, redu þeir til þessa mikla manndraps. En þessir helgir menn voru bunir ad deya ok fusir ad deya fyrir ast hins eilifa lifs. Ok er þeir þolldu pining sverdum slegnir eda audrum vopnum vegnir, var eigi heyrt þeira kall, ok eigi vorduzt þeir med nockuru moti, helldr laugdu þeir nidr aull vopn fram rettandi svirann ok beran hals ok hlifarlausan likam undir haugg kveliaranna; eigi reistuzt þeir i mot ser brosandir af miklum fiolda sinna lidsmanna eda riddaraligum vapnabunadi, sem vopn eda vorn syndi þeira rettlæti, helldr

mintuðt þeir þeim einum at iata (ok) sína daudasok æ hendi at fela, er eigi með sínu motmæli var til dauda leiddr, ok svo sem lamb fyrir þeim, er reyfi klippir¹ af því, lauk eigi upp sinn munn hann sialfr guds son. Þessir menn helgir sva sem drottinligh
 5 hiord voru særdir, dregnir ok deyddir sem saudir af vorgum. Jordin var víða þákin af líkaumum þessarra rettlatra manna, er pindir voru, ok flutu víða leker af uthellingu heilags blods. Hvar er fyrri heyrt, at nockurs manz grimleikr hafi sva mikit mandrap gert utan bardaga, æða hverr var sva olmr, at hann dæmdi sva
 10 marga menn samt til dauda, þó at sekir væri. Með slíkum grimleik þessa hervíkings Maximiani keisara þoldi písl ok dauda Mauricius íall enn helgi ok allr hans herr, hafnandi stundligum hlutum þessa heims fyrir von himneskrar dyrdar.

10. Victor het einn riddari, hann var eigi af lídi Mauricij
 15 íarls, hann fór þar hía, er riddarar keisara satu gladdir yfir vopnum ok klæðum ok miklu herfangi íallsmanna. En er hann varð varr víð ok viss af, hverju mannfall þetta gegndi, lastaði hann verk þeira ok villði flýia allt samneyti þeira. Þá spurðu þeir, ef hann væri kristinn, ok sagði hann sva þegar, at þat var. Síðan var
 20 hann hauggvinn, ok samteingdizt hann sva lídi Mauricij íalls ens helga í dauda sínum.

11. Þessi stortíðendi, er nú voru sogð, gerduzt² víð Agæunum, þann stað er sva heitir, er Mauricius íall þoldi píníng af hans her. En með því at keisarinn hafði sva boðit, at allir riddarar
 25 Mauricij íalls skyllðu drepnir vera, hvar sem þeir yrði fundnir, var þegar eptir leitað þeim³, er leingra voro fram komnir ok farnir. Ok víð þá borg, er Verona heitir, fundu þeir keisarans menn agæta riddara Cassium ok Florencium ok adra sex, með einni heilagri tru ok staðfesti, nær þeiri æ, er Rín heitir, ok marga
 30 adra með þeim eigi ennar somu astundanar. Ok er keisarans menn sa ok kendu Kassium ok Florencium ok þeira felaga, at þeir voru af lídsmonnum Mauricij íalls, voru þeir eptir fretter um truna. En er þeir samþyetu í aullu bæði í vília ok í anns(v)aurum sínum samriddurum, er fyrrum voru pindir, þoldu ok
 35 þessir dauda af heidingium í þeim sama stað fyrir Kristz nafni. Ofríðarmennínir leitudu nú eptir Gereone, þvíat hann var leingra undan farinn ok fundu hann ok hans sveit .ccc. ok .xviii. menn æ vollum nockurum víð Koloniam Agrippinam, mikla borg er sva heitir. En er þeir urðu varir víð ofríð heidingia, eggíadi⁴ hverr

40 1 klyppir *Cd.* 2 gerdizt *Cd.* 3 þeir *Cd.* 4 heggia *Cd.*

þeira annan hvergi at flyia, helldr piningh at þola fyrir guds nafni ok afla ser sva eilifa dyrd. Sendimenn keisarans sa, at þeir biuggu sik eigi med vopnum at veria, helldr fundu þeir med þeim guds vinum auruggan vilia ok stadfesti i iatningu kristiligrar truar; redu nu sidan æ þa med maundrapi. Þinn sæli Gereon gaufugligr hofdingi ok pislarvottr fornadi sik þar sialfviliandi lifandi forn sialfum gudi med sinum samfelogum þionustumonnum ens eilifa konungs at sigraudum allum teygingum þessa heims ok ens stundliga lifs. Ok eptir dauda þessarra heilagra manna drogu kveliarnir þeira blodga likami um þann voll, er þeir voru pindir, ok kaustudu i einn enn mesta hyl ok diupasta. I þeim stad, er hinn helgi Gereon var hauggvinn, ma sia blod hans allt til þessa dags, ok þa var kalladr stadr pislarvotta af þeim, er nær byggia. Med inum helga Gereone þoldu pining ok dauda .cccc. ok .xviii. menn, ok voru þeir pindir .xviii. nottum sidar en Mauricius ok hans lid, en þat er .vi. idus Octobris.

12. En medan þessir hlutir gerduzt, for hinn helgi Victor med sinni sveit, er honum fylgdi, til þess stadar i Fraklandi, er kalladr var Troea af agætum monnum, er þar hofdu fyrri setit, ok setti herbudir sinar æ nockurum fogrum vollum. Keisarans riddarar fundu þa þegar ok baru vopn æ þa. Þoldi þar dauda ok pislarvetti enn sterkasti Kristz riddari Victor med .ccc. ok .xxx. pislarvotta. Heidingiarnir drogu likami þeira ok kostudu nidr i fen nockur. En med því at Carisius, er fyrr var nefndr ok ofrid reisti i gegn Romverium, hafdi flyd undan keisara monnum i Brietanium, venndu þeir aptr enn sama veg, þessir glæpamenn, er Maximianus hafdi sent at pina guds vini, gladir med miklu herfangi.

13. Nær æ þeiri stundu komu med skipalidi af Mauritannia, sva er kalladr nockur hluti i Affrica, ok þar af nalægum herodum i Galliam .ccc. ok .lx. riddara, þeira (er) keisariinn hafdi kallat til landvarnar i mot ofridarmonnum. En fyrir því at þeir voru krisnir, let Maximianus þa alla drepa. Þeir voru fusir helldr at deya en tyna heilagri eda almenniligri tru. Eru þeira likamir vardveittir i þeim sama stad, sem hinn sæli Gereon ok hans felagar eru dyrkadir.

14. Eptir þessi tidendi hvarf Maximianus keisari aptr i Italiam. Ok er keisarar funduzt, eggjandi Dioklecianus, at þeir badir skylldu nidr leggja ríkisstiorn ok taka æ sik idnarleysi. Maximianus gerdi þetta þo at naudigr. Velltuzt þeir nu badir ur keisaradomi ok logdu nidr purpura ok allt keisarligt valld, en eigi

grimleik, Dioclecius in Nicomedia, en Maximianus i Mediolanum, ok eigi baru þeir nockut tignarnafn sidan. Ok er audsynt, at þat var rettr guds domr, at þeir hefði sidan eynga vegsemd af monnum, er sva grimir gerduzt mot gudi ok hans vinum, þa er þeir hófdu verallldigt valld, sem fyr var sagt. Maximianus gerdi Constaneium keisara ok skipadi hann yfir Italiam ok Affricam ok Galliam, hann var agætr madr ok hogværr. Galerio var feingit til geymslu aunnur ríki ok herod. En Constaneius let ser þaurf vinna at hafa eigi meira en¹ Galliam ok Hyspaniam, ok hellt þau ríki med mikilli hogværi ok veitti eingi þyngsl krisni guds. Constaneius andadizt i Brittanniam ok gerdi adr Constantinum son sinn ok Helene keisara yfir þeim ríkium, er adr hafði hann styrt. Maximianus var þa enn æ lifi. En er Maxeneius son hans hófz til ríkis, var hann ofridsamr, ok þat gerdizt at sinni, at fadir hans flyði undan hans ofridi a fund Constantini keisara. Keisari tok við honum hardla vel. En litlu sidar var Maximianus fundinn at svikrædum við Constantinum eða fioradum, ok þa er fundin var su vel hans, var hann tekiinn i þvi heradi, er Marsilia heitir, ok heingdr, ok endi hann sva grímt líf med grímmum dauða.

15². En morgum vetrum eptir piningh ens helga Mauricij íalls ok hans felaga, vitruðu þat guds vinir einum byskupe, at hann lete kirkiu gera gudi³ til dyrdar ok þeim. En er su kirkia fyrndizt, þa let Ambrosius aboti hana endrbæta i annat⁴ sinn ok auka. Þat gerdizt enn, at æ, su er Rodanus heitir, feck mikinn vóxt, sva at hon gek æ bæði laund ok leysti mikla torfu af hvarumtveggja⁵ bakkanum. Þa funduzt þar bein ens helga Innocencie, er⁶ leingi hafði leyndr verit i iordu, var hann upptekiinn ok færdr til kirkiu ens helga Mauricij íalls ok samteingdr hans lídi i sinum grepti ok felogum ok gofgan.

16. Sa athburdr gerdizt enn, at margir smidir komu saman þar til kirkiugerðar, at einn af þeim, sem heidinn var, smidadi æ drottinsdegi, þa er adrir, þeir er krisner voru, foru til tíða. Þa sa hann berliga flok píslarvotta Kristz; þeir gengu at honum ok baurdu hann ok ævitodu hann um þat, at hann vann einn æ helgum tíðum, sva ok þat er hann þordi heidiinn at ganga til heilags verks. En þetta gerdizt til þess, at gud villði, at hann leitadi heimligs rads, þa er hann reyndi krapst þeira, ok snerizt

1 af Cd. 2 Af kirkiugord Overskr. 3 guda Cd. 4 annan Cd.

40 5 hvartveggja Cd. 6 ok Cd.

til retrar truar. Sa atburdr gerdizt enn, at kona eins gaufugs manz, su er leingi hafdi verit siuk ok matti eigi æ fætr stiga, at hun let sik þangat bera til kirkiu Mauriej ialls. Þangat var hon borin annarra hondum, en hon gek þadau sinum fotum alheil fyrir bænir heilagra guds manna. Margar eru adrar iarteignir, er þar 5 gerduzt ok gerazt hvern dag i heilsugiofum vid siuka menn ok i bruttrekstri diofla fra odum monnnm, er drottinn letr ser soma at veita til dyrdar sins nafns.

17. En þa er Constantinus keisari hafdi feingit einvalld yfir aullu Romariki ok hann hafdi tekitt retta tru af Silvestro pafa ok 10 skirn, efði hann i aullum hlutum kristinn dom. Þat baud hann ok Elenu modur sinni ok gaf henni til þess valld, at hun skylldi gera sem hann siolf(r), at vegsama gropt heilagra pislurvotta guds ok endrbæta kirkiur heilagar hvervetna, er adr voru nidr brotnar. Af þessi enu gaufgu drottningh, er gudi er hardla kær, synazt ok 15 vardveitast marger agætir hlutir i klaustri ons sæla Gereonis, ok optligar iarteinir, er þar geraz, votta, hvilik hun hafi verit. Ok medal margra agætra verka sinnar godfysi let hun reisa eina mikla kirkiu yfir grepti þessa pislurvotz guds Gereonis ok hans felaga, þar sem voru vardveittir likamir heilagra riddara, er martiri eru 20 kalladir, sem fyrr var ritad, er marga ok mikla huggan veita sytundum ok siukum i heilsugiofum. Þetta musteri var ægætt bædi at efnum ok smid, med hafum ok sterkum veggium af enum besta marmara, med fogrum ok stadligum pilorum styrkt af sama efni. Þat var ok svo fagrliga prytt ok bued med gulli bædi utan 25 ok innan, at eigi hafdi nockut þvilikt fyrr smidat verit i aullum þeim herodum, ok eigi hefir sidan gert verit, sem frægr ordromr sannar. Ok þadan af voru þeir helgir menn, er þar voru iardadir, kalladir Aurei Sancti ok dyrkadir af þeim, er þar voru i nand. Ok til þess at þetta musteri væri enn ok mætti frammar lika allz- 30 valldanda gudi, var þat til tignar med morgum kennimonnum, at þar mætti fagrliga fram flytiazt hversdagliga guds lof ok heilog pionustugerd.

18². Heilagr Maternus, er hinn helgi Petr postole vigdi til byskups ok sendi at predica guds ord, hann andadizt litlu sidar, 35 en hann var vigdr. Þa sendi postolenn staf sinn ok let leggja yfir lik hans; en Maternus, er fioratigi daga hafdi i iordu legit, reis þegar upp lifandi ok var sidan byskup i Treverisborg. Hann kendi fyrst heilaga tru i Colonia Agrippina ok efði þar heilaga

- krisni með agætri stíorn; hans líf skein morgum krauptum, sem sannar sagnar votta ritadar af hans verkum. Enn þríði byskup af Kolonia, af þeim er oss eru kunnir, seger sa er soguna hefir ritad, ok enn næsti eptir enn helga Severinum byskup var Evergisilus.
- 5 Sva bar til **aa** nockurum degi, þa er hann hafði feingit **aa**kafan hofutverk, at hann villdi vitia graptar heilagra pislarvotta Gereonis ok hans felaga ok bæen sína fram at flytia. En þa var enn eingi einkanligr umbunadr veittr þeira líkaumum ok helgum domum. Ok er hann gek inn í kirkíuna, hóf hann upp kunniet vers
- 10 Exultabunt sancti in gloria til lofs þeim helgum monnum. En af þeim heilaga stad, er helger líkamer voru vardveittir, var þegar svarad Letabuntur in cubilibus suis. En er byskup heyrði þetta, vard hann miok ottafullr, ok þó með fagnadi lofadi hann gud með aullum þeim, er hía voru. Gek nú fram at þeim stad, er guds
- 15 pislarvottar voru grafnir, ok tok þar upp molld ok lagði við hofutser þessa hialpsamliga lækningh, ok þegar vard hann alheill af sinum mikla hofudverk, er hann hafði haft. Hvarf þadan **aa** brutt með miklum fagnadi. Eptir sogn rettordra manna mætti marger slíker hlutir vera sagdir, ef þeim er heyrði leidizt eigi langmæli,
- 20 þviat eigi gerazt þar far iartegnir eða sialldan, helldr ma þar sea hversdagliga kraptamligh verk, ok hverr, sem talar við nokurn sídlatan þionustumann þeirar somu kirkíu, mun bæði undrazt mikilleik ok fíollda þeira iartegna, er þar geraz ok veitazt af gudi. Þviat hveria lækning sinna meina, sem vel hverr beidizt at þiggia,
- 25 audlaz hann efalauslíg í þeim stad, ef hann bídr með rettri trú. Slík² somamerki sinna verdleika syna optlíg heilagr Victor, Cassius ok Florentius með sinum samriddurum, þar sem þeir hvíla, svo morgh ok mikil takn, at eingi madr fær talt eða ordum skyrt æða fullulíg ritad.
- 30 19². Heilogh kirkía í Kolonia, er verdug gerdizt at vardveita í sinum fadmi líkami heilagra pislarvotta, hefir ok helldr fyrir þeira arnadarord allt til þessa dags heilaga trú ospellada, þa sem hun minnizt sík numit hafa af sinum fýsta byskupi Materno. Su skipan hefir þar í vanda tekiz, at hatid sälla pislarvotta Gereonis,
- 35 Victoris, Cassij, Florencij ok þeira samfelaga, er í þrim stodum toku pislarvættis coronu ok í þeim stodum voru grafnir, væri vegsamlíg halldin (a einum degi), en þa(t) er .vi^o. idus Octobris, þot efanlíg se, hvart³ þeir hafi allir **aa** einum dægi verit pindir eða **aa** tveim, þviat Verona, þarsempindir voro Kassius ok Florentius með sinum samridd-

urum, (er) eigi minnr en .vi. mílum ok .xx. útar en kirkia ens helga Victoris; ok því er þat varla trúanligt, einna hellzt fyrir saker naudsynligra dvala í sérhverium stodum, at þessir allir hafi æ einum degi verit pindir, nema ferd heidingia hafi sva skiot ordit fyrir akæfd mikillar reidi. Leggium nu, kæru brædr, allan hug æ med fagnadi ath hallda med framningh godra (verka) stundligha hatid pislurvotta guds, ath fyrir þeira miskunsamligt arnadarord mættim vær eilíft hatidarhalld himinrikis med þeim eignast. Sva skulum vær fagna þeira dyrd at afla med oss gudi til handa alla þa, er vær megum med kenningarordum eða dæmum godra verka í ofalsadri ast. Sva segir einn virduligr spekingr, at su ein er aurugg vinatta milli vina, ath annarr vili slíkt sæm annarr, ok annarr vili eigi slíkt, sem annarr vill eigi. Ok ef helgir pislurvottar formælendr vorir fyrir gudi finna oss til sín kallandi æða af sér talandi, í slíkum vilia sem þeir voru, munu þeir eigi oss med ollu fyrirrita sva sem okunna sér, helldr munu þeir oss virda sem eiginliga heimamenn, ok af þeirri heilagri ast eilífliða ætla þeir vara sok sína, ok þadan af skulum vær vænta, at í þessum heimi mun oss eigi þriota fulltingh naudsynligra hluta, en í (o)ordinni væroldd muni vær samteingiazt þeim (i) eilífum fagnadi til lofs ok dyrdar drottnei vorum Jesu Kristo, sa er med fedr ok helgum anda lífir ok ríker einn gud í þrenninghu um allar alldir. Amen.

APPENDIX.

(*Membranfragment 655 X¹ qv.; jef. ovenfor S. 649²³—654⁸.*)

logym ef þess beidde þvrf¹ oc fylgia lagsm 25
Enn er þeir voru sva allir eggiapir til stafeste af hofþingiom
sinom, þa sendo þeir orþ Maximiano konvnge a þessa lund: Þinir
ridderar ero ver, rex, enn þrælar gvþs. Af þer tokom ver [mala
fyrir] ervepe vart, en af honom vpphaf lífs; þer giolldom ver
riddera systlo enn [gvþe] meinlayst(!) leif(!). Eigi mego ver at
þvi fylgia konvnge, at ver neitem dominum nostrum oc dominum
tuum, hvart þu uill eða eigi. [Ef ver erom eigi² til næ(y)ddir,

¹ þvrf¹ Fr. ² [rettet; Eigi ver erom Fr.

at ver georem hann reiðan, þa munum ver hlyðnir vera þer enn
 sem hingat til, en ella munum ver honum lyða helldr en þer.
 Þessar hendr ero bunar at vega uikinga ok osk[ilam]enn oc ouine
 sina(!) oc þina, en þær kunnu eigi at beriaz i geng saclausum
 5 mannum oc rettl[atun. S]u er uar sysla at beriaz fyr rettlete oc
 fyr tru oc til fripar saclausum mannum oc rett[latum]. En huerso
 megum uer þer truer vera, ef ver erom otruer gupe drotne uarom.
 Til þess toc[um ver] uapn at beriaz til fripar borgarmannum
 varum, en eigi i gegn þeim. Gupe sorum uer fyr en konunge,
 10 [ei]gum uer af þui ecke hallda et efra sære, ep(!) ver briotum eð
 fyrra. Þat byðr [þu] oss at leiða crisna menn til pislar, eigi þarftu
 annarra til þess at leita, ver sialfer erom crisner aller. Ver siam
 nu hægna fyr Crist nafni lipsmenn uara oc samridara, oc hormoþ-
 um ver eigi ne gretum dæða brepra varra, helldr fægnoþom uer
 15 þui, at þeir uoro uerþær at deya fyr Cristi drotne Jesv. Enn
 eigi ervm ver sva a helliar þravm comner, at þv hafir allt raþ
 vart i hende; hofom ver vop(n) oc lipskost at veriaz, oc villiom ver
 eigi, þvi at ver villivm helldr deya saclavsir enn vega oc lifa seckir.
 Hvatke er þv byðr oss eða hvatke er þv leggr a hendr oss, þa
 20 erom ver bvnir vndir at ganga eld eða iarnn eða pislir. Enn
 cristna menn mego ver eigi þina, þvi at ver iatom oss sialfa cristna
 vera. Enn er Maximianus heyrþe þetta, þa scilde hann, at hvgr
 þeira var fastr i trv oc matte eigi yfir stigaz, oc sende hann .c.
 riddera sinna at hæggva Mauricius iarl oc alla fylking hans. Enn
 25 er hermenn konungs komo til þeira, þa vordvz þeir eigi ne i geng
 hioggv ne brvgþv scioldvm fyrir sic, helldr mintvz þeir a þat, at
 þeir iatto þeim domine, er eigi let sic veria, oc eigi callape hann
 ne lave vpp mvn sinn, þa er hann var leiddr til pislar. Þa var
 þackipir(!) vollr likomom retlatra, oc flvtv lekir heilags blops, þa
 30 er lif sitt let heilagr lyþr, sa er hafnaþe þessa heims hlvtvm fyr
 von himneskra hlvtu. Þar fell heilog fylking, su er nu trum uer
 at (i) himnum er oc lofar guþ með engla sveitum. En maðr het
 Victor, sa er eigi var vr þessi fylkingu, hann com at gangandi,
 þar er ridarar konungs sato glaðer yfer fart[om oc] uapnum iarls
 35 manna. Enn er hann uarð uis af þeim, þvi(!) manfall þetta gegdi,
 þa lastapi hann u[erk þeira] oc flyþi alt samsinni þeira. En þeir
 spurðu hann eptir, ep(!) hann uere kristenn, oc iati [hann þe]gar,
 oc uar þegar hæguenn af konungs mannum, oc samtengþes hann
 iarls lipi i dæ[ða sinom]. En þesser ero nefder ur þui lipi, er

þar fell: Mauricius Exsuper tlus oc Victor. En annarra
 næpn(!) ero oss ocunn, en þar ero riten a lifs boc. E[n i þe]ssi
 fylkingu ero sagþer uæra tue(i)r pislarvattar Ursus oc Victor, er
 pind[er voro] i castala þeim er Solodorum heiter. Enn Maximia-
 nus næpi eigi lengi at fagna grimum sigri, þui at þa er hann 5
 uildi rapa fiorapum Constantinum mag sinn, þa uarð funden uel
 hans, oc uar (hann) tekenn i herape þui er Marsi
 lif með grimum dauða. En margum uetrum siþarr
 kirkio geora til dyrþar þeim. En
 kirkio i annat sinn oc æca 10

. ,
 bacca, þa fundoz þar bein heil(a)gs manz þess er Innocencius het,
 er lenge hafþe i iorðu ueret leyndr. En þa uar hann upp tekenn
 oc feorþr til kirkio Maur(ie)ij oc samtengþr hans liþe [i sinum
 grep]te oc gaufgan, oc er hans minning hallden með messodege 15
 Mauricij oc Þat georðes enn til iarteina, þa er smiþer
 marger como til kirkiageorþar, at smiþarinnar er
 heiðen uar. En er sa var (at) smiþenne drottensdag nocorr(!),
 þa uaro aller til típa farner. Þa sa hann sanlega
 flocc pislaruatta guþs þyþsia(!) at oc baurþo þo(!) þeir hann 20
 oc autopþo [of] þat, er hann uann einn a helgum típum oc of þat
 er [hann] þorþe heiþen at ganga til heila[gs ve]res. En þetta
 georþesc af guþs uatum at smiþ[renn] leitape astsamlegs rapþs, þa er
 h[ann rey]nde craft þeira, þvi at þar eftir for, at hann toc tru.
 Cona nequers manz gaufug[s haf]þe lenge siuc ueret oc matte 25
 eigi a fetr stiga. En hon bað buanda sinn f[æra sik] til kirkio
 Mauricij. En er hon var þangat boren af hondom manna, þa gek
 hon a sinum f[otum] alheil þatþan af beonum heilagra. Margar
 ero aþrar iarteiner, þær er þar georþoz i heilso oc i brautrecningo
 diaþla, þviat drottenn lettr ser soma at syna hvern dac(!) tacn 30
 sin fyr uini sina til lofs oc til dyrþ(ar) naf(n)s sins til þessa dags.

MAURUS SAGA.

(*Cd. Holm. 2 folio*).

Her hefr upp sögu Mauri abbatis.

Heilagr Maurus var ens göfgazta öldunga kyns, fadir hans
5 het Euticius en Julia moder hans. Hann var til læringar selldr
Benedicto abota, þa er hann var .xii. vetra gamall, ok þoat hann
væri ungr ath alldri, þa var hann roskinn ath godum sidum.
Honum wnni Benedictus wm hvern mann framm ok lærði hann
vandliga. Benedictus meinlætti ser marga wega bæði i vokum ok
10 fostum ok kulda, ok um langafostu þa hafði hann eeki klæða
nema haar(klæði) ok þoo fa ein. Hann matadiz eigi optar en tysvar
i viku ok þo litit, sva gerði hann, medan hann lifde. Maurus lifði
ath dæmum meistara sins ok mæddi likama sinn i mörgum mein-
lætum, hann reis upp hveria nott fyrr en adrir ok hafði sungit .l.
15 salma, adr adrir klerkar kæmi ut, ok opt .c. salma eða allan
salltara, ok eigi song hann sidr um daga. Langt er ath tina alla
krapta Mauri, þviat lif hans var ath ollu ædra miklu, en vær
megim þat skyra.

2. Ðat var æ einnihverri tid, ath nockur tigginn maðr bað
20 helgan Benedictum, at hann færi til heimkynna hans, þviat kona
hans, er skömmu adr hafði lettari ordit, var ordin od af dioffi, ok
sva barnit, þat er hun hafde fætt. Hann for med honum ok mællti,
at Maurus skyllde þar fyrir rada, medan hann væri heiman. Maurus
for þann sama dag med öðrum bræðrum at binda korn, ok eigi
25 allskamt a braut. Þeir komo aptr nær midium degi, ok adr þeir
kæmi allt heim, þa var borinn a mot þeim sveinn einn mallaus
ok halltr. Fadir hans ok modir fellu til fota Mauro ok badu, at
hann gæfi heilsu syni þeira, en hann taldi sik sekan ok syndugan
fyrir gudi, ok eigi sig slíka luti mega giora, ok kallade þat postola

verk vera at giora slíkar iarteinir. En þeir er honum fylgdu, toku at bidia honum hugganar. En Maurus var huggodr ok felldi tær, er hann sa þau klauckva, ok fell hann til bænar. En er hann hafdi lengi *æ* bæn werit, þ*æ* tok hann stolo af halsi ser¹ ok lagdi yfir höfud ens siuka ok gerdi krossmark yfir honum ok leit upp 5 til himins ok mællti: «Dröttinn Jesus Kristr, þu er svo mælr vit lærisveina þina²: satt segi ek ydr, at allir hlutir þeir er þer bidit, þa truit þer því, at þer munit audlaz af gudi; syn þat oss nu þrælum þinum litlum ok syndugum, er treystumz i ordum þinum helgum ok þa tru höfum, er þu letz þer soma at veita oss.» 10. Sidan sneriz hann til ens siuka ok mællti: «I nafni heilagrar ok oskiptiligrar þrenningar ok holpinn af verdleikum ens helgazta meistara wors stattu *æ* fætr þina alheill ok retrr.» En er hann hafdi þetta mællt, þa spratt sveinninn *a* fætr ok geck þegar fraliga ok lofadi gud ok mællte: «Lofadr se gud skapari allra luta, sa er 15 ser let soma at græða mik fyrir verdleika ens helgazta þræls sins Benedicti ok ens sæla hans lærisveins Mauri.» Þa kom Benedictus ok bratt heim ok sagdi, at þeir voru þa heilir, er hann for ath hitta.

3. A þeiri tid komu sendimenn til munklifis heilags Benedicti, þeir voru or borg þeiri, er Cinomamnica heitir, ok sendir af 20 byskupi þeim, er Berticiamnus het, þvíat sa enn helgasti byskup vissi heilagleik ens agætazta Benedicti ok sendi Plodegarium erkidiakn ok marga sidsama menn med miklum giöfum ok bad helgan Benedictum senda ser munkanockura vel lærða, þa er kynni regulohalld þat, er Benedictus hafdi sett, ok fyrirsögn hefði, 25 hversu munklifi skyldi setia. En hinn helgi Benedictus vissi adr en þeir kæmi, ok svo af hverio þeir foro. Ok þott hann vissi fyrir, ath þa nalgadiz andlatztid hans, þa sendi hann þo Maurum ok fíora brædr med honum, ok mællti hann, ath þeir skyldu svo hlydnir vera Mauro, sem þeir höfdu honum verit. En munkarnir 30 urdu miög hryggvir vit þat, þvíat hann hafdi sagt þeim andlatztag sinn, en þeir sa þar til hugganar, er Maurus var, eptir andlat Benedicti. En er Benedictus sa marga munka grata, þa kalladi hann saman alla klerkasveit sina ok mællti: «Svo segir Pall postoli, ath godgiörn er ast, ok godgirni astar vorrar skulum vær 35 mest rækia; fyrir astar sakir vit mik skulut þer huggazt nu, þvíat mattugr er gud at senda ydr annan foringia, þann er miklu er dyrligri, ok þer megit þa lifa ath þess dæmum ok tenad hliota af hans verdleikum, ok þat er naudsynligazt ath sia *æ*vallt vid

fiandans slægdum. En þat er wið þa at mæla, sem ek sendi til annarra herada, at þer sed traustir i hug ok styrkit hiørtu yður i heilagri sidsemi, ok vitid þer þat, ath því meiri laun munu þer taka af gudi, sem þer þolit meira vil fyrir hans sakir, ok latit yðr
 5 eigi hryggva andlat mitt, þvíat ek mun yðr avallt vera tenadar-madr.» En er hann hafdi þetta mællt, þa kysti hann þæ Maurum ok leiddi þa til klaustradyra ok selldi Mauro regulobok, er hann sialfr hafdi ritad, ok gaf þeim blezan ok bad þa fara i guds fride.

4. Þeir hófu ferd sína þrim nottum eptir .xiii^{da}. dag iola, ok
 10 gistu fyrst i syslu Benedicti æ bæ þeim, er Voleia heitir, ok toku þar vit þeim munkar veggamliga, het annarr Probus en annarr Aquinus. Þa hafdi Benedictus þangat senda enn fyrra dag. En er þeir Maurus höfdu lokit ottusöng um nottina, þa komu þar .ii. munkar, er Benedictus hafdi senda, Honoratus ok Felicissimus
 15 frændi Mauri, ok færdu Mauro gíafar þær, er Benedictus sendi honum; þat voru helgir domar, þrir spænir af krossi drottins ok af helgum dome Marie drotningar ok heilags Michaelis ok Stefani frumvotz Kristz ok heilags Martini, ok rit, er hann sendi Mauro, þat er svo mællte: Taktu vit hinum efstum giöfum meistara þins,
 20 ok vænti ek þess, at gíafir þessar muni yðr hlifa vit ollum illum hlutum, ok þat vitradi mer gud gíærdags, þa er þer vorut hedan i burt farnir, at þu mundir lifa þria vetr, fra því er þu kæmir i munklif, ok vera þæ innleiddr i fagnat drottins þins. Þat segi ek þer ok, ath yðr mun mart til torfellda verda ok dvala i
 25 þessi ferd, ok mun fiande upp egna snóror slægdar sinnar i moti yðr. En alldregi mun gud yðr fyrirlata, ok hann mun opt veita yðr girndir yðrar, ok lifi nu heill ok sæll.

5. Þadan for Maurus i þann stad er Vercellis heitir, ok þar dvaldiz hann tvo daga, ok fylltiz spasaga Benedicti um farardvol
 30 þeira. Harderadus felagi þeira skyldi ganga ofan or stöpli einum hafum, en andskoti hepti for hans ok felldi hann ofan, ok lamdiz hann allr ok var borinn i linduki til förunauta sinna nær örendr. Allir urdu þeir hryggvir vit þenna atburd, ok fell þat einna næst Plodegario erkidiakni. Þar voru þeir fiortan daga, en honum þotti
 35 avallt helldr at ser aka. En hægri hönd hans, öxl ok armleggr þrutnadi miok ok bles alla, ok var þa ætlat, at lækna mundu skera eða svida holld hans. En Plodegarius villdi eigi þat, ok for hann til kirkiu, þar sem Maurus læ a bæn sinni, ok fell til fota honum ok bad med tarum, ath hann gæfi heilso Harderado ok leti
 40 eigi skera ne brenna holld hans. Sæll Maurus fell til bænar fyrir

alltare ok retti hendr sinar fra ser ok bad leingi fyrir enum siuka, sidan reis hann upp ok tok af alltari budk, er Benedictus hafdi sent honum ok helgir domar voru i, ok for til ens siuka ok tok span af krossi drottins ok gerdi kross med honum ~~sa~~ oxl hans ok a ollum armi ok mællti: «Sa gud, er holldgaz let eingetinn son 5 sinn af helgum anda ok beraz i heim þenna fra Mariu mey, ok var pindr til lausnar ollu mannkyni a þessum enum helga krossi, sa sialfr gud, skapare allrar skepnu, lati ser soma at græða þik fyrir krapt ens helga kross.» Ok er hann hafdi þetta mællt, þa sprack i þrim stodum ok fell or mikit blod. Plodegarius matti 10 eigi vatne hallda, er hann sa svo mikla iartein, ok lofadi gud ok enn helga Benedictum, er þa lærisveina hafdi fostrad, er slik takn giordu. Ok þangat for mestr luti borgarlyds, ok þotti hverr sæll, er sia matti Maurum. En eigi eignadi hann ser þetta helldr lausnara vorum Jesu Kristo ok drottinligum krossi ok verdleikum ens sæla 15 Benedicti. Harderadus var þa nær alheill ok bad Maurum, at hann færi eigi a braut enn næsta dagh, adr hann hefði komit til hvernarr kirkiu i borginni, ok færa lof gudi ok helgum monnum fyrir sakir heilsugiafar sinnar, ok þat veitti Maurus honum.

6. A fimtanda degi þadan, sem nu var greint, hofu þeir ferd 20 sina. Þa bar svo til, ath pionn þeira, sa er Serglus het, fell af baki ok a hvassan stein, ok er hann villdi upp risa, þa var hann allr lamdr, svo at hann matti hvergi hræra sik, ok brotinn var fotr hans enn hægri, ok allr var hann sarr. Maurus geck þangat ath, sem hann læ, ok hellt ath fæti hans enni winztri hendi, en 25 med hægri hendi gerdi hann krossmark yfir honum, ok mællti svo: «I nafne almattigs gud(s), þess er leysir med krapti sinum fiotrada ok þa sem i hoptum ero, riss upp þu heill ok piona oss þrælum guds, svo sem Benedictus baud þer.» Serglus reis upp þegar heill, ok foro þeir til þess, er þeir komu til kirkiu. Þar sat madr fyrir 30 kirkiudyrum, sa er blindr hafði verit alla æfi sina, ok bad giafar alla þa, er ut eda inn gengu i þa kirkiu. Hann heyrdi getid, ath Maurus var þar kominn lærisveinn Benedicti. En er Maurus geck or kirkiu ok forunautar hans, þa lagdiz enn blindi madr nidr a stræti fyrir þa ok kallade: «Ek særi þik, Maure þræll guds, fyrir 35 þa ena dyrligu pislurvotta, sem her hvila, ok fyrir göfugleik nafns meistara þins Benedicti, attu gefir mer syn af bænum þinum.» En er guds madr heyrdi þetta, bad hann, ath hann stæði upp, ok er hann stod upp fyrir honum, þa spurdi Maurus, hversu leingi hann hefði þar verit. Hann sagði, at sa var enn ellepti wetr fra 40

þvi, er hann kom þar. «Fyrir hvi, sagdi Maurus, hafa eigi þessir enir helguztu pislarwottar, er pinaz letu fyrir guds sakir, gefit þer syn, ef þeir villdi þik sia lata, þviat þeir mundu audlaz þat af gudi, þviat þeira er slikt at gera, en eigi wort, ok þurfum wær
 5 þeira æ hverri stundu.» Geck þa Maurus i brott. En þessi kalladi eptir honum akafliga ok taldi upp vesold sina. Þa hvarf Maurus aptr til hans ok felldi tær, ok sa i gaupnir ser, en stundum i himenenn, ok lagdi kross yfir augu ens blinda ok mælti: «Drottinn ok grædari Jesus Kristr, sa er satt lios er, þat er lysir
 10 hvern mann komanda i þenna heim, hann sialfr lati ser soma fyrir akall nafns sins at lysa þessum manne ok fyrir werdleika þessa heilagra piningarwotta, sem hvila i þessum stad, ok ens helga vors meistara Benedicti, ath sia madr megí lita dasamlig werk sialfs guds skapara allra luta ok lausnara vors ok hann at lofa feginsamligri
 15 röddu ok verki sannrar tru.» Ok er hann hafdi þetta mællt, þa fell þegar blod mikit af augum ens blinda manz, er Linus het, ok tok hann þegar syn sina ok sa sol, er hun skein biart, ok söng Benedicite med miklum fagnadi. Hann hafdi numit salltara ok allar hversdagligar tidir, svo at hann hafdi heyrt adra syngia. En
 20 er su iartein var sogd wm borgina, þa fór þangat mikit folmenne ok badu, at Maurus skyllde gefa þeim blezan. En hann mællti sva: «Benedicat vos dominus in Syon omnibus diebus vite vestre.» Þat mælir sva: Blezi ydr drottinn, sa er byggvir i Syon, æ ollum dögum lifs ydvars. En hann mællti svo vid Linum, ath
 25 hann skyllde þar þiona gudi ok helgum pislarvottum hans.

7. Sidan foro þeir Maurus þadan i brott, ok er ecki getit um ferd þeira, adr þeir toko ser herbergi eitt kvæld nær kirkiu, er helgud var Mariu drotningu, ok þar var hus litid hia, er kona su var i, er Remicia het, ok sonr hennar, er legit hafdi tvo daga
 30 i dae, svo at menn vissu eigi, hvort hann var iendr eða eige. Kona su hafde mist bonda sins litlu adr, ok fell henne nær harmr sia allr saman, ok sat hun yfir syni sinum gratandi. En Maurus geck til kirkiu snemma nætr, sem hann var vanr. En er æ leid nottina, þa kom honum i hug, hve aum honum þotti vera kona
 35 sia, er sat yfir syni sinum nær daudum, eða hversu nær henne fell harmr sia allr saman, er su var eingi stund, er hun matti sig fra grati hallda. Þa fell Maurus til bænar af nyiu ok bad drottin, at hann miskunnadi konu þessi ok gerdi heilan son hennar. Þa reis hann upp af bæn ok fór til felaga sinna hlíodliga, ok
 40 vakti Simplicium munk ok bad hann upp risa leyniliga ok fylgia

ser. Ok er þeir komu til kirkiu, mællti Maurus: »Mikil sott er mer i því, er ek se konu þessa hryggva, ok vil ek, at vit farim badir til reckiu ens siuka manz, ok mætti svo vel verda, at haleit tign almattigs guds grædi hann.« Ok er þeir komu þar, þa mællto þeir svo: »Kistr drottinn ok grædari wor, einka won ollum siukum ok harmsfullum, sa er miskunnandi war eckiu þeiri, er færði lik sonar sins med miklu fiolmenne, ok reisti upp son hennar til lifs at asiandum flokkum Gydinga, nu lati hann ser soma ath hugga þessa konu med þeiri somu milldi ok gialldi henne son sinn alheilan.« Ok er þeir höfdu þetta mællt, foru þeir i brott. 10 En sa er tva daga hafdi i dae legit an vitz ok mals, tok nu at mæla vit modur sina: »Hird eigi þu at grata, sagdi hann, þvíat med tarum eins þræls guds var ek aptr kalladr til lifs fra helvitis kvolum.« Ok er hann hafdi þetta mællt, reis hann upp ok for til kirkiu, þa er þeir sungu ottusong Maurus ok hans forunautar, 15 veik þegar þar at, er Maurus var, ok mællti: »At sonnu ertu sa, er mik kalladir fra domstoli þeim til lifs med þinum tarum ok verdleikum, er ek var til kvala dæmdr.« Sia iarteign for um allt þat herad, ok foru margir menn i moti þeim, þar sem þeir foru, ok sungu lof gudi þeim, sem svo dyrkar helga menn sina. Sa 20 madr het Olegius, er nu (var) fra sagt, ok tok munks wigslu i munklifi því er Siriensis heitir.

8. Þeir Maurus foru sidan ferd sina, þar til er þeir komu i þorp þat er Autisiodorensis heitir, ok var þat skirdags aptan. Þar heyrdu þeir getid Romani, munks þess er verit hafdi tænadarmadr 25 heilags Benedicti fyrir longu, sem sagt er i sogu hans. Þa hitti Romanus Maurum ok foronauta hans, ok bad hann, at þeir færi þangat allir um paskana. En Maurus var fus at finna Romanum ok einkum af því, ath hann vissi, at þa mundi heilagr Benedictus andaz þvottdaginn, ok hugdi gott til ath tala vit Romanum, ok 30 foru þangat fostudaginn, ok tok Romanus wel vit þeim. Forunautar Mauri keyptu fæzlu, þa er hafa þurfti um paskana. En þeir Maurus ok Romanus ræddu um dyrd eilifs lifs. En er þeir höfdu lokit tidum um morguninn, þa mællti Maurus vit enn helga Romanum: »Aa morgin er sa dagr, er heilagr fadir vor Benedic- 35 tus mun fyrirlata þetta lif ok stiga upp til eilifs lifs.« En er Romanus beyrði þetta, þa tok hann akafiga at grata. Maurus villdi hugga hann ok mællti: »Oss hæfir helldr at fagna hans andlati, þvíat þar hofum vær nu mikinn fulltingsmann ok formælanda fyrir oss, ok er hann oss nu nalægari, hvar sem vær erum staddir, en 40

þa at hann væri her i heimi.« Ok þo at hann mællti slikt, þa
 matti Romanus eigi hallda sik fra tarum. Nott þa vakti Maurus
 ok foronautar hans, ok svo Romanus ok nockurir hans lærisveinar,
 ok sungu þeir allir salma ok bænir i minningu andlatz heilaghs
 5 Benedicti eptir sid Romveria. En er nott su leid or hondum ok
 lokit var tertio um morguninn, þa var Maurus at kirkiu ok la a
 kirkiugolfi. Þa bra því vit, at hann þottiz vera heima i munklifi
 Benedicti, ok sa hann gotu liggia upp til himins austr fra kofa
 Benedicti; hun var þakin fogrum mötlum ok mörgum itarligum
 10 steinum. Þessa syn sa med honum .ii. brædr. Þeir undrudu
 miok syn þessa. Sidan sa þeir mann a gotunni buinn virduliga
 ok biartan i alite. Hann spurde, hverr þessa götu ætti. Þeir
 kvoduz eigi vita. Þa mællti sa, er æ gotuuni var: »Þessa gotu
 stigr heilagr Benedictus upp til himins.« Sa annar, er sa syn
 15 þessa med enum helga Mauro, var heima i munklifi Benedicti, en
 annar fiarlægr þeim stad, svo sem segir enn sæli Gregorius pave.
 Maurus sagdi vitran þessa Romano ok felogum sinum, ok helldu
 þeir þar gofugliga upprisutid drottins vors ok foru i brott annan
 dag i paskum. Þa mællti Romanus vit enn sæla Maurum: »Ef
 20 ek mætta fyrirlata þenna stad, þa munda ek giarna þer fylgia,
 enn kærasti vinr; nu bid ek, ath gud almattighr se ævallt med
 þer ok brædrum þinum ok leidi ydr til sannrar fyrirheitziardar,
 þeirar er hann het voldum monnum sinum.«

9. Þadan foru þeir til þess stadar er Aurelianus heitir, þar
 25 var þeim sagt andlat Berticiamni byskups, ok þat med, ath annar
 var til byskups tekinn ok vigdr i hans stad, sa het Dompnulus.
 Þessi tidendi öflodu þeim ahyggiu mikillar ok hrygleiks, ok vissu
 eigi, hvat þeir skylldu til rads taka. Heilagr Maurus mintiz æ
 spasogu meistara sins, þa er hann sagdi mart torvelligt vera i
 30 þessi stundligri dvol, þvíat gud launar þat margfalldliga, er menn
 þola til vandræða her i heimi fyrir hans sakir; «letz hann oss
 ok, sagdi Maurus, avallt fylltingsmadr(!) vera skylldu. Abraham
 hofutfadir for a brótt af fodorleifd sinni at bodordi guds ok til
 annars landz ok audladiz af gudi blezan allz sin(s) kyns. Vær skulum
 35 ok gladir vera i þessi utlegd ok bida svo hugganar af gudi ok
 likiazt eptir meistara worum, er geck fra allre eigu sinni, ok um
 sidir leyndiz hann fra fostra sinum ok villdi gud(i) einum lika ok
 at honum einum hyggia, ok fyrir þat audladiz hann mikla miskunn
 ok tign af gudi, svo at eingi hefir fremri verit heilagra manna, þa
 40 er postola leid, ok setti fleiri munklifi en nockur annarra ok færði

gudi margar þusundir algerra munka.» En af þessi aeggian heilags Mauri þottuz þeir þegar stodugari vera en adr ok spurdu leidtoga sina, hvat þeir skylldu til rads taka. Harderadus mælti: »Þat syniz mer til liggia, ath vit, er eptir ydr vorum sendir, ok er sem þer haft fyrir vorar sakir þolat mikit vil ok erfidi i þessi för, ath 5 vit leggim þat erfvidi a oekr at fara til fundar vit þenna byskup, sem oekr er okunnigr, ok segim honum allan tilgang farar vorrar, ok kunnim sidan ydr skyrt ath segia hans vilia, en þu bid her, enn göfgazti fadir, i þeim stad, ok brædr þinir þeir sem med þer ero. En ef sia byskup vill eigi þat gera lata, sem hinn fyrri byskup 10 sendi ord til, þa munum vær finna adra gotu, ok mun gud eigi lata verda þarflaust erfvidi ferdar ydvarar.«

10. Sidan foru þeir til þess, er þeir komu til borgar sinnar, ok tok byskup vid þeim forkunnar vel ok het þeim þegar audæfum sinum ok allre virding þeire, er þeir höfdu adr haft. Þeir 15 sogdu honum fra för sinni ok letuz þat hafa aflat, sem þeim var bodit, ok spurdu¹, hversu hann villdi þenna lut vera lata. En honum kvodz(!) ecki mikit um utlenda menn ok letz ecki mundu klaustra smida lata at rade utlendz manz. En er Harderadus heyrði, at byskup tok því ecki flíott, þa sendi hann frænda sinn, 20 er Hardemarús het, til fundar vit Maurum, ok bad hann eigi hryggvan vera um þessa sök, helldr skyldi hann fara til herads þess, er Andegaunensis heitir, ok kvaz hann þar mundu fyrir vera, þa er þeir kæmi þar. Maurus vard gladr vit þetta ok felagar hans. Sidan foru þeir i þann stad, er Testis heitir, ok fundu þar 25 Harderadum ok konu hans, er Cecilia het, ok sonu þeira, ok höfdu þau þar bedit tvo daga ok buit þeim goda veizlu. Þa gengu þeir Maurus ok Harderadus brott fra odrum, ok Cecilia kona hans, til tals, ok sagdi Harderadus allt, sem farit hafdi med þeim byskupi. Þa spurdi Maurus, hvat til rads skyldi taka. Harderadus svaradi: 30 »Ek a mann þann, er Florus heitir, hann a miklar eignir i herodum þessum ok odrum, ok hann er mestr höfdingi æ ollu Fraklandi, þa er konungrinn lidr, ok hefir svo mikil metord af honum, at hann dæmir nær um oll mæl, þau sem verda milli manna i hans ríki, ok þott hann starfi i mörgum veraldligum ahyggium, 35 þa pionar hann þo stadfastliga almattigum gudi, ok hann vill munklifi reisa lata af sinum eignum, ok þangat ætlar hann ser til, þa er hann fær leyfi til þess af konunginum. Hann er kvongadr madr, ok eigi af því at hann girntizt þat, helldr let hann at

bæn konungs ok frænda sinna; hann a einn son vit konu sinni, ok ætla hann honum i þat munklifi, sem hann lætr gera, ok þangat ætla hann ath fæ þa menn, ath algiorvir se i klerkdomi ok godum sidum, at sonr hans læriz af þeim ok þeira dæmum.

- 5 Nu ætla ek at gera mann til hans, þann er skyri fyrir honum sök hingatkomu ydvarrar, ok sa segi oss sidan hans vilia, ef hann vill eigi sialfr fara at finna oss. En vær munum fara fyrir til þess stadar, sem hann hefir ætlat, at munklifti skyldi setia, ok litum a, hverso oss syniz sa stadr til þess fallinn.« En er Maurus
10 heyrði þetta, þa vard hann hardla feginn, ok foru þeir þegar annan dag til þessa stadar.

11. Þa red fyrir Fraklandi Theobertus konungr, ok var Florus i ferd med honum ok metinn allra manna mest. Ok er sendimadr Harderadi hafdi uppborit erende sin fyrir Florum ok
15 sagt honum, at þeir Maurus voru þa æ ferd komnir, ok sva ath Dompnulus byskup villdi eigi vit þeim taka, þa geck þegar Florus æ konungs fund ok sagdi honum, hver sok til var, er Maurus var þangat kominn, ok sidan sagdi hann konungi sinn vilia ok beiddi, ath hann leyfdi, ath Florus leti munklife setia, ok sidan
20 redi Maurus þar fyrir. Konungrinn svaradi: »Svo sem þu hefir oss hingat til truliga þionat ok gert i ollu vorn vilia, þa megum vær eigi synia þer þess, sem þu bidr, ok far þu sem fyrst ok finn þa menn, er þer hafa ord sent, ok mun ek til leggja mina ham-
25 ingiu, ok tak vit þeim enum helgum monnum wirduliga, ok giörr þat, er þik fysisir ok gudligh tign lætr þer i hugh koma; bid þa helgha menn, ath þeir arni oss ok sonum vorum miskunnar vit gud, ok at þeir bidi optliga fyrir ollu landzfolkinu, ok seg svo, at vær erum bunir at veita þeim hlydni i ollu því, er þeira embætti heyrir til; bid ek, at þeir halde vel reglum sinum eptir þodordi
30 meistara sins. Ok ek mun smida til afla, eptir því sem þu beidir, ok sia smid verdi skiott algjör.« Sidan for Florus med þessum ummælum konungs til bæiar sins þess er heitir Glannafolium.

12. En er Maurus ok Harderadus urdu varir vit kvomu Flori, þa gengu þeir a mot honum, ok þegar er þeir hittuz, ste
35 Florus af baki ok fell til fota enum helga Mauro. Ok er hann reis upp, þa mintuz þeir til ok felldu tær fyrir fagnadi. Sidan tok Florus ena vinzstri hönd Móri¹ ok kysti æ sidan ok mælti: »Mikill fagnadr er oss a hingatkomu þinni, þar sem þu ert þræll ens hæsta guds ok lærisveinn ens helga Benedicti, þviat hans

vegr ferr nu um allan heim, ok lofat se nafn drottins, þess er þik sendi ok þína forunauta til þessa herada ok oss til tenadar. « Annan dag eptir syndi Florus Mauro stad þann, er hann ætladi munklifit at setia. Þá sendi hann eptir syni sinum Bertulfo, ok selr hann i hendr Mauro til læringar. Hann var þá atta vetra 5 gamall. Þá lysti ok Florus yfir því, at hann ætladi sér þangat, ef hann fengi leyfi til þess af konungi. Sidan let hann samna smidum mörgum ok verkmonnum, ok var þar munklifit reist, er odrum megum var fiall, en odrum megin á mikil. Fyrst var þar kirkia gior, ok sidan er vigd var, var helgut enum sæla Martino 10 byskupi ath radi Mauri, ok þar var hann grafinn at þeiri kirkiu.

13. Florus hafdi haft einn steinsmid fra konunginum, hann var lærdr madr. Þat var einn dag, at Maurus sat uti hia, þar er þeir smidudu, ok sa a bok sina, ok þar var Florus hia honum, ok skyrdi Maurus honum af bokinne. Þá vard þat, at smidr sia 15 fell ofan af hinum hæsta steinvegg ok æ einn mikinn stein, hann fell a bak aptr ok lamdiz mi(o)k. Allir ætludu hann andadan ok ræddu um, hvar hann skyldi grafa, þvíat blod fell hvervetna um hann. Þá komu þeir til Maurus ok Florus þar til, sem hann la. Maurus baud, at hann skyldi bera til kirkiudyra. Hann bad þá 20 adra i brott fara, en hann fell til bænar fyrir alltare, ok er hann lauk bæn sinni, geck hann ut ok gerdi krossmark yfir enum lamda ok mællti: »I þess nafni, er manninn skapadi or leiri iardar ok gaf honum lifs anda, ris upp þu heill ok smida klaustra þenna, þar til er lokit er. « Hann aurdgadiz upp þegar, ok sem hann vakn- 25 adi af svefni, ok undradi, er hann var þar kominn. Maurus sagdi, at adrir baro hann þangat. Ok er hann var þangat kominn, komu þeir þar Florus ok Simplicius. Florus fell til fota Mauro ok mællti: «Ath sonnu er þu Maurus lærisveinn Benedicti, þess er vær heyrdum opt fra sögd þvíilik takn.» Ok eigi þordi hann at 30 koma vid klædi hans.

14. En þá er sa kom til smidar er græddr var, toku nöckurir enir verri menn at amæla enum helga Mauro ok sögdu, at hann hefði 2 þessa iartein til þess gert, at hann væri þá meira virdr en adr, en eigi fyrir sakir gæzku, ok hann mundi því farit hafa fra 35 sinu odale ok til fiarlægra herada, ok svo at hann mundi slíka luti gera af nockorum golldrum en eigi af guds krapti. Ok er þeir ræddu slíkt, þá hliop diofull i þria verkmenn ok kvalde akafliga, svo at einn feck bana af, sa het Flodegissus. En er guds madr

fra þat, felldi hann tar ok geck til kirkiu Martini, ok bad fyrir
 enum andada ok svo fyrir þeim, er ohreinn andi kvaldi. Sidan
 reis hann upp af bæn ok geck þangat, sem enir odu menn voru.
 Þeir rifu klædi af ser med tonnum. Hann gerdi krossmark yfir
 5 þeim ok mælti: «Drottinn vor Jesus Kristr, eingetinn guds son,
 sa er þann matt gaf lærisveinum sinum, at þeir trædi undir fotum
 höggorma ok eitorma ok allan uvinar krap, leysi hann ydr nu af
 þessi diofuligri kvöl.» Þeir gnistu tönnum ok iusu molldu i höfut
 ser, en hann geck at þeim eigi at sidr ok retti fingr sinn i munn
 10 þeim. En ohreinn andi matti eigi þar ut fara, sem fingr hans
 voru fyrir, helldr for hann med saur i brott. Þa baud Maurus,
 at enn andada skyldi bera i kirkiuskot, ok svo var gert. Hann
 vakti alla þa nött ok bad med tærum, at hann gæfi lif enum
 andada, ath eigi vægi diofull sigr a honum. En um morguninn
 15 eptir let hann Simplicium munk syngia messo fyrir þeirri enni
 somu salo, ok er messo var lokit, þa gengu þeir þar til, er likit
 la. Þa mælti Maurus: «Drottinn Jesus Kristr, þu er upp reistir
 Lazarum, er fíora dagha hafði i grauf legit, ok fyrir bænir þræls
 þins Helye lifgadir þu eekiu son, ver þu nær oss þrælum þínum
 20 ok gialld þeim likama önd sina, þa er diofull tok i brott med
 mikille kvöl.» Ok er hann hafði þetta mællt, þa skalf likit, ok
 eptir þat settiz madrinn upp. Maurus mælti þa: «Ef þu villt
 lifa, þa far þu i brott þegar ok kom alldri i þenna stad sidan.»
 Þetta baud hann honum fyrir litillætis sakir ok þess, ath hann
 25 villdi eigi ordlof af monnum hafa fyrir þetta verk.

15. A enum atta vetri þangatkvomu heilags Mauri var
 klaustrid algert. Þa var Eutropius heilagr byskup i því heradi.
 Fiorar voru kirkiur i munklifi Mauri. Ein var helgud Petro
 postola, onnör Martino byskupi, þridia Severino byskupi, en fiorda
 30 var giör æ þa leid sem enn hæsti turn, ferskeytt at vexti, ok var
 helgut enum sæla Michaela höfudeingle. Florus mintiz þa þess,
 er hann hafði heitid, ok for til fundar vit konung ok bad leyfiss
 af honum til þess at taka munks vigslu ok þann sid, er þar æ at
 fylgia, ok bæta svo yfir misverka sina, er hann hafði gert i verallid-
 35 ligri atferd, med bænum ok odrum andar avóxtum. En er konungr
 leyfði eigi þat, þa vard Florus ugladr ok villdi þo eigi skiliaz vit
 konunginn. Konungrinn bad hann þar vera nockura daga, ok svo
 gerdi hann. Konungr spurdi vandliga ath Mauro ok iarteignum
 hans ok lif ok allri atferd, eda hve margir munkar komu þangat
 40 med honum. En Florus sagði honum allt greiniliga slikt, sem

hann vissi af. Þá mællti konungrinn: «Ef ek vissi, ath þat likadi guds þraeli, þa væra ek fuss ath sia hann ok stad þann, sem þar er reistr, ok vegsama hann med konungligri giðf.» Florus mællti: «Leitum fyrst ath því, hversu þetta hugni enum helga Mauro, ok gerum sidan eptir því sem honum þickir vera eiga.» 5 Sidan sendi konungr hann þangat ok mællti svo: «Kunn þu bratt ath segia oss, hversu hann vill vera lata um þangatkvomu vora. Mikit þætti mer undir því, ef Mauro þætti svo vera mega, ath ek væra vit staddr, þa er þu leggrr nidr veralldligan buning ok locka þina.» En er Florus kom til munklifiss Mauri, ok margir gaufgir 10 menn med honum or höll konungs, þa sagdi hann bratt Mauro vilia konungsins. En heilagr Maurus leyfdi þat, eptir því sem konungr beidde, ok kvad æ skyrt um dag, hvenær hann skyldi koma.

16. Konungrinn kom ath nefndum degi. Gengu þaa i mot 15 honum allir munkar ok toku vel vit honum ok lidi hans. Konungrinn virdi þa litils metord sin ok tign, er hann hafdi af landzmonnum sinum, ok um morg lond onnur foru hans agæti, hann fell til fota enum sæla Mauro med miklu litillæti i purpuraklædum ok dyrligu konungsskrudi, ok bad enn sæla Maurum med tarum, 20 ath hann helldi bænum fyrir honum ok ollum hans undirmonnum. Þa tok Maurus i hond honum ok reisti hann upp. Konungrinn mællti þaa: «Agæt er tign meistara ydvars, ok fyrir longu kunnig hingat um lönd, þviat kraptr hans heilagleiks ok agæt verk, þau er vær heyrdum fra honum sogd, reynaz nu verda hversdagliga 25 giðr fyrir bænir ydrar ok verdleika, ok veitir þat oss mikinn fagnad.» Sidan bad hann Maurum, at munkar tæki hann i sveit sina ok samlag, ok nafn hans væri ritad med þeira nöfnum. Hann fal þeim a hendi son sinn Theodebaldum, ok baud honum sveininum ath vera eptirlatr enum sæla Mauro ok brædrum ok hagfelldr þeira 30 stad, ok hann væri tenadarmadr ok hlifeskiolldr þeira optliga. Þa spurdi konungr, hverir þeir væri, er þangat komu med honum, ok mællti, at þeir skyldu standa allir saman, ok spurdi, hvat hverr het. En er honum var sagt, þa mintizt hann til þeira allra, ok sidan kysti hann allt munka lid. Ok er hann sa Bertulfum hia 35 odrum brædrum, þa spurdi hann, hverr sa væri enn unge munkr. Maurus sagdi honum, ath saa var son Flori. Þa kalladi konungrinn hann til sin ok fal hann æ hendi Mauro fyrir astar sakir vit fodur hans. Sidan kannadi hann öll munkahuss ok hugdi at,

hversu honum þotti smídat vera, ok leitz vel æ. Eptir þat geck hann til Petrs kirkiu ok gaf til þess stadar þorp nockut, er Boskus heitir, ok önnur þorp, þau er þar lagu i nand, ok let rita æ stadar-skra þessar tilgiafir allar. Þa lysti konungr yfir því, at hann
 5 mundi allt þat veita Mauro, sem hann beiddi æ þeim degi. Þa geck Florus til konungs ok bad, at hann leti giðra bodord konungligrar tignar yfir testamento því, sem hann let rita, ok þat veitti konungr honum. Þa voro færðar þær giafir þangat, er Florus gaf til stadarins, þat var bæde gull ok silfr ok gimsteinar ok klædi
 10 dyrlig. Sidan gaf hann frelsi .xx. þrælum sinum ok þar med godar giafir. Eptir þat geck hann til alltaris, þar sem Maurus var fyrir ok öll klerkasveit, en öðrum megin hia alltari stod konungrinn ok fylgd hans. Þa leggr Florus níðr allt heimsskraut; klyfti aboti fyrst af hæri hans, ok þa konungr næst, ok sidan hvern at öðrum merkis-
 15 manna þeira, er konungi fylgdu. Konungrinn felldi tar fyrir fagnadi, er hann sa svo mikla godfysi med honum. Þa kalladi hann til sin broðurson Flori Landramnum ok feck honum velldi þat allt, sem Florus hafði adr haft. Sidan bad aboti konunginn, ath hann gengi i hus þat, sem gestir voru vanir at vera ok af
 20 virktum var gert. En er konungr kom þar, þa fell enn sæli Maurus til fota honum klöckvandi. Konungrinn reisti hann upp ok spurdi, hvat hann villdi. Maurus mælti: «Sia er bæn ens minzta allra þiöda, þeira sem her eru i þessum klaustra, at þer sed her i nött ok lid þat allt, sem yðr fylgir, ok neytid her þeira
 25 guds giafa, sem bræðr hafa yðr fyrir buit med godfysi.» En er konungrinn taldiz undan því litillatliga, þa mælti radgiafi hans, sa er Ebbo het, enn spakazti madr: «Veitid þeim þetta, herra, er þeir bidia med svo miklum godvilia, ok uggi ek, at gud reidiz oss, ef vær reitum i nockuru hug þeira.» Ok þa veitti konungr
 30 þat, sem þeir bædu. En adr þeir foru i brot, þa let hann þangat kalla Florum. En er konungr sa hann klæddan munkaklædum, felldi hann tár ok mælti: «Þackir geri ek almattigum gudi fyrir þinni godfysi. Bid ek þik, ath þu þioner nu gudi þinum þeim mun betr ok rækiligar i þessi enni helguztu atferd, sem nu þionar
 35 þu ædra konungi, en þa er þu hellt upp voro höfði ok hafdir veralldligan bunad ok styrdir virðuliga því valldi, sem þer var i hendr feingit, ok þu megir svo heimtað fram i godlifi, sem salmaskalldit segir, at helgir menn munu fara af krapti i krapt, til þess er þeir sia gud guda i Syon.» Sidan tok konungrinn blezan af
 40 Mauro abota ok for a brott sidan,

17. Annan dag for aboti at sia þorp þat, er konungrinn hafði gefit til munklifissins, ok dvaldiz þar tvo daga. Þangat var færdr kararmadr, *sæ* er .vii. vetr hafði i kór legit i því sama þorpi, ok var þa vitlaus; ok er guds madr signdi hann, reis hann upp þegar alheill, svo sem honum hefði eeki til meins verit. 5 Sidan for aboti heim ok kannadi lif ok sidu lærisveina sinna, svo sem gert hafði enn sæli Benedictus, ok eggjandi þa til gods lifs. Aa odru æri þangatkvomu Mauri reduz margir menn þangat ath þiona þar gudi. Sumir selldu sono sina til læringar enum helga Mauro. En er .vi. vetr ok .xx. voru lidnir fra því, er munklift 10 var sett, þa voru þar .c. munda ok fiorir tigur; su sama tala hellzt leingi sidan, ok villdu menn hvorki auka ne minka þa tölu, er Maurus hafði sett, ok matti þa vel endast þat, er þar la til, ef eigi var fleira lid. En þa er Florus hafði þar verit .xii. vetr ok þria manadi ok þria daga, þa tok hann sott ok andadiz .xii^{mo}. 15 kalendas Septembris, ok for til guds.

18. Theobertus konungr hafði .xiii. vetr radit fyrir Fraklande, þa er hann let vellði af hendi, ok tok konungdom Theobaldus son hans. Hann stiornadi miok eptir því sem fadir hans ok var vel vit enn sæla Maurum ok klerka hans. Hann for 20 eptir andlat fodur sins at finna enn helga Maurum ok færði honum godar gíafir ok gaf til stadarins tvo bæi; hann vard skamlifr. Eptir hann tok ríki Lotarius, hann for opt at finna Maurum ok sotti miok eptir hans radum. Þat var eitt sinn, at Maurus sendi .ii. brædr til hans af nockurum naudsynium, tok hann vit þeim 25 forkunnar vel ok let þegar til reidu þat, sem þeir beiddu. Hann spurdi þa vandliga at, hversu mikil tillaug enir fyrri konungar hefði haft til munklifis þeira. En þeir sögdu honum þat glögliga. Þat var einn dag, at Maurus ok nockurir brædr med honum foru i þorp, þau er þangat lagu til munklifis þeira, ok komu þar sem 30 Gandiacus heitir. Þa geck Maurus til bænar i hus nockut, ok .ii. munkar med honum. Ok er þeir höfdu setit þar um hrid, þa var þeim sagt, ath Ansegarius erkidiakn var þar fyrir dyrum uti ok villði hitta Maurum. Hann baud honum inn at ganga. Ok sidan er þeir höfdu talat slikt, er þeim var skyllðaz, kalladi Maurus til 35 sin Simplicium munk ok mælti vit hann: »Þessum manne eigum vær vel ath fagna, þvíat hann er enn kæraste vor win ok var fyrrum heimamadr wor, ok skulum vær byrta honum astar vín ok heilagrar elsku sem andligir menn andliga.« Simplicius mælti: »Eigi höfum vær meira vin en i einu litlu keri, þat sem vant er 40

ath hanga i kofa worum.« »Ber þó þat hingat,« sagði Maurus. En er þat kom, mællti hann: »Takit oss ok nockut braud.« Maurus gerdi krossmark yfir kerino ok mællti: »Mattugr er gud, sa er matbord bio þrælum sinum i eydimork ok let vatn gnogligt
 5 spretta fram af hellu einni, þa er Gydingum var vatzfatt, ok enn hefir hann matt til þess at gefa oss þrælum sinum gnott wins, svo at vinniz, sem vær kunnum oss þörf til.« Af þessu enulitla keridrucku siautigi manna, ok drack hverr af þrim sinnum, ok var þa kerit fullt, er þeir höfdu druckit, svo sem fyrir öndverdu¹. Sia
 10 iarteign þotti þeim lik vera því, sem Heliseus spamadr gerdi, er hann fæddi leingi marga smidu med litlum mat. Eptir þat for Maurus heim ok forunautar hans, ok mætti siukum manne midleidis ok gerdi krossmark a mot honum, ok tok sa þegar heilsu.

19. A þeiri tid kom Lotarius konungr i þat herad, ok sendi
 15 ord hinum helga Mauro, at hann kæmi til motz vit hann. Maurus for þegar ok nockurir brædr med honum. Konunggrinn gaf til stadar þeira þorp þat, er Blazon heitir, ok bæ þann, er Langavollr heitir. Þa bad enn helgi Maurus konunginn leyfiss til þess, at þeir munkar ok hann sialfr kiöri mann til (a)bota, þann er þeim
 20 syndiz vel vera tilfallinn, ok konungr leyfði þat. Tok hann blezan af abota ok for heim sidan. Heilagr Maurus sagði svo brædrum sinum, ath hann villdi nidr leggja umönnun ok forrad stadarins, ok kvedz vilia lata gera ser kofa hia kirkiu Martini
 25 byskups ok i því husi vera, medan gud ynni honum lifs, ok þar pion gudi utan alla veralldar gledi; kvedz hann ok vita, at eigi var langt eptir listunda hans, at því sem enn helgi Benedictus spædi um alldr hans, ok þa mundi hann þria vetr hafa olifat. Þa voru þrirtigir vetr ok atta vetr fra því er klaustrid var reist. Þa let hann kalla til munka alla ok lærda menn, ok spurdi, hvern
 30 þeir villdi til abota kiosa. En allir mælltu ok sogduzt vilia, ath hann kiöri, ok kvadu hann giörst vita allra þeira skaplynde. «Þat synizt mer, sagði hann, ath Bertulphus se til abota tekinn med godu samþycki brædra ok settr i sæti Mauri.» En hann geck þa i kofa sinn ok .ii. munkar med honum, þeir sem honum
 35 skylldu pion, þeir hetu svo Prinus ok Avianus.

20. En er heilagr Maurus hafde sva leingi lifat, halft fimta misseri, ok þiad likam sinn mörgum meinlætum, þa var eina nott, er hann geck til kirkiu Martini, sem hann var værr, ok villdi inn ganga, sa hann dioful standa fyrir ser ok hafði mikinn flok

40 ¹ öndvördu Cd.

uhreinna anda; hann bannadi Mauro at ganga i kirkiuna ok mællti vit hann: »Heill sva Maure, þu er svo hefir oss opt i brott keyrt af worum sætum ok bygdum ok farit fra þinu heradi, kunnmonnum ok frændum til þessa okunnu¹ herada. Nu munum vær hefnaz vit þik ok hafa fram allan maett illzsku vorrar i gegn 5 þer, sva at vær munum koma ath ydr sott mikilli ok illri ok drepa svo nidr nær allt munkalid, ath fair einir munu eptir vera, ok mun ek nu wegga sigr a þinum monnum, þviat þeir hafa mart eptir mer lifat.« Maurus mællti: »Avita mun drottinn þic, andskoti, um mæl slik ok lygi þina, þviat þu ert sva sem fader 10 lyginnar.« Þa hvarf uhreinn andi fra aughum hans sva sem reykr. Eptir þat vard gnyr mikill ok ogurligr, sva at Mauro þotti skialfa allt klaustrid, ok vit þann gny wöknudu brædr ok woru lostnir myklum otta ok hræzslu, ok wissi eingi, hveriu sæta mundi, ok risu upp til ottusaungs. Heilagr Maurus vard hryggr 15 miög vit syn þessa ok wit þat, er hann hafde heyrt, ok geck inn i kirkiu ok bad drottin, at hann leti ser soma ath birta honum sannleik af þeim lutum. Þa vitradiz honum eingill guds ok mællti vit hann: »Hvi ertu svo hryggr, en kærsta sala guds, af þeim lutum, sem af sialfum gudi ero fyrirætladir? en diofull veit, 20 hve mart verda mun, þott hann se upphaf allrar illzku ok lyghe; þat skalltu vita, at hann hefir eigi þetta sagt af sinum vilia helldr ath guds bodordi, þviat þat er sumt satt, er þu heyrdir, þviat mestr luti munka þessarra munu saman samnaz til drottins æ skamri stundu, svo sem gud hefir fyrir hugat; en þat er eigi satt, at hann 25 sagdiz sigraz mundu a lyd þessum, þviat hann mun æ eingum þeira sigr vinna, þar sem þeir ero lærdir þinum aminningum ok þinum bænum, ok mun hverr bida andlatztidar sinnar; ok þa er þessir ero andadir, munt þu ok andzt.«

21. Eptir þessi ord hvarf syn sia fra honum. En um morg- 30 uninn eptir sagdi enn helgi Maurus brædrum þa luti, sem honum voru vitradir, ok talde leingi fyrir þeim af fodurligri ast ok sagdi sva, ath þat endimark hafde drottinn sett þessa lifs, sem eingi daudligra manna, þeira er bornir voru i þenna heim, matti um lida. Nu er oss þat eina til at færa oss vel i nyt þat, er drottinn 35 hefir skyrt gert fyrir oss, ath vær munum skamma eiga idranar stund, ok er því meiri naudsyn æ at vanrækia eigi þat, sem hann villdi vara oss vit adr, ok skylldum vær nu af þvo syndaflecka vora med idranar tarum ok apian likama vors, þviat þa fitnar

ondin, er likaminn megriz. Giorum vær, sem spæamadrinn mælti: ransokum ahyggjusamliga gotur vorar ok verk, ath vær komim med iatningum fyrir andlit drottins, ok vær megim innganga med ymnum ok odrum lofsöngum i hlid hatidligrar borgar, ok verdim þess makligir at sia birti almattigs guds med ollum helgum ath eilifu. Nu vitum vær, brædr, at nær er su tid, er domr hefz upp af husi guds, en domar hans eru stundum leyndir, en allir rettir. Giorum nu, sem samir þrælum guds, ok færum verkkaup vor, verum vakrir ok varir um oss med ollu, ok gongum eigi i snoror
 10 andskota, þær sem hann hefir a gotu fyrir oss, þvíat nu er komin en ellifta tid, þat er en efzta tid lifs vors.»

22. Af þessi aeggian ok aminningu guds manz tok sia oll munkasveit ath bua sig fyrir til ennar efztu tidar, svo ath allir stigu upp utan efa til himneskrar fódurleifdar, þa er þeir lidu fram af
 15 þessa heims lifi. Sidan kom sott med svo miklum haska ok akafa, at adr en .v. manadir eru lidnir, þa hofdu andazt .xiiii. munkar ok .e., en eptir voru .xxiiii. af þessum mikla safnadi. Þa tok enn helgi Maurus sott ok lagdiz nidr i kirkiu heilags Martini fyrir alltare ok hafdi harkædi eitt undir ser. Hann andadizt
 20 .xviii^{da}. kal. Februarij manadar, þa er hann hafdi adr bergt holde ok blodi drottins vors Jesus Kristz, ok fór þegar til guds, ok var grafinn i þeiri somu kirkiu til hægra vegs alltaris. I þeim stad veitaz margir velgerningar fyrir verdleika ok bænir heilags Mauri til dyrdar gudi. Bertulfus aboti lifdi sidan tvo vetr. Eptir þat
 25 var Florianus aboti son Harderadi leidtoga Mauri, ok hafdi Maurus hann lærðan. Svo teliaz lifdagar en(s) sæla Mauri, at hann var fornadr gudi ok selldr til læringar enum helga Benedicto, þa er hann var .xii. vetra, ok var med honum .xx. vetr; þa telzt alldr hans allr saman .lxxii. vetr ok dagar .xiiii. Per omnia benedictus
 30 deus in secula seculorum. amen.

MICHAELS SAGA.

(Cd. 657^a qv., A; Cd. 657^c qv., B; den sidste har kun Slutningen af Sagaen).

(Prologus).

I nafni gręðara varss herra Jesu Kristi byriaz her litill bæk-
lingr heilags Michaelis hofuðengils, til þess eina skrifaðr ok saman-
settr, at hann iafnlega lesiz æ messuðagh Michaelis kirkiusoknar
monnum til skemtanar, einkanlega i þeim stöðum¹ sem hann er
kirkiudrottenn yfir, at því öllu sætari verðr hans minning i rett-
latra manna hugrenning, sem firir þessa litlu ritning verðr ollum
kunnari hans ægæta virðing. En því kunnu ver at skrifa skamt¹⁰
en eigi langt af þessum haleitum merkisberara Mikaele, at hans
atferð ok unaðsemd er meirr i laynum himnanna firir æliti ok æ-
synd eilifs ok osyniligs domara, en firir manna augum æ iardriki
til langra eða opinberra frasaghna. Liost verdr skynsaumum
manni, at vorkynd letis vors er saunn, þo at stutt verði fyrst, firir¹⁵
þa sauk at syndugr maðr ma taka morg orð af engiligri natturu
hræddari en af mannligri, þvíat hennar stetr ok astuð er hreinni
ok helgari en hvat annat; firir þa sauk aðra at þessa frasaugn ma
eigi birta með ættartølum iarðneskra manna sem annarra heilagra
manna, eigi nqfnum feðgena, eða rikdomi frænda, eigi upprunasögu²⁰
mannzins eða frumvaxti(!) tíða, þvíat þvílíkir hlutir allir geraz i
heimi værum; en kynferd Michaelis er eigi af dauðligum monnum
helldr af eilifum guði, eigi þessarrar veralldar helldr himneskrar.
Þvi verdr skilianligt, at þat eina er oss efni gefit til frasagnar, er
blezaðr Michael kyndi sitt nafn heiminum meðr drottens vilia ok²⁵
dasamligum verkum firir þa miskunnar grein, at iardneskir hlutir
skilldu hialpazt mega firir hans arnaðarorð ok meðalgongu viðr

guð firir þæ stundliga þionostu, er nu veitiz honum i kristninni, hver eigi mundi giorzst hafa, utan drottinn allra miskunsemda hefði hans nafn birt yfir iordina. Nu þat litit sem ver hofum saman lesit hefr i guðs nafni meðr þess hattar efni.

Her byriar upp sögu Michaels engils.

1. Eilifr guð drottinn, skapari himins ok iarðar, skapaði alla hluti i senn af engu efni ok greindi skepnu sina i sundr æ sex doghum, ok hvíldiz æ siaunda vikudegi af verki, er hann framt hafði; sem vættar hinn mikli laugmaðr Moises, þa er hann skrifar af skapan heims i upphafi þeirar bækr, er Genisis heitir. Oumræðilegr guð pryddi alla sina skepnu fögurum blomum bæði iarðneska ok himneska¹, þviat aull handa verk hans voru miogh heilug. Himnariki pryddi hann oumræðilegri dyrð, sem engum er kunnikt utan honum einum. Til þeirar dyrðar skapaði hann dasamlega ok udaudliga natturu meðr uvirdanligri sælu, sem honum er þionandi bæði æ himni ok æ iorðu. Þessi vegsemdar nattura eru usyniligir flokkar ok fylkingar einglanna, þviat sva byriar æzsta konungi usyniligum guðdomi at hafa usyniligar þionostur til lofs ok dyrðar sinu almattku guðdoms velldi. Aullum engla fylkium skapaði drottinn einn engil fegra ok frabærlagra, sva at af sinni dyrð ok birti tok hann nafn i upphafi ok var kallaðr Lucifer, þat þyðiz æ norønu (liosberari), þviat hann var forpris allra engla i himiriki firir lios ok pryði. En þvilikan heidr ser veittan af gude kunni hann sva ugiptulega i hondum at hafa, at engva stund meiri ne minni stoð hann með þionkunar dygð firir sinum skapara, utan heldr i stað sem hann greindi ok sa sina fegrd, for hann til ok horaðiz gerandi ser dottur, er dramsemi heitir æ siðan, hver hann fysir þeirar ufæru, at firir sina fegrd ok frama [heriadi hann² til riki(s) i hendr hæsta guði ok (villdi) sitia honum iafnhatt i nordri yfir sitt valldzsæti. Til þessa hernaðar með Lucifero skiotaz margir i udygdir braut af hirdsvæitum himnakonungs firir iblaastr ok fortolur þeirar sømu dottur Luciferi, er fyrr var nefnd; þviat hon er nu þegar vorðen þeira lærimøder. Ok er enn hæsti keisari ser, i hvert oefni komit var, neytir hann sterkum³ armlegg ok greiner lios fra myrkrum æ þann hatt, at biartir englar himirikis standa blezaðir ok sæliga profadir i þeim ofriðar stormi, er Lucifer efldi

¹ iarðneskra ok himneskra **A.** ² [er hann heriadi **A.** ³ steirkum **A.**

moti guði, sva at síðan eilíflega voru þeir styrkir i goðu, ok alldri mattu þeir annat girnaz en guðs vilia, ok engen er þeira sysla qnnur utan standa medr astriki i guðdoms augliti at syngia honum lof ok dyrþ **æ** nott ok **æ** degi. En Lucifer ok hans fylgiarar foru leið adra, eigi þa er þeir hugðu, helldr þa sem guð dæmdi þa vera makliga firir sina hofuðofdirfð. Þviat Lucifer hofuð allra þeira lagdi bæði senn¹ riki ok sæmdina, at alldri sidan var hann liosberari kallaðr utan til smanar ok brigzslis sinnar fordæmingar; þviat hann fekk ser annat nafn maklig(r)a, ok var kallaðr nattberari, sakir þess at hann glataði riki liossins en tok dauða nott ok myrkr 10 i moti. Þvilika framfærslu feek dramsemi feðr sinum, at hon fletti hann or himnarikis fegrð² ok setti niðr i diupp helvitis til endalausrar pislar i gnistanda loga elldz ok eilifra kvala. Sva for Sathan or sæmdarhæð, sem hann verðskylldadi, ok þeim se lof ok dyrð, er sva dæmdi, at sa er hann villdi gripa guðlíkt valld 15 með hernaðar hendi, fell undir hann hit helvitzka forað til forraða, sva at diupsettr i dauða, diofull vorðinn af englinum, var hann ollum verri með ofmetnaði ok ofund (ok) með eitri i enu heitazsta orvæntingar heraði.

2. Nu sem hinn hæsti konungr seer sinar hirdsveitir miog 20 skerðaz firir dirfð ok afdratt hins grimazsta vikings Noctiferi, skipar hann i sinu velldi, at þat skarð, sem **æ** varð engla fylkiunum, skal apr (bæta), ok til þessarrar sæmdar, at **fæ** bræðralagh englanna medr eilífð ok unaðsemd, skappar hann **æ** setta degi annat kyn andlighrar natturu, þat er hann klædir miog 25 meistarliga af því likams formi, er aðr hafði hann skapat af iarðar duppti, ok i samteinging andar ok likama varð hinn fyrsti madr fadir varr Adam lifligr ok skynsamligr firir guðligan íblastr skipadr af sinum skapara herra ok hofðingi allrar iarðneskrar skepnu. Þar med eignaðiz hann samfelag englanna með eilífð ok odaudleik 30 paradisar sælu, ef hann³ staðfestiz i dygð ok hlyðni sins drottins, hvat er honum brast eigi litt; þviat i stað sem guðniðingrinn Noctifer var viss vorðen af eingilegri smasmygli, at guð hefir skapat duptligan mann til þeirar sömu fullsælu, er hann or velltiz med bolgenni ugiptu, þa brennr hann nu með nyfundnu galli eitrfullrar 35 ofundar moti fyrsta manni fəður Adam, ok steytir hann meðr hoggormligri prettvísi braut af boðorda palli skaparans niðr i dauðleik þessar veslu veralldar undir okk ok **æ** nauð illgiarnra anda, sem alldri gekk af kyni Adams, fyrri en sialfr gręðarinn leysti

¹ sæmd ok *tilf.* **A.** ² fegðr **A.** ³ hæn **A.**

þat meðr sinu banabloði, sem veröldin veit ok aull kristni truir. En þo at drottinn Jesus Kristr Mario son ynni fagran sigr æ herbuðum helvitis undir merki krossins, leggr fiandinn ei því heilðr sina grimð ok illzku brott af mannkyninu, heilðr svikr hann ok
 5 um sitr æ nott ok dagh hvern, er hann ma, firir sina eyrendreka, er um loptið fluga ok enga hafa syslu adra en leiða mankindina meðr falsi ok prettum fra guði til eilífs dauða. Ok þa vyrði sem diofull villdi, ef¹ all(t) mankyn firirfæriz ok felli honum i munn. Þvi væri mannum hugleiðanda ok engum tima gleymanda,
 10 hverssu stranga orrostu hann æ heyia við helvitzka anda, er alla vega knosa ok knyia ond ok likama hætt ok leynilega með tolum ok tilbunaði sinna flærða. Hverr ma standa i striði þessu, nema drottinn miskunni sinni sköpnu ok sendi henni fulltingh ok lidsafla af sæti sinu sva herralega sem höfðingliga, at myklu fleiri
 15 vernda kristnina af guðs halfu en æ sækia firir uvinarins illzsku. Hvar oss syniz vel fallit at setia eina dæmisögu af.

3. Tveir heilagir feðr meðr abota nafnum bygðu i Egiptalandz eyðimorkum, annarr Moises en annarr Ysodorus aboti. Moises sat i þeim stað er Petra kallaz, var hann dagliga sem einn
 20 einsetumaðr ok hvartveggi þeira, þo at aðrir bræðr (væri) i maurkinni uti undir þeira heilagleik ok faðerne; i sinum kofa var hvarr þeira, ok eigi allskamt i meðal. Nu berr sva til einn tima, at aboti Moises varð firir sva þungum æruna diofuls i horanar fystum ok saurlífs, at hann fær eigi sitiandi borit ok leitar undan ut af
 25 kofanum fram æ fund Ysodori, seghiandi honum greinilega, hvat hann atti hræra moti saurlífs anda. En heilagr Ysodorus tiar honum faggurlig vitni heilagra ritninga, at því karllmanligar skili hann þetta strið ifir vinna, ok biðr hann þruggan aptr venda til sins kofa; hvat er Moyses aboti villdi eigi geyra sakir þess, at
 30 hann þikkiz berr verða firir baratu sakir sinna uvina. Ok er Ysodorus skilde þat, at Moyses þikkiz afsvani moti ovinum, ef hann sækir holmgöngu heim i kofa sinn, ganga þeir báðr samt upp i lopthus nokkut, at hærri bar en önnur herbergi. Þar voru gluggar æ ofarliga bæði til austrættar ok norðrættar. Ysodorus
 35 leiðr þa Moysen at þeim glugga, er til norðrættar vissi, ok segir sva: »Sit her ok profa, hvat firir augu kann bera.« Ok er Moyses gerir sva, lítr hann i loptinu daligan dioflaflokk akafliga til bardaga buna með æði ok reiði allt at hræra ok rífa ok særa, þat er firir værd. Sem Moyses hefir þetta seð, snyrr Ysodorus honum

til austrættar, ok biðr hann sia. Moyses litr þa otaululiga flokka ok fylkingar heilagra engla skinandi ifir solar geisla. Var þesse herferð himneskra krapta sva veglig, at eigi mæ orðum skyra, ok eptir þetta talar Ysodorus til Moysen: »Þa sem þu satt i norðri til bardaga buna, eru æstriðarar guðs heilagra manna; en þa er þu satt i austri biarta sem sol, eru þeir riddarar, er milldr drottinn sendir af himnum til fulltings sinum monnum voldum. Nu kennst við, minn kærri broðir, segir Ysodorus, at fleiri ok matkari standa meðr oss en moti, sem vattar Heliseus spamaðr ok hinn sæli Jon postoli.« Ok at þessum hlutum senum ok heyrðum, varð aboti Moyses styrkr i drottni ok sneyri aptr til einsetu sinnar, þakkir gerandi ok dyrkandi varn herra Jesum Kristum, er sva margfalliga miskunn gerir mannkyninu bæði fyrr ok sidar, vinnandi þat med sinum dauða braut af kverkum helvitis ok leiðandi aptr i fyrra stett ok enn betra, en hafði fyrsti maðr faðir varr Adam, fullkomit sattmal gerandi milli guðs ok manna; ok her æ ofan sendir hann sterkar hirðsveitir af sinni haleitu borg Jerusalem, at æfinliga geymi ok halldi vörð yfir kristninni, at hun firirfariz eigi af varga sokn i diofla stridi, þviat allir af honum sendir eru hans hiarta miog skaplikir at elska ok viðrhialp at veita veralligu mannkyni því, er guðliga kenning hefir; sva sem i annarri grein hafa uhreinir andar gnoghligt hatr ok illzsku upp æ skaða kristninnar, sem nu mætti skommu heyra, er ver læsum af Moysi abota, hversu þeir skelva guðs valda menn i afli ok orrostu sinna unaða. Ok enn til provanar þeira greina, er ver settum her fram af elsku guðs engla en illzsku uhreinna anda, skulum ver syna hvara leið meðr liosri dæmisoghu, at því frammar elskizst himna valldit, en fordiz diofla grimð ok syndagialldit hverr, er þvílika hluti heyrir.

4. Þat er lesit af einum kaupmanni, at af sinum mikla auð, er hann hafði saman dregit, veitti hann alldri nokkura olmusu fataekum monnum. Nu berr sva til einn dagh, at saman komu margir fataekir menn. Syndi þa hverr oðrum ok sagði, hvat hvergi goðr maðr hafði þeim firir guðs skyllð gefit, utan þesse kaupmadr, þo at hann væri allra þeira audgazstr, hafði því siðr nokkurum þeira olmusu gort, at honum var miog upokkat at sia fataeka menn. Nu sem þeir attu um þetta þinga, sagðiz einn þeira þa i stað mundu þiggia af honum, ef hann bæði þarfliga. En þeim oðrum moti mælaundum, rann þessi skyndiliga i gærð auðga mannz ok innkominn i herbergit, þann tima sem þionostu-

menn settu fram vist æa bordit firir hinn auðga mann, æpti hann
 i akafa biðandi ser olmusu. Kaupmadrinn miog reiðr firir um-
 fang hans ok unaðir, svifz um fast, ef hann fyndi firir ær stein
 nokkurn eða tre at sla með hinn fataeka mann; ok því at hann
 5 fann ekki annat, greip hann upp hveitistump einn af borðinu ok
 fleygði til hans ætlandi at setia æa hans æpanda munn¹. En hinn
 hafði hendr firir ser, greip þegar stumpinn ok skundaði ut med
 til kumpana, biðandi bonda hafa guðs ast firir gíofna. Syndi
 hann felaugum sinum, hverssu fagra olmusu hann hafði þegit af
 10 þeim ríka manni, er aðrir kolluðu sva sinkan, at alldri villdi
 nokkurum manni gott gera. Ok litlu sidar en þesser hlutir
 giorðuz, tekr ríki maðr harða sott. Ok sem hann er kominn at
 dauða, ser hann fianda flokk mikinn þysia inn i husit at ser.
 Þeir tia ok tina með haði ok hoppi alla þa illa hluti firir honum,
 15 er hann hafði guði i moti giort. Ok því næst koma til englar
 guðs af annarri halfu hafandi fram eptir vana miskunn ok elsku,
 at þeir megi hialpa mannzins sælu. Þvi leita þeir eptir sma-
 smugliga vit varðhallðzengil ríka mannz, hvat hann hafði til
 vernda moti ægangi ovina. En engillinn segir hann ekki ser
 20 hlyðinn verit hafa eða eptirlatan, utan einn dagh hoti hellz, er
 hann kastaði ok þo reiðr æa einn fataekan mann þeim sama stump,
 er hann hellt æa. Verða helgir englar vit þessa sögu miogh gladdir,
 þriva stumpinn ok briota sundr i smæsta mola, ganga síðan at
 fram firir sætum dioflanna, segianði at maðrinn hefir hialpat goðu
 25 verki, ok þess skal hann niota. Fiandr segia, at þat er ekki
 annat en litr ok læti þeira, kveðaz fullkomit² þenna mann eiga,
 ef þeir skolu uræntir vera. Guðs englar biða sætt prof æa þessu
 mali ok bera vogir fram; færa dioflar mikinn þunga i sina skal
 medr storum syndum ríka mannz, en englar guðs setia æ ut i
 30 moti smátt ok litið af þeim mola, er fyrr var greindr, sva meistar-
 liga sem stormerkiliga, at þat væa iafnan meira. Sva gengr ut, at
 diofla þrytr til vægarrinnar, en guðs englar eiga þa enn noghan
 feng eptir af mola stumpsins. Fiandr taka at yla ok æpa, segia
 þenna mann sinn heimoligan þræl ok með einu saman rangendi
 35 af ser tekinn. Guðs englar biða þetta mal under hæsta domara,
 ok þat verða dioflar at hallda. En drottinn miskunnar sinni skepnu
 firir bæn engla sinna, at syndugr maðr lifi ok bæti lif sitt, ok
 þegar i stað hverfr ríki maðr aprt til sin ok er heill vorðenn æa
 somu stundu, þakkir geyrandi guðligri milldi bæði með orði ok

1 ok and tilf. A. 2 fullkumit A.

verki, þvíat hann var síðan hinn gotfusazsti(!) maðr til miskunnar-verka ok olmusugæðis, sem vel lysiz í því er eptir ferr.

5. Einn dag sem þessi ríki maðr gengr ut af sinum garði at letta ser ok spazera, verdr a veg firir honum einn fataðkr maðr klæðlaus ok kalinn, ok þegar í stað sampinuz hann hinum valaða ok lætr siga skikkiu ægæta aptr af herdum ser, er hann stoð i, ok gefr hinum nokkta. Skilia þeir sva, at fataðki maðr biðr guð launa honum, en rennr síðan fram **aa** torg meðr fagnaði ok selr skikkiuna ser til þarvenda. A næsta dag eptir berr sva til, at ríki maðr hefir sik uti fram i staðinn ok kemr i eina kaupmanzbuð; þar ser hann medal annarra (hluta), hvar su væna skikkia ligr **aa** einu stagi, er hann hafði fyrra dag fataðka manni gefit. Þessi syn angrar hann storliga miog, at fullríkir skolu sælaz **aa** fataðkum ok **faa** þeira gerssimar littlu verði. Her af ~~tæraz~~ hann ok gengr heim til herbergis. En af langri sut sofnar hann ok ser i stað haleita syn, þvíat drottinn varr Jesus Krístr birtiz honum segiandi bli(ð)lega til hans: «Hvi grætr þu, eða hvat hryggir þik?» Ríki maðr svarar: «Herra minn, hvi man ek eigi grata, þar er fataðkir menn virðaz eigi at bera sialfer þau klæði, er ver þrælur þínir þo at umakklígir gefum þeim firir þína **aast**.» Værr herra talar þa: «Hygg at, minn kærri, hverssu ek er buinn, ok lit, hverssu mer samir su væna skikkia, er þu gaft hinum fataðka.» Eptir sva talat vakknar hinn ríki maðr, virdandi fataðka menn frammar en allt annat i heiminum firir þa sæmd, er værr drottinn virðiz at vera með þeira tölum. Þvi næst selr hann allar sínar iarðir ok gefr verðit fataðkum monnum, ok allt annat er hann atti me(i)ra hlut ok minna. En er hann hafði giorsamlega gefit alla sína eigu, þa bauð hann þræli sinum ok skyllaði hann til at selia hann i þrældom sialfan nokkurum ríku manni, ok gefa verð hans þurfandum. Sem þrællinn hafði sellt hann, tok þessi goði maðr ok þionaði sinum meistara, er hann hafði keypt, meðr aullum goðvilja ok litilæti, en alla þa fæðu ok dryk, sem honum var ætlat dag fra degi, gaf hann fataðkum monnum, en neytti engis nema litils af brauði ok vatni. Tok hann þa skina haleitum iarteinum ok kroitum ok leiddi sitt líf sva fram meðr allzhattar goðlifnaði, þar til er lifaði guð kallaði hann af þessi verolld i eilífan fagnat.

I þessarri dæmisöghu finnr gott hiarta margar nytsemdir. Her **næa** heyra oumbræðiliga milldi við sína athofn, (at) firirfæriz eigi, hvar af sva finnz skrifat, at guð geyrir engan hlut íafnnaudigr sem dæma manninn at makligleikum til eilífra kvala. Her matti ok

- heyra fylgi ok frammistöðo himneskra hirðmanna, þegar þeir hafa nockut; því væri kristnum manni hugleiðanda at fa þeim bæði mart ok gott i hendr at geyma. Skilia matti her eigi siðr óp ok ægirnir diofulsins ærendreka at draga sem flesta af husi hins kross-
5 festa meðr ser i helvitis bruna; því væri skynsamri sæl vakanda ok til geymanda, at eigi fengi hann þvílíka gisting sem þeir biðða. Her matti ok heyraz, hversu haleitr kraptr fylgir heilagri olmusu, ok hversu sætliga hun ilmar firir guði, ef hon er gefin aðr heigomligri dyrð ok manna orðlofi, firir eina saman ast Jesu Kristi.
10 I fimtu grein var her lesit þat, er hinn goði Gregorius segir, at hverium kristnum manni, er i kemr heiminn, eru fullkomlega skipaðir tvær nægaunglir englar, annarr goðr af guði, en annarr illr af fiandanum; eru þessarra tillaugur harðla olikar: guðs engell tiar firir monnum, at þeir elski skapara sinn umfram alla hluti aðra,
15 ok þioni honum æ hvern arla morgin, er hann stendr upp af sinni sæng, gangi fyst til kirkiu ok beri bæn sina, þo at eigi se long, miog meðr goðum athuga, aðr hann fæz i nokkurum haska-veralldligra fiolskyllda. Fiandinn fysisir þvers i moti, vill at maðr hæreysti ok skrapir þenna¹ ok annan hegoma, þegar hann vaknar um morg-
20 ininn eða fyrri æ miðri nott, sem hann gefr upp at sova, þvíat myklu er honum kærri kallz en kirkiuvistir, miklu þekkara kvenna samtál ok hugskotz saurgun en tíðalestr eða knebeðia foll, miklu kærri þessa heims æstuð en eilifra fagnaða. Ok hvat er lengra, engill fysisir iafnan goða hluti, þa er manninn leiða til himinrikis,
25 en fiandr fýsa svik ok saurlif, ofat ok ofdrykkiur, umfang ok forðz, kallz ok ækefð, reiði ok ranga eiða, purk ok ægirnir penga, sem ekki annat en heimr þessi. Her hia fram kostar uvinrinn æ með allri list ok lymsku, at maðrinn virði sem minstz þat, er hann gerir illa, værkynnir ser veykleikinn ok syndina, en vanræki yfir-
30 botina, skriptiz sem sialldnaz ok gleymi því, sem honum var botðarfa, teli þat sem opptaz i huginn, at kristnir menn ok skirðir megði ekki firirfaraz, þo at læ(r)ðir menn geyri grylur afheimis ok sege slikt, er þeim likar. Þetta allt ok fleira annat er fiandans daraskapr, er hann stillir um hugskotið ok hefir æ kafi allt hug-
35 vitið, ferr hann þa með sælina ok setr hennar reikningh æ sinar skraar, en maðrinn blindaz ok hefir ekki af, sva at þa sialldan, er hann viðr leitar at skriptaz, hefir hann litið bref af sinu lifi ok þo eigi skilvist, en fiandinn hefir meginbokina ok berr hana þa fram, er verst gegner; sem i því dæmi lysiz, er her skal segghiaz.

40 ¹ þennan A.

6. Riddari nokkur ríks konungs tok sott banvæna, ok herra konunginn vitia hans með guðs ast ok goðvilia æminnandi, at hann iðriz afgjörða ok iati syndir sínar. Riddarinn svarar: «Ek mun sva geyra, ef mer batnar eigi, en ek dvel firir þa sauk at skriptaz, at ef ek stend upp or sott þesse, munu aðrir riddarar 5 gabba mik ok segia mik hræz hafa dauða minn.» Konungi gæzt eigi at ordum hans, ok gekk i braut at sinni, ok i annan tima kemr hann ok æggjar sömu hialp sem fyrr. Riddarinn svarar þa meðr miklum móði: «Nei, rett aðr þer komut, gengu her inn tveir¹ ungir menn hardla friðir ok fagrir ok ferdur mer lítið bref², 10 æ því var skrifat með gullstofum hvert þat hneig, sem ek hefir gott giort æ minni æfi. Litlu síðar þustu inn utöluligir dioflar með miklu harki, þeir settu fram firir mik hina stærstu bok, þa er ek kendi æskrifut aull þau ill verk, er ek hefir gort fra barn-æsku. Síðan spurðu hófðingar dioflanna, hvi³ hinir vænu menn 15 væri sva nakvæmir, þar er ver vitum, seghia þeir, at hann er værr maðr. Ok eptir þat gengu ut hinir biortu menn ok letu mik eptir i þeira valldi. Þa hlupu dioflar æ mik at tilvisan sins konungs með hinum hvassuzstum skaalmum, ok tok annar til at fotum, en annar at hófðum at særa ok saxa. Nu þann tima sem 20 þeir mætaz æ mer miðium, man ek deyia ok af þeim dreginn vera til helvitis.» I þessi kveinan var þessa auma mannz sæl grimlega gripin fra likamanum til hræðilegra kvala, firir þat er hann vanrækti lifandi at lækna sin andar sæ(r) með synda iðran.

7. Nu ottiz menn þvílík dæmi, at bera ubættar syndir ok 25 setia glæp yfir glæp, vera hlyðinn ok auðræðr fiandanum ok reisaz i moti guði ok hans boðordum, gleðiaz i illum hugrenningum ok leika sér at syndsamligum likneskium. Eru þvílíkar framferðer miogh moti guðs engli, þvíat hann villdi, at maðr rendi hug ifir sínar afgjörðir æ kvældit, aðr hann sofnati, ok iðradiz þess allz, 30 sem hann gerir guði mest i moti, skriptaðiz sem skiotaz firir þunga hluti, þegar hann mætti við komaz, ok sæi við nattverkum illum, er manr leiða til eilifra kvala, ef dagrinn birtir eigi nattena með regni taranna. Nu er engi hlutr særligri, en sialfr vanræki sitt lif, þvíat meðan maðr gerir sva, gerir öngum öðrum at biðia firir 35 honum; hvat líosara verðr hugskotinu, ef ver synum meðr einni dæmisoghu.

7. Nokkur maðr varð firir freist(n)i mikilli af saurlífis anda, ok því ferr hann ok heim sækir einn dyrligan mann ok heilagan,

sva talandi til hans, sem her stendr skrifat: «Þu sælazsti faðir,
 segir hann, set i hiarta þínu mikla vandvirknt at biðia firir mer,
 þviat horanarpina stríðir æ mik miog forliga.» Sa blezaðr fadir
 tiar honum retta samþining þegar i stað ok biðr firir honum nott
 5 ok dag, þar til at i annan tíma sækir þessi sami maðr biðiandi
 meðr ækafa, at hinn heilagi faðir leggi en meiri alvöru til at biðia
 firir honum. Her þarf eigi langt um, sva ferr, at faðirinn biðr
 æn aflatu meðr öllu æstriki, ok heyrirz(!) eigi þvi helldr af guði,
 þviat sa er freistar var kemr optliga ok kveinkar sín sömu vand-
 10 ræði, þar til at sa heilagi maðr hryggiz særliga ok þikkiz eigi
 vita, hvat til man bera, er guð drottinn vill hans þen eigi veita.
 Ok æ næstu nott birtir drottinn honum þvilika syn: hann ser, at
 sa freistinnar son, er fyrr var greindr, sitr i sinu herbergi, ok
 frammi firir honum standa fiandr i fögnum myndum ymisliga
 15 kvenna leikandi æ margan hætt, þviat sa aumi maðr giorði ser
 skemtan at þeira ferð ok flauktan; her með seer sa heilagr faðer,
 at guðs engill stendr æ annan veg riðr ok reiðr af meingiorðum
 þessa mannz, er sat ok svam i sinum hugrenningum en reis eigi
 upp at vilia seer miskunnar biðia. Af þessarre birthingh skilr
 20 heilaghr faðer, at vanræktar glæpr ok vilialeysi mannzins byrgir
 uti bæninnar, sva at þær mattu eigi nælægiar guði; hvar af hann
 talar einn tíma, er sa aumi kom til hans næst: «Þat er, bróðir,
 þinn glæpr at gleðiaz i illum hugrenningum, þviat umattuligt er,
 at illgiarn¹ andi letti af þer firir annara manna bænir, ef þu van-
 25 rækir þik sialfr. Þer er liost dæmi til, þviat engi læknir er sva
 kiænn² eða vel viliugr, at hann megi þess manz sarum groðr
 veita, sem sialfr neytir með ohlyðni þeirar fæðu, er læknirinn firir-
 byðr ok mest er motstaðligt hans heilsu. Sva ferr ok hin andliga
 lækning sem hin líkamliga.» Firir þessi orð heilax faður iðradiz
 30 maðrinn sinnar glæpsku³ ok pindi sík i vokum ok fóstum ok
 heilagum bænum, þar til at guðs miskun frialsaði hann af allri
 þínu. I þessum æventyr, er nu var lesin, geriz vel skilianligt þat,
 er ver sögdum fyrri, ok þat annat, er vottar Gregorius pafi, at
 allir himneskir guðs englar vilia mannum eilífan fagnat, en
 35 einkanlega varðhallðzengell hvers manz stendr fremzstr i hverri
 grein ok goðvilia; sva sem i uliku dæmi vilia allir helvitzskir
 andar mannzins ufagnat, en þo sa myklu grimmazstr i hatre ok
 holi glæpanna, er ser eignar sigrinn með blóði síns höfðingia, ok

¹ illgiann A. ² kian A. ³ glaymsku A.

til þess at maðrinn fordiz at falla i obliðu guðs engills, skolu ver syna, hver(su) þat stendr, meðr einni dæmisöghu.

81. Sva er saght, at i borg þeiri æ Irlandi er Cololensis [heitir, var² sa maðr, er Duggall het. Þessi maðr var ungr at alldri, dyrrar ættar, fridr i andliti, bliðr i mæli; en at sonnu, þoat 5 varlla se hormungarlaust segianda, þa truði þessi Duggall sva miogh æ fegrð likama sins, at hann hirti meðr aullu ekki um hialp sælu sinnar, sva at honum var æangr at aullum þeim, er hann mintu æ nokkut gott at gera. Hann hafnaði kirkiu iafnan, ok miok mislikaði honum at sia fataka menn guðs, ok alldri villdi 10 hann þeim hialp ne huggan gera. Allar landskyllder sinar ok fiarhluti hafði hann iafnan til heigomleg(r)ar dyrðar ok heimligs skrautz 3. En þa er guði likaði at hirta hans vangeymslu ok firir-koma hans hørnulegum hegoma, þa kalladi guð hann til sín, eptir þeim hætti sem honum likaði. Þessi Duggall atti marga vini, en 15 einn þeira af læni því, sem hann hafði leð honum, atti at gialda honum þria hesta. Sem stefnudagr skuldarinnar var liðinn, þa for hann til vinar ok heimti skulldina. Honum þar komanda faggnaði 4 felagi hans 5 vel ok veitti honum goðan fagnat þria daga. Þvi næst heimti hann skulldina, en sa sem giallda atti, sagði 20 honum meðr hoogværum ordum, at hann hefði eigi faung æ þa skulld sva skiott at giallda. Þa reiddiz hann æakaffiga ok bioz brott at fara, en skulldarmadr hans villdi hugga reiði hans ok bað hann mataz med husbonda 6. En sva sem hann retti hond sina fra ser, þa fekk hann eigi rett hana til munz; ok hann iafnskiott 25 ogurliga æpandi mællti til husfru vinar sins: «Giæt, sagdi hann, oxar minnar, þviat ek er nu i annlati.» Ok þegar i stað fell likami hans til iarðar, sem alldri hefði ond i verið. Þvi næst fellu aull dauða mork æ hann: hæar hans fell, enni hans hroknaði, augun um snæruz, nasraufar byrgðuzst, varrar bliknuðu, haka 7 30 hans ofan signaði, ok allir hans limir kolnuðu. Þa gengo til þionostumenn ok toku brott matinn; hans menn ok husbondans gættu hans, ok lögðu niðr likit ok letu hringia firir sæl hans. Þar komu kennimenn ok allr borgarlyðr harmandi miog braðan dauða hans sem duganda mannz. Eigi þarf þat lengra at gera, segir sa er 35 söguna diktaði, at þat vattuðu margir borgarmenn ægiætir, þeir er nær voru, at Duggall læ þria daga ok þriar nætr liflauss fra mið-

1 af Duggali Overskr.; jvf. ovenfor S. 330—335.

2 [er A.

3 skrystz A.

4 faggnandi A.

5 honum tilf. A.

6 Her er over-

sprunget et Par Linier, se ovenfor S. 331²⁷—29.

7 hafa A.

vikudegi til næsta laugardags nær miðium degi, sva at ekki lifs mark var a hans likam, nema þeir er giorst vissu, hugðu at ok hõndlaðu likam hans, ok fundu, at nokkurr yl var i herdarblaði hans vinstra, ok því villdu þeir eigi grafa likit, at þeir kendu
 5 hann varman i þeim stað. En æ þeirri stundu er hann la sva dauðr, birti guð honum allt þat er hann misgiorði þessa heims.

9. Þessu næst sem mikil(1) fioldi lærðra manna ok ulærðra var saman kominn at iarða likit, enðrlifgaði guð hann; ok er hann fekk ǫnd sina, anðvarpaði hann langa stund með þungmegnum
 10 anda. Allir vitrir menn, er þat sa, undraþuzst ok mælltu: »Eigi ferr þessi ǫnd sva firir honum, at hun viti eigi likamans i þessu lif.« Ok sva sem hann leit meðr þungu æliti til þeira, er honum voru næstir, þa spurðu þeir, ef hann villdi taka guðs likama; en hann villdi. Ok sem hann hafði tekit corpus domini, þa lofaði
 15 hann guð með miklum þökkum ok mællti: »Drottinn guð, mèiri er miskunn þin en ilzska min, þo at of mikil se. Miklar ok undarligar pislir syndir þu mer, margar ok illar, en miskunn þin lifgaði mik ǫðru sinni þadan i þetta lif.« Þvi næst skipti hann firir þeim aullum, er vit voru, fee því ollu, er hann atti, ok gaf
 20 helgum kirkium ok fatækum monnum. Siðan let hann merkia sik marki heilags kross ok het guði meðr staðfaustu hiarta, at hann skilldi allt sitt hið daliga lif firirlata ok bæta. Þvi næst syndi hann ok sagði, hvat hann hafði þolat. Sva sem ǫnd min skildiz við likama, sagði hann, ok vissi at saunnu, at hann var
 25 dauðr, þa mintiz hun synda sinna ok tok at iðraz, ok vissi eigi, hvat hun skilldi at hafazst. Hun villdi þa aptr snuaz i likam ok matti eigi inn komazst. Þa villði hun æ brøt fara ok hræddiz hvetve(t)nna, sem hun forðapiz, af því at hun vissi sik synduga. En þa treystizst hun guðs miskun ok tok at grata ok æpa, skialfa ok
 30 kveina; því næst sa hon þar komanda fiolda uhreinna æanda; var eigi at eins husit ok golfit allt fullt, þar sem likit lá i, helldr var ok hvert stræti ok staðr, er tomur var i bænum, fullr af þeim, ok þustu fram firir þa aumu salu hana at hryggia ok angra, ok mælltu þeir sin i millum: »Syngium ver makligan liksǫng þessi aumu
 35 sæl, þvíat hun er dottir dauðans ok matr oslokkviligs elldz, hun var iafnan myrkrum unnandi en lios hatandi.« Ok því næst snæruz þeir allir at henni ok gnistu tǫnnum æ hana ok slitu andlit hennar grimliga meðr klom sinum i reiði sinni, grimð ok æði (ok mælltu): »Se her, vesol sala, herra þina ok þan flokk, sem þu
 40 hefir þer kosit til samfelags, með þeim skalltu brenna i eilifum loga

helvitis; þu vart leiddogi rogs ok sundrþykkis elskari, hvar er nu metnaðr, skart ok dramb þitt ok hegomlig gleði? hvar er hlatr þinn ok spottsamligt gaman? hvar er nu af þitt ok styrkleikr, er þu angraðer marga meðr ok svivirðir? hvar er nu augnabending þin eða ugiptusamligr hlátr, er þu hafdir við eiginn broður þinn? 5 hvar er nu fota stappan þin eða likams hræring? hvar er nu illviliafull undirhyggia hugar þins?« Þessum ordum ok morgum qðrum angraðu þeir sælina, hæddu hana ok hrygdu, sva at hun kveinaði ok æpti ok vænti ser engis af þeim nema dauða ok pislá, sva sem þeir heitaðuz: vit hana, at þat mundi eigi firirfarazt. 10 En haleiti værr herra Jesus, er eigi vill dauða syndugs mannz ok mattugr er at likna ok letta vandræði hins dauða, allzvalldandi guð, milldr ok miskunsamr drottinn meðr heilagri hialp sinni sk(i)paði þo eptir sinum vilia ok minkaði þessa vesold, því at hann sendi engil sinn æa mot þessi sæl. Sem hun leit hann um 15 langt biartan sem dagsbrun, þa hafdi hun uhverfiliga syn æa hann, væntandi ser af honum hialpræði. En sva (sem) eingillinn nalægiz, heilsaði hann sælinni meðr eiginligu nafni ok mællti: »Heill þu Duggall, sagði hann, hvat hefz þu nu at?« En hann hørmuligr siannði þa ena fogru skepnu guðs aullum sonum manna fegri ok 20 elskuligri, sem hann heyrði sialfan sik nefndan með eignarnafni, þa svarar hann einglinum með hræzlu ok nykominni gleði sva seghiandi: »Vei er mer, herra faðir, þvíat mer ængra helvitis pislir, ok sorgir hverfa um mik, ok gilldrur dauðans egnaz firir alla veghu mina.« Þa mællti engillinn: »Nu kallar þu mik herra 25 þinn ok fauður, en þu valdir mer ei fyrri sva virduligt nafn.« Sálin svaraði: »Herra, segir hun, hvart sa ek þig nokkurt sinn fyrr, eða hvart heyrða ek þina sætu raudd fyrr en nu?« Engillinn svaraði: »Ek fylgi þer iafnan, síðan þu vart fæddr, hvervetna þar sem þu vart, ok villdir þu ælldri minum raðum fylgia.« Ok því 30 næst retti hann hönd sina at einum dioflinum, þeim sem honum bølvaði optazst ok mest heitaðiz við hann: »Se þar felaga þinn, sagði hann, ok raðgiafa, hans raðum fyll(g)dir þu, en minum vilia hafnaðer þu meðr öllu. Nu meðr því at guð lætr miskun sina firir ganga dom sinn, þa skalltu niota miskunnar hans. Ver nu 35 glauð ok feghin, þvíat fær pislir skalltu þola af sva morgum, sem þu værir verdug?, ef eigi hialpaði þer miskunn lausnara mannkynsins. Fylg mer nu, ok mun allt skilvisliga, þat sem ek man syna þer; þu skallt aptr fara i likam þinn.« En þa hræddiz sælin

aakafliða ok gekk til eingelsins af likamanum, er hun stoð aðr **æ**. En þa er dioflarnir heyrðu ræddu(!) engelsins ok fundu, at þeir mundu eigi mega fremia þat, er þeir heitaðuz vit **sæ**lina, þa mælltu þeir meðr ylandi røddu: «Se hversu grimr ok ranglatr
 5 guð er, hann drepr þa er hann vill, ok hann lifgar þa er honum syniz; eighi efnir hann heit sin at dæma hvern eptir sinum verðleikum, en nu frelsar hann firirdæmdar saalur ok firirferr saklausum.» Ok sem þeir hófu þetta mællt, þa reð hverr þeira **æ** annan ok borduz lenge ok særðuz storum særum; ok þeir hryggir
 10 ok hræddir ok miog reiðir foru braut ok blesu sva fulum anda fra ser, at engi dauðligr maðr matti þola. Þa gekk engell drottins firir **sæ**lina ok mællti til hennar: «Fylg mer,» sagði hann. Hon svaraði sva: «Vei er mer herra, sagði hon, ef þu gengr firir mer, þa taka anskotar minir mik fra þer, ok munu kasta mer i elld eilifan.»
 15 Engillinn mællti: «Hræz eigi þu, þvíat guð er mattugr ok er með okkr, ok því þurfu mið engan at ottaz moti okkr. A vinstri hönd þer skolu falla þusund, en **æ** hægri hönd tíu þusundir ovina þinna 1.» Gengu þeir fram leið sina til harðra ok ymmisligra staða, ok eptir þat algort syndi engillinn honum unaðsemdir eilifra fagnaða, hvat
 20 ver munum her sakir langmælis um liða. Bætti hann fagurliga sit lif, sem fyrr var skrifat.

10. Nu hugsi hverr kristinn maðr firir sik, er þvílik dæmi heyrar, at hans varðhalldzengill megi honum eigi þvíliktt **æ** brynn bera eptir andlatit, sem her var lesit. Þvi geri maðr stoðugt
 25 hans minning dagliga meðr nokkuru bænahalldi, sakir þess at viðrkvæmiligt er ok skyldugt, at faðer ok herra mannzins se hvern dag sæmiliga kvaðr með litileti sva. Vera kann, at nokkurum þikki undarligt, hvi ver lengium bækling þenna meðr þess hattar mali, sem um stund hefir lesit verið, þar sem i fyrsta kapitulo sögðu
 30 ver, at þetta verk skal eighinligt vera hinum mæta Mikaele hófuðengli; því ma segia, ef likar, at ver hafim reikanði farit af rettum grundvelli ok varlla vitað, hvat ver eigum gera. En sa er þvílikt talar, hefir eigi heyrt eða gleymer, hvat ritningar segia, hvilika þionostu almattigr guð skipaði sinum æzsta þion Mikaele hófuðengli: þat er hans eighinlig sæmd, at hann kallaz valldzherra
 35 heilagrar paradisi, þat er sva at skilia, at Mikhael hófuðengill þa sva mikit valld af guði, (at) allar rettlatar saalur skolu honum offraz i öðru lifi, at hann leiði þær ok laði til þess fagnaðar ok gleði, sem allzvalld(and)i guð bio hverium firir at upphafi. Þessi hans

virdingargrein er sva mikil ok mattugh, at hun leggir undir sik stor ríki veralldarinnar, því framar þiona honum ok hans virdingh til luta þeir fair hlutir, sem ver höfum her saman lesit. Hvat eru verndir vaghir eða víðrhalpir hinna lægri guðs engla utan þionostur Mikaelis höfuðengils, þvíat hans herradómr er því haleitari firir 5
 ævþxst ok innleiðzlur sælnanna, sem hinir lægri guðs ærendrekar fylgia kristninni roskligar ok lata siðr or höndum dragha þat er guðs er, þvíat nog er grimð i neðra plazi, sem fyrr var skrifat. Nu þa, hvat höfu ver sett i sögðu mali utan æminningh til upp- 10
 tendranar, at menn elski ok auki hirðsveitir ok höfðingskap upp i loptið fram i fagnat himirikis, en ottiz ækafliga ok fordiz at skriðna or flokki Mikhaelis ok falla með sutlegum blyðunga ubætra synda i fiandans greipr ok niðrgongu helvitis, þvíat hvarir fara sina leið godir meðr guðs (vin) Mikhaele, illir meðr illum anskot- anum. Hvat ver skolum en til skemtunar setia með einum eventyr. 15

II 2. Sva er lesit i Karllamagnus söghu mikla keisara, at þann tíma sem hann var hniginn at alldri, komo tveir konungar Marsirius ok Deligandus sender af konungi Babilonis hegat um hafit þess ærendis at svikia með fridarmarki stíorn ok frelsi krist- 20
 ninnar. Ok sva geriz firir meðalgongu fiandans ok nidingligan falsaradom þess mannz, er het Guenulun iarll af Franz, at Karllamagnus keisari verðr blektr ok beitr þungum ræðum illzskufullrar undirhyggju, sva at roskazstu riddarar ok villdazstu vinir keisarans verða uppefnir, takandi i þeim stað stríð ok sterka orrostu, sem þeim var iattat sköttum ok skyldum. Þeir þorðuz 25
 langt ok pryðiliga strangt i þeim stað æ Span, er Runzival heitir. Var Rollann systurson Karllamagnus keisara þar æzstr höfðingi i þvísu stríði, þvíat sialfr konunginn var þar eigi vit, sakar þess at hann hugði frið boðinn, sem faugur orð vattuðu, en eigi sverð ok exi sem meðr orrostu. Sva varðiz Rollann sinum ovinum ok 30
 barðiz frækliga badum höndum, sniðandi buk ok bryniur, hend(r) ok fætr ok höfuð Saracenorum, at hans ægæta snilld ok hreysti man æ lifa, meðan heimrinn stendr; þvíat hann var sannr guðs riddari ok sparði alldri sinn likama at veria erfð hins krossfesta firir heidinna manna ægangi. Hann hafði luðr þann, er Olivant 35
 heitir, ok ætt hafði Jatnundr son Agulandi konungs af Affrika, þat var sva hveltt horn, at heyrði .viii. milur ut i fra, er því var blasit. En hvat ma segia af hreysti ok riddaraskap Rollanz iarlls i skömmu máli utan þat i þessum stað, at hann gaf Marsirio

- konungi þat hogg i hofuðit með sinum brandi Dyrumdala, at sneið hiallminn ok heilabustina, þar með brynjaðan bukiinn ok herklæddan vapnhestinn sundr i miðiu, sva at sina leið fell hvart æ vollinn. En meðr því at almattigr guð hafði þessa orrostu skipat Rollann
- 5 iarlli enda strids ok innleizlu eilífs fagnaðar¹, verðr hann særðr til olífs skotiinn i gegnum með fiorum kesium. Her meðr þeytir hann luðrinn Olivant með sva miklu meghni, at hliðæðarnar ok sinar malsins þoldu eigi, sva varð ok horninu ofbodit ok sprakk i midiu. Ok er hinn blezaði Rollann iarll skilr kominn sinn endadagh, riðr
- 10 hann brott af Runzival ok fram æ eina sletta eng, stigr af baki hesti sinum ok setz niðr undir eitt tre fagrt, er þar stoð, ækafliða mæðr af langri sokn ok farinn af særum. Ok er hann skil, at dauði nalgazst, þakkar hann himneskum guði þa miskunn, er hann hafði veitt æ þeim degi, þvíat um morgininn firir orrostuna hafði hann
- 15 bæði skriptaz ok tekit corpus domini; því biðr hann nu gladlega sins andlaz meðr sælli væn stinnra malagiafa, takandi niðr æ briostid baðum hǫndum, ok helldr hǫrundit meðr þvilikum ordum þrysvar²: in ista carne videbo dominum salvatorem meum, þat norænaz sva: i þessu holldi man ek sia guð græðara min. Eptir
- 20 þat tekr hann baðum hǫndum til augnanna sva mælandi: et isti oculi conspecturi, þat ma norænaz: ok þessi aughu munu fagnaðinn fæ með guði. Ok þat fylldiz skiott, er hann vænti, þvíat litlu siðar talar hann sva i annat sinni: «Meðr þinni giof, drottinn minn Jesu, lit ek 3 nu þegar þa hluti, er eigi sa auga, ok eigi heyrði
- 25 eyra, ok eigi steig upp i hiarta mannz.» Siðan gerir hann bæn sina til guðs firir ollum sinum bræðrum, þeim sem fallit hǫfðu i Runzival, ok sofnar i fridi guðs æ kalendas dag Julij. En meðr því at ver hǫfum greint her tveggia manna liflat Rollanz iarlls ok Marsirij konungs, skolu ver syna þessu næst, hverssu satt hann
- 30 segir psalmaskalldit i sinni bok af dauða heilagra manna ok ranglatra, sva segiandi ulikt miog, sem hvaru heyrir. I fyrra stað segir hann sva: Preciosa est in conspectu domini mors sanctorum eius; þat þyðir sva: i drottins augliti er dyrliqr dauði hans heilagra manna; i siðarri grein segir sva Davið konungr til vandra manna:
- 35 Mors peccatorum pessima, dauði syndugra manna er hinn versti, segir hann. Firir þenna spamannzins orskurð verdr liost, at andlat Rollanz iarllz er dyrðligt i augliti guðs, því at hann auðladizst fagnað liossins; en dauði Marsirij konungs verdr hinn versti, því

40 1 fagnagar A. 2 meðr þessum ordum tilf. A. 3 er A.

at hann var leiddr hertekinn tönnum diofulsins, sem enn verdr liosara, ef frasogn fylgir.

III. Su bok heitir Speculum Historiale, er þat vattar, at virðuligr herra Turpin erkibyskup Reinsborgar var eigi i þeim bardaga, er giorðiz i Runzival, hellör með Karllamagnusi konunge, þo² at sumar norænubækr segi þöruvisi af því efni. Þvi vattar þat fyrr nefnd bok, at ~~aa~~ sama dag sem orrostan var i Runzival, söngh Turpin erkibyskup ~~saalumessu~~ ~~aa~~ þeiri fegrstu eing, er Karllamagnus keisari hafði sett landtiolld sin, uvitandi með öllu, hvat haskalikt fram for moti hans frændum ok astvinum. Ok er erki-
byskupinn stendr i messuembættinu, er hann upptekinn i andar syn ok litr i loptinu, hvar fara haleitir flokkar heilagra hirðsveita með söngh ok sætum hljóðum, með birti ok bloma miklum, sva at byskupinum gefr ~~aa~~ at lita ok heyra, þar til at su himneska ferð firriz sva miogh iardrikit, at honum hverfr at syn upp i loptið. 15
Hann hugleiðir með ser, hvat þesse syn mun hafa at þyða, ok litlu siðarr ser hann ferd aðra miog olika; i þessari ferd eru svartir dioflar hardleitir ok helvitlegir asyndum, þeir eru margir saman ok hafa nockut meðferdar, þat er þeir þysia at ollum megum sem dioflar at agni dauðans. Turpin erkibyskup verpr ordum ~~aa~~ þa ok segir sva: «H(v)at dragi þer eða starfit.» Þeir svara: «Ver drogum felagha varn³ Marsirium konung til eilífðar kvalar i helvitis herað, en Mikhael styrir þeiri ferð, er leidir luðrþeytara yðvarn upp i himnana.» Af þessari birting vissi erkibyskup tiðendi ok sagði konunginum, hvat guð hafði synt honum. Ok litlu siðar kom 25
Balldvini broder Rollanz ~~aa~~ mæddum vapnhesti vátandi sömu tiðendi, sem að voru greind, hvaðan ver munum fra venda, þvíat nu er vitni borit, at Mikael fylgir völdum monnum til eilífra fagnada⁴. Synir þat i offertorium i hverri ~~saalumessu~~, at sva gósfuglig þionosta er hans skipat embætti. Þvi er allri kristni at 30
hyggianda, hversu miukliga henni er kriupanda til sva virduligs herra fauður ok stíornara paradisar; þvíat þessi astvin guðs hefir þat gera ok geyma, sem hverr kristinn maðr mundi ser kiosa ok i þeim hlut mikit um finnast, hversu margfalldr er miskunnardomr almattigs guðs, at sva nauðzsunligr hialpari heilagr Mikael skyldi 35
verda nafnkunnigr verolldinni, er enga ætt eða edli tok af verolldinni, sem fyrr segher. En hvi er sva vordit, utan þat at drottinn miðlir ok blezaðr vill alla menn (til) hialpar ok til sinnar miskunnar koma lata. Þvi setr hann sin hialparnet i hverium stað, er

1 Af Turpin erkibyskupi *Overskr.* 2 þa *A.* 3 varr *A.* 4 fagnaga *A.* 40

maðrinn skal ganga, hvar dyrkan heims ok hatidarhalld hins meða Mikhaelis stendr meðal annarra Kristz utvega, at maðr skili fastr vera i friðarbandi **æ** gautu guðs ok æ vel fara. En **æ** hvern hætt til kom i fyrstu dyrkanligt hatidarhalld hins sælazsta Mikhaelis, 5 eptir því efni sem skrifat finnz i latinu mali, er byrianda þessu næst i guðs nafni.

12. Virðing ok loflig minningh hins sæla Mikhaelis dyrkanlig ollum heimi tekr efni ok understöðu af guðligri milldi ok þar með af kynning kirkiu þeirar, er nefndr astvinr guðs vann i verki 10 ok helgadi¹ sinu nafni. Þessi kirkia byriar ok skærliga byrlar allri verolld nafn ok virðing Mikhaelis. Þetta musteri er eigi prýtt eða pentað, telgt eða tiiglsett, heldr er þat skrytt engiligri æst ok alvoru, fataekt i formi en hardla rikt i himneskum krapti. Þetta hið mæta musteri smiðaði Michael i einum fiallzhvirfli eigi með upp- 15 reistum veggjum eða hæri þekiu, heldr er þat sem einn hellir klappaðr i biarginu, ok því er nu sva vordit, at Michael ann meira hiartans musteri en hafu steinsmiði, mæira sanri goðfysi en skygðum pilærum eða vænum glergluggum. En hverssu kirkia þessi kom i vitorð heilagrar kristni, skal segia þessu næst i guðs nafni.

20 13. Sepontus heitir borg, er stendr ut **æ** Pul meðal siovar þess, er Sinus Adriaticus heitir, ok fiallz þess, er menn kalla Garganum. Fiallit stendr .xii. milur brot af borginni, þat er storliga hátt vaxit utan með laghum skogi ok fagrum grausum, einkanliga þeim megum, sem at vissi borginni Seponto. I þeim fiallzhvirfli 25 er Michaels musteri, ok i því musteri er su bok, er sva vattar af sinni fundning ok upphafi, at i greindri borg Seponto var forðum einn harðla ríkr maðr Garganus at nafni, hann atti marga hiorð, naut ok sauði, svin ok yxn, gømul ok yngri; með ymisligum hætti lagði hann undir sinn² rikdom fiallit Garganum ok let þar ganga 30 hiorðina i hogum goðum, var því fiallit kent við nafn ríka mannz; er þo su grein i meðal, at heiti fiallzins skal seint leiða, en mannz nafnit skiott. Nu ber sva til **æ** naukkuru sumri, sem smali ríka mannz gengr i fiallino Gargano, at graðungr einn hafnar veniuligt samlag sinna kumpana ok ferr miok einn samtt um sumarið, sva at 35 blandaz ekki vit aunnur naut. Liðr sva timi, þar til um haustit, at ríki maðr lætr skoða hiorðina ok heim rekæ, er þa saknat graðungs, er getit³ var aðr. Hvar firir burgeissinn hefir uppi mikit fiolmenni sveina sinna ok sialfan sik, fer fram i fiallit ok leitar, sem list var til, allt þar til at hann sialfr herrann kemr upp i

40 1 heilagi **A.** 2 sik **A.** 3 gætt **A.**

fiallzins koll ok ser um langt, hvar gradungrinn stendr firir hellis-
dyrum nokkurum. Verðr hann sva reiðr þessari syn, at hann
settr aur æ st(r)eing ok ætlar at skiota i gegnum gradunginn ok
gmbuna honum sva einferðir sinar ok uspeki. En er skaytið kemr æ
aplann¹, snyr því æ annan veg, en maðr hugdi, þviat sva for til at 5
iafna, sem sterkazti vindzbylr kiæmi æ moti ok kastaði aptr somu
leið, stef(n)ði æ bonda miðian ok snaraði i gegnum hann. Ok er
borgarmenn Sepontini sia þessi nyvorðin tiðendi, hræðaz þeir
ækaflega ok þora eigi nær at koma, skynda sem mest aptr i borg
ok segia byskupi, hversu giorz hefir. Ok meðr því at byskup var 10
bæði vitr maðr ok goðr firir guði, neytir hann spöku raði ok kallar
saman borgarmenn i höfuðkirkiu stadarins, kunnigt gerandi, hvat
fram hefir farit litlu aðr med leyndum guð(s) domi i braðu liflati rika
mannz, greinir hann ok undirstöðu þessa hlutar. En hvat þetta
allt saman hefir þyða, seghir hann af himnesku sæti leitanda: «Þvi 15
byðr ek þriggia natta fōstu um alla borgina með bænahaldi, at
almattigr guð virdiz birta sinni kristni þat, er hann ser naudzsyn-
ligt i þessu mali.»

14. Sem allir hlyða giarna sinum feðr byskupinum ok hafa
sva lenge fastað, auðlzt herra byskup æ þriðiu nott fōstunnar 20
mikinn fagnat, þviat honum birtiz i syn gofugligr herra með
himneskri birti andlitzins ok liomandi fegrd klæðanna, sva talanði
til hans sem her ma heyra: «Vel tokz yðr ok viturliga, at þat, er
leynt var firir monnum, baðu þer guð auðsyna, þviat eigi ma
iarðnesku hugskoti liost verða þat stormerki, sem i því leyniz, er 25
maðrinn var gegnum grafinn sialfs sins handskotinu; vitið æn ifa,
at þetta er gort með minum vilia, þviat (ek) Mikhael höfuðengill,
er iafnan stendr i augliti guð(s), hefir skipat, at sa staðr i fiallinu
skal vera hreinn ok heilagr, frials af allri sorgan ok bloðsuthelling,
mer til dyrkanar valdr æ iarðriki; villða ek syna með þesso takni, 30
at ek er ver(n)dari staðar þess ok ælitari allra goðra hluta, þeira (er)
þar gerazt með rettri tru ok goðfysi.» Eptir sva talat hverfr synin
brott fra byskups augliti. Ma sva spyria, ef likar, or vitran þessari,
(hversu) hinn sætazsti Mikhael sagðiz iafnan standa firir guðs aug-
liti, þar sem hann var æ sagðan tima her æ iarðriki firir augum 35
byskups Sepontin(i), þviat þat ma eigi skilia eptir likamligri staða-
setning, at engill sa, sem eigi var i ollum stöðum senn, megi bæði
standa æ himni firir guðs augliti ok vera þo hegat sendr æ iarð-
riki. En þessi spurning verðr auðvelliga leyst, ef ver hugsum, at

guð er í öllum hlutum ok þó með engu moti inni strengðr¹, ok hann er um alla fram ok hvergi uti luktr; renna því englarnir firir omællt viðerni hans guðdomligrar navistu, hvart sem þeir renna til himins eða iarðar, ok þó at þeir se eigi í öllum stöðum, þá er hann þó þeim nalægr í öllum stöðum, ok því mega (þeir) hvergi fara fra hans augliti; rikir sva sanleikr í orðum sæls Mikhaelis, því at hann er enn hæsti guðs ærendreki.

15. Nu er þar til at taka, sem byskup vaknar gerandi sonnum guði lof ok dyrð firir sina milldi, kallar hann enn sem fyrr saman 10 allan borgarlyð fram til kirkju um morgininn, greinandi þeim meðr guðshræzlu, hvat hann hefir heyrt ok seeð um nattina. Síðan nefnir hann agætazstu menn borgarinnar til ferðar með ser upp æ fiallit Garganum; ok er þeir komo þar, sem hæst var, finna þeir tvær dyrr í fiallinu, aðrar til suðrs aðrar til norðrs, voru þær stærri 15 er stoðu til norðrs. Sia þeir, at frami firir norðrdyrunum eru gradur nokkurar, aðr nalgiz dyrnar ok hurðina sialfa, en uppi yfer pöllunum lykr biargit sinu rafi æ þann hæat sem eitt forhus. En er Sepontini koma her inn í fram at sialfri hurðinni, þora þeir eigi firir augu sin at forvitnaz lengra, þvíat sva bar miklum otta ok 20 heilagleik ifer þenna stað, at engin dirfiz framarganga, en honum er nefniliga lofat. Koma borgarmenn af Seponto fra þeim degi iafnan upp æ fiallit at biðia ser guð miskunnar ok hinn helga Mikhaelem, standa þeir dagliga firir dyrum uti, þvíat enn var þeim eigi lofat at ganga inn í sialft musterið.

25 16. Nærri þessum tíðendum geriz þat, at su heiðin piðð, er Neapolite kallaz, stridir upp æ Sepontum ok setz um borgina. Höfðu heidnir menn liðsafla myklu meira, sva at borgin var skiott uppgefen þeira valldi eptir líkendum. Þvi gefr herra byskup þat rað sinum borgarmonnum, at þeir beiði þriggia natta frest af 30 heiðingium til raðagiordar, hvart þeir skolu borgina upp gefa eða veria, meðan þeir mega. Ok sakir (þess) at Neapolite pikkiaz einn vegh í hendi hafa rað borgarmanna, hvern vegh sem þeir taka, gefa þeir dvalir þessar. Þat gengr þeim ok annat til, er þeir fresta atgongu borgarinnar, at þeim þikkir vel standa, þó at Sepontini biði sva 35 meira skaða fiar ok sæmða, at þeir taki firir fram þriggia natta kvöl í velltiligu hioli sinnar raðagiordar. En í þess hattar brögðum blekkiazt heiðingiar eigi litt, þvíat allan tíma þenna nætt með degi standa Sepontini í liðzdrætti eigi af iarðneskum herodum, sem vita ma, þvíat þeir voru inni stre(n)gdir af her Neapolitarum, helldr er

Þessi liðsamnaðr af himneskum ríkium. Þviat byskup þeira byðr sva, at meiri ok minni skal hallda þriggia nætta faustu um alla borgina ok biðia fulltings almatkan guð ok helgan Mikhaelem, at hann veiti þeim nokkura asia, sva at þeira frelse ok fôðurleifdir leggiz eigi undir heiðinn dom. Þvilik er framferð kristinna manna at vaka til guðs ok biðia miskunnar. En Neapolite fara leið aðra, þeir fæaz alla þessa daga i leikum storum ok þionostum guða sinna, at þeir efliz því framari moti kristnum monnum.

17. Sem ifir stendr hin þriðia nött fôstunnar ok hin næsta firir bardagann, birtiz Mikhael Sepontino byskupi i annan tima sva segiandi: «Fagni þer, þvíat heyrðar eru bænir yðrar; því buiz i morgin röklega fram i strið ok byrit¹ orrostu æ fiorðu stund daghx, skolu þer þa profa mitt fulltingh, sva at fôgrum sigri munu þer fagna eigha.» En er byskup vaknar af vitran þessi, synghr hann lof hinum sæla Mikhaeli birtandi lyðnum þæ feghinsogu, at raðinn er sigr i orrostu. Gerizst nu þegar gleði mikil² i folki guðs, sva at langar til bardagans. Ok þegar arlla buaz þeir ok herklæðaz hvatlega, eru þa ok heiðingiar³ bunir ok hafa fylkt firir utan muraða. Sem her er komit, at hvarirtveggio eru bunir til atgongu, sia kristnir menn, at þoka mikil liðr niðr ifer hæsta hlut fiall(z)inzs Gargani, her med heyra þeir gnyreidir miklar, þvílikt sem pipri fiallit allt, en ut af þokunni fylgia elldingar som orfar gloandi fram i flokk Neapolitarum, sva at engi hlif ma við standa. Fyllidiz vel æ þeim degi spasaga Davids, er hann tok sva til ordz at lofa guð: Qui facit angelos suos spiritus et ministros suos flammam ignis etc. Her þarf eigi langt um, utan þegar i stað brestr flottir æ heid(in)gium, þvíat orvar Mikhaelis urðu snarar ok harðla manskæðar, sva at þar firir rufuz allar fylkingar. Rennr nu hverr sem harðaz ma, en Mikael ok hans menn reka flottann með mikilli akefð ok harðfengi. Sottu heidingiar ret matuliga kaupferð til Sepontum æ þeim degi, þvíat nu eru þeir dreifdir, hraktir ok drepnir, sumir með elldi, sumir meðr iarni. En þeir sem lifit þiggia, komaz sem nauðughligazst aptr i borg sina Neapolim barðir ok sprengðir af mæði, hófðu latið lið mikit ok frit, þat til marks at firir orum Mikhaelis einum saman hófðu fallit .vi. hundrat manna, en þat at auk allt, er Sepontini hófðu drepit brukum niðr sem busmala. Ok er su auma þioð kemr skilning æ, hverr kraptr⁴ stoð meðr kristnum monnum, kasta þeir villuklæðum en skryðaz

1 byriar A.

2 mikla A.

3 hváðigiar A.

4 karprr A.

heilagri tru; fengu þeir með þeiri atferð lifit, at þeir voru bardir til batnaðar.

18. Eptir þenna ægaeta sigr venda Sepontini aptr með fagnaði til borgar sinnar ok dveliaz litinn tima, aðr þeir heim sækia sinn
- 5 hertuga Mikhael hófuðengil fram i Garganum, þess ærendis at offra honum makligar lofgjörðir firir þa mætku hönd, er hann tiaði þeim i sinni nauðsyn. Ok er þeir koma arla upp æ fiallit fram firir þær norðdyrr, er aðr voru greindar, sia þeir þa nylundu, at i biarginu frammi firir forkirkju eru nykomin tvö fotspor, þvilikt
- 10 sem maðr hefði stigit i kramman snio. Skilia þeir, at þetta er elskumark Mikhaelis til verndar ok nalægðar viðr þan heilagan stað. Reisa Sepontini þar síðan vegligt musteri ok setia altarit þar sem sporin voru; tok su kirkia nafn af fotsporum Mikhaelis ok var klluð Appodonia. Aðra kirkju efla þeir til austurs fra must-
- 15 erinu Mikhaelis til lofs ok dyrðar sælum Petro hófðingia postolanna; i þeiri kirkju voru alltari tvau, annat vight ok helgat guðs moður Marie, en annat sælum Johanne baptista. En mustari Mikhaelis stoð sem aðr lukt ok læst, þviat menn þorðu ekki at gera, fyrr en guð birti. Hafði byskup Sepontinus margan traktatum af þvisa
- 20 efni með sinu villdazsta raði, hvart hann skilldi treysta upp at luka ok vighia musterit, ef guð bannaði eigi. En þat verðr statt i raðagjörðum, at hann gerir sendimenn með brefum til herra pafans i Romam; i brefum skrifar hann greiniliga allan haat af þeim stormerkium Mikhaelis, er um stund hafa lesin verit, biðiandi
- 25 postoligan herra, at hann segi, hversu bezst er geranda i sögðum vanda. Sem giorr er boðskaprinn, taka sendiboðar orlof ok raða i vegh; ber þeim sva giptuliga til, sem væan var, at herra pafinn hefir farit i moti þeim eigi minnr en fimtigi milna firir einshveria kirkiunnar sauk. Þessi romverski byskup heitir Silvester pafa
- 30 nafni ok viðrkvæmiliga, þviat hann hafði forðum þolat ofrið ok ofsoknir guðs ovina ok flyit undan i fiall Sarepte, sem gjörði hinn fyrsti Silvester pafi, er kristnaði Konstantinum hinn mikla keisara. Var þessi guðs maðr likr hinum fyrra, heilagr ok rettviiss, milldr ok litillatr. Þvi fa sendimenn byskups af Seponto bliðar viðtökur
- 35 æ pafans garði, ok eru giarna heyrðir ok æan dvol með sinum ærendum fagrliga greiðdir. Koma þeir aptr i Sepontum berandi sinum byskupi bref af herra pafans curia, hver upp broten ok iferlesin hallda þvilikan skilning af mali Mikhaelis meðal annarra greina: Ef þat er, segir herra pafinn, guðligh skipan ok forsio, at
- 40 musteris vigsla Mikhaelis veitiz firir dauðlighs mannz þionostu

byriar at þvilikt embætti geriz æ þann sama dagh, sem Mikhael birti sinu stormerki firir þa sigrvegaragiof, er þer skrifuð ut til vær i brefum yðrum. En ef herra stadarins likar betr qðruvis, synizt oss, sem hans valld ok vili se framaz biðienda til birtingar ifir þvisa mali æ þeim sama degi. Þvi er þat vort rað, at ver ok þer bioðit vorum borgarmonnum þriggia natta fõstu moti þeim signaða deghi, næst er hann kemr, biðandi heilaga þrenni(n)g, at þer giasfir, sem hann virðiz veita firir hinn hæsta þion sins almættis villia, leiddi hann ut til æskiligs enda. Sva segir virðuligr herra pafinn, ok hans rað er fyllt ok framkvæmt i alla grein. En þann tima sem yfir stendr hin sidarsta nott fõstunnar, birtiz hinn blezaði Mikael Sepontino byskupi i þriðia sinn með dyrd mikilli sva mælandi: «Eigi er þorf, segir hann, at þer vigit þat mustari, er ek smiðaði, þviat ek sialfr helgaði min handaverk; nu gangit inn i morgin með minu orlofi, er þa mitt at syna, hversu ek hefe helgat þenn sama stað firir sialfan mik. Þu skaltt syngia þar messu i morgin ok gefa ollum lyd þionostu, en ek patronus stadarins skal nærri standa ok offra guði yðra þionostu, skolu þer ok heðan ifra optarr vitia staðarin(s) firir mina þökk ok vinattu.

19. Nu sem byskup vaknar af hinni þriðiu vitran, þakkar hann værum herra sina margfallda miskunn, segir hann sinum borgarmonnum, hvat hinn heilagi Mikhael hefir synt honum, ok byðr at fiolmenna sem mestt upp æ fiallit, þar með skipar hann monnum til at flytia seerhveria hluti, er hatiðinni til heyrðu ok þionostugiorðinni. Ferr byskup ok klerkar hans i aundverðu liðinu með bænnum ok lofsongum, en allr meginherrinn fer siðar meðr saunnu astriki, synda iðran ok rettum viðbunaði, ok arla dags koma þeir fram gangandi at suðrdyrum¹ kirkiu, gera þar letanias firir uti, aðr þeir lyki upp dyrunum. Sipa ganga þeir inn með guðligum otta. Verðr þa i fyrstu firir þeim þvilikt sem eitt skot fra suðri til norðs moti þeim dyrum, er fyrr voru greindar, ok fyr en þagat kiæmi, finna þeir til austr(s) sialfar musterisdyrnar, ganga inn ok litaz um, sia at musteri þetta er einn hellir² bæði uslett um raf ok veggi, sva at hvassir hyrnusteinar stoðu hvervetna; eigi var ok hæra i morgum stoðum, en hõfuð manz tok upp undir þekiuna, en sumstaðar þvi hæra, at maðr matti varlla taka upp hendi sinni. Eigi var hon ok me(i)ri vexti, en hon tok með skotinu .v. hundrat manna. Til suðs i musterið sia þeir virðuligt alltari fagurliga prytt með rauðu klæði, er enn blezaði patronus Mikhael

¹ syðrdyrum Δ. ² heillir Δ.

hafði gefit kirkiu ok offrat alltarino æ hennar vigsludagh. Varð
 nu fagnaðr mikill i husi guðs, þviat allir dasamuðu þat himnæska
 litillæti, sem enn af nygiu birtiz i verki þessu, þviat hvervetna
 var at sia dal um hol, klettr vit klett, en allt at einu var staðrinn
 5 sva heilagr ok guði kiærr, at eigi ma orðum skyra; i hverri vars
 herra skipan þat gefr skilia, at hinn blezaði Mikhael elskar meir
 sæluhialp sannrar goðfysi en skygðan marmara með steindu rafi.
 Saung byskupinn þar messu nefndan dagh ok gaf þionostu öllum
 lyð. Var þar innan kirkiu vautn i gnog til allrar þionostu,
 10 þviat bergit var sveitt vatni, en til norðrs fra alltarinu fell niðr or
 þekiunni smatt ok fagurt vatn, eigi oðara en deilldi storum dropum.
 Var þar síðan samit til glerker eitt harðla vænt ok fest undir
 dropann með silfurst(r)eingium. Gekk lyðrinn þar til iafnan um
 gradur nokkurar, þa er þionostan gafz i musterinu. Þa vatnræs
 15 kalla Sepontini stillam, af því blezaða vatni veitir Mikhael margum
 manni skiota heilsu af ymisligum kran(k)domi, riðusiukir menn koma
 þar, kreptir ok likðrair, veslir ok vanmattughir, ok finna sva
 mikinn krapt af husi Mikhaelis, at sumir komaz eigi upp æ fiallit,
 aðr þeir verða heilir. Eru þar i vegginum grafit steinlikan til minningar,
 20 sem þeir vurðv heilir, æ þann hætt formeruð, sem hattaðr var
 krankdomr¹ þeira. Einkanliga stendr hinn mætazsti Mikhael
 i þvilikum heilsugiofum æ sinn hatðardagh tertio kalendas Octobris,
 þviat² þa sækir til musterrissins af morgum halfum Italie³ (meiri
 foldi, en vant er, ok er þa) hinn hæsti guðs ærendreki því nalægari
 25 með sinum bræðrum englunum, sem fleiri koma saman i rettum
 bænum.

20. Sem ver hofum Sepontino byskupi fra vikit ok hans
 sonum um hrið i voru mali, er nu greinanda, at eptir messuem-
 bættið fagurliga flutt vendu menn heim meðr fagnaði til sins goðz
 30 ok herbergia. En sa goði maðr byskupinn veitti Mikhaeli sva skyld-
 uga þionostu dag fra degi. Þar var reistr bær ok kennimenn
 skipaðir at officera kirkiu; engan tima sagðiz þar ottusongr, fyrr en
 liost var af degi, þviat sva mikil ogn stoð af musterinu um nætr,
 at eingi maðr þorði inn at koma; ok þat er eigi undarlikt firir
 35 þa grein, at sva segia sannorðir menn, at æ hveria natt flytiz þar
 messuembætti æn dauðligra manna fulltingi ok nakvæ(m)ð. Hefir sva
 vitraz, at skipaðr þionn kirkiu skal til reiðu lata hvern dag at
 kvellið bakstr ok vin meðr oðrum messufongum, hvat er styrkir einn
 æfintyr, sva framt sem guði likaði ok honum [virðiz eigi⁴ ofsagt vera.

40 1 krangdomr A. 2 þat A. 3 turis tilf. A. 4 [virðir A.

21. Sva er senniliga lesit af einum haleitum byskupi, at Bonus het, hann bar traust til sakir sinna ægætra verðleika at vaka um nött i musteri Mikhaelis, því at sialfr guð ok hinn sæli Mikhael dæmðu hann þess makligan. Þessi hinn heilagi Bonus var ættaðr ok uppfæddr i Frakklandi, mikill ægiætismaðr i sinum byskupsdomi, þvíat þat gæzkunafn, er hann bar æa likamanum, fyllði hann daglega með sæmiligum siðum ok andligum framningum, varðveitandi sik sialfan ok ser æa hendi folginn lyð undir rettu lögмали ok heilogum guðs boðorðum, berandi ser i höndum loganda tortis goðra verka til eptirdæmis sinum undirmonnum. En með því at fyr sögð 10 kirkia hins signaða Mikhaelis er nu storliga fræg vorðin um heiminn, sæktu hana, sem fyrr greindi, utöluligir lyðir karlla ok kvenna af fiarlægum herðum ok iafnvel byskuparnir sialfir, þvíat þessi staðr var einkanliga til þess kosinn af guði, at menn þægi þar rettar bænir. Signaðr Bonus byskup ferðaz heiman af sinum 15 byskupsstol með gloandi goðfysi ok godu fauruneyti fram til mustervis heilags Mikhaelis; ok er hann gengr inn i musterið meðr auðrum monnum til aptanssöngs um kveldit, dvelz heilagr Bonus einn samt eptir i musterinu takandi ser leyniligan stað undir einum hellisskuta at uvitandum varðhallzmonnum kirkiunnar. 20 Vakir hann þar um nöttina goðfusari i guðs lofi, en ver megrim sem verðugt er fra segia; hann minniz æa ok innvirduliga eptir leitar, hvat hann hefir hæsta guði i moti gort i umliðnu lífi, grætr þat allt ok sytir af aullu hiarta biðiandi sælan Mikhael hofuðengil, at hann offri hans bænir ok þægi hans tar i augliti hins hæsta 25 domara. Nu sem komit er midnætti ok byskupinn starvar i greindri goðfysi, heyrir hann fagran saunghhliom upp i loptið með sva undarligum sætleika, at öngar iarðligar raddir mattu við iafnaz. Þessi skemtanssyn nalægiz hvern tima fra öðrum musterið, þar til at byskupinum gefr sia, at guðligt lios geislar hvervetna inn 30 um þekiuna; her eptir, sem liosit rennr firir, fara himneskir flokkar heilagra engla berandi sigrmerki firir sinum höfðingia með fögrum söngh ok sætum hliðum. Her með seer hinn signaði Bonus at fara skinandi borgarmenn himneskrar Jerusalem leiðandi sin i millum sialfa drottning himins ok iarðar, mey ok moður, 35 hina sætu Mariam, hana sæmandi ok alla vega vegsamandi með sva fridri fyllgd ok tilskipuðu foruneyti, sem öngu ma vit iafna eptir iarðligum hætti. Nu sem virðuligt sæti er firirbuit ok drottning allra höfðengla ok heilagra manna hefir niðr setzst, ganga fram i korinn firir hasætis nokkurir af frunnar hirðsveitum biði- 40

andi hana litillatliga meðr knefalli, at hun skipi til nokkurn mann at flytia messuembætti. En guðs modir Maria svarar sva þeira mali: «Berit þau min orð Bono byskupi, at hann skrydiz ok syngi messu, þviat honum ber ek þat vitni, at hann er makligr sva

5 ægætri þionostu.» Virðuligr maðr guðs byskupinn, sem hann heyrir fruinnar orð þvilik, bliknar hann ok piprar allr af hræzlu færandi sik ut undir biargit sem mest, þviat hann vill lifs giarna felaz firir fruinnar sendimonnum. Se þar gerizt haleitt stormerki, þat er vattaði hans heilagleik, þviat biargit gaf honum rum ok laut undan

10 honum, sva sem hann hallaðizst i kramman snio, ok seer merki þess. En þoat biargit hlyddi hans heilagleik, þa vinnr byskupi eigi þorf, þviat drottningarinnar sendiboðar eru storliga fundvisir, sva at rett ganga þeir at hit gegnsta, hvar er byskup liggr undir biarginu þoat miog laght ok leyniliga, gripa hann hõndum þegar i

15 stað ok leiða fram i herbergit ok musterið ok skryða hann himneskum klæðum, sva sem byskupi til heyrir. Sem hann er skrydr, leiða þeir hann fram firir altari ok gera messuembætti eptir kristninnar formi. Hverr dauðligra manna megi þat virða, hversso mikla sæmð ok æru¹ almattigr guð veitti sinum virkta vin Bono

20 byskupi her þegar i dauðligum likama: hann stoð iarðneskr millum himneskra krapta pryddr himneskum skruða, takandi alla þionostu messunnar af litillatri undirvorpning høfuðfeðranna ok spamanna ok annara guðs astvina. Nærri var stodd hans þionostugiorð sialf drottning allra hluta hin mildazsta Maria ok bioðandi honum

25 hatiðliga messu at syngia; sva var til skipat þionostumonnum, at høfuðfeðr ok spamenn bera fram kalek, vin ok vatn, ok hella æa hendr honum, postolar greiða til handklæði, pislarvattar bua til reykelsti samtemprat himnesku timiamate. En englar, iattarar² ok meyyar syngia hunangligum røddum ut messuna. Ok er guðs maðr

30 byskupinn hefir algort guðlikt embætti með einkanligri ast ok gloandi goðfysi, gefr gimsteinn allra meyya hin sætazsta guðs modir mæR Maria honum þokk firir, ok i elskumark firir þionostugiorðina gefr hun signuðum Bono byskupi eitt himneskt klæði, þat er hann þiggr með meiri ast ok litillæti, en nokkur tunga megi skyra sinum

35 framburði. Eptir sva gort, sem nu var greint, liðr þessi himneski flokr upp i loptið heim til himirikis, en byskup vakir, þat sem eptir var nætrinnar, lofandi guð almattigan ok hans blezaða modur firir þa miskunn, sem honum var veitt i sinni voku; gengr sidan um morgininn ut af musterinu kallandi til sin rettvisa menn ok

guðfusa ok segir þeim greiniliga allan eventum, hvat hann hefir heyrð i musterinu, seð ok gort æ þeiri næt, þar með synir hann litilatlaga þat himneska klæði, sem herbergi heilags anda hafði honum gefit, biðia(n)di alla menn fagna meðr seer ok gleðiaz af sva miklu stormerki.

22. Eptir þessa hluti fyllda ferr heilagr Bonus heim til sins byskupstols gerandi guði þakkir af þeim hlutum, sem honum höfðu at boriz i þessarri ferð. Flygr þat ok skiotliga víða um heiminn, hvilika sæmdarfaur Bonus byskup hafði farit til musteris heilags Mikhaelis; ok firir þa sauk at margr er sa virðingar¹ giarn, sem 10 eigi er i lifinu til fullz vandvirkr eða athugall, þa frettir þetta ok einn byskup, sa er miklo var lægri at verðleikum, en hann mætti nokkut samiafnaz Bono byskupi, ok lyptir heiman sæmiligri ferð af sinum byskupstoli með gnogum kosti ok ríku foruneyti þess ærendis at profa, ef hann oðlaðiz nokkut likt því, sem lesit er af 15 hinum fyrra byskupi. Nu sem hann kemr fram i heilagt (fiáll) hins sæla Mikhaelis, slær hann langtialdi sinu ok sitr glaðr um dagin hia kumpanum sinum. Ok firir þa sok at hann vill óþyrstr ganga til vøkunnar, drekr hann vin sva diarfliga, at hann er miog sliofaðr bæði i samvizsku ok sonnum goðvilja, en þo allt eins 20 gengr (hann) i musterit sið um kvelldit ulikt tilbuinn² ok hinn fyrri byskup. Sa þungr af tærum ok iðranar goðfysi, en þessi svefnþungr³ af vist ok vini. En þo at þessi byskup byggir sik eigi til vøkunnar sva sem skilldi, giorði almattigr guð ok heilagr Mikhael vit hann mikla miskunnsemi með faheyrðum hætti. Hann 25 vindrukkinn sǫfnar i musterinu, en vaknar um morgininn eigi þar, helldr heima at sialfs sins byskupsstoli ok i sinni svefnskemmu. Nu sem hann lykr augum upp, signar hann sik, ok hverssu vit veit, fær hann eigi skilit, þvíat hann kennir blauta sæng ok ser kunnikt herbergi, en man þo fullgiorlla, i hverium stað hann var 30 næst um kvelldit. Sem hann hefir lengi undrat sialfan sik, gengr hann ut af herberginu ok litaz um, ser þionostumenn sina þar i garðinum ok heilsar æ þa, ok hyggr sik þo senniliga villaz i þessum hlutum öllum, þar til at eptir stund liðna hverfr hann aprt til sialfs sins ok setz niðr hia sinum monnum segiandi þeim litillat- 35 liga, hverssu hin goðgiarni guð hefir um hann gort stormerkiliga ok miskunnsamliga. Heðan af er virðanda, hverssu hinn goði Mikhael er ifirvettis milldr firir hvern, er sva dasamligar iarteinir verða, þvíat hann⁴ þyrmdi sǫgðum byskupi misgeranda ok let hann til sins

1 virgingar A.

2 eða tilf. A.

3 svefir þungr A.

4 þat A.

herbergis heilan aptr hverfa, heldr viliandi at hann leiðrettizt, en firirferiz eigi i sinum misverka. Nu til þess at engi maðr ætli þessa hluti usanna vera, sem ver sögðum, þa viti firir vist, at þat klæði, sem guðs moðir gaf Bono byskupi, varðveitiz firir utan spell
 5 ok folvan allt til þessa dags i einni fagri borg, er Clarus Mons heitir. Su borg stendr i því heraði er Vernonis kallaz. Klæðit geymiz i kirkiu guðs modur heilagrar Marie, ok fær engi iardligr maðr skilning æ komit, hvers vefnaðar eða natturu þat er utan eða innan. Ok enn til styrktar um þetta er sva skrifat, at virðuligr
 10 herra herra¹ Herbert byskup af Norvik hafði seeð ok höndum farit þetta klæði.

23. Greint hefir verit um hrid, hversu blezaðr Mikhael pryðir australfu heimsins meðr kreyptum ok iarteignum þeim, sem guði einum er mattulig ok fylliliga kunnigh. Þvi skal boða þessu næst,
 15 hversu drottinn allrar milldi dreifir sina ousmæðiliga miskunn ifir vestrhalfuna firir ast ok meðalgongu sins kærasta sendiboða Mikhaelis herra höfuðenglanna, til þess at eitt ok hið sama efni verði öllum liost i hverri halfu heimsins, at rettruadir menn eru skipaðir i samlagh englanna, sem fyrr var skrifat i þessu mali; því
 20 eru himneskir andar sendir i pionostu firir þeira skyld, er arftækir verða himnarikis firir sár ok milldi vðars liufa lausnara. Lesit var með nokkurri grein, hversu Mikhael kaus ser virðingharstað i hafu fialli Gargano, en nu skal af segia ok heyra i öðrum stað, hversu hann vill dyrkan sina gera lata með ulikum hætti. Þessi
 25 staðr, er nu skal af segia, stendr firir utann haf i vestrhalfu heims, hann er kominn miog undarligha ok leyniliga, hann stendr medal tveggia ósa þeira vatnfalla, er annat² heiter Seia, en annat Sennuna. Uthafit sialft gyrdir at firir utan sva hart at floðunum inn i baða osana, at siorrinn gengr æ læghlendin bædum megin firir ofan
 30 staðinn, sva at þa er i einum floa stendr, þa (er) i miðiu sem eitt litið eyland, þat er kirkiu helgi Mikhaelis bannar, at siorinn meini. Sva segia gamlir menn ok sannorðir, at þetta nes medal annara væri at fornu vaxit með þykkri iorð ok storum skogi, sva at voru víða einsetumanna bygdir, þvíat sva var leyniliga kominn stadriinn
 35 bædi sakir þykkleika merkrinnar ok fiarlægra manna bygdar. Skogdyra foldi var þar ok mikil hia einsetumonnun, sem víða er titt i eyðimorkum. Ok meðan drottinn villdi sva vera lata, at einsetumenn bygði þenna (stað), skipaði hann sva sinu einvalldi, at einn prestr af þorpi því er Austerianus heitir færði þeim likamliga vist,

40 1 hefir A. 2 sva A.

þviat i sialfri morkinni var engi von matfanga. Goriz þat i fyrstu, sem skilianlikt er, eigi oðruvisi en i stormerki birtingar Mikhaelis af guðs alfu til kennimanni(n)s, at honum er staðrinn synðr ok sagðr, ok hvat hann byggir, eða hversu hann skal hialpa með dagligri huggan þeira lif, sem þar eru. For sva langan tima, at prestrinn tok asna sinn hvern dag ok færði einsetummonnum vistir; var æ þeim doghum, er þetta giorðiz, forlendi mikit milli merkrinnar ok hafsins eigi minnr en .vi. vikur.

24. En þa er guð villdi um venda þessum stað ok bua til virðingar Mikhaeli sinum sæla vin, gengr siorinn æ landit ok ryðr iorðina alla fyrst upp at skoginum, en siðan fellir hann morkina ok kemr monnum¹ æ flotta, grefr brott grasrot alla ok gerir sem einn slettan sand alla leið upp i milli ænna, sva langt sem guð villdi skipa. Nærr i miðiu plazi stendr einn klettr, er guð hugði til eptirkomandi hluta. Ok er værr herra Jesus Kristr hefir staðinn með sva nyium hætti til buit, er segianda, at i þeiri borg er Abrincus heitir var agætr byskup Auðbertus² at nafni - su borg stendr sex milur brot af gre(i)ndum stað - var byskup hennar miogh heilagr maðr, sem guð virðiz syna honum ok hinn agæti Mikhael, þviat nokkura nott, sem byskup sefr i sinni sængh, birtiz honum blezaðr Mikhael með skinandi dyrð himneskrar birti ok mælir æ þann hætt, sem her fylgir: «Auðberte³ byskup, heyr hvat ek segi þer. I þeim stað er nu kallazt Arenna skalltu lata kirkiu reisa mer til sæmda, þviat ek er Mikhael höfuðengill, hefir ek þenna stað kosit ok blezat mer til virðingar i þessi halfu heims næri borg yðvarri, ok sva sem min dyrkan geriz i austurhælfunni æ hafu fialli Gargano, sva veitiz mer lof her með yðr i lagum stað æ siofar sandi.» Eptir sva talat vaknar byskup ok hugsar invirðuliga, hvat firir hafði berit, ottaz firir litillætis dygd, at hann muni gabbaðr i svefni firir umsat leyniligs ovinar, sem syndugum monnum kann opt til bera; þvi hugleidir hann postolans rað, er sva talar: profi þer ændana seghir hann, hvart þeir eru af guði. Firir þvilikar ok adrar hugsanir dvelr byskup at fullgeyra boðna hluti, þar til (er) hann fær vitran aðra meðr sama hætti, er nu þo mun striðara æmintr, at hann hafi sik frammi ok algeri þat, sem honum var boðit. En byskup fer sva, þoo at hann væri heilagr maðr ok miog kiærr gudi, sem hinn heilagi Gregorius pafi vattar af spamonnum, at þeir höfðu nokkurn tima spadomsanda ok nokkura eigi, sem guð villdi skipa þeim til litillætis varðveizlu, at þeir

1 morkum A.

2 Augbertus A.

3 Augberte A.

kendi því gior, hvat þeir toku i gíof eða hvat af sialfum ser. Þessu líkt geriz með Abrincensi byskupi, hann fær eigi skilit smasmugliga grein andanna, þvíat hans hiarta slíofaz i manligum veykleik, sakir þess at fremri gípt er honum undan dregin i þetta sinn, er hann þó senniliga miog hrædr firir þessar tvær æminningar, er hann ofreynti sik eigi, þat er guði heyrir. Þvi leggrr hann íafnan bænr miukar ok litillæti, at værr herra Jesus Krístr þyrmi hans hindran ok tortrygd, en greiddi þetta mál til æskilígs enda.

25. Rett i þann tíma sem Abrincensis byskup hefir tekit
 10 sagðar æminningar tvær at tölú, ber sva til i sagðri provincia, at einn graðungr er leyniliga tekinn brótt fra hiorðinni eins bonda. En sa er tok, gerir þat meirr sakir fornarr (o)vinattu en þíoflígrar sialfs síns girndar; því leidir hann þat skrautlaga naut, er bezst var allra með hiorðinni, brótt i þann stað, sem hann hugði at allðri
 15 skíldi finnaz. En meðr (þvi) at optlaga kemr saman goðr víli guðs ok illr víli mannzíns, þa leidir þessi maðr graðunginn til fylsnis fram i þann stað, er ver greindum fyrr af, ok hann kemr ut meðal annara fram æ sandana. Ser hann, hvar kletr stendr i miðiu, her til ferr hann ok skoðar biargit uppi ok níðri, hva(r)t hann fyndi
 20 skuta nokkurn eða helli at bíða nautið ok fela, ok er hann hefir rannzsakat, finnr hann i ovanverðu storlaga mikla delld, sva at þat er et bezsta leyni, ef hann fær graðungenum upp komit. Þat kostar hann ok fær gort, ferr síðan fram a sandinn ok profar, hva(r)t hann sæi nokkut til graðungsins upp i bergit, ok ser eigi. Þvi
 25 snyr hann brótt ok þíkkiz hafa allvel leikit, hyggrr hann sik hlutlausan af stuld, en veit firir víst, at gra(ð)unghsins hvarf gerir ríka manni mikla hugsott ok margan rekstr hans at leita síð ok snemma. Ok rett for, sem hann gat, ríka manni líggrr ílla ok leitar i fremzstu laug, gefr eigi upp fyrr, en uti eru allar vænir, truir víst, at hans
 30 gerssími se vorðin spellvírkia brad, ok harmar þat, þvíat bondi var miogh ægiarn. En hvat graðungs greinir þessar hafa merkia i mali Mikhaelis, er þessu næst til veghar víkianda.

26. Sem her er komit, fær Abrincensis byskup þríðiu vítran i hardara punkt en fyrr, þvíat Mikhael hófuðengill bírtiz honum
 35 stríðr ok ogurlígr með avítanarorðum firir þa sauk, er hann ohlyðnaðiz tveim æminninghum; býðr honum nú i stað at býria sagðan guðs vília ok eigi nokkura minnzstan talman æ gera, gerir ok i mikilli roghsemð(t), at sva mikít skal hann aflat hafa i sínni hindran, at af þeim stað, er kirkian reisiz, skal hann sína fætr
 40 hvergi brótt hræra, fyrr en muserít er gíort til lykta. Víðr þess

hattar striðyrði sva mikils höfðingia verðr byskup ækafliga hrædr i svefninum, ok þo sva með guðs vilia at hann fær afl¹ at spyria þeira hluta, sem honum þótti mest þorf æ vera. Hann segir sva: «Herra minn sæli, hvar er sa staðr i því takmarki, er Arena kallaz ok yðvarri kirkiusmið se tilheyiriligr?» Hinn blezaði Mikhael s 5 svarar: «Nærri því biargi, er bundinn graðung hefir i sinum kolli, ok stendr æ miðium sandi, skalltu reisa mitt musteri.» Byskup spyrr þa enn: «Hvat er, herra minn, hvar skal ek af taka viðrkvæmilikt form þessa huss i vidd eða breidd eða hæð at þinum vilia?» Hinn blezaði Mikhael svarar: «Aðr graðungrinn var upp- 10 leidr i klettinn, gekk hann umbergis i hring æ sandinum, sva vitt sem þu skallt kirkiu reisa, verðr þa miog kringlott, a likan hætt ok ek smiðaði i Gargano, vil ek þar lata eptir mynda ok gera ræfr lægt², sem staðnum til heyrir; læt þer ok i hug koma, at griprinn se aptr golldinn þeim sem æ, siðan þu hefir seð ok skilit hans 15 firirætlaða þionostu.» Eptir þetta sva talat vaknar byskup bæði feghinn ok ottasleginn, lofandi guð ok gofugligan Mikhaelem með hinnum ok lofsongum ifir þrennum þessum vitranum. Birtir hann nu sinum lýð, hvat honum hefir synt verit af guði ok hinum sæla Mikhaeli, ok byðr i stað, at hans menn buizst sem hvatligazt fram 20 til staðarins. Tekr hann ser til fylgðar hina friðazstu klerka sinnar kirkiu, gangandi fram litillatliga með ymnum ok psalmodia, þegar hann nalægiz þann blezada stað. Ok sem hann kemr þar, ser hann oll merki, sem honum var iatat, biarg ok naut bundit, fotatrað³ ok fasena mustervis reisingh þvilika. Gerir hann nu 25 hvatliga boð tveim megum ut ifra ifir hvaratveggju æ Siam ok Senunam, at menn komi at sia ok heyra sannan guðs vilia. Ok sakir þess at Mikhael höfuðengill er harðla vinsæll meðal goðra manna, (eru þeir) bunir til mæðu ok erviðiz, er herra Auðbertus vill þeim bioða. Þvi hefir byskup þat upphaf, meðan lið er næzst, 30 at hann lettr ryðia staðinn ok grafa til grundvallar; en þann tima sem þeir hyggia at plazinu kirkiunnar, standa þar steinar tvöir iarðfastir i miðiu harðla storir, er miklu fara hæra en smiðinu heyrði. Þvi byðr byskup, at grafa skal umbergis ok treysta goð ætök, segir at þesser steinar skolu fara ut i grundvollinn sialfan. 35 Her þarf eigi langt um, brot eru til samin, treyst er ok æknuit meðr allri list ok klokskap, ok sitia ste(i)nar sem aðr. Fær byskupi þetta mikils æhuga, þviat starfsmenn firir leggiast ok fæ

ekki at gort, hvar firir mætum Mikhaeli er hugsanda at gera gott rað firir, sva at eigi falli verkit honum til sæmdar.

27. Nokkur rikr burgeiss var i einshverio heraði sva fiarlægr bröt af Abrinko, at þar höfðu eigi komit þessi fagnaðartiðendi, ok
 5 eigi hafði þar birtr verit boðskapr byskups um liðsafla. Þessi riki maðr het Baiuno, storliga völdugr ok mikils hattar upp ifir alla sina frændr ok heraðsmenn; hann sitr i þeim höfuðbæ er Icius heitir, hann atti tolf syni, voru þeir allir storir menn ok sterkir; höfðu þeir allir saman fæðgar sva sem konungs völd ifir lyðnum
 10 ok nalægum herudum. Þvi leitar sæll Mikhael þangat styrks ok birtiz rika manni æ næstu natt eptir, sem Auðbertus byskup er firir lagðr ok hans menn. Hann blezaðr talar þæ: «Þu riki Baiuno, segir hann, hefir mikit valld ok læn af guði firir marghattad eptirlæti fiar ok frændastyrks; þvi ris upp ok tær þitt afl i mina
 15 tign, þviat ek er Mikhael höfuðengill; ber þik arlla i morgin fram i liðsdratt ok kom sem fyrst með sonum þinum ok vinum æ fund Auðberti byskups, ger þat sem hann byðr, þviat hann er minn umboðzmaðr.» Eptir sva talat vaknar riki maðr ok gerir guði þakkir, hefir i somu stund fíolmenni uppi ok ferr með ollum skunda
 20 fram til Arennam a fund Auðberti byskups, segiandi honum þa vitran sem nu var lesin. Verðr byskup harðla feginn af þeima hlut, þviat nu er fundinn vattr annar ifir orðum ok vilia Mikhaelis, segir byskup Baiunoni, hvar komit er starfi ok sveita þeira kumpana i þarflaust at sva bunu um þria daga, þvi segir hann,
 25 at riki maðr ok synir hans skolo gera sina þionostu ok veita steinum atak eptir boði Mikhaelis. Ok æn dýð sem þeir koma ok profa steinana, eru þeir með guðs vilia sva lettir¹ ok velltiligir, hvert er likar, sem eigi hefði þeir griotligan þunga steinligrar natturu. Söng nu allr lýðr lof² Mikhaeli firir auðsena miskunn ok
 30 stormerki. Gengr nu herra byskup glaðr at verki með sinum huskorrllum skipandi ymissar³ syslur ser⁴ hverium, sem hann ser bezt bera⁵. Ok þann tima sem grundvollr er grafinn, fylldr ok til buinn, sva vidr ut ok inn sem byskupi þikkir hæfa þeiri kirkiu-
 35 stöðu, er heilagr Mikhael hafði honum vitrað, gerizst enn með nökkurum hætti ifasemd ok otti i hans goðfusa hugskoti, hvart efnit [vel þioni⁶ boðorði Mikhaelis. Her ifir ottaz hann ok biðr guð [styrktar um⁷ sina giorð, ef honum likar, at sva standi. Ok æ næstu nött birtiz honum syn þeiri lik, er lesin er forðum af

1 leittir A.

2 Her *begynder* B.

3 ymsar B.

4 þær B.

5 standa B.

6 [mandi(!) þiona bliðu ok B.

7 [styrkia B.

Gedeone, at dögð himins ste¹ niðr ifir annan hlut iarðarinnar en annan eigi, her með hlioðar rödd i byskupsins eyra sva mælandi: «Læt dögfallit ræða² grundvellingum, en þurrlendi iarðar se vöxstr ok viderni kirkiu.» Ok eptir sva sagt vaknar byskup ottalauss i öllu efni ok fullr af fagnaði, lætr reisa til musteris þegar æ næsta degi, ok gengr síðan sva greint með heilagri fliotvirki, at byskup ser, ef guð lofar, at sva er sem gort³. Þvi hugsar hann framleidis, at enn skortir mikit æ, sakir þess at þat nygia⁴ musteri hefir enga heilaga doma hins mæta Mikhaelis, þikkir honum þat miog i moti. Ok af þessu efni hugsar hann dagliga, þar sem hann sitr a því sama biargi, sem fyrr var greint i soghunni, þvíat vel hellt hann hvarntveggja boðskap Mikhaelis, fylgia smiðinni staðfastliga ok hvergi brött fara, ok þat annat, sem fyrr var sagt, at hann skyldi gradunginn aptr⁵ senda sinum herra. Berr þat biarg⁶ vitni, segir sa er saughuna diktaði, at Auðbertus byskup sat a því dagliga ok firir sagði musteri smið Mikhaelis. Þviat nærri því sæti, er hann kaus ser i biarginu, stendr til eilifrar minningar þat sama letr, er hann skrifaði með sinum fingri i 7 sialfum steininum allt eitt ok æ⁸ krommum snio.

28. Til lofs ok dyrðar sinu haleita nafni birtiz Mikhael Abrincensi byskupi i fimta sinni [með itarligri syn⁹ sva mælandi: «Rek¹⁰ bröt allan ekka þins hiarta¹¹, því at ek kann gefa þer heillt rað at fæa mina helga doma; gör tva bræðr guðhrædda austr æ Pul til kirkiu minnar i Garganum, fa þeim goða fylgð, sva at þeir megi vel fara, en ek skal sva um ganga, at þeir fai ærendi þat er þer liki; ertu því skyldari at fagna oss sem bezst öllum saman ok ganga ut i moti oss þann tima, er ver komum aptr or þessi ferð.» Eptir sva greint af guðs vin Mikhaeli, vaknar byskup ok breytir öllu, sem honum var boðit, faandi bræðrunum vænt skip meðr røskum liðsmönnum; fara þeir ok fram koma i allri farsælld, sem þeir mundu kiosa, ganga af skipi ok sækia fiallit Garganum, finna kirkiu Mikhaelis ok biðia þann signaða herra bliðra ærendisloka. Var i þenna tima skipaðr einn virðuligr æboti firir þionostugiorð a fialli Mikhaelis¹², tekr hann sendiboðana meðr öllum goðvilia heyrandi giarna þeira ærendi. En sakir þess at hann skilr bræð(r)anna bæn ok byskups orðsending of biðða því valldi, er Sepontinus byskup veitti honum ifir kirkiu¹³, sækir hann heim

1 steig B. 2 styra B. 3 musterit tilf. B. 4 [tilf. B. 5 heim B.

6 bragð B. 7 æa B. 8 i B. 9 [saal. B; i nalægri A.

10 Tak B. 11 [or skapi þer B. 12 Gargano B. 13 kirkiuna B. 40

sinn herra ok tiar honum greiniliga, hvat giorz hefir i vestralfunni, ok at sendiboðar eru þagat komnir þess ærendis at þiggia heilaga doma [ens sæla¹ Mikhaelis. Ok er byskup Sepontinus heyrir þvilik tidendi, offrar hann [noglig tær ok² lof almatkum guði, er
5 veita virdizt mannlígun veykleik³ hialp ok heilagt fulltingh firir bæn ok blezan þeira sǫmu, er þiona eilífiga firir hans⁴ velldis-
hring. Eptir þat er byskup ok æboti hafa gort sitt ræð með tillogum⁵ Mikhaelis, fara þeir badir samt upp æ fiallit ok boda⁶ sendimonnum i kirkiu Mikhaelis at heyra sin ærendislok, ok at
10 hliði gefnu talar þvilik orð byskup af Seponto: «Blezaðr se værr herra Jesus Krístr Mariu son, er oss⁷ hefir sent af vestrhalfunni goð ok gleðilig tíðendi, at hinn mætazsti kirkiudrottinn værr Mikhael hǫfuðengill hefir þar kiorit ser með samri⁸ birting annan virðingarstað. Ok til heilagrar [þeirar kirkiu pryði⁹ vilium ver
15 giarna alla astuð frami lata, sem hinn blezaði Mikhael hefir oss boðit; þvi skolu þeir bræðr sendiboðar Mikhaelis þiggia æskiligt ærendi ok taka með þeim reliquiis, [er æzstar¹⁰ megu finnaz i fialli¹¹ Mikhaelis, þeim skilmala medal settum, at sva sem sami hǫfuðengill himnaríkis lysti varn stað ok yðvarn sialfs sins virðing¹²
20 birting ok blezadum kosningh, sva skal milli varra staða eilífiga standa elskuband ok astriki i sǫnnum guði ok einkanligum feðr vorum Mikhaeli.» En er byskup hefer sin orð til enda gort, falla sendiboðar fram i litillæti þakkandi með hiarta ok munni, hverssu drottinn himins ok iarðar gorði farsælan þeira veg. Gengr þa
25 byskup til með guðligum otta ok sniðr¹³ part af þeim sama rauða duk, er haleitr Mikhael hafði með prýtt þat sama kirkiunnar altari, er hann smidadi, sem fyrr greindi i sǫghunni. Her meðr leggr byskup upphogginn hlut af þeim marmarasteini, er heilagr Michael stoð æ firir norðrðyrum, sem fyr var sagt. Taka sendimenn þessar
30 mætazstu gíafir gláðari en gull, virktum varðveitandi framar en fegursta topazion, en gefa byskupi Sepontino ok abota Mikhaelis gláða þack¹⁴ ok goðan dag firir tiguliga trakteran [ser veitta¹⁵, raðandi síðan i veg sva vel ok giptuliga, at gengr at solu, koma fram með heilu ok holldnu gerandi orð¹⁶ Abrincensi byskupi, at þeir eru
35 landfastir með [sannri farsælld¹⁷ allra sinna ærenda. Verðr byskup

1 [tilf. B. 2 [nogligt B. 3 veickleik B. 4 verdleiks tilf. B.
5 tillagu B. 6 saal. B; boda A. 7 vorum eyrum B. 8 saal. B;
sannri A. 9 [pryði þeirar kirkiu B. 10 [sem æztir B. 11 musteri B.
12 mgl. B. 13 synði B. 14 saal. B; þoukk A. 15 [sem vert
40 var B. 16 tilf. B. 17 [heilu ok holldnu B.

þeiri sögu fegnari, en fra megi segia, þviat nu gangazs¹ goð
 tiðendi glauð i moti, ok fagnaðir kyssa fagnaði, þviat rett a sama
 deghi er musteri algort i Arena, sem hann fregn heimkvamu
 sendiboðanna. Þvi byðr hann i stað, at til hans komi ægetazstu
 menn rikissins bæði kirkiu ok kurie at sæma sinni nalægð þann
 haleita thesaur, er i var kominn þeira landskap. En hvat ma
 segiaz af þessari fylgð ok ferð, er aull hliðaði meðr himnasongh²
 hiartaligrar cantilene moti sælum Mikhaeli. Allar nælæggar halfur
 syngia lof með fagnaði flokkum rennandi firir ok eptir, snauðir ok
 sælir, kallar ok konur, yngri ok ellri, allir kveiktir einum elldi at
 virða, dyrka ok lofa þann haleita hofðingia himneskkrar herferðar³,
 er þeim veitti guðliga [forsiala⁴ gíof til eilifra fagnaða. Ei ma
 greinaz su andlig gleði, er guðs vinir þagu æ þeim degi, er
 heilagir domar Mikhaelis baruzt inn i nyia musteri, þviat alla vega
 ut i fra var kvikt ok lifanda til iarteinagiorðar i krapti almattigs
 guðs, sva at æ sialfum veginum toku syn .xii. blindir menn, ok
 umfram ein kona af þeim bæ er Austeriakus heitir, hon hafði latið
 með stríðum augnaverk bæði sin augu, sva at tomir voru augna-
 staðirnir⁵, at þvi haleitari yrði heiðr Mikhaelis i hennar heilsubot.
 Þessi kona var i fylgd með [heilagum domum⁶ af þvi heraði, er
 hun atti heima, ok iamfram sem ferðin kemr aull saman niðr at
 slettlendi sandanna, tekr konan lios en kastar myrkrum, undrandi
 sina noott hafa brott flyt undan nyium degi skiærrar synar. Ok
 eigi veittuz guðligar iarteignir firir dyrligar gíafir Mikhaelis at eins
 æ þeim degi, hellðr skina þar dagliga biartir geislar krapz ok
 stormerkia ut til beggia handa i lof ok dyrð varum græðara [ok
 hans mætaazsta eyrendreka⁷, þviat iarteignaræs hefir ekki takmark⁸
 i þeima stað, hvar firir allr heimr vestrhalfunnar flytr ok ferr til
 þessa brunnz finnandi⁹ skiæra drykki af lifskelldu Mikhaelis.
 Þessi staðr er sva heilagr, at þar fremz ekki veralldligt verk, ok
 þeim einum heyrir þessi staðr, er gudi unna ok honum iðuliga
 þiona. Þvi flytr þessi staðr margan mann til eilifra fagnada, at
 brennandi ast kraptanna rikir þar i [musterum andanna¹⁰. Þessi
 haleiti¹¹ staðr fekk nytt nafn, siðan hann efdiz, ok er¹² kallaðr
 Tumba, þat þyðiz [at voru mali¹³ sem eitt leiði¹⁴, þviat ef langt
 seer til staðarins, er þvi likt æ [sitt form¹⁵, sakir þess at lægt er

¹ saal. B; gerazt A. ² ymna sang ok salmum B. ³ dyrdar B.

⁴ [saal. B; ok forsiola A. ⁵ staðir augnanna B. ⁶ [saal. B;
 heilogum dominum A. ⁷ [tilf. B. ⁸ taumalag B. ⁹ saal. B; frandi A.

¹⁰ [musteri andar(inn)ar B. ¹¹ tilf. B. ¹² var B. ¹³ [tilf. B.

¹⁴ hiði B. ¹⁵ [saal. B; sin form sem A.

husat, sem fyrr segir, en staðan hrosar eigi sakir laughlendis. Tysvar ¹æ hverium degi lætr guð hafið vægia ok veita goðfusum lyð lidugan gang til lofs ok dyrðar Mikhaeli, en þess [i meðal ²bannar siorinn alla tilferð. Verða hans bygðer ³þvi betri ok nalægri ⁴guði, sem þær eru heiminum fiarlægri ok meirr fra byrgðar ⁵hans sukki ok osoma ⁶4.

29. Heyrt höfum ver, bræðr minir, hversu andaligr faðer værr haleitr Mikhael hefir birt ok kiorit tva upphafliga stadi ⁵ser til tignar a iarðriki, hvar firir hans eingiligri ⁶dyrð eru lofgerandi ⁷bæði af hiarta ok munni, þviat með nyiu formi grundvallaði hann frabæra sina gofgan, sem engum er mattulegt utan guði einum; ok þat er viðrkvæmiligt, at einkanlig se verk Mikhaelis til þess, at hann sanni nafn sitt. En af hans blezaða nafni er þat fyrst hugsanda, sem Gregorius pafi segir i Roma, at [guðlig vitran ⁷himneskrar speki þarf eigi nafn gefa til auðkennis sinum borgarmonnum, þviat þar er guð allir hlutir aullum ⁸. Þvi er nafn Mikhaelis eigi natturu nafn helldr embættis, er hann tekr af þeiri dygðar þionostu, er drottinn himnakonungr skipaði honum. Mikhael þyðiz hverr sem guð, þviat sva opt sem nokkut geriz i dasam- ¹⁰ligum krauptum með kristninni, er þar tilsendr Mikhael af guði, at bædi megi vel skilia af nafni ok verki, at þat er guð aflar ma engi iafnb(i)oða ⁹. Þessu signaða nafni þiona bæði musteri i Gargano ok Tumba, þviat þau eru bæði sett i undarligum hætti guðligx almættis, sem eingis mannz hond matti ¹⁰vinna, hvart i ¹¹sinni stoðu. En einkanliga ifir aðra hluti [fram fylgir Mikhael ¹¹nafni sinu, þa er hann drepr sialfan diofulinn i heims enda ok steytir honum i diupa dyflizu helvizkrar myrkvastofu streingiandi aptr dyrr eilifum læsi, er alldri brestr [i veralldir ¹². Af þessum sigri lofar Mikhaelem öll kristni, þvi at aðr hann setr sitt væna ¹³spiot til lags, gerir fiandinn harða hrið ok digrar dunur i verolldinni, sem alldri fyrr þvilikar af heims upphafi, þviat hann skilr þa skamman hernaðar tima eptir standa til heims loka, ok þvi er hann grimmari [en fyrr finnandi nytt ræð at ræna heiminn ¹³lifnu. Pestifer ¹⁴, er fell of metnaðar götu, sem ver greindum fyrr ¹⁵[i upphafi þessarar sögu ¹⁵, tekr þa mandom ok segiz Kristr vera,

¹ [a millum B. ² bygdarmenn B. ³ byrgdir B. ⁴ hegoma B.
⁵ tilf. B. ⁶ saal. B; eiginligri A. ⁷ [guds vitra B. ⁸ iafnkunnir B.
⁹ sambioda B. ¹⁰ mætti B. ¹¹ [fylgir Mikhael fram A. ¹² [um
alldr B. ¹³ [mgl. B. ¹⁴ Sa enn sami Pestifer B. ¹⁵ [saal. B;
i varu mæli A.

lyiandi veroldina ymissum hattum sinnar flærðar, lokkandi með fegiofum, leiðandi með slettum orðkrokum, stangandi með stríðum kvölum. Verðr með þessum þrimr hattum sva hræðilig ogn, at naliga pipra valdir menn, þviat þann tíma gerir sa iarteinir, er drepr ok deyðir, en hinn engar, er þoler ok þreytir. Þvi er sá 5 ofsoknar elldr sva brennandi, at engi mætti þola, ef hann kiæmi a uvert. En nu birti guð almattigr ok milldr firir spadom heilagra, at hann man koma, ok þvi er hægra i moti at sia. Nu þann tíma sem hófuð allrar illzsku diofullinn sialfr, er þann tíma kallaz Antikristus hefir rikt i hernadar valldi þriu ær ok halft fiorða, ok 10 hann segiz skolu til himna stiga eptir sina falsliga¹ upprisú nær þeim stað, er varr herra steig af fialli Oliveti æ Jorssalalandi, kémr Mikhael i miklum krapti, þar sem Antikristus sitr i hasæti i vegligu landtialldi, leggiandi þann dioful digru spioti sva mattugri hendi, sem guðlikt einvalld dæmdi ok diktaði; syngia þa 15 himneskir englar fagnaðarlof almatkum guði, at asakari² þeira, þat er at skilia kristinna manna, er at velli laghinn ok lægðr i pytt helvitis. I þessa minningh sigrvegara Mikhaelis er hans likneskia formeruð með spiotlagi i munn dreka, er ligr undir fotum hans, þviat Antikristus kallaz dreki, er blæss eitri ok illzsku fra ser 20 aullum megum.

30. Nu sakir þess at hinn haleiti Mikhael slokkvir þann eitrofn³, er margs mannz siðu bakaði, [siðan heimrinn stoð⁴, er astarelldr þvi framarr kveikiandi honum til lofs ok dyrðar i kristninni, at liosir lampar goðra verka væri glatt skinandi meðr guð- 25 spialleins oleo firir hans blezaðu⁵ asianu. Þviat vitru hiarta er virðanda, hversu valld ok viðerni⁶ Mikhaelis er langt ok breitt himneskum höfðingskap firir þa fylgd ok faðmlag, er hann veitir allri kristni⁷, er guði þionar; þvi spyrium ver, hvat rettara verðr⁸ talað, en Mikhael hófuðengill kalliz kirkiudrottinn allrar heimsbygðar, 30 þviat andir rettlatra manna eru musteri guðs, hver enn haleiti Mikhael flytr i sinum faðmi til eilifra himiríkis fagnaða. Hver er su saala, er hans verndar [ok umsiar⁹ megi missa? þvi afsakiz¹⁰ eingin vigslupallr, alldr eða kyn þenna dyrka, lofa ok vegsama, er firir enga sauk girniz mannliga tillotning utan hialpa, styðia ok 35 styrkia þat, er hann ser i fre(i)stnistormum rekit ok lamit reikanda fara. Nu er þar mælli komit, sem ver gatum i upphafi, at stutt

1 ferliga B. 2 asakan beggia B. 3 eitroirn B. 4 [af heims upphafi B. 5 blezadri B. 6 virding B. 7 heimskringlunni B. 8 finzs B. 9 [tilf. B. 10 afsegizs B.

ok litið verðr skrifat af dyrð ok verkum Mikhaelis, þviat hans lof-
 samligh flur eru fleiri, en mannligh tunga meg þau¹ finna; þvi er
 þetta litla verk at enda komit meðr þvi niðrlagi, at drottinn [allra
 miskunna² hialpi þeim, er þessa sǫgho heyra ok sinn kost til gefa
 5 hana at skrifa upp i lof Mikhaelis ok allra heilagra engla. Biðr³
 ek litillatliga, er þessa [ræðu samsetti⁴, at þeir guðhræddir menn,
 er þenna bækling hafa með höndum, minnizst sælu [broður Sokka
 sonar⁵ æ hatidardegi Mikhaelis meðr nokkurri bæn eða olmusu,
 sva at firir þat ok annat gott, er þeir gera guði til lofs ok dyrðar
 10 i æst ok elsku nauðstaddra naunga varra⁶, taki þeir hialp ok
 hvilld i fylgð ok faðmi herra⁷ Mikhaelis fram i þann eilifa⁷ fagnat,
 er blongaz með broðerni⁸ englanna, hvar lifir ok rikir lof ok
 pryði allra heilagra eingetinn guðs son Jesus Kristr elskuligr Mariu
 son samiafn feðr ok heilögum⁹ anda einn⁷ eilifr ok oskiptiligr guð
 15 per omnia secula seculorum. Amen.

1 telia eða *B.* 2 [allrar miskunnar *B.* 3 Bið *B.* 4 [saal. *B.*;
 reðu samsæti *A.* 5 [minnar *B.* 6 sinna *B.* 7 tilf. *B.*
 8 bruði *B.* 9 helgum *B.*

APPENDIX.

(*Cd.* 657^a *qv.*; *jvf.* *Postola Sögur S.* 467.)

Af Diocletiani(!) keisara.

A dogum Diocleciani keisara styrði guðs kristni Marcellinus pafvi. Gekk þa hredilig ofsokn yfir oll lond næliga, þviat keisar- 5 inn var hinn rammazste blotmaðr, ok i þeim ofride, er sva geisar brennande, kugar hann sealfan pafvann till skurðgoða blota. Ok hann viknade sva miok fyrir, at hann gekk inn i hof ok bar reykelsi fyrir skurdgodi. En þegar eftir þat auma verk vitiadi hans miskunn v~~ars~~ drottins, er engan vill fyrirlæta; þviat þesse maðr 10 Marcellinus var dyrdlegr maðr bæði æðr ok síðan. Ok sem beisklegre iðran hefir alvarlega tekit heartað, leitazst hann um, hversu hann skal retta sitt mæl; kemr honum þat till hugar, at austr æ Pul hafde hann bodit byskupafund margmennan, því riðr hann austr þannigh. Ok er hann kemr at byskupamotinu, afflettir hann 15 sik tignarklæðinu ok tekr idrande manna klæde ok bunat, gengr sva upp æ þingit med lutu hofði¹ ok harmþrungnu hearta, fellr framm i midiu ok iattar glæpsku med opinberri raust sært gratande, biodande sik þar med undir oll þau harðendi, sem þeir vilia æ hann leggja. Sem hann hefir uti, þegia aller ok samharma herra 20 pafvanum. Eftir þat talar einn byskup, er bedi var vitr ok gamall i godum sidum, ok tekr sva till orðz: «Herra fader, segir hann, biðr ek, at þer segit, ef þat er yðart orlof, at ek svare nokkuru.» Sem herra pafvinn hefir orlof gefit med frabæru litilleti, talar sva byskupinn: «I annan tima biðr ek, at þer virdizst at svara mer till 25 þess sem ek spyr.» Sem þat er iattað, segir hann sva: «Misgerde Petrus?» Herra pafvinn iattar, at hann neittade Kristi. Byskupinn spurdi, hvart hann neittade eitt sinn edr optarr. Herra pafvinn

¹ hofða *Cd.*

- segir, at hann neittade þrysvar. Byskupinn seghir: «Hverr heyrði iattning hans, hverr leysti hann, eðr hverr setti honum skriptir?» Ok sem her verðr herra pafanum orðfall, tekr byskupinn till sin sealfs sins spurningh: «Einghi maðr æ iardriki leysti Petrum, engi gaf honum avitan, ok engi lagði honum skrift utan sealfr hann, sem lesit er, at Petrus gekk ut ok gret særlega. Hvi sva? Þvi at engi daudligr maðr a iardriki bar valld yfir hans hofuð, hellðr var hann hofðingi allra. Geri þer ok sva at hans dæmi, þviat þer erut hinn ezsti byskup i kristninni yfir alla skipaðr en undir engum. Setizst upp i domseti ok skriptid yðr sealfir sva stridt, sem yðr likar.» Þerse fortolu tekr pafinn sva med mikilli gledi ok hlydni, sem honum vëri af himni send ok af sealfs guds munni tolut, setzst upp i stad ok diktar sva fallinn dom ifir sin afbrot: «Sæ er i fyrstu grein, segir hann, domr minn, at fyrir þa þionkan, er ek veitti skurdgodinu, er ek sanuprofaðr blotmaðr. I adra grein er mitt afelli sva mikit vordit, sem ek hefi dregit med mer alla kristni guðs i helvitiss munn ok skurdguða villu. Hvat mætti limrinn hugsa utan hrata somu leid, sem hofudit for fyrir? ok fyrir mina glepsku sva hræðilega sem uheyrða skal ek. eigi sva dearfr, at ek skipi minn legstad hea heiloghum byskupum, ok þvi siðr hea þeim, at ek leggr vid bandsettningh, at engi maðr veiti mer kristilegan groft, hvar sem ek deyr, eða hvat sem mer verðr at alldrslitum.» Eftir þenna dom uppsagðan, ok margr maðr heyrði gratande æ þeim degi daasamande þvilika iðran sva mikillar personu, snyrr herra pafinn sem hvattlegazst aftr i Rom, geingr inn i holl Diocleciani keisara ok talar sva till hans: «Her em ek nu kominn, Marcellinus pafvi, eigi blotmaðr, hellðr rettkristinn fornari heilag(r)ar guðs kristni. Hvat er lengra, en sva sem keisarin skilr hann stoðugan i rettri tru Kristz, gefr hann urskurð, at utan borgar setizst af honum hofud. Sva for Marcellinus hinn fyrsti pafvi med þvi nafni til guðs, sem till gengr skyr vættir i þvi, sem her ferr eftir. Þrea tigi daga hina næstu læ hans likamr utan borgar omyllðr fyrir dyrum ok fuglum. En sva varði miskunn guðs þann liufa likam, at ekki grand matti hann nalgazst. En hvi hann læ sva, er æðr greint i hans domi. Innan þersarra daga var kosinn Marcellus pafi goðr maðr fyrir gudi, ok eina nætt kemr heilagr Petrus postoli at honum i syn sva mælande: «Marcelle brodir, segir hann, hvi grefr þu eigi likam minn?» «Hverr ert þu herra minn?» segir Marcellus. «Ek em, sagdi hann, Petrus hofðingi postolanna.» Marcellus segir: «Hvat talar þu, herra minn

seti, um þinn líkam, hversu megu ver hann grefta, sva at framarr se her í Roma?» Postolinn svarar: «Líkam minn kalla ek líkam Marcellini brodur mins.» Marcellus svarar: «Herra minn seti, hverr man þora hann at snerta sakir se ~~al~~fs hans stormela?» Postolinn seghir: «Er þer af minni fallit, hvat meistare minn 5 sagde Jesus Krístr, hverr er sík legir, sagde hann, man upp rísa. Seg mer nú þat, hversu matti hinn ezsti byskup legia sík meirr med allri fyrlítningh en fyrirbioda ser kristinna manna samlagh? Því skulu nú fyllazst ~~æ~~ honum se ~~al~~fs drottins demí ok orð, at hann skal upp hefiazst beðe med guðe ok monnum, þvát rett hea 10 sealfum mer skulu þer grefta hann med allre sēmd, er Roma kirkia hefir veitta sinum formonnum ok guds pinslarvætt(um). En því skal hann hea mer liggia, at við erum bræðr í stett, palli ok iðran ok nú (i) himnesku samlagi.» Eftir sva talat ferr Petrus heim, en Marcellus vaknar ok gerir allt, sem bodit var. See værum herra 15 Jesu Krísto lof ok dyrð, er hverium iðranda manni líknar ok leidir till sinnar miskunnar, e því flíotara sem hverr gerir sík legra ok greðr beiskarra.


RETTELSER.

10 ³⁸	gat hana	<i>læs</i>	gat hann
15 ⁹	Agnes ;	-	Agnes ; ¹
33 ³²	giæzkueingli	<i>bør rettes til</i>	giæzlueingli
41 ¹⁵	vagsama	<i>læs</i>	vegsama
44 ²⁷	sigriztb i ardogum	-	sigrizt i bardogum
49 ³⁴	liki lans	-	liki hans
52 ³⁴	sem	-	sem
65 ²⁶	reiðinnar ¹	-	reiðinnar ²
— ³⁵	þessa ²	-	þessa ³
87 ²⁷	vlfvallda ¹	-	vlfvallda ²
— ³²	opolandligr ¹	-	opolandligr ³
— ³⁹	<i>her Cd.</i>	-	<i>her Cd.</i> ³
97 ³⁴	semblandaðan	-	samblandaðan
100 ¹⁴	stopli	-	stolpa
101 ¹⁰	miskvnnur	-	miskvnnar
115 ⁷	han(s eptir)	-	han(s)
119 ²⁰	verðveittv	-	varðveittv
143 ³³	var <i>A.</i>	-	var <i>a.</i>
198 ²⁹	dege	-	degi
— ³²	górpi	-	górpi
279 ²²	þefa	-	þurfa
281 ³⁰	hrendir	-	brendir
344 ²⁶	poddur ¹	-	poddur ²
— ³⁵	hendr ²	-	hendr ³
— ³⁷	ok ³	-	ok ⁴
453 ²⁴	Nv er farið	<i>bør rettes til</i>	Sva er farið
466 ³⁵	Myrra	<i>læs</i>	Dyrar



2381 4





PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
